






~~7. V-2~~

~~13-19-A-53.~~

~~13-19-F-35-~~







TRACTATUS  
DE  
LIBERTATIBVS  
ECCLESIAE  
GALLICANÆ,  
CONTINENS

Amplam discussionem Declarationis factæ ab Illustrissimis Archiepiscopis, & Episcopis, Parisiis mandato Regio congregatis, anno M. DC. LXXXII.

Vos in Libertatem vocati estis Fratres : tantum ne libertatem in occasionem detis carnis. Gal. 5. 13.

AVTORE M. C. S. THEOL. DOCTORE.

*Ad Vsum*  
*à S. Philipo*  
*D. Balthasaris*  
*Nerio.*



1689



LEODII,  
Apud MATTHIAM HOVIVM. M. DC. LXXXIV.

*Superiorum permissu.*

2270

THE UNIVERSITY OF CHICAGO

LIBRARY

1911-12  
1912-13

THE UNIVERSITY OF CHICAGO

# PRÆFATIO.



**L**ibertates Ecclesiæ Galli-  
canæ tam frequenter, &  
in rebus tanti momenti  
jam pridem laudabantur  
ab illius Gentis Scriptori-  
bus, & rerum Ecclesiasticarum Tracta-  
toribus; ut nemo esset, quin earum  
rationem, originem, progressum, par-  
tes, & justitiam nosse cuperet. Cupi-  
ditatem illam nova Præsulum Parisiis  
mandato Regio congregatorum de Ec-  
clesiastica potestate Declaratio vehe-  
mentius accendit, ut Tractatum eo de  
argumento conscriptum avidè legen-  
dum existimem. Aliqui viri docti pro-  
positionem unam, aut plures ex iis,  
quæ in prædicta declaratione continen-  
tur, confutandas susceperunt: nemo

Libertatum Gallicanarum, quas peni-

## P R Æ F A T I O.

tus nosse operæ pretium erat, naturam investigavit, aut exposuit. Quamobrem, licet vires meas longè impares agnoscerem, tentandam etiam illam partem, & cùm aliis exponendam existimavi; ut in apertam lucem educerentur quæcumque præfata Declaratio complectitur. Quo in studio tantum laboris & diligentiae contuli, ut sperare auserim, neminem fore, quem temporis in iis, quæ profero, legendis consumpti poeniteat; ac fortè nonnullos exituros, qui, cognitâ ex hoc specimine materiæ dignitate, ad eam perfectiùs tractandam, ingenii vim, doctrinam, & eloquentiam, quibus pollent, conferendas existiment.

II. Quatuor præcipuè declarata sunt ab Illustrissimis Archiepiscopis, & Episcopis Gallicanis; Primum, Reges & Principes in temporalibus nulli Ecclesiasti-

# P R Æ F A T I O.

siasticæ potestati, Dei ordinatione sub-  
jici; neque autoritate clavium Ecclesiæ  
directè vel indirectè deponi, aut illo-  
rum subditos eximi à fide, atque obe-  
dientia, ac præstito fidelitatis Sacramen-  
to solvi posse. Secundum, valere, atque  
immota consistere Synodi Constan-  
tensis Decreta de autoritate Concilio-  
rum generalium, quæ sess. 4. & 5. con-  
tinentur: nec probari à Gallicana Ec-  
clesia, qui eorum Decretorum, quasi  
dubiæ sint autoritatis, ac minus ap-  
probata, robur infringant, aut ad so-  
lum schismatis tempus Concilii dicta  
detorqueant. Tertium, Apostolicæ po-  
testatis usum moderandum per Cano-  
nes Spiritu Dei conditos, & totius mun-  
di reverentia consecratos: valere etiam  
regulas, mores, & instituta à Regno,  
& Ecclesiâ Gallicanâ recepta. Quartum,  
in fidei quæstionibus Summi Pontifi-

## P R Æ F A T I O.

cis irreformabile non esse iudicium, nisi Ecclesiæ consensus accesserit. Præmiserant autem, se ad ea declaranda fuisse adductos, ne Ecclesiæ Gallicanæ Decreta & Libertates à majoribus suis magno studio propugnatae, earumque fundamenta Sacris Canonibus, & Patrum traditione nixa diruerentur; tum ne Romani Pontificis Primatus, & majestas imminueretur; ac denique ne simplices animæ ab Ecclesiæ Matricis, Christi-que aded communiōe dissociarentur. Concludunt, Declarationem ad omnes Ecclesias Gallicanas, atque Episcopos iis Spiritu Sancto autore præsidentes mittendam.

III. Ut hæc omnia diligenter discutiantur, ac circa ea veritas elucescat, Tractatum hunc in duodecim Libros partimur, quorum primus naturam, originem, ac progressum Libertatum Ecclesiæ



## P R Æ F A T I O.

clesiæ Gallicanæ investigat. Secundus autem illarum justitiam considerat, occasione illorum verborum, *Ecclesia Gallicana Decreta, & Libertates multi diruere conantur*. Tertius de Libertatum Gallicanarum propugnatoribus agit, occasione illorum verborum; *A Majoribus nostris tanto studio propugnatas*. Quartus de potestate Ecclesiæ in temporalia Principum disputat, occasione primæ Propositionis. Quintus Concilia cum Summo Pontifice componit, occasione secundæ Propositionis. Sextus est de Summi Pontificis autoritate, præcipue circa summa disciplinæ Ecclesiæ Gallicanæ Capita, occasione tertiæ Propositionis. Septimus, cujus sit momenti Summi Pontificis in decidendis Fidei quæstionibus judicium, expendit, occasione quartæ. Octavus originem jurisdictionis Cleri, ac præsertim Episcoporum

rum

## P R Æ F A T I O.

rum inquit, occasione illorum verborum; *Episcopos iis* ( Ecclesiis ) *Spiritu Sancto autore praesidentes*, quibus, ut indicant publicata deinde, quasi commentarii loco scripta, insinuatur Episcopos jurisdictionem suam à Summo Pontifice non accipere. Reliqui Libri alia prosequuntur Libertatum Capita, quæ in variis Scriptorum Gallicanorum libris continentur, quæque omnia videntur tertiâ Propositione confirmata.

IV. Cæterum, si quid ignorant, aut incogitanti mihi contra veritatem, contra justitiam, aut etiam contra debitam cuiquam reverentiam exciderit, pro non scripto habere velim, atque ad primum æqui Lectoris monitum, nedum ad Ecclesiæ nutum, cujus semper & iudicio, & imperio, Deo adjuvante, subiacere cupio, me illud emendaturum polliceor.

## P R Æ F A T I O.

V. CLERI tamen tam illustris dum in re tam gravi declarationem examinandam aggredior, nemo me temeritatis accuset. Cur enim dissidentibus à parente filiis, nefas sit Patris jura defendere? Cumque in Gallia potestatis etiam sæcularis terrore Theologi ad sequendam Episcoporum doctrinam adigantur, quomodo alii, quibus liberum est, quod sentiunt, promere, debitæ communi omnium parenti pietatis officio non desint, si ejus causæ patrocinium ultrò non susceperint? Temeritatem si qua consilio meo inest, ne autem insit, plurimùm mihi verendum est, totam in eò positam video, quod ad opus tam arduum, ipse tam tenuis manum admoveam. Verùm, ubi eos, qui ad causæ justitiam, parem eloquentiæ vim afferre possunt, orantes audiero, libens tacebo.

VI. Nec tamen celeberrimo Clero Gallicano, me hac in parte adversari confi-

\* †

teor

# P R Æ F A T I O.

teor. Nam , præterquam quod Episcopi tantum congregati hanc Declarationem emisere , aliis non mandantibus , nec suapte spontè probaturis , contrariam mentem frequentioribus , & liberioribus Comitiiis aliàs idem Clerus aperuit , ut sequentibus testimoniis præviè demonstro.

VII. Primæ propositioni viriliter restitit Clerus Gallicanus in Comitiiis generalibus illius Regni anno 1614. & 1615. habitis. Exstat hac de re , & ( ne mutata ita pridem sententiam suspiceris ) cum aliis Cleri Galliani Actis, Tomo 5. collecta est anno 1673. Illustrissimi, ac per totum orbem Christianum celeberrimi Cardinalis Perronii eloquentissima oratio , in qua non solum pro Ecclesiastico, sed etiam pro Nobilium Ordine se dicere declarat ; his ipsis verbis tertium Ordinem alloquens ; *Considérez que ce n'est point moy que vous écoutez.* CAR CE N'EST POINT MOY QUI PARLE EN CETTE CAUSE, MAIS TOVT LE CORPS DE L'ORDRE ECCLESIASTIQUE,

# P R Æ F A T I O.

QUE, ET TOVT CELVY DE LA NOBLESSE, qui  
luy a donné adjoinction, & a député ces dou-  
ze Seigneurs, pris des douze Gouvernemens du  
Royaume, afin d'autoriser mes paroles de leur  
presence, & témoigner en cette occasion la mes-  
me devotion que leurs Predecesseurs ont portée  
à l'Eglise.

VIII. Secundæ Propositionis veritas ita  
pendet à veritate quartæ, ut Joannes Lau-  
noius, qui suis epistolis iter ad declaratio-  
nem infra descriptam complanasse vide-  
tur epist. 6. Tomi primi, postquam Papæ  
judicium non esse infallibile probare ten-  
tavit, etiam autoritate Romanorum Pon-  
tificum, concludat pag. 42. *Hæc est igitur  
Apostolica Sedis doctrina*, HÆC TRADITIO, CO-  
MES INDIVIDVA ILLIVS ALTERIVS, QVA ROMANVS  
PONTIFEX CONCILIO SVBJICITVR. *Qui Theolo-  
gus placita duo ista connexa inter se non esse  
assereretur, non falleretur modo; sed imperi-  
tum etiam se & professione sua indignum pro-*  
ba-

# P R Æ F A T I O.

*baret.* Similia in pluribus aliis locis scripsit. At non solum has Propositiones inter se connexas esse sensit, sed etiam quartam continere secundæ causam, & rationem; *Nimirum*, inquit epist. 5. Tomi quarti pag. 29. RATIO CUR (Papa) SYBET CONCILIO, EX EO TOTA REPETITVR, QVOD IN FIDE, ET MORIBVS ERRARE POSSIT. Atqui Ecclesia Gallicana sæpè declaravit Papæ iudicium in quæstionibus Fidei, ad quas pertinent etiam dubia circa præcepta morum, esse infallibilia. Credidit ergo Papam non subesse Concilio. Celeberrimus Conventus Melodunensis anno 1579. tit.1. Constitutionum, qui est *de fidei professione* sic decrevit; *Operam dabunt ii quibus hac cura demandata est; Episcopi scilicet, & eorum Vicarii, ut in omnibus Synodis tam Diæcesanis, quàm Provincialibus, OMNES ET SINGVLI, TVM CLERICI, TVM LAICI AM- PLECTANTVR, ET APERTA PROFESSIONE EAM FIDEM PRONVNCIENT, QVAM SANCTA ROMANA ECCLESIA* MA-

# P R Æ F A T I O.

MAGISTRA, COLUMNA, ET FIRMAMENTVM VERITATIS PROFITETVR, ET COLIT. *Ad hanc enim propter suam principalitatem necesse est omnes convenire Ecclesias.* Si quis autem Romanam Ecclesiam hinc à Papa distinguendam contendat, videat litteras 85. Episcoporum Gallix ad Innocentium X. an. 1653. scriptas: *Majores causas, inquit, ad Sedem Apostolicam referri sollemnis Ecclesia mos est, QUEM FIDES PETRI NVNQVAM DEFICIENS PERPETVÒ RETINERI PRO IVRE SVO POSTVLAT. Aequissima huic legi obsequentes..... Expecta est nuper Beatitudo Vestra quantum Apostolica Sedis in gemini capitis errore profligando valuerit autoritas. Continud sedata est tempestas, atque ad Christi Vocem venti, & mare obedierunt.* Quod si quis nimium morosus cavilletur, etiam discrimen esse ponendum inter Sedem Apostolicam, & Summum Pontificem, os illi occludant aliæ litteræ à 30. Episcopis scriptæ eidem Pontifici 19. Julii eodem anno; *Non solum*

# P R Æ F A T I O.

*ex Christi Domini nostri pollicitatione Petro facta, sed etiam ex actis priorum Pontificum, & ex anathematismis adversus Appollinarium, & Macedonium, nondum ab ulla Synodo œcumenica damnatos, à Damaso paulo antè iactis, IUDICIA PRO SANCIENDA REGVLA FIDEI A SVMMIS PONTIFICIBVS LATA SVPER EPISCOPORVM CONSULTATIONE (SIVE SVAM IN ACTIS RELATIONIS SENTENTIAM PONANT, SIVE OMITTANT, PROVTV ILLIS COLLIBVERIT) DIVINA ÆQVE AC SVMMATA PER VNIVERSAM ECCLESIAM AVTORITATE NITI; CVI CHRISTIANI OMNES EX OFFICIO IPSIVS QVOQVE MENTIS OBSEQUIVM PRÆSTARE TENEANTVR, Ea nos quoque sententia ac fide imbuti, &c.*

IX. Tertia Propositio, si ed tantum spectet, ut summus Pontifex usum Apostolicæ potestatis Canonibus Spiritu Dei conditis, & totius mundi reverentiâ consecratis, quantum per temporum, personarum, & negotiorum circumstantias liceat, accomodet; utque statuta, & consuetudines Sanctæ Sedis, & Ecclesiarum consensione firmatas absque causa necessaria



# P R Æ F A T I O.

saria non immutet , prorsus necessaria non erat ; quippè cùm res sit per se nimis nota. Si autem prætextu Canonum , aut consuetudinum Summo Pontifici debita subtrahatur obedientia , vel imminuatur plena ejus potestas , ea certè propositio sensui Ecclesiæ Gallicanæ , nisi fortè à tempore ultimæ declarationis immutata sit , apertè repugnat , quod tum ex aliis multis colligitur , tum evidenter demonstrat instrumentum typis editum à Typographo Regio cum privilegio Majestatis Christianissimæ sub hoc titulo ; *Advis de l'Assemblée générale du Clergé de France à Messieurs les Archevêques & Evêques de ce Royaume* , conclusum ; *Fait en l'Assemblée générale du Clergé de France le 20. Janvier 1626.* & subscriptum ; *par le commandement des Illustrissimes & Reverendissimes Cardinaux , Archevêques , & Evêques , & de tous les Ecclesiastiques deputez en l'Assemblée générale*

# P R Æ F A T I O.

*rale du Clergé de France. Leonor d'Estampés, Evêque de Chartres*; Hujus instrumenti articulus 137. quem, utpotè aliquantum prolixum, & ipsismet verbis, Gallicis, ut tota illius vis manifestiùs appareat, exscribendum referemus lib. 9. cap. 10. tertiæ, & quartæ recentiorum Comitiorum propositionibus è regione, ac consequenter secundæ adversatur.

X. Ne quis igitur Ecclesiæ Gallicanæ splendore commotus miretur, quod nos ejus declarationem examinare audeamus. Nam præterquam quod Ecclesia Romana, cujus defendendæ autoritatis studium ad majora viribus tentanda nos impellit, Gallicanæ sine dubio præstat, ipsiusmet Gallicanæ sensum, & doctrinam propugnamus; quod ut ad ampliorem lucem deducatur, accedamus ad opus.

CLERI

# CLERI GAL·LICANI

## *De Ecclesiastica potestate Declaratio.*

**E**cclesiæ Gallicanæ Decreta, & Libertates à Majoribus nostris tanto studio propugnatas, earumque fundamenta Sacris Canonibus, & Patrum traditione nixa multi diruere moliantur; nec desunt, qui earum obtentu Primatum B. Petri, ejusque successorum Romanorum Pontificum à Christo institutum, iisque debitam ab omnibus Christianis obedientiam, Sediſque Apostolicæ, in qua Fides prædicatur, & unitas servatur Ecclesiæ, reverendam omnibus Gentibus majestatem imminuere non vereantur. Hæretici quoque nihil prætermittunt, quo eam potestatem, qua pax Ecclesiæ continetur, invidiosam & gravem Regibus, & Populis ostentent, iisque fraudibus simplices animas ab Ecclesiæ Matris, Christiſque aded communiōne dissociant. Quæ ut incommoda propulsemus, Nos Archiepiscopi, & Episcopi Parisiis mandato Regio congregati, Ecclesiam Gallicanam repræsentantes, unâ cum Ecclesiasticis viris nobiscum deputatis, diligenti tractatu habito, hæc sancienda, & declaranda esse duximus.

### I.

Béato Petro, ejusque successoribus Christi Vicariis, ipsique Ecclesiæ rerum spiritualium, & ad æternam salutem pertinentium, non autem civilium ac temporalium à Deo traditam potestatem, dicente Domino, *Regnum meum non est de hoc mundo*, & iterum, *Reddite ergo quæ sunt Cæsaris Cæsari, & quæ sunt Dei Deo*, ac proinde stare Apostolicum illud. *Omnis anima Potestatibus sublimioribus subdita sit. Non est enim potestas nisi à Deo. Quæ autem sunt, à Deo ordinata sunt. Itaque qui potestati resistit, Dei ordinationi resistit.* Reges ergo & Principes in temporalibus nulli Ecclesiasticæ potestati Dei ordinatione subjici, neque autoritate clavium Ecclesiæ directè vel indirectè deponi, aut illorum subditos eximi à fide, atque obedientia, ac præstito fidelitatis Sacramen-

men-

mento solvi posse; eamque sententiam publicæ tranquillitati necessariam, nec minùs Ecclesiæ, quàm Imperio utilem, ut verbo Dei, Patrum traditioni, & Sanctorum exemplis consonam omninò retinendam.

#### I I.

Sic autem inesse Apostolicæ Sedi, ac Petri successoribus Christi Vicariis rerum spiritualium plenam potestatem, ut simul valeant, atque immota consistent sanctæ Oecumenicæ Synodi Constantiensis à Sede Apostolica comprobata, ipsoque Romanorum Pontificum, ac totius Ecclesiæ usu confirmata, atque ab Ecclesia Gallicana perpetuâ Religione custodita Decreta de autoritate Conciliorum generalium, quæ sess. 4. & 5. continentur; nec probari à Gallicana Ecclesia, qui eorum Decretorum, quasi dubiæ sint autoritatis, ac minùs approbata, robur infringant; aut ad solum schismatis tempus Concilii dicta detorqueant.

#### I I I.

Hinc Apostolicæ potestatis usum moderandum per Canones, Spiritu Dei conditos, & totius mundi reverentiâ consecratos. Valere etiam regulas, mores & instituta à Regno & Ecclesia Gallicana recepta, Patrumque terminos manere inconcussos; atque id pertinere ad amplitudinem Apostolicæ Sedis, ut Statuta & consuetudines tantæ Sedis, & Ecclesiarum consensione firmatæ propriam stabilitatem obtineant.

#### I V.

In Fidei quoque quæstionibus præcipuas Summi Pontificis esse partes, ejusque Decreta ad omnes & singulas Ecclesias pertinere, nec tamen irreformabile esse judicium, nisi Ecclesiæ consensus accesserit.

#### V.

Quæ accepta à Patribus ad omnes Ecclesias Gallicanas, atque Episcopos iis Spiritu Sancto autore præsidentes mittenda decrevimus, ut id ipsum dicamus omnes, simulque in eodem sensu, & in eadem sententia.

# I N D E X

## LIBRORUM ET CAPITUM.

### LIBER PRIMUS

De natura, origine, ac progressu libertatum Ecclesie Gallicanæ; occasione illorum verborum, *Ecclesie Gallicanæ decreta*, &c. Pag. 1

- CAPVT I. *Cur nomen libertatis Ecclesie Gallicanæ plerisque odiosum, aut certè suspectum sit.* 3
- CAP. II. *Quid Ecclesie Gallicanæ, quidq; libertatis Ecclesiasticæ nominibus designetur.* 5
- CAP. III. *Quomodo definiantur libertates Ecclesie Gallicanæ.* 10
- CAP. IV. *Definitionem libertatum Ecclesie Gallicanæ communiter traditam non esse legitimam.* 13
- CAP. V. *Quod Ecclesie Gallicanæ libertates non contineantur in solo Codice Canonum Ecclesie universalis.* 14
- CAP. VI. *De Codice Dionysii Exigui.* 17
- CAP. VII. *De Canonibus Apostolorum.* 19
- CAP. VIII. *De Canonibus, & Decretis à Dionysio Exiguo prætermisiss.* 22
- CAP. IX. *De Epistolis Decretalibus antiquiorum Pontificum.* 25
- CAP. X. *De speciali Ecclesie Gallicanæ Codice.* 29
- CAP. XI. *De Capitularibus Regum Franciæ.* 32
- CAP. XII. *Mancam esse definitionem Libertatum Ecclesie Gallicanæ, nec rei definitæ convenire.* 34
- CAP. XIII. *Ostenditur ex alio capite mancām esse Libertatum Ecclesie Gallicanæ definitionem.* 37
- CAP. XIV. *De origine libertatum Ecclesie Gallicanæ, &* pri-

# INDEX LIBRORUM,

- primò , Utrum in Concilio primo Turonico , vel in Francofordienſi uſurpatæ fuerint ?* 40  
 CAP. XV. *An origo Libertatum Eccleſiæ Gallicanæ circa veterem diſciplinam referenda ſit ad Pragmaticam Sanctionem ſancti Ludovici.* 44  
 CAP. XVI. *Vera origo , & progreſſus libertatum Eccleſiæ Gallicanæ.* 48

## LIBER SECUNDUS

De Juſtitia Libertatum Eccleſiæ Gallicanæ, &c. 53

- CAP. I. *Laudandum eſſe conſtantiem antiquorum Canonum uſum.* ibid.  
 CAP. II. *Neceſſarium eſſe aliquando per novas leges antiquis derogare.* 57  
 CAP. III. *An poſſint novæ leges Eccleſiæ antequam acceptentur , examinari.* 60  
 CAP. IV. *Utrum leges non acceptatæ obligent.* 63  
 CAP. V. *Confirmatur vim Legum ab acceptatione non pendere.* 67  
 CAP. VI. *An leges Eccleſiaſticae minori quàm Politicae autoritate polleant.* 70  
 CAP. VII. *Oſtenditur Doctores , quos citat Dominus de Marca non docere , vim legis à promulgatione pendere , ſed potiùs contrarium.* 76  
 CAP. VIII. *Oſtenditur ex verbis aliorum Doctorem , quos citat Dominus de Marca , non probari vim legis à promulgatione pendere , ſed potiùs contrarium.* 79  
 CAP. IX. *Utrum legi parendum ſit , dum dubia eſt ejus juſtitia , aut non evidens ejus recuſandæ ratio.* 84  
 CAP. X. *Utrum nova Eccleſiæ Decreta in Gallia obligent , ſi prius examinata , & à Curiiſ ſæcularibus recepta non fuerint.* 88  
 CAP. XI.

# ET CAPITULUM.

- CAP. XI. *Summum Pontificem habere condendarum pro universis Ecclesiæ partibus legum potestatem.* 92  
 CAP. XII. *Quæ sint vera justitiæ libertatum Ecclesiæ Gallicanæ fundamenta.* 97

## LIBER TERTIUS

De propugnatoribus Libertatum Ecclesiæ Gallicanæ; occasione illorum verborum, *Libertates à Majoribus nostris tanto studio propugnatas.* 99

- CAP. I. *An exemplis judicandum sit de justitia Libertatum Ecclesiæ Gallicanæ.* 100  
 CAP. II. *De sancti Gregorii Episcopi Turonensis in propugnandis libertatibus Ecclesiæ Gallicanæ studio.* 103  
 CAP. III. *De Hincmaro Archiepiscopo Remensi.* 106  
 CAP. IV. *De contentionibus Hincmari Archiepiscopi Remensis cum summo Pontifice occasione Rothaldi Episcopi Suessionensis.* 110  
 CAP. V. *De contentionibus Hincmari cum summo Pontifice occasione Hincmari Laudunensis, & Regni Lotharii.* 114  
 CAP. VI. *Quâ ratione Hincmarus libertates Ecclesiæ Gallicanæ defendisse videatur.* 117  
 CAP. VII. *De praxi libertatum Ecclesiæ Gallicanæ circa Canones octavæ Synodi.* 121  
 CAP. VIII. *De Regibus Christianissimis libertatum Ecclesiæ Gallicanæ defensoribus, & de Universitate Parisiensis earum propugnatrice.* 127  
 CAP. IX. *De Joanne Gersonio Cancellario Parisiensi.* 131  
 CAP. X. *De quibusdam aliis Scholæ Parisiensis Doctoribus.* 134  
 CAP. XI. *De Joanne Launoio Theologo Parisiensi.* 138  
 CAP. XII.

# INDEX LIBRORUM,

- CAP. XII. *De aliis libertatibus Ecclesiæ Gallicanæ defensoribus.* 142  
 CAP. XIII. *De Episcopis Gallicanis libertates suas defendentibus, præsertim in Comitibus Parisiensibus.* 146  
 CAP. XIV. *Utrum Cætus Parisiensis potuerit definire quæstiones generales circa Potestatem Ecclesiasticam.* 150

## LIBER QUARTUS

De potestate Ecclesiæ in temporalia Principum occasione primæ Propositionis Cleri Gallicani. 154

- CAP. I. *An hæc Propositio spectet ad libertates Ecclesiæ Gallicanæ.* 155  
 CAP. II. *An invidiosa, & gravis Regibus, & populis fiat potestas Ecclesiastica, si circa temporalia Principum in certis casibus exerceri posse affirmetur.* 158  
 CAP. III. *An verbo Dei consona sit sententia, Reges in temporalibus ab omni Ecclesiastica potestate omnino subducens.* 161  
 CAP. IV. *Utrum potestas Regum immediatè à Deo sit.* 164  
 CAP. V. *An Patrum traditioni consona sit doctrina Præsulorum Gallicanorum, Reges Ecclesiasticæ potestati in temporalibus omnino subducentium, ac primò de Patribus in Conciliis sedentibus?* 170  
 CAP. VI. *An doctrina in prædicta propositione Cleri Gallicani contenta, sit consona menti S. Gregorii Magni?* 175  
 CAP. VII. *Prædictam propositionem Cleri Gallicani non esse consonam doctrinæ S. Bernardi, aliorumq. Sanctorum Doctorum.* 183  
 CAP. VIII. *Ecclesiæ in temporalia potestas probatur auctoritate aliorum Theologorum Gallorum, vel in Gallia educatorum.* 185  
 CAP. IX.



## E T C A P I T U M.

- CAP. IX. *Eandem esse de illa Ecclesiæ potestate juris, tum Canonici, tum Civilis peritorum sententiam.* 191
- CAP. X. *Exempla Potestatis Ecclesiasticæ circa Regna temporalia, ac primò circa Reges Franciæ.* 195
- CAP. XI. *Alia exempla potestatis Ecclesiasticæ in temporalibus.* 200
- CAP. XII. *Exemplum Gregorii II. Leoni Isauro Imperatori Tributâ solvi vetantis.* 204
- CAP. XIII. *Principes ipsos aliquam Ecclesiæ in temporalia potestatem agnovisse.* 209
- CAP. XIV. *An sententia Illustrissimorum Episcoporum Galliæ Sanctorum exemplis consona sit?* 212

## L I B E R Q U I N T U S

Comparatio Summi Pontificis cum Concilio Generali occasione secundæ propositionis. 215

- CAP. I. *Summarium hujus secundæ propositionis examen.* ibid.
- CAP. II. *Quàm sit difficile Concilium generale sine summo Pontifice definire, ejusq; autoritatem determinare.* 218
- CAP. III. *De convocatione Conciliorum. An pertineat ad Principes.* 224
- CAP. IV. *Cur Imperatores olim Concilia convocaverint.* 228.
- CAP. V. *Concilia generalia, dum certus est, & indubitatus Romanus Pontifex, sine illius assensu legitime congregari non posse.* 233
- CAP. VI. *Respondetur objectionibus Joannis Launoi.* 238.
- CAP. VII. *Respondetur iis, quæ Launoius Bellarmino specialiter objicit.* 243
- CAP. VIII. *Concilia generalia sine consensu summi Pontificis* 243

# INDEX LIBRORUM,

- ficis habitā non fuisse, vel robur non obtinuisse, ostenditur:  
 & respondetur aliis objectionibus Joannis Launoi.* 251
- CAP. IX. *Absque summi Pontificis autoritate Concilia generalia vim, & robur non obtinere.* 261
- CAP. X. *In Sacris Litteris clarius exprimi Pontificis sine Concilio, quā Concilii sine Pontifice autoritatem.* 264
- CAP. XI. *Qua ratione B. Petrus Ecclesiam repræsentaverit ex mente S. Augustini.* 267
- CAP. XII. *Sententia S. Joannis Chrysostomi de comparatione B. Petri cum cæteris Apostolis, etiam simul sumptis.* 273
- CAP. XIII. *Confirmatur præeminentia summi Pontificis supra Concilium sine Pontifice.* 277
- CAP. XIV. *Rursus confirmatur præeminentia Pontificis supra Concilium.* 282
- CAP. XV. *Respondetur auctoritati Concilii Constantiensis.* 287
- CAP. XVI. *Respondetur aliis objectionibus contra Superioritatem Papæ ad Concilium.* 292
- CAP. XVII. *Respondetur argumento Launoi ab epistola Siricii Papæ ad Ancysum & cæteros Episcopos Illyricenses sumpto.* 297
- CAP. XVIII. *Respondetur aliis quibusdam Launoi objectionibus.* 304

## LIBER SEXTUS

De firmitate Canonum, & libertatum Ecclesiæ Gallicanæ, occasione tertiæ propositionis Comitiorum Cleri Gallicani. 311

- CAP. I. *Summarium propositionis examen.* ibid.
- CAP. II. *De auctoritate summi Pontificis in Ecclesiam Gallicanam.* 314
- CAP. III.

## E T C A P I T U M.

- CAP. III. *Utrum Papa habeat immediatam jurisdictionem super Ecclesie universae Fideles.* 319
- CAP. IV. *De jurisdictione immediata Summi Pontificis in omnes Fideles quantum ad forum internum.* 325
- CAP. V. *De autoritate Summi Pontificis circa jurisdictionem contentiosam.* 332
- CAP. VI. *De causis judicandis Romae.* 338
- CAP. VII. *Utrum Papa in ferendo judicio teneatur ordinem judicarium ad amissum sequi.* 342
- CAP. VIII. *De necessitate Citationis, & probationum.* 346
- CAP. IX. *Discrimina inter potestatem Summi Pontificis erga Fideles totius Ecclesiae, & potestatem Archiepiscopi erga subditos suorum Suffraganeorum.* 350
- CAP. X. *De autoritate Summi Pontificis in bona Ecclesiastica.* 352
- CAP. XI. *De potestate Summi Pontificis in exigendis pro Ecclesiae contra Infideles defensione subsidiis.* 356
- CAP. XII. *De jure Summi Pontificis circa Beneficia.* 360

## L I B E R   S E P T I M U S

De autoritate Summi Pontificis in definiendis Fidei quaestionibus occasione quartae propositionis. 364

- CAP. I. *Summaria discussio hujus propositionis.* ibid.
- CAP. II. *Probatur autoritate sacrae Scripturae judicium Summi Pontificis circa quaestiones Fidei esse irreformabile, seu infallibile.* 368
- CAP. III. *Confirmatur eadem doctrina contra Joannem Launoium.* 372
- CAP. IV. *Probatur autoritate Conciliorum Orientalium judicium Summi Pontificis circa quaestiones Fidei esse irreformabile.* 380

\* \* \*

CAP. V.

# INDEX LIBRORUM,

CAP. V. <i>Idem aliorum probatur autoritate Conciliorum, &amp; Episcoporum.</i>	385
CAP. VI. <i>Probatur sanctorum Patrum, ac primò à sancti Irenæi autoritate, certitudo judicii Summi Pontificis in quæstionibus Fidei.</i>	390
CAP. VII. <i>Aliorum Patrum eadem de re testimonia.</i>	396
CAP. VIII. <i>Sententia sancti Cypriani de judicio Papæ in materia Fidei.</i>	405
CAP. IX. <i>Sententia sancti Augustini de judicio Papæ in materia Fidei.</i>	409
CAP. X. <i>Sententia Cleri Gallicani de judicio Papæ in causis Fidei.</i>	416
CAP. XI. <i>Probatur autoritate Universitatis Parisiensis, ac Doctorum Particularium illius, nec non Senatus Parisiensis, Papæ judicium in causis Fidei esse irreformabile.</i>	421
CAP. XII. <i>Probatur testimonio Summorum Pontificum in quæstionibus Fidei Romani Pontificis judicium esse certissimum.</i>	428
CAP. XIII. <i>Quàm sit generalis in Ecclesia consensus de irreformabili judicio Romani Pontificis in Fidei quæstionibus.</i>	437
CAP. XIV. <i>Respondetur argumentis, quæ autoritati Papæ in decidendis infallibiliter Fidei quæstionibus opponuntur.</i>	441
CAP. XV. <i>Respondetur argumento à fœlitiis Pontificum erroribus desumpto.</i>	447
CAP. XVI. <i>Respondetur quibusdam aliis exemplis à Lauto adductis.</i>	453
CAP. XVII. <i>An judicium Papæ sit infallibile, quod ei Ecclesiæ consensus accedat; an verò ei accedat Ecclesiæ consensus, quod infallibile sit.</i>	459
CAP. XVIII. <i>De autoritate Summi Pontificis circa Censuram Librorum.</i>	467
	LI

# ET CAPITULUM.

## LIBER OCTAVUS

De origine Jurisdictionis Ecclesiasticæ. 472

CAP. I. *Quid sit jurisdictio Ecclesiastica.* 473

CAP. II. *De distinctione, ac distributione Dignitatum Ecclesiasticarum.* 477

CAP. III. *Dignitatem & auctoritatem Ecclesiarum Patriarchalium à B. Petro vel ejus successoribus ortam esse.* 481.

CAP. IV. *De phantastico Gallie Patriarcha.* 488

CAP. V. *Primates, & Metropolitanos, in Gallia præsertim, suam à Summo Pontifice auctoritatem traxisse.* 492.

CAP. VI. *De eodem argumento, scilicet dependentiâ Metropolitanorum à sancta Sede.* 496

CAP. VII. *Cur in disceptationibus de jurisdictione consuetudo pro lege habita fuerit?* 499

CAP. VIII. *Utrum jurisdictio Episcoporum sit à Deo immediate.* 502

CAP. IX. *Confirmatur Jurisdictionem Episcoporum à Summo Pontifice pendere.* 508

CAP. X. *Rursus confirmatur Jurisdictionem Episcoporum esse immediate à Summo Pontifice.* 513

CAP. XI. *Aliis testimoniis eadem doctrina confirmatur.* 518.

CAP. XII. *Respondetur argumentis sententiæ, jurisdictionem Episcoporum ad Deum immediate referentis.* 522

CAP. XIII. *De Jurisdictione Clericorum Episcopis inferiorum.* 530

# INDEX LIBRORUM, LIBER NONUS

In Edmundi Richerii Libellum *de Ecclesiastica & politica potestate.* 534

- CAP. I. *An Jurisdictio Ecclesiastica primario, ac essentialiter Ecclesie: Romano autem pontifici, atque aliis Episcopis ministerialiter tantum, sicut facultas videndi oculo, conveniat: ad duos primos numeros Libelli Richeriani.* 535
- CAP. II. *De Ecclesie definitione à Richerio tradita; De Ecclesie Capite, necnon de ejus statu & regimine. Ad num. 3. 4. & 5. Richerii.* 545
- CAP. III. *Penes quem sit infallibilis potestas decernendi, aut constituendi Canones. Ad num. 6. Richerii.* 552
- CAP. IV. *De oratione Christi pro fide B. Petri. De necessitate Conciliorum, ac vi Decretalium Summorum Pontificum. De potestate Summi Pontificis, præsertim circa Canones Conciliorum. Ad numeros 7. 8. & 9. Richerii.* 566
- CAP. V. *In quo agitur de potestate Principum politicorum; & respondetur argumentis contra Monarchiam Ecclesiasticam. Ad numeros 10. 11. 12. 13. 14. 15. 16. 17. Richerii.* 579
- CAP. VI. *Confutantur responsiones Richerii in num. 18. adversus potestatem Ecclesiasticam circa temporalia.* 589
- CAP. VII. *Notæ in primum librum Vindiciarum Edmundi Richerii, qui Decretis Scholæ Parisiensis constat.* 593
- CAP. VIII. *De Tractatibus, quibus constat liber secundus Richerii, ac speciatim de primo.* 603
- CAP. IX. *Vindicias Richerii complexè sumptas plus obesse, quam*

# ET CAPITUM.

quàm prodesse *Antistitum Gallicanorum declarationi.*

609.

CAP. X. *Jurisdictionis Summi Pontificis, ejusque potestas, tum in definiendis Fidei questionibus, tum in condendis Legibus, celebri Ecclesie Gallicanae testimonio confirmantur.*  
615.

## LIBER DECIMUS

De particularibus Libertatis Ecclesie Gallicanae Capitibus à Petro Puteano assignatis. 616

CAP. I. *De distinctione inter potestatem spiritualement, & temporalem.* 619

CAP. II. *De Regum Francie meritis erga Ecclesiam, eorumque cum Summis Pontificibus necessitudine ad tria prima Capita probationum Libertatum Ecclesie Gallicanae.* 624.

CAP. III. *De excommunicationibus contra Reges, & Regios Officiales ad cap. 4. & 5. Puteani.* 626

CAP. IV. *De potestate Judicum secularium circa Censuras, ad cap. 6. & 8. Puteani.* 633

CAP. V. *De citationibus Romam, de executione Litterarum Apostolicarum in Gallia, & de Conciliis illic celebrandis, ad cap. 9. 10. & 11. Puteani.* 637

CAP. VI. *De autoritate Concilii generalis, de Appellationibus à Papa ad futurum Concilium, necnon de receptione, ac publicatione Conciliorum generalium in Gallia ad cap. 12. 13. 14. Puteani.* 639

CAP. VII. *Percurruntur octo capita Puteani, scilicet à 15. ad 22.* 645

CAP. VIII. *De Legatis, ac Vice-Legatis sancte Sedis ad capp. 23. & 24. Puteani.* 651

\*\*\* 3

CAP. IX.

# INDEX LIBRORUM,

- CAP. IX. *De publicatione Indulgentiarum, de collectione Eleëmofynarum, de Societatibus, & de possessione Beneficiorum. Ad cap. 25. & 26. Puteani.* 658
- CAP. X. *De puniendis auctoritate Regiâ Clericis in officio laico delinquentibus, Hæreticis quietem publicam turbantibus, & Concionatoribus seditiosis: de Alienigenis ad Beneficia Regni non admittendis: ac de officiis Ecclesiæ Gallicanæ: ad capita 27. 28. 29. & 30. Puteani.* 663
- CAP. XI. *De Regularibus, & aliis materiis Ecclesiasticis. Ad cap. 32. 33. 34. 35. 36. 37. & 38. Puteani.* 671
- CAP. XII. *De subsidiis à Clero Regi Franciæ, aut Summo Pontifici præstandis: ad duo ultima capp. Puteani.* 676.

## LIBER UNDECIMUS

In quo expenduntur aliorum Scriptorum Gallicanorum sententiæ de Libertatibus Ecclesiæ Gallicanæ. 683

- CAP. I. *De Libris Illustrissimi Petri de Marca de Concordia Sacerdotii & Imperii, seu de Libertatibus Ecclesiæ Gallicanæ.* 684
- CAP. II. *De auctoritate Principum circa Concilia, in particulari circa convocationem illorum, ac præsentiam, & præsentiam in illis.* 690
- CAP. III. *De materia in Conciliis tractanda; de jure suffragii, ac de confirmatione, & executione Canonum.* 695
- CAP. IV. *De auctoritate Imperatoribus à Domino de Marca tributa circa judicia Ecclesiastica.* 701
- CAP. V. *De auctoritate Principibus attributa circa alios jurisdictionis articulos.* 706
- CAP. VI.



## E T C A P I T U M.

- CAP. VI. *An possint Principes Synodaliurn sententiarum effectum suspendere, atque à Judicibus Ecclesiasticis appellationes in causis etiam Ecclesiasticis recipere.* 712
- CAP. VII. *De autoritate Regum & Episcoporum Franciæ.* 716.
- CAP. VIII. *Expenduntur quæ à D. Petro de Marca in favorem Regum Decretis Ecclesiasticis adversantium proferuntur cap. 10. 11. 12. & 18. lib. 4.* 724
- CAP. IX. *De Stephani Baluzii Doctrina circa Principum in res Ecclesiasticas auctoritatem.* 729
- CAP. X. *De autoritate Regum Franciæ in condendis Capitularibus circa res Ecclesiasticas.* 734
- CAP. XI. *An sine autoritate Ecclesiæ Reges Galliæ Le- ges Ecclesiasticas, sive Capitularia condiderint.* 738
- CAP. XII. *De Capitularibus Regum Francorum primæ Dynastiæ.* 746
- CAP. XIII. *Libertates Ecclesiæ Gallicanæ in aliis sensibus acceptæ.* 750.

## L I B E R   D U O D E C I M U S.

De Appellationibus tanquam ab abusu. 753

- CAP. I. *Quid sit appellatio ab abusu, & quæ illius origo.* 754.
- CAP. II. *De progressu appellationum ab abusu.* 758
- CAP. III. *De justitia appellationum ab abusu.* 763
- CAP. IV. *De vi appellationum ab abusu, quantum ad conscientiam.* 766
- CAP. V. *Discutiuntur rationes, quibus appellationes ab abusu legitimas esse Autores Gallicani probare nituntur.* 769.
- CAP. VI. *Expenditur doctrina D. Petri de Marca de ap- pel-*


# INDEX LIB. ET CAP.

<i>pellationibus ab abusu in 19. cap. libri 4. de Concordiâ Sacerdotii &amp; Imperii contenta.</i>	774
VII. <i>Discussio capituli 2. libri 4. D. Petri de Marca, ubi adhuc de appellationibus ab abusu.</i>	780
CAP. VIII. <i>De usurpatione jurisdictionis, circa caput 21. lib. 4. Domini de Marca.</i>	784
CAP. IX. <i>De Tractatu Caroli Fevret.</i>	789
CAP. X. <i>Quâ ratione olim procederetur, ubi Superiores Ecclesiastici suâ potestate perperam uti videbantur; quibusq. gradibus perventum sit ad appellationes ab abusu, ad cap. 1. Fevreti.</i>	792
CAP. XI. <i>Rursus de tempore, quo inductæ sunt appellationes ab abusu, &amp; de variis illarum conditionibus: ad cap. 2. Fevreti.</i>	796
CAP. XII. <i>Respondetur rationibus à Fevreto cap. 3. adductis ad probandam justitiam appellationum ab abusu.</i>	802.
CAP. XIII. <i>Respondetur aliis rationibus, quæ à Fevreto proferuntur in præd. cap. 3.</i>	807
CAP. XIV. <i>Quam sequi conveniat agendi rationem, si quando injusti mandati executio exigatur.</i>	812
CONCLUSIO.	815



# LIBER PRIMVS.

De natura, origine, ac progressu libertatum Ecclesiæ Gallicanæ; occasione illorum verborum, *Ecclesiæ Gallicanæ decreta, & libertates, earumque fundamenta Sacris Canonibus, & Patrum traditione nixa multi diruere moliantur.*

I.  Um juxta Philosophorum doctrinam subjeeti, de quo disputatur definitio sit principium, à quo profluit omnis, quæ de illo potest haberi, certa cognitio: operæpretium est Libertates Ecclesiæ Gallicanæ definire, quod à multis video esse prætermissum. Difficile quidem illud est; atque in hac etiam materia locum habet lex 203. ff. de regul. jur. *Omnis definitio in jure periculosa est; Parum est enim, ut non subverti possit; est tamen omninò necessarium, ne confusa, & incerta fluctuet ubique cogitatio.*

A

II. Ju-

II. Juvabit plurimum libertatum illarum originem investigare, ut illarum natura intimiùs penetretur. Nam, ut monet S. Ambrosius in præfatione comment. super epistolam ad Romanos. *Principia rerum priùs requirenda sunt, ut earum notitia plenior possit haberi. Tunc enim faciliùs poterunt demùm intelligi, cùm earum origines addiscantur.*

III. Sed imperfecta esset cognitio, nisi etiam libertatum progressus observaretur. Mirum enim, quantas afferat rebus mutationes temporis successus, non mutatis etiam nominibus. Homo dum animam efflavit, vulgò adhuc Homo dicitur, cùm non sit. Ita non rarò accidit, ut, eodem nomine retento, res prorsùs aliæ fiant.

IV. Itaque primus iste Liber totus erit in explicanda natura, assignanda origine, ac notando progressu libertatum Ecclesiæ Gallicanæ. Sed pauca præmittenda sunt de nomine ad rem cognoscendam conducentia.

## CAPUT PRIMUM.

*Cur nomen libertatis Ecclesiæ Gallicanæ plerisque odiosum, aut certè suspectum sit.*

1. **O**lim libertatis nomine nihil poterat audiri iucundius, cum tyrannidem, servitutem, & necessitatem, quibus nihil potest excogitari gravius & magis exosum, à cogitatione arceret. Verum quia eo abuti cœperunt quotquot in Rempublicam, in Principes, & in Ecclesiam ipsam rebellant, ac legitimæ obedientiæ jugum excussuri, libertatem tueri velle se obtenderunt, suspectum ita evasit, ut perduellionis ferè semper metum ingerat legitimis Potestatibus.

2. Auget hujus nominis invidiam, cum à Gallis ad significandas suas immunitates abhibetur, quod aut nunquam, aut ferè nunquam allegatur Ecclesiæ Gallicanæ libertas; nisi adversus summam Pontificem: quasi supremus Ecclesiæ Pastor, & Pater amantissimus, Tyranni loco à Christianissima illa gente haberetur. Quamobrem plurimi Ecclesiarum Gallicanarum à Romana, non ut membrum à capite, aut partem à toto, sed sicut Congregationem à Congregatione, & Rempublicam à Republica, sese hoc nomine discernere velle veriti sunt.

3. Equidem fatendum est Autores quosdam illius Regni maximum odium suis libertatibus conciliasse, dum hoc nomine immanes abusus decorarunt. Sed absit, ut illorum Autorum, aut error, aut temeritas universæ Galliæ adscribatur, cum non defuerint etiam in illo Regno tum Antistites, tum privati Doctores, qui hanc à se invidiam depulerint, damnatis publicè illarum libertatum abusibus.

4. Edita sunt Parisiis anno 1639. duo volumina, in quibus præclaro libertatum Ecclesiasticarum titulo donati fuerant usus quamplurimi Ecclesiasticæ libertati infensissimi: sed ecce quomodo excepta sunt ab Episcopis 19. tunc in illa urbe versantibus, & curâ Eminentissimi Cardinalis Richelii

4 DE NATURA, ORIGINE, AC PROGRESSU,  
 congregatis : ecce quod de illis voluminibus iudicium tulerunt in epistola, quam ea de re ad cæteros scripserunt Gallicani Antistites, quæque in secundo volumine Actorum Cleri Gallicani ultimæ editionis refertur. In hac Alma Regni sede, inquit, paucis ab hinc diebus, nullo palam Autore, nullâ publicâ edendâ facultate typis mandata sunt duo volumina vulgari idiomate, quorum uni titulus est : *TRAITTE DES DROITS ET LIBERTEZ DE L'EGLISE GALLICANE*, 1639. Alteri verò : *PREVRES DES LIBERTEZ DE L'EGLISE GALLICANE*, 1639. quæ haud dubiè furtivo cursu non ad vestras modo Dioceses, sed ad cæteras etiam Nationes destinantur grassatura: Non enim hæreseos, & schismatis, ac talium operum promotor, & artifex Dæmon ejusmodi sacris accendit, nisi ut spargat. Quibus potuissent verbis opera illa acrius perstringere Prælati illi scientiâ, pietate, ac zelo Pastoralis per totam Galliam celeberrimi, quam ut ea Dæmoni hæreseos, & schismatis autori tribuerent, aut apertius declarare, quam esset alienus illorum animus à probandis omnibus illis, quæ sub nomine libertatum Ecclesiæ Gallicanæ venditantur, quam cum subiungunt; inter falsas & hæreticas quas detestamur, ECCLESIAE GALLICANÆ ADSCRIPTAS SERVITUTES potius, quàm LIBERTATES, verâ quadam, & gloriosissimi Regis nostri iura, & Gallicana Ecclesia privilegia exposuit.

5. Non Episcoporum tantum fuit is sensus, & affectus, sanctius Regis Christianissimi Consistorium decreto interdixit librorum istorum commercio. Scriptores quoque privati veritatis, & Religionis amantiore, ubi opportunum fuit, suam sententiam deprompserunt circa ejusmodi abusus libertatis nomine obtectos. Nunc servitius, & oppressio (Ecclesiæ Gallicanæ) falsis, ementissq; libertatis, & privilegiorum nominibus solet per antiphrasim exprimi. His verbis conqueritur adversus Ecclesiasticæ jurisdictionis depressionem Cabassutius, notitia Concil. cap. 69. primæ edit; & cap. 71. alterius.

6. Alia est hujus nominis invidiæ causa, quod scilicet inter Gallos ipsos non satis constat, quæ sit natura, quæ species, quæ justitia libertatum Ecclesiæ Gallicanæ, ut in istius tractatus decursu videbitur. Jacobus Lefchassierius in Senatu Parisiensi Patronus opusculum scripsit, quod refertur in primo prædictorum voluminum contra exigentes, ut Judices Francia, quæ, & quot sint libertates Ecclesiæ Gallicanæ exponant, enumeremque, nec  
 non

non à qua emanaverint autoritate assignent. Atque omnis ejus oratio eò spectat, ut Gallos probet ad respondendum hujusmodi quæstionibus non teneri. Itaque concludit: Illi ergo, qui petunt, ut singulatim enumerentur hujus Regni libertates, vel Decreta hic recepta, vel usus & consuetudines nostra circa politiam Ecclesiasticam, velut fontes, & autoritas, à quibus hæc jura emanaverint assignentur, non alia possent ratione luculentius demonstrare omnimodam circa jura illa de quibus loquantur incertiam, quam in proponendis hujusmodi quæstionibus. Quis audito hoc sermone non suspicetur, libertates, aut nullas, aut incertas, aut injustas esse, quas qui defendere aggreditur, aut non potest, aut non audet recensere, nec à quo fonte, à qua autoritate profectæ sint, explicare?

7. Ipsam quidem libertatum definitionem tùm ipse Lescasserius, tùm alii tradiderunt: sed vix ullum reperiās, qui inter libertates Ecclesiæ Gallicanæ capita quamplurima non annumeret, illarum definitioni parùm consentanea, vel etiam omninò adversa.

8. Quid igitur mirum si libertates istæ malè audiant, quas exteri non intelligunt, Galli non satis explanant; aliqui ad excusandos pessimos, & cum vera libertate Ecclesiastica pugnantes abusus.

## C A P U T I I.

*Quid Ecclesiæ Gallicanæ, quidque libertatis Ecclesiasticæ nominibus designetur.*

1. **Q**UAMVIS Ecclesia, quæ dictio Græca est, evocationem, seu congregationem tantùm significet, ex sua etymologia, tamen ad plurima, eaque valde diversa designanda usurpatur in sacris Scripturis, & Catholicorum Doctorum libris. Præcipua quidem hujus nominis significatio ad Ecclesiam Catholicam pertinet, quam sic describit Bellarminus tom. 2. contròv. lib. 3. cap. 2. ut sit cætus hominum ejusdem Christianæ fidei professione, & eorundem Sacramentorum communione colligatorum, sub regimine legitimorum Pastorum, ac præcipuè unius Christi in terris Vicarii Romani Pontificis.

2. Joannes quidem Launoïus epist. ad Nicolaum Gati-  
næum, quæ est in parte octava, definitionem Ecclesiæ à  
Bellarmino traditam impugnare conatur, congestis pro suo  
more quamplurimis Sanctorum Patrum, aliorumque Scripto-  
rum locis, in quibus describitur Ecclesia non factâ mentione  
Pastorum, à quibus regitur, præcipuè Romani Pontificis.  
Sed Bellarminum reprehendere non potuit, quin sanctum Cy-  
prianum damnaret, Ecclesiam hoc modo definientem epist.  
69. quæ est ad Pupianum: *Illi sunt Ecclesia plebs Sacerdoti adunata,  
& Pastori suo grege adherens.* Respondet Launoïus, *Cyprianum pro tem-  
pore, & ad extirpandum schisma, quo tunc Romana flagrabat Ecclesia, Ec-  
clesiam definivisse, ut diximus.* At non simili de causa Bellarminus,  
quia scilicet adversus hæreticos Hierarchiam negantes dispu-  
tabat, debuit in Ecclesiæ definitione non solum corporis, ut  
alii Scriptores à Launoïo citati, sed etiam capitis mentionem  
facere. Quod enim à Dialecticis præcipitur nihil in definitio-  
ne redundare debere; hic non violatur, quia quod additur,  
etsi ad essentiæ notitiam absolute pertinere non videatur, per-  
tinet tamen in illa circumstantia. Cum enim Lutherani, &  
Calvinistæ suis cœtibus Ecclesiæ descriptionem à plerisque  
Scriptoribus Ecclesiasticis allatam accommodarent, necesse  
fuit ad distinguendam verorum Fidelium Congregationem à  
synagogis Satanae, ut aliquid adjungeretur, per quod ab illis  
posset discerni. Potuerunt alii Ecclesiam iis verbis definire,  
quæ huic designandæ sufficerent: Bellarmino necesse fuit de-  
finitionem ponere, quam ejus adversarii suis conventiculis  
tribuere non possent.

3. Frustra verò notat Launoïus sanctum Cyprianum *de Ec-  
clesia simpliciter, & absolute non loqui, sed comparatè, habito nempe respectu  
ad Ecclesiam Romanam*, ubi propter institutos simul Antistites  
duos schisma excitatum fuerat: Tum quia id verum esse non  
videtur. Etsi enim occasione Ecclesiæ Romanæ illa dixerit  
S. Cyprianus, non tamen de Ecclesia Romana speciatim:  
Tum quia si occasione schismatis Ecclesiæ Romanæ rectè san-  
ctus Cyprianus in definitione illius Ecclesiæ meminit unius  
ejus Pastoris: Cur Bellarmino contra hæreticos, qui ab Eccle-  
sia Catholica desciverant, nefas fuit Ecclesiam Catholicam ita  
describere, ut unius ejus supremi Pastoris mentionem faceret.



4. Sed quemadmodum Ecclesia simpliciter dicitur omnium Fidelium Congregatio sub Summo Pontifice: ita cœtus eorum, qui uni Patriarchæ seu Exarcho, Primate, seu Metropolitano, imò Episcopo, & Curatò subsunt, Ecclesiæ pariticularis nomine gaudent, scilicet Diœcesis, Provinciæ, aut Parochiæ.

5. Possunt autem in hujusmodi cœtibus, aut simul Pastores cum fidelibus; aut Pastores seorsim ab ovibus, vel e contra oves sine Pastoribus attendi, ut Ecclesiæ nomen, aut alterutris; aut utrisque simul tribuatur, maximè autem Pastoribus; à quibus representatur, & in quibus quadam ratione continetur Ecclesia, sicut in Principe Respublica. Imò vox illa non raro ad significandum locum transfertur, ubi fiunt hujusmodi cœtus Religionis causa. Quæ omnia eruditus omnibus adeo sunt pervia, ut scripturarum, & Doctorum testimoniis non indigeant confirmari.

6. Variæ illæ vocis ejusdem significationes exigerent, ut de libertatibus Ecclesiæ Gallicanæ tractaturi, quid Ecclesiæ Gallicanæ nomine intelligatur, principio designaremus. Sed cum de illius notione non conveniat inter Gallos ipsos, ex rerum, de quibus agitur, conditione, conjicies. Quamvis enim pro Clero frequentius usurpetur: tamen cum de libertatibus Gallicanis agitur, ea vox non solum Antistites, sed & Laicos complecti, maximè Regem, ejusque Officiales, à nonnullis dicitur; aded ut Ecclesia Gallicana significet fideles omnes in hoc Regno degentes, cum aliquo tamen ordine ad Religionem, ad quam refertur omnis Ecclesia apud Christianos: qua in re solum cavendum est, ne sub nonnini æquivocatione fraus contegatur; quod revera contigisse conqueritur illustrissimus & doctissimus Franciscus Boquetus Episcopus Montispeffulani in ea ad Stephanum Baluzium epist. quæ ante libros D. de Marca de concord. Sacerd. & Imp. edita est. *Intidi*, inquit; *in locum ejus scriptoris anonymi, qui æmentito Gallicanae libertatis propugnanda titulo librum notâ censoriâ jam olim adustum; Regia sanctione prescriptum, ac perpetuis tenebris damnandum in lucem edero ausus est: illo falsam thesaurum scilicet Laicorum aquæ ac Clericorum cœtum Ecclesiam Gallicanam componere, ejusque communi decreto publicæ ejus Ecclesiæ negotia decideri, & non Episcoporum iudicio, ad quos propositum de difficultatibus negotiis,*

negotiis, qua ad ipsorum vocationem spectant, tantum pertinere) & auctoritate amici nostri: fulcire nititur. Quamvis fraudem scriptoris facillimè detegerem, & delusam ejus mentem in equivoco, ut loquuntur Logici, cum libertatis, tum Ecclesia nomine animadvertirem. Alia est enim significatio Ecclesia, dum Fideles omnes complectitur, ut & libertatis, qua singulos Fonte Baptismatis renatos Christus donavit: alia Ecclesia qua etiam apud antiquos scriptores solam Clericalem ordinem; ut & libertatis, qua jus & facultatem, seu potestatem universam regendi Ecclesiam Sacerdotali ordine, in primis Petri Apostolorum Cœphei successoribus, Divina constitutione tradita, comprehendit.

7. Nec est quod aliquis circa hoc nomen quæstionem moveat, quod cæteris quidem cætibus præesse unum aliquem Pastorem cernat, puta Ecclesiæ universæ Summum Pontificem, Diocæsi Patriarcham, aut Exarchum, Provinciæ Metropolitanam, Parochiæ Episcopum; Gallis autem omnibus ut à cæteris Regnis discernuntur, unus quispiam non sit præpositus. Rex namque, cujus imperio subjacent, eos in unum quidem corpus politicum conjungit, sed non in unam Ecclesiam, cum in Laicorum ordine censeatur. Observandum enim est Romanum Pontificem tanquam summum Pastorem totius Ecclesiæ caput existere, totius autem Occidentis tanquam ejus Patriarcham; Galliæ verò Caput specialius posse nuncupari propter antiquiorem, & strictiorem illius Regni cum Ecclesia Romana conjunctionem. Nec enim, ut Ecclesia Gallicana una sit, opus est, ut intra se unicum Caput habeat, sed satis est, ut ejus membra non unius regiminis politici tantum, sed unius quoque Religionis vinculo ardiori conjuncta, totius Ecclesiæ Capiti etiam intimè cohæreat, illud præcipuis observantiæ, atque obedientiæ officiis excolat, ejusque vicissim amoris, ac sollicitudinis specialis beneficio potiatur.

8. Libertatis porro nomen ex primaria sua institutione conditionem designabat, quâ homo id sine impedimento præstare posset, quod liberet; Libertatis enim proprium est, ut inquit Cicero offic. cap. 1. sic vivere ut velis; quod tamen, ne de perversa quoque voluntate accipiat, in paradoxis explicat in hunc modum; quid est enim libertas? Potestas vivendi ut velis. Quis igitur vivit ut vult, nisi profectò qui recta sequitur, qui gaudet officio, cui vivendi via considerata, atque provisâ est? qui legibus quidem non propriis metum  
paret,

paret, sed eas sequitur, atque colit, quia id salutare maxime iudicat esse, &c. Paradoxo 5. Verum hoc nomen ad alia quamplurima significanda postmodum derivatum est: verbi gratia liberationem à peccato, à iugo legis Mosaicæ, à quibusvis demùm malis, vel oneribus.

9. Dum autem de Ecclesia dicitur, aliquem indicat ad Religionem ordinem, idque multipliciter. Cum enim libertas servituti, seu necessitati opponatur, Ecclesia libera rectè tunc dicitur, cum ab exercitandis, prout placet, Religionis officiis minimè prohibetur. Ità, dum Constantinus Imperator concessit toto orbe terrarum Christianis, ut Ecclesias ædificarent, Divina mysteria publicè celebrarent, aliæque omnia sine impedimento præstarent, ad debitum vero Numini cultum exhibendum necessaria, libertatem Ecclesiæ dedisse dicitur.

10. Intelligitur etiam sæpè numero libertas Ecclesiastica de immunitate rerum, locorum, & personarum Deo peculiariter consecratarum; quando scilicet Ecclesia pro suo arbitrio Ministros sibi deligit, eosque cultui Divino, & convenientibus cuique ministeriis deputat; cum illi à sæcularibus muniis, oneribus, negotiis, iudiciisque exempti, quæ Dei sunt solummodò curant. Cum ædibus Deo sacris is honor defertur, ut sæcularia negotia illic non tractentur, ut ab omni scelere illic perpetrando diligentius abtineatur, ut nullus illinc invitus, aut invito Pastore extrahatur: cum Fidelibus omninò licet bona sua Deo consecrare: cum bona sic Deo consecrata subsidiorum, aliorumve onerum servitute non premuntur, ne dum à rapinis, aliisque injuriis tuta sunt.

11. Ad ea, & similia significanda plerumque usurpatur à sacris Conciliis, & Scriptoribus Ecclesiasticis libertatis, seu immunitatis Ecclesiasticæ nomen. Sanctus Antoninus 3. part. tit. 12. cap. 3. *Immunitas*, inquit, *Ecclesia est privilegium Ecclesiastica libertatis, vel rerum, vel personarum ad eam pertinentium.* Et 5. 4. ex Francisco de Zabarel. *Immunitas est libertas, seu exemptio Ecclesia in personis, rebus, & juribus Ecclesiasticis quibuscumque.* Et infra. .... *Tertium privilegium datum à Deo Ecclesia est, ut administret sola sine Laicis res suas, ut dist. 96. si Imperator. Et de rebus Eccles. non alien. cap. fin. Et hinc Ecclesia sola, & non Imperator jus concedere potest, & aliter disponere* dist.

10 DE NATVRA, ORIGINE, AC PROGRESSV,  
*dist. 96. cap. denique cū ad verum. Concilium item Colon. anno  
 1536. p. 9. cap. 20. Immunitas Ecclesiastica vetustissima res est, jure pa-  
 riter Divino, ac humano introducta, quæ in duobus potissimum sita est. Pri-  
 mum ut Clerici, illorumq; possessiones, & bona à vestigalibus, & tributis,  
 alijsq; muneribus Laicis libera sint. . . . Secundum ne rei criminis ad Ecclesias  
 confugiētes inde violenter extrahantur, exceptis publicis Latronibus, qui per  
 industriam proximum occiderint, aut nocturnis depredatoribus agerent, qui iti-  
 nera obsiderent, denique his, qui sub immunitatis spe in Ecclesiis, ac cœmeteriis  
 delinquant.*

12. Frequentiùs apud Gallos libertatis significatio ea esse  
 dicitur, quæ juxta Concilium Ephesinum can. ult. in obser-  
 vandis Canonibus, & conservanda cuique Ecclesiæ sua ju-  
 risdictione consistit, ut ex capite sequenti constabit.

## C A P U T I I I.

### *Quomodo definiantur libertates Ecclesiæ Gallicanæ.*

1. **D**iversæ à diversis traduntur definitiones libertatum  
 Ecclesiæ Gallicanæ: Omnium tamen communissima  
 est, quæ illas in observando ad amissum, inviolabiliterque  
 jure antiquo reponit. Hanc itaque diligentius expendemus,  
 si priùs autoritate munierimus.

2. Renatus Choppinus de sacra Polit. lib. 1. tit. 1. num.

23. eam his verbis exprimit: *Cū adversus hos Canones (antiquos)  
 Pontificiū Rescriptis abuteretur sensim inferior atas, Galli Monarcha, Præ-  
 torsq; Regiū ceperunt eum ab usum, Canonicaq; Doctrina neglectum civili im-  
 perio vindicare: ne cui in Ecclesiasticam disciplinam Ecclesiæ Primate fas esset  
 moliri quidpiam intra Francica Ditionis pœnaria, aut alioquin districtè revoca-  
 retur nux Hierarchiæ vetustioris. Ac illius quidem auctoritatis, libertatisq;  
 Francica vestigia ceruimus identidem, &c. Libro autem 2. tit. 4. n.  
 1. docet Regiū Senatum provocari, cū ab Ecclesiastico Judice  
 tentatum sit aliquid in perniciem sanctorum Decretorum præfata, venerandaq;  
 vetustatis.*

3. Petrus Pithœus in Libello Gallico idiomate scripto,  
 cū hoc titulo; *Les Libertez de l'Eglise Gallicane*, quem Petrus  
 Puteanus aliis omnibus ejusdem argumenti præmisit, in sua  
 Col-

Collezione, duò statuit principia, seu axiomata illarum libertatum, quorum primum Romano Pontifici adimit omnem in temporalia Regni Franciæ potestatem, alterum est hujusmodi: „Etsi Papa in rebus spiritualibus supremus agnoscatur, tamen in Francia potestas absoluta, & infinita locum non habet; sed cohibetur, & limitatur Canonibus, & Regulis antiquorum Conciliorum Ecclesiæ in hoc Regno receptorum. *Et in hoc maxime consistit libertas Ecclesiæ Gallicanæ.*

4. Guido Coquille Institutionibus ad Jus Gall. tit. de Jure Regio, asserit eas libertates in eo consistere, quod Ecclesiæ Gallicana Canonibus valde antiquis inhærens non admisit, receptivè quamplurimas Constitutiones Pontificias.

5. Jacobus Lefschæsius in opusc. de libert. antiqua, & Canonic. Eccles. Gallic. pluribus idem statuit. Pauca de multis in capite sequenti referemus.

6. Luculentius eam Gallorum sententiam declarat Christophorus Justellus in epist. ad eundem Jacobum Lefschæsi-  
rium, Codici Canonum Ecclesiæ universæ ab ipso edito, præfixa; *Quamvis in jure communi antiquo, inquit, positam esset libertatem Ecclesiæ Gallicanæ ab omni avo Reges, Episcopi, Regni Ordines, tota denique Gallia affirmaverit; Vetus est tamen in Senatu PARISIENSI SENTENTIA A MAJORIBVS PER MANVS TRADITA, ET MEMORIA OMNIUM, QUI PRVDENTIA, ET VSV VALENT, insculpta, illam libertatem maxime quatuor primis CONCILIIS OECUMENICIS, ET IIS, QUÆ AB ILLIS CONFIRMATA SVNT, CONTINERI; Et quæ contra sunt, præcipuas appellationibus iis causas præbere, quæ velut ab abusa interponuntur.* Hanc ipsam mentem tribuit Justellus Cardinali Lotharingiæ; prosequitur enim: *Quæ sententia convenit protestationi ab Illustrissimo Cardinali Lotharingiæ in Concilio Tridentino factæ, omnium Gallia Episcoporum nomine, die 2. Novembris 1563. nempe operare se, in eoque maxime elaborandum esse, ut vetus disciplina Ecclesiæ restitueretur. In usum, inquit, veteribus jamdiu aboletis revocatis Canonibus, ET MAXIME QUATVOR VETERVM CONCILIORVM, QUÆ QVANTVM FIERI POTERIT OBSERVANDA ESSE CENSEO.* Et post pauca. *Hanc autem meam mentem, & sententiam cum mea, cum omnium Gallia Episcoporum nomine in acta referri volo, & ut id fiat, à Notariis peto, & postulo.*

7. Illustrissimus Petrus de Marca lib. 3. de concord. cap. 1.

12 DE NATVRA, ORIGINE, AC PROGRESSV, num. 7. Pater, inquit, vera, & genuina definitio hujus libertatis ex sensu Ecclesiæ Gallicanæ, ut sit nempe usus antiqui juris communis.

8. Carolus Fevret tract. de abus. lib. 1. cap. 4. num. 13. variis eandem opinionem probationibus adstruit.

9. Eam etiam Joannes Doujatius Antecessor Parisiensis variis in locis, maximè in fine synopsis historiciæ Juris Pontificii amplectitur. *Apud nos* (hæc sunt ejus verba) *Jus Canonicum speciale triplex distingui potest: Constat enim veteribus Ecclesiæ institutis, quibus majores nostri tenaciùs, quàm vicini populi adhaeserunt, QUÆ VVLGO IMMUNITATES, SEV LIBERTATES ECCLESIAE GALLICANÆ DICVNTVR, &c.*

10. Joannes Gersbadius tract. de causis major. art. 2. sic sentit; *habet in primis Ecclesiæ Gallicanæ suos mores, suasque traditiones, eò quidem retinendas magis quod sortuita ac temerariæ non sint, SED CANONIBVS IPSIS ANTIQVIS, VETERVMQVE PATRVN SENTENTIIS INNIXÆ AC FVNDATEÆ. ETENIM LIBERTATES SVAS, QUÆ AB ISTIVSMODI TRADITIONIBVS NIHIL DISTANT, NON ALIA RATIONE TVETVR GALLIA, QVAM ANTIQVO, ET COMMVNI IVRE.*

11. Illustrissimus Carolus Mauritius le Tellier Archiepiscopus Rhemenfis in eo instrumento jam pridem in lucem publicam, edito, quo sese Ecclesiæ Cameracenfis, olim Rhemenfis Provinciæ, ad Metropolitanam Dignitatem evedctioni opponere protestatus est, die 4. Februarii anno 1678. „ declarat Franciam auctoritatem semper æqualiter potentem, & venerandam quatuor primorum Conciliorum habere tanquam „ unicum, & inconcussum suarum libertatum fundamentum.

12. Idem etiam sæpissimè protestati sunt Regii Officiales tùm in scriptis, tùm vivâ voce in Senatu perorantes, ut testantur varia Senatus consulta typis edita, & vulgata.

13. Denique Conventus Parisiensis libertatum Ecclesiæ Gallicanæ fundamenta SACRIS CANONIBVS, ET PATRVN TRADITIONE NITI jam in ipso limine declarat, ut tanquam certum supponere liceat, Ecclesiam Gallicanam suas libertates in antiqui juris observatione constituere.

14. Quamobrem de libertatibus Ecclesiæ Gallicanæ disputaturi hanc illarum definitionem, utpotè cùm à Clero tum à Magistratibus sæcularibus, & à cujusvis conditionis scriptoribus

LIBERTATVM ECCLESIAE GALLICANÆ. LIB. I. 13  
bus comprobata[m] tanquam fundamentum ponimus. Non ne-  
gligemus tamen alias, sed opportunis locis, pro cuiusque  
merito expendemus.

## C A P U T I V.

*Definitionem libertatum Ecclesie Gallicanæ communiter  
traditam non esse legitimam.*

1. **D**efinitio libertatum Ecclesie Gallicanæ, quam com-  
muniter tradi pluribus testimoniis superiori capite  
ostendimus, nempe quod sint antiquorum Canonum custodia, si ad  
leges Dialecticæ exigatur, contra omnes, aut saltem præci-  
pua[s] definitionis regulas, nimirum perspicuitatem, integritat-  
em, ac convenientiam cum re definita, peccare comperietur.

2. Obscura est, quia, cum antiqua disciplina latissime pa-  
teat, incertum est, an eam integram complectatur? an il-  
lius tantum partem? & quam & quousque perveniat antiqui-  
tas ex mente Gallorum? Canones etiam alii à Conciliis ge-  
neralibus, alii à Provincialibus, alii à Nationalibus editi  
sunt. Antiqua disciplina non solos Canones, sed etiam sum-  
morum Pontificum Decreta complectitur. Porro Illustrissi-  
mus Archiepiscopus Rhemensis declarat, ut vidimus, Fran-  
ciam auctoritatem semper æqualiter potentem, & veneran-  
dam quatuor primorum Conciliorum habere tanquam uni-  
cum, & inconcussum suarum libertatum fundamentum.  
Christophorus Justellus quatuor primis Conciliis œcumeni-  
cis adjungit alia, quæ ab illis confirmata sunt. Quod etiam for-  
tassis intelligit Dominus le Tellier. Verum Dominus de Mar-  
ca usum juris communis antiqui sine exceptione veram, & genuinam hujus liber-  
tatis definitionem dicit; idque EX SENSU ECCLESIAE GALLICA-  
NÆ, huic consentit Joannes Doujatius, cum ait, VETERA  
ECCLESIAE INSTITUTA, VULGO IMMUNITATES, SEV LIBER-  
TATES ECCLESIAE GALLICANÆ DICI. Alii expressè sum-  
morum Pontificum Epistolas Decretales meminerunt. Alii de-  
nique antiquis Canonum Codicibus specialem tribuunt auto-  
ritatem.

#### 14. DE NATURA, ORIGINE, AC PROGRESSU,

3. Quâ in re tamen eorum aliqui non solum inter se dissentire, sed etiam sibi ipsis non satis videntur constare. Nam verbi gratia Doujatius, qui loco jam jam citato vetera instituta vocat libertates Ecclesiæ Gallicanæ, tamen loco infra cap. 12. num. 6. citando, jus antiquum obsoletum dicit. Dominus etiam de Marca, cum in loco jam adducto veteris tantum juris meminerit, in locis infra cap. 13. referendis totum ferè jus novum ad libertates Gallicanas asserit pertinere.

4. Caret tradita definitio parte una, eaque præcipua, scilicet differentia. Licet enim concedamus nonnullos, si velis etiam plurimos antiquos Canones observari in Gallia, eos tamen ipsos, aut plures servant etiam reliquæ Catholicæ orbis Provincie; nec facile paterentur reliquæ Catholicæ nationes hanc sibi laudem à Gallicana præripi.

5. Definitio illa non convenit suo definito. Si quis enim hinc singula libertatum illarum capita, quæ in tractatibus ea de re scriptis proponuntur, attentè consideret, illinc universos Conciliorum antiquorum Canones, ac summorum Pontificum Decreta perlustret, parum inter se convenire concludet.

6. Jure tantum antiquo definitæ sunt libertates; cum tamen, circa novum magis versari videantur, sed ut prædicta manifestius pateant, singula fusiùs sunt prosequenda.

### C A P U T V.

*Quod Ecclesiæ Gallicanæ libertates non contineantur in solo Codice Canonum Ecclesiæ universalis.*

1. Jacobus Lefschærius in opusc. de antiqua & Canonica Ecclesiæ Gallicanæ libertate jam citato, Ecclesiam Gallicanam perhibet, Ecclesiæ universæ Decreta ex tribus Codicibus successivè deprompsisse. Primum illorum Codicum vocat Codicem Ecclesiæ universalis; secundum Codicem Canonicum Ecclesiæ Romanæ; Decretum Gratiani tertio loco reponit. Primum illum & antiquissimum Codicem com-

plecti



plecti affirmat Canones, in quibus ipsa, quasi essentia libertatis Gallicanæ continetur, ad quem cætera omnia referenda sint. „ Duplex est, inquit, libertas Ecclesiæ Gallicanæ, „ antiqua scilicet, & moderna; aut potius una, & eadem „ libertas diversimodè spectata. Antiqua est primus illorum „ trium Codicum Canonicorum dignus certè, qui ab Eccle- „ sia universa in maximo pretio, & maxima reverentia ha- „ beatur; quippè qui sit primus ejus liber, & commune in- „ strumentum post sacræ Scripturæ Codicem; moderna est „ in Constitutionibus Regum nostrorum, in illorum Con- „ cordatis, & in supremorum Tribunalium Senatusconsul- „ tis. Porro ista secunda libertas à necessitate profecta est „ quasi in subsidium primæ . . . . Nova ista jura ita vera li- „ bertas non sunt, ut & illa ipsa, & constitutio S. Ludo- „ vici ad antiquam, & Canonicam, seu ad naturalem, & „ absolutam libertatem ordinentur.

2. Codicem antiquum Ecclesiæ universæ illum sine dubio intelligit, cujus formam Christophoro Justello præscripsit, aut expressit in consultatione de controversia inter Paulum V. Pontificem, & Rempubicam Venetam anno 1607. ut accepto refert ipse Justellus in epistola ad eundem Lechassarium scripta anno 1610. Cum, inquit, accuratius modum quærerem, quo illa vetus Ecclesiæ primitiva Codex restitui, & in lucem revocari posset, tu mihi, veluti Thæseus alter, in explicando hoc labyrintho viam aperuisti, hujusque restitutionis rationem, antea inconspertam indicasti, quam & ipsam tuis verbis descriptam huic operi adjunxi. Illud ergo vetustissimum Ecclesiæ Christianæ monumentum nunc primum à nobis pristinae integritati restitutum, & ab interitu vindicatum ne diutius disperiret publico dari curavi.

3. Pluribus iisque efficacissimis rationibus comprobari posset, Codicem illum non cum esse, ex quo solo olim Ecclesia disciplinæ leges hauriebat, & Guilielmus Voëlius, & Henricus Justellus Christophori filius in præfat. ad Bibliothecam Juris Canonici veteris, in cujus fronte posuerunt Codicem illum, suadere conati sunt. Non enim, inquit, necesse est, ut illa collectio Codicum universæ Ecclesiæ titulo gaudeat, quod omnes Conciliorum Canones à singulis Ecclesiis receptos, & editos complectatur; sed sufficere videtur, quod primis Ecclesiæ temporibus, quibus editus fuit hic Codex, illo solo, nec alio uteretur Ecclesiæ universalis in dis-  
cepta-

16 DE NATURA, ORIGINE, AC PROGRESSU,  
*ceptandis de disciplina controversis, quemadmodum à Concilio Calcedonenſi ſa-*  
*ctum legimus.*

4. Sanè ſi Codex ille in univerſa Eccleſia vim habuiſſet, quomodo periſſet illius memoria, edito poſt Synodum Trullanam à Græcis Eccleſiæ Orientalis Codice, quod ſubjungunt prædicti Juſtellus & Voëllius, ſiquidem Canones illos rejecerunt Romani Pontifices, præſertim Sergius, qui tunc Eccleſiæ Romanæ Clavum regebat, ut teſtantur Anaſtaſius in Sergio, & Beda lib. de ſex ætatibus.

5. Præterea quomodo fuiſſet Codex Canonum univerſæ Eccleſiæ, qui certè Codex Eccleſiæ Romanæ eſſe non potuit, atque adeò neque totius Eccleſiæ Occidentalis, Romanæ ſtriſſimè cohærentis? Nunquid præcipua illa Orbis Chriſtiani pars ad univerſam Eccleſiam non pertinebat? Quomodo autem Eccleſiæ Romanæ Codex fuiſſet, in quo deſiderabantur, nec poſtmodum adjecti ſunt, Canones in Occidente vigentes, v. g. Canones Conciliorum Arelatenſis, Sardicenſis, Carthagenſium, & Toletani primi, in quo è contra continentur Canones dudum ab Eccleſia Romana vel improbat, vel pro minimo habiti v. g. Conſtantinopolitani.

6. Certè Paſchaſius Queſnel in appendice ad S. Leonis magni opera diſſert. 12. ſe antiquiſſimum Eccleſiæ Romanæ Codicem edere affirmat antea nunquam editum; hinc enim titulus eſt diſſertationis : *De Codice Canonum Eccleſiæ Romanæ omnium, qui huc uſque prodierunt antiquiſſimo nunc primum in lucem edito*; capiti autem primo iſte titulus præfixus eſt; *Romanam Eccleſiam ſuum olim Codicem habuiſſe ante Dionyſii Exigui Abbatis collectionem, nec eum huc uſque emerſiſſe è tenebris*; Capiti autem 2. *Præſcū illum Codicem eum ipſum eſſe, quem jam publici juris facimus*. Itaque ſi Queſnelio credimus, non erat Codex Eccleſiæ univerſæ, quem antea ediderat Juſtellus, quique in multis diſſert à Queſneliano, & à vero Codice Eccleſiæ Romanæ.

7. Habebat Eccleſia Romana ſuos Canones, eoſque in ſeriem redactos, etiam ante tempora, quibus primum compactus perhibetur Codex ille Eccleſiæ univerſalis, ut ex iſdem argumentis conjicitur, quibus Codici à Juſtello reſtituto autoritatem conciliare nituntur ejus Patroni, cui quidem Canonum Eccleſiæ Romanæ ſerici, potiori  
ri

LIBERTATVM ECCLESIAE GALLICANÆ. LIB. I. 17  
ti jure tribueretur nomen Codicis Ecclesiæ universæ.

8. Verum nihil opus est in minuenda Codicis Justelli auctoritate immorari; satis enim est, quod ab ipsis ejus Patronis conceditur, ejus memoriam à tempore Concilii Trullani, hoc est à fine septimi, vel ab octavi sæculi principio, ad nostrum usque sæculum excidisse; Hinc enim evincitur, non eum esse libertatum Gallicanarum thesaurum, qui per tot sæcula, & per ea maxime, quibus hujusmodi libertates validius propugnatz sunt, sub oblivionis tenebris reconditus delituerit. Nunquam enim ferventiores extiterunt hac de re disceptationes, quam tempore Caroli sexti Regis Francorum, quo tamen tempore, ut testatur Dominus Petrus de Marca lib. 3. cap. 6. num. 5. *Antiquos Canones, & jus commune intelligebant (Galli) quod Gratiani Decreto, & Decretalibus erat comprehensum, idque, inquit, manifestè probatur, non solum ex eo, quod vetus Codex Canonum illis esset incognitus, sed etiam ex Concilio Constantiensi.*

## C A P U T V I.

### *De Codice Dionysii Exigui.*

1. **A**nguistis nimium finibus conclusæ fuerant Ecclesiæ Gallicanæ libertates à Jacobo Leschasserio ad antiquissimum Canonum Ecclesiæ universæ Codicem redactæ. Quamobrem non solum antè excitatum hujusmodi Codicem, sed etiam ex quo editus est, aut revocatus in lucem, Dionysii Exigui collectionem ceu præcipuum illarum libertatum promptuarium multi posuerunt; quod & illos Canones, quos exhibet Codex Justelli, contineat (exceptis tribus ultimis Constantinopolitanis, & octo Ephesinis) & 50. Apostolicos, unum supra viginti Sardicenses, centum triginta octo Cartaginenses, seu Africanos insuper complectatur, Canonibusque adjunctæ sint Decretales octo summorum Pontificum, à Siricio scilicet usque ad Anastasium II. Sic sentit Carolus Fevretus lib. 1. de Abusu cap. 4. num. 20. „Hi „duo libri Canonum, inquit, Codex scilicet Canonicus „Dionysii, & Codex Ecclesiæ Gallicanæ proprius tanta cum

## 18 DE NATVRA, ORIGINE, AC PROGRESSV,

„religione observati sunt, ut nec Clerus, nec tres Regni  
„Ordines unquam ab eis deflexerint, alia omnia decreta, &  
„alias omnes constitutiones præter ibi insertas repudiantes,  
„& subjectioni, ac gravi, & perniciosæ servituti tribuen-  
„tes quidquid huic juri communi, & Canonico adversaretur.

2. Verumtamen Christophorus Justellus collectione illa, seu versione à Dionysio facta putat Gallos non fuisse usos usque ad annum 805. *Gallicana etiam Ecclesia*, inquit in præfatione ad suum Codicem, *veteri jure Canonico usa est quatuor videlicet priorum Conciliorum œcumenicorum, & ceteris ab eis confirmatis, & ab universa Ecclesia receptis, non tamen ex Dionysiana interpretatione, SED EX ALTERA VETUSTIORE, illa scilicet, qua habetur in collectione, qua Isidori Mercatoris nomen præfert in editione Conciliorum Colonienſi.* Præmiserat autem, (loquens de collectione Dionysiana, cui ab alio Collectore addita fuerant Decreta Hilarii, Felicis, Simplicii, Hormisdæ, Symmachi, & Gregorii Junioris.) *Atque ipse est Codex Canonum, qui ab Adriano I. Papa, Carolo Magno Regi oblatuſ est anno 805. ad usum Ecclesiarum Occidentalium.* Quæ omnia postmodum sic adstruit; *ſed & Synodi quadam Gallicana, ut Valentina, Regenſis, Arelatenſis II. Agathenſis, & Epaonenſis citant Canones Nicænos, Ancyranos, & Laodiceſes ex veteri translatione apud Gallos tunc recepta, qua apud Isidorum Mercatorem reperitur, qua ſemper liberius uſi ſunt: quod in Conciliis Gallicanis ſub Ludovico Pio Imperatore, ceteriſque ſubſequentibus obſervare licet.*

3. Justello ferè assentitur P. Jacobus Sirmondus in præfatione ad suam collectionem Conciliorum Galliæ. Certum est, inquit illos (Gallos) *priscam illam (translationem) libentius ſemper uſurpaſſe, ejuſque uſum ad eandem uſque Caroli Magni tempora frequentariſſe: idque declarat inter cætera Capitulare Aquisgranenſe Caroli ejuſdem, quod totum Græcis antiquæ versionis auctoritatibus reſertum eſt, præterquam in Canonibus Apoſtolicis, qui neceſſario ex Dionysiana recitantur, quia alia tunc illorum verſio nulla erat.* Poſt hæc verò ſenſim ab ea deflexere, Codicemque Canonum Dionysianæ collectionis per Hadrianum Papam Carolo Regi commendatum amplexi, & pro veteri illa Librorum Synodalium forma, quam diximus, ad novam converſi Dionysii Exemplaribus Bibliothecas ſuas inſtruxerunt, ac Dionysii proinde verſione, Decretalibuſque ad Dionysii formam digeſtiſ perpetuo deinceps uſi ſunt.

4. Paſchaſius Queſnelius diſſertatione 16. in opera S. Leonis Magni validius contendit Codicem Canonum Dionysii  
Exi-

LIBERTATVM ECCLESIE GALLICANÆ. LIB. I. 19  
Exigui ante Adriani Papæ I. & Caroli Magni Imperatoris  
tempora non fuisse receptum.

5. Illustrissimus verò Petrus de Marca lib. 3. de Concord.  
Sacerdot. & Imper. cap. 4. num. 2. notat Gallos aliquando  
antiquiorem, sæpius Dionysianam interpretationem secu-  
tos, etiam antè Caroli Magni tempora. *Usus autem*, inquit,  
*collectionis Dionysiana statim atque edita fuit, priore interpretatione spectata per*  
*Gallias invaluisse mihi facile persuadeo, tum QVIA APUD SEDEM APOS-*  
*TOLICAM VIGEBAT; tum etiam quod nitore suo commendabatur pra-*  
*squallore veteris interpretationis; etsi hanc omnino Galli non deseruerint.*

6. Fuisse illam collectionem citiùs ab Ecclesia Romana sus-  
ceptam, & accuratiùs retentam testatur celeberrimus Cassio-  
dorus Dionysio còtæaneus lib. de Divin. lect. cap. 23. his  
verbis: *Ex Græcis exemplaribus Canones Ecclesiasticos moribus suis (Dio-*  
*nysius) ut erat planus; atque disertus, magna eloquentia luce composuit,*  
*quos hodie usu celeberrimo Ecclesia Romana complectitur.* Non minoribus  
eam laudibus effert Eminentissimus Cardinalis Baronius ad  
annum 325. *Si fidelitas*, inquit, *atque peritia in transferendo, & si ve-*  
*ritas in edendo quàm maxime requiratur, nulla exquiri potest editio exactior,*  
*atque fidelior, quàm qua elaborata est à magno illo, sed cognomento Exiguo*  
*Dionysio: cuius eximiam in utraque lingua peritiam, & morum egregiam pro-*  
*bitatem Cassiodorus dignis laudibus mirificè predicat.*

7. Si ergo collectio Dionysiana ante tempora Caroli Magni  
non fuit in usu apud Gallos, vel saltem usus ille non fuit per-  
petuus, & constans, non potuit etiam esse libertatum Gal-  
licanarum fundamentum. Ac licet invaluerit ejus autoritas  
post tempora Caroli Magni, non tamen unicum istud, &  
indubitatum antiquæ disciplinæ promptuarium fuisse certis-  
simis argumentis comprobatur.

## C A P U T V I I.

### *De Canonibus Apostolorum.*

1. **I**N primis nascitur dubium circa collectionem Diony-  
sianam, de Canonibus scilicet Apostolorum, de quibus  
sic Dionysius ipse monet in sua præfatione: *In principio itaque*

Canones, qui dicuntur Apostolorum, de Græco transtulimus, quibus quia plurimi non consensum præbuerē faciliem, hoc ipsum vestram nolumus ignorare sanctitatem, quamvis postea quadam Constituta Pontificum ex ipsis Canonibus adsumpta esse videantur. Quo monito illorum Canonum autoritas non parum imminuitur: Unde non mirum si Autores Galli circa illorum vim dissentiant.

2. Illusterrimus Petrus de Marca lib. 3. cap. 2. num. 4. non solum quinquaginta illos, quos Dionysius in sua collectione primos collocavit, sed & omnes alios ad numerum 85. admittit. Ex iis autem, quæ diximus (hæc sunt ejus verba) non solum colligitur vetustas, & autoritas Canonum Apostolorum, sed etiam eorum numerus. Etenim 85. Canones recensent Græci in collectionibus suis juxta definitionem Synodi in Trullo, quo in capite illis recte convenit cum libro Constitutionum Apostolicarum, ubi Canones illi eadem serie, eodemq; numero referuntur. Laudatum etiam vidimus Canonem 74. à Synodo Constantinopolitana sub Nestario, & 62. à Synodo Nicæna, & 76. à Concilio Antiochæno: Quin etiam Theodoretus in collectione sua eundem numerum 85. Canonum Apostolicorum servavit.

3. Aliis fortasse viderentur omnes omnino repudiandi, eo quod Gelasius Primus eos in Concilio Romano anno 494. inter opuscula apocrypha, nullo excepto, rejecerit. De qua tamen censura dubitant alii. Deerat illa certè in Codice Hincmari, ut ex his ejus verbis opusculo 55. cap. 24. evidenter colligitur: *Beatus Gelasius in Catalogo, qui libri ab Ecclesia Catholica recipiantur, descripto, &c. de his Apostolorum Canonibus penitus tacuit, sed nec inter apocrypha eos misit. Erat ignota Dionysio Exiguo, qui in collectione sua non multò post Gelasium tempore, hoc est circa annum 527. Canones illos omninò prætermisisset, si eis in Concilio Romano hæc nota inusta fuisset; ab eis quoque citandis abstinuissent posteriores Pontifices, de quibus numero sequenti; nisi fortè, & Dionysius, & Pontifices censuram illam benigniùs interpretatì putaverint, Gelasium eos non improbasse: Sed incertum, & ab Apostolis diversum esse illorum Autorem monere voluisse, ideoque Dionysium dixisse tantum, illis plurimos non consensum præbuisse facilem.*

4. Mediam viam sequuntur alii, quibus quinquaginta primi tantum placeant, quod eos pluribus Pontificibus probatos videant: Joanni II. qui anno 534. ut justam ostenderet Con-  
tumeliosi Episcopi Regiensis depositionem, Canones Aposto-  
licos

licos 25. & 29. protulit: Zachariæ epistola ad Pipynum majorem domus, Episcopos, & Procures Francorum anno 747. Leoni IX. anno 1054. seu ejus Legato Humberto Sylvæ Candidæ Episcopo in confutatione epistolæ Nicæti Abbatis, ex qua sumptus est Canon *Clementis librum* dist. 16.

5. Sanè si constitisset, Apostolos, quorum nomine decorantur, veros fuisse illorum Conditores, & Collectorem S. Clementem, quod titulus, & conclusio supponunt, eandem obtinerent, quàm sacræ Scripturæ Canonici libri auctoritatem, aut saltem illis ferè æqualem; nec eos Gelasius apocryphos declarasset. Galli etiam ad eos recipiendos, & in Codicem Canonum referendos promtiores sese præstitissent: cum tamen ex Gregorio Turonensi lib. 5. histor. Francorum cap. 19. non obscurè colligatur in eo Regno sub finem sexti sæculi vix fuisse cognitos. Refert enim à Chilperico Rege cum Prætextati Episcopi Rothomagenensis condemnationem urgeret anno 577. in novo, & distincto quaternione Prælati fuisse oblato; Ipse verò (Chilpericus) ad Metatum discessit, transmittens librum Canonum, in quo erat quaternio novus annexus habens Canones quasi Apostolicos.

6. Quid quod eorum aliqui cum communi Ecclesiæ usu, & sensu non conveniunt? Nam Canon 65. pœnam depositionis, aut excommunicationis statuit in eum, qui sabbatho jejunaverit. Ultimus scripturis Canonicis veteris Testamenti, tertium quendam Machabæorum librum annumerat; detrahit verò libros Judith, Tobia, Sapientiæ, & Ecclesiastici: A novo autem Testamento rescemat Apocalypsim, & in quibusdam exemplaribus epistolam S. Judæ. Qui potuissent autem aut Apostoli, qui essent veræ scripturæ sacræ libri, ignorare; aut Concilia, præsertim Tridentinum, Apostolis contradicere, Canonicorum librorum Catalogum diversum texendo?

7. Quod quidem ad Apocalypsim attinet, non erat impossibile, quin illis Canonibus esset posterior, utpotè à S. Joanne jam sene conscripta. Sed præterquam quod hæc ratio quoad alios libros valere non potest; S. Clemens scriptæ à B. Joanne Apocalypsi pluribus annis superstes fuit, quo tempore verosimilius est illum Constitutiones Apostolicas,



22 DE NATVRA, ORIGINE, AC PROGRESSV,  
& Canones istos, qui ultimum illarum caput constituunt,  
collecturum fuisse, nec Apocalypsim omitturum, cum sua-  
rum ipsius epistolarum, & constitutionum meminisse per-  
hibeatur.

8. Quamquam autem Canones isti Apostolicâ non gaudeant  
autoritate, antiquitate tamen sua commendantur, plurimas-  
que tradunt morum, & disciplinæ regulas Apostolicis tem-  
poribus non indignas, à Gallia ipsa, & ab Ecclesia universa  
receptas. Nec igitur admitti omnes, neque refutari omnes  
posse videntur, sed eorum habendus delectus, ut scilicet  
illi solummodò ceu regulæ proponantur, & accipiantur,  
qui fuerint ab Ecclesia confirmati.

9. Ità suadet Hincmarus opusc. 55. capitum, 24. cap.  
*Quapropter in lectione illorum sequenda est cautela ab eodem S. Gelasio præmoni-  
ta; Cum hac, inquit, ad Catholicorum manum advenerint, B. Pauli Aposto-  
li præcedat sententia, quæ dicit; OMNIA PROBATE, QVOD BO-  
NUM EST TENETE: quod tamen de istis Canonibus non est  
à Gelasio dictum.*

10. Verumtamen cum tamdiu nutaverit Canonum Aposto-  
licorum autoritas, totaque illorum vis ab aliis Ecclesiæ  
decretis, vel ab usu profecta sit, necdum etiam aliqui re-  
cepti sint, constat libertates Ecclesiæ Gallicanæ illis tutò  
inniti non potuisse, nec etiamnum posse.

## C A P U T V I I I.

*De Canonibus, & Decretis à Dionysio Exiguo  
prætermisiss.*

1. **N**on eo pervenit Dionysii diligentia, ut Concilia om-  
nia, aut omnium Pontificum Decreta repererit. Quam-  
obrem licet maximæ autoritatis sint, quæ profert, non ta-  
men omni destituta sunt robore, quæ ipse prætermisit, si  
aliorum fide dignorum testimonio nitantur: nec enim ut su-  
pra insinuavimus, Dionysii opus unicum est Ecclesiasticæ  
disciplinæ Promptuarium, in quo afferrentur universæ leges  
Ecclesiasticæ; nec quando ab Ecclesia Romana, vel Galli-  
cana



cana tanto cum applausu exceptum fuit , in illud omnis delata est vis Canonica ; sed cum non nisi obscura , & ferè barbarà haberetur interpretatio Græcorum Canonum , non potuit dilucida , & exacta Dionysii translatio , statim ut oblata est , non aridire.

2. Necita collectio Dionysiana specialiter ab Ecclesia confirmata fuit , ut Canones aliquam ex eo solo quod inibi reperiuntur , vim sibi vindicent , quemadmodum Codex Legum civilium à Justiniano accepit auctoritatem ; nam S. Gregorius Magnus plus quàm 60. annis post editam illam collectionem scripsit , Canones Concilii Constantinopolitani ab Ecclesia Romana non fuisse receptos , quos tamen collegerat , & Latinos fecerat Dionysius. *Romana Ecclesia* , inquit sanctus ille Pontifex lib. 6. epist. 31. *eosdem Canones , vel gesta Synodi illius habemus non habet , nec accipit.* Nec eos solos intelligebat , qui desiderabantur in collectione Dionysiana : quippe cum ageretur de dignitate , quam sibi arrogabat Episcopus Constantinopolitanus juxta Canonem præfati Concilii , quem vertit Dionysius. Major autem esset error , si quis , quod apud Dionysium non legeret , nihili faciendum existimaret.

3. Præcipuum Autoris illius consilium fuit , non in unum volumen colligere quæcumque vim Ecclesiasticæ legis haberent ; sed Græca , quæ non omnibus intellectu facilia erant , in Latinum idioma transferre , quod antea nullus tam fideliter , & tam perspicue præstiterat , mentem hanc suam his in præfatione verbis aperuit. *Quamvis christianissimus frater noster Laurentius assiduè & familiari cohortatione , puritatem nostram regulas Ecclesiasticas de Græco transferre populeris , confusione , credo , prisca translationis offensus.* Ad didit nihilominus Canones Sardicenses , & Africanos , sed præterquam quod Ephesinos omnes , quorum indubitata est fides , & auctoritas , & duos ultimos Constantinopolitanos , qui etiam , licet seriùs , in Occidente invaluerunt , è Græca in Latinam linguam non convertit ; Latinos quamplurimos omisit , & eos quidem maximi ponderis , & momenti , quod etiam silentium tantum abest ut suadeat , eos omni utilitate , aut robore caruisse , ut etiam hinc fortè conjicere liceret , eos usu communi ita notos extitisse , ut novâ publicatione non egerent. Idèò enim Sardicenses , & Africanos se exscripsisse proficetur ,

24 DE NATVRA, ORIGINE, AC PROGRESSV,  
tur, ne laterent Stephanum, cui opus suum dedicavit; ne  
quid præterea notitia credat velle subtrahere, statuta quoque Sardicensis Con-  
cilii, atque Africani, quæ Latine sunt edita, suâ à nobis numeris cernuntur esse  
distincta.

4. Nùm enim in Gallia, in Hispania, immò in Italia, & Ro-  
mæ nulla habita fuerant Concilia tempore Dionysii Exigui? Nulline illic conditi fuerant Canones? Nùm Ecclesia Roma-  
na, & Gallicana libentiùs Græcis obsecuebantur, quàm suis,  
quasi specialibus Provinciarum necessitatibus providissent ex-  
teri sapientiùs, aut opportuniùs, quàm Pastores indigenæ,  
aut incolæ?

5. Cæterùm quamvis Dionysius in congregandis summo-  
rum Pontificum Decretis. maximam operam posuerit, ut ad  
Julianum Præbyterum tituli S. Anastasii scribit his verbis  
præfationis; *Sanctitatis vestra piis excitatus studiis, quibus nihil prorsus eor-  
um, quæ ad Ecclesiasticam disciplinam pertinent, omittit inquirere; præterito-  
rum Sedis Apostolica Præsulum constituta, quæ valui curâ, diligentiaque collegi,  
& in quendam redigens ordinem titulis distincti composui; Certissimum tam-  
men est plurima ejus diligentiam effugisse, quorum etiam  
aliqua ipsius collectioni postmodum adjuncta sunt, antequam  
Carolo Magno ab Adriano Papa traderetur, ut perhibet Chri-  
stophorus Justellus in præfat. ad veterem Codicem Ecclesiæ  
universæ; Cui postea, inquit, ab alio Collectore addita sunt Decreta se-  
quentium Pontificum Hilarii, Felicis, Simplicii, Hormisdæ, Simmachii, &  
Gregorii Junioris. Ex quibus tam Conciliorum Canonibus, quàm Pontificum De-  
cretis tandem compositus est Codex Canonum Ecclesiæ Romanæ? Atque ipse est  
Codex Cancrum, qui ab Adriano Papa Primo Carolo Magno Regi, Roma obla-  
tus est anno 805. ad usum Ecclesiarum Occidentaliûm. Porro quan-  
vis Justellus Pontifices priores Anastasio II. posterioribus  
commisceat: certum tamen est Hilarium, Felicem, &  
Simplicium antiquiores fuisse Anastasio illo II. cujus Decre-  
ta ultima sunt in collectione Dionysii. Undè necessariò col-  
ligitur, Dionysium multa prætermisisse, quæ robore non ca-  
reant.*

6. Referuntur item inter authentica Conciliorum acta, in-  
ter primorum Patrum, & fidelium Scriptorum opera, literæ  
gravissimæ, atque utilissimæ summorum Pontificum Siricio  
antiquiorum, de quarum veritate sine pertinacia, vel etiam  
tame-

LIBERTATVM ECCLESIAE GALLICANÆ. LIB. I. 25  
temeritate dubitari non possit, quibusque sua reverentia, &  
quidem maxima debetur.

7. Quæ igitur collectioni Dionysianæ inserta, vel assuta  
sunt majori vi fortasse pollent propter usum, qui latius pa-  
tuisset videtur; non tamen idcirco parvi faciendæ sunt alia,  
quorum veritas sufficientibus argumentis manifesta fuerit.  
Cujusmodi sunt v.g. epistola Julii Papæ Primi, ex Apolo-  
gia 2. S. Anastasii, aliæque quamplures aliorum Pontificum  
ab antiquis Scriptoribus relatæ, vel etiam à Recentioribus è  
tenebris erutæ, quæ in re laudabiliter hodie plures desudant.  
Non est ergo cur antiqua disciplina à Gallis observanda intra  
Dionysii Codicem concludatur.

## C A P U T I X.

### *De Epistolis Decretalibus antiquiorum Pontificum.*

1. **A** Cris fuit olim disceptatio inter Hincmarum Archie-  
piscopum Rhemensem, & ipsius nepotem Hincma-  
rum Laudunensem Episcopum, quæ etiam ad alios Episco-  
pos Galliarum, & ad Nicolaum Primum summum Pontificem  
attinuit, occasione Decretalium Epistolarum veterum Pon-  
tificum, quas Riculphus Episcopus Moguntinus ex Hispania  
in Gallias detulerat sub finem octavi, aut initio noni sæculi.  
Nulla certè fuisset contentio, si adhibita fuisset debita dili-  
gentia in exquirenda illarum veritate. Aut enim detecta fuisset  
illarum suppositio, aut dubia saltem fides evasisset, ut  
regularum loco liqueret non esse habendas.

2. Gallici scriptores ex Dionysii silentio, qui, ut diximus  
quâ valuerat curâ, & diligentia præteritorum Apostolicæ se-  
dis Præsulum constituta collegerat, arguunt suppositas esse  
antiquas illas Decretales. Quamvis enim non ita potuerit om-  
nia Dionysius assequi, ut adhuc indies non eruantur è tene-  
bris certissima antiquioris temporis documenta, difficile est,  
ut cum Romæ scribentem tot, tantæque epistolæ effugerint.  
Quid causæ fuisset, ut tam præclara antiquitatis monumen-  
ta, tamque ob dignitatem, & sanctitatem Autorum, nec

D

non

26 DE NATURA, ORIGINE, AC PROGRESSU,  
non ob materiæ præstantiam commendanda, per tot sæcula  
in tenebris jacuissent, hoc est à primis Ecclesiæ temporibus,  
quibus eam gubernarunt Pontifices, quorum nominibus in-  
signiuntur, usque ad octavum, aut nonum sæculum, cum à  
Ricuipho in Galliam inuenta sunt ex Hispania sub nomine  
Isidori collecta.

3. Accedit, quod earum Epistolarum stylus parum cum eo  
convenit, quo communiter utebantur omnes illius ætatis  
Auctores, quæ scriptæ dicuntur. Atque cum una, eademque  
sit illarum omnium textura, satis innuitur, non diversis tem-  
poribus, & sæculis, atque à tot diversis Pontificibus scrip-  
tas, sed simul ab eodem scriptore confectas. Quin etiam non  
defuerunt, qui, eisdem diligenter inspectis, singulas penè  
illarum partes ad veros Auctores illis Pontificibus recentiores  
retulerint, ut factâ collatione vix dubitandi locus remaneat,  
eas ex illis scriptoribus extractas, & interpolatas fuisse. Le-  
guntur enim v. g. in illis non sententiæ tantum, sed phrasæ  
etiam ipsæ Codicis Theodosiani tardius editi.

4. Deindè cum Sacræ Scripturæ loca, quæ in eis plurima,  
& prolixissima sunt, referantur ex versione vulgata, quam  
vel composuit, vel saltem emendavit S. Hieronymus, Pon-  
tificibus illis, quorum esse dicuntur, junior, post ejus tem-  
pora fabricatas fuisse, non leve argumentum est. Cumque  
nihilominus S. Hieronymus illis Pontificibus vicinus extite-  
rit, ac de illo S. Augustinus hoc protulerit encomium; *Hic  
omnes, vel penè omnes, qui ante illum ex utraque parte orbis de doctrina Ecclesi-  
astica scripserant, legit.* lib. 1. contra Julianum cap. 7. Nonne ali-  
quod reperisset illarum Epistolarum vestigium inter tot volu-  
mina, quot illum evoluisse novimus? At si quod occurrisset,  
in texendo Catalogo Scriptorum Ecclesiasticorum, tot, tam-  
que insignium Auctorum certè non fuisset oblitus.

5. Denique qui proximè secuti sunt Pontifices, quorum-  
que literæ indubitatæ ad nos usque devenerunt, suas senten-  
tias tam venerabilem Prædecessorum auctoritate confirmare  
non neglexissent.

6. His, aliisque argumentis non solum Gallici scriptores,  
sed etiam Romani ducti sunt, ut epistolis illis fidem dene-  
garent. Eminentissimus Cardinalis Bellarminus suam his ver-  
bis

bis sententiam indicat, de Romano Pontifice lib. 2. cap. 14. Indubitatas esse affirmare non audeam. Suam certius Cardinalis Baronius ad annum 865. num. 4. *Ex multis*, inquit, *eas reddi suspectas epistolas, quæ dicta sunt 2. Amalium tono, dum de singulis mentio facta est, satis est demonstratum.*

7. Suspiciari quidem videbatur Hincmarus Rhemensis eas falsas esse: falsitatem tamen apertè affirmare non audebat; sed aliis rationibus vim earum conabatur infringere: nempe quod in Canonum collectione desiderarentur; quod Gelasius Primus suorum Prædecessorum literas venerabiliter tantum haberi voluisset; quod cum aliis epistolis summorum Pontificum, cum Canonibus, cum usu, imò & inter se pugnarent, & cæteris similibus.

8. Nicolaus I. etiam nonnihil circa illarum veritatem hæsitare videbatur, ideoque non omnes indiscriminatim admitti volebat, sed tantum quæ veræ probarentur legitimis indiciis, quod significasse videtur his verbis epist. 42. quæ est ad universos Episcopos Galliæ; *Absit enim ut cujuscumque usque ad ultimum vita sua diem, qui in fide Catholica perseveravit, vel Decretalia constituta, vel de Ecclesiastica disciplina qualibet exposita debito cultu, & cum summa discretionem non amplectamur opuscula, quæ dumtaxat, & antiquitus S. Romana Ecclesia conservans, nobis quoque custodienda mandavit, & penes se in suis Archivis, & in vetustis ritè monumentis recondita veneratur.* Sed instabat vehementius adversus eam rationem Gallicanorum Antistitem, quod scilicet Decretales illæ cum non haberentur in Codice Canonum, robore carerent. Videbat enim eadem ratione multorum aliorum Decretorum, & documentorum autoritatem elusum iri. Reponebat itaque non omnia in Codicem Canonum fuisse congesta, quæ sequenda essent, alioquin, & Sacræ Scripturæ libris autoritatem defuturam.

9. Tandem si credimus Illustrissimo Petro de Marca lib. 3. cap. 6. n. 2. *ex deventum est, ut tantis nominibus veterum Pontificum cesserint una cum reliquis Episcopis etiam Gallicanæ Ecclesiæ Rectores.* Equidem illorum Sententiæ aliquando expressis sæpius tacitis Autorum nominibus probatæ sunt in variis Conciliis Gallicanis, & in Regiis Capitularibus.

10. Quin etiam Hincmarus ipse Rhemensis, qui eas quan-

do suis consiliis adversabantur, tam acriter impugnabat, quando favebant, sæpenuerò usurpavit. Non solum enim cap. 15. opusc. 55. capitulum, in quo quidem opusculo earum robur imminuere vehementer conatus est, earum autoritate usus est adversus Hincmarum Laudunensem Episcopum, & nepotem suum eas acriter defendentem, sed etiam alibi passim. Ita v. g. in epistola ad Carolum Calvum, quæ est 29. in editione Jacobi Sirmondi, primam S. Urbani, unicam S. Lucii, secundam S. Stephani Papæ, & Martyris laudat.

11. Ivo Episcopus Carnotensis Canonice disciplinæ peritissimus eos suæ collectioni inseruit, quam præfatus Dominus de Marca ad Ecclesiæ Gallicanæ usum compactam affirmat lib. 3. cap. 6. n. 2.

12. Quæ quidem testimonia sufficerent ad stabilendam usquequaque illarum epistolarum autoritatem etiam in Gallis, nisi re diligentius expensa detecta fuisset illarum falsitas. Vix enim quispiam assentitur hodiè Turriano, Binio, & paucissimis aliis, qui postremis temporibus illarum patrocinium susceperunt.

13. Quamvis autem ferè certum apud Scriptores tum Gallicanos tum Romanos hodie sit, Epistolas illas Decretales supposititium esse, non germanum, antiquorum Pontificum factum; non eo tamen odio prosequendæ sunt, ut falsa, vel suspecta omnis habeatur doctrina, in cujus confirmationem adducantur; tam enim communiter receptæ sunt non solum à summis Pontificibus, à quibus adoptatæ, ut ita dicam, videntur, sed etiam à Theologis, Juris Canonici peritis, à Conciliis, & à Regibus Galliæ, atque ab omni Scriptorum genere, ut ab Ecclesia ipsa universa probatæ videantur, atque adeò certum sit, nihil contineri (in illis saltem locis prædictarum Decretalium, quæ tam universè laudatæ sunt) quod fidei, aut bonis moribus non consentiat. Ab iis tamen de industria citandis abstinemus, etiamsi nobis maximè favere videantur, ne doctrinæ certæ dubiis probationibus fidem conciliare velle videamur; nec illarum quamvis in Gallia receptarum, ac diù in pretio habitatum autoritatem variis libertatum Gallicanarum capitibus, quibus adversantur opponemus.

## C A P U T X.

*De speciali Ecclesiæ Gallicanæ Codice.*

1. **E**cclésiæ Gallicanæ Antistites, Canonicæ disciplinæ studiosos, non solum Ecclesiæ universæ, sed & proprios Canones, vel in eodem, vel in diversis Codicibus collegisse mihi faciliè persuaserim, sed an fuerit determinatus aliquis Codex, in quo inessent omnes regulæ Canonicæ, quas sequi nemo non teneretur, & extra quem nulla esset, ad quam Galli adstringerentur, non ita compertum est.

2. *Habuit etiam Ecclesia Gallicana, inquit Christophorus Justellus in præfat. ad Codicem Canonum Ecclesiæ universæ, præter Codicem universalem quandam suarum Synodorum collectionem, Gallicanorum Canonum nomine receptam, quorum meminit Hormisdæ, Papa apud Gratianum his verbis; secundum titulos antiquorum Patrum sancto Spiritu suggerente conscriptos, & secundum sententias 318. Episcoporum (hoc est Nicænos Canones), quas etiam Gallicani Canones continere videntur, Clerici in adulterio deprehensi, aut ipsi confessi, aut ab aliis convicti ad honorem redire non possunt.*

3. Affirmat item Carolus Fevret lib. 1. cap. 4. num. 19. ultra Codicem Canonicum (sic ille vocat collectionem Dionysii Exigui) Ecclesiam Gallicanam proprium suum Codicem habuisse, Gallicanorum Canonum nuncupatum; eumque approbatum fuisse ab Ecclesia Romana Can. si quis Diaconus dist. 50.

4. Continebat autem Codex ille Canones in Gallia editos, sive à Conciliis Nationalibus, sive à Provincialibus, ut asserit Dominus de Marca lib. 6. cap. 21. num. 7. his verbis; *Eorum Canonum collectio fiebat, qui conditi erant ab universa Ecclesia Gallicana, vel à quadam ejus portione, sive in Regno VVisigotorum, Burgundiorum, aut Francorum, sive etiam in Provincia Gallicana Regni Italia, in qua habita fuere Synodi Arausicana, & alia quadam Provinciales: hiq; Canones recipiebantur ab Episcopis aliarum Provinciarum, confectâ collectione sub nomine Gallicanorum Canonum.*

5. Jacobus Sirmondus in præfatione ad Concilia Galliæ  
D 3 probat

30 DE NATVRA, ORIGINE, AC PROGRESSV,  
 probat ex varietate collectionum nullam fuisse authenticam,  
 & approbatam: *In tanta*, inquit, *Synodali voluminum copia, qui-*  
*bus abundat Gallia, vix ullum reperire sit, in quo eadem, qua in cæteris, nul-*  
*lum, in quo Synodi Gallicana veteres universa contineantur, ut facili inde con-*  
*jectura sit, NVLLAM OLIM CERTAM, ET RECEPTAM SYNO-*  
*DORVM NOSTRARVM COLLECTIONEM, NVLLVM GAL-*  
*LICANORVM CANONVM CORPVS FVISSE. Idem paulò infe-*  
*rius repetit.*

6. Agobardus, qui vivebat paulò antè medium noni sæcu-  
 li lib. de dispensat. Eccles. & epist. ad Imperatores de duello,  
 antiquos Romanos asserit veneratos Canones Gallicanos;  
 Neotericos autem eos non commendasse; *huc accedit*, inquit,  
*aliud de Canonibus, scilicet Gallicanis, qui quasi superflui, aut inutilis, à*  
*quibusdam respuuntur, eo quod Neotrici Romani eos non commendaverint, cum*  
*antiqui religiose eos venerati sint. Cæterum Codicis alicujus, vel*  
*collectionis non meminit.*

7. Verba etiam Can. si quis Diaconus quæ refert Justellus, &  
 citat Fevrettus Codicis alicujus mentionem non faciunt, sed  
 tantum Canonum Gallicanorum; nec aliud significant, nisi  
 Canones Concilii Nicæni, cui 318. Episcopi interfuerant,  
 ab Episcopis Gallicanis receptos fuisse in deponendis Clericis  
 in adulterio deprehensis; non autem approbatum fuisse ali-  
 quem Codicem, vel ullam Canonum collectionem. Jacobus  
 Sirmondus, & Philippus Labbeus Canonem illum aliter re-  
 ferunt, his scilicet verbis. *Manifestissime constat, quia secundum quod*  
*& tituli antiquorum Patrum à S. Joanne transmissi, & 318. Episcoporum*  
*feminita, sed & CANONES GALRICANI continere videntur, Clerici in*  
*adulterio deprehensi, &c. Quæ verba animadvertit Sirmondus non ab*  
*aliquo Pontifice, sed à S. Cæsario Arelatenfi Archiepiscopo*  
*prolata esse, occasione contumeliosi Episcopi Regiensis, quem*  
*Pontifex ille deponendum decreverat. Sane Hormisdæ, cum*  
*eius tempore nullus extiterit Papa nomine Joannes, falsò à*  
*Gratiano adscribuntur. Licet autem hæc verba. Canones Galli-*  
*cani Codicem aliquem, seu collectionem indicarent, non*  
*continerent tamen aliquam Ecclesiæ Romanæ approbatio-*  
*nem.*

8. Porro fuerit necne Codex aliquis, seu Collectio Cano-  
 num Gallicanorum, & an fuerit approbatus ab Ecclesia Ro-  
 mana,



mana, scire parùm juvaret, cùm amplius non extet, & quibus Canonibus constiterit, ignoremus, ut fatetur Paschasius Quesnel dissert. 16. cap. 15. Itaque non à Codice aliquo ab Ecclesia Romana approbato vim habent Canones Gallicani, sed à Conciliis in quibus conditi sunt, ab usu, & utilitate, & si quæ sunt aliæ rationes.

9 Quæ autem, quantaque sit illa vis rectè determinant Autores Galli, dum illos quidem Canones, ceu regulas habent eò sibi religiosius observandas, quòd, & à Sanctissimis Pastoribus, ac in Christo parentibus, sibi propositæ sint, & specialiter illius Regni moribus, & negotiis accomodatæ, & tamen Canonibus Ecclesiæ Romanæ postponunt. Ità cum Agobardus antiquos Romanos Canones Gallicanos in veneratione fuisse præmisisset, & causam subjunxisset: *QUONIAM VENERANDI, ET SANCTI VIRI EOS EDIDERUNT, QUORVM VITAM, ET SANCTITATEM CREBRA MIRACVLA COMMENDAVNT.* Addit paulò inferius; *Neque hoc idcirco dicitur, ut passim omnium Episcopaliũ Conventuum sanctiones aequali auctoritate recipiende credantur, ut Nicæni, Calcedonensis, & cæterorum Generalium ex totius mundi consensu congregatorum, & receptorum, sed quia congrua veneratione pro causis necessariis, quarum definitiones in illis generalibus non inveniuntur, fides sit eis adhibenda religione debitâ, & melius sit unicuique, EORVM SEQUI AVTORITATEM, QVAM PROPRIVM SENSVM.* Agobardus ad Ludovicum Imperatorem de impietate duelli. Idem in opusc. de dispensatione, ministerio, & ordine totius rei Ecclesiasticæ.

10. Idem proficitur Dominus de Marca loco citato, his verbis; *Quoniam verò ut docuit Augustinus Concilia Provinciarum plenariorum Conciliorum auctoritati, quæ sunt ex universo orbe Christiano, sine ullis ambagibus cedunt, Canones Gallicani in iis causis obtinent, quæ Canonibus antiquis definitæ non sunt.*

11. Hanc esse mentem totius Ecclesiæ Gallicanæ testis est Fevretus loco etiam supra cit. num. 20., Ecclesia Gallicana, inquit Codici suo speciali Gallicanorum Canonum non tantam tribuebat auctoritatem, quantam Canonibus Codicis Ecclesiæ Romanæ contentis.

12. Venerandi sunt igitur antiqui Ecclesiæ Gallicanæ Canones. Primò propter Antistitem, à quibus editi sunt, merita.

32 DE NATVRA, ORIGINE, AC PROGRESSV,  
rita. 2. Quia illuc recurrere necesse est, cùm Ecclesia Ro-  
mana, vel universalis regulas non subministrant, quibus spe-  
cialia negotia definiri queant. 3. Ut eadem sit ejusdem Regni  
Canonica disciplina, sicut cædem sunt leges civiles. Non  
sunt tamen universalium Conciliorum, aut summorum Pon-  
tificum Decretis antepoenendi, vel etiam exequandi; Mul-  
tò minùs prætextu libertatis opponendi.

## C A P U T X I.

### *De Capitularibus Regum Francie.*

1. **I**N eam rerum omnium & Ecclesiasticarum, & Civi-  
lium perturbationem, & confusionem inciderat Gallia  
sub finem septimi sæculi, ac principio octavi, ut Religio om-  
nis obliteranda videretur, nisi Clodovei posteritati, à radi-  
ce degeneri substituta Caroli Martelli familia, Ecclesiæ in eo  
Regno ferè collapsæ succurrisset, quod tùm ex aliis monu-  
mentis addiscimus, tùm ex Epistola S. Bonifacii ad Zacha-  
riam Papam, cujus secundus articulus sic habet: *Notum simi-  
liter sit Paternitati vestre quod Carlomannus Dux Francorum me accersitum ad  
se rogavit in parte Regni Francorum, qua in sua est potestate, Synodum inci-  
pere congregare, & promissi se de Ecclesiastica Religione, qua jam longo tem-  
pore, id est non minus quam per 60. aut 70. annos, calcata, aut dissipata  
fuit aliquid corrigere, & emendare velle. Qua propter si hoc, Deo inspirante,  
veraciter adimplere volueris, consilium, & PRÆCEPTVM SANCTÆ  
VSTRÆ AVTORITATIS, ID EST APOSTOLICÆ SEDIS HA-  
BERE, ET SAPERE DEBEO. Franci enim, ut seniores dicunt, plus-  
quam per tempus 80. annorum Synodum non fecerunt, nec Archiepiscopum ha-  
buerunt, nec Ecclesia Canonica jura fundabant, vel renovabant. Modo autem  
maxima ex parte per Civitates, Episcopales sedes tradite sunt laicis cupidis ad  
possidendam, vel adulteratis Clericis, scortatoribus, & Publicanis seculariter  
ad persuendum. Nam si per verbum vestrum, aut negotium Duce rogante  
supradicto, movere, & incipere debeo, PRÆCEPTVM, ET IUDICIUM  
APOSTOLICÆ SEDIS cum Canonibus Ecclesiasticis præsto habere cupio.*  
Consensit libentissimè Zacharias tam justæ Carlomanni peti-  
tioni, ut illius Pontificis literæ responsoriæ declarant.

2. Eo-

2. Eodem zelo accensus est Pippinus Carlomanni frater, Martellique filius, ejusque pietate, cura, & ope congregata sunt plurima Concilia, edita sunt plurima Decreta: consultus est summus Pontifex; ejus implorata est autoritas, ac sensim demum restituti sunt Christiani mores, & Ecclesiastica disciplina.

3. Illustrior in hoc genere sicut & in cæteris fuit Carolus Magnus, cujus zelus, pietas, & magnificentia immortalem illi gloriam pepererunt. Nam incredibili cum ardore in renovanda disciplina Canonica desudavit, quemadmodum à Papa Adriano I. rogatus fuerat, à quo etiam Codicem acceperat Dionysii Exigui, ut Canonum, & Decretorum in eo contentorum usum revocandum curaret.

4. Carolum Magnum secuti sunt ejus Successores, qui etiam congregatis Regni Præsulibus, iisque assentientibus, & consentientibus, multa ordinarunt circa politiam Ecclesiasticam.

5. Equum igitur esset, ut quæ ab illis Principibus constituta sunt de Prælatorum sententia, & plerumque cum assensu Romani Pontificis ad confirmandam, vel ad reparandam disciplinam Canonicam plurimum valerent, ac in iis observandis partem libertatis suæ Ecclesia collocaret Gallicana.

6. Equidem viguisse olim leges illas in Gallia docent antiqua monumenta, & moderni scriptores. Autor libelli Gallicè conscripti cum titulo: *L'Abbé Commendataire* cap. 11. collectionem Capitularium Regum Francorum vocat primum Codicem Francicum; *le premier Code François*. Stephanus Baluzius in præfat. ad collectionem eorundem Capitularium, quam ipse ampliorem, & accuratiùs digestam edidit, magno in pretio fuisse olim habitam illam, quam composuerat Angelus Abbas, probat num. 41. & 42. *Tanquam*, inquit, dicto num. 42. *publicum legum Francicarum Codicem Regia autoritate, & usu publico receptum.*

7. Verum tot sunt ex illis Capitularibus articuli, & quidem maximi momenti modernæ Francorum praxi contrarii, ut Codex ille nequaquam fundamentum libertatum Gallicanarum dici queat. Norunt qui Regni illius modernos usus

34 DE NATVRA, ORIGINE, AC PROGRESSV,  
perspectos habent, ac cum antiquis illis legibus contulerunt,  
quantum inter se distent.

8. Posset etiam fortassis colligi ex diuturno neglectu accuratæ illorum Capitularium editionis, quem innuit Stephanus Baluzius in editionis suæ præfatione à num. 49. illa dudum non tanti fuisse in Gallia habita. Nec legimus Gallos, vel eo tempore, quo suas libertates acrius, ac frequentius allegare cœperunt ea Capitularia protulisse; neque audimus apud illos praxim earum legum, saltem plusquam alibi, jam pridem viguisse.

## C A P U T X I I.

*Mancam esse definitionem Libertatum Ecclesiæ Gallicanæ,  
nec rei definitæ convenire.*

1. **C**onstat ex supradictis obscuram fore libertatum Ecclesiæ Gallicanæ definitionem, si antiqui Canones, quibus illæ definiuntur, certo Codice speciali conclusi supponantur, quippè cum assignari vix possit: sed dicet quis, Canones illos è propriis fontibus hauriri, puta Nicænos, à Concilio Nicæno, Constantinopolitanos, à Concilio Constantinopolitano, & sic de reliquis. Verùm difficultas recurrit, quousque se extendat, illa antiquitas, quæ libertatibus vindicatur, an de omnibus Canonibus intelligatur?

2. Quovis autem modo accipiatur hæc definitio, manca est, præcipuaque sui parte caret, nempe differentia. Nam aliæ Ecclesiæ hanc sibi laudem præripi, soliquæ Gallicanæ concedi non permittent, ut exactam veteris disciplinæ custodiam sibi soli vindicet, quasi reliquæ Canones antiquos minus colerent.

3. Nec aliunde quàm à Gallicanis ipsis scriptoribus conquirenda sunt testimonia, quibus probemus reliquis etiam Ecclesiæ partibus antiquissimam esse Canonicæ disciplinæ custodiam. Quo circa sufficit legere præfationem Christophori Justelli ad veterem Codicem Canonum Ecclesiæ universæ, ubi præcipuas percurrit Ecclesias, easque illius disciplinæ studiosissimas

fissimas fuisse demonstrat : inter alias de Hispania hæc habet : Ac de Hispanis quidem dubitari non potest illos præscorum Canonum, Codice Ecclesiæ universa comprehensorum, jure ab initio usos fuisse, quorum adeò studiosi, & amatores fuere, ut quum Synodis subscriberent ; hac formulâ uterentur, salvâ autoritate præscorum Canonum, ut in subscriptionibus Concilii Toletani 2. observare licet. Et Bracharense Concilium anno 563. celebratum, nominatim Codicis Canonum meminit his verbis : Lucretius Episcopus dixit ; Necessarium arbitror, si vestra fraternitati videtur, ut instituta Sanctorum Patrum, recessitis antiquis Canonibus, immutescant : Quæ etsi non omnia, certè vel pauca quadam, quæ ad instructionem Clericalis disciplinæ pertinent relegantur. Omnes Episcopi dixerunt, placet, quod dictum est, & congrua res est, ut quibus fortasse per incuriam abolita sunt Ecclesiastica constituta, audiam Sanctorum Canonum regulam, & observent. Relecti sunt ex Codice Canonum coram Concilio tam Synodorum generalium Canones, quam localium. Et postea can. 40. placuit, ut PRÆCEPTA ANTIQVORVM CANONVM, quæ modo in Concilio recitata sunt, NVLLVS AVDEAT PRÆTERIRE. Codicis etiam Canonum meminit Concilium Toletanum 4. anno 633. celebratum can. 2. 3. & 4. Diaconus Codicem Canonum in medio proferens Capitula de Conciliis agendis pronunciat.

4. Hanc autem antiquorum Canonum observantiam Hispanis olim maximè cordi fuisse notavit idem Justellus in præfatione ad Codicem Canonum Ecclesiæ Africanæ his verbis ; Hispani etiam Episcopi quum suis Synodis subscriberent hac formulâ utebantur, salvâ autoritate præscorum Canonum.

5. Romanæ Ecclesiæ, quæ cæterarum omnium caput, & mater est, tanta fuit olim in observandis præscis Canonibus religio, ut ex verbis, quibus illam antiqui Pontifices significarunt Joannes Launojus Docteur Parisiensis inferat, Papam esse Concilio inferiorem ; quam tamen consequentiam legitimam non esse ostendemus lib. 5.

6. Respondebunt Galli ; olim quidem rem ita se habuisse, modò verò econtra ; atque hinc ortas Gallicanas libertates Galliâ disciplinam antiquam retinente, Româ verò evertente. Verum an non etiam hodiè summi Pontifices Prædecessorum suorum erga sacra Concilia venerationem diligentius imitentur, quam Galli suorum ; in decursu patebit.

7. Modernam Ecclesiæ Gallicanæ praxim cum aliarum Provinciarum Catholicarum praxi circa singulos Canones, ut

decreveram, non componam; tùm quia proluxa nimis res esset, tùm ne quis privato aliquo affectu ductum me in aliquam partem inclinasse arbitretur; quæ in re à vero longissimè aberraret. Sed tantùm hic adverto, Joannem Doujat Advocatum, atque Antecessorem Parisiensem, & Regium Sacrorum Canonum Professore, in Juris Pontificii historię synopsis, quæ Arnoldi Corvini aphorismis aliquandò præfigitur, de collectionibus Gratiani Decreto antiquioribus, sic pronuciare; *atque hucusque pertinet jus Canonicum obsoletum.*

8. At revera definitio, quod vitium est omnium maximum, rei definitæ non convenit, ut advertenti cuilibet patebit. Ego quidem, cùm libertatum Ecclesiæ Gallicanæ nomine fidelem antiquæ disciplinæ custodiam significari audirem, videremque rem tantopere laudandam à tam multis vitio verti, operæpretium esse duxi antiquorum Conciliorum Decreta, & indubitatas veterum Pontificum Decretales perscrutari, ut intelligerem, quinam essent antiqui Canones, quibus observandis constarent illæ libertates. Verùm iis in varias classes distributis, comperi quosdam ad Galliam nullatenus pertinere, quippe qui pro certis aliis Ecclesiis, vel Provinciis, pro certis temporibus, personis, aut negotiis specialibus conditi fuerint: Alios certa disciplinæ capita constituisse, quæ neque in Gallia, neque alibi uspiam observantur; alios alibi, perindè atque in Gallia, vigere; alios denique ità non valere in Gallia, ut si quis fortè in usum eos revocare conaretur, à Curis sæcularibus, vel etiam à Prælatibus Ecclesiasticis impediretur, ita ut vel nulli, vel saltem paucissimi super sint, quorum fideliori custodiâ possit Francia gloriari.

9. Siquis illa duo volumina percurrat; de quibus in 2. capite facta est mentio, & in quorum altero tractatus omnes de hac materia editos, sub titulo: *Traité des Droits, & Libertez de l'Eglise Gallicane* 1639. colligere Autor studuit, in altero probationes referre rerum in primo contentarum, sub titulo: *Prenes des Libertez de l'Eglise Gallicane* 1639. animadvertet in primo quidem volumine ferè nunquam probari quæ dicuntur; In 2. probationes plerumque Decreta esse Regum Christianissimorum, Curiarum Regiarum placita, Universitatis, aut

Comi-

Comitiorum Regni Acta , tempore schismatis inter plures Pontifices , aut dissidiorum inter summos Pontifices , & Reges Galliae emissa ; in neutro Canones allegari , nisi rarissime , vel ad confirmanda generalia quædam , quæ ad dirimendas controversias modò non pertinent. Quomodò ergò libertates illæ definiri possunt antiquorum Canonum exacta custodia ? Scio equidem , idque jam in cap. 1. notavi , duo hæc volumina Clero Gallicano cùm recens fuissent edita , displicuisse. Sed nonne doctrina in illis contenta quotidiana praxi confirmatur ? Nonne propter illa commendatur Auctor , quem Petrum Puteanum , seu Du Puy Consiliarium Regium , & Bibliotecæ Regiæ Præfectum fuisse publica erat fama , & mox veritas prodidit. Vide Jacobum Moreri Lugdunensem Doctorem Theologum in suo Dictionario Historico anno 1681. edito.

## C A P U T X I I I.

*Ostenditur ex alio capite mancā esse Libertatū Ecclesiæ Gallicanæ definitionem.*

1. **D**Um libertates Ecclesiæ Gallicanæ ita definiuntur , ut solius antiqui juris tuendi fiat mentio , novis Canonibus , novisque Decretis , quorum tamen sæpè maxima est necessitas , aditus omnis præcludi videtur. An ergo si nova necessitas novum requirat remedium , præstabit Religioni , aut Ecclesiæ perniciem afferri , quàm antiquos mores tantillum immutari ? Hoc aded iniquum esset , ut Gallis in mentem venisse suspicari nefas sit. Illustrissimus Petrus de Marca licet libertates Ecclesiæ Gallicanæ ita definierit lib. 3. cap. 1. §. 7. *Ut sine nempe usu antiqui juris communis , eam definitionem aut emendavit , aut explicavit capite sequenti num. 1. in hunc modum ; Libertatem Ecclesiæ Gallicanæ , Canonum & juris communis executione contineri diximus. Sed jus illud commune variè sibi fieri potest : Aliud est enim jus commune antiquissimum , quod antiquos Canones , & Decreta Pontificum amplectitur , aliud jus commune , quod illis Canonibus , & præterea Decretalibus recentioribus Pontificum constas , prout apud nos usu recepto tempe-*

38 DE NATURA, ORIGINE, AC PROGRESSU,  
*rata sunt.* HOC ULTIMO IVRE LIBERTATEM ECCLESIAE GAL-  
LICANAE CONTINERI CONTENDIMUS, NON AUTEM PRIMO.  
Capite autem 6. num. 5. *Libertatem*, inquit, *in reſto antiqui, &*  
*novi juris uſu conſtituimus, neceſſariaſq; noſtro ſaeculo Decretalium defini-*  
*tione exiſtimamus.*

2. Leſchafferius quidem in contrariam ſententiam de-  
flexiſſe videtur; ſed idem D. Petrus de Marca illi diſertis  
verbis repugnat; Longiſſimè, inquit, *recedimus à Leſchafferio, qui*  
*aſſerit Curiis ſupremis Gallia conceditam non ſolum libertatis Eccleſiaſtica præ-*  
*ſentis tuitionem, ſed vera illius germana, & Canonica, qua Apoſtolico, &*  
*primitivo jure Canonico nititur. Adeo ut Magiſtratus incumbat, Decretis ſuis*  
*diſciplinam illam antiquam paulatim reſtituere, CVM PER TEMPORVM*  
*INIURIAM ID FIERI NON POSSIT A PARTE CONSTITVTIONIBVS REGIIS.*

3. Cæterùm ſuam, totius etiam Eccleſiæ Gallicanæ ſen-  
tentiam eſſe probat, ac fuiſſe illis etiam temporibus, cùm  
ferverent magis diſceptationes, in quibus libertates Eccleſiæ  
Gallicanæ altiùs perſonabant, ut jam ſupra vidimus. Sic  
enim proſequitur cap. 6. *Non alia mens eſt aut B. Ludovici, aut Ca-*  
*roli VI. & totius Eccleſiæ Gallicanæ, cùm libertatem Eccleſiæ in jure communi*  
*verſari contendunt; ANTIQVOS enim CANONES, & IVS COM-*  
*MUNE intelligebant, quod Gratiani Decreto, & Decretalibus erat comprehen-*  
*ſum; idque ratione probat, & autoritate in hunc modum.*  
*Id maniſeſtè probatur non ſolum ex eo quod vetus Codex Canonum illius eſſet in-*  
*cognitus, ſed etiam à Concilio Conſtantiènſi; Etenim Seſſione 39. cùm de*  
*fidei profeſſione à Papa edenda caveret, NON SOLVM OCTO CONCI-*  
*LIA OECVMENICA ab illo conſervanda decernit; SED ETIAM LA-*  
*TERANENſE, LVGDVNENſE, ET VIENNENſE. Quare ſaeculo*  
*Caroli VI. Conciliorum generalium nomine Eccleſia Gallicana non ſolum vetera,*  
*ſed etiam recentiora illa intelligebat.*

4. Quin etiam Decretales omnes ſerè, pauciſſimis ex-  
ceptis in Gallia locum habere teſtatur. Enim verò, inquit, *in*  
*Gallia quod ad diſciplinam attinet, Decretalium conſtitutis locum damus, cum*  
*bona Pomificum venia, qua noſtris rebus, & utilitati publica accomodata*  
*sunt, id eſt omnibus ſerè, pauciſſimis exceptis. Operæpretium eſſet,*  
*ut aſſignarentur pauciſſimæ illæ conſtitutiones, quia ſi in*  
*minimo numero ſunt, faciliùs indulgere poſſent ſummi*  
*Pon-*



Pontifices, ut ab illarum executione Galli abstinerent : Nec paucissimarum illarum prætextu aliæ respuerentur ; Itaque vel non orientur , vel nullo negotio componerentur plurimæ contentiones , ob quas Christianissima illa gens apud cæteras malè audit.

5. Igitur liberrates Ecclesiæ Gallicanæ in sola juris antiqui observatione malè reponunt communiter Autores Gallicani , siquidem tanta est illorum dissensio in assignando illo jure antiquo , seu Codice , in quo continebatur , ac præterea paucissimi ex antiquis Canonibus magis in Gallia , quam alibi vigent ; Multi etiam minùs , quàm alibi ; Nonnulli ejusmodi sunt , ut si quis eos in usum revocare tentaret , ab ipsis libertatum vindicibus cohiberetur. Plurimi nullibi observantur , ut eos percurrenti ad oculum patet.

6. Sanè si quis attentius consideret , quæ hodiè geruntur in Gallia prætextu libertatum Ecclesiæ Gallicanæ , quæque de illis scribuntur , eas non ineptè definiri posse arbitrabitur : OPPRESSIONEM JURISDICTIONIS ECCLESIASTICÆ A LAICA , ET DEPRESSIONEM AVTORITATIS ROMANI PONTIFICIS A CLERO GALLICANO. Verùm quia iniquum esset , injurias illas toti Clero , & Populo Christianissimi , ac florentissimi illius Regni adscribere , aut quid in certis casibus agatur , dumtaxat attendere , tradenda esset libertatum illarum definitio , minus odiosa , & tamen à communi scriptorum Gallicanorum doctrina , & frequentiore usu illius Regni minus remota , quàm quæ sola Canonum antiquorum observatione continetur.

7. Vocantur igitur non incongruè *Libertates Ecclesiæ Gallicanæ* ; ARBITRIVM EX ANTIQVIS ECCLESIAE DECRETIS RETINENDI , ET EX NOVIS ADMITTENDI EA QUÆ VIDENTVR VTILIA. Quandoquidem illic , & antiqua quamplurima fuerunt abrogata , & nova omnia , si non acceptentur vi carere dicuntur.

## CAPUT XIV.

*De origine libertatum Ecclesiæ Gallicanæ, & primò,  
Utrum in Concilio primo Turonico, vel in Franco-  
fordiensi usurpatæ fuerint?*

1. **Q**ui libertates Ecclesiæ Gallicanæ in accurata, & constanti juris antiqui executione constituunt, eas Canonibus ipsis cœvas asserunt. Verùm quia certissimum est alias etiam Nationes executas esse Canones, saltem aliquandiu, liberet scire, quò potissimum tempore impetitam veterem disciplinam viriliter defendere, aut everfam restaurare vehementius enixi fuerint, vel potius, ut probabiliori earum definitioni insistamus, quando retinendorum, vel rejiciendorum, aut moderandorum Ecclesiæ Decretorum arbitrium sibi assumpserint Galli.

2. Quo in examine, aliò remissis pluribus controversiis olim circa Canonum, & Decretalium executionem exortis, nonnullis etiam prætermisiss, eò quod personæ illas moventes non ejus fuerint sanctitatis, ac dignitatis, & æquitatis, ut ex illarum exemplo solo ratum certum aliquid statui debeat, iis tantum nunc immorabimur, quæ, ob personarum, atque aliarum circumstantiarum meritum, contemni non possunt, nec alibi commodius tractari. Ex quibus præcipua videntur quorundam Conciliorum Decreta, & sancti Ludovici Pragmatica Sanctio.

3. Libertatis, seu nova summi Pontificis; aut etiam Ecclesiæ universæ Decreta examinandi, admittendi, rejiciendi, temperandi facultatis, praxim antiquissimam esse contendit Illustrissimus D. de Marca lib. 2. cap. 17. num. 1. Ejus primum exemplum refert ad Concilium Turonense primum, quod putat decretis Siricii, & Innocentii I. temperamentum aliquod adhibuisse circa poenam Clericorum, qui post ordinationem ab usu matrimonii non abstinuissent; sublata nimirum excommunicatione à summis Pontificibus contra incontinentiam illam indicta.

4. Verum quod Concilium Turonicum à Patribus constitutum dicit, ad Siricium, & Innocentium perperam refertur. Innocentius enim excommunicationis illius nullibi mentionem facit, licet de Clericorum incontinentia in tribus epistolis loquatur, scilicet in 2. quæ est ad Vidricium Episcopum Rothomagensem, in 3. quæ est ad sanctum Exuperium Episcopum Tholosanum, & in 5. quæ est ad Maximum, & Severum Episcopos per Brutios. Siricius item in ea epistola, quam ad Himerium Episcopum Tarraconensem scribit, & in qua punctum illud tractat, excommunicationis non meminit. Verum quidem est summum illum Pontificem in epistola 4. quæ est ad Episcopos per Africam, propositis variis Decretis hæc verba subjungere : *Si quis sanè inflatus mente carnis sue ab hac Canonis ratione voluerit evagari, sciat se a nostra communione seclusum.* Sed primò si Concilium Turonense id quod Siricius his verbis expresserat, à nostra communione seclusum, abrogare intendisset, non istà loquendi formulâ usus fuisset, à communione Dominica abstinere, quæ paulò diversam videtur habere sententiam. 2. Siricius à communione sua non secludit nisi eos, qui in violandis regulis à se præscriptis futuri essent postmodum contumaces : *Si quis sanè inflatus mente carnis sue ab hac Canonis ratione voluerit evagari, &c.* Patres autem Concilii Turonici de iis sermonem faciunt, qui jam cecidisse convicti fuissent : *Ut quicumque Sacerdos, vel Levita filiorum procreationi operam dare fuisset convictus, à Communione Dominica abstinere.*

5. Denique tantum abest ut Concilium Turonicum à Siricii, & Innocentii mente recesserit, ut, ad eam fidelius sequendam, excommunicationis penam contra Clericos incontinentes sustulisse videatur, & promotionem tantum ad altiores Ordines, vel exercitium jam susceptorum prohibuisse. Quantum Canon Turonicus cum Siricii Decreto consentiat, ex illorum inter se collatione unicuique licet agnoscere ; Iste est Canon 2. Concilii primi Turonensis : *Et licet à Patribus nostris emissâ autoritate id fuerit constitutum, ut quicumque Sacerdos, vel Levita filiorum procreationi operam dare convictus fuisset, à Communione Dominica abstinere* : Nos tamen huic districtiori moderationem adhibentes, & justam constitutionem molientes, id decrevimus, ut Sacerdos vel Levita conjugali

## 42. TRACTATUS DE LIBERTATIBVS,

gall concupiscentia inherens, vel à filiorum procreatione non desinens, ad altiorum gradum non ascendat, neque sacrificium Deo offerre, vel plebi ministrare praesumat, sufficiat his tantum ut à Communionem non efficiantur alieni, &c. Decretum autem septimum Siricii sic habet; Et quia aliquanti, de quibus loquimur (ut sua sanctitas retulit) ignoratione lapsos esse se desunt, His hac conditione misericordiam dicimus non negandam, ut sine ulla honoris augmento, in hoc, quo detecti sunt, quandiu vixerint, officio perseverent, si tamen post hac continentes se studuerint exhibere. Hi verò, qui illiciti privilegii excusatione niuntur, & sibi afferunt veteri hoc lege concessum, moveant se ab omni Ecclesiastico honore, quo indigne usi sunt, Apostolica Sedis autoritate dejectos, nec unquam posse veneranda ostreclans mysteria, à quibus se ipsi, dum obsecris cupiditatibus inhiant, priverunt. Innocentii Decretum isti omnino simile est.

6. Sed qui sunt igitur Patres illi, quos innuit Concilium Turonense? Fortasse Patres Concilii II. Arelatensis, qui tertium hunc Canonem condiderunt: Si quis Clericus à gradu Diaconatus in solatio suo mulierem præter aviam, matrem, sororem, filiam, nepotem, vel conversam secum uxorem habere præsumpsit à Communionem alienus habeatur. Per quosque & mulierem, si se separare voluerit, pena percellat. Illis enim verbis conversam uxorem intelligi propriam uxorem, quæ cum non habeatur amplius carnale commercium, notat Jacobus Sirmondus circa tertium ejusdem Concilii Canonem: converti dicebantur, inquit conjuges, cum ex mutuo consensu separabantur, & promittebant castitatem: hoc ubi fecerant, conversi, & conversa appellabantur, ut conversa uxor. Canone sequenti. Non ergo summorum Pontificum se superiorum, sed Concilii alterius Decreta temperavit Synodus Turonensis.

7. Secundum exemplum, quod prædictus D. Petrus de Marca profert novarum Ecclesiæ legum discutiendarum, sumptum est à Concilio Francofordiensi anno 754 cui Carolus Magnus Rex, & Adriani Primi Papæ Legati interfuerunt, à quo rejecta fuit secunda Synodus Nicæna. Sed primum Bellarminus, & alii quamplures arbitrantur, non Synodi Canones veros sed spurios, & ab Iconoclastis confectos, ad Gallos fuisse transmissos, & Francoforti reprobatos, idque ex Concilii ipsiusmet verbis Can. 2. non obscurè conjici. Patres enim Francofordienses Nicænis, quos Constantinopolitanos appellant (ut videas illos etiam loci, ubi habitum fuerat

fuerat Concilium non esse conscios, ) sententiam tribuunt ab illorum expressa protestatione, & à fide Catholica nimis alienam, scilicet cultum latriæ sacris Imaginibus absolute exhibendum, quod perspicuis verbis Patres Nicæni negant A&ione 7. in Decreto fidei. En verba Canonis 2. Francofordiensis. *Allata est enim in medium questio de nova Græcorum Synodo, quam de adorandis imaginibus Constantinopoli fecerunt, in qua scriptum habebatur, ut qui imaginibus Sanctorum, itaut Deificæ Trinitati servitium, aut adorationem non impenderent, anathema iudicaretur, qui supra sanctissimi Patres nostri omnimodis adorationem, & servitutem venientes contempserunt, atque consentientes condemnauerunt.* En iam verba Concilii II. Nicæni decentis A&æ. 7. in Decreto Fidei, quomodo colendæ sint imagines; scilicet ad honorariam his adorationem tribuendam. Non tamen ad veram latriam, qua secundum fidem est, quæque solam Divinam naturam decet, impartiendam.

8. Secundò si supponamus vera septimæ Synodi A&ta fuisse ad Gallos delata, ut suadere videtur Legatorum præsentia, quos Iconoclastarum fraus non fefellisset, ipsemet Petrus de Marcâ duplicem insinuat rationem rejectæ Synodi (& utraque ex Canone modò relato colligitur) alteram, quia Synodus illa œcumenica non credebatur, alteram quia non rectè intelligebantur ejus Decreta, quorum ambigua, & confusa erat interpretatio. Quid igitur juvat ad stabiliendum jus, vera Ecclesiæ universalis, aut summi Pontificis Decreta examinandi, rejectio Canonum, qui & à Concilio particulari editi, & Conciliorum œcumenicorum, summorumque Pontificum sententiæ contrarii existimabantur.

9. Tertiò non fiebat à Concilio Francofordiensi Concilii œcumenici aut sanctæ Sedis autoritati præjudicium, cum de re controversa summi Pontificis, sancti scilicet Gregorii de imaginibus doctrinam se sequi profiteretur, ac Concilium Nicænum Græcorum tantum esse crederet.

10. Quartò quid ex illo exemplo, si Galli in repudiandis veris Decretis Synodi Nicænæ perstitissent; legitime concludi posset, nisi gentem illam erroris, & schismatis periculo sese committere, cum Ecclesiæ Decretorum arbitram sese constituit? Ac reipsa illos tunc temporis hæreticos fuisse, fatetur ingenuè Jac. Sirmondus to. 2. Conc. Gall. dum

44 TRACTATUS DE LIBERTATIBVS,  
ait, se prætermittere Acta Concilii Parisiensis an. 824. *Quod Gallorum ejus sæculi ab imaginum adoratione abhorrentium hæresim redoleant.* Illæne libertates Ecclesiæ Gallicanæ nuncuparentur? sed recepta fuere in Gallia illius Synodi Decreta, ut ex Gallorum erga sacras imagines religioso; & antiquo cultu demonstratur.

11. Tertium exemplum sumitur à non acceptatis, & non observatis aliquibus Canonibus octavæ Synodi Constantino-  
poli habitæ sub Adriano II. ad quod respondebimus lib.  
3. cap. 7.

## C A P U T X V.

*An origo Libertatum Ecclesiæ Gallicanæ circa veterem disciplinam referenda sit ad Pragmaticam Sanctio-  
nem sancti Ludovici.*

1. **I**llustrissimus Petrus de Marca lib. 4. de concord. &c.  
cap. 9. n. 4. S. Ludovicum, qui decessit anno 1270.  
laudat primum libertatis Ecclesiæ Gallicanæ restitutorem, his  
verbis; *Huic gloriosissimo Regi prima debetur libertatis Ecclesiæ Gallicanæ restitutio, quam suo edicto postmutatam disciplinam in Beneficiorum collationibus anno 1268. procuravit; quo uno capite contentiones inter Episcopos, & Romanam Curiam tunc fere continebantur; Ex quibus verbis duo consequerentur: primum libertates Ecclesiæ Gallicanæ ante tempora S. Ludovici nonnisi circa Beneficiorum collationem violatas fuisse: 2. Violationem illam non longè ante tempora S. Ludovici contigisse.*

2. Odiosum certè esset istud principium tùm ex parte sanctæ Sedis, tùm ex parte Galliæ, cùm Romani Pontifices ab antiqua disciplina primum recessisse supponantur, ut Beneficiorum collationem usurparent, tantusque in eo fuisse abusus, ut sanctissimus Rex cum suis Edictis cohibere coactus sit. Invidiosa etiam res esset quod Galli summum Pontificem è Gallia ortum, cùm aliis virtutibus, tùm vel maxime propinquitatis carnalis in distribuendis Beneficiis, & redditibus Ecclesiasticis, contemptu insignem, cœu tyrannum existi-

existimassent, adversus quem invocanda fuisset potestas secularis, & in rejiciendis illius ordinationibus circa Beneficiorum collationem, & Ecclesiasticorum proventuum constituenda Ecclesiæ libertas. Sed plurima sunt, quæ certissimè suadent constitutionem illam S. Ludovici; quam Pragmaticam Sanctionem vocant, aut suppositam esse omnino, aut nihil adversus sanctam Sedem molitam fuisse.

3. Dum constitutio illa de Beneficiis, & aliis juribus Ecclesiasticis loquitur, nullam omnino summi Pontificis, aut sanctæ Sedis mentionem facit. Cur igitur verba ejus tam odiosa interpretatione in illam partem detorquentur? Ante illa tempora Ecclesia Gallicana injurias quamplurimas circa suos redditus, circa Beneficia, & circa disciplinam perpeffa fuerat à Laicis; iisque malis, ut sese obtulerat occasio, medicatus fuerat religiosus Rex. Ipsemet Petrus de Marca lib. 3. cap. 1. citat eximias ejus literas anno 1228. datas, quibus Ecclesiasticam libertatem, non adversus Curiam Romanam, ut legenti evidenter patet, sed adversus hæreticos, aliosque raptores vindicaverat. *Cupientes, (verba sunt illarum literarum) in primis atatis, & Regni nostri primordiis illi servire, à quo Regnum recognoscimus & id quod sumus, desideramus ad honorem ipsius, qui nobis culmen dedit honoris, quod Ecclesia Dei, qua in partibus vestris longo tempore fuit afflicta, & tribulationibus innumerus conquassata, in nostro Dominio honoretur, & feliciter gubernetur: Unde de magnorum, & prudentum consilio statuimus, quod Ecclesia, & viri Ecclesiastici in terris constituti prædictis, libertatibus, & immunitatibus utantur, quibus utitur Ecclesia Gallicana, & eis plenè gaudeant, secundum consuetudinem Ecclesia memorata. Et infra; sane quia Ruptarii solent devastare, ac demoliri terram prædictam, & quietem Ecclesia, & Ecclesiasticorum virorum turbare; statuimus, ut omnino Ruptariis illis expulsi pax perpetuò servetur in terra, ad quam servandam dent omnes operam efficacem..... Decima sanè, quibus fuit Ecclesia longo tempore per malignitatem inhabitantium defraudata, statuimus, & ordinamus, quod restituatur Ecclesiis; Et amplius LAICI DECIMAS NON DETINEANT, SED EAS ECCLESIAS LIBERE, HABERE PERMITTANT. Litteræ illæ S. Ludovici in aliis Innocentii IV. ad Reginam Galliarum anno 1259. miris laudibus extolluntur. Utrasque in Archivio Narbonensi asservari testatur Baluzius. De hujusmodi libertatibus adversus Laicorum rapinas, & tyrannides*

46 TRACTATUS DE LIBERTATIBVS,  
intelligenda est Pragmatica Sanctio Christianissimi Regis ;  
non adversus sanctam Sedem.

4. Carolus Fevret , quem certè Curia Romanæ nimis  
favisse suspicabitur nemo , discretè affirmat Constitutionem  
illam summi Pontificis jura non attigisse. Ista sunt ejus  
verba lib. 2. de abusu cap. 7. n. 3. „Pragmatica S. Ludovici  
„Regis non declarat abrogatas esse præventiones ; sed tan-  
„tùm BENEFICIA ESSE AB ORDINARIIS CONFERENDA  
„IUXTA SANCTA DECRETA , ET SANCTIONES CANONI-  
„CAS , QUA ETIAM POTESTATEM , ET SUPERIORITATEM  
„S. SEDIS IN SPIRITUALIBVS ADSTRVUNT.

5. Verum quidem est Pragmaticam illam Sanctionem , prout  
à Recentioribus refertur , articulum complecti de exactioni-  
bus Curia Romanæ , qui articulus 5. est , hisque verbis con-  
tinetur. Item exactiones , & onera gravissima pecuniarum per Curiam Ro-  
manam Ecclesie Regni nostri impositas , vel imposita , quibus Regnum nostrum  
miserabiliter depauperatum existit , sive etiam imponendas , vel imponenda le-  
vari , aut colligi nullatenus volumus nisi dumtaxat pro rationabili , pia , &  
urgentissima causa , vel inevitabili necessitate , ac de spontaneo , & expresso  
consensu nostro , & ipsius Ecclesie nostri Regni. Sed articulum illum fal-  
sò insertum esse , tam efficacibus argumentis convincitur ,  
ut , si à cæteris non separaretur , totam illam Pragmaticam fal-  
sam esse demonstret.

6. Equidem integram illam suppositam esse sentiunt etiam  
Scriptores Gallici , præsertim eruditissimus vir Ludovicus  
Thomassin. tom. 3. de Benef. par. 4. lib. 2. cap. 10. num. 11,  
ubi asserit : „eam nullo solido fundamento , neque ullius  
„Autoris antiqui , & cui plenâ fides adhibeatur , testimo-  
„nio fulciri. Fusius , & validius eam impugnât cap. 41. n.  
4. ejusdem libri , & lib. 3. cap. 24. num. 17. sunt argumen-  
ta non pauca contra integram Constitutionem , sed sunt  
etiam specialia contra quintum articulum , qui solus , ut dixi ,  
ad S. Sedem attineret.

7. Primò Pragmatica illa à nemine allegata fuit usque ad  
tempus schismatis Avenionensis & contentionis Ecclesie Gal-  
licanae contra Pontifices , hoc est ferè 200. annis à tempore ,  
quo condita supponitur.

8. Secundò nec etiam tunc in lucem edita fuit , sed ad-  
huc



huc plusquam centum annis post eam allegationem, id est anno 1515. in subsidium scilicet alterius Pragmaticæ Sanctionis à Carolo VII. tempore Concilii Basileensis promulgatæ.

9. Tertiò pluries typis excusa est sine articulo illo supra relato. Eo enim omisso refertur in Bibliotheca Patrum per Margarinum de la Bigne, Doctorem Sorbonicum tom. 6. cujus intra 30. annos tres factæ sunt editiones Parisiis, cum privilegio, quarum ultima est anni 1609. Eodem modo habetur in Bibliotheca Patrum, Doctorum Colonienfium anno 1618. tom. 13. Cæsar Egassius Bulæus in hist. univers. Paris. an. 1666. edita tom. 3. pag. 391. illam etiam exscribit absque illo articulo.

10. Quartò nullam habet verisimilitudinem, quod sanctus ille Rex, cujus tanta erat in sanctam Sedem reverentia, Edicto solenni Romanæ Curia Officiales, ut jurium Episcopaliū usurpatores comprimere voluisset, eosque tantæ cupiditatis incusare, ut Regnum ab eis suum fuisse ad pauperiem redactum enunciaret. Si qua fuisset adversus hanc Curiam querela; precibus, cohortationibus, monitionibus, vel, si vis, etiam minis significasset; non autem publicâ Constitutione. Quî esset Christianissimus ille Rex erga sanctissimam Sedem affectus, anno sequenti demonstravit, cum inter alia, quæ filio suo monita, quasi hæreditariam successionem testamento conscripsit; duo ista præsertim commendavit; *Sis devotus, & obediens Matri nostræ Romanæ Ecclesiæ, ET SYMMO PONTIFICI TANQUAM PATRI SPIRITUALI.* Præmiserat, *Sis diligens, quod omnes subditi tui iustitiâ, & pace fruantur; MAXIME AUTEM PERSONÆ ECCLESIASTICÆ ET RELIGIOSÆ.* Adducto deinde Avi sui Philippi Augusti exemplo, qui ab Ecclesiasticis injuriam sibi fieri malebat, quàm cum eis contendendo Ecclesiam scandalizare, sic concludit; *AMA IGITUR Ô Fili PERSONAS ECCLESIASTICAS, ET SERVA PACEM EORUM, QVANTVM POTERIS.* Quis credat Principem, qui filio exemplum proponit tolerandæ injuriæ ab Ecclesiasticis viris illatæ, dissidii cum eis vitandi causâ, anno præterito jugum non sibi, sed Regni sui Beneficiis à Curia Romana impositum Pragmaticâ suâ Sanctione compescere voluisse? Non erat certè mos adhuc

48 TRACTATUS DE LIBERTATIBVS,  
huc inductus, nec à S. illo Rege profectus est, autoritatem  
Regiam sanctæ Sedis ordinationibus opponendi, sed potius  
Ecclesiam à Laicorum vexationibus vindicandi.

11. Quintò, anno 1268. quo condita fertur hæc Pragmatica,  
S. Ludovicus ad secundam in Terram sanctam expeditionem  
cum summi Pontificis consilio se accingebat. Quare improba-  
bile omnino est, sanctissimum illum Regem immoderatas Offi-  
cialium Curie Romanæ exactiones Papam celaturum fuisse,  
iisque remedio ipsi Pontifici probroso (cùm in eum recide-  
ret Officialium culpa) occurrere maluisse.

12. Sextò præsertim cùm tunc temporis Ecclesiæ præfesset  
Clemens IV. Natione Gallus; alienissimus ab omni avaritia,  
& carnali in parentes affectu, quorum occasione bona Eccle-  
siastica sæpè cunulantur, & dilapidantur. De illo Pontifice  
sic loquitur Genebrardus ad annum 1265. *Optimus Pontifex bona  
Ecclesiæ optimè dispensavit. Cùm duas filias ex mortua uxore ante Pontificatum  
suscepisset, uni in Monasterio collocata triginta tantum libras dedit. Alteri  
300. libras dotis nomine, Clerico nepoti tres Prabendas habenti duas abstulit,  
se dicens Deo, non carni, & sanguini velle acquiescere.* An igitur sub  
tali Pontifice opus fuisset ut S. Ludovicus Edicto suo Roma-  
næ Curie rapacitatem sisteret, aut Beneficiorum, & bono-  
rum Ecclesiasticorum administrationem, & usum, quæ res  
ad Ecclesiæ jurisdictionem propriè pertinet, Pragmaticâ san-  
ctione moderaretur.

13. Si quod fuisset tunc temporis exactum ab Ecclesia Gal-  
licana subsidium, non nisi ad juvandum in expeditione belli-  
ca S. Ludovicum impendendum fuisse prudentissimus quisque  
judicaret.

## C A P U T X V I.

*Vera origo, & progressus libertatum Ecclesiæ Gallicanæ.*

1. **E**X omnibus malis, quæ dissidium inter Bonifacium  
VIII. & Philippum Pulchrum consecuta sunt, maxi-  
mum, & aliorum quamplurimorum causa fuit schisma. Cùm  
enim Clemens V. Philippi operâ ad summum Pontificatum  
evehctus

evectus fuisset, Sedem Avenione, sicut Regi promiserat, constituit anno 1305. ibique commorati sunt subsequentes Pontifices usque ad annum 1375. quo Gregorius XI. Sedem Avenione Romam retulit; Eo Romæ defuncto anno 1378. Cardinales, qui majore ex parte Galli erant, Bartholomæum Prignianum Barii in Apulia Episcopum elegerunt, qui Urbanus VI. appellatus est. Sed quia novus Pontifex se Cardinalium severum animadversorem, & reformatorem præbuit, eosque hac de causa infensos habuit, illi Anagninam primùm, deinde Fundos secesserunt, ubi Conventu factò electionem Urbani VI. utpotè gravi metu extortam, irritam declarantes, Robertum Cameracensem Episcopum, & Cardinalem renunciarunt Pontificem, qui Clemens VII. dici voluit. Hunc promovit, defenditque præcipue Joannes Grangius, Gallicè *la Grange*, Cardinalis, & Episcopus Ambianensis, Urbano inimicus, & gratià Caroli VI. Francorum Regis potentissimus. Romæ Urbanus hæsit, Clemens Avenione Sedem fixit. Hinc exortum est lugendum illud schisma, quod Ecclesiam miserè laceravit usque ad annum 1417. quò tempore Concilium Constantiense abrogatà de Pontificatu contententibus Dignitate, novum creavit Pontificem Odonem Columnam Cardinalem tituli S. Georgii in Velabro, qui sibi Martini V. nomen indidit, quiq̃ue solus postea legitimus Pontifex agnitus est.

2. Tempore autem illius schismatis cum uterque Pontifex ad tuendam suam Dignitatem maximis sumptibus, & potentibus amicis indigeret, gravia Beneficiariis onera imponebat, Beneficiorum collationem sibi reservabat, multaq̃ue contra disciplinam antiquam committebat. Quamobrem Galli, in quorum jam animis tempore Bonifacii VIII. avita erga summos Pontifices observantia, aliquantum refrixerat, maxime autem Clerus tanti ponderis impatiens, & Universitas studii Parisiensis, cujus tunc temporis magna erat non solum in Ecclesia, sed etiam in Republica auctoritas, quæque molestè ferebat viris litteratis Beneficia non conferri, de exeutiendo illo iugo cogitarunt, quare Regis, Senatus Parisiensis, & Regni Primatum opem implorarunt, ac promptam nacti sunt: Itaque sub Carolo VI. cum adhuc ætate, ac deinde mente de-

bilis esset, in medium adducta est libertas Ecclesiæ contra Pontificum exactiones, ac Beneficiorum reservationes, tanquam antiquis moribus, & Canonibus contrarias, ac sensim contra cætera omnia, quæ nimis gravia videbantur, in quo potentia sæcularis cum Clero consensit, eumque maximopere juvit. Hinc Doctorum Parisiensem, sed multò magis Jurisconsultorum animos invasit studium quoddam librandæ Pontificiæ autoritatis, ne ultra positos sibi à Christo terminos in præjudicium Cleri, aut Regni produceretur. Deinde etiam ad Concilia œcumenica examinanda, libertas illa protensa est.

3. Anno 1438. in Conventu, qui Ecclesiæ Gallicanæ nomine censi voluit, Bituricis examinata, temperata, & sic accepta, ac in unum corpus redacta sunt præcipua Concilii Basileensis Decreta, exactionibus, & Beneficiorum reservationibus obstantia, idque Pragmaticam sanctionem vocant, quam Carolus VII. confirmavit, & observari præcepit. Fuit aliquandiu hæc Sanctio, seu Thesaurus, ac Promtuarium libertatum Ecclesiæ Gallicanæ. Quidquid contra ibi contenta tentabatur, Regis, aut Senatus convellebatur auctoritate.

4. Verùm summi Pontifices Pragmaticam illam sanctionem abominati sunt tanquam juribus suis infestam, ac quasi schismatis fœtum tunc temporis editum, cum Concilium Basileense legitimum non esset, absente, ac etiam contradicente Eugenio IV. Papa, & maximo Cardinalium, & Episcoporum numero, qui cum summo Pontifice Florentiæ Concilium habebant (quo vocati fuerant etiam Patres Basileæ degentes) quorumque Decreta, utpotè à capite cum pluribus membris derivata, Episcoporum Basileensium Decretis longè erant anteponenda. Tandem Pontificum diligentia Pragmatica illa sanctio primùm à Ludovico XI. deindè à Francisco I. Regibus Franciæ fuit abrogata, ut testantur illorum Edicta.

5. Senatus quidem & Vniuersitas studii Parisiensis, imò Clerus universus diutissimè illam propugnauerunt, sed tandem Romanis Pontificibus, Regibus Galliæ, ac usui cedere coacti sunt, quamvis, ut sæpè significarunt, inviti. Nam adhuc anno 1636. cum in Comitibus Cleri Gallicani Procuratores,

tores, seu Promotores inter Acta Cleri paulò ante collecta, Concordata inter Leonem X. & Franciscum I. relata fuisse, atque indè tacitum Cleri consensum, & Concordatorum approbationem fortassis inferendam monuissent, Comititia authenticè declararunt, instrumentum illud ad Ecclesiasticorum virorum commoditatem, non autem in majoris approbationis signum illic fuisse insertum. Itaque licet titulo 1. Concordatorum prædictorum referatur ea fuisse Statuta loco *dictæ Pragmaticæ Sanctionis, ac omnium Capitulorum in ea contentorum*: Tamen adhuc nonnulla retinentur, quæ Concordatis expressè contraria non sunt.

6. Cæterum Ecclesia Gallicana, quæ, ut se à summorum Pontificum exactiõibus, & Beneficiorum reservationibus liberam servaret, ad Potestates sæculares recurrit, Potestatis sæcularis facta est serva, & cùm Romani Pontificis jurisdictionem molestè, ac graviter tulit, suam, à laica ferè omninò absorptam gemuit. Testantur enim Parlamentorum placita, Advocatorum libri, imò frequentes Cleri Gallicani querelæ, prætextu tuendarum libertatum Gallicanarum, & impediendorum abusuum, jurisdictionem Ecclesiasticam à sæculari esse ferè penitus extinctam.

7. Nec magna futuræ restitutionis spes affulget. Cùm enim summi Pontificis autoritas in Gallia plenè vigeret, poterat Episcopis, aliisque Ordinis Ecclesiastici viris ad defendenda sua jura opem ferre. At nunc eâ imminutâ, etiam postulante Clero, aut potiùs constricto ejus potestatis usu, parùm efficax auxilium à sancta Sede sperari potest, nisi Christianissimi Regis religio ad majorum suorum exemplum, certò sibi persuadeat, maximam gloriæ suæ partem in liberanda, & protegenda Ecclesia esse positam, suamque autoritatem, sicut pro fide restauranda, sic pro restituenda Ecclesiæ libertate serò inpendat.

8. Sicut igitur Gallia ipsa exactiõibus, ac Beneficiorum reservationibus, quibus se à Pontificibus, vel ab eorum Officialibus premi conquerebatur, occasionem præbuerat, Pontifices Avenionem advocans, ut viciniore haberet, ac postmodum in schismate inter plures Pontifices Avenionensium partes amplectens; sic etiam ut se adversus illa onera contra

## 52 TRACTATUS DE LIBERTATIBVS, &c.

Potestatem Ecclesiasticam tueretur ad laicam recurrens, ab ista in duriolem, ac miserabiliorem servitutem redacta est. Hoc utrumque testantur scriptores Gallicani. Guebrardus Chron. lib. 4. in Clement. V. de translatione Sedis Pontificiæ, ista scripsit; Denique hæc Sedis Apostolica translatio valde sedavit antiquam Ecclesiæ faciem. Nam præter inauditas dispensationes, & Sanctorum Canonum enervationes, perit illud Divinum jus, sæcularia sæcularibus, & regularia regularibus, maxime in Gallia, dum Pontifices hujus transmigrationis plusquam Babilonica (nam observantiam regularem, disciplinam Ecclesiasticam penè totam, jura denique confudit, corruptitq.) Patria, & Principibus impiè favere gestiunt. En servitutis origo, en libertatis vindicandæ occasio.

9. Pragmaticam Sanctionem Judicibus sæcularibus ad opprimendam, & ferè extinguendam Jurisdictionem Ecclesiasticam, viam stravisse docet Tractatus de jurisdictione Ecclesiastica tom. 1. cap. 9. Actorum Cleri, editionis anni 1673. exscriptus, cujus verba referemus, cum de Appellationibus tanquam ab abusu disputabimus.

10. Non est tamen hic omittendum Edmundum Richerium Doctorem, ac Socium Sorbonicum in Libello de Ecclesiastica, & politica potestate num. 13. Gallicanarum libertatum originem appellationibus ab abusu tribuere; *Hæc ratio procedendi Gallorum*, inquit, *de hujusmodi appellationibus loquens, originem præbuit Ecclesiæ Gallicanæ libertatibus, ut eas vulgo nominant.* Quæ certè origo, si vera est & plurimum est Ecclesiæ odiosa, nec multum antiqua.



# LIBER SECUNDUS.

## *De Justitia Libertatum Ecclesiæ Gallicanæ.*

**D**Uabus Libertates Ecclesiæ Gallicanæ partibus constant, ut ex illarum naturæ accuratiori examine licuit colligere, scilicet facultate retinendæ antiquæ disciplinæ Canonice, & examinandi utrum novæ leges utiles futuræ sint, easque, si cum utilitate conjunctæ non sint, repudiandi. Utriusque partis justitiam expendemus in hoc libro, præcipuè tamen secundæ, quia plus habet difficultatis, & plus indiget examinis. Quis enim est, qui antiquæ disciplinæ usum non commendet in iis omnibus, quæ temporum, aliarumque circumstantiarum mutatione inutilia, vel etiam periculosa non evaserunt.

### C A P U T P R I M U M.

*Laudandum esse constantem antiquorum Canonum usum.*

1. **I**Psis Spiritus sancti oraculis admonemur antiquam disciplinam sciscitari. *Hac dicit Dominus, inquit Hieremias cap. 6. vers. 16. Stare super vias, & videte & interrogate de semitis antiquis.*

*quæ sit via bona, & ambulate in ea.* Ne quis autem reponat monitum illud eò tantum pertinere, ut inter vias antiquas optimam eligamus: arctius nos alibi ad disciplinam illam antiquam adstringit Spiritus sanctus, extra semitas illas excurrere vetans; *Ne transgrediatis terminos antiquos, quos posuerunt Patres tui.* Proverb. 22. vers. 28.

2. Eodem ferè modo procedunt gratia, & natura, & in utrâque, sicut quæque res ad suum principium proximè accedit, ita ipsius perfectionem maximè consequitur; quò autem recedit longius, eò deficit magis ab ejus virtute. Hinc fit ut religiosi Ordines primis institutionis temporibus ferventiores, & diligentiores sint in sequendis præceptis, quæ fuerunt à fundatoribus tradita, & in imitandis illorum exemplis: processu autem temporis tepescat ille ardor, ac tandem relaxata omninò disciplina regulari, abolendi sint, nisi fortè ad antiquam formam, renovato religionis spiritu, revo-centur.

3. Pari quoque ratione, licet Ecclesia Catholica columna sit, & firmamentum veritatis, navis à nulla tempestate submergenda, domus Dei, adversus quam portæ inferi nunquam prævalituræ sint; tamen in pluribus, & aliquandò præcipuis suis membris infirmitatis humanæ defectus patitur, & refrigercente charitate abundat iniquitas. Quantum enim, heu, distamus à primis illis Christi Discipulis, quorum vita, virtutes, & mors ipsa efficacissima erant argumenta veritatis, & sanctitatis Christianæ Religionis.

4. Quid igitur mirum si ad finem usque mundi magna veneratione prosequendæ sint sacræ illæ regulæ, quæ tunc constitutæ sunt, cum abundantius sese Spiritus sancti gratia effundebat in Christianos, maximè autem in Pastores, penes quos erat legum ponendarum facultas.

5. Tanta solet incommoda invhere legum mutatio, ut vel eo solo nomine commendandum sit antiquæ disciplinæ studium, & in ea retinenda firmitas. Hanc tradit doctrinam Doctor Angelicus 1. 2. quæstione 97. art. 2. his verbis; *Habet ipsa legis mutatio, quantum in se est, detrimentum quoddam communis salutis, quia ad observantiam legum plurimum valet consuetudo, in tantum quod ea, quæ contra consuetudinem communem sunt, etiam si sint leviora de se, gra-viora*



*viora videntur. Unde quando mutatur lex, diminuitur vis constrictiva legis, inquantum tollitur consuetudo: Et ideo nunquam debet mutari lex humana, nisi ex aliqua parte tantum recompensetur communi saluti, quantum ex ista parte derogatur. Et infra; Unde dicitur à Jurisperito quod in rebus novis constituendis evidens debet esse utilitas, ut rectè recedatur ab eo jure, quod diu æquum visum est.*

6. Sed etsi omni alia probatione hæc doctrina destituta esset, illius veritatem abundè demonstraret experientia. Nam si omnes Rerumpublicarum, Regnorum, aliorumque Cætum calamitates, & everfiones inspiciamus, ab innovatione aliqua imprudenter facta sæpius occasione accepisse animadvertemus, ut verè dixerit S. August. epist. 119. *Ipsa mutatio consuetudinis etiam quæ adjuvat utilitate, novitate perturbat.*

7. Complectitur autem antiqua disciplina Decreta Conciliorum œcumenicorum, summorum Pontificum Constitutiones, imò & Conciliorum Provincialium Canones, specialem tamen erga Concilia œcumenica venerationem præferunt Galli, dum suas libertates allegant.

8. Equidem, si Dominus noster Jesus Christus, ubi forent duo, vel tres in nomine ejus congregati, se quoque futurum pollicitus est, quis dubitet, illum in Cætu omnium Ecclesiæ Pastorum simul congregatorum præsentorem fore, & luminis, ac gratiæ vim majorem in eos effusurum.

9. Apostoli Spiritu sancto repleti exortas circa circumcissionem, & alias observantias legales, difficultates non seorsim, ut faciliè poterant, enodarunt: sed in Concilium congregati post longam disquisitionem solverunt. Notanda sunt autem verba, à quibus incipit Decretum illud Apostolicum; *Visum est, inquit, Spiritui sancto, & nobis.* Quæ quidem verba argumento sunt, quod Spiritus sanctus Conciliis, maxime œcumenicis præsit, ea illustret, & ad veritatem infallibiliter dirigat. Porro cum primum in unoquoque genere sit mensura, & regula cæterorum, illud Apostolorum exemplum sequi debent, qui in illorum locum succedunt, quando tempora incidunt, quæ id exposcant.

10. Is fuit omnibus retrò sæculis Catholicæ Ecclesiæ sensus,

fus, quæ maximam vim habere Concilia œcumenica semper putavit ad conservandam, vel restaurandam fidei puritatem, & morum sanctitatem. Quin etiam congregata sunt sæpè Concilia ad constituendam disciplinam in rebus, quæ hodiè non tanti momenti viderentur, ut illarum causa evocandi essent undique à suis Diœcesibus Pastores.

11. A Conciliis generalibus, in quibus summus Pontifex Caput visibile Ecclesiæ, & præcipua ejus membra, id est Pastores conjunguntur; repræsentatur Ecclesia illa, quæ ab Apostolo dicta est *columna, & firmamentum veritatis*, 1. ad Timoth. 3. quam qui non audit, debet, ut Ethnicus, & Infidelis exterminari. Quæcumque ab Ecclesia sic congregata oracula proferuntur, à promissione Divina plenissimam obtinent auctoritatem.

12. Addi alia ratio potest, quæ plurimum valet, ut Christiani Conciliis œcumenicis obsequantur libentiùs. Cùm enim in augustis illis cœtibus cujusvis Nationis, & Provinciæ Antistites interfint, fidemque omnium ubique Christianorum, variosque illorum mores, & usus liberrimè promant, faciliùs assentiuntur Fideles Decretis post tam accuratam rerum cognitionem prolatis, & sibi à propriis Pastoribus denunciatis, assignatis item, si quandò expediat, rationibus, & auctoritatibus, quibus ducti fuerint Judices. Certior etiam inde fit populus non adulterata fuisse Decreta, ut in Conciliis minus frequentibus aliquandò contigit.

13. Licet autem aliquandò mali etiam Pontifices in hujusmodi Confessibus prophetizent, sit, nescio quomodo, ut sanctiora habeantur, quæ à sanctioribus statuta sunt, quales scimus, multos fuisse ex iis, qui primis præsertim in Conciliis œcumenicis sederunt, unde maxima illis accessit veneratio.

14. Utinam Ethnici, & Hæretici hac in parte rationem, nullà perturbatione, nulloque proprii sensus, aut affectus præjudicio præventi, consularent? Mirum quanta in eo tractandarum rerum Ecclesiasticarum modo illis elucescerent argumenta veritatis, & sanctitatis, quæ Religioni nostræ insunt. Quis enim non perspiciat, cœtum numero, sapientiâ, scientiâ, sanctimoniâ, & aliis dotibus, quibus præditi sunt viri,

viri, ex quibus constat, illustrissimum augustissimumque, nonnisi vera, & iusta decreturum. Hujus rationis pondere quasi oppressi duo Episcopi Provinciæ Avenionensis, qui hæretici ad Concilium Tridentinum accesserant, Catholicæ fidei jugo mentem submiserunt, ut refertur in vita Gallicæ conscripta Illustrissimi Bartholomæi de Martyribus Archiepiscopi Bracharensis lib. 3. cap. 1.

15. Nemo igitur jure meritò accuset Gallos, quod antiquam disciplinam venerentur, eamque retineant, ubicunque facta in personis, aut negotiis mutatio novas leges non requirit.

## C A P U T I I.

*Necessarium esse aliquando per novas leges antiquis derogare.*

1. **F**atebitur quisquis ratione utetur accomodandas esse leges moribus eorum, quibus præstituuntur, atque variandas secundum personarum, locorum, & temporum conditionem, non ita quidem, ut regulæ ad arbitrium hominum, fortè perditorum, inflectantur, sed ut, pensatis illorum dotibus, affectibus, usibus, tales eis præscribantur leges, quæ illorum saluti, vitæque rectè instituendæ aptiores videantur. Cum autem hominum mores, sicut & aliæ res omnes, mutationi sint obnoxii, necesse est, ut si antiquis moribus novi adversentur, per regulas antiquis contrarias ad bonum publicum deducantur. Non iisdem ægritudinibus animi semper laborant: sed quemadmodum in corpore nunc ille, nunc contrarius morbus grassatur; unde contraria, pro vario morborum genere, medicamenta sunt adhibenda; ita mentes successivè contrariis erroribus, & vitiis subjacent, quibus modò istis, modò illis legibus occurrendum est.

2. Habet quidem plurima incommoda legum mutatio, si cum levitate, aut imprudentia conjuncta sit, non per necessitatem quasi extorta. Quamobrem, ut docet S. Tho-

## 58 TRACTATUS DE LIBERTATIBVS,

mas 1. 2. quæst. 97. art. 2. non statim ut sese melius aliquid offert, quam quod à lege intendebatur, immutanda est, sed opus est, ut hanc mutationem aut maxima necessitas postulet, aut evidentissima utilitas. Verùm quæ ratio est, ut quod ad bonum publicum institutum est, si perniciosum evadat, etiam contra bonum publicum retineatur?

3. Hincmarus Archiepiscopus Remensis antiquæ disciplinæ acerrimus propugnator, & in defendendis Gallicanis libertatibus à plerisque scriptoribus in exemplum adductus, etsi ABSQUE NECESSITATE MUTARI NON DEBERE QVA SEMEL IN CONCILIIS STATUTA, VEL IUDICATA SVNT, opusculo sic inscripto, contendat, diffiteri tamen non potest, quin occurrente necessitate, mutatione opus sit, quod quanplurimorum summorum Pontificum testimoniis ibidem confirmat. Inter alia refert ex epistola 95. Leonis Primi, quæ est ad Rusticum, verba sequentia: *Sicut quadam sunt, quæ nulla possunt ratione convelli, ita multa sunt, quæ aut pro consideratione statuum, aut pro necessitate rerum oporteat temperari.*

4. Egregiè admodum explicat summi Pontificis in temperandis Canonibus auctoritatem Gelasius I. in ea epistola, quæ est ad Episcopos per Lucaniam, & Brutios, & Siciliam constitutos cap. 1. *Necessariâ rerum dispensatione constringimur, & Apostolica Sedis moderamine convenimus, sic Canonum paternorum Decreta librare, & retrò Prasulum, Deceffionem, nostrorum præcepta metiri, ut quæ præsentium necessitas temperari restaurandis Ecclesiis relaxanda deposcit, ADHIBITA CONSIDERATIONE DILIGENTI, QUANTVM POTEST FIERI, TEMPEREMVS;* quod nec in totum formam veterem videamur excedere regularum, & reparandis militia Clericalis officii consulamus. Et cap. 2. *Præcisigitur pro sui reverentia manentibus Constitutis, quæ, ubi nulla vel rerum, vel temporum perurget angustia, regulariter convenis custodiri, eatenus Ecclesiis, quæ velunctis sunt privata ministris, vel sufficientibus usque adeo disposita servitiis, ut plebibus ad se pertinentibus Divina munera supplere non valeant, tam instituendi quam promovendi Clericalis obsequii sic spatia dispensanda concedimus, ut si quis, &c.*

5. Quocirca cùm omnia, quæ in condendis antiquis Legibus intercefferunt ad substituendas novas consentiunt, scilicet auctoritas Conditoris, utilitas subditi, facultas parendi, aliæque conditiones, cur robore carebit, quod de novo præ-

cipie-

cipietur ? Quicumque igitur Decreta omnia , quæ nova sunt , solius novitatis obtentu repudiaret , non solum iniquus esset , sed & desipere videretur. Sanè qui Ecclesiam non eandem hodie credit esse , quæ Apostolorum temporibus extitit , aut eadem autoritate præditam negat , vel eodem spiritu gubernatam , cum Luthero , & Calvino inter hæreticos censendus est. Nunquid enim potestas à Christo Ecclesiæ collata certis temporum spatiis definita est ? Nunquid se cum Ecclesiâ usque ad consummationem sæculi futurum non pollicitus est ? Nunquid hominum mores , quibus ut diximus , accomodandæ sunt leges variis mutationibus non subjacent ? Nunquid quod hominibus certo modo affectis prodest , illis non obest contrario modo dispositis ? Itaque qui manus Ecclesiæ ligare contenderet , ne medicamentis contrariis contrarios filiorum suorum morbos , novis legibus novos abusus , curaret , is tanquam Reipublicæ Christianæ hostis habendus esset.

6. Nec inconstantia accusanda est Ecclesia , cum propter evidentem necessitatem , aut maximam utilitatem abrogatis prioribus Canonibus novos condit ; hæc enim mutatio non in Ecclesia fit , sed in hominibus Ecclesiæ subditis. Nam & Deus ipse , à quo Ecclesia omni tempore regitur , licet immutabilis sit , leges mutavit , novumque Testamentum veteri substituit. Idem semper est finis , sed media non semper eadem , quia homines non in eodem semper statu permanent.

7. Hanc , exigente necessitate , posse mutationem fieri sanus nemo diffitebitur : sed cujus est de illa necessitate decernere , ac , utrum innovandum sit aliquid , dijudicare. Hic est unicus , aut præcipuus controversiarum de libertatibus Ecclesiæ Gallicanæ , prout communiter describuntur , cardo diligenter inspicendus.

## CAPUT III.

*An possint novæ leges Ecclesiæ antequam acceptentur, examinari.*

1. **Q**uod Sanctissimus Pontifex Leo I. loco in præcedenti capite citato, docet, *quadam esse, quæ nulla ratione possunt convelli*, ad fidem, & mores pertinet, ut scilicet quæ à summa veritate, & omnis veritatis fonte Deo Ecclesiæ revelata sunt circa Christianæ Religionis mysteria, vel mores secundum Divinam legem, & rectam rationem instituendos, stent semper immota nullique mutationi obnoxia; Quod autem subjicit: *Multa esse, quæ aut pro consideratione atatum, aut pro necessitate rerum oporteat temperari*, de disciplina est accipiendum: Cum enim disciplinæ Legibus is propositus sit scopus, ut fideles facilius, & efficacius in fide orthodoxa, & in probis moribus permaneant, & semper charismata meliora æmulentur; nec eadem ratione debeant, aut possint omnes omni tempore, aut in omni loco in illis officiis contineri; necesse est, ut Ecclesia, quemadmodum in superiori capite diximus, suas leges interdum mutet; mutatis personarum, & negotiorum circumstantiis, maximèque semper attendat, quid, quo tempore, quibusque personis utilius futurum sit.

2. Itaque cum cuipiam Regno, aut Provinciæ proponitur Lex, Superioris est, & circumspicere diligenter conditiones omnes, à quibus pendet ejus utilitas; nec ægrè ferre, si subditi propter aliqua incognita Legislatori, cujus notitia non potest ad singula quæque pertingere, damni plus allaturam legem, quam utilitatis, viderint, reverenter significant, ac remedium petant.

3. Canones Ecclesiæ, qui ad fidem, & mores spectant, infallibili Dei revelantis autoritate nituntur, idèque obedientia eis quasi cæca debetur, quamquam nemo clariùs videt quàm qui Deo assentiendum judicat, etsi rerum causas, rationesque minimè penetret: Leges autem, quæ in disciplina versantur; hominum, quod supra diximus, conditionibus

bus ut fructum optatum referant, aptandæ sunt, nec nisi rationabile obsequium desiderant.

4. Solemne est Ecclesiæ, ut in gubernandis fidelibus, Divinum regimen imitetur, nec solum attingat à fine usque ad finem fortiter, sed etiam disponat omnia suaviter. Itaque honoris Principibus debiti meminit, illorum jura servat illæsa, ordinem, & dignitatem Episcoporum veneratur, populorum studia, & usus attendit, omniaque ita ponderat ut consensum, & obedientiam potius obtineat, quam extorqueat, suadeat, quam præcipiat; amore alliciat, quam timore impellat: nec infirmitati solum parcat, sed interdum etiam malitiæ cedit in iis, quæ cum Religionis periculo non sunt conjuncta.

5. Verum lumen illud sancti Spiritus, quod summo Pontifici adest, cum explicanda sunt fidei mysteria, & tradenda morum præcepta non perpetuo illi hypocritarum fraudes, aulicorum adulationes, improborum mendacia detegit, non adversus ambitiosorum importunitatem, Magnatum preces, suspecta Officialium consilia, imotos servat. Quid si, quod tamen sine gravi fundamento suspicari nefas est, summus Pontifex aliquo ulciscendæ injuriæ, congregandarum divitiarum, augendæ familiæ, aliove pravo affectu impelleretur ad præcipiendum aliquid suæ potestatis limites transcendens, aut justitiæ repugnans? Nec enim altitudo, & sanctitas solii sanctum facit, & à peccato securum. Num, si quid hujusmodi contingeret ab exequendo mandato non liceret abstinere? Quod autem in mandatis singularibus, etiam in communibus legibus liceret, quamvis longè difficilius legibus desit justitia, quam præceptis particularibus.

6. Possunt igitur, dissimulantibus etiam summis Pontificibus, expendi novæ leges, antequam recipiantur, ut si quæ prodierint, quibus non sit necesse, vel etiam expediens parere, suspendatur executio, ac suspensionis causæ significentur, dummodo id cum bona fide, reverentia debita, & intentione sincera fiat.

7. Etenim generatim, ut lex aliqua ad sui observantiam adstringat, duo requiruntur ex parte legislatoris, scilicet intentio, & autoritas. Duo etiam ex parte subditorum, no-

titia, & facultas. Itaque si legis Conditor, aut omni careat autoritate, aut ejus potestas ad materiam legis non se extendat, vel ejus intentio certum tempus, certas personas, loca, vel negotia eximat ab onere; si subditi legem rescire, aut illam exequi non possint, parendi necessitate non tenebuntur. Quo circa examen aliquod requiritur.

8. Primò igitur videndum est an à legitimo superiore orta sit lex, nec venerando, quod interdum præfert, nomini statim est concedendum. Quot enim in Gratiani Decreto v. g. deprehensi sunt Canones Conciliis, summis Pontificibus, aut aliis Autoribus adscripti, à quibus constat non fuisse conditos? Sunt etiam nonnulli, qui ab eorum mente, quorum nominibus insigniuntur, longissimè absunt, ut videre est in libris ad ejus emendationem scriptis. Canones augusto Apostolorum nomine celebres, non solum sanctissimorum illorum Ecclesiæ parentum fetus non sunt; sed etiam nonnulla tradunt Ecclesiæ doctrinæ, ac usui adversa, ut in primo libro notavimus. Nunquid ergo sine ulla discussione fuerant excipiendi, aut agnitâ suppositione sine discrimine in usum inducendi?

9. Secundò dum legis Autor certus est, & constans legislatoris autoritas, potest ejus dubia esse intentio, vel etiam liquere quod lex omnia loca, omnes personas, omnia tempora non comprehendat: sic v. g. præceptum de consecrando pane azymo ad solam Ecclesiam Latinam, non autem ad Græcam pertinet. Sic præceptum Apostolicum de abstinendo à suffocato, & sanguine, ad tempus dumtaxat erat positum, &, ut censet Baronius, pro quorundam tantum locorum Christianis, ad quos epistolam direxerant Apostoli.

10. Tertio in Ecclesiastica Hierarchia, sicut in Cælesti illuminantur & perficiuntur à superioribus mediis, & à mediis infimi. Quamobrem Decrera Ecclesiastica primùm quidem Episcopis, ab istis deindè inferioribus Sacerdotibus, & à Sacerdotibus plebi sunt intimanda; adeò ut si alia via perferantur, in suspensionem meritò veniant, nec satis sit, ut fidelibus quoquo modo innotescant, nisi consueto more promulgentur, si nempe potuerit solitus ordo commodè servari.



II. Quartò cum Ecclesiæ, sicut & Christi ejus sponsi, jugum suave sit, & onus leve, Christusque ipse illos reprehenderit, qui hominum humeris onera importabilia imponunt, quando lex impossibilis est, aut incommodum aliquod maximum secum trahit, præsertim à superiore ignoratum, non videtur fieri ei injuria, si non statim caput jugo supponatur. Usus antiquis moribus, præsertim non perversis, contrarii vix inducuntur sine scandalo, cujus causa vitandi summi Pontifices præcepta sua, aliunde justa, suspendi velle censentur; *Consilium duximus*, inquit Cælestinus 3. cap. quod dilectio de consanguinit. & affinit. *Observata consuetudini deferre, quàm aliud in dissensionem, & scandalum populi statuere*, ADHIBITA QUADAM NOVITATE.

12. Eandem summis Pontificibus mentem tribuere convenit, quoriescumque injustum aliquid in lege, aut præcepto continetur. Alexander III. cap. *si quando* de rescript. eam his verbis prodit; *Patienter sustinebinus si non feceris quod nobis fuerit prava infirmatione suggestum*. Eam etiam indicat cap. *cum teneamus* de præbend.

## C A P U T I V.

### *Utrum leges non acceptatæ obligent.*

I. **D**E legibus injustis controversia non instituitur, cum ex communi omnium Doctorum sententia non obligent, nec propriè leges sint; qua in re tamen distinguenda est injustitia, quæ sola Legislatoris inest intentioni, ab ea, quæ inhæret legi ipsi. Nihil enim vetat, quin statutum aliquod Reipublicæ sit necessarium, nedum utile, quamvis à prava legitimi superioris intentione profisciscatur, sed in eo, cum ferè nunquam eveniat, non est immorandum. Vitandi etiam scandali, & majoris mali causa, parendum est interdum legibus injustis, dum legi æternæ, aut naturali contrarii nihil præcipiant.

2. De justis est difficultas, & fortè non tam juris quàm facti. Qui enim leges ante acceptationem vim non habere con-

contendunt, istis præcipuè ad id credendum rationibus inducuntur. Primò quod leges cum ea intentione dantur à Principe, ut eas velit non obligare, nisi accedente subditorum consensu; quod si de facto verum sit, idest si superior consensum subditorum tanquam conditionem requirat, sine qua legem robore carere velit, nemini dubium est, quin isti liberi sint ab ejus observandæ debito. Utrum autem ea sit superioris intentio, nec ne prudentis est determinare; aut potiùs superioris ipsius expressiùs significare, ne infirmis laqueus prætendatur.

3. Secundò cum superiores à populi consensu, & voluntate suam obtinuerunt auctoritatem, non censetur populus eam potestatem in superiores contulisse, ut inconsultò sibi possent leges præfigere, & se invitum ad earum executionem adstringere. Quæ ratio in Prælati Ecclesiasticis à Domino nostro Jesu Christo institutis locum habere nequit, sed neque etiam fortassis in Principibus sæcularibus, qui licet ab hominibus primùm electi fuissent, à Deo tamen acceperunt facultatem ea præcipiendi, quæ ad bonum publicum essent necessaria, & reservata præstandi à populo consensus necessitas, non de injusta voluntate illius sed de justa causa, & recta ratione esset interpretanda.

4. Tertiam alii rationem afferunt, nempe legem eam præsumendam fore inutilem, aut perniciosam, quæ à tota Republica refutaretur, sed in eo casu non tam acceptionis, quàm justitiæ, aut intentionis Legislatoris defectu, legis obligatio cessaret.

5. Ergo injustæ leges non obligant, quidquid intendant illarum Conditor; nec justæ, si aut tacite, aut expresse annuat, ut non prius subditos ligent, quàm fuerint ab eis receptæ. Posset autem faciliùs præsumi consensus ille tacitus superiorum à subditis scientibus eas non esse ab illis admissas, ad quorum curam, & officium pertinet illarum promulgatio, nam difficilè foret, ut infimi contra mediorum sententiam, & voluntatem, supremorum obsequerentur mandatis, quorum aliunde justitiam non ita perspectam haberent.

6. Nec semper argumentum omnino certum est contrariæ superiorum voluntatis, si legem recipiendam, & exequendam

dam urgeant; Hæc enim instantia desiderium potius superioris arguit, quam præceptum contineat. Quis enim æstimet de supremo Ecclesiæ Pastore, velle illum genus quoddam schismatis inter inferiores Pastores, & animas illis specialiter commissas inducere? Peccant qui sine causa legem rejiciunt; sed qui rejectam non observant, eo quod sine gravi dissensione, aut alio incommodo non possint, immunes videntur à culpa quando superior silentio suo testatur se optare quidem, ut mandatis suis obtemperetur; nolle tamen infirmorum, aut illaqueare conscientias, aut pacem & quietem, fortunas, vel alia bona, sine majoris boni spe, in discrimen adducere. Tutius tamen semper est superioris intentionem diligentius sciscitari.

7. Quod autem, si & lex justa sit, & superioream quamvis non receptam, vim habere intendat, subditi ad eam acceptandam teneantur, &, si violent non acceptatam, peccati rei sunt, plures adeò certum habent, ut de fide esse asserunt.

8. Præstat sæpissimè in similibus casibus prudentiæ regulas consulere, quàm propriæ potestatis gradus metiri; nec solum videre quidquid possit, sed etiam quid liceat, quid deceat, quid expediat, atque ita se unumquemque habere, ac si omnino id non posset, quod sibi non liceat, Divinumque honorem, bonum publicum; animarumque salutem legem supremam existimare, quod est optimum S. Bernardi ad Eugenium III. monitum de Consid. lib. 3. c. 4. *puta tibi non licere (etsi, aliàs fortasse liceat) quidquid malè fuerit coloratum, spiritualis homo ille, qui omnia dijudicat, ut ipse à nemine dijudicetur, omne opus suum trinâ quadam consideratione præveniet: primum quidem an liceat, deinde an deceat, postremò an expediat. Nam etsi constes in Christiana utique philosophia non decere, nisi quod licet, non expedire nisi quod decet; & licet: non continuo tamen omne quod licet, decere, aut expedire consequens eris. Non est tamen inutile uniuscujusque potestatis limites nosse, ut eas, & superiores non excedant, & subditi venerentur, & hoc pacto in pacem omnes faciliùs consentiant, & concordent.*

9. Suares non solum ejus est sententiæ, ut credat, legum Ecclesiasticarum vim ab acceptatione non pendere, verùm id etiam secundum fidem negari non posse, affirmat lib. 4. de le-

gibus cap. 10. sed, ne ad Doctorum extra Galliam opinionem Gallos vocemus, Michael Maucerus Doctor Parisiensis eandem amplectitur sententiam, & similibus verbis exponit de Ecclesiastica Monarchia par. 2. lib. 4. cap. 3. obligationem inferre potest in conscientia, inquit Doctor ille loquens de summo Pontifice, servandi leges Canonice à se conditas, & sufficienti promulgatione Orbi Christiano communicatas, ut Alphonsus à Castro, Turrecremata, aliiq; de meliori nota Doctores crediderunt: Quòd adeò verum esse credo, ut secundum fidem negari non posse putem; Et ne quis putaret verba illa sufficienti promulgatione, acceptionem supponere, subjungit; Neque propterea lex minus legis nomine, & honore dignabitur, si iusta, & sufficienter promulgata non recipiatur à populo, nec minus peccabit contra Dei iussa, si illam sine causa repudiet.

10. Sed quid opus est singularium Doctorum mentem referre. Tota Schola Theologiæ Parisiensis in Decreto diutissimè ponderato super doctrina Lutheriana sic censuit anno 1521. de constitutionibus Ecclesiæ. Propositio. Neque Papa, neque Episcopus, neque ullus hominum habet jus unius syllabe super Christianum hominem nisi id fiat ejusdem consensu, & quicquid aliter sit, tyrannico spiritu sit. Censura. Hac propositio est à debita subditorum erga Prælatos, & Superiores subjectione, & obedientia retractiva, legum positivarum seditiosè destructiva, ac IN FIDE, ET MORIBVS ERRONEA, ET EST ERROR DAMNATIVS VALDENSIUM, cum errore Ariatorum conveniens: in hist. univers. Paris. tom. ult. ad illum annum.

11. Idipsum senserant antiquiores; huius, inquit Ivo Carnotensis epif. 8. de Sede Apostolica verba faciens, iudicii, & constitutionibus obviare, planè EST HÆRETICÆ PRAVITATIS NOTAM INCURRERE. S. Thomas Archiepiscopus Cantuariensis pro Ecclesiæ libertatibus Martyr epif. 122. edit. Patris Lupi ad Gilbertum Londoniensem Episcopum scribit: SOLVS INFIDELIS, AUT SCHISMATICVS APOSTOLICIS OBTRACTAT OBEDIRE MANDATIS.

## CAPUT V.

*Confirmatur vim Legum ab acceptatione non pendere.*

1. **C**um Deus Optimus Maximus superiori auctoritatem confert ad gubernandum, & præcipiendum, ex consequenti obligationem imponit subditis ad sequendum, & obediendum; sunt enim, ut loquuntur Dialectici, duo correlativa, quorum unum non potest esse sine altero, & frustra esset potestas regendi ex una parte, nisi ex altera responderet necessitas obediendi.

2. Id luculenter declaravit Christus ipse, cum Lucæ cap. 10. Apostolis dixit: *Qui vos audit me audit*; & ne quis levio- rem estimaret culpam, quæ contra præcepta ab hominibus facta perpetraretur, quàm si Christus proprio aliquid ore præcepisset, addidit; *Et qui vos spernit, me spernit*, quibus in verbis obedientia, & contemptus non ad personas, sed ad doctrinam referuntur, nec discrimen ponitur inter materiam fidei, & morum, vel disciplinæ; atque ita nihil excipitur, ubi distinguatur nihil. Non est etiam illud Christi oraculum, de contemptu, quem in scholis formalem vocant, interpretandum, sed de simplici inobedientia, quemadmodum ex verbis sancti Matthæi cap. 10. vers. 14. colligitur. *Quicumque non receperit vos, neque audierit sermones vestros exeuntes foras, &c.* Quis igitur neget Apostolos, eorumque successores posse fideles, etiam renuentes, obligare ad recipiendas leges, & ad illas servandas, nisi fortè affirmare ausit, aut Christum ipsum id non potuisse, quæ execrabilis esset blasphemia, aut suam potestatem cum Ecclesiæ Prælatis non communicasse, quod Evangelii verbis repugnat.

3. Quibus potuisset melius verbis Christus significare potestatem illam, quam S. Petro, & in illo cæteris Ecclesiæ Pastoribus, contulit, hominum acceptatione non indigere, quàm istis; *Quodcumque solveris super terram, erit solutum & in Cælis; Quodcumque ligaveris super terram, erit ligatum & in Cælis.* Verbum enim ligandi repugnantix superandæ vim significat.

4. Si leges superiorum Ecclesiasticorum non obligarent reculatæ, etiam sine causa; major esset subditorum potestas vim illis aut conferentium, aut detrahentium per acceptationem, vel recusationem, quàm superiorum, quibus expectandus esset subditorum consensus; Etenim cum obligatio necessitatem inducat, & sit quasi quoddam vinculum; si lex cùm à Legislatore profertur non ligat, nec ad obediendum adstringit; utrumque autem præstat post consensum, & acceptationem: sequitur legem non à Conditorum vim obligandi trahere, sed à subditis ipsis, qua ratione potiores partes in proprio regimine obtinent.

5. Nec potest argumentum hujus robor infringi, reponendo consensum subditorum esse tanquam conditionem, non autem causam obligationis, quam lex infert, dum est acceptata, quemadmodum in contractibus minorum non Curatoris assensus, sed minoris voluntas validum efficit pactum, quamvis desideretur etiam assensus ille Curatoris. Hæc enim comparatio magis confirmat argumentum, quàm elidat. Nam primò contractus minoris naturaliter obligat, etiamsi non intercesserit Curator. 2. Hinc fit, ut etiam in foro externo, quæ ex vi hujus contractus soluta sunt, repeti nequeant, nisi speciali lege id cautum sit. 3. Secundùm Gallorum Jurisprudentiam rati sunt hujusmodi contractus, & validi reputantur, donec Principis beneficio minori se læsum assenti succurratur, ut possit à conventionem rescire. Quæ omnia non conveniunt legi secundùm eorum mentem, qui acceptationem omnino necessariam arbitrantur; atque adeo ex illorum mente, ut lex obliget, plus efficit subditus acceptans, quàm superior ordinans.

6. Nemini unquam committitur Jurisdictio, sine facultate cogendi. Ridicula enim esset potestas homini à Principe collata in hunc modum: *Ego te constituo illius Provincia, aut Civitatis Gubernatorem, vices meas tibi committo, autoritatis meæ participem te facio, gratum, ratumq; habiturus. quidquid à te præstitum fuerit, tanquam à me ipso effectum, quisquis mandata tua contempserit, tanquam mea despexerit, reus habebitur, &c.* cum hoc tamen pacto ut Cives ad nihil eorum, quæ jussus obligentur, nisi libuerit, illudq; faciendum receperint. Nonne ipsum à natura inditum lumen rationis perspicit mancam, & inutili-  
lem

lem fore Gubernatoris auctoritatem, si ad sua, & Principis præcepta adimplenda nequiret adigere subditos, etiam re-nuentes.

7. Quis enim in animum possit inducere, gladium Principibus, & Magistratibus eo tantum fine à Deo porrectum, ut eo tunc solum uterentur, cum homines, quibus præpositi sunt, in eas leges peccarent, quæ fuissent ab ipsis acceptatæ, non autem ut ad eas acceptandas, dum essent justæ, sine justa causa recusantes compellerent? Num autem Christus Vicarios suos Ecclesiæ Pastores reliquit inermes? Illorum quidem arma carnalia non sunt, sed armis tamen non carent. Potestas ligandi, & censuris innodandi, non versatur in solis ulciscendis contra præcepta Divina patris criminibus, sed etiam in puniendis fidelium contumacia, qui Ecclesiam non audiunt, Divinæ legis observantiam suis ordinationibus adjuvantem.

8. Non patitur formale legum Ecclesiasticarum, nec sanctorum Patrum, aliorumque Doctorum, de illarum vi loquentium, verba, ut intelligamus, illas eò usque robore carere, dum fuerint à subditis acceptatæ. Nam v. g. quæ illis censuræ apponuntur, indicant etiam reluctantes ad illarum executionem teneri. Quia in re, cum non fiat mentio acceptationis, neque distinctio inter privatos, & communitates, imò interdum expressè ad communitates pœnæ dirigantur, non debet obligatio ad privatos tantum, aut etiam ad communitates ipsas post acceptationem factam, referri. Et si quando Legislator acceptationis meminit, exceptio in illo casu firmat regulam pro cæteris.

9. Innumeros fere Canonici Juris interpretes, & Doctores possemus huc congerere, qui licet varia inter se sentire videantur, quia circa eandem hypothefim non versantur, ut vidimus in exemplis suprâ expensis: in hoc tamen omnes conveniunt, ut doceant legem justam, secundum Principis intentionem subditos obligare, nisi justam habeant non parendi causam; sed ab iis referendis supersedemus, quia hujusmodi auctoritati non satis tribuunt Galli. Videri possunt apud Prosperum Fagnanum in cap. Treugas. de Treuga & Pace, ubi hanc quæstionem fusè prosequitur, præsertim à num. 48.

70 TRACTATUS DE LIBERTATIBVS,  
& in hunc modum concludit. *Intrepidè concludendum est legem Ecclesiasticam post publicationem iigare à sui principio ante ullam populi acceptationem.*

10. Absit, ut libertates Ecclesiæ Gallicanæ instabili, atque odioso illo fundamento nitantur, quod plerique suspicantur, qui libertates illas nihil aliud esse putant, quàm facultatem, seu licentiam faciendi quod libuerit, refutandi quod non arriserit. Justam causam aut habent, aut habere se putant; cùm quid aut amplectuntur, aut respuunt, quicumque injustos se apertè non profitentur.

## C A P U T V I.

*An leges Ecclesiasticæ minori quàm Politicæ autoritate polleant.*

1. **I**llustrissimus Dominus de Marca in universum leges omnes tam Politicas, quàm Ecclesiasticas, donec acceptatæ fuerint, vim non habere multis probare argumentis nititur lib. 2. de Concord. Sacerd. & Imper. cap. 16. eamque acceptationem docet Ecclesiasticis legibus magis esse necessariam. Necessitatem illam quoad leges universas adstruit. Primò ex eo quod debeant esse Reipublicæ utiles; utilitas autem illa à populi acceptatione cognoscatur; Ideòque nolint Principes, ut illæ robur suum obtineant, donec à populo fuerint receptæ; Quæ quidem ratio si de facto vera sit, ab eo quod hinc sequitur non dissentimus. Solis enim legibus utilibus ad bonum publicum, non autem otiosis, aut perniciosius vim obligandi concedimus, tacitumque Principis consensum sufficere fatemur, ut illarum obligatio suspendatur. Cæterum Principem justas leges in subditorum optione relinquere, nisi ex certis indiciis colligatur, haud facilè credimus, nec ipse Dominus de Marca credidisse postmodum testatur est his secundæ præfationis verbis: *Ad eum verò consensum adhibendum subditos ex officio teneri juxta præscriptum Juris Divini, nisi leges eorum commodis apertè officiant. Ab hac regula nunquam discedo, quando de legibus Ecclesiasticis agitur. Optandum esset, ut declarasset luculentius quid*



quid sub illis vocibus *eorum commodis* intelligeret, ut qui liberatas Gallicanas averfentur, ab ea opinione dimoverentur, Gallos ex temporalibus tantum rationibus, non autem ex bono fpirituâli aut Ecclefiaſtica diſciplina de legibus Eccleſiæ admittendis, vel rejiciendis decernere.

2. Secundò ſic iterum argumentatur Dominus de Marca; *Sanè ſi contrario uſu, & tacito conſenſu omnium, leges per deſuetudinem abrogantur, & non ſolum ſuffragio Legislatoris, ut dicebat Julianus; Ita etiam eſt non ſuffragium, conſenſus ſaltem tacitus populi, qui rebus ipſis, & factis conſtat, neceſſarius erit, ut leges receptæ dici poſſint.* Probat quidem hoc argumentum conſenſum populi neceſſarium eſſe, ut lex recepta dicatur; Nihil enim aliud eſt receptio, quam conſenſus populi, ſed ſupponit illam receptionem requiri, ut lex adſtringat, quod eſſet demonſtrandum. Præterea inobſervantiâ vel deſuetudine legi vigor non adimitur ſine Principis conſenſu, qui licet non ſemper neceſſario exprimendus ſit, ut conſeatur abolita quælibet lex, dandus tamen fuit ſaltem ſemel pro ſemper; Cùm ſcilicet legibus ſtatutum eſt, aut requiri acceptationem ut inciperent valere leges, aut ſufficere deſuetudinem per tempus à jure determinatum, ut vigere deſinerent.

3. Quocirca plerique Autores diſcrimen inter leges Eccleſiaſticas, & Civiles reponunt, opinioni Domini de Marca è regione oppoſitum. Volunt enim leges Civiles iis, quos diximus, modis à populi voluntate pendere, non autem Eccleſiaſticas, cò quod Principes à Populo, Eccleſiæ Paſtores à Chriſto poteſtatem acceperint. Duplicem adduxit Illuſtriſſimus ille Præſul ſuæ opinionis rationem.

4. Prima eſt, inquit dicto cap. 16. num. 6. *quia poteſtas Eccleſiaſtica conceptis verbis data eſt in ædificationem, non autem in deſtructionem, ut teſtatur Apoſtolus. Unde ſequitur NIHIL OBTRVENDVM ESSE FIDELIBVS, QVOD EOS OFFENDERÈ ALIQVO PACTO POSSIT; Atque adeò LEGEM ECCLESIASTICAM MINVS COMMODAM PRO NON SCRIPTA ESSE HABENDAM, quia, ut inquit Chryſoſtomus, hæc eſt Chriſtianismi regula, & illius exacta deſinitio, hic eſt vertex ſupra omnia eminens, publica utilitati conſulere.* Mirum certè quod tantum hominem talis argumenti non puduerit; *Poteſtas, inquit, Eccleſiaſtica data eſt in ædificationem, non autem in deſtructionem.*

*nem.* Ergone potestas laica data est in destructionem, non autem in ædificationem? NIHIL OBTRVDENDVM EST, inquit, FIDELIBVS, QVOD EOS OFFENDERE ALIQVO FACTO POSSIT. Ergone à faciendis legibus erit abstinendum? Lex iusto non est posita, sed iniustis, quorum semper maiore exitit numerus. Leges remedia sunt, quæ tùm curandis morbis, tum præcavendis adhibentur. Unde si expectandus sit hominum, ab adolescentia ad malum pronorum assensus, ut à vetitis in quæ nituntur, legum timore coerceantur, nulla erit pietas, nulla religio. Quotus enim quisque est qui sponte sua, vel etiam Spiritus sancti gratiâ ita tendat ad bonum, ut à corruptæ naturæ pondere non trahatur etiam ad malum, & in lubrico positus non egeat interdum legum autoritate retineri? Quæ Lex sancta, & iusta non offendet aliquo pacto vitiis jam deditos, aut ad illa propensos? Quæ lex non videbitur minus commoda? An regulæ, quæ publica utilitati consulunt, maximam hominum partem non offendunt? An non illæ ipsæ sunt, quæ minùs commodæ videntur? Porro si offensio illa, vel commoditas, bonorum iudicio metienda est, non offenduntur illi legibus iustis, nec eas minus commodas existimabunt; Iustas autem duntaxat valere diximus, etiamsi receptæ non fuerint.

5. Non minus odiosa est secunda ratio, quam his verbis exprimit idem Dominus de Marca; *secunda verò ratio hæc est, quia Christus ipse discrimen utriusque potestatis in præceptis dandis autoritate sua constituit. Reges gentium dominantur eorum, & qui potestatem habent super eos Benefici vocantur, vos autem non sic, inquit ille apud Matthæum, & Lucam.* Atqui verba illa non vim ipsam legum, sed procurandæ executionis rationem continent. Nec enim Deus fidelium conscientias arctius adstringit ad obsequendum legibus Principum sæcularium, quàm Ecclesiæ; in eoque solo posita est differentia, ut ex communi Sanctorum Patrum, & celebriorum Interpretum explicatione probatur, quod superiores Ecclesiasticos oporteat præcipere, & obedientiam obtinere suavitatem potiùs, & charitate, quam severitate, ac timore. Id luculenter docent verba ipsa Origenis à Domino de Marca relata, in quibus, non potestas superiorum Ecclesiasticorum cum potestate Principum sæcularium, sed unius usus cum

cum alterius exercitio comparatur. *Principes Gentium non contenti tantum regere subiectos suos, violenter eis dominari nituntur; inter vos autem, qui estis mei non erunt hæc.* Mox de Prælatiſ spiritualibus ſubjungit. *Principatus eorum in dilectione debet eſſe poſitus, non in timore carnali;* Quæ duo ultima verba notanda ſunt, ne quis putet Eccleſiam nullo poſſe pœnarum timore malos cohibere; *Quid vultis, inquit, in viſga veniam ad vos, an in charitate, & ſpiritu manſuetudinis?* 1. Corinth. 4. verſ. 21.

6. Multa extant in Sacris Scripturis, etiam novi teſtamenti teſtimonia, quæ Eccleſiæ facultatem illam fontes plectendi aſſerunt. Satis eſt ut meminerimus Chriſtum, ut diximus, Apoſtolos ſuos, eorumque ſucceſſores, excommunicationis, cæterarumque cenſurarum gladio armaſſe, quo contumaces à malo deterrent. Quamobrem Origenes non timorem omnem ab Eccleſiaſtico regimine removet, ſed timorem carnalem.

7. Sanctus Thomas, & alii plures interpretes in eundem ſenſum verba Chriſti explicant, ut ſcilicet non de poteſtate, ſed de poteſtatis uſu, non de jure, ſed de facto intelligantur. *Principes Gentium dominantur eorum* Matth. 20. id eſt, interpretatur S. Thomas, in ſervitutem redigunt ſubditos: Ezechiel. 22. *Principes ejus in medio illius, quaſi Lupi rapaces; item aliqui habent eminentiam non in dignitate, ſed in poteſtate, ut aliqui nobiles, & conſectum eſt, quod qui poteſtatem habent, non muntur ad beneficium, ſed poteſtatem exercent in eos, ſcilicet ad opprimendum, non ad juſticiam; ſed Dominus illam conſuetudinem non vult in Eccleſia ſua ſervari.*

8. Alii interpretes ſuper hæc verba Luc. 22. *Reges gentium dominantur eorum* plurimas congerunt autoritates, ut probent Principibus etiam ſæcularibus congruere benignitatem. Olim epithetum Regis erat, bonus. Homerus nihil aliud in Rege deſiderabat, niſi ut eſſet fortis in hoſtes, & bonus in Cives. Imò Præſulum epithetum erat optimus. Unde Paulus Felicem Præſidem cognominat optimum. Act. 23.

9. Non igitur docet Chriſtus quales debeant eſſe, ſed quales ſint plerique Principes. Cæterum & Eccleſiaſticis, & ſæcularibus Prælatiſ competit, ut ſubjeſtos poſſint legibus obligare, & ad illarum executionem contumaces adigere, illi pœnis ſpiritualibus, & Canonicis; iſti temporalibus, & corpora-

poralibus. Sed proh dolor, carnales homines, quia temporalia bona tantum diligunt, non nisi temporales poenas metuunt; nec spirituales, licet tantò magis metuendas, quantum animus corpori præstat, formidant. Unde fit ut Ecclesiæ præcepta parvi pendantur, nisi Magistratus sæculares brachium suum, id est auxilium, ut debent, illi commodent.

10. Tertium addit discrimen idem Autor inter utramque potestatem. *Regnum Imperium, inquit, à sacerdotali in eo maxime distat quod illi non solum singulorum Civium rationes commissæ sint, sed totius Reipublicæ salus: Unde fit, ut in Cives etiam invitos ad fovendum totius Reipublicæ corpus jus illi competat, quemadmodum antea dixi, quod aliter se habet in Episcopali Ministerio, cui Ecclesia sollicitudo ita est commissæ, ut singulorum salutis præcipue invigilare debeat, nec curare possit universum corpus aliquorum membrorum perniciæ: sed ad exemplum, Magistri nonaginta novem oves deferenda illi sunt, ut centesimam ad caulas reportet. Quis rursus humani ingenii non demiretur imbecillitatem, cum eruditissimum hominem, tam absurdè ratiocinantem audierit? Quis credat Ecclesiam universum corpus minus curare debere, quam aliqua membra? Quis credat nonaginta novem oves illi omnino deferendas, ut unam ad caulas reportet? Consultit Ecclesia bono publico, & quidem magis quam privato; sed in hoc excellit ejus regimen, quod cum sæculares Magistratus multa dimittant inulta, dum societati civili non officiant, Ecclesia omnibus remedia pro viribus conferat, secreta secretis, publica publicis, nec nonaginta novem justos perire finit, ut unum salvet peccatorem: sed aliquandiu illorum curam non necessariam intermittit, aut imminuit, ut istum interim quærat, & justorum numero apponens simul omnium salutem, quantum potest, promoveat. Id autem & bonum publicum exigit, ut scilicet oves in tuto positæ aliquantulum deferantur, quo congregandis aliis, & Gregi adjungendis, liberius vacetur. Neque enim si nonaginta novem pariter periclitarentur, postponeretur illarum salus unius recuperationi.*

11. Monet Ecclesia privatim peccatores occultos, sed publicè peccantes, ac scandalosos publicè arguit, & dum est inutilis correptio, eos ab aliorum communione sejungit, mavultque, ut Lupi faucibus exponatur ovis una morbida,

quam

quàm totum gregem inficiat : quanquam etiã unius illius salutem exoptat, eamque idẽ etiã sejungit, ut, dum se à grege senserit exulẽ pudore suffundatur, ac illuc redire optet, & festinet. Non tã exigit pœnam quàm morborum curationem, non vult mactare, sed salutem conciliare. Sed eundẽ sibi finem debent prœstituire Principes, ut scilicet bonum publicum curent, non autem ut perdant, & destruant singulares hominẽs, nisi fortẽ quatenus bonum publicum reorum mortem exigit. *Si non ad bonum commune multitudinis, inquit, S. Thomas opusc. de regim. Princip. lib. 1. cap. 1. sed ad bonum privatum regentis regimen ordinetur, erit regimen injustum, atque perversum. . . . bonum siquidem gregis Pastores quarere debent, & Rectores quilibet bonum multitudinis sibi subjectæ.*

12. Sed utrique, & Pontifices scilicet, & Reges dum pro bono publico singulares subditos plectunt, etiã istorum bono consulere debent, quantum possunt. Sanẽ nemini fas est quantumvis potenti mortem alicujus, aut aliud malum sub ratione mali appetere.

13. Quod autem Principes aliquandò privatis hominibus vitam auferant, ut Communitati nocere desinant; quod etiã subjectos ad solvenda tributa, quorum dubia est justitia, compellant, non est indicium arctioris obligationis in legibus politicis, quàm in Ecclesiasticis, sed majoris timoris in hominibus à pœnis temporalibus, quàm à spiritualibus. Quamobrem rectẽ concludit Dominus de Marca cum Theodoro; *aliã esse rationem legum Regiarum, & Canonum; quod illa severas pœnas à reis exigant, hi autem errantes in viam reducere, & agris remedia parare conentur; quando peccatum est in leges Evangelicas, aut mores receptos. Hinc tamen non consequitur vim obligandi, majorem inesse legibus politicis, quàm Canonicis.*

14. Sed quæ causa est, ut prœfatus Autor Principibus, si non jure ordinario, sed summo jure agere velint, earum Constitutionum executionem urgere posse concesserit, quæ de jure dubio feruntur, & ab invitis Civibus obsequium extorquere, sine ulla Tyrannici Imperii exprobratione: Illam autem facultatem summis Pontificibus, aut Ecclesiæ universæ denegaverit? Numquid in dubio præsumentum est pro justitia legis civilis, & pro injustitia Canonica? Nonne etiã legibus Ecclesiasticis convenit ratio boni publici,

76 TRACTATUS DE LIBERTATIBVS,  
quam subjungit? *Et si enim inquit, dura sint aliquando Regum Imperia, ordo ille imperandi, & parendi id exigat, ut subditi Dominorum mandatis cedant, quemadmodum Apostoli disertissime docuerunt. Quidni etiã Ecclesiæ præceptis parendum sit, etiam si gravia videantur?*

## C A P U T VII.

*Ostenditur Doctores, quos citat Dominus de Marca non docere vim legis à promulgatione pendere, sed potius contrarium.*

1. **L**Eges Ecclesiasticae, inquit idem Petrus de Marca lib. 2. cap. 16. num. 5. eadem tacita conditione, quã Civiles adstringuntur, scilicet ut parendi necessitate Christianos non teneant, donec usu sint receptae. *Hac est non solum Gallorum omnium, sed etiam celeberrimorum quorumque Doctorum sententia.*

2. Vera sunt hæc de utrisque legibus, si vel tacitus superioris consensus adsit, vel à lege absit justitia. Sed si subintelligantur duæ conditiones à nobis supra expositæ, ut scilicet & lex justa sit, & superior omninò, & non obstante consensus defectu, eam obligare intendat, & pauci Galli, & paucissimi celeberrimi Auctores necessariam omninò promulgationem affirmabunt.

3. Huic sententiæ non favebit Gratianus, qui primo loco citatur; Nec enim tacitum illum superiorum consensum excludit, licet illum non exprimat, dum ait, *leges institui, cum promulgantur: firmari cum moribus utentium approbantur.* Invisus ferè Gallis est Gratianus, quod plurima collegerit, quæ illis videntur summorum Pontificum auctoritatem nimis extollere, nec illum controversiarum de libertatibus Ecclesiasticis Judicem reciperent lubentes; Itaque non est in explicanda illius mente amplius immorandum; quanquam sic illum Autorem interpretantur communiter Juris Doctores, ut tacitum Principis consensum ad non exequendam, vel ad abolendam legem requirant, quod in ipsis animadvertere licet, quos deinde citabimus ex prædicto Marca. Imò seipse videtur corrigere

re §. ult. ejusdem distinctionis 4. dum addit ; *nisi forte quis dicat hac non decernendo esse statuta , sed exhortando conscripta.* DECRETUM VERO NECESSITATEM FACIT : EXHORTATIO AUTEM LIBERAM VOLUNTATEM EXCITAT.

4. Secundò sanctus Augustinus , quem putat Marca inclinare in contrariam sententiam lib. de verà Religione cap. 31. non inferiorum , sed superiorum judicio permittit leges , cum sunt. Hæc sunt illius verba ; *In istis temporalibus legibus , quanquam de his homines judicent , cum eas instituunt ( certè non subditi , sed superiores , leges instituunt , imò nec adsunt quidem inferiores , nisi fortè paucissimi , dum leges conduntur ) tamen CUM EVERINT INSTITUTÆ , ATQUE FIRMATÆ non licebis judici de ipsis judicare , sed secundum ipsas.* Si judici , qui Principis vice fungitur , non licet de legibus , sed secundum leges judicare , quomoddò id permittetur inferioribus ? Non enim dicit S. Augustinus , cum receptæ , sed cum institutæ , atque firmatæ fuerint , quod totum ad Principis auctoritatem pertinet. Sed quod S. ille Doctor de Legislatoribus , non de inferioribus , doceat , posse de legibus judicare , cum instituuntur , declarat ipse manifestissimè verbis , quæ post jam relata immediatè sequuntur ; *Conditor tamen legum temporalium , si vir bonus est , & sapiens , illam ipsam consulit æternam , de qua nulli animæ judicare datum est , ut secundum ejus incommutabiles regulas , quid sit pro tempore jubendum , vitandumque discernat.*

5. Covarruvias , quem dictus Marca celeberrimum Auctorem vocat , utriusque conditionis supradictæ mentionem expressam facit in illis ipsis verbis , quæ sunt ab illo exscripta è libro. 2. var. resol. cap. 16. num. 6. scilicet ; *Leges à Principe dari ea conditione . ut NON ALITER OBLIGENT , QUAM SI EVERINT A REPUBLICA RECEPTÆ . . . . & maxime presumendam esse eam legem , qua à Republica non recipitur , minimè ei convenire.* Ergo econtra si Princeps intendat . ut leges etiam non receptæ obligent , & illæ aliundè Reipublicæ convenient , ad illarum observationem subditi tenebuntur.

6. Navarrus , qui est alius Autor à præfato Marca citatus tanquam celeberrimus , necessitatem taciti consensûs Principis expressè meminit. Dixi , inquit , *receptam : quia antequam recipiatur saltem per majorem partem Universitatis , cujus pars est transgressor , non*

ligat. Quoniam promulgari videtur cum conditione, si recipiatur saltem per majorem partem, ut singulariter dixit Domi. in §. leges per Recentiores ibi, & in cap. 2. de Constit. & profundius Felix in cap. 1. de treuga, & pace num. 12.

7. Citantur ad marginem alii Autores, qui duas possunt in Classes dividi. Prima est eorum, quos vulgò Summistas, aut Casuistas appellant, secunda aliorum Theologorum. In prima Classe reponendi sunt Bartholomæus Fumus Ordinis Prædicatorum, cujus liber inscribitur: *Summa aurea Armilla nuncupata*. Angelus de Clavasio Ordinis Minorum, cujus liber; *Summa Angelica* dicitur; & Sylvester. Horum trium nullus non supposuit consensum Principis, ad detrahendam legi vim, esse necessarium: sive quia tunc debet adesse, cum lex publicatur, aut in defuetudinem abit, sive quia generaliter constitutum est, ut post certum tempus, ac cum certis conditionibus leges inobservatæ robore carerent.

8. Ecce verba summæ Aureæ *Armilla nuncupatæ* verbo *lex num. 11. Et dicit gloss. in cap. Quocirca de consang. & affin. quod tolerantia, & dissimulatio Principis, in actu de jure prohibito, inducit dispensationem: Quod Dominus Antoninus intelligit, quando Constitutio Papa à principio non recipitur, Papa sciente, & tolerante, quo casu tolerantia excusat à peccato: non autem si à principio recepta fuit à majori parte, secundum quod limitas Panormitanus. Nota hæc verba, Papa sciente, & tolerante.*

9. Angelus autem de Clavasio verb. Constitutio §. 1. sic quæstionem proponit: *Utrum Constitutio Papa, quæ à principio communiter non recipitur, ipso sciente, & tolerante obliget ad peccatum.* Item verb. Consuetudo §. 10. Ex quo, inquit; per binum actum factum est contra Legislatorem scientem, & valentem contradicere, & non contradicentem. Non disputat igitur Angelus, utrum lex non accepta subditos ardeat, urgente, ac præcipiente superiore, ut acceptetur, sed supponit ipsum scire, & tolerare non receptionem.

10. Sylvester verb. *lex num. 6.* adhuc clariùs illum consensum docet esse necessarium, imò majorem in hoc auctoritatem vindicat summo Pontifici, quàm Imperatori, ut mirum sit in patrocinium advocatum fuisse sententiæ Petri de Marca. Audi ergo Sylvestrum verb. *lex num. 6. Quæritur quæ,*  
&



Et quot requirantur ad hoc quod lex habeat vim obligativam in se, five in communi, & dico, quod multa. .... 4. quod per inferiores sit suscepta, & approbata dist. 4. in istis §. leges. .... etsi opponatur, quod hoc sit absurdum, quia potestas condentis legem penderet à subditorum arbitrio. Dico primo hoc non esse inconveniens in Principi seculari, idest Imperatore; quia, ut recitat, & sequi videtur Archidiaconus. dist. 3. lex. Quidam, ut Landul. dicunt populum posse auferre Imperatori auctoritatem, quam in eum transfulerunt, juxta §. sed quod Principi insit. de Jur. natur. sicut iudex qui delegavit. (Ecce quomodo Sylvester suffragatur opinioni Marcæ, in eo, quod. lib. 2. cap. 2. docet non solum auctoritatem Regiam manare à Deo, sed etiam specialiter singulis Regibus à Deo immediatè conferri,) SED OMNES ECCLESIAE NON POSSUNT AVFERRE AVTORITATEM A PAPA, QUIA EAM HABET A DOMINO. Vide si vis Archiepiscopum 3 par. tit. 18. cap. unic. col. 3. (S. Antoninum Archiepiscopum Florentinum intelligit, à cujus auctoritate possemus novum accersere argumentum.) Esto tamen quod illud sit inconveniens in Imperatore, sicut in Papa: Dico quod hoc non sequitur, quia potest Princeps deputare Executorem compellentem ad observantiam legis: quo casu necessaria erit susceptio legis subditis compulsis. (Vide an Sylvester cum Marcæ doceat nihil obtrudendum esse fidelibus, quod eos offendere aliquo pacto possit:) & dato quod compelli non possint; adhuc non sequitur illud inconveniens: quia eo casu, quo Princeps vult compellere, sed nequit, non receptio non impedit vim legis, cum eo modo eam impediat, quo consuetudo tollit, scilicet quia Princeps sit, & tolerat. Non ergo defectus acceptionis, sed Principis consensus robur legis justæ suspendit.

## CAPUT VIII

*Ostenditur ex verbis aliorum Doctorum, quos citat Dominus de Marca non probari vim legis à promulgatione pendere, sed potius contrarium.*

1. **C**itantur adhuc duo magni nominis Theologi ad probandam necessitatem acceptionis, ut leges obligent: scilicet Joannes Gerson, & Joannes Major; sed licet illi, sicut & Nicolaus Cusanus, quem alibi allegat, & nos cap. sequen-

sequenti, eo tempore scripserint, quo summi Pontifices, seu legitimi, seu falsi, Galliam ipsolitis oneribus ferè oppresserant, tempore scilicet schismatis inter Pontifices Romæ, & Avenione sedentes, aut tempore bellorum, idèdque vehementiùs incusaverint abusus autoritatis Pontificiæ contra sanctam, & priscam Canonum disciplinam, nusquam tamen non meminerunt legitimæ Vicariorum Christi potestatis, & debitæ ab omnibus fidelibus erga sanctam Sedem non solum venerationis, sed etiam obedientiæ.

2. Joannes Gerson in tractatu de vita spirituali lect. 4. quæ signanter citatur à Marca hæc habet corollario primo. *Nulla transgressio legis naturalis, aut humana, ut naturalis est, vel humana, est de facto peccatum mortale*: Sed hæc doctrina nihil juvat ad stabiliendam necessitatem acceptationis; Distinguit enim tantummodo, Theologorum Scholasticorum more, duas, ut ipsi loquuntur, formalitates in eadem lege, prima quod dicetur à ratione naturali, vel constituta sit ab hominibus. Secunda quod à Deo sit posita, vel firmata; Et ab hac secunda, non autem à prima putat habere quod obliget sub pœna peccati mortalis; sed in omni lege justa reperitur utraque illa ratio, seu formalitas. Hæc Gersonis mens manifestè patet ex probatione, quam adducit, scilicet, *quia lex naturalis, & humana, ut tales sunt, non possunt attingere ad cognitionem æternitatis in pœna, vel premio*; Non ergò feruntur ad finem talem supernaturalem.

3. Corollar. 4. concludit in hunc modum: Et ita quantum lex aliqua habet admixtum de lege Divina præceptiva, tantum, & non amplius est ejus transgressio mortaliter vitiosa. Et corollar. 7. Nulla lex appellanda est, neque ferenda tanquam necessaria ad salutem æternam, qua non est de jure Divino in aliquo quatuor graduum, quos lectio præcellens exposuit. Hæc doctrina prima specie videtur ab omni peccato mortali eximere violationem cujuscumque legis humanæ, nisi sit etiam lex Divina. Verum contraria mens apertè significatur in Corollario 6. cum de præcepto abstinendi ab operibus servilibus, & sacrosanctum Missæ sacrificium audiendi, sic loquitur Gersonius: *Quod si peccat quis mortaliter transgrediendo limitationem istam Ecclesia, hoc non est propriè ex hoc quod Ecclesia sic præcipit; sed quia sic limitare expediebat pro communitate*: Et jam homo sit contemptor Divini præcepti (huc usque soli Divinæ legi vim obligandi tribuere videtur: sed

Præ-

Prælatorum auctoritatem statim asserit) & suorum superiorum, quibus sponte se submitit, aut submittere debuit pro utilitate sui, & Communitatis, cuius est pars.

4. Sed in lect. 2. ad quam remittit in Corollario 7. omnem aufert dubitandi occasionem. Distinguit enim quatuor gradus legis ad Divinam legem pertinentis, ad quorum aliquem præcipue 3. vel 4. evidentissimè reducitur quæcunque lex, manifestam non continens injustitiam; Dicamus, quod illa lex est pertinet solum ad Divinam, qua licet deduci non possit à veritatibus suis Divina; deducitur tamen ex eisdem coassumptis aliquibus veris probabilibus, qua piè, & rationabiliter negari non possunt.... In 3. gradu sunt leges, qua ad sui deductionem per leges Divinas requirunt propositiones dubias, qua tamen plus incitant, & edificant ad devotionem, quam opposita, aut quas tutius est concedere, quam negare. Exempla multa, & quotidiana sunt in Canonibus summorum Pontificum, & Decretalibus. Illiquippè Canones, aut Epistola Decretales imitantur legibus Divinis, utpotè talibus universalibus; Qui vos audit, me audit: obedite Præpositis vestris; qua dicunt, facite, & similibus. Sed subsumendo pro minori propositione, aut in consequentia coassumuntur sapientiùs propositiones, qua non sunt de lege Divina, aut qua dubia sunt, aut non profusus certa, quod proficiunt observantibus. Tamen in multis tutius est eas concedere, nec pertinaciter impugnare, &c. Postremus gradus continet leges, quæ ex legibus Divinis non plus deduci possunt, aut minus quàm opposita. Quæ lex amabo, si iusta sit, non pertinebit ad legem Divinam aliquo ex istis modis.

5. Sed progreditur ulterius Gerson, nam Corollar. 8. lect. 4. docet in dubio iudicandum esse pro lege; Verba inferiùs exscribemus. Demonstrabimus etiam alibi quomodo summi Pontificis auctoritatem defendat, & hæreseos arguat illius impugnatores, ut hinc pateat Gersonium, dum auctoritati summi Pontificis aliquid videtur detrahere, ad abusus suo tempore frequentes respicere. Dintius spe nostra, inquit hujusce tractatus lect. 3. tenuit nos sermo de hac potestate summi Pontificis, quoniam tempestas præsens ad hoc impulit, pro qua magis necesse est, potestatem hanc ad clarum dignoscere, atque secernere, quam olim antea præsertim ad videndum subtractionis facta justificanda, vel cassanda rationem, præsuppositis eis, qua facta sunt. De subtractione loquitur à Benedicto XIII. Pontifice Avenionensi, cui paruerunt Galli tempore schismatis, de quo alibi fusiùs.

## 82 TRACTATUS DE LIBERTATIBVS,

6. Joannes Major post Gersonium scripsit, & se Universitatis Parisiensis sententiam sequi professus est, in 4. sent. dist. 15. quæst. 4. qui locus citatur à Marca. Ad Gersonis sententiam interpretandus est, ut scilicet non obligent leges ad legem Divinam nullo modo pertinentes, idest injustæ, vel justæ de causa recusatæ. Puderet nî fallor Doctores celeberrimæ Facultatis Theologiæ Parisiensis affirmare leges etiam justas posse repudiari, quamvis renitente Principe, ac sine justa causa. Contrarium suadent eorum Decreta alibi referenda.

7. Denique Joannes Driedo Professor Lovaniensis lib. 1. de libert. Christiana cap. 9. docum. 2. citatus à Marca, docet, quidem legem in foro conscientiæ non habere vim obligandi. *Quando non est moribus utentium recepta*, sed supponit tacitum consensum Principis metuentis turbationem Reipublicæ. *Tam enim*, inquit, *lex illa non expedit Reipublicæ sic disposita*, cum plus damni, & turbationis, quam boni inde sequeretur. Neque enim posset lex illa moribus utentium confirmari, dum Princeps non posset absque turbatione Reipublicæ punire illius legis transgressores, populo legem illam non acceptante. Dispositio tamen Reipublicæ prædicta vix culpa vacaret, si lex omnino justa esset.

8. Cæterum auctoritatem superiorum, & eis parendi obligationem, dum nihil præcipiant legi Divinæ contrarium, in illo ipso loco validissimè defendit: *Ex his*, inquit, *manifestum est, falsam esse doctrinam eorum, qui dicunt Ecclesiæ Prelatos, superioresq; Potestates non plus facere posse imperando, quam faciunt Magistri, aut Doctores Dei legem, seu præcepta docentes, & Prelatos nihil aliud posse facere, quam faciunt Medici, qui ægrotis intinunt, quis cibus mortiferus sit corpori, quis salutaris. . . . Nam & sunt alia innumera sacra Scripturæ testimonia, ex quibus liquidum est Prælatorum & superiorum Potestatum officia esse non solum docere, aut intimare quid Deus jubeat, sed & imperare, dirigere, & coercere populum. Deinde, & scire oportet supradictas scripturas à sanctis Patribus sic intellectas esse, ut ex illis sequatur etiam nos oportere OBEDIRE IN HIS, QUÆ NON SVNT SECUNDVM SE PRÆCEPTA LEGE DIVINA, quemadmodum latius declarabitur infra, & in solutionibus argumentorum.*

9. Testimonia Innocentii I. & Gelasii, quæ profert præfatus Dominus de Marca loco citato cap. 8. in alienum sensum

sum ab eo detorquentur. Cùm enim Innocentius Epist. 18. quæ est ad Alexandrum Episcopum Antiochensem quædam decrevisset circa jus Metropoliticum, & de reiectione Clericorum Arianorum, scribit, ut hæc Decreta mittantur ad cæteros Episcopos, ut ab omnibus unanimiter observentur. Quia in re non illorum arbitrio permittit, ut vel acceptentur, vel repudientur, sed providet tantum ut ab eis non ignorentur, quod sufficere putat, ut communi consensu ab omnibus executioni demandentur. Et licet hanc significationem in Synodo fieri cupiat, satis tamen esse insinuat, si ad Episcopos pervenerit; Gravitas itaque tua, inquit, hac ad notitiam Coepiscoporum, vel per Synodum, si potest, vel per harum recitationem faciat pervenire, ut ea, quæ ipse tam necessario percontatus es, & nos tam elimate respondimus, communi omnium consensu, studioq; serventur. Gelasius autem dicit Constituta Conciliorum universalium fieri ex assensu universalis Ecclesiæ; non autem statuta Conciliorum ab assensu universalis Ecclesiæ pendere, ut vim habeant obligandi; ac in hoc magnam Apostolicæ Sedis autoritatis partem collocat, quod Synodorum Decreta confirmet, exequatur, & observari faciat. *Considimus, quod nullus jam veraciter Christianus ignoret uniuscujusque Synodi Constitutionem, quod universalis Ecclesia probavit assensu, non aliquam magis exequi Sedem præ cæteris oportere, quam primam, QUÆ, ET VNAMQVAMQVE SYNODVM SVA AVTORITYTE CONFIRMAT, & continuata moderatione custodit, pro suo scilicet Principatu.*

10. Ex eo quod Anastasius Bibliothecarius non omnes ubique Canones vigere affirmat ad marginem 6. Canonis septimæ Synodi, ubi mentio habetur cujusdam Canonis Trullani, nequit Marca inferre, necessariam esse acceptionem, ut lex vi sua polleat, cùm à quamplurimis aliis causis procedat hæc inobservatio, præsertim ex tacito summi Pontificis consensu.

11. Non magis urgent verba Diurni Romani ab eodem Marca relata, quibus pollicebatur olim Pontifex se servaturum omnia Decreta Canonica Prædecessorum Apostolicorum Pontificum quacumque ipsi Synodaliiter statuerim, & probata erant. Nec enim hac voce probata significatur necessitas consensus subditorum, ad hoc ut superiorum legibus teneantur, sed designantur Constitutiones defuetudine, vel contrariis Constitutionibus, aliave

84 TRACTATUS DE LIBERTATIBVS,  
legitima ratione non abrogatæ: Quod ex verbis sequentibus  
colligitur, *sicut ab eis ( Pontificibus ) statuta sunt, in sui vigoris  
stabilitate custodire.*

12. Denique verba illa Philippi II. Francorum Regis à  
Marca loco citato exscripta. *Ecclesia non recipit quamplures Canones,  
qui per consuetudinem abierunt, vel ab initio non fuerint recepti* intelligi debent  
de Canonibus ab Ecclesia Romana non receptis v. g. Trulla-  
nis, vel cum consensu expresso, aut tacito summorum Pon-  
tificum in usum non redactis. Nec enim illud Philippi testi-  
monium, aut alia supra relata definiunt posse subditos, su-  
periorum, iustas suas leges acceptari, & observari contem-  
nentium, voluntati, sine peccati reatu obistere.

## C A P U T I X.

*Utrum legi parendum sit, dum dubia est ejus justitia, aut  
non evidens eius recusandæ ratio.*

1. **V**erendum non est, ne universa Ecclesia, vel etiam  
summus Pontifex, aliquid præcipiat legi Divinæ,  
aut naturali contrarium; sed neque de quo dubium sit, an  
adversetur, nec ne? Undè non de hujusmodi dubio hic insti-  
tuitur quæstio, quæ certè non tam facilè solveretur. Vide-  
tur enim ex una parte, quod quemadmodum Deo obedi-  
endum est magis quàm hominibus, si apertè contraria præci-  
piant, ut qui hunc ordinem invertat, culpæ, ac pœnæ reus  
sit; Ita etiam cùm periculum est, ne in adimplendo homi-  
nis præcepto subditus Divina mandata transgrediatur, hujus-  
modi mandatum prætermittendum sit, quia hoc ipso quod  
quis se peccandi periculo committit (committit autem quis-  
quis id agit, quod dubitet, an Deo displiceat) in peccatum  
incurrit. Aliunde tamen S. Augustinus relatus Canone: *Quid  
culpatur* 23. quæstione 1. supponit posse (nescio an non etiam  
debere) superiori præcipienti obtemperari, non modò si cer-  
tum sit, id, quod præcipitur Deo non displicere, sed etsi  
displicere certum non sit. Docet enim posse militem bellare  
jubente Principe, in quo proximi fortunæ, ac vita ipsa im-  
peti-

petitur, dummodò certum non sit, bellum illud esse Divinâ lege vetitum, atque adeò dubium sit, num hosti fiat injuria; posseque contingere, ut reus sit, qui præcipiat, innoxius qui obsequatur; *vir iustus*, sunt verba S. Augustini, *si forte etiam sub Rege homine sacrilego militet, rectè potest illo iubente bellare; si vice pacis ordinem servans, quod sibi iubetur, VEL NON ESSE CONTRA DEI PRÆCEPTUM CERTUM EST, VEL UTRUM SIT, CERTUM NON EST: Itaut fortasse reum faciat Regem iniquitas imperandi: innocentem autem militem ostendat ordo serviendi.* Rideretur ut insanus, nedum plecteretur ut reus, miles, qui ad bellum proficisci iussus à Principe causaretur, quod sibi non satis esset perspecta belli iustitia. Principis est, præcepti causas, & iustitiam discutere, subditorum autem parere; nili norint Principem majorem id prohibere.

2. Sanè qui tum etiam obediendum sentit, cùm non constat an lex Divinis mandatis sit conformis, an contraria; quomodò non arbitraretur præstandam obedientiam, cùm nullum est de peccato, vel de peccati periculo dubium, sed tantùm, an nimium gravis sit lex, ambigitur, aut ex alio capite, quàm ex peccandi timore oritur injustitiæ suspicio.

3. Nulla est societas, in qua erroris, ac temeritatis non infimuletur quisquis, dum inferior cum superiore contendit circa præcepti obligationem præferendam asserat: inferioris sententiam. Mente percurrantur Cœtus omnes, non solum in quibus Principis potentia, etiam dum officii sui terminos prætergreditur, mutam extorquet obedientiam, aut in quibus votum ad obedientiam arctiùs constringit, sed & alii omnes: vix unum invenias, in quo universi omnino persuasum non habeant, & omninò indubitatum; Rectoris judicium in dubiis circa obedientiam, inferiorum opinionibus esse anteponendum, eosque omnes in regiminis regulas peccare, qui obedientiam negent sub prætextu, quod evidens non sit mandati æquitas.

4. Tantus est uniuscujusque erga seipsum amor, tamque altis radicibus infixum in omnium hominum cordibus libertatis, & independentiæ desiderium; tam accensus, ac servens propriæ commoditatis, & utilitatis privatæ studium;

ut si dubium sufficiat ad excusandam legum rejectionem, dissolvendus sit omnis obedientiae nervus; Quotus enim quisque est, cui mens, privati amoris stimulo excitata, dubitandi rationes non subministrat, quandoquidem tot sunt quibus injusta videntur, quæ justissima cernuntur ab aliis omnibus, qui æquo animo de illis judicant. Quin etiam non desunt qui apertum scelus non solum injustum non agnoscant, sed & laudabile existiment, quemadmodum Judæi Apostolos interficientes arbitrabantur obsequium se præstare Deo.

5. S. Gregorius Magnus in cap. 15. lib. 1. Reg. exponens verba hæc Samuelis ad Saulem, *quasi peccatum ariolandi est repugnare, & quasi scelus idololatria molle acquiescere*; Inferioribus de superiorum mandatis sententiam ferendi tantum abest ut libertatem relinquat, ut etiam licentiam illam maximi criminis arguat. *Qui repugnant*, inquit, *Prælatorum imperiis, idcirco utique repugnant quia Divinam voluntatem se scire melius affirmant. Quasi ergo peccatum ariolandi est repugnare, quia, velut Divino Altari contempto, ad aras Demonum responsa percipiunt, dum cordis sui præstigiosis, ac superbis adinventionibus credunt, & salutaribus Prælatorum consiliis contraria sentiendo refragantur.* Quocirca tam acriter increpatus est à Samuele Saul, licet iste proprio crederet officio fecisse satis. Nam corripienti quod Dei vocem non audivisset, imò, respondit, *audivi vocem Domini, & ambulavi in via, per quam misit me Dominus 1. Reg. 15. vers. 20.* Præceptum quidem ad litteram non fuerat executus: sed præterquam quod in re, ut videbatur, parva illud transgressus fuerat, majorem se Deo gloriam procuraturum, si sacrificium offerret, existimaverat; Tulit autem, inquit, *de præda populum oves, & boves primitias eorum, quæ casa sunt, ut immolet Domino Deo suo in Galgalis.*

6. Joannes Gersonius, cujus verba huc distulimus, obediendum in dubio statuit in tract. de vit. spir. lect. 4. hoc est enim Corollarium 8. *Occurrenti dubio probabilis de aliqua lege, utrum Divina sit, aut Divina connexa, seu pertinens, tutius est legem illam pro Divina suscipere, quam humanam negligere.* TENE CERTVM (consultit Augustinus) ET DIMITTE INCERTVM. Consilium dumtaxat, non præceptum his verbis contineri crederes, nisi statim sequeretur; *Est itaque regula Magistralis quod exponem*



*se discrimini peccati mortalis peccat mortaliter, & hanc fundat dictum Sapien-  
tis: Qui amat periculum peribit in illo.*

7. Nicolaus Cusanus, quem D. Petrus de Marca lib. 2. cap. 16. num. 8. adducit, ut probet necessariam acceptationem legum, ut vim obligandi habeant, quod scripserat initio Concilii Basileensis, postea, vel explicavit, vel retractavit. *Sic enim, ait Epist. 1. quæ est ad Rodericum de Trevino Archidiaconum Oratorem Regis Castellæ in Dicta Francofordiensi anno 1442. die 20. Maij scripta; UBI VERÒ IPSE PRINCEPS EA FIERI MANDARET, QUÆ AD FINEM ÆDIFICATIONIS ECCLESIAE ILLI CREDITÆ NON TENDERENT, NON PROCEDERET IVSSIO A PRINCIPATV; QVARE EI TVNC OBEDIRE NON ESSET NECESSE. Si verò dubium esset, & de mente sacri Principis non constaret: pro sacro Principe presumendum est, quod rectè credita potestate utatur & ipsi obediendum est.*

8. Franciscus de Victoria Universitatis Parisiensis Alumnus relect 4. propositionem 16. hanc astruit; Non spectat ad subditos determinare, aut examinare quid possit Papa, aut quid non possit, & quando teneatur parere vel non. Probatur. Quia sacrilegium est disputare de Potentia Principis, & præcipuè Papa 17. quest. 4. §. Committitur. & sequent. 2. quia hoc ipsum determinare, quæ sit potestas spiritualis alicujus, est jurisdictio, & est pars gubernationis, quæ non spectat ad subditos, saltem erga superiores: ergò hoc non convenit illis. 3. quia profectò hoc esset in turbationem, & dissolutionem Ecclesiastica Hierarchia & autoritatis, si quilibet posset dicere, Papa non potest, & hoc modo eximeret se à mandatis Papæ, & esset manifestum nutrimentum inobedientia, & schismatum, & hæresum. IMO HINC NATÆ SVNT HÆRESES, ut ait Cyprianus, QVOD SACERDOTI DEI, VEL PAPÆ NON OBEDITVR; sed quilibet audet dicere, quod Papa male facit, & quod non potest facere; Et idè etiam si Papa erraret, melius esset, ut in omnibus illi pareatur, quam per hoc quod unus habeat licentiam non parendi Papa in uno casu forsitan rationabili, dare occasionem, ut alii non pareant etiam in justis, & honestis.

9. Præsidendum est quid inferioribus utiliùs sit decernere, atque ad illud implendum amore, interdum etiam timore, inducere; Subditorum etiam non solum vires, sed & affectus plerumque convenit explorare antequam lex illis imponatur:

88 TRACTATUS DE LIBERTATIBVS,  
tur : non ita tamen ut bonum publicum negligatur , ne of-  
fendatur multitudo : subditorum autem est obedire , sed eo-  
rum maximè , qui , & ipsi aliis præfunt. Debent enim  
obedientiam superioribus suis præstare , ut eam à suis infe-  
rioribus faciliùs obtineant.

## C A P U T X.

*Utrum nova Ecclesiæ Decreta in Gallia obligent , si prius  
examinata , & à Curis secularibus recepta  
non fuerint.*

1. **D**Um Conventus Bituricensis in examinandis Concilii  
Basilienfis Decretis aliquid immutandum , aut tem-  
perandum judicabat , non id sua posse autoritate præstare ,  
sed à Concilio ipso postulari debere sentiebat , ut in Pragma-  
tica Sanctione frequenter notatur. Verùm libertates Eccle-  
siæ tunc temporis inductæ , processu temporis eo devenerunt ,  
ut non solum summorum Pontificum Constitutiones , sed  
etiam Conciliorum œcumenicorum Canones , nisi circa fi-  
dem , non valere dicantur , antequam à Parlamentis fuerint  
discussa , & , ut illic dicitur , verificata. Id satis expressè  
affirmat Carolus Fevretus lib. 1. cap. 4. num. 11. 24. 25.  
Fatetur ille quidem , Galliam suis libertatibus uti cum taci-  
to Romanorum Pontificum consensu , & Petrus de Mar-  
ca lib. 3. cap. 6. num. 5. *cum bona summorum Pontificum venia* ,  
sed ipsis etiam nonnunquam invitis Conciliorum Decreta re-  
pudiantur ; quod utrum jure fiat , videndum est in hoc ca-  
pite.

2. Non quærimus jam , utrum quando Rex legitima sua  
jura impeti metuit , damnum præcavere possit , adhibito  
Actuum , qui à Curia Romana emanant , examine , aut  
à Clero , & populo suo manifestam injuriam propulsare ,  
sed an in Gallia Judicum , & aliorum fidelium tuta sit con-  
scientia , si Ecclesiæ universæ , aut sanctæ Sedis manda-  
ta , circa res spirituales , & Ecclesiasticas non eviden-  
ter injusta rejiciantur , aut non acceptentur à Senatu , à  
Clero

Clero autem, vel à Populo executioni non demandentur.

3. Error esset intolerabilis, si à Senatu, aut Rege ipso summi Pontificis autoritas circa res spirituales, & Ecclesiasticas pendere crederetur. Hæresis est ista jam pridem ab Ecclesia damnata, & Scripturæ oraculis contraria. Cum enim Christus Vicarium in terris suum, ac in ejus persona legitime successuros Pontifices creavit, supremæ suæ potestatis participes fecit, eamque potestatem soli Deo subjecit. *Et tibi dabo claves Regni Cælorum; & quodcumque ligaveris super terram, erit ligatum, & in Cælis: Et quodcumque solveris super terram, erit solutum & in Cælis*, Matth. 16.

4. Si Christus Principibus omnibus supremis Ecclesiæ jurisdictionem submisisset, jus illud etiam Paganis, & Hæreticis, penes quos est legitimum dominium, sine dubio competeret, quod ab omni ratione, ac religionis sensu alienissimum est. Quis enim credat voluisse Deum Ecclesiæ suæ regimen insensuissimis suis hostibus supponere. Ergone invalida fuissent primis sæculis, dum Imperium, & Regna penes Imperatores, & Reges infideles, aut hæreticos erant, summorum Pontificum, & Conciliorum Decreta tunc edita, utpotè à Principibus illis, & Christianæ Religionis persecutoribus non examinata, non probata, non recepta, non promulgata?

5. Sed quid juris circa hoc Principibus accessit, dum ad Christianam fidem conversi sunt, nisi quod baptismali caractere insigniti, in Ecclesiæ filiorum, ac subditorum numero conscripti fuerunt, ex quo non solum ad exequenda illius mandata, sed etiam ad procurandam, adhibitâ potestate sibi Divinitus traditâ, illorum executionem tenentur. De iis, qui foris sunt, ut loquitur D. Paulus, id est; qui extra Ecclesiam, & per baptismum in illam nondum ingressi sunt, non judicat Ecclesia. At certè quicumque se Christianos profitentur, debent Ecclesiam audire, ac ejus præceptis obtemperare. Sic habuerunt, ac professi sunt quotquot veri Christiani, ac pii Principes extiterunt, ut produnt varia Ecclesiasticæ historiæ monumenta: Id multoties declaravit Constantinus Magnus, præsertim in Rescripto ad Episcopos

pos Concilii Arelatenfis primi : *Meum iudicium*, inquit, *postulant* (Donatistæ) *qui ipse iudicium Christi expecto*. Dico enim, *ut se veritas habet*, SACERDOTVM IUDICIUM ITA DEBET HABERI, AC SI IPSE DOMINVS RESIDENS IUDICET. Nihil enim licet his aliud sentire, vel aliud iudicare, nisi quod Christi magisterio sunt edocti. Quid igitur sentiunt maligni homines, officia, ut verè dixi, Diaboli? perquirunt secularia, relinquunt celestia. O rabida furoris audacia? sicut in causis gentium fieri solet, appellationem interposuerunt. Equidem gentes minora interdum iudicia refugientes, ubi iustitia deprehendi (reprehendi legendum arbitror) potest magis ad maiora iudicia auctoritate interposita ad appellationem se conferre sunt soliti. Quid hi detractores legis, qui venientes celeste iudicium, meum putaverunt postulandum, sic sentire de Christo salvatore ecce jam proditores, &c.

6. Theodosius Junior, & Valentinianus III. in Constitutione, quâ Decretum S. Leonis I. contra Hilarium Archiepiscopum Arelatensem executioni demandari iusserunt, expressis verbis declarant summi Pontificis sententiam sine Imperatorum intercessione vim suam obtinere: *Lata sententia*, inquit, *per Gallias etiam sine Imperiali sanctione valitura*. Quid enim tanti Pontificis auctoritati in Ecclesiis non liceret. Sed nostram quoque præceptionem hac ratio provocavit, ne nisi rursus vel Hilario, quem adhuc Episcopum nuncupari, sola mansueti Praefulis permittit humanitas, NEC CUIQVAM ALTERI ECCLESIASTICIS REBVS ARMA MISCERE, AUT PRÆCEPTIS ROMANI ANTISTITIS LICEAT OBTINERE. ARTIBVS ENIM TALIBVS FIDES, ET REVERENTIA NOSTRI VIOLATUR IMPERII.

7. In copietatis, ac iustitiæ sensu Imperatoribus inferiores non extiterunt Reges Christianissimi, quod sæpè de se ipsi testati sunt. De Carolo Magno Ivo Episcopus Carnotensis, Gratianus, aliiq̃ue quamplures verba ista referunt, tam generoso, tamq̃ue Christianissimo Rege, atque Imperatore digna; In memoriam Beati Petri Apostoli bonaverimus Romanam, & Apostolicam Sedem, ut qua nobis Sacerdotalis mater est dignitatis, ESSE DEBEAT MAGISTRA ECCLESIASTICÆ RATIONIS. Quare servanda est cum mansuetudine humilitas, VT, LICET VIX FERENDVM AB ILLA SANCTA SEDE IMPONATUR IVGV, CONFERAMVS, ET PIA® DEVOTIONE TOLEREMVS.

8. S. Ludovicus, ut jam alibi notavimus, inter alia, quæ  
Phi-

Philippo III. filio suo conscripfit, eum, ut non solum Ecclesiæ Romanæ, sed etiam summo Pontifici subjeceret, admonuit: Non enim piissimus ille Rex ad infringendam, & imminuendam obedientiam, ut plerique hodie faciunt, Pontificem à Sede separabat. *Sis devotus, & obediens Matri nostra Romana Ecclesia, & SUMMO PONTIFICI TANQVAM PATRI SPIRITUALI.* Tantùm aberat, ut Augustissimi illi Principes Ecclesiæ Romanæ, ac summi Pontificis, & Ecclesiæ universæ à Concilio œcumenico representatæ Decretorum Judices agerent, ut illis etiam si gravia viderentur, sese humiliter subjecerent.

9. Sed & Philippus IV. qui primus omnium cum Romano Pontifice apertius disceptavit, si sanctæ Sedis Decreta à se, vel à suo Senatu non probata vim obligandi non habere sensisset, an non Bonifacii VIII. Constitutiones contempsisset? An Censuras à Benedicto XI. sublatas, deinde à Clemente V. expressius tollendas curasset?

10. Non igitur de Christianissimo Rege, aut ejus Officialibus, & Judicibus, multò minus de Clero, & plebe præsumendum est, in ea esse sententia, ut Ecclesiastica mandata vim obligandæ conscientiæ à Potestate aliqua sæculari mutuari arbitrentur, aut prohibente illâ, exequenda non esse, si modò justa sint, qualia estimanda sunt, quoties non patet injustitia. Eò tantùm spectat illorum examen, ut Regi, aut Regno non fiat injuria, aut Edicta injusta per obreptionem, aut subreptionem evidentem obtenta, effectum sortiantur. Cæterùm si illa occasione Senatus sanctæ Sedis Judicem se constituat; si perperam ejus mentem interpretetur; si sine justissimis causis ejus decretorum executionem impediatur, non libertates Ecclesiæ Gallicanæ defendit, sed Ecclesiam Romanam simul, & Gallicanam in servitutem redigit, ac se omnibus censuris contra illa sacrilegia inflictis illaqueat.

11. Quamobrem non solum coram Deo, sed etiam coram hominibus vani sunt prætextus illi, quibus aliquando justissima sanctæ Sedis Decreta repudiantur; scilicet quod in iis observatæ non fuerint formulæ constitutionibus Regiis, vel Senatus consultis inductæ, aut quod edita sint proprio mo-

92 TRACTATUS DE LIBERTATIBVS,  
tu, vel cum consilio alicujus Congregationis, cujus auctoritas non agnoscatur in Gallia: quæ quidem excusationes si sufficerent, cum semper earum aliqua prestò sit, tota summi Pontificis potestas corrueret, vel, quod in idem recidit, à Francorum arbitrio penderet omne illius exercitium.

12. Nec illa Judicium sæcularium injustitia illis prædest, qui eo tantum prætextu debitam Ecclesiæ obedientiam denegant, cum certissimè sciant Fideles, non Potestatibus Laicis, sed Apostolis, eorumque Successoribus dictum à Christo Domino nostro esse. *Quaecumque alligaveritis super terram, erunt ligata, & in Cælo: Et quaecumque solveritis super terram, erunt soluta & in Cælo.* Matth. 18. Atque adeò posse quidem Senatus-consulta à pœnis temporalibus, non autem à Censuris Ecclesiasticis, multò minùs à Dei judicio liberare.

## C A P U T X I.

*Summum Pontificem habere condendam pro universis  
Ecclesiæ partibus legum potestatem.*

1. **L**Eges justas acceptandas, & executioni demandandas, dum ea est Superioris intentio, imò etiam si dubia esset illarum justitia, modò nihil continerent legi Divinæ, aut naturali contrarium, hætenus demonstrasse mihi videor. Itaque id unum probandum superesset, Romanum scilicet Pontificem, adversus quem vel omninò, vel præcipuè convertuntur libertates Ecclesiæ Gallicanæ, condendarum pro aliis, ultra suam specialem Provinciam, Orbis Christiani partibus legum potestatem habere, si hæc auctoritas in dubium à Gallicis revocaretur, quod de Christianissimo illo Regno nefas est suspicari. Quia tamen aliquorum facta cum verbis pugnare videntur, dum ita leges illas habent, quasi à Superiore non emanassent, non erit inutile, jus illud summi Pontificis monimentis antiquissimis, atque adèd in hac materia maximi ponderis, confirmare, ut ex Gallorum, & ex summorum Pontificum testimoniis liqueat, summa cum veneratione jam à pri-

à primis susceptæ fidei temporibus obtemperatum fuisse ab inclytæ illius Nationis hominibus sanctæ Sedis Decretis, non adhibitis illis formulis, quæ posterioribus sæculis in illo Regno excogitatæ sunt, ad examinandas leges Ecclesiasticas, & quæ alio prætextu excusari non possunt, nisi fortè quod hæc cautela necessaria sit, ne quid à summo Pontifice, vel ab ejus Officialibus per obreptionem, vel subreptionem impetretur, quod vel loco, vel tempore minus conveniat.

2. Anno 404. S. Innocentius à Victicio Rothomagensi Episcopo de Clericis incontinentibus, aliisque capitibus consultus, Decretum Siricii Papæ in Epistola prima, quæ est ad Himerium Tarraconensem cap. 7. ferè ad verbum exscripsit. Continentur in utriusque illius Pontificis Epistolis, quæ à Dionysio collectæ sunt, multa notatu digna.

3. Prima etsi Victicius esset rerum Ecclesiasticarum peritissimus, Romanum tamen Pontificem adiit, non ut Doctorem peritiorem, sed ut Pontificem, à quo norma, & auctoritas esset requirenda. En epistolæ Innocentii principium. *Innocentius Victicio Episcopo Rothomagensi, Salutem. Etsi, frater charissime, pro merito, & honore Sacerdotii, quo plurimum polles, vivendi, & docendi secundum Ecclesiasticas regulas nota sunt omnia, neque est aliquid, quod de sacris lectionibus tibi minus collectum esse videatur. Tamen quia ROMANÆ ECCLESIAE NORMAM, ATQUE AUTORITATEM MAGNO PERE POSTVLASTI, VOLVNTATI TVÆ MOREM ADMODVM GERENS, DIGESTAS VITÆ, AC MORVM PROBABILIUM DISCIPLINAS ANNEXAS LITTERIS MEIS MISI.*

4. Secundò responsum suum vindicat summus Pontifex legis loco habendum, nec ulum supponit futurum ejus examen, aut formulam aliquam receptionis, sed satis fore, ut cognoscatur ex significatione ab eodem Victicio facienda: *Per quas (disciplinas) aduertant Ecclesiarum regionis vestra populi, quibus rebus, & regulis Christianorum vita in sua cujuscunque professione debeat contineri, qualisq; seruetur in Urbis Roma Ecclesiis disciplina. Erit dilectionis tue per plebes finitimas, & Consecratos nostros, qui in illis regionibus propriis Ecclesiis præsident, regularum hunc librum quasi didascalicum, atque monitorem sedulo insinuare: ut & nostros cognoscere, & AD FIDEM CON-*

5. Tertio profitetur se anteriorum Pontificum , & Patrum vestigia sectari. Is enim , ut alibi notavimus , summorum Pontificum , æquè ac Gallorum , imò magis , mos fuit , disciplinæ regulas , ut erant antiquissimæ , ita maxime venerari. *Non quod nova aliqua præcepta imperentur , inquit , sed ea , quæ per desidia aliquorum neglecta sunt , ab omnibus observari cupiamus : Quia tamen Apostolicâ , & Patrum traditione sunt constituta.*

6. Quarto nec id tantum decrevit Innocentius , quia fuerat à Victorio consultus , sed quia ejus erat , omnium Ecclesiarum abusibus , ut sibi denunciati fuerant , apponere remedium ; Ecclesiarum autem eam admittere curationem ; Ergo , addit idem Pontifex , *nè silentio nostro existimetur his præbere consensum , dicente Domino. Videbas furem , & curabas cum eo , hæc sunt quæ deinceps intuitu Divini judicii omnem Catholicum Episcopum expedit custodire , deindè respondet ad singula capita.*

7. Ea omnia mirum in modum confirmantur ex epistola ab eodem S. Innocentio anno sequenti , hoc est 405. ad S. Exuperium Episcopum Tolosanum scripta , quam his verbis inchoat , quibus se à S. Exuperio consultum testatur. *Innocentius Exuperio Episcopo Tolosano salutem. Consulenti tibi , frater charissime , quid de proposita specie unaquaque sentirem : pro capto intelligentia mea quæ sunt visa respondi , quid sequendum , vel docilis ratio persuaderet , vel autoritas lectionis ostenderet , vel custodita series temporum demonstraret. Equidem dilectio tua institutum secuta prudentium , ad Sedem Apostolicam referre maluit , quid deberet de rebus dubiis custodire potius , QUAM VSVRATIONE PRÆSUMPTA quæ sibi viderentur , de singulis obtinere.*

8. Deindè respondet ad quæsitum de incontinentia Sacerdotum in eundem modum , quo , anno 385. Siricius Papa Himerio Episcopo Tarraconensi. Sed ( quod diligentissime animadvertendum est , & probat summorum Pontificum responsa legum vim habuisse , licet non essent solemniter promulgata , vel acceptata ) cùm ad pœnam venit , quæ à Siricio contra incontinentes decreta fuerat , licet Himerio Siricius suam Epistolam non præcepisset , saltem expressè , cum Gallicanis Ecclesiis communicare , declarat Innocentius



tius eos, qui in Gallia illam non ignorassent, omnium poenarum in illa contentarum reos habendos: *Sed ea planè dispar, & divisa sententia est. Nam si ad aliquos forma illa Ecclesiastica vite pariter, & disciplina, quæ ab Episcopo Siricio ad Provincias commearit, non probabitur pervenisse: His ignorationis venia remittetur . . . . Si qui autem scisse formam vivendi missam à Siricio deteguntur, neque statim cupiditates libidinis aljecisse, illi sunt modis omnibus submovendi, qui post admonitionem cognitam præponendam arbitrati sunt voluptatem.*

9. Fecerat quidem Siricius Gallicorum mentionem Himerio injungens, ut Epistolam suam in illorum notitiam deduceret. Sed eo nomine Pontifex significabat illos, qui vulgò de *Galizia*. Porro quæ fuerit mens ipsius Siricii circa publicationem, & receptionem Ordinationum Pontificiarum indicant ejus verba; *Hæc, quæ ad tuam consulta rescriptimus in omnium Coepiscoporum nostrorum perferri facias noivnem, & non solam eorum, qui in tua sunt Diœcesi constituti, sed etiam ad Universos Carthagenenses, & Bethicos, & Lusitanos, atque Gallicos, vel eos, qui vicinis tibi collimant hinc inde Provinciis, hæc, quæ à nobis sunt salubri ordinatione disposita sub litterarum tuarum prosecutione mittantur, & QUANQVAM STATUTA SEDIS APOSTOLICÆ, VEL CANONVM VENERABILIA DEFINITA NVLLI SACERDOTVM DOMINI IGNORARE SIT LIBERVM: Utilius tamen & pro antiquitate Sacerdotii sui dilectioni tuæ esse admodum poterit gloriosum, si ea, quæ ad te speciali nomine generaliter scripta sunt per unanimis tuæ sollicitudinem in universorum fratrum nostrorum notitiam perferamur, quatenus & quæ à nobis non inconsultè, sed providè sub nimia cautela, & deliberatione sunt & salubriter constituta, INTEMERATA PERMANEANT, & omnibus in posterum exactionibus aditus, qui jam nulli apud nos patere poterit, obstruatur.*

10. His Pontificiæ autoritatis argumentis, quæ, cùm à Dionysio Exiguo hausta sint, maxima vi pollent apud Gallos, addi possent alia quamplura temporum subsequen-  
tium, quæ apud Patrem Sirmundum, & alios Autores Gallos legi possunt. Pauca tantùm subjungimus. Exemplum libelli Symmaco Papæ à Cæsario Episcopo Arelatensi oblatus sic orditur: *Sicut à persona Beati Petri Apostoli Episcopatus sumit initium; ita necesse est, ut disciplinis competentibus sanctitas vestra singulis Ecclesiis quid observare debeant, evidenter ostendat. Idem Symmacus epistolam*  
10. sic inchoat; *Dilectissimis fratribus universis Episcopis per Gallias con-*  
*sistent-*

*sistemibus, Symmacus : Sedis Apostolica instituta predicanda sollicitant, ut de concordia universalis Ecclesia, qua toto orbe diffusa est, pervigili curâ tractemus. Qua tunc præcipue efficacius adolescit, si ea, qua à Patribus statuta sunt, atas subsequens reverenter observet.*

11. Vigilius Epistola ad Episcopos Galliarum anno 545. *Quantum nos, inquit, Divina potentia Apostolorum primi Sedem non pro nostris meritis, sed pro ineffabili sua misericordia pietate habere constituit, TANTVM NOS DE VNIVERSARVM ECCLESiarVM DISPOSITIONE, ET PACE, ET STATV CVRAM HABERE CONVENIT.*

12. Celestinus Papa Episcopis Provinciæ Viennensis, & Narbonensis jurisdictionem suam in universas Ecclesias his verbis exprimit; *Nec silere possumus, cum ad hoc ut ab illicitis revocemus aliquos, officii nostri provocemur instinctu : in speculis à Deo constituti, ut vigilantia nostra diligentiam comprobantes, & qua coercenda sunt ressecemus, & qua observanda sunt sanciamus. Circa quamvis longinqua spiritualis cura non deficit ; sed se per omnia, quâ nomen Dei predicatur, extendit.*

13. Denique anno 860. quo tempore Antistites Gallicani pro suis iuribus cum summis Pontificibus frequenter altercabantur, sic tamen alloquebantur Nicolaum Primum, *Apostolicis documentis, & Pontificalibus Decretis multipliciter informamur, ut vestri sanctissimi Apostolatus apicem, Principis Apostolorum fide, & nomine consecratum, QUOTIES S. ECCLESIA ALIQUA NOVITATE PULSATVR, HUMILITER ADEAMVS, IBIQUE VERI CONSILII SALVBERRIMA INSTITVTA SINCERITER HAURIAMVS, ubi mitis Magister Christus, & summum Caput nostrum, fundamentum Ecclesia posuit.* Apud Sirm. tom. 3. pag. 158.



## CAPUT XII.

*Quæ sint vera justitiæ libertatum Ecclesiæ Gallicanæ fundamenta.*

1. **S**uas libertates Galli sæpiùs autoritate, & exemplis tuentur, quàm ratione, licet aliquibus etiam videantur rationibus posse defendi. Remissis ad librum sequentem exemplis satis erit hic observare legitimas illarum libertatum causas nonnisi duas esse posse.

2. Etenim vel nova lex justa est, quod, ut diximus, de Conciliorum Canonibus, ac summi Pontificis Decretis sentiendum est, quoties contrarium evidenter non apparet; ac tunc acceptanda est, nec sine peccato repudiari potest, nisi de expresso, vel saltem tacito legislatoris consensu: vel lex injusta est; Hanc autem ex ipso jure naturali licet non acceptare. Itaque duplex est justitiæ titulus, scilicet expressus, vel tacitus Ecclesiæ consensus, quantum ad leges justas, & jus naturale, quantum ad injustas; Quanquam in istis etiam non deest Ecclesiæ consensus. Quis enim credat Ecclesiam, aut summum Pontificem in rebus etiam injustis obedientiam exigere.

3. Hoc autem interest inter utrasque leges, quod si justæ sint possit Ecclesia etiam invitos adigere, ac reluctantes ligare. Licet enim ab exercenda tota sua potestate prudentissimè abstineat, cum majora prævidet ex rigore consecutura mala, & scandala, quàm ex observatione legis bona, & commoda; ideoque recusationem, ac inexecutionem dissimulet, nec ea de causa fidelium, eorum præsertim penes quos nulla est autoritas, quibusque difficillimum esset ab aliorum usu recedere, conscientias illaqueari patiatur: tamen si instaret, intenderetque omninò legem observari, puta satius judicans scandala permittere, quàm malitiæ, ac contumaciæ cedendo, veritatem, aut justitiam deferere, parendum certè foret, nec qui tunc resisterent, aut non obtemperarent, peccati reatum evaderent, quantumvis consuetudine, sæcu-

N

lari

lari potestate, aut alia quavis ratione se tuerentur. At verò si lex injusta esset, quod, ut diximus, præsumendum non est, nec requireretur Ecclesiæ consensus, nec noceret ejus dissensus.

4. Recurrit circa justitiam libertatum Ecclesiæ Gallicanæ difficultas, circa earum definitionem orta; nihil scilicet differre Gallicanam Nationem à cæteris in acceptandis, vel recusandis legibus Ecclesiasticis; Siquidem nulli non licet legum executioni supersedere, si vel annuat Ecclesia, vel pensatis rerum, locorum, ac personarum conditionibus, injustum sit, ejus mandatis ad litteram servire. Verùm discrimen illud à Gallicanis Autoribus notatur, quod cùm cæteræ nationes sese summorum Pontificum Constitutionibus submisserint, Gallia verò suâ etiamnum fruatur libertate, difficilius sit illis impositum jugum excutere, quàm Franciæ nondum susceptum recusare.

5. Attamen si res attentius consideretur, ac æquiter pensetur, repetendum semper est duplex, quod diximus, fundamentum. Si enim sine causa repudiatur sunt à Gallis Constitutiones ab aliis receptæ; non nisi ob tacitum Ecclesiæ consensum ab inobedientiâ peccato immunes sunt. Si autem is erat in Gallia rerum status, ut ei, sicut cæteris Provinciis Orbis Christiani leges illæ non convenirent, jure naturali, & ipsa Legislatoris intentione ab earum executione liberi existerunt. Nec enim noceat disciplinæ diversitas, dum eam exigit morum dissimilitudo.

6. Cæterum magnoperè cavendum est, ne leges Ecclesiæ eo tantum nomine injustæ reputentur, quod commodis, & rationibus temporalibus non sint accommodatæ, tantum ne libertatem in occasionem detis carnis. Gal. 5.

# LIBER TERTIUS

De Propugnatoribus Libertatum Ecclesiæ Gallicanæ ; occasione illorum verborum, *Libertates à Majoribus nostris tanto studio propugnatas.*



Ncredibile est , quantum valeat exemplum ad confirmandas hominum voluntates in conceptis desideriis , quamque à censura se tutos arbitrentur , qui aliorum , præsertim Antiquorum , facta similia possunt allegare. Id si quando aliàs , maximè in defendendis Ecclesiæ Gallicanæ libertatibus usurpatum est à plerisque , qui licet eas antiquorum Canonum observatione definissent , nunquam tamen ferè antiquis Canonibus , sed ubique exemplis , quorum etiam plurima non ita vetera sunt , conati sunt eas suffulcire. Itaque illorum examinanda sunt facta , qui à scriptoribus Gallicanis tanquam suarum libertatum propugnatores laudantur. Sed quærendum primum est , quæ sit factorum , seu exemplorum vis in ferenda de justitia rerum sententia ?

## CAPUT PRIMUM.

*An exemplis judicandum sit de iustitia Libertatum Ecclesie Gallicane.*

1. Illusterrimus Petrus de Marca, materiam libertatum Gallicanarum exemplis commodius tractari arbitratus est; Relicta, inquit in admonitione ad Lectorem art. 2. discussione juris, tutior est planè facti inquisitio, qua fines veterum possessorum demonstrare possit; cuius cognitivam assequemur, si antiqua monumenta revolvantes, quid utriusque potestatis Principes in re, controversa aliquando egerint, accuratè expendamus. Habet tamen illa disputandi ratio sua incommoda, eaque maxima, ut præsensit idem Autor: Attamen, inquit, dissimulandum non est viam istam publicam multis insidiis, & veluti latronum prætenturis expositam esse: quia scilicet in expansa illa saculorum serie, varia occurrunt exempla, hinc & inde usurpata iurisdictionis; qua anticipem animum ad desperationem inveniendæ veritatis atligant. Has tamen difficultates superari posse subjungit, adhibitis nimirum temperamentis à prudentia præscribendis.

2. Ego certè utiliùs judico non oriri contentiones, quàm ortas componi, nec illarum ortum præveniri efficacius, quàm si suis quæque finibus contenta sit potestas; Non posse autem intra fines illos contineri, si eos ignoret; atque adeò concordie inter Sacerdotium, & Imperium melius consuli ab iis, qui utriusque potestatis jura elucidaverint, quàm ab iis, qui varia congesserint exempla, & plerumque contraria, præsertim si quid factum fuerit, non autem quid fieri debuerit, examinent. Nisi enim facta iusta supponantur, qui poterunt in exemplum trahi? Quomodo autem iusta supponentur, nisi aliunde statuantur regulæ, quibus de illa iustitia ferri sententia queat? Regulæ autem illæ quid aliud sunt, quàm partium jura, quæ consequenter nosse primum oportet? At verò si cognita fuerint, faciliùs erit ea non prætergredi.

3. Cæterum pugnat non solum cum Dialecticæ legibus, sed etiam cum rectæ rationis iudicio, ut ex factis singularibus,

bus, qualia ferè sunt omnia, ob diversas, quibus vestiuntur, circumstantias, generales regulæ concludantur. Ex axiomatis, seu principiis generalibus eliciuntur singulares conclusiones, non è contra. Ex eo solo, quod res aliqua semel facta est, non sequitur, ut semper fieri possit. Imò raro hinc probatur eam rursus fieri posse. Vix enim contingit, ut quæ concurrerunt ad efficiendam rem justam, iterum omnia recurrant, quamobrem jure civili rectè cautum est, non exemplis, sed legibus judicandum esse l. nemo judex quæ est 13. ff. de sent. & interloc.

4. Sua quidem autoritate non carent exempla, cum ferendum est de similibus factis judicium; sed ita si adsint, & consentiant necessariæ conditiones. Oportet primò, ut exempla conformia sint, & consentientia, cum enim contraria non minus illustria, opponuntur, vel illorum, vel utrorumque robur concidit. Secundò necesse est ut justitia eorum probata sit, à quibus petuntur exempla; Nec enim in tanta Regum Franciæ, & Regiorum Officialium, ac in longè majori Pontificum Romanorum, aut Episcoporum Gallicanorum serie, deesse potuerunt aliqui, quorum desideria, vel etiam res gestæ justitiæ limites non transcenderint, quorum exemplis, ut legibus, uti velle iniquum omninò esset. Tertiò opus est, ut ab iis, quorum intererat, improbata non fuerint, imò nec ignorata, saltem si illorum consensus intercedere debuit ut plerumque necesse est. Quartò non debent exempla legibus esse contraria, maximè Divinæ, aut naturali; Alioquin enim, ut Juris textus, glossa, & Doctores monent, non leges abrogant, sed per leges corrigenda sunt. Quintò suspecta sunt semper exempla eorum, quorum ita facere plurimi intererat, præcipuè si, ut in secunda conditione diximus, pietatis, ac justitiæ laude non florent.

5. Quæ ultima conditio, cum in plerisque deficiat exemplis, quæ in materia libertatum Gallicanarum adducuntur, nisi suppleatur à secunda, vix inde validum trahetur argumentum. Constat exemplo Summorum, sanctissimorumque Pontificum, quales v. g. extiterunt S. Innocentius, S. Leo, S. Gregorius, & alii, sicut, & Antistitem Gallicanorum doctrina, & sanctimonia illustrium, quales fuerunt S. Ire-

# 102 TRACTATUS DE LIBERTATIBVS,

nus, S. Avitus, S. Cæsarius, &c. maximi ponderis esse, atque autoritatis. Cum enim Divinæ, & Ecclesiasticæ scientiæ peritissimi fuerint, potestatis suæ fines non ignorarunt; cumque sanctissimi extiterint, positos à Christo limites excedere voluisse non facile præsumendi sunt. Sed de aliis minori sapientia, vel pietate præditis non ita facile idem posset judicari.

6. Quod de exemplis diximus, ad possessionem accomodandum est. Licet enim possessio antiqua, constans, publica, bonum sit justitiæ argumentum, ac taciti eorum, quorum refert, consensus: Tamen si partes adversæ semper resisterint; si per facta, vel protestationes contrarias sese opposuerint; possessio ex jure, non ex possessione jus estimandum est.

7. Sed & illud quoque animadvertendum est, possessionem & exempla, quò recentiora sunt, eò valere minus ad probandam rei justitiam. Ex quo enim tempore fervere coeperunt contentiones, unaquæque pars, ut in omni genere disputationis mos est, iniquum fortè petiit, ut æquum auferret; unaquæque juris principia sibi statuit; Unde contigit etiam, ut Doctores plerique alterutri parti impensius faverint, nec facile illorum credatur autoritati, nisi fortè cum in ejus partis præjudicium loquuntur, cujus jura tuentur. Cum enim ea diligentius inquisierint, adversus ea vix quidquam temerè concedunt.

8. Ergò ex Canonibus, maxime ex antiquioribus, ut in generalibus quæstionibus, sic in singulis difficultatibus, controversiæ dirimendæ sunt; in quo periculum quidem est, ne humanum ingenium rationum, & responsionum, cum proprio commodo invitatur, feracissimum, modum suggerat eludendarum sacrarum legum, aut etiam contra proprium, illarum sensum in suum favorem detorqueat: tamen præterquam quod in cæteris omnibus idem metuendum est, si desit bona fides; Canones Ecclesiastici, vel ex se ipsis, vel ex comparatione cum aliis, in rebus capitalioribus ita perspicui sunt, ut judicio publico damnentur, qui relucentem in eis veritatem obscurare nitantur. Verùm quia, ut diximus, non omnino contempnenda sunt argumenta, quæ ab exemplis  
ducun-



ducuntur, præcipua ex iis, quæ circa libertates Gallicanas expendenda supersunt, in hoc libro discutiemus. Jam enim occasione illarum originis aliqua in primo libro tractata sunt.

## C A P U T I I.

*De sancti Gregorii Episcopi Turonensis in propugnandis libertatibus Ecclesiæ Gallicanæ studio.*

1. **S**ANCTUS Gregorius Episcopus Turonensis laudatur à Joanne Launoio Doctore Parisiensi epistolarum par. 6. ep. 5. quod fuerit *vir fide dignus, & libertatum Ecclesiasticarum Assertor, & vindex acerrimus.* Huic ego laudi libens subscribo. Videamus igitur, quæ fuerint libertates, quas tanto studio propugnauit sanctus ille Antistes Gallicanus.

2. Anno 577. cum Rex Chilpericus, incitante Regina Fredegunde, Prætextatum Episcopum Rothomagensem de crimine læsæ Majestatis falsò accusatum vellet opprimere, solus restitit Gregorius. Rem narrat ipse histor. Francor. lib. 5. cap. 18. aut, ut alii distinguunt, 19. Ejus narratio ibi legetur cum voluptate. En quomodo Episcopos Parisiis congregatos, ac Regis voluntati reniti non audentes alloquitur; *Attenti estote quas sermonibus meis, ò sanctissimi Sacerdotes Dei, & præsertim vos, qui familiares esse Regi videmini. Adhibete ei Concilium sanctum, atque Sacerdotale, ne exarscens in Ministrum Dei pereat, ac ira ejus, & Regnum perdat, & gloriam.* Illis verò silentibus, adjecit; *Mementote, Domini mei Sacerdotes, verbi Prophetici, quod ait, si videris speculator iniquitatem hominis, & non dixeris, reus erit anima pereuntis. Ergò nolite filere, sed predicate, & PORITE ANTE OCULOS REGIS PECCATA EIVS, NE FORTE EI ALIQUID MALI CONTINGAT, ET VOS REI SITIS PRO ANIMA EIVS.*

3. Regem autem de seruandis Canonibus seriò monet; **HABES LEGEM, ET CANONES.** HÆC TE DILIGENTER RIMARI OPORTET. *Est tunc quæ præceperint, si non obseruaueris, noveris tibi Dei iudicium imminere.* Ac deinde; *Tu verò qui alios de justitia culpas, palliare prius quod legem, & Canones non omittas: Est tunc credimus, quod justiti-*

*justitiam persequaris. Quid apud Regem effecerit vigor ille, ac libertas Episcopalis statim declarat idem Gregorius; Ille verò porrectâ dexterâ juravit per omnipotentem Deum, quod ea, qua lex, & Canoness edocebant, nullo pratermitteret pacto. In ea tamen voluntate Rex diù non perseveravit, urgente præsertim Fredegunde, quæ cum Gregorii animum per Nuncios promissis 200. argenti libris corrumpere tentaret, respondit ipse; Si mihi mille libras auri, argentiq, donetis, nunquid aliud facere possum, nisi quod Dominus agi præcipit? Unum tantum polliceor, quod ea, qua ceteri secundum Canonum statuta consenserint, sequar.*

4. Denique cum Prætextatus crimina, quorum reus non erat, confessus fuisset, spe veniæ, hac confessione sibi fraudulenter suggesta, consequendæ, ad graves eum pœnas daminari Rex enixè postulavit. *Quibus conditionibus ego, inquit Gregorius, restiti juxta promissum Regis, ut nihil extra Canones gereretur. Oppressus quidem fuit Prætextatus, sed Gregorius animam suam liberavit, magnamq; propugnata cum libertate Canoniciæ disciplinæ apud Deum, & apud homines laudem consecutus est. Utinam hodiè plurimos haberet Ecclesia Gallicana similes libertatum Ecclesiasticarum, & Canonum propugnatores!*

5. Recessit tamen aliquando Gregorius à Canonibus; Id ipse fateri videtur lib. 5. histor. Francor. cap. 49. ubi narratâ falsâ accusatione contra se anno 580. in Concilio Brennacensi instituta, scribit; *Restiti ad hoc causa, ut, dictis Misis in tribus Alzaribus, me de his verbis exuerem Sacramento. Et licet Canonibus essent contraria, pro causa tamen Regis impleta sint. Sed posset fortassis ea purificationis forma ob gravem necessitatem excusari, cum Juri Divino non videatur adversari.*

6. Illud verò quod idem Gregorius de se refert eodem libro cap. 14. difficiliorem habet excusationem, nec apparet quomodo Divinam legem non violaverit; Quod scilicet Meroveo Chilperici Regis filio Divinam Eucharistiam ministravit apertissimè indigno. Quis enim ignorat publico peccatori publicè sacramenta petenti deneganda esse? Id olim sancti Patres, id modò Theologi communiter docent. Et ad vos, inquit S. Joannes Chrysostr. homil. 60. ad populum Antiochenum, Eucharistiæ Ministros alloquens, *sermonem convertere necessa-*

*rium*

rium est; ut multo cum studio hac dona distribuatis. Non parva vobis imminet ultio; si quinquam illius culpa confitii, hujus mensa participem esse concedatis: sanguis ejus de manibus vestris exquiretur. Sive quis Dux militia sit, sive Praefectus, sive PRINCEPS DIADEMATE CORONATUS, INDIGNE, AUTEM ACCEDAT, PROHIBET majorem illo potestatem habes. Hoc vestra dignitas est, hoc securitas, hoc corona. Nota erat Merovei à professione Religiosa apostasia: mortem minabatur aliquibus ex populo se illaturum, si sibi denegaretur communio: Ex quibus manifestum fiebat quantum esset eo Sacramento indignus. Gregorii tamen culpam multa minuunt. Nam præterquam quod Meroveus liberè habitum Religiosum non assumpserat, sed à Carcere ad Monasterium ductus fuerat (quæ tamen excusatio juxta illius temporis disciplinam levis reputabatur) Gregorius solum suum judicium non sequebatur; idem sentiebat Ragnemodus Episcopus Parisiensis, qui tunc aderat; Præterea non propriorum, sed populi sui malorum metu ducebatur.

7. Atque, quod certum signum est ipsum non ex Canonum contemptu, sed potius ex nimio Canonum studio deliquisse, putabat se ad concedendam communionem Meroveo à Canonibus adstringi; Quod his verbis testatur loco citato; Quod cum resisteremus, ipse clamare cepit, & dicere, quod non rectè eum à communione sine fratrum conniventia suspendereimus. Illo autem hac dicente cum consensu fratris (Episcopi Parisiensis) qui præsens erat, contestatâ causâ canonicâ, Eulogius à nobis accepit. Ubi vides id factum, contestatâ causâ canonicâ, ut duobus illis Episcopis videbatur. Factum narrat Gregorius cum ea sinceritate, quæ dubitare non sinit, ipsum gravis culpæ sibi non fuisse conscium, quamvis gravissima ex propria natura sit.

8. Subjungit Gregorius aliud eximium magni sui in propugnandis libertatibus Ecclesiasticis, & custodiendis Canonibus studii specimen. Postulabat Chilpericus Rex prædictum filium suum Meroveum ab Ecclesia, ad quam confugerat, ejici, sed nullo metu Gregorium adigere potuit, ut loci sacri violaret immunitatem, expulso Meroveo. Igitur, inquit Chilpericus Nuntius ad nos direxit, dicens; Ejicite Apostatam illum de Basilica: sed autem aliud totam regionem illam igni succendam. Cumq; nos rescripsissemus, impossibile esse, quod temporibus Hæreticorum non fuerat, Christianum

rum temporibus nunc fieri, ipse exercitum commouet, & illuc dirigit. Recessit spontè Meroveus, ne tantorum malorum esset occasio.

9. Hodie illa sacrorum locorum immunitas inter libertates Ecclesiæ Gallicanæ non computatur, & in Francia minus quam in aliis Provinciis observantur editi ea de re Canones.

## C A P U T I I I.

*De Hincmaro Archiepiscopo Remensi.*

1. **Q**uia libertates Ecclesiæ Gallicanæ juxta traditam earum definitionem in observatione antiquæ disciplinæ, maximè Canonum à sanctis Conciliis œcumenicis editorum aut confirmatorum collocantur, plures Hincmarum Archiepiscopum Remensem prædicant, quasi nemo antiquos Canones tam manifestè tamque constanter defenderit. Cumque Præsul ille inter Gallos celeberrimus sit, tum propter Canonicæ jurisprudentiæ notitiam, tum propter egregiam apud Reges, & Præsules Gallicanos gratiam, & autoritatem; ideoque illius sententia, & exemplum magni putetur esse ponderis, operæ pretium est ea, quæ ab illo Præsule, vel gesta, vel dicta sunt, prosequi: Atque quid in eis probandum sit, expendere.

2. Equidem si ejus cum Romanis Pontificibus, quibuscum ei res fuit, institueretur comparatio, & non solum ex dignitate, sed ex personarum etiam meritis gestorum justitia decerneretur, in favorem summorum Pontificum judicandum esset. Antistitem illum doctrinâ, prudentiâ, & fortitudine præditum fuisse non negabo; sed ejus doctrina in cavillationes, prudentiâ in astutiam, fortitudo in pertinaciam frequenter decesserunt; Præsertim ubi privatæ illius causæ interfuit. Undè, quod magnum est adversus illum, & Episcopos, quos secum traxit, præjudicium, in plerisque cum sancta Sede contentionibus viros bonos, quos aut deposuerat, aut deponendos curaverat, ad remedium appellationis

con-

confugere prohibebat, licet ex eventu constiterit, illos iniquè fuisse damnatos.

3. Quatuor præcipuè fuerunt illæ contentiones. Prima occasione Clericorum ab Ebbone ordinatorum. Secunda occasione Rothaldi Episcopi Sueffionensis. Tertia occasione Hincmari Episcopi Laudunensis. Quarta occasione Regni Lotharii. De prima in hoc capite, de aliis in sequentibus.

4. Cùm Ebbo Remensis Archiepiscopus depositionis Ludovici Pii Gallia Regis, & Imperatoris in Conventu Compensiensi anno 833. præcipuus Autor, Architectus, & Inventor fuisset, in criminis pœnam à sua dignitate se ipse deposuit in Concilio apud Theodonis Villam anno 835. quam depositionem Concilium confirmavit. Sed cùm Ebbo dignitatis, quam nonnisi invitus dimiserat, desiderio teneretur, eam resumere pluries tentavit, ac re ipsa Lotharii, ejusdem Ludovici filii, & in Imperio successoris, cujusque potissimum gratiâ Ebbo peccaverat, autoritate restitutus est à pluribus Episcopis, & Pontificales functiones exercuit, ordinatis quibusdam Clericis, ut narrat post Flodoardum Willielmus Marlot, Metrop. Remens. histor. lib. 3. cap. 21. Ebbone defuncto anno 851. Kalendis Aprilis, Hincmarus, qui ei adhuc viventi substitutus fuerat in Concilio Beluacensi anno 845. Concilium Sueffionense anno 853. celebrari curavit, ut & sua confirmaretur, & Clericorum ab Ebbone promotorum infirmaretur ordinatio, quod utrumque obtinuit.

5. Clerici autem suæ dejectioni non acquiescentes, ad sanctam Sedem appellarunt, & ad Nicolaum primum Papam postea confugerunt, qui eorum causam justam esse cognoscens, Hincmarum hortatus est, ut eos ipse solus restitueret, ne, si major adhiberetur solemnitas, ejus injustitia detegeretur; sin autem nollet, Concilium ad causam retractandam indicebat Sueffione ab omnibus, qui convenire possent, Galliarum Episcopis habendum. Qua de re scripsit etiam ad Herardum Archiepiscopum Turonensem, & ad cæteros in hæc verba: *Tamvè si hunc (Hincmarum) stetit ad hoc munda conscientia non permittit, præcipimus vos, una cum cæteris Archiepiscopis, & Episcopis Galliarum, & Neustria, quibus tamen possibilitas est, in id ipsum,*

cum prædicto fratre, & Coepiscopo nostro Hincmaro, & suffraganeis apud Sueffonicam Urbem pariter convenire. Ad quorum venerabilium Convencum Persedum quoque, cum jam præfixatis paribus ejus, peractis pro ut dubio volumus, Hincmaro Clericos illos restituere reculante, Concilium congregatum est Sueffione anno 866. in quo probata est Clericorum ordinatio, & nihilominus causa cum Epistola Synodica ad Nicolaum remissa. Scripsit etiam Rex Carolus de eodem argumento, & eodem fere modo, ac stylo, ut utriusque epistolæ Autorem judices esse ipsam Hincmarum.

6. Nicolaus Episcopis Concilii Sueffionensis, Carolo Regi, & Hincmaro rescripsit, quibus omnibus Epistolis graviter perstringebat Hincmarum, quod in ea causa callidè, ac dissimulante egisset. Episcopos iterum convenire, & Clericorum historiam accuratè perscribere, Clericos verò interim in suis gradibus stare jussit. Restitutos monuit ne injurias ulciscerentur, & ut Hincmaro præsertim reverentiam exhiberent. Iidem Episcopi, qui anno 866. ut diximus, Sueffionem convenerant, anno sequenti Trevis congregati sunt, Epistolamque Synodicam, quam primus subsignavit Hincmarus totam Ebbonis, ordinatorumque ab eo Clericorum historiam continentem Romam miserunt juxta præceptum Nicolai, ac pro uno eorum Wlfrado scilicet, jam Bituricensi Episcopo creato, pallium postularunt. Aliam etiam misit Carolus Rex.

7. Eam epistolam, cum jam Nicolaus decessisset, Romam delatam recepit ejus Successor Hadrianus II. Ea perlecta Clericorum causam justam declaravit, & Wlfrado pallium ab Episcopis & à Rege postulatum concessit.

8. Enituerunt in illo processu justitia, prudentia, & charitas Nicolai. Primò, ut patet ex ejus ad Hincmarum epistola, Clericorum ab illo Archiepiscopo, vel eo instante depositorum querelâ auditâ, non antè quicquam decrevit, quam monumenta de hoc negotio in Archivis Pontificiis recondita perquiri jussisset, eaque simul cum iis, quæ ab Hincmaro missa fuerant, diligenter perlegisset. Secundò licet ex omnium illarum scripturarum lectione colligeretur, injustam fuisse depositionem, judicium ferre noluit; *Sed his omnibus*, inquit, *idest*

idest tam illis monumentis, quæ penes nos habentur, quàm his, quæ sanctissimæ suæ nobis destinavit, ritè collectis evinctæ, et cunctis nondum liquido patet, assidan Clericos regulariter gradu proprio caruisse. Verùm nos nec horum interrim justificamus, nec per hoc quemlibet condemnamus, nec facile vocem ipsorum spernimus, nec reverentiam tuam improvidè reprehendimus. Tertio cum suspicetur Hincmarum aliquo iræ, vel odii metu ad eam dejectionem fuisse impulsus, nec ejus animum facile flecti posse, velit tamen illius honori consulere, ad elementiam illum hortatur, suadetque, ut ipsemet misericorditer cum dejectis agens, eos restituat, ne injustè fuisse depositos solemnitus negotii examen patefaciat; Proinde necessario præsentis Epistola salubribus fraternitatem tuam hortatur assatibus, uti commemoratos viros VVilfridum scilicet, Collegasq, ipsius clementi animo, & tranquillâ studeat ad se magnanimitate vocare, depositaq, omni funditis animositate, de restitutione ipsorum secum fraternè tractare, atque misericorditer consummare contendas, Laudabilis quippè judicavimus, ac coram Deo acceptius esse credidimus, si respectu Divinitatis interrogatâ conscientia solus illorum restitutum sine quovis ipse refragatione admiseris, quàm si prius renitens, detectâ tamen injustiâ, cum multis hanc postea fueris amplexatus. Quarto si quod summus Pontifex monet, recusaturus sit Archiepiscopus Remensis, ejus recusationem benignè interpretatus, eamque timoræ conscientie tribuens, Concilium indicit ab omnibus, qui convenire poterunt, Galliarum Episcopis, habendum Sueffione, ubi res ordine judiciario tractanda sit. Jam verò si flecti ad hoc remunda conscientia non permittit, precipimus fratrem nostrum Remigium Lugdunensem, Adonem Viennensem, VVenilonem Rothomagensen una cum cæteris Archiepiscopis, & Episcopis Galliarum, & Neustria, quibus tamen possibilitas est, in idipsum cum Beatitudine tua, & suffraganeorum tuorum apud Sueffionem Urbem Diarescos tua pariter convenire. Ad quorum venerandum Convantum VVilfridum quoque cum præsignatis paribus ejus vos accedere procul dubio volumus, &c. Quinto veniente Nicolai consilium Hincmaro, indicta est Synodus Sueffionensis, missis litteris Pontificiis à Remigio Episcopo Lugdunensi, cui hæc cura demandata fuerat. Dum tempus expectatur, Carolus Rex Nicolaum rogat, ut interim Wifado Ecclesiam Bituricensen committere liceat, sed Pontifex respondet, nihil ante Synodi definitionem innovandum. Sexto cum Concilium Sueffionense causam ad summum Pontificem renussisset, eam ipse diffinire Romæ voluit.

luit, antequam iidem Episcopi rursus congregati totam reigestæ seriem misissent. Septimò Clericos, ut jam diximus, hortatus est, ne de victoria illa conulescerent, sed Hincmaro humiliter subjacerent.

9. Nihil in tota illa Nicolai agendi ratione non laude dignum, nihil libertatibus Ecclesiæ Gallicanæ adversum. Econtra verò quot usus sit artibus (ne fraudes appellem) Archiepiscopus Remensis, aperiunt & ipsiusmet ad Nicolaum, & Nicolai ad ipsum, ad alios Episcopos Gallicanos, & ad Carolum Regem epistolæ apud Philippum Labbæum tom. 8. Concil. apud Jacobum Sirmondum tom. 3. Concil. Gall. ac in 2. tomo operum Hincmari ab eodem Sirmondo collectorum. Obtemperavit tandem Hincmarus Nicolai judicio post longam resistantiam, eique suam obedientiam epistolâ submissionis plena significavit, quæ habetur tom. 2. ejus operum num. 22. & adhuc alia, quæ extat ibid. sub num. 26. in qua notandæ sunt præcipuè ista verba; *Ne contra vestram iussionem, ac dispositionem agam modis omnibus devitare cupio, qui APOSTOLICÆ SEDIS DECRETIS IN OMNIBVS PARERE DESIDERO: utinam hæc verè ab iis dici possint, qui auctoritatem Hincmari tanti faciunt.*

## C A P U T I V.

*De contentionibus Hincmari Archiepiscopi Remensis cum summo Pontifice occasione Rothaldi Episcopi Sueffionensis.*

1. **E**Xagitatis, ut in superiori capite vidimus, ab Hincmaro Clericis ab Ebbone, in cujus locum ipse successus fuerat, ordinatis, Rothaldum Episcopum Sueffionensem, qui unus fuerat ex iis Episcopis, à quibus, ut in superiori capite diximus, restitutus fuerat Ebbo, congregatis plurium Provinciarum Episcopis in Villa Convicino propè Sylvanectum dignitate privare moliebatur. Quamobrem Episcopus Sueffionensis sanctam Sedem appellavit, sed eam adire prohibitus est; Quin etiam congregato alio Concilio in suburbio Civi-



Civitatis Sueffionensis pro ea , quā Hincmarus apud Regem tunc præsentem , & apud Episcopos , pollebat gratiā , & auctoritate , damnatus , dejectusque est , ac in Monasterium relegatus , altero in ejus Sede collocato. Denique tamen Nicolai Papæ auctoritate , crebrisque litteris , ut Romam perveniret , consecutus est. Ibi frustrā expectatis per plures menses accusatoribus , Nicolaus Primus Papa in Ecclesia S. Mariæ Majoris , approbante Episcoporum , Presbyterorum , & Diaconorum Conventu , vestibus Pontificalibus cum indui jussit , ea lege , ut si comparerent Accusatores , eis respondere teneretur , nec Officia Divina celebrare , nisi aliquantopost tempore permissus est. Tandem plenè absolutus ad suam Sedem remissus est cum litteris suæ absolutionis , & multis commendatitiis ad Regem , ad Hincmarum Metropolitanum , ad Episcopos Galliæ universos , ad Clerum , & plebem Sueffionensem. Interfuit cum ipso Hincmaro Concilio Sueffionensi III. anno 866. & Tricassino anno 867. quod evidens signum est ejus restitutioni neminem non acquievisse.

2. Sed in eo negotio ut vult Petrus de Marcalib. 7. cap. 23. dissentiebant Episcopi Gallicani à sententia Nicolai Papæ. Dicit enim Hincmarus in ea epistola , quam scripsit Summo Pontifici , quæque refertur à Flodoardo lib. 3. histo. Remens. cap. 13. evulgasse quinque *arcana* Episcoporum Gallicanorum quoad depositiones Episcoporum , supponens illum reliquorum Antistitum fuisse Interpretem. *Arcana* illa totidem esse Gallicanarum libertatum capita crederem , nisi libertates illas in Jure communi , ac in constanti Canonum observatione , quæ res arcanae non sunt , à Gallis constitutas meminissim. Primum , ex illis arcanis erat , Synodos Provinciales posse Episcoporum , vel Clericorum causas sine Summi Pontificis intercessione definire. Secundum , accedendum esse ad Sedem Apostolicam , si causa tractetur , quam ex Canonibus decidere nequeat Synodus unius , aut plurium Provinciarum : Tertium , Episcopum depositum posse , si voluerit , post sententiam , non autem antea interponere appellationem ad sanctam Sedem. Quartum , non posse à Judicibus electis appellari. Quintum , Metropolitanos , qui pallium à Summo Pontifice receperint ,

petint, iudicandos non esse ab Episcopis Provincialibus absque auctoritate Sedis Apostolicæ.

3. Verum quoad primum cum ipsemet Marca post quintum addat, *certum esse potuisse Papam, si ita existimaret, sibi reservare iudicium Metropolitanorum*, idque *salutatum à Cælestino, Leone & Hilario*: quæro quâ auctoritate id facere potuerit? si eâ quam accepit à Christo; quidni etiam potuisset, saltem in certis casibus, videlicet cum Episcopi à Synodo Provinciali opprimendi forent, ut Rothaldo, de quo nunc agimus, contigit, & Hincmaro Laudunensi, de quo in capite sequenti, eorum sibi iudicium reservare? Nec enim Christus, cum Petro suas oves commisit; Metropolitanos ab Episcopis distinxit. At iniquies, Metropolitanis fieret injuria, quibus Ecclesia sua jura semper salva esse voluit, si Episcoporum eis judicia subtraherentur. Sed nonne Ecclesia majorem Conciliis Provincialibus contulit auctoritatem in Metropoliis Canonibus antiquioribus, atque adeo secundum Gallorum doctrinam præstantioribus? Nam Can. 1. Ephesino Metropolitæ, saltem in casu hæresis Episcoporum Provinciæ judicio subjacent. Si ergo Conciliis non fit injuria cum sancta Sedes evocat ad se iudicium Metropolitanorum, qui ex illo Canone à Conciliis essent iudicandi, quæ fiet injuria Metropolitanis, dum Episcoporum, Confratrum invidiâ, vel Principum potentiâ opprimendorum, causas ad se trahet; præsertim cum ipsi Metropolitani non possint soli; sed cum Concilio Provinciali hujusmodi controversias definire? Gregorium IV. & Leonem etiam IV. triginta fere annis ante id tempus in gratiam omnium Episcoporum constituisse, ut eorum iudicio superfederetur, si Sedem Apostolicam appellassent, fatetur ipsemet Petrus de Marca, quamvis istas Constitutiones non fuisse receptas; probet ex eo quod Hadrianus privilegium illud concesserit Actardo Episcopo Nannetensi; quasi non soleant privilegia, quibus quis gaudet ad majorem securitatem pluries confirmari, aut Actardo privilegium concessurus fuisset Hadrianus, quod jam antea in favorem omnium Episcoporum editum robur obtinere non potuisset. 2. & 5. verissima sunt, quintum contrarium est juri evocationis, quod nec ipse Hincmarus summo Pontifici negavit.

4. Quantum urgebat vehementer Hincmarus; & eo prætextu Clericos ab Ebbone ordinatos, quos ipse deponendos curaverat, vetabat appellare, licet ipsemet eis Judices eligere suafisset; *Istorum fiatrum*, inquit in Concilio Sueffionensi 2. anno 853. act. 1. sententia manifestè me tangit, qui si contra aliquem Coepiscoporum nostrorum clamassent, ad nostræ humilitatis auctoritatem ab eo provocare debuerant. Nunc autem quia de judicio nostro queruntur, oportet, ut libellari subscriptione ad electos provocent Judices, quatenus causa illorum debitum, & certum finem accipiat. Eodem prætextu Rothaldi Episcopi Sueffionensis appellationem ad sanctam Sedem impedire contendebat; Sicut plurimum valet doctrina, & petitia legum, præsertim Ecclesiasticarum, dum quis rectè affectus est: ita eà quis perniciosè abutitur, cum odio, vel alia perturbatione animi movetur. Certè si Hincmarus Remensis à Judicibus electis damnatus fuisset, appellationem à Canonibus sibi permissam, nedum non prohibitam, & clarè intellexisset, & probasset efficacissimè. Africana Concilia, quibus nitebatur Hincmarus hujusmodi appellationes, etiam in casu manifestæ oppressionis, vetuisse præsumi non potest. Et si ea fuisset illorum mens, numquid potuissent illi condendis Canonibus, aut Gallicani acceptandis, vel etiam summi Pontifices probandis, auctoritatem futuris Pontificibus in persona B. Petri à Christo collatam adimere? Verum non de Episcoporum; imò etiam nec de Clericorum depositione; sed de negotiis civilibus intelligendos esse Canones Africanos probat contra Petrum de Marca Joannes David Doctor Parisiensis in lib. de Judiciis Canonicis Episcoporum cap. 12. art. 1. Præterea in eo compendio Canonum quod aliqui ab Hadriano Papa, Carolo Magno traditum asserunt, quodque ab Henrico Canisio Noviomago, deinde à Severino Biniò tom. 5. Concil. editum est; ante Canones Sardicenses sic habetur: *Sunt etiam Ecclesie regula; quæ in Africanis regionibus frequentissimè synodali Concilio conscriptæ sunt; sed in his omnibus illa sequi debemus, quæcumque à Nicæno Concilio, & à sancta, atque apostolica Ecclesia Romana non discrepare videris.*

5. Hincmarus ipse jus illud sanctæ Sedis agnovit, ut significat tota epistola 22. quæ est ad Papam Nicolaum occasio-

114 TRACTATUS DE LIBERTATIBVS,  
 ne Clericorum ab Ebbone ordinatorum, quos Papa restitui  
 jusserrat; OBTEMPERARE CVRAVI RESERVATO PER OMNIA  
 SENTENTIA AC IVRIS PRIVILEGIO EIVSDEM APOSTOLICA  
 SEDIS, ET SALVA DEFFINITIONE, AC CONFIRMATIONE  
 EXPECTATA VESTRA DISCRETIONIS, ATQVE AVTORI-  
 TATIS. Et inferius; *Qua verbis, & scriptis mihi per istum Religio-*  
*sum Archiepiscopum exinde sequenda atque tenenda mandaveritis, pro sci-*  
*re, & posse, obedire & conservare curabo, sicut hactenus ea, qua inde fue-*  
*runt statuta, & confirmata servavi.* Et alia multa his similia. Idem  
 satis professus antea fuerat, à Benedicto III. & ab eodem  
 Nicolao confirmationem Concilii Sueffionensis 2. in quo Cle-  
 rici illi depositi fuerant, postulans, & per subreptionem  
 obtinens, ut Nicolaus epistola 46. quæ est ad Episcopos Con-  
 cilio Sueffionensis 3. scribit. quæ confirmationes habentur  
 apud Sirmondum tom. 3. Concil. Gall.  
 6. Imò ipsiusmet Rothaldi occasione scripserat ad eundem  
 Nicolaum; *Nullam possemus habere verecundiam de restitutione illius, si*  
*foret facta à vestri summi Pontificatus pietate, quia omnes senes cum junioribus*  
 SCIMVS NOSTRAS ECCLESIAS SVBDITAS ESSE ROMANÆ  
 ECCLESIAE, ET NOS EPISCOPOS IN PRIMATV B. PETRI  
 SVBIECTOS ESSE ROMANO PONTIFICI tom. 2. epist. 17.

## C A P U T V.

*De contentionibus Hincmari cum summo Pontifice occasio-*  
*ne Hincmari Laudunensis, & Regni Lotharii.*

1. **A**Nno 869. Hincmarus Archiepiscopus Remensis ne-  
 potem suum etiam nomine Hincmarum Episcopum  
 Laudunensem, cui erat insensus, in Concilio apud Verme-  
 riam deponi facere conabatur, sed ille ad Sedem Apostoli-  
 cam appellavit. Hadrianus II. Papa pluribus litteris urgebat,  
 ut Laudunensis Romam accederet, sed non obtinuit. Hic  
 rursus in Concilio apud Attiniacum anno 870. accusatus rur-  
 sum ad sanctam Sedem appellavit. 3. iterum accusatus in Con-  
 cilio Dusiacensi anno 871. Episcopali gradu dejectus est. Nar-  
 rat ipse in libello proclamationis, quem Joanni Papæ VIII.  
 obtu-

obtulit, quomodo fuerit ad hanc Synodum perductus, quam acerbè in ea tractatus, & ab Officio Episcopali remotus, deinde in exilium missus, ferro victus, ac denique oculis privatus.

2. Instat vehementer Hadrianus, ut miserabilis ille Præsul, & ejus Accusatores Romam venirent. Sed mortuo illo Pontifice, Joannes VIII. ejus successor deceptus litteris Caroli Calvi, Hincmaro Remensi, qui, ut concitare licet, verus erat earum autor, scripsit, ut in Ecclesia Laudunensi alius ordinaretur Episcopus. Sed congregato ab eodem Pontifice Concilio Tricassino anno 878. Hincmarus Laudunensis libellum obtulit, quas, à Patruo præsertim, injurias perpeffus fuerat, enarrantem. Quare summus Pontifex, veritate cognita, ei Ordines exercere, ac etiam cæco Missam celebrare, nec non partem reddituum Ecclesiæ Laudunensis retinere concessit, quo audito ejus amici ad Ecclesiam cum duxerunt, & Benedictionem populo dare coegerunt, ut refert Continuator Aymôin. lib. 5. cap. 37.

3. Circa depositionem Episcopi Laudunensis duæ potissimum contentiones inter summum Pontificem, & Hincmarum Remensem exortæ sunt. Prima quod Laudunensis majorem quàm par esset autoritatem tribueret epistolis, quibus se tuebatur, quæque à veteribus Pontificibus scriptæ dicebantur, quæ de re in primo libro, & infra cap. 6. Secunda quod post interpositam appellationem ad sanctam Sedem depositus fuisset: Contendente Remensi non valere appellationem à Judicibus electis, quod cap. 4. confutavimus.

4. Cum anno 869. Lotharius Austrasiæ Rex decessisset, Hadrianus Papa scripserat ad Proceres ejus Regni, ut fideles essent Imperatori Ludovico, Lotharii fratri, & ad Proceres, & ad Episcopos Regni Caroli Calvi, ut eum ab invadendo prædicti Lotharii Regno deterrerent. Scripsit etiam seorsum Hincmaro Archiepiscopo Remensi, ut operam suam interponeret, ne quis ditionem illam usurparet. At verò Hincmarus qui Caroli Calvi ope Archiepiscopatum Remensem retinuerat, à quo cum Lotharius senior junioris Pater, & Episcopi in istius Regno constituti, deturbare conati fuerant, ut illis reponeretur Ebbo, quique Carolum in multis, iisque

gravibus negotiis, propitium expertus fuerat, partes ejus sequi maluit, cumque Regem illius Franciæ portionis, quam Lotharius Junior obtinuerat, coronavit in Synodo Metensi Quinto Idus Septembris anno 869. quæ Synodus Prælatoria dicta est, quod injustè usurpatum à Carolo Lotharii Regnum non dubitaretur.

5. Hadrianus eam coronationem, apertam justitiæ violationem, & suarum litterarum contemptum interpretatus, aliis Epistolis Carolum increpuit, quod Lotharii Regnum invasisset, & Sedis Apostolicæ Legatos contempnisset, mandavitque ut Regno illo excederet, & alios Legatos benignè susceperet: Episcopos, & Proceres Regni Caroli hortatus est, ut cum ab illa usurpatione revocare conarentur; sed præsertim Hincmarum Remensem arguit, quod Regem à pervasione illa non avertisset, nec sibi rescripisset, cumque rursus hortatus est, ut in id muneris incumberet; præcipiens ut si Rex parere recusaret, ab eo recederet: si, inquit, in obstinatione sua perfidia Rex post vestram conventionem persistere maluerit. quam respicere, ab illius vos consortio sequestrato; si Communionis nostra vultis esse participes. Respondit Hincmarus epist. 41. tom. 2. edit. Simon. Carolum asserere illam sibi Regni partem à Patre Ludovico datam, & à Lothario Imperatore confirmatam, atque adeò ut suam assumere, non ut alienam rapere; nec contrarium per confessionem, aut convictionem constare; Reverentia vestra debita humilitate respondob; quoniam etsi ita esse, ut scribitis, scirem, cum ipse Rex Carolus ita esse non consueatur; nec vel legali, vel regulari iudicio inde convictus appareat, & multis attestantibus faveat hanc Regni partem sibi à Patre Ludovico Augusto consensu tam Episcoporum, quam cæterorum Procerum totius Imperii traditam, & à fratre Lothario Sacramento publicè confirmatam, sequendum tamen mihi arbitrarer quod præmissio iudicio dicis Africanum Concilium, ut magis caveat Episcopus, ne dicat in quemquam quod alius documentis convincere non potest.

6. Cumque aliunde nec à sua Urbe abesse posset Hincmarus, nec Carolo subsidia denegare, rogabat Pontificem, ut mandatum revocaret: Qua, inquit, ut non ad accusandum, sic nec ad excusandum in advocatone præfati Regis, aetatem enim habet, depono, NAC AD RESISTENDVM VESTRÆ AVTORITATI, SED CONSVLENDVM qualiter nos Episcopi, & ego præcipue, in quem tantam com-

mina-

minationem intentatis, erga Regem nostrum gerere debemus. Quapropter Domine Pater Reverendissime consulite secundum privilegium Sedis vestrae subjectioni nostrae, ne talia nobis cujuscunque suggestionis mandatis, unde inter Episcopalem auctoritatem, & Regalem potestatem, inter Ecclesiam, & Rempublicam scandalum possit oriri. An negotium ulterius cum Hincmaro processerit, antiqua monumenta non docent. Solida fortassis visa est illi Hincmari ratio.

## C A P U T V I.

*Quâ ratione Hincmarus libertates Ecclesiae Gallicanae defendisse videatur.*

1. **I**N negotiis, quæ suprà retulimus non ità laudabiliter se gessit Hincmarus Remensis, ut Ecclesiae Gallicanae glorandum sit talem habuisse suarum libertatum defensorem. Sed hanc illi Prælato laudem tribui puto, quod Canonum auctoritatem Summorum Pontificum Decretalibus prætulisse videatur, eoque prætextu tam pertinaciter suorum consiliorum executionem profecutus sit, prohibentibus licet Romanis Antistitibus.

2. Acerrimè quidem Canonum executionem prosequi visus est, sed nescio an laudandus sit in eo ejus zelus. Utenim propriae securitati consuleret, aut fortè livori faceret satis, Canones, quos desiderijs suis accomodabat, observari pertinaciter postulabat. Præcipuum ejus studium fuit circa Canonem Africanum prohibentem appellationes à Judicibus, quos partes elegissent; quia scilicet hæc appellationis prohibitio, quam, ut diximus cap. 4. perperam affingebat Concilio Africano, viam omnino præclusisset Ebbone, ne propriam Sedem refumeret, & ab ea ipsum Hincmarum sibi suspectum expelleret; Rothaldum, qui cum alijs Episcopis, & Lothario Imperatore Ebbonem restituerat post mortem Ludovici Pii, quemque idem Hincmarus deponendum curaverat, Clericis item ab Ebbone post suam restitutionem, & antequam rursus deponeretur, ordinatos, atque urgente Hincmaro dejectos, omni spe recuperandi gradus privasset, eo quod Judices, à

quibus damnati fuerant, elegissent, ut eis obieciat; *Secundum* Canonicam institutionem elegit sibi (Ebbo) per consensum Synodi Episcopos Iudices peccatorum suorum, quos Canones electos appellant. De quibus scriptum est in Concilio Africano cap. 36, ut ab electis Iudicibus provocare non liceat. Hincmarus opusc. 2. contra Gothesc. cap. 36. absque dubitatione confido quia illud, quod in prefato Carthagenensis Concilii Capitulo sine ulla interpellatione subsequitur Decretum vestri moderaminis nequaquam præteriret; sanè, inquit, si ex consensione partium electi fuerint Iudices, etiam à pauciore numero quam constitutum est, non liceat provocare. Qui numerus constitutus in 12. superiori Capitulo demonstratus, & consensus partium expressus in dijudicatione Rothaldi constat fuisse completus. Hincmarus tom. 2. n. 17. epist. ad Nicolaum Papam.

3. Eo prætextu, vel alio simili multoties, diuque Summis Pontificibus reluctatus est, sed tandem eorum præceptis cessasse negari non potest; æquiusque esset ejus obedientiam imitari, quam contumaciam laudare; Semper, inquit epist. ad Nicolaum Papam, quæ est 26. tom. 2. editionis Sirmondi, & Apostolica Sedes, & ejus Rectores, postquam me nosse potui, pro meo scire, & posse fidelis, & devotus, & humilis, ac SUBIECTVS, EXTITISUM, & adjuvante Domino, permanebo. Multa his similia, tum in illa epistola, tum in quibusdam aliis leguntur; ex quibus intelligitur, illum, etiam cum supremo Christi Vicario repugnaret, ejus potestatem agnovisse, illique parere videri voluisse. Sed quæ fuerit ejus circa Canones sententia videamus.

4. Decoquere non poterat, ut Jura Metropolitanorum imminuerentur prætextu Decretalium, quæ suppositæ antiquis Pontificibus ante annos circiter 80. & in lucem emissæ fuerant. Ideoque illis Canones ab Ecclesia universa, præsertim à Summis Pontificibus receptos opponebat, insinuans potius parendum Canonibus, qui diuturno usu, ac Præfulum Romanorum Decretalibus comprobati fuissent, quam Decretalibus aliis, quæ cum illis pugnant. Si illa, inquit scribens ad Hincmarum Laudunensem opusc. 55. Caput cap. 43. quæ de prefatorum Pontificum Apostolica Sedis Epistolis dicis recipiendos venerandos Canones esse; qui quod vii dicis sanctum & licitum, & quod non vii non sanctum, & illicitum, ac si in voluntate tua contra sint posita, & non sit qui tue possit resistere voluntati, pende nobis quasumus, quid censeas de eorum Decretis, qui

post



post Nicanum Concilium, & alia Catholica Concilia observanda Decretalia constituta de eisdem Sacris Canonibus promulgata sanxerunt, sicut Strictius, Innocentius, Zosimus, Bonifacius, Celestinus, Leo, Hilarius, Symmachus, Gelasius, Hormisdas, Gregorius, & quique alii, quorum Decreta Ecclesia Catholica, & Patres, ac Prædecessores nostri servanda tenuerunt & venerati sunt. Et quoniam in quibusdam à præfatis, quos appellas Canones diffonant, magistrali censurâ decernit, quæ ex his sequi, & quæ refutare debeamus. Et tom. 2. n. 36. epist. ad eundem Hincmarum Lauduncensem; Ego Decretales Epistolas Sedis Apostolicæ diversis temporibus pro diversorum Patrum consolatione vel consultatione ab ejusdem Sedis Pontificibus datas & venerabiliter suscipio, & venerabiliter suscipiendas dico & scribo, & sacrosanctorum Conciliorum Canones CVM DECRETIS APOSTOLICÆ SEDIS ex ejusdem Sacri Canonibus promulgatis, & recipiendos, & custodiendos, & servandos, sicut supra ostendi, profiteor. Suppositas igitur antiquiorum Pontificum Epistolas, quarum tamen falsitatem non omnino perspectam habebat, confert cum Canonibus ubique receptis, & per Epistolas veras Summorum Pontificum confirmatis; At non disputat utrum Summi Pontifices possint, interveniente legitimâ causâ Canones temperare.

5. Inanis erat subtilitas Hincmari Remensis, cum Gelasium Papam Decretalibus Summorum Pontificum reverentiam, non autem exactam obedientiam præstandam voluisse interpretabatur; adverbium venerabiliter magis attendens, quàm participium recipiendas. Ita enim sunt verba Gelasii in Concilio Romano anno 494. Item Decretales Epistolas, quas Beatissimi Papa diversis temporibus ab urbe Romana pro diversorum Patrum consultatione dederunt VENERABILITER RECIPIENDAS. Quod autem hæc vox venerabiliter obedientiam, ac subjectionem non solum non excluderet, sed etiam eximiam requireret, apertissime colligitur ex eo quod Gelasius paulò ante de Epistola S. Leonis ad Flavianum, quæ veluti fidei regula circa Mysterium Incarnationis ab Ecclesia universa semper fuit habita, sic statuit; Item Epistolam B. Leonis Papa ad Flavianum Constantinopolitanum Episcopum destinatam, cujus textum quispiam si usque ad unum iora disputaverit, & non eam in omnibus VENERABILITER RECEPERIT; anathema sit. Hinc infer quid sit VENERABILITER RECIPERE Decretales Summorum Pontificum ex sensu Gelasii.

6. Fortassis etiam quia Hincmarus alicubi pro consultatione lege-

legerat consolatione, putabat illas Decretales, non tanquam disciplinæ regulas exequendas, sed quasi pro consolandis afflictis scriptas, cum veneratione tantum suscipiendas.

7. Imò licet Canones tantopere commendaret, ubi suis consiliis suffragabantur, illis per Sedem Apostolicam aliquando derogari curabat; Quod certissimum est argumentum ex ipsius mente Summum Pontificem non ita esse Canonibus subiectum, ut ab iis recedere; vel ab iis alios solvere non possit. Etenim Hincmarus à Benedicto III. & à Nicolao Primo privilegium postulavit, quo solius Romani Pontificis iudicio reservaretur, licet ex primo Canone Concilii generalis Ephesini à Concilio Provinciali, saltem in certis casibus posset deponi; *si quisquam Metropolita Provincia (verba sunt Canonis Ephesini) derelicta sancta, & œcumenica Synodo, aut accessit ad illorum defectionis confessum (qui se à Concilio sejunxerant) aut accedet in posterum, sive cum Cœlestio sensu, aut sentiet, ipse nihil amplius poterit agere adversus Provincia Episcopos, ut qui jam inde à Synodo totius Ecclesiasticæ communionis expers sit factus, & prorsus inutilis, sed & Episcopis illius Provincia, circumque vicinis Metropolis recta sentientibus subiacobit, ut omnino dejectus sit à Sede Episcopatus.* Verba verò privilegii à Nicolao Primo concessi Hincmaro sunt ista; nullius excommunicationis, vel obligationis, seu condemnationis sententia SINE DECRETO ROMANI PONTIFICIS teneari adstrictus; sed si à quocunque, vel undecunque fueris compellatus, ut debeas iudicari, Apostolici Papa iudicio te reservari nostrâ, imò B. Petri auctoritate decernimus: nec alterius cuiuscunque Juri, vel iudicio te subijci, EXCEPTA POTESTATE SEDIS ROMANÆ PONTIFICIS, nec ad alterius Provincia Primatis Synodum, nisi ex communi placito posse convocari mandamus. Similia continet datum à Benedicto III. privilegium.

8. Hanc privilegii partem defendit Hincmarus epist. 44. quæ est ad Episcopos Diœcesis Remensis cap. 24. auctoritatē S. Leonis epist. 84. quæ Anastasium Thessalonicensem Episcopum sanctæ Sedis Vicarium monet; non potuisse sine sua auctoritate deponi Metropolitanum; sed etiam si quid grave, intelligendumque committeret (Nicomopolitanus Metropolita) nostrâ erat expectanda censura; ut nihil prius ipse decerneret, quam quid nobis placeret agnosceret. Fuit autem hæc Epistola scripta post Concilium Ephesinum, cujus Canon mox relatus Metropolitanorum iudici-

judicium Episcopis Provinciæ, & vicinis Metropolititis permittit; sed ante Concilium Chalcedonense, cuius Canones nonus & decimus septimus Primati, aut Episcopo Constantinopolitano illud iudicium tribuunt; ne putes idè S. Leonem, eumque secutos Pontifices idè Metropolitanorum iudicium sibi reservasse; quod Concilium Chalcedonense Ephesino derogasset; sed quod hanc à Christo facultatem accepisset, cui non possit à Canonibus quidquam detrahi.

9. Sed quis magis impugnât, quàm Hincmarus regulam illam quâ volunt aliqui libertates Gallicanas niti, quod scilicet summus Pontifex Conciliorum Canonibus ita subsit, ut ei resistere liceat, si quid adversus Canones molitur. Licet enim Hincmari referret ad tuendum suum privilegium non subeundi alterius quàm Romani Pontificis iudicii, Canones 9. & 17. Chalcedonenses defendere, ut illud cum jam esset Concilii œcumenici autoritate munitum, non cogeretur sanctæ Sedi acceptum referre: Tamen in opuscul. 55. capitum scilicet cap. 23. & cap. 24. Canones illos vi carere affirmat ex eo quod à Romanis Pontificibus non fuerint recepti, quod probat testimoniis sanctorum Leonis, Gregorii, & Gelasii. Prolixiora sunt illa capitula quàm ut hic exscribi debeant. Videantur, si lubet, apud ipsummet Autorem loco citato.

## C A P U T VII.

*De praxi libertatum Ecclesiæ Gallicanæ circa Canones octavæ Synodi.*

1. **I**llustrissimus Petrus de Marca lib. 2. cap. 17. num. 1. argumentum in favorem libertatum Gallicanarum trahit à non acceptatis, & non observatis statim aliquibus Canonibus octavæ Synodi Constantinopoli habitæ sub Hadriano II. Colligit autem non fuisse receptos, tum ex eo quod Hincmarus illorum in suis litteris non meminèrit, tum quod Ademarus tradat constituta inibi fuisse aliqua Canonibus antiquis adversa; tum denique quod Concilium illud variis Ca-

Q

noni-

nonibus mores in Gallia receptos, & jura Regia offendat. Sed etiamne tempore octavæ Synodi Conciliorum generalium Canones prætextu libertatum Ecclesiæ Gallicanæ respuebantur? Mira libertas, quæ cùm in Canonum custodia posita sit, rejiciendorum Canonum Conciliorum generalium facultatem tribuit. Quæcunque igitur illa Synodo recentiora, qualia sunt ferè omnia, quæ a Puteano collecta sunt, vel ab aliis citantur ejus materiæ tractatoribus, libertatum Gallicanarum fundamenta non sunt, quippè quibus illæ longè antiquiores sint: Et tamen si recentiora illa corruant, nescio quo fulcimento sustentabuntur libertates.

2. Verùm enim verò licet Episcopi Gallicani Canones illos statim recusassent, non continuò libertatibus Ecclesiæ Gallicanæ adscribenda esset recusatio, quæ poterat ex multis aliis causis oriri: v. g. ex eo quod Ludovicum sui Legati non Itolorum solum, sed etiam Francorum Imperatorem in Concilio Constantinopolitano appellaverant, quod Carolus Calvus, & Antistites Gallicani probare non poterant; Quippè cum ille Lotharii nepotis sui defuncti partem Regni Gallici usurpasset in injuriam prædicti Ludovici, ad quem utpote mortui fratrem hæreditario jure pervenire debuerat: isti usurpationem illam confirmassent, præsertim Hincmarus, qui Carolum illius Regni partis Regem coronaverat in Concilio Metensi, ut in quinto capite dictum est. Quæ ratio eò verosimilior evadit, quod Canones octavæ Synodi recitati fuerant in sess. 10. in qua Ludovicum sui Legati Itolorum, atque Francorum Imperatorem dixerant. Intererat igitur & Caroli, & Hincmari, quem Carolus speciali benevolentia prosequabatur, & à quo vicissim colebatur, specialiter morosos se in recipiendis, & exequendis illis Canonibus præbere.

3. Si qua verò in hoc Concilio circa disciplinam antiquam facta est immutatio, & parva fuit, & necessaria. Quantam enim antiquitati reverentiam tribueret, & quantum ei inhæreret passim demonstravit, vel in ipsis etiam Canonibus, quos citat Dominus de Marca. Duodecimus sic incipit. *Apostolice, & Synodice Canonibus concordantes, &c.* Decimusseptimus antiquis Canonibus innititur: *cùm nusquam sacri Canones sanxerint, &c.* In

vigesimo secundo habentur hæc verba : *Concordans prioribus Conciliis sancta hæc, & universalis Synodus definit, &c.*

4. Sed quis credat octavam Synodum antiquorum Canonum auctoritatem non satis fuisse veneratam, lectis hujusmodi verbis act. 10. cap. 1. *Regulas, quæ sanctæ, & Apostolica Ecclesia tam à sanctis famosissimis Apostolis, quam ab Orthodoxorum universalibus, nec non, & localibus Conciliis, vel etiam à quolibet Deilogo Patre, ac Magistro Ecclesia tradita sunt, servare, & custodire prostemur, his, & propriam vitam regentes, & omnem Sacerdotii cathalogum, sed & omnes qui Christiano censentur vocabulo, penis, & damnationibus, & è diverso receptionibus, ac justificationibus, quæ per illas prolata sunt, & definitæ, subijci canonicè decernentes; tenere quippè traditiones, quas accepimus sive per sermonem, sive per epistolas Sanctorum, qui antea fuisse, Paulus admonet apertè magnus Apostolus.*

5. Canones illius Concilii mores in Gallia receptos, & jura Regia non ita offendunt, ut hinc inferre liceat ad repudiandos eos adhibitas fuisse Ecclesiæ Gallicanæ libertates, ut ex summario eorum examine liquebit.

6. Duodecimus Canon, inquit Dominus de Marca, *Principum suffragia ab Electionibus ardet, cum tamen absque Regis consensu, etiam post octavam Synodum Electiones in Gallia non fierent: sed non penitus excludit Canon ille ab Episcoporum Electionibus Principum suffragia. Daninat tantummodò factas PER VERSUTIAM, ET TYRANNIDEM PRINCIPVM. An libertatis Ecclesiæ Gallicanæ dixerit partem esse, ut per versutiam, & tyrannidem Principum Episcopi eligerentur? An etiam libertas Ecclesiæ violaretur, si usquequæ Principum suffragia ab electionibus arcerentur?*

7. Decimusseptimus, ut supponit idem Auctor, *Episcopos omnes sistere se Concilio Patriarcha jubet, neque Principum jussu impediri, cum tamen à Regno discedere & Synodo interesse absque consensu Principum vetitum esse Gallicanis Episcopis doceat Hincmarus, &c. An de jure, an de facto loquebatur Hincmarus? causabatur Archiepiscopus ille à Regno discedere ob prohibitionem Regis se non posse. Jus autem prohibendi Regi non tribuebat. Imò epist. ad Nicolaum Papam, quæ decimusseptimum locum occupat in tom. 2. editionis Sirmondi fati apertè declarat, teneri quemlibet Episcopum à summo Pontifice Romam*

vocatum accedere; Dignum, & iustum est; ut quicumque Episcopum Romanus Pontifex ad se Roman venire mandaverit, si infirmitas, vel gravior quacunque necessitas, vel impossibilitas, sicut sacri præfunt Canonēs, eum non detinuerit, ad illam venire studeat. Atqui sacri Canonēs jus Regibus non concedunt, sed potius negant, Episcopos, quominus à Regno propter Ecclesiastica negotia exeant, prohibendi; Nam v. g. Concilium Aurelianense III. anno 538. Episcoporum excusationem rejecit, qui à Conciliis abessent eo prætextu quod haberentur in loco alteri Principi subiecto, quasi non liceret Episcopis ob causas Ecclesiasticas proprii Principis territorio excedere. Hanc Ecclesiæ seu Episcoporum libertatem acerrimè vindicaverat Concilium Turonense II. anno 567. can. 2. cuius hæc sunt verba; *Bis ad Synodum quolibet anno Episcopi Comprovinciales cum Metropolitano conveniant, aut saltem semel, sine cujuslibet excusatione persona, id est Regia, vel privata... sed sicut dictum est neque per impedimentum ordinationis Regia, neque sub occasione utilitatis... debeat à Concilio separari, Apostolo prædicante: Quis nos separabit à charitate Christi, tribulatio, an persecutio, an gladius, &c. ... NON DEBET SPIRITUALI OPERI ETIAM REGALIS PRÆFERRI PRÆCEPTIO, cum primum in Ecclesia sit mandatum: Diliges Dominum Deum tuum ex tota, &c. Unde non debet præcepto Domini persona cuiuslibet hominis anteponi, neque debet terrena conditionis actio, vel persona terrere, quos Christus spe Crucis armavit. Addit poenam excommunicationis. Vide S. Bernardum epist. 131. eximium summi Pontificis jus ad vocandos ad se Episcopos declarantem.*

8. Sed suam mentem aperit ipse Hincmarus. Statim enim post verba jam jam relata ista subjungit; *Et quicumque viderit, vel audierit quod Rex, & Episcopi Apostolica Sedis summum Pontificem propitiè obaudiunt, & honorant, & promptius, & humiliter eis subiecti sui obediant. Debent ergo & Rex, & Episcopi summo Pontifici obedientiam in huiusmodi rebus præstare.*

9. Adde Canonem illum ed præcipue spectare non ut Principibus prohibeat, ne Præfules ab adeundo Concilio Patriarchali deterreant, sed ut Metropolitani Concilio interesse nolentes excusationem illam falso non prætendant. *Sed quoniam sunt quidam Metropolitanorum (verba sunt Canonis) qui non secundum vocationem Apostolici Præsulis occurrant, à mundi Principibus se detineri sine ratio-*

*ratione causantur; FLACVIT TALEM EXCVSATIONEM OMNIMODIS ESSE INVALIDAM . . . . licet tale impedimentum & fictam prohibitionem Metropolitanorum suggestione diversis modis fieri didicerimus. Eum dixi præcipuum esse Canonis scopum. Nam damnat etiam Principes qui Episcopis obstant (intelligo sine iusta causa,) ne accedant ad Concilia, ut enim culpandi non essent Reges qui Episcopos congregari non sinerent, quos certo scirent, aut non temerè iudicaret aliquid contra Regnum, aut Reges ipsos injustè moliri: ita impietatis rei essent, ut notat idem Canon, si Congregationem Synodorum, dùm Ecclesiæ necessaria sunt, impedirent: Rationem exprimit his verbis; Cum enim Princeps pro suis causis Convectus frequenter agat, IMPIVM EST, ut summos Praefules ad Synodos pro Ecclesiasticis negotiis, & ut jam in exordio legitur, urgente necessitate celebrandas impediant; vel eosdem à Conciliis eorum prohibeant. Tantùmque abest ut statutum illud Ecclesiasticam libertatem violet, ut ipsa etiam Gallicana Concilia declaraverint, quod supra notavimus, non esse iustam absentiam à Concilio causam, quod Episcopi in alterius Regis ditione constituti sint.*

10. Eodem Canone 17. prohiberi putat prædictus Autor; ne Synodus fiat præsentis Principe; quod moribus Gallorum adversabatur, qui Synodos in Palatio ut plurimum celebrabant, etiam sub Carolo Calvo post octavam Synodum. Verùm finis quoque præcipuus istius Canonis est, docere, Principis præsentiam non esse necessariam, ut ex ejus verbis colligitur, quæ sunt ista: Illud autem tanquam perosum quiddam ab auribus nostris repulimus, quod à quibusdam imperitis dicitur, non posse Synodum absque Principali præsentia celebrari: cum nusquam sacri Canonis convenire Principes sæculares in Conciliis sanxerint, sed solos Antistites; Unde nec interfuisse illos Synodis, exceptis Conciliis universalibus, invenimus. Subjungit quidem ista: neque enim fas est sæculares Principes spectatores fieri rerum, quæ Sacerdotibus Dei nomenclantur eveniunt: Sed hæc dictorum potiùs rationem quàm expressam continent prohibitionem.

11. Sed quid ista omnia Ecclesiasticam libertatem juvant? Nunquid tunc libera est Ecclesia, cùm ei dominantur Principes sæculares? Quando Reges non eo moventur Ecclesiasticæ disciplinæ zelo, quo flagrabant Carolus Magnus, Carlomannus, Ludovicus Pius, & alii quidam, nonne nec-



tuendum est, ne illorum præsentia suffragiorum libertatem tollat potius, quàm procuret, præsertim si quid eis displiceat, aut incommodum sit?

12. Nec fuit in Gallia mos constans, ut Principes Conciliis interessent. In prima Dynastia Clodoveus aberat à Concilio Aurelianensi, quod, cum primum fuerit in Gallia sub Regibus Christianis; ceu exemplar intuendum vult alibi Petrus de Marca. Cum Charibertus Prætextatum Rothomagensem Archiepiscopum in Synodo Parisiensi judicari postularit, tradito Episcopis Canonum Codice recessit ante causæ discussionem, ut notat Gregorius Turonensis. Verum quidem est Regem tunc partem fuisse.

13. In secunda Dynastia Reges sæpè in Conciliis præsentes extiterunt, at non solum annuentibus, sed etiam interdum hortantibus Summis Pontificibus, quibus perspecta erat illorum Religio, & Ecclesiasticæ disciplinæ zelus; & quia illorum autoritas Ecclesiæ tunc temporis maximè necessaria erat. At fuit aliquoties in Conciliis Carolus Calvus etiam post octavam Synodum, quæ id prohibuisse videbatur. Ego quidem arbitror aliquando Hincmarum Archiepiscopum Remensem, qui, ut jam diximus in Regis animum magnâ pollebat autoritate, operam dedisse, ut Regis præsentia intercederet in Conciliis, in quibus obtinere aliquid cupiebat, ut depositionem Nepotis in Concilio apud Attinacum anno 870. mense Maio. Aliquando Carolus proprias rationes curaturus interfuit, ut Ticinensi, & Pontigonensi anno 876. in quibus confirmatum illi fuit Imperium, scilicet à Joanne VIII. Pontifice in Ticinensi, & à Sedis Apostolicæ Legatis in Pontigonensi. Ergò sanctæ Sedis, vel saltem Episcoporum consensus Regis præsentiam probavit.

14. In tertia Dynastia, sive quod octavæ Synodo parere vellent Reges Galliæ, sive aliis de causis rard interfuerunt Conciliis, nisi fortè à Summis Pontificibus invitati, ut Ludovicus Crassus Concilio Remensi, cui præfuit Calistus II. aut ex alia occasione admodum rara.

15. Denique supponere videtur Autor, qui supra, Canonem 22. octavæ Synodi Laicos ab Episcoporum electionibus omnino excludere. Verum eis permittit Canon, ut ab Ecclesia



clesia invitati accedant ; si verò quis Laicorum ad concertandum , & cooperandum ab Ecclesia invitatur , licet huiusmodi cum reverentia , si fortè voluerit , obtemperare se asciscendis. In hoc autem quod liberam , & indefinitam facultatem Laicis non concedit , libertatibus Ecclesiæ Gallicanæ , ut communiter definiuntur , consentit. Concordans prioribus Conciliis , ut verbis ipsiusmet Canonis utamur.

## C A P U T V I I I.

*De Regibus Christianissimis libertatum Ecclesiæ Gallicanæ defensoribus , & de Universitate Parisiensi earum propugnatrice.*

1. **P**etrus de Marca , & Petrus Puteanus , qui ad libertates Ecclesiæ Gallicanæ pertinere volunt , ut Rex Franciæ in temporalibus Romano Pontifici non subiaceat ; varia veterum Regum exempla Summis Pontificibus resistentium in rebus ad dominium , aut regimen temporale spectantibus , referunt , sed quid de illis sentiendum sit ex dicendis circa primam propositionem in libro sequenti intelligetur.

2. Hic tantum animadvertendum est Principes , dum iura sua se tueri profiterentur , libertatem quidem Regni obtendisse , non autem libertates Ecclesiæ , sed potius adversus illos , has libertates fuisse allegatas : Quando , inquit Gotfridus in opusc. ad Callixtum Papam cap. 6. *Ecclesia Seculari Potestati subiecitur , qua ante Domina erat , ancilla efficitur , & quam Christus Dominus dicitur in Cruce , & quasi propriis manibus de suo sanguine scripsit , chartam libertatis amittit.* Dixerat autem cap. 4. Rex , & Romanus Pontifex cum unus contra alium , alter pro Regii consuetudine , alter pro Ecclesiæ libertate erigunt , REGNUM ILLAM CONSVETVDINEM OBTINERE NON POTEST , NEC POTERIT ; & Ecclesia sua libertatis amittit plurimum. Non à Philippo IV. sed à Bonifacio VIII. Ecclesiæ libertas allegabatur. Rex tantum libertatis nomen ad significandam liberationem à jugo legis Mosaicæ , aut à Diabolica tyranide institutum volebat , ideoque illam Laicis cum Ecclesiasticis esse communem.

3. In.

3. In alio sensu Reges Gallix dicuntur à Clero Gallicano libertatum illius Ecclesiæ Protectores, quia scilicet autoritate Regia impediuntur, vel reparantur injuriæ, quæ à Curia Romana illius Regni Ecclesiæ inferri prætenduntur. Sed quàm duram servitutem induxerit illa libertatis protectio, & jam in primo libro insinuavimus, & adhuc magis demonstrabimus, ubi de appellationibus tanquam ab abusu differemus.

4. Nusquam autem in antiquis monumentis legitur, Reges Franciæ Protectorum, aut Defensorum Ecclesiæ, vel libertatis Ecclesiasticæ, titulo insignitos, quod Summis Pontificibus restitissent, etiam prætextu amovendæ à Clero Gallicano injuriæ à Curia Romana illatæ. Rarissima sunt vetera hujusmodi tutionis exempla, nisi fortè aliquando Reges Episcopis, quos diligebant, nomen suum commodaverint, ut Carolus Calvus Hincmaro Remensi in virulentis illis ad Hadrianum II. litteris, quæ extant in 2. tom. operum dicti Hincmari sub num. 42. edit. Sirmondi, & in litteris ad Joannem VIII. quæ sunt ibidem num. 47.

5. Illustis libertatum Ecclesiæ Gallicanæ propugnatrix est Academia Parisiensis, cujus olim maxima erat in illo Regno autoritas. Ex præscripto S. Pauli 1. ad Timoth. 3. *Oportet Episcopos esse Doctores, & illi legitimi, ac proprii sunt magistri à Spiritu sancto positi, non solum, ut autoritate sua regant Ecclesiam, sed etiam ut predicatione ac doctrinâ pascant.* Unde, ut notat S. Hieronymus in hæc verba epistolæ ad Ephesios cap. 4. vers. 18. *Alios autem Pastores, & Doctores; Omnis Pastor Doctor: non omnis qui Doctor, est & Pastor.* Et S. Augustinus epist. 59. *Pastores autem, & Doctores, quos maxime ut discernerem voluisti, eosdem puto esse, sicut & tibi visum est, ut non alios Pastores, alios Doctores intelligamus; sed ideò cum prædixisset, Pastores, subjunxisse Doctores, ut intelligerent Pastores ad officium suum pertinere doctrinam, &c.* Tamen multiplices illorum curæ vix tempus concedunt studendi rebus, quibus indigent, ut potentes sint exhortari in doctrinâ sana, & eos, qui contradicunt arguere, quemadmodum præcipit Apostolus ad Titum 1. in adjutorium advocandi fuerunt Doctores, qui sapientiam omnium antiquorum exquirentes in Prophetis vacantes, narrationem virorum nominatorum conservantes, in versutias parabolarum simul introcuntes, occulta proverbiorum exquirentes, & in absconditis para-

*bolarum conversantes in medio Magnatorum ministrarent*, ut de sanctis Doctoribus canit Ecclesia ex Ecclesiast. 39. Ex quo factum est, ut maximus honor rerum Divinarum Doctoribus merito tribueretur.

6. Inter cæteras non solum Gallia, quibus sine dubio præminet, sed etiam totius Europæ Universitates celebris semper extitit Parisiensis fama, & in negotiis omnibus Ecclesiasticis auctoritas, ut in ejus historiâ non ita pridem editâ legenti cuique licet advertere. Summa fuit ejus in propagandâ fide, in extirpandis schismatibus, atque componendis controversiis diligentia, & industria.

7. Extirpandi schismatis desiderium olim illi suâsit præponendum esse Summo Pontifici Concilium Oecumenicum, dum quis esset legitimus Pontifex non satis constaret; quæ sententia certissima videtur, deinde etiam si legitimum esse Pontificem non dubitaretur, Concilio postpositus est. Postea verò non esse infallibile Pontificis judicium, etiam circa Jus Divinum, & Ecclesiasticum assertum est à multis ejus alumnis contra antiquorum, & multorum etiam ex Recentioribus ejus Facultatis Doctoribus sententiam, quos libro 7. referemus.

8. Cum vel Pontifices, vel Pseudo-Pontifices exactionibus, ac Beneficiorum reservationibus Ecclesiam Gallicanam opprimerent, Universitas studii Parisiensis, & quantum potuit restitit, & Principis, ac Senatûs potestatem implorandam duxit. Atque hinc evenit, quod supra dicebamus, ut paulatim Magistratus sæculares rerum, & negotiorum ferè omnium Ecclesiasticorum judicium sub prætextu conservandæ libertatis, corrigendi abusus, tuendæ possessionis, &c. usurpaverint.

9. Absit à me, ut florentissimæ illius Academiæ famæ aliquid detractum velim, quippe qui sciam quantum doctrinâ suâ Christianæ Reipublicæ conferat, tamen dissimulari non potest celebrem illam Academiam ad Principum voluntatem nimium aliquando deflexisse. Id fateri videtur etiam Cæsar Egassius Bulaeus in historia Universitatis Parisiensis tom. 4. ad annum 1379. tempore Schismatis accidisse. Nam licet electio Urbani VI. magis canonica videretur, ejusque partes secuta primum fuisset, tamen ad Clementem VII. accessit, eo quod

Rex Carolus Quintus, & Regni Magnates ejus partes amplexi fuissent. *Estendum tamen est, inquit Bulæus, plus ipsam Gallicani status intuitu adductam, quam causæ Clementina bonitate convictam consensisse, futuramque fuisse neutrius partis, si Respublica id fere potuisset, cujus interest in iis præsertim rebus, in quibus de Religione agitur habere consensum saltem publicum, si non animorum.* Papæ judicium infallibile non esse tunc Facultas Parisiensis decrevit, cum Reges à Romano Pontifice dissiderent; Quæ in re Principum potentissimorum, ac præsentium, desiderio aliquid concessum est.

10. Nec absuit fortassis proprii honoris, & utilitatis studium à posterioribus Doctorum deliberationibus. Primò infallibile Papæ judicium, sibi injuriosum declararunt in censura Anadæi Guimenii anno 1665. quasi non pari ratione possent Oecumenicorum Conciliorum infallibilitatem suæ injuriæ adscribere. Nec in causis Fidei, & Religionis Judices à Deo instituti sunt, sed Consultores tantum adhibiti Doctores Episcopali caractere non illustrati, & à Summis Pontificibus, sicut à Conciliis Oecumenicis perinde consuli possunt in difficultatibus, quæ studium, & animi perspicaciam desiderant.

11. In Beneficiis laborabant illi, ut arbitror, pro Dei honore, & Ecclesiæ utilitate, suspectus nihilominus erat illorum zelus, cum ea suis conferri curabant, quæ in re coacti sunt agnoscere scrupulosam Canonum observantiam aliquando Ecclesiæ obesse. Beneficiorum enim dispensationem liberam Episcopis dimitti, quibus ex jure communi competit, tam ægrè tulerunt, ut à Lectionibus cessaverint, donec illa libertas, antiquis Canonibus confirmata abrogaretur: *Eodem anno, inquit Bulæus supracitatus ad annum 1399. per totam quadragesimam cessatum est à Lectionibus in Universitate teste Joanne Furvenale de Ursinis: PROPTEREA QUOD EDICTO REGIO REDDITA EVERAT ORDINARIIS omnimoda Beneficiorum Ecclesiasticorum DISPOSITIO, ET DISPENSATIO.* Videbat Universitas Prælatorum in distribuendis Beneficiis injustitiam: Experta autem antea fuerat Universitas eos famulis, & famulorum amicis ea conferre solitos potius quàm doctis, & literatis; Quæ res plurimas turbas excitasset inter partes nisi satisfactum fuisset Universitati.

12. Undè patet quàm incongruè libertates Ecclesiæ Gallicanæ in illibatâ antiquorum Canonum custodiâ eorumque adversus Summum Pontificem propugnatione collocentur: quandoquidem Universitas Parisiensis antiquis Canonibus, Beneficiorum collationes Episcopis adscribentibus, derogandum censebat; urgebatque, teste eodem Bulæo, ut illa collatio Summo Pontifici reservaretur, quem sperabat æquius illa dispensaturum. Sunt alia quamplurima in historia prædicta, ex quibus constat Universitatem Parisiensem in suum commodum Canonibus per privilegia derogari à Summis Pontificibus impetrasse.

13. Donentur sanè Beneficiis viri graduati, dummodò Universitates nonnisi capaces ad gradus promoveant, iique aliundè Beneficiis digni sint. Consulantur in rebus obscuris, & difficilibus Doctores pietate, ac doctrinâ celebriores, sed supremæ Romani Pontificis autoritati antiqua reverentia, & debita restituatur obedientia; salva sint Universitatibus sua privilegia, sed autoritas à qua emanarunt, ut par est, excolatur.

## C A P U T IX.

### *De Joanne Gersonio Cancellario Parisiensi.*

1. **S**I libertates Ecclesiæ Gallicanæ doctrinâ Illustrissimo-  
rum Antistitum Conventus Parisiensis continerentur, non immeritò earum præcipuus Autor laudaretur Joannes Gersonius Universitatis Parisiensis Cancellarius, vir pro sua pietate, doctrinâ, & zelo plurimum commendandus. Ipse enim Primus ex Theologis Catholicis Summum Pontificem Concilio generali inferiorem, & errori, etiam cum tanquam supremus Pastor aliquid toti Ecclesiæ fide Divinâ credendum proponit, obnoxium esse docuit; Quæ duo capita principaliora sunt; alia etiam tradidit, sed non adeò absolute.

2. Non potuit tamen Gersonius ab antiquorum doctrinâ ità recedere, quantunvis adversus immensos sui temporis abusus stomachatus, quin plures supersint in ejus operibus

132 TRACTATUS DE LIBERTATIBVS,  
sententiæ propositionibus Comitrorum Cleri Gallicani ad-  
versæ, ut suis locis ostendemus.

3. Multa concurrerunt, ut Gersonius suæ doctrinæ plu-  
rimos in eo Regno Discipulos habuerit. Remissus aliquan-  
tùm aritus sanctæ Sedis cultus à tempore diffidii inter Boni-  
facium VIII. Papam; & Philippum IV. Franciæ Regem,  
nec non ob asperum à vicinis Pontificibus tum legitimis,  
tum schismaticis, aut dubiis impositum circa Beneficia, &  
redditus, jugum: confusio Ecclesiastici regiminis, & cor-  
ruptio disciplinæ, ob diuturnum & pertinax schisma; ipsius  
Gersonii fama, nec non ejus in extinguendo schismate zeli  
prosper eventus, naturalis hominum propensio ad immi-  
nuendam superiorum, quorum præceptis promptius, ac fre-  
quentius urgentur, autoritatem: adhæsiō succedentium  
Doctorum sententiis, quas Academiæ suæ proprias, & ni-  
hilominus insignes, arbitrantur.

4. Verumtamen, si Gersonii autoritatem spectes, etsi non  
contemnenda sit, propter eas quas diximus ipsius dotes, est  
tamen aliorum ejusdem Academiæ alumnorum contraria sen-  
tentium, v. g. S. Thomæ, & aliorum, quorum testimo-  
niis utimur, autoritate, minoris in Ecclesia existimationis:  
si ejus doctrinæ fundamenta solo veritatis amore diligenter  
scruteris, minùs quàm contrariæ, quæ in libris sequentibus  
proferentur, solida comperies. Si ergò autoritate metienda  
est doctrinæ dignitas, plus est iis tribuendum, quorum &  
persona, & scripta publicè tota veneratur Ecclesia: si solis  
cedendum est probationibus, priùs exuendus est privatus af-  
fectus, & dimittenda præjudicia: Quæ conditiones in om-  
ni contentionum genere mutuò ab utraque parte postu-  
lantur, sæpiùs à neutra præstantur, hic omninò necessariæ  
sunt.

5. Edmundus Richerius antequam adversus sanctæ Sedis  
Dignitatem stylum apertè convertisset, Gersonium Apolo-  
gia indigere sensit. Quamobrem in ejus vita, quam cum hoc  
titulo ejus operibus editionis anni 1606. præfixit (ejus  
enim editionis autorem se ipse prodit in præfatione ad suas  
vindicias, quod obscurè tantum indicaverat Illustrissimus  
Cardinalis Perronius in Oratione ad tres Ordines Regni Fran-  
ciæ

ciæ an. 1614.) Vita Joannis Gersonii Doctoris, & Cancellarii Parisiensis ex ejusdem operibus collecta an. 1606. Illic objicit sibi Richerius; At inquit, lib. de ascribilitate Papa edidit. Respondet. Verum id quidem est, sed attende ad schisma, quo bacchante lucubratus fuit, tum omnia bene concordabis. Enimvero Parisiensis Academia, cum ducis Antipapas de Ecclesia autoritate sic inter sese collidentes cerneret, ut neque actu neque habitu, unienda, & concordanda Ecclesia rationem retinerent, &c. Et infra; Ceterum qui libellum de ascribilitate cum titulo comparavit, omniaque benignè examinavit, animadvertet tractatum hunc eruditissimum non id velle quod hæretici cavillantur, aut invidiosum illud lemma præferre: Quoniam Ecclesia auctoritatem non absolute, & formaliter, sed CASVALITER TANTVM quoad abusum, & exercitium auctoritati Pontificie antecellere demonstrat Gersonius.

6. Certè Gersonium zelo suo contra abusus, quos & in Ecclesiastico, & in politico regimine invaluisse cernebat, longius quàm par erat, abreptum fuisse, nemo sapiens, ac justus negabit. Audi enim quid scripserit de summis Pontificibus Tomo secundo in regulis moralibus tit. de præceptis Decalogi. Casus multi esse possunt, in quibus aliquis se gerens pro Papa, & pro tali habitus ab Ecclesia, poterit à subdito licitè vel occidi, vel incarcerationi, vel per medium quandam appellationis ab eo, vel subtractionis à sua obedientia, declinari, nisi fortè obstat monstretur constitutio aliqua non humana solùm, sed Divina atque revelata, huic naturali juri præjudicans.

7. Nec mitiùs egit erga Principes Politicos. Ait enim opusc. contra adulatorem. Confid. 7. Error est dicere terrenum Principem in nullo suis subditis dominio durante obligari, quia secundum jus Divinum, & naturalem aequitatem, & verum domini finem, quemadmodum subditi debent fidem, subsidium, & servitium domino, sic etiam dominus subditis suis fidem debet, & protectionem, etsi eos manifestè, & cum obstinatione in injuria, & de facto prosequatur Princeps, tunc regula hac naturalis: Vini vi repellere licet locum habet, & id Seneca in Tragediis. Nulla Deo gravior victima, quam Tyrannus, &c. Ad idem est Tullius 3. de Officiis. Vide serm. ad Regem nomine Universitatis Parisiensis.

8. Sed si in communi Gallicanarum libertatum definitione stemus, non poterit Gersonius earum fautor censerì, qui Canonibus, præsertim in favorem Litteratorum, & maxime Theologorum, derogandum pluries sensit. Status Prælationis (inquit in opusc. de statibus sub titulo de statu Prælatorum

confid. 14.) si fiat limitatio sui usus in Beneficiis conferendis, vel in exemptionibus, non debet rationabiliter conqueri, dum hoc manifeste sit propter studium litterarum, præsertim sacre doctrine.

9. Credo equidem Gersonium, & Universitatem ipsam, ut jam antea dixi, litterarum profectum, & fructum in Ecclesiam à viris doctis proventurum spectasse, in procurandis beneficiis, ac exemptionibus, Magistris, & Alumnis suis contra juris communis dispositionem. Sed cur Regularibus, aut alterius conditionis hominibus bonum similiter finem propositum in petendis privilegiis non tribuamus? Cur Universitas Parisiensis tot favoribus à sancta Sede donata, similia beneficia cæteris invidet? Cur verò supremum Ecclesiæ Pastorem erga nos tantum fidelem, & prudentem dispensatorem, erga alios prodigum dissipatorem judicabimus? Cur Canonum tantum nobis commodorum violatio, servitus intoleranda reputabitur, minus commodorum dispensationem non solum tanquam licitam, sed & ferè ut debitam impetrare nitemur?

10. Fateor, & sæpè profitebor sanctis illis Ecclesiæ legibus esse strictè inhærendum, quandiu gravissima causa recedere ab illis non cogit; sed propter quosdam abusos potestatem ipsam negandam non esse defendendo, præsertim ab illis, qui frequenter ad eam recurrunt.

## C A P U T X.

### *De quibusdam aliis Scholæ Parisiensis Doctõribus.*

1. **P**ost Gersonium, schisma inter Eugenium XVIII. Papam & Concilium Basileense, occasionem præbuit scholæ Parisiensis sese in celebris illius Cancellarii doctrina firmandi, ac nonnullis Doctõribus pro ea scribendi. Deinde orto dissidio inter Julium II. summum Pontificem, & Ludovicum XII. Franciæ Regem, Joannes Major, & Jacobus Almain in Ludovici defensionem eandem doctrinam adhibuerunt. Eam ferè sopitam initio hujus sæculi suscitavit Edmundus Richerius; alii identidem promoverunt, donec Illustris-



Iustrissimi Præsules Parisiis congregati; sua declaratione, ac Regis brachio adversus renitentes invocato, eam ita stabilire conati sunt, ut ab ea nemo dissentire auderet, & ex modernis aliis eam palam profitentibus, aliis impugnare non audentibus, ad posteros tanquam indubitata transmitteretur.

2. Sed non defuerunt unquam in Gallia, nec in ipsa quidem schola Parisiensi, qui summi Pontificis causam tuerentur: & quæ veritatis vis est, sperandum est non defore, qui absque præjudicio, & privato affectu de rebus judicent, & contentis pollicitationibus, & minis, quod sentiunt, liberè promant.

3. Non est autem hic de singulis dicendum, qui prædictam doctrinam, vel propugnarunt, vel impugnarunt. Cum enim ejus defensorum opuscula collegerit in suis vindictiis Edmundus Richerius, illa simul cum ejus *Libello de potestate Ecclesiastica, & politica* in libro nostro octavo recensebimus: eorum autem, qui contra senserunt testimonia circa quamlibet propositionem referemus.

4. Sed non idem fuit omnium illius doctrinæ propugnatorum aut scopus, aut affectus. Quidam enim, alii aliis modestius, Patronorum tantum seu Advocatorum personam sustinuerunt. Quidam nebulonum more pacem turbare studebant: alii injuriam sibi, ut putabant, illatam ulciscentes, dolorem hac ratione lenire conati sunt: alii vel eximii ingenii laudem, vel præmium aucupati sunt; alii, ut credere par est putabant obsequium se præstare Deo, ac veritati testimonium perhibere. Quæ autem, cujusque mens fuerit, Deus scit. Nobis judicare non licet, nisi quantum eorum verba, & stylus significant. Duorum tantum, utpotè magis insignium specialis nunc temporis facienda est mentio, scilicet Edmundi Richerii in hoc capite, & Joannis Launoi in sequenti.

5. Ne quis autem putet nos temerè dixisse aliquos eam in partem pravo affectu impulsos, præmittendum est quod scribit Henricus Spondanus ad an. 1627. num. 2. occasione censuræ libri Antonii Santarelli. *Ceterum, inquit, quoniam hæc Doctorum Sorbonicorum dissidia non aliunde procedebant, quam ex occultis schismatis*

136 TRACTATUS DE LIBERTATIBVS,

tis feminibus, quæ à multis forebantur; occasione inde sumta, Eminentiſſimus pietate, & doctrina Franciscus Cardinalis Rupifocaldus pro ſuo in conſervationem unionis Eccleſiæ, quam iſti diſſerpere ſtudabant, zelo, libellum ſcripſit in ſibiſmaticos, quæ Regi dicavit, hortans, ut tanto malo autoritate ſua prævertiret.

6. Sed ad Richerium. Prodiit an. 1611. liber. De Eccleſiaſtica, & politica poteſtate ſuppreſſo autoris nomine. Die nona Menſis Martii proximè ſequentis damnatus eſt à Concilio Provinciali Senonenſis, Præſide Illuſtriſſimo Cardinali Perronio; Ob multas, verba ſunt Decreti, quæ continet propoſitiones, expoſitiones, & allegationes falſas, erroneas, ſcandalofas, ſibiſmaticas, & ut ſonant, hæreticas. Simili cenſura notatus eſt die 24. Menſis Maij etiam proximè ſequentis à Concilio Provinciali Aqueſi, ſcilicet ut continens propoſitiones, allegationes, & doctrinas falſas, ſcandalofas, ſibiſmaticas, hæreticas, & impietatem, gravemque errorem ſapientes. Utrumque Decretum refertur à Patre Labbeo tom. ult. Conciliorum.

7. Condemnationem illam narrat Sponidanus ad annum 1612. n. 3. & addit; Idemq; Richerius autoritate Regiæ, & Decreto Facultatis depoſitus eſt à Syndicatu ejuſdem Facultatis, quem gerebat. Fuerunt etiam multi, qui contra eundem libellum ſcripſerunt: pleniffimè conſutavit Andreas Duvallius inſignis Doctor Sorbonicus, & Regius Theologia Profeſſor in Univerſitate Pariſienſi primarius: haud tamen propterea ceſſante Richerio à ſuis MOLITIONIBVS, QVIBVS multos alios in ſuas partes allegit, CVM VEHEMENTI ſUſPICIONE SCHISMATIS. Illius libelli præcipuum fundamentum conſutavit validiſſimè doctiſſimus Pater Petavius Aurelianenſis è Societate Jeſu Theologicorum Dogmatum tom 3. lib. 13. cap. 15. & 16.

8. Fuit etiam Romæ damnatus Richerii libellus, primum ſine nomine autoris, deindè nominato Autore, ut videre eſt in Decreto Sacræ Congregationis Indicis 2. Febr. an. 1622.

9. Illuſtriſſimus Cardinalis Perronius in ea, quam habuit ad tres Ordines Regni Franciæ an. 1614. oratione; tacito Richerii nomine, illius conſilium in curanda nova operum Gerſonii, cum ejus effigie, cum elogiis, & inſcriptionibus editione, detegit, quod ſcilicet Gerſonius adverſus Romanum Pontificem ſcripſiſſe videretur. Licet enim, ut diximus, Car-

Cardinalis Perronius de industria Richerii nomen subticuerit, prodit se ipsemet Richerius in suarum vindictiarum præfatione ad Lectorem his verbis; *Cardinalis Perronius eidem (Richerio) in Conventu trium Ordinum Regni Galliarum anno 1615. grandi vitio dedit, quod Joannis Gersonii Doctoris Christianissimi opera de integro novis typis excudi procurasset anno 1606.* Tot sunt in Gersonii vita ejus operibus editionis prædictæ præfixa, sententiæ in aliis Richerii operibus iisdem verbis repetitæ, ut tacente etiam Richerio stylus ipse satis eum indicasset.

10. Accusat autem Illustrissimus Purpuratus eum, vel eos (loquitur enim in numero plurali, fortè ut invidiam minuatur) qui Gersonii opera de integro novis typis excudi procuraverant, quod Autores deinde fuerint propositionis illius, contra quam tum perorabat, quæque Romano Pontifici omnem prorsus jurisdictionem, tum directam, tum indirectam in temporalia Regum adimebat; Cum antea, scilicet tempore Henrici III. Franciæ Regis, quando bellis civilibus flagrabat Gallia, ipsi quasi antesignani, aut potius fauces extitissent seditiosæ doctrinæ, quam adversus Regem defendebant, & vulgabant in thesibus disputatis ac typis excusis. Ex quibus thesibus duas istas refert; „Certissimum est „comitia, seu status de jure Divino, ac naturali Regibus „esse superiores. Licitum fuit cunctis Franciæ populis arma „capere adversus tyrannum, quo nomine intelligebant Henricum III. Addit autem prædictus Cardinalis, putasse illos culpam posse diluere, si ad alteram partem, & quidem extremam se transferentes in summum Pontificem stylum converterent, ac decertarent.

11. Qua in re, subjungit idem Cardinalis, quoniam cum hostibus Ecclesiæ consentiebant, aut saltem propè ad illos accedebant, multos nacti sunt adjuutores, ac fautores, à quibus inducti sunt, ad emittenda, prætextu obsequii Regi præstandi, schismatis semina. Undè constat quam parum famæ suæ consulant, qui à Richerio præsidium accersunt.

## CAPUT XI.

*De Joanne Launoio Theologo Parisiensi.*

1. **J**OANNES Launoius Doctor Parisiensis Richerianæ doctrinæ sectator fuisse videtur. Vir quidem eruditus, sed Censor nimis subtilis, sæcularis potestatis acrior vindex, Pontificiæ ferè impatiens, præsertim ex quo ejus quoddam opusculum sacræ Congregationis indicis censurâ notari meruit. Hanc ille graviter sentiens (quæ enim in Gallorum animis supersunt avitæ erga sanctam Sedem reverentiæ semina ejusmodi censuras contemnere non sinunt, licet aliud aliquandò verbis significetur) aliisque causis impulsus ad imminuendam summi Pontificis auctoritatem se denique ferè totum contulit, congestis in ejus defensores, quos in sum-mario Epistolæ 4. primæ partis *Curia mancipia* vocat, injuriis. Sedeæ est illorum præsertim Baronii, & Bellarmini, quos præcipuè insectatur, doctrinæ, ac pietatis celebritas, ut illius Doctoris scriptis minimè obscurandam putem, maximè cum styli acrimonia exulceratum ejus animum prodatur; ac Romani Pontificis, ejusque Officialium parum æquum Judicem demonstret.

2. Inscitiæ, ac imprudentiæ accusationes præclara Bellarmini, quem sæpius impetit, opera repellunt. Malæ fidei suspicionem arcet eximia pietas, ut injuriæ Launoii sibi, ac suis operibus plusquàm Bellarmino, vel ejus doctrinæ detrahant. Ego quidem, si quid illi. Purpurato minùs exactum exciderit (ut res adeò difficiles prolixè tractanti contingere aliquando potuit) juramento, quod edidit *jam senex, & mortis proximus* plenam fidem non habere crimen putarem, scripsi, inquit in præfatione ad recognitionem suorum librorum, *Deo teste, quod verum esse existimavi, non gratiam hominum, vel propriam utilitatem, sed honorem Dei, & Ecclesiæ commodam respiciens. Neque in scriptis meis aliquid à Divinis litteris, aut sanctorum Patrum regulis alienum sciens posui.* Hoc juramentum plus apud me habet auctoritatis, quàm quod lego apud Launoium Epistolarum parte prima  
epist.

epist. ultimâ, ubi cùm conatus esset probare autoritate Clementis VII. Pontificem Conciliis subesse, subjungit. Nos Clementem, & Sedem Apostolicam sequimur, non Rainaldum, non Curiam: Absit per Deum immortalem.

3. Præcipuum, ac ferè unicum Launoi principium est; in rebus Theologicis, scripturâ, & traditione agendum: quod omnes Catholici libentissimè amplectuntur; Scripturæ autem sacra verba juxta unanimem consensum Patrum accipi vult. Hoc etiam juxta mentem Concilii Tridentini, quod citat, nullus Catholicus inficiabitur.

4. Sed eâ doctrinâ plurimùm abutitur, verba Concilii Tridentini ad alium sensum inflectens: hæc enim sunt verba Concilii sess. 4. *Ad coercenda petulantia ingenia decernit, ut nemo sua prudentia immixtus in rebus fidei, & morum ad adificationem doctrina Christiana pertinentium, sacram Scripturam ad suos sensus contorquens contra eum sensum, quem tenuit, & tenet sancta Mater Ecclesia, cujus est judicare de vero sensu, & interpretatione Scripturarum sanctarum, aut etiam contra unanimem consensum Patrum ipsam Scripturam sacram interpretari audeat. Vetat Concilium Scripturam interpretari contra sensum, quem tenuit, & tenet Ecclesia, aut contra unanimem consensum Patrum; sed non declarat falsa esse censenda quæcumque ab Ecclesia non sunt, ut vera declarata, vel aliquem Scripturæ sensum non esse verum, nisi eam omnes Patres ita interpretati fuerint. Omnia quidem, quæ circa fidem, & mores Scripturâ sacrâ contineri tenet Ecclesia, vel docet traditio Patrum omnium testimoniis comprobata, vera sunt, & certa; sed omnia, quæ vera sunt, & certa, & in Scriptura sacra continentur, non declarabit particulatim Ecclesia, nec unanimes Patrum consensus; atque sine hac declaratione, vel consensu nihil velle admittere tanquam verum, aut certum, etiam si legitimâ consequentiâ ex aliquo Scripturæ loco deducatur, vel aliis solidis argumentis confirmetur, prorsus absurdum est.*

5. Iniqua est igitur Launoi censura contra Bellarminum, quando ejus sententiam rejicit, eò quod non probetur Scripturæ sacra testimoniis unanimi Patrum consensu expositis. Satis enim est, ut ex Scripturæ locis, quæ Bellarminus citat, sequatur conclusio, quam ex illis deducit, licet sancti

Patres eam, quia non sese obtulit necessaria occasio non deduxerint, modò contrariam nunquam intulerint, ut certè non intulerunt. Alioquin enim sequeretur ex innumeris Scripturæ locis nihil Theologicè concludi posse, cum pauca sint, quæ sancti Patres varii variè interpretati non fuerint, ut animadvertere licet: v. g. in illo loco, quem discussit Launoïus initio Epistolæ primæ 6. parte, quique ad astringendam Conciliorum autoritatem proferri solet; *ubi sunt duo, vel tres congregati in nomine meo, ibi sum in medio eorum.* Matth. 18. Quas enim affert sanctorum Patrum interpretationes, illæ inter se discrepant, nec potest aliquis adduci Scripturæ locus ad constituendam autoritatem Conciliorum generalium ad decidendas infallibili iudicio controversias de Fide, aut aliud quid simile præstandum, qui ab aliquo ex Patribus non fuerit in alio sensu acceptus.

6. Quantum ad traditionem; cum traditionum multa sint genera, si eam solam intellexit argumentis Theologicis inservire posse, quæ Divina cum sit, eadem, quæ Scriptura sacra pollet autoritate, ipse nullum argumentum Theologicum oppenit Bellarmino: v. g. ut probet jus convocandorum Conciliorum non pertinere ad solum Pontificem. Quæ enim decem primis epistolis in parte 6. Epistolarum collegit testimonia, ut octo prima Concilia fuisse ab Imperatoribus indicta, ostendat, traditionem Divinam nec faciunt, nec significant; nec circa jus Divinum, sed circa factum non revelatum à Deo versantur. Si traditiones humanas intelligit, non solum ex se infallibili certitudine non gaudent, sed & si alter Launoïus inveniatur, eas in discrimen adducet omnes, aut ferè omnes.

7. Cæterum Launoïus, qui vel Scripturæ locum per unanimum Patrum consensum explicatum, vel traditionem constantem requirit, ut alicui propositioni assensum dare permittat, quomodo præstat ipse, quod ab aliis petit? sine ullo Scripturæ loco, ac sine ulla certa traditione, imò sine ulla ratione positiva unico argumento negativo, ac fortè levis quibusdam conjecturis, testimonia communi omnium consensu recepta passim evertere conatur: vultque Autori fide digno aliquid asserenti non credi, postquam ipse plurimum

rium aliorum idem neque affirmantium , neque negantium verba congestis , quasi unius , aut paucorum assertio , aliorum etiam in majori numero silentio non præponderet.

8. Argumenta Philosophica , & à vera Theologia aliena nuncupat , quæcumque à Scriptura , vel traditione non petuntur : Cum ipse aliquando rationibus utatur , quæ nec Theologo , nec Philosopho , imò nec viro gravi digna sint. Quem enim vel mediocris ingenii virum non pudeat istius , v. g. Launoii ratiocinationis Epistolarum parte prima , epist. ultima. Alexander VII. in Constitutione , quam in favorem sententiæ assertentis Deiparam ab originali peccato fuisse præservatam edidit , utitur his verbis ; *Accedentibus quoque plerisque celeberrimis Academicis.* Inter Academias celebriores est Parisiensis. Academia Parisiensis non habet aliud fundamentum suæ opinionis præter Decretum Concilii Basileensis sess. 36. itaque si Alexander VII. Academias celeberrimas Parisiensem , & Coloniensem ex eo approbat , quod Immaculatam Virginis Conceptionem propugnaverint , BASILEENSE Concilium approbat necesse est. Notat autem ( ut videas quo iudicio ratiocinationem suam componat ) sessionem 36. deposito Eugenio , substituto in illius locum Felice V. & beato Ludovico Cardinali Arelatensi Præsidi celebratam esse. Quasi Alexander VII. non solum approbaverit Decreta Concilii Basileensis Summum Pontificem Concilio subicientia , sed etiam Eugenium IV. ritè depositum , & Amedeum legitimum Pontificem declararit in constitutione circa Conceptionem B. Virginis , in qua ne verbum quidem de illis facit , quæque necessaria omninò non fuisset , si Concilii Basileensis rem eandem statuentis sess. 36. recepta fuisset autoritas.

9. Alia , prout feret occasio , adducemus. Hæc nunc sufficiant ut qui Launoii opera legunt , præsertim ejus Epistolas , quæ omnes , paucissimis exceptis contra Pontificiam auctoritatem tendunt , agnoscant in styli acrimonia , censuræ suis opusculis iniustæ dolorem ; in argumentis frequentius ab eo tractatis , ac ferè in omnibus ejus epistolis , Jurium sanctæ Sedis extenuandorum studium , in probando argumentorum , plerumque negativorum debilitatem , aut conjecturarum argutias , atque ità non ei plus fidei tribuant , quam obtinere ejus probationes mereantur.

10. Quæ cautio eò est magis necessaria, quod ut Doctõ-  
ribus, quos impugnât, conflet invidiam, non solum falsa,  
sed & incredibilia affingit, quis enim ei fidem habeat: v. g.  
cum epist. penult. tom. 1. pag. 7. sic scribit; *Eugenius III. episto-  
lâ octavâ ad Episcopos Germaniâ tradit contra Deum, & Sacrorum Cano-  
num sanctiones nulli omninò petitioni possumus præbere consensum. Novi & cor-  
rupti Doctores tradunt. Romani Pontifices contra Deum, & Sacrorum Cano-  
num sanctiones petitioni cuilibet possunt præbere consensum. An Bellarmi-  
nus, aut alius similis Scriptor tradidit Rom. Pont. contra Deum po-  
sitioni cuilibet posse præbere consensum.*

## C A P U T XII.

*De aliis libertatum Ecclesiæ Gallicanæ defensoribus.*

1. **T**Ractatus omnes, ut in primo libro diximus, aut ferè  
omnes circa materiam istarum libertatum Gallicana-  
rum ante se scriptos in unum volumen collegit Petrus Pu-  
teanus, Gallicè *Du Puy*, &, quia nuda ferè inibi contineban-  
tur dogmata, probationes in alio volumine protulit. Cùm  
autem utrumque malè fuisset exceptum, & quandam inje-  
cisset futuri schismatis suspicionem, magnamque libertatibus  
illis invidiam peperisset, Illustrissimus Petrus de Marca tunc  
Ordinarius in Sacro Regis Christianissimi Consistorio Con-  
siliarius, & in Navarræ Parlamento Præses, quatuor libros  
edidit sub titulo *Dissertationum de Concordia Sacerdotii, & Imperii, seu  
de libertatibus Ecclesiæ Gallicanæ*, quibus post ejus mortem Step-  
hanus Baluzius ex manuscriptis ejusdem Autoris, ut asserit;  
quatuor alios adjunxit, Carolus Fevret deindè, aliique Cau-  
sidici, ac varii generis Scriptores Gallicani nullam prætermi-  
serunt occasionem extollendarum; & multiplicandarum sua-  
rum libertatum.

2. Primum volumen Petri Puteani novemdecim Tracta-  
tus, seu Acta complectitur; in quibus nullum est, quod vel  
ab Officialibus Regiis, vel à Causidicis, aliisque Laicis con-  
scriptum non fuerit, ut mirum videri non debeat, si Po-  
testates sæculares in detrimentum Ecclesiasticæ attollant;  
quan-



quandoquidem hujusmodi Autorum rationes temporales crescere putantur, decrefcente autoritate Ecclesiasticâ, ut etiam qui Clericali charactere insigniti ad officia sæcularia promouentur, sæpè laicalem jurisdictionem protendere magis nitantur, quàm spiritualement, ut deberent, illam servare. Inserta quidem est primo volumini quædam deliberatio Cleri Gallicani, sed occasione tantum apologiæ à Carolo Faye Senatore Parisiensi compositæ, undè in Actorum indice non fit illius distincta mentio, quasi quæ ab Ecclesia emanant, ad libertates Ecclesiæ Gallicanæ non pertinerent, nisi quatenus ad Regem, aut ad Magistratus sæculares ordinantur.

3. Fuerant autem scripti omnes illi Tractatus, aut ferè omnes tempore diffidiorum inter Romanam Curiam, & Gallicanam, omnes post schisma inter Pontifices Romanos, & Avenionenses, Ab Autoribus Potestati Ecclesiasticæ parum æquis, imò si Optato Gallo credimus, quod ipse affirmare non ausim, plerique ab hæreticis. Quamobrem quæcunque ibi continentur, cum & ab Autoribus suspectis profecta sint, & ab antiquitate non commendentur, non majorem merentur fidem, quàm quæ probationibus elicitur, quæ tamen aut nullæ sunt, aut raræ, ac debiles.

4. Alterum volumen in quadraginta capita distinctum edidit Puteanus, ut hunc defectum suppleret. Sed eò tendunt omnia, ut dignitas, & autoritas Regis, Regionumque officialium contra Ecclesiæ jura extollantur. Nullum enim est, in quo de illis principaliter, vel saltem, quamvis rarissimè, minùs principaliter non agatur. Ut intelligas non hic veras Ecclesiæ libertates exponi, sed viam indicari, quâ illa in servitutem redigenda, vel reduccta jam sit à sæcularibus potestatibus.

5. Videtur voluisse Puteanus Regi Christianissimo, ut alio volumine plura Regna, plurimæque Provincias, ita istis libris Ecclesiam ipsam omninò subicere, ut ei supremo dominio uti liceat, in Ecclesiam quidem Gallicanam, quando, & quantum libuerit, in alias verò ditiones cum viribus superior extiterit.

6. Non semel demiratus sum libros Petri. de Marca de Concord-

*fiastica agitur, id fieri ex privilegiis Apostolicis, non autem mero Jure Regio, ut quidam autumabant Marca persuasum esse, hunc libellum typis mandari curavit, ut publica esset doctrina, quam in hac parte sequitur, professio, Itaut si quem dissertationum ejus editio laeserat, hujus libelli editione curaretur. Verba sunt ipsiusmet Petri de Marca, licet in tertia persona, ut in schedulis fieri solet, ab eo prolata*

10. Sanata etiam videntur hac declaratione vulnera Jurisdictionis Episcoporum illata, quandoquidem ex Canonum, & Decretalium mente, quam Marca, exceptis Privilegiis, salvam esse debere insinuavit, potestas Episcopalis à laica prorsus libera est. Cæterum enim Episcoporum jura non parum offenderat v. g. ut hoc tantum exemplum adducam, cum lib. 4. cap. 7. num. 7. Episcopos in rebus Ecclesiasticis Ministerii Regii adjutores tantum exhibet; ipsos verò Reges Episcoporum non solum monitores, sed si deliquerint, etiam ultores; Ait enim, *Mirum nemini esse debet, si ad hoc diligenter rebus Ecclesiasticis se Reges Francorum impenderent, cum eas ad ministerium suum pertinere existimarent, scilicet ut admonitores se præstarent, quo Episcopi ministerium suum juxta Canones peragerent, & in eo capite ministerii Regii adjutores essent. Monitionis autem ea vis erat, ut effectus verba sequeretur, & pena in contumaces.*

11. Non minus infesta sunt Ecclesiæ juribus, quæ in aliis ejusdem argumenti libris sparsa reperiuntur, imò & posterioribus Autoris sensibus, ut ex ultimis ejus operibus conjicitur, valde contraria; Ut Baluzius illos libros, cum aliis in lucem emittens Potestatibus sæcularibus magis placuisse, quam Ecclesiæ rem utilem præstitisse videatur.

12. Sunt adhuc alii prædictarum libertatum defensores; sed ad hoc Ecclesiæ infensi, ut plurima scripserint ab hæresi, vel schismate non longè remota, in quibus examinandis, & confutandis, aut damnandis laudabilius operam collocassent Antistites Gallicani, quam in formandis de universæ Ecclesiæ autoritate Decretis ad remittendam Ecclesiæ Gallicanæ cum Romana necessitudinem, quam ad firmandam, & restituendam concordiam, aptioribus. Ex illis est Carolus Fevret, qui disciplinam Canonicam non ignoravit quidem, nec dissimulavit, sed ut Jurisprudentiæ, ac Politicæ

146 TRACTATUS DE LIBERTATIBVS,  
Francorum subderet. Passim enim in suo tractatu de abusu;  
Canonibus, Decretalibus, aliisque autoritatibus Ecclesiasti-  
cis satisfecisse sibi videtur dum eis Senatus-consultum op-  
posuit.

## C A P U T   X I I I.

*De Episcopis Gallicanis libertates suas defendentibus, præ-  
sertim in Comitibus Parisiensibus.*

1. **V**era, ut libro primo diximus, libertatum Ecclesiæ  
Gallicanæ origo fuit; cum Clerus illius Regni Bene-  
ficiarum reservationibus, exactionibus, aliisque gravissimis  
oneribus à Pontificibus, vel pseudo-Pontificibus tempore  
schismatis oppressi; cœperunt, invocato sæculari auxilio,  
jugum illud excutere, tanquam servitutem antiquæ liberta-  
tis, Canonibus consentaneæ, contrariam. Nec aliud erant  
illæ libertates in sua origine, quàm libera Beneficiorum, &  
redituum Ecclesiasticorum dispositio adversus Pontifices illos;  
eorumque Officiales vindicata. Quæ quidem defensio, quia  
necessaria, & in se justa videbatur, maximas statim vires  
adepta est, & sensim sine sensu ad alia excurrit, in quibus  
minus erat justitiæ.

2. Hactenus tamen nunquam Clerus Gallicanus Ecclesiæ  
sue libertates obtenderat adversus Curiam Romanam, nisi  
quando ab ea se nimis premi, ac juribus suis spoliari arbitra-  
batur. Modò autem cum summus Pontifex Ecclesias Gallica-  
nas à gravissima Regaliæ servitute liberas servare contendit,  
Ecclesiæ Gallicanæ libertates illi objiciuntur, ac gravissimo-  
rum diffidiorum semina sparguntur. Quovis colore suam de-  
clarationem Antistites Parisiis congregati obducant, eam sa-  
pientibus non probabunt; multò minus ejus edendæ consi-  
lium. Quis enim obtusi adeò ingenii reperiri queat, qui actum  
illum eò spectare non animadvertat, ut Curia Romana odio-  
sis illis propositionibus perturbata, cogitationes suas à Re-  
galis negotio avertat, eoque conferat, ut in tanti momen-  
ti rebus autoritas sua tam grave detrimentum non patiatur,  
sed

sed malit Ecclesias Gallicanas libertate , quàm Sedem Apostolicam autoritate , ac dignitate sua carere.

3. Equidem licet illa declaratio hoc tempore non prodiiſſet, quo unicuique facillimum eſt , quis ejus fuerit ſcopus perſpicere , quæ ad probandam illius neceſſitatem adducuntur rationes , fidem facere nullatenus poſſent.

4. Metuendum ſcilicet erat , ne Innocentius XI. in conſiliis præceps, ad nova molienda proclivis, Principum Chriſtianorum autoritati inſenſus , bellorum , ac diſſidiorum amans, Regem Gallia , conſilii , & virium inopem à Throno deturbaret, Regnumque opprimeret , niſi tanto malo Clerus Gallicanus quamprimùm occurreret , primamque propoſitionem veluti aggerem impetuoſiſſimo huic torrenti opponeret. Metuendum ſcilicet erat , ne ſummus Pontifex ſuis , ſuorumque commodis intentus Eccleſiaſticum regimen in tyrannidem converteret , neve præ deſiderio parentes divitiis , aut potentiâ ſæculari augendi , Eccleſiaſticam diſciplinam peſfundaret, omnium inferiorum Prælatorum juridiſtionem ad ſe traheret , Eccleſia denique ſtatum univerſum confunderet, niſi œcumenici Concilii autoritas Pontificiæ modum adhiberet. Metuendum ſcilicet erat , ne Romanus Antiſtes Canonica diſciplinæ hoſtis , antiquos Canones , præſertim Conciliorum œcumenicorum , & Patrum traditionem , quæ ſunt Gallicanarum libertatum fundamenta , convelleret , niſi tertia propoſitione in tuto poſita fuiſſent. Metuendum ſcilicet erat , ne fides ab Innocentio XI. labefactaretur , & Fideles in errore ſacris Scripturis , aut conſtanti traditioni contrarium conſpicerentur , niſi quartâ propoſitione docerentur , non eſſe irreformabile ſummi Pontificis judicium.

5. At Eccleſia Gallicana Decreta , & libertates multi diruere moluntur. Ne unus quidem Catholicus id moliatur , ſiquidem de illis libertatibus eſt ſermo , quarum fundamenta ſacris Canonibus , & Patrum traditione nituntur. Si autem libertates appellantur , quæ veram Eccleſia libertatem perimunt , quæ decreta Eccleſia minus comoda quantumvis juſta , & antiquæ diſciplinæ conſentanea , reſpuunt ; quæ innocentes iniquis deſideriis ſeſe accomodare recusantes crudeliſſimè perſequendi facultatem præbent ; quæ Vicarii Chriſti mandata contemnunt ,

prætextu non servati iudiciorum ordinis, quem impossibile sit observare, nisi partes ipsæ iudices esse sinantur, & innocentes interim patiantur, aut pereant; Certè huiusmodi libertatibus obistere tam est laudabile, quàm eas propugnare turpe, ac Religiosis Præsulibus indignissimum. Porro si libertates Ecclesiæ Gallicanæ antiquâ disciplinâ continentur, ut communiter tradunt Gallicani scriptores, quomodo defenduntur editis propositionibus, quæ ut infra demonstrabimus, postremis tantum temporibus natæ sunt!

6. Verissimum est quod subjungunt Illustrissimi Antistites. *Nec desunt qui earum (libertatum) obtentu Primatum B. Petri ejusque Successorum Romanorum Pontificum à Christo institutum, iisque debitam ab omnibus Christianis obedientiam, Sedisque Apostolica, in qua fides predicatur, & unitas Ecclesiæ servatur, reverendam omnibus gentibus majestatem imminuisse non vereantur.* Verissimum, inquam, illud est, & ex illorum, qui hæc præstare non verentur, numero, esse Antistites ipsos, lectâ illorum declaratione, Primatui Romani Pontificis, debitæ illi obedientiæ, ac Sedis Apostolicæ majestati insensâ plerique suspicantur.

7. Mirum videri non debet si *Hæretici potestatem summi Pontificis invidiosam, & gravem Regibus, & Populis ostendent*, cum capitalissimii illius hostes sint, & paratiores ad dimittendam Religionis observantiam, quàm ad deponendum erga Ecclesiasticam Monarchiam, odium: sed mirum est Catholicos Præsules in deprimenda potestate Pontificia hæreticis excusationem subministrare. At numquid satis apertè declararunt hæretici, quam essent etiam civilis Monarchiæ impatientes? Quis credat eos vero erga Principes sæculares studio adduci ad ferendam graviter Ecclesiæ in Reges jurisdictionem? Num æquiores erga summum Pontificem, aut Principibus obedientiores fore, sperandum est, si, ut eis prætextus ille præripiatur, Reges Ecclesiasticæ potestati subtrahantur? Ne illi utramque potestatem impatienter ferunt, &, si sæcularis jugum excutere perinde illis facile esset, Ecclesiasticæ epæ libenter uterentur, eamque tunc, utpotè minus gravem, magis extollerent.

8. Dubitari posset in primis, an legitima fuerit Illustrissimorum Antistitum Gallicanorum congregatio, quandoquidem

dem se mandato Regio congregatos profiterentur, nullâ Ecclesiasticæ potestatis factâ mentione. Equidem si autoritas aliqua requiritur in convocante Cœtum, necesse est, ut ille superior sit, habitâ ratione non solum personarum, sed etiam negotiorum in Cœtu tractandorum. Non concederetur Episcopo potestas convocandorum Comitiorum ad expedienda negotia politica, sine autoritate Principis, vel tûm, vel jam olim concessâ. Dum ergò congregandi sunt Episcopi ad definiendas controversias Ecclesiasticas, non sufficit autoritas Regis, cûm in huiusmodi rebus Episcopis ipse, non ei Episcopi subfint.

9. Ut igitur Antistitum Gallicanorum decreta universos Regni fideles obligarent, cûm nullus inter eos cæteris omnibus superior sit, non sufficeret, ut Regio mandato convenissent, sed saltem ad ligandos illos, qui vel non consensissent omninò, vel liberum consensum non præstitissent, requireretur consensus summi Pontificis, quem tûm Ecclesiæ universæ caput esse sine hæresi negari non potest, tûm totius Occidentis singularem Patriarcham ipsa etiam Gallia fatetur.

10. Id suadent plurima antiquitatis monimenta, præsertim facultates à summis Pontificibus, Vicariis Apostolicis ad congreganda Concilia ex universa Gallia concessæ; Legati frequenter missi, &c. Id etiam apertè declaravit Nicolaus I. in Concilio Romano anno 865. scilicet *Concilium generale* (de Concilio Episcoporum Gallicanorum intelligebat, & loquebatur) *sine Apostolica sedis præcepto nulli fas esse vocandi.*

11. Multa objecta sunt à Vicario generali Diœcesis Ap-pamensis adversus Cœtum Parisiensem, quæ illegitimum esse comprobarent. Præcipuè quod ademptâ Conciliis Provincialibus libertate eos eligendi, qui ad Comitìa generalia deputandi erant, ab eorum, qui à Curia præscripti fuerant, deputatione Electores abstinere ausi non fuerint; Videntes scilicet severè habitos, qui Curiaë desideriis non acquieverant in negotio, cujus potissimum causa congregandus erat ille Cœtus. Secundò quod contra jus exclusi fuissent aliqui à Comitii Provincialibus, quos Curia metuerat liberè pro Ecclesiæ juribus vota sua deprompturos. Tertiò quod iustis de

150 TRACTATUS DE LIBERTATIBVS,  
causis ipse Vicarius Generalis illius Cœtus Congregationi sese  
opposuisset, Sedemque Apostolicam appellasset.

12. Hæc, & fama publica suadent Curiam, & Aulicos  
præcipuas habuisse partes in hoc Cœtu, ex quo decretorum  
ejus autoritas plurimum nutat, etiamsi aliorum Ecclesiasti-  
corum Virorum illius Regni consensus accederet. Quis enim  
nesciat quàm paucorum sit perseverantia, & constantia ad-  
versus potentiam sæcularem Philippum IV. adversus Boni-  
facium Octavum egregiè defendisse sibi visus est Petrus Pu-  
teanus, congestis plurimis instrumentis, quibus totum ferè  
Regnum illius Principis appellationibus, & protestationi-  
bus adhæsisse perhibetur. Cum hinc potius manifestum fiat  
non ratione simul omnes, sed metu successivè, prout desi-  
ciebat animus, Regis partes secutos, quod etiam confirmant  
Historici.

13. Verùm cum potuerit Rex Episcopos convocare, non  
quidem ut Concilium constitueret, sed ut consilium pete-  
ret. Imò potuerint, sicut seorsim singula Concilia Provin-  
cialia congregari à propriis Metropolitanis, ità & simul plu-  
ra Concilia Provincialia, vel ad Regis invitationem, ut lo-  
quebatur Concilium Parisiense anno 555. vel ex communi  
consensu, convenire, ut diligentius & maturius res discu-  
terentur, non tantoperè laborandum est in inquirendo, an  
legitimè congregati sint Archiepiscopi, & Episcopi, quàm  
utrùm negotia, quæ definierunt, ejusmodi sint, ut de il-  
lis judicium ferre potuerit etiam legitimum Concilium Na-  
tionale; nec non utrùm verum, ac justum sit eorum ju-  
diciū.

## C A P U T X I V.

*Utrùm Cœtus Parisiensis potuerit definire quæstiones ge-  
nerales circa Potestatem Ecclesiasticam.*

1. QUæ Cœtus Parisiensis declaravit, ejus sunt conditio-  
nis, ut si vera esset Gallorum doctrina de potestate  
Concilii Occumenici supra Papam etiam extra casum schis-  
matis;

matiss, à Concilio Oecumenico, non autem à Comitibus Cleri Gallicani, vel à Concilio Nationali fuissent determinanda.

2. Nam agitur de jure non solum Summi Pontificis, sed etiam Concilii generalis, imò de Ecclesiæ universæ securitate, nempe ad quem pertineat autoritas Decreta irrevocabilia circa fidem edendi; an potestas Ecclesiastica habeat aliquam potestatem in temporalia Regum, & Principum, &c. Quomodo ergò potest Ecclesia Gallicana, ubi de fide, de moribus, ac generalibus disciplinæ capitibus est quæstio, sententiam, inauditis etiam partibus, proferre. Numquid causæ istæ inter majores referri non merentur?

3. Respondebunt fortassis se, quod jam à Concilio Constantiensi definitum fuerat, declarasse, ne à Fidelibus ignoraretur. Sed primò quoad potestatem Ecclesiæ supra temporalia Principum Concilium Constantiense contrarium sensit, ut inferiùs ostendetur. Secundò, quoad autoritatem Concilii supra Summum Pontificem, non solum plurimi Pontifices (quorum fortasse sententia in suspensionem traheretur, licet non minus suspecti sint Episcopi, cum sibi non quidem divisim, sed conjunctim supremum Pontificem subicere conantur) sed etiam quamplurimi Doctores ex universis Ecclesiæ partibus decreta Concilii Constantiensis de casu schismatis dumtaxat interpretantur. An ergò ad Ecclesiam Gallicanam pertinet obscurum Concilii generalis sensum interpretari? Decretum, inquit, clarum est, verum secus aliis videtur; ad quem pertinet hujus controversiæ judicium?

4. Nec juvat reponere, Antistites Gallicanos materiam, quæ ad Ecclesiam universalem videtur spectare, pro suis tantum gregibus declarasse, non autem toti Ecclesiæ articulos Fidei, aut disciplinæ Canones proposuisse. Hoc, inquam, non juvat. Nam primò declarationes illæ generales sunt, & terminis communibus conceptæ. Non enim v. g. declaratur Reges, Galliæ in temporalibus non subesse Potestati Ecclesiasticæ; sed Reges, & Principes absolutè, &c. Secundò, causas illas majores, aut etiam maximas esse Galli negare non possunt. Nonne ergò ad sanctam Sedem, vel si suspecta erat, ad Concilium generale ex antiquis Decretis, & ex ipsis etiam Francorum legi-



legibus erant referendæ. Sed suspectum etiam foret Occumenicum Concilium, cum ejus quoque interfit, nisi ei Summus Pontifex præsideret. Ideò scilicet debuit Ecclesia Gallicana, tanquam suprema inter Romanum Pontificem, & Concilium Occumenicum arbitra, controversiam dirimere.

5. Non adeò faciles erant hujusmodi controversiæ, ut omisâ Romani Pontificis, aut, si navis Concilii œcumenici consultatione definiri possent; decebatque ut Episcopi Gallicani apud Curiam his S. Petri Chrysologi Episcopi Ravennatis verbis sese excusarent; *Nos enim pro studio pacis, & fidei extra consensum Romana Civitatis Episcopi causas fidei audire non possumus*, Epist. ad Eutychem inter Acta Concilii Chalcedonensis par. 1. num. 15. Si quid interim, &, ut vulgò dicitur, provisionaliter statuendum fuisset longè majoris erant ponderis rationes, quæ in alteram partem suadebant declinare.

6. Quin etiam hæc declaratio Ecclesiæ Gallicanæ, vel Clero Gallicano tribui non debet, cum qui Comitibus intercesserunt, procuratione caruerint, quæ ad res adeò arduas, & difficiles specialissima requirebatur; Consensus autem, qui fortè ab aliis quibusdam præstabitur vix liber habebitur, cum intentatis pœnis, & jam quibusdam inflatis, exigatur.

7. Accedendum jam ad singularum propositionum examen. Quocirca nisi demonstravero propositiones in declaratione Cleri Gallicani contentas universaliter, ut jacent, acceptas esse apertè falsas, saltem constabit longè minus esse probabiles, minusque tutas, quàm earum contradictorias. Atque adeò Comitia Parisiensia maximam injuriam illius Regni Fidelibus erga summum Pontificem benè affectis intulisse, dum Edicto Regio, pœnisque adjunctis, ad assentiendum doctrinæ ad minus de falsitate plurimum suspectæ, atque aliunde sanctæ Sedi adversæ, cogendos curarunt. Tantumque abesse, ut illa agendi ratio libertas Ecclesiæ Gallicanæ nuncupari possit, ut durissima, & Christianæ libertati insensâ servitus vocari debeat.

8. Nec puto reperiri quenquam, qui hac declaratione spectet revocandos ad gremium Ecclesiæ hæreticos; quippe qui  
arbi-

arbitrentur , ut eorum aliqui non sine opprobrio nostræ Religionis jam significarunt , Comitia Cleri Gallicani non parum ad ipsorum doctrinam accessisse , jam plurimum summi Pontificis , cujus obedientiæ sese ipsi usquequaque subdixerunt , auctoritatem imminuere cœpisse , potiusque Catholicos à visibili Ecclesiæ Capite defecturos , quàm ei sese conjungere illi meditentur. Ego quidem sic habeo Regem Christianissimum , qui tam gloriose in reducendis ad Christi ovile Regni sui hæreticis incumbit , ex ea declaratione ad tam præclarum opus , parum accepisse subsidii. Etenim cum summus Pontifex sit centrum unitatis , qui arctius illi adhæret intra finem Ecclesiæ arctius stringitur. Imò , ut notavit Hincmarus supra cap. 7. relatus , Rex , & Episcopi Christi Vicario obedientes , illo exemplo debitam sibi à propriis subditis obedientiam facilius obtinent.

9. Utar autem , ut cœpi nudis ferè auctoritatibus Conciliorum , & Sanctorum Patrum , Doctorumque vel Gallorum , vel in Gallia educatorum , quia illis nixæ dicuntur Gallicanæ libertates , rarò autem aliorum Doctorum testimonio , nisi fortè à Gallicanis scriptoribus citati fuerint , aut alia speciali occasione. Rationes etiam adhibebo , sed prout è rebus nasci videbuntur , non cum animi contentione inventas , quia rarò hæc materia rationibus à Gallis tractatur ; sed plerumque exemplis , aut consuetudine , minusque cavillationibus , & disputationibus obnoxia est auctoritas , quàm ratio.



## LIBER QUARTUS

De potestate Ecclesiæ in temporalia  
Principum occasione primæ Pro-  
positionis Cleri Gallicani ; scili-  
cet

**B**EATO Petro , ejusque Successoribus Christi Vi-  
cariis , ipsiq; Ecclesiæ rerum spiritualium , &  
ad æternam salutem pertinentium , non autem  
civilium , ac temporalium à Deo traditam po-  
testatem , dicente Domino , Regnum meum non  
est de hoc Mundo , & iterum , Reddite ergo quæ sunt Cæ-  
saris Cæsari , & quæ sunt Dei Deo. Ac proinde stare  
Apostolicum illud , omnis anima potestatibus sublimiori-  
bus subdita sit. Non est enim potestas nisi à Deo. Quæ  
autem sunt à Deo ordinata sunt. Itaque qui potestati re-  
sistit , Dei ordinationi resistit. Reges , ergo , & Princi-  
pes in temporalibus nulli Ecclesiasticæ potestati subjeci ,  
neque autoritate clavium Ecclesiæ directè , vel indirectè  
deponi , aut illorum subditos eximi à fide atque obedien-  
tia , ac præstito fidelitatis sacramento solvi posse , eam-  
que sententiam publicæ tranquillitati necessariam , nec mi-  
nus Ecclesiæ , quàm Imperio utilem , ut verbo Dei , Pa-  
trum traditioni , & Sanctorum exemplis consonam omni-  
nò retinendam.

## CAPUT PRIMUM.

*An hæc Propositio spectet ad libertates Ecclesiæ Gallicanæ.*

1. **D**ifficile intellectu est, qua ratione Illustrissimi Antistites Gallicani libertates Ecclesiæ illius Regni defendendas suscipientes à propositione auspicati sint, quæ Juri Ecclesiæ potius adversatur. Cùm olim, ut jam notavimus, Philippus IV. adversus Bonifacium VIII. contendere, Regnum Franciæ à summo Pontifice non pendere, libertatem quidem Regni tueri se profitebatur, non tamen libertatem Ecclesiæ, licet libertatis illius, qua Christus nos liberavit, se quoque participem esse affirmaret. Bonifacius autem libertatem Ecclesiæ adversus Regaliam, & ejus jura circa alia puncta propugnare se contendebat.

2. Petrum Pithæum in Senatu Parisiensi Advocatum in Tractatu de libertate Ecclesiæ Gallicanæ, qui primum in collectione Petri Puteani locum obtinet, imitati sunt. Hic enim singularia illarum libertatum Capita ad duo axiomata refert, quorum primum est, „summos Pontifices nihil præcipere, vel ordinare posse, sive in communi, sive in particulari circa temporalia quantum ad loca supremo Regis Christianissimi dominio supposita; ac si præcipiant, vel ordinent, Regis subditos, etiam Clericos, ad obediendum, in his nequaquam teneri. Petro de Marca lib. 2. de Concord. cap. 1. n. 1. satis visum fuit, si secundum istud libertatum fundamentum poneret, *supremam*, scilicet *Regis Christianissimi per Gallias auctoritatem*; Illud tamen non minoris momenti esse duxit, quam primum, quod in *suprema Romana Ecclesiæ auctoritate constituit*.

3. Inmutata fuit natura, vel idea libertatum Ecclesiæ Gallicanæ postremis his temporibus. Puto enim Clerum Gallicanum libertates suas defendisse (impugnasse certe nemo dixerit) cùm anno 1329. coram Philippo VI. Rege convenit, ut querelis Ministrorum Regionum responderet. Tunc enim

Episcopi contendebant Ecclesiasticam Jurisdictionem sese ad temporalia extendere, saltem ratione peccati, quod pluribus probavit Electus Senonensis in prima responsione; *Præterea*, inquit, num. 34. *nul- lus dubitat, quin COGNITIO DE PECCATO AD PERSONAS ECCLESIASTICAS PERTINEAT; Cùm ergo talia non perpetrentur sine peccato alterius partis, patet, quod Ecclesia cognoscere possit, & hoc satis deducitur, extra de judiciis cap. novit.*

4. Nullus rêvera de hoc dubitabat, quandoquidem Petrus de Cugneriis acrior Jurisdictionis Regiæ Patronus fatebatur Decretalem novit locum habere in Rege Franciæ, utpote superiore non agnoscente, tantumque negabat de Judicibus Regiis; quippe qui à Rege corrigi possent; *Item dicebat (in replica Petri de Cugneriis pro Rege) quod ratione peccati non poterat ad eos pertinere; quia Decretalis novit loquebatur de facto Regis Franciæ, qui superiorem non habet, sed in aliis dicebat secus.*

5. Si conferantur Acta illius altercationis, quæ habentur in Bibliotheca Patrum tom. 13. & edita sunt anno 1664. post praxim Beneficiariam, & alia opera Petri Rebuffi, cum iis, quæ nuper gesta sunt à Clero Gallicano, maximum sanè discrimen observabitur: Nec video, quomodo hodiernæ libertates Ecclesiæ Gallicanæ antiquas non destruant. Dicent fortasse moderni Præsules, Antecessores suos propriæ potestatis terminos longius transulisse in detrimentum Jurisdictionis Regiæ. Jurisdictionis ergò Regiæ, non libertatis Ecclesiasticæ partes se suscipere saltem profiteantur.

6. Sed aliæ hodie est Ecclesia Gallicana ab ea, quæ anno 1614. tam generose restitit tertio Regni ordini propositionem hanc primam, aut certè simillimam statuere conantibus. Nec enim egregia illa oratio à doctissimo Cardinali Perrenio tunc habita ipsius erat propria. Illam quippe se totius, Cleri, imò & nobilium Regni nomine pronunciare affirmabat; Non enim, inquit, ego hac in causa oro, sed, totus ordo Ecclesiasticus, & totus ordo Nobilium ipsi, conjunctus, &c.

7. Cæterum doctrinam suam, idest propositioni moderatorum Antistitum contrariam, asserit omnibus Ecclesiæ Catholicæ Partibus esse communem, imò & toti Ecclesiæ Gallicanæ à tempore, quo institutæ sunt inibi scholæ Theologice

gicæ usque ad Calvinī adventum. Dignissima est illa oratio quæ legatur. In ea, ut inquit Petrus Frizon, Doctor Theologus Parisiensis, & in magna Franciæ Eleemosinaria Vicarius Generalis, in sua Gallia Purpurata, sapientissimè se gessit Autor, distinguens utramque potestatem, & spiritalem Ecclesiæ, & Regnorum temporalem, prudens ita ac modestus, ut privilegia Cleri defendendo de Regia nihil detraheret maiestati, & auctoritate, atque hanc asserens, Ecclesiastico Juri nihil etiam derogaret.

8. Eandem fuisse mentem Ecclesiæ Gallicanæ postremis etiam temporibus, & usque ad ultimum Cœtum manifestum inditium est, quod hæc oratio tanquam proprium Ecclesiæ Gallicanæ monumentum inserta est inter Acta Cleri Gallicani à Joanne le Gentil, qui ea edidit anno 1673. jussu Comitiorum generalium Cleri. Ego quidem tantam esse arbitror hujus orationis vim, ut nullâ aliâ ratione infringi queat, quàm quæ ab aliquo proposita dicitur, scilicet ut supprimatur, quod tamen difficillimum esset propter varia ejus exemplaria.

9. Distinctas esse potestates Regum, & Pontificum nemo Catholicus negat: sed major esset necessitas Regiam ad suos limites revocandi, quam Pontificiam intra suos concludendi. Confessi sunt in suo processu verbali Episcopi Parisienses anno 1681. congregati, extinctam propemodum esse in Gallia Jurisdictionem Ecclesiasticam. Novis indies vulneribus affligitur sæcularium Scriptorum libris, & Regionum Judicum placitis; & tamen libertates Ecclesiæ non opponuntur à Prælatibus; quin & illæ servitutes inter libertates numerantur à multis. Cum autem Romanus Pontifex oppressis Ecclesiis manum porrigit, etiam ab Episcopis, objectis libertatibus arceatur.

## C A P U T I I.

*An inuidiosa , & gravis Regibus , & populis fiat potestas Ecclesiastica , si circa temporalia Principum in certis casibus exerceri posse affirmetur.*

1. **Q**UANTUM Ecclesiæ ad conservandam fidem , propagandam Religionem , reformandos mores , & constituendam disciplinam utilis sit , & ferè necessaria Regum , ac Principum opera , & comprobavit omnium sæculorum experientia , & suadet aperta ratio. Verissimum est quod trito illo versu exprimitur :

*Regis ad exemplum totus componitur Orbis.*

Quamobrem magnoperè cavendum est , ne quid , sine gravi necessitate aut fiat , aut dicatur ; quod Principum erga Ecclesiam studium possit remittere. Eâ ratione adductos se fuisse ad statuendam hanc primam propositionem significant Illustrissimi Præsules his declarationis verbis , quæ huc sine dubio respiciunt ; *Hæretici quoque nihil prætermittunt quo eam potestatem quâ pax Ecclesia continetur , invidiosam , & gravem Regibus , & populi ostendant , iisque fraudibus simplices animus ab Ecclesia Matris , Christiq; , adeo cummunione dissociant.* Videndum est igitur , an doctrina eorum , qui Ecclesiam circa Regum , & Principum temporalia potestatem aliquam in certis casibus exercere posse asserunt , potestatem illam invidiosam , & gravem Regibus , & populi efficiat.

2. Malis certè non potest invidiosum non videri quidquid eorum pravis cupiditatibus obsistit : At boni licet suapte spontè ad virtutem ferantur , gaudent sibi pluribus obicibus viam ad crimen præcludi. Timent , aut etiam oderunt potestatem Ecclesiasticam Principes ; illi scilicet , qui Ecclesiam non ut Matrem , cui parere velint , sed ut ancillam habent , cui dominari cupiant. Non oderunt , neque timent , qui Religionem Principatui , non Principatum Religioni anteponunt , qui ab Ecclesia fidem , ac vivendi normam accipere student , non ejus opibus ditari , libertatem infringere , ac jurisdictionem usurpare moluntur.

3. Qua

3. Qua in re gravissimam Regi Christianissimo injuriam fecisse mihi videntur Regni ejus Antistites, dum Ecclesiasticæ potestati Principes quantum ad temporalia omnino subtrahere tentarunt. Significarunt enim aliquo pacto se suspicari, fore ut potentissimus ille Rex à fide Catholica, quam professi sunt, quotquot in eodem Throno à duodecim ferè sæculis federunt, brevè non solum esset ipse discessurus, sed etiam subditos advocaturus, vel commissurus aliquid hujusmodi tanta cum obstinatione, ut Ecclesia præmissis frustra precibus, monitionibus, comminationibus, censuris, illud tandem extremum ac in desperatis tantum malis, & maxima cum cautela usurpandum remedium adhibere, cogeretur, ut scilicet ejus subditos à præstituto fidelitatis juramento absolveret.

4. Si tam sinistram de tam Religioso Principe suspicionem non conceperant, quid necesse erat doctrinam spargere, ex qua certò secutura erat magna in Ecclesia perturbatio, piorum Christianorum offensio, ac quoddam schismatis genus? sed si de Rege Christianissimo ita sentiebant, ejus Religionem quomodo non offendebant? Accedit quod si Religiosissimus ille Princeps ita malè fuisset affectus, eum ad casum impulsisset, potius quàm labantem confirmasset Cleri sui doctrina impunitatem promittens.

5. Ut enim excelsis animis antiquiùs nihil est, quàm Imperium non habitum adipisci, obtentum servare, ac propagare, amissum recuperare; ita nihil est quod timeant magis quàm Principatùs amissionem, vel in ejus assensione impedimenta. Itaque si supremi Principes ex fidei desertione, vel etiam impugnatione damnum aliquod temporale sibi accidere non posse confidant, & spiritualia non satis pertimescant, faciliùs ortà vehementi tentatione in præcipitium corruent, & innumerabilem hominum turbam secum trahent. Cùm è contrà si Principatùs privatione se plecti posse sentirent, illo veluti freno cohiberentur.

6. Si autem jam Principes à fide defecerint, tantum abest ut illa Ecclesiæ autoritas à reperendo piæ matris gremio avertat, ut ad reditum potius invitet. Vel enim Ecclesia jam usà est in illos autoritate prædicta, vel ad eà utendum est.



est parata, vel omnino uti non meditatur; si jam illam adhibuit, aut adhibere proposuit, resipiscentiâ huic malo occurreretur. Si ab ea usurpanda omnino abstinere deliberavit, cur gravem futuram filiis obedientibus potestatem Matris pertimescant, quæ nec inimicis nocere voluit?

7. Miror potuisse Illustrissimos Antistites Gallicanos hanc Ecclesiæ potestatem negare, ex qua tantam utilitatem totum illud Regnum non ita pridem percepit. Ut enim prætermittam quæ sub Henrico III. in Gallia gesta sunt, quia licet labantem, & ferè labentem fidem confirmarint, quorundam temeritas sub specie zeli, longiùs quàm par erat progressa est; Quis scit quam cladem perpeffura erat Catholica Religio in eo Regno, nisi obstitisset Ecclesia Henrico IV. quominus Regnum adipisceretur, donec hæresim Calvinianam abjurasset? Quis scit utrùm ejus filius, aut nepos hodie regnans, & hæresim ipsam Calvinianam tam gloriose à sua ditione exterminans, Patris aut Avi errorem secuti fuissent, & in eum maximam subditorum partem, ad quem plures videbantur propensi, suo exemplo, & auctoritate impulissent.

8. Necessaria est aliundè populis, præsertim Francis, doctrina hæc de potestate Ecclesiæ in Principes. Cùm enim à majoribus suis Regnum ab una stirpe in aliam non semel translatum fuisse meminerint, expedit ut certò sibi persuadeant id sine præstiti juramenti solutione, ac sine auctoritate Ecclesiæ tentare nefas esse, nec interventuram unquam illam auctoritatem, nisi fortè gravissimæ causæ, deficientibus aliis omnibus remediis, & adhibitâ cautelâ quàm maximâ, illuc adigerent; adeoque favente rerum concursu nihil sibi temerè aggrediendum.

9. Quod si populi hæresi sint infecti, cùm Ecclesiam non audiant, parùm fortasse illis prodest hæc doctrina; sed idèò minùs secura est Principum dignitas ab illorum perfidia. Nam præterquam quod faciliùs est, ut qui datam Deo fidem frangunt, Principibus, si occasio tulerit, eam negent, hæreticorum est ingenium, quod postrema præsertim sæcula docuerunt, ut Principum sæcularium perinde atque Ecclesiæ, jugum excutere pro viribus conentur. *Dominationem spernunt, majestatem*

*majestatem autem blasphemant* ut ait B. Thaddæus. Nec Principibus, nisi scandali vitandi causa, parendum eorum plerique arbitrantur. Itaque illis necessarium, & Principibus tutum esset, ut Ecclesiæ ductum sequerentur, quæ & Dominis obsequi præcipit, etiam ex regulis conscientiæ, & tamen, si ipsi Regem Regum, & Dominum Dominantium impugnent, eos coercere conatur.

10. Quos igitur ab Ecclesia potest alienos efficere illa ejus autoritas? Paganos fortassis. De illis Antistites Gallicanos cogitasse non puto. Sed numquid facultas censurarum adimenda etiam erit Pastoribus Ecclesiasticis, ne illarum metus in Fideles à suscipiendo Baptismo retardet? Num inermis esse debet omnis Superior, ne pœnarum timor ab ejus obedientia deterreat?

11. At, inquis, possunt Ecclesiastici Superiores eâ potestate abuti. Possent fortassis, sed difficillimè. Sed nonnè Principes sua sæpius abutuntur? Ideone illà spoliandi sunt? Certè minùs metuendum est, ne Ecclesia Regnum Principibus immeritis auferat, quàm ne illi auferri sibi mercantur.

### C A P U T I I I.

*An verbo Dei consona sit sententia, Reges in temporalibus ab omni Ecclesiastica potestate omninò subducens.*

1. **M**Eum non est certos limites præfigere alterutri potestati: hoc tantum probare contendo, non posse Principes, etiam in temporalibus, prout ordinem habent ad spiritualia omninò Ecclesiasticæ potestati subduci. Contrarium declarant Præfules Gallicani, ac verbo Dei asserunt consonam esse suam sententiam. Sed qui veras olim libertates Ecclesiæ Gallicanæ coram Philippo VI. Rege Francorum anno 1329. tantâ cum laude propugnavit Petrus Bertrandi Episcopus Eduensis tractatu de origine Jurisdictionum quæst. 3. respondet; *Ad tertiam rationem, inquit, de Christo, qui ait jecit à se, ut dicunt, omnem jurisdictionem temporalem, dicendum est, quod qui dicit Christum non habuisse omnem potestatem sacularem, seu temporalem & spiri-*

tualem contraducit ejus verbo, Matth. ult. cap. DATA EST MIHI OMNIS POTESTAS IN CÆLO, ET IN TERRA. Et Apocal. I dicitur; PRINCEPS REGVM TERRÆ. Et infra; Verumtamen quis principaliter venerat nos redimere, & salvare, quasi omnes actus ejus versabantur circa eruditionem nostram, & pauci, aut nulli circa exercitium cujuscunque jurisdictionis; non quod utramque potestatem non haberet, sed ut saluti nostræ totaliter impenderet, sicut dicit Joann. 3. Non enim misit Deus Filium suum in mundum, ut judicet mundum, sed ut salvetur mundus per ipsum. Expleto autem Sacramento nostræ salutis per mortem Christi, & ejus Resurrectionem, Christus commisit Petro regimen Ecclesiæ tantum, quantum necessarium erat, & expediebat, cum regimine Ecclesiæ. Et quia utraq; potestas temporalis, & spiritualis est ad hoc necessaria, IDEO VTRAMQUE POTESTATEM COMMISIT PETRO.

2. Qui ergo dixit Joann. 18. quod primo loco in declaratione refertur; Regnum meum non est de hoc mundo, dixit Matth. 28. Data est mihi omnis potestas in Cælo & in Terra: Euntes ergo docete omnes gentes. Itaque cum verum vero contrarium non sit, multò minùs prima, & suprema veritas, sibi ipsi; duo hæc oracula ita concilianda sunt, prout utriusque circumstantiæ postulat. Christus cum hæc verba proferret, Regnum meum non est de hoc mundo, ad mentem Pilati respondebat interrogantis, an esset Rex Judæorum, ejusmodi scilicet quales extiterunt Saul, David, & alii, qui per se ipsos populum regebant in rebus politicis, bella gerebant, & cætera omnia implebant Principis sæcularis munia. In eo igitur sensu negavit Christus Regnum suum esse de hoc mundo. At verò cum Apostolis officium imponeret docendi, & baptizandi, ne dubitarent, collatam cum officio plenam auctoritatem, quæcumque ad spirituale regimen necessaria essent, præstandi, non solum in cælo, sed & in terra datam sibi omnem sine exceptione potestatem asseruit. Ex primis enim verbis, data est mihi omnis potestas in cælo & in terra quasi concludendo infert: Euntes ergo, &c. quia potestas Ecclesiastica directè, ac præcipuè circa spiritualia versatur, circa temporalia autem non nisi, quatenus spiritualia requirunt.

3. Itaque Apostoli, eorumque successores ex Dei ordinatione Regalia officia non exercent, atque adeò rectissimè cum Christo dicunt; Regnum meum non est de hoc mundo. Hinc tamen

men nullâ legitimâ consequentiâ infertur, non posse Christi Vicarios, & Apostolorum successores, Reges, & Principes, præsertim cum jam per characterem baptismalem Ecclesiæ filii facti sunt, ei que subditi, si fidei, ac Religioni perniciem afferunt, monere, compescere, ac mediis congruentibus, & efficacibus impedire, ne potestate temporali abutantur contra Supremi Regis cultum, & obsequium. Nec in hoc Reges, sed Apostolos & Pastores agunt. Unde qui hanc Ecclesiæ potestatem impugnant, æquivocatione colorem suæ sententiæ obducunt, quasi potestas Ecclesiæ ad arcendos ab evertenda Religione Principes sibi per baptismum subjectos; etiam per absolutionem subditorum à juramento fidelitatis, deficientibus aliis remediis, idem esset quod posse Regna sibi adscribere, atque instar Principum ipsorum regnare.

4. Addunt secundo, Illustrissimi Antistites dictum esse à Domino *Reddite quæ sunt Cæsari Cæsari, & quæ sunt Dei Deo* Matth. 22. vers. 21. sed illius oraculi primam partem secunda exponit. Quis enim negat reddenda esse *quæ sunt Cæsari Cæsari*, dummodo reddantur *quæ sunt Dei Deo*, quorum alterum alteri contrarium non est, licet hominum vitio intervendantur. Verum si Cæsar non solum quæ Dei sunt, Deo non reddat, sed subditos etiam suos à fide solemniter Deo promissa revocet, ac per vim retrahat, nonne poterit qui Dei vice fungitur, nisi aliundè mala graviora timeantur, fidelibus declarare *obediendum Deo magis quam hominibus* juxta oraculum Principis Apostolorum. Act. 5.

5. At, inquit, hinc tantum sequi, non esse parendum Principi aliquid contra Deum præcipienti, non autem propetere à aliis ab ejus obedientia recedendum, cum utrique satisfieri possit; si ut Christianos decet, bonorum, aut etiam vitæ iacturam patiantur, ne vel Deum offendant, vel à Principe desciscant. Laudabile quidem id foret. Sed quotusquisque nunc est, qui tanto Christi amore incensus, tanto rerum temporalium, ac vitæ contemptu præditus sit, ut paupertatis, exilii, ac mortis metu à Dei servitio non deterreatur, cum tot videamus minora mala reformidantes, aut caduca bona sperantes ad Principem, quàm ad Dei mandata promptiores. Nonne igitur, ut innumerorum hominum rui-

164 TRACTATUS DE LIBERTATIBVS,  
næ occurreretur, liceret Ecclesiæ, Christiano Principi, pluries monito, contumaci, & incorrecto potestatem nocendi adimere, ac populos ab ejus tyrannide subducere, si hoc sine majorum malorum periculo fieri posset?

6. Profertur 3. caput 13. Epistolæ B. Pauli ad Romanos, *omnis anima potestatibus sublimioribus subdita sit, &c.* Sed se ipsemet Apostolus explicat, addens; *Nam Principes non sunt timori boni operis, sed mali, Vis autem non timere potestatem bonum fac; & habebis laudem ex illa: Dei enim Minister est tibi in bonum, &c.* Quid ergo si Principes sint timori boni operis non mali? Si timenda sit potestas bonum facienti? si Diaboli minister sit in malum?

7. Loca Scripturæ sacræ præcipua, quæ sententiæ Illustrissimi Cœtus Parisiensis adversantur, in Doctorum autoritatibus, quas suo loco referemus, continentur. Interim adverto non defuisse scriptores, etiam in Gallia, ut infra videbimus, speciatim cap. 8. §. 5. Quibus sententia illa ita verbo Dei consona non visa sit, ut eam hæreticam censuerint. Unde valde iniquum esset eos, qui ejus sententiæ momentis convicti fuissent, ad contrariam metu pœnarum adigere.

## C A P U T I V.

*Utrum potestas Regum immediatè à Deo sit.*

1. **P**urimum probo Doctorum illorum institutum, qui Regibus subditorum reverentiam, & obedientiam conciliare conantur, adductis non solum politicis, & naturalibus, sed etiam Divinis rationibus. Ea enim est hominis ad libertatem propensio, ut nisi omni vinculorum genere se adstrictum sentiat, faciliè datâ occasione jugum excutere tentet. Depravatâ per peccatum naturâ, dum quisque nimium, ac ferè solum se diligit, ubique sibi soli consulit, aliorum parva, vel nulla ratione habita, unde infinitæ nascuntur injuriæ, innumera pullulant dissidia, quibus confunditur, ac perit civilis omnis conjunctio, nisi præstò sit qui, & pro sua

sua sapientia leges præscribat, & pro tradita sibi autoritate illarum executionem urgeat, illarum violationem ulciscatur, ac unicuique quod ejus est conservans, pacem foveat, & confirmet; sed illa ipsa depravatio, quæ hominem ad malum inclinat, fræni est impatiens, nec faciliè patitur ab alio se cohiberi. Quamobrem Divinâ simul, & humanâ est auctoritate obliganda.

2. Itaque certum est teneri Christianos ex Divino etiam præcepto legitimos Principes colere, debitaque illis obedientiæ, Tributorum, aliaque id generis officia persolvere; indubitatum est etiam Divinam voluntatem ad cujuslibet Principis electionem, sive institutionem intercedere, & corda hominum in electionibus, sive institutionibus quodammodo dirigere: graviterque perduelles, ac inobedientes plectere. Id docent sancti Patres, quorum adducuntur testimonia ad confirmationem auctoritatis Regiæ. In eo sensu rectè dicitur potestas Regum in comuni, vel etiam cujuslibet Regis à Deo esse.

3. Sed altiùs aliqui Dignitatem Regiam pervehunt, docentes eam æquè à Deo institutam fuisse, ac spirituales, & singulis Regibus à Deo immediatè conferri. Dissimulanda esset hæc opinio, quantumvis falsa, si eò tantum spectaret, ut populi libentiùs Principibus subjacerent, debitamque illis fidem religiosiùs servarent; Licet enim error nunquam ex se bonus sit, neque probandus; utilis tamen ex occasione interdum est, atque tolerandus. Sed qui Regiam auctoritatem nimis extollunt, hoc tantum sibi videntur proposuisse, ut Ecclesiasticam Dignitatem tantumdem deprimant, ac Principum Ecclesiastica jura invadentium injustitiam eo prætextu excusent, quod, ut inquit Petrus de Marca lib. 2. cap. 1. §. 1. *Perinde in Reges singulos, ac in Episcopos auctoritas à Deo immediatè derivatur.* Perfectam inter illos æqualitatem tribus primis §§. hujus capitis adstruere nititur: Primus sic incipit: *E collatione duarum potestatum egregiè conficitur Regiam æquè à Deo institutam fuisse ac Spirituales, & solidam humanarum rerum administrationem illi demandatam.* Et infra; *Certum, & constantissimum esse debet apud pios, & devotos Regum cultores unicuique Regum potestatem Regiam immediatè à Divino munere conferri.*

4. Hæc si seorsim considerentur, falsa quidem sunt, sed neminem lædere videntur. At verò si conferas quæcunque Autor in illo opere, aliique Gallicani Scriptores in suis libris, Principibus in Ecclesiam permittunt, ratione protectionis, tuitionis, seu custodiæ Canonum, quam asserunt Regibus à Deo commissam, comperies ex ipsorum mente in multis paulò minorem Pontificali, in aliquibus æqualem, & in nonnullis etiam majorem esse, & quidem à Deo datam laicis viris, circa res Ecclesiasticas potestatem. Itaque prætermitti omninò non potuit quæstio, ex cujus neglectu tandem populo persuaderetur, quæcunque à laicis patitur Ecclesia, non injurias esse, sed jura Divinitus tradita.

5. Audi Renatum Choppinum de Sacra Politia lib. 1. tit. 7. §. 9. expressis verbis tribuentem Regibus auctoritatem in res Ecclesiasticas, ex quodam jure Divino, Numinis afflatu, ac sacrâ quâdam unctione; *Hoc certè litterarum monumentis proditum legimus Regium nomen in terris haud quaquam ortum fuisse, sed Cælitus à Diis emissum, Regesque ipsos ita insitutos, qui Numine afflati, & sacro delibuti oleo, Divinum quid præferrent, penes quos etiam Sacrorum potestas foret Autore Eusebio Historia Eccles. volum. 1. Exin Gallicus Orator Egidius Romanus libris editis asseruit Sacrorum Beneficiorum erogationem ad Reges, ac Cæsares pertinere Philippi 1<sup>o</sup>. Regis temporibus. Quid ampliùs dixisset de Episcopo, qui Spiritum sanctum accipit, dum ex Institutione Christi per impositionem manuum Presbyterii, per sacram unctionem, aliosque mysticos ritus consecratur ad gubernandam Ecclesiam?*

6. Ut aliquid à Deo immediatè esse dicatur, alterutrum ex his duobus requiritur, ut scilicet potestas, quæ conferatur non possit ab alio dari, quàm à Deo; vel, etiam si ab alio concedi posset, Deus ipse solus de facto velit elargiri. Alium modum non video, nisi quis de verbis contendere, non de rebus quærat disputare. Sacerdotum potestas ad conficiendum in Sacrificio Missæ Corpus Christi, vel ad dimittenda peccata, non potest ad alium quàm ad Deum immediatè referri; quamvis accipiatur per impositionem manûs Episcopi: Quia nemo potest peccata dimittere, vel Corpus Christi conficere, nisi solus Deus tanquam causa principalis, & ejus Ministri tanquam causæ instrumentales, & minus principales. Ma-  
jus

jus autem est illa efficiendi potestatem communicare, quam illa per se efficere. Potest verò quilibet homo liber, Principis regimini sese subjicere, ad ei parendum sese adstringere, fidem spondere, denique ad omnia illa officia obligare, quæ Principes à subditis exigunt. Undè nihil opus est ad Divinam omnipotentiam recurrere pro rebus illis, quæ ab hominibus præstari possunt, & quæ saltem ex parte quotidie præstantur.

7. Solùm igitur, si non expectato hominum consensu, atque sine ulla illorum opera, Deus ipsis Regem præponeret, iste à Deo immediatè suam potestatem haberet. Id aliqui Doctores de Saule, & de Davide opinantur, quamvis negantibus aliis; sed nemo ità constitutos in Gallia Reges somniavit.

8. Mutationes, quæ in Principatu Gallicano contigerunt, satis indicant illum non esse immediatè à Deo, sed à populi consensu. Quæ enim ratio Divina postulabat, ut modò à Clodovei familia, modò à familia Pippini, denique ab Hugonis Capeti posteris regeretur. Ut primò Reges per electionem, alii per successionem Regnum adipiscerentur, ut principio admitterentur etiam illegitimi, deindè tantùm legitimi, iique masculi?

9. Maneat igitur potestatem Regum à Deo esse, illisque ex Divino præcepto parendum: non tamen illorum potestatem æquè ac Ecclesiasticam immediatè à Deo conferri. Utrumque probatur ex iis autoritatibus, quæ à Domino Marca proferuntur, vel citantur, & ex aliis, quas poterat adducere. Cùm enim B. Augustinus lib. 5. de Civit. Dei cap. 21. ait. *Qui Augustus, ipse & Neroni; Qui Vespasianus, vel Patri, vel filio suavis-  
simis Imperatoribus, ipse & Domitiano crudelissimo* (Regnum dedit.) Et Tertullianus Apolog. cap. 30. *Inde Imperator unde & homo antequam  
Imperator; Inde potestas illi, unde & spiritus.* Et S. Irenæus lib. 5. adversus hæreses cap. 24. *cujus jussu homines nascuntur, hujus jussu  
& Reges constituuntur:* Et S. Epiphanius hæresi 40. *Videsne ut hac  
mundi potestas à Deo stabilita sit, gladij, jus obtineat? Neque verò id aliunde  
quam à Deo ad vindicandum accipit.* Hi inquam, Patres nihil aliud intendunt, quam Principatum non à Diabolo, seu à falsis Diis, ut volebant ii, quos contra disputabant, sed à Deo

vero.



168 TRACTATUS DE LIBERTATIBVS,  
 vero dari. Utrum autem immediatè vel per populi electionem,  
 aut consensum, non definiunt, ut patet Textus integros le-  
 gentibus. Tertulliani consilium est ostendere falsos Deos pro  
 Imperatoribus non esse orandos, sed verum Deum: S. Au-  
 gustini, non à falsis Diis, sed à providentia Divina Imperia  
 distribui; S. Irænæus hoc argumentum tractat, de Diaboli per-  
 petuo mendacio, potestatibus, quibus nos parere oportet, atque Imperiis t're-  
 nis quatenus à Deo, non à Diabolo constituentur. S. Epiphanius Hæ-  
 reticos Archonticos impugnât, Principem Sabaoth septimo  
 in orbe collocantes, tyrannidem ibi exercentem, blasphemantes  
 Deum, ac dominationem ejus spernentes.

10. S. Isidorus Pelusiotes Epist. 216. Potestatem, inquit;  
 hoc est Imperium, & Regnum à Deo formatum, atque institutum esse profuen-  
 dum est, ut ne creatus in statum inornatum degeneret. Verum (quod  
 etiam de Supracitatis, & aliis dici posset) hoc ad Divinam  
 providentiam referendum est, quæ Principatum quidem ap-  
 probat, & confirmat, vultque Principibus legitimis etiam  
 discipulis obtemperari; Non tamen singulis potestatem aliquam  
 supernaturalem, quemadmodum Sacerdotibus Deus infun-  
 dit, inò aliquos Principes, impios scilicet regnare permittit,  
 quamvis non approbet, ut subjungit idem S. Isidorus; Quod  
 si quis impius, aut sacrilegus in illud irruerit, haudquaquam scilicet hunc à  
 Deo creatum, ac designatum esse dicimus, verum permissum esse. Quod de  
 tyrannico usurpatore tantum non intelligit. Prosequitur  
 enim; Quo nimirum aut Pharaonis in modum improbitatem omnem suam evo-  
 mat, atque ita extremo supplicio excrucietur, aut eos, qui crudelitate opus  
 habent, ad meliorem mentem revocet, quemadmodum Rex Babylonis Ju-  
 daos.

11. Idem clariùs explicat S. Joannes Chrysost. homil. 23.  
 in Epist. ad Romanos in hæc verba; Non est potestas nisi à Deo,  
 quæ sic interpretatur; Quid dicis? Omnis ergo Princeps à Deo consti-  
 tutus est? Istud, inquit, non dico. Nec enim de quovis Principe mihi ser-  
 mo nunc est, sed de ipsa re. Quod enim Principatus sunt, quodque hi quidem  
 imperant, illi verò subjecti sunt, quodque non simpliciter, ac temerè cuncta  
 servantur, nec fluctuum instar populi huc, atque illuc circumaguntur, Divina  
 sapientia opus esse dico. Propterea non dicit; Non enim Princeps est, nisi à Deo,  
 SED DE RE IPSA DISSERIT, dicens, non enim potestas est nisi à Deo.  
 Quid potest his verbis luculentius desiderari?

12. Au-

12. Autoritatem Justiniani (qua toties utitur D. de Marca, cum deprimenda est Ecclesiastica jurisdictio, & Principum voluntati subjicienda) hic repudiat, quasi B. Pauli, & aliis Divinarum Scripturarum oraculis contrariam, quibuscum si pugnaret, ab omnibus sanè Christianis esset rejicienda. Sed quis sibi persuadeat Justinianum adeo tractandarum rerum Divinarum, & Ecclesiasticarum cupidum, & gloriæ avidum, rem Imperiali Dignitati tantum splendorem conferentem ignorasse? Qui tam sæpè Episcopum agebat, nescisset suam autoritatem æquè ac Sacerdotalem à Deo immediate profectam? Novit certè Justinianus potestatem Regiam à Deo esse; sed in eo, quem diximus, sensu. Ait ille ff. de orig. jur. l. 2. §. 9. *Quia difficile plebs convenire cœpit, populus certè multo difficilior, in tanta turba hominum: necessitas ipsa curam Reipublicæ ad Senatum deduxit.* §. 11. *novissimè sicut ad pauciores juris constituendi viâ transisse, ipsis rebus dictantibus, videbatur: per partes evenit, ut necesse esset Reipublica per unum consuli.* Nam Senatus non perinde omnes Provincias gerere poterat. Igitur constituto Principe datum est ei jus, ut quod constitueret, ratum esset. Item ff. de constit. Princ. l. 1. *Quod Principi placuit legis habet vigorem, utpote cum lege Regia, quæ de Imperio ejus lata est, POPULVS, EI, ET IN EVM OMNE SVVM IMPERIUM, ET POTESTATEM CONTVLERIT.* Oritur ergo immediatè à populorum consensu autoritas Regia; sed à Deo tanquam à primo fonte proficiscitur, ab eo consensus hominum confirmatur, ab eo Regum contemptus vindicatur, idque Justinianum non latuit, ut significant ejus verba nov. 6. *Maxima quidem in hominibus sunt dona, à supremâ collata clementiâ, Sacerdotium, & Imperium; & illud quidem Divinis ministrans, hoc autem humanis præsidens, ac diligentiam exhibens; ex uno eodemque principio utraque procedentia, humanam exornant vitam.*

13. Rejctâ Justiniani autoritate, non miror Aristotelis non haberi rationem; Illud tantum miror, quod addit Dominus de Marca loc. cit. §. 2. quod de Regibus opiniones in Aristotelis officinâ conflata magno studio etiam à Christianis arreptæ sint. Si quidem, ut ille vult, erant sacris Scripturis contrariæ, quomodo potuerunt magno studio à Christianis arripi? An Christiani minus Spiritus sancti, quàm Aristotelis autoritati tribuunt? Docent communiter Patres nullam gentem sincerius Reges

colere, eorumque mandata, Divinæ legi non repugnantia, fidentiùs exequi, quàm Christianum populum: Quomodo ergo arriperent opiniones non minus legi Divinæ, quàm Principum potestati infensas? Sed illa Divinæ Scripturæ testimonia non aliud suadent, quàm à Divina providentia constitui Principes; Divinæ ordinationi resistere, qui eis resistit; eumque sibi damnationem acquirere, qui iustis eorum mandatis non obtemperet. Hæc Christiani omnes fatentur: *Regiam potestatem æquè à Deo institutam fuisse ac spiritualem; & perinde in Reges singulos, ac in Episcopos auctoritatem à Deo immediatè derivari, nec sacræ Scripturæ docent, nec Christiani rerum Theologicarum periti credunt.*

14. Sed, ne in re tam aperta tempus teramus, id unum ab eis peto, qui docent potestatem Regiam æquè à Deo institutam fuisse ac spiritualement, & unicuique Regum potestatem Regiam immediatè à Divino numine conferri, quodnam sit Sacramentum, quo potestas illa traditur, ubi, à quo, quando, & quomodo institutum?

## C A P U T V.

*An Patrum traditioni consona sit doctrina Præsulum Gallicanorum, Reges Ecclesiasticæ potestati in temporalibus omninò subducentium, ac primò de Patribus in Conciliis sedentibus?*

1. **P**atres appellantur, vel Episcopi in Conciliis congregati, vel ii, quos propter eximiam doctrinam Ecclesiæ tanquam fidelium parentes in Christo agnoscit, sive Episcopali dignitate fuerint insigniti, sive non fuerint. Utrosque audiamus, ac primùm in Conciliis sedentes.

2. In Concilio Romano tertio sub Gregorio VII. anno 1076. sententia depositionis contra Henricum IV. Germaniæ Regem pronunciata fuit, atque ejus subditi à juramento fidelitatis absoluti, rursusque in Concilio Romano septimo anno 1080. depositio, & absolutio confirmatæ sunt. Solent Galli objicere tentatum id fuisse à Gregorio VII. nimis

au-

## ECCLESIAE GALLICANÆ. LIB. IV. 171

audacter, verum secus suadent tanti Pontificis pietas, ac in revocando ad meliorem frugem Henrico diligentia; ab aliis tamen Conciliis petenda sunt exempla, quorum aliqua irrefragabilis sunt autoritatis.

3. Concilium Lateranense sub Alexandro III. anno 1168. Fridericum primum Imperatorem excommunicavit, ejusque subditos à fidelitatis juramento absolvit. Quæ legitimè præstita fuisse agnovit Fridericus, quandoquidem Pontifici se humiliter subjiciens sententiam revocari exoravit.

4. Concilium generale etiam Lateranense sub eodem Alexandro III. cui plurimi Gallicani Præsules interfuerunt, can. ult. hanc pœnam decernit in Dominos certum quoddam prædonum genus foventes; *Relaxatos autem se noverint à debito fidelitatis, & hominii, ac totius obsequii, donec in tanta iniquitate permanserint (Domini) quicumque illis aliquo pacto tenentur annexi: In ipsos autem prædones; consensurorum bona, & liberum sit Principibus hujusmodi homines subjicere serviituri.*

5. Concilium Lateranense anno 1215. quod, ut notat Illustrissimus Cardinalis de Perron, Jure universalissimum dicitur, quippè cui præter Summum Pontificem, & Patriarchas Constantinopolitanum, & Hierosolymitanum interfuerint Patriarcharum Alexandrini & Antiocheni Legati, septuaginta Archiepiscopi, 412. Episcopi, & plusquam 800. alii Prælati, nec non omnes Reges, & Monarchæ Christiani per se, vel per Legatos, scilicet Imperator Orientis, Imperator Occidentis, Rex Hierosolymorum, Rex Galliæ, Rex Angliæ, Rex Aragoniæ, &c. cap. 3. sic statuit; *Si verò Dominus temporalis requisitus, vel monitus ab Ecclesia, terram suam purgare neglexerit ab hac heretica fœditate, PER METROPOLITANVM, ET CÆTEROS COMPROVINCIALES EPISCOPOS EXCOMMUNICATIONIS VINCULO INNODETVR, & si satisfacere contempserit infra annum, significetur hoc Summo Pontifici; VT EX TUNC IPSE VASSALLOS AB EIVS FIDELITATE DENVNCIET ABSOLVTOS, ET TERRAM EXPONAT CATHOLICIS OCCUPANDAM, qui eam exterminatu hereticis sine ulla contradictione possideant, &c.*

6. In hoc Concilio plenè concessum fuit Comiti Montfortis dominium Tolosæ, aliorumque locorum Comitatus Tolosani, in pœnam favoris à Comite Tolosano hæresi

Albigensium præstiti ; quæ concessio pauld ante decreta fuerat à Concilio apud Montempeffulanum habito , & confirmata à Summo Pontifice usque ad tempus Concilii generalis proximè congregandi dumtaxat. Rem narrat Petrus Vallis-Sarnensis Monachus in historia Albigensium , & alii. Decretum Concilii refert Lucas Dacherius spicileg. tom. 7. in quo maximè notanda sunt verba ista ; *Sacro consulto Concilio ira ductus providendum : ut Raymundus Tolosanus Comes , qui culpabilis repertus est in utroque , nec unquam sub ejus regimine terra possit in fidei statu servari , sicut à longo tempore certū indicium est compertum , AB EIVS DOMINIO , quod utique grave gessit , PERPETVO SIT EXCLUSVS.*

7. Innocentius IV. in Concilio Lugdunensi anno 1245. sententiam depositionis decrevit in Fridericum II. & absolutionem subditorum à juramento fidelitatis : Memoratum Principem , qui se Imperio , & Regnis , omniq. honore ac dignitate reddidit tam indignum , quia propter suas indignitates , à Deo , ne regnet , vel imperet , est abiectus , suis ligaturum peccatis , & abiectum , omniq. honore , & dignitate privatum à Domino ostendimus , denunciamus , ac nihilominus SENTENTIANDO PRIVAVIMUS : Omnes , qui ei iuramento FIDELITATIS TENENTVR ADSTRACTI , A IURAMENTO HVIVSMODI PERPETVO ABSOLVENTES auctoritate Apostolica firmiter inhibendo , ne quiscum de cetero sibi tanquam Imperatori , vel Regi pareat , vel intendant.

8. Concilium Constantiense , quod à Comitibus Cleri Gallicani in secunda propositione laudatur , & in Gallia maximè sit sess. 17. hanc penam decrevit in eos , qui Sigismundo Regi Romanorum , & Hungariæ in Aragoniam proficiscenti aliquam inferrent injuriam ; Quicumque cuiuscunque status , aut conditionis existat , etiamsi REGALIS , Cardinalatus , Patriarchalis , Archiepiscopalis , Episcopalis , Ducatus , Principatus , Comitatus , Marchionatus , seu alterius cuiuscunque dignitatis , seu status Ecclesiastici , vel secularis existat , qui Serenissimum , & Christianissimum Principem Dominum Sigismundum Romanorum , & Hungaria , &c. impediverit , ET OMNI HONORE , ET DIGNITATE , OFFICIO , BENEFICIO ECCLESIASTICO , VEL SÆCVLARI , SIT IPSO FACTO PRIVATVS. Et in sententia contra Benedictum XIII. quæ habetur sess. 37. omnibus , & singulis Christi fidelibus inhibet sub pena fautoria schismatis , & hæresis , atque privationis omnium Beneficiorum , dignitatum , & honorum Ecclesiasticorum , & mundanorum , & aliis penis Juris , etiamsi Episcopalis ,

& Patriarchalis, Cardinalatus, REGALIS sit dignitatis, aut Imperialis, quibus, si contra hanc inhibitionem fecerint, sint auctoritate hujus decreti ac sententia ipso facto privati, & alias Juris incurrant pœnas, ne eidem Petro de Luna schismatico, & hæretico incorrigibili, notorio declarato, & deposito tanquam Papa obediant, pareant, vel intendant, aut eum quovis modo contra promissa sustineant, vel receperint, sibiq; præstent auxilium, consilium, vel favorem.

9. Hanc sententiam cum pœnis adjectis renovavit, & confirmavit Concilium Senense anno 1423. Inhibitionem factam omnibus singulis Christi fidelibus sub pœnis fautoria hæresis, & schismatis, ac privationis omnium Beneficiorum, dignitatum, & honorum Ecclesiasticorum, ac mundanorum, & alias pœnas Juris insligendo, ut dictâ sententiâ præfati Concilii, cujus totum tenorem hic haberi vult pro expresso, latius continetur, ratam, & gratam habens ejus executionem, continuationem continuare volens, decernit, statuit, & declarat omnes, & singulos post obitum dicti Petri de Luna continuantes, seu perseverantes in credulitate, vel observantia erroris, & schismatis ejusdem Petri sic (ut præmittitur) damnati, vel usi aliquod ab eo in eas directè vel per indirectum derivasse, aut derivari potuisse præsumptantes, seu in vice ejus succedentes, eorumque receptatores, defensores, & fautores cujuscumque status, præminetia, vel conditionis existant, etiam Pontificali, Cardinalatus, Imperiali, vel REGALI, aut aliâ quacunque Ecclesiasticâ vel seculari præfulgeat dignitate. .... fore obnoxios, & ligatos pœnis, & censuris in dictâ sententiâ contentis.

10. Constantiense, & Senense secutum est Basileense, quod prætermitterem, quia Illustrissimi Antistites Gallicani ejus auctoritate non utentes ad confirmandam secundam propositionem, licet Constantiensis Decreta, quæ citant, semel atque iterum renovasset, videantur fateri eam ad minus esse dubiam; nisi scirem quampluribus Gallis secus videri, ac Basileense Concilium maximo in honore tanquam legitimum, & generale ab eis haberi: Concilium igitur Basileense in salvoconductu dato in Congrégatione generali die 18. Julii anno 1432. Legatis Pontificiis, sic loquitur; Exhortatur omnes, & singulos Christi fideles cujuscumque dignitatis, status, gradus, aut præminetia existant spiritualis, & temporalis, etiam si REGALI, Ducali, Archiepiscopali, Episcopali, vel aliâ quavis præfulgeant dignitate, Universitates, & Communitates, ceterosque, quibus præsentis littera exhibita fuerint, eique in virtute sanctæ obedientia mandat, ut si per eorum dominia, terras, Territoria, Civitates, Oppida, Castra, Status, Villas, Castellâ, aut alia

loca vos, & quemlibet vestrum transire contingat sub penis, sententiis, & censuris tam in Constantiensi, & Senensi, quam hujus sanctæ Synodi sacris decretis contentis, & fulminatis districte injungendo, quatenus vos, & vestrum quemlibet cum Comitibus hujusmodi securos, liberos, & rutos cum rebus, & bonis vestris universis, ire, stare, & redire sine molestia, & impedimento permittant, de securitate, & conductu à nobis requisiti, quoties opus fuerit, favorabiliter providendo. Patet igitur Episcopos Galliæ, qui magno in numero aderant in Concilio Basileensi, magnæque ibi auctoritate pollebant, aliter quam modernos sensisse de potestate Ecclesiæ in Principes.

11. Concilium Tridentinum sess. 25. de reform. c. 19. privatos declarat dominio Civitatis, Castri, aut loci, ea concedentes ad Monomachiam, & si feudalita sint, directis Dominis acquisita decernit. IMPERATOR, REGES, DUCES, PRINCIPES, Marchiones, Comites, & quocumque alio nomine Domini temporales, qui locum ad Monomachiam in Terris suis inter Christianos concesserint, eisdem sint excommunicati, ac jurisdictione, & dominio Civitatis, Castri, aut loci, in quo, vel apud quem duellum fieri permiserint, quod ab Ecclesia obtinent, privati intelligantur; Et si feudalita sint, directis Dominis statim acquirantur. In ipsos autem decertantes profert omnium bonorum proscriptionem. Qui verò pugnam commiserint, & qui eorum patrini vocantur, excommunicationis, ac omnium bonorum suorum proscriptionis, ac perpetua infamia penam incurrant, & ut homicida juxta sacros Canones puniri debeant, &c. Vide Duvallium 2. 2. q. 17. Respondebitur fortasse Concilium Tridentinum non esse receptum in Gallia, sed de illa receptione tractabimus alibi. Satis hic est, ut notemus Concilii œcumenici sententiam ad minus Comitiorum Cleri Gallicani declarationi esse anteponendam.

12. Sed quæ opponetur responsio & Concilii Constantiensis in Gallia recepti tanquam generalis, & aliorum Conciliorum ubique receptorum, ut indubitatè œcumenicorum auctoritati? Mirum est quomodo doctrinam, tot, tamque augustorum Cætorum sententiæ adversam, Illustrissimi Præfules Parisiis congregati declarare ausi sint publica tranquillitati necessariam, nec minus Ecclesiæ, quàm Imperio utilem, ut verbo Dei, Patrum traditioni, & Sanctorum exemplis consonam omnino retinendam.

13. Hæc ex Conciliis sufficiant. Audiamus jam Patres, Episcopos, aliosque Doctores seorsim loquentes.

C A-

## CAPUT VI.

*An doctrina in prædicta propositione Cleri Gallicani contenta, sit consona menti S. Gregorii Magni?*

1. SAnctus Gregorius Magnus lib. 11. Epist. 10. concessis privilegiis Xenodochio à Brunichilda Regina, & Theodoro ipsius nepote Rege constructo subjungit; *Si quis vero REGVM, Sacerdotum, Judicum, personarumque secularium hanc Constitutionis nostræ paginam agnoscens contra eam venire tentaverit, POTESTATIS, HONORISQUE SUI DIGNITATE CAREAT. Quæ clausula continetur etiam in duabus Epistolis sequentibus.*

2. Hujus autoritatis vim cum aliàs eludere non posset Joannes Launoius, tres illas Epistolas suppositas, aut saltem interpolatas ostendere conatus est Epist. par. 7. Epist. 1. & 6. sed cum ab undecim ferè sæculis nemo in dubium eas revocaverit, nec solum à Gregorio VII. allegata fuerit prima earum, sed etiam omnes à pluribus Gallicanorum monumentorum collectoribus exscriptæ, ut ab Andrea Duchesne Histor. Francor. tom. 1. & à Patre Jacobo Sirmondo Concil. Gall. tom. 1. & ab innumeris illius Nationis scriptoribus citatæ, nisi argumenta proferat meridianâ, ut ita dicam, luce clariora, non videtur audiendus. Quæ sint igitur ejus fundamenta videamus, & primò in Epist. 6. ubi ex professo illas impugnat.

3. Primum petit ex eo quod Gregorius in concedendis similibus privilegiis, similem pœnam non adjecerit, ut probat adductis octo Epistolarum fragmentis. Secundò ex eo quod contra simoniam agens à simili etiam pœnâ inferendâ abstinuerit, idque probat quindecim aliarum Epistolarum locis. Tertium ex eo quod subsequentes Pontifices, scilicet Nicolaus I. & Joannes VIII. qui similem clausulam longè post illa tempora primi usurpare cœperunt, Regum mentionem non fecerint; sed Nicolaus Ecclesiasticarum tantum personarum; Joannes Sacerdotum, Judicum, &c. At certè argumenta illa negativa, veritatem prædictæ autoritatis concutere nequeunt; cum multis



multis de causis contingere potuerit, ut S. Gregorius hæc privilegia intentatâ speciali pænâ communienda duceret. Plurimas invenisset Launoius ejusmodi causas, si prædictæ Epistolæ consilio suo favissent, & quidem verisimiliores, quàm rationes, quibus illas impugnat. Illustrissimus Petrus de Marca Principum dignitatis vindex, non minus studiosus, quàm Launoius, Regiæ autoritati satis esse putavit, si ea privilegia, de quibus agitur, ad petitionem Brunichilda Reginae, & Theodorici Regis indulta dicerentur; de Concord. lib. 3. cap. ult. n. 4. Hanc certè petitionem innuunt ipsæmet Epistolæ impetitæ, sed apertissimè docent duæ, quæ istas antecedunt, in quarum prima, quæ est octava libri 11. ad Brunichildam Reginam sic scribit S. Gregorius; *Privilegia locis ipsis pro quiete, & munitione illis degentium, sicut voluistis, indulgimus. Et infra. Nos itaque pro munitione locorum, de quibus Excellentia vestra scripsit, omnia, sicut voluit, sancire studuimus.* Et in Epist. 9. quæ est ad Theodoricum Regem; *Omnia, quæ Excellentia vestra voluit citius, ac libenter implevimus.*

4. Sed cum duæ istæ Epistolæ tres alias confirmet, cur eas etiam Launoius falsas, & interpolatas non dixit, & septimam etiam ejusdem libri, cujus argumentum idem est, quod unius articuli Epistolæ prædictæ ad Brunichildem? Fortasse quia clausulam suprà relatam expressè non referunt. At illam multùm verisimilem efficiunt; cum quod illa clarè distinctèque exprimit, istæ in genere significant. Nec sine causa bis in una Epistola dixit S. Gregorius se rem fecisse, sicut Regina voluerat, qua repetitione indicare videtur, se rem concessisse valdè peculiarem.

5. Sed cum plurium sæculorum possessio Epistolis suffragetur, quas Launoius falsitatis, aut interpolationis suspectas efficere nititur, non nostrum est illarum veritatem probare, sed accusationem repellere. Veniamus igitur ad alia Launoii argumenta. Ridiculum certè illud est, quod tamen ipse pluries admovet in hac Epistola 6. & in 1. & meminit etiam in ultima ejusdem partis septimæ; nimirùm, si hæc clausula vera esset, S. Gregorium hæreticum fore, siquidem, inquit in hac Epistola 6. *Reges, qui non nihil Xenodochio malè ablatum, assēs puta duos, non restituerint, deponit, & Ecclesiasticâ communionem pri-*

VAT:

*pat : Pœna duplex est , eaque omnium gravissima , quæ levi , ut apparet , culpa irrogatur , alioquin indissimulabili veritate satendum est , S. Gregorium credidisse pares esse culpas omnes ; cum Regibus , qui Decalogum violassent totum , pœna gravior non imponeretur . Quo pacto hic Pontifex in Joviniani , & Stoicorum hæresim incurrisset . Deus bone ! Quot habuit hæreticos non solum Romana Ecclesia , sed & Gallia ipsa , si in hæresim incurrerunt quicumque Antistites pœnam omnium maximam , excommunicationem scilicet decreverunt in eos , qui res ad loca sacra pertinentes , aut usurparent , aut retinerent injustè . Quot enim edita sunt à Conciliis , quot à summis Pontificibus , Decreta contra hujusmodi sacrilegium ? Videri possunt apud Canonum Collectores v. g. apud Antonium Augustinum in Juris Pontificii veteris epitome lib. 6. tit. 9. & lib. 15. tit. 30. 31. 32. 33. & 34.*

6. Denique ex comparatione Gregorii VII. Henricum ab Imperio deponentis , & excommunicantis , cum Gregorio I. simili pœna plectentis Reges , Sacerdotes , & Judices privilegia supradicta violantes , insert Gregorium I. quem ut mitissimum laudat septimus , immitissimum futurum fuisse , si pro privilegiorum illorum violatione , quæ sine dubio minus crimen fuisset quam ea , de quibus reus dicebatur Henricus ; æqualem pœnam irrogasset ; quasi verò flagitia omnia , quibus per leges civiles indicta est pœna mortis , aut per Canones censura excommunicationis , æqualia sint ; ac inter hæreticos Joviniani , & Stoicorum sectatores censendi sint omnes Ecclesiæ Pastores , si pœna excommunicationis afficiant crimina diversæ speciei , seu inæqualis malitiæ . Ergone , cum in eodem peccati genere alius alio gravius peccet , pro conditione personæ , cognitionis modo , & aliis , quæ concurrunt , ille tantum qui omnium gravissimè peccabit , erit excommunicandus , ne fortè æqualitas pœnæ Judicem arguat injustitiæ ; si pro inæquali culpa æqualem pœnam imponat , aut hæresis Joviniani , & Stoicorum suspectum reddat , si peccata verè inæqualia , esse arbitretur æqualia . Accedit , quod pœna declarata , & executioni demandata ob crimen jam admissum , qualis fuit illata Henrico à Gregorio VII. major censenda est , quàm quæ alicui prohibitioni adjungitur adversus eum , qui agnoscens contra eam venire tentaverit , ut loquitur Gregorius I.

7. Præter illa argumenta quædam alia jam protulerat Epist. 1. ejusdem partis 7. quorum unum est *eadem trium Epistolarum contextio, qua falsitatis nota est*; sed quid mirum, si tria ejusdem omninò generis privilegia, eodem tempore ab iisdem personis petita, eodem tempore concessa, iisdemque omnibus circumstantiis, eadem formâ exprimentur; variatis tamen iis, quæ ad personas, ad quas dirigebantur, spectabant.

8. Sequitur argumentum negativum, sumptum à silentio Joannis Diaconi vitæ S. Gregorii scriptoris, qui rem Gregorio, & Sedis Apostolica rationibus conducentem quamplurimum non prætermisisset, si in Epistolis ejus extitisset. Debile ubique argumentum negativum, sed hic maximè; Cum Joannes ipse in præfatione sui operis declaret se multa, etiam memoratu digna, brevitatis causa prætermisisse; *Quamquam*, inquit, *nulla, & varia memoratu digna studio brevitatis omiserim, nihil memini me posuisse, quod scriptorum veterum auctoritate defendi nequeat.* An suspicæ habebuntur argumento Launoii S. Gregorii Epistolæ de rebus magni momenti tractantes, quotquot à Joanne Diacono prætermisæ fuerint?

9. Aliud argumentum mutuatur ab Epistola Petri Damiani ad Alexandrum II. quæ est 12. libri primi; Verùm ibi Petrus non conqueritur de usu censurarum, sed de frequenti nimis ac indiscreto; *Cumtis fere Decretalibus paginis*, inquit, *anathema subjungitur.* Quare optimè notat S. Gregorium hunc morem in suis non observasse Decretis; Tam enim aberat à *cumtis fere Decretalibus paginis anathemate subjungendo*; ut Launoius privilegia, de quibus est quæstio, ex eo etiam capite impugnet, quod pœna excommunicationis illis adjecta fuerit, quâ in similibus privilegiis, aut contra simoniam uti non solebat S. Gregorius. Quamvis hic petitio Regis, ac Reginæ fundatorum, vim illius consequentiæ, aliàs illegitimæ, elidat.

10. Rationem illam, de qua sibi tantum applaudere Launoius videtur, nimirum Pontifices futuros hæreticos, si pro levibus criminibus graves pœnas constituerent, quia cum Joviniano, ac cum Stoicis (quamquam hæresis de Stoicis improprie dicitur) peccata æqualia esse supposuissent, à Petro Damiani sine dubio mutuatus est; sed ineptè, ac in sensu ab ejus Autoris mente valde alieno adhibuit. Rectè quidem

Petrus

Petrus Damiani de indiscreto, ac frequentissimo usu anathematis conquerebatur his verbis; *Cunctis ferè Decretalibus paginis anathema subjungitur . . . . . quam sit salutis immane periculum, & infinite patens vorago labemium, ac perniciës animarum, Clementia vestra pietas non ignorat. Dicimus enim quisquis hæc, vel illa non fecerit, sive certè quisquis hoc quod superius statutum est, irritum duxerit, vel in aliquo violaverit, anathema sit.* Et aptè deinde addidit; *Non enim secundùm Stoicos omnia peccata sunt paria, atque idcirco indifferenti sum ultione plerenda.* Non infert cum Launoio, vir aliàs satis austerus, hæreticos esse censendos, qui pœnas æquales pro omnibus peccatis indiscriminatim imponerent, sed monet, cùm omnia peccata paria non sint, pro omnibus anathema, maximam omnium pœnarum, non esse passim infligendum.

11. Accedit quod Launoius, ut prædictæ rationi aliquem obducatur colorem verbis S. Gregorii ridiculam affingit sententiam, quasi, dum vetatur usurpatio, aut injusta detentio bonorum ad pia loca, de quibus est sermo, pertinentium, sensus sit, cùm, qui rem modicam, puta, inquit Launoius Epist. 6. asses duos, Epist. 1. asses quindecim, usurpaverit, aut detinuerit, pœnas gravissimas illic appositæ incursum sit. Pari ratione in ridiculum sensum deflectentur omnes Conciliorum Canones, prohibentes sub pœna excommunicationis sacrilegam bonorum Ecclesiasticorum usurpationem. Quot enim reperies, qui taxaverint pretium rerum subtractarum ad incurrendam excommunicationem necessarium? Ex gravitate pœnæ Doctores inferunt, non sufficere, ad eam contrahendam, materiam admodum levem, non autem arguunt cum Launoio pœnam injustam esse, vel Legislatores hæreticos.

12. Aliud argumentum trahit ex inscriptione Epistolarum 10. & 12. quia in illa Senator, in ista Lupo Presbyteri & Abbates nuncupantur, cùm tamen S. Gregorius lib. 3. epist. 11. Presbyteros Monasteriis præfici vetet, fatetur quidem tacite Launoius S. Augustinum, & quosdam alios Patres aliud observari voluisse, atque aliud etiam in Ecclesia post S. Gregorium observatum fuisse; sed cùm de S. Gregorio agatur ejus solius praxim vult hic esse attendendam. At nonne præstaret, S. Gregorium cum S. Augustino, & aliis Patribus, ac cum Ecclesiæ usu mox subsecuto concordare?

Res non erit admodum difficilis; satis enim est, ut ad S. Gregorii verba mediocris adhibeatur attentio. Non enim præcipit ut qui Presbyter est ordinatus, sive antequam Religionem ingrederetur, sive in Religione ipsa, Ordinum exercitio spoliatur, statim ut Abbas fiet; sed prohibet, ne qui alicujus Ecclesiæ servitio addictus est, Monachis præficiatur, nisi dimissâ Ecclesiâ suâ transeat ad Religionem; quod nimirum utrique officio satis esse non possit. Hæc sunt ejus verba istuc pertinentia (nam quæ his præmittit Launoius, ac cum istis etiam punctuatione conjungit, ex qua conjunctione sensus obscuratur, non ita tamen ut adhuc satis clarè non perspiciatur, ad aliud pertinent) *Presbyteros, Diaconos, ceterosq; cujuslibet Ordinis Clericos, qui in Ecclesiis quoquo modo militant, Abbates per Monasteria esse non permittas; sed aut admissâ Clericatus militiâ Monasticis non proveharis Ordinibus, aut si in Abbatis loco permanere decreverunt, Clericatus nullatenus permittantur habere militiam; satis enim incongruum est; si cum unum ex his pro sui magnitudine diligenter, qui non possit explere, ad utrumque justitè idoneus; sicq; invicem & Ecclesiasticus ordo vita Monastica, & Ecclesiasticis militatibus regula Monachatus impediatur. Verba illa, qui in Ecclesiis quoquo modo militant. . . . admissâ Clericatus militiâ. . . . Clericatus nullatenus permittantur habere militiam, mentem S. Gregorii significant, nempe nolle illum, ut qui alicujus Ecclesiæ servitio tanquam Clerici mancipati sunt, Monasterio præsent. Sed hunc S. Doctoris sensum manifestè pandit ratio, quam affert; *Cum unum ex his pro sui magnitudine diligenter non possit explere, &c.* Quæ ratio nihil valet ad probandum, eum; qui ante Pontificatum S. Gregorii, vel qui tempore ipso ejus Pontificatus ante ingressum in Religionem, vel etiam post ipsum ingressum, in loco satis ab urbe Roma remoto, Presbyteratus ordine fuisset initiatus, non fuisse vocandum Presbyterum à S. Gregorio; sed habendum ut Laicum.*

13. Præterea argumentum Launoio ministravit diversitas Codicum; sed hujus varietatis in promptu est ratio, nimirum quod tanta sit trium Epistolarum similitudo, ut omnes exscribere satis visum fuerit aliquibus amanuensibus; sicut in omnibus serè Codicibus impressis prima tantum integra est, reliquarum ponitur solum initium, cum, &c. ut observavit ipse Launoius, qui etiam propter illam magnam similitudinem

multitudinem, illas de falso suspectas efficere conatus est, licet frustra; ut supra ostendimus. Adde quod in omnibus Codicibus etiam manuscriptis habetur prima, quæ est ad Senatorem, quæ sola citata est à Gregorio VII. à Cardinali Peronio, & aliis. Deinde cum, ut supra notavimus, illa privilegia tribus locis piis, ab iisdem Principibus fundatis, in eadem Civitate, aut ejus suburbio, eodemque tempore indulta fuerint, facile amanuenses effugere poterit illorum distinctio. Denique ut Launoius tot Codices manuscriptos, & antiquos, totque impressos, falsi posset arguere aliquem deberet proferre illis antiquiorem, & ante tempus, quo admissam falsitatem supponit, exaratum. Quam etiam varietatem unius, & ejusdem Epistolæ, in diversis Codicibus animadvertit, præterquam quod ad clausulam, de qua agimus, non pertinet, nihil mirum est, si ob tantam similitudinem, aliquando Xenodochii, & Monasterii, aliquando Ecclesiæ tantum fiat mentio. Cæterum quando variatio substantiam instrumenti non attingit, veritatis potius, quam falsitatis inditium est in monumentis antiquis. Signum enim est multoties illa fuisse exscripta, atque à magna amanuensium multitudine ortam esse illam diversitatem. Quam enim variæ sunt Lectiones operum, quæ nullâ falsitatis laborant suspitione? Valeret argumentum Launoii, si in his tantum S. Gregorii epistolis referendis non consentirent omnino Codices, ac in aliis ejus, aut aliorum operibus indubitatis non reperiretur similis, vel major diversitas: Idem etiam dicendum de mendis ab amanuensium negligentia vel inciscia profectis.

14. Ex eo quod Andreas Monachus Gregorii viventis scripta quadam falsavit, & nonnullos illi sermones supposuit, rectè concludit Launoius, si & alius Monachus, aut Clericus tres istas Epistolas, seu tria hæc Augustodunensia privilegia Gregorio viventi, vel vita functo potuit supponere, vel falsare, & Epistolarum Codici ante Joannis Diaconi tempus inferre; sed ex eo quod fieri poterit, si concludatur revera factum fuisse, vitiosissima erit consequentia. Nec enim faciunt homines malum omnè quod possunt, si legitima esset illa consequentia, non solum aliæ S. Gregorii Epistolæ, sed omnia omnino scripta, præsertim antiqua, vel falsa, vel dubia essent habenda, Ita-

que licet tres aliæ Epistolæ, quas citat Launoius, suppositæ fuissent, ut contendit ob diversitatem illarum hinc In editione Romana, illinc apud Ivonem, Gratianum, & Petrum Cluniacensem; non rectè inferretur illa conclusio, quam his verbis exprimit Launoius: *Non dubito quin Monachi fuerint Andrea Monacho similes, qui Sammedardense, & Augustodunensia privilegia, vel supposuerint, vel falsaverint.*

15. Ultimum argumentum, quod ut cumulum adjungit, est exemplum repulsæ, quam Constantina Imperatrix à Gregorio tulit, postulans B. Pauli Caput, aut membrum aliud, quod in ejusdem Apostoli Basilica Constantinopoli apud Palatium ædificata collocaret. Excusavit enim se Pontifex lib. 3. epist. 20. quod Imperatrix illa præciperet, quæ ipse facere nec posset, nec auderet. Undè Launoius infert S. Gregorium, qui Constantinæ, cui debebat & jure Reipublicæ, & privato parere, negaverat Reliquias, quia Ecclesiæ Romanæ mos obtinuerat, ne suis ex locis extraherentur, multò magis privilegia Synodo Chalcedonensi, quàm ut Librum Evangelii venerabatur, contraria non concessurum. Ac re ipsa lib. 11. epist. 8. ad Brunichildam scribit de quodam bigamo, se vetuisse, ne ad Sacrum Ordinem accederet, ac subjungit; *Abstine enim ne vestris temporibus in quibus tam multa pia, ac religiosa agitis, aliquid contra Ecclesiasticum institutum fieri permittatur.* Non igitur permissurus, nedum decreturus erat, ut ea fierent, quæ in ejusdem libri epistolis Augustodunensia privilegia continentibus statuuntur. Omnes illæ conjecturæ Launoi testimonio ipsiusmet Epistolæ S. Gregorii ad Brunichildam Reginam, quam citat, scilicet 8. libri undecimam confutantur. Sic enim legitur paulò ante finem; *Nos itaque pro munitione locorum, de quibus Excellentia vestra scripsit, omnia sicut voluit, sancire studuimus. Sed ne fortasse ab eorum locorum Præpositis eadem decreta nostra quoquo tempore supprimantur, pro eo; quod eis quædam interdicta esse noscuntur, hac eadem constitutio gestis est publicis inferenda; quatenus sicut in nostris ita quoque IN REGALIBVS SCRINIIS TENEARVR.* Illi enim locorum Præpositi, quibus per illa privilegia quædam erant interdicta, erant sine dubio Prælati Ecclesiastici; Nam Præpositis sæcularibus secundùm principia Launoi, non Papa, sed Regina, vel Rex interdicere debuisset; & inutilis

his fuisset factarum prohibitionum in Scriniis Apostolicis asservatio. Non videntur etiam intelligendi locorum illorum Abbates, seu Præfecti; quia vel illud interdictum juribus Episcoporum favebat; & tunc nihil opuserat, ut in Scriniis Apostolicis simul, & Regiis asservaretur; satis enim conservandis suis juribus consulturi erant Episcopi; vel Episcopatibus juribus adversabatur; & sic S. Gregorius non ita Jurium Episcopatum religiosus erat Custos, ut, dum occurrerent causæ rationabiles, dispensationem non concederet. Si denique Episcopis nec suffragabatur, nec adversabatur, non erat tanti momenti, nec tantam requirebat cautionem, ut Episcoporum, quibus Monachi plenissimè fuissent subiecti, curæ relinqui non posset: Erant ergo illi Prælati locorum Episcopi, quibus erant quædam interdicta. Notanda est hæc vox *quædam*; quia per hæc privilegia non fit omnimoda subtractio Monachorum à jurisdictione Episcopali, ut observavit Dominus de Marca lib. 3. cap. ult. n. 4. Itaque non recessit Gregorius à mente Concilii Chalcedonenfis, ea privilegia indulgens, quæ ad fovendam regularem disciplinam & quietem in prædictis locis piis conducebant; nec Canonice disciplinæ, cujus sanctus ille Pontifex erat studiosus, adeo adversabantur, ut falsa esse concludamus.

## C A P U T VII.

*Prædictam propositionem Cleri Gallicani non esse consonam doctrinæ S. Bernardi aliorumq; Sanctorum Doctorum.*

1. S Anctus Bernardus de consid. lib. 4. cap. 3. sic Eugenium III. alloquitur; *Quid tu demò usurpare gladium tenes quem semel jussus es ponere in vaginam? Quem tamen qui tuum negas non satis mihi videtur attendere verbum Domini dicentis sic; Convertite gladium tuum in vaginam. Tuus ergo, & ipse tuo forsitan metu, & si non tua manu evaginandus. Alioquin si nullo modo ad te pertineret, & is, dicentibus Apostolis; Ecce gladii duo hic, non respondisset Dominus, satis est, sed nimis est. Uterque ergo Ecclesia, ET SPIRITUALIS SCILICET GLADIUS, ET MA-*

TE-



TERIALIS, sed is quidem pro Ecclesia, ille verò & ab Ecclesia exercendus est. Ille Sacerdotis, is militis manu, sed sanè ad mutum Sacerdotis, & iustum Imperatoris. Ex quibus S. Bernardi verbis, quæcunque adhibeatur interpretatio, necessariò resultat Ecclesiasticam potestatem, saltem indirectè, ad temporalia Principum ex mente S. Bernardi pertingere. Docet enim apertissimè summum Pontificem habere jus imperandi ut bellum geratur adversus Ecclesiæ hostes. Si ergo Princeps Christianus non solum à fide ipse descisceret, sed etiam subditos averteret, nec alia posset ratione comprimi, posset Ecclesia contra eum alios ad bellum inducere, ac ita eum à dominio deturbandum curare. Hanc tantum Ecclesiasticæ partis potestatem adstruere visum est S. Bernardo pro temporis sui conditione, nimirum ob expeditiones Christianorum Occidentalium in Terram Sanctam contra Infideles. Fuleonis Archiepiscopi Remensis, & Ivonis Episcopi Carnotensis sententiam referemus cap. 11.

2. Doctrinam illam magis explicat S. Thomas Universitatis Parisiensis Alumnus 2. 2. quæst. 12. art. 2. in corp. *Infidelitatem illorum, qui fidem susceperunt potest (Ecclesia) sententialiter punire, & convenienter in hoc puniuntur, quod suls dñs fidelibus dominari non possint. Hoc enim vergere posset in magnam fidei corruptionem, &c.*

3. S. Bonaventura ejusdem Universitatis Parisiensis Alumnus tom. 7. par. 2. de Ecclesiastica Hierarchia cap. 1. Patet, inquit, quod dignitas Clericalis, qua in sua radice considerata, est penitus spiritualis, merito est consona Ordini dominationis, qua sic præcedit alios inferiores Ordines, quod illos illuminat, perficit, & purgat, & tamen ab illis non illuminatur, nec perficitur, nec purgatur. Quia sicut spiritus dignitate, & officio præcellit corpus, sic potestas spiritualis dignior est, quàm secularis, & ideo bene sortitur nomen dominationis. Unde REGALIS POTESTAS SVBIACET POTESTATI, ET AVTORITATI SPIRITUALI, sicut in prima Canonica Petri dicitur: *Vos estis gens sancta, Regale Sacerdotium, &c.* nam TEMPORALE REGNUM VELVT QUODDAM ADJECTIVM SVBIACET SACERDOTIO IN NOVO TESTAMENTO; sed in veteri Testamento Sacerdotium sufficit Regno, unde dicitur in Exod. *Elegeri vos in populum peculiarem, in Sacerdotale Regnum, ubi Regnum ponitur substantivè, sed Sacerdotium adiectivè.* Hæc fortè de sola dignitate, & excellentia potestatis spiritualis supra sæcularem intelligi possent

possent, sed continuo addit; *Et idcō Reges tunc poterant amover Sacerdotes, sicut Salomon amovit Abiathar. Jam verō POSSVNT SACERDOTES, ET PONTIFICES EX CAUSA AMOVERE REGES, ET IMPERATORES, SICVT SÆPIVS ACCIDIT, ET VISVM EST, quando scilicet eorum malitia hoc exigit, & Reipublica necessitas sic requirit. Summus verō Pontifex, penes quem prima in terris residet auctoritas, non à Rege, non à Principe seculari, non ab homine judicatur, sed solius Dei iudicio reservatur.*

4. Augustinus Triumphus sanctorum Thomæ, & Bonaventuræ Parisiis discipulus, vir doctrina, & pietate insignis, & à plerisque cum Beati titulo nuncupatus, Magistrorum suorum doctrinæ suffragatur, quod adcō est evidens, ut excessisse aliquibus videatur.

5. Difficillimum est, ne dicam impossibile, ut auctoritates paris cum jam adductis momenti, proferantur ad confirmandam Cleri Gallicani primam propositionem. Nec video quomodo etiam universim accepta probabilis possit evadere doctrina, Conciliorum œcumenicorum sententiâ, & praxi, & sanctorum Patrum, ac Doctorum calculo improbata; Multominus quomodo possit, prætextu libertatum Ecclesiæ Gallicanæ, quæ Canonibus & Patrum traditione niti dicuntur, toti Galliæ credenda proponi, advocatâ Principis potestate, ut etiam eam profiteri ac docere pœnis indictis Theologi cogantur.

## C A P U T V I I I.

*Ecclesiæ in temporalia potestas probatur auctoritate aliorum Theologorum Gallorum, vel in Gallia educatorum.*

1. **A**lexander Alensis Doctoris irrefragabilis epitheto celeberris, in schola Parisiensi Professor, S. Thomæ, ac S. Bonaventuræ Præceptor, summæ Theologiæ par. 4. quæst. 10. tract. de offic. Miss. par. 2. super hæc verba; *Et Regem nostrum*; Ugonem de S. Victore lib. 2. Sacrament. par. 2. cap. 4. ferè ad verbum exscribens, *Spiritualis, inquit, potestas terrenam potestatem insinuere habet, ut sit, & judicare habet, si bona non fuerit.*

A a

Spi

*Spiritualis autem potestas primum instituta est, & cum deviat, à solo Deo iudicari debet. Unde spiritualis iudicat omnia, & ipsa à nemine iudicatur. Quod Regalis potestas ordinata est, & instituta per spirituales, patet per hoc, quia adhuc in Ecclesia Sacerdotalis Dignitas Regalem potestatem sacras, & sanctificans per benedictionem, & formans per institutionem. UNDE REGALIS POTESTAS IVRE INFERIOR EXISTIMATUR.*

2. *Umbertus ex Diœcesi Viennensi, Parisiis educatus sermo. 70. cuius titulus est; Sermo in solemnibus depositione Magnatum secularium per Ecclesiam faciendâ; Ista autem auctoritate magna utitur Ecclesia in depositione Principum, non solum illorum, qui sunt ei subiecti in temporalibus de quibus clarum est, quod potest, sed illorum, QUI SVBSVNT EI SOLVM IN SPIRITVALIBVS, in quibus propter culpas eorum habet potestatem, quia ratione delicti sunt ei omnia subiecta. Quod autem sic possit facere patet ex tribus. In mundo enim maiori spiritualia scilicet Angelica creatura sunt super corporalem & eam regunt. Similiter in minori mundo, scilicet in homine est spiritus super corpus & ipsum regit. Eadem ergo ratione & in Ecclesia Pontificalis potestas qua est spiritualis debet esse super omnem potestatem seculari. Præterea Papa, qui est super omnes potest deponi ab Ecclesia, qua tota subest ei in casu, ergo multo fortius QVICVNQVE REX DEPONI POTEST A PAPA CUI OMNES SVBSVNT. Præterea si Rex aliquis qui nihil tenet nisi à Deo non posset deponi à Papa, CVM INTERDVM EXTENDIAT EVM DEPONI, ut ostensum est, ergo non reliquisset Deus sufficientem potestatem in Ecclesia ad regimen mundi, quod est inconveniens.*

3. *Henricus à Gandavo, qui diu Parisiis docuit, ibique scripsit. Quod lib. 6. quæst. 23. pag. 244. Redat, inquit, (Papa) rationem tanquam superior Iudex de rebus etiam temporalibus hominum, si dimittat eas a REGIBVS malè, & iniuriòse tractari; non quia jurisdictionem habeat ordinariam in temporalibus Regibus commissis, sed quia in certis casibus jurisdictionis suæ habeat liberam, inò necessariam executionem, juxta illud quod legitur Extravag. qui filii sint legitimi per venerabilem Ubi dicitur non solum in Ecclesia patrimonio, super quo plenam in temporalibus gerimus potestatem, verum etiam in aliis Regionibus, certis casibus inspectis temporalem jurisdictionem casualiter exercemus . . . non potest deponere Papa Principes, nisi ratione delicti, aut insufficientia. Quod bene exprimitur in illo cap. Alius. Ubi dicitur, Romanus Pontifex Zacharias Regem Francorum non tam pro suis iniquitatibus, quam pro eo QVOD TANTÆ POTESTATI INVILIS ERAT, a REGNO DEPOSUIT, & secundum hoc Sacerdos Apostolicus se habet ad Reges, & Principes, sicut Architector civilis ad alios*

alios artifices in Civitate. Sicut enim Architectonici est, præcipere, qui, & quales debent exercere scientiam medicinalem, Rhetoricam, & sic de aliis in Civitate, & quosdam admittere, quosdam repellere: sic Sacerdos Apostolicus debet considerare qui, & quales Regna, & Principatus regere debeant, & bonos honorare, MALOS AUTEM, ET MALE REGENTES DEPOSERE, ET ALIOS LOCO ILLORVM SVBSTITVERE..... Ad argumentum in hoc positum; quod dignitates distinctæ sunt: dicendum, quod verum est propter Divinam dispositionem, sed non ex natura rei, sicut dictum est, & hoc non penitus distinctè, quin superior jurisdictio remaneat penes Papam.

4. Eandem doctrinam statuit Petrus Paludanus in 3. sentent. distinct. 40. quæst. 2. concl. 4. eamque tum aliis, tum istis præcipue rationibus confirmat; Major potestas includit minorem in ordinatis secundum ordinem suis. Sicut enim in artibus ars qua est de fine, imperat illi, quæ est de eo, quod est ad finem 1. Ethic. sic debet esse in Principatibus. Unde cum corporalia ordinentur ad spiritualia, UNIVERSALIS PRINCEPS IN TEMPORALIBVS DEBET SVBESSE VNIVERSALI IN SPIRITVALIBVS. Præterea talis ordo est inter Prelatos, sicut inter subditos. Sed spiritualia, quibus præest Papa, præstant corporalibus, quibus præest Imperator: ut anima spiritui: ERGO PAPA IMPERATORI PRÆEST. Præterea in domo Patris familias non debet esse nisi unum Caput, si domus est una. Si diceretur quod Caput Ecclesie non est Papa, sed Christus. Sed tamen videtur, quod universalitas Hierarchia Ecclesiastica melius regatur, si sit unus Princeps tantum respectu omnium, quam si sint duo aequales. Unde divisio inter Papam, & Imperatorem multum turbavit Ecclesiam. Unde videtur voluntas Christi, qui est Rector sapientissimus, quod non aqualiter hi duo principentur, sed unus sub alio, quod absurdum esset dicere de Papa, quod scilicet subesset Imperatori. Videri etiam potest in tract. de causa innediata potestatis: art. 4. ubi eandem statuit sententiam.

5. Hervæus Natalis citatur ab Illustrissimo Cardinali Perrenio ferè quasi nimium potestatem Pontificiam extollens; sed eam non minus efferunt plures alii Doctores Gallicani. Franciscus Mayronus in Schola Parisiensis Professor insignis ob inductum morem, ut qui Doctoris Lauream in Sorbona esset adepturus à sexta matutina, usque ad sextam vespertinam continuè argumentantibus responderet, cui tempori additæ sunt adhuc duæ horæ, in 4. lib. sent. dist. 19. quæst. 4. inter alia multa de summi Pontificis autoritate, hanc quætam

*Et cap. prudentiam. Sic etiam de hereditate cognoscit Iudex Ecclesiasticus ratione incidentis. Extravag. qui filii sunt legitimi, cap. Per tuus, & cap. Ex tenore. Alii sunt plures casus speciales, in quibus Iudex Ecclesiasticus cognoscit de temporalibus, quos enumerat Hostiensis. In Glossa Extravag. de Iudiciis cap. Novit. Sic ergo regulariter verum est, quod de causis merè spiritualibus solus Papa, & alii Iudices Ecclesiastici habent cognoscere: de causis verò merè temporalibus habent cognoscere Reges, Imperatores, & alii Iudices sæculares. Et sic Rex Francia secundum iura non subest Summo Pontifici, nec ei tenetur respondere de feudo sui; POTEST TAMEN EI SVBIACERE INCIDENTER, ET CASUALITER RATIONE CONNEXIONIS ALICVIUS CAUSÆ SPIRITVALIS, sicut habetur Extravag. de Iudiciis cap. Novit. & Extravag. Qui filii sunt legitimi. cap. Per venerabiles.*

8. Joannes de Pariliis, quem Cæsar Egassius Bulæus in hist. univer. Paris. tom. 4. ad annum 1303. pag. 61. dicit scripsisse pro Philippo IV. Rege Francorum adversus Bonifacium VIII. Papam, quantumvis Principibus faveat in Tractatu de potestate Regia, & Papali, non potuit tamen aliquam in eos potestatem Pontificis non reservare his verbis cap. 14. *Si esset hereticus & incorrigibilis & contemptor Ecclesia censura, POSSET PAPA ALIQUID FACERE IN POPULO, Vnde PRIVARETVR ILLE SÆCVLARI HONORE, ET DEPONERETVR A POPVLO. Et hoc faceret Papa in Crimine Ecclesiastico, cuius cognitio ad ipsum pertinet, excommunicando scilicet omnes, qui ei, ut Domino obedirent; & sic Populus ipsum deponeret, & Papa per accidens. Auctoris Tractatus de utraque potestate sæculari & Ecclesiastica, qui somnium Vinidarii inscribitur, verba capite sequenti referemus.*

9. Joannes Gerfonius Doctor & Cancellarius Parisiensis tract. de potest. Eccl. considerat. 12. *Potestas Ecclesiastica Papalis, inquit, non ita habet dominia, & iura terreni simul, & Cælestis Imperii, quod possit ad libitum suum de bonis Clericorum, & multò minus Laicorum dispo- nere, quamvis concedi debeat, quod habet in eis dominium quoddam regit- rium, directivum, regulativum, & ordinativum. Et infra: Postremò suis terminis ita potestas Ecclesiastica se coercet, ut meminerit potestatem sæ- cularem etiam apud Infideles sua habere propria iura, suas dignitates, suas le- ges, sua iudicia, de quibus occupare se Ecclesiastica potestas non presumat, vel usurpet, NISI DVM REDVNDAT ABVSVS POTESTATIS SÆ- CVLARIS IN IMPVGNATIONEM FIDEI ET BLASPHEMIAM CREATORIS, ET IN MANIFESTAM ECCLESIASTICÆ POTESTA-*

# 190 TRACTATUS DE LIBERTATIBVS,

TIS INIURIAM, tunc enim attendere convenit ultimam huius considerationis 12. particulam, quod in his Ecclesiastica potestas habet dominium quoddam regitivum, directivum, ordinativum, & regulativum.

10. Jacobus Almain Doctor Parisiensis Ludovici XII. Regis Franciæ, juxta Richerium defensor tract. de potestate Ecclesiastica, & Laica cap. 9. Non dedit (Deus) potestatem (Petro) Laicos suis proprietatibus, & dominis privandi, NISI IN CASU, si contingeret Principem secularem abuti re suâ in perniciem Christianitatis, vel fidei; ita quod ille abusus esset in maximo nocumento pro consecutione felicitatis æternæ. Non negat quin in tali casu Papa possit eum deponere, etsi alii Doctores hoc negent, qui tamen docent, Papam habere potestatem declarandi ipsum Principem esse deponendum. Et q. 2. cap. 5. ad caput octavum Guilielmi Occam; Verumtamen, dicit Doctor, quod Papa potest Imperatorem deponere, in duobus casibus: Primus pro crimine purè spirituali, ut est heresis: Secundus quando illi ad quos spectat jure ordinario sum negligentes ipsum deponere. Unde dicit Doctor 3. parte Dial. 2. lib. quod universaliter si negligat Judex secularis exercere jurisdictionem laicam pro loco & tempore devolvitur potestas exercendi ad Judicem Ecclesiasticum, &c. resolutio Doctoris in hoc argumento est cum apparentia, quod nunquam potest Papa Principem secularem (seclusis suis vassallis) deponere nisi in duobus casibus prædictis.

11. Joannes Major Doctor Parisiensis alter prædicti Regis ex Richerio defensor in 4. sent. dist. 24. ad quartum argumentum contra tertiam conclusionem; Si dicatur quod habet (Papa) Dominium in temporalibus casualiter, & quod multum potest agere ad depositionem Regum suadendo, consultando, imò alios provocando in eos gladio martiali, quando Reges sunt labefactores fidei, & Reipublica Christiana totaliter inutilis: hoc mitius ferendum est, & NON ESSET REMOTA OPINIO A DICTIS NOSTRIS.

## CAPUT IX.

*Eandem esse de illa Ecclesiæ potestate juris , tum Canonici , tum Civilis peritorum sententiam.*

1. **J**uris præsertim Canonici Interpretes , aut tractatores Ecclesiasticam potestatem in temporalia Principum magis adhuc , quàm Theologi , explicuerunt. Ex quorum infinito propemodum numero paucos tantum Gallos profero.

2. Guichelmus Durandus Episcopus Mimatenfis in specul. Jur. particula prima, tit. de Legato §. Nunc ostendendum , qui est 6. n. 17. de autoritate Papæ ità scribit; **DEPONIT IMPERATOREM PROPTER IPSIUS INIQUITATES** , ut Extravag. de re judicata ad Apostolica lib. 6. & etiam Reges , ut 15. quest. 6. Alius. Et dat eis Curatores ubi ipsi sunt inutiles ad regendum. Ut extra de suppl. neglig. Prælat. grandi lib. 6. n. 32. Item ipse renovat leges Imperiales , ut in Constitutione Gregorii X. Proferendum.

3. Joannes Monachus à Gallia oriundus in cap. Grandi de supplen. neglig. Prælat. n. 4. sic scripsit; *Sed quid ad Papam de Regibus , & eorum Regnis ? videtur immittere falcem suam in messem alienam , quod esse non debet , supra de electio. venerabilem , in princip. sed dic quod Papa in quæmilet habet jurisdictionem , NEC EST DUBIUM RATIONE PEC-CATI infra de judiciis. Novit. & in spectantibus ad pacis reformationem 90. dist. per tot. &c. Vide etiam n. 5. In cap. autem ad Apostolicæ descent. & re judic. n. 9. notat , quod PAPA DEPONIT IMPERATOREM PROPTER CRIMEN : ut hic : Etiam PROPTER INUTILITATEM REGES DEPONIT 15. q. 6. Alius : Etiam ipsi Regibus malè administrantibus Coadjutores & Coadministratores dat. supra hoc lib. de supplen. neglig. Prælat. Grandi. Ecclesia etiam Principes compellit exhibere justitiam 23. q. 5. administratores. Etiam jurisdictione utitur ex eorum negligentia sup. de foro compet. Ex tenore. Oportet enim ponere unum Principatum , ad quem omnes recurrant 6. q. 1. In apibus.*

4. Etiam à tempore dissidii inter Bonifacium VIII. & Philippum IV. Regem Franciæ , in quo maximè controversa fuit jurisdictio Ecclesiastica in temporalia Regum , non solum Doctores Ecclesiasticos , sed ipsos etiam Officiales Regios hanc  
po-

potestatem confessos fuisse patet ex Tractatu de utraque potestate seculari & Ecclesiastica, qui somnium Viridarii est inscriptus, quemque alii Cancellario, alii Consiliario Caroli V. Regis Franciæ tribuunt, & certè in favorem potestatis laicæ scriptum fuisse constat. In eo tractatu defensor autoritatis sæcularis sub nomine Militis sic loquitur; *Concedendum est, quod Principatus Papalis concernit temporalia prout de necessario concernit spiritualia, cum ab eorum usu, vel abusu surgit peccatum, prout dicunt Textus, ratione peccati omnes causa spectant ad forum Ecclesiasticum cap. novit. de iudiciis, & cap. Per venerabilem qui filii sint legitimi. Tamen principaliter disponendo, & autorizando nihil spectat ad Papam quantum ad temporalia. Et alibi. Nec debes se (Potestas Ecclesiastica) de depositione Imperatorum, seu Regum temporalium intronizzare, prout in prioribus plenius fuit dictum, quantumcumque Rex, vel Imperator sit dignus depositione propter defectum quemcumque, vel crimen, quod non est inter spiritualia crimina computandum. Et idè si Imperator, vel Rex committit crimen dilapidationis, vel destructionis Imperii, seu Regni, aut damnabilis negligentia Imperii, vel Regni, vel Tyrannidis, vel quodcumque aliud propter quod non immerito deponi meruit, Papa non debet eum deponere, sed populus à quo suam recipit potestatem tacite vel expresse; Excipit, nisi illi, ad quos pertinet, nolent, aut non possent facere iustitia complementum. Postcà adducens exempla Pontificum deponentium Imperatores, varias affert responsiones; & allatà opinione improbantium quod factum fuerat ab eis, addit; Faientur tamen quod Papa potest transferre Imperium, vel Regnum casualiter, ut quia non est alius superior; vel aliter aut Imperium, vel Regnum est transferendum de gente in gentem propter aliquod crimen spirituale gentis, puta si gens illa inficiatur hæretica pravitate, vel ad legem Judæorum, vel ritum Gentilium, vel sectam aliam converteretur, vel propter aliud simile, vel propter crimenulare, ut propter negligentiam, aut defectum alium, propter quod etiam iudicio sapientium Gentilium, vel Christianorum gens illa non esset digna alias gubernare. Si transferendum esset Imperium, vel Regnum propter crimen spirituale, dicunt quidem, quod Papa potest iure Divino transferre Imperium, seu Regnum, quia ipse in spiritualibus, & annexis eis habet plenitudinem potestatis quantum ad ea, quæ sunt de necessitate facienda. Alii dicunt, quod Papa in hoc casu non potest transferre Imperium, sive Regnum nisi laici fuerint damnabiliter negligentes, vel faventes genti, à qua necesse est transferri Imperium, vel Regnum, sed in hoc casu spectat ad Papam de crimine spirituali cognoscere, & denunciare illis, ad quos spectat, ut ipsum deponant. Quod si noluerint, vel non poterint.*



JURE DIVINO EST DEVOLUTA POTESTAS AD SUMMUM PONTIFICEM : & hoc quia ipse habet plenitudinem potestatis quantum ad omnia , qua sunt de necessitate facienda. Si verò Imperium transfrendum esses de gente ingentem propter crimen aliquod seculare , vel defectum alium , Papa auctoritate propria talem translationem non posset facere , nisi illi , ad quos spectaret , damnablem essent negligentes. Fatetur ergò Autor , & quidem frequenter , Ecclesiam posse Principes deponere , saltem pro criminibus spiritualibus , & etiam pro aliis culpis , si negligant ii , ad quos jus illud spectat.

5. Joannes de Selva tract. de Benef. par. 3. quæst. 8. num. 31. ita censet , PAPA SOLVS POTEST DEPONERE IMPERATOREM cap. Ad Apostolica de sent. & re judic. in 6. & no. doc. post. gloss. in cap. Venerabilem de elect. & in Clement. Romani de jurejur. Præterea facit , quod Papa potest deponere Regem , ut alius DEPOSUIT REGEM FRANCIAE , quia erat effeminatus cap. Alius. 15. quæst. 6. Ita ille , licet in Senatu Parisiensi Præses.

6. Consentit , & ampliùs illam potestatem explicat in Senatu Tolosano Præses Stephanus Anferius tract. de potest. Eccles. super laicis eorum , ac prærogativis Ecclesiæ , num. 32. Facit , quod notat Baldus in c. Imperialem §. fin. 1. col. de prohib. feud. alien. per feder. ubi dicit , quod si Dominus Feudi non recognoscit superiorem , prout est Rex Francia , & Pares Curie ei nimis favent , Papa cognoscet. Sed dictum hujusmodi debet intelligi in causa ardua , quia sic loquitur aliegarum cap. Per venerabilem num. 52. 113. Papa deponere potest Laicum a sua dignitate gloss. in cap. nullus 11. quæst. 1. 114. Papa potest absolvere Laicos Vassallos a subjectione Principis temporalis cap. gravem de excess. Pralat. 115. Papa ex causa potest absolvere aliquem ab obligatione quasita Laico , qui ei non subest quædam temporalem jurisdictionem , si talis obligatio solum contrahitur ex fidei præstatione , ut in cap. 4. de jurejur.

7. Joannes Faber in Senatu Parisiensi Causarum Patronus in l. 1. Codicis de summ. Trinit. & fid. Cathol. num. 10. sed de Papa , inquit , non est dubium , quin sit superior omnibus Christianis , & in temporalibus , & in spiritualibus : ut plene probat Hostiensis dicto cap. Per venerabilem verb. Paulus. Et idem Innocentius dicto cap. super verbo , non recognoscit , quod aliter probari potest ; nam cum Papa sit Vicarius Domini , cujus est plenitudo , &c. & qui est Princeps Principum , & Rex Regum secundum Apostolum in princ. & cui data est omnis potestas Matth. 7. ridiculosum esset dicere quin in omnibus temporalibus haberet superioritatem , & po-

testatem 12. quæst. 1. cap. præcipimus. Et num. 11. Et cùm omnis jurisdictio in Vicarium transeat extr. de offic. Vicar. quia infra de offic. ejus, qui vic. a' ter. obtinet l. 1. Nusquam enim reperitur quod Dominus concedendo potestatem Petro restrinxit ad spiritualia. Nullus enim negare potest quin Jhesus haberet omnimodam superioritatem si exercere voluisset, cùm sit Creator, & sic Dominus. N. 12. Tamen satis credo quod Papa non se debeat intromittere de temporali jurisdictione. Imò debet tenere gladium in vagina: nisi in casibus qui tangunt præjudicium animæ, vel justitiæ subversionem, vel aliàs peccatum. Extr. de judic. c. novis. de foro competen. &c. 13. In casibus tamen præmissis cum agitur de præjudicio animæ, vel populi, PAPA POTEST, ET DEBET PROVIDERE: ET SI NECESSE SIT QVOSCVQVE REGES DEPONERE, vel interdicere eis administrationem, & ex minori causa quàm privato: Cùm eorum sanitas vel malitia plus ladat. Extr. de suppl. neglig. Pralat. c. grandi per Archidiaconum. & vide Innoc. dicto c. licet. Extr. de foro competen. 96. di. Cùm ad verum Extr. de voto, & voti redem. c. licet in fin. Sic intellige, & determina quod no. in Authent. quomodo oport. Episc. & Cleric. in princ. coll.

8. Ut inter Theologos ita & inter Jurisperitos Catholicos usque ad hæc postrema tempora etiam qui jurisdictionem Ecclesiæ super Reges, & Principes in temporalibus angustare conati sunt, eam omninò negare ausi non sunt. Petrus Gregorius Tholosanus in variis Academiis Franciæ successivè juris utriusque professor, de Repub. lib. 26. cap. 5. Quamvis dicamus, inquit, Imperatorem posse privari tanquam inutilem suo Imperio per summum Pontificem, per Venerabilem de elect. & simil. Tamen non sequitur Papam idem jus habere in alios Reges omnes; DEMO TAMEN CAUSAM FIDEI. Et infra. EXCIPIO SEMPER, ut aliàs dixi, CAUSAS FIDEI, IN QVIBVS PRINCIPES CIVISCVQVE SINT LIBERTATIS, ET POTESTATIS SVBICIVNTVR DIRECTE SEDI ROMANÆ, & pro delictis in illis commissis puniri possunt. Sic tamen ut sicut delicta sunt personalia, & non transeunt personas delinquentes, ita nec poena, qua delicto debetur, non violat jus successionum in Regno, vel ex consuetudine recepta, vel ex lege Regni, qua proximi ordine post deficientes vocantur. Potest enim qui imperat per delictum suum sibi nocere, & se indignum Imperio facere, at non potest præjudicare ei qui successurus ei est etiam eo invito. cùm non habeat ab eo, sed à majoribus vel ex lege familia. Et oppositis sibi autoritatibus Innocentii IV. in Concilio Lugdunensi relato cap. 1. de homic. in 6. & Boni-

ECCLESIAE GALLICANÆ. LIB. IV. 195  
nifac. VIII. c. statutum de hæret. in 6. & cap. felicis de  
pœnis etiam in 6. respondet. *Quamolvem responderem in prædictis  
constitutionibus in Principes quoque sæculares ex causa peccati statuere, ut in  
aliis.*

## C A P U T X.

### *Exempla Potestatis Ecclesiastica circa Regna tempora- lia, ac primò circa Reges Franciæ.*

1. **C**hildericum III. Regem Galliæ, quantumvis ad Reg-  
ni administrationem ineptum; non ante deposuerunt  
Franci ut Pipinum sibi præficerent, quàm intervenisset Ro-  
mani Pontificis autoritas. Id expressè tradit Eginhardus Ca-  
roli Magni Secretarius in vita illius Imperatoris, his verbis  
Gens Merovingorum, de qua Franci Reges sibi creare soliti erant usque in  
Childericum Regem, qui jussu Stephani Romani Pontificis depositus, ac de-  
tonsus, atque in Monasterium trusus est, durasse putatur. . . . . Pippinus  
autem PER AVTORITATEM ROMANI PONTIFICIS ex Præsæto Pa-  
latii Rex constitutus, &c. Et in annalibus ad annum 749. Burchar-  
dus VVintziburgensis Episcopus, & Tolradus Presbyter Capellanus missi sunt  
Romam ad Zachariam Papam, ut consulerent Papam DE CAUSA RE-  
GVM, qui illo tempore fuerunt in Francia, qui nomen tantum Regis, sed  
nullam potestatem Regiam habuerunt: per quos prædictus Pontifex mandavit  
melius esse illum vocari Regem, apud quem summa potestatis consisteret, da-  
taq; autoritate sua jussit Pippinum Regem constitui. Et ad annum 750.  
Hoc anno secundum Romani Pontificis sanctionem Pippinus Rex Francorum ap-  
pellatus est, & ad hujus dignitatem honoris unctus sacrâ Unctione manu S. me-  
moriam Bonifacii Archiepiscopi, & Martyris, & more Francorum elevatus in  
solum Regni, in Civitate Sueffonia. Childericus verò, qui falso Regis nomine  
fingebatur, torso capite in Monasterium missus est.

2. Eginhardi fidem cum dubiam efficere nequeat Joannes  
Launoius, in restringendam Summi Pontificis autoritatem  
semper intentus; quippè cum sciat illum Scriptorem & ma-  
gnæ probitatis, & exactæ sinceritatis fuisse, ac rem paulò  
antè gestam, atque aded sibi notissimam narrasse, vitam  
Caroli ab eo scriptam corruptam fuisse contendit; Annalium

autem verba multifariam versat, ut à proprio, & ut ita dicam, nativo sensu deflectat 6. par. Epist. 9. ac primò quidem affirmat contradictionem esse talem, quæ vix diu possit intèr loca vitæ Caroli Magni, & loca Annalium. Hæc contradictio, ni fallor, in eo esse illi visa est, quod in vita Caroli Magni Childerici destitutio, & institutio Pipini tribuantur Stephano Papæ, in Annalibus verò Zachariæ; sed mirum est quod vir adeò acutus non viderit, aut, qui sincerissimos Scriptores malæ fidei tam sæpè incusat, dissimularit, imaginariam illam contradictionem seipsâ evanescere, si verbis, quæ ipse retulit ex Libello de *Majstilus Domus Regia*, addantur sequentia, quæ ipsæ omisit. Nam ex utrorumque conjunctione liquet, rem à Zacharia sub finem Pontificatus sui inchoatam, à Stephano ejus successore fuisse perfectam; aut à Zacharia per S. Bonifacium Archiepiscopum Moguntinum factam, Stephanum per seipsum confirmasse. Hæc refert Launoius; *His temporibus Hildricus in Regno Francorum substituitur, de quo Pipinus Dux Legatos ad Zachariam Papam dirigit interrogans eum; si ita manere deberent Reges Francorum, cum penè nullius essent potestatis, solo Regio nomine contenti. Quibus Legatis Romanus Pontifex respondit, illum debere Regem vocari, qui Rempublicam gereret. Detonso igitur Hildrico, & in Monasterium detruso mox Franci Pipinum sibi Regem constituunt; sequuntur autem ista; Hic enim rebellantes sibi omnes subegerat, Grifphonem videlicet fratrem suum; Tassilonem quoque ex sorore Nepotem; quorum alterum Austrasorum, alterum Edvariorum Ducem instituit. Denique Zachariâ Pontifice defuncto, Stephanus succedit, qui in Franchiam ad Pipinum urgente necessitate venit, eumq; ac duos filios ejus Karolum, & Karlomanum pariter sua benedictionis oleo perunxit. Rem ita, ut diximus gestam, contigisse testantur alii Scriptores infrâ referendi.*

3. Addit Launoius Zachariam utpotè consultum, mentem suam aperuisse, ut Consultorum mos est, non autem potestatem interposuisse Id, inquit, Eginhardi verba hæc (*Pipinus mox Francorum elevatus in solium Regni*) omnino exigunt. Nam qui ante Hildricum, & Pipinum elevabantur in Regni solium auctoritate Francorum, non Romani Pontificis elevabantur. At certè verba illa, *mox Francorum*, neque omnino, neque ex parte exigunt consilium tantum à Zacharia datum, Illorum enim sensus apertus est de Ceremoniis

niis in Regum elevatione observari solitis, non autem de electionis jure. Ac sicut ex iis concludi non debet, nec potest, Romanum Pontificem non fuisse consultum, licet is antea non fuisset *mos Francorum*; cum Eginhardus consultationis expressam faciat mentionem, ita inferri non debet, nec potest, Summum Pontificem consilio non adjunxisse autoritatem, cum contrarium luculentissimè testetur Eginhardus his verbis; *Jussu Stephani Romani Pontificis, per auctoritatem Romani Pontificis; dataq; auctoritate suâ jussit Pippinum Regem consitui; secundum Romani Pontificis sanctionem Pippinus Rex Francorum appellatus est.* Ita scilicet delicata evaserat paucis abhinc annis Francorum conscientia, ut nomen Regis ei tribuere non auderent, qui Regiam auctoritatem jam erat adeptus, nisi Doctoris gravis opinione id sibi licere cognovissent.

4. De antiquiorum Franciæ Regum unctio, quam hic negat Launoius, viderint Franci quid censendum sit, qui ad miraculum in Clodovei primi Christiani Regis Francorum gratiam factum, ejus originem referunt: mihi verba Eginhardi suprà relata Summi Pontificis auctoritatem satis videntur significare, etiamsi excluderetur Pippini unctio, quæ à Zacharia Pontifice per Bonifacium, & à Stephano per se ipsum facta narratur.

5. Testimonium Eginhardi, quod solum sufficeret, quia, ut suprà innuimus, eo tempore vixit, quo rem narratam ignorare non potuit, & ea sinceritate scripsit, ut fides ei negari non debeat, confirmant Aymonius in lib. 4. de gest. Franc. cap. 61. Regino Prumiensis Abbas in lib. 2. Chronic. Marianus Scotus in lib. 3. Chronic. Otto Frisingensis in lib. 5. histor. cap. 21. Abbas Urspergensis in Chronico. Sigebertus in Chronico ad annum 750. Paulus Æmilius in lib. histor. Franc. Fredegarius Scholasticus in fine Chronici. Guillelmus Nanguis in Chronographia manuscripta, Robertus Guaguinus in lib. 3. histor. Franc. Carolus Sigonius in lib. 3. histor. de Regn. Ital. quorum verbarefert Launoius. Attamen ipse suo more tot testimoniis, aliorum quorundam silentium anteponit.

6. Imò illi unius Scriptoris silentium sufficit adversus affirmativa plurimorum testimonia. Sic enim in hac Epistola

de Anastasio, Regnum Childerico abrogatum & Francos Sacramenti Religione solutos tacente, scribit; De Anastasio, inquam silentio, quod si circumspectione, & accurata consideratione perpendatur, de falsitate rerum istarum dubitandi locum nullum relinquit. Quis enim prudens, & attentus crederet, virum Sedis Apostolicae magnitudini, & commodis addictum, & in Romanorum Pontificum scriptis versatum id commemorare, quod Gregorius VII. Otto Frisingensis, Abbas Urspergensis, Joannes Trithemius, & Recentiores alii tam cupide commemorant, neglexisse? Quis, inquam, prudens, & attentus hoc crederet, tum ex aliis, tum ex eo quoque, quod antea simile nihil in Romana corrigisset Ecclesia? Igitur Anastasius non tam fides, quam eloquitur, non accidisse, quod illi accidisse narrat.

7. Sed in quodcumque latus se vertat Launoius tot, & tam insignia sunt testimonia, quæ summi Pontificis auctoritatem in Childerici destitutione, ac Pippini institutione intercessisse affirmant, ut lectis illis, etiam in ipsius Launoii Epistola, impossibile sit eis fidem non habere quantum ad rem ipsam, quamvis ille suo argumento negativo ab Autorum silentio petito, vel aliis conjecturis, aliquas circumstantias valide confutaret, quod facere sibi immerito visus est.

8. Misera enim cavillatio, quæ verba illa, *mandatum, jussus, auctoritas*, & similia, quibus scriptores utuntur, cum de summi Pontificis ea in re partibus lequuntur, denotare tantum consilium, aut opinionem interpretatur, ex ipsorum locorum imperturbato mentis oculo, ac sine præpostero affectu lectorum, contextu dissolvitur. Præsertim si Autorum ipsorum conditio attendatur, cur enim v. g. Eginhardus, cum dixisset; *Pontifex mandavit, melius esse illum vocari Regem, apud quem summa potestatis consisteret*, quæ opinionem, & consilium abundè significassent, addidisset; *daturq; auctoritate suis jussu Pippinum Regem constitui*. quæ verba de potestate non possunt non intelligi, nisi fides historiæ hanc declarationem postulasset? An Eginhardi, jam à juventute in Aula Caroli Magni educati, intererat, cum hæc scriberet, summis Pontificibus ablandiri, vel eorum jurisdictionem ampliari in præjudicium Regum Francorum? An idem consilium fuit aliis scriptoribus Gallicanis tam multis?

9. An Sigibertus Gregorio VII. infensissimus, & Imperatoribus, quorum tempore scribebat, quorumque causa Pontifici-

tificibus tam parum æquus fuit, additissimus, depositioni Henrici auctoritatem accersere ab exemplo Regum Franciæ non prætermisisset, si aut historiæ integritas, aut evidens rei gestæ veritas permisisset? An simplex Papæ consilium, seu responsum his verbis expressisset; *Pippinus verò Princeps Apostolica auctoritate & Francorum electione à S. Bonifacio Moguntia Archiepiscopo in Regem ungitur, & consecratur.* Ad annum 750. An qui falsa non pauca in favorem Imperatorum, vel à se excogitata, vel saltem à Testibus fide indignis accepta, narravit, tam incautè locutus fuisset, ut opinionem pareret à suo affectu longè alienam, si eam dubiam habuisset.

10. An Otto Frisingensis, tot Imperatoribus sanguine conjunctus, quos inter, & summos Pontifices altercationes intercesserunt, tam graves, tamque diuturnæ, ne Avi sui destitutionem à Gregorio VII. factam confirmaret, non abstinuisset verbis, quæ hanc summi Pontificis auctoritatem clarè denotant, si absque historiæ legum violatione potuisset; *Anno inquit, ab Incarnatione Domini 752. reversis à Roma Nunciis auctoritate Zacharia Papæ Pippinus à B. Bonifacio Moguntino Archiepiscopo, aliisque Regni Principibus in Suesiona Civitate ad Regnum eligitur lib. 5. histor. cap. 22. Anno Domini 754. Pippinus à Stephano Papa I. à fidelitatis Sacramento, quod Hildrico promiserat cum aliis Regni Francorum Proceribus absolvitur, ac detonso Hildrico, & in Monasterium detruso postmodum in Regem ungitur.* Ibidem cap. 23. Iterum in his verbis notare potes solutionem contradictionis, quæ à Launoio vocatur pugna, quæ vix dilui possit. Otto enim lucidissimè narrat Pippinum, & à Zacharia per Bonifacium Moguntinum, & à Stephano ipso unctum, ut dubitari non possit Eginhardum idem factum modò uni, modò alteri Pontifici non tribuisse, sed cuique suum.

11. Maximi ponderis est Ottonis testimonium, tum propter egregium viri meritum, tum propter accuratam in evolvendis historiis diligentiam, & in referendis fidem; Tum denique quia cum diu Parisiis versatus esset, sedulamque studio operam dedisset, facilè fuit ei veritatem addiscere. Pro suo erga Henricum IV. Avum suum affectu legerat, & relegerat Imperatorum gesta, ut sciret, an antea fuisset aliquis à Romanis Pontificibus excommunicatus, & depositus, negatque

gatquelib. 6. cap. 35. id antea factum in Romanorum Reges, aut Imperatores; sed tantum Philippicum aliquandiu à Romano Pontifice inter Pœnitentes retentum, & Theodosium ab Ecclesia exclusum à Beato Ambrosio. Quis igitur credat eum temerè, ac sine examine recepiſſe illam de Regibus Francorum historiam, quandoquidem ipse post verba relata paucis interjectis subjungit; *Ex hoc Romani Pontifices Regna mutandi auctoritatem trahunt.* Putasne rei ejusmodi originem sine discussione admissam ab Ottone.

12. Nonne Conradus Abbas Urspergensis, qui Gregorium IX. tam insolenter carpit, ut Frederico II. patrocinetur, suppressisset, si passa esset historiae veritas, quæ auctoritatem Papæ in Principes tam apertè præ se ferunt. Ait enim in Chronico ad annum 751. Zacharias verò Papa super hujusmodi negotio consultus remandavit melius esse illam vocari Regem, apud quem summa potestas consisteret; dataque auctoritate sua PIPPINVM REGEM CONSTITVIT. Anno Domini 752. Pippinus per auctoritatem Zachariae Papa more Francorum electus ad Regnum per manus S. Bonifacii Archiepiscopi Moguntiacensis elevatus est in Regni solium in Suevionum Civitate. . . . . Pippinus ex Praefecto Palatii auctoritate apostolicâ sublimatus, & unctus in Sedem Regni postea regnavit annis quindecim, absolutus per Papam Stephanum à juramento quod Regi Hilderico cum ceteris Regni Primoribus fecerat. Hic rursus vide compositam pugnam, qua vix dilui posse Launoio videbatur.

13. Auctoritatem suam in omnibus dubiam efficit qui facta aded certa, & tot testimoniis comprobata negare, ut Launois, audet, ac impugnare totis viribus enitur.

## C A P U T XI.

### *Alia exempla potestatis Ecclesiasticæ in temporalibus.*

1. Imperatoriam dignitatem Carolo Magno à Leone III. Papa collatam historici tum Græci, tum Latini, ac præcipue Gallici perhibent. Ipse autem (Carolus) inquit Eginhardus in Annalibus, scilicet ad annum 801 cum die sacratissima Natalis Domini ad Missarum solennia Basilicam B. Petri Apostoli fuisset ingressus,



*Et coram Altari, ubi ad orationem se inclinaverat, assisteret Leo Papa Coronam capiti ejus imposuit, cuncto Romanorum populo acclamante, Carolo Augusto à Deo coronato, magno & pacifico Imperatori Romanorum vita, & victoria; post quas laudes à Pontifice more antiquorum Principum adoratus est, ac deinde omisso Patritii nomine Imperator & Augustus appellatus. Ne quis autem putet Carolum quidem Imperatoriam dignitatem armis obtinuisse, à Leone autem ei Coronam tantum ex cerimonia, ut etiamnum in Gallia fit à Archiepiscopo Remensi, fuisse positam; scribit idem Eginhardus in vita illius Imperatoris, eum ab illo honore ambiendo ita fuisse alienum, ut si sibi deferendum præsentisset, abfuturus ab Ecclesia fuisset. Quo tempore, inquit, & Imperatoris, & Augusti nomen accepit: quod primo in tantum aversatus est, ut affirmaret, se eo die quamvis præcipua festivitas esset, Ecclesiam non intraturum fuisse, si consilium Pontificis præstare potuisset.*

2. Summo Pontifici acceptam retulerunt Imperatoriam dignitatem successores Caroli Magni. Egregium est hujus professionis testimonium apud Andream du Chesne tom. 3. scilicet Epistola apologetica Ludovici II. Imperatoris Occidentis, Lotharii filii, Ludovici Pii Nepotis ad Basilium Orientalem Imperatorem missa anno 871. in qua sic eum alloquitur; *Cum & ipsi Patru nostri gloriosi Reges absque invidia Imperatorem nos vocitent, & Imperatorem esse procul dubio satentur, non profectò ad avaritiam, qua nobis majores sunt attendentes, sed ad unionem, & sacrationem, quæ per summi Pontificis manus impositionem Divinitus sumus ad hoc culmen proventi, & ad Romani Principatus Imperium, quo superno nutu possumus aspicientes. . . . . Matrem omnium Ecclesiarum Dei defendendam atque sublimandam suscepimus, ex qua & regnandi prius, & postmodum imperandi auctoritatem profapia nostra seminarium sumpsit. NAM FRANCORVM PRINCIPES PRIMO REGES, DEINDE VERO IMPERATORES DICTI SVNT, II DVMTAXAT, QUI A ROMANO PONTIFICE AD HOC OLEO SANCTO PEREVSII SVNT. . . . .* porro si calumniaris Romanum Pontificem, quod gesserit, calumniari poteris & Samuël, quod spreto Saùle, quem ipse unxerat, David in Regem ungere non reuenerit.

3. Ad sanctam Sedem recurrerunt alii ad eandem impetrandam dignitatem, quæ ipsis ex sola sanguinis cum præcedentibus Imperatoribus propinquitate non debeatur, ut exem-

C c plum

202 TRACTATUS DE LIBERTATIBVS,  
plum Caroli Calvi demonstrat apud Sirmondum inter Concilia  
Galliæ, & apud alios.

4. Fulco Archiepiscopus Remensis, natalibus, doctrinâ, ac  
pietate celeberrimus, & à Reginone, Baronio, & Molano  
Martyribus annumeratus, eo quod mors illi ob propugnata  
Ecclesiæ jura illata fuerit (ut rursus videas doctrinam istam  
exemplis Sanctorum esse consonam) cùm audisset Carolum  
Regem Francorum vulgò Simplicem nuncupatum, cui alias  
strictè adhærebat, velle cum Northmannis inire societatem,  
gravissimam ad eum Epistolam scripsit, in qua hæc habet in-  
ter alia; *Deprecor vos itaque per Deum, ut tale desideratis consilium, ne  
velitis vos in æternum precipitare interitum, & mihi, caterisq;, qui secun-  
dum Deum vobis fideles sunt, æterni doloris asferre dispendium. Melius enim  
suavis vos non nasci, quam Dialoli patrocinio velle regnare, & illos juvare,  
quos deberetis per omnia impugnare. Sciatis enim quia si hæc omnia feceritis,  
& talibus consiliis acquieveritis, nunquam me fidelem habebitis, sed & quos-  
cumque potero a VESTRA FIDELITATE REVOCABO, & cum om-  
nibus Corpiscopis meis, vos, & omnes vestros excommunicans æterno anathemate  
condemnabo. Pro fidelitate, quam vobis seruo, hæc gemebundus scribo.*

5. Ivo Carnotensis Episcopus, doctrinâ, & pietate il-  
lustris epist. 46. quæ est ad Urbanum II. supponit autoritatem  
Philippo Primo Francorum Regi per excommunicationem  
ademptam; quandoquidem scribit Summo illi Pontifici; *Hæc  
ratione ex parte asseri (Philippi Nuncii) Regem cum Regno ab obedi-  
entia vestra discessurum, NISI CORONAM RESTITUTIS, NISI RE-  
GEM AB ANATHEMATE ABSOLVATIS.*

6. Unde inerat, nisi à pietate, atque à Religione, anti-  
quis Gallis illa erga Ecclesiæ in Reges autoritatem reveren-  
tia, quam illorum perhibent historiæ? Nam v. g. Regibus  
excommunicatis officia etiam vitæ aliquatenus necessaria,  
nedum alia Principibus exhiberi solita, negabant. An pios  
magis, magisque religiosos efficiet illius Regni fideles de-  
claratio Cœtus Parisiensis, dum eis suadebit Ecclesiam, ne-  
que directè, neque indirectè quidquam in Principes posse  
quantùm ad temporalia, quæ sola ferè (Proh dolor) ab ho-  
minibus hodie attenduntur.

7. Si Gallicanis externa addenda sunt exempla (quidni au-  
tem addantur cùm propositio Cleri Gallicani ad Principes  
om-

omnes generatim pertineat, nec sit ad Reges Galliæ restricta (qui fortè aliquo jure speciali, vel privilegio tueri sese posse obtenderent) alia non pauca suppetunt. Nam præter Romanos Imperatores, de quibus jam diximus, mortuo Zenone Imperatore, Ariadne ejus conjux, spreto Longino Zenonis fratre, Anastasium ad Imperium evchendum curavit, sed obstitit Euphemius Episcopus Constantinopolitanus, donec Anastasius fidem orthodoxam scripto professus est; Cum Ariadne haberet in animo Anastasium habitu induere purpureo, Euphemius Episcopus usque eò consentire noluit, quoad Anastasius chirographum jurjurando confirmatum ei dedisset, quod planè declararet eum si sceptrum susciperet, Imperii fidem sinceram servaturum, nihilque rerum novarum introduiturum in Sacrosanctam Dei Ecclesiam: quod chirographum Macedonio Sacri Thesauri Custodi tradidit. Factum autem est illud ab Euphemio, quod Anastasius putabatur à nonnullis errore Manicheorum infectus esse. Evagrius histor. lib. 3. cap. 32. Idem Theodorus Lector collect. ex histor. Eccles. lib. 2.

8. Cumque iterum Anastasius in hæresim lapsus esset, & Catholicos persequeretur, ei sese Symmachus Papa opposuit, ut in Epistola ejus apologetica videre est, in qua docet Summus ille Pontifex, quis sit verborum sensus, quæ Prælati Parisienses ex Divo Paulo attulerunt; Fortassis dicturus es, scriptum esse: Omni potestati nos subditos esse debere; Nos quidem potestates humanas suo loco suscipimus, donec contra Deum sua erigunt voluntates. Ceterum si omnis potestas à Deo est, magis ergo quæ rebus est prestituta Divinis. Defer Deo in nobis, & nos deferemus Deo in te. Ceterum si tu Deo non deferas, non potes ejus uti privilegio, cujus iura contemnis.

9. Eleonora primum Galliæ, deinde Angliæ Regina Ep. 2. ad Celestinum III. Papam pro liberatione filii Richardi Regis Angliæ à Leopoldo Duce Austriæ capti, & Henrico V. Imperatori consignati, & traditi, quæ epistola est 145. Petri Blesensis, sic scribit, *Nomine Petro Apostolo, & in eo vobis à Deo omne Regnum, omnisq. potestas regenda committitur? Benedictus autem Dominus, qui talem potestatem dedit hominibus, non Rex, non Imperator, aut Dux à jugo vestra jurisdictionis eximitur; ubi est ergo zelus Phinees? Ubi est autoritas Petri? Ubi est qui dicat zelus Domus tua comedit me? Appareat quod non in vatum dati sunt vobis, & Coepiscopis vestris gladii ancipites in manibus vestris. Dicite iniquis, nolite iniquè agere, & delinquentibus nolite exaltare cornu. Non*

204 TRACTATUS DE LIBERTATIBVS,  
degeneret in hæredem Petri Dignitatis Apostolica reverenda successio. Vestrum  
agnoscite Principatum, probate zelum, accingimini ad opus fortitudinis, &  
honorate ministerium vestrum. Gloria vestra deriveretur ad posteros, & cognoscat  
generatio altera, quam inaniter Tyrannus ille præsumpserit, & quam potenter  
præsumptionem ejus Romana Sedes punivit.

## C A P U T X I I.

### *Exemplum Gregorii II. Leoni Isauro Imperatori Tributa solvi vetantis.*

1. **L**eonis Isauro in hæresim Iconoclastarum lapsi, & Ca-  
tholicos in Oriente persequenti, Gregorius II. plu-  
rics frustra monito à Romanis, & ab Italia Tributum solvi  
prohibuit ex Theophane in Chronologia. Hoc anno, inquit,  
scilicet Gregorii II. primo irreligiosus Imperator Leo de prescribendis, & depo-  
nendis Sanctis, & venerandis imaginibus primum tractatum habere cepit:  
Consperto cujus proposito, Gregorius Papa Romanus, scripta prius ad ipsum  
Leonem decretali Epistola, qua de fide quicquam statueret, & antiqua Eccle-  
sia sancita à sanctis Patribus firmata innovare, aut convellere non decere Im-  
peratorem commonet. Italia tandem, ac Roma tributa ad ipsum deferenda  
prohibuit. Idem testatur Zonaras in tom. 3. Annal. his verbis;  
*Qua de causa Gregorius, qui tum Roma-veteris Ecclesiam gubernabat, repu-  
diata societate Præsidis nova Roma, nec non eorum, qui illum sequerentur,  
illos unâ cum Imperatore Synodico anathemate obstrinxit, & velligalia, qua  
ad id usque tempus inde pendebantur inhibuit, illo cum Francis fœdere. Et  
adhuc; sub Leone Isauro temporis illius Papa Gregorius ob perversam opi-  
nionem defecit ab illo Imperatore impio, eiq; tributum pendere recusavit, ne-  
que sibi quicquam esse rei voluit cum impiis Ecclesia Constantinopolitana Gu-  
bernatoribus, omisissæque bellis pacem cum Francis fecit.*

2. Nullum non movet lapidem Joannes Launoïus, ut hu-  
jus quoque historiæ fidem evertat. Sed testibus tam clarè affir-  
mantibus opponendi essent saltem alii testes æquè clarè ne-  
gantes, aut certè rationes validissimæ. Id frustra expectes  
ab illo Scriptore, qui cum historias communiter receptas ferè  
semper impugnet, nonnisi testium de eadem re tacentium,  
vel ad summum aliâ, non tamen contrariâ, loquentium au-  
tori-

toritate, vel conjecturis ad dimittendam communem hominum sententiam parum potentibus, causam suam tuetur.

3. Ac primò quidem Zonaram confutat, ex eo quod ille scriptor dicat Gregorium II. *Synodico anathemate obstrinxisse Imperatorem*, nullum autem tunc habitum fuerit Concilium Romanum. Sed quis asserit nullum tunc temporis celebratum Concilium? Joannes Launoius; Vicinior scilicet Gregorio II. quàm Zonaras. At contemporanei scriptores de illo silent. Argumentum esset sanè multum verisimile adversus illum historicum, si ipse affirmaret, congregatam fuisse Synodum Oecumenicam, vel saltem totius Occidentis, vix enim fieri potuisset, ut ea de re nullum verbum reliqui Historici fecissent. Sed quis nesciat multa à summis Pontificibus fuisse gesta in Conciliis, quibus intererant tantum cum Clero Romano, Episcopi aliis de causis Romæ versantes, aut ex vicinis Civitatibus convocati, quorum quidem Conciliorum nulla supersunt Acta, nulla memoria, nisi in scriptoribus fere solummodò ex occasione ea de re obiter tractantibus. Non pauca hujusmodi citantur in collectione Philippi Labbei.

4. Congerit deinde Launoius multa loca communia de officiis Regibus debitis, eisquæ à Romanis Pontificibus, aut ab Episcopis exhibitis. Sed hæc vera sunt, quandiu Principes Regi Regum bellum non indicunt, quandiu spes est emendationis, & quantum ad subditos, quibus non licet autoritate privata in Reges etiam discolos rebellare: secus autem est, dum summus Pontifex alio caret medio conservandæ Fidei, ac Religionis, ab aliquo Principe, Ecclesiæ per baptismum subdito, evertendæ.

5. Congerit etiam varias expositiones verborum illorum Christi ad Petrum; *Pasce oves meas*, quæ illa de potestate deponendorum Regum non interpretantur. At una scripturæ expositio aliis non contrariis, sed tantum distinctis, non destruitur. Si unus, populi consensum ad Regis institutionem, explicet de potestate juris inter subditos dicendi, alius de gerendo pro patria tuenda bello, alius de alia quapiam re, pro ut temporum, personarum, aut negotiorum condiciones exegerint. Numquid variæ illæ interpretationes obstabunt,

quominus dum nova emerget occasio, intelligatur adhuc aliud in ea contentum autoritate, si ad bonum populi regimen sit omnino necessarium? Suprema, & amplissima est, quantumvis eam invidi restringere conentur, summi Pontificis autoritas. Quid igitur mirum, si omnes ejus partes non fuerint statim, imò nec post longum tempus adèd clarè distinctæ: sed inter rerum Ecclesiasticarum tractatores hic unam, ille aliam explicuerit.

6. Improbat argumentum Bellarmini ductum à prædicto Evangelii loco. *Pasce oves meas*; Quod nimis probet, scilicet Episcopos etiam jus habere deponendorum Regum. Verùm injusta est reprehensio. Verba enim illa Petro soli dicta sunt, licet aliis etiam Pastoribus conveniant, quatenus Petri officio, ac Dignitati communicant. Sed quemadmodum ejus potestatis plenitudinem alii non assequuntur, ita non quidquid ille potest pro Ecclesiæ universæ bono, possunt illi, etiam in propriis Diocæsi-bus. Idè enim clavium, quæ omnibus Apostolis simul promissæ sunt, Petro soli specialis facta est promissio. Idè illi soli dictum est; *Pasce oves meas*, ut ipsi prærogativa quædam cæteris negata concedi significaretur, ne scilicet summis, & maximè arduis negotiis sine ipsius supremo judicio finis imponeretur.

7. Refert exempla nonnullorum Pontificum, & Episcoporum, qui verba superscripta non opposuerunt Principibus, nec potestate usi sunt, quæ in illis contineri dicitur. Sed inde non colligitur defectus ille potestatis, cum variis de causis, puta scandali vitandi causa, ob impotentiam, ob populorum affectum, prudentia suadere potuerit ab illius usu abstinendum, ut confessus est ipsemet Imperator Henricus à Gregorio VII. depositus, de quo in sequenti capite redibit sermo. Malè autem inter illa exempla Hadrianum II. recenset. Licet enim Carolo Calvo non objecerit verba illa, *Pasce oves meas*. Intellexit tamen in Pontificia potestate, quam hæc verba significant, comprehendere jus aliquod in temporalia Regum, saltem ratione peccati, quandoquidem Principem illum ab invadendo Lotharii Regno, intentatis censuris cohibere conatus est.

8. Denique Launojus, ut confirmet quod ex Gregorii Episto-

Epistolis deduxerat, quarum antea proluxa exscripserat fragmenta, inutili labore confert plurimorum verba scriptorum, quos inter aliqui idem affirmant, quod Theophanes, & Zonaras, alii tacent, nullus planè negat. Itaque absurdum est ut jam suprà insinuavimus, claram, & apertam affirmationem solo silentio confutare. Præsertim cum aliquorum ex illis, qui affirmant v. g. Theophanis, qui pro sacris Imaginibus exulare, ac Confessoris titulo donari meruit, & Sigeberti utpotè Principibus addictissimi testimonium minimè suspectum haberi queat.

9. Quin, etiamsi Launoius testes adduceret expressè negantes quod asserunt alii, non obtineret quod intendit. Ut enim, ex Jurisperitorum doctrina, jura cum juribus, ita & testimonia cum testimoniis concilianda sunt, dum inter se pugnare videntur, nec insolubilis est contradictio. Hæc autem concordia in hoc casu facillima esset. Certum enim est, Gregorium II. omni pacifica ratione Imperatorem ad sanam fidem revocare conatum; atque de illo tempore intelligendi essent scriptores, qui negarent summum illum Pontificem Imperatori tributa non negasse, sicuti de illo intelliguntur, quæ scribit Gregorius ipse; qui autem affirmant prohibitam illam solutionem, interpretandi sunt de ultimo tempore, cum scilicet constitit nullam spem esse Imperatoris convertendi. Itaque tota illa, quæ apparere posset contradictio unico illo Theophanis verbo, tandem, solveretur.

10. Cæterum quomodo potuit Launoius Gregorium II. tantis laudibus extollere, ut persuaderet ipsum non vetuisse solvi tributum Imperatori, & tamen interpretationem tam scandalosam istis ejus verbis affingere; *Testis est Deus, quasunque misisti ad nos Epistolas, auribus, cordibusque Regum Occidentis obtulimus; pacem illorum tibi, ac benevolentiam conciliantes, teque laudantes ac mirifice efferebant prout te antea conversantem intuebamur.* Quæ verba sic interpretatur Launoius, Gregorius verò II. Imperatoria jussione subditum se cum seniret, dedit operam, ut missæ ad se Leonis Isauri de subvertendis Imaginibus Epistola ad Occidentis Reges perferrentur, sed quia Epistola omnipotenti Deo minime concordabant, has quoad ejus fieri potuit, refutavit, & Leonem à nefario consilio deterruit. Huc & non alio spectant Gregorii Epistola verba, quæ proposuimus. Quis credat Epistolas, quas Gregorius non solum

anti-

*antibus*, sed etiam *cordibus Regum Occidentis obtuleras de subvertendis imaginibus tractasse*. Si is fuisset illarum scopus, non potuisset eas Gregorius, *antibus*, multò minus *cordibus Regum offerre*. Hoc enim fuisset impiæ Imperatoris intentioni in re de se mala cooperari. Cûr potius illæ litteræ non intelligantur, quas scripssisset Imperator ad conciliandam sibi, aut retinendam Principum Occidentalium pacem. Id enim satis innuunt illa Pontificis verba; *pacem illorum tibi, ac benevolentiam conciliantes*, & alia multa quæ sequuntur. Secundo si Epistolæ Leonis à Gregorio missæ ad alios Principes, de subvertendis imaginibus fuissent, eas misisset, ut hortaretur illos ad revocandum à nefario consilio Imperatorem, non autem, ut ait Launoius quod *Imperatoria iussuoni subditum se seminet*. Quis enim in tanto scelere Summum Pontificem Principi subditum existimet? Cur non exhorruit Launoius hæc scribens?

11. Frustrà verò adducit exemplum S. Gregorii Magni, Legem Mauriti per diversas partes perferri curantis; sunt enim inter ejus, & quod Gregorio II. à Launoio tribuitur, factum, plurima discrimina, quæ persequi, & nimis esset longum, & à proposito nos longius averteret. Id unum notasse sufficiet legem Mauriti non extitisse de re ita mala, ut nullo pacto posset ab ea separari malitia: erat enim ad summum majori bono, scilicet libero in Religionem ingressui obex. Ac præterea S. Gregorius Magnus huic incommodo suâ prudentiâ poterat occurrere. At verò sacrarum imaginum conculcatio ita est impia, ut nullâ ratione liceat *antibus & cordibus Regum offerre Epistolas* hujusmodi contemptum suadentes. Denique multi Scriptores graves asserunt S. Gregorium Magnum non nisi correctas Mauriti leges misisse, idque videtur ex variis ejus epistolis colligi.



## C A P U T X I I I.

*Principes ipsos aliquam Ecclesiæ in temporalia potestatem agnovisse.*

1. **D**E illa Summi Pontificis autoritate non dubitabant Principes, de quibus in Capitibus superioribus. Non dubitabant etiam Ludovicus Germaniæ, & Lotharius II. Australiæ Reges, cum Carolus Calvus Ludovici frater, & Lotharii Patruus pactis inter ipsos conventis stare recusans, de invasione aliorum Regnorum cogitabat. Illi enim ad Nicolaum Primum confugerunt, ut ejus autoritate hoc damnum propulsari curarent; *Oportet praterea, inquit, vestra autoritatis jubar propter generalem sollicitudinem nostros invadere fines, ut, quos nulla pacis fœdera, nulla movent fraterna charitatis viscera, nulla nectunt consanguinitatis ligamenta, APOSTOLICA INVECTIO AD CENSURAM ECCLESIASTICAM VENIRE COMPELLAT.* Omitto quæ referunt Historici Gallicani de Philippo II. Anglorum Regi, à cujus obedientia subditos absolverat Romanus Pontifex, bellum indidente, atque Othonem Imperatorem à Papa deponi procurante, & de Philippo III. Petro Aragoniæ Regi, à cujus obedientia subditos exemerat Martinus IV. etiam bellum inferente.

2. Justinus II. Imperator Cosrohæ conquerenti de receptis Persarum Christianis ab eo sese subducentibus; *Quoniam, ut ait Evagrius, qui rem narrat lib. 5. cap. 7. à cæteris Persis miserè, & potissimum Religionis sue gratia vexabantur, justam putavit excusationem asserre cum respondit; Presinitum paci tempus effluxisse, nec fas esse ut Christiani Christianos in tempore belli ad se confugientes desertos esse patiantur.* Quid igitur? nonne melius est ut fideles Principibus non se subtrahant, etiamsi justam habeant causam (*ut si Religionis sue gratia vexati Christiani ad Christianos confugiant*) nisi accedente Ecclesiæ autoritate?

3. Sed nunquid ita sentiunt Principes tunc tantum, quando illa potestas Ecclesiastica sibi commoda est. Henricus licet irâ, ne dicam furore, correptus, adversus Gregorium VII.

D d

cui

cui scribit , fatetur se in causa hæreseos Ecclesiæ subiacere. Hæc sunt ejus verba ; *Hemicus non usurpativè sed piâ Dei ordinatione Rex Hiltebrando non jam Apostolico , sed falso Monacho . . . . me quoque , licet indignus inter Christianos sum , ad Regnum vocatus , te teste , quem sanctorum Patrum traditio soli Deo judicandum docuit , nec pro aliquo crimine , nisi à fide ( quod absit ) exorbitaverim , deponendum asseruit , &c.* Deinde notat Julianum Imperatorem licet Apostatam ab Episcopis non fuisse depositum , quod eorum prudentiæ , non potestatis defectui tribuit ; *Cum etiam Julianum Apostatam prudentia sanctorum Episcoporum non sibi , sed soli Deo deponendum commiserit.*

4. Atque ea ratio sufficeret ad vindicandam Ecclesiæ suam auctoritatem adversus illius non usum , quem aliqui objiciunt , negantes ullam ejus fuisse praxim per multa sæcula. Id enim prudentiæ seu benignitati piæ illius matris , non auctoritatis defectui , adscribendum esset. Adeò periculosa est Sacerdotii cum Imperio contentio , ut , illius vitandæ causâ , multa mala minora sæpè sustinenda sint.

5. Hæc , ut opinor , sufficiunt , ut unusquisque pervideat non solum non necessariam fuisse hoc tempore declarationem Cleri Gallicani circa istam Ecclesiæ potestatem , quippè cùm ne minimum quidem esset periculum , ne summus Pontifex ea uteretur ; sed etiam plurimorum Conciliorum praxi , sanctorum Patrum , & Doctorum , Theologorum , & Jurisperitorum doctrinæ , Principum , eorumque Officialium professioni contrariam , ut iterum mirer ausos fuisse Illustrissimos Episcopos Cœtus Parisiensis eam negare , suamque sententiam *verbo Dei , Patrum traditioni , & Sanctorum exemplis consonam* declarare.

6. Opportuna fortassis fuisset hæc doctrina Cleri Gallicani , etsi (absit verbo injuria) minus vera , cùm Christiani , martyrii desiderio incensi , ejus occasiones avidè quærebant ; At nunc ita refrixit charitas , ut si , quod Deus Optimus Maximus avertat , oriretur persecutio , maxima futura esset Religionis ruina. Si enim tam multi injustis potentium desideriis obsequuntur , ne illorum favore priventur , aut in aliqua temporalia damna incurrant : quid foret Principibus certam mortem intentantibus ? Nonne Deus Christianorum debilitati consuluisset existimandus est , qui , ne Judæi à vera Religione averterentur , vetuerat , ne ipsis Rex infidelis præficeretur , Deuteronom. 17. vers. 15.

7. Nec-

7. Nescio an hodie pro Religione omnes Episcopi Galliæ B. Martini Episcopi pro disciplina constantiam imitarentur, de quo ita scripsit S. Severus Bituric. Archiep. in vita B. Martini cap. 23. *Atque ut mirra tantis inseram (quantvis ut est nostrorum atatemporum, quibus jam depravata omnia, atque corrupta sunt pene præcipuum sit adulationi Regia Sacerdotalem non cessasse constantiam) cum ad Imperat. Maximum ferocis ingenti virum & bellorum civilium victoria elatum plures ex diversis partibus Episcopi convenissent, & sæda circa Principem omnium adulatione notaretur, seque degeneri inconstantia, Regia Clientela, Sacerdotalis dignitas subdidisset, in solo Martino Apostolica autoritas permanebat. Nam etsi pro aliis supplicandum Regi fuit, imperavit potius quam rogavit.*

8. Nescio an multi ex aliis ordinibus cum Divo Joanne Damasceno de sacris Imaginibus orat. 1. sub principium, verè dicerent; *Nec veritati Regiam amplitudinem prætulî. Loquebar enim, inquit Divinus ille pater Davidin conspectu Regum, & non confundebat. Quin etiam ob id magis sum incitatus. Nam ad subjectos populos decipiendos multum valet Regis autoritas. Pauci enim, nimirum illi qui terrarum Reges Cælestis Regis Imperio gubernari, & leges debere Regibus imperare sciunt, iniqua eorum iussa negligunt, & aspernantur. Et sub finem ejusd. orat. Regio non cedenus imperio patrum conanti evertre consuetudinem. Neque enim piorum est Regum Ecclesiasticam instituta convellere; his de rebus statuere, atque decernere NON AD REGES pertinet, sed ad Concilia; Nam ubi duo, vel tres, inquit Dominus, congregati fuerint in nomine meo, ibi sum in medio ipsorum. Ligandi, solvendi-que potestatem NON REGIBVS, sed Apostolis & eorum Successoribus Pastoribus, & Doctoribus Christus dedit.*

10. Si penes Rempublicam manet jus aliquando Principatum transferendi, ut manere fatendum est, nisi multos Principes Tyrannidis reos facias, quænam occurrere justior ratio potest eo jure utendi, quàm ubi regimen temporale ab æterna fælicitate avertit, ad quam referenda est pax, & tranquillitas civilis, qui proximus est Principatûs sæcularis finis? Id autem cum contingit, nonne & Principum severitati, & subditorum saluti omninò necessarium est, ut à fidelitatis juramento absolutio petatur, sicut ab aliis?

11. Cum autem mutua sit Principum, & subditorum obligatio ad exequenda pacta in institutione Regni conventa, nonne justa erit causa, ut Ecclesia præstitæ fidei vinculo

212 TRACTATUS DE LIBERTATIBVS,  
eximat subditos; si Princeps contra datam fidem eos in vera Religionis custodia servandi, à vera Religione deterreat?

## C A P U T X I V.

*An sententia Illustrissimorum Episcoporum Galliae Sanctorum exemplis consona sit?*

1. **S**ententiam suam Illustrissimi Antistites Gallicani etiam tanquam Sanctorum exemplis consonam omnino retinendam, declarant. Omnibus sanè Christianis veneranda sunt Sanctorum gesta; imò plerumque imitanda. Ideò enim præter alias causas publico cultui proponuntur, quia eorum vita est quasi animata Evangelii interpretatio, quæ nobis, & quomodo Christi verba sint accipienda, & quomodo sectanda vestigia, demonstrat. Ad eam nos sæpè sancti Patres remittunt. Ità S. Augustinus de verbis Domini in Evang. secundum Matth. ser. 18. cap. 20. *Attendite*, inquit, *in facta Sanctorum, ne forte nostra videatur interpretatio. Quomodo hæc verba intellexerunt Sancti, sic utique intelligenda sunt.* Et cap. 21. *Videamus si hoc ipsi fecerunt.* Quæ Spiritus sanctus per os Sanctorum locutus, id per Sanctorum actiones est executus. Sicut illi Christum imitati sunt, ità nos ad ipsorum imitationem invitamur; *Imitatore mei essote, sicut & ego Christi*, clamat B. Paulus 1. Corint. 11.

2. Quæ sunt autem illa Sanctorum exempla, quibus sententia Comitiorum Cleri Gallicani consona dicitur? Per exempla non actiones Sanctorum, sed omissiones intelligi puto. Fatendum est enim aliquos ex Sanctis Tyrannos Ecclesiam persequentes non deposuisse, nec aliâ ratione potestatem Ecclesiasticam in temporalia Principum exercuisse. Verum cum illa omisso ex variis causis, ac circumstantiis procedere poterit, puta ex impotentia Ecclesiæ, ex metu majoris mali, &c, ex ea juxta legitimas ratiocinandi regulas universim concludi nequit, id jure nunquam fieri posse, quod aliquoties à Sanctis quibusdam omisum sit.

3. Quemadmodum in Testimoniis unus Testis affirmans,

cen-

centum negantibus, ut vulgò dicitur, plerumque preferendus est; validiusque animus Judicis inducitur ad credendum rem aliquam gestam esse, ex eo quod unus se illam vidisse asserat, quàm si centum, præsertim ab eo loco, vel eo tempore, quo gesta supponitur, absentes contrarium jurent: ita multò gravioris erit aliquorum Sanctorum, Principes Ecclesiæ per Christianæ fidei professionem subditos à persequendis fidelibus, & opprimenda Ecclesia, etiam subtractâ potestate temporali cohibentium, quàm aliorum illas injurias ferentium, & Christianos vel ad patientiam promptos Martyrii gloriâ privare, vel debiles in crudeliorum suppliciorum, aliorumve malorum discrimina certiora conjicere nolentium.

4. Ad eò celebris, & conspicua est vita multorum ex iis, quorum doctrinam, vel etiam exempla declarationi Episcoporum Gallicanorum opposuimus, ut sacrilegus habendus sit, & blasphemus, qui eos à Sanctorum albo expungere tentaverit. Sed fortasse non eadem religione prosequendi aliquibus videntur illi Pontifices, qui supradicto jure usi sunt majori cum autoritate ac constantiâ. Verum id ad minùs veritatis evidentiâ etiam à suspectis Judicibus extorqueat; plura scilicet eluxisse tum per vitam, tum post mortem sanctitatis indicia in illis Pontificibus, quàm in Principibus, quibuscum illis res fuit: nisi fortè vitam, moresque Imperatoris Henrici v. g. sanctiores quisquam existimet, quàm Gregorii VII. cum deponentis; judicetque istum à Sanctorum Cathologo delendum, ut reponatur ille.

5. Nescio quo in Martyrologio recitentur nomina, vel in qua Ecclesia solemne officium celebretur Principum illorum, à quorum obedientiâ subditi per Ecclesiasticam sententiam exempti fuerunt. Legi autem in Martyrologio Romano die 23. Februarii; *Roma S. Gregorii Papa II. qui Leonis Isanici impietati acerrime resistit.* Item in appendice Adonis Archiepiscopi Viennensis: *Natalis Gregorii Papa II. qui rexit Ecclesiam annos 16. Leonis Constantin. temporibus: hic vir castus, in Divinis Scripturis eruditus, &c.*

6. Legi pariter in Martyrologio Romano die 15. Martii; *Roma Natalis S. Zachariae Papa, qui Dei Ecclesiam summâ vigilantia gubernavit, & claris meritis quievit in pace.* Apud Adonem Archiepiscopum Viennensem; *Roma Zacharia Pontificis, qui Roma sedis annos 10.*

7. Legi etiam in Martyrologio Romano die 25. Octobris; *Salerni depositio S. Gregorii Papa VII. Ecclesiastica libertatis propugnatoris, ac defensoris acerimi.* Extant etiam alibi sanctitatis ejus testimonia. Lambertus Schafnaburgensis de rebus German. ita de illo scribit; Nam & Papa tam eximie tamq. Apostolicè vitam instituebat, ut nec minimam sinistri rumoris maculam conversationis ejus sublimitas admitteret, & illa in urbe celeberrimà, atque in tanta obsequentium frequentia obscenum aliquid perpetrans, latere nequaquam potuisset. Presbyter Pœnitentiarius sancti Anselmi Episcopi Lucensis in ejus vita de mitra ejusdem Gregorii VII. ait; *Præclara quadam fecit Deus per eandem mitram mirabilia.* Inter alia enim Reverendissimus D. Ubalduſ Mantuanus scilicet Episcopus, multis jam annis gravissimè Splenicus toto corpore ulceratus, præsertim cœuribus, sic ut vix quomodolibet stare posset, vix etiam jacere, vel sedere, qui & multa in Medicos erogaverat, nihilq. profecerat; appositâ eandem mitrâ, ubi major ingruerat dolor, pristina redditus est sanitas. In Chronic. Cassinens. lib. 3. cap. 54. refertur Joannem quemdam vidisse Columbam in dextro humero Gregorii VII. Missam celebrantis, eiq. præceptum; *Vade quantocius auribus Papa hoc ipsum intimato, ut constanter vigore sancti Spiritus ceptum opus peragat.*

8. In Breviario Romano ad usum Cleri Basilicæ Vaticanæ habetur. Die 12. Junii S. Leonis III. Papæ & Confessoris officium duplex, cujus lectio 6. sic incipit; *Cum ab impiis eructis oculis, & confossus vulneribus semivivus relictus fuisset, postridie per insigne miraculum sanus inventus est, iisdemq. parricidis vitam suis precibus obtinuit.* Carolo Magno Francorum Regi Romanum Imperium detulit. Die autem 13. Februarii S. Gregorii II. Papæ & Confessoris officium item duplex.

9. Eâdem ratione confirmari posset longè gravioris esse ponderis ob vitæ sanctimoniam, aliorum Pontificum auctoritatem, qui Sedis Apostolicæ in aliis Capitibus per declarationem Illustrissimorum Antistitum Gallicanorum impetitis defenderunt, quàm Episcoporum, aut aliorum illa impugnantium.

# LIBER QUINTUS

## Comparatio Summi Pontificis cum Concilio Generali occasione se- cundæ propositionis ; scilicet:



*Ita autem inesse Apostolicæ Sedi, ac Petri suc-  
cessoribus Christi Vicariis rerum spiritualium  
plenam potestatem, ut simul valeant, atque  
immota consistant sanctæ Oecumenicæ Synodi  
Constantiensis à Sede Apostolicâ comprobata,  
ipsaq; Romanorum Pontificum, ac totius Ecclesiæ usu con-  
firmata, atque ab Ecclesia Gallicana perpetuâ Religione  
custodita Decreta de autoritate Conciliorum generalium,  
quæ sess. 4. & 5. continentur ; nec probari à Gallicana  
Ecclesia, qui eorum Decretorum quasi dubiæ sint auto-  
ritatis, ac minus approbata, robur infringant, aut ad so-  
lum schismatis tempus Concilii dicta detorqueant.*

### C A P U T P R I M U M.

*Summarium hujus secundæ propositionis examen.*

**I**lluſtriffimus Petrus de Marca quæſtionem de compara-  
tione Summi Pontificis cum Concilio generali à li-  
bertatibus Ecclesiæ Gallicanæ alienam, & ad invidiam illis,  
quàm ad autoritatem conciliandam aptiorem, adeoque præ-  
termittendam sentiebat ; *Qui Romani Pontificis*, inquit lib. 3.  
cap. 7. num. 1. *odium in has libertates concitant, id præcipue urgent, eas*  
*aliâ ratione constare non posse, quam Apostolica Sedis dignitate in eo maxime*  
*inimi-*

*inmirantur, quod Pontifex Concilii generalis auctoritati subijciatur. . . . . Non est quod hanc in ea regula, quæ Romanis stomachum movet, & quæ rebus nostris non prospiçit, ut par est. Fruatur Summus Pontifex aut æquo jure cum Conciliis generalibus, aut superiori: Illud unum in foro expendatur, an vera Constitutio, vel novum Rescriptum rebus Gallicanis consulat, aut noceat. Illustrissimi Episcopi Gallicani e contra hanc quæstionem inter libertates Gallicanas recensent. Ita scilicet oriuntur in dies novi libertatum illarum surculi, aut tempore schismatis, vel dissidiorum inter utramque potestatem nati, & cum schismate, & dissidiis extincti, reviviscunt, prout juvare possunt ad amovenda sanctæ Sedis Decreta, quantumvis justa, & utilia.*

2. Mirari profectò libet Episcopos Gallicanos dignitatem Principum temporalium absque ulla necessitate tam fortibus stipasse prædiis, ut Ecclesiasticæ potestati nullo unquam casu illam attingere permiserint; Dignitatem autem Pontificiam, absque ulla etiam occasione, libero Conciliorum generalium arbitrio concesserint, eaque ratione sanctiores Pontifices Concilii generalis convocationem omni diligentia, & industriâ devitandam docuerint; ne fortè, si in Concilium Basileensi simile inciderent, ab eoque deponerentur, non ita faciliter, ac feliciter ut Eugenius IV. schismati finem imponerent.

3. Tot, tantæque sunt Conciliorum generalium utilitates, dummodò in Spiritu sancto legitimè congregentur, & congregata legitimè perseverent, ut Christianæ Religionis, & Ecclesiasticæ disciplinæ parùm studiosus sit, qui ea sæpe congregari ex intimo cordis affectu non exoptet. Verùm, ut diximus, qui odiosam illam quæstionem de comparatione summi Pontificis cum Concilio importunè movent, vel determinare audent, Conciliorum generalium auctoritatem extollentes, illorum convocationi obicem ponunt, metuentibus scilicet summis Pontificibus, ad quos spectat auctoritas, vel cura illa, ne Synodus legitimè inchoata in periculosum schisma desinat.

4. Sed ut ad propositionem ipsam propiùs accedamus; Quomodo non inter se pugnant illius partes? Quomodo inesset *Apostolica Sedi potestas plena*, si Conciliis generalibus subsunt Pontifices



tifices in ea sedentes, etiam extra tempus schismatis; scimus B. Petro, & ejus Successoribus commissam pascendarum ovium curam; sed in quo Scripturarum loco ipse Petrus, ejusque Successores legitimi, Conciliorum œcumenicorum Jurisdictioni suppositi sunt? Si Romani Pontifices *Christi Vicarii* sunt, & quidem proximi, & immediati, ut definivit Concilium Constantiense sess. 43. adversus art. 37. Joan. Wiclef, cui, nisi ei, cujus vices gerunt, subjacent? Quomodo est *plena potestas*, quæ ab alterius arbitrio, vel judicio, pendet? Ejus est qui facultatem confert, facultatis usum præscribere, aut si ab altero præscribi voluerit, id clarè significare. Potestatem Romani Pontificis à Christo collatam fuisse negare non audent Franci Catholici; eam plenam esse concedunt Episcopi Parisiis congregati. Debuerunt ergò, sicut in prima propositione, ita in ista secunda, Evangelii loca referre, quibus ducti sunt, idest in quibus Christus B. Petri, ejusque Successorum potestatem, Divinitus traditam, Conciliorum Jurisdictioni subdidit, quantum ad usum, & exercitium.

5. Plurimà è contra sunt, quæ suadent Concilia, à quibus absit summus Pontifex legitimus, & indubitatus, auctoritatem Pontificiâ superiorem non habere, sed potiùs inferiorem. Primò quidem quia secluso summo Pontifice difficile est, ut definiatur Concilium generale. Secundò quia Concilium generale sine assensu Romani Pontificis congregari, vel saltem suis Decretis supremam auctoritatem dare, non potest. Tertiò quia clariùs exprimitur in Scripturis sacris summi Pontificis quàm Concilii generalis auctoritas. Quartò quia hanc doctrinam Sanctorum testimonia validiùs confirmant. Sed hæc magis explicanda sunt, atque confirmanda.

6. Quoniam autem potest Concilium generale illud intelligi, aut cui summus Pontifex cum reliquis Prælatiis interfuit, aut verò quod, sine summo Pontifice, reliquis dumtaxat constet. Satis patet in declaratione. Cleri Gallicani accipi hinc summum Pontificem sine Concilio, illinc Concilium sine summo Pontifice: cum declaratio Decretis Concilii Constantiensis nitatur, quæ aliam sententiam non admit-

E c

tunt.

218 TRACTATUS DE LIBERTATIBVS,  
tunt. Itaque in eodem sensu sumenda sunt, quæ in hoc libro dicentur.

7. Quæ tamen vel in hoc, vel in aliis tractabuntur, ejusmodi erunt, ut sufficiant ad ferendum de alia comparatione judicium. Sunt enim tria maximè, in quibus potest fieri comparatio, veritas fidei, ac morum disciplina, & judicia. Consentiunt Catholici adversus Panormitanum in cap. significasti de elect. Concilii œcumenici sententiam de rebus fidei, ac præceptis generalibus morum, infallibili certitudine gaudere. Idem de summo Pontifice in 7. libro probabimus. Nec ex eo quod Papa Conciliorum verè generalium definitionibus circa fidem derogare non possit, consequitur; Concilium esse Pontifice superius; Nam perinde sequeretur unum Concilium omnibus posterioribus præminere, cum quæ ab uno definita sunt, nequeant ab aliis immutari, utpotè quorum sit firmissima veritas. Collatio circa Decreta de disciplina, ex doctrina de dispensationibus colligi potest. Constat enim ex Gallorum praxi, qui plures, & à Canonica Conciliorum disciplina magis exorbitantes dispensationes postulant, eos in summo Pontifice auctoritatem super Decretis Conciliorum dispensandi agnoscere. Quot enim mihi numerabis in Gallia Episcopos, qui, vel ad retinenda simul plura Beneficia, vel ad mutandas Sedes, vel aliis de causis, dispensatione non egeant? Denique quod spectat ad judicia, ex illa quæstione pendet, an possit à Papa ad Concilium appellari, quam etiam in hoc libro attingemus.

## C A P U T      I I.

*Quàm sit difficile Concilium generale sine summo Pontifice definire, ejusque auctoritatem determinare.*

1. **C**oncilium Provinciale aliquando perfectum, & plenarium dicitur ut in Can. 16. Concilii Antiocheni, ubi sic definitur, *Perfectum verò Concilium illud est, ubi interfuerit Metropolitanus Antistes*. Ferrandus pro *perfectum* interpretatus est *plenarium* n. 144. Breviar. Canon. quo loco Concilium Africæ vocat

vocat etiam universale. Hæc sunt ejus verba; *Ut Concilium universale non fiat, nisi causa communis, id est totius Africa coegerit; ut Synodus plenaria tunc dicatur, cum Episcopus Metropolitanus adfuerit. Concilium Antiochenum tit. 16. Vocatur etiam universale, Concilium ex tota Africa collectum cap. 19. Canonum Africanorum, si autem ad Concilium universale accurrere noluerit, &c.* In Gallia simili nomine donatæ sunt Synodi ex pluribus Provinciis congregatæ, ut fidem faciunt Concilium Matifconense secundum, ac Tullense apud Saponarias anno 869. Hujus Canon. 13. his verbis concipitur; *Placuit omnibus, ut creditur, instinctu Divino, qui ad universale Concilium in vicinia Tullensium confluxerunt, &c.* In Epistola Synodica ad Wenilonem Archiepiscopum hæc etiam leguntur; *Episcopi, qui ad universale Concilium in suburbano Tullensi conveniant, &c.* Et in indiculo quibus de rebus Salomonem commoneere debeant. *Placuit universali Concilio, &c.* Concilium autem Sueffionense tertium anno 866. Epistolâ Synodicâ 2. ad Nicolaum Primum Papam sic scripserat; *Sed neque ad generalitatis nostræ Synodum, si quando Apostolatus vestri autoritas nostram fraternitatem pro quibuslibet emergentibus vel imminutibus negotiis aggregandam decernit, &c.*

2. Sed in alio sensu intelligitur Concilium generale, dum ei Summus Pontifex subesse dicitur, nimirum pro Concilio verè generali, hoc est ex universis Orbis Christiani partibus convocatum, quod Joannes Gersonius tom. 1. tract. de potest. Eccles. & de origine juris, & legum edito Constantiæ tempore Concilii generalis, considerat. 12. sic definit, *Concilium generale, est congregatio, legitimâ autoritate facta, ad aliquem locum, ex omni statu Hierarchico totius Ecclesiæ Catholica, nulli fidei personæ, quæ auditui requirit exclusâ, ad salubriter tractandum, & ordinandum ea, quæ debitum regimen ejusdem Ecclesiæ in fide, & moribus respiciunt.* Definitionem satis huic similem tradit Joannes Major Doctor Parisiensis in cap. 18. Matth. *Concilium est congregatio ex omni statu Hierarchico, quorum interest, convocata ab iis, quibus incumbit, ad tractandum communem intentionem de utilitate publica Christiana.*

3. Quocirca plures nascuntur difficultates. Aliqui enim Generales Ordinum, & Abbates, alii alios necessariò vocandos existimant. De Episcopis, inquit Gersonius loco citato, & superioribus Prælati non est dubium, sicut juxta prædicta practicum sæpius

*pîus invenitur in prioribus Conciliis, sed neque videtur ambiguitas esse de minoribus Prelatis, qui sunt Curati, & Hierarcha, neque de illis, qui ad hunc duplicem Prelatorum Ordinem reducuntur, quibus non ex privilegio solo, sed ex statu, & ordinario jure competit animarum cura, quemadmodum sunt multi Abbates, Decani, Præpositi, cum similibus. Et sanè in Concilio Hierosolymitano, quod veluti primum atque aliorum exemplar proponitur, interfuerunt cum Apostolis Presbyteri, & utrorumque nomine conscripta est Epistola, Apostoli, & Seniores fratres, &c. Visum est Spiritui sancto, & nobis, &c.*

4. Sed supponamus juxta communioem, & verioem sententiam Episcoporum tantum suffragia necessariò requiri; cæteros autem nonnisi ex privilegio, vel ad consilium dumtaxat vocem habere: dubium supererit de numero Episcoporum. Licet enim juxta communem loquendi modum universale, seu generale non appelletur, quod majorem partem non complectitur; tamen aliqua Concilia reputata sunt generalia, in quibus pauciores, quam in nonnullis particularibus interfuerant Episcopi. Exemplum habemus in Concilio Constantinopolitano tempore S. Damasi Papæ, ac Theodosii senioris Imperatoris.

5. Responderi posset non tam attendi singulorum Episcoporum, quàm Provinciarum numerum: sed recurrit difficultas. Nam in dicto Concilio generali plurimæ Provinciæ, scilicet Occidentales, defuerunt. Quid ergo si major Provinciarum pars convenire, aut nolit, aut non possit. Sufficiet, inquit, ut omnes vocatæ sint. Quis credat Galliam ita sentire, quæ tam ægrè Concilia Florentinum, Lateranense quintum, imò & Tridentinum tanquam generalia agnovit, ad quæ certè sciebat vocatos omnes Episcopos Catholicos; quæque constabant ex majori Christianarum Provinciarum parte.

6. Repones Concilia ex acceptance Ecclesiæ, generalia censerî, sed hæc explicatio Concilii idæam confundit; hæc enim ipsâ ratione non solum Concilia Nationalia, vel Provincialia, sed etiam Diœcesana possent generalium nomine gaudere, accedente Ecclesiæ acceptance: ac frustra Conciliorum generalium potestas tantum extolleretur. Omnis enim eorum autoritas in Ecclesiæ universæ consensio-

nem,

nem, quæ sola, si adsit, sufficit absque cujusvis Concilii congregatione, resolveretur.

7. Ex iis, quæ de natura Concilii generalis dicta sunt, colligitur, quàm difficile sit exactam illius definitionem statuere, si ab eo excludatur Summus Pontifex. Quod ideo addo; quia in ea, quam tuemur, sententia, non multi reſert, an universi omninò adsint Episcopi, an alii quàm Episcopi: Quinam ex jure; quinam ex privilegio: an per se, an per Procuratorem; an absint sine causa, an cum causa; an inviti impediuntur absentes, an propriâ sponte abſtineant; an consentiant omnes, an discrepent; & dum opposita sunt suffragia, an æqualis sit illorum numerus, vel quæ pars major aut minor, imò an Concilium sit verè generale: Cùm enim suprema, & infallibilis sit summi Pontificis sententia, eam, cœu regulam semper tutò sequentur fideles.

8. At verò si penes Concilium solum sunt suprema autoritas, & infallibilitas, incerta sunt omnia, quia dubium est per quos, & quomodo constitui debeat. Primò enim si opus est, ut omnes Episcopi conveniant, & unaquæque pars Ecclesiæ per suum Pastorem repræsentetur, & per universos Pastores, Ecclesia universalis; nullum unquam potuit, aut poterit haberi Concilium œcumenicum, ut evidens est. Imò difficillimum esset majorem partem congregari, ut dicemus alibi. Non repræsentaretur autem Ecclesia, ubi à nemine repræsentaretur pars ejus major.

9. Si vera esset Joannis Gersonii, Joannis Majoris, Jacobi Almaini, & Richerii sententia, scilicet Presbyteros omnes Curatos secundum praxim Concilii Basileensis, cujus meminit testis oculatus Cardinalis à Turrecremata in summa de Ecclesia lib. 3. cap. 14. cujusque inconvenientia enumerat, jus habere non solum præsentia, sed etiam voti, & quidem decisivi; quandonam posset tanta Curatorum copia, cum tantâ Episcoporum multitudine in eundem locum confluere? Quid si præterea etiam Abbates, Canonici Ecclesiarum Cathedralium, & alii vocandi sint? Concedit quidem Gersonius Concilio, numerum suffragiorum augendi, vel minuendi facultatem. Sed hæc cautio difficultatem minimè tollit, quia sciendum in primis est quid sit illud Concilium, à quo

suffragia ad minorem numerum reducenda sunt. Cumque istud incertum sit, nunquam certi esse possumus, an Concilium verè sit œcumenicum, nisi ex illis omnibus constet, qui asseruntur jus habere suffragii.

10. Supponamus autem rerum statum adeò commodum, ut convenire faciliè possint omnes, quos prædicti scriptores vocandos censent; si, ut incommoda vitentur, ne dicam absurda, quæ in deliberando circa singulas controversias ex immensâ illâ hominum multitudine nascerentur, minuendus sit suffragiorum numerus; cum longè copiosior sit Curatorum, non ita negligenter sui ordinis causam illi agent, ut saltem ex qualibet Diœcesi unum superesse non velint, adeoque numero superabunt Episcopos. Vix enim fieri poterit ut è centum, ducentis, aut multò pluribus Curatis cujuslibet Diœcesis unus adesse non possit, cum è contra faciliè contingat, ut unus Episcopus impediatur. Tunc igitur prævalebit, ut numerus, ita & sententia Presbyterorum, Episcoporum judicio. Licet enim concedamus, cæteris paribus, præferendum esse Episcoporum suffragium; si Curatorum suffragia consona circa quandam de fide difficultatem longè plura sint, quàm Episcoporum contrarium judicantium: Nonne major pars tunc Concilium esse censebitur, quantumvis Episcopalis Dignitas longè sit Sacerdotali præstantior? Nam solet in omnibus Cœtibus judicialibus, pro conclusione sententiæ, non qualitas, sed numerus suffragiorum, attendi, saltem si pars una maximo excessu aliàs superet.

11. Si autem in Conciliis servandum sit, ut non majoris absolutè, sed simul majoris, & sanioris partis debeat sententia prævalere, quemadmodum de aliis Cœtibus insinuat Concilium Lateranense generale sub Alexandro III. anno 1179. aut secundum alios 1180. & expressè docet Textus Juris cap. *Ecclesia vestra*, quod est 57. de elect. cum glossa, & Doctoribus ibi; quamquam ex hodierna praxi, & omnium scriptorum interpretatione, major pars censeatur etiam sanior; quod inferri videtur ex Concil. Trid. sess. 23. de regul. cap. 6. an ea erit amplectenda sententia, quam tuebuntur Patriarchæ, Primates, & Metropolitani; contradicentibus Episcopis multò pluribus? Nequaquam, inquires, quia dignitates sunt istæ,

ab

ab Ecclesia institutæ, non à Christo; ita & ipse sentio; scus tamen alii. Illustrissimus Petrus de Marca antequam etiam Metropolitancam dignitatem esset adeptus lib. 6. de concord. cap. 1. n. 3. earum institutionem ad Apostolos referendam probare conatus est. Idem etiam statuerat lib. 1. cap. 3. num. 2. Arnulphus Rufæus tractatum de Archiepiscopali dignitate orditur ab hac præfatione, in qua de jure Divino esse demonstrare nititur. *Pro fausto, & felici hujus materia initio querendum est, quo jure instituta est Archiepiscopalis autoritas, seu dignitas. Et ut exordiamur ab oro, dicendum videtur, quod non humanâ ad inventionem, sed potius Divinâ quadam constitutione ordinati sunt hi Archiepiscopi Metropolitanæ respectu suorum suffraganeorum. Huc probatur jure Divino, Civili, & Canonico.*

12. Denique in sententia Gersonii, quo gradu majores Prælati minoribus præstabant in æstimatione suffragiorum? Quot Curatorum vota unius Episcopi sententiam æquabunt.

13. Ne quis suspicetur, nos animo minuendæ Conciliorum autoritatis, difficultates illas de novo excogitasse, quibus impossibile fermè demonstratur, in Gallorum sententia definire quid sit Concilium generale: videat Launoium tom. 8. epist. 11. quæ est ad Claudium Amelinum Parisiensem Canonicum, & Archidiaconum, magnoperè desudantem, ut numerum Conciliorum generalium hætenus habitorum assignet; varias eorum ex variis Scriptoribus condiciones exponentem; ac tandem interroganti Amico respondere coactum, difficilè rem posse determinari. Quæ igitur erit fidei nostræ regula, in illius Scriptoris, & aliorum Gallorum sententia, qui non errandi privilegium Summo Pontifici adimunt; & Concilium generale apud quod reponunt, certis nequeunt notis designare?

## C A P U T I I I.

*De convocatione Conciliorum. An pertineat ad Principes.*

1. **C**onvocatio plures effectus habere potest. Primus est ut personæ ex quibus debet Cœtus constare, unum in locum convenient. Secundus, ut licitus sit Cœtus. Tertius, ut ratum sit quod statuerit. Duobus etiam modis fieri potest. Primò per modum consilii vel supplicationis. Secundò per modum præcepti.

2. Equidem si hoc tantum spectetur, ut Episcopi conveniant, parvi refert à quocunque convocentur. Aliquando enim cum ex alia occasione, puta dedicationis alicujus Basilicæ, simul essent, Concilium celebrarunt. Liciti sunt ut plurimum Conventus omnes, qui boni publici causa fiunt, possunt tamen ex circumstantiis illiciti evadere, puta si rerum propriam auctoritatem excedentium arbitrium usurpent; si iusta legitimi Superioris prohibitio intercedat; si schismatis, seditionis, scandali, aut alterius mali periculum imminet. Itaque, si seclusis hujusmodi circumstantiis convenirent Episcopi ad tractanda quæcumque ad optimum Ecclesiarum suarum regimen conducunt, solus convocationis defectus culpæ non faceret obnoxios.

3. Veruntamen quæmodum in statu politico rectum ordinem constare non posse judicatum est, nisi publici Cœtus Superioris alicujus auctoritate convocarentur, scilicet in Civitatibus à Consulibus, aut aliis Magistratibus, in Provinciis à Præfectis, Comitibus verò totius Regni, alicubi etiam unicæ Provinciæ, à solo supremo Principe: adeò ut qui prætermisso illo ordine sese in Cœtum quasi de Republica tractaturi congregaverint, seditiosi habeantur. Ita in Ecclesia, dum constituti sunt Metropolitani, Exarchi, & Patriarchæ, præcipua illis collata est auctoritas, ut Episcopos intra Provinciæ, aut Diœcesis fines constitutos, ad Synodum evocarent, qua de re plures extant Canones. Constantinopolitani



litani primi Canon 2. Antiocheni 20. Chalcedonensis 9. Constantinopolitani quarti 17. &c. S. Augustinus epist. 218. excusat se Victorino ad Concilium vocanti, eumque rogat, ut prius cum Xantippo super jure Primatus, & Concilii Episcoporum convocandi, placidè componat. Concilium quartum Constantinopolitanum can. 17. Patriarcharum in convocandis Conciliis jus validissimè confirmat. Huc etiam spectat Concilii Antiocheni Canon 20. Chalcedonensis Canon 9.

4. Quamobrem Deus (quod dictu nefas est) minùs perfectum in tota Ecclesia, quàm Ecclesia ipsa in Provinciis, & Diocæsisbus, imò quàm Principes in Republica, regimen instituisse, si ordinem, promovendis utiliter vel minimis Cœtibus necessarium, pro omnium maximo, Augustissimo, & ad rectè gubernandam Ecclesiam utilissimo, scilicet Concilio Occumenico, neglexisset; ut nempe ab aliquo Superiore ex officio convocaretur. Quantum præstat uni Civitati, Provinciæ, aut Regno Ecclesia universa, tanto sapientiori, & ordinatiori regimine par est illam administrari. Postulat autem ordo quod diximus, & quod antiquissima comprobavit experientia, ut Conventus nonnisi annuente Superiore celebrentur.

5. Solùm igitur ambigi posset, quis sit ille Superior, cujus autoritate congregari omnium Episcoporum Cœtum oporteat. Imperatorem, seu Principem sæcularem solum hâc autoritate præditum docuerunt Hæretici recentiores. *Solum*, inquam, nam & illum hâc autoritate præditum esse scripserunt aliqui inter Catholicos. Sed multis absurdis obnoxius est ille Hæreticorum error.

6. Primò enim vel illa potestas pertinet ad Principes, in quantum Principes sunt, aut in quantum Christiani, aut in quantum Principes, & simul Christiani. Si in quantum Principes, cā præditi erant etiam Pagani, Nero, Diocletianus, & alii Ecclesiæ hostes, ac sine illorum autoritate nefas erat congregare Concilium, quod nemo sanus senserit. In quantum Christiani sunt, Ecclesiæ Ministris, præsertim Episcopis subesse ac obtemperare debent, non præesse, aut imperare possunt. Conjunctio autem dignitatis Regiæ cum professione Christianâ id unum efficit, ut quâ tanquam Princi-

pes autoritate pollent, eam tanquam Christiani in exequendis Ecclesiæ, communis omnium fidelium Matris, Decretis insumant; non autem ut potestatem temporalem ad spiritualia officia extendant.

7. Secundò non est, nec fuit unquam à tempore, quo in omnem terram exivit sonus Apostolorum, totus orbis Christianus unico Principi subditus. Penes quem igitur ex multis erit convocandorum ex omnibus terræ partibus Episcoporum autoritas? Hanc certè uni, etiam Imperatori, alii non concederent.

8. Tertiò præterquam quod difficile esset, ut omnes consentirent Principes etiam Catholici ad convocandos eos, qui in sua cujusque ditione essent, quid fieret, si eorum plerique Infideles essent, aut hæretici, ut contigit, non solum antequam Constantinus Magnus Christianam fidem amplecteretur, sed etiam longè postea, v.g. in fine quinti sæculi, quando Clodoveus Francorum Rex Baptismum suscepit, quo tempore observant Historici nullum omninò in orbe universo Catholicum Principem extitisse. Quo igitur modo tunc compressa fuisset hæresis, si, quod erat facile, Principes non curassent, ut Episcopi de Religione inter se tractarent: et si aliundè; ut declararunt Episcopi Gallicani, iudicium Summi Pontificis non erat infallibile? Nam difficile fuisset totius orbis Episcoporum scorsim sententiam rogare; cujus enim fuisset universa suffragia colligere.

9. Quartò patet adhuc evidentiùs. autoritatem illam Principibus non competere, si convocatio Decretis robur aliquod tribuat. Aut enim neganda est distinctio inter utramque potestatem, Ecclesiasticam, & sæcularem, quam soli inficiantur Hæretici, admittunt Catholici, etiam qui sæcularem in Ecclesiasticæ fines longiùs inferunt, aut sicut sæcularia, & temporalia, sæculari; ita spiritualia, & Ecclesiastica, Ecclesiasticæ, tribuenda sunt. Sicut igitur distincta sunt negotia, ita distinctæ sunt potestates, etiam circa easdem personas. Non est Principum sæcularium Episcopos in regenda Ecclesia dirigere, sed ab eis regi. Nec satis est, quod Prælati Ecclesiastici sint in aliis rebus subiecti Principibus, nisi etiam tractandorum negotiorum ea conditio sit, ut in iis locum ha-

habeat sæcularis jurisdictio. Quia ergo congregandis Cœtibus non tam personarum, quàm negotiorum, habenda est ratio, alioquin liceret Summo Pontifici in omnibus Regnis Christianis, quorum est supremus Pastor, Comitia pro expediendis causis civilibus convocare, quod ægrè concederent Politici : Ecclesiasticæ potestatis est, pro Ecclesiasticis rebus Concilia congregare.

10. Quocirca observandum est, quàm iniqua sit illorum sententia, qui cùm reum læsæ Majestatis Regiæ arbitrentur eum, qui summum Pontificem hujusmodi autoritate præditum affirmaret pro negotiis sæcularibus, extra Ecclesiasticam ditionem ; Principibus tamen temporalibus Jus præter Romani Pontificis assensum Concilia Oecumenica convocandi adscribunt, quasi non solum non distinxerit Christus utriusque potestatis limites, sed etiam Ecclesiasticas personas in negotiis Ecclesiasticis sæculari subjecerit, non verò sæculares spirituali in rebus sæcularibus, etiamsi frequenter aliqua Religionis ratio concurrat.

11. Possunt quidem Principes in rebus etiam Ecclesiasticis Episcopos monere, hortari, rogare, non autem cogere. Et si quando pii Principes propter suam dignitatem, vel Episcopi propter reverentiam, præcepta, jussiones, aut similibus nominibus, appellant litteras Principum ad Concilia Episcopos convocantium, non tamen significant specialem aliquam coram Deo imponi Prælati obligationem, ex eo præcisè, quia Princeps jubet ; sed ex eo quod justum est, aut necessarium id, quod præcipitur ; quamquam ex occasione si præceptum illud prætermitteretur, majoris coram Deo culpæ rei essent Antistites, quia non sine majori negligentia prætermitterent officium, de quo moniti essent. Imò ipsa monentis dignitas majorem argueret negligentiam, adeoque graviorem culpam.

## CAPUT IV.

*Cur Imperatores olim Concilia convocaverint.*

1. **E**TSI à facto ad jus non sit necessaria consequentia; non est tamen leve argumentum justitiæ, quod ab exemplo sapientum, & piorum virorum ducitur. Quamobrem concludunt aliqui, jus convocandorum Conciliorum penes Imperatores olim saltem extitisse, quod videamus eorum aliquos, non solum æquitatis, sed etiam Religionis laude conspicuos, v. g. Constantinum, Theodosium Magnum, & Marcianum, hujusmodi Cœtus congregasse, Ecclesiâ non repugnante. Verum si usus illius originem, & causas diligentiùs inquiramus, comperiemus à facto Imperatorum, ad jus aliquod speciale Principibus sine assensu Ecclesiæ tribuendum, non valere consequentiam.

2. Usus ille à Donatistarum temeritate, ac pertinacia ortum habuit. Cùm enim usque ad tempora Constantini Magni Ecclesia per Concilia Provincialia, & Diœcesana, ac per sollicitudinem Pastorum suorum, præsertim summorum, emergentibus necessitatibus providere solita esset, quantum per tempora licebat: Donatistæ schismatici à Constantino Imperatore Judices postularunt adversus Cæcilianum Episcopum Carthaginensem, contra quem schisma constarant. Imperator tres Episcopos ex Galliis Romam misit, ut cum Melchiae Summo Pontifice causam judicarent: quod factum est: habito Romæ Concilio anno 313.

3. Hoc primum Concilium est, cui se Princeps sæcularis immiscuerit, nisi fortè Imperatorem Aurelianum dixeris convocandi Concilii Romani anno 282. adversus Paulum Samosatenum autorem fuisse. Qua de re ita scribit Eusebius histor. Eccles. lib. 7. cap. 30. vers. Vales. *Igitur cùm Paulus à recta fide simul, & Episcopatu excidisset, Dominus, ut dictum est, administrationem Antiochenfis Ecclesia suscepit. Sed cùm Paulus è domo Ecclesia nullatenus excedere vellet; interpellatus Imperator Aurelianus rectissime hoc negotium disjudicavit, iis Dominum tradi præcipient, quibus Italici Christiana Religionis An-*  
tisti-

visites, & Romanus Episcopus scriberent. Hoc modo vir supranemotatus cum summo dedecore per sacularem potestatem ab Ecclesia exturbatus est. Sed hoc Aureliani factum ad convocationem Concilii parum videtur pertinere, cum de ea nihil statuerit. Imploratum fuerat ejus auxilium adversus Episcopum canonicè depositum, ipse auctoritatem suam noluit adhibere, quousque de justitia certior factus esset, retracto particularis, scilicet Antiochenæ, Synodi judicio, per Synodum Romani Pontificis, & aliorum Episcoporum Catholicorum Italiæ, circa cujus convocationem, tempus, personas, aut modum nihil præscripsit. Sed judicium Romani Pontificis, & aliorum Episcoporum Italiæ curavit exequendum.

4. Ut igitur ad Constantinum redeamus, plura occurrunt in ejus Decreto notatu digna. Primò, non ipse propriâ sponte causam Donatistarum ad se, tanquam vel Judicem, vel Principem, vel aliquam circa Ecclesiastica negotia auctoritatem habentem, traxit; imò illorum judicium ad se non pertinere significavit; nec nisi schismaticorum, qui primùm in Africa apud Anulinum Proconsulem, deinde in Galliis apud Imperatorem ipsum vehementer institerant, importunitate victus, ac pacis studio inductus, animum huic negotio admovit. Id testantur ejus ad Episcopos Concilii Arelatensis verba. *Quoties à me jam ipso improbißimis additionibus suis sunt condignâ responsione oppressi? Qui utique si hoc ante oculos habere voluissent, minime hoc ipsum interposuissent. Meum judicium postulant, qui ipse judicium Christi expecto. . . . Orabida furoris audacia, &c.*

5. Secundò, etiamsi Donatistæ Judices de Gallia postulassent, ut perhibet illorum libellus supplex ab Optato Milevitano relatus. *Perimus ut de Gallia nobis Judices dari præcipias pietas tua.* Tamen Constantinus causæ cognitionem ad Romanum Pontificem, ad quem pertinebat, remisit, adjunctis tribus Episcopis Gallicanis, qui Romam accesserunt.

6. Tertiò, Melchiades Romanus Pontifex Constantini mandato non ita se putabat obstrictum, ut cum solis, quos ipse miserat Episcopis, causam judicaret, sed Concilium ipse congregavit, convocatis ex Italia aliis Episcopis, quorum nomina, & Civitates recitat idem Optatus, ac cum iis simul, & cum tribus à Gallia missis, causæ facta est discussio.

sio. Itaque constat suâ eum, non ab Imperatore delegatâ jurisdictione processisse.

7. Quarto, præcipuas partes in hoc judicio, ac præsertim in ferenda sententia Melchiades habuit, ut indicant hæc Operati verba; *Cacilianus omnium supra memoratorum sententiis innocens est pronuntians; etiam Melchiadu sententiâ, QVA IUDICIUM CLAVSVM EST.* Quæ fuerunt igitur Constantini partes in hoc judicio? ut scilicet illud ad legitimum Judicem remitteret. Qui enim Summo Pontifici, ne omnino despicerentur Donatistarum preces, adjuncti sunt, erant de Patriarchatu Romano.

8. Verùm, quæ Schismaticorum est pertinacia, non cessant huic sententiæ Donatistæ; sed ut ipsismet Constantini verbis Epistolâ ad Vicarium Africæ utar; *Cum res fuissent apud Urbem Romanam ab idoneis, ac probatissimis Viris Episcopis terminata, obnixè, ac pertinaciter respondendum aestimaverunt; quod eorum omnis causa non fuisset audita.* Itaque Imperator, ne quis eis superesset conquerendi de parùm maturo negotii examine prætextus, numerosissimum Arelate in Gallia voluit haberi Concilium, Episcopis ex plurimis, remotissimisque Provinciis evocatis, quibus, quæcumque ad iter commodè peragendum erant necessaria, suis ipse sumptibus ministranda curavit anno 314. Hic quidem Constantinus aliquam in convocando Concilio auctoritatem exercuisse visus est; id tamen de consensu S. Sylvestri, qui sancto Melchiadi in Pontificatu successerat, factum fuisse, quis dubitet, quandoquidem sanctus ille Pontifex suos Legatos ad Concilium misit.

9. Sed quæres, cur passus fuerit Sylvester Prædecessoris sui iudicium retractari; respondeo eadem de causa, quâ motus est Constantinus; scilicet ut hæc benignitate frangeretur Donatistarum pertinacia. Constantinum enim non putasse necessariam illam retractationem, verba ejus suprâ relata satis indicant, & apertius declarat S. Augustinus epist. 162. *Dedit ille, inquit loquens de Constantino, aliud Arelatense iudicium, aliorum scilicet Episcoporum, NON QVIA IAM NECESSE ERAT, sed eorum perversitatibus cedens, & omnino cupiens tantam impudentiam cohibere.* Adde quod causa non est delata à Romano Pontifice ad Concilium per appellationem, tanquam ab inferiori Tribunali ad su-

superius. Nam, ut notat Jacobus Sirmondus, *De Synodo Romana murmurasse viros Donatistas, illam accusasse, ac reprehendisse, de illa questos esse, multis locis docet Augustinus: AB EA PROVOCASSE nusquam prodium est.*

10. Non est tamen Arelatensis Concilii autoritate compressa Donatistarum pervicacia. Nam Imperatorem appellaverunt, eoque adegerunt, ut ipsemet causam judicaret. Quid igitur mirum si Constantinus eorum gratiâ circa Judicium convocationem aliquid egerit, quod Romani Pontificis iuribus repugnare videatur, cum etiam se Judicem causæ constituerit, licet id sibi non licere multifariam antea significasset. Primò quidem in eo quod, ut inquit S. Augustinus epist. 162. *Non ausus est Christianus Imperator sic eorum tumultuosas, & fallaces querelas suscipere, ut DE IUDICIO EPISCOPORVM qui Romæ sederant, ipse judicaret.* Secundò, in eo quod ut habet Optatus loco supracitato, & ut scripsit Constantinus ipse in litteris ad Episcopos Concilii Arelatensis, Donatistas appellantes à Concilio Arelatensi acerrimè perstrinxit; *Orabida furoris audacia, inquit, SICUT IN CAUSIS GENTILIVM FIERI SOLET, APPELLATIONEM INTERPOSVERUNT?* Plura alia sequuntur in dictis litteris, quibus probat se Judicem competentem non esse. Tertio, quia causæ cognitionem non suscepit, nisi à sanctis Antistitibus postea veniam petiturus, ut ait S. Augustinus epistolâ 162. jam citatâ.

11. Grassante non ita post in Oriente Arianâ hæresi, tentatis frustra aliis remediis, idem præstitit Constantinus in convocando Nicæam Concilio generali anno 325. quod antea in Arelatensi, ut tradunt communiter Historici. Itaque primum Concilium Oecumenicum convocavit, juxta, promovitque Imperator.

12. Quod ille pro suo erga Religionem, & pacem amore fecerat, Ecclesiâ gaudente, nedum consentiente, subsequentes Imperatores sæpissimè, mali quidem, aut boni hæreticorum fraudibus decepti in Ecclesiæ perniciem; Pii autem in fidei, ac disciplinæ profectum præstiterunt.

13. Causæ igitur, propter quas Ecclesiâ Imperatoribus Concilia convocantibus non obstitit, istæ fuerunt. Primò cum tempore persecutionum ægrè potuissent celebrari Concilia,

cilia , quorum , si ritè fiant , maximæ sunt utilitates ; ubi Christianus Imperator cœpit non solum permittere , sed & juvare , ac promovere sanctissimos hujusmodi Cœtus , hoc bonum maximo Dei beneficio adscripserunt Antistites : ac fructum exinde proveniente magis attendentes , quàm quæ incommoda futuris temporibus consequi possent , non ita subtiliter inquisierunt , an eâ ratione Principes ultra proprios limites excursuri forent , propriæque autoritati vindicatori , quod à solo Constantini studio erga Religionem , ac publicam quietem cum Ecclesiæ consensu profectum fuisset. Secundò quia Hæretici , & Schismatici , legitimæ superiorum Ecclesiasticorum autoritati non satis subiecti , Imperatorum erant compescendi autoritate , quam ipsi vix adhibuissent , nisi negotia in Synodis à se indictis fuissent tractata. Tertio quia propter Ecclesiarum paupertatem non potuissent Episcopi longa itinera conficere , præsertim ut ex universo Orbe in unum locum ad celebrandum Concilium generale concurrerent , nisi vecturæ , aliisque comœtatu necessariis Principum liberalitas providisset. Quartò Principes ab omnibus Cœtibus admodum numerosis publicæ quieti , ac propriæ dignitati sinistrum aliquid metuentes , Episcopos , quorum magna erat in plebem potestas , sine suo assensu convenire non permisissent. Quintò Constantini Magni exemplum laudabiliter se imitari posse credebant. Ut id à bonis fieret , propter utilitatem , ut à malis , propter necessitatem , & impediendi difficultatem passa est Ecclesia.

14. Cæterum enim liberam conveniendi facultatem Episcopis de rebus Ecclesiasticis tractaturis competere , nec à Principibus coarctandam esse declararunt , aliquando ipsi etiam Principes , ut capite sequenti videbimus ,



## CAPUT V.

*Concilia generalia , dum certus est , & indubitatus Romanus Pontifex , sine illius assensu legitime congregari non posse.*

1. **C**UJUSCUMQUE autoritatis fit Concilium generale , Principum curâ , vel ex communi Episcoporum consensu , congregatum , dum nullus , aut incertus & dubius est Romanus Pontifex , qua de re infra obiter agemus , occasione Concilii Constantiensis , ex professo enim illam tractare non ita pertinet ad susceptum argumentum , unam ex legitimi Concilii conditionibus esse dicimus , ut à legitimo Pontifice , dum talis existit , & agnoscitur , aut saltem non sine illius assensu convocetur.

2. Ea est D. Thomæ sententia , quam quæst. 10. de potentia art. 4. ad 13. exprimit his verbis ; *Cujus ( Romani Pontificis ) autoritate sola , Synodus congregari potest , & à quo sententia Synodi confirmatur , & ad ipsum à Synodo appellatur.* Et 2. 2. quæst. 1. art. 10. in corp. *Et ideò ad solam autoritatem Summi Pontificis pertinet nova editio Symboli , sicut & omnia alia , qua pertinent ad totam Ecclesiam , ut congregare Synodum generalem.*

3. Joannes Gerson eorum Coriphæus , qui Concilii potestatem tantum extulerunt , lib. de vit. spirit. anim. lect. 3. postquam Papæ superioritatem supra totam Ecclesiam his verbis constituit ; *Habet itaque Papa dominium superioritatis à Christo supra totam Ecclesiam , cum plenitudine potestatis in eis , qua spirituale regimen Ecclesia proprie dictum respiciunt , &c.* Partes hujus potestatis assignat in hunc modum ; *De hac potestate sunt JUS CONVOCANDI CONCILIA VNIVERSALIA , JUS determinandi cum Concilio quaestiones fidei per modum articulorum , omnes generaliter obligantium.* Deinde tamen aliquos casus excipit , de quibus inferius.

4. Acriter S. Antoninus hoc Summi Pontificis jus defendit Chronic. par. 3. tit. 2. cap. 3. §. 1. *Nec CONCILIVM ALIVD GENERALE , inquit , POTEST CONGREGARI SINE AVTORITYTE ROMANI PONTIFICIS ; nec aliquid valet ordinatum in il-*

G g

lis,

lis, nisi ordinetur a Papa, ut patet distinct. 17. cap. 21. & per tot. . . . . Omnia prædicta dixerunt, & crediderunt omnes sancti Doctores, & Pontifices tam Græci, quam Latini, & Concilia universalis, quæ celebrata sunt tam in Oriente, quam in Occidente, quæ fuerunt legitima Concilia, non Conciliabula, & Synagoga Sathana, sicut Concilium Ariminense celebratum per Arianos, &c.

5. Edmundus Richerius ob deprimentæ Romani Pontificis, & extollendæ Principum sæcularium autoritatis studium famosus, fatetur histor. Concil. cap. 1. n. 7. Quod cum Primatus Petri sit Juris Divini quoad institutionem, certè regulariter, & ordinariè Synodi generales ABSQVE CONSENSU PAPÆ LEGITIME PETITO CELEBRARI NON DEBENT. Idq; praxis Ecclesiæ primitiva demonstrat, & Canon Ecclesiasticus, quem Julius Papa commendat, &c.

6. Hanc ad Summum Pontificem autoritatem ita pertinere, ut sine ejus assensu Concilia generalia congregari non possint, agnoscit Petrus de Marca lib. 5. cap. 5. num. 4: Hoc flagitium, inquit, admisit Dioscorus, quod sine Sedis Apostolica autoritate Synodum Ephesinam peregit. Et cap. 14. num. 1. In septima quoque Synodo Primatus Romani Pontificis enicuit. Etenim non solius consensus prærogativa, dignitasq; Sedis Apostolicæ, sed etiam summa illa autoritas admissa est, qua conventibus Ecclesiasticis Concilii Oecumenici robur conferre debet. Numero autem 8. ex Simone Metaphraste ista refert: Qui Oecumenicum Concilium istud vocari queat, quod nec Romanus Antistes, citra cujus autoritatem nullo modo fieri potest, ut res Ecclesiastica ad normam dirigantur, gratum habuit. Idem Petrus de Marca lib. 6. cap. 28. num. 12. hanc tractat materiam, ac num. 15. varia Conciliorum genera distinguens, de universalibus disertè pronunciat, quod verissimum est non posse CONCILIA CELEBRARI ABSQVE SENTENTIA EPISCOPI ROMANI.

7. Totius ovilis Christi curam B. Petro, ejusque successoribus commissam nonnisi Hæretici inficiantur; Cumctis, inquit S. Gregorius lib. 4. epist. 32. Evangelium scientibus liquet, quod voce Dominicâ sancto, & omnium Apostolorum PETRO PRINCIPI APOSTOLO TOTIUS ECCLESIAE CURA COMMISSA est; ipsi quippe dicitur; Petre amas me, pasce oves meas, &c. Ecce claves Regni cælestis accipit, potestas ei ligandi, ac solvendi tribuitur; cura totius Ecclesiæ committitur. Concilia igitur generalia, ut optimo Ecclesiæ regimini prospiciatur, convocare, ad supremum il-

lum

lum Ecclesiæ Pastorem pertinet. Id enim Rectoris officio esse quasi innatum docent, & recta ratio, & omnium Societatum tam civilium, quàm Ecclesiasticarum praxis, ut quisquis regimini præfectus est, is Cætus convocet, dum publica res exigit, eiq̃ue vocanti cæteri obsequi teneantur. Concilium generale ex ejus autoritate indicendum est, qui possit omnibus, qui congregandi sunt præcipere, suoque præcepto illos obligare. Alioquin enim plurimi adesse negligerent, aut contemnerent. Quis autem præter Romanum Pontificem omnes Episcopos sibi præsertim in rebus Ecclesiasticis, subditos habet?

8. Ideò ex S. Hieronymo inter Apostolos unus electus est, qui cæteris præset, ut schismatis tolleretur occasio. Sed in congregandis, & celebrandis Conciliis majus est schismatis periculum. Impossibile enim est, vel saltem difficillimum (qui sunt hominum mores) ut Episcopi per totum orbem diffusi consentiant in idem tempus, eundem locum, eundem deliberandi ordinem, & alia, quæ ad prosperum Concilii exitum sunt necessaria, nisi multiplicia illa membra sic dispersa, uni capiti colligantur, ejusq̃ue motum sequantur. Si tempore magni schismatis aliud contigisse videtur, speciali Divinæ providentiæ dispositioni, ac quasi miraculo id tribuendum est, in gratiam Fidelium patrato; quorum maxima pars, quis esset legitimus Pontifex, ignorabat. Cæterum enim tot fuerunt tunc temporis dissensiones, contentiones, & discordiæ, ut simile miraculum expectandum non sit, nec expetendum; præsertim dum constabit (atque utinam nunquam lateat) quis verus sit Pastor, & verum Ecclesiæ universæ Caput.

9. Jus illud Summi Pontificis declaratum est jam anno 501. Nam accusato de horrendis, licet falsis, criminibus Symmacho Papa, convocati ad Synodum Episcopi Theodorico Regi exposuerunt, Synodi convocationem ad ipsummet Pontificem, quamvis accusatum pertinere, *Sugesserunt ipsum qui dicebatur impetravit, debuisse Synodum evocare; scientes quia ejus Sedi primam Petri Apostoli meritum, vel Principatus, deinde, secutâ jussione Domini, Conciliorum venerandorum autoritas ei singularem in Ecclesiis tradidit potestatem.* Quid ad hæc Theodoricus? *Potentissimus Princeps, ipsum quoque*

## 236 TRACTATUS DE LIBERTATIBVS,

PAPAM IN COLLIGENDA SYNODO VOLUNTATEM SVAM LITTERIS DEMONSTRASSE, *significavit*. Act. Synod. Rom. 3. sub Symmacho Papa anno 501. Certè si Concilium, in quo de Papæ accusatione tractandum est, ab ipsomet debet convocari, idque ob *Petri Apostoli meritum vel Principatum*, non video quâ occasione, quove pretextu possit illi hæc autoritas à Catholicis negari, quam Rex Arianus agnovit. Dices fortè non de Concilio generali, sed de Provinciali, vel ad summum de nationali, hæc dicta fuisse, sed præterquam quod de re agebatur, quæ Concilium generale postulasset, nec enim ab inferiori Concilio deponi posse Summum Pontificem contendunt Galli, rationes, quæ adducuntur, pro omnibus Conciliis æqualem vim habent, puta *Petri Apostoli meritum vel Principatus, Fusio Domini, singularis in Ecclesiis potestas*.

10. Cùm Imperator Valentinianus ab Episcopis rogaretur, ut liceret Concilium celebrare, respondit, ut refert Zozomenus lib. 6. cap. 7. *Mihi, qui sum in sorte plebis, fas non est, talia curiosis perscrutari: Sacerdotes, quibus ista cura sunt, quocunque voluerint loco conveniant*, quibus verbis indicaverat, ad Ecclesiasticam libertatem spectare Conciliorum ad res sacras tractandas congregationem, nec posse Imperatores congregationem, sine iusta saltem causa prohibere.

11. In Concilio Chalcedonensi, ut observavit Marca supra relatus, Dioscorus inter Episcopos sedere prohibitus fuit, quod Synodum generalem fecisset sine autoritate Apostolicæ Sedis, quod nunquam licuerat, nunquam factum fuerat. Acta Concilii Chalcedonensis act. 1. QVOD NVNQVAM FACTVM FVIT, NVNQVAM LICVIT.

12. Denique Concilium Lateranense V. sess. 11. soli Romano Pontifici hanc vindicat potestatem Constitutione, quæ incipit; Pastor æternus his verbis; *Cùm etiam solum Romanum Pontificem pro tempore existentem, tanquam auctoritatem super omnia Concilia habentem, tam Conciliorum indicendum, transferendum, ac dissolvendum plenum ius, & potestatem habere, nedum ex sacra Scriptura testimonio, distis sanctorum Patrum, ac aliorum Romanorum Pontificum etiam Prædecessorum nostrorum, sacrorumq; Canonum decretis, sed propria etiam eorundem Conciliorum confessione manifestè constat*.

13. Casus aliquos excipit Joannes Gersonius à necessitate  
fa-

faciendæ à summo Pontifice Conciliorum convocationis; *Congregatio*, inquit tract. de potest. Eccles. confid. 12. legitimâ auctoritate facta DICITVR REGVLARITER A PAPA, sicut sonant Decreta, & Decretales innumera. Excipiuntur tamen tres casus, ubi congregatio Concilii generalis fit legitime sine Papa. Unus dum desinit esse per mortem naturalem, aut civilem, seu Canonicam, qua est depositio, vel si cadat in perpetuum maniam, aut si ad eum captivatum non pateat accessus. Alius dum sufficienter requisitus de convocando Concilio, renuit contumaciter in perniciem Ecclesie, præsertim si tangat ipsum. Tertiò si Concilium postquam est à Papa legitime congregatum statuât certum tempus, & locum pro celebrando generali Concilio, sicut infra triennium vel de decennio in decennium, etiam ubi Papa renuet. Fatetur Gerlonius regulam esse ut Concilium à summo Pontifice congregetur. Non sunt ergo hinc alii casus excipiendi, quam quos vel lex Divina, vel evidentissima ratio præscribit: Dum nullus est Papa vel incertus est, dare operam Episcopi possunt ut eligatur Pastor, quem universa sequatur Ecclesia. Nec aliud quidquam præstari à Concilio posse, docent Auctores non pauci. Ad summum igitur, si electione pendente, vel summo Pontifice impedimento inævitabili detento, quicquam occurreret, quod dilationem remedii non pateretur, Concilium providere posset. At verò dum legitimus, & certus existit Pontifex, ad eum totius Ecclesiæ cura spectat, nec sine illius auctoritate, supremo, & infallibili iudicio aliquid statui potest.

14. Quid ergò, inquires si Papa per negligentiam, vel malitiam bonum Ecclesiæ pessundari permittat? Nonne tunc eo invito congregari Concilium poterit? Poterunt tunc Episcopi monere, urgere, aliisque convenientibus mediis ut, Concilium autem generale Papæ opponere, nihil aliud esset, quàm remedium malo pejus adhibere; stratâ scilicet ad schisma, quo sancti Patres docent nihil esse perniciosius, viâ proclivissimâ. Ecquando enim utile fuit Ecclesiæ existenti sine summo Pontifice legitimo, & indubitato, Concilium sine ipso collectum, vel continuatum? Quo tandem desit Concilium Basileense, ex quo tempore schisma conflavit adversus Eugenium IV. ? Quis fructus Conciliabuli Pisani Ludovici XII. Francorum Regis curâ congregati adversus Julium II. Pontificem, &c. Certè qui Ecclesiam suam super Petrum ædifi-

238 TRACTATUS DE LIBERTATIBVS,  
 catam promissit à portis Inferi non superandam, nunquam  
 permisit, nec permittet unquam, ut ab ipsius Petri Succes-  
 soribus ita concutiat, ut nisi à Concilio generali sine illis,  
 ac contra illos convocato, fulciatur, continuò ruitura sit. Nec  
 video qui potuerint Antistites Parisienses eum casum tanto-  
 perè timere, ut & sine summi Pontificis, & sine Concilii  
 generalis autoritate, remedium præparare festinaverint.

## C A P U T VI.

*Respondetur objectionibus Joannis Launoi.*

1. **I**llustrissimus Cardinalis Bellarminus lib. 1. de Concil.  
 cap. 12. quærit, *cujus sit congregare Concilia*, qui titulus  
 sanè significat, cum non de facto, sed de jure movere quæstio-  
 nem. Et quia contra hæreticos disputat; Igitur, inquit, *con-*  
*venit inter nos, & Adversarios, Concilia Diocesana ab Episcopo, Provincia-*  
*lia ab Archiepiscopo, Nationalia à Patriarcha, vel Primate convocari debere.*  
 Itaque de Conciliis generalibus disputationem instituit. Quo  
 circa hanc conclusionem statim ponit; *Catholici minus convocandi*  
*Concilia generalia ad Romanum Pontificem propriè pertinere volunt, sic tamen ut*  
*possit etiam alius Pontifice consentiente, Concilia indicare; quin etiam satis sit,*  
*si indictionem factam, ipse postea ratam habeas, & confirmet. At, si nec ipse*  
*inducat Concilium, nec aliquis alius de ejus mandato vel consensu, nec ipse sal-*  
*tem approbet indictionem, ILLUD NON CONCILIVM, SED CON-*  
*CILIABYLV MÆORE.* Hæretici autem hujus temporis eam autoritatem Im-  
 peratori attribuant. Jus illud deinde sex, aut septem argumentis  
 probat.

2. Capite autem sequenti solvit Adversariorum argumen-  
 ta ex eo præcipuè desumpta, quòd prima Concilia fuerint ab  
 Imperatoribus non à Pontificibus indicta, factum non negat,  
 imò satis apertè concedit. Sed primò respondet, argumento,  
 quod vocant ad hominem, scilicet frustra traditiones, aut  
 consuetudinem ab adversariis allegari, ut qui à traditione,  
 & consuetudine argumenta efficacia duci posse non admittant.  
 Secundò, consuetudini, consuetudinem opponendo; *Si enim,*  
*inquit, quatuor, aut quinque Concilia Imperatores indixerint, plura quam*  
*duo*

*duodecim indixerunt Pontifices, ut Adversarii etiam fatentur. Tertio, dicendo, nullum esse Concilium generale Catholicum à solo Imperatore indictum, id est sine consensu, & autoritate Romani Pontificis; quod intelligendum est juxta statutam initio conclusionem, ut Romanus Pontifex saltem approbaverit indictionem.*

3. Joannes Launoius huic inter Bellarminum, & Hæreticos controversiæ se ingerens, non solum contra Illustrissimum illum Cardinalem stat, sed cum etiam injuriis afficit, quarum illa videtur gravissima, quod Bellarminus malæ fidei fuerit in referendis testimoniis, quibus utitur. Sed videamus, an ille melioris sit fidei?

4. Decem primis sextæ partis Epistolis certat præ convocatione Conciliorum Imperatoribus asserendâ; sed quâ intentione, mihi perspectum satis non est. Potest enim quinplex moveri quæstio. Prima de facto, scilicet, utrum Imperatores Concilia convocaverint? Secunda utrum habuerint à se auctoritatem, & jus convocandi? Tertia utrum auctoritatem illam habuerint non consentiente, vel etiam renitente summo Pontifice? Quarta utrum illius convocationis jus Romano Pontifici competat? Quinta utrum ea uti possit sine consensu Principum?

5. Si Launoius primum tantum intendit, ut multiplices quas cumulat auctoritates, suadent, frustra in Bellarminum insurgit, cumque injuriis laceffit. Fatetur enim Bellarminus pluries, etiam in verbis à Launoio relatis, Imperatores de facto prima Concilia convocasse.

6. Si secundum voluit Launoius, certè Theologi partes nullatenus explevit. Cum affirmanti incumbat onus probandi, debuit, ex regulis ab ipso sæpissimè repetitis, aliquo *Scripturæ loco juxta unanimem consensum Patrum accepto, aut traditione probare*, jus Concilia convocandi Imperatoribus competere; *Scripturæ locus certè nullus est. Traditio Divina, vel Apostolica nulla est.* Legimus è contra Apostolos plura Concilia habuisse, quorum convocationi absurdum est supponere intervenisse Principum Christianæ Religionis infensorum consensum, ut nullum sit apud Launoium argumentum negativum (qualia sunt apud ipsum ferè omnia) isto validius. Sed fortè traditionem appellaret longam illam testimoniorum seriem,

riem, quibus ostendit, Concilia olim ab Imperatoribus convocata fuisse. Sed hæc traditio ad factum pertinet non ad jus, nec est illa traditio, quam intellexit Concilium Tridentinum, à quo suas illas regulas se mutuari passim proficitur Launoïus. Loquitur enim Concilium de doctrina à Christo, vel saltem ab Apostolis ex instinctu, ac præcepto Spiritus sancti ad nos quasi per manus transmissa; Cujusmodi non sunt Historiæ convocationis Conciliorum ab Autoribus, quos citat Launoïus, conscriptæ. Accedit, quod traditio Launoïi non est perpetua, & constans in favorem Imperatorum, ut ipse epistolâ ad Raymundum Formentinum fateri cogitur his verbis; *Quin generatim Concilia, quæ ante Florentinum habita sunt, cum Roma, tum in Gallia, Lugduni, & Vienna, tum in Germania, Constantia, & Basilea, Romani Pontificis autoritate indicta, & convocata fuerint, dubitari merito nequit.* Quibus quidem verbis non excludit expressè Imperatorum autoritatem: sed hinc inferes, cujus affectus fuerit in sanctam Sedem Scriptor ille, qui cum in ejus favorem veritate cogente loquitur, totum quod vult dicere, dicere nequit. Scopus enim ejus epistolæ (vide quantum illi debeat sancta Sedes ob prædictam confessionem) est ostendere, Imperatorem consensisse Concilio Florentino, atque ita quodammodò compensatam veterem disciplinam, quâ Principes Concilia convocabant. Cum igitur Launoïus Concilium Florentinum anterioribus opponat, tacite tantum concedit, sed verbis non exprimit, anteriora sine Imperatoris consensu fuisse convocata, quod certissimum est, quodque ut Launoïus apertè diceret, postulabat ejus institutum. Denique traditio seu exempla à Launoïo adducta, factum, non jus, de quo est quæstio probant.

7. Tertium, nempe jus illud penes Imperatores fuisse, non consentiente, vel etiam renitente Summo Pontifice, cum falsum sit, adhuc magis impossibile est, ut demonstratur argumento Theologico, siquidem ex regulis Launoïi petendum esset ex *Sacra Scriptura loco, juxta unanimum consensum Patrum accepto, vel ex traditione illa, de qua loquitur Concilium Tridentinum.*

8. Quæ sit Launoïi mens circa quartum, scilicet, an summus Pontifex habeat jus convocandorum Conciliorum, non satis



fatis apparet. Videtur id planè negare sub initium primæ Epistolæ 6. tom; *Pramittenda*, inquit, *atque expendenda mihi iri videntur*. Et primum quidem non ex *Scriptura sacra convocandorum Synodorum jus, & autoritas*, cuiquam, Romano puta Pontifici, vindicari queat. Vindicari nequit: siquidem *Scriptura sacra locus nullus est*, qui juxta unanimum consensum Patrum acceptus, uti accipiendum esse Tridentina Fidei regula præscribit, cuiquam id juris & autoritatis afferat. Sed fortasse his verbis id tantum intellexit, quod pag. 9. dicit; *Personam congregantis Synodum, & Synodi congregationem ad bene, vel male gestam Synodum pertinere nihil*; Hoc est, ut ipse explicat, non referre à quo congregetur Concilium, ut rectè celebretur. Id adhuc apertius tradit Ep. 8. Ex quo tamen non sequitur, non posse summum Pontificem, dum Ecclesiæ universæ necessitas exigit, Episcopos ad Concilium convocare, illosque non teneri convocanti parere. Doctrina enim esset Religioni perniciosissima. Cum enim aliunde doceat iudicium Papæ in definiendis fidei quæstionibus non esse infallibile, quonam modo sisteretur hæresis grassantis cancer, si Papa non haberet jus, & autoritatem, imò, nec quisquam alius convocandi Concilii generalis, & Episcopi ut facile contingere posset, si inter se dissentirent, aut etiam major pars convenire detrectaret? Quam enim ægrè Galli ad Concilium Florentinum, ad Lateranensem V. & ad Tridentinum accesserunt, quæ tamen propter suam, & fortè aliorum absentiam, generalia esse negabant, licet omnes generaliter convocati fuissent; Cujus difficultatis causa an in Principes, an in Episcopos referenda sit, non est hujus loci perscrutari. Hoc tantum observo, facillimè impediendam esse Conciliorum congregationem, si nullum sit summo Pontifici convocandi jus, nulla convocanti parendi Episcoporum obligatio. Atque ita periclitaretur Fides, & Religio, inutilis, & otiosa evaderet omnis Romani Pontificis autoritas, apud eos, qui à Romano Pontifice ad generale Concilium appellare licere, vel sentiunt, vel fingunt, ut ejus Decretorum vim eludant, expectantes Concilium, quod sciant non habendum, quodque fortè ipsimet impedituri sint.

9. Verùm non solum jus illud penes Romanum Pontificem esse, ut possit Episcopos ad Concilium cogere, quod

H h

nescio

nescio an inficiaretur Launoius, sed etiam, ut sine ipso Concilium cogi non possit, quod Launoius negat, aut saltem vim in tota Ecclesia non sint habitura ejus Decreta, tum ex jam dictis colligitur, tum ex dicendis in aliis hujus libri capitulis constabit.

10. Obscura est etiam mens Launoii circa quintum. Cùm enim in loco supra citato fateatur, saltem tacitè, congregata fuisse plura Concilia generalia Romani Pontificis autoritate, sine Imperatorum consensu, autoritatem illam à Principum consensu liberam esse agnoscere videtur: sed cur in eadem Epistola contendit in Concilii Florentini Decreto, quod Græci cum Latinis in mutuam reducuntur concordiam, idè fieri mentionem consensus Imperatoris, quia sine eo congregatum fuerat Concilium, unde concludit; *Igitur inscriptione tali compensata est disciplina vetus, quâ generales Synodi octo in Oriente Imperatorum jussu celebrata fuerant.* Cur tantum in octo primis Epistolis illius tomi defudat in congerendis autoritatibus, quibus ostendat octo prima Concilia fuisse ab Imperatoribus convocata. Quidquid sit de mente Launoii, ego quidem; licet non ignorem vix posse de facto haberi Concilium repugnantibus Principibus, propter eorum potentiam temporalem, certissimum tamen habeo, nullum penes illos jus reponi posse impediendi; quominus dum Ecclesiæ necessitas postulat, Concilium à summo Pontifice congregetur, præsertim in eorum sententia, qui Papam errori obnoxium faciunt, etsi deessent aliæ rationes, illa vel sola me convinceret, quod cùm aliàs contigerit, & rursus accidere possit, nullum existere supremum Principem Catholicum, Ecclesia tunc careret medio convenientissimo ad confirmandam fidem adversus insurgentes hæreses, si Principum infidelium, aut hæreticorum consensus ad Concilii celebrationem de jure requireretur. Contigit enim frequenter, ut magna Episcoporum pars ab alia dissentiret, ac cum ea convenire detrectaret.

## CAPUT VII.

*Respondetur iis , quæ Launoius Bellarmino specialiter objicit.*

1. **S**uperfunt expendendæ accusationes Launoii contra Bellarminum in epist. 1. tom. 6. contentæ. Hinc enim intelligetur quid de iis sentiendum sit , quæ in aliis Epistolis sparæ sunt ; cùm ejusdem ferè generis sint. Primò, Bellarminum arguit quod lib. 1. de Concil. cap. 12. statuerit *re vera esse Pontificis , non Imperatoris congregare Synodum generalem , idq. demonstrari posse ex Divinis litteris.* At subdit Launoius ; *Gratis , & sine Theologica ratione id dicit ; Nam supra notavimus Scriptura locum , nullum adferri posse , qui juxta unanimum consensum Patrum acceptus prout exigit Tridentina fidei professio , demonstret , quod Bellarminus demonstrandum suscepit.* Similia addit de traditione in secunda accusatione. Perpetuum est istud Launoii Sophisma , Concilii Tridentini sententiam invertens. Ex eo enim quod Concilium *contra unanimum consensum Patrum Scripturam sacram interpretari vetuerit ;* Infert ipse , *gratis , & sine Theologica ratione dici , quod Scriptura loco juxta unanimum consensum Patrum accepto non demonstratur.* Quasi idem esset , prohibere *Scripturam sacram contra unanimum consensum Patrum interpretari ;* atque declarare , nulla esse argumenta Theologica , nisi à *Scripturæ loco juxta unanimum consensum Patrum , accepto ,* quod jam lib. 3. cap. 11. confutavimus.

2. Comoda omninò est Launoio sua regula , quia cùm rarò aliquid ex professo adstruendum suscipiat ; sed ferè semper aliorum asserta destruere conetur , scopum suum attigisse sibi videtur , ubi negavit extare locum Scripturæ sacræ juxta unanimum consensum Patrum acceptum , aut traditionem , atque adeò rationem ullam Theologicam , pro adversarii sui dicto. Idque faciliè probat juxta suam methodum allatis plurimis locorum Scripturæ interpretationibus , & autoritatibus de re illa tacentibus , aut aliud , diversum quidem , sed non contrarium , affirmantibus.

3. Sufficit Theologo , ut nihil contra unanimum Patrum

consensum affirmet, ut generalibus Patrum effatis argumenta sua conformet, ut conclusiones in traditione, vel in Scripturæ locis, unde illas deducit, contineri, prudenter, rationabiliterque, ex Fidei ac Religionis analogiâ judicentur; qui plus aliquid exigit, Theologiam cum Fide confundit; idque quod à peritis habendum est tanquam certissimum, cum eo quod omnibus fide Divinâ necessariò credendum est. His autem officiis satisfecisse hac in parte Bellarminum perspiciet, qui ejus doctrinam æquo animo expenderit.

4. Tertiò Bellarminum accusat, quod contra Calvinum Ecclesiastica historia rudem, & ignarum in rebus seu veris seu falsis ad hominem disputatis præsidium omne constituat. Sed asserenda semper est, inquit, suis momentis veritas, quæ hominum mendacio nunquam indiguit. Sed quod est Bellarmini mendacium à Calvino acceptum. Hæc sunt Bellarmini verba, quæ refert Launoius; *Argumenta Calvini, & Magdelungenfium sumuntur ex indictionibus primorum Conciliorum, quæ ab Imperatoribus non à Pontificibus indicta fuere.* Primam partem admittit Bellarminus, scilicet prima Concilia convocata fuisse ab Imperatoribus: Illudne mendacium à Bellarmino ex Calvinî concessione acceptum vocat Launoius, in quo confirmando tantum laboris insumpsit? Secundam partem negat Bellarminus, scilicet prima Concilia non fuisse à Pontificibus indicta, eo nimirum modo, quem exprimit in conclusione sua, capite præcedenti posita, sic tamen ut possit etiam alius, Pontifice consentiente, Concilium indicare; Quin etiam satis sit si indictionem factam ipse postea ratam habeat, & confirmet. Illud, mendacium non esse, probat Bellarminus, & probabimus nos in capitibus sequentibus. Et, si mendacium esset, non esset à Calvino acceptum, quandoquidem id à Calvino negatur. Quid autem in hac Bellarmini methodo reprehenditur? An quod utatur argumentis quæ vocantur ad hominem? Num optima illa sunt, dummodo veræ sumatur adversarii sententia, legitimèque deducatur consequentia? Oportandum esset, ut prima conditio adeò sincerè observaretur à Launoio contra Bellarminum disputante, ut à Bellarmino Hæreticos impugnante. An non certior victoria, cum suis se armis hostis perimit? Sed falsa sunt, quæ Adversarius concedit. Non licet certè falsum assumere ad adstruendum falsum: Congruenter tamen affirmationem falsam ab adversario factam disputans

ei opponit, ut aliam ejusdem falsam assertionem retundat. Neque hoc pacto falsitas approbatur, sed ex falsitatis veneno ab adversario subministrato, adversus aliam falsitatem componitur remedium, quo ille sanetur, alii sani custodiantur. Quanquam ne istud quidem facit Bellarminus, quin falsitatem detegat, contradictionem hæreticorum demonstrans, & singulas falsitates patefaciens. Quod autem Launoius addit; Neque enim Calvinum errare sufficit, sed præterea requiritur, ut Catholici quidam non errent, cum utrimque errari potest; Innuens falsa ab adversariis concessa ad alia falsa confirmanda usurpari, vel eadem, quæ conceduntur acceptari. In Bellarminum id non cadit; Quod ut pateat, reliquas ejus accusationes ordine prosequamur. Cæterum si hæc Launoii contra Bellarminum accusatio refertur ad illud, quod Illustrissimus Cardinalis ex confessione Calvini supponit, Conciliorum Provincialium convocacionem ad Metropolitanum, Diocesanos ad Patriarcham, aut Exarchum pertinere, atque inde concludit generalium congregationem ad Papam spectare, præterquam quod verissima est doctrina, fuit etiam ab Episcopis Gallicanis tradita. Hincmarus Archiepiscopus Remensis opusc. 55. Caput 20. cap. ait; Sic igitur universales Synodi specialiter Apostolica Sedis autoritate convocantur, & aquæ Provinciales Canonica Synodi Decreto Sedis Apostolica à Metropolitanis, & Provinciarum Primatibus convocantur, sicut de conlatis clavis Regni Calorum, id est ligandi, & solvendi Pontificio specialiter S. Petro dato, & simul omnibus Apostolis, & in eis Catholicis Episcopis conlato sancta, & universa tenet Ecclesia, &c.

5. Quarto arguit Bellarminum, quod initio capitis 13. dicat; Superest argumenta solvere, ex quibus etiam magis confirmabitur veritas, quasi jam probasset in superiori capite, Nicænum Concilium à Constantino congregatum, atque id tantum ex contrariorum argumentorum solutione superesset confirmandum, quamvis in superiori capite non solum id non probaverit, sed ne verbum quidem de Concilio Nicæno fecerit. Justius nos hic adversus Launoium, quam ipse alibi adversus Bellarminum, aut alios Scriptores; quos ipse *Cum Romana mancipia* vocat, possemus exclamare. Heu prisca fides! Bellarminus in capite superiori, hoc est 12. lib. 1. de Conciliis, ut ipsemet Launoius in accusatione prima notavit his ipsis verbis, *Quæstio-*

nem juris tractat, statuitq; re vera esse Pontificis, non Imperatoris congregare Synodum generalem, Caput autem 13. sic inchoat. *Supereſt argumenta ſolvere ex quibus etiam magis confirmabitur veritas*; Illa verba ſic accipit Launoius, ut ſi Bellarminus vellet tantum ſolvere argumenta negantium Synodum Nicænam à Romano Pontifice congregatam, quaſi jam id demonſtraſſet in capite præcedenti, cum ejus Synodi ne mentio quidem facta ſit in illo capite. Id nemo credat de viro prudente, qualis erat Bellarminus, ſed nec credere poſſit qui contradicendi ſtudio non ſit excæcatus, ſi attendat ad illa ipſa verba Bellarmini, quæ refert Launoius ante primam acculationem. Sic enim ſcribit doctiſſimus Cardinalis; *Supereſt argumenta ſolvere, ex quibus etiam magis confirmabitur veritas. Argumenta Calvini, & Magdeburgenſium ſumuntur ex indiſtinctionibus primorum Conciliorum, quæ ab Imperatoribus non à Pontificibus indiſta fuerunt. De Nicæno primo ait Ruſſinus, &c. Quis præter Launoium lectis his verbis non videat, vel, negare audeat, Bellarminum non argumentis contra convocationem Concilii Nicæni, ſed contra jus convocandi Concilia reſpondere velle?* Primò capitis 12. titulus eſt; *Solvuntur argumenta Adverſariorum.* Initium autem iſtius capitis eſt; *Supereſt argumenta ſolvere, &c.* Secundò Bellarminus dicit, *Argumenta Calvini, & Magdeburgenſium ſumi ex indiſtinctionibus primorum Conciliorum*; non ergo de convocatione Nicæni, quod primum omnium generalium celebratum eſt, diſputat. Tertiò, Bellarminus ex parte adverſariorum enumerationem Conciliorum ab Imperatoribus habitorum inchoat à Concilio Nicæno: non ergo de illo ſolo eſt quæſtio. Quartò, Bellarminus huic objectioni ex convocatione Concilii Nicæni propoſitæ reſpondet, probans eam ex conſenſu ſancti Sylveſtri factam; Non ergò ſupponit id jam à ſe in capite præcedenti demonſtratum; ſolumq; ſupereſſe, ut argumenta in contrarium ſolvantur.

6. Quintò, Bellarmino, inquit Launoius, & illius Affectis religio videtur eſſe quicquam, quod Calvinus, & Magdeburgenſes probent non improbare. Verum id quidem ſi de rebus intelligatur, quæ ad illorum hæreticorum errores pertinent, non de iis, in quibus rectè ſenſerunt. Novit Bellarminus omnia probare; quod bonum eſt, tenere; quod malum improbare, ut in loco, de

de quo Launoius loquitur, concedit sapientissimus Cardinalis Calvino, & Magdeburgensibus, prima Concilia ab Imperatoribus fuisse convocata; negat ex factis sequi, ita ut Summo Pontifici potestas auferatur, & Imperatoribus adjudicetur, congregandorum Conciliorum.

7. Rursus circa sextam accusationem exclamatio Launoii adversus Scriptores Romanos in ipsum retorquenda esset. *Hæc prisca fides*; Cum enim Bellarminus tribus autoritatibus, scilicet sextæ Synodi, Damasi, & Ruffini (de quibus omnibus simul dixit, quod à Launoio repetitur; *ex quibus habemus quod volumus*) probasset, Concilium Nicænum habitum fuisse cum consensu Romani Pontificis, Launoius ad ultimam tantum, utpotè cæteris minus expressam, Bellarmini conclusionem refert, quod eam facilius impugnet; sic enim ejus verba glossatur; *Ex quibus habemus quod volumus*, sic Bellarminus. Addit Launoius; *Si Ruffini testimonio stetur*. Cum dicere debuisset; si sextæ Synodi, si Damasi, si Ruffini testimonio stetur. Imo bene affectus Lector verba ista potius de aliis, quàm de Ruffino obscurius loquente accipiet. Hanc autem Ruffini autoritatem impugnat Launoius, primò quod Ruffinus non aliud dicat, quàm quod *Constantinus ex Sacerdotum sententia Concilium convocat*; Non exprimens qui fuerint Sacerdotes illi. Secundò quia Epiphanius Ruffino antiquior significat, qui fuerint illi Sacerdotes, Alexandrum Alexandriæ Episcopum nominans. Tertiò quia hæc verba Epiphanii studio, & hortatu declarant, quid sibi velint hæ voces apud Ruffinum, *Sacerdotum sententia*; scilicet simplex concilium à Sacerdotibus mandatum à Constantino, adhibitum ad congregandum Concilium. Quartò, quia Nicæna Synodus se Constantini Imperatoris mandato coactam esse simpliciter proficitur. Sed primò cur non licuisset Bellarmino Ruffini verba illa, *ex Sacerdotum sententia*, de Romano Pontifice intelligere, cum ratio suadeat Constantinum Principem religiosissimum, & prudentissimum tanti momenti rem non fuisse aggressum, nisi communi consensu cum S. Sylvestro, quem totius Ecclesiæ Caput, & Episcoporum Principem esse non ignorabat; cum sexta Synodus, quam simul cum Ruffino citaverat, dixerit; Constantinum, & Sylvestrum magnam Synodum apud Nicæam congregasse: Cum Gregorius II. quem Lau-

Lau-

Launoius tom. 7. epist. 7. plurimum laudat, in illo ipso Epistolæ posterioris fragmento, quod ibi exscripsit, hæc habeat verba; *Constantinus Magnus, Theodosius Magnus, Valentinianus Magnus, & Constantinus Justiniani Pater, qui sexta Synodo interfuit, Imperatores isti religiose imperarunt, & cum Pontificibus uno consilio ac sententiâ Synodos congregantes, atque veritatem dogmatum perquirentes sanctas Ecclesias constituerunt, & ornarunt; Secundò Epiphanius Alexandræ Episcopum nominans, alios non excludit. Tertiò, laudabilis illa inter Pontifices, & Imperatores concordia, quam exprimit Gregorius II. in verbis mox relatis, non patiebatur, ut ità subtiliter sua quique jura distinguerent; cum utrique de Fide tantum ac Religione solliciti essent. Vndè contingere potuit, ut etiam Scriptores non ità scrupulosè verba ponderarent, nec rebus significandis aptiora seligerent. Adde, quod vox, *sententia*, qua utitur Ruffinus, utrumque, & simplex suffragium & judicium cum autoritate apud probos Scriptores Latinos denotat; Verba verò Epiphani, studio, & hortatu Alexandro, cujus specialem fecit mentionem, accomodata sunt. Cum enim Arius Presbyter Alexandrinus ob suam hæresim ab Alexandro illius urbis Antistite fuisset excommunicatus, nec resipisceret, imò plurimos suæ perfidiæ socios haberet, etiam inter Episcopos; optavit Alexander efficacissimum huic malo remedium apponi; Ideoque hortatus est Constantinum, ut Concilium generale celebrandum curaret. Id autem à Constantino sine Sylvestri consensu factum, credere non sinunt, quæ supra diximus. Quartò, neque id consentiente Sylvestro factum negat ipsum Concilium Nicænum, licet sileat. Sophisma est à propositione absoluta, modalem exclusivam inferre; ex eo quod Concilium Nicænum, & Scriptores à Launio citati, dicunt, Concilium illud à Constantino convocatum; aut, ut volunt Hæretici, ipsi soli sine assensu summi Pontificis jus convocandi fuisse.*

8. Septimò contra Bellarminum retorquet hæc ejus verba; *Ac primò de Nicæno primo legimus in sexta Synodo Act. 18. Constantinum, & Sylvestrum magnam Synodum apud Nicæam congregasse; Quæ contraria esse dicit ei quod statuerat capite præcedenti; Esse æveta Pontificis tantum, non Imperatoris congregare generalem Synodum. Hic adhuc*



adhuc desideratur bona fides Launoii. 1. An Bellarminus his verbis capitis 13. intendit probare, quod cap. 12. jam ostenderat; *Esse revera Pontificis tantum, non Imperatoris, congregare generalem synodum?* Nonne respondet objectioni Hæreticorum, Papani à jure convocandorum Conciliorum excludentium, eò quod Imperatores prima Concilia convocaverint? Cui quidem Hæreticorum argumentò tres adhibet responsiones, quarum ultima hæc est; *Tertiò dico nullum esse Concilium generale Catholicum, à solo Imperatore indictum, idest sine consensu, & autoritate Romani Pontificis, quod sic probat; Ac primum de Nicæno, &c. quæ supra relata sunt. Undè clarè liquet, male opponi Bellarmino illa ejus verba; cum non ipse, sed hæretici, quibuscum disputat, argumententur à facto ad jus: Ipse autem è contra concedens Imperatores de facto Concilia convocasse, neget, id eos proprio jure, ac sine consensu Romanorum Pontificum fecisse, quod testatur apertè autoritas illa sextæ Synodi. Optimè autem respondet adversariis suis Bellarminus, etiamsi à facto ad jus valeret consequentia; quandoquidem testatur sexta Synodus Sylvestrum cum Imperatore, non autem solum Imperatorem congregasse Synodum Nicænam. Undè juxta ratiocinationem Hæreticorum, sequeretur saltem juris illius participem esse Romanum Pontificem. Cæterum non attendit Launoius ad ea quæ paulò post refert ex Bellarmino, scilicet, *Concilium generale ab eo indici debet ex autoritate, qui potest omnes cogere: At nullus unquam Imperatorum totam Ecclesiam subiectam habuit. Si Launoius ad ea attendisset, non puto ausurum fuisse, adhibita æquivocatione, Bellarminum exagitare, quasi negasset Imperatores Concilia convocasse, aut statuisset, eum, qui de facto convocat, jure suo convocare. Hæc enim verba indit ex autoritate mentem eruditissimi Cardinalis luculenter explicarent, si alias non constaret; nimirum ipsum non de convocatione actuali, sed de jure, & autoritate convocandi agere. Quanquam adversariis suis negat, convocationem actualem sine consensu summi Pontificis fuisse factam. Itaque iniquum est illud convitium quod subjungit Launoius, ut qui vivit in diem, quid sit futurum eras, non cogitat; sic Bellarminus priore paginâ scribens quid posteriore scripturus sit non prospicit. Exinde contingit, ut prior, & posterior recta, & versa pagina mutuis attrita vulneribus concidant, & in eandem ruinam trahantur, &c.**

9. Denique testimonium Damasi Bellarmino non favere contendit; quia hæc verba, *cum Sylvestri consensu*, non denotant auctoritatem convocandi Concilii; Quippè cum cæteris omnibus Episcopis conveniant. Verùm ut supra notavimus, Illustrissimus Cardinalis jam cap. 12. auctoritatem summi Pontificis in convocandis Conciliis demonstraverat. Hic, idest in cap. 13. respondet objectionibus; ita tamen ut ex responsionibus interdum confirmet jam probata. Quamobrem licet hæc verba non ita essent expressa, non periclitatur causa, quæ defenditur, præsertim cum immediate antè istam auctoritatem positum sit perspicuum Concilii sexti testimonium. Sed ut quid Sylvestri solus fuisset facta mentio, si vox illa, *consensus* nihil aliud innueret, quàm nudam complacentiam, aut approbationem omnibus Episcopis communem?

10. Aliud quod objicit Bellarmino Launoius; Nempe quod hic tribuat Damaso Pontificale, quod ei in libro de Scripturibus Ecclesiasticis non tribuit, plus videtur habere coloris, non tamen plus habet justitiæ conclusio hæc, quam illinc elicit; Bellarminus igitur peccat dupliciter, & primò quidem contra propriam conscientiam, cum Damaso tribuit librum, quem Damasi non esse noverat. Deinde cum liber ille causam non adjuvat. Nam & Pontificalis auctoritatem causam juvare, jam vidimus; Et temerarium est aliquem damnare peccati contra propriam conscientiam, dum lapsus tribui alii causæ potest, & probabiliter debet. Unde scit Launoius peccasse contra propriam conscientiam Bellarminum Pontificale illud Damaso adscribentem in libro primo de Conciliis? Fortassis enim cum eum librum scriberet, nondum examinaverat an Damasus esset verus Pontificalis Autor. Fortè licet id jam antea novisset, memoriæ tunc non occurrit; fortasse in ea denominatione vulgari modo loquendi sese accommodare debere credidit. Denique viro admodum pio, qualis ex omnium opinione extitit Bellarminus, feni, ac morti vicino, juranti se nihil falsi scienter scripsisse, fides sine injuria negari non potest, cum de conscientia suæ arcanis, quæ soli Deo judicanda reservantur, quorumque solus ipse conscius est, testimonium dicit. At, inquit Launoius, in libro de Scripturibus Ecclesiasticis Pontificale Damaso non tribuitur. Ita est, & quidem si eodem tempore Damaso à Bel-

Bellarmino fuisset adscriptum, contradictio suspicionem ingereret: Tamen peccati contra propriam conscientiam certam probationem non efficeret, cum potuisset diversitas ex diversis causis oriri; quanto igitur minus cum libri de Conciliis, & de Scriptoribus Ecclesiasticis diversis temporibus editi fuerint. Certè Bellarminus senex, & morti vicinus hunc lapsum reparasset, si ejus sibi conscius fuisset, quando tam accuratè opera sua, solo veritatis amore inductus, recognovit.

## C A P U T V I I I.

*Concilia generalia sine consensu summi Pontificis habita non fuisse, vel robur non obtinuisse, ostenditur: & respondetur aliis objectionibus Joannis Launoi.*

1. **M**hi, ut capite sexto dixi, perspicuum non est quàm intentione Launoius tantoperè defudaverit, ut convocationem primorum Conciliorum generalium Imperatoribus vindicaret. Si enim facti tantum veritatem defendere voluit, inutili labore tempus detrivit; cum factum nec tanti sit momenti, nec à quoquam negetur. Si laborem hunc suscepit, ut Papæ jus esse negaret convocandi Concilia, dum ad universæ Ecclesiæ bonum opportuna viderentur, apertam illius Primatui intulit injuriam; cum nihil magis ad Prælati cujusvis sive Politici, sive Ecclesiastici dignitatem, & auctoritatem pertineat, quàm ut eos, quibus præest, convocandi habeat facultatem, dum id recto suo regimini expedire judicaverit. Potestatem illam Metropolitibus, Primatibus, Exarchis, Patriarchisque tribuunt passim Canones, ut non nisi injuriâ summo Pontifici auferri queat. Si in id tantum nixus est quod Epistolâ primâ, & aliis declarat, ut convocationem ostenderet, non esse necessariò aliqua auctoritate faciendam, cur tantam operam contulit, ut Pontifices à primorum convocatione arceret, & eam Imperatoribus solis vindicaret? Accedit quod rem tentavit periculosam, factionibus faventem, quamque in regimen Politicum inferre ausus

non fuisset. Scio equidem Episcopos aliquando ex communi consensu convenisse, & ex occasione Concilia celebrasse; sed vel adfuit, vel saltem subsecutus est assensus eorum, ad quos convocatio pertinebat; aut factum præter ordinem, in omni rectè constitutâ Republicâ servari solitum, non debet in exemplum, vel in argumentum juris assumi.

2. Quidquid intenderit Launoius, & alii, quos secutus est, verum semper est, ob primorum Conciliorum generallium convocationem non posse excludi Summum Pontificem à convocandi jure; cum nullum habitum sit sine ejus autoritate, vel assensu; eo scilicet modo, quem explicat Bellarminus lib. 1. de Concil. cap. 12. *Ut possit etiam alius Pontifice consentiente, Concilium indicare, quin etiam satis sit si indictionem factam ipse postea ratam habeat, & confirmet.*

3. Concilia generalia quæcunque in Occidente habita sunt, usque ad tempus diri, diuturnique schismatis inter Romanos, & Avenionenses Pontifices, solius Romani Pontificis autoritate indicta, convocataque fuisse neque ipse Launoius negat. Itaque hæc convocatio Summi Pontificis jus validius confirmat, quàm impugnari possit ex Orientalium convocatione. Cum enim non minoris sint dignitatis posteriora, quàm prima, siquidem omnia Ecclesiam universam repræsentant, clariùs elucet Pontificis in Occidentalium, quàm Imperatoris in Orientalium convocatione, autoritas. Illa enim solus Pontifex congregavit, ista non sive Pontifice Imperator. Extant de pluribus simul probationes, qualis est ea, quam superiori capite adduximus ex Gregorio II. sunt etiam de singulis, sed aliæ aliis magis expressæ, quales sunt quæ sequuntur.

4. Concilium primum Nicænum à sancto Sylvestro cum Constantino congregatum fuisse probat testimonium sextæ Synodi Act. 18. sermone acclamatorio ad Constantinum his verbis. *Constantinus semper Augustus, & Sylvester laudabilis magnam, atque insignem in Nicæa Synodum congregabant.* Quantumvis Launoius conetur tom. 6. Epist. 1. hujus autoritatis pondus imminuere, nunquam poterit eam elidere. *Relata verba.* inquit, *illius sunt tantum, qui Constantino Imperatori acclamavit anno post Nicænam Synodum*

355. Si tantum adversarentur, quantum favent Pontifici,

non

non solius acclamantis, sed totius Synodi esse animadvertisset, nec enim aliter sentire potest, quicumque legit, quæ sermonem acclamatorium, in quo continentur, præcedunt; Ista scilicet; *Sanctum Concilium dixit: Pissime, & tranquillissime Domine, sermonem acclamatorium ad Deo amabilem vestrum Potentatum juxta morem composuimus, & si placuerit pietati vestra, hunc perlegi jubete. Constantinus pius Imperator dixit: Acclamatorius sermo, qui compositus est à sancto vestro Concilio deferatur, & relegatur. Qui delatus est, & in his sermonibus ita relectus est.* Concilium dicit, se sermonem composuisse; Constantinus ut à Concilio compositum excipit; Quis mallet Launoio credere dicenti, illius esse tantum qui Constantino Imperatori acclamavit? Hoc certè vel unicum testimonium sufficit ad evertenda quæcunque contra summum Pontificem afferunt, qui ejus autoritatem à primorum Conciliorum generalium convocatione excludunt.

5. Si Concilium œcumenicum in sermone, cujus non alius est finis, ut nomen ipsum indicat, quam applaudere, satis sibi videtur honoris Imperatori deferre, dum Imperatorem cum Romano Pontifice conjungit ad congregationem Concilii; Quis ab illa autoritate Romanum Pontificem audebit excludere? Certè si qua tunc fuisset opinio, quod pertineret ad solum Imperatorem Conciliorum convocatio, non defuisset vir aliquis prudens inter eos, qui sermonem vel legerunt, vel audierunt, antequam coram Constantino pronunciaretur, qui prædicta verba suppressenda esse monuisset; nec ea Imperator, ejusque Officiales neglexissent. At, inquit Launoius prolata sunt 355. annis post Concilium Nicænum; Ergone per illam temporis interapedinem nulla fuerant habita Concilia generalia, ut non recurrente occasione oblivio delevisset ex omnium Episcoporum, & Imperatorum, eorumque Officialium memoria tam eximium Imperatorum jus? Soliusne Concilii Nicæni convocandi particeps fuit Romanus Pontifex? Adde quod etsi testimonium illud factum non probaret, jus tamen adstrueret, & Concilii œcumenici hac de re sententiam.

6. Chalcedonenſe Concilium jussu S. Leonis congregatum fuisse declarat Epistola Episcoporum Mæſiæ ſecundæ ad Leonem Imperatorem, quæ eſt 32. in 3. parte Actorum ejuſdem

Concilii; *Qua (Fides) ad peremptionem Eutichiana vesania de humanatione saluatoris in Cha'cedonensium Civitate multis sanctis Episcopis convenientibus PER IVSSIOEM LEONIS ROMANI PONTIFICIS, qui verè caput est Episcoporum, & venerabilis Sacerdotis, & Patriarcha Anatolii Concilio celebrato, sub duobus Imperatoribus confirmata est.* Licet autem Anatolius cum S. Leone jungatur; præcipua tamen autoritas huic tribuitur verbis illis, *qui verè Caput est Episcoporum.* Cujuslibet enim Capitis Politici est cætera ejusdem corporis membra colligere: id ipsum indicant Litteræ Imperatoris Marciani ad S. Leonem, quæ habentur in prima parte Actorum illius Concilii num. 34. his verbis; *Superest ut si placuerit tua Beatitude in has partes advenire, & Synodum celebrare, hoc facere Religionis affectu dignetur.* Et S. Gelasius in Epistola ad Episcopos Dardaniæ, de Sede Apostolica ait; *Ut Synodus Chalcedonensis fieret, sola decrevit.* Ubi hæc vox (*sola*) aliorum Patriarcharum, non autem Imperatoris interventum excludit. Quin etiam in ipsomet Concilio Chalcedonensi Act. 1. Lucentius Apostolicæ Sedis Legatus, & Vicarius, asseruit; *Synodum sine autoritate Sedis Apostolicæ nunquam factam esse, nec fieri licuisse.* Paschasius etiam Legatus addidit, *de his esse Ecclesiasticas regulas, & Patrum instituta.* Quâ fronte in tam numeroso, tamque augusto Cœtu hæc dixissent, nisi fuissent omnino certa. Nam, quod suprà observavimus, non loquebantur de re tam antiqua ut ex hominum memoria excidisset, aut coram hominibus ad eò juris sui negligentibus, ut non curarent, aut ad eò timidis, ut non audent jus indebitum Romano Pontifici tribuentibus contradicere.

7. Octavam Synodum convocatam fuisse ab Hadriano II. Papâ testatur Anastasius Bibliothecarius, qui interfuerat. Quia, inquit in præfatione hujus Concilii, Hadrianum alloquens, *superna providentia, quæ singula singulis ita distinguit temporibus; ut sanctos suos veluti splendentia quadam astra, non pariter, sed vicibus discretis, ad illuminationem Ecclesiæ suæ proferat, Apostolatuum vestrum nostris temporibus quasi quoddam fulgidum Sydus produxit, cujus tempore, ATQVE AVTORITATE sancta universalis, & magna Synodus octava celebraretur.* Et Concilium ipsum in Epistola ad eundem Hadrianum; *Omnipotens Deus, inquit, & Rex universorum, qui PER SOLENTIAM VESTRAM, INTERVENTIONEM, AC IUDICIUM, SEV SYNO-*

DICAM

DICAM EXPOSITIONEM tam magnam , & universalem Synodum congregare dignatus est.

8. Illam Pontificis auctoritatem præ se ferunt verba Epistolæ Hadriani II. ad Imperatorem Basilium respondentis , re-  
lata in Act. 1. *Hæc curare cupiens , Apostolica Sedis decreti remedium re-*  
*quisiti . . . . . Volumus ergo PER VESTRÆ PIETATIS INDUSTRIAM*  
*illic numerosam celebrari Concilium.*

9. Dum Launoius à consortio Imperatorum in convocandis Conciliis Pontifices verisimili ratione separari posse diffidit , hoc saltem efficere tentat , ut Imperator primas habeat. Et quamvis ( sic inchoat Epistolam octavam tom. 6. *Ut Synodus haberetur octava , inter se penitus consenserint Basilius Imperator , & Hadrianus Pontifex ; tamen Synodus , & Hadrianus ipse , Imperatori convocationem tribuunt.* Si æquus esset inter Pontifices , & Principes Launoi animus , nonne hic octavæ Synodi , & Hadriani verba , maximæ erga Imperatorem reverentiæ , ejusque dignitati , non potestati tribuenda dixisset , quandoquidem Epist. 9. tom. 7. Zachariæ Papæ dignitati , & non ejus auctoritati adscribit vocem ipsam *auctoritas* , & alias huic affines , ut *jussio , mandatum , &c.* quibus utuntur quamplurimi Scriptores , ad significandas summi Pontificis in depositione Childerici à Regno Franciæ , & elevatione Pippini , partes. Sed tot extant in ejus operibus , ac præsertim Epistolis , quarum paucissimæ sunt in octo voluminibus , quæ adversus Romanum Pontificem non dirigantur , aversi ejus animi signa , ut legendis illis nemo delectetur , imò Autori ferè non succenseat , nisi qui erga B. Petri Successores malè sit affectus , eorumve dignitatem graviter ferat ; Nemo ejus doctrinam , nisi cum cautela , & cum examine , ac justè ponderatam , suscipiat , nisi qui decipi velit.

10. Licet autem non possimus omnia ejus dicta singulatim discutere ; quia orationis cursus singulis , quibusque passibus esset interrompendus , neque id necesse sit , cum quæ jam attigimus , aut adhuc tractabimus , satis demonstrent , non dubia esse continuò habenda , quæcunque ille impugnaverit , nec , quæ profert , indiscussè amplectenda : tamen prætermittere non possumus ejus nonam primi tom. epistolam ; quæ certè cum aliis quibusdam negati omninò ab eo Primatus

tus

tus Romani Pontificis suspicionem ingereret, nisi alibi, præsertim tomi sexti epist. ult. animadversione prima se in ea non esse sententia, declarasset, quamvis sive de industria, sive alia intentione frequenter, ac multum eum imminuerit.

11. Fortasse Launojus, qui tomi septimi epist. 7. Gregorium II. in traditione Patrum perquam versatum fuisse, ac Patrum doctrinæ, ac Sedis Apostolicæ traditioni adhasisse, scribit; Et meritò ut sanctissimum virum laudat, ut probet eum non prohibuisse tributa impio Leoni Isauro persolvi: eum traditionis ignarum dixisset, si attendisset ad illa verba, quæ ipsemet ex eo refert, quibusque testatur sanctus ille Pontifex; Imperatores cum Pontificibus uno consilio, ac sententia Synodos congregasse: sed quid respondet autoritati jam citatæ Episcoporum, plusquam ducentis annis, traditionis origini viciniorum. Sensit maximi ponderis esse, ad confirmandum jus Romani Pontificis in convocandis Conciliis, Acta Synodi Romanæ tempore Theodorici Regis, propter Symmachum habitæ; unde ab eorum impugnatione abstinere non potuit, sed quas adhibuit machinas? Non accusat falsi; Quæ illorum fortunata fors est, id æquo Lectori sufficere arbitror, ut de illorum fide nihil dubitet.

12. Actorum Synodi verba sunt ista; Sancta synodus apud Urbem Romanam ex precepto gloriosissimi Regis Theodorici diversis ex regionibus congregata in Christi nomine dixit, Cum ex diversis Provinciis ad Urbem Romanam convenire Sacerdotes Regia præcepisset autoritas; ut de his, quæ venerabili Papa Symmacho Apostolica Sedis Prasuli ab Adversariis illius dicebantur impingi, sanctum Concilium judicaret legitime, Liguria, Emilia, vel Venetiarum Episcopis (quos ad præsentiam Principis ipse itineris ductus attraxit) consulendi Regem inculcavit necessitas, quâ hos voluisset aetate fractos, debilitate corporis invalidos congregari: Respondit præfatus Rex piissimas bonæ conversationis affectu, plura ad se de Papa Symmachi actibus horrenda fuisse perlata, & in Synodi oportere, si vera esset inimicorum ejus oblectio, judicatione constare: Memorati Pontifices, quibus allegandi imminerebat occasio, suggererunt ipsum qui dicebatur impetitus, debuisse Synodum convocare, scientes, quia ejus Sedi primum Petri Apostoli meritum, vel Principatus, deinde secuta jussione Domini Conciliorum venerandorum autoritas singularem in Ecclesiis tradidit potestatem, nec antedicta Sedis Antistitem minorum subjacuisse judicio in propositione simili facile forma aliqua testaretur. His Actorum verbis addit

Lau-



Launoius ; Memorati Pontifices , qui allegandi Provinciam susceperant , pro Symmachi defensione adferunt duo : convocandam ab eo , qui dicebatur impetrus , fuisse Synodum , & Apostolica Sedis Antistitem minorum non subiacere iudicio. Ratio prior nec probatur , nec Theologia , nec Iuris Ecclesiastici principiis probari potest. Theologia principia sunt , Scriptura , & Catholica Ecclesia traditio , &c.

13. Neminem fore arbitror qui credat veteres illos Liguria , Æmilie , vel Venetiarum Episcopos , minùs quàm Launoium , Catholica Ecclesia traditionem tenuisse ; minùsve penetrasse quam potestatem Romani Pontificis Sedi primùm Beati Petri Apostoli meritum , vel Principatus , deinde secuta iussione Domini Conciliorum veneratorum auctoritas tradidisset. Adversus Recentiores antiquorum auctoritate destitutos traditionem neget Launoius ; sed eam tam antiquis Pontificibus ignotam , nescio quomodo ausus sit dicere ; cum hoc sit traditionis indicium , aut ejus pars insignis , testimonium scilicet antiquorum Episcoporum , in Conciliis expositum.

14. Hoc etiam ipse sensisse videtur. Sed audi quid reponat ; *Symmachi defensores ea in re modum excedunt , cum ( dicis opinor gratia ) sibi sumunt quod Symmachus , cujus refert , vel maxime , sibi non sumit.* Commoda respondendi ratio. De Launoio verissimè dici potest eum in multum excesisse , Episcopis autem de re gravissima tractantibus cum Rege potente , id temerè tribuitur. Notanda est parenthesis ( *dicis , ut opinor , gratia* ) quàm possint omnia eludi testimonia , respondendo scilicet *dicis gratia* fuisse pronuntiata , id est fictè , aut perfunctoriè. At inquit Launoius , *non conqueritur ( Symmachus ) quod Synodum non convocaverit , aut quod eam Theodoricus convocaverit.* Egregia objectio ! Quomodo posset de congregatione Synodi conqueri , qui , ut congregaretur , Regis postulavit interventum.

15. Si de convocatione à Principe facta conquestus fuisset Symmachus , ejus , ut in propria causa loquentis testimonium vocaretur in suspensionem : nunc autem rejicitur testimonium Episcoporum , etiam contra proprias rationes loquentium. Ad Episcoporum enim dignitatem pertineret , ut juxta Launii sententiam , à nemine pro incundis Conciliis penderent. At illi , de quibus est sermo , ita jus illud ad se non pertinere cognoscunt , ut officium indebito præferentes

tes honori, nolint etiam asserenti Principi, nisi scriptis confirmet, credere assensum Romani Pontificis datum fuisse, ut ab alio præter ipsum Episcopi convocarentur, quod Acta prædicta continent. Infelices illi qui Theologum Launoium non habuerunt; à quo sua jura ediscerent! ignavi, si ea non ignorantes, quod sibi servile jugum non imponeretur apud Regem hæreticum conquesti sunt.

16. *Præterea, inquit Launoius, quæ assertur ratio vitiosa est: à non distributo ad distributum procedit. At quis diceret Romanum Pontificem eò reductionem esse ut ad dignitatis suæ tutelam accidentis indigeat falsitate.* Imprudentes Episcopi, qui de rebus Ecclesiasticis cum Principe disputare aggrediuntur, cum Dialecticæ formulas non didicerint! vitiosè enim argumentantur ob ignorantiam legum Syllogisticarum. Nam eos sophismate Regem decipere voluisse, cum proprii juris dispendio, non apparet verisimile. Verum illi, & quidem meritò, ab universali ad particulare sub eo contentum argumentari sibi videbantur: à jure convocandi Synodos pro omnibus causis, ad jus convocandi pro illa causa, de qua tunc agebatur in singulari potestate, quam Romanus Pontifex ex Beati Petri merito vel Principatu, & Conciliorum autoritate habebat, utpotè plenâ, contineri sentiebant eam, quæ ad congregandas pro re maximè ardua Synodos requiritur, atque adeò non erat *accidentis fallacia*.

17. *Quam deinde addit rationem Launoius, ea magis probaret non posse, quæ tunc facta essent in præjudiciu adversus Romanum Pontificem trahi, eo quod necessitate fuissent extorta, non liberè admissa. Symmachus, inquit, à Theodorico Synodum cogi consensit, & consentire illius intererat plurimum. Siquidem ab objectis criminibus purgatus fuisset nunquam, & eam ob causam Visitator Romanæ Ecclesiæ datus à Theodorico remansisset semper.*

18. Sed quomodo Romani Pontificis Primatum non lædit Launoius, cum deinde probare conatur cæteros Episcopos Papa minores non esse? Si de ordinis potestate intellexisset, verum dixisset, sed de potestate jurisdictionis, seu judicandi loquitur. Respondet enim rationi petitiæ ab eo quod dixerant Episcopi Theodorico, *ne antedicta Sedis (Romanæ) Antistitem minorem subiacuisse judicio.* Si etiam ad Episcopos in Concilio

lio congregatos orationem restringeret, errorem quidem proferret, sed magis tolerandum, quam dum ait; *Certum est ante omnia minores appellari non posse Antistes, quos, & Symmachus & Symmachi Decessores, Collegas, Fratres, Comministros, Consecradores, & Coepiscopos appellant, quibus nominibus Romani Antistes donant etiam Episcopos singulares extra Concilia. Similia in aliis quibusdam epistolis, & magis perspicua habet, quæ quomodo Primatum omnem, nisi fortè honoris, Summo Pontifici non abrogent, atque adèò cum fide non pugnent, difficile capitur, nisi quia ei alibi procurandæ Canonum executionis jus reservatur.*

19. Nota hic rursus, qualia sint argumenta Launoi. Ex eo enim infert Episcopos Papa minores appellari non posse, quod illos Papa Collegas, Fratres, Comministros, Consecradores, & Coepiscopos nominet. Eadem ratiocinatione concluderet non solum Sacerdotes non posse dici Episcopis inferiores, aut Diaconos Sacerdotibus, quia Presbyteri ab Episcopis in Synodis Diœcesanis appellantur Consecradores, & Diaconi frequenter Comministri, sed etiam (quod blasphemum est) Apostolos non fuisse inferiores Christo, qui eos fratres vocavit.

20. Cæterum inaniter cavillatur Launoius cum ait; *Ad Clerum ergo, Senatum, Populumq; Romanum spectanda est illa propositio, qua dicitur Apostolica Sedis Præsul minorum non subiacere iudicio. Quasi verò Episcopi, quorum sunt illa verba, ullam Theodorico de Clero, Senatu, Populo Romano mentionem fecissent, aut illos intelligerent nomine Synodi, quam à Symmacho convocari debere affirmabant.*

21. Ennodius Diaconus Ticinensis Apologeticum edidit pro Symmacho, & pro Synodo, ejus occasione habitâ, in quo ea, quæ dixerant Episcopi, adhuc clariùs explicat, his verbis; *Aliorum fortè hominum causas Deus voluerit per homines terminare: Sedis istius Præsul suosque quæstione reservavit arbitrio. Voluit B. Petri Apostoli Successores CÆLO TANTVM debere innocentiam, & subtilissimi discussoris indagini inviolatam exhibere conscientiam.* At Launoius non isto testimonio, quod lucidissimum est, illustrandam censet, quam in sensum alienum deflectere conatus est, Episcoporum doctrinam; sed postquam illam obscurare tentavit, ex ea

istius lumen obumbrare nititur. Episcopis objecerat, eos propositionem suam traditione non probare: nunc eos traditionem non ignorasse asserit, ut adstruat, Ennodium ignorasse traditionem. *Quis contenderet Laurentium Mediolanensem, Petrum Ravennatem & ceteros Antistites maturioris aetatis viros, senes alios Romana Ecclesia traditionem ignorasse, quam unus Ennodius in Gallia, vel in Liguria natus annos 30. sibiisset. Sed, quaecunque Launois obijciat potest Ennodio, eliduntur ipsamet ejus confessione, quandoquidem ait; Romana Synodus quinta Ennodii libellum probando suum fecit.*

22. Sanctus etiam Avitus Episcopus Viennensis epistolam scripsit ad Faustum, & Symmachum Senatores, pro Symmacho Papa, in qua eandem tradit doctrinam, eodemque modo impugnatur à Launoio. Verum quascunque adhibeat interpretationes, impossibile est, ut qui eam bonâ fide legit, non perspiciat, S. Avitum suo, & omnium Episcoporum Galliae nomine scripsisse, non potuisse Synodum adversus Pontificem convocari, aut eum judicare; *Intelligimus, inquit, S. Symmachum Papam, si saeculo primùm fuerat accusatus, Consecratorum suorum solatium potius adsciscere, quam recipere debuisse judicium. Quid clarius? Et infra; Quod Synodus ipsa venerabilis, laudabili constitutione prospiciens causam, quam, salvâ ejus reverentiâ dictum sit, penè temerè suscepit inquirendam, Divino potius servavit examini.* Ità non censet Avitus potuisse Synodum ex consensu Papæ convocatam, de eo ferre sententiam, ut etiamsi judicium Deo reservaverit, eam penè temeritatis accuset, quod vel inquisitionem suscepit. Atque hinc refellitur, quod contendit Launois Synodum de Papa verè judicasse, quâ ratione putat, se Episcoporum auctoritate infirmare Ennodii testimonium; Licet ipsamet Synodus apertè declaret se causam Divino reservasse judicio. Sunt adhuc alia in eadem Epistola, quæ prosequi non est opus. Istud tantum adjungimus. *Si Papa Urbis vocatur in dubium, EPISCOPATUS IAM VIDEBITUR NON EPISCOPVS VACILLARE, sed de convocacione Conciliorum fatis, superque.*

## CAPUT IX.

*Absque summi Pontificis autoritate Concilia generalia vim, & robur non obtinere.*

1. Socrates historiæ Eccles. lib. 2. cap. 5. expressè affirmat, *Sex Ecclesiastico Canone, sine Romani Episcopi sententiâ Decreta condi non posse. Quin etiam, inquit de Concilio Episcoporum à Constantio Antiochiæ congregatorum, Julius Romanus Episcopus neutiquam aderat, neque quemquam qui ejus locum suppleret eo misit, idque cum Canon Ecclesiasticus jubeat non oportere absque sententia Episcopi Romani Decreta Ecclesiis sancire. Et cap. 13. Itaque Julius litt. vis contrariis ad ipsum misit, Episcopis, qui Antiochia convenerant per litteras respondit. Ac primum docet quantum molestia, & acerbis eorum. Epistola ipsi attulisset: Deinde eos contra Ecclesiæ Canones egisse, quod illum ad Concilium non vocassent: quippè cum Canon Ecclesiasticus veteri ne Decreta absque sententia Episcopi Romani Ecclesiis sanciantur, sive (ut Textus Græcus significat) non oportere præter sententiam Episcopi Romani Ecclesias Canones condere. Idem tradit, quamvis Schismaticus, Nicephorus Calixtus lib. 9. cap. 5. & 6. Apertiùs verò Sozomenus lib. 2. cap. 9. Legem esse ad Sacerdotii dignitatem spectantem, ( seu Sacerdotalem ) quæ pronuntiat Alia illa irrita esse, quæ præter sententiam Episcopi Romani constitvuntur. Non debet certè suspectum haberi Græcorum testimonium, dum pro Romano Pontifice loquuntur.*

2. Concilium Romanum sub S. Damaso de Ariminensi scripsit, numerum Episcoporum non esse attendendum eo, quod non præcessisset sententia Romani Pontificis. Concilii Romani Epistolam refert Theodoretus lib. 2. histor. Eccles. cap. 22. hujus tenoris; *Episcopi Romæ in sancto congregati Concilio Damasus, ac Valerianus, ac reliqui dilectis fratribus Episcopis in Illyrico. Salutem in Deo. Præjudicium certè numeri Ariminensis Conventus nullum esse potest; quando ita est habitus, ut neque Romani Episcopi, cujus ante omnia sententiam cognoscere debuerant, neque Vincentii, qui tam multis annis Pra-*

*sulatus conservavit integritatem, neque aliorum consensus illis accesseris. Idem tradit Zozomenus lib. 6. cap. 22.*

3. Concilium Ephesinum, etiamsi adfuissent Apostolicæ Sedis Legati, Acta sua ad S. Cælestinum mitti debere agnovit. *Quia verò, inquit in epistola, seu relatione, quæ habetur in Actis Act. 5. necesse est ut omnia, quæ consecuta sunt Sanctitati suæ significantur, non potuimus non scribere.* Et infra Ultimum contra Nestorium & alios iudicium Summo Pontifici reservatum monet. Probat autem firmitatem eorum, quæ gesta fuerant ex præsentia Legatorum sanctæ Sedis, *qualem vini haberent (Hæretici) contra Synodum ex universo, qui sub calo est, orbe collectam? Fuerunt enim in confesso nostro, & illi quoque, qui à Sanctitate tua missi sunt piissimi Episcopi, Arcadius, & Proiectus, & cum ipsis Reverendissimus Presbyter Philippus, qui suâ præsentia tuam nobis exhibuerunt, Apostolicaque Sedis locum suppleverunt.*

4. Concilium Chalcedonense in relatione à se gestorum ad S. Leonem, ejus tùm circa fidem, tùm circa disciplinam auctoritati illustre perhibet testimonium. Qui enim inquit loquens de iis præsertim, quæ in favorem Episcopi Constantinopolitani decreta fuerant, *locum vestra Sanctitatis obtinent sanctissimi Episcopi Paschasius, & Lucentius, & qui cum eis est Reverendissimus Presbyter Bonifacius his ita constitutis vehementer resistere tentaverunt, procul dubio à vestra providentia inchoari & hoc bonum volentes, ut sicut fidei, sic bonæ ordinationis volis deputetur effectus.* Sunt & alia in hac relatione, quæ extat in tertia parte Actorum illius Concilii cap. seu num. 2. quibus Patres significarunt, persuasum sibi esse, quæ decreverant non posse sine summi Pontificis consensu subsistere.

5. Quocirca cùm Concilia generalia Decretorum suorum confirmationem à Romano Pontifice postularunt, non id tantum in votis fuit, ut ejus consensus accederet, quod voce confirmationis aliquando intelligitur, scilicet cùm à superioribus erga inferiores, aut ab æqualibus erga æquales usurpatur, sed etiam ut eo consensu statuta, robur, ac firmitatem acquirerent, quod adjuncta verba satis expressè innuunt; ut cùm, v.g. octava Synodus ad Hadrianum Papam scribit, *Ergo libenter oppido, & gratanter imitratrice Dei Sanctitate Vestra omnium nostrum Consensum, & universalis hujus, atque Catholica sy-*  
modi

modi consensum, & consonantiam recipiente; prædica eam magis, ac veluti propriam & sollicitius CONFIRMA, quo Angelicis præceptionibus, & adnotationibus vestris, ut per sapientissimum magistrum vestrum etiam aliis universis Ecclesiis personet, ut suscipiatur veritatis verbum, & iustitia Decretorum.

8. Synod. Act. 10. Vocem illam *confirma* Launoïus explicat de confirmatione doctrinali, non de autoritativa. Sed si Concilii tanta erat autoritas, ut confirmari nullius autoritate indigeret, quid opus erat ejus Decreta rationibus, vel testimoniis probare, ut ab Ecclesiis susciperentur, cum nefas foret de illis ambigere, nisi fortè Concilii etiam generalis iudicium tunc irreformabile non æstimabatur.

6. Mentem hac de re suam declarare, luculentius non potuit Doctor Angelicus, quàm his verbis; *Sancti Patres in Conciliis congregati nihil statuere possunt, nisi autoritate Romani Pontificis interveniente, sine qua etiam nec Concilium congregari potest.* Opuſc. contra impugn. Relig. cap. 4.

7. Jus illud sanctæ Sedis nunquam non propugnarunt summi Pontifices, cum in controversiam vocatum est: pro eo decertarunt in primis Gelasius, Nicolaus, Gregorius VII. & alii quamplurimi, inter quos S. Leo IX. epist. 4. *Sed hoc*, inquit, *non lateat vos, non debere præter scientiam (alias sententiam) Romani Pontificis universale Concilium celebrari, aut Episcopos damnari, vel deponi: quia etsi licet examinare, definitivam tamen sententiam absque consensu Romani Pontificis, ut dictum est, non licet dare. Quod in sanctis Canonibus statutum si quaritis potestis invenire. Scilicet quia omnium Ecclesiarum majores, & difficiliore causa per sanctam Sedem, & principalem B. Petri à Successoribus ejus definienda sunt, utpotè cujus Divinitus dicitur: confirma fratres tuos, & tibi dabo claves Regni Calorum.*

8. Denique, inquit Nicolaus I. Epist. 7. *in universalibus Synodis quid ratum, vel quid prorsus acceptum, nisi quod Sedes B. Petri probavit (ut ipsi scitis) habetur: sicut è contrario quod ipsa sola reprobavit, hoc solummodo constat hæcenus reprobatum.*

9. Hæc, & alia, quæ adduci possent, licet à Pontificibus in propria causâ dicta, plurimum habent ponderis ob pietatem, & doctrinam dicentium; Qui certè crimen horrendum duxissent in rebus tanti momenti potestatem indebitam impio mendacio sibi comparare. In eadem sententia fuerunt Scriptores Gallicani, præsertim ante schismatis tempus. Guillelmus

264 TRACTATUS DE LIBERTATIBVS,  
 Ielms Durandus Episcopus Mimatenfis in Speculo Juris par-  
 tic. 1. §. 5. de Papa scribit, quod ipse Concilii non ligatur: imò  
 contra illa facere potest: Sed clariùs Durandus de S. Porciano Epif-  
 copus primò Meldensis, deinde Aniciensis, lib. 4. dist. 25.  
 quæst. 5. art. 6. Sicut leges, inquit, non ligant Imperatorem, ita nec  
 Canones Papam, sed potiùs leges vim habent ex Imperatore, & Canones ex  
 autoritate Papa.

## C A P U T X.

*In Sacris Litteris clariùs exprimi Pontificis sine Concilio,  
 quàm Concilii sine Pontifice autoritatem.*

1. **E**tsi regulam Joannis Launoii pro tractandis rebus Theo-  
 logicis observare, sæpius impossibilis sit, ut scilicet  
 nihil asseratur, nisi quod aliquo Sacræ Scripturæ loco juxta  
 unanimem consensum Patrum accepto, vel traditione non  
 constet; Nunquam tamen à vera Concilii Tridentini regu-  
 la, quam Launoius exhibere præ se fert, Catholico receden-  
 dum est; ut nempe nihil unanimi Patrum consensui, vel Ec-  
 clesiæ traditioni, aut sensui contrarium affirmetur. Imò regu-  
 lam Launoii semper intueri juvat, ut eam, quantum ma-  
 teria patitur, sequamur, etsi consequi non speremus. Itaque  
 videamus in hoc capite; an Pontificis sine Concilio; an sine  
 Pontifice Concilii autoritas in Scriptura, juxta Patrum in-  
 terpretationem, clariùs contineatur.

2. Tria præcipuè citantur loca pro autoritate Concilio-  
 rum. Primus locus est Matth. 18. *Ubi sunt duo, vel tres congregati  
 in nomine meo, illic sum in medio eorum.* Sed primò Launoius par. 6.  
 epist. 1. notat hunc locum de Conciliorum genere quovis in-  
 telligi posse, & à nonnullis Ecclesiasticis tractatoribus subin-  
 de intelligi. Secundò quinque sanctorum Patrum Interpreta-  
 tiones refert; qui locum illum neque de Conciliis generali-  
 bus, neque de Provincialibus intellexerunt. Et sanè videtur  
 magis ad obedientiam in causis criminalibus præstandam,  
 quàm ad fidem declarandam, aut Canones condendos perti-  
 nere; Præmittitur enim; *Si peccaverit in te frater tuus, &c.* quæ  
 præ-



præscribunt ordinem judicarium in ferenda excommunicatione servandum; vel ad orationis efficaciam; Cum enim dixisset Christus; *Si duo ex vobis consenserint super terram de omni re quancumque petierint; fiet illis à Patre meo, qui in calis est;* immediate subjungit verba illa; *Ubi enim sunt duo, vel tres congregati in nomine meo, ibi sum in medio eorum.* Accedit quod illa verba Concilium Provinciale, aut adhuc Provinciali minùs, potiùs significant, quàm universale. Nam duo, vel tres Concilium fortè provinciale, non autem universale constituerent.

3. Alter locus est Joannis 16. *Spiritus veritatis docebit vos omnem veritatem.* Sed ea promissio non solum in omnibus Apostolis collectivè, sed etiam in singulis erat implenda. Accepto enim Spiritu sancto in die Pentecostes, factum est illud, quod prædixerat Propheta Isaias cap. 54. v. 13. à Christo allegatus Joan. 6. *Et erunt omnes docibiles Dei.* In hunc sensum B. Petrus ipso Pentecostes die locum illum Prophetæ Joëlis adduxit; *Et eris in novissimis diebus, dicit Dominus, effundam de Spiritu meo super omnem carnem, & prophetabunt filii vestri, & filia vestra.*

4. Tertius locus est Act. 15. ibi enim primum Concilium, quod est cæterorum norma, scripsit; *Visum est Spiritui sancto, & nobis;* Quæ verba de assistentia Spiritûs sancti dubitare non sinunt. Sed illa Spiritûs sancti assistentia Apostolos inspirantis, Apostolorum gratiæ, non Concilii generalitati tribuenda est. Nec enim generale erat, siquidem ex Apostolis & senioribus Jerosolymis consistentibus dumtaxat constabat, ubi probat Cardinalis Baronius ad annum 51. num. 9. adfuisse tunc tantum ex Apostolis Petrum, Jacobum, & Joannem cum Paulo, & Barnaba. Erant autem in multis Mundi partibus Episcopi jam constituti, quos certum est ab eo Concilio abfuisse, ut universale dici non possit. Adde quod Cætui aderat B. Petrus, ut nihil hinc ad propositum concludi, cum agamus de Concilio, à quo abût Petri Successor, possit.

5. Probatur etiam autoritas Conciliorum iis omnibus Scripturæ locis, quibus Ecclesiam circa fidem errare non posse demonstratur. Cum enim Concilium Ecclesiam representet, necesse est, ut sicut Ecclesia, ita Concilium ab omni erroris circa fidem periculo absit. Sed capite sequenti ostendemus

summum Pontificem melius Ecclesiam representare, quàm reliquos Episcopos sine ipso.

6. Statuitur autem evidentius ejus, quàm Conciliorum auctoritas in sacris Scripturis. Etenim dum Matth. 16. Petrus fundamentum Ecclesiæ constituitur à Christo dicente; *Tu es Petrus, & super hanc Petram ædificabo Ecclesiam meam, & portæ inferi non prævalent adversus eam*, manifestè declaratur eum, ejusque Successorem Romanum Pontificem, ita se habere ad reliquorum fidelium Cœtum, sicut fundamenta ad ædificium: Atqui ratione, & experienciâ compertissimum est firmitatem ædificiî à fundamento, non autem fundamenti ab ædificio pendere: In eundem ergo modum firmitas in Fide, ac Religione, non à reliquis fidelibus in summum Pontificem, sed à summo Pontifice in reliquos Fideles provenit.

7. Petro datæ sunt claves Regni Cœlorum, & per ipsum Apostolorum Collegio, non autem primò Apostolorum Collegio, ac per illud, seu in illo, B. Petro. Prosequitur enim Christus loco citato; *Et tibi dabo claves Regni Cœlorum & quodcumque ligaveris super terram, eris ligatus & in Cœlis, & quodcumque solveris super terram, eris solutus & in Cœlis*. Certum est autem per claves potestatem significari.

8. Tertio Episcopi etiam congregati non desinunt esse fratres Successoris Petri; Ergo ab eo debent confirmari; Pro ipso enim Christus oravit, ne deficeret Fides ejus, ut posset deficientes, aut titubantes suffulcire: quod in Petri, & aliorum Apostolorum Successoribus potius locum habet, quàm inter ipsosmet Apostolos. Nam post adventum Spiritus sancti Apostoli omnes fuerunt in gratia confirmati, ut B. Petri confirmatione non ita indigerent. Antea verò non legimus B. Petrum tantùm suos fratres juvisse, ut necessarium eis fuerit indeficientis illius fidei præsidium.

9. Quarto dum Christus Joann. ult. oves suas pascendas Petro, & in ejus persona Romanis Pontificibus, tradidit, apertè significavit summum Pontificem esse Pastorem, reliquos autem fideles gregem; Quis autem gregi Pastorem præponendum dubitet? Num monstruosa foret ordinis perturbatio, si Pastor à grege, non grex à Pastore regeretur? Nec responderi potest intelligenda illa esse de ovibus seorsim

sim sumptis , non autem de toto grege. Nam nullum est in Christi verbis hujus distinctionis vestigium. Nihil excipitur ubi distinguitur nihil.

10. Ex collatione illorum Scripturæ sacræ locorum perspicitur , clarius expressam esse B. Petri , quàm aliorum sine ipso , autoritatem. Sed aliqui Scriptores Gallicani Catholici contendunt , prærogativas illas B. Petro datas esse tanquam Ecclesiam repræsentanti , atque idèd toti Ecclesiæ in ipso ; Ipsum quidem , ejusque Successores singulis membris præminere tanquam Caput , non autem toti Ecclesiæ formaliter acceptæ , vel per Concilium repræsentatæ. Videndum igitur est , quam personam gesserit Petrus , cùm ei Christus autoritatem contulit locis scripturæ suprâ relatis expressam ; Et utrum ad singulos fideles tantum referatur , non ad omnes simul. Et adhuc an descenderit ad Romanos Pontifices ; Id enim Hæretici negant omninò , & aliqui Catholici , ex parte. Ordinemur à sancto Augustino , cujus testimonio potissimum nituntur scriptores Gallicani.

## C A P U T X I.

*Qua ratione B. Petrus Ecclesiam repræsentaverit ex mente S. Augustini.*

1. **T** Ot sunt in S. Augustini operibus loca , ubi S. Petrus Ecclesiam repræsentasse dicitur , ut à nemine qui ejus libros legerit , ignorari queat , usitatissimam eam esse sancto Doctori loquendi formulam. Nescio autem quâ consequentiâ Gallicani quidam Scriptores illinc conclusionem trahant contradictoriam ei , quæ quasi naturaliter sequitur juxta eorum principia. Idèd enim Concilium Constantiense , idèd Basileense , tam accuratè suis decretis apposuerunt clausulam illam , quâ Ecclesia universalis à Concilio repræsentari commemoratur , quia eâ ratione , quæ de universali Ecclesia in Scripturis sacris enunciantur , Concilio videntur posse adscribi. Hic ergo ex eorum doctrina legitimè formatur Syllogismus. *Ei , per quod repræsentatur Ecclesia universalis , conveniunt quæ-*

cumque in Scripturis sacris tribuuntur Ecclesia ipsi : Atqui per Concilium generale repræsentatur Ecclesia universalis : Ergo Concilio generali conveniunt quæcumque in Scripturis sacris tribuuntur Ecclesia ipsi , puta quod qui non audierit ejus mandata , sit habendus sicut Ethnicus , & Publicanus : quod sit columna , & firmamentum veritatis , & alia ejusmodi.

2. Pari ergo , si non majori ratione , sic nos discurremus ; Ei per quem repræsentatur Ecclesia universalis , conveniunt quæcumque in Scripturis sacris tribuuntur Ecclesia ipsi . Atqui per Petrum repræsentatur Ecclesia universalis : Ergo Petro conveniunt quæcumque in Scripturis sacris tribuuntur Ecclesia ipsi ; v.g. quod sit columna , & firmamentum veritatis , quod qui eum non audierit , sit habendus tanquam Ethnicus , & Publicanus , &c. Prima propositio est quasi primum principium eorum , qui Conciliorum generalium auctoritatem altiùs extollunt. Secundam concedunt , & testimonio S. Augustini confirmant : Et revera S. Augustini doctrinam esse loca ex eo mox referenda dubitare non sinunt ; Quæ ergo negari potest conclusio legitimâ consequentiâ illata ?

3. Non video quid responderi possit , nisi fortasse perfectius repræsentari Ecclesiam à Concilio generali , quàm à Petro ; vel Romanos Pontifices in illa repræsentatione non successisse B. Petro. Utrumque ( intelligimus semper de Concilio à quo summus Pontifex , ejusque Legati absint ) confutabimus in capitibus sequentibus.

4. Ut autem omnis amoveatur à S. Augustini verbis obscuritas , tria distinguenda sunt repræsentationis genera. Primò aliquando unum repræsentat aliud tanquam nudum signum , rem significatam nequaquam continens , quales sunt v. g. picturæ , aut quæ metaphoricè de aliis dicuntur. Secundò aliquando quod repræsentat cum eo quod repræsentatur , communicat , sed pro sua tantum rata portione : Ut dum particulare Communitatis membrum , totius Communitatis nomine pecuniæ summam in singulos Cives distribuendam accipit , ita totam Communitatem repræsentat , ut beneficii universitati concessi , tanquam unum ex ejus membris , particeps etiam sit. Tertiò aliquando unum aliud repræsentat tanquam illud sub se habens , ut Princeps , Dux , Pater familias , Pastor , aut alterius generis superior , Regnum , exercitum , familiam , aliosve inferiores , quibus communicant ali-

aliquod bonum dispensationi suæ commissum ; ut cùm Dux totum exercitum repræsentans accipit à Rege in præmium reportatæ insignis victoriæ , cujus ipse pars maxima fuerit , ditissimum aliquod munus , cujus tamen participes futuri sint reliqui , tùm Officiales , tùm Milites , prout ipse , pensatis cujusque meritis , judicaverit , aut prout Princeps ipse ordinaverit.

5. Primo dumtaxat modo Ecclesiam à B. Petro repræsentatam fuisse nemo dixerit. Quis enim ità desipiat , ut Apostolum illum nullam sibi , sed Ecclesiæ tantum , accepisse potestatem sentiat. Secundo igitur saltem modo B. Petrum Ecclesiam repræsentasse fatendum est , ut parem ad minus cum cæteris dignitatem adeptus sit. Sed Catholicis necessariò concedendum est tertio etiam modo repræsentatam à B. Petro Ecclesiam. Cùm enim hæreticum sit negare B. Petri successores habere Primatum Jurisdictionis in Episcopos , nec illum Primatum B. Petro datum legamus , nisi in illis locis , in quibus Ecclesiam repræsentasse dicitur , necessariò sequitur B. Petrum alios repræsentasse tanquam existens , vel exinde futurus illorum superior , illosque in sua potestate , atque , ut aliàs ex S. Joanne Chrysostomo dicemus , velut in sua manu habens.

6. Et sanè convenit illi omninò quod de Duce mox dicebamus. Illi enim promissum est , ædificandam super eo , tanquam super fundamento Ecclesiam Christi ; tradendas ei claves Regni cælorum , & potestatem ligandi atque solvendi , in præmium confessionis , quam interrogatis omnibus , solus ipse respondens edidit his verbis ; *Tu es Christus Filius Dei vivi* , cujus quidem confessionis laudem , & præmii promissionem statim auditiv à Christo dicente ; *Beatus es Simon Barjona , &c. & ego dico tibi quia tu es Petrus , & super hanc petram ædificabo Ecclesiam meam , &c.* Matth. 16. vers. 18. & 19. & præmium ipsum accepit cùm ei Christus ovile suum commisit his verbis Joannis ult. *Pasce agnos meos , pasce oves meas* ; Accedamus etiam ad sancti Augustini loca.

7. S. Augustinus tract. 50. in Joannem B. Petrum cum Juda comparat , ejusque comparationis occasione pluries repetit B. Petrum Ecclesiam repræsentasse. *Quia non unus est Judæus ,*

inquit; *Unus malus corpus malorum significat, quomodo Petrus corpus bonorum, in id corpus Ecclesia, sed in bonis. Nam si in Petro non esset Ecclesia Sacramentum, non ei diceret Dominus; Tibi dabo claves Regni Caelorum, quacumque solveris in terra, soluta erunt & in Cælo, & quacumque ligaveris in terra, ligata erunt & in Cælo. Si hoc Petro tantum dictum est, non facit hoc Ecclesia; Si autem in Ecclesia sit, ut quæ in terra ligantur in Cælo ligentur, & quæ solvantur in terra, solvantur in Cælo, quia cum excommunicat Ecclesia, in Cælo ligatur excommunicatus: cum reconciliatur ab Ecclesia, in Cælo solvitur reconciliatus. Si hoc ergo in Ecclesia sit, Petrus quando claves accepit ECCLESIAM SANCTAM SIGNIFICAVIT. Hæc verba; Si hoc Petro tantum dictum est non facit hoc Ecclesia, &c. expliquant quo in sensu S. Augustinus Petrum dicat Ecclesiam repræsentasse, cum ei traditæ sunt claves, quia neque in sui solius favorem, neque ut ipsis solus uteretur, sed in universæ Ecclesiæ bonum, & ab aliis etiam Ecclesiæ Ministris adhibendæ à Christo ipsi datæ sunt. Alium sensum non admittit ratiocinatio S. Doctoris. Nam ex hoc antecedente; hoc Petro tantum dictum est, non sequitur; Ergo non facit hoc Ecclesia, nisi supponatur nullum alium Ecclesiæ Ministrum, potestatis clavium esse quoquo modo participem. Dummodo enim alii eadem potestate gaudeant, quando-cumque, vel à quocumque illam acceperint, non potest dici; Si hoc Petro tantum dictum est, non facit hoc Ecclesia. Potuit enim hoc Petro tantum dici; Et nihilominus potest hoc facere Ecclesia, si alii Ministri potestatis Petro traditæ participes efficiantur.*

8. Tract. 118. in Joan. unitatem, & charitatem, occasione tunicæ inconsutiles Christi, commendans uno Petro duodecim Apostolos repræsentatos affirmat. *Inconsutiles autem (inquit, Ecclesiam cum tunica conferens) ne aliquando dissuatur, & ad unum pervenit, quia in unum omnes colligit. Sicut in Apostolis, cum esset etiam ipse numerus duodenarius, id est quadripertitus in ternos, & omnes essent interrogati, SOLVS PETRVS RESPONDIT, Tu es Christus Filius Dei vivi: & ei dicitur; Tibi dabo claves Regni Caelorum, tanquam ligandi, & solvendi solus acceperit potestatem, cum & illud unus pro omnibus dixerit, & hoc cum omnibus, tanquam personam gerens ipsius unitatis, acceperit. IDEO VNVS PRO OMNIBVS, quia unitas est in omnibus. Quocirca sicut B. Petrus interrogatis omnibus solus respondens, etiam non*

non expectatâ aliorum sententiâ , ut docet S. Joannes Chrysostomus capite sequenti referendus , pro omnibus respondere censetur , quia ipsi Pater Cœlestis pro reliquis omnibus Christi Divinitatem revelavit ; non quia alii quid respondendum esset , ipsum docuerunt. Ita ipse fundamentum Ecclesiæ statuitur , ut eam sustentet , non ut sustentetur ab ea , claves accipit ab ipso , cum Ecclesia communicandas , non ab ea iterum recipiendas.

9. Norunt qui B. Augustinum diligenter legerunt , sanctum illum Doctorem sæpè res verè , atque historicè gestas , ad alias significandas transferre , sed ferè ubique , qui ejus erat pro Ecclesia amor , & contra hæreticos , & schismaticos zelus Ecclesiam vidisse. Quamobrem non est existimandum , ex positionibus illis allegoricis , sensus litteralis auctoritatem ullo pacto imminui. Itaque nihil officit propriæ B. Petri dignitati , aut potestati in Ecclesiam , quod Ecclesiæ personam gessisse dicatur : præsertim cum Regnum nemo melius , quam Rex ipse cui subjicitur , repræsentet.

10. Aliquando nihilominus sanctus ille Doctor verbis propriis , & perspicuis singularem B. Petri dignitatem à Christo ipso acceptam commendat , ut serm. 29. de Sanctis ; *Petrus* , inquit , *in illa Cœlestium discipulorum schola præcipuus , ac primus idoneus , qui verba vita ex Christi ore suscipiens per Evangelii potestatem Judæorum gentem perditam quæretes , & aditatos ad hereditatem vocaret ; Interpres legis , assertor gratia , destructor Synagoga , Ecclesia reparator : & ideo SOLVS INTER APOSTOLOS MERUIT AUDIRE ; Amen dico tibi , quia tu es Petrus , & super hanc petram adificabo Ecclesiam meam. Dignus certe qui adificandis in domo Dei populis LAPIS ESSET AD FUNDAMENTVM , COLUMNA AD SVSTENTACVLVM , CLAVIS AD REGNVM.*

11. In sermone quoque 13. de verbis Domini plurima sunt quæ B. Petri auctoritatem supra cæteros omnes Apostolos , & Ecclesiam ipsam insinuant ; qualia sunt ista ; ESSE PETRVM. ECCLESIAE VNICÆ TYPVM. Ipse enim Petrus in Apostolorum ordine primus , in Christi amore promptissimus , sæpè unus respondit pro omnibus. Ipse denique Domino Jesu Christo requirente quemnam homines dicerent eum esse , & opiniones varias hominum discipulis respondentibus , rursusque Domino interrogante , & dicente. Vos autem quem me esse dicitis ? Respondit Petrus ; Tu es Christus filius Dei vivi , unum pro multis dedit responsum.

Unitas

## 272 TRACTATUS DE LIBERTATIBVS,

Unitas in multis. Tunc ei Dominus ait; *Beatus es Simon Barjona, quia non revelavi tibi caro, & sanguis, sed Pater meus qui est in Cælis. Deinde addidit; Et ego dico tibi tanquam diceret; Quia tu dixisti mihi; Tu es Christus filius Dei vivi: & ego dico tibi; Tu es Petrus; Et inferius. In illo ergo uno Apostolo, id est Petro, in ordine Apostolorum primo, & præcipuo, IN QVO FIGURABATUR ECCLESIA, utrumque genus significandum fuit, id est firmi, & infirmi, quia sine utroque non est Ecclesia. Et serm. 49. cap. 3. dicit Petro, in quo sumat Ecclesiam: *Petre amas me? Respondit, Domine amo. Pafce oves meas.**

12. Sermone autem 108. de diversis ait; *Inter hos penè ultime solvs PETRVS TOTIVS ECCLESIAE MERUIT GESTARE PERSONAM. Propter ipsam personam, quam totius Ecclesia solus gestabat, audire meruit; Tibi dabo claves Regni Cælorum. Has enim claves non homo unns, sed unitas accepit Ecclesia. Hinc ergo Petri excellentia prædicatur, QVIA IPSIVS VNIVERSITATIS, ET VNITATIS ECCLESIAE FIGVRAM GESSIT: quando ei dictum est. Tibi dabo quod omnibus traditum est. Nam ut noveritis Ecclesiam accepisse claves Regni Cælorum, audite in alio loco quid Dominus dicat omnibus Apostolis suis; Accipite spiritum sanctum. Et continèd, si cui dimiseritis peccata dimittentur ei, si cuius tenueritis tenebuntur. Hoc ad claves pertinet, de quibus dictum est, quæ solveritis in terra erunt soluta & in Cælo, & quæ ligaveritis in terra, erunt ligata & in Cælo. Sed hoc Petro dixit ut scias, QVIA PETRVS VNIVERSA ECCLESIA PERSONAM TVNC GEREBAT ..... Columba ligat, columba solvit, adificium supra Petram ligat, & solvit. Et infra. Merito etiam post resurrectionem Dominus ipsi Petro oves suas commendavit pascendas. Non enim inter Discipulos solus meruit pascere Dominicæ oves: sed quando Christus ad unum loquitur, unitas commendatur, & Petrus primitus quia in Apostolis Petrus est primus. .... Attendite fratres mei. Pafce, inquit, oviculas meas, pafce agnos meos, pafce oves meas.*

13. Si Concilium generale sine Papa Ecclesiam meliùs, quàm Papa solus repræsentat, toti Collegio, non soli Petro tradendæ erant claves, commendandæ oves, &c. Non ergo ut simplex Procurator, sed ut Monarcha visibilis claves Regni Cælorum accepit Petrus; non ut deferendas ad Ecclesiam, & ab illa rursus recipiendas, sed in illius utilitatem usurpandas, & Ministris inferioribus communicandas. Certè si Petrus nuda fuisset Ecclesiæ figura, seu simplex Procurator hinc Petri excellentia non prædicaretur, ut dicit S. Augustinus.

C A-



## CAPUT XII.

*Sententia S. Joannis Chrysostomi de comparatione B. Petri cum cæteris Apostolis, etiam simul sumptis.*

1. **S**ANCTUS Joannes Chrysostomus homil. 55. in Matthæum super hæc verba capitis 16. *Vos verò quem me esse dicitis &c.* multifariam significat, superius esse sancti Petri circa fidem judicium, cæterorum omnium Apostolorum judicio. Notat enim primò eum non solum omnes alios repræsentasse, omnium vice ad interrogationem Christi quærentis, quem se esse dicerent, respondendo, sed ipsorum etiam non expectasse suffragium. *Quid igitur Petrus omnium Apostolorum os VERTEX CONSORTII TOTIVS?* (nota hæc verba VERTEX CONSORTII TOTIVS, & non Apostolorum tantum seorsim acceptorum) *Cum omnes interrogati essent ipse solus respondet.*

2. At inquires, solus respondet, quia importunum fuisset, ut responderent simul omnes: Ipse igitur, cognitis aliorum judiciis, omnium profert responsum. Aliter sentit S. Chrysostomus; Sic enim prosequitur: *Et quandoquidem de sententia vulgi petebat, omnes responderunt: Cum verò de sua eos rogaret, PETRUS CONFESTIM PRÆSILIVIT, ac praveniens ait: Tu es Christus filius Dei vivi.* Si *confestim præsilivit*, non expectavit aliorum suffragia; sed cum singuli circa humana judicia respondissent, solus sententiam profert Beatus Petrus, atque *præsilens, & praveniens* alios, Christi Divinitatem agnoscit, & proficitur.

3. Secundò notat S. Chrysostomus, B. Petrum tunc perfectiori modo Christum cognovisse, quàm qui eum Filium Dei antea confessi fuerant, ut ipsimet Discipuli, qui erant in navi, cum Christus ventum compescuerat, de quibus Matth. 13. vers. 33. dicitur; *Qui autem in navicula erant, venerunt, & adoraverunt eum dicentes; Verè Filius Dei es;* ut Nathanael, qui referente Beato Joanne Christum sic allocutus est; *Rabbi tu es Filius Dei Joan. 1. 49.* Eo quod ab ipso audisset; *priusquam te Philippus vocaret, cum esses sub ficu, vidi te.* Probat autem sanctus Doctor perfectiorem fuisse Petri, quàm aliorum, de Christo

Mm

cogni-

cognitionem, id est alios tanquam filium adoptivum, Petrum verò tanquam filium naturalem, & consubstantialem, cum cognovisse; tum quod Petro dicatur à Patre æterno facta revelatio; tum quod ob illam confessionem Beatus à Christo ipso sit prædicatus. Atqui nisi propriè sic Petrus intellexisset, & ab ipso Patre natum crederet, non fuisset revelationis opus illa confessio, nec aliquà beatificatione digna, si unum ex multis Dei filiis illum putasset: Etiam jam pridem post tempestatem qui erant in navigio, verè Filius Dei est, dixerunt: Et quamvis verè dixerint, beatificati tamen ab eo non sunt. Non enim ita ut Petrus, sed unum ex multis verè filium æstimabant, præcipuum quidem, magisq; dilectum, non tamen ex Patris substantia natum Nathanael quoque dicebat.

4. Tertiò observat S. Chrysostomus, Petrum Divinæ sententiæ sibi à Patre suggestæ promulgatorem, non humanæ opinionis relatorem, extitisse; In medium Patrem produxit, qui ad confessionem veritatis animum Petri commovit. Ità Petrus quidem locutus est, PATER AUTEM ILLI QVOD LOQVERETVR SVGGESSIT. Ut non humanam opinionem, sed Divinam sententiam Divinitus dictam Petrum credas enunciasse. Non ergo Christi Divinitatem, ejusque cum Patre consubstantialitatem ab Apostolico Collegio accepit Petrus. Rata fuit ejus sententia, & à Christo ipso approbata, & remunerata, non expectato aliorum assensu.

5. Quartò ad Petrum verè, ac propriè factam esse promissionem de ædificanda super ipsum Ecclesia, & tradendis illi clavibus Regni Cælorum, quod infrà apertius docet, jam insinuat sanctus Doctor his verbis; Quid igitur Christus? Tu es Simen filius Jona, tu vocaberis Cephas. Nam quia Patrem meum prædicasti, ego etiam illum nomino, qui te genuit; ac si diceret: quemadmodum tu Jona filius es, sic ego Patris mei filius sum. Nam aliter supervacaneum omnino atque superfluum esset, dicere; Tu es filius Jona. Verum quia ille dixit; Tu es filius Dei. Ut sic sese filium Dei ostendat, sicut ille Jona filius, ejusdem videlicet substantia cum Patre, idcirco illud adjecit: Et ego dico tibi quia tu es Petrus, & super hanc petram ædificabo Ecclesiam meam. Petro ergo ipsi, seu filio Jonæ facta est promissio, hoc est verè ac propriè, & non tantum significativè.

6. Quintò licet B. Chrysostomus petram, super quam pollicetur Christus se suam ædificaturum Ecclesiam, de Fide, atque confessione Divinitatis Christi intelligere videatur: Il-  
lam

lam tamen confessionem accipit cum ordine, ac respectu ad Petrum; seu (ut loquuntur Scholastici) non in abstracto, sed in concreto. Nam sese explicat sanctus ipse Doctor, addens Christum fecisse, ut Petrus sublimiora sciret, eumque Pastorem Ecclesiæ constituisset. Continuo enim profectus est; id est FIDEM, atque confessionem. Hic aperit prædixit magnam eorum qui credituri, & erant, & sunt multitudinem fere, & sublimiora sapere ipsum facit, & ECCLESIAE PASTOREM CONSTITUIT. Putasne illum quem Christus sublimiora sapere facit à multitudine, cujus Pastor constituitur, docendum esse, non multitudinem ab ipso? Pastorem Ecclesiæ ab Ecclesia; non Ecclesiam à suo Pastore?

7. Sexto quemadmodum Petro verè, propriè, ac excellentiori modo revelata fuerat Christi Divinitas; eamque totulus ipse professus fuerat: ita ipsi verè, propriè, atque immediate dari claves Regni Cælorum sanctus Doctor his verbis clariùs exprimit; *Ego autem dabo tibi claves Regni Cælorum. Quid verò est; & ego autem tibi dabo? Quemadmodum Pater tibi dedit ut me cognosceres; sic & ego tibi dabo . . . . . Quid das quæso? Claves, inquit, Regni Cælorum: Et quæcumque ligaveris, &c.*

8. Septimò docet sanctus Doctor, B. Petrum ad altiore Divinitatis Christi cognitionem adductum per duplicem quam ab eo potestatem accepit. Repetit adhuc ipsum Ecclesiæ Caput, ac Pastorem extitisse. *Animadvertis, inquit, quo pacto ipse etiam ad altiore de se opinionem Petrum adducit, & se ipsum his duabus pollicitationibus filium esse Dei revelat & ostendit. Nam qua Deus concedere solus potest, peccatorum scilicet remissionem, & ut Ecclesia, tot, tantisque fluctibus impetu irruentibus, immobilis maneat, cujus Pastor, & Caput piscator homo, atque ignobilis, terrarum orbe reluctantis naturam firmitate superet. Hac inquam omnia, qua solius Dei sunt, se pollicetur daturum.*

9. Octavò ostendit B. Petrum toti terrarum orbi, atque ideo toti Ecclesiæ præpositum, ex comparatione cum Hieremia. Hic quidem Propheta Judæis, quibus constabat tota Synagoga, præerat, sed unica tantum gens erat; At verò Petrus toti Ecclesiæ ex omnibus omnino gentibus, & populis congregatæ. Ita & Pater (prosequitur S. Chrysostomus) ad Hieremiam dicebat; sicut columnam ferream, & sicut murum alicuius po-

*sui te ; sed ipsū quidem genti uni pater ; HUNC AUTEM ( Petrum ) VNIVERSO TERRARVM ORBI CHRISTVS PRÆPOSVIT..... Pater quidem ei revelationem Filii sui dedit : Filius autem partim , ut tam Patris , quā Filii sui revelationem ubique terrarum posset seminare , partim ut quamvis homo esset mortalis , CÆLESTI TAMEN POTESTATE POLLERET , ET CLAVES HABERET REGNI CÆLORVM. Ita Petrus Ecclesiam per universum Orbem amplificatam Cælo etiam ipso validiorem monstravit. Transibunt enim , inquit Cælum & terra , verba autem mea non transibunt.*

10. Denique sic concludit S. Doctor , Tu verò mecum ex eis omnibus , QUANTA SIT POTESTAS EIVS ( Petri ) intellige , ego dico tibi inquit ; Tu es Petrus , & ego super te adificabo Ecclesiam meam : ego tibi dabo claves Regni Cælorum.

11. Sermone in Petrum , & Paulum hæc de B. Petro habet. Sed de Petro quid dicemus ? Qui dulce spectaculum est Ecclesia , splendor totius mundi , columba castissima , APOSTOLORVM DOCTOR , APOSTOLUS ardens , spiritus fervens , Angelus , & homo gratia plenus , FIRMA FIDEI PETRA , SENILIS ECCLESIAE SAPIENTIA , qui ob puritatem Ecclesia Beatus , & filius columba ex Dominico ore audivit. Qui claves Regni Cælorum ab ipso Domino accepit. Si Petrus erat splendor totius mundi , si Apostolorum Doctor , ab ipso alii , non ab aliis ipse instrui , atque doceri indiguit.

12. Idem S. Doctor homil. 3. in Acta Apostolorum , dignitatem , & auctoritatem B. Petri super cæteros , etiam congregatos occasione electionis Apostoli , Judæ proditore substituti , multifariam ostendit. Primus hic , inquit , Doctorem constituit..... Quamquam autem HABEBAT CONSTITVENDI JVS PAR OMNIBVS , tamen hæc congruenter fiebat ob virtutem viri , & ob hoc , quod tum temporis Præfectura , non honor erat , sed cura subditorum. S. Petrus habebat jus par omnibus non solum seorsim , sed etiam simul sumptis : quandoguidem S. Chrysostomus significat eum certum aliquod jus par omnibus habuisse , quod non exercuit ; quamquam autem habebat constituendi jus par omnibus , tamen , &c. Exercuit autem jus quoddam , quo quilibet aliorum usus est , & præstantiori modo. Nam Doctorem constituit , & primum omnium auctoritatem usurpavit in negotio. Quod ergo aliud jus par omnibus habebat ? ut scilicet solus posset eligere , quod omnes simul fecerunt , Petro humilitatem custodire , atque invidiam effugere

gere volente. Prosequitur deinde S. Chrysostomus; Merito primus omnium auctoritatem usurpat in negotio, UT QUI OMNES HABEAT IN MANU: Ad hunc enim dixit Christus, Et tu aliquando conversus confirma fratres tuos. Dixerat autem antea: Quam est fervidus? QUAM AGNOSCIT CREDITVM A CHRISTO GREGEM? Quam in hoc Choro Princeps est? Et ubique primus omnium incipit loqui. Illa certe verba; UT QUI OMNES HABEAT IN MANU, conjuncta cum istis. QUAM AGNOSCIT CREDITVM A CHRISTO GREGEM, aperte declarant ex mente S. Chrysostomi non solum reliquos Discipulos seorsim sumptos, sed integrum quoque gregem, etiam congregatum, B. Petro cum ipsis existenti, sed seorsim ab ipsis considerato, subesse.

## C A P U T X I I I.

*Confirmatur præminencia summi Pontificis supra Concilium sine Pontifice.*

1. **C**onsentiunt Catholici summum Pontificem esse visibile Caput Ecclesiæ. Visibile inquam; nam invisibile, ac primum, & præcipuum solus Christus est. Caput autem non solum pars corporis præcipua est; sed & in eo solo vigent omnes sensus, ut si discindi sine interitu corpus posset, Caput cæteris omnibus membris, etiam simul sumptis, præstantius foret. Frequentissimus est in tota vita civili, præsertim apud Jurisconsultos, ut caput pro persona ipsa accipiat, quod de reliquo corpore vix aliquod reperiatis exemplum.

2. Cum nunquam contigerit (neque futurum sit unquam) ut summus Pontifex legitimus, & indubitatus magnum vel majorem Episcoporum numerum, à sua parte stantem non habeat: Nonne Ecclesiæ Corpus per Caput cum multis aliis membris præcipuis melius repræsentabitur, quam per alia membra sine capite? Quid igitur aliud efficiunt, qui Concilium sine Pontifice cum Pontifice solo comparant, eique præferunt, quam ut pernicioso schismati viam aperiant?

3. Ipsi etiam Episcopi non solum seorsim, sed etiam in Concilio congregati, Romanum Pontificem Caput, ac Patrem habent. Hoc inter alia proficitur Concilium Chalcedonense in Epistola seu relatione ad S. Leonem sub finem: *Rogamus igitur, & tuis Decretis nostrum honora iudicium, & sicut nos CATHOLICI in bonis adpetimus concordantiam, sic & summitas tua filiis quod deceat adimpleat.* Caput autem Concilii dicitur Pontifex non tantum quod primo, ac præcipuo loco sit, sed quia, ut ait idem S. Leo alibi citatus; *Christus ab ipso quasi quodam Capite dona sua velut in corpus omne diffundit.* Sicut ergo quilibet Episcopus, quia est Ecclesiæ particularis Caput, ipsa met Ecclesia particularis esse censetur, ejusque Pastor, & Doctor, quem audire, ac sequi tenentur non solum singuli, sed etiam omnes illius Diocesis homines; nec ad eos de illius doctrina & regimine spectat judicare, sed ad superiorem extra Diocesim; ita summus Pontifex, Ecclesiæ universæ Caput, ipsam solus melius, quam cætera membra sine ipso, videtur exhibere; ejusque Pastor, & Doctor est, cui tenentur obedire tum Laici, tum Clerici, tum seorsim, tum conjunctim, quotquot intra Ecclesiam sunt.

4. Adedò difficilis, ac ferè impossibilis est Conciliorum generalium congregatio, ut verisimile non sit Christum principalem eis Ecclesiæ regendæ potestatem contulisse. Etenim per tria prima sæcula, cum Imperatores, aliique Principes, Infideles essent, & ad Ecclesiam persequendam, quam juvandam paratiores; nullum haberi potuit hujusmodi Concilium: Omnesque tunc temporis hæreses studio, & autoritate Romanorum Pontificum potissimum extinctæ sunt. Posset autem contingere, quod tamen disponente Divina providentia nunquam futurum sperandum est, ut per totidem sæcula, vel plura idem impedimentum obstaret.

5. Incommodorum in convocandis Conciliis occurrere solitorum partem recenset S. Ambrosius Epist. 9. lib. 1. his verbis; *Vexabuntur Sacerdotes Senes, transfretabunt maria, iterum invalidi corpore patriam peregrino mutabunt solo, iterum Sacrosancta Altaria deferentur, ut in longinqua proficiantur, iterum pauperum turba Episcoporum, quibus ante onerosa paupertas non erat, aterna opis egentes, compelluntur inopiam gemere, aut certe vicium inopum itineris usurpare.* Præterea tam diversa sunt

sunt Principum Christianorum studia; tam frequentes bellorum perturbationes, tot circa præcedentiam, & alia capita contentiones; ut ob varias illas difficultates, quarum aliquæ posteriora Concilia tamdiu produxerunt, Scriptores dixerint, esse ferè impossibile Conciliorum generalium congregationem.

6. Præstantia hic præcipuè propter certitudinem attenditur. At infallibilitatem sententiæ Concilii œcumenici auctoritati summi Pontificis, potius quam aliorum Episcoporum numero, adscribendam, ipsâ experientiâ constat. Nam aliqua Concilia valdè numerosa erraverunt, ac per summos Pontifices, & per alia Concilia emendata sunt; ut patet de Concilio II. Ephesino & de Concilio Ariminensi. Anno 754. habitum est Constantinopoli Concilium, quod sanctæ, magnæ, & universalis Synodi titulo sese insignivit, 338. Episcopis constans, quorum omnium suffragio definitum est, cultum imaginum esse idololatriam: hunc errorem correxit, seu damnavit Stephanus IV. Papa in Concilio Romano anno 769. deinde Hadrianus primus, & juxta ejus definitionem, septima Synodus generalis.

7. Declarat autem quæ sit in convocandis, ac dirigendis Conciliis sanctæ Sedis auctoritas, Epistola Hadriani ad Tarasium Constantinopolitanum lecta in 7. Synod. act. 2. *Quod si autem non perspecta mihi esset, & probè cognita erga Sacras Synodicas sex constitutiones, & venerandas imagines, vestra sinceritas, & orthodoxa fides, nequaquam ad Synodum convocandam assentiremur..... Inprimis autem Vestra Sanctitas piissimis, & triumphatoribus nostris Imperatoribus sine trepidatione inducat in animum, ut falsam congregationem illam sine consensu, ac præsentia Apostolica Sedis, contra omnem Patrum venerabilium traditionem, contra venerandas imagines, sine ordine, & debita convocatione, factam excretur, & anathematizatam præsentibus apocrisiis nostris cognoscat: quo omne zizanium ab Ecclesia eradicetur, & Jesu Christi Domini nostri verbum impleatur, cum ait; Et porta inferi non prævalebit adversus eam, & alibi; Tu es Petrus, &c.*

8. Eandem auctoritatem exponunt Gelasius epist. 13. & Nicolaus 1. epist. 8. *Sancta memoria Flavianum, inquit Gelasius, Pontificum congregatione damnatum, pari tenore, quoniam sola Sedes Apostolica non consensit, absolvis, potiusque qui illic receptus fuerat, Dioscorum secunda*

da Sedis Praesulem suâ autoritate damnavit; & insipiam Synodum, non consentiendo submovit, ac pro veritate, ut Synodus Chalcedonensis fieret, SOLA DECREVIT, &c. Et Nicolaus primus; Non ergo dicatis, non eguisse vos in causa pietatis Romana Ecclesie, qua collecta Concilia suâ autoritate firmat, suâ moderatione custodit. Unde quadam eorum QVIA CONSENSUM ROMANI PONTIFICIS NON HABVERUNT, VALETVDINEM PERDIDERUNT. Quomodo non egeat qualibet Synodus Romana Sedis, quando in Ephesino latrocinio, cunctis Praesulis, & ipsis quoque Patriarchis probantibus, nisi Magnus Leo, imitator scilicet illius Leonis, de quo scriptum est, vixit Leo de Tribu Juda, Divinitus excitatus, os aperiens, totum orbem, & ipsos quoque Augustos concuteret, & ad pietatem commoveret, Religio Catholica penitus corruisset.

9. Nec cogitēs Concilia illa dumtaxat, quæ sine ulla Summi Pontificis autoritate congregata fuerant, vel in profrendenda sententia libera non fuerunt, per eos, quibus dictum est in persona Petri; *Confirma fratres tuos*, fuisse confirmanda. Etenim in Concilio Chalcedonensi Act. 5. propositæ ab Asclepiade fidei definitioni; vel periculose, vel imperfectæ consenserant omnes Episcopi, camque cum applausu exceperant præter aliquos Orientales, & sanctæ Sedis Legatos, qui recessuros se à Concilio protestati sunt, nisi Epistola S. Leonis integrè susciperetur, suppressâ illâ definitione, in qua sub verbis ambiguis, & æquivocationi obnoxii Dioscorigi virus latere suspicabantur; quæque adeo rectæ fidei nocere potuisset.

10. Concilia Oecumenica, nisi Summi Pontificis auctoritatem superiorem esse cognovissent, quomodo ejus non suo nomine, Decreta communi consensu constituta edi passa essent; ut auctoritatem à Pontifice mutuari, approbationem tantum à Concilio habere intelligerentur? Quod in iis dumtaxat Conciliis observatum legimus, quibus interfuit ipsemet Papa, quo expressius significaretur personæ ipsi summi Pontificis quatenus Petri Successoris, hanc competere prærogativam. Unde in Conciliis tantum Occidentalibus ea forma servata est, eo quod in Orientalibus nunquam adesse voluerint summi Pontifices, licet rogati, & aliquando facilè, vel sine magno incommodo adesse potuissent.

11. Quamquam extant etiam illius prærogativæ vestigia  
in



in Conciliis Orientalibus. Nam condemnatio Dioscori in Concilio Chalcedonenſi ſub nomine S. Leonis, quamvis abſentis, cum approbatione, & ſubſcriptione Epiſcoporum à Paſchaſino Legato edita eſt; *Sanctiſſimus, & Beatiſſimus Archiepiſcopus magna, & ſenioris Romæ* LEO, PER NOS, ET PER PRÆSENTEM S. SYNODVM VNA CVM TER BEATISSIMO, ET OMNI LAVDE DIGNO BEATO PETRO APOSTOLO, *qui eſt petra, & crepido Catholica Eccleſia, & recta fidei fundamentum, nudavit eum (Dioſcorum) tam Epiſcopatus dignitate, quàm etiam & ab omni Sacerdotali alienavit miniſterio.* Magna eſt energia verborum illorum; Leo per nos, & per præſentem S. Synodum, quibus denotatur Papa autoritas; & ſequentiũ, una cum ter Beatiſſimo, & omni laude digno B. Petro, quibus ſignificatur autoritatis origo, ſcilicet privilegium Romanis Pontificibus in perſona Beati Petri à Chriſto collatum. Nec illam ſibi autoritatem vindicaverunt Apoſtolicæ Sedis Legati, niſi poſtquam eis dictũ fuit; *Petimus veſtram Sanctitatem qui habes, magis autem qui habetis. docum ſanctiſſimi Papa Leonis, promulgare in eum, & regulis inſitam contra eum præferre ſententiam.* Omnis enim & tota univerſalis Synodus concors efficitur veſtra Sanctitatis ſententia. Concil. Chalcedonen. Aſ. 3. in qua lecti ſunt etiam nemine reclamante plurimi libelli, in quorum titulo diſtinguebatur ſanctus Leo à Concilio, eiꝛue anteponebatur, nec non Patriarcha, vel Archiepiſcopus univerſalis appellabatur.

12. Quamvis Reges, aliique Principes à populo plerumque ſuam autoritatem acceperint, non à Deo, niſi mediãtè; tamen Regem Galliæ Comitibus generalibus ſuperiorem eſſe, qui revocaret in dubium, puto tanquam læſæ Majeſtatis reum habendum; Eamque ſuperioritatem omnes intelligunt in eo ſignificatam, quod, quæ in Comitibus deliberata ſunt, Regis nomine inſcribuntur, & autoritate promulgantur. Cũ in Comitibus generalibus Galliæ ſub Henrico III. conſcripti fuiſſent quidam articuli, quibus exigebatur ut Rex Comitiorum ſententiam ſequi teneretur, repudiati ſunt, tanquam Regiæ Majeſtati injurioſi: & jure meritò inquit *Dupleix* iſta recitans, nam Rex verè Rex non eſſet, ſi ei à Comitiorum ſententia recedere non liceret. Porrò quomodò ſummus Pontifex Eccleſiæ ſubjacebit, à qua ſuam non eſt mutuatus po-teſtatem, & cui potiùs jure Divino, tanquam Chriſti Vica-

282 TRACTATUS DE LIBERTATIBVS,  
rius ex Constantiensi Concilio sess. 8. tanquam Caput cor-  
pori juxta Concilium Chalcedonense Act. 3. & in Epistola  
ad S. Leonem; tanquam Pastor gregi, ut canit Ecclesia, præ-  
positus est.

## C A P U T      X I V.

*Rursus confirmatur præminencia Pontificis supra Con-  
cilium.*

1. **A** Dstruitur etiam Papæ superioritas iis omnibus argu-  
mentis, quæ probant<sup>ur</sup> supremum esse Romani Pontifi-  
cis Tribunal, nec ab illo licere appellare; *Aliorum fortè hominum  
Causas* (inquit Ennodius Diaconus, cujus doctrinam rece-  
pit, & approbavit, tanquam sua Decreta, Concilium Ro-  
manum V sub Symmacho Papa, quemque aliâ occasione jam  
supra citavimus) *Deus voluit per homines terminari: Sedis ipsius Præsulem  
suo sine questione reservavit arbitrio; voluit B. Petri Successores Cælo tantum  
debere innocentiam.* Præmiserat autem, Concilio potestatem,  
quam aliàs non habuisset, ad judicandum Papam, ab ipsomet  
Pontifice concessam: *Judicia, & iste voluit, amavit, attraxit, in-  
gressus est: & quod posset fidelium corda doloris justis aculeis excitare, Vene-  
rando Concilio auctoritatem, etiam contra se, si mereretur, indulsit.*

2. Concilium Lateranense sub Alexandro III. majorem  
vult adhiberi cautelam in eligendo Romano Pontifice, quia  
Episcoporum quidem reliquorum electio, vel electus Episco-  
pus, emendari poterunt, sed quoad Romanam Ecclesiam  
NON POTERIT AD SUPERIOREM HABERI RECURSUS. Con-  
cilii Lateranensis sub Leone X. testimonium protulimus  
cap. 5.

3. Cæterum si in propria causa Romani Pontifices audiri  
debent (fieret autem illis magna injuria, præsertim sancti-  
tate, doctrinâ, & prudentiâ conspicuis, si non audirentur)  
plurimi sunt, qui hanc suæ Sedi auctoritatem vindicarunt.  
In collectione Lucæ Holstenii in Synodo Romana num. 8.  
Bonifacius Rufo Thessalonicensi scribit; *Talia scripta direximus,  
quibus universi fratres intelligant, primo convenire te citra tuam conscientiam  
mini-*

minimè debuisse : Deinde de nostro non esse iudicio retractandum. NUN-  
 QVAM ETENIM LICVIT DE EO RVRSVS, QVOD SEMEL STA-  
 TVTVM EST AB APOSTOLICA SEDE, TRACTARI.

4. Sanctus Gelasius in Epist. 13. jam citata, quæ est ad Epif-  
 copos Dardaniæ; Cuncta, inquit p. r Mundum novit Ecclesia, quoniam  
 quorumlibet sententiis ligata Pontificum, Sedes B. Petri Apostoli jus habet re-  
 solvendi, utpotè quod DE OMNI ECCLESIA FAS HABEAT IVDI-  
 CANDI, NEQVE CUIQVAM DE EIVS LICEAT IVDICARE  
 IVDICIO : Si quidem ad illam de qualibet Mundi parte Canones appellari vo-  
 luerint, ab illa autem nemo sit appellare permissus : Deinde variis exem-  
 plis confirmat auctoritatem summi Pontificis supra Concilia ;  
 sed nec illa praterimus, quod Apostolica Sedes frequenter, ut dictum est, more  
 majorum etiam sine ulla Synodo præcedente, & absolvendi quos Synodus iniquè  
 damnaverat, & damnandi nulla existente Synodo quos oportuit, habuerit sa-  
 cultatem : Sancta memoria quippè Athanasium Synodus Orientalis addixerat,  
 quem tamen exceptum Sedes Apostolica, quia damnationi Græcorum non consen-  
 sit, absolvit ; Itemque sancta memoria Flavianum Pontificum congregatione  
 damnatum pari tenore, quoniam sola Sedes Apostolica non consensit, absolvit,  
 potiusq, qui illi receptus fuerat, Dioscorum secundæ Sedis Præsulem suâ au-  
 toritate damnavit, & impiam Synodum non consentiendo submovit, &c. Idem  
 scribit Epist. 4. seu commonitorio ad Faustum ; Nolis oppo-  
 nunt Canones dum nesciunt quid loquantur, contra quos hoc ipso venire se pro-  
 dunt, quod sancta Sedi sana, rectaq, suadenti parere fugiunt. Ipsi sunt Ca-  
 nones qui appellationes totius Ecclesiæ ad huius Sedis examen volvere diserti ; ab  
 ipsa verò nusquam prorsus appellari sanxerunt, ac per hoc ILLAM DE  
 TOTA ECCLESIA IVDICARE, IPSAM AD NVLLIVS COM-  
 MEARE IVDICIUM. Nec de ejus unquam præceperunt iudicio iudicare, sen-  
 tentiamq, illius constituerunt non oportere dissolvi, cuius potius sequenda de-  
 creta mandavimus.

5. Gelasium secutus, & imitatus est Nicolaus I. epist. 8.  
 etiam supracitatâ quæ est ad Imperatorem Michaellem ; Quo-  
 niam, inquit, cum secundum Canones ubi est major auctoritas iudicium infe-  
 riorum sit deferendum ad dissolvendum, scilicet, vel ad roborandum, patet pro-  
 fectò Sedis Apostolica, cuius auctoritate major non est, iudicium à nemine fore re-  
 tractandum, neque cuiquam de ejus liceat iudicare iudicio, si quidem ad illam de  
 qualibet Mundi parte Canones appellari voluerunt, ab illa autem nemo sit appellare  
 permissus. Juxta quod & Bonifacius, atque Gelasius Sanctissimi Præsules, non  
 suis adinventionibus, sed Ecclesiæ Romana consuetudines non ignorantes dicunt.

6. Non minus perspicua est Paschalis II. sententia Epistolâ ad Archiepiscopum Poloniæ, relata à Baronio è Codice Vaticano ad annum 1102. *Aut in Conciliis statuta non inveniri, quasi Romana Ecclesia legem Concilia ulla præfixerint, CVM OMNIA CONCILIA PER ECCLESIAE ROMANÆ AVTORITATEM, ET FACTA SINT, ET ROBVR ACCEPERINT, & in eorum statutis Romana patienter autoritas excipiatur.*

7. Denique nec ipsi Antesignani autoritatis Conciliaris aucti sunt indiscriminatim asserere à Summo Pontifice posse ad Concilium provocare in quolibet casu. NON EST FAS (inquit Joannes Gersonius tractatu, quomodo, & an liceat in causis fidei à Summo Pontifice appellare, seu ejus judicium declinare) APPELLARE A PAPA, vel ejus judicium in causis fidei declinare, non quidem pro omni, & in omni casu, sed quando facit id, quod in se est, & quando non apparet devius à fide, sed ambulat rectè ad veritatem Evangelii sine personarum acceptione. (Ecce quibus in casibus secundum Gersonium à Summo Pontifice non licet appellare) Porro Dominus noster tollere poterit efficaciter suspicionem simulam, qua contra sanctitatem suam fieri posset, si dicta sua sanctis compenset: hoc est si sponte, nullo requirente, damnet illam doctrinam pestiferam, & crudelem contra Polonos cum similibus aliis, cum tali celeritate, & rigore, qualem fidei materia vergens in scandalum, & perniciem Reipublica postulat, & requirit, procul abjecta quâvis acceptione personarum.

8. Materiam istam egregiè tractat Franciscus Victorix relectione 4. proposuit. 20. ubi appellationes istas rejiciens post alias solidas probationes addit; Præterea hoc probatur experientia, & exemplis, qua in moralibus faciunt magnam probationem. OMNES ENIM APPELLATIONES HACTENVS FACTÆ AD CONCILIUM MALE CESSERVNT, ET TANDEM DEVENERVNT IN SCHISMA ALIQUOD, VEL ETIAM HÆRESIM. 3°. Quia hoc esset magna occasio perturbationis in Ecclesia: quia si Papa timeret, ne facta ejus deberent rescindi in Concilio, nunquam vellet congregare Concilium, cum magna jactura profectû rerum Ecclesiasticarum; & congregare sine illo, vel non licet, vel esset valde difficile. Semper enim erunt aliqui, imò major pars, qui velint sequi partes Pontificis, & unus Princeps faveret Concilio, alius Pontifici; Et sic nihil pacificè nec ad utilitatem Ecclesia fieri posset: imò essent multò majores turbationes, ut experientiâ compertum est. Nec minus acriter illas appellationes impugnat Mauclerus de Monarch. Eccles. lib. 3. cap.

cap. 10. *Quintum denique, inquit, ac postremum de præcipuo privilegium illud est, de quo hic questio vertitur, quod supra tetigimus, contra quod ridicula sunt à quibusdam Schismaticorum partes suâ partim malitiâ, partim impetitiâ fovētibz, objectiones, nonnullaqz ad suam confirmandam rebellionem exempla produciuntur: quæ à doctissimo nostræ ætatis Theologo viro sanctissima vita Valeo, eruditè refutata & explosa studiosus Lector videre poterit. Tot sacris Ecclesiæ Decretis, Canonibusque veluti Divini Sancti Spiritus oraculis ritè consideratis, justosqz ratiocinio Theologicâqz sapientia trutinatis examine, quam justè spirituales anathematis gladium contra provocantes à Pontificii Monarchæ judicio ad futurum Concilium, à sanctissimæ Sedis Apostolica Præsulibus evaginatum fuisse credere debemus.*

9. Testatur libertatum Ecclesiæ Gallicanæ defensor Dominus Petrus de Marca, usum illum esse novum. Sic enim inchoat cap. 17. lib. 4. *Superiore capite novam quandam rationem vidimus in Ecclesiam injectam ab iis, qui se Romana Curia censuris premi existimant, scilicet appellationem à Papa Decreto ad futurum Concilium. Novam dixi, quia nunquam in Ecclesiâ admissa fuit provocatio à Papa ad Concilium: Numero autem 4. originem notat his verbis; Primus omnium, qui appellatione ad Concilium usus est, prodit se apud Historicos Fridericus II. Imperator. Sed ut refert Matthæus Parisius in verbis à Marca relatis, Legatus Friderici appellavit à Concilio ipso generali, quod tunc scilicet anno 1245. Lugduni congregatum erat, ad aliud generalius. Appellavit pro eo ad Concilium proxime futurum generalius. Nec enim nunc omnes Prælati, vel eorum, vel Principum Procuratores apparent hic impræsentiarum.*

10. Itaque appellationum illarum origo, ut lib. 10. videbimus, ad Gallos referenda erit, qui anno 1303. nomine Philippi IV. dicti Pulchri Franciæ Regis appellarunt à Bonifacio VIII. ad futurum Concilium. Primo loco illam refert, qui probationes libertatum Ecclesiæ Gallicanæ collegit cap. 13. cujus titulus est de hujusmodi appellationibus. Verùm tunc allegabatur aut fingebatur Bonifacium non esse legitimum Pontificem, & perinde appellabatur ad futurum legitimum Pontificem, ut ad Concilium generale.

11. Nec nisi post schisma invenietur interposita appellatio absoluta à Summo Pontifice pro vero accepto, ad futurum Concilium. Itaque cùm Concilium Papæ præponi cœpit, aperta est via ad appellandum ab illo ad istud. Multum autem

verendum est ne illæ appellationes eo fine assumantur, ut obtegatur inobedientia prætextu Concilii, quod vel impossibile, vel difficillimè haberi posse compertum est.

12. Cæterum antiquorum Scriptorum tum in Gallia, tum in aliis Provinciis Christianis doctrina erat, à Papæ sententia non posse provocari: Ita Hincmarus Episcopus Remensis tom. 2. epist. 44. quæ est ad Episcopos Diocesis Remensis n. 25. Ivo Carnotensis in Decreto par. 5. cap. 9. & 10. & epist. 233. & 236. Potho Presbyter Prumiensis de statu domûs Dei, lib. 3. S. Thomas Archiëpiscopus Cantuariensis epist. 73. S. Antoninus & alii etiam ex recentioribus sanctæ Sedi minus æquis, ut Carolus Fevretus lib. 9. de abusu cap. 3. num. 15.

13. Denique cum Summo Pontifici vineæ custodia à Salvatore commissa sit, ut confessa est Synodus Chalcedonensis in relatione ad S. Leonem; id est, cum *Petro totius Ecclesiæ cura commissa sit*, ut scribit S. Gregorius lib. 4. epist. 32. cum idem officium ad singulos Petri successores transierit, & singulis cum S. Fulberto Episcopo Carnotensi epist. 22. dici possit; *Dilectissime Pater cui totius Ecclesiæ cura commissa est*: cum eis Gregis sit commissa custodia, ut docet S. Epiphanius de B. Petro Ancoratus cap. 4. Cum Summus Pontifex aliis quam pluribus titulis à sanctis Patribus insigniatur, quibus significatur *unum Papam esse super Ecclesiam mundi totius*, ut Episcopi Patrensis apud Liberatum Brev. cap. 22. verbis utar, quomodo illi præferendum esset Concilium generale, licet totam Ecclesiam sine Pontifice repræsentaret. Quomodo successor ejus, cui *totius Ecclesiæ gubernacula tradita sunt*, ut prædicat sanctus Maximus Episcopus Taurinensis homil. 3. in Natal. Beatissimorum Petri & Pauli, gubernandus ipse esset ab Ecclesiæ parte quantumvis præcipua? Senior videtur sententia Joannis de Selva in Senatu Parisiensi Præsidis tract. de benefic. parte 3. quæst. 8. num. 32. *Papa, inquit, præfertur toti Concilio.*

## CAPUT XV.

*Respondetur auctoritati Concilii Constantiensis.*

1. **D**uplici præcipuè ratione impugnabat Eugenius IV. hujus Synodi de Conciliorum generalium auctoritate Decreta. Prima quod dubia esset eorum auctoritas. Secunda quod ad tempus schismatis restringenda essent. Utramque improbant Illustrissimi Præsules Comitiorum Parisiensium his verbis; *Nec probari à Gallicana Ecclesia, qui eorum Decretorum quasi dubia sint auctoritatis, ac minus approbata, robur infringant, aut ad solum schismatis tempus Concilii dicta detorqueant.* Sed nunquid etiam Comitii Cleri Gallicani inferior est auctoritas Papæ, ac illorum potius quàm Summi Pontificis sequenda sententia?

2. Eugenius igitur Decreta, de quibus est quæstio, hæc in primis ratione non valere contendebat, quod ab una tantum obedientia fuissent facta, id est à Prælati Joanni XXIII. obedientibus, quod affirmat etiam Cardinalis à Turrecremata de rei veritate optimè instructus, ac gestorum ex parte oculatus testis, & pro suo merito fide dignus. Rem narrat his verbis, summâ de Eccles. lib. 2. cap. 99. *Notandum quod Congregatio illa Constantia celebrata tria tempora habuit. Primum fuit, in quo sola obedientia præfati Joannis Balthasar Constantia convenerat. Secundum tempus fuit, in quo Angelus Coriarius vocatus in obedientia sua Gregorius XII. juri suo cedens præfata Congregationi se sub certis modo, & formis commisit. Tertium tempus est, in quo Reges, & Principes, ac Prælati obedientes Petro de Luna, Benedicto XIII. vocato in obedientia sua per suos Oratores novâ factâ convocatione Concilii se unierunt præfata Congregationi ad pacem dandam universali Ecclesia. Et fuimus nos tunc præsentés in minoribus constituti, pro quo solo tempore convenientibus omnibus simul tribus obedientiis fuit certum dicere, quod universalis Ecclesia repræsentativè congregata esset Constantia. Nullus autem dubitat, quin asserere quod sola obedientia Joannis faceret Concilium universale, universalem Ecclesiam repræsentans, esset temerarium, & scandalosum aliis dualis obedientiis. Tertio ea quæ inducuntur de decretis Concilii Constantiensis non militant: quoniam auctoritati illius alia duæ obedientiæ, scilicet Gregorii, & Benedicti apertissimâ contradictione in plena Congregatio-*

ne se opposuerunt, & eorum contradictio fuit accepta. Subjungit infra idem Cardinalis; In illorum determinatione non modo non intervenit universalis Ecclesia, sed obedientia una tantum, scilicet Joannis XXIII. ut dictum est, sed etiam non integre tota illa obedientia; quoniam plures Patres doctissimi illius obedientia illis non præsiterunt consensum, aut assensum suum. Item nec ipsa in sua obedientia vocatus Joannes XXIII. quoniam cum post recessum suum à Constantia Scaphuse constitutus audiret præfatam declarationem conclusam, Dominis Oratoribus Christianissimis Regis Franciæ visitantibus eum, videlicet Domino Duce Bavariæ, Domino Nicolao de Colavilla, aliisque eorum Collegis amaro animo conquestus est falsa quadam, & erronea adversus auctoritatem Summi Pontificis Romani decreta per annulos suos post recessum ejus esse conclusa, &c. Quæ omnia confirmantur ab aliis Scriptoribus, & ab Actis ipsis Concilii Constantiensis, in Bibliotheca Vaticana extantibus, quorum summam in lucem nuper emisit doctissimus vir Emanuel Schellstrate.

3. Cæterum quoniam Illustrissimi Antistites Parisienses hæc Decreta à Sede Apostolica comprobata dicunt, quod præcipue de Martino V. intelligendum videtur, qui depositis à Concilio Constantiensi tribus Pontificibus, inter se de Pontificatu contendentibus, Pontifex creatus est, & ab omni Ecclesia pro vero, & legitimo acceptus, videndum est, quæ fuerit ejus de his decretis mens. Sed prius observandum est, etiam si Concilium Constantiense legitimum non foret, Martinum nihilominus legitimum fore Pontificem, quippe cum Joannes, & Gregorius Papatui renunciarint, ut patet ex Actis Concilii Constantiensis sess. 12. & 14. & Gregorius ante decesserit, quam Martinus V. eligeretur, ac deinde Clemens VIII. Benedicti successor eidem Martino cesserit. Præterquam quod ex auctoritate Concilii ad tollendum schisma, non ritè, cum sit exceptio regulæ generalis, infertur auctoritas indefinita supra Papam in omnibus casibus.

4. Ut autem ad Martinum V. redeamus, prohibuit ille appellaciones ab Apostolica Sede, seu Romano Pontifice, ut testatur Joannes Gersonius tractatu, *Quando, & an liceat à summo Pontifice in causis fidei appellare, seu ejus judicium declinare*. Quæ certè prohibitio absona fuisset, si Concilii judicium judicio Papæ superius existimasset. Quis enim Judicem non derideat, à sua sententia ad Judicem superiorem appellari vetantem, in

iis



illis causis, in quibus alius est re vera Judex superior. Fuit autem promulgata illa Martini V. Constitutio in Consistorio generali celebrato Constantiæ sexto Idus Martii Anno primo, idest ante finem Concilii, quod terminatum est 10. Kalendas Maii anno 1418. etiam Pontificatus primo, & à Pontifice approbatum: quæ confirmatio in actis refertur his verbis; *Sanctissimus Dominus noster Papa dixit, respondendo ad prædicta (scilicet de condemnatione libelli Joannis Falkenberg) quod omnia, & singula determinata, conclusa, & decreta in materiis fidei per præfens Concilium conciliariter tenere, & observare inviolabiliter volebat, & nunquam contraire quoquo modo. Ipsa; sic conciliariter facta approbat, & ratificat, & non aliter, nec alio modo, & illud idem iterato fecit dici per organum Domini Augustini de Pisis Episcopi, & sacri Consistorii Advocati prædicti, qui nomine PAPÆ à Prothonotariis, & Notariis ad scribendum Acta Concilii ordinatis, & deputatis petiit instrumenta publica fieri. Quorum autem verba illa, & non aliter, nec alio modo, nisi ut Decreta illa, quæ ut supra vidimus, à solis Prælati obedientiæ Joannis XXIII. nec etiam ab illis omnibus, edita fuerant, probare non videretur.*

§. Verum licet illa Concilio generali adscriberentur, & quæ à Martino V. aut Eugenio IV. in genere dicta sunt, ad hæc, de quibus specialis, imò specialissima facienda fuisset mentio, referri possent; non tamen extra casum schismatis, de quo tunc erat quæstio, aut hæresum, de quibus accusabantur Pontifices contententes, ad alios casus essent detorquenda; quæ altera erat Eugenii ratio. Nec enim ibi generaliter statuitur omne Concilium generale in omni casu supra Pontificem auctoritatem habere, sed tantum Concilium Constantiense, & alia generalia, quæ ob eandem causam congregari opus esset. Hæc enim sunt verba Concilii Constantiensis sess. 5. *In nomine sanctæ, & individua Trinitatis, Patris, & Filii, & Spiritus sancti. Amen. Hæc sancta Synodus Constantiensis generale Concilium faciens pro extirpatione ipsius schismatis, & unionem, & reformationem Ecclesiæ Dei in capite, & in membris ad laudem Omnipotentis Dei, & in Spiritu sancto legitime congregata, ad consequendum facilius, securius, libentius unionem, & reformationem Ecclesiæ ordinat, diffinit, decernit, & declarat ut sequitur. Et primo declarat quod IPSA in Spiritu sancto legitime congregata Concilium generale faciens, & Ecclesiam Catholicam representans po-*

testatis à Christo immediatè habet, cui quilibet cuiuscumque status, vel dignitatis, etiamsi Papalis existat, obedire tenetur IN HIS, QUÆ PERTINENT AD FIDEM, ET EXTIRPATIONEM DICTI SCHISMATIS, & reformationem dictæ Ecclesiæ in capite & in membris.

6. Item declarat, quod quicumque cuiuscumque conditionis, status, dignitatis etiamsi Papalis, qui mandatis, statutis, seu ordinationibus, aut PRÆCEPTIS HUIUS SACRÆ SYNODI, & cuiuscumque alterius Concilii generalis legitimè congregati SUPER PRÆMISSIS, SIVE AD EA PERTINENTIBVS, scilicet vel faciendis, obedire contumaciter contempserit, nisi resipuerit, condigna poenitentia subiiciatur, & debitè puniatur, etiam ad alia juris subsidia (si opus fuerit) recurrendo. Idem iisdem ferè verbis statuitur sess. 4. Notanda sunt illa verba ipsi (scilicet Synodus Constantiensis) in his, qua pertinent ad fidem, & extirpationem dicti schismatis: Præceptis huius sacra Synodi: super prænissis, sive ad ea pertinentibus, quæ Decreta illa circumscribunt, ac sine limitatione intelligere vetant.

7. Testis est ipsemet Joannes Gersonius, tantum ad Conciliorum generalium auctoritatem constituendam fervens, sententiam de superioritate Papæ ad Concilium, non solum antè, sed etiam post Decreta Concilii Constantiensis à multis fuisse propugnatam, quod evidens signum est decreta illa, vel non esse Concilii verè generalis (alioquin enim à nemine Catholico revocarentur in dubium) vel in certo dumtaxat casu locum habere. Si enim generalia essent, quis superesset disputandi locus apud eos, qui à Concilio verè generali statuta crederent? Fallor, inquit Gersonius de potest. Eccles. considerat. 12. Si non ante celebrationem Sacrosanctæ huius Constantiensis Synodi sic occupaverat mentes plurimorum litterarum magis, quam litteratorum ista traditio, ut oppositorum dogmatizator, fuisset de hæretica pravitate vel notatus, vel damnatus. Huius rei signum accipe quia post declarationem, & quod urgentius est post determinationem, & prædicationem ejusdem sanctæ Synodi inveniuntur qui talia passim asserere non paveant. Rationem autem cur huic sententiæ tantum esset infensus, hanc insinuat considerat. 10. quia scilicet ut ipse arbitrabatur, eâ semper manente perseverasset semper schisma ab ea nutritum.

8. Ex quo conjicitur de hoc tollendo malo cogitasse quotquot recta intentione Concilium Papæ anteferre studuerint. Cæterum enim non solum ante Concilium Constantiense, sed

Sed etiam postea extiterunt magni nominis Auctores, qui sententiam illam, summum Pontificem Concilio subiectentem erroneam judicarunt. Non solus Cardinalis Bellarminus, qui de Concil. lib. 2. cap. 11. hæc habet; *Concilium Basileense cum Legato Pontificis communi consensu statuit Concilium esse supra Papam; quod certe nunc judicatur erroneum; Sed & alii quamplures; ex quibus Franciscus de Sylvestris, vulgò Ferrariensis, à patria nuncupatus, Ordinis Prædicatorum Generalis, super S. Thomam lib. 4. contra gent. cap. 76. in fine sic scribit; Ex prædictis constat vanam esse, & à Fide Christiana alienam opinionem dicentium Concilium, & Ecclesiam esse supra Papam, & ipsum Papam ab Ecclesia auctoritatem habere tanquam ab ipsa institutum; quæ censura non solam ultimam propositionem afficit, ut patet ex probationibus: sequitur enim; Nam manifestum est ex prædictis, quod Christus ipse regimen Ecclesia instituit, non autem ipsa Ecclesia, aut populus Christianus, & quod in Ecclesia Petrum, suum Vicarium, & Successores ejus instituit, sicut & ad Sacramenta dispensanda instituit Ministros. Unde cum dixit Petro; Pascere oves meas; præmisit interrogationem: Simon Joannis diligis me plus his? Ut ostenderet se auctoritatem Petro dare, ut distincto ab aliis discipulis præsentibus. Propter quod expromens Chrysostomus prædicta verba, ait præteriens alios, PETRO LOQUITUR, &c.*

9. Doctrinâ, pietate, ac miraculis clarissimus S. Antoninus Archiepiscopus Florentinus eandem doctrinam validè defendit part. 3. sum. tit. 23. de appellatione Papæ cap. 3. §. 3. fin. Sed nec ad Concilium generale à Papa appellari potest: quia Papa omni Concilio superior est: nec robur habet quicquid agitur, nisi auctoritate Romani Pontificis roboretur, & confirmetur. Sentire ergo quod ad Concilium à Papa appellari possit, est hæreticum, & contra illum articulum, Sanctam Ecclesiam Catholicam; sic autem superiùs argumentatur; Quicumque privilegium Romana Ecclesia à Christo traditum auferre conatur est hæreticus: sed dicens, & tenens, quod licet appellare à Pontifice Romano ad successorem ejus, auferit privilegium Romana Ecclesia à Christo traditum; ergo talis manifeste est hæreticus. Et sic probat minorem; Quicumque sentit Romanum Pontificem non esse summum, supremum, & unicum Caput totius Ecclesiæ, auferre conatur privilegium Romana Ecclesia à Christo traditum: sed quicumque à Papa appellandum sentit, sentit Papam non esse summum, & unicum Caput Ecclesiæ, ergo, &c. Unde sequitur quod quicumque hoc sentit: sentit contra artic. Nicæna Synodi, ubi dicitur unam Sanctam Ecclesiam, quia

292 TRACTATUS DE LIBERTATIBVS,  
Ecclesia habet unitatem ex unitate capitis. Unde & Joann. 10 dicit Christus.  
Fiet unum ovile, & unus Pastor. Si licitum esset appellare à Papa, & ille,  
ad quem appellatur, esset Caput. Sic Papa non esset Caput, vel essent duo Ca-  
pita, quod esset monstruosum.

## C A P U T X V I.

*Respondetur aliis objectionibus contra Superioritatem  
Papæ ad Concilium.*

1. **S**I, ut capite superiori demonstratum est, à Decretis  
Concillii Constantiensis efficax argumentum trahi non  
potest ad probandum, Concilium generale legitimo, & in-  
dubitato Pontifice non esse superius; cum id præcipuum sit  
illius sententiæ fundamentum, eo everso corruet illa, aut  
nutabit. Etenim ex aliis probationibus, aliquæ minus solidæ  
mediocris ingenii Lectoribus statim apparent; Quæ autem  
verisimiliores videntur, si attentè perpendantur, & dili-  
genter discutiantur, non tantà vi pollent, ut animum ve-  
ritatis sinceræ studiosum movere queant, quod ex earum  
examine patebit.

2. *Probatio principalis* ( ut dicitur in tractatu Universitatis  
Cracoviensis super autoritate Conciliorum, justificatione  
Concillii Basileensis, & depositione Eugenii IV. relato in  
historia Universitatis Parisiensis tom. 5. ad annum 1440. *Per*  
*quam probatur superioritas potestatis Ecclesiastica super Papam, sumitur ex*  
*conditione huiusmodi potestatis prout est in Ecclesia, & in Papa. Est namque*  
*in Ecclesia hac potestas continue, permanenter, & perpetue. Non est autem*  
*assignare diem, horam, vel momentum, in quo Ecclesia deficiat hac potestas,*  
*& durabit usque ad consummationem sæculi; in Papa verò non est sic, cum*  
*non semper vivat, possitque etiam privari, & sic cavere hanc potestatem, pos-*  
*sitque de novo eligi, & iterum eam habere, & quoniam omne permanens,*  
*& continuum præfertur variabili, interpolato, & temporali, sequitur, quod po-*  
*testas, sive autoritas Ecclesiæ præmineat potestati Papæ. Si verum est*  
*principium quod supponitur in eo discursu, sequetur potius*  
*Papam esse supra Concilium. Non enim de Ecclesia formaliter*  
*accepta agitur, sed de Concilio eam representante, ut*  
patet

patet non solum ex propositione Cleri Gallicani, quam discutimus, sed etiam ex titulo, sub quo ponuntur verba supra scripta in illo tractatu. Est enim partis illius titulus; *De potestate Concilii*. Sic ergo argumentari possumus, OMNE PERMANENS, ET CONTINUUM PRÆFERTUR VARIABILI, INTERPOLATO, ET TEMPORALI, SED PAPA EST MAGIS PERMANENS, ET CONTINUUS, MINUS VARIABILIS, INTERPOLATUS, ET TEMPORALIS, QUAM CONCILIUM GENERALE, ERGO ILLI PRÆFERENDUS EST. Consequentia negari non potest, sicut nec prima propositio, quæ ipsorummet Adversariorum est. Secunda autem propositio ad oculum patet, semper enim per breviora intervalla defecerunt in Sede Apostolica Episcopi, quàm Concilia œcumenica, multoque facilius est, uno deficiente Pontifice, alium eligere, quàm Concilium generale convocare, quod vix semel per plura sæcula fieri potest.

3. Si ergo conveniens existimatur Divinæ providentiæ; ut auctoritatem regendæ Ecclesiæ universæ, illique fidei exponendæ, ac præscribendarum morum regularum, illic reposuerit, quo facilius esset accessus, ne nimis dilationes malorum incremento præberent occasionem: certè promptius, & expeditius à Sede Apostolica, quàm ab universis mundi Episcopis, aut in Concilio generali congregandis, aut per universas mundi partes dispersis, fidei, ac morum norma exquiretur. Nam antequam convenerint undique, ac consenserint, vel consulti responderint omnes Prælati, hæresis, quæ velut cancer serpit, multas inficiet animas, quæ vix poterunt ab huiusmodi putredine purgari.

4. Prosequitur Universitas Cracoviensis. *Secundo quia potestas hac semper in Ecclesia fuit, & est, & erit recta quoad ea quæ sunt juris, & fidei, nec unquam Ecclesia à fide deviauit, Papa vero frequenter, &c.* Perstat oratio in æquivocatione, & Ecclesiam confundit cum Concilio, à quo absit legitimus Pontifex. Nemo Catholicus dubitat, quin Ecclesia formaliter accepta immota semper in fide permanferit, & permanfura sit. Sed quæritur à quo ei proponenda sit, & explicanda fidei veritas. Nec enim Ecclesia universa, quatenus complectitur omnes fideles, etiam laicos, eo dono prædita est, ut veritatem doceat; sed sunt in ea quorum munus est docendi alios; sunt quorum est tan-

tum addiscendi; quamquam fieri non possit, ut tota simul Ecclesia errorem fidei contrarium recipiat; gaudent enim infallibilitate passiva, ut dicitur, sed quæstio est, penes quem sit suprema dicendi, ac regendi potestas, an penes Episcopos sine Summo Pontifice, an penes Summum Pontificem sine Episcopis, dum invicem distinguuntur.

5. *Tertio quia in Ecclesia* ( verba sunt ejusdem tractatus ) *est cognitio omnis necessariæ veritatis ad salutem, &c.* sed à quibus oritur hæc cognitio, dum aliqua inest in verbo Dei obscuritas? Nonne ab eo, cui dictum est; *super hanc Petram ædificabo Ecclesiam meam. Confirma fratres tuos. Pæce oves meas.* vel solo, vel advocatis aliis Episcopis pluribus, vel paucioribus, prout ex rei gravitate, ac temporum opportunitate congruum judicaverit?

6. Sed posset adhuc magis urgeri difficultas ista. Quamvis enim facilius sit eligere Papam, cumque consulere, quam Concilium generale congregare, vel omnium Episcoporum suffragia sciscitari; tamen per breves illas moras, quibus vacat Sedes Apostolica, Ecclesia fundamento carens collaberetur; Pastore destituta erraret; fratres, deficiente qui confirmaret, à fide dimoverentur, si usque adeò littèraliter intelligenda essent scripturæ loca, quibus summi Pontificis auctoritas constituitur. Hæc tamen, si quid valent, contrariæ opinionis sectatores, magis quam nos, premunt; Cum enim jurisdictionem quam nos summo Pontifici, illi Concilio generali vindicent, quis ea munia obibit interim, dum convocabitur Concilium generale, vel exquirentur omnium Episcoporum vota, quod longiorem trahit moram.

7. Verum in summo Pontifice, non persona ipsa, quæ morti, aliisque casibus humanis subiacet, sed dignitas, auctoritas, & Jurisdictio attendendæ sunt, quæ semper virtute perseverant. Etenim Petro, ceu fundamento, nititur Ecclesia, ab eo confirmantur fratres; ab eo pascuntur Christi oves, & Agni; quia fides, & morum regulæ, quas explicat, Ecclesiæ firmamentum, & cibus sunt. Mortuo autem Pontifice inmotæ permanent ab eo tradita, vel explicata dogmata. Et, si qua oritur nova difficultas, solvetur à Successore, cujus multò expeditior est electio, quam Concilii ex toto terrarum orbe congregatio. Itaque non deficit un-

unquam Ecclesiæ fundamentum, firmamentum, & cibus.

8. Si quis autem instet, saltem tunc temporis Concilium generale supremam immediatè à Christo jurisdictionem habere, nihil contra nos aget, qui Cœtum, seu Concilium generale, cum legitimo, & certo Pontifice conferimus: non autem de Concilii generalis potestate, Sede Pontificali vacante, disputamus. Cæterùm docent plures Autores eo casu posse tantùm Concilium providere necessitatibus urgentibus, & ut Pontifex creetur, procurare; Non autem quæ ad statum Ecclesiæ universæ attinent, non expectato Pontifice, diffinire. Ita Joannes Bagotius Gallus, scilicet Rhedonensis, è Societate Jesu in Apologetico fidei par. 1. lib. 4. disput. 2. cap. 1. sect. 2. num. 7. *Nec verò Ecclesia universalis, si Sedes Petri vacat, aut ob schismatis discordiam de verò S. Petri Successore dubitaret, aliud jus, & potestatem habet, quàm ut eas quæ ad schisma tollendum pertinent, res tractet, & sibi legitimum Caput provideat, sine quo nec Romana, nec vlla alia Ecclesia habet a Deo promissam opem, et auxilium infallibile, pro controuersiis fidei dirimendis, seu statvendo quid credere debeat, &c.* Sanè ut observavit Andreas Duvalius, de Ecclesiastica potest. pag. 58. *Sicut in Ecclesia Cathedrali, Sede vacante nihil est innovandum, ita nec in Ecclesia universali deficiente summo Pontifice.*

9. Objiciuntur adhuc varia incommoda, quæ accidere possent, si absolutæ Pontificis potestatis usus, Conciliorum jurisdictioni, ac directioni non subderetur. Sed eadem, & majora sequerentur ex subjectione Papæ ad Concilium. Itaque in utraque sententia respondendum est, fore ut Divina providentia incommoda illa modis etiam nobis ignotis, propulset, ne portæ inferi adversus Ecclesiam Christi sanguine redemptam prævaleant.

10. Hæc igitur sine præjudicio Dignitatis, & autoritatis Conciliorum verè generalium dicta sint, quorum usum Ecclesiæ utilissimum esse certò cognoscimus. Sed ut existimamus, utque jam in principio notavimus, qui eorum auctoritatem nimis efferunt, eorum convocationi, ac congregationi obicem ponunt, imò dum Concilium sine summo Pontifice, quando legitimus, & certus existit, de quo casu omnis.

nis hæc instituta disputatio est, summo Pontifici opponitur, ac præponitur, non Ecclesiæ utilitati, ac securitati consulitur, sed via schismati aperitur. At verò ut capite cum membris consentiente frequentissima habeantur Concilia generalia, eorumque Decreta ubique, atque ab omnibus custodiantur, optandum, & procurandum est.

11. Ad autoritatem Concilii Basileensis, Papam Concilio generali absolutè supponentis, respondendum videretur: sed illius Synodi exitus comprobavit, quàm periculosa sit illa doctrina, quæ membra separat à capite, eaque invicem committens, caput aliis corporis partibus supponit. Si enim tunc alter Joannes Grangius Caroli VII. Francorum Regis animum in Eugenium IV. Pontificem commovisset; ac Divina providentia non permisisset, ut magis Principi illi suspectus esset Amedeus sub nomine Felicis V. à Concilio Basileensi creatus Antipapa, metuendum erat, ne dirum schisma rursum per plurimos annos Ecclesiam miserabiliter laceraturum foret.

12. Quamobrem consultissimè prætermissa est ab Illustrissimis Præsulibus Gallicanis istius Concilii autoritas, licet ei quam adhibuerunt, Concilii Constantiensis Decretorum interpretationi suffragaretur. Hoc eorum silentium sufficientissima est responsio. Nec dubito quin argumentum ex ea retinentia validius appareat æquo cuilibet Judici, quàm argumentum negativum, quod Launoius in favorem hujus Concilii trahit ex silentio Scriptorum circa pœnitentiam Cardinalis Arelatenfis huic Concilio præsentis, vel tum quando depositus est Eugenius, & electus Amedeus, & tamen in Beatorum album à Clemente VII. relati; imò quam argumentum positivum quo Alexandrum VII. istud Concilium, approbasse infert ex illis ejus Pontificis verbis in Constitutione circa Conceptionem B. Mariæ Virginis. *Accedentibus quoque plerisque celebrioribus Academiis.* Quia nimirum inter illas Academias intellexit Parisiensem; cujus ea de re opinio præcipuè Basileensis Concilii autoritate nititur.

13. Quæ circa secundam istam propositionem adhuc affenda videntur in examine quartæ, quæ strictissimam cum ista conjunctionem, imò inseparabilem, si Launoio credimus, habet, Deo dante, dicemus.

CA-



## C A P U T      X V I I.

*Respondetur argumento Launoii ab epistola Siricii Papæ ad Ausysium & cæteros Episcopos Illyricenses sumpto.*

1. **L** Aunoius Romani Pontificis auctoritatem armis impugnatur, quæ si talia essent qualia ille asserit, nemo esset qui resistere valeret. Traditionem ubique minatur, etiam Romanæ Sedis; quod potissimum est probationis genus; ipsa scilicet partium, quarum interest, frequentius iterata confessio. Verum ita ubique inquirat, ubique captat occasiones deprimentæ auctoritatis Pontificiæ, tam inconsiderato, ne dicam tam temerario scribit stylo, tam frequentibus, tamque iniquis verbis insectatur sanctæ Sedis defensores, ut quilibet æquus Lector animadvertat, non solum ipsius opinionibus nullam deferendam esse auctoritatem, sed etiam diligentius, & absque præjudicio examinanda esse quæcumque ab eo proferuntur, ne conjecturis ejus, aut interpretationibus in errorem pertrahatur: sed proferenda sunt præcipua quædam exempla.

2. Licet autem in declaratione Comitiorum Cleri Gallicani distinguatur propositio de comparatione Papæ ad Concilium, ab alia de non errandi privilegio, tamen Launoius ita connexas esse arbitratur, ut separari nequeant, aut non debeant. Itaque illas aliquando quidem distinguit, aliquando promiscuè tractat. Quæ circa utramque ex Summis Pontificibus eorum auctoritati opponit, præcipua hæc sunt.

3. Epist. 7. tom. 1. ait, illam epistolam quam Siricius Romanus Pontifex de Bonosi rebus in Capuana Synodo gestis ad Ausysium & alios Illyrici Episcopos perscripsit, antiquitatis sacre monumentum esse omni auro pretiosius, & in Ecclesiastica historia, quo satis aestimetur, reperiri nihil. Rationem addit; Nam Siricius in epistola id unum statuit, & confirmat, quod gravissimis quibusque de Romano Pontifice questionibus fieri solitis finem imponit. Non est igitur opus, etiam si vacaret, reliqua omnia profequi, quæ in octo epistolarum tomis congestis, siquidem istud unum gravissimis quibusque de Romano Pontifice questionibus fieri solitis finem

*ponit. Si istud unum Ecclesiasticorum Annalium loca sexcenta, quibus Autor (Baronium intelligit) Romanum Pontificem supra Concilia omnia statuit, & sacrorum Canonum derogatorem facit amplissimum, funditus evellit; cætera tanti esse momenti non possunt.*

4. Anno 391. aut 392. habitum est Capuæ Concilium, in quo de componendo schismate Ecclesiæ Antiochenæ tractatum est: quod negotium, cum propter partium, aut saltem unius ex illis absentiam, definiri non posset, Theophilo Patriarchæ Alexandrino commissum est: actum etiam fuisse dicitur de Bonoso Episcopo Naresitano de hæresi accusato, ejusque causam Anytio Thessalonicensi, & aliis Episcopis Macedoniæ delegatam esse. Item de alio Episcopo nomine Basilio. Primum constat ex litteris S. Ambrosii ad Theophilum; secundum, & tertium ex litteris Papæ Siricii, ad Anytium & cæteros Episcopos titulum præferentibus, infert Launoïus.

5. Disidium Ecclesiæ Antiochenæ narrant Theodoretus, Socrates & Sozomenus. Theodoretus Flaviano uni ex contendentibus magis favet: Socrates autem, & Sozomenus Paulino ejus Antagonistæ, & Evagrio Paulini successori. Launoïus Theodoretum libentiùs sequitur: quia nimirum hic à Flaviano ita stat, ut ejus encomia potius quam historiam scribere videatur, contra sentiente Romano Pontifice, ac etiam totâ Ecclesiâ Occidentali, quam constat cum pluribus Ecclesiis Orientalibus Paulino & Evagrio favisse adversus Flavianum, qui privatum commodum aut honorem publicæ paci anteposuerat. Cum enim constitutum fuisset, & juramento firmatum, ne cum alter eorum, qui de Ecclesia Antiochena tunc disceptabant, scilicet Meletius, aut Paulinus, mortuus foret, successor præmortuo daretur; sed solus ex illis superstes regimen integrum susciperet; Flavianus tamen, qui unus fuerat ex iis qui Sacramento sese obstrinxerant, eam dignitatem post mortem Meletii contra juramenti religionem assumpsit; ac pertinaciter retinens schisma diu prorogavit. Paulinus nihilominus Launoïi suffragio erat indignus, utpotè à Legato Romani Pontificis constitutus Episcopus. Sed de hoc articulo obiter tantum tractat Launoïus.

6. Conatur verd in primis probare, non Siricium Papam, sed sanctum Ambrosium Concilio Capuano præsedisse. Non

cx-

explicat autem an Siricius per suos Legatos interfuerit, aut ejus intervenerit autoritas. Utrumque videtur tacite ac indirectè negare. Sed quæro quâ autoritate poterat Concilium particulare sub Episcopo Mediolanensi congregatum de Ecclesia Antiochena judicium ferre. Nonne jam à Conciliis Nicæno, Antiocheno, & Constantinopolitano strictissimè cautum fuerat, ut cujusque jurisdictio intra proprii territorii limites cohiberetur. Jurisdictio superioritatem involvit: quis autem Antiocheno Episcopo superior erat, præter Romanum Pontificem? Alexandrinus quidem honore Antiochenum præcedebat; sed ei jurisditione non præerat, & si quidem præfuisset, non indignis Theophilus Patriarcha Alexandrinus, ut negotium à Concilio Capuano sibi committeretur: si autem Patres Capuani non Judices, sed amicos pacis communis studiosos se præstabant, quid inferret Launius ex absentia Siricii adversus sanctæ Sedis jurisditionem?

7. At, inquit, *Ambrosius potissima quaque exequitur*. Scripserat quidem S. Ambrosius Theophilo, sed Synodi nomine: rescripsit ei Theophilus; nempe cum jam amplius non esset congregata Synodus, scribenti sibi respondit. Num Patriarcha Alexandrinus, qualis erat Theophilus, ad indebitam autoritatem usurpandam paratior, quàm ad propriam Dignitatem demittendam, jurisditionem ab Episcopo Mediolanensi, vel etiam à Concilio particulari recepisset; nisi accessisset major, Romani scilicet Pontificis potestas.

8. Sed suspectus, inquit Launius, erat Siricius, quia Flaviano minus favebat. Eadem ratione non debuit S. Ambrosius Concilio interesse, nedum non præsidere. Certum enim est, non solum Romanum Pontificem, sed etiam omnes Occidentales, & plures etiam Orientales Flaviani ordinationem improbasse. Quid quod etiam Theophilus suspectus fuisset, contra id quod asserit S. Ambrosius, & ipsius autoritate nixus Launius? Nam Theodoretus, cujus testimonij cæteris præfert modò dictus Launius, narrat lib. 5. histor. cap. 23. ordinationem Flaviani non solum Romanos, sed etiam Ægyptios diu insensos reddidisse Orientalibus. Erat autem Theophilus Alexandriæ, atque adeò totius Ægypti

3CO TRACTATVS DE LIBERTATIBVS,  
Patriarcha. Verùm aliud est odium privatum, quod Iudices  
plerumque excæcat; aliud Ecclesiasticæ disciplinæ zelus;  
quo ducebantur Siricius, Ambrosius, Theophilus, de quo-  
rum commodo non agebatur.

9. Sive autem Siricius Concilio Capuano præfuerit, sive  
ab eo abfuerit, S. Ambrosius in illa ipsa epistola, quam re-  
fert Launoius, apertissimè significat debere Theophilum ne-  
gotium ad Romanum Pontificem referre, atque ita judicare,  
ut iudicium ei probetur, alioquin rejectum etiam iri à cæte-  
ris Episcopis Occidentalibus. Sic enim epistolam concludit;  
SANE REFERENDVM ARBITRAMVR AD SANCTVM FRATREM  
NOSTRVM ROMANÆ SACERDOTEM ECCLESIAE, quoniam præ-  
sumimus ea te iudicantem, quæ etiam illi displicere nequeant. Ita enim utili-  
ter erit consultum sententia, ita pacis & quietis securitas, si id resso statua-  
tur Concilio, quod communioni nostræ dissensionem non adferat, ut nos quoque  
acceptæ vestrorum serie statutorum, cum id gestum esse cognoverimus, quod Ec-  
clesia Romana haud dubiè comprobaverit, lati fructum huiusmodi examinis adi-  
piscamur. Quid tantoperè Ambrosio curandum erat, ut nego-  
tium ad Romanum Pontificem à Theophilo referretur, & ni-  
hil quod ei displiceret decerneretur? Si enim, ut postea  
dicit Launoius, Siricius ipse agnoscebat Concilii Capuani  
autoritatem suâ esse superiorem; faciliè poterat in ordinem  
redigi; dum iustam, licet sibi minùs gratam, sententiam  
comprobare recusaret.

10. Sed veniamus ad epistolam, quâ putat acutus censor  
gravissimis quibusque, de Romano Pontifice quaestionibus fieri solitis, finem im-  
poni. Est autem epistola huiusmodi; Dilectissimis fratribus Anysio,  
& cæteris Episcopis per Illyricum constitutis, Siricius. Accepi litteras vestras  
de Bonoso Episcopo, quibus vel pro veritate, vel pro modestia nostram senten-  
tiam sciscitari voluistis. Sed cum huiusmodi fuerit Concilii Capuensis iudicium,  
ut finitimi Bonoso atque ejus accusatoribus Iudices tribuerentur, & præcipuè  
Macedones, qui cum Episcopo Thessalonicensi de ejus factis vel cognoscerent,  
advertimus quod nobis iudicandi forma competere non posset. Nam si integra es-  
set hodie Synodus, rectè de iis, quæ comprehendit vestrorum scriptorum series  
decerneremus. Vestrum est igitur, qui hoc recepistis iudicium, sententiam fer-  
re de omnibus, nec refugiendi, vel elabendi vel accusatoribus vel accusato ec-  
ciam dare. Vlcem enim Synodi recepistis quos ad examinandum Synodus elegit.  
Denique cum Bonosus Episcopus post iudicium vestrum misisset ad fratrem nostrum

Am-

*Ambrosium, qui ejus sententiam consuleret interdictam sibi Ecclesiam irrumpere atque ingredi, responsum est ei, quod nihil temerandum foret, sed omnia modestè, patienter, ordine gerenda, neque contra sententiam vestram tentandum aliquid, ut quod videretur vobis justitiæ convenire statueretis, quibus hanc Synodus dederat auctoritatem. Ideo primum est ut ii judicent, quibus judicandi facultas est data. Vos enim totius, ut scripsimus, Synodi vice decernitis, NOS QUASI EX SYNODI AVTORITATE IUDICARE NON CONVENIT.*

11. Falsò hanc Epistolam tribui Siricio probat Joannes David Doctor Parisiensis in libro de judiciis Canonicis Episcoporum cap. 10. art. 4. duplici ratione. Prima quod in illa Epistola nulla fiat mentio damnationis jam factæ à Siricio, & à Concilio Mediolanensi, erroris Joviniani virginitatem Deiparæ negantis, quem sequebatur Bonosus, sed ejus judicium omninò Episcopis Macedoniæ permittatur, quasi summi Pontificis hac de re sententia ab Ecclesia Occidentali recepta nullius esset momenti: imò autor Epistolæ hæresim illam confutet, tanquam antea nunquam damnatam. Secunda, quia ejus doctrina minus habet soliditatis, quàm ut Siricio, vel etiam alii Romano Pontifici adscribenda videatur. Verùm, ne nos Launoium imitari videamur, qui ea quæ sibi videntur incommoda, facilè falsi accusat, supponimus eam Epistolam esse Siricii, sed eam sanctæ Sedis Dignitati consulere, nedum non obeam demonstramus.

12. Launoius verba illa Siricii; *sed eion hujusmodi fuerit Concilii Capuensis judicium, &c.* glossatur in hunc modum; *simplex, & ingenua est Siricii Confessio, quâ non Capuensis modò Concilii, sed etiam delegatorum à Concilio judicum auctoritas Romani Pontificis auctoritate superior exhibetur.* Sed quis non videt glossam à textu esse alienissimam? Nusquam Siricius insinuat Concilii Capuani, aut ejus delegatorum auctoritatem esse suâ superiorem: nec ea potuit ei cogitatio in mentem venire; nisi fortè oblitus esset, se Romanum Pontificem esse; hoc est Petri successorem, Christi Vicarium, totius Ecclesiæ Caput. Non fatetur Siricius se nullo modo posse judicare de causa Bonosi. Nam saltem per appellationem poterat ejus esse Judex, ut à Concilio Sardiensi jam declaratum fuerat; quod satis erat, ut se superiorem meminisset. Non enim appellatur nisi à minore ad majorem:

jorem : solum igitur significat Siricius sibi *judicandi formam competere non posse* ; idest non posse judicare tanquam à Synodo delegatum , ut inferius explicat his verbis ; Nos quoque ex Synodi auctoritate iudicare non convenit.

13. Decebat ut qui à Synodo deputati fuerant , sententiam ferrent ; non decebat autem ut summus Pontifex , se illis adjungens , *quasi ex Synodi auctoritate judicaret*. Non tamen reformandi iudicii , si opus foret , auctoritati remanebat Siricius ; imò se illam sibi reservare insinuat hac voce , *primum*. Ideò , inquit , *primum est ut ii judicent , quibus judicandi facultas est data*. An major erat Thessalonicensi Episcopo auctoritas collata , quàm Patriarchæ Alexandrino , quem suprà vidimus à sancto Ambrosio monitum , ut referret iudicium suum ad Episcopum Romanum , & ut talè daretur , quod ei non displiceret ; sed potius ab Ecclesia Romana comprobaretur.

14. Licet autem Siricius circa Bonosi personam iudicium integrum deputatis reliquerit , eo quod audiendi essent accusatores , reus , & testes ; tamen circa dogma sententiam tulit. Nam post verba suprà relata sic prosequitur ; *Sane non possumus negare de Maria filiis jure reprehensum ( Bonosum ) meritoq; vestram Sanctitatem abhorruisse , quod ex eodem utero virginali , ex quo secundum carnem Christus natus est , alius partus effusus sit , &c.* Sed , inquit Lau-noius , ad distinctionem recurrens , quam alibi deridet , *quod Siricius ut Judex facere non potuit , facit ut privatus Theologus*. Si errasset Pontifex in illa responsione , quot probra coniecisset Lau-noius in scriptores , qui eum ut *privatum Theologum* respondisse dixissent ? Non nisi ex Cathedra posse definire Pontificem de rebus fidei consultum à Judicibus per celebre Concilium deputatis , contendisset. At verò quia Romani Pontificis auctoritas in eo elucet , quod Delegati à Concilio Capuensi non sint ausi iudicium ferre , nisi postulatà circa omnia Siricii sententià ; Siricius autem dogma fidei determinaverit , & quæ ad factum , seu crimen pertinebant , ipsorum examini remiserit , ut juxta Concilii Decretum de illo judicarent ; Cum hujusmodi fuerit Concilii Capuensis iudicium , ut finitimi Bonoso atque ejus accusatoribus Judices tribuerentur , & præcipuè Macedones , qui cum Episcopo Thessalonicensi de ejus factis vel cognoscerent : Pontifex non jam ut Pontifex , sed ut privatus Theologus locutus dicitur.

15. Sed

15. Sed quo fundamento nititur hæc Launoii sententia? Siricius, inquit, in postrema Epistola clausula significat, se definire nihil quoad Ecclesiæ dogma referatur, sed expectare quid D. legati à Capuana Synodo Iudices definituri sint. Sed quomodo definit nihil, qui, ut ait paulò antea Launoius, opinionem quæ Bonoso tribuebatur, scripturis, & rationi contrariam esse ostendit? Scilicet quia hoc facit ut privatus Theologus. Quid ergo facit ut summus Pontifex? Expectat quid D. legati à Capuana Synodo Iudices definituri sint. Unde hoc habet Launoius? Ex eo, quod Siricius suam Epistolam his verbis concludit; Legimus etiam & omnia percurramus, vel de eo, quod fratris nostri, & Coepiscopo Basso in consertium regenda Ecclesia datus est Sennecio, vel de cæteris, unde vestra normam expectamus sententia. Atqui in his verbis agitur de alio negotio, nempe de Coadjutore dato Basso, non de dogmate fidei. Cur ergo illa verba, vel de cæteris, referantur ad doctrinam Bonosi, de qua jam loqui desierat.

16. Sed concedamus, etiam de Bonoso esse illa intelligenda: ad quid Siricius delegatorum à Concilio normam expectat sententia? Addit Launoius; Ad quam nimirum & Siricius & cæteri fidem suam dirigant. Papa igitur, qui ut Theologus privatus delegatis à Concilio suam opinionem exposuerat, ut Summus Pontifex ad eorum sententiæ normam fidem suam dirigere tenebatur; Nec solus Siricius, sed etiam cæteri. O mira autoritas! Ergone qui à Concilio particulari deputantur, ut de unius Episcopi factis cognoscant, tam insigni gaudent non errandi privilegio, ut Romanus Pontifex & cæteri ad eorum sententiæ normam fidem dirigere teneantur? Tota ergo Ecclesia illis suberit. Eam enim repræsentant Siricius & cæteri. Parum curat Launoius, ut autoritas suprema reservetur Concilio generali, dummodo Romano Pontifici adimatur. Ut submitatur Papa deputatis à Concilio particulari, cæteros etiam eis subijciat. Ita est affectus erga sanctam Sedem: Ita æquus habendus est ejus potestatis Juxta.

## C A P U T XVIII.

*Respondetur aliis quibusdam Launoii objectionibus.*

1. **S**I fortissimum Launoii propugnaculum corrui, hoc est, si id unum quod ex ejus mente gravissimis quibusque de Romano Pontifice *questionibus fieri solitis finem imponit*, Pontificis auctoritatem non lædit, ut superiori capite vidimus, parum metuenda sunt reliqua ejus tela. Itaque ne à proposito nobis scopo longius recedamus, cunctis, quæ ille per plures annos commentus est adversus sanctam Sedem, non opus est respondere. Ex iis quæ confutavimus satis intelliget Lector, quale sit illius Scriptoris ingenium, quale adversus Romanam Curiam ejus studium; ne odium dicam. Plurima ex iis, quæ scripsit Launoius, ab aliis jam scripta, sed ab aliis etiam confutata fuerant, vel fuerunt postea. Itaque nonnulla tantum hic expendemus vel ab illo frequentius inculcata, vel ab aliis prætermissa.

2. In eadem epistola septimi tomi, & in aliis congregat plurima Summorum Pontificum testimonia, ut probet ipsos Conciliis subesse: sed ex illis non aliud quidquam colligitur, quàm Summorum Pontifices Canonum custodes & vindices acerrimos fuisse; unde constat, quod lib. 1. cap. 12. notavimus, Canonum custodiam, Ecclesiæ Gallicanæ, quæ in ea ponit suas libertates, non esse propriam, imò veriùs Libertates Ecclesiæ Romanæ posse nuncupari. Ne cui autem difficultatem facebant illa verba, quibus significari videtur, non posse Summos Pontifices Canonibus derogare, animadvertendum est, quadrifariam secundùm Juris interpretes aliquid fieri non posse. Primò validè. Secundò licitè. Tertio honestè. Quarto utiliter. Itaque in omni negotio attendendum monent, non solum quid fieri valeat, sed etiam quid liceat, quid debeat, quid expediat. In hujusmodi ergo Pontificum testimoniis, in quibus aliquid fieri non posse dicitur (quæ pauca sunt) ex materia, & ex ipso contextu judicandum est, quis ex illis quatuor sensibus accipiendus sit.

3. Pri-



3. Primo loco citat Julii epistolam ad Orientales; in qua hæc verba habentur; *Id verè ad Synodi tantum & Episcoporum, qui in Synodo fuerunt, contumeliam vergeret, si qua illi tanto studio & curâ velut Deo præsentè egissent, à nobis ut vana futiliaq; abrogarentur.* Hæc verba à quolibet superiore convenientissimè dicerentur. Nam etiam Concilium Oecumenicum de iusto unius Episcopi iudicio sic loqueretur; *Id verè ad talis Episcopi contumeliam vergeret, si quæ ille tanto studio & curâ velut Deo præsentè egisset, à nobis ut vana futiliaq; abrogarentur.* Itaque illa rei iudicatæ aut statutatæ iustitiam arguunt, non autem defectum potestatis, ad eam retractandam, si minus iusta esset.

4. Eamdem autem reverentiam Romani Pontifices suorum Prædecessorum Decretis, quam Conciliorum statutis exhibebant, ut animadvertere licet in his verbis Liberii, quæ ex ejus ad Constantium Imperatorem epistola citat deinde Launoïus. *Nunquam mea statuta, sed Apostolica, ut essent semper firmata & custodita perfeci, secutus morem majorum nihil addi Episcopatus Urbis Romæ, nihil minui passus sum.* Addit Launoïus; *Hæc adeò sunt perspicua, ut explicatione nullâ egeant.* Perspicua quidem illa sunt. Sed quid inde? Si enim Apostolica Statuta intelligantur, ut ex contextu videntur intelligenda, quæ ab Apostolis sunt constituta, non faciunt ad comparationem Pontificis cum Concilio: si accipiantur de Summorum Pontificum Decretis, eorum firmitas statuitur contra Launoïum. Porro sicut absurdè concluderetur, unum Pontificem esse Prædecessore suo minorem, ex eo quod ejus statuta firmaret, custodiretque: ita ex eo quod Pontifices Conciliorum Canonibus se adhærere profiterentur, malè colligitur illos esse Conciliis inferiores. Prosequitur Launoïus; *Sed si quâ (explicatione) egerent, hæc in Constantii & Liberii Dialogo habentur, ex quo citat sequentia; Imperator: unum est, quod quaritur. Volo enim te, ubi Ecclesiarum communionem fueris amplexus, mittere iterum Romam, proinde consule paci & subscribens Romam redi. Liberius: Roma jam fratribus valedixi.* Hactenus nihil est, quod verba superius relata explicet ad mentem Launoïi; fortè lux affulgebit in verbis sequentibus, quæ Launoïus grandioribus characteribus signat; *Potiores sunt Ecclesia leges quàm Romana habitatio.* Numquid peremptorium tibi videtur enthymema; *Potiores sunt leges Ecclesia quàm Romana habitatio:*

Qq

Ergo

Ergo Papa subjacet Concilio : vel , ergo Papæ judicium in quæstionibus Fidei non est irreformabile : quia præstat Ecclesiæ legibus obtemperare , quàm Romæ commorari , Concilium Papæ præeminet. Sed probat consequentiam Launoius , *Nempe* , inquit , *inaudirum à se Episcopum , & ab Adversariis injustè tractatum condemnare non poterat*. Neque Concilium Occumenicum id posset , quia jus naturale ac Divinum violaret , si *inaudirum à se Episcopum , & ab adversariis injustè tractatum condemnaret*. Quid etiam inde sequitur ?

§. Cælestinus ( ut in illis tantum immoremur , quæ aliquid difficultatis præ se ferunt ) scribit ad Episcopos Illyrici , quod refert Launoius , *Dominetur vobis regula , non regulis dominemur : finis subiecti Canonibus , cum Canonum præcepta servamus*. In Concil. Rom. collect. bipart. Lucæ Holstenii num. 13. quæ verba videntur Romanum Pontificem Canonibus , atque adeò Conciliis , à quibus conditi sunt Canones subjicere. Sed integram epistolam legenti patet , Cælestinum , licet de se , sicut de aliis præ modestia loquatur , tamen hæc in se transfigurasse , ut ex illo Episcopi discerent , non plus sapere , quàm oportet sapere. In illa enim epistola Ruffum Episcopum Thessalonicensem Vicarium Apostolicum per Illyricum constituit. Ita ut , inquit , *ad eum quicquid de causis agitur referatur : sine ejus consilio nullus ordinetur , nullus usquepote eodem inconscio commissam illi Provinciæ*. Colligere , nisi cum ejus voluntate Episcopo non præsumant : per eum etiam ad nos si quid est referatur. Probat autem necessitatem constituendi Vicarii ex eo , quod ad Romanum Pontificem spectet servandos Canones curare ; quos violandos paulò antè fuisse commemorat , nisi ipse occurrisset , *Quorundam* , inquit , *accusantium scilicet frater & Coepiscopus noster Felix , si non nostra intervenisset diligentia , fuisset oppressus*. Insinuat præstantiam sibi obedientiam. Ita enim , inquit , *ordinatio cuncta se habet , ut majoribus ea quæ sub his esse docentur , obediant , & in hoc gradu regularum cuncta vertuntur*. Deinde probatâ suâ , tanquam S. Petri successoris autoritate , addit ; *Dominetur vobis regula , &c.* Unde constat regulas illas esse , de quibus paulò antè dixit ; *Et in hoc gradu* ( ut scilicet inferiores majoribus obediant ) *regularum cuncta vertuntur*. Atque adeo hæc ad Episcopos referenda , quamvis , ut diximus , Cælestinus præ modestia se illis adjungat. Is etiam

etiam sensus colligitur ex verbis immediatè sequentibus. *Sunt culpa aliquanta non leves, quæ illis innata Provinciis ad nos, cum sinus longius, non possunt pervenire, &c.* quæ innuunt, Cælestinum de servandis in Illyrico Canonibus sermonem facere.

6. Sed etsi hæc verba de se Summus Pontifex protulisset, ex iis tamen non concluderetur, Summum Pontificem Conciliis subjacere. Cum enim Canones aliquid Divini, aut naturalis juris admixtum plerumque habeant, tenetur quilibet ex ipsa iustitia naturali aut ex lege Divina observare, quod juris naturalis aut Divini est. Ita in aliis testimoniis quæ à Launoio adducuntur, ut ostendat, Pontifices sese Canonibus subjectos agnovisse; subjectio illa petitur ex rerum decretarum iustitia: & si quando etiam conditorum fit mentio, eo tantum spectatur, ut ex ipsorum numero, doctrina, vel sanctitate insinuetur, ipsos veritatem assecutos. Quamobrem aliunde Launoio conquirendæ essent probationes illius subjectæonis.

7. Post Cælestinum producit hoc Sixti III. testimonium ex epist. ad Episcopos Illyricenses in collect. Rom. ubi supra num. 17. *Ut omne corpus capite regitur, ita ipsum caput, nisi suo corpore sustentetur, firmitatem & vigorem suum perdit, & non tenet quam habuerat Dignitatem.* Sed hæc verba etiam seorsim sumpta, non minus Pontificis, quàm Concilii auctoritatem significant. Nam si *corpus capite regitur*, Ecclesia regitur à Pontifice, atque adeo qui regit, ei, quæ regitur præeminet. At si quis legat integram epistolam, fieri non poterit quin Pontificem illic Concilio præferri animadvertat. Creat enim Sixtus Episcopum Thessalonicensem Vicarium Apostolicum cum multis prærogativis, quarum una est, ut Episcopos in Concilium evocet, qua occasione hæc scribit, quæ certè significant, Pontificem non subjacere Concilio. etiam Generali; intelliguntur enim de Concilio Ephesino secundum Holstenium; *Nec his vos fratres carissimi constitutis, quæ præter nostra præcepta Orientalis Synodus decernere voluit, credatis teneri; præter id quidem quod de fide nobis consentientibus iudicabit.*

8. Non est prætermittenda Innocentii III. auctoritas, quam tum in eadem epistola, tum alibi, ut magni momenti ponderat Launoius. Is lib. 3. Regest. 15. epist. 104. sic scribit

ad Philippum Augustum Regem Franciæ divortium inter se & Regiam fieri postulantem; *si super hoc absque Generali deliberatione Concilii determinare aliquid tentaremus, præter Divinam offensam, & mundanam infamiam, quam ex eo possemus incurrere, forsitan ordinis & officii nostri periculum inuinceret, cum contra præmissam veritatis sententiam (quod Deus conjunxit homo non separet) nostra non possit auctoritas dispensare.* Innocentius, ut Launoio videtur, in his verbis dogmata connectit duo, potestatem se Concilio iuniorum habere, & non errandi privilegio se carere, quæ Concilio tribuit. Verum si res, de qua est sermo, imo si velsola verba relata expendantur, nemo facile assentietur Launoio. Agitur enim de dissolvendo matrimonio ritè celebrato ac consummato, quod jure Divino neutiquam obscuro, est insolubile. Veritatis enim Oraculum est, *quod Deus conjunxit homo non separet.* De illo ita non dubitabat Innocentius, ut metueret, ne si dispensationem à Philippo petitam concederet, adversus legem illam Divinam agens, de hæresi habendus esset suspectus, atque aded à sua Dignitate deponendus.

9. Non erat igitur quæstio de exponendo aliquo dubio, circa quod requireretur aut Papæ aut Concilii judicium. Est enim aded certa veritas, ut si quis illam indirectè, ac quasi interpretativè, puta concessa contra illius prohibitionem dispensatione negaret; ei, *præter Divinam offensam, & mundanam infamiam, forsitan ordinis & officii sui periculum inuinceret.* Qua igitur ratione infert Launoius, Innocentium docere, non errandi privilegio se carere; illudque Concilio tribuere? Num dubitabat Pontifex an ex jure Divino esset insolubile matrimonium legitime contractum & consummatum; illudque definire non ausus, ne fortè erraret, causam censebat ad Concilium Generale, utpotè Judicem infallibilem deferendam? Quodnam erat circa fidem dubium, cujus occasione posset hoc privilegium sibi abnuere, ac Concilio adscribere! Num etiam se super Regis ac Reginæ matrimonio dispensare non posse agnoscens, profitetur Concilium Generale illà potestate præditum, atque aded Papâ majus esse? Num quod Deus conjunxit, separari potest à Concilio Generali?

10. At, inquit, timet Innocentius, *ne si super hoc absque Generalis deliberatione Concilii determinare aliquid tentaret, ordinis & officii sui periculum inuinceret.* Ergo si cum Generalis deliberatione Concilii determina-

ret,

*res, tale periculum non immineret*; atque adeo Concilii potestatem suâ majorem agnoscit. Impossibilis quidem est illa suppositio. Nec enim potest summus Pontifex cum Concilio Generali determinare aliquid contra jus Divinum, quale esset istud. *Id, quod Deus conjunxit, homo potest separare*. Si tamen hoc per impossibile contingeret, tutus esset Pontifex à depositione propter assensum Concilii Generalis. A quo enim timeret ne deponeretur? Ideo ne Pontifex Concilio absolutè se subditum fatetur?

11. Urgebis ex iis saltem verbis inferri, posse aliquando deponi Pontificem; atque adeo inferiorem esse Concilio, ad quod spectaret ejus depositio. Docent quidem Doctores quamplurimi, Papam, si hæreticus foret, à Concilio exautorari posse. Sed sophisma est Launoii, à dicto secundum quid ad dictum simpliciter argumentantis, dum absolutè concludit Pontificem esse Concilio inferiorem, quia in casu hæresis Concilio subiectus conceditur ab aliquibus; aliis, Papam in hæresim publicè incidere atque in ea pertinaciter permanere, (quod ad ejus depositionem requireretur) posse negantibus; aliis denique in eo casu ipsum, Ecclesiæ membrum, multò magis caput, atque adeo Pontificem esse desinere, nec ab Ecclesia deponendum, sed depositum declarandum assententibus. Malè igitur ex casu impossibili, vel incerto, vel rarissimo statueretur regula generalis.

12. Et quod mirum est, aliqui ex iis Autoribus, quos contra summum Pontificem producit, in illis ipsis verbis, quæ profert, ejus sophisma dissolvunt. V. g. in epistola penultima ejusdem tomi primi, Umberti Prædicatorum Magistri Generalis quinti testimonium allegat, affirmantis Ecclesiam totam subesse summo Pontifici, nisi in casu, quo esset hæreticus. Hæc enim sunt ejus verba sermonum didacticorum par. 2. serm. 70. à Launoio exscripta; *Papa, qui est super omnes, potest deponi ab Ecclesia, quæ tota subest ei*, IN CASU. Nonne hæc verba (IN CASU) subjectionem Generalem excludunt? Quamobrem contra se pugnat Launoius, cum prolato illo testimonio adjungit; *Hæc ille tantum perinde ac si de hac thesi inter omnes convenisset, ut certè & illo, & superiori tempore conveniebat, doctrinam hanc Parisiis, & Bononia acceperat, &c. Conveniebat ergo inter omnes præsertim Parisiis, & Bononia, Papam esse super omnes & totam Ecclesiam subesse*

310 TRACTATUS DE LIBERTATIBVS, &c.  
*ei*, nisi IN CASU. Si deprimendæ Pontificiæ autoritatis ardor Launoium non perturbasset, hæc & alia similia sibi adversari vidisset.

13. Abstinuisset Launoius à commendanda Umberti autoritate, ejusque laudanda sententia, tanquam Parisiis & Bononiæ consentienter recepta, si ejus testimonium apud Autorem ipsum lectum aut legendum putasset: Ibi enim Umbertus nonnisi ex occasione scripsit, Pontificem posse deponi ab Ecclesia *in casu*. Sed præterquam quod esserit, quod *tota Ecclesia subest Pontifici*, totus ille sermo est de Principibus ab Ecclesia deponendis. Ejus titulus est; *sermo in solenni depositione magnatum secularium per Ecclesiam facienda*. Inter alia autem argumenta, quibus probat Principes ab Ecclesia posse deponi, adducit istud; *Papa, qui est super omnes, potest deponi ab Ecclesia, qua tota subest ei*, IN CASU: additq; *continuo*, ergo multo fortius QVICVMQVE REX DEPONI POTEST A PAPA, CUI OMNES SVBSVNT. Ergo juxta mentem Umberti Papa potest deponere quoscumque Principes. Si tota Ecclesia subest: ipse *in casu* tantum deponi potest. Vide quantum præsidii suppeditet Umbertus Launoio, & ejus affectis.

14. Innumeris propemodum in locis repetit Launoius, Pium secundum etiam in diplomate, quo retractavit sententiam, quæ Concilium supra Pontificem statuit, declarasse, illam esse antiquam: ac super eo fundamento mirificis laudibus antiquitatem commendat: sed causam deploratam defendere se prodit, qui tam miseris eam tueri nititur argumentis. Pius enim, ut ejus diploma tranquilla mente legentibus patet, sententiam illam *antiquam* vocat, non absolute, sed quantum ad se; quia nimirum illam olim propugnauerat, & ab ea tardiùs quàm Cardinalis Julianus recefferat. *Tuebamur*, inquit Pius, *antiquam sententiam*; ille (Julianus) *novam defendebat*. *Extollebamus Generalis Concilii autoritatem*; ille *Apostolica Sedis potestatem magnopere collaudabas*. In eo sensu illum, antiquam appellare sententiam tum alia multa explicant, tum ea quæ immediate præcedunt: *Sape*, inquit Pius, *cum eo (Juliano) sermonem pro veteri consuetudine miscuimus, sape de rebus Basileensis disputavimus. Tuebamur antiquam sententiam, &c.* Eo igitur modo erat *antiqua sententia*, quo erat *vetus Pii consuetudo* miscendi sermonem cum Juliano.

L I.

# LIBER SEXTUS

De firmitate Canonum, & libertatum Ecclesiæ Gallicanæ, occasione tertiæ propositionis Comitiorum Cleri Gallicani, scilicet.



*Incipit Apostolicæ potestatis usum moderandum per Canones spiritu Dei conditos, & totius Mundi reverentiâ consecratos. Valere etiam regulas, mores, & instituta à Regno, & Ecclesia Gallicana recepta, Patrumq; terminos manere inconcussos, atque id pertinere ad amplitudinem Apostolicæ Sedis, ut statuta, & consuetudines tantæ Sedis, & Ecclesiarum consensione firmatæ propriam stabilitatem obtineant.*

## CAPUT PRIMUM.

*Summarium propositionis examen.*

1. **P**otestatis usum non potestatem ipsam summi Pontificis moderandam censent Illustrissimi Antistites: quia nimirum autoritati à Christo ipso collatæ solus qui contulit potest modum ponere, ac limites præfigere. Sed videtur quemadmodum potestatem, ita & potestatis usum, solus qui concessit posse moderari, nisi eam facultatem alteri permiserit; quæ facultas cui, quando, quatenus sit indulta, ignoramus. Scimus quidem inesse Apostolicæ Sedi, ac Petri successoribus Christi Vicariis rerum spiritualium plenam potestatem, ut habet secunda propositio, sed à quo

312 TRACTATUS DE LIBERTATIBVS,  
quo possit illius potestatis usus impediri, ac ligari; unde habemus?

2. Docent Illustrissimi Præsules, id fieri debere *per Canones spiritui Dei conditos, & totius mundi reverentiâ consecratos*. Absit, ut ego putem debere summum Pontificem Divinas illas, & ubique receptas regulas perfringere; quin etiam ex animo cuperem, ut ad illarum observationem alios adigeret, præsertim in Gallia, ubi, ut notavit Autor libelli Gallico idiomate conscripti occasione rerum in Comitibus Cleri illius Regni tractandarum, vix alia in re viget auctoritas Romani Pontificis, quàm in concedenda prætermittendorum Canonum venia.

3. Potestatem igitur Romani Pontificis ad dispensandum super Canonibus agnoscunt Galli, siquidem tam frequenter eam implorant: Usus illius esse moderandum, & nos agnoscimus, idque Ecclesiasticæ disciplinæ, ac consequenter Christianis moribus plurimum conducere arbitramur: sed quia incidunt interdum causæ, ob quas à jure communi, atque à Canonibus, vel à Canonum littera, recedendum videatur, cujus erit tunc temporis dubium solvere? Nec enim pro quibuscumque rebus congregari generalia Concilia possunt. Nonne Summi Pontificis, cum Canonum sit non solum custos, & vindex, sed etiam interpret? Itaque vel nulla, vel necessaria, vel dubia erit causa, propter quam prætermittentur Canones: si necessaria vel dubia, pro Papa, utpotè Superiore, judicandum erit, ipsique parendum. Absque ulla verò causa ipsum Canones *spiritui Dei conditos, & totius mundi reverentiâ consecratos* violaturum non existimo: quod si tale aliquid ejus Officiales, tentarent; id unum à Clero Gallicano postularem, ut eâ se ratione gereret erga sanctam Sedem, quâ se habet erga Regem, cum à Regiis Officialibus injuriam aliquam patitur.

4. Non enim minor reverentia debetur in spiritualibus Christi Vicario, quam in temporalibus Principi sæculari; nec minus scandalosum, ac Religioni periculosum est summo Pontifici adversari, prætextu violatorum Canonum, quàm societati civili, ac tranquillitati publicæ Potestatibus Mundi resistere, cum injusta exigunt. Sed quàm magis metuentum est, ne qui tam generosè in supremum Pastorem insurgunt,



gunt, quasi Canones violet cùm Canonum observationem urget, Principibus Sæcularibus, eorumque Ministris non solum temporalia, sed etiam spiritualia Ecclesiæ jura usurpantibus, ultrò obsequantur, ne dum se viriliter, pro suo Pastoralis officio, atque ad exemplum Sanctorum quamplurimum Antistitum, quos historiæ celebrant, & universa veneratur Ecclesia, non opponant. Exemplo sunt concessio Regaliæ non expectato Papæ consensu, ad quem delatum fuerat negotium, quique Concilii Lugdunensis Decretum exequendum curabat, & declaratio circa potestatem Ecclesiæ eâ occasione facta.

5. Quas regulas, quos mores, quæ instituta valere contendant Illustissimi Antistites, non satis capio; quandoquidem illa à Regno, & Ecclesiâ Gallicanâ recepta dicuntur. His namque verbis, nisi fortè Regnum, & Ecclesia copulativè sumantur, quod magis crediderim, viderentur, non solum disciplinam Canonicam in Ecclesiis illius Regni vigentem retinere velle, quod quamdam præfert Religionis speciem, sed etiam innumeris abusum, qui contra jura, & libertatem Ecclesiæ à Magistratibus sæcularibus inducti sunt, & quæ ceu Regni leges habentur, quales sunt appellationes tanquam ab abusu, judicia criminalia de personis Ecclesiasticis in Tribunalibus Laicorum prætextu casuum privilegiatorum, cognitio causarum Ecclesiasticarum, & spiritualium sub prætextu possessorii, & alia multa, de quibus recurret sermo, ubi de singulis libertatum Ecclesiæ Gallicanæ capitibus tractandum erit.

6. Sequitur in prædicta propositione; *Patrumque terminos manere inconcussos, atque id pertinere ad amplitudinem Apostolica Sedis, ut statuta, & consuetudines tantæ Sedis, & Ecclesiarum consensione firmata propriam stabilitatem obtineant.* Magnifica verba, &, prout sonant, obviis ulnis excipienda? Si enim per regulas, mores, & instituta à Regno, & Ecclesiâ Gallicanâ recepta, nihil aliud intelligitur, nisi statuta, & consuetudines Apostolica Sedis, & Ecclesiarum consensione firmate, æquissimum est, ut propriam stabilitatem obtineant, Patrumque terminis mancant inconcussi. Operæ autem pretium esset statuta ejusmodi. & consuetudines percensere, ac quid, & à quo in illa peccetur notare, promptissimumque remedium apponere.

R r

7. Alio-

7. Alioquin enim nequaquam tollitur suspicio, ne sub honestorum verborum specie occultetur animus sanctæ Sedis Decreta propriis rationibus accomodandi, & quidquid minus commodum visum fuerit, licet aliàs Canonicæ disciplinæ congruum, & Ecclesiæ utile, respuendi.

8. Quamvis autem non constet quæ sint illa statuta & consuetudines; summo tamen Pontifici opponi intelligimus, & ex temporis circumstantia conjicitur ea esse præsertim, quæ in negotiis superioribus his annis gestis, violata esse querebantur Episcopi. Itaque in hoc libro de potestate summi Pontificis in Gallia, ac de articulis illis præcipuè agemus, in quibus libertates Ecclesiæ Gallicanæ læsæ dicebantur. Alia enim illarum libertatum capita particularia tunc tractabuntur, cum percurreretur collectio Petri Puteani, aliorumque illarum defensorum.

## C A P U T II.

### *De autoritate summi Pontificis in Ecclesiam Gallicanam.*

1. **T**Amaltè Gallorum animis impressus fuit de suprema Romani Pontificis dignitate, & autoritate sensus, ut posterioribus etiam sæculis, cum eam intra certos terminos concludere conarentur florentissimi illius Regni Scriptores, alii quidem indignati propter incommoda, quæ sibi ex abusu Pontificiæ potestatis accidisse putabant; alii ad tuendam, vel potius augendam Regiam Majestatem, & jurisdictionem: nunquam tamen illam magnificis laudibus non evexerint. Nihil enim illorum libros legentibus frequentius occurrit, quam Papam esse Christi Vicarium, primum Ecclesiæ Pastorem, successorem sancti Petri, ejus jurisdictionem ad omnes Christiani orbis partes pertingere, aliaque innumera his similia, quæ cum à Gallis proferuntur, a vitum, ac ferè ingentum testantur illius nationis erga sanctam Sedem studium, magis fortè quàm modernorum affectum.

2. Quando igitur primum Gallicis Autoribus accidit ut de-

debitam sanctæ Sedi reverentiam violarent , vel obedientiæ vires infringere; illuc , ut jam diximus aut indignatione , aut perturbatione , aut nimio tuendæ potestatis sæcularis desiderio impulsæ sunt. Quod enim aliquibus Schismaticorum nomine suspecti sunt , aut inimicorum invidia est , aut Politicorum minæ , ut tanti mali timore perterrita Curia Romana ab imponendis novis , gravibusque oneribus abstineat , aut fortè justus piorum metus , ne , si crescat Pontificiorum mandatorum neglectus , in contemptum transcat , qui à schismate solet non longè abesse.

3. Certè cùm Hæreticorum temeritas summi Pontificis Primatui bellum indicere ausa est , hanc , & Præsules Decretis , & Doctores scriptis , & Principes quantum per tempora licuit , armis compresserunt , ut quidquid contra sacram illam potestatem etiamnum aut sit , aut dicitur , Autoribus solis , non toti Galliæ adscribendum sit. Si quis autem hæc gratis dicta existimet , libros de hoc argumento editos legat , præsertim quos in lucem emisit anno 1622. Michael Mauclerus Doctor Parisinus de Monarchia Divina Ecclesiastica , & sæculari Christiana , quos summo Pontifici , & Galliarum Regi dicavit ; utque illud Gallorum studium , licet Bellorum , aut schismatis temporibus remissum , non tamen pœnitius intermissum , ab Atavis profectum , & continuâ serie propagatum cernat , percurrat Galliæ monumenta quæ Pater Sirmondus societatis Jesu sub titulo Conciliorum Galliæ , aliique sub eodem , aut aliis titulis collegerunt. Mutuis enim , & Gallorum erga sanctam Sedem obsequii , & summorum Pontificum erga Ecclesiam Gallicanam benevolentia , & existimationis signis plena sunt.

4. Istud autem non in illis tantum advertere licet ; quæ tempore profundissimæ pacis , aut ætioris concordia prodirent , sed & in illis , quæ inter contentiones edita sunt. Hincmarus Archiepiscopus Remensis , qui omnium ferè primus acrius , aut , ut verum dicam , pertinacius summis Pontificibus resistit , quemque Galli strenuum libertatis suæ defensorem , & quasi antesignanum prædicant , hoc est , ut ipsi volunt , antiquorum Canonum vindicem , Papam omnium Ecclesiarum Pontificem & cunctorum Episcoporum Patrem ,

ac Magistrum esse profitetur ; *rex vestri* , sic scribit ad Nicolaum I. *Omnium Ecclesiarum Pontificis , cunctarumque Episcoporum Patris , ac Magistri regulare iudicium firre convenit.* Plures extant sive Hincmari solius ; sive aliorum Episcoporum Galliae , illius ductum sequentium epistolae , in quarum superscriptionibus Romanus Pontifex Papa universalis dicitur.

5. Sed quo posset , ut alibi notavimus , argumento evidentius demonstrari Jurisdictio summi Pontificis in Gallia , quam authenticâ declaratione Prælatorum Parisiis congregatorum mensibus Martii , & May anno 1631 ; certè metuentum non est , nè illi Antistites urbanitatis causa jus summi Pontificis ultra debitos fines extulcrint , quandoquidem ea de causa convenerant , ut Curiae Romanae Officialibus obstiterent , quos Jurisdictionis Pontificiae metas transgressos esse conquerebantur. Nec dubium est , quin quaecumque scripserunt , accuratissimè , ac dudum expenderint. Hæc de summo Pontifice ad amissum , ut arbitror , plusquam semel revocata , scripserunt ; „ Caput est Ecclesiae : Centrum unitatis : „ obtinet ille in nos Primatum autoritatis , & jurisdictionis „ sibi à Christo Jesu in persona S. Petri collatum. Qui ab hac „ veritate dissentiret , schismaticus , imò , & hæreticus esset.

6. Licet autem antiquæ diutissimæque erga summum Pontificem observantiæ , atque obedientiae vestigia etiamnum in Gallia supersint ; si quis tamen ea cum antiquis monumentis conferat , faciliè observabit , longè declinasse postremis sæculis illius Regni homines , maximè laicos , ab antiquorum instituto : ut nemo sit quin laudes Ecclesiae Gallicanae olim hac de causa meritò impensas , hodiè non integras ei deberi judicet.

7. Immotæ tamen omni ævo perstant rationes , quæ reverentiam , & obedientiam erga Christi Vicarium suadent : quandoquidem , ut profitentur Illustrissimi Antistites ; Primatus autoritatis , & jurisdictionis ei à Christo in persona S. Petri collatus est , atque aded ex institutione Christi Caput est Ecclesiae , Centrum unitatis.

8. Illam Sedis prærogativam , ejus originem , ac firmitatem fuscè , ac validè statuit Nicolaus I. Epist. 8. quæ est ad Im-

Imperatorem Michaellem ; Ecclesia Romana , inquit , privilegia Christi ore in Beato Petro firmata , à sanctis universalibus Synodis celebrata , atque à cuncta Ecclesia iugiter venerata , nullatenus possunt minui , nullatenus infringi , nullatenus commutari , quoniam fundamentum quod Deus posuit , humanus non valet amovere conatus : Et quod Deus statuit firmum , validumq; consistit. Illeg; petissimum peccat , qui Dei ordinationi resistere temat. Privilegia inquam , istius Sedis , vel Ecclesia perpetua sunt , Divinius radicata , atque plantata sunt ; impingi possunt ; transferri non possunt ; trahi possunt , evelli non possunt. Ista igitur privilegia huic sanctæ Sedi à Christo donata , à Synodis non donata , sed jam solummodo celebrata , & venerata. Et infra ; Proinde animadvertendum est , quia non Nicana , non denique ulla Synodus quodquam Romana Ecclesia contulit privilegium , quæ in Petro noverat eam totius iura potestatis penitus meruisse , & cunctarum Christi ovium regimen accepisse , sicut Beatus Præsul ( Bonifacius ) attestatur universis Episcopis per Thessaliam constituitis scribens ; Institutio universalis nascentis Ecclesia de B. Petri sumpsit honore principium , in quo regimen eius , & summa consistit. Ex eius enim Ecclesiastica disciplina per omnes Ecclesias Religionis jam crescente cultura fonte manavit. Nicana Synodi non aliud præcepta testantur. Adeo ut non aliquid super eum ausa sit constituere , cum videret nihil supra meritum suum posse conferri. Omnia denique huic noverat Domini sermone concessa. Bonifacii I. Epistolam , cujus hic refertur fragmentum , integram edidit Holsternius inter Acta Synodi Romanæ sub Bonifacio Papa II. pag. 65.

9. Huic summorum Pontificum doctrinæ consonat sanctus Bernardus de considerat. lib. 3. cap. 8. Eugenium III. sic alloquens ; Sunt quidem , & alii Cæli Janitores , & Gregum Pastores , sed tu tantò gloriosius , quantò & differentius utrumque præ cæteris nomen hereditasti. Habent illi assignatos sibi greges , singuli singulos ; TIBI UNIVERSI CREDITI SUNT , uni unus , nec modò ovium , sed & Pastorum , tu unus omnium Pastor. Cui enim , non dico Episcoporum , sed etiam Apostolorum , sic absolute , & indistincte tota commissa sunt oves ? Si tue amas Petre , Pasce oves meas. Quas ? Illius , vel illius populos Civitatis , aut Regionis , aut certi Regni ? Oves meas , inquit. Cui non planum non designasse aliquas , sed assignasse omnes ? Nihil excipitur , ubi distinguitur nihil , &c.

10. Joannes Gersonius Cancellarius Parisiensis in tract. de vita spiritali animæ lect. 3. postquam summi Pontificis auctoritatis partem præcipuam his verbis expressit ; Habet itaque

Papa primò dominium superioritatis à Christo supra totam Ecclesiam cum plenitudine potestatis in eis, qua spirituale regimen Ecclesia propriè dictum respiciunt, &c. Deindè resumit; Prima potestas cognoscitur ex Evangelis, & Actibus Apostolorum, & ex iis, qua per successivam relationem eorum ad nos tantà certitudine sunt devoluta, ut meritò temerarius, & scandalosus, imò schismaticus judicetur, qui potestatem hanc, vel abolere, vel diminuire presumpserit. . . . . Sed Textus Evangelicus, & Conciliorum generalium determinatio, & Ecclesia universalis consensus tantus, & assertio, imò & ratio naturalis praesupposità fide pro hac superioritate tam apte faciunt, ut contra eum, qui se pro Catholico gerit, negantem hoc, magis sit destitutio, quàm disputatione certandum. . . . . Hac potestas tam immediatè à Deo collata est, ut tota Ecclesia illam neque destruere, neque noviter, si tolleretur, edificare valeret. Eandem tradit doctrinam lect. 2. ubi summi Pontificis Primatum his verbis adstruit; In tertio gradu reponentur leges Divinae immediatè à Christo tradita, aut ab eis dicto modo deducta, qua per successivam relationem Apostolorum, & aliorum ad nos equivalentem Scriptura Canonica notificata sunt, ut fortè est ista lex; UNIVERSALIS ECCLESIA PONTIFICI ROMANO SVBIECTA SIT. . . . . Quod sit lex purè Divina, patet, quia nisi sic, posset humanà traditione Primatus iste cassari; Notanda sunt hæc verba, VNIVERSALIS ECCLESIA ROMANO PONTIFICI SVBIECTA SIT.

II. Hæc quidem ità in communi dicta negantur à nemine Catholico, quia nemini sunt incommoda, sed cum ad praxim deducenda sunt, autoritas Concilii generalis, libertas Ecclesiæ, Canones, & similia opponuntur, quasi verò illa excepta intelligantur in verbis Christi, aut etiam in declarationibus solemnibus. Quis v.g. ità interpretatur iuramentum quod à singulis Episcopis tempore consecrationis præstatur; Decreta, ordinationes, sententias, dispositiones, reservationes, provisiones, & mandata Apostolica totis viribus observabo, & faciam ab aliis observari. . . . . mandata Apostolica humiliter recipiam, & quàm diligentissimè exequar; si hæc cum æquivocatione promittantur, si simpliciter promissa non impleantur, quomodo iuramento, quod interponitur, non fit injuria? Idem dic de aliis iuramentis, puta de eo, quod ex antiqua consuetudine exigitur à promovendis ad gradus in Universitate Parisiensi.

12. Sed dicit aliquis, debitam ei (Ecclesiæ Romanæ) reverentiam exhibebo, & nihil amplius: huic objectioni, quam S. Bernardus

dus epist. 131. scribens ad Mediolanenses, præoccupavit, ejusdem S. Doctoris verbis satisfacio; *Esto, fac quod dicis, quia si exhibeas debitam, & plenam. Plenitudo siquidem potestatis super universas orbis Ecclesias singulari prerogativa Apostolica Sedi donata est. Qui igitur huic potestati resistit, Dei ordinationi resistit.*

## C A P U T I I I.

*Utrum Papa habeat immediatam jurisdictionem super Ecclesiæ universæ fideles.*

1. **F**atentur quidem omnes Catholici datam à Christo summis Pontificibus in persona B. Petri curam, & potestatem invigilandi supra reliquos Ecclesiæ Pastores, maxime ut salva semper sit fides, & Religio. *Pasce oves meas* Joann. 21. *Rogavi pro te Petre, ut non deficiat fides tua, & tu aliquando conversus confirma fratres tuos.* Luc. 22. Sed videntur aliqui dubitare, utrum illa Romanorum Antistitum autoritas solum circa Pastores versetur, ut illi gregibus suis attendant, illosque, ac seipsos juxta præscriptas à Christo, & ab Ecclesia universa regulas gubernent: An verò etiam ad fideles, Prælati inferioribus subditos, sese extendat, dum superiores immediati suis officiis non desunt. Concedunt enim summum Pontificem posse aliorum defectus supplere extra ordinem, dum ordinariæ viæ non suppetunt.

2. In quo reposita esset Romani Pontificis autoritas, non satis clarè statim omnibus perspectum fuit. Quia enim persecutionum tempore, vel schismatum, aliarumque calamitatum, impedita erat exterior capitis cum membris communio, stante semper interna fidei, ac charitatis unione, vix à Romano Pontifice ad alios præsertim remotos Pastores, aut greges primis tribus sæculis aliud, quàm quædam Epistolæ, pervenire potuit. Quamobrem Episcopi populos, ac se ipsos à tanto tempore suo judicio, vel cum aliorum consilio regere soliti, Papæ autoritatem ab impedimentis, quibus distenta fuerat, solutam, non tam subito exceperunt; sed alii citius, alii tardius, nunc in isto, nunc in illo capi-

te

320 TRACTATUS DE LIBERTATIBVS,  
te prout sese offerebat occasio : donec integram libertatem  
consecuta , suum ubique robur obtinuit ; quamquam variis  
motibus , modò ex Hæreticorum , modò ex Schismaticorum ,  
modò ex eorum etiam , qui ab Ecclesia non desciverant ,  
parte , impeti nunquam destitit.

3. Et ne contra institutum nostrum extra Galliam evage-  
mur , non defuerunt in eo Regno qui summi Pontificis Pri-  
matum à Christo fundatum consistentes , id tantum mune-  
ris , & potestatis ei assignarent , ut daret operam ne Pastores  
à propriis suis officiis recederent : Cæterum non posse Pa-  
pam , nisi propter illorum negligentiam , aut malitiam , in  
foro externo causarum iudicium ad se trahere ; sed tunc tan-  
tùm eas judicare , cùm ad se per appellationem , aut aliam  
viam juridicam essent devolutæ ; Nec in foro interno pœ-  
nitentiæ Sacramentum per se , vel per alios conferre , reni-  
tentibus propriis Pastoribus ; eandem ferè , nec maiorem in  
omnes Provincias Romano Pontifici , quam unicuique Me-  
tropolitano in suam Provinciam , facultatem tribuentes.

4. Hujus opinionis præcipuum videtur esse fundamentum ,  
quod cùm Episcoporum jurisdictio à Christo ipso immediatè  
profluxerit , non possit eam summus Pontifex vel tollere ,  
vel imminuere , nec statutum à sponso Ecclesiæ ordinem con-  
fundere ; cujus potius servandi causâ , maiorem cæteris ac-  
cepit potestatem. Sed quemadmodum Episcoporum juris-  
dictio immediata in omnes suarum Diocesium fideles , qui-  
bus particulares Parochi præfunt , etiam jure Divino , ut plu-  
res scriptores Gallicani volunt , Ecclesiarum illarum particu-  
larium ordinem non pervertit , quamvis Episcopus possit non  
solum invigilare , ut Parochi officiis suis ritè fungantur , sed  
etiam Parochianos per se gubernare , illorum confessiones per  
se , vel per Confessarios Delegatos audire , aliâque omnia offi-  
cia Parochialia gerere. Ita non sequetur Ecclesiasticæ Hiera-  
chiæ confusio , etsi summus Pontifex in aliorum Episcopopo-  
rum Diocesium functiones omnes Episcopales per se , vel per  
alios exercendi habeat facultatem : etsi Episcoporum juris-  
dictio non à summo Pontifice , sed à Christo ipso manaret ,  
quam quæstionem in libro 8. fuscè prosequemur.

5. At , inquires , illa regiminum multiplicitas multa ha-  
beret



beret incommoda. Si enim diversa essent, confusionem non possent non parere, Ordinariorum Pastorum contemptum inducere, scandalum excitare, charitatem minuere, &c. Verum illa ipsa mala consequuntur, cum Episcopi in Parochiorum, præsertim juxta Canonicam disciplinam proprios, ac Parochianorum mores, rectè instituentium, Parochias extraneos Sacerdotes immittunt, quorum est vivendi, & gubernandi ratio diversa. Ubique obest multitudo inordinata: ubique prodest, si ordinem sequatur: Si omnes eundem finem intendant, omnes ad amplectenda opportuniora media parati sint, jucundiùs, expeditiùs, ac feliciùs ad metam omnes pervenient; Si quisque quod suum, non quod Jesu Christi est, quærat; Si suo quisque judicio duci, non aliorum consilium audire, nedum non sequi voluerit, pacis, ac tranquillitatis, fructusque omnis jacturam sequi necesse est. Si se res omnes humanæ habent. Quotusquisque est qui sua interdum autoritate non abutatur. Si ergò legitima non censeatur potestas, quâ quis abuti potest, æqualitatem inter omnes homines reponere oportebit, ex qua graviora, & numerosiora pericula certissimè orientur.

6. Debent quidem summi Pontifices, ut sæpè notavimus, Canones, præsertim Conciliorum œcumenicorum, quorum sunt Custodes, & exequi, & exequendos curare: Nec Pastoribus, greges suos rectè administrantibus, obstare, aut in eorum regimen sine necessitate sese ingerere debent. Concordata servare, ac quæcunque pacis sunt, sectari. Si secus agant, humiliter monendi sunt, imo & liberè, si opus sit: non tamen idcirco debita officia prætermittenda. *Quid tam indignum tibi* (verba sunt S. Bernardi ad Eugenium III. de considerat. lib. 3. cap. 4.) *quàm ut totum tenens, non sis contentus toto, nisi minutias quasdam, atque exiguas portiones ipsius tibi credita Universitatis, tanquam non sint tua, satagas, nescio quomodo adhuc facere tuas? . . . .* Erras, si ut summam, ita, & solam institutam à Deo vestram Apostolicam auctoritatem existimas. Si hoc sentis, dissentis ab eo, qui ait: Non est potestas nisi à Deo. Et licet ibidem gravissimè conqueratur apud Eugenium III. de exemptionibus, quibus inferiores superioribus immediatis subtrahebantur; expressè tamen declarat eam, & quidem summam, & plenissimam penes Romanum Pon-

ificem esse potestatem. *Sic faciendo*, inquit, *probat is vos habere plenitudinem potestatis, sed iustitia forte non ita. Facitis hoc, quia potestis, sed utrum hoc debeatis, questio est.*

7. Adeò certum habebat sanctus ille Abbas, Jurium Episcopaliū, & Hierarchici ordinis nihilominus studiosissimus, summum Pontificem in Christianos omnes etiam Laicos jurisdictionem immediatam habere, ut illud tanquam indubitatum supponens, auctoritatem in Episcopos ipsos tanquam aliquid maius extollat. *Habent* (inquit de consideratione lib. 2, cap. 8.) *illi fili assignatos greges, singulis singulos TIBI VNIVERSI CREDITI, uni unus. Nec modo ovium, SED ET PASTORVM tu unus omnium Pastor, &c.*

8. Magni ponderis est sine dubio hujus S. Doctoris auctoritas, & Gallis magnoperè veneranda, ut potè à Gallia oriundi, in Gallia educati, Gallicanorum Episcoporum jurisdictionis strenuissimi Patroni, summis Pontificibus, eorumque Curiae adulari nescii. Cum esset reliquorum Ecclesiae Patrum doctrinā instructissimus, illorumque vestigiis, uti in aliis, ita in hac quoque materia sine dubio inhærebat. Suo autem exemplo docet nos de abusibus potestatis conqueri licere; nec tamen ob abusus, potestatem ipsam à Deo concessam negari posse.

9. Si summi Pontificis potestas ex jure Divino metienda est, amplissimam illam esse concedendum erit, cum in rebus spiritualibus nullam exceptionem legamus à Christo appositam; & communis sit Jurisconsultorum cum Bartolo sententia quæst. 9. num. 11. *ubi lex generaliter loquitur, & non distinguit, nec nos distinguere debemus*; aut, ut appositè ad propositum nostrum S. Bernardus; *Nihil excipitur, ubi distinguitur nihil.* Dum enim Christus Petro fratres confirmare præcepit, eo nomine omnes complectebatur fideles. Quotquot enim eundem Patrem Deum, & eandem Matrem Ecclesiam agnoscunt, fratres passim in sacris litteris nominantur.

10. Dum etiam Christus Petro pascendas oves commisit, non soles commendavit Prælatos, qui sunt velut gregis arietes, sed & superiores, & inferiores non solum oves, sed etiam agnos, ut qui à Petro, & ejus Successoribus pasci recuset, Christi se nec ovem, nec agnum esse fateatur. Sanctus Leo  
serm.

ferm. 3. de sua assumptione, sanctum Petrum à Christo electum docet, ut omnes gentes ad fidem vocaret, ut Apostolis, & Prælati reliquis præflet, ac denique ut omnes Christi fideles regeret : *De toto Mundo unus Petrus eligitur, qui & universarum gentium vocationi, & omnibus Apostolis, cunctisque Ecclesiæ Patribus præponatur, ut quamvis in populo Dei multi Sacerdotes sint, multiq; Pastores; omnes tamen propriè regat Petrus, quos principaliter regit & Christus.*

11. Autor libelli, in quo describitur exilium, & mors S. Martini Papæ, quique habetur inter illius sancti Pontificis epistolæ in sexto tomo Conciliorum Patris Labbei, appellat eum sub initium, *Sacerdotum Principem, & Apostolicum universalem Papam*: circa medium autem, *Summum, & Apostolicum, atque præcipuum Pastorem omnium Christianorum.* Ex illius ergo Autoris, S. Martino coætanei (testatur enim se quæ narrat ex parte vidisse, ac recenter gesta) verbis constat tunc, scilicet circa annum 653. Romanum Pontificem habuisse jurisdictionem immediatam in omnes fideles, quandoquidem præcipuus Pastor omnium Christianorum dicebatur. Quomodo enim præcipuus esset Pastor eorum, quos regendi, & pacendi per se potestatem non haberet? Quæ ratio probat summum Pontificem, sicut ab initio Pastor omnium Christianorum ex institutione Christi exitit, ita immediatam in illos jurisdictionem semper obtinuisse.

12. Idem significare videntur hæc verba Facultatis Theologiæ Parisiensis in censura nuper edita, *Romanum Episcopum unum esse jure Divino in Ecclesiâ Pontificem, cui omnes Christiani parere teneantur*; quæ in multis antiquioribus ejusdem Facultatis Decretis leguntur. Luculentius testimonium mox proferemus.

13. Verùm quia usus, optimus habetur legis interpres, videndum est; quæ fuerit autoritatis Pontificiæ praxis illis temporibus, cum eâ liberè uti Papæ potuerunt, cumque diligentius, & clariùs cognita fuit. Quamquam enim omni ævo aliqua identidem, ejus specimina edita fuerint, tamen cum per tria prima sæcula ferè omninò à Tyrannis ligata fuerit, ideoque ejus exercitium quasi novum quiddam aliquoties Episcopos, præsertim Africanos, commoverit, non potuit tam citò suum explicare fulgorem, & omnibus innotescere. Non est illustrior supremæ, atque immediatæ in Christianos Pontifi-

324 TRACTATUS DE LIBERTATIBVS,  
ciæ jurisdictionis usus, quàm dum immediatis Pastoribus sub-  
trahuntur, ne dum per concursum cum Pastoribus ipsis im-  
mediatis, aut per præventionem judicantur; maximè si  
Pastores ipsi immediati, primum quidem renitentes ob rei  
novitatem, & à novitate ortam obscuritatem, deindè re di-  
ligentiùs expensâ, & evidentiùs perspectâ assensum præ-  
beant. Atqui plurima sunt exempla subduktorum ab Episco-  
pali jurisdictione, non solum privatorum hominum, sed  
etiam Communitatum, & Ordinum integrorum; cui qui-  
dem subductioni, licet aliquandiu restiterint Episcopi, ut  
videre est apud Petrum de Marca lib. 4. cap. 8. & passim in  
Historia Universitatis Parisiensis; postea tamen acquieverunt,  
ut ex antiqua, & pacifica possessione demonstratur.

14. Jus illud summi Pontificis declaravit celeberrimus Ec-  
clesiasticæ jurisdictionis defensor Petrus Bertrandi Episcopus  
Eduensis de orig. & usu jurisdictionum quæst. 3. *Omnes Christiani*,  
inquit, *Principes terra & ceteri homines Episcopis obedire debent, ut*  
*B. Petrus precipiebat. Ab hac tamen obedientia seu subjectione, Papa, qui*  
*est supremus in Ecclesia, potest aliquos eximere.*

15. Nec objici potest illud summorum Pontificum usurpa-  
tioni tribuendum: Temerarium enim esset, injustitiæ tam  
odiosæ Pontifices damnare, pietate, ac doctrinâ insignes, ac  
quorum etiam merita Deus miraculis illustravit, aut Episco-  
pos Gallicanos sanctitate, ac rerum Ecclesiasticarum peritiâ,  
conspicuos, in tuendis propriis juribus, seu potius Eccle-  
siasticæ Hierarchiæ ordine defendendo, socordiam incusare.  
Sanctum Gregorium Magnum ab usurpanda jurisdictione cæ-  
terorum Prælatorum, ut ejus facta, & scripta declarant,  
alienissimum, ejusmodi exemptiones concessisse testantur plu-  
res ejus epistolæ, v. g. Monasterium Virginum Augustodu-  
nensium ab Episcopali jurisdictione exemit, à Regina Bru-  
nichilde rogatus: nec instrumentum ab Episcopis impugnan-  
dum tanquam invalidum, sed suppressendum tanquam minus  
gratum metuit, ut significat ejus ad Reginam Epistola, quæ  
est octava lib. 11. quamque lib. 2. adversus Launoium defen-  
dimus; Nos itaque pro munitione locorum, de quibus Excellentia vestra scrip-  
sit, omnia, sicut voluit, sancire studuimus: sed ne fortasse ab eorum loco-  
rum Præpositis eadem Decreta nostra quoquo tempore supprimantur, pro eo quod  
eis

*eis quadam interdicta esse noscuntur, hac eadem constitutio gestis est publicis inferenda, quatenus sicut in nostris, ita quoque in Regalibus scriptis teneatur.*

16. Quin etiam de universa Ecclesia pessimè sentiret, qui eam errasse putaret in approbandis iis, quæ Romani Pontifices circa fideles præstiterunt, non consentientibus, aliquando etiam repugnantibus illorum Episcopis, aliisve Prælati inferioribus. Quot enim sacrilegia perpetrata fuissent, quotque alia peccata commissa, si v. g. cum facultate à Papa immediatè concessa non potuissent Religiosi, aut alii Fideles sua peccata confiteri Confessariis ab ipso assignatis sine licentia, vel etiam contra prohibitionem propriorum Parochorum, aut Episcoporum? sed de hoc adhuc in capitibus sequentibus.

17. Concilium generale Lateranense anno 1215. cap. 5. expressè affirmavit, quod *Romana Ecclesia disponente Domino SUPER OMNES ALIAS ordinaria potestatis obtinet Principatum, utpote Mater universorum Christi fidelium, & Magistra.*

18. Eandem doctrinam professi sunt Doctores Gallicani etiam à tempore schismatis. Thomas ab Argentina Præceptor Theologiæ in Academia Parisiensi circa annum 1445. in 4. sent. dist. 24. art. 4. sic scripsit; *Ratione officii super Presbyteralem dignitatem inveniuntur in Ecclesia quinque gradus singularis dignitatis, quorum primum tenent Episcopi, secundum Archiepiscopi, tertium Primates, quantum Patriarcha, quintum Papa, sive Romanus Pontifex, à quo tota Monarchia fidelium tanquam ab uno Principe universalem, & cum hoc immediatam habente potestatem super omnes, & singulos Fideles, cujuscunque conditionis, existant, convenientissimè gubernatur.*

## C A P U T I V.

*De jurisdictione immediata summi Pontificis in omnes Fideles quantum ad forum internum.*

1. **F**orum internum vocatur, in quo solvuntur, vel ligantur conscientiæ, remissis, vel retentis peccatis, & censuris. sine ordine ad externum Ecclesiæ regimen. Dum ergo

quæritur an summus Pontifex habeat jurisdictionem immediatam ad omnes Fideles quantum ad forum internum; sensus est, an possit per se vel per alios à se delegatos injungere satisfactiones pro peccatis, & ab ipsis, vel à censuris absolvere Fideles, sine consensu Pastorum ordinariorum, quibus subiecti sunt. Quocirca, licet quæ hæcenus dicta sunt, hujusmodi potestatem probent, eam tamen juvat speciatim confirmare.

2. Eruditissimus P. Christianus Lupus existimavit eam colligi ex epist. 49. sancti Aviti Episcopi Viennensis, quæ est ad Ansemundum intercedentem pro juvene pœnitentiæ, ob constupratam Virginem Deo sacram, addicto. Innuit enim sanctus Episcopus juvenem, ut absolutionem extorqueret, minitatum se fuisse provocationem ad Romanum Pontificem; *Licet diversas in me flammæ evomat, & ad Romanæ forsân Ecclesiæ audientiam vocet, &c.* Poterant quidem illæ minæ intentari circa alia, quàm circa pœnitentiam impositam, quia sequitur; *Et si adhuc placeat, etiam filios me habere dicat, &c.* Verùm præterquam quod hinc saltem insertur Episcopos Gallicanos jam tum temporis, hoc est, circa finem quarti sæculi Romæ judicari solitos, quandoquidem addit S. Avitus; *Nec minas suas adfematione placebo, nec fatigationes itinerum verebor.*

3. Sed cùm tempore Nicolai I. constans esset usus, non refragantibus etiam ipsis Episcopis Gallicanis, ut Laicorum causæ Romæ judicarentur, necessariò consequitur jam antea jurisdictione usos fuisse Romanos Pontifices immediatè in fideles Episcopis Gallicanis subiectos. *An Laicorum, & vulgarium populorum judicia,* inquit S. Pontifex epist. 42. quæ est ad universos Episcopos Galliæ, & refertur in Concilio Romano septimo; *Inter majora negotia ponitis, quos penè quotidie cum vestris, & sine vestris epistolis ad discutiendos, & judicandos suscipimus, & discussos, vel judicatos, vel absolutos discutimus? Denique aut secularium judicia inter majora, & Episcoporum inter minora negotia collocabitur, & vobis Episcoporum, nobis Laicorum judicia reservabitur: aut certe, &c.*

4. Cùm Gregorius VII. in Concilio Romano an. 1074. Clericis præcepisset continentiam, & ut uxores dimitterent, aut ab altaris ministerio abstinere, illudque Decretum pluribus, in Germania præsertim durum nimis & grave vide-  
retur

retur, contumaciam suam excusare cœperunt ob indulgentiam Episcoporum, quibus obedire satis esse causabantur. Apologeticum tractatum scripsit Autor, Bernardus nomine, in quo summi Pontificis auctoritatem & in Episcopos, & in Episcoporum subditos tuitus est, maximè cap. 23. & 24. istud sic inchoat; *His autem rationibus & hoc declaratur, quod cuiusvis Episcopi Parochianus potius Domino Apostolico, quam proprio Episcopo obedire debet, cum autoritas proprii nullatenus cum ab Apostolica damnatione valeat liberare, si Apostolicis præceptis inobediens extiterit. Et è contra Dominus Apostolicus si ei obedierit, eundem ab omni violentia proprii Episcopi facillimè poterit defendere, videlicet & ipsum Parochianum ejus ditione penitus emancipando, & Episcopum ab injuria per correptionem & damnationem Apostolica auctoritate refrinando. Attendat sane cuiusvis Episcopi subditus, ne vel proprio Episcopo contra Apostolica præcepta obediat in aliquo, &c.*

5. Egrè tulerat Henricus Episcopus Leodiensis, quod unus ex suis subditis ab eodem sancto Pontifice fuisset absolutus; quamobrem Gregorius eum epist. 4. lib. 6. graviter reprehendit. *Lectis, inquit fraternitatis sua litteris, non ea te quâ decuit Apostolicam Sedem reverentiâ, sibi scripsisse, sed nos de absolutione illius Parochiani tui, qui olim ad nos venit, mordaci invectione reprehendisse, tanquam Apostolica Sedis non esset auctoritas, quoscunque, & ubicunque vult ligare & absolvere . . . Intelligas te aut spiritu presumptionis, aut ignorantia contra auctoritatem sanctæ Romanæ Ecclesiæ verba jactasse, quasi incitando Orientales, qui contra Beatum Papam Julium obloqui præsumperunt, eo quod ipse sanctissimum Athanasium Patriarcham sine assensu eorum absolverat.*

6. Non fuit ea, ut nonnulli calumniari videntur, Romanorum Pontificum usurpatio; sed jus Divinum à Patribus aliisque sanctis Doctoribus aut expositum, aut insinuatum. S. Joannes Chrysostomus homil. ult. in Joan. super hæc verba; *sequere me*; sanctum Petrum cum S. Jacobo Episcopo Hierosolymitano conferens, docet hunc soli Ecclesiæ Hierosolymitanæ, illum toti orbi à Christo præpositum fuisse, unde sequitur Successores Petri eandem ubique terrarum jurisdictionem habere, quam singuli Episcopi in propriis Diœcesibus. Quam sententiam secutus est ac sic expressit Euthymius Zigabonus in eadem verba Joan. ult. *Hinc rursus ostendit, quod præ cæteris familiarem eum faciat, ac ampliore dignetur honore, ut etiam promptior fiat. Quod si quis dicat: Quomodo ergo Jacobus Hierosoly-*

mitanam accepit Sedem ? Dicemus quod Petrus orbi constitutus est præceptor.

7. Sanctus Thomas jure Angelus scholæ dictus multis in locis docet summum Pontificem proprium esse Fidelium omnium Pastorem, quemadmodum Episcopus proprius est Pastor omnium suæ Diœceseos Christianorum, & Parochus suorum Parochianorum, ac sicut jurisdictio Parochi super suos Parochianos non impedit, quin eorum etiam proprius & immediatus Pastor sit etiam summus Pontifex. Papa, inquit opuscul. contra impug. Relig. cap. 4. qui obtinet vicem (Christi) in tota Ecclesia Universalis Ecclesia sponsus dicitur; Episcopus autem suæ Diœcesis; Presbyter autem suæ Parochiæ, unde & Diœcesis sponsus Papa est, & Episcopus Parochiæ . . . . . Unde patet, quod ex hoc, quod Papa, vel Episcopus audit confessionem Parochianorum, vel alii audiendam committit; non sequitur, quod sint plures unitus Ecclesiæ sponsi. Dixerat autem antea; Ad illud quod postea objicitur, quod quilibet tenetur in anno semel confiteri, dicendum, quod Sacerdos proprius non solum est Parochialis, sed etiam Episcopus, vel Papa, ad quos pertinet cura ejus, quam ad Sacerdotem, ut multipliciter ostensum est. Videri potest idem sanctus Doctor in 4. sent. dist. 19. quæst. 1. art. 3. quæstiunc. 1. c. gen. l. 4. c. 76.

8. Eandem doctrinam tradit S. Bonaventura scholæ alter Angelus in 4. sent. dist. 29. art. 3. quæst. 1. & adhuc expressius in opuscul. in quo decernitur; quare fratres Minores prædicent, & confessiones audiant. Quatuor sunt, inquit, cuiusque plebis Parochialis proprii Sacerdotes: Primus & præcipuus est summus Pontifex, cui tota Ecclesiastici gregis cura singularissimè commissa est. Ita quod omnes inferiores Ecclesiæ Rectores curam & totam potestatem, quam habent super subditos, ab ipso accipiant mediatè, vel immediatè. Et infra: Unde cum Plebanus possit aliquibus committere, ut vice sui plebi suæ prædicent, & eorum confessiones audiant, & absolvant, & penitentias injungant, ita quod sic absolutos non oporteat illo anno Plebanis suis iterum confiteri nisi velint; Multo magis potest hoc Episcopus, & maxime summus Pontifex, qui sicut ubique habet potestatis plenitudinem, ita & commissam sibi gerit omnium Ecclesiarum sollicitudinem, &c.

9. Utrique præiverat amborum Magister Albertus Magnus in 4. sent. dist. 19. art. 10. Ad aliud, inquit respondens argumento, seu objectioni tertiæ; dicendum, quod loco Christi in terris non est nisi unus Papa, & ille potest facere (id est absolvere) in omnibus,

sed



*sed alii in partem sollicitudinis vocati sunt ; Et ideo non licet eis extendere jurisdictionem ultra quam permissum est eis.*

10. Eos secutus est Augustinus Triumphus quæst. 19. art. 5. cujus est hæc resolutio ; *Papa immediate potest in qualibet Diocesi, vel Parochia quidquid potest Episcopus vel Sacerdos.*

11. Quæ quidem sententia ita indubitata fuit apud Theologos sequentes , ut nonnulli eam de fide esse asserant. Vaquez in 3. partem D. Thom. quæst. 93. art. 1. dub. 1. cum Medina. Hæc sunt primi verba ; *Quod non intelligatur in Decretali ( omnis utriusque sexus ) proprius Sacerdos Parochus ; sed etiam Pontifex , & Episcopus , esse de fide docet Medina ; Et infra dubio illo sexto probabimus.* Quo in loco eandem doctrinam fusiùs prosequitur. Sed certioribus nititur illa doctrina fundamentis.

12. Joannes XXII. cap. *vas electionis.* de hæret. in Extravag. com. propositiones istas damnavit. Primò , *quod confessi fratribus habentibus licentiam generalem audiendi confessiones teneantur eadem peccata , qua confessi fuerant , iterum confiteri proprio Sacerdoti.* Secundò quod *stante omnis utriusque sexus edicto , Romanus Pontifex non potest facere , quod Parochiani non teneantur omnia peccata sua semel in anno proprio Sacerdoti confiteri , quem dicit esse Parochialem Curatum , imò nec Deus hoc facere posset : quia ut dicebat , implicat contradictionem.* Tertiò quod *Papa non potest dare potestatem generalem audiendi confessionem , imò nec Deus , quin confessus habenti licentiam teneatur eadem confiteri proprio Sacerdoti , quem dicit esse proprium Curatum.* Quas propositiones hac censurâ notavit. *Omnes articulos , & quemlibet eorum , tanquam falsus , & erroneus , & à doctrina sacra devius autoritate Apostolica condemnamus , & reprobamus ; Prædictorum doctrinam contrariam veram , & Catholicam asserventes ; scilicet quod illi , qui prædictis fratribus confitentur , non magis teneantur eadem peccata confiteri iterum , quam si ea aliis confessi fuissent , eorum proprio Sacerdoti IVXTA CONCILIUM GENERALE.* Ultima verba Constitutionem istam factam esse significant ad interpretandum Concilium œcumenicum Lateranense , quod officium ad summum Pontificem pertinet. Hanc autem interpretationem amplexa est Ecclesia , ut nesciam quomodo sine errore inficiari quis possit , cujuslibet fidelis proprium Sacerdotem esse , non solum Parochum , sed etiam Episcopum , & summum Pontificem.

13. Ante id tempus, sanctus Bonaventura in exposit. cap. 9. Regulæ ff. Minorum sic scripserat ; *Possunt fratres Apostolicæ ordi-*

T t

na-

natione in privilegiis Ordinis expressa audire cuiuscumque Sacerdotis Parochianos ipso inconsulto, vel etiam contradicente, si auctoritatem habeant ab Episcopo audiendi. Et quia Curia Romana hoc determinat, hæreticum est aliud pertinaciter affirmare. Sicut patet dist. 22. cap. Omnes; patet etiam Papam posse talia in Ecclesia ordinare, quia certum est, quod distinctio curarum, & collatio jurisdictionum ab auctoritate processit Ecclesia Romana. Docet tamen ibidem sanctus Doctor quo animo ad huiusmodi functiones accedere debeant Regulares, scilicet ob Ecclesiæ necessitatem, non proprio motu. Eosque, qui secus agant demerentem damnat; Ad objectum de agnitione vultus respondeo, quod si Sacerdos proprium scire possit, & veller sufficiens consilium super subditos impendere, nullus sana mentis quæreret immiscere se confessionibus ad ipsum non pertinentibus audiendis.

14. Paulò antea Facultas Theologica Universitatis Parisiensis potestatem summi Pontificis in omnes Fideles, etiam quantum ad Sacramentum Pœnitentiæ declaraverat, ut referatur à Cæsare Egafsio in hist. Universitatis tom. 3. ad annum 1252. non solum licere, sed etiam congruere, ut qui voluerint, sua peccata confiteantur Papæ, seu Pœnitentiariis ejus, etiam contradicentibus Sacerdotibus Parochialibus, & doctrinam contrariam erroneam esse; *Omnibus præsentis litteras inspecturis M. Nimericus Cancellarius Parisiensis, ceterique Sacra Scriptura Parisienses Doctores, quorum sigilla præsentibus litteris sunt appensa, salutem in Domino. Universitati vestra volumus esse notum, quod consulti fuimus à quibusdam, utrum Sacerdote Parochiali contradicente, vel invito, Parochianos ejus Domino Papa, seu Pœnitentiariis suis, vel suo Episcopo, aut Pœnitentiariis ipsius, cum voluerint, peccata sua valeant confiteri, atque ab eisdem pœnitentiam pro commissis recipere salutarem. Cui consultationi respondentes diximus, & dicimus in hoc unanimiter consentientes, prædicta licite posse fieri, & debere. Si qui autem dicant, aut dixerint contrarium, quantum in nobis est reprobamus, erroneum reputantes. Actum anno Domini 1252. mense Januarii. Anno autem 1484 Petrus l'Aillier coactus fuit ab eadem Academia revocare hanc propositionem; Summus Pontifex Joann 22. non potuit condemnare de Poliano nec facere decretalem vas electionis. Apud Mauclerum de Monarchia 4. part. lib. 8. cap. 6.*

15. Concilium Tridentinum sess. 14. de refor. c. 7. declarat summo Pontifici competere facultatem reservandæ sibi certorum casuum absolutionis, *pro suprema potestate sibi in Ecclesia uni-*

ver-

*versali tradita.* Ubinam autem Scripturarum legitur, aut ex qua traditione habetur, non posse Papam subditos aliis Prælati fideles, per se vel per suos delegatos absolvere, nisi ubi potestate absolvendi cæteris Pastoribus ademptâ, eam sibi reservaverit.

16. Canonici Juris Interpretes circa Decretum illud Concilii Lateranensis, quod incipit, *Omnis utriusque sexus*; in eundem sensum illud communiter interpretati sunt, in quem Theologi, tantaque est Doctorum omnium Catholicorum in eam mentem consensio, ut Ecclesiæ universæ dicenda sit.

17. Illam Episcopi Gallicani, ut certam amplexi sunt, quod in plerisque illorum libris, qui Rituales dicuntur, animadvertere licet, ac etiam in aliquibus Statutis Synodalibus. Galterus Episcopus Pictaviensis in Synodo habita anno 1284. luculenter profitetur circa suæ Diocesis fideles summi Pontificis autoritatem; *Cum nonnulli* (verba sunt illius Antistitis cap. 3.) *Subditi nostri Sacerdotibus, quibus cura animarum non est ab Episcopo, vel ab alio habente autoritatem Apostolicam, vel aliâs competentem super hoc potestatem, Ecclesiastica Sacramenta absque licentia nostra, vel proprii Sacerdotis, & etiam nonnunquam à prohibito, scienter accipere non formidaverint; nec formident in suarum periculum animarum, cum à tali absolvi nequeant, vel ligari, &c.* Notanda hæc verba habente autoritatem Apostolicam. Subditi sunt à Concilio Chalcedonensi Episcopis Monachi, nihilominus cum Episcopi nonnulli, sive avaritiâ, sive malitiâ eos vexare, atque in disciplina monastica perturbare cœperunt, coacti sunt Romani Pontifices Monachos ab Episcopali jurisdictione, vel partim, vel omnino eximere. Licet autem decursu temporis aliquorum Monachorum ambitio, ac libertatis desiderium sapientem illam dispensationem in abusum converterint, necessariam tamen fuisse intellexerunt Episcopi, quippè cum exemptiones videamus ab ipsis aliquando approbatas, aliquando ultrò indultas; probumque, ac moderatum exemptionum usum regularem disciplinam plurimum juvisse, magnumque attulisse Ecclesiæ emolumentum.

18. Ità cum Prælati regendæ fidelium multitudini per se, aut suos Sacerdotes satis esse non possent; aliqui etiam non

332 TRACTATUS DE LIBERTATIBVS,  
rectè se haberent, nec animarum saluti satis invigilarent;  
summi Pontifices, Pœnitentiæ Sacramenti administratio-  
nem Regularibus commiserunt; eâ tamen lege, ut debitam  
Episcopis reverentiam deferrent, modò majorem, modò  
minorem, quod Concilio etiam generali Viennensi appro-  
batum est.

## C A P U T V.

### *De autoritate summi Pontificis circa Jurisdictionem contentiosam.*

1. **D**eterminatæ sunt in Concordatis inter Leonem X. Pa-  
pam, & Franciscum I. Regem Franciæ initis, quæ  
circa Jurisdictionem contentiosam oriri solebant disceptatio-  
nes. Sed nihil est adeò planum, quod difficile non evadat ex  
partium studio, vel ex novorum casuum eventu. Præcipuæ  
difficultates, quæ circa eam jurisdictionem à tempore Concor-  
datorum emerferunt, istæ sunt. Prima, utrum Papa possit  
alicujus negotii judicium ad se immediatè trahere? Secunda,  
an possit aliquando Romæ negotia judicare? Tertia, an for-  
mulis ordinis Judiciarii sese accomodare teneatur.

2. Prima controversia frequens de causis majoribus est.  
Causæ autem dicuntur majores ex quadruplici capite. Primò  
ex rei, de qua agitur, magnitudine, ut v. g. quando spectant  
ad Fidem, ad Religionem, vel ad præcepta generalia morum,  
& disciplinæ, ut habetur Can. Præceptis dist. 12. cap. Majo-  
res de Baptismo, & alibi. Secundò causæ majores dicuntur  
ex magnitudine difficultatis circa illas natæ. Interdum enim  
quasi synonyma ponuntur, majores, & difficiliore quæstio-  
nes; & ab hoc maxime Capite Galli, saltem si Joanni Ger-  
basio credimus, causarum magnitudinem metiuntur. Sic  
enim habet Doctor ille dissert. de causis majoribus art. 1.  
num. 10. Galli nostri diversam aliquatenus majorum causarum ideam tradi-  
dere; neque enim causa majores apud eos statim dicta sunt, quæ de rebus ma-  
joribus, ac præstantioribus essent; sed quæ plus obscuritatis haberent, ac diffi-  
cultatis: quare tum tandem Apostolicam Sedem adeundam, ejusque consulenda

OTA-

*oracula existimantur, cum aliunde lex non assulgeret, rationesq; vulgò usurpata minime sufficerent. Exploratum illud sit, &c. Tertiò vocantur causæ majores ratione dignitatis personæ, v. g. cum de Episcopo agitur, ut patet ex cap. Inter corporalia. De translatione Episcopi; & ex Doctoribus in illud cap. Denique majores dicuntur ob difficultatem exequendæ rei justæ, aut amolierendæ rei injustæ. Sic anno 876. Ecclesia Remensis in Concilio Pontigonensi, cui Apostolicæ Sedis intererant Legati, majora negotia, & majores causas appellabat eas injurias, quas à Ludovico Germaniæ Rege perpeffa fuerat, & timebat, ne in posterum pateretur: Paternis magisteriis instrui, ut si quæ majora negotia, vel majores causæ exorta fuerint, AD SEDEM APOSTOLICAM, PROVT AVTORITAS DOCET, ET MOS ANTIQVVS OBTINUIT, SEMPER REFERANTVR. Quæ sint autem illa negotia deinde notatur; Calamitates & miseriae Ecclesiæ nostræ, ac Civium nostrorum, quas hoc anno à Ludovico Rege, itemq; à Ludovico filio ejus & complicibus eorum, cades videlicet, & homicidia, adulteria, fornicationes, rapinas, sacrilegia, & cætera flagitia, quæ nullus enumerare potest, Ecclesiæ nostræ perpeffa est. Denique postulatur auxilium; Ne de cætero talia, ac tanta mala Ecclesiæ nostræ, ac Regnum patiat, qualia hactenus passum est. Sed hæc postrema duo Causarum genera majora non æstimantur, nisi cum aliquâ rei magnitudine conjuncta v. g. nisi agatur de deponendo Episcopo, vel alio gravissimo negotio.*

3. Quæritur ergò an prima causarum illarum cognitio ad sanctam Sedem, an ad Concilium Provinciale spectet. Quia in re, licet Episcopale judicium præmittendum, idq; ex antiquis juribus colligi, aliqui senserint, certum est Concordata cum causis majores ab iis exceperunt, quæ deberent ab Ordinariis definiri, primum earum judicium summo Pontifici reliquisse. Cum enim contentiones circa jurisdictionem dirimere voluerint, hanc quæstionem, quæ maximi erat momenti, & à qua plurimæ, gravissimæq; disceptationes oriri poterant, non reliquerunt indecisam: Alioquin enim si determinandæ illi supersedendum partes judicassent, de illa omnino siluissent. Cum autem mentio facta sit ejus, cur in aliud tempus definienda dilata fuisset, cum periculo ne interim novarum discordiarum esset fomes, ac sine spe novorum ad

334 TRACTATUS DE LIBERTATIBVS,  
eam in posterum commodius definiendam adjumentorum.  
Perspicua videtur Concordatorum Sententia his verbis com-  
prehensa tit. de causis; *Omnes, & singula causa, exceptis majoribus in jure expresse dinominatis, apud illos Judices in partibus, qui de jure, aut consuetudine praescripta, vel privilegio illarum cognitionem habent, terminari, ac finiri debeant.* Quod idem in Concilio Basileensi, & Pragmatica Sanctione statutum fuerat.

4. Accedit quod tempore praecedenti, ac subsequenti Concordata, Gallis persuasum erat, causas majores in prima instantia esse ad sanctam Sedem referendas, quia haec erat Juris communis dispositio, & Canonici Juris Interpretum sententia, etiam apud Gallos. Guilielmus Durandus Episcopus Mimatenfis in speculo Juris part. 1. tit. de legato §. Nunc ostendendum mem. 1. *Majores causa*, inquit ad Sedem Apostolicam sunt referenda, ut extr. de hap. *Majores extr. de trans. c. 1. 11. q. 6. omnis oppressus, & citatus super istis coram Ordinario potest etiam absque aliquo gravamine illato, vel comminato ad Sedem Apostolicam appellare, ut 2. quest. 4. nullam & q. 6. ad Romanam & c. Ideo §. cum ergo quod specialissimum est ut probatur extrav. de appellat. ut debitus in fin.* Joannis Gersonii, Concordatis non longe antiquioris, verba mox exscribemus; sed glossa ipsa Pragmaticae Sanctionis, quae semper in eo Regno maximi habita fuit in tit. de causis §. statuit verb. *Majoribus rem confecisse videtur*, addens; *Qua ex natura ipsarum sunt deservenda ad Sedem Apostolicam, nec in ipsis compellebatur quis litigare coram Judice inferiori.* Quod multis comprobatur autoritatibus. Rebuffus magni nominis in illo Regno Autor eandem doctrinam tradit his verbis; *In causis majoribus in jure expresse descriptis, & Sedi Apostolica reservatis.*

5. Joannes Gerbadius id unum in tota sua dissertatione de causis majoribus explicandum sibi propositum fuisse profitetur in allocutione ad Lectorem; *Quid nempe Juris in praesentia obtinere debeat apud Gallos de causis majoribus.* Atque idcirco dissertationem suam inscripisse, ad caput Concordatorum de causis. Cum enim, inquit, Concordatorum leges aegre quidem initio; usu tamen inducta, sic jam videantur, ut municipalium instar legum nobis evaserint, opera pretium duxi examinare in primis; si quid forte novi Concordata de causis majoribus statuissent, speciatimq; de Episcoporum causis, & judiciis, quibus praesertim inhaerere suit animus. Articulo autem 3. num. 2. Quamquam, ait, dissertatio hac tota in-

*inscripta sit ad caput Concordatorum de causis ; Verumtamen capitis ejus tractatio propria magis erit hujus articuli , ubi sententiam legis capite isto comprehensa peculiari studio , ac de industria magis examinabimus . Quâ quidem declaratione levat nos onere discutiendi omnia exempla , quæ profert , judiciorum ab Episcopis circa causas majores diversis temporibus prolatorum , aut exceptiones , quas adhibet adversus prima judicia de hujusmodi causis à summis Pontificibus pronunciata .*

6. Itaque id unum inquirendum est quid nempè in Concordatis eâ de re statutum fuerit ; quandoquidem Concordata *municipalium instar legum Gallis evaserunt ;* Atque quantum conjecturâ licet assequi , sunt ex illis *regulis , moribus , & institutis à Regno , & Ecclesia Gallicana receptis ,* quæ valere debere declarant Illustrissimi Antistites Gallicani in hac tertia propositione . Sunt autem verba Concordatorum tit. de causis , quæ sequuntur ; *Statuimus quoque , & ordinamus , quod in Regno , Delphinatu , & Comitatu pradiitis , omnes , & singula cause , exceptis majoribus in jure expresse denominatis apud illos Judices in partibus , qui de jure , aut consuetudine præscripta , vel privilegio illarum cognitionem habent , terminari , & definiri debeant .* Istud caput , seu titulus nihil amplius continet . Quod enim attexuit , nescio qua intentione , Jeanes Gerbasius , aliud caput est sub titulo *de frivolis appellationibus .*

7. Agitur in capite modò exscripto , ut per se patet , de primo judicio causarum definitivo , non autem de supremo , & à quo appellari non possit . Nam neque minores etiam causas apud illos *Judices in partibus , qui de jure , aut consuetudine præscripta vel privilegio illarum cognitionem habent , ita terminari , & definiri possunt ,* quia liceat appellare , usque ad tertiam sententiam conformem inclusivè , ut in sequenti Decreto statuitur . Cùm igitur de prima sententia sit sermo ; constat , *causas majores in jure expresse denominatas à lege generali excipi ,* ejusque exceptionis non aliam vim esse posse , quàm ut aliæ quidem à Judicibus definiri queant , qui jure , aut consuetudine , vel privilegio illarum cognitionem habent , Majores verò nequaquam .

8. Quod adhuc magis confirmatur ex eo quod notat Gerbasius ; Nempè quod *prava diù consuetudo inoleverat vocandi Roman , etiam à remotissimis partibus , leviores causas , minimaq; negotia , sive id fieret*

*bat in prima instantia , ut aiunt, & per calumnias, sive per frivolas appellationes.* Duobus igitur abusibus, ut Gallorum more loquamur, mederi voluerunt tum Patres Basileenses, qui materiam Pragmaticæ Sanctionis subministraverunt, tum Autores Pragmaticæ Sanctionis, cui substituta sunt Concordata, tum Concordatorum ipsorum Autores; primò quidem ne omnium causarum prima cognitio Romam evocaretur. Secundò ne frivole aut interturbato jurisdictionum ordine, omisso medio appellaretur. Primo malo occurritur statuto supra relato, quo prima causarum cognitio Judicibus reservatur, ad quos *de jure, aut consuetudine, vel privilegio pertinet.* Sed dum excipiuntur *causæ majores in jure expressè denominata*, quid aliud operari potest illa exceptio, quam ut causæ majores etiam in prima instantia summi Pontificis judicio reserventur? Alteri abusu medetur caput sequens, ubi prohibentur appellationes, nisi ad immediatum Superiorem, & à sententiis interlocutoriis, nisi gravamen inferant irreparabile. Itaque istud caput *de causis, consuetudinem vocandi Romam, etiam à remotissimis partibus leviores causas, minimaq; negotia tollit*, sed exceptione firmat consuetudinem illuc vocandi *causas majores, quæ parvis, & minutis rebus ac negotiis opponuntur à Concilio Basileensi sess. 31.*

9. Id luce clariùs evadet si notetur doctrina Juris Canonici, ejusq; Glossatorum & Interpretum circa ordinem Judiciorum. Nam ex cap. *ut nostrum* de appellat. summus Pontifex causam motam apud inferiorem Judicem ad se evocare poterat, quod de Principe supremo docent etiam Juris Civilis Doctores, ut videri potest apud citatos ab Augustino Barbosa in hoc cap. verb. *ad nostrum judicium revocavimus.* Ea-que evocatio eundem, aut majorem, quam appellatio, habebat effectum; *Cum plus sit*, inquit Innocentius III. illius Decretalis Autor, *Romanum Pontificem ad se aliquod revocare* (aut ut est in margine) *evocare negotium, quam quemquam ad eum super aliquo negotio provocare.* Poterat etiam ad summum Pontificem appellari omisso medio ut patet ex cap. *antiqua* de privileg. ubi gloss. verb. *ab omni; hoc est, sit, privilegium Apostolica sedis ut omnis omniū possit appellari ad ipsam.* Idem docet hic Augustinus Barbosa, plurimorumque Doctorum autoritate confirmat. Jus autem illud observabatur in Gallia, ut alibi. Non enim alio



alio jure communi quàm Decreto, & Decretalibus utebantur Galli, ut tradit D. Petrus de Marca lib. 3. cap. 6. num. 5. verbis jam alibi relatis; Abusus igitur, qui circa hæc duo puncta irrepsertant, tollere voluerunt Patres Basileenses, Auctores Pragmaticæ Sanctionis, & Auctores Concordatorum, solis causis majoribus primo sanctæ Sedis judicio relictis, & sublatiis appellationibus, omisso medio, vel à sententia interlocutoria gravamen irreparabile non inferente.

10. Agnovisse, vel invitus videtur Gerbasius, Concordata aliquid statuisse circa causas majores, & discrimen inter illas, & ordinarias posuisse; sed vult hoc tantum statutum, nempe ut illæ referrentur ad summum Pontificem, non istæ. *Esto* (inquit num. 4.) *determinata quoque sit in Concordatis ratio finiendarum causarum majorum. Esto clausula ista, exceptis causis majoribus, &c. legem continet, &c.* Et infra; *Clausula itaque negat cognitionem causarum majorum debere omnino finire à Judicibus in partibus sine relatione ad summum Pontificem.* Sed aliena est prorsus à mente Conditorum illius statuti hæc interpretatio, quatenus primum judicium causarum majorum Episcopis reservare conatur. Primum enim jam dudum desierat ille relationum usus, ut ne verisimile quidem sit illum in mentem aut Pontificis, aut Galliæ Regis, aut Episcoporum venisse. Secundò non quærebat, an sancta Sedes esset consulenda super negotiis, sed in quo Tribunali, & quo ordine judicanda essent? An nimirum passim omnia possent per evocationem, aut per appellationem ad Curiam Romanam trahi, ut patet ex integro Decreti Basileensis, Pragmaticæ Sanctionis, & Concordatorum contextu.

11. Non negabit Gerbasius Senatui Parisiensi veram Pragmaticæ Sanctionis intelligentiam, quippè cujus se illa Curia protectricem profiteatur. Atqui Senatus Parisiensis in oratione ad Regem Ludovicum XI. an. 1461. circa libertates Ecclesiæ Gallicanæ habitâ, & interTRACTatus de illis libertatibus in 1. tomo Puteani secundo loco relatâ, declarat primam cognitionem, & decisionem causarum ad Episcopos spectare, nisi sint majores.

12. Idem declararunt Officiales Regii an. 1461. „Cautum „est ut Ordinarii tanquam veri Pastores cognitione, ac jurisdictione gauderent in suas oves, exceptis causis majori-

338 TRACTATUS DE LIBERTATIBVS,  
,,bus reservatis à dicto Concilio, scilicet Basileensi apud Pu-  
,,teanum in probat. libert. Eccl. Gall. cap. 36. num. 21.

13. Articulo 15. affert Gerbasius quædam exempla Con-  
cordatis recentiora, quibus ostendit Regem Christianissi-  
mum, vel Ecclesiam Gallicanam, vel Episcopos singulares  
intercessisse, ubi summi Pontifices Episcopos deponere mo-  
liebantur, sed cum afferat exempla etiam contraria, quid ex  
illo conflictu resultat, nisi modò illud, modò aliud jus  
usurpari, prout quisque suis rationibus commodum judi-  
cat?

## C A P U T V I.

### *De causis judicandis Romæ.*

1. **S**ecunda controversia est an majorum causarum cogni-  
tionem Judicibus delegatis in Regno committere tenea-  
tur summus Pontifex? Nequaquam certè, ad id adstringitur:  
quia non honoris tantùm causa, & in signum superioritatis  
summo Pontifici reservatæ sunt, quod de appellationibus in  
causis ordinariis dici posset; sed quia propter rerum digni-  
tatem, supremi Judicis lumen, & auctoritatem requi-  
runt.

2. Sunt multi alii casus, in quibus summus Pontifex de-  
beret causarum cognitionem ad se trahere, etiamsi alias nul-  
la ei positiva lege reservarentur v. g. Primò cum Episcopi  
aut nolunt, aut non possunt Ecclesiarum necessitatibus pro-  
videre. *Attamen*, inquit Joannes Gerbais de caus. major. art.  
10. §. 3. *Si quando Metropolitanis, vel in Suffraganeorum suorum sceleribus*  
*convivere visi sunt, vel certè ob fustum latius malum, nimiamq; fortè corrupte-*  
*lam emendandis illis impares extiterunt; haud immeritò sanè Apostolica Sedis*  
*tum adfuit auctoritas, ad quam nempe spectat cæterorum Episcoporum excitare*  
*vigilantiam, inò & eorum implere vices, si fortè deficiant, &c.*

3. Secundò quando periculum est in mora, sic idem Ger-  
bais art. 11. in fine, loquens de Commissariis ab Urbano VIII.  
datis die octava mensis Octobris anno 1632. ad instantiam Lu-  
dovici XIII. Francorum Regis adversus quosdam ejus Regni  
Præ-

Prælatos ; ait formam illam iudicii , ut scilicet summus Pontifex supremum causæ iudicium immediatè committeret , necessariam fuisse , *ob genus criminis , quod cum præsentem Imperio suo ( Ludovici ) ruinam insentaret , longiorem tamen Canonica iudicii formam non sinebat usurpari.*

4. Tertio quando res sunt admodum difficiles , præsertim si concurrat aliquod scandali periculum , ut fatetur ipsemet Gerbais art. 4. §. 1. quamvis aliundè contendat primam majorum causarum , quo nomine difficiliore , præcipuè in materia fidei , intelligit , cognitionem ad Episcopos pertinere. *Hæc itaque , inquit , regula constitui non ineptè poterit in fidei dirimendis questionibus. Nempè si controversia forsitan aliqua in Provinciis excitetur de rebus ad fidem spectantibus , vel res illæ obscuræ erunt , insolentes , neque satis aut scripturis , aut etiam traditione explicata , TUM CONSULENDA ERIT APOSTOLICA SEDES , EIVSQVE EXPECTANDA SENTENTIA , QUÆ PRIMA ESSE DEBET , ut inquit Facundus Hermianensis. Consentit in hoc Joannes Gerbadius cum Joanne Gersonio ; nisi quod iste primum earum causarum difficilium iudicium summo Pontifici reservet. Hæc sunt ejus verba tract. de examination. doctrinarum consideratione 3. *Aliqua sunt doctrina palam hæreticales apud omnes ; alia dubia simplicibus , sed manifesta sapientibus , & peritis ; tertia veluti neutra habentes pro se Doctores cum rationibus ad utramque partem probabilibus : Nec in una tantum Diocesi , vel paucis , sed apud omnes Christianos , aut longè plurimos. Est ergo veritas quod in primis , & secundis auctoritas inferiorum Prælatorum se extendit , & ad suos tantummodo : In tertiis verò nequaquam , quoniam meritiò dicuntur majores causa fidei propter difficultatem decisionis cum periculo scandali : Ideò sicut ad Sedem Ecclesiæ , VEL AD SEDENTEM IN EA referenda , juxta illud : Si quid ambiguum , vel difficile , &c.**

5. Quartò si Episcopi etiam vicini suspecti essent. Cum enim jure tam naturali , quàm positivo Judices suspecti recusari possint , si omnes inferiores gravi laborarent suspitione , recurrendum sine dubio esset ad supremum , qui negotium ad se trahere posset , si certò prævideret Episcopos v. g. sæcularis potestatis metu injustitiam nullo modo , vel difficulter reparandam commissuros. Istud pluries accidit in negotiis Episcoporum. Quamobrem Hincmarus Episcopus Remensis privilegium à sancta Sede instanter efflagitavit , impetravitque ,

que, ne ab alio, quàm à summo Pontifice judicari posset. Nullius infestatio ante audientiam Romani Pontificis, quia nec regula hoc permittunt Ecclesiastica, judicare te, vel condemnare presumat. Quod etsi temerarius quisquam fortè presumpserit, nullius excommunicationis, vel obligationis, vel condemnationis sententiâ sine decreto Pontificis tenearis adstrictus, sed si à quocunque, vel undecumque fueris compellatus, ut debeas judicari, APOSTOLICI PAPÆ IUDICIO TE RESERVARI, nostrâ, inò B. Petri auctoritate decernimus. Nec alterius cujuscumque juri, vel iudicio te subijci exceptâ potestate Sedis Romani Pontificis, nec ad alterius Primatis Provincia Synodum, nisi ex communi placito posse convocari mandamus. Nicolaus I. epist. 1. in Appendic. Ministrant hujusmodi exempla oppressorum à propriis Coepiscopis Antistitum Historiæ Gallicanæ, Prætextati Rothomagensis à Chilperico Rege oppressi, de quo Gregorius Turonensis hist. franc. lib. 5. cap. 19. sancti Desiderii Episcopi Viennensis Brunechilde Regina infrigante, exauctorati in Concilio Cabilonenſi anno 603. illorum Episcoporum, de quibus Sigebertus in Chronic. anno 685. Theodoricus Rex, inquit, Ebroinum in gratiam recipit, ejus consilio Synodum Episcoporum cogit, & in hac multis eorum ex sententia Ebroini privat: Arnulphi, Hugonis Capeti præcepto urgente à Sede Reamenti depositi, de quo lib. 5. Aimoini, sive ejus continuatoris cap. 46. aliorum denique non paucorum, quos certè maximè juvisset, si Romani Pontifices eorum causas ad se evocassent, ne à Coepiscopis Principum voluntati cedentibus obruerentur.

6. Concilium Tridentinum dignitati, ac securitati Episcoporum optimè se consulere putavit, statuens, ut causæ graves Episcoporum à solo Romano Pontifice judicarentur, non permisâ earum cognitione Conciliis Provincialibus, aut Episcopis Metropolitanis, nisi fortè ad sumendam informationem, si quando id locorum distantia, vel alia ratio postularct. Causa criminales, inquit sess. 24. de reform. cap. 5. graves contra Episcopos etiam hæresis, quod absit, quæ depositione, aut privatione digna sunt, ab ipso tantum summo Pontifice cognoscantur, & terminentur. Quod si ejusmodi sit causa, quæ necessariò extra Romanam Curiam sit committenda, nemini prorsus ea committatur, nisi Metropolitanis, aut Episcopis à Beatissimo Papa eligendis. Hac verò commissio, & specialis sit, & manu ipsius Sanctissimi Pontificis signata, nec unquam plus his tribuat, quàm ut solam facti instructionem

*instructionem sumant, processumq; conficiant, quem statim ad Romanum Pontificem transmittant: reservata eidem Sanctissimo sententia definitiva. Videri etiam potest sess. 13. de reform. cap. 8. & jura utrobique ad marginem citata. Cùm ad Episcoporum pertineat dignitatem talem habere Judicem: Nescio cur illi ipsi ejus judicium effugere nitantur, quo facile possent indigere. An ut Conciliis Provincialibus sua servetur autoritas. Sed desiit in Gallia illorum usus; & licet congregarentur, ad tuendam innocentiam, si opprimeretur, vel ad plectendam injustitiam, si à potentibus defenderetur, parum valeret.*

7. *Aliæ possent occurrere occasiones, & legitimæ causæ perferendæ ad sanctam Sedem primæ negotiorum cognitionis. Illic posse causas retineri, quoties justa subesset ratio expressè continebat olim Pragmatica Sanctio his verbis, aut aliam rationabilem causam, quæ verba licet deleta sint, ut docet glossa, ad instantiam Universitatis Parisiensis, nè sub illorum prætextu quælibet negotia Romæ tractarentur, & quælibet causa justa, & rationabilis supponeretur: Tamen si revera subessent hujusmodi causæ justæ, & rationabiles, si non ex Jure Gallico, certè ex naturali, & Divino, liceret summo Pontifici potestate sibi à Christo traditâ; uti.*

8. *Sic habet nunc Pragmatica Sanctio tit. de causis §. si verò, ubi sermo est de causa in partes remittenda. Nisi forè propter defectum justitiæ, aut justum metum etiam in partibus convicinis, de quibus in commissione exprimendis legitimo prius documento, alias quam per juramentum summarie constiterit, apud ipsam Sedem foret merito retinenda. Glossa ad verbum convicinis; sequebatur in primo originali, aut aliam rationabilem causam; qua clausula sublata est instantibus Nunciis Universitatis Parisiensis; eo quod minima causa, qua in Romana Curia exponeretur, apud multos rationabilis, & legitima judicaretur, & per hoc non esset provisum abusus. Cessante igitur fraude, si defectus justitiæ, justus metus, aut alia rationabilis causa postulet, negotium poterit apud sanctam Sedem retineri.*

9. *Si Conciliis Provincialibus relinquenda est cognitio graviorum causarum contra Episcopos, non est expectandum, ut quisquam puniatur, cùm jam pridem nulla illic Concilia celebrari videamus. Atque illud præcipuum videtur esse consilium eorum, qui tantoperè certant, ut Episcopi à Conciliis Provincialibus judicentur. Cùm enim frequentior erat Sy-*

342 TRACTATUS DE LIBERTATIBVS,  
norum celebratio securius, & honorabilius sibi arbitra-  
bantur Præsules solius Romani Pontificis subiacere judi-  
cio. Si quis de admissio in Regem, aut Regnum crimine  
accusaretur, facilis quidem foret Concilii congregatio, sed  
accusato admodum periculosa, essetque maximè optandum,  
ut illius causa immediatè ad sanctam Sedem deferretur, Ro-  
mæque judicaretur juxta Concilii Tridentini Decretum.

## C A P U T VII.

*Utrum Papa in ferendo judicio teneatur ordinem judicia-  
rium ad amussim sequi.*

1. **H**Æc quæstio egregiè tractata est à Joanne Monacho  
Cardinali Natione Gallo, patria Picardo supra Confiti-  
tut. Bonifacii VIII. quæ incipit; Rem non novam. Extra-  
vag. de dol. & contumac. verb. *non obstantibus aliquibus privilegiis*:  
Antequam dubium resolvat distinguit quinque genera legum,  
& jurium, scilicet, primò legem æternam, quam cum S. Au-  
gustino contra Faustum definit esse Divinam voluntatem,  
ordinem universitatis conservari jubentem, & perturbari ve-  
tantem. Secundò legem naturalem homini impressam, tan-  
quam participationem quamdam legis æternæ, & principia  
rerum agendarum dictantem; puta bene esse agendum, nul-  
li nocendum, benè agentes premiandos, peccantes punien-  
dos. Tertiò legem Divinam hominem dirigentem ad finem  
supernaturalem, idest naturalem virtutem, & facultatem  
hominis excedentem. Quartò legem humanam ex naturali  
deductam tanquam conclusionem à principio necessariam cum  
illo connexionem habentem. Quintò legem humanam, na-  
turalem determinantem in iis, quæ ab ipsa in communi tan-  
tùm præscribuntur; puta cum lex naturalis dicat in com-  
muni peccantes esse puniendos, non determinatâ pænâ, lex  
humana præscribat homicidas esse puniendos tali, vel tali ge-  
nere pænæ.

2. Ex his quinque legum generibus quatuor prima cujus-  
vis hominis, etiam summi Pontificis, potestatem superant.  
Cum

Cum enim lex æterna sit ipsemet Deus, lex autem naturalis, quasi quædam copia, & impressio legis æternæ à Deo facta; lex Divina ab ipso Deo constituta; ac denique lex humana à naturali tanquam conclusio deducta, virtualiter, ac radicaliter in suo principio contenta, ejusdem rationis cum illa censeatur; constat illas omnes à solius Dei voluntate pendere, unde interdum earum quælibet ab Autoribus, legis Divinæ nomine donatur. His igitur non superiores, sed subiecti sunt cujuscumque conditionis homines, nec ab eis recedere sine peccato possunt.

3. Itaque dum quæritur an summus Pontifex teneatur ordinem judicarium in aliquo sequi: Primò videndum est an ille ordo sit à lege aliqua, ex supradictis præscriptus. Quod si ita esse constiterit, non poterit certè illi sese non accomodare: sed de hoc nulla est controversia, præsertim in materia libertatum Ecclesiæ Gallicanæ, in qua frequentiores contentiones oriuntur ex violatis aut prætermiſſis solemnitatibus, & formulis in Gallia servari solitis, & à consuetudine, ab ordinationibus Regiis, aut Senatus consultis, institutis.

4. Quo circa dicendum videtur non debere quidem summum Pontificem solitum illum ordinem prætermittere, vitandæ perturbationis causa, & quia plerumque ad justitiam conducere in qualibet regione censenda sunt, quæ populi consensu, ac diuturno usu comprobata sunt; non tamen ideò invalida esse summi Pontificis Decreta, dummodo in iis nihil desideretur illorum, quæ lex Divina, vel naturalis præcipit, præsertim si prætermittere ordinem, necessitas, aut magna utilitas suadeat; puta si ejus conditionis sit negotium, ut nisi celerimum afferatur remedium, plurima consecutura sint mala, qualia essent dogmata pernicioſa, Sacramentorum prophanationes, &c. Imò in rebus minoris momenti, si per provisionem, ut vulgò dicitur sine partium præjudicio, aliquid statuatur, alicujus periculi vitandi gratia, causæ merito maturiori examini, & discussioni à Judicibus, ad quos pertinet, faciendæ reservato. Vel enim forma illa est à Rege aut populi usu constituta; & sic summum Pontificem utpotè Superiorem ligare nequit. Vel ab Ecclesia ipsa inducta est,

est, & ita supremi Pastoris est, super ea dispensare, postulante necessitate, vel Ecclesiæ utilitate.

5. An minorem summo Pontifici libertatem circa formulas in judiciis Ecclesiasticis concedemus, quàm Jurisconsulti Curiis Regiis in negotiis sæcularibus? *Curia Parlamenti*, inquit Petrus Rebuffus in proem. ad Concord. n. 15. *ex bono, & æquo judicare solet, & secundum conscientiam, & debet veritatem attendere non subtilitatem, seu formalitatem.* Omitto, quòd vulgò circumfertur, Principem, & præcipuè Papam, esse supra legem, solum à lege, ac lege superiore. Verumtamen cùm id de vi tantum coactiva intelligi debeat, Principes, præsertim Ecclesiastici, vim legis directivam, amore justitiæ, accuratius sequi debent, quàm subditi vi coactivæ, timore pænæ, sese accommodare.

6. Illustissimi Præsules Gallicani, ut summi Pontificis, quamplurimarum Ecclesiarum Galliæ libertatem adversus Regiam defendentis zelum sisterent, violatum ab eo in aliquibus negotiis judicarium ordinem obtulerunt; ac cùm deberent Christi Vicarium malis, & scandalis in illis ipsis negotiis perpetratis medentem juvare, illa silentio involventes de inverso processûs ordine gravissimas excitarunt querelas. Verùm quæcumque necessaria erant ab eo observata fuisse, & ea tantum prætermissa, quæ vel impossibilia erant, vel ob conditionem negotiorum, promptum remedium postulantium, adhiberi non poterant, ac denique rerum justitiam adeò esse evidentem, ut nullo prætermissarum formularum prætextu eludi posset, egregiè demonstratum est variis scriptis Gallico idiomate editis, præsertim libello, cujus titulus est; *Considerationes circa Ecclesiastica negotia in proximis Comitibus generalibus Cleri Gallicani proponenda.* His igitur omisis ad quæstionem redeamus.

7. Communia quidem à nemine negantur. Sed ea casibus particularibus applicare, in quibus tamen operæ pretium est, non tam facile quilibet possit.

8. Duabus partibus omninò necessariis, & quasi essentialibus constat judicium, scilicet cognitione causæ, & prolatione sententiæ, ad quas reliqui omnes actus referuntur. Necessè quippe est, ut *Judex* causæ merita intelligat, ac iis intel-



tellectis jus dicat. Verùm ut causæ cognitionem adipiscatur , opus est , ut utraque pars jus suum exponat , ac partis adversæ allegationibus respondeat , quod litis contestatio à pragmaticis nuncupatur. Ex ea contestatione maximè pendet causæ instructio , eo quod nihil magis ad detegendam veritatem juvet , quam si omnes utrinque rationes proponantur , ut contingit , cùm hinc Actor , illinc Reus ; alter pro affirmativa , alter pro negativa , studiosissimè , ut fieri solet ab iis , quorum interest , conquisita argumenta proferrunt. Undè illa litis contestatio ceu præcipuum processûs fundamentum habetur à Jurisconsultis. Ut autem ambæ partes in id concurrant , oportet , ut vel communi consensu , vel quod plerumque necesse est per Rei citationem convenient apud Judicem. Quod si , ut ferè semper accidit , altera pars affirmet , neget altera ; cùm neutri quantumvis eximiæ dignitatis credendum sit ; probationibus opus est , quæ de veritate fidem faciant , ac Judices instruant. Detectâ veritate pronuntianda est sententia , ac executioni demandanda , nisi fortè injusta sit , & à superiori Judice corrigenda.

9. Quamvis ergo ad hoc , ut judicium validum sit jure naturali , ac Divino , satis sit , ut Judex causam norit viâ publicâ ( cùm enim ut persona publica , & ob bonum publicum procedat , non sufficit ei privata cognitio , quantumvis certa ) ; & ut æquitatem , & justitiam servet in jure dicendo : tamen quia perfecta illa cognitio , partibus non auditis , vel saltem vocatis , & aliunde accersitis probationibus , haberi non potest ; nec consequenter , nisi temerè judicari : necesse omninò est ; primò ut partes citentur , nisi fortè ultrò convenerint , & utraque jura sua tueatur , aut tueri possit. Secundò ut , si pars altera adesse nolit , quod ab altera asseritur probetur. Tertiò ut judicium secundum allegata , & probata , juri præsertim Divino , & naturali consentaneum proferratur.

## CAPUT VIII.

*De necessitate Citationis , & probationum.*

1. **C**itationem de jure naturali ac Divino esse consentiunt omnes ferè Doctores ; ita scilicet , ut nemo condemnatur , nisi se defendendi facultatem habuerit. In eam sententiam adducuntur variis Sacræ Scripturæ locis , præsertim Genes. 4. vers. 9. *Ait Dominus ad Cain , &c.* ubi Glossa interlinearis sic ait ; *Non quasi ignarus ut discat , sed ut reum puniat ;* quia scilicet nemo puniendus est , nisi aut convictus , aut spontè confessus. Non patitur bonum publicum ut impunita remaneant scelera ; sed multò minus ut plectantur infontes , qualis autem quisque sit , nemo melius novit quàm ipse ; nec aliis melius innotescere potest , quàm ipsius verbis ; quæ si sincera sint , veritatem manifestant ; si mendacia , non ità componi , aut promi possunt , ut vel ex contextu , vel ex modo , vel ex collatione cum aliis iudiciis , & probationibus , aliquam non præbeant Judici criminis detegendi ansam ; ut neque famâ , neque testibus solis , nequè aliâ quavis ratione tutè omninò , ac expeditè , reo non audito , ad criminis , vel innocentiae cognitionem perveniri possit. Etenim licet factum ipsum possit omninò notorium , & evidens esse : tamen ejus bonitas , & malitia plurimum ab adjunctis , seu circumstantiis pendet , quarum saltem aliquas nemo alius præter ipsum facti Autorem certò novisse potest , v. g. quâ intentione ductus fuerit , quod maximè in ferendo de qualibet actione judicio attendendum est ; quia , ut Divina docent oracula , si oculus intentionis fuerit simplex , totum corpus actionis , quæ benè ac malè fieri potest , erit lucidum : si autem nequam fuerit intentionis oculus , tenebrosus erit totum actionis corpus. Jurisperiti etiam in criminibus an dolus intercesserit , diligenter inquirendum movent.

2. Eà de causâ inhumana semper habita sunt illa judicia , quæ contra absentes non auditos , nec vocatos prolata fuerant. Ipsumet Pagani ab eis abhorruerunt. *Non est consuetudo*

tudo Romanis damnare aliquem hominem, priusquam is, qui accusatur, præfens habeat Accusatores, locumq; defendendi accipiat ad abluenda crimina: Verba sunt Festi ad Judæos S. Pauli damnationem urgentes Agrippæ relata A&. 25. vers. 16. Seneca eam esse putabat ante sententiam audiendæ utriusque partis necessitatem, ut sapienter pronunciaverit; qui parte inauditâ alterâ aliquid statuerit, licet æquum sit quod statuit, haud æquus fuit. In Med. vers. 199. & 200.

3. Eam injustitiam sibi à suis Adversariis factam gravissimè conqueritur S. Joannes Chrysostomus in epistola ad S. Innocentium Romanum Pontificem, *Quæ ab ipsis facta, contra omnem sunt ordinem, contra omnes Leges, contra omnes Ecclesiasticos Canones. Et quid dico, Canones Ecclesiasticos? Neque in Gentilium judiciis, neque in Barbarorum Tribunalibus talia attentata sunt unquam, imò verò neque Scythæ, neque Sarmatæ unquam judicarunt, judicium dandum uni parti, absente ea, quæ accusatur, &c.*

4. Sanctus Augustinus epist. 162. ita in Donatistas invenitur: *Ubi est quod Scriptura clamat: Antequam interroges, ne vituperes quemquam, & cum interrogaveris corripe justè; Si ergo nec vituperari, nec corripì, nisi interrogatum Spiritus sanctus voluit, quando sceleratius non vituperati, aut correpti, sed omnino damnati sunt, qui de suis criminibus nihil absentes interrogari potuerunt.*

5. Nec puto à quoquam dubitari, quin audiendus, vel saltem citandus sit reus, antequam in eum, vel etiam pro eo feratur sententia: De citandi tantum ratione interdum ambigitur. Bonifacius VIII. in Constitutione *Rem non novam*. de dol. & contum. in Extravag. commun. quam occasione dissidii cum Philippo IV. Francorum Rege dicitur edidisse, statuerat, ut citationes autoritate Apostolicâ de quibuscumque personis, undecumque, & ubicumque essent, præsertim si impedirent ne citationes ipsæ ad se pervenirent, sive loca tutè, ac liberè adiri non possent, factæ in audientia litterarum Apostolicarum, aut in aula Palatii, postmodum assignendæ in valvis majoris Ecclesiæ loci, in quo Romana Curia resideret, sic valerent, ac arctarent citatos, sicut si eos personaliter apprehendissent, seu ipsismet significatæ fuissent. Quia verò vox illa, præsertim, indicare videbatur, id etiam in aliis casibus, ultra expressos in Constitutione, locum habere debere, cæteros omnes Clemens V. in Concilio Vien-

nenſi excluſit, his verbis ; *Præſatum modum citandi reſtringimus ad illos tantum, & in illis locum volumus ſibi vendicare, qui faciunt, impediunt, vel procurant, per ſe, vel per alios, quoquo modo, ne ad eos poſſit citatio pervenire, vel quorum domicilia, ſive loca non poſſunt tunc, liberè adiri.* Clement. Dudum de judic.

6. Ergo de jure Divino, ac naturali eſt, ut nemo condemnatur, niſi ſeſe defendendi facultatem obtinuerit. Quamobrem oportet ut citetur, meliori quo poteſt modo ; Ita tamen, ut, quantum eſt ex jure Divino vel naturali, ſatis ſit, quod citatio ad ejus cognitionem perveniat, aut ut, ne pervenire poſſit, ipſe vel efficiat, vel procuret. Cæterum quantum ad ſpeciales citationis conditiones pro variis perſonarum, & negotiorum circumſtantiis, Canonibus, & legibus ſtandum eſt, quandiù aliqua urgentiſſima cauſa diverſum ordinem ſequi non ſuadet. Si autem hujusmodi cauſa ſubſit, juſtitia præſcriptis formulis, quæ propter commodiùſ ſervandam juſtitiam excogitatæ ſunt, antepoſenda eſt, præſertim à ſupremo judice.

7. Porro ſi reus ſincerè crimen ſuum, aut aliud quid ſibi contrarium fateatur ; ulteriori probatione non eſt opus ; præſertim ſi de ſcelere non agatur, cui pœna mortis debeat (quo caſu non eſſet audiendus, perire volens : ) quia non eſt veriſimile, homines, ad privatum ſui amorem propenſiſſimos, velle ſuis rebus nocere, etiam cum veritatis diſpendio, quam econtra plerique propriarum rationum conſervationi poſtponunt. Sed cum deſt rei confeſſio, neceſſe eſt, imò, cum adeſt confeſſio, eſt utile alias conquirere probationes, ut nonniſi plenè comperto factò jus dicatur.

8. Cujusmodi autem debent eſſe probationes, ut plenam fidem facere cenſeantur, vel ut Judex ad ferendam certam ſententiam procedere queat : pro cauſis quidem ordinariis duo teſtes omni exceptione majores ex jure Divino, in variis Scripturæ locis promulgato, & ex multis legibus humanis, requiruntur, & ſufficiunt. Frequenter tamen plures neceſſarii ſunt, ſeu probationes majores : aliquando ſufficiunt pauciores probationes, pro rerum, & perſonarum conditione, prout crimina, de quibus eſt quæſtio, clam, aut palam ſolent perpetrari ; prout pœna gravior, aut levior inſigenda eſt,

est, ac pro cæteris circumstantiis. Quocirca id sequendum est quod præscribunt leges, & consuetudines, aut Judicis arbitrio standum, ubi res à legibus ei permissa est, aut ubi iudex supremus est, cujus sententia legis vim habet, quoties juri Divino aut naturali apertè non repugnat.

9. Dubitatur autem, utrum, si pœna pro vero, sed non comperto crimine imponeretur, valeret sententia. Eam certè rescindendam esse probat idem Joannes Monachus loco jam citato, plurimis, gravissimisque rationibus: unde necessariò consequitur abstinendum esse à ferendis hujusmodi judiciis. Reus non tam sui, quàm aliorum causâ punitur à Judice, ut scilicet similis pœnæ timore à malo retrahantur. Si autem crimen confessione, aut alia juris ratione ad publicam lucem deductum non fuerit, non magis malis, quam bonis terror incutitur, nec potius culpæ Reorum, quam injustitiæ Judicum pœna adscribitur. *Evidentia patrati sceleris non indiget clamore Accusatoris*, ut habet Glossa in cap. 4. Genes. vers. 10. Indiget tamen examine, ut patet in cap. 18. Genes. ubi Deus cum de peccato Sodomorum & Gomorrhæ dixisset, *Clamor Sodomorum, & Gomorrhæ multiplicatus est, & peccatum eorum aggravatum est nimis*; subjungit nihilominus; *Descendam, & videbo, utrum clamorem, qui venit ad me, opere compleverint, an non est ita, ut sciam*. Ubi Glossa; *Ut à precipitatione judicii comperceret, mala Sodomæ prius voluit probare, quàm judicare*.

10. Cæterùm Superiorum sententia, etiam injusta, præsertim si injustitia circa modum dumtaxat versetur, contemni non debet, ne contemptus dignum reddat pœnâ, quæ fortè injustè fuerat inflicta. Quo circa sapienter monet S. Gregorius homil. 26. in Evang. *Paster ergo vel absolvere indiscretè timeat, vel ligare. Is autem, qui sub manu Pastoris est, ligari timeat, vel injustè, nec Pastoris sui judicium temerè reprehendat: ne; etsi injustè ligatus est, ex ipsa animada reprehensionis superbia, culpa, qua non erat, fiat.*

## CAPUT IX.

*Discrimina inter potestatem summi Pontificis erga fideles totius Ecclesie , & potestatem Archiepiscopi erga subditos suorum suffraganeorum.*

1. **C**Lariùs elucescet summi Pontificis autoritas erga fideles omnes, si cum eâ conferatur, quam Archiepiscopi in suffraganeorum suorum subditos obtinent, idemque de Patriarchis, ac Primatibus erga fideles sibi non nisi mediâtè suppositos intelligendum est.

2. Primum, ac præcipuum discrimen, & à quo cætera ferè omnia suboriuntur, in eo positum est; quod potestas summi Pontificis ex omnium Catholicorum consensu à Deo immediâtè profecta est. Archiepiscopo verò ab Ecclesia collata est jurisdictio. Id luculenter tradit S. Thomas Opusc. contra impugn. Relig. cujus verba alibi retulimus, & mox repetemus.

3. Secundum discrimen ex primo resultat. Si enim summus Pontifex à Deo suam accepit auctoritatem, ab Ecclesia vel tolli, vel minui nequaquam potest, quod summi Pontifices protestati, & Doctores confessi sæpissimè sunt. At verò Ecclesia potestatem, quam Archiepiscopo contulit, modò auxit, modò minuit. Quo circa S. Thomas loco jam citato jurisditionem non solum summi Pontificis in omnes fideles, sed etiam Episcopi in Sacerdotes suæ Diocesis, jurisditioni Archiepiscopi in subditos suorum suffraganeorum anteponebat; Episcopus subditur Archiepiscopo solum ex ordinatione Ecclesie, & ideo in quibus Ecclesia statuit Episcopum Archiepiscopo subiectum, in illis tantum subiectus est ei. Sacerdos autem, qui ex jure Divino Episcopo subditur, in omnibus est ei subiectus, sicut etiam Papa habet immediatam jurisditionem in omnes Christianos, quia Ecclesia Romana nullis Synodicis constitutis cæteris Ecclesiis prælata est, sed Evangelica voce Domini, & salvatoris nostri Primatum obtinuit.

4. Tertium discrimen ex secundo nascitur. Quia enim Ecclesia Episcopis Archiepiscopos præfecit, non autem eorum subditis, nisi in casu appellationis, & paucissimis aliis; sum-

mo

mo verò Pontifici Christus omnes suas oves commisit, quo nomine censentur non solum Prælati, sed etiam eorum subditi: Archiepiscopus jurisdictionem tantum mediatam habet in suorum suffraganeorum Diocesanos; summus autem Pontifex immediatam in omnes Christianos. Quod discrimen in variis Juris Canonici locis notatur, ut Can. quamvis dist. 21. cap. Romana de appellat. in 6. &c.

5. Quartò ex illa immediata summi Pontificis in omnes fideles jurisdictione oritur; quod confessiones eorum per se, vel per suos Pœnitentiarios excipere possit, ut supra probavimus, quod Archiepiscopo pro cursu tantum visitationis concessum est: *Archiepiscopus* (inquit S. Thomas quodlib. 12. art. 30.) *quia non habet immediatam jurisdictionem in omnes sui Archiepiscopatus, nisi ex appellatione, non posset alicui dare licentiam vel auctoritatem audiendi confessiones contra voluntatem Episcopi, & Diocesani suffraganei.*

6. Quintò in causis ad forum contentiosum spectantibus Archiepiscopus ex officio procedere non potest, nec etiam ad querelam unius partis, ut declarat cap. *Venerabilibus* de sentent. excommun. quod potest summus Pontifex, ubi necessitas postulat.

7. Sextò differt potestas summi Pontificis ab Archiepiscopali, quod summi Pontificis autoritas Successoribus S. Petri inhæreat, nec ad alios transferri queat. At verò dignitas Metropolitica modò uni Sedi, modò alteri, modò etiam, nullâ Sedis habitâ ratione, antiquiori Episcopo delata est, vel à Conciliis, vel ab usu, vel à summis Pontificibus quod tùm reliquarum Ecclesiarum, tùm Africanæ, historiæ testantur. Sed & in ipsa Gallia non defuerunt exempla tum collatæ, tum ablatæ Metropoliticæ dignitatis. Notissimum est S. Leonis factum, qui Hilarii Archiepiscopi Arelatenfis erga sanctam Sedem contemptum multavit, demptâ illi Ecclesiæ Metropolitanâ jurisdictione, ac Ecclesiæ Viennensi concessâ; Quamquam restitutæ sunt postmodum Arelatenfi quædam suffraganeæ.

8. Septimò limitata est Metropolitanorum jurisdictio non solum ad certa loca, certosque articulos, sed etiam ad certum procedendi modum. At summus Pontifex solius justitiæ

352 TRACTATUS DE LIBERTATIBVS,  
tix ac rectæ rationis limitibus stringitur. Licet enim, ut  
sæpè notavimus, non æquale semper fuerit Pontificiæ po-  
tестатис exercitium, amplissima tamen semper illa potestas ex-  
titit.

## C A P U T X.

### *De auctoritate summi Pontificis in bona Ecclesiastica.*

1. **B**ona Ecclesiastica, sive in ordine ad Deum spectentur, qui sibi frugum terræ partem reservavit in signum supermi, quod in omnia obtinet, dominii, sive in ordine ad fideles, qui eorum, quæ à Divina bonitate acceperant, partem reddiderunt, sive in seipsis, ad absolutum summi Pontificis dominium non pertinent, multò minùs aliorum Prælatorum, aut Beneficiorum. Qui contrariam doctrinam tradunt, præterquam quod Sacrorum Canonum statutis, & sanctorum Patrum sententiæ adversantur, maximam Ecclesiæ perniciem afferunt, Beneficiariis occasionem præbentes, redditus Ecclesiasticos ad extollendas proprias familias, distandos parentes, vel Aulicos, magnifica Palatia construenda, convertendi, eosque sive testamento, sive donatione, aut aliâ dispositione distrahendi; quæ res & dantium conscientiam gravissimè lauciat; & accipientium sæpè fortunæ, Deo ità justè permittente, sæpius salutis animæ plurimum obest.

2. Si bona illa quemadmodum docet Concilium Tridentinum sess. 24. de reform. cap. 1. post Canonem Apostolicum 39. *Dei bona sunt*; non debent, ut tradit idem Concilium, Episcopi, atque adeò nec primus Episcoporum, qui cæteris debet esse norma, ea ut propria tractare; sed ut sibi commendata, in ejus, ad quem pertinent, cultum expendere; quodque ipsi ex his sibi vendicant, in suam, tanquam in Dei hominum sustentationem expendenda percipere. Sunt enim ipsi homines Dei, ut docet Apostolus 1. ad Timoth. 6. 11.

3. Fideles bona Ecclesiæ offerentes, etsi Ministris Christi, ut ejus obsequio commodius vacare possent, necessaria vitæ sub-



subsidia suppetere voluerint, nunquam tamen illis, aut illorum parentibus, vel consanguineis ditandis, aut aliis expensis inutilibus, sua bona destinant. Quocirca pleraque donationum instrumenta perhibent dari, & offerri bona illa sancto Petro, sancto Paulo, vel aliis Sanctis; non autem ipsorum Ministris, quibus ea ut Oeconomis tantum, & Dispensatoribus commendantur, concessis tantum ad sustentationem necessariis.

4. Quando primi Christiani pretia dividendorum prædiorum ad pedes Apostolorum perferebant; an vel ipsis fidelibus, vel Apostolis, vel alii cuiquam postea venit in mentem, Apostolos esse pecuniarum illarum Dominos, & posse in alios usus infumi, quàm in alimoniam pauperum, vel in alia opera pia? An putavit quisquam potuisse S. Petrum, aut alios Apostolos his opibus augere familiam? An B. Petrus id grande piaculum non duxisset? An non autem iisdem legibus tenentur Apostolorum successores, quibus ipsimet Apostoli? An majori pollent autoritate in Ecclesiam, vel in ejus bona, illi, qui hodie præfunt, quàm qui à proprio Christi ore regimen acceperunt.

5. Sanctus Thomas 2. 2. quæst. 100. art. 1. ad 7. expressè docet penes summum Pontificem directionem esse bonorum Ecclesiasticorum, non autem dominium. *Quamvis enim*, inquit, *res Ecclesia sint ejus (summi Pontificis) ut principalis dispensatoris; non tamen sunt ejus, ut Domini, & possessoris. Quem locum sic commentatus est Cardinalis Cajetanus; Nota quod cum potestas Papa quoad res temporales Ecclesia non sit potestas Domini, sed DISPENSATORIS, consequens est, ut plenitudo potestatis Papalis circa bona Ecclesia temporalia non exeat limites potestatis DISPENSATIVÆ, &c. Et inferius; Ex eodem quoque fundamento, scilicet quod Papa non est Dominus, sed DISPENSATOR, sequitur, quod de plenitudine potestatis non possit ad libitum dare bona Ecclesia, cui voluerit, aut consanguineis, &c. Sed teneatur FIDELITER DISPENSARE, ut recta ratio suadet, juxta illud; Hic jam quaritur inter Dispensatores, ut fidelis quis inveniat. Et rursus: Fidelis servus, & prudens, quem constituit Dominus super familiam, ut des illis in tempore tristici mensuram, & non ad libitum, quantum volet.*

6. Longissimè inter se distant bona sacra, & prophana, licet utrorumque solam dispensationem hominibus concedi-

tam doceant sancti Patres. Ista in omnes usus non prohibitos expendi possunt, quantum est ex ipsorum conditione; Quod addo, quia ex hominis affectu in eo sæpissimè peccatur: sacra verò nisi in operibus verè piis, & sanctis insumere nefas est. Hoc nomen ipsum manifestè significat; sanctum enim, aut sacrum idem est, quod ab omni usu prophano semotum, & cultui Divino mancipatum, sive immediatè, ut vasa sacra, quibus ad peragendam rem Divinam utimur, sive mediatè, ut decimæ, & alia, quibus Tempia sartataccta, & ornata conservantur, Altaris Ministri aluntur, aliæque opera pia perficiuntur.

7. Licet autem Papa non sit absolutus bonorum omnium Ecclesiasticorum Dominus; tamen quæ rationes à jure naturali, & positivo, Divino, & humano ductæ probant eum, qui Altari servit, de Altari vivere debere, eædem etiam demonstrant Romanum Pontificem, cum omnium Ecclesiarum sit Primas, cum teneatur, ut illarum Pastores officio fungantur, invigilare, delinquentes corrigere, atque, si peccatum exigat, plectere, illorum jura tueri, aliæque probi Patris, & Pastoris officia exhibere, posse de redditibus Ecclesiarum omnium ea capere, quibus ad congruam suam, Officialiumque sibi collaborantium sustentationem indiget.

8. Itaque, quamvis certa sint Ecclesiæ Romanæ, sicut & reliquis aliis, bona destinata; si tamen illa non sufficiant, licebit, quæ deerunt, ex aliis Ecclesiis conquirere. Ut enim multiplicem personam sustinet Pontifex, ita multiplices sumptus facit; & unius quidem fortasse Dioceseos necessitatibus providenti sufficerent fructus inde percepti; at non totum Christi gregem pascenti, atque regenti. Si ergo Reges consumptis domanii, ut vocant, redditibus, qui propriis & Regni expensis erant destinati, sine injuria possunt exigere subsidia, ad bella pro Regni tuitione, aut securitate suscipienda, vel sustinenda, aliæque gerenda negotia, publico bono utilia: Quidni poterit Summus Pontifex, iis, quæ à speciali Diocesi percipit, ad ipsiusmet Dioceseos bonum expensis, ab omnibus aliis Ecclesiis, quibus prospicere tenetur, necessaria subsidia sibi assumere. *Quarta potest.* inquit Cancellarius Parisiensis lib. de vita spirit. anim. l. c. 3. *Naturaliter Papa con-*

veniens habet, & requirit, ut tanquam SUPERIOR, & TUTOR, atque Conservator honoretur, & juvetur ab omnibus.

9. Concilium Basileense, quod in id maximè incubuisse videtur, ut Summi Pontificis jura quàm angustos posset in fines arctaret, cùm Annatarum usum abolendum decerneret, hoc tamen temperamento Decretum lenivit; Pro oneribus autem, quæ ipsum ( Romanum Pontificem ) pro regimine universalis Ecclesiæ subire oportet, proque sustentatione sanctæ Romanæ Ecclesiæ Cardinalium, & aliorum necessariorum Officialium hoc sacrum Concilium, ante sui dissolutionem omnino debite, & congruenter providebit. Quod si contingat aliquam circa hoc provisionem non facere, per hoc eadem sancta Synodus, non intendit in aliquo modo prejudicare sanctæ Romanæ, & universali Ecclesiæ. Datum Basilea in Majori Ecclesiæ in sessione publica celebrata anno Domini 1433. 30. Julii.

10. Itaque Clerus Gallicanus, qui tam alacriter, tamque liberaliter Regi suo, tum singulis annis certa rataque, tum quinto quoque anno nova & extraordinaria subsidia confert, quibus Regnum ab hæresi liberet, aut tueatur, iniquus esset, si Summo Pontifici, qui totius Ecclesiæ curam ex divini mandato gerit, ea sine injuriâ denegari posse arbitraretur, quibus ad rectum, & felix totius Christianitatis regimen indiget. Quæ injustitia clariùs appareret, si Summo Pontifici non tam pro sua, suorumque sustentatione, quàm pro totius Ecclesiæ adversus Infideles defensione auxilium postulanti non obtemperaretur; quæ de re agemus capite sequenti.

11. Nec justa esset excusatio, si objicerentur nonnulli abusus, qui fortè olim in exigendis hujusmodi subsidiis irrepserunt, ut optimè notavit Joannes Gersonius, sex considerationes super statu Summi Pontificis, & Dominorum sanctæ Ecclesiæ Cardinalium ponens. Statutis enim in duabus primis considerationibus dignitate atque autoritate illius status; nec non jure capiendæ sustentationis, considerationem tertiam hanc addit; status prædictus non ideo perdit jura sibi convenientia, quæ posuit propositio duplex præcedens, si fortè fuerint abusus aliqui personales, olim vel nunc inventi. Alioquin sic argueretur adversus omnem statum, nemum Ecclesiasticum, sed temporalem; quod dissipandus est, deserendus, & perendus; quoniam in multis offendimus omnes. Gerf. tom. 1. col. 188.

## CAPUT XI.

*De potestate Summi Pontificis in exigendis pro Ecclesiæ contra Infideles defensione subsidii.*

1. **D**ocet nos B Paulus , & post illum unanimi consensu sancti Patres , ac Doctores Catholici , Ecclesiam corpus esse ; Ipsum ( Christum ) dedit caput supra omnem Ecclesiam , quæ est corpus ipsius , inquit Apostolus Ephes. 1. *unum corpus & unus spiritus.* Ephes. 4. *Adimpleo ea quæ desunt passionum Christi in carne mea , pro corpore ejus , quod est Ecclesia.* Col. 1. v. 24. Illius corporis membra sunt omnes fideles ; Sicut enim corpus unum est , & membra habet multa , omnia autem membra corporis cum sint multa , unum tamen corpus sunt : ita & Christus. 1. Corint. 12. v. 12. Vos autem estis corpus Christi & membra de membro. ibid. v. 27.

2. Quæ autem sint membrorum inter se affectiones , & officia explicat Apostolus 1. Corint. 12. v. 25. & 26. his verbis ; *Idipsum pro invicem sollicita sint membra.* Et si quid patitur unum membrum , compatiuntur omnia membra : si ve gloriatur unum membrum , congaudent omnia membra. Quemadmodum igitur in corpore naturali sola membra rescissa , vel arida cæterorum dolore non afficiuntur ; ita in mystico Ecclesiæ corpore , qui singularum Ecclesiarum infortuniis , ac persecutionibus non moventur , se viva mystici corporis Christi membra non esse declarant.

3. Cæterum mutua illa membrorum sollicitudo non in sola sistit passionum communione , sed ulterius in præstanda opera & auxilio , ut imminens , aut jam vexans malum propulsetur. Læsâ manu accurrunt oculi , ut vulnus intueantur , pedes ad remedium properant , lingua illud postulat , altera manus admovet , singula denique membra propria officia obeunt , ad unius partis offensæ solatium. Non ergo Christianæ charitatis præcepto faciunt satis , qui afflictis condolent , nec opem ferunt. Cum Christiani Jerosolymitani magnâ laborarent egestate , tanto cum affectu illis cæteri succurrerunt , ut effusam illorum liberalitatem moderari ferè opus fuerit ; Quia secundum virtutem , & supra virtutem voluntarii fuerunt.

2. Co-

2. Corint. 8. v. 3. Itaque modum hunc præscripsit Apostolus, *non ut aliis sit remissio, vobis autem tribulatio; sed ex æqualitate. In presenti tempore vestra abundantia illorum inopiam suppleat: ut & illorum abundantia vestra inopia sit supplementum, ut sit æqualitas.* ibid. v. 13. & 14.

4. Cùm Saladinus Babylonix Rex Saracenus terram Sanctam infestaret, ac Hierosolymam cœpisset, Philippus II. Rex Franciæ, Henricus II. Rex Angliæ, cùm antea inimici essent, Guillelmo Archiepiscopo Tyri prædicante, & Domino per gratiam, & per signum miraculosum cooperante, facti sunt amici, susceptâque de manu illius Archiepiscopi Cruce, statuerunt ut omnes (exceptis illis, qui ipsam peregrinationem susciperent) ad impensas expeditionis decimam redditum & mobilium suorum persolverent. Hoc autem, ut notant Rigordus in vita Philippi, & Rogerius de Hoveden in vita Henrici, factum est consentientibus Episcopis, & Baronibus.

5. Porro si fideles, etiam laici bonorum propriorum partem in pium illud opus erogarunt, quantò æquius est, ut Ecclesiæ bona, quæ idèò sacra dicuntur, quod divinis usibus sint destinata, in rem ad Dei gloriam, & animarum salutem tantopere conducentem impendantur? Si laici fratrum suorum calamitates tenentur sublevare, quantò magis Pastores, & in Christo parentes? Si etiam adhibitâ excommunicationis sententiâ, ut testatur Rogerius, & innuit Rigordus, renitentes laicos ad solvendam Decimam de rebus & mobilibus profanis indictam adegerunt: Nonne turpe esset, si ipsi de bonis sacris, quorum sunt tantùm dispensatores, opem in fidei, libertatis, ac vitæ periculo constitutis ultrò non offerrent?

6. Prævit illis nuper ipsorum caput: quis enim obfessâ à Turcis Viennâ toti ferè Ecclesiæ non metuebat exitium? Quis Othomanicæ potentix in Germaniam, Italiam, ac remotiores, deinde Provincias irrumpenti obstitisset, Christianis Principibus inter se concertantibus, nisi providentia Summi Pontificis in se ipsum avari, & in Ecclesiam liberalissimi, suis consiliis, vigiliis, ac curis assiduis, effusam thesauri sui largitionem adjunxisset, quo Principes, ad communem Christiani nominis hostem repellendum armatos, juvaret; ac, cùm propriis ipsum manibus pugnare non deceret, effusus pecuniis vinceret? Magnum quid præstare sibi videbatur Innocen-

358 TRACTATUS DE LIBERTATIBVS,  
tius III. in Concilio Lateranensi triginta millia librarum ad  
expeditionem in terram sanctam offerens. Sed quàm exiguum  
donum, si conferatur cum magna illa vi auri & argenti, quam  
Innocentius XI. in Germaniam & Poloniam misit? An exem-  
plum adeò insigne reliquorum Episcoporum, & inferioris  
ordinis Clericorum animos ad depromendos Christianorum  
Principum conatus non accendit? Cæteri Pontifices præ-  
ceptis, atque censuris egerunt: Innocentius XI. exemplo  
invitavit. Sed si qui præeuntem non sequerentur, an de ju-  
bente, vel etiam cogente justè conquererentur?

7. Spontanea, inquires, debet esse obligatio. Is sanè qui-  
dem modus pietati Christianæ congruentior est. Verùm posse  
urgente necessitate reluctantes, saltem clericos cogi, docent  
plurimorum Decreta Conciliorum: solo præcepto usum est  
Lateranense quartum. At Lugdunense primum censuram ad-  
jecit; *Sciatis, se omnes ad hoc fideliter observandum per excommunicationis  
sententiam obligatos, ita quod illi, qui super hoc fraudem scienter commiserint,*  
*sententiam excommunicationis incurrant.*

8. Sed ne quis hanc potestatem solis Conciliis competere  
obtendat, suadet ratio, ac praxis confirmat, eam etiam pe-  
nes Summum Pontificem existere. Est ille paterfamilias, ad  
quem spectat cura totius domus, Pastor universi gregis, &  
caput visibile universæ Ecclesiæ, ad cujus proinde officium  
& autoritatem spectat sollicitudo de universis domesticis Dei,  
de singulis Christi ovis, de cunctis mystici ejus corporis  
membris.

9. Sanè ita hodie refrixit charitas, totque congregandis  
Conciliis obstant impedimenta, ut peritura esset maxima  
Christianitatis pars, si eà tantum ratione auxilium esset ex-  
pectandum. De sapientissimo igitur Ecclesiæ institutore cer-  
tò credendum est, ipsum Vicario suo, cum ei sponsam suam  
commisit, facultatem quoque largitum esse cuncta peragen-  
di, quæ ad securam ejus custodiam, ac defensionem, essent  
necessaria.

10. Plurima sunt Pontificum hac facultate utentium exem-  
pla; Clemens IV. à Gallia oriundus, pietate atque integritate  
maximè conspicuus, an. 1267. Decimam omnium reddituum  
Ecclesiasticorum S. Ludovico Francorum Regi ad expeditio-  
nem

nem in terram Sanctam sese accingenti ad triennium concessit; cumque Capitula Ecclesiarum Cathedralium onus detrectarent, ea graviter increpuit, & excommunicationis, Beneficiorumque privationis interminatione in ordinem redegit. Vide Raynaldum ad an. 1267. num. 53. & seqq. Urbanus IV. etiam natione Gallus antea, ut videre est apud eundem ad an. 1256. num. 13. non Capitula solum (ne quis suspicetur secundi tantum ordinis Clericos cogi solitos) Archipræsules Remensem, Senonensem; & Bituricensem renitentes compulerat. Alia passim in eodem Raynaldi volumine legi possunt exempla, ex ipsorummet Pontificum litteris ab eo citatis educta.

11. Sed ea est huiusmodi subsidiorum, dum necessaria sunt, iustitia, ut qui se morosos in eis præstandis exhibuerunt, non tam autoritatis ad ea exigenda defectum in Summo Pontifice, quam abusus quosdam, aut nimiam in exigendo severitatem causati sint. Verum, præterquam quod longè abessent hodie omnium illarum excusationum colores, cum Innocentius XII. suos thesauros exhaurire malit, quam extra Italiani Decimas imponere, & reliquos Episcopos exemplo allicere, quam præcepto urgere; non continuò neganda esset Papæ potestas, ut superiori capite cum Gersonio notavimus, etiamsi ejus usui nonnulli olim abusus admixti fuissent.

12. Unum dumtaxat video superfuturum Clero Gallicano; & aliis prætextum, si res eò perducerentur, ut Pontifex consumptis suis redditibus, non posset Christianarum aliquarum Provinciarum adversus Infidelium impetus securitati consulere, nisi exacto ab aliis Provinciis subsidio: nimirum non jam de recuperanda terra Sancta, sed de tuendo, vel restituendo Principum sæcularium dominio agi. Quasi verò solius Palestinae causâ olim petita sint Decimæ, ac non unicum sit Ecclesiæ corpus; aut idèò deferendi sint, Christiani in fidei periculo constituti, quia si eis manus porrigatur, non nihil utilitatis illinc in Principes Christianos derivabitur. Nihilne Reges Franciæ perceperunt emolumenti ex compressis in partibus Tholosanis Albigenis, quâ occasione Honorius III. Philippo Augusto partem etiam pecuniarum subsidio terræ Sanctæ destinatarum concesserat, ut videmus in ejus epist. in append. 2. Tom. 5. Duchesne relatâ sub num. 10.

13. Mari

13. Martinum IV. natione Gallum Philippo III. Francorum Regi Decimas ad triennium concessisse, ut bellum gereret contra Petrum Aragoniæ Regem, Sicilia infaorem, testatur ejus litteræ ad Joannem Legatum datæ, ut Præsules ad solvendas Decimas cogeret, & citatæ ab Oderico Raynaldo ad an. 1283. num. 35. nec dubitavit pius ille Pontifex, ut ostendunt litteræ ab eodem Historico citatæ ibid. n. 41. exactas à Clero pro instaurandis Syriæ rebus Decimas, olim decretas in Concilio Lugdunensi, ad defendendam Siciliam derivare. Narrat idem Scriptor, & citatis ejusdem Pontificis libris probat num. 10. ipsum non solum à Gallis, sed ab aliis quoque Præsulibus opes in id conferri voluisse. Siculos similiter, cum Provinciæ, atque Arelatensis Archiepiscopatus Præsules Decimas Regi Carolo, ut hostem Regno ejiceret, solvere; atque ad id à Legato adigi præcepisse. Hæc autem ab eo perperam gesta non fuisse suadent virtutes & miracula, quibus claruisse fertur apud historicos. Honorius ejus successor, quas ille Decimas Philippo III. jam pro Aragonia armis comparanda attribuerat, Philippo IV. ad quadriennium permisit, ut narrat Raynaldus ad an. 1286. num. 28. sed de his hæcenus, quæ in praxim redigere, utinam nunquam opus sit.

## C A P U T XII.

*De jure summi Pontificis circa Beneficia.*

1. **N**ULLA in re laudabilior foret Gallorum pro defensione libertatum Ecclesiæ Gallicanæ zelus, quam si antiquorum Canonum observantiam, circa Beneficiorum dispositionem factam rectam servarent, nec Summum Pontificem cogerent suâ supra Concilia, & eorum Canones, autoritate uti.

2. Restiterunt quidem Galli dispensationi super regula, quæ regularia Beneficia regularibus personis conferri præcipit, quando summi Pontifices beneficia Gallis Italis, aut alterius Nationis viris, de Ecclesia benemeritis distribuebant. At ubi ex Caroli VII. Francorum Regis Edicto anno 1431. dato



dato non nisi indigenis (intellige sine Regis licentia) calargiri licuit, Commendarum usus in favorem sæcularium adeò invaluit, ut quamvis antiqua Canonica disciplina Concordatis confirmata fuerit tit. de Regia ad Prælaturas nominatione facienda §. volumus, Philippus Probus in addit. ad gloss. Pragmat. Sanction. tit. de collat. §. cui rei num. 17. in hunc modum conqueratur; *Hodiè tamen fit contrarium, adeò quod in Gallia vix posset reperiri decimus Abbatum numerus professionis Regularis. Undè non immeritò videmus omnes penè Domos Regulares ad nihilum in vita, & moribus prout & rebus reduci, & caducitatem amplecti, Monachosq; Mendicantium Ordinum fieri, & extra septa Monastica potius eos languescere, quam vivere. QUÆ SIT HORVM OCCASIO, VEL CAUSA, DICITVR EX EO QVOD COMMENDATARIIS APERTA EST SVPERIORVM PORTA, QVIBVS HIS, ET ALIIS DE CAVSIS POTERIT CLAVDI IANVA COELI. Qui abusus ex eo tempore magis, ac magis excrevit.*

3. Eaquæ fuit una ex causis cur Concilium Tridentinum à Curia Franciæ non fuerit receptum. Primam enim recusationis rationem eam attulerunt Regina, & Magnus Cancellarius Nuncio, Concilii receptionem urgenti. „Quod Concilium Tridentinum vetaret Beneficia regularia in Commendam tradere, cùm Rex hujusmodi Commendis multos Primates viros sibi devinciret, quorum auxilio difficillimis illis temporibus indigebat. Pallavicinus histor. Concil. Trid. lib. 24. cap. 11. num. 4.

4. Adeò non servantur in Gallia Canon 15. Synodi Nicænæ, 21. Antiochenæ, & 5. Chalcedonenfis, ut in nulla Christiani Orbis parte frequentius violentur, cùm innumeræ fiant Episcoporum translationes. Unde plurimorum in illa Ecclesia malorum seminarium existit. Non enim tanto affectu Ecclesiæ, quam quis semel gubernandam suscepit, adhæret: non tam sedulò invigilat; non tam faciliè permansura opera aggreditur: libentiùs in Aulæ studia, quam in tuenda Ecclesiæ suæ jura propendet, qui Aulæ beneficio ad pinguorem se conscendere posse confidit: Hoc ut assequatur non solum Magnatibus blanditur, sed obsequitur, etiam cum Ecclesiastici juris, & libertatis jacturâ: Ambitione tenetur: Hinc avaritiâ, illinc prodigalitate peccat: Ac

demum futuri, non animarum, sed honoris, & divitiarum lucri expectatio ita tempus, & cogitationem abripit, ut obeundis suscepti regiminis officiis nihil reliquum sit; Et proprium gregem non perpetui Pastoris animo curet, sed temporanei mercenarii more exugere festinet.

5. Quot excidissent in Gallia è proprio gradu tum Episcopi tum inferioris Ordinis Clerici, si Beneficiorum pluralitas eâ pœnâ mulctaretur, quam indixit Canon 10. Concilii Chalcedonensis. Quæ regula si valeret, & vigeret, non tanta plerosque ambitio, vel avaritia inflecteret ad Aulicorum officia, aliorumque, quorum ope Beneficia Beneficiis accumulatu-ros se esse sperent. Non tantus esset Ecclesiasticarum rationum neglectus.

6. Præcipua Ecclesiæ Gallicanæ libertatum pars olim in eo posita est, ne Romanus Pontifex Beneficiorum dispositionem sibi assumeret. Verum tum cum de illa dispositione Galli acerbius conquerebantur, Concilium ipsum Basileense jus illud summi Pontificis agnovit, ei aliquorum Beneficiorum dispositionem reservans sess. 31. Decreto de collatione Beneficiorum, ubi sic legitur; *Non tamen intendit prohibere hæc sancta Synodus hoc præsentis Decreto, quo minus futuri Romani Pontifices tempore Pontificatus sui modo honesto, & convenienti, de uno Beneficio ad collationem, in qua fuerint decem Beneficia, & de duobus, ubi fuerint quinquaginta, & ultra disponant . . . . . NEQUE ETIAM COLLATIONES PER PRÆVENTIONEM FIENDAS INTENDIT IMPEDIRE.*

7. Quin etiam Universitas studii Parisiensis, quæ tantopere Curiam Romanam à conferendis Beneficiis arcere contende-  
bat; tamen Romani Pontificis circa illa potestatem sæpe imploravit, nedum agnovit. Hic unus erat ex articulis Martino V. Eugenii Decessori porrectis; *Item cum nonnulli Doctores, & Magistri infrascripti à Sanctitate vestra gratias expectativas obtinuerint in primo & principali Rotulo dictæ Universitatis per Sanctitatem vestram sub data*

4. Kalendas Februarii Anno primo signato, quibus vigore earundem gratiarum de Beneficiis Ecclesiasticis minime provisum extitit, dignetur Sanctitas vestra EIDEM CONCEDERE, quod dictis gratiis uti, & gaudere valeant una cum gratiis in præsentis Rotulo per Sanctitatem vestram ut speramus, faciendis; *scilicet tamen perintegre articulis superius expressis.* Cui articulo Papa respondit; FIAT PRO OMNIBVS, ET QVIBVS NON EST

PRO-

PROVISVM . . . . . Datum Romæ anno 1424. 25. Maij, Pontificatus præfati Domini nostri Papæ (Martini V.) anno septimo. Refertur in historia Universitatis Parisiensis tom. 5. circa prædictum annum 1424. Extant alia multa exempla similia apud eundem Autorem.

8. Verùm cùm Concordata inter Leonem X. Papam, & Franciscum I. Franciæ Regem inita, usque subsecutus contentionibus hac de re nasci solitis imposuisse finem videantur, non est diutius inmorandum, sed expectandum, donec Deus eos, quibus Beneficiorum provisio incumbit, ad revocandam omni ex parte antiquam Canonicam disciplinam circa rectam illorum dispositionem moveat.

9. Si omnes Collatores, aut Patroni præ oculis semper haberent, quàm stricta sit obligatio ea dignioribus conferendi, non autem indignis, vel etiam minus dignis propinquis, aut à quibus aliquod receptum est; vel recipiendum speratur officium, quàmque terribile futurum sit supremi Patris familias iudicium adversus eos, qui in constituendis in ejus Domo Ministris & Officialibus, propria commoda, privatosque affectus magis attenderint, quàm ipsius gloriam, & cultus decorem, aut animarum salutem certè magis metuerent, ne non satis dignos, aptosque servos Domino suo eligerent, quàm gloriarentur de jure illo, aut illud indebitè sibi vindicare contenderent.

10. Cæterùm non est cur Galli Doctores Italicos accusent, quasi nimium extulerint Romani Pontificis circa dispensationem Beneficiorum potestatem, cùm Doctores Galliæ non minus latè illam explicuerint. Petrus Rebuffus in Concordatis tit. de Mandatis Apostol. §. Et ut obvietur verb. *gravare*, scripsit. *Papa jure præventionis OMNIA IVRA POTEST CONFERRE, eùm TOTVS MVNDVS sit Diæcesis Papa cap. Cuncta per Mundum. Et cap. Per principalem 9. quest. 3. Unde non est mirum si in sua Diæcesi, & sic IER TOTVM MVNDVM conferre possit.*

## LIBER SEPTIMUS

De autoritate summi Pontificis in definiendis Fidei quæstionibus occasione quartæ propositionis, scilicet,

**N** fidei quoque quæstionibus præcipuas summi Pontificis esse partes, ejusq; Decreta ad omnes, & singulas Ecclesias pertinere, nec tamen irreformabile esse judicium, nisi Ecclesiæ consensus accesserit.

## CAPUT PRIMUM.

*Summaria discussio hujus propositionis.*

1. **P**Utaveram hætenus, libertates Ecclesiæ Gallicanæ nullatenus ad Fidem pertinere, in qua potissimum repositam arbitrabar strictam illam Ecclesiæ Gallicanæ cum Romana conjunctionem, quam cum hæreditatem ab Atavis acceptam, constanterque semper retentam prædicant illius gentis Scriptores. Verùm cum ad tuendas illas libertates Decreta summi Pontificis circa disciplinam non valere, nisi acceptata fuerint, jam tradidissent aliqui Autores Gallicani; nunc Illustrissimi Antistites Decreta circa fidem non esse irreformabilia declarant: Itaque nescio quomodo in posterum Galli poterunt de strictiori cum Romano Pontifice gloriari conjunctione.

2. Etenim Ecclesiasticas leges libertatibus Ecclesiæ Gallicanæ adversari, atque adeò non acceptandas esse, & consequen-

quenter non obligare, quoties libebit, causabuntur: Decisiones verò circa fidem incertæ manent, quamdiu iudicium de illis prolatum reformabile est. Quod autem incertum est, de fide non est. Iis autem, quæ de fide non sunt, nemo internum necessariò tenetur præbere assensum; sed potest vel eum suspendere, vel omninò negare, & dissentire, donec irreformabili iudicio res definita fuerit.

3. Frustrà ergò Antistites Gallicani auctoritati Pontificiæ gravissimum vulnus illaturi honorificâ præfatiunculâ ferrum occultant, præcipuas summo Pontifici partes concedentes, ejusque Decreta ad omnes, & singulas Ecclesias protendentes. Nam quæ sunt præcipuæ illæ partes summi Pontificis? Quod primus sententiam suam debeat promere, quemadmodum Africana Concilia professæ sunt in epist. ad Theodorum Papam, quæ lecta est in Concilio Lateranensi sub Martino I. Theodori successore anno 649. his verbis; *Antiquis enim regulis sanctum est, ut quidquid quavis in remotis, vel in longinquo positus ageretur Provinciis, non prius tractandum, vel accipiendum sit, nisi AD NOTITIAM ALMÆ SEDIS VESTRÆ FUISSET DEDUCTUM, & huius auctoritate iuxta qua fuisset pronuntiatio FIRMARETUR.* At quantis laudibus decoratus est ab Episcopis anno 1681. Parisiis congregatis liber Joannis Gerbasii de causis majoribus, in quo primum illorum iudicium ad Episcopos, & Concilia Provincialia pertinere contendit.

4. An summi Pontificis prærogativa in eo erit, ut quæ à Conciliis Oecumenicis decreta fuerint, eorum ipse urgeat executionem? Sed hæc cura summi Pontificis dignitatem non tam arguit, quàm tollit, quandoquidem merus Executor constituitur, sine facultate interpretandi iudicii, ita scilicet, ut illa interpretatio irreformabilis sit, atque adeo ad consensum internum fideles arceat.

5. At privilegium illud sanctæ Sedis ad hoc valebit, ut ejus Decreta ad omnes, & singulas Ecclesias pertineant. Verum non ejus, sed Conciliorum generalium Decreta id sibi vendicabunt; siquidem penes illa, non penes Papam est auctoritas controversas fidei judicandi irreformabiliter. Quod enim fortasse aliquis reponat, interim dum expectatur Concilium Oecumenicum, standum esse iudicio Papæ, efficit, ut publicè

366 TRACTATUS DE LIBERTATIBVS,  
contradicere nemo debeat ( quod ad Politiam quandam externam tantum referendum est ); non autem, ut ei quicquam interius assentiri teneatur, quandoquidem errori obnoxium est. Sed nec primum quidem illud efficit, saltem si Gersonio credimus.

6. Gersonius quippè de examinatione doctrinarum part. 1. considerat. 5. docet non solum Concilium Oecumenicum, aut Nationale, vel Provinciale, sed & Doctorem quemlibet posse summo Pontifici obistere, manifestum errorem contra fidem proponenti. *Statet quod aliquis simplex non auctorizatus, esset tam excellenter in Sacris Litteris eruditus, quod plus esset credendum in casu, doctrina sua assertioni, quam Papa declarationi; Constat enim plus esse credendum Evangelio, quam Papa; si doceat igitur talis eruditus veritatem aliquam in Evangelio contineri, ubi & Papa nescires, vel ultro erraret, patet cujus preferendum sit iudicium.* Quæ autem veritas in Evangelio adeò expressa esse potest, antequam ab Ecclesia declarata sit, quæ non alicui Doctori, vel etiam pluribus, error manifestus non possit apparere? Quà ergo poterit autoritate comprimì Doctor ita affectus, interim dum conveniet Concilium, aut quousque consensus Ecclesiæ accesserit, prout requirunt Antistites Gallicani?

7. Quà verò ratione dignosci poterit Ecclesiæ consensus, si Provinciæ Christianæ circa illam controversiam inter se dissentiant? An illa vera Ecclesia censebitur, quæ Capiti omnium, Romano scilicet Pontifici adhærebit? Recurret idem inconueniens, quod scilicet illius iudicium, si non sit irreformabile, possit fideles in errorem pellicere.

8. Verum, ut videas quantum summi Pontificis sententiæ plerique Gallicani Doctores honorem deferant; & utrum ei provisionaliter obtemperent; aut saltem illam silentio venerentur, ad ea, quæ non ita pridem gesta sunt, oculos converte. Exigitur à Catholicis in Anglia degentibus iuramentum, hanc inter alias clausulam continens; *Præterea juro, quod ex corde abhorreo, detestor, & abjuro tanquam impiam, & hæreticam hanc doctrinam, & propositionem, quod Principes per Papam excommunicati, vel deprivati possint per suos subditos, vel alios quoscumque deponi, vel occidi.* Paulus V. in Brevi ad Catholicos Anglos dato 23. Septembris 1606. in quo insertus est prædicti iuramenti tenor, illud

lud his verbis reprobatur; *Qua cum ita sint, vobis ex verbis ipsis perspicuum esse debet, quod hujusmodi juramentum salvâ fide Catholicâ, & salute animarum vestrarum præstari non potest, cum multa contineat, quæ fidei, & salutis apertè adversantur.* Quia verò nonnulli Breve illud summo Pontifici de rei veritate plenè non instructo subreptum causabantur; Non ex animi nostri sententia, nostrâq; propriâ voluntate, sed potius aliorum intuitu, & industriâ, inquit summus Pontifex, ea de re conquerens in altero Brevi dato 23. Octobris 1607. addidit; *Eapropter ad vos iterùm scribere decrevimus, ac denud vobis significare litteras nostras Apostolicas anno præterito 10. Kal. Octobris datas de prohibitione juramenti non solum motu proprio, & ex certa nostra scientia, verum etiam post longam, & gravem deliberationem de omnibus, quæ in illis continentur adhibitam, fuisse scriptas, & ob id teneri vos illas omninò observare omni interpretatione secus rejecta. Hac est autem mera, pura, integraq; voluntas nostra, &c.* Nihilominus Doctores Parisienses, quos illam Papæ sententiam latuisse non potest, sic censuerunt. *Nos infra scripti Sacra Facultatis Parisiensis Doctores Theologi consensum iurjurandum, ut in obversa pagina conceptum est, salvâ fide, & tutâ conscientia à Catholicis Anglis jurari posse, si modo in propositione, quæ est de depositione, & eade Principum, quæ damnat ut hæretica, verba Deponi, & occidi, conjunctim accipiantur: imò etsi divisim, itaut tamen propositio hæretica materialiter, id est, verbo Dei contraria finiatur; quatenus posse Principes deponi esset, formaliter verò etiam quatenus & occidi posse superaddit. Deliberatum, datumq; Parisiis die 16. Augusti anno 1680. subscripsere 56. Doctores die 19. Augusti 1680.*

9. Sed consideremus utrum declaratio Illustrissimorum Præsulum Gallicanorum cum Scriptura sacra consentiat, aut Sacris Canonibus, & Patrum traditione, quæ sunt fundamenta libertatum Ecclesiæ Gallicanæ, nitatur; Annon potius verum sit, quod aliqui scripserunt, eam sententiam nonnisi post schisma tempore Concilii Constantiensis in lucem editam; antea verò judicium summi Pontificis tanquam indubitatum habitum fuisse, non propter, aut post Ecclesiæ consensum, sed etiam propter non errandi privilegium B. Petro, & ejus Successoribus à Christo collatum.

10. Porro ipsa propositio, quam hic expendimus, satis declarat non agi de Papæ tanquam privatæ personæ, opinionibus; sed de ipsius tanquam summi Pastoris, & Pontificis

to-

368 TRACTATUS DE LIBERTATIBVS,  
totam Ecclesiam instruentis doctrina; uno verbo de Decretis,  
quæ ad omnes, & singulas Ecclesias pertineant; Idque in fidei  
quæstionibus.

11. Non disquirimus etiam; An summus Pontifex aliquam  
fidei quæstionem definiturus egeat consilio, & quo, quæ  
alia diligentia uti debeat. Supponimus enim ipsum, ne Deum  
tentet, media teneri adhibere ad cognoscendam veritatem ordi-  
nata. Sed si Divina providentia eum ad finem, id est fidei  
veritatem certò, tutoque assequendam dirigat, sine dubio ad  
assumenda media necessaria etiam inducet. In eo igitur sisti-  
mus; An Papæ judicium nisi Ecclesiæ consensus accesserit, in-  
certum sit, & reformationi obnoxium concurrentibus qui-  
busvis aliis conditionibus.

## C A P U T I I.

*Probatum auctoritate sacre Scripturæ judicium summi  
Pontificis circa quæstiones fidei esse irreformabile,  
seu infallibile.*

1. **S**ummum Pontificem esse Caput Ecclesiæ, professi sunt  
etiam ipsi Episcopi Parisiis anno proximè præterito con-  
gregati ad cohibendam Curiam Romanam, ne, ut ipsi me-  
tuere videbantur, jurisdictionis Episcopalis jura paulatim in-  
vaderet, & infringeret. Et sanè Concilium Constantiense,  
cui Galli tantum deferunt, inter alios Wicleffi articulos, il-  
lum damnavit, qui hanc Papæ dignitatem, auctoritatemque  
abrogabat. Quoniam autem fundamento nititur Catholica  
doctrina, Hæreticorum, & schismaticorum acephaliæ op-  
posita? Ubinam Evangelii de Pontifice Romano fit mentio?  
cùm ne quidem Pontifex Romæ existeret, quandò res in  
Evangelio narratæ gestæ sunt, sufficit (inquies) ut certò  
sciamus summum Pontificem esse Successorem S. Petri, ut  
indè certò etiam colligamus, illum hujus esse dignitatis,  
& auctoritatis hæredem. Ità est omnino: ad Divinam enim  
providentiam pertinet, ut quibus idem confert officium,  
eandem tribuat auctoritatem.

2. At-



2. Atqui evidentiùs in Scripturis ( de traditione enim constabit ex sequentibus Capitibus ) patet D. Petrum , ut supremum Ecclesiæ Pastorem , privilegium non errandi in fide obtinuisse à Christo , quam Romanos Pontifices fore sancti Petri Successores in cura universarum Christi ovium. Cur ergo qui in Romanis Pontificibus istud sancti Petri officium agnoscunt , etiam nihil à fide alienum statuendi prærogativam eis non concedunt ? Petrum ut Ecclesiæ Pastorem privilegium non errandi à Christo accepisse , ita est in Evangelio luculenter significatum , ut nihil videatur in eo luculentius. Luc. 22. ait *Dominus, Simon, Simon, Ecce Sathanas expetivit vos ut cribraret sicut triticum : ego autem rogavi pro te, ut non deficiat fides tua, & tu aliquando conversus confirma fratres tuos.* Quo circa patet primò Christum aliquam Petro præ cæteris Apostolis gratiam postulasse. Ad eum enim singulariter dirigitur sermo ; *Simon, Simon ; Pro te ; fides tua, Et tu ; Confirma fratres tuos.* Quodque prælationem Petri specialiùs indigitat , cùm communem omnium Apostolorum circa fidem tentationem commemorasset , reliquis prætermisiss ad Petrum solum sermonem dirigit ; *Ecce Sathanas expetivit vos ; Ego rogavi pro te.* Sed quid dico prætermisiss ? Imò eorum expressâ factâ mentione ; sed eo fine ut doceat eos à Petro , vel eorum Successores à Successoribus ejus confirmandos in fide ; *Et tu aliquando conversus confirma fratres tuos.* Secundò patet hanc gratiam à Christo impetratam Petro , non ut privatæ personæ tantum , sed ut Apostolo , & Apostolorum ipsorum Pastori , *ut non deficiat fides tua, Et tu confirma fratres tuos.* Tertiò conjunctio , & , causam indicare videtur , cur Christus pro Petro specialiter rogaverit , fidemque indeficientem exoraverit , scilicet ut alios confirmaret ; *non deficiat fides tua ; Et tu confirma fratres tuos.* Quod ad officium , atque adeò ad Successores pertinet.

3. Porrò quâ ratione alios posset confirmare , qui titubaret ipse ? Vel potiùs quomodo posset labantes sustinere , aut lapsos erigere , si ipse non solum per hæresim jam corruisset , sed etiam alios per propositionem hæretici Dogmatis , publicè toti Ecclesiæ factam , ad casum posset impellere ? Necessè est , ut firmiter stet , cujus officium est aliorum impedire casum , aut ruinam reparare : Eum , qui dux aliorum

constituitur, oculis valere oportet. Alioquin illorum incolu-  
mitati non consulitur, sed utrique ad foveam mittuntur:  
Præsertim dum non est alius, qui à recto tramite deviantes  
moneat. Quod addo, ne quis reponat posse fideles à summo  
Pontifice deceptos ad veritatis viam revocari à Concilio ge-  
nerali. Sicut enim (quod superiori libro notavimus) tribus  
primis sæculis impossibile fuit Concilium generale congre-  
gare, ita totidem, & pluribus posset eadem facultas deesse,  
his præsertim temporibus.

4. Sed ut ad propositam rationem redeamus, quo Scrip-  
turæ loco tam apertè declaratur, Romanum Pontificem esse  
Beati Petri successorem, & Caput Ecclesiæ, quod de fide  
esse concedunt etiam Illustrissimi Episcopi Gallicani, quàm  
eo quod adduximus testimonio constat, Beato Petro ut  
Ecclesiæ Capiti, & supremo Pastori datam esse fidem indefi-  
cientem.

5. Dum Christus Joann. ultimo suas oves Petro pascendas  
commisit his verbis; *Pasce oves meas*, nonne cum officio, cæ-  
tera etiam, illi ritè obeundo necessaria, elargitus est; quo  
in genere videtur fuisse indefectibile in materia fidei iudicium.  
Cum enim id maximè curare debeat spiritualis Pastor, ut  
fides incorrupta servetur in grege, quippè quæ radix sit, quâ  
permanente reviviscere facili cæteræ virtutes possint, quâ  
sublatâ, penè omnis sublata sit spes salutis, ac sine fide im-  
possibile sit placere Deo, vel salutem æternam consequi: con-  
venit omninò, ut cui suprema totius gregis dominici cura  
incumbit, ea dote præditus sit, ut oves ipsius vocem se-  
quentes à venenosis errorum herbis se non inficiendas, sed  
salubribus veritatis pascuis alendas, & impinguandas securis-  
simè confidant.

6. Præterea, ut Ecclesia, quæ est columna, & firmamen-  
tum veritatis (hanc enim ei dotem tribuit spiritus Sanctus  
per B. Paulum 1. Tim. 3.) firmiter stet, necesse est, ut  
fundamentum, quo nititur, sit in fide firmum, & incon-  
cussum, Petrus autem, ejusque aded Successor Romanus Pon-  
tifex est fundamentum Ecclesiæ, ut ipsemet Christus Petro  
revelavit; *Et ego dico tibi, quia tu es Petrus, & super hanc Petram ædi-  
ficabo Ecclesiam meam* Matth. 16. Debet ergo Romanus Ponti-  
fex

fex ut fundamentum Ecclesiæ; idest, quandò toti Ecclesiæ fide credenda proponit, in fide ipse firmissimè stare, ne illo deficiente totum Ecclesiæ corruat ædificium. Equis enim, nisi fortè ab Ecclesia cum modernis Hæreticis extorris, concedere audeat Ecclesiam concidere posse, dicente Christo post verba modò adducta; *Et porta inferi non prevalebunt adversus eam?* Quis sine horrore audiat, vel audit etiam omninò hominem blasphemantem, & conferentem Christum *Viro stulto qui edificavit domum suam super arenam*. Hinc enim sequeretur error hæreticorum; *Et descendit pluvia, & flaverunt venti, & irruerunt in domum illam, & cecidit; & fuit ruina ejus magna*. Nonne potius Christus super Petrum ædificans Ecclesiam suam assimilabitur *Viro sapienti, qui edificavit domum suam super Petram*. Et descendit pluvia, & venerunt flumina, & flaverunt venti, & irruerunt in domum illam, & non cecidit? Sed quæ tantæ firmitatis est causa? FUNDATA ENIM ERAT SUPER PETRAM. *Matth. 7.*

7. Certè non sine aliquo mysterio Christus nomen proprium Simonis in nomen Petri, aut petræ commutavit, hoc enim tantum significat vox Græca, & ita Christus ipse interpretatur. Mysterium autem illud indicant verba supra relata; *Tu es Petrus, & supra hanc petram edificabo Ecclesiam meam*. Quorsum enim Christus post confessionem suæ Divinitatis à Petro revelante Patre Cœlesti factam, dixisset; *Tu es Petrus*, nisi eo nomine significare voluisset se hanc ei dignitatem pro illius confessionis præmio conferre, ut immotum esset Ecclesiæ fundamentum, sicut explicant verba sequentia; *Et super hanc petram edificabo Ecclesiam meam*.

8. Hæc autem dixit Christus Petro post publicam illam fidei professionem; *Tu es Christus filius Dei vivi*, quam tantoperè laudavit Christus; *Beatus es Simón Barjona, quia caro, & sanguis non revelavit tibi, sed Pater meus, qui in Cœlis est*; Et ego dico tibi; *Quia tu es Petrus, &c.* quam confessionem solus edidit Petrus, licet interrogati omnes Apostoli fuissent; *Vos autem quem me esse dicitis?* Ut intelligas eum totam Ecclesiam repræsentasse, cujus futurus erat fundamentum.

## CAPUT III.

*Confirmatur eadem doctrina contra Joannem Launoium.*

1. **Q**UOD ex illis Christi ad Petrum, verbis omninò perspicuis, *Rogavi pro te Petre, ut non deficiat fides tua* Luc. 22. necessariò non sequatur, in fidei quæstionibus Romani Pontificis iudicium esse irreformabile, nonnisi ex duplici capite videretur posse procedere, vel ex eo, quod Christi oratio non fuerit exaudita, vel ex eo, quod idem non deficiendi privilegium ad Petri successores non emanaverit. Utrumque verbis continuò sequentibus excluditur, ut superiori capite insinuavimus. Primum quidem, quia Christus Petro munus imponit confirmandorum in fide fratrum, idque tanquam ex oratione pro eo facta consequens; *Rogavi pro te, & tu confirma fratres tuos*; quasi diceret. Ego indeficientem tibi fidem impetravi; da operam, ne alii deficiant, quibus verbis exauditum se innuit sine dubio. Secundum autem, quia fidem indeficientem Petro, non solius ipsius causâ, sed in bonum gregis ipsi commissi, atque adedò tanquam supremi Ecclesiæ Pastoris privilegium, ad omnes in illo successuros officio transiitutum, obtentam fuisse significat hæc copulativa, &, quæ collectivæ seu rationalis vim habet; *Ideo ego rogavi, ut non deficiat fides tua, ut tu confirmes fratres tuos*; seu; *Ego rogavi pro te, ut non deficiat fides tua*; Tu ergo illo indeficientis fidei munere præditus confirma fratres tuos.

2. Adedò sancto Augustino certum erat exauditam fuisse hanc Christi pro Petro orationem, ut secus dicere, ceu blasphemiam haberet; *An audebis*, inquit lib. de corrept. & grat. cap. 8. *dicere, etiam rogante Christo, ne deficeret fides Petri*, DEFECTURAM FUISSE; si Petrus eam deficere voluisset, hoc est si eam usque in finem perseverare noluisse: quasi Petrus aliud ullo modo vellet, quam pro illo Christus rogasset ut vellet, &c. Et beatus Prosper in epistola ad Rufinum; *Certè pro eo rogaverat Dominus, NE DEFICERET FIDES IPSIVS, nec tique frustra rogaverat, cujus una erat cum eo, quem rogaverat operatio*. Privilegium autem illud B. Petri ad ejus successores Romanos transmittendum apertè declarant Concilia, Pontifices,

Pa-

Patres, & Doctores in sequentibus capitibus producendi, qui ubi de propositâ Ecclesiæ à Romanis Pontificibus circa fidem doctrinâ meminere, ad S. Petrum eam retulerunt.

3. Utrumque complexus est Leo IX. in epistola 9. quæ est ad Michaëlem Constantinopolitanum Episcopum his verbis; *Ego autem rogavi, &c.* Erit ergo quisquam tanta dementia, qui orationem illius, cujus velle est posse, audeat in aliquo vacuum putare? Nonne à Sede Principis Apostolorum, Romanâ videlicet Ecclesiâ. tam per eundem Petrum, quam per suos successores convicta, atque expugnata sunt omnium hæreticorum commenta, & fratrum corda in fide Petri, quæ hæcenus nec defecit, neque in finem deficiet, sunt confirmata?

4. Joannes tamen Launoius argumentum, quod ex eo Evangelii loco desumitur ad struendum Romani Pontificis in fidei quæstionibus non errandi privilegium, part. 5. epist. 6. more suo dissolvere conatur, proposito primum Decreto Concilii Tridentini sess. 4. contra unanimum consensum Patrum Scripturam sacram interpretari vetantis; tum constitutis quatuor Patrum, & Tractatorum Ecclesiasticorum in alio sensu locum illum Luc. 22. aliter exponentium, Classibus. Sed primò, ut alibi notavimus, si nullum est argumentum, quod à Scripturæ sacræ loco deducitur, si ab aliquo ex Patribus in alio sensu fuerit acceptus: Nihil unquam concludi poterit ex tot illis locis, circa quæ Launoius varias attulit interpretationes, & speciatim ex isto, quem præ manibus habemus, quem quatuor modis expositum probat.

5. Secundò variz illæ interpretationes, cùm inter se contrariæ non sint, nequaquam se destruunt, imò nec alias, quæ addi possunt: ut enim docet S. Thomas quodlibet. 7. art. 14. ad quintum: *Auctor principalis Sacra Scriptura est Spiritus sanctus, qui in uno verbo Sacra Scriptura intellexit multò plura, quam per Expositores Sacra Scriptura exponantur, vel discernantur.* Quam doctrinam pluribus in locis repetit, aded illi certa erat. Eam etiam ejus Magister S. Augustinus, aliiq̃ sancti Patres longè antea tradiderant. Itaque, inquit S. Augustinus lib. 12. Confess. cap. 31. *cùm alius dixerit, hoc sentit ( Moyses, idemq̃ in alio quovis Scriptore Canonico locum habet ) quod ego: & alius, immodò illud quod ego: religiosus me arbitror dicere; cur non utrumque possis, si utrumque verum est? Et si quid tertium, si quid quartum, & si*

quid omnino aliud verum quispiam in his verbis videt, cur non omnia illa vidisse credatur, per quem unus Deus Sacras Litteras, vera, & diversa visuris multorum sensibus temperavit? Alioquin enim Patres posteriores, qui antiquiores tantâ veneratione prosequerantur, tantoque Spiritûs sancti lumine illustratos existimabant, non tam facîle novas interpretationes excogitassent, suas præferentes alienis, si vel unum tantum esse ejusdem Scripturæ sensum, aut antiquas interpretationes per novas everti credidissent.

6. Tertiò, sed videamus quæ sint illæ interpretationes, quas affert Launoïus. Prima, pro qua refert 44. testes, est; orasse Christum ut Petrus veram fidem nunquam amitteret, quantumvis tentaretur à Diabolo, sed in ea, & gratia Dei tum demum perseveraret. Verissima quidem est illa interpretatio, sed num excludit privilegium non errandi, cum Petrus fidei quæstionem aliquam Ecclesiæ proponet? num perpetua Petri in fide perseverantia contraria est certitudini ejus judiciorum circa fidem? Num quia ipse erroris erit omnino, ac certò expers, fideles sibi à Christo commissos in errorem impellet? aut numquid prædicta interpretatio privilegium non errandi sistit, ne ad successores Petri pro rectè gerendo supremi Pastoris officio transeat? Nonne e contra in aliquibus ex iis testimoniis contrarium expressè affirmatur? Quid enim sibi volunt illa S. Leonis verba ex serm. 3. de Anniversario die Assumptionis suæ ad Pontificatum, quæ Launoïus refert sub num. 15. *Commune erat omnibus Apostolis periculum de temptatione formidinis; & Divinæ protectionis auxilio pariter indigebant, quia Diabolus omnes exagitare, omnes cupiebat elidere, & tamen specialis à Domino Petri cura suscipitur, & pro fide Petri propriè supplicatur, tanquam aliorum status certior sit futurus, si mens Principis victa non fuerit. In Petro ergo omnium fortitudo firmatur, & Divina gratia ita ordinatur auxilium, ut firmitas, quæ per Christum Petro tribuitur, per Petrum à Apostolis conferatur. Cum itaque dilectissimi tantum nobis videamus præsidium Divinitus institutum, rationaliter, & justè in Ducis nostri meritis, & dignitate letamur, gratias agentes sempiterno Regi Redemptori nostro Jesu Christo, qui tantam potentiam dedit ei, quem totius Ecclesiæ Principem fecit, ut, si quid etiam nostris temporibus rectè per nos agitur, rectèq; disponitur, illius sit gubernaculis deputandum, cui dictum est; Et tu conversus confirma fratres tuos; & cui post resurrectionem suam Dominus ad Trinam æterni*

atemi amoris professionem mysticā insinuatione ter dixit, *Pasce oves meas; quod nunc quoque procul dubio facit, & mandatum Domini pius Pastor exequitur, confirmans nos cohortationibus suis, & pro nobis orare non cessans. Idem; iisdemque ferè verbis continet alter locus ibidem relatus ex ferm. 2. de Natal. Apost. Petri, & Pauli.*

7. Consonat Theodoretus, his verbis à Launoio sub n. 17. relatis; Ego autem rogavi, &c. *Quemadmodum enim ait, ego te fluctuantem non desepi, ita & tu SVSTENTACVLVM esto fratribus conturbatis: ET QVO SERVATVS ES AVXILIO IPSE ALIIS IMPARTIRE, neque labascentes impellas, sed erige periclitantes. Idcirco enim & te labare sinit, CADERE NON PERMITTO, stabilitatem per te fluctuantibus procurans. Sic orbem terrarum universum fluctuantem atque labantem MAGNA HÆC COLUMNA CONFIRMAVIT, & ut corrueret, omnino non permisit, sed erexit, stabilemq; reddidit, oves Divinas pascere iussus. Idem insinuat Theophylactus sub num. 19. relatus his verbis in capite 22. Luc. Tu verò conversus confirma fratres tuos: planus hujus intellectus est, quia te habeo ut Principem discipulorum, postquam negato me steveris, & ad penitentiam veneris confirma ceteros. Hoc etiam te decet, qui post me PE-TRA ES ET FIRMAMENTVM ECCLESIAE.*

8. An non eodem tendunt verba Euthymii Zigaboni in eundem locum, relata sub num. 21. *Et tu aliquando conversus confirma fratres tuos. Conversus post negationem, videlicet post stertum amarum. Hoc est in pristinum locum denuò restitutus. Fratres autem ejus dicit reliquos Apostolos, aut illos, qui per eos erant credituri.*

9. Nonne aliqui ex his, quos in hac Classe reposuit Launoius, sicut in iis, quæ hic refert, locis non excludunt à privilegio non errandi, neque Petrum, neque Pontifices in ea dignitate, atque officio ei successuros, ita in aliis locis expressis verbis infallibile Romani Pontificis judicium luculentissimè asserunt, v. g. S. Thomas, cujus alibi verba referimus? Putasne Caietanum, quem sub num. 34. exscribit, sensisse Pontificem in proponenda toti Ecclesiæ doctrina fidei errare posse? Non eum tam malè alibi habuisset Launoius. Testantur egregii illius Doctoris mentem tria prima ejus opuscula, digna omnino quæ legantur. Sufficiat hic referre illius verba ex commentariis in S. Thom. 2. 2. quæst. 1. art. 2. *Papâ determinante judicialiter, & definitivè aliquid esse hæreticum, & ab Ecclesia pro hæresi habendum, constat, quod omnes tenentur acceptare,*

&

& HÆRETICVS CENSERETVR , quicumque de cætero teneret oppositum pertinaciter.

10. Sed cujusmodi est probatio , quam Launoius mutuatur ex testimonio Maldonati , quem num. 40. fatetur in ipso met loco ab eo citato docere summum Pontificem errare non posse , quia aliàs non posset fideles confirmare ? An quia Maldonatus dixit ; *sibi non displicere interpretationem S. Ambrosii , Theophylacti , & Euthymii , qui conversum exponunt à peccato , quo Christum negavit , actà penitentia , quasi aliis de suo vulnere feceris medicinam .* An illæ interpretationes inter se pugnant , & se invicem perimunt ? An sententiam mutavit Maldonatus circa infallibile judiciam Papæ , aut ideò illam minus certam habuit , quia ei non displicuit interpretatio S. Ambrosii , Theophylacti , & Euthymii nequaquam contraria.

11. Stephanus Menochius 43. loco relatus etiam apertè innuit , se inefficientem fidem Petro ut privatæ personæ non tribuere , sed ejus officio , cui succedunt Romani Pontifices . Et tu igitur aliquando conversus , scilicet à peccato negationis , confirma in fide orthodoxa , & reliquis ad salutem ducentibus , fratres tuos , non Apostolos tantum , sed omnes etiam fideles . Quomodocumque intelligenda sit vox illa *Conversus* , quæ , ut alibi dicemus , aliud , quàm conversionem à peccato propriè significare potest ; planum est , non defecturam Petri fidem , ut possit fratres suos confirmare .

12. Itaque Launoius causæ nostræ profuit plurimum testes conquirens , & congerens , cùm si diligentius eorum testimonia expendantur , nobis consentire ne dum non adversari compariantur .

13. Sed quid reponemus ad auctoritatem Alexandri VII. qui Classi huic finem imponit ? Nimirum summus ille Pontifex Epistolam ad Lovanienfes Theologos scripsit anno 1662. in qua præclarissimorum Ecclesiæ Catholicae Doctorum Augustini , & Thomæ Aquinatis inconcussa , tutissima , dogmata nuncupavit . Ubi inquit Launoius , doctrinam B. Augustini probando suam facit . . . . . Quod igitur de B. Augustino dogma retulimus , inconcussum , & tutissimum decernente Pontifice haberi debet . Facilis est ad hominem responsio . Alexander VII. doctrinam Beati Thomæ probando suam facit ; Atqui certò certius est , & ex verbis sancti Thomæ suo loco referendis luce clariùs



rius est, sanctum illum Doctorem sensisse summi Pontificis iudicium in quaestionibus fidei esse irrefragabile, & indefectibile; Illud igitur dogma inconcussum, & tutissimum decernente summo Pontifice haberi debet. Cæterum si utriusque Sancti doctrinæ, quam alibi proponimus, comparatio instituat, longè evidentius erit nobis suffragari sanctum Thomam, quam refragari Divum Augustinum. Quamquam supradictum elogium non eo pertinet, ut quidquid illi Sancti dixerunt, Pontifex suum faceret. Alioquin enim non potuisset Constitutionem illam edere circa Conceptionem Beatissimæ Virginis, ex qua Launoïus probat, ipsum approbasse Concilium Basileense, cujus Decretum, sicut & ipsa Alexandri Constitutio Divi Thomæ doctrinæ non consonat.

14. Secunda interpretatio loci suprarelati ex Luc. 22. est eorum, qui tradunt *orasse Christum, ut Romana Ecclesia, per Petrum fundata, à fide nusquam deficiat*. Hanc etiam interpretationem libenter amplectimur. Non enim excludit auctoritatem summi Pontificis, imò eam adstruit. Quis enim Ecclesiam Romanam ideò in fide immobilem esse non fatebitur, quod ejus specialiori modo Caput sit summus Pontifex, à quo privilegium illud in ejus membra, quatenus ipsi conjuncta sunt, derivatur. Id apertissimè declarant ipsamet testimonia, quæ Launoïus in hanc Classem conjicit, quæque nos suis locis reddemus. Nec videtur aliunde peti posse illud privilegium. *Propter illam orationem Christi*, inquit Joannes Dartis Reginus in Academia Parisiensis Professor, de Beneficiis scct. 1. cap. 3. *seu illa ejus verba, omnes colligunt ECCLESIAM ROMANAM NON POSSE ERRARE*. Oratio autem Christi pro solo Petro facta est, atque adeò ejus effectus ad Ecclesiam Romanam nonnisi per ipsum, ac per ejus successores derivatur.

15. Tertia Classis est eorum, qui tradunt *orasse Christum ut Sedes Petri, seu Apostolica Sedes à fide nusquam deficiat*. Idem de ista dicimus, quod de secunda. Quia enim B. Petri Apostolorum Principis, & Romani Pontificis, eadem est Sedes; eadem erit doctrinæ certitudo.

16. Quarta Classis est eorum, qui tradunt *orasse Christum, ut universalis Ecclesia, vel etiam universale Concilium à fide nunquam deficiat*. Hæc etiam interpretatio vera est in sensu S. Leonis

Bbb

supra

supra relati, & aliorum accepta; ut nimirum à B. Petro tanquam à Capite ad cætera membra defluat doctrinæ circa fidem certitudo. Ita se ipsos explicant plurimi ex iis, quos in hac Classe reponit Launoius, præsertim Leo IX. S. Thomas, Beatus Vincentius Ferrerius. Quod ex eorum verbis suis etiam locis referendis patebit.

17. Idem molitur Launoius in duabus Epistolis sequentibus adversus alia duo Scripturæ loca in superiori capite tractata; sed cum eandem sequatur methodum, eodem modo repellendus est. Nec enim in illis opus est diutius immorari.

18. Prætermittere tamen non possum, quod ipsemet Launoius observat in epistola 7. distributis in quatuor Classes Scriptoribus, qui verba hæc; *Et super hanc Petram aedificabo Ecclesiam meam*, explicuerunt juxta quatuor varias interpretationes. Et primo quidem, inquit, nonnulli Patres, in expositione, seu Classe prima, & secunda comparant Origenes, Cyprianus, & Hieronymus, qui & in quarta: Alii in expositione, seu Classe prima, & tertia, ut Hilarius, Ambrosius, Cyrillus, & Leo. Quidam in expositione seu Classe tertia, & quarta ut Beda. Sed Augustinus in singulis expositionibus prima, secunda, tertia, & quarta. Quid ergo colligitur ex varietate interpretationum, quas circa tot Scripturæ sacræ loca, congestis pro unaquaque quampluribus Autoribus, Launoius distinguit; nisi, juxta ipsius regulam, nihil ex iis locis colligi posse; quippe cum non sit unanimis circa ea Patrum consensus: juxta verò S. Thomæ supra relati regulam, sequitur, Spiritum Sanctum plura in eisdem verbis intellexisse, quàm possint ab Interpretibus intelligi, aut exponi? Unde Launoius nihil efficit, allatis variis interpretationibus adversus Theologum, qui aliam ab eo prætermittam adducat, nisi aliis omnibus esset contraria. Omnibus, dico; quia, si aliquibus congruat, & ab aliquibus dissentiat, non erit contra unanimem consensum sanctorum Patrum, cui repugnare prohibuit Concilium Tridentinum. Validior quidem est probatio, quo propius ad unanimem consensum Patrum accedit; sed non ideo nulla, quia non ita expressè apud ipsorum plurimos invenitur; si communibus eorum dogmatibus consonet; si solidis fulciatur rationibus, si ex sacræ Scripturæ, vel ex traditionis prin-

ci-

cipliis convenienter deducatur. Si etiam quantum ad sensum novitate non laboret, aliæve concurrant circumstantiæ.

19. Adde quod cum illæ interpretationes mutuò se non destruant (alioquin enim sanctus Augustinus, qui quatuor complexus est, Hieronymus tres, plures alii duas, non solum inter se, sed sibi ipsis contradixissent, quod de talibus, ac tantis viris præsumere non licet, quodque illorum testimoniis auctoritatem omnem demeret) si una ex illis causæ patrocinetur, perinde probat Scripturæ testimonium illi suffragari, ac si nulla esset alia explicatio, quamvis non æquè validè, ac si illud in eodem sensu omnes exposuissent. Quid ergò, si & una evidenter faveat, & aliæ lucem afferant, ut hic; *Prima Classis Patrum, & Ecclesiasticorum Tractatorum, quæ est eorum, qui docent Ecclesiam super Petrum adificatam esse, nonne evidenter favet Romanis Pontificibus apud Catholicos, qui contra hæreticos credunt Ecclesiam nunquam corruisse? Quid autem nocet secunda dicentium super Apostolos, vel eorum Successores adificatam esse Ecclesiam? Aut tertia quæ est eorum, qui dicunt super Petram, id est super illam fidem, quam confessus est Petrus, adificatam esse Ecclesiam; Vel quarta scribentium adificatam esse super Petram Christum Ecclesiam. Hæc enim omnia vera sunt. Nam & Christus primum, & præcipuum Ecclesiæ fundamentum est; & post Christum Petrus; & alii Apostoli post Petrum, ac cum Petro illorum capite: Et fides est fundamentum; & qui fidei cultos, ac questionum circa eam supremus Judex, fundamentum est. Id luculentissimè testantur sancti Patres, qui vel omnes illas, vel plures simul ex illis interpretationibus secuti sunt. Nec qui unam tantum afferunt, alias excludunt; etiam si secus aliquandò prima facie videatur. Qui enim v. g. solum Christum fundamentum Ecclesiæ vocant, non idèò Apostolos negant esse fundamenta. Nam de Apostolis dicit sanctus Paulus ad Ephesios 2. *Estis Cives sanctorum, & domestici Dei, super-adificati super fundamentum Apostolorum*; de Christo autem dicit idem Apostolus 1. ad Corinth. 3. *Fundamentum aliud nemo potest ponere præter id, quod est Christus Jesus*. Est enim Christus præcipuum fundamentum, minus præcipuum Apostoli, quos inter eminet S. Petrus. Sed nonne quatuor Classibus, quas in duabus his Epistolis distinxit Launoïus, quintam adjun-*

380 TRACTATUS DE LIBERTATIBVS,  
gere debuit ? Debuisse videbimus in sequentibus Capitulis.

20. Idem in octava Epistola, quod in duabus aliis, cum proportionem observandum. Licet enim varias Classes non ita distinctè constituat; tamen à diversis, quasi à contrariis, plerumque argumentatur; ut cum probat alios Apostolos à Petro fuisse Pastores, & illis dictum; *Pasce oves meas*; quod quidem verissimum est. Sed non inde sequitur Petrum supremum non fuisse Pastorem; nam idèò aliis dictum est; *Pasce oves meas*, quia Petri, cui uni propriè id dictum est, officii, ac muneris participes erant?

## C A P U T I V.

*Probatur autoritate Conciliorum Orientalium iudicium  
summi Pontificis circa quæstiones Fidei esse ir-  
reformabile.*

1. **A**rgumentum optimum ad probandum iudicium summi Pontificis circa quæstiones fidei esse irreformabile, duci potest, ex eo quod nihil unquam à summis Pontificibus sit propositum toti Ecclesiæ tanquam fide Divina credendum, in quo à Conciliis Oecumenicis reformandum fuerit eorum iudicium; quin etiam eorum sententia, tanquam ex Petri Cathedra pronunciata, semper cum reverentia suscepta sit. Quid enim credere vetat Spiritum Sanctum, qui per septemdecim ferè sæcula summis Pontificibus res fidei definitivè sic adfuit, ut eorum iudicium à Conciliis Oecumenicis, tanquam fidei omninò consonum, susceptum fuerit, in posterum etiam adfuturum, ut irreformabiliter iudicent? Certè periculum mali, quod per tot sæcula nunquam contigit, non usque adèò metuendum erat, ut Illustrissimi Episcopi Gallicani, omisissis veris, & præsentibus Ecclesiarum suarum malis, huic incerto, vel potius nunquam futuro, remedium præparare curarent, eo præsertim Ecclesiam universam regente Pontifice, qui, si quis unquam, maxima  
cum

um gravitate , patientia , & maturitate res omnes , præsertim arduas , tractat.

2. Scio equidem omnes Hæreticos , aliquos etiam ex Catholicis , quibusdam Pontificibus errores contra fidem tribuere ; sed novi etiam eis ab aliis Catholicis , quorum libri omnium manibus teruntur , fuisse optimè responsum ; nec defuturos , qui si novum quidpiam objiciatur , illud pari efficacia retundant. Sed de hoc infra recurret sermo. Ut autem ad propositum redeamus , videndum est , quæ se habuerint Concilia , præsertim generalia , & Gallicana , circa judicia summorum Pontificum de rebus fidei.

3. Non utemur Canonibus Concilii primi Nicæni , in editionibus vulgaribus non contentis , & , ut aiunt , ex Arabia delatis eorum discussionem criticorum examini relinquentes , ne in suspensionem veniat jus causæ , dubiis probationibus assertæ. Cæterum veritas , instar Solis , antequam oculis nostris sese exhibeat , nonnihil subobscuræ , non injucundæ tamen lucis præmittit , quæ paulatim crescit usque ad meridiem. Ita licet in antiquis monumentis non adèd clarè luceant veritates , quæ postmodum diligentius investigatæ , atque , ut sese obtulit occasio , accuratius versatæ , plenam tandem , aut saltem majorem lucem adeptæ sunt : non idèd tamen contemnenda sunt prima earum vestigia , præsertim insignia.

4. In Concilio generali Ephesino anno 431. art. 3. Philippus Presbyter , & Apostolicæ Sedis Legatus nemine contradicente legationis suæ , ac secum missorum , mandatum in hunc modum exposuit , qui indicat auctoritatem , ac in fide firmitatem à sancto Petro ad ejus successores derivatam ; Nulli dubium , imò seculis omnibus notum est , quod sanctus , beatissimussq; Petrus , Apostolorum Princeps , & CAPUT , FIDEIQUE COLUMNA , ET ECCLESIAE CATHOLICÆ FUNDAMENTUM à Domino nostro Jesu Christo Salvatore humani generis , ac Redemptore , claves Regni accepit , solvendiq; , ac ligandi peccata potestas ipsi data est : qui ad hoc usque tempus , & SEMPER IN SVIS SVCCESSORIBVS VIVIT , ET IUDICIUM EXERCET. Hujus itaque secundum ordinem successor , & locus tenens sanctus , beatissimussq; Papa noster Cælestinus Episcopus , nos ipsius præsentiam supplices , ad hunc sanctam Synodum misit. Quorum beati Petri mentio

382 TRACTATUS DE LIBERTATIBVS,  
nisi, ut insinuetur, ejus successores eadem pollere autoritate, præsertim dum quæstiones fidei judicant? Quo enim modo FIDEI COLUMNA, ET ECCLESIAE CATHOLICÆ FUNDAMENTVM SEMPER IN SVIS SVCCESSORIBVS VIVERET, ET IUDICIUM EXERCERET, si isti toti Ecclesiæ possent, proposito errore, casus, ruinæque occasionem præbere?

5. In Art. 2. Firmus Cæsareæ Episcopus dixit; *Apostolica & sancta Sedes Cælestini sanctissimi Episcopi de presenti negotio SENTENTIAM REGVLAMQUE PRÆSCRIPSIT, quam nos quoque secuti formam, illam executioni mandavimus, Canonicum, Apostolicumq; judicium in illum ( Nestorium ) proferentes.* Vides sententiam Romani Pontificis tanquam regulam præscriptam executioni mandatam, & beatum Petrum, dum judicia de rebus Ecclesiasticis ore sui successoris pronunciat, humiliter auditum.

6. Sed ne putes singulares tantum Episcopos ita sensitisse, ac dixisse, toto Concilio, saltem suo silentio consentiente, summorum Pontificum, ut beati Petri, sententiam esse suscipiendam: In Concilio generali Chalcedonenfi Art. 2. lectâ epistolâ sancti Leonis Papæ ad Flavianum Archiepiscopum Constantinopolitanum, in qua Eutychetis doctrinam, ut hæreticam damnabat, & fidei orthodoxæ normam præscribebat, Reverendissimi Episcopi clamaverunt; *Hæc Patrum fides, hæc Apostolorum fides. Omnes ita credimus, Orthodoxi ita credunt. Anathema ei, qui ita non credit.* PETRVS PER LEONEM ITA LOCVTVS EST, &c. Sed inquires ita clamatum est, quia revera Episcopi, sancti Leonis doctrinam cum recta fide consentire, judicarunt; hinc tamen regula generalis constitui non potest. Certè hoc, ut suprâ insinuavi, parum non est, quod in hoc, & in reliquis Conciliis generalibus, sententia summorum Pontificum de rebus fidei toti Ecclesiæ pronunciata, ut orthodoxa suscepta fuerit. Verùm hunc judicii Romani Episcopi cum fide consensum, non eruditioni sancti Leonis, sed ejus dignitati tribuendum, id est lumini Spiritûs Sancti, beato Petro, ejusque successoribus, ne deficeret eorum fides, à Christo impetrato, non solum ultima illa verba, PETRVS PER LEONEM LOCVTVS EST, significant; sed etiam Synodica ad sanctum Leonem epistola, ubi Concilium cum FIDEI CVSTODEM, & SANCTI PETRI INTERPRETEM appellat, quam, in-

inquit de fide loquens, *ex praecepto Legislatoris venientem usque ad nos IPSE servasti*, VOCIS BEATI PETRI OMNIBVS CONSTITVTVS INTERPRES. Non est supervacaneum pronomen, *ipse*: indicat enim Romanum Pontificem specialiter esse vocatum à Christo Fidei Custodem; Et VOCIS BEATI PETRI OMNIBVS CONSTITVTVM INTERPRETEM: Statim autem Concilium profectur se, sancto Leone Autore, Antistite, sive Præsidente, ea enim est vocis Græcæ significatio, veritatem fidelibus ostendisse. Unde & *noste ut DVCEM utiliter habentes Ecclesia filiis hereditatem, sortemq; veritatis ostendimus. . . . . quibus tu quidem sicut membris CAPVT præcæras, in his, qui tuum tenebant ordinem, benevolentiam præferens.* in tertia part. act. Concil. Chalced. cap. 2.

7. Eam Romani Pontificis dignitatem, & auctoritatem generatim explicat beatus Petrus Chrysologus Episcopus Ravennas litteris ad Eutychem in 1. par. Act. ejusdem Concilii exscriptis; *Quoniam beatus Petrus, qui in propria Sede vivit, & præsidet, PRÆSTAT QUÆRENTIBVS FIDEI VERITATEM.* Quomodo vivit & præsidet in propria Sede, nisi quia, ut supra notavimus, ejus successor, in fidei veritate toti Ecclesiæ exponenda, indeficienti gaudet, sicut ille Spiritus Sancti auxilio, & ductu, ET PRÆSTAT QUÆRENTIBVS FIDEI VERITATEM.

8. Agatho Papa suum de rebus fidei judicium, etiam ante Concilii universalis acceptionem, irreformabile esse non dubitabat; quandoquidem Legatos ad Concilium sextum generale mittens in secunda quam ad Imperatorem Constantinum Pogonatum, ejusque fratres Heraclium, & Tiberium scripsit epistolâ, quæque in Act. 4. Concilii recitata fuit, audacter, ac securè pronunciat, se suis Legatis mandasse, non ut quæ ipse cum suo Concilio declaraverat, tanquam dubia, & incerta examinarentur, sed ut certa, & immutabilia publicarentur. *Personas, inquit, prævīdimus dirigere, non tamen tanquam de incertis contendere, sed ut certa, atque immutabilia compendiosâ definitione proferre.* Mox condemnationis sententiam profert in eos, qui traditæ à se doctrinæ contradicerent; *Qui verò hæc confiteri noluerint, ut infestis Catholica, atque Apostolica confessioni perpetua condemnationis reos esse censemus.* Quis ita nisi vel imprudentissimus, vel de suæ veritate sententiæ certissimus, loqui audeat, à

Con-

Concilio Oecumenico, si falsa proferret, vel injuncta, mox redarguendus? Numquid autem summus ille Pontifex Concilio visus est nimiam sibi tribuisse auctoritatem? Ejus doctrinam non solum ut veram, sed etiam tanquam à Spiritu Sancto dictatam, & à Beato Petro prolatam se suscipere declaravit, primò Dometius Episcopus Prusianos his verbis; *Suggestiones directas à Patre nostro Agathone sanctissimo Archiepiscopo Apostolica, & principalis Sedis antiqua Roma, TANQVAM EX SPIRITU SANCTO DICTATAS per os sancti, ac beatissimi Principis Apostolorum Petri, & digito prædicti beatissimi Papa Agathonis scriptas suscipio, & amplector, & ita credo, ita sentio.* Totum deinde Concilium sententiam Agathonis in prædicta Epistola contentam amplexum est, & Macharium Patriarcham Antiochenum eam admittere recusantem deposuit.

9. In prima verò Epistola docet apertissimè Agatho, Ecclesiam Romanam, non solum in fide non deficere, sed ejus etiam esse, reliquas omnes in fide confirmare. *Spirituales oves Ecclesie* (inquit loquens de beato Petro) *ab ipso Redemptore omnium ternâ commendatione pascendas suscepit: cujus annitente præsidio hac Apostolica ejus Ecclesia nunquam à via veritatis in qualibet erroris parte deflecta est, cujus auctoritatem, utpotè Apostolorum omnium Principis, semper omnis Catholica Christi Ecclesia, & universales Synodi fideliter amplectentes, in cunctis secuta sunt, omnesq; venerabiles Patres Apostolicam ejus doctrinam amplexi, per quam & probatissima Ecclesia Christi lumina claruerunt, & sancti quidem Doctores Orthodoxi venerati, atque secuti sunt. Hæretici autem falsis criminationibus, ac derogationum odiis insecuti. Et quibusdam interjectis; Hæc est enim VERÆ FIDEI REGVLÆ, quam & in prosperis, & in adversis vivaciter tenuit, ac defendit hac spiritalis Mater vestri tranquillissimi Imperii, Apostolica Christi Ecclesia, quæ per Dei omnipotentis gratiam à tranſite Apostolica traditionis nunquam errasse probabitur, nec hæreticis novitatibus depravata succubuit. Sed ut ab exordio fidei Christiana percepit ab Autoribus suis Apostolorum Christi Principibus, illibatâ fide tenus permanet, secundum ipsius Domini Salvatoris Divinam pollicitationem, quam suorum Discipulorum Principi in Sacris Evangeliiis satus est: Petre, Petre, inquit, Ecce Sathanas expetivit, ut cribraret vos, sicut qui cribrat triticum: EGO AUTEM PRO TE ROGAVI, VT NON DEFICIAT FIDES TVA; ET TV ALIQVANDO CONVERSVS CONFIRMA FRATRES TVOS. Consideret itaque vestra tranquilla clementia, quoniam*

De-



*Dominus, ac Salvator omnium, cujus fides est, qui fidem Petri non defecturam promisit, confirmare eum fratres suos admonuit, quod Apostolicos Pontifices mea exiguitatis Prædecessores, confidenter FECISSE SEMPER cunctis est cognitum. Non ergo pro solo Petro, sed & pro Petri successoribus rogavit Christus, ne deficeret eorum fides, ut scilicet possent fratres confirmare, si quando in fide vacillarent.*

10. Utramque autem epistolam quomodo exceperit Concilium, testati sunt non solum singulati aliqui Episcopi, sed ipsummet Concilium universum, non solum nihil adversus testimonium in favorem sanctæ Sedis prolata excipiens, sed & submissionem significans his verbis; *sancta, & universalis Synodus suscipiens, & EXPANSIS MANIBVS AMPECTENS tam suggestionem, quæ à sanctissimo, ac beatissimo Agathone Papa antiquæ Romæ facta est. .... adæquè complexa est & alteram Synodalem suggestionem, quæ missa est à Sacro Concilio, quod est sub eodem sanctissimo, ac beatissimo Papa, &c.* In epistola ad eundem Agathonem; *Tibi ut prima Sedis Antistiti universalis Ecclesia, quid agendum sit relinquimus, STANTI SVPER FIRMA FIDEI PETRAM, libenter perlectis vera confessionis litteris à vestra paternæ Beatitudine ad piissimum Imperatorem missis, quas ut à summo Apostolorum vertice DIVINE PERSCRIPTAS AGNOSCIMVS, per quam exortam nuper multiplicis erroris hæreticam sectam depulimus. Confer ista cum iis, quæ suprâ ex aliis Conciliis retulimus, & observabis quantum inter se concordent in veneranda fidei beati Petri soliditate, ejusque in successoribus illius Apostoli Romanis Pontificibus agnoscenda continuatione. Sed progrediamur ulterius, ut veluti perpetua texatur traditionis series.*

## C A P U T V.

*Idem aliorum probatur autoritate Conciliorum, & Episcoporum.*

1. **Q**Uanto cum applausu excepta sit doctrina Adriani I. Papæ in epistolis ad Imperatorem, & ad Patriarcham Constantinopolitanum scriptis, in actis septimæ Synodi anno 787. habitæ videri potest, scilicet Act. 2. in qua lectæ sunt.

C c c

sunt. Continent autem etiam illæ epistolæ sanctæ Sedis in discrimendis de fide controversiis prærogativæ testimonia. In prima habentur hæc verba de beato Petro, & ejus Sede; *Ista itaque tam præclaro prælatus honore promeruit confiteri fidem, supra quam fundatur Ecclesia Christi. Beatam Confessionem beatitudo secuta est pramiorum, cujus predicatione sancta universalis illustrata est Ecclesia, & ex ea CÆTERÆ DEI ECCLESIAE FIDEI DOCUMENTA SUMPTSERUNT.* Nam ipse Princeps Apostolorum beatus Petrus, qui Apostolica Sedis primitivus præfedit, sui Apostolatus Principatum, ac Pastoralis cura, successoribus suis, qui in ejus sacratissima Sede perenniter sessuri sunt, dereliquit; Quibus & auctoritatis potestatem, quemadmodum à Salvatore nostro Domino Deo ei concessa est, & ipse quoque suis contulit, ac tradidit Divino jussu successoribus Pontificibus. In eodem Concilio act. 2. Joannes sanctissimus Episcopus Tauromaniæ dixit: *Cum veluti Divinus ORTHODOXIÆ TERMINVS (sive Divina definitio) sint littera, qua ab Adriano Papa senioris Roma ad pios Imperatores nec non, & ad Tarasium universalem Patriarcham nostrum missæ sunt, ita profiteor.*

2. Nicolai I. & Adriani II. judicium de Photio, & de sacris Imaginibus doctrinam secuta est octava Synodus, ad quam nemo admissus est, quin professioni fidei ab Adriano missæ subscripsisset, in quæ hæc continentur, *quia non potest Domini nostri Jesu Christi prætermitti sententia dicentis; TU ES PETRVS, ET SUPER HANC PETRAM ÆDIFICABO ECCLESIAM MEAM.* Hac quæ dicta sunt rerum probantur effectibus; quia in Sede Apostolica immaculata est semper reservata Religio, & sancta celebrata doctrina. Ab hujus ergo fide, atque doctrina separari minimè cupientes, & Patrum, & præcipuè sanctæ Sedis Apostolica Præsulum sequentes in omnibus constituta, anathematizamus omnes hæreses simul cum Iconomachiis. Quomodo autem prædicta Synodus octava summorum illorum Pontificum amplexa sit constituta, declarant hæc ejus verba, Can. 2. *Obedite Præpositis vestris tanquam rationem reddituri, Paulus magnus Apostolus precipit. Itaque beatissimum Papam Nicolaum TANQVAM ORGANVM SANCTI SPIRITVS HABENTES, necnon & sanctissimum Adrianum Papam successorem ejus, &c. Concilia Oecumenica summum Pontificem tanquam organum sancti Spiritus habent. Antistites Gallicani ejus judicia reformabilia esse decernunt.*

3. In Concilio Lugdunensi anno 1274. Imperator Græcorum & per Epistolam, & per Nuncium juravit, se Catholicam,

cam, & Orthodoxam fidem acceptare, profiteri, ac servare velle. PROUT, inquit, EAM VERACITER TENET, fideliter docet, & prædicat Sacrosancta Romana Ecclesia.

4. Concilium Lateranense sub Innocentio III. vocat Ecclesiam Romanam Matrem, & Magistram omnium fidelium. Possent omnes fideles in errorem induci, si erraret Magistra, quam tenentur audire.

5. Clemens V. Clementinâ de summa Trinitate, & fide Catholica § Nos igitur docet, quod ad Apostolicam considerationem dumtaxat hæc (quæ in Scripturis obscura sunt) declarare pertinet; Quod etsi dixerit Concilio Oecumenico, Viennensi scilicet, Præsidens; Necessitatem tamen Concilii non induxit, sed potius exclusit, particula illa, dumtaxat. Ut autem à Conciliis generalibus ad Gallicana descendamus.

6. Cui unquam ex antiquis Episcopis Gallicanis venit in mentem, non esse irreformabile sanctæ Sedis iudicium, donec à Concilio Oecumenico confirmatum, aut ab Ecclesia universa fuisset acceptatum? Et Episcopi singuli, & eorum Cœtus, siue Concilia illud tanquam indubitatum fidei normam populo proponebant. Hac regula Concilium Arausicum II. anno 529. Fausti Regensis errores confutavit, & veritatem orthodoxam declaravit. Id nobis, ita præstantur Episcopi, secundum admonitionem, & auctoritatem Sedis Apostolica justum, ac rationabile visum, & pauca Capitula AB APOSTOLICA SEDE NOBIS TRANSMISSA, quæ ab antiquis Patribus de sanctarum Scripturarum voluminibus in hac præcipuè causâ collecta sunt ad docendos eos, qui aliter quam oportet, sentiunt, ab omnibus observanda proferre, & manibus nostris subscribere deberemus. Quibus locis, qui huc usque non sicut oportebat de gratia, & libero arbitrio credidit, ad ea, quæ fidei Catholica conveniunt, animum suum inclinare non differat. Contradicere quidem superiorum declarationi, nisi evidenter falsæ, non licet. At verò animum suum nemo tenetur inclinare, nisi in obsequium fidei. An ergo Conciliis Provincialibus, an auctoritati Papæ debetur, ut fideles animum inclinent ad ea, quæ definiuntur? Vide notas Severini Binii in hanc præfationem.

7. Sanctus Avitus Episcopus Viennensis anno 517. non suo solius, sed & omnium Episcoporum Galliæ nomine, protestatus est HORMISDÆ PAPÆ, se ejus sententiæ in mate-

ria fidei adhæsurum. *Quia*, inquit, *jam securus, non dicam de Viennensi, sed de totius Gallia devotione polliceor, OMNES VESTRAM SUPER STATV FIDEI CAPTARE SENTENTIAM. Orate, ut sic nos prædictorum professo fucata non fallat, sicut ab unitate, quam regitis; veritas comperta non separat.*

8. Ravennius, aliisque Episcopi Gallicani in Epistola Synodica ad S. Leonem Magnum pluribus testati sunt, quanti facerent ejus circa dubia de fide, sententiam, etiam antequam Concilii generalis Chalcedonensis consensus accessisset; *Quæ*, inquirunt, *Apostolatus vestri scriptura, & symbolum fidei, quisquis Redemptionis sacramenta non negligit, tabulis cordis adscribit, & tenaci, quo ad confundendas Hæreticorum errores paratior sit, memoria commendavit . . . . . Doctrina post Deum vestra debet quisque fidelis, ut constanter teneat, quod credebat: Debet etiam infidelis, ut à perfidia sua, agnita veritate discedat, & APOSTOLICÆ INSTITUTIONIS LVCE PEREVSUS erroris sui tenebras derelinquat, magisq, sequatur, & credat, quod per os vestrum Dominus noster Iesus Christus de Sacramento Incarnationis sua docet, quam id teneat, quod Diabolus humana salutis, & veritatis inimicus instillet.* Post epistolam 51. S. Leonis.

9. Ceretius Salonijs, & Veranus Episcopi Gallicani eandem erga sancti Leonis epistolam reverentiam professi fuerant his verbis; *Illæ specialis doctrina vestra pagina ita per omnium Ecclesiarum conventicula celebratur, ut verè consona omnium sententia declaretur; merito illic Principatum Sedis Apostolica constitutum, unde adhuc Apostolici Spiritus oracula referuntur.* Post epist. 98. S. Leonis.

10. Concilium Turonense II. anno 570. Can. 21. suam erga sanctæ Sedis Decreta observantiam significat his verbis; *Quis Sacerdotum contra Decreta talia, quæ à Sede Apostolica processerunt, agere præsumat . . . . . & quorum Autorum valere possit prædicatio, nisi quod Sedes Apostolica semper aut intrinxisit, aut apocryphos fecit? Et Patres nostri hoc semper custodierunt, quod eorum præcepit auctoritas. Nos ergo hoc sequentes, quod vel Apostolus Paulus, VEL PAPA INNOCENTIVS statuit, in Canonibus nostris inferentes statuimus observandum, &c.*

11. Quam huic antiquorum Gallorum reverentiæ erga sanctæ Sedis de fide oracula concordaverint, eorum posteriusque ad extrema tempora; in illorum historiis licet observare, nec non in Gallicanorum Conciliorum monumentis

à Pa-

à Patre Jacobo Sirmondo collectis, iterumque in sequentibus capitibus demonstrabitur.

12. Interim tamen animadvertendum est cæteras Nationes in ea obedientia Gallis non cessisse. De Italica nemo dubitat, de Ecclesia Africana, quæ à Gallis in exemplum tam libenter assumitur, dicemus inferius. De Hispanica præter ea, quæ in primo libro retulimus, libet Epistolæ Concilii Tarracoenensis ad Hilarium Papam scriptæ, ac in Concilio Romano lectæ anno 465. principium, & finem exscribere. *Et si nulla extaret (inquiunt Episcopi Tarracoenensis Provinciæ cum suo Metropolitano) necessitas Ecclesiastica disciplina, expetendum re veranobis fuerat illud privilegium Sedis vestra, quo susceptis Regni clavibus post Resurrectionem Salvatoris per totum Orbem beatissimi Petri singularis predicatio universorum illuminationi prospexit: cujus Vicarij Principatus, sicut eminet, ita metuendus est ab omnibus, & amandus. Proinde nos Deum in vobis penitus adorantes, chi sine querela servitis, ad fidem recurrimus, Apostolico ore laudatam, inde responsa querentes, VNDE NIHIL ERRORE, nihil presumptione, sed Pontificali totum deliberatione præcipitur. Queruntur postea de Sylvano Episcopo Calaguræ, ejusdem Provinciæ, quod multa patrasset, postponens Patrum regulas, & Romani Pontificis instituta, denique contra vetustatem Canonum, contra Synodi constituta. (Has enim veras Ecclesiæ libertates sartas tectas servari cupiebant) Concludunt in hunc modum; Proinde quia his presumptionibus, qua unitatem dividunt, qua schisma faciunt, velociter debet occurrì: quasumus Sedem vestram, ut quid super hac parte observare velitis, APOSTOLICIS AFFATIBVS INSTRVAMVR quatenus fraternitate collectâ, prolatis in medium veneranda Synodi Constitutis contra rebellionis spiritum vestra autoritate subnixi, quid oporteat de ordinatore & ordinato fieri intelligere, Deo adjuvante, possimus. Erit profecto vester triumphus, si Apostolatus vestri temporibus, quod sancti Petri Cathedra obtinet, Catholica audiat Ecclesia, si novella zizaniorum semina fuerint extirpata.*

13. Sanctus Thomas Archiepiscopus Cantuariensis epist. 97. edit. P. Lupi. Omnibus Episcopis Angliæ, quorum erat Primas scripsit; *Quis Romanam Ecclesiam Caput omnium Ecclesiarum, & FONTEM CATHOLICÆ DOCTRINÆ ambigit esse? Quis claves Regni Cælorum Petro traditas esse ignorat? Nomen IN FIDE, ET DOCTRINA PETRI, totius Ecclesiæ structura consurgit, donec occurrantur omnes Christo in virum perfectum, in unitatem fidei, & agnitionem filii Dei? . . . . Qui cum-*

que sit, qui rigat, aut plantat, Deus nulli dat incrementum, nisi illi, quò plantavit in fide Petri, & doctrina ipsius acquiescit. Sanè ad eum maxima populi judicia referuntur, à Romano examinanda Pontifice, &c.

## C A P U T VI.

*Probatur sanctorum Patrum, ac primò à sancti Irenæi autoritate, certitudo iudicii summi Pontificis in questionibus Fidei.*

1. **Q**Uoniam Illustrissimi Antistites Gallicani libertatum suarum fundamenta, non solùm Sacris Canonibus, sed etiam Patrum traditione, niti volunt; postquam Conciliorum testimonia protulimus, exhibenda est sanctorum Patrum doctrina, in qua generatim tria potissimùm notanda sunt ( ne sæpiùs repetere cogamur ): quamvis non omnia semper in singulis testimoniis occurrant. Primum, Ecclesiam Romanam esse unitatis centrum, quò concurrendum sit ad vitanda schismata. Secundum; illuc confugiendum, quando dubia, præsertim difficiliora, oriuntur circa fidem; & hinc veritatem fidei ab Apóstolis traditæ addiscendam. Tertium; has sanctæ Sedis prærogativas auctoritati beato Petro à Christo impetratæ, & collatæ, necnon ejusdem auctoritatis ad beati Petri successores transmissioni, non autem accedenti Ecclesiæ consensui, tribuendas; atque adeò Christum non pro solo Petro, sed pro ejus etiam successoribus Romanis Pontificibus rogasse, ut non deficeret fides eorum; ac si qua emergat, præsertim circa fidem, contentio, in petræ illius firmitate stare debere, quicumque voluerit casum devitare; illi petræ incumbere, qui intra Ecclesiam super illam ædificatam permanere cupierit; ab hærede Petri confirmandos, qui à Sathana fuerint expetiti, & contra fidem tentati.

2. Schisma est, ut docet sanctus Thomas 2. 2. quæst. 39. art. 1. cùm à summo Pontifice receditur: in schismate autem non est fides, ut tradit S. Ambrosius §. 10. referendus: ut ergo & schisma, & hæresis periculum vitentur, adhærendum

dum est summo Pontifici ; *Ecclesia unitas* , inquit S. Thomas , in duobus attenditur , scilicet in connexione membrorum Ecclesia adinvicem , seu communicatione , & iterum in ordine omnium membrorum Ecclesia ad unam Caput . . . . . hoc autem Caput est ipse Christus , cuius vicem in Ecclesia gerit summus Pontifex ; & ideo schismatici dicuntur , qui subesse volunt summo Pontifici , & qui membris Ecclesia ei subiectis communicare recusant . Sed quorsum sancti Patres tam diligenter monent vitandum esse schisma . Nam si Romani Pontifices in eodem , quo alii periculo erroris versantur , longè præstaret illis non tam arcte conjungi . Quid enim , si , ut posse creduntur , revera fallantur ; nonne illos sequi perniciosum erit ?

3. Quomodo certi , ac securi erunt in fide summo Pontifici adhærentes , si summus ipse Pontifex labilis sit ? Philosophorum axiomata est ; quidquid multiplex , varium , incertum , inconstans est ; debere ad aliquid reduci , quod sit simplex , uniforme , certum , ac constans . Si igitur Episcopi dissentiant inter se circa veritatem fidei , adeoque ab invicem separentur , quâ poterit regulâ discerni , à quorum partibus stet veritas , & apud quos sit vera Ecclesia ; nisi summus Pontifex immobile sit unitatis , & communionis centrum , fidelissimus veritatis Custos , firmum Ecclesiæ fundamentum , & sanum mystici Corporis Christi Caput , cui qui communicet , & consentiat , Catholicus judicetur ? sed ad sanctorum Patrum doctrinam accedamus .

4. Adeo est insigne testimonium sancti Irenæi , ad probandam summi Pontificis in solvendis fidei quæstionibus auctoritatem ; ut vel solum declarationi Comitiorum Cleri Gallicani præponderet , atque ad certam fidem faciendam penè sufficiat . Si enim testis probitatem spectes , Sanctus est , fidei zelo flagrantissimus , dignusque , qui cum omnibus ferè civitatis suæ Christianis glorioso Martyrio vitam clauderet : si ætatem , est omnium Patrum Latinorum antiquissimus ( licet ex ejus stylo aliqui eum Græcè scripsisse conjiciant , alii utroque idiomate suspicentur ) Episcopus Lugdunensis jam anno 180. si scientiam , ab Apostolorum discipulis , præsertim à beato Polycarpo Divinas traditiones edoctus : si locum , atque ordinem , in celeberrima Galliarum Civitate Antistes , atque adeo omnium , quæ in illis partibus erant ,

Christia-

392 TRACTATUS DE LIBERTATIBVS,  
Christianorum sententiæ conscius : si testimonium ipsum inspicias , luculentum judicabis.

5. Sic enim Irenæus lib. 3. adversus hæreses cap. 3. traditionem Ecclesiæ opponens hæreticis , ait ; *Sed quoniam valde longum est , in hoc tali volumine omnium Ecclesiarum enumerare successiones ; maxima , & antiquissima , & omnibus cognita , à gloriosissimis duobus Apostolis Petro , & Paulo Roma fundata , & constituta Ecclesia , eam , quam habet ab Apostolis , traditionem , & annunciatam hominibus fidem , per successiones Episcoporum pervenientem usque ad nos , indicantes , confundimus omnes eos , qui quoquo modo , vel per sui placentiam malam , vel vanam gloriam , vel per cæcitatem , & malam sententiam , præterquam oportet colligunt.* AD HANC ENIM ECCLESIAM PROPTER POTENTIOREM PRINCIPALITATEM NECESSE EST OMNEM CONVENIRE ECCLESIAM , hoc est , eos , qui sunt undique fideles. IN QVA SEMPER AB HIS , QUI SVNT VNDIQVE CONSERVATA EST EA , QVÆ EST AB APOSTOLIS TRADITIO.

6. Unica statim occurrit difficultas , quod scilicet S. Irenæus non de solo summo Pontifice , sed de Ecclesia Romana loquatur. Verum hoc discrimen nihil Episcopos Gallicanos juvat , qui ut Papæ judicium irreformabile sit , non solum Ecclesiæ Romanæ particularis , sed Ecclesiæ universæ consensum requirunt. Equidem si res eò reducatur , ut summi Pontificis Decreta circa fidem indubitata futura sint accedente solius Ecclesiæ Romanæ consensu , facilius schismatibus via præcludetur , cum omnino prompta sint ejus membra ad sequendum Capitis sui ductum. Adde quod si concedatur Ecclesiam Romanam prout ab aliis Ecclesiis particularibus distinguitur , privilegio non errandi esse præditam ; non erit operose laborandum , ut demonstretur quidquid habet Ecclesia Romana vel dignitatis , vel autoritatis , totum à Capite , summo scilicet Pontifice , in alia membra effluere , ut ex iis patet , quæ jam contra Launoium disputata sunt.

7. Nec opus erit ad B. Cypriani autoritatem recurrere , qui Ecclesiam in Episcopo esse scribit ad Florentium Pupianum epist. 69. edit. Pamel. ut Ecclesiam Romanam in Romano Pontifice continere dicamus : sanctus ipse Irenæus in verbis supra relatis satis insinuat , quæ Ecclesiæ Romanæ tribuit , ipsi propter successionem episcoporum à B. Petro inchoa-



choatam competere ; *A glorioſiſſimis duobus Apoſtoliſ Petro, & Paulo fundata, & conſtituta Eccleſia, eam, quam habet ab Apoſtoliſ traditionem, & annunciatam hominibꝫ fidem per ſucceſſionem Epiſcoporum pervenientem uſque ad nos indicantes, &c.* Ided continuo poſt verba ſuprà exſcripta, B. Petri ſucceſſores ſingulatim enumerat.

8. Obſervandum eſt autem ex mente ſancti Irenæi ad ſtatuenda contra Hæreticos fidei dogmata, ſolam Eccleſiæ Romanæ traditionem ſufficere, nec omninò eſſe neceſſarium aliarum Eccleſiarum traditiones inquirere, licet utile ſit, cùm id commodè fieri poteſt, ad opprimendam Scetiarum pertinaciam ; *Sed quoniam inquit, valde longum eſt in hoc tali volumine omnium Eccleſiarum enumerare ſucceſſiones, maxima, & antiquiſſima, & omnibus cognita à glorioſiſſimis duobus Apoſtoliſ Petro, & Paulo Roma fundata, & conſtituta Eccleſia, eam quam habet ab Apoſtoliſ traditionem, & annunciatam hominibꝫ fidem, per ſucceſſiones Epiſcoporum pervenientem uſque ad nos, indicantes, confundimus omnes eos, qui quoquo modo, vel per fui placentiam malam, vel vanam gloriam, vel per cæcitatem, & malam ſententiam, præter quam oportet colligunt, id eſt ſeparatim ab Eccleſia univerſali conventicula faciunt, ſeſeque congregant. Sed, ſi ſummi Pontificis, ſeu Eccleſiæ Romanæ, judicium non eſt irreformabile, quomodo indicatâ ejus traditione confundentur omnes hæretici ? Non erit ſatis continuatam à S. Petro uſque ad nos Epiſcoporum ſucceſſionem oſtendere, atque quid tradant Principis Apoſtolorum ſucceſſores, exhibere, niſi accedat Eccleſiæ univerſæ conſenſus, & demonſtretur ſimiliter Epiſcoporum omnium aliarum Eccleſiarum ſucceſſio, atque accepta per illos ab Apoſtoliſ traditio.*

9. Sed dixerit quis non ſolius Eccleſiæ Romanæ, ſed & cujuſlibet alterius traditio indubitatæ fidei eſſet, ſi conſtaret eam ab Apoſtoliſ deſcendiſſe. Quis enim hæreticus auderet, certum Apoſtoliſ cujuſvis teſtimonium recuſare ? Ita ſanè ; atque hinc colligitur S. Irenæum non repoſuiſſe vim convincendorum hæreticorum, in eo ſolo, quod Apoſtoliſ Petrus, & Paulus contrariam doctrinam tradiderint, ſed in eoſetiam quod certiffimum ſit Petri ſucceſſores eſſe, qui eam nobis traditionem communicant. Alioquin enim quid opus fuiſſet illius ſucceſſionis in Epiſcopatu ſeriem tam accuratè

D d d

texe-

texere? Cur non potuissent alii, quam illius Apostoli successores, testes adhiberi? Quia inquit, verisimilius est, ut notat S. Irenæus, Apostolos Arcana fidei suis successoribus concedituros. Valet quidem hæc ratio in B. Petro, qui Coadjutores habuisse dicitur illos, qui ei successerunt. Sed id in subsequētibz locum non habet; quippè cū sapiūs ignorarint, qui sibi essent successuri.

10. Adde quod eadem ratio militaret pro Ecclesia Antiochena, in qua primū sedit B. Petrus, & in qua successorem suum ipse constituit; & pro Alexandrina, quam per B. Marcum fundavit; Imò pro qualibet alia, cū nulla sit quæ vel immediatè, vel mediatè fundata non fuerit ab aliquo ex Apostolis, quibus omnibus dixit Christus. Joan. 15. v. 15. *Omnis quacunq; audivi à Patre meo nota feci vobis.* Sumitur quidem veritatis argumentum ex illa Episcoporum jam ab Apostolis propagatione; sed certitudo à solius Petri successorum serie, vel à tota Episcoporum ab Apostolis descendentium collectione; non autem à cujuscvis alius singularis Episcopi, præter Romanum, testimonio.

11. Sanctus Irenæus solius Ecclesiæ Romanæ traditione indicatâ, censet confundendos hæreticos, causamq; affert; *Ad hanc enim Ecclesiam propter potentiorē principalitatem, necesse est omnem convenire Ecclesiam; hoc est eos, qui sunt undique fideles.* Quomodo si ad Ecclesiam Romanam omnis Ecclesia, & omnes undique fideles convenire teneantur, & ab ea decipi possent, non sequeretur totam Ecclesiam in errorem induci posse. Non enim illuc convenire tenentur, nisi ut doceantur, non docentur, nisi ut discant, & credant.

12. Apertiùs significat idem S. Episcopus causam, cur ad Ecclesiam Romanam, omnem Ecclesiam, omnesq; fideles convenire oporteat, eam esse; quod scilicet ibi semper conservata sit traditio Apostolica pro universa Ecclesia, seu pro omnium omninò instructione. *In qua semper ab his, qui sunt undique, conservata est ea, qua est ab Apostolis traditio.*

13. Quod comprobatur propositum à S. Irenæo Corinthiorum exemplum. Licet enim Corinthi Ecclesia à B. Paulo fundata, & docta fuisset, ejusq; adhuc recens esset memoria, dissenserunt tamen inter se Corinthii circa veritatem ab ipso tradi-

traditam Quare necesse illis fuit ad Ecclesiam Romanam, utpotè fidelissimam Apostolicarum traditionum custodem, pro cunctorum informatione recurrere. *Dissensione non modicâ inter eos, qui Corinthi essent, fratres, scilicet, scripsit quæ est Roma Ecclesia, potentissimas litteras Corinthiis, ad pacem eos congregans, & annuntians, quam in recenti ab Apostolis receperant traditionem.* Si Apostolicis temporibus viciniore, de ea, quam in recenti ab Apostolis receperant traditione, ambigentes ad concordiam nonnisi per Sedem Apostolicam revocati sunt, quanto magis qui longius ab Apostolica origine recesserunt, ut unitatem fidei custodiant ad illud unitatis centrum convenire indigent, eique firmiter adhærere?

14. Tribuuntur autem Ecclesiæ Romanæ litteræ ad Corinthios missæ, licet à S. Clemente scriptæ sint, ut tradit Eusebius histor. Eccles. lib. 3. cap. 12. his verbis, *hujus vero Clementis una fertur esse epistola, omnium judicio approbata, illustris illa quidem, & digna planè admiratione, quam TANQVAM EX ROMANÆ ECCLESIAE PERSONA ad Corinthiorum Ecclesiam tum quidem exaravit, cum jam Corinthi gravis esset inflata seditio. Hanc sanè cum veterum, tum nostrâ ipsorum memoriâ plurimis in Ecclesiis publicè lectam, usurpataq; cognovimus.* Idè igitur à S. Irenæo dicitur, *scripsit quæ est Roma Ecclesia;* quia S. Clemens scripsit, *tanquam ex Romana Ecclesia persona.* Ita S. Hieronymus lib. de scriptoribus Ecclesiasticis cap. 25. de S. Clemente ait; *scripsit ex persona Romana Ecclesia ad Ecclesiam Corinthiorum valdè utilem epistolam, quæ & in nonnullis locis publicè legitur.* Non, quòd Pontifex esset tantùm ab Epistolis, aut à secretis Ecclesiæ Romanæ, sed quia licet penes ipsum esset autoritas, res tamen nonnisi præmissâ consultatione decerneret.

15. Itaque S. Irenæus, dum ait, quod ad hanc Ecclesiam propter potentiorē principalitatem necesse est omnem convenire Ecclesiam, non solum quid ipse sentiret, sed etiam quid traditio à temporibus Apostolorum faciendum doceret, declaravit. Ecclesia enim Corinthi ad Ecclesiam Romanam recurrerat, tanquam ad unitatis centrum, ut hinc peteret divisionis suæ remedium, & Apostolicam traditionem certò edisceret. Nam antequam sanctus Clemens Corinthiis scriberet *potentissimas litteras, ad pacem eos congregans, & reparans fidem*

*eorum*, consultus fuerat à Corinthiis, ut docent illæ litteræ, quas publicæ luci restituit Patricius Junius Scoto-Britannus: in iis enim excusat Clemens suam in respondendo tarditatem; *Propter calamitates, & casus adversus, qui nobis acciderunt, Fratres dilecti, postulat vestris tardius nos animum adiecisse veremur.*

16. Quantâ verò cum reverentiâ excepta sit sancti Pontificis responsio, animadvertere licet in verbis Eusebii, ac sancti Hieronymi supra relatis, siquidem adhuc eorum tempore, idest post tria sæcula publicè in Ecclesiis legebantur ejus litteræ, quas verè sanctus Irenæus appellavit potentissimas, tum propter eam, quam continent doctrinam, tum propter scribentis potentiorē principalitatem.

17. Ad sanctum Anicetum Romanum Pontificem similiter, ut testatur idem sanctus Irenæus in epistola, cujus fragmentum refertur ab Eusebio lib. 5. histor. Eccles. cap. 24. recurrit Asiatica Ecclesia pro quæstione de die celebrandi Paschatis, licet non perinde illius responsis acquieverit; quod tamen sacere debuisse comprobavit eventus receptâ à Concilio generali Nicæno, ac tandem à tota Ecclesia, Sedis Apostolicæ sententiâ. Omni denique tempore ad hanc Ecclesiam propter potentiorē principalitatem omnis convenit Ecclesia. Omnes illa ubique Christianos curavit, ad pacem congregans, & reparans fidem eorum.

## C A P U T VII.

### *Aliorum Patrum eadem de re testimonia.*

1. **A** Beato Hyppolito Episcopo, & Martyre, qui circa annum 230. obiit, oratione de consummatione Mundi dicitur *Princeps Petrus, FIDEI PETRA, quem beatum judicavit Christus Deus noster, ille DOCTOR ECCLESIAE, ille primus Discipulum, ille qui REGNI CLAVES HABET, &c.* Si ut indubitatum est, Romanus Pontifex Petri officio successit, cur etiam ipse non erit *fidei Petra, Doctor Ecclesia, Regni claves habens?*

2. Sanctus Basiliius Magnus epist. 52. quæ est ad S. Athanasium, quanta sit Episcopi Romani autoritas in decidendis fidei quæstionibus, & in corrigendis quæ perperam à Conciliis

ciliis generalibus gesta sunt, his verbis significat; *Visum est mihi consentaneum, ut scribatur Episcopo Romano, ut qua hic geruntur, consideret, & sententiam suam exponat: Et quoniam difficile est, ut communi, ac Synodico decreto aliqui illinc mittantur, ipse SUA AVTORITATE IN ISTA CAUSA VSVS viros eligat . . . . . omniaq, secum habentes, qua in Arimino facta sunt, ad ea rescindenda, qua illic per vim, & violentiam gesta sunt . . . . .* *Quæritur autem, & hoc à nonnullis illis, ut & nobis ipse videtur, necessarium ut Marcelli hæresim illi cum venerint, tanquam malam ac noxiam, & à sana fide alienam exterminent.* Non putabat sanctus Basilius ad stabiliendam fidem opus esse Concilio generali, quod congregari non posse videbat (*Difficile est ut communi, ac Synodico decreto aliqui illinc mittantur*) postulandum tantum censeret ut Romanus Pontifex *sententiam suam exponat . . . . .* Ipse sua auctoritate, ut in ista causa, scilicet Concilii Ariminensis, usus viros eligat, &c. ut Marcelli hæresim illi cum venerint, tanquam malam, & noxiam, & à sancta fide alienam exterminent. Conqueritur quidem acerbè S. Basilius de Episcopis Occidentalibus, etiam de Romano Pontifice in alia epistola, de modo scilicet agendi. Cæterum enim hujus auctoritatem & sanctus Basilius, & alii Episcopi Orientales summè venerabantur, ut ex epist. 74. ejusdem sancti Patris evidens fit. Sic enim de Eustathio Episcopo Sebasteno scribit. *Qua verò sint illi à Beatissimo Episcopo Liberio proposita, & ad qua consecrasset, nobis clare est: nisi quod Epistolam attulit, per quam restitueretur: Eam ubi Tyana Synodo exhibuit, in suum locum restitutus est.*

3. Sancto Basilio conjunctissimus sanctus Gregorius Nazianzenus, carmine de vita sua perseverantiam Ecclesiæ Romanæ in fide, à qua Constantinopolitana exciderat, tribuit dignitati Capitis, veterem Romam sic novæ opponens;

*Fides vetustæ recta erat jam antiquitus,  
Et certa perstat nunc item nexu pio  
Quodcumque labens sol videt, devinciens:  
Ut universi Præsides mundi decet,  
Totam colit quæ numinis concordiam.  
Nova verò quondam (de mea jam non mea,  
Nunc sermo nobis) RECTI-PES ERAT IN FIDE.  
At non item post mersa sub letho gravi.*

Oratione autem 26. super Petrum fundatam Ecclesiam tradit. *Vides, inquit, quemadmodum ex Christi discipulis magnis utique omnibus, & exiis, atque electione dignis hic Petra vocetur, atque Ecclesia fundamenta in fidem suam accipiat. Quamobrem orat. 7. vocat eum Ecclesiæ columen, quod conservandæ inconcussæ Ecclesiæ Dei officium significat.*

4. S. Optatus Episcopus Milevitanus lib. 2. contra Parmenianum supradicta confirmat. *Cathedra, inquit, una est, & negare non audeo scire te Petro primam in urbe Cathedram esse collocatam, ubi sedet omnium Apostolorum Caput Petrus, inde Cephas appellatus, in quo sem Cathedra unitas ab omnibus servaretur, nec ceteri Apostoli singulas sibi quisque defenderent, ut jam schismaticus, & peccator esset qui contra singularem Cathedram alteram collocaret. Ergo Cathedra una est, qua est prima de dotibus. In ea sedet primus Petrus, probat autem Donatistis clavibus carere, eo quod Petri Cathedræ adversarentur, claves legimus accepisse Petrum, Principem scilicet nostrum, cui à Christo dictum est; Tibi dabo claves Regni Cælorum, & porta inferorum non vincunt eas. Unde est ergo quod claves Regni vobis usurpare contenditis, qui contra Cathedram Petri vestris praesumptionibus, & audaciis, sacrilegio militatis? Lib. 1. dixerat, Cæcilianus omnium supra memoratorum sententiis innocens est pronuntiatus, etiam Melchiadis sententia, QVA IUDICIUM CLAVSVM EST. Quæ quidem verba sic interpretatur Illustrissimus Gabriel de Laubespine Episcopus Aurelianensis; Quasi diceret etiam à summo Pontifice absolutus, POST CVIVS IUDICIUM DE CÆCILIANI INNOCENTIA NON EST DVBITANDVM.*

5. Sanctus Ambrosius duo docet notatu dignissima; Primum; Catholicitatis, ut ita dixerim notam esse consensum cum Romana Ecclesia; Alterum, fidem non esse in schismate, quod, ut capite superiori ex Divo Thoma ostendimus, non consistit in soli separatione ab universo Ecclesiæ corpore, sed etiam in divisione à capite; Inde (à Romana Ecclesia) in omnes, veneranda communionis jura dimanant, inquit Concilium Aquileiense in epist. Synodic. quæ est 4. inter epist. S. Ambrosii. Sic igitur scribit S. Ambrosius in libro de obitu Satyri fratris; *Advocavit ad se Episcopum, nec ullam veram putavit, nisi vera fidei gratiam, percontatusq; ex eo est, utrumnam cum Episcopis Catholicis, hoc est cum Romana Ecclesia conveniret, & forte ad id locorum in schismate Religionis illius Ecclesia erat. Lucifer enim se à nostris tunc temporis con-*

communione diviserat, & quamquam pro fide exulasset, & fidei sua reliquisset heredes, non putavit tamen fidem esse in schismate. Sermone autem 62. de temp. seu in Evang. Dom. 4. post Pentecost. insinuat firmitatem in fide à Christo per Magisterium Petri Ecclesiæ conferri, dicitur Petro duc in altum, hoc est in profundum disputationum generationis Divinæ. Quid enim tam profundum, quam quod ait Petrus ad Dominum: Tu es Christus filius Dei vivi? ..... HANC IGITUR SO-LAM ECCLESIAE NAVEM ASCENDIT DOMINVS, IN QVA PETRVS MAGISTER EST CONSTITVTVS, dicente Domino: SV-  
PER HANC PETRAM AEDIFICABO ECCLESIAM MEAM. Libro autem 4. de fide ad Gratianum cap. 3. ita Petrum Ecclesiæ Præpositum à Christo docet & Ecclesiæ firmitatem cum Ec-clesiæ firmitate conjunctam, ut ad eam conjunctionem sig-nificandam Petri nomen institutum fuerit. Habes in Evangelio, quod Petro dixit: rogavi pro te ut non deficiat fides tua: eidem autem supra dicenti: Tu es Christus filius Dei vivi, respondit: Tu es Petrus, & super hanc Petram aedificabo Ecclesiam, & tibi dabo claves Regni Cælorum. Ergo cui propria autoritate Regnum dabat, hujus fidem firmare non poterat? Quem cum Petram dicit, firmitatem Ecclesiæ indicavit.

6. Sanctus Hieronymus epist. 57. sic scribit ad Damasum Papam; Quoniam vetusto Oriens inter se populorum furore collisus indisci-sam Domini tunicam, & desuper textam minutatim per frustra diserpiat, & Christi vineam exterminat vulpes, ut inter lucus contritos, qui aquam non habent, difficile, ubi fons signatus, & hortus ille conclusus sit, possit in-telligi. Ideo mihi CATHEDRAM PETRI, ET FIDEM APOSTO-LICO ORE LAUDATAM CENSVI CONSVLENDAM. Inde nunc mea anima postulans cibum, undè olim Christi vestimenta suscepi ..... ego nullum primum, nisi Christum sequens, Beatitudini Tue, id est Cathe-dra Petri communione confociet: SVPER ILLAM PETRAM AEDIFICA-TAM ECCLESIAM SCIO. Quicumque extra hanc domum agnum com-e-derit, prophanus est. Si quis in arca Noë non fuerit, peribit regnante dilu-vio ..... quicumque tecum non colligit, spargit; Hoc est; qui Christi non est, Antichristi est. Et epist. 58 quæ est ad eundem Dama-sum; Hinc praesidiis fulta Mundi Ariana rabies fremit. Hinc in tres partes scissa Ecclesia ad se rapere me festinat: Monachorum circa manentium antiqua in me surgit autoritas. Ego interim clamito: SI QVIS CATHEDRA PATRI IUNGITUR MEVS EST. Meletius, Vitalis, atque Paulinus tibi habere se dicant: Possem credere, si hoc unus assereret. Nunc, aut duo

duo merentur, aut omnes. Idcirco obsecro Beatitudinem Tuam per Crucem Domini, per necessarium fidei nostra decus, per Passionem Christi, ut qui Apostolos honore sequeris, sequaris & merito.

7. Hoc sancti Hieronymi exemplo docemur ad Petri successorum confugiendum in periculo schismatis; cum ille constitutus sit Caput, ut per conjunctionem cum illo constaret Ecclesiæ unitas, ac firmitas, & schismatis tolleretur occasio, quod sanctus Hieronymus docet lib. 1. in Jovinianum his verbis; *At dicis super Petrum fundatur Ecclesia, licet id ipsum in alio loco super omnes Apostolos fiat, & cuncti claves Regni Cælorum accipiant, & ex aquo super eos Ecclesia solidetur; tamen præterea inter duodecim VNVS ELIGITVR, VT CAPITE CONSTITVTO SCHISMATIS TOLLERETVR OCCASIO.* Beati Hieronymi doctrinâ, & exemplo fortassis adductus fuit Justinianus, priusquam esset Imperium adeptus, ut Hormisdam Pontificem consuleret, an unus de Trinitate crucifixus prædicari deberet; cum esset hac de re dissensio. Hoc enim, inquit epist. 3. post Hormisdæ sexagesimam quintam, *CREDEMVS ESSE CATHOLICVM QVOD VESTRO RELIGIOSO RESPONSO NOBIS FVERIT INTMATVM.*

8. Tribuitur eidem sancto Doctori epistola quædam ad sanctum Damasum, continens Symboli explanationem. Sed Bellarminus de Scriptor. Ecclesiast. probat eam esse Pelagii hæresiarchæ. Argumentum tamen, quod ex ea sumitur ad probandam infallibilem iudicii summi Pontificis circa fidei quæstiones certitudinem, non videtur minoris efficacæ. Demonstrat enim adeo jam primis Ecclesiæ sæculis apud omnes constitisse, Romanum Pontificem esse huiusmodi controversiarum Iudicem, ut vel ipsi Hæresiarchæ ab hæreseos accusatione tutos se esse scirent, dummodo ipsorum fides Papæ probaretur. His autem verbis clauditur illa epistola; *Hæc fides est Papa beatissime, quam in Ecclesia Catholica didicimus, quamq; semper tenuimus, & tenemus. in qua si minus perire, aut parum cautè aliquid forte positum est, emendari cupimus à te, qui Petri & sedem, & Sedem tenes. Sin autem hæc nostra confessio Apostolorum tui iudicio comprobatur, quicumque me maculare voluerit, se imperitum, vel malevolum, vel etiam non Catholicum; non me hæreticum comprobabit.* Alia sunt quamplurima hæreticorum, Sedis Apostolicæ communionem ambientium, & per frau-



fraudem obtinere studentium, exempla; ut intelligas ex ipsorum etiam hæreticorum praxi, vera esse, quæ sancti Patres de Ecclesia Romana effati sunt.

9. A sancto Joanne Chrysostomo de decem millium debitorum, serm. 1. Petrus appellatur *Cheri Apostolorum Princeps, os Discipulorum*, *COLUMNA ECCLESIAE, FIRMAMENTUM FIDEI, confessionis fundamentum*, orbis terrarum *Piscator*, qui genus nostrum ex profundis errorum in Cælum subtraxit. Et lib. ad eos, qui scandalizati sunt cap. 17. *fundamentum Ecclesie, Princeps Cætus Discipulorum*. Docet autem idem Sanctus pluribus in locis, Petri nomen ob fidei firmitatem Apostolorum Principi impositum, insinuatque illum ob eam firmitatem fundamentum Ecclesiæ fuisse constitutum tom. 5. in illa verba, Paulus vocatus serm. 49. ante medium; *Petrum quidem, inquit, centè à virtute sic vocavit, & in ejus nomine FIRMITATIS FIDEI ARGUMENTUM, ET INDICIUM collocavit, ut appellatione suâ PERPETUO tanquam Magistrâ quâdam ejusmodi firmitatis utatur*. Et in cap. 2. epist. ad Gal. *sed prius dicendum est de Petro, & quomodo hic unus ante cæteros Discipulos solitus se profiteri: quandoquidem etiam cognomen sortitus est OB IMMOVIBILEM, ET IMMOBILEM FIDEM*. Cum enim omnes essent interrogati, hic ante cæteros prosiliens: *Tu es, inquit, Christus filius Dei vivi. Quo tempore illi & claves Regni Cælorum tradita sunt*. Vide quæ diximus lib. 5. cap. 12. In hoc sicut & in cæteris ferè omnibus sancto Joanni Chrysostomo consonat Theophylactus Bulgarorum Archiepiscopus in illud Lucæ 22. *Rogavi pro te Petre, &c.* Ejus verba cap. 3. §. 3. retulimus.

10. S. Cyrillus Alexandrinus libro 4. Dialog. de Trinitate, B. Petri de Christi Divinitate confessioni præmium illud collatum scribit, ut Ecclesia in ejus fide fundaretur ac firmaretur immobiliter & insuperabiliter. *Ubi, inquit, interrogavit Salvator circa fines Casarea, qua vocatur Philippi: Quem dicunt homines esse filium hominis: & quis rumor de illo per Judæorum vagetur regionem, hoc est summitas Judææ Civitates. Puerilibus & indecoris popularium opinionibus relictis valde sapienter & scienter clamabat dicens: Tu es Christus filius Dei vivi. Jam VERO DE ILLO SENTENTIA REMUNERATIONEM NON MVLTO POST REPORTAVIT, Christo dicente: Beatus es Simon Barjona quia caro & sanguis non revelavit tibi, sed Pater meus cælestis. Et ego dico tibi, quod tu es Petrus & super hanc petram edificabo Ecclesiam meam,*

Ecc

&

*Et porta inferi non pravelebunt contra illam. Per amoninationem ALIUD NIHIL QUAM INCONCVSSAM ET FIRMISSIMAM DISCIPLINAM FIDEM VOCAVIT, in qua Ecclesia Christi ita fundata & firmata esset, ut non laberetur & esset inexpugnabilis inferorum portis, in perpetuum manens.*

11. Theodoretus epist. ad Renatum Presbyterum Romanum hanc tribuit Ecclesiæ Romanæ laudem; *Tenet sancta ista Sedes gubernacula regendarum cuncti orbis Ecclesiarum, cum propter alia, tum quia semper hæretici factoris experti permansit. Non est autem adepta sancta Sedes privilegium regendarum cuncti orbis Ecclesiarum, postquam experientia comprobavit ipsam permanisse hæreseos expertem; suas namque prærogativas jam à Christo ipso acceperat, sed propter acceptum etiam à Christo privilegium non errandi, ac in errorem non mittendi, quod perpetua demonstravit experientia.*

12. Sanctus Gregorius epist. 52. lib. 4. quæ est ad omnes Galliæ Episcopos, qui erant sub Hildeberto, anno 595. scripta, se fidei quæstionum Judicem declarat, asseritque sententiam, quâ illas determinaturus sit, congruam sine dubio fore: *Si quam verò, inquit, contentionem, quod longe faciat Divina potentia, de fidei causa evenire contigerit, aut negotium emerferit, cujus vehementer sit fortasse dubietas, & pro sua magnitudine judicio Sedis Apostolicæ indigeat. Examinatâ diligentius veritate, relatione suâ ad nostram studeat perducere notionem, quatenus a nobis valeat congrua sine dubio SENTENTIA TERMINARI.*

13. Exstat in Codicibus plurium Bibliothecarum, & à Baronio refertur epistola sancti Maximi Martyris ad Marianum Diaconum scribentis, in qua continetur istud de Romano Pontifice, ejusque Sede elogium. *Omnes termini terre, & quicumque ubique terrarum Christum Dominum purâ mente, & orthodoxâ fide constituentur, quasi ad solem æterni luminis sanctissimam Romanorum Ecclesiam, & ejus confessionem, & silem intenti respiciunt, ex ipsa rutilantem splendorem recipientes spiritualium, & sanctorum dogmatum. Quemadmodum sex illa sancta Synodi discretis verbis, & magna cum Religione exposuerunt apertissime pronunciantes Fidei Symbolum. Ab initio enim Adventus Incarnati Verbi universa uelique terrarum Christianarum Ecclesia à sancta Romanorum Ecclesia originem habuerim, FUNDAMENTVM SOLIDVM, & maximum, contra quod porta inferi nullo pacto pravelebunt, juxta ipsiusmet Salvatoris promissionem,*

nem, VT HABEAT CLAVES, scilicet ORTHODOXÆ in ipsum FIDEI, & confessionis, & aperiat illis, qui ad ipsam Romanam Ecclesiam cum pietate accedunt, veram, & realem solam pietatem querentes. Et claudat e contra, & obstruat omne os Hæreticorum, quod loquitur iniquitatem in Cælum. Ubi vides Romanorum Ecclesiam idè esse fundamentum solidum, & maximum, contra quod porta inferi nullo pacto pravelebunt, quia habet claves orthodoxæ fidei, quæ sine privilegio non errandi constare non possunt.

14. Beda homil. in festo Petri, & Pauli eandem sententiam his verbis profertur; Idè beatus Petrus, qui Christum verà fide confessus, vero est amore secutus specialiter claves Regni Cælorum, & Principatum judiciaria potestatis accepit, ut omnes per orbem credentes intelligant, quia quicumque ab unitate fidei, vel societatis illius quolibet modo semetipsos segregant, tales nec peccatorum vinculis absolvi, nec januam possint Regni Cælestis ingredi. Ex quibus concludit; Unde nos NECESSE EST totâ intentione, fratres charissimi, ET FIDEI, QVAM DOCVIT SACRAMENTA DISCERE, & congruentia fidei opera demonstrare. Adcò certum erat Pothoni Abbati Prumiensi, errorem apud sanctam Sedem locum habere non posse, ut secus sentientes stultitiæ arguat. Stultitia quidem elogio demorandi, qui illam Petri Sedem ALIQUO PRAYO DOGMATE FALLERE POSSE arbitrati sunt, qua nec se fessellit, nec ab aliqua hæresi VNQVAM FALLI POTVIT. In Chron. ad annum 865.

15. Deceveram prætermittere testimonium Petri Damiani in serm. 23. qui est de nativitat. S. Joann. Baptistæ, eo quod Ecclesiam materiale cum vera Ecclesia Romana ex hominibus constante commiscere, atque aded argumentum non multum efficax subministrare videretur; sed illud apud Launoium legenti, & rursus attentius consideranti mihi visum est præstantissimi viri mentem luculenter significare; Ait ergo Petrus Damianus: Illa mater, & MAGISTRA ECCLESiarum OMNIUM ECCLESIA ROMANA, cui dictum est; EGO PRO TE ROGAVI, VT NON DEFICIAT FIDES TVA, in honore sancti Joannis Baptistæ post Salvatoris nom'n consecrata est, & signata. Undè habet nisi à summo Pontifice Romana Ecclesia, quod sit Magistra Ecclesiarum omnium, quodque non deficiat ejus fides? sed absque ullius æquivocationis umbra mentem suam aperit. Petrus Damiani opusc. 5. cap. 1. dum ait; Non dubium quia quis-

quis cuilibet Ecclesia jus suum detrahât, in iustitiam facit : qui autem Romanæ Ecclesiæ privilegium ab ipso summo omnium Ecclesiarum capite traditum auferre conatur, hic procul dubio in hæresim labitur : & cum ille notetur iniustus : hic est dicendus hæreticus. Fidem quippè violat, qui adversus illam agit, quæ MATER EST FIDEI, & illi contumax invenitur, qui eam cunctis Ecclesiis prætulisse cognoscitur.

16. Sanctus Bernardus clarissimum Gallicanæ, atque universalis Ecclesiæ lumen, infallibile summi Pontificis iudicium in decidendis circa fidem controversiis passim in suis scriptis commendat. Oportet (inquit epist. 190. scribens ad Innocentium II.) ad vestrum referri Apostolatum pericula quæque, & scandala emergentia in Regno Dei, ea præsertim, quæ de fide contingunt. Dignum namque arbitror illi potissimum refarciri damna fidei, ubi non possit fides sentire defectum : hæc quippè huius prærogativa Sedis. Cui enim alteri aliquando dictum est; EGO PRO TE ROGAVI PETRE, UT NON DEFICIAT FIDES TVA. Ergo quod sequitur à Petri successore exigitur, ET TV ALIQUANDO CONVERSUS CONFIRMA FRATRES TVOS. Id quidem modo necessarium. Tempus est ut vestrum agnoscatis, Pater amantissime, Principatum, probetis zelum, ministerium honoretis; in eo planè Petri impletis vicem, cuius tenetis & Sedem, si vestrâ admonitione CORDA IN FIDE FLUCTVANTIA CONFIRMATIS, SI VESTRA AVTORITATE CONTERITIS FIDEI CORRUPTORES. Liberiùs solebat sanctus Bernardus de summis Pontificibus. & ad summos Pontifices loqui, quàm ut adulationis possit esse suspectus. Audi adhuc de privilegiis beati Joannis Baptistæ concionantem, paulò ante finem; Mater, & Magistra omnium Ecclesiarum Ecclesia Romana, cui dictum est. EGO PRO TE ROGAVI, PETRE, NE DEFICIAT FIDES TVA, &c. Non ergo pro solo Petro, sed pro ejus etiam in Ecclesia Romana successoribus rogavit Dominus, ut non deficeret fides eorum.

17. Sanctum Bernardum secutus est Petrus Abbas Cellensis in epist. 1. quæ est ad Alexandrum Romanum Pontificem; In gravissimis questionibus, sicut olim ad Moysen, sic nunc, Pater venerande, AB OMNI ECCLESIA DEI recurritur ad beati Petri, & vestram Sedem. Tam enim communiter communis imponitur vobis sollicitudo omnium Ecclesiarum, quàm singulariter, & specialiter Petro videtur dictum. ET TV CONVERSUS CONFIRMA FRATRES TVOS. Verba illa singulariter, & specialiter non excludunt Petri successores ab officio & pri-

ECCLESIAE GALLICANÆ. LIB. VII. 405  
vilegio confirmandorum fratrum ( alioquin enim evidenter  
sibi contradiceret Scriptor ) sed munus illud reliquis Prælati  
modo illo singulari , & speciali competere negant.

## C A P U T V I I I.

### *Sententia Sancti Cypriani de judicio Papæ in ma- teria Fidei.*

1. **Q**ui judicium summi Pontificis de fidei quæstionibus  
negant esse irreformabile , proferunt ex antiquis Pa-  
tribus , & Doctoribus præcipuè sanctum Cyprianum , &  
sanctum Augustinum , quorum hac de re testimonium , sicut  
magni momenti , sic luculentum arbitrantur.

2. Equidem diffiteri non possumus Beatum Cyprianum ,  
cùm de baptismate ab hæreticis collato disceptaret adversus  
sanctum Stephanum , ejus judicium non solum uti reforma-  
bile non suscepisse , sed etiam tanquam falsum , & Eccle-  
siasticæ consuetudini contrarium , rejecisse.

3. Sed primò docet nos sanctus Augustinus , Divi Cy-  
priani doctrinam ad sacræ Scripturæ normam esse revocan-  
dam. Nos enim , inquit lib. 2. contra Cresconium Grammati-  
cum cap. 31. nullam Cypriano facimus injuriam , cùm ejus quaslibet litteras  
à Canonica Divinarum Scripturarum autoritate distinguimus. Et cap. 32.  
*Ego hujus epistola autoritate non teneor , quia litteras Cypriani non ut Canoni-  
cas habeo , sed eas ex Canonicis considero , & quod in eis Divinarum Scriptu-  
rarum autoritati congruit , cum laude ejus accipio , quod autem non congruit ,  
cum pace ejus responso.*

4. Secundò animadvertendum est Beatum illum Martyrem  
quantumvis dignitatis , ac jurisdictionis suæ tuendæ studio-  
sum , reverentiùs de sancta Sede locutum ante celebrem illam  
de baptismo ab hæreticis collato , disputationem. Nam de  
Felicissimo , qui ejus ad Episcopatum Carthaginensem electio-  
ni adversatus fuerat , ac postmodum in eum schisma con-  
flaverat , & de Fortunato , hæc inter alia scripsit ad sanctum  
Cornelium Papam epist. 55. seu 3. lib. 1. quorum partem

Episcopi Gallicani anno 1681. in processu verbali retulerunt, *Navigare audent, & ad Petri Cathedram, atque ad Ecclesiam principalem, unde dignitas Sacerdotalis exorta est, à schismaticis, & prophanis litteras ferre, nec cogitare eos esse Romanos (quorum fides, Apostolo predicante, laudata est) ad quos perfidia habere non possit accessum.* Si Ecclesia Romana Petri Cathedra est; cur, qui in ea sedet Pontifex, privilegio non gaudeat Beato Petro, ut non deficeret ejus fides, & ut fratres à Sathana tentatos confirmare posset, à Christo obtento? Si unitas Sacerdotalis ab Ecclesia illa principali exorta est, nonne ad eam, ceu ad centrum immobile conveniendum est, cum Ecclesiæ particulares, schismate, aut contentionibus circa fidem commoventur, concutiuntur, discinduntur? Ut quid Romanorum fides laudatur, & quomodo arcebitur ab eis perfidia, si illic fides deficiat?

5. Tertio sanctus Cyprianus non solum sanctam Sedem, sed & in ipsa sedentem Romanum Pontificem, tanquam centrum unitatis Ecclesiasticæ, ac signum conjunctionis cum Ecclesia Catholica notavit his verbis epist. 52. seu 2. lib. 4. *Scriptisti etiam ut exemplum earundem litterarum ad Cornelium Collegam nostrum transmitterem, ut depositâ omni sollicitudine jam scires, te (scribit ad Antonianum Episcopum) secum, hoc est cum Ecclesia Catholica communicare.* Et in epist. 45. sanctum Cornelium sic alloquitur; *Scimus nos hortatos eos esse, ut ECCLESIA CATHOLICA RADICEM, ET MATRICEM AGNOSCERENT, AC TENERENT..... ut te universi Collegæ nostri, & communicationem tuam, id est Catholica Ecclesia unitatem pariter, & charitatem probarent sumiter, ac tenerent. Quod Divinitus evenisse, & Consilium nostrum providenter profecisse gaudemus. Sic enim vultis Episcopatus tui, & veritas pariter, & dignitas apertissimâ luce, & firmissimâ comprobatione fundata est.*

6. Quarto eam dignitatem non ut nudum signum, sed ut Primatum cum jurisdictione conjunctum esse sentiebat, cum S. Stephani auctoritatem contra hæreticos, idest contra Marcianum Episcopum Arelatensem, Novatiani sectam secutum, exerceri postulabat his verbis; *Dirigantur in provinciam, & ad plebem Arelatensem consistentem à te litteræ, quibus absento Marciano alius in locum ejus substituatur, & grex Christi qui in hodiernum ab illo dissipatus, & vulneratus contemnitur, colligatur.* Epist. 67.

7. Quinto sanctus Cyprianus epist. 69. hæresum, & schis-

ma-

matum originem tribuit Episcopi, qui unus est, contemptui. Inde enim schismata, & hæreses oborta sunt, & oriuntur, dum Episcopus, qui unus est, & Ecclesia præst, superbâ quorundam præsumptione contemnitur, & homo dignatione Dei honoratus, indignus hominibus iudicatur. Plurimum Episcopum, qui unus esse dicitur à sancto Cypriano, Romanum Pontificem toti Ecclesiæ præfectum, intelligunt. Alii, quorum interpretatio Autoris magis videtur intentioni congruere, cujuslibet Diœcesis Episcopum significatum volunt. Sed si Episcopi particularis ea est dignitas, ut ab ejus obedientia sine schismatis, aut hæresis periculo non declinetur, quia peculiari Dei auxilio juvari præsumitur, licet Episcopi multi hæretici, aut etiam Hæresiarchæ fuerint. Quantò putamus auxilio juvandum Episcoporum Caput, Petri successorem, Christi quæ Vicarium, & unitatis centrum. Nonne quisquis ab eo recedet, aut in hæresim, aut in schisma necesse est impingat?

8. Postquam autem permittente Deo Cyprianus in errorem lapsus est, circa baptismum eorum, qui ab hæreticis hoc sacramentum receperant; non solum, ut diximus sancti Stephani Papæ sententiæ non acquievit, verum etiam eam quantum potuit, adhibito etiam aliorum Episcoporum suffragio, impugnare conatus est. Sed in hoc deslenda est humana infirmitas; ei quæ qui stat, videndum ne cadat. Absurdum autem est quæ tunc temporis vel egit, vel scripsit Cyprianus, in exemplum, vel auctoritatem adducere. Primum enim certum est ipsum tunc in erroris tenebris versatum, atque adversus sanctum Stephanum modestiæ, ac mansuetudinis metas transgressum, circa ejus auctoritatem caligare facile potuisse.

9. Secundò, si audiendus esset Cyprianus in hac contentione disputans, quilibet Episcopus non solum à Romano Pontifice, sed etiam à Concilio Oecumenico corripì non posset, in iis etiam, quæ ad fidem pertinerent: sic enim in Concilio Carthaginensi 87. Episcoporum præfatus est; *Supereft, ut de hac ipsa re singuli quid sentiamus, proferamus, neminem judicantes, aut à jure communionis aliquem, si adversum senserit, amoventes. Neque enim quisquam nostrum Episcopum sese Episcoporum constituit, aut tyrannico terrore ad obsequendi necessitatem Collegas suos adigit: Quando ha-*  
beat

beat omnis Episcopus pro licentia libertatis, & potestatis sua arbitrium proprium, tamque iudicari ab alio non possit, quam nec ipse potest alterum iudicare; sed expectemus universi iudicium Domini nostri Jesu Christi, qui unus, & solus habet potestatem & proponendi nos in Ecclesia sua gubernatione, & de actu nostro iudicandi. Si unus, & solus Jesus Christus haberet potestatem de actu Episcoporum iudicandi, eamque cum nemine communicasset, non haberet illam Concilium Oecumenicum magis, quam Papa. Sed si Papa eâ caret, cur antea Beatus Cyprianus hortatus fuerat sanctum Stephanum, ut Marcianum deponeret, quantumvis hæreticum?

10. Itaque qui sanctum illum Martyrem contra summi Pontificis auctoritatem in decidendis fidei quæstionibus laudant, magnam suæ causæ invidiam constant; & sancto Cypriano faciunt injuriam, dum ea commemorant, quæ aut ipse adhuc vivus correxit, aut certè jam improbat. Sicut sanctus ille Martyr in errore versabatur circa Baptismum, dum ab Ecclesia principali dissentiebat, à qua unitatem Sacerdotalem exortam esse docuerat; ita in eo quod iudicium illius Sedis in quæstionibus fidei reformabile putavit, facile potuit à recto tramite declinare. Quamquam in illo ipso loco, qui frequentius, & ab hæreticis contra Primatum, & à quibusdam Catholicis contra plenitudinem potestatis summi Pontificis objicitur, ex libro scilicet de unitate Ecclesiæ, beatus Cyprianus jam circa Baptismum ab hæreticis administratum errans, non potuit non perspicere, Petri Cathedralam nequaquam deleri posse, nisi Ecclesiâ ipsâ desertâ, summumque Pontificem singulari quodam modo esse Christianorum Pastorem? *Super illum unum* (nota vocem illam, *unum* quam de beato Petro accipit Cyprianus) *edificat Ecclesiam suam; illi pascebas mandata oves suas.*..... & infra, *qui Cathedralam Petri, super quam fundata est Ecclesia, deserit, in Ecclesia se esse confidit?*

11. Sanctum Cyprianum hæreticorum baptismum rejicientem excusat beatus Augustinus; Primò quidem charitatem ejus commendando; *illum namque in candore sancta anima charitatis ubera contegebant.* De baptismo contra Donatistas lib. 1. in fine: & alibi sæpè. Secundò supponendo ipsum sententiam mutasse: *Correxisse istam sententiam*, inquit epist. 48. quæ est ad Vincen-  
tium,



tium, non invenitur, non incongruenter tamen de tali Viro existimandum est, quod correxerit, & fortasse suppressum sit ab eis, qui hoc errore delectati sunt, & tanto velut patrocinio carere noluerunt. Tertiò opponendo Martyrii meritum, ut, si qua in ejus lucidam mentem ex humana conditione nebula irreperat, gloriosâ serenitate fulgentis sanguinis fugaretur. Quod ergo ille vir sanctus de Baptismo aliter sentiens, quam res se habebat, qua postea pertractata, & diligentissimâ consideratione firmata est, in Catholica unitate permansit, & charitatis ubertate compensatum est, & passionis falce purgatum. Quartò, allegando rem nondum à Concilio universali definitam fuisse. Quæ ratio, quia videtur supponere judicium summi Pontificis esse reformabile, quo in sensu sit accipienda, diligentius est inquirendum.

## C A P U T IX.

*Sententia sancti Augustini de judicio Papæ in materia Fidei.*

1. **Q**ui sancti Cypriani auctoritatem summi Pontificis infallibili de quæstionibus Fidei judicio opponunt, fatentur quidem, nec enim diffiteri possunt, cum in causa Baptismatis errasse, non autem in eo, quod sententiæ Romani Pontificis sibi necessariò assentiendum esse non duxit; idque S. Augustini testimonio confirmant. Sufficeret fortasse reponere sanctum Augustinum non ita sentire potuisse, quandoquidem, ut in superiori capite vidimus, non est ausus B. Cyprianum omninò à peccato excusare, quamvis insinuet veniale fuisse ejus peccatum, ideoque nebulam illam serenitate fulgentis sanguinis fugatam, errorem charitatis ubertate compensatum, & passionis falce purgatum. Quæ autem potuit alia esse Cypriani culpa, quam inobedientia erga decretum summi Pontificis?

2. Et enim variis ille rationibus, & Scripturæ locis sententiam suam tueri conabatur; & tutiorem sequi videbatur partem, cum iteratio Baptismi salutem apud hæreticos baptizatorum securiorem redderet; nec injuria fieret Sacramen-

to, quod cùm hominum causâ institutum sit, nec censetur prophari, dum necessarium existimatur, neque censetur iterari, quod, an ritè factum fuerit, dubitatur. Præterea non solâ suâ opinione ductus fuerat Cyprianus. Nam aliqui ante illum, multò plures cum illo, idem sentiebant. Cujus igitur culpæ reus esse potuit, nisi quod hæc omnia post Romani Pontificis sententiam non poterant excusare, quæ innoxium effecissent, silente hoc oraculo. Volunt tamen aliqui (quod Cypriani peccatum minuit) rem tanquam de fide non fuisse definitam à Romano Pontifice.

3. Sed indicat sanctus Augustinus de verbis Apostoli *serm. 2. in fine*, sufficere ad certitudinem perfectam iudicium sanctæ Sedis, nec ulterius quidquam requirendum. *Jam de hac causa duo Concilia missa sunt ad Sedem Apostolicam, inde etiam rescripta venerunt, CAUSA FINITA EST, error minam finiatur, & lib. 1. contra Julianum cap. 4. Cui Ecclesiæ (Romanæ) præsidem B. Innocentium si audire voluisses, jam tunc periculosam juventutem tuam Pelagianis laqueis exuisses. Quid enim potuit vir ille sanctus, Africanis respondere Conciliis, nisi quod antiquitus Apostolica Sedes, & Romana cum cæteris tenet perseveranter Ecclesiæ.*

4. Et epist. 157. condemnationem à summis Pontificibus factam in toto orbe docet esse exsequendam. *Conciliorum Episcopaliū vigilantia, in adiutorio Salvatoris, qui suam tuetur Ecclesiam, etiam à duobus venerabilibus Antistitibus Apostolica Sedis, Papa Innocentio, & Papa Zozimo, nisi correcti etiam egerint poenitentiam toto Christiano orbe damnati sunt. Cur autem B. Innocentius aliud non potuerat Africanis respondere Conciliis, nisi quod omnes tenebant Ecclesiæ? aut cur Concilia Episcopalia toto orbe damnent, ab illo, & à Zozimo damnatos? quia nimirum portæ inferi non possunt prævalere adversus Petri Sedem, ut inquit idem Doctor in Psalmo contra partem Donati. Numerate Sacerdotes, vel ab ipsa Petri Sede, & in ordine illo Patrum, quis cui successeris, videte, ipsa est petra, quam non vincunt superba inferiorum portæ.*

5. Si quando ergo sanctus ille Doctor Concilium plenum post iudicium Papæ, necessarium dicit, necessitatem illam refert, non ad veritatem rei definitæ, quasi omninò, & indubitatè certa non sit, sed ad convincendam errantium pertinaciam, supremum Pontificis Tribunal non tantum ve-

ne-

nerantium, quando solum judicat, quàm dum cæteri omnes Episcopi consentiunt. Id patet in epist. 162. ubi de Donatistis hoc scribit, quod præcipuè pro Conciliis contra Romanum Pontificem allegatur; *Ecce putemus illos Episcopos, qui Roma judicant, non bonos Judices fuisse, restabat adhuc plenarium universæ Ecclesiæ Concilium, ubi etiam cum ipsis Judicibus causa posset agitari, ut si malè judicasse convicti essent eorum sententia solverentur.* Ubi sanctus Augustinus argumentatur ad mentem Donatistarum. *Ecce putemus. Quodnam autem fuisset illorum consilium, aperuerat his verbis, quæ immediatè præcedunt. Elegerunt, sicut dicitur, ad duas agere causas cum Cæciliano apud Ecclesias transmarinas, parati ad utrumque, ut si eum potuissent quacumque versutia falsa criminationis vincere, satiarent plenissimè cupiditatem suam: si autem non possent, in eadem quidem perversitate durarent; sed iam tamen quasi haberent, quod dicerent, malos Judices se esse perpeffos, quæ vox est omnium malorum litigatorum, cum furinus etiam manifestissimà veritate superati: quasi non eis ad hoc dici posset, & iustissimè dici. Ecce putemus, &c.* Ex quibus verbis colligitur Sanctum disputare in eo loco, non tam de autoritate judicii à Romano Pontifice prolati, quàm de ejus justitia; idque ad mentem Donatistarum, conquerentium malos Judices se esse perpeffos; cui querelæ respondet sanctus Doctor, restare adhuc plenarium universæ Ecclesiæ Concilium, ubi etiam cum ipsis Judicibus causa posset agitari; ut si malè judicasse convicti essent, eorum sententiæ solverentur. Sufficiebat sancto Augustino, ut probaret vanam esse Donatistarum excusationem, schisma ob iniquitatem suorum Judicum falsò excusantium; quæ certè excusatio vana comprobatur, ex eo quod, sicut à Romano Pontifice ad Concilium Arelatense causa delata fuerat, ita potuisset ad Concilium universale perferri, ut adhuc diligentius negotium discuteretur, ac omni tollere-tur schismatis occasio, seu prætextus.

6. Cæterùm Concilium illud absolutè necessarium non fuisse sentiebat S. Augustinus, cum subjungat de Arelatensi; *Dedit ille (Imperator Constantinus) aliud Arelatense judicium, aliorum scilicet Episcoporum, non quia jam necesse erat, sed eorum perversitatibus cedens, & omni modo cupiens tantam impudentiam cohibere.*

7. Adde quod non comparat S. Augustinus Romanum Pontificem cum Concilio Oecumenico, à quo ipse abest, sed

Pontificem sine Concilio, cum Pontifice in Concilio. Licet autem infallibile sit Pontificis sine Concilio Oecumenico iudicium in causis fidei; clariùs tamen apparet ejus iudicii æquitas, causâ coram omnibus Episcopis agitâ, & ab omnibus prolata sententiâ. Maximè cum de facto est quæstio vel principalis, vel accessoria.

8. Locus alter, ubi sanctus Augustinus Concilium plenarium videtur Papæ anteferre, est in tractatu de Baptismo contra Donatistas. lib. 1. cap. 18. cujus hæc sunt verba. *De Baptismi ergo questione jam quantum arbitror, satis differui, & quia hoc manifestissimum schisma est, quod Donatistarum nomine nuncupatur, restat, ut hoc de Baptismo pie credamus, quod universa Ecclesia, à sacrilegio schismaticis remota, custodit. In qua tamen si aliud alii, & aliud alii adhuc de ista questione salvâ pace sentirent, donec universali Concilio unum aliquid eliquatum sincerumq; placuisset, humane infirmitatis errorem cooperiret charitas unitatis, sicut scriptum est, quia charitas cooperit multitudinem peccatorum. Quâ enim absente cetera inaniter habentur, eâdem præsentem, quamdam venialiter non habentur. Verùm in his verbis non comparatur Concilium plenarium cum summo Pontifice, cujus quidem nulla in illis fit mentio: sed supponitur casus, in quo diversæ essent opiniones inter Catholicos: tunc enim quisque suam tueri posset; donec controversia esset ab Ecclesia universa definita, quæ definitio in Concilio plenario sine dubio fieri potuisset.*

9. Sed quæres fortasse, cur S. Augustinus hanc definitionem à Concilio plenario fieri voluerit, potius quàm à Romano Pontifice, si utriusque iudicium erat irreformabile? Quia contra Donatistas disputabat, qui nec S. Melchiadis, nec Constantini, nec Concilii Arelatensis iudicio acquieverant. Quamobrem nullum supererat, ad quod vocari possent Tribunal, præter Concilium Oecumenicum: non quod necessarium esset ad certitudinem, & reâitudinem sententiæ, ut notavit S. Augustinus Epist. 162. sed ut inexcusabilis appareret illorum contumacia, & ab Ecclesia discessio; *Dedit ille (Constantinus) aliud Arelatense iudicium, aliorum scilicet Episcoporum: NON QVIA IAM NECESSE ERAT, SED EORVM PERVERSITATIBVS CEDENS, & omnimodo cupiens tantam impudentiam cohibere.* Quia etiam unius, quantæcumque sit Dignitatis, ju-

judicium esse infallibile, supra humanam rationem est, nec nisi fide, ac traditione sciri potest: quod autem sententia Senatorum ex toto orbe congregatorum, nec minus merito quàm numero insignium, veritatem attingat, etiamsi fides non doceret, ratio suaderet humana. Ideo Concilium generale pertinacissimis hominibus erat proponendum, quod si recusarent, rei à nemine non haberentur. Nec tamen quod de Concilio generali affirmavit S. Augustinus, de summo Pontifice negavit; standum scilicet ejus sententiæ.

10. At, inquires, in causa, de qua S. Augustinus agebat, summus Pontifex jus jam dixerat. Non constat S. Stephanum definiisse tanquam de fide, baptizatos ab Hæreticis non esse rebaptizandos, sed tantum jussisse non rebaptizari; cujus signum est, quod non excommunicavit, sed excommunicatione dignos censuit secus agentes. Præterea S. Augustinus non loquebatur de illa quæstione pro illo statu, in quo res tunc temporis erant; sed ex hypothesi, quod essent diversæ opiniones, ut patet ex his verbis; *Resat ut hoc de baptismo piè credamus, quod universa Ecclesia, à sacrilegio schismatis remota, custodit. In qua tamen si aliud alii, & aliud alii adhuc de ista quæstione salvâ pace sentirent, &c.* Cum autem S. Augustinus adversus Donatistas scribebat, quæstio jam à plenario Concilio definita fuerat, ut ipse frequenter repetit. Itaque non poterat Concilii plenarii auctoritatem requirere pro eo, in quo res erat, statu; atque adeo nec ad Pontificis judicium respicere, sed ad controversiam, quasi nondum direptam. Alioquin licuisset aliis aliud sentire, dummodò salva pace, etiam circa id quod universa Ecclesia à sacrilegio schismatis remota custodiebat. Non erat igitur S. Augustino proposita comparatio plenarii Concilii cum Romano Pontifice in ferendo de quæstionibus fidei judicio.

11. Quid quod S. Augustinus nusquam tam apertè de summi Pontificis, ut de Concilii Oecumenici judicio, pronuntiavit, non esse irreformabile. Nam lib. 2. contra Donatistas objectioni Donatistarum, quam cap. 1. his verbis proponit; *Quid ergo isti dicunt, cum veritatis viribus prefocantur, cui consentire nolunt?* Cyprianus, inquit, cuius tantum meritum novimus, tantamq; doctrinam cum multis Coepiscopis suis, sententias proprias conferentibus,

in Concilio statuit, Hæreticos, vel schismaticos, id est omnes, qui extra unius Ecclesiæ communionem sunt, baptismum non habere; & idè quisquis ab eis baptizatus ad Ecclesiam venerit, esse in Ecclesia baptizandum. Huic, inquam, objectioni respondens cap. 3. sic resumit; Vos certè nobis objicere soletis Cypriani litteras, Cypriani sententiam, Cypriani Concilium. Cur auctoritatem Cypriani pro vestro schismate assumitis, & ejus exemplum pro Ecclesiæ pace respuitis. Quis autem nesciat S. Scripturam Canonicam tam veteris, quam novi Testamenti, certis suis terminis contineri, eamq; omnibus posterioribus Episcoporum litteris ita præponi, ut de illa omnino dubitari, & discipitari non possit, utrum verum, vel utrum rectum sit, quicquid in ea scriptum esse constiterit, Episcoporum autem litteras, quæ post confirmatam Canonem vel scripta sunt, vel scribuntur, & per sermonem fortè sapienterem cujuslibet in ea re peritoris, & per aliorum Episcoporum graviter auctoritatem, doctiorumq; prudentiam, & per Concilia licere reprehendi, si quid in eis fortè à veritate deviatum est. Et ipsa Concilia, quæ per singulas regiones, vel Provincias sunt, pleniorum Conciliorum auctoritati, quæ sunt ex universo Orbe Christiano sine ullis ambagibus cedere: ipsaq; plenaria sæpe priora posterioribus emendari, cum aliquo experimento rerum aperitur, quod clausum erat, & cognoscitur quod latebat, sine ullo Typho sacrilega superbia, sine ulla inflata cervicis arrogantia, sine ulla contentione livida invidia cum sancta humilitate, cum pace Catholica, cum charitate Christiana. Respondeant huic S. Augustini loco, qui judicium Concilii judicio Papæ in quæstionibus fidei præponunt. Quod illi pro Concilio, nos pro Pontifice, tantoque facilius, quod, primò hic expressissima emendationis Concilii mentio sit; ipsaq; plenaria sæpe priora posterioribus emendari, &c. Quæ de plenariis Africanis intelligi non debent, cum de illis loquatur, quæ sunt ex universo Orbe Christiano. De Papæ sententia non ita clarè S. Augustinus. Secundò hæc de Concilio dicta sunt occasione hæresis, scilicet Donatistarum baptismum iterantium. Quod verò epist. 162. de Melchiadis sententia, ex suppositione quod fuisset falsa, per Concilium emendari potuisse scripsit, ad fidem non pertinebat, sed ad electionem Cæciliani. Nam tempore Melchiadis, nondum Donatistæ Hæretici evaserant. Quod autem ea lib. 1. de baptism. contra Donatistas objectum est, dictum quidem est occasione erroris S. Cypriani, baptizatos ab Hæreticis iterum baptizandos contendentis, sed sine expressa summi Pontificis definitionis mentione, qui quidem

baptis-

baptismum repeti vetuerat, & rectissimè, sed rem tanquam de fide ab illo definitam fuisse non constat.

12. Denique, si verum esset, S. Augustinum illi sententiæ fuisse, quæ infalibilitatem soli Concilio Occumenico tribuit, imò totam Africanam in agnoscendâ sanctæ Sedis auctoritate, non solum in materia fidei, sed in aliis etiam, v. g. in Appellationibus, difficilem se aliquando præbuisse; meminisse oporteret, Deum, qui non omnia simul omnibus solet clarè manifestare, sed per partes & gradus, prout ipsi placet, ad hanc cognitionem tandem Africanos perduxisse, imò quasi necessitate pertraxisse. Jam quidem antea ad Concilia Cleri Romani circa lapsos post mortem S. Fabiani, & ad auxilium S. Cornelii pro conservanda propria Dignitate confugerat sanctus ipse Cyprianus. S. Augustinus Innocentii & Zosimi auctoritate maximè Pelagianos impugnavit. Hujus Sedis sententiâ Cæcilianus, ejusque defensores Donatistas represserunt. Et, ne plura commemorem, ac extra quæstionem, quam præ manibus habeo, excurram, potuitne Ecclesia Africana luculentius infallibile sanctæ Sedis judicium in definiendis fidei quæstionibus confiteri, quàm epistolâ illâ Synodicâ trium Conciliorum Africanorum, quæ ad Theodorum Papam scripta, lecta est sub ejus successore Martino I. in Concilio Lateranensi an. 649. act. 2.

13. *Magnum & indeficientem* (sic incipit illa epistola) omnibus Christianis fluente redundante apud Apostolicam Sedem consistere fontem, nullus ambigere possit, de quo rivuli prodeunt affluenter, universum largissimè irrigantes orbem Christianorum, cui etiam in honorem beatissimi Petri, Patrum Decreta peculiarem omnem decrevere reverentiam inquirendis Dei rebus, qua omnino & sollicitè debent, maximè verò justè, ab ipso Prasulum examinari vertice Apostolico, cujus vetusta sollicitudo est tam mala damnare, quàm probare laudanda. Antiquis enim regulis sancitum est, ut quicquid, quamvis in remotis, vel in longinquo positis ageretur Provinciis, non prius tractandum, vel accipiendum sit, nisi ad notitiam Almi Sedis vestra fuisset deductum, ut hujus auctoritate jussu qua fuisset pronuntiatio firmaretur, indeq; simerent cætera Ecclesia velut de natali suo fonte predicationis exordium, & per diversas totius mundi Regionis puritatis incorrupta manarent fidei Sacramenta salutis. Videri potest ibidem, id est act. seu decr. 2. Concil. Lateranens. anno 649. libellus Stephani Episcopi Dorensis, ubi præ-

ter

416 TRACTATUS DE LIBERTATIBVS,  
ter alia dicitur ; In Apostolica Sede Orthodoxorum dogmatum fundamenta  
existere.

14. Relatio Possessoris Episcopi Afri per Justinum Diaconum Hormisdæ Papæ, quæ exstat post epist. 69. ejusdem Hormisdæ, sic incipit ; *Decet & expedit ad capitis recurrere medicamentum, quoties agitur de sanitate membrorum. Quis enim majorem circa subiectos sollicitudinem gerit, aut à quo magis est nutantis fidei stabilitas expectanda, quàm ab ejus Preside, cujus primus à Christo Rector auditur : Tu es Petrus & super hanc petram edificabo Ecclesiam meam.*

## C A P U T X.

### *Sententia Cleri Gallicani de judicio Papæ in causis Fidei.*

1. **T**Oti Clero Gallicano tribuendum non est, quod gestum est ab Episcopis Parisiis congregatis. Non enim conventus ille, qui non errandi privilegium summo Pontifici adimere tentavit, Concilium Nationale erat, nec ii, ex quibus constabat, aliorum procuracionem ad definiendas eas quæstiones acceperant. Imo admodum odiosa reliquis omnibus, vel ferè omnibus in Gallia, sicut & in omnibus aliis Nationibus visa est declaratio illorum Episcoporum, vel ob id saltem, quod tunc temporis edita esset, cum non aliò spectare posse videretur, quàm ut summum Pontificem pro Ecclesiarum Gallicanarum libertate contendentem detereret.

2. Si autem ex cæteris ( quod præsumendum non est, saltem de multis ) pœnarum in Edicto Regio declarationem illam confirmante contentarum metu, aliqui ad istorum sententiam accederent, audienda potiùs esset Gallicana Ecclesia, tunc temporis loquens, cum minus suspectus erat ejus clamor. Episcoporum illius Nationis tum seorsim, tum simul, de sanctæ Sedis Decretis circa fidem olim differentium verba retulimus in capitibus superioribus. Sed ne putes sequentibus temporibus defecisse Fidem ac Religionem illius Cleri, addenda sunt diversorum temporum exempla, ex  
qui-



quibus & aliis, quali perpetuæ traditionis series contexi posset.

3. Hincmarus Archiepiscopus Remensis, quem ad extollendam nimis auctoritatem Pontificis Romani proclivem nemo, qui ejus ingenium perspectum habuerit, facile suspicabitur, illustre testimonium hac in parte reddit sanctæ Sedi in præfatione opusculi de divortio Lotharii Regis, & Gerbergæ Reginae. *De omnibus dubiis vel obscuris, inquit, quæ ad rectæ fidei tenorem, vel pietatis dogmata pertinent, sancta Romana Ecclesia, ut omnium Ecclesiarum Mater & Magistra, nutrix & doctrix, est consulenda, & ejus salubria monita sunt tenenda, maxime ab his, qui in illis Regionibus habitant, in quibus Divina gratia per ejus prædicationem omnes in fide genuit, & Catholico lætæ nutrit, quos ad vitam præordinavit æternam. Si omnium Ecclesiarum Magistra & Doctrix est Ecclesia Romana, cur non Ecclesiæ Gallicanæ, vel etiam universæ? An hæc tota distinguitur ab omnibus suis partibus? An sensus compositus à sensu diviso hac in re olim discretus est? At, inquires, Ecclesia Romana consulenda est, & ejus monita tenenda, sed eâ conditione dummodo sint salubria. Irridet, & non proficitur, qui summum Pontificem in eo sensu alloquitur, aut de Ecclesia Romana ita loquitur; cujus enim vel vilissimi hominis monita non sunt tenenda, si salubria sint? sed eâ ipsâ ratione quod ab Ecclesia Romana dantur, quæ est omnium Ecclesiarum Magistra & Doctrix, salubria habenda sunt, & tenenda.*

4. Ivo Carnotensis epist. 8. ad Riccherium Senonensem Archiepiscopum, cum qui Ecclesiæ Romanæ non concordat; hæreticum declarat; *Dicitis etiam in litteris, me Sedem invasisse Gaufridi Coepiscopi vestri, in quo manifestè contra sedem Apostolicam caput erigitis, dum quod illa adificat, vos, quantum in vobis est, destruitis; & quod illa destruxit, vos adificare contenditis.* HUIUS IUDICIIS ET CONSTITUTIONIBUS OBIARE PLANE EST HÆRETICÆ PRAVITATIS NOTAM INCURRERE, cum Scriptura dicat: *Hæreticum esse constat, qui Romana Ecclesia non concordat.*

5. Jacobus Cardinalis Vitriacus in hist. Orient. cap. 75. anno 1230. *Pætergo, inquit, CVM SUPER HANC PETRAM, PRO QVA DOMINVS ROGAVIT VT NON DEFICERET FIDES EIVS, POST CHRISTVM ADIFICATA SIT ET FVNDATA CHRISTI ECCLESIA, QVOD OMNES QVI AB ECCLESIA*

G g g

Ro-

# 418 TRACTATVS DE LIBERTATIBVS,

ROMANA RECEDVNT, ABSQVE FVNDAMENTO AEDIFICENT in vanum laborantes, & ab eo qui à Domino Cephas appellatus est, separati, Acephali, & monstriuosi homines merito sunt reputandi.

6. Quæ esset Ecclesiæ Parisiensis de iudicio summi Pontificis in decidendis quæstionibus ad fidem spectantibus sententia anno 1324. declaravit Stephanus Episcopus Parisiensis literis pro B. Thomæ Aquinatis doctrina editis. De Concilio, ut ibi dicitur, venerabilium virorum Decani & Capituli Parisiensis, & Venerabilis P. D. Guillelmi Dei gratiâ Archiepiscopi Viennensis Sacra Theologia Professoris, & aliorum 23. Magistrorum in Theologia, nec non 39. Baccalaureorum in Theologia. Hæc enim declaratio facta est ob eam causam, quæ his verbis exprimitur. Nos igitur attendentes cum eis quod SACROSANCTA ROMANA ECCLESIA FIDELIVM OMNIUM MATER ET MAGISTRA IN FIRMISSIMA PETRI CHRISTI VICARII CONFESIONE FVNDATA, AD QVAM VELVT AD VNIVERSALEM REGVLAM CATHOLICÆ VERITATIS PERTINET APPROBATIO ET REPROBATIO DOCTRINARVM, DECLARATIO DVBIORVM, DETERMINATIO TENENDORVM, ET CONFUTATIO ERRORVM, prefatum Doctorem venerabilem, cuius doctrinâ fulget Ecclesia ut Sole Luna, nuper Sanctorum Catholico ascribendum, doctrina diligenti excusione & examinatione prahabitâ super vita ipsius & doctrina, ipsum, quoad vitam putam, ac doctrinam salutarem orbi terra commendabilem predicavit, &c. Quæ declaratio eo maioris est ponderis, quod qui eam edidit Episcopus, idem antea quasdam D. Thomæ sententias impugnari permiserat. Unde constat illum ideo mutasse sententiam, quia, ut significat Romana Ecclesia sancti Doctoris doctrinam commendarat. Hist. Univerf. Paris. tom. 4. ad dictum an. 1324.

7. Franciscus Archiepiscopus Rotomagensis in Apologia Evangelii pro Catholicis ad Jacobum Majoris Britanniæ Regem, Parisiis anno 1625. edita lib. 2. cap. 1. multa scribit, quibus infallibile summi Pontificis iudicium in materia fidei probat. Grandi, inquit, quodam privilegio Romanus Pontifex Custos Fidei φύλαξ τῆς πίστεως à Patribus habitus, ut Ephesina acta Cælestino Papa χελασίω τῷ φύλαγι πίστεως Cælestino Custodi Fidei acclamatum testatur. Nec non & postea insertum Chalcedonensibus actis insigne monumentum illud est Petri Episcopi Ravennatis epist. ad Eusychem. In omnibus autem hortamur te, frater honorabilis, ut his, quæ à beatissimo Papa Romana Civitatis scripta sunt

sunt, obsecrante attendas, quoniam B. Petrus, qui in propria Sede & vivit & præsides, præsstat quærentibus Fidei veritatem. Nos enim pro studio Pacis & Fidei extra consensum Romana Civitatis Episcopi causas fidei definire non possumus, &c. Denique multa colligit Romani Pontificis epitheta idipsum significantia; quod sit Custos Fidei, violata Fidei Vindex, Caput totius Fidei, &c. Cap. 2. refert partem epistolæ Agathonis Pontificis in sextæ Synodi act. 4. Synodicè lectæ, de Ecclesia Romana dicentis ad Imperatores; *Hac spiritualis Mater vestri tranquillissimi Imperii Apostolica Christi Ecclesia, quæ per Dei Omnipotentis gratiam à tramite Apostolica traditionis nunquam errasse probabitur, nec hæreticis novitatibus depravata succubuit, sed ut ab exordio Fidei Christianæ percepit ab Autoribus suis Apostolorum Christi Principibus illibata sine tenuis permanet.* Cap. 12. majori cum energia; Cui non patet, inquit, Fidei ostium Romanis clavibus aperiendum, a Romanoque Pontifice patefaciendum esse.

8. Jam à primis sæculis, ut testatur S. Leo epist. 89. sancta Sedes ab Episcopis Gallicanis innumeris est relationibus consultata, qui mos nunquam non viguit. Porro ejus responsa ita suscipiebantur, ut postea consulentes non vacillarent, atque adeo reformabilia esse non suspicarentur, quod tum ex multis, quæ jam diximus constat, tum hic confirmandum est testimonio celeberrimi Egidii Archiepiscopi Bituricensis, qui expositione cap. cum Marthæ. De celebr. Miss. ait; *Archiepiscopus igitur Lugdunensis de omnibus his dubitans, sedem Petri, ad quam pertinet maiores causas, et præsertim articulos Fidei, et ea quæ ad articulos ordinantur, decidere, consulvit, ne in ipsis ulterius vacillaret.*

9. Nicolaus Coeffeteau Theologus Parisiensis, ac postea Massiliensis Episcopus in tractatu pro sacra Monarchia Ecclesiæ Catholicæ, Apostolicæ & Romanæ adversus Rempublicam Marci Antonii de Dominis Archiepiscopi Spalatensis part. 5. discuss. num. 5. cap. 12. lib. 1. Indefectibile fidei lumen in summo Pontifice his verbis astruit; *Dico igitur non esse par lumen in reliquis cum summo Pontifice. Namq; vni ei in persona Petri dictum est, Ego rogavi pro te ut non deficiat fides tua. Quare eâ luce collustratus plus ejus oculis certis quam multorum oculi, &c.*

10. Luculentius mentem suam aperit Illustrissimus Gabriel Albaspinus Aurelianensis Episcopus in hæc verba Tertulliani, *Episcopus Episcoporum* lib. de Pudicitia; *Quâcumque igitur, inquit, ratione aut mente de Romano Pontifice hæc dixeris Tertullianus, serio vel per ludibrium, illis tamen temporibus PENES EVM TOTESTATEM FVISSE DE REBVS FIDEI IUDICIA PEREMPTORIA FERRE, & totius orbis Episcopos monere atque docere, quis non agnoscat? Eoq; magis quod unus Tertullianus jam heresi implicatus, de hac re cæcis Ecclesia Episcopis non reluctantibus conqueratur: nam de his rebus eum oppugnando conjecturam facit, eâ tempestate id juris Romanis Episcopis concessum fuisse, eosq; revera hanc potestatem exercuisse. Vide ejus notam in hæc verba S. Optati Episcopi Milevitani de B. Petro loquentis lib. 2. de schism. Donat. Qui ducit ad se Angelum.*

11. Illustrissimus Petrus de Marca Archiepiscopus Tolosanus in quodam M. S. quod Stephanus Baluzius in compendio ejus vitæ libris de Concordia præfixo, asserit ultimum esse Illustrissimi illius Archiepiscopi opus, pauld ante mortem ab ipso confectum, infallibile Papæ in Fidei quæstionibus judicium ita defendit, ut opinionem contrariam antiquorum Doctorum Universitatis Parisiensis (Gersonium & alios innuebat, de quibus postea) ab Ecclesia tolerari tantum asseruerit; cæterum tunc ipsiusmet Universitatis, & aliarum omnium Doctores, pro infallibili Papæ judicio stare.

12. Non Episcopi singulares tantum, sed ut olim Concilia, ita posterioribus temporibus conventus, & Comitia Cleri Gallicani privilegium illud sanctæ Sedis venerata sunt. Celeberrimus Conventus Melodunensis an. 1579. tit. 1. Constitutionum, qui est de fidei professione, sic decrevit; *operam dabunt ii quibus hæc cura demandata est, Episcopi scilicet & eorum Vicarii, ut in omnibus Synodis tam Diocesanis quàm Provincialibus, omnes & SINGULI TVM CLERICI, TVM LAICI AMPECTANTVR, ET APERTA PROFESSIONE EAM FIDEM PRONVNCIENT, QVAM S. ROMANA ECCLESIA, MAGISTRA, COLUMNA, ET FIRMAMENTVM VERITATIS PROFITETVR ET COLIT. Ad hanc enim propter suam principalitatem necesse est omnes convenire Ecclesias.*

13. Sed quid sibi volunt verba illa epistolæ Comitiorum Generalium Cleri Gallicani ad Innocentium X. Pontificem Maximum 8. Kal. Novembr. 1650. SCIMVS VBI CA-

PVT

PVT ECCLESIA IBI TOTIVS FIDEI ARCEM, TOTIVS ET DISCIPLINÆ METROPOLIM; Eoq; convenitur à nobis libentius, quo in Prasulum Primitis sinu Prasules, si quando illis dolet, maxime à vulneribus Ecclesiæ justissimas querelas suas deponere par est. Adeone parum tuta est Religio nostra, ut totius fidei arcem hæresi disjici posse sentiamus? Adeone parum firma est Petra, super quam Christus ædificavit Ecclesiam suam, ut portæ Interi prævalere possint adversus eam? Adeone inefficax Christi Oratio, ut Petri, pro quo rogavit, defectura sit fides in ejus successoribus? Sed Ecclesiæ Gallicanæ mens luculentius apparet in Epistolis anno 1653. in ultimo capite hujus libri referendis.

## C A P U T X I.

*Probatur autoritate Universitatis Parisiensis ac Doctorum Particularium illius, nec non Senatus Parisiensis, Papæ judicium in causis Fidei esse irreformabile.*

I. **A**Nno 1387. tota Universitas Parisiensis in Consistorio apud Clementem, quem tanquam legitimum Pontificem sequebatur, per Magistrum Petrum de Alliaco infallibile Romani Pontificis judicium in Causis fidei esse professæ est his verbis in histor. Univers. ad hunc annum relatis; Igitur pro vestris humilibus filiis Universitatis prædicta, & pro nobis eorum Nunciis, qui suis in hac parte obsequimur mandatis, & documentis innimur, corde & ore unanimiter protestamur, quod quicquid hætenus in hac causa per eos actum est, & quicquid in ea nunc vel alias pro eis acturi, aut dicturi sumus, totum correctioni, & judicio Sedis Apostolica & sedentis in ea summi Pontificis humiliter submittimus; dicentes cum B. Hieronymo 24. quæst. 1. Hæc est fides, Pater Beatissime quam in Catholica Ecclesia didicimus, in qua si minus perire, aut minus caute fortè aliquid positum est, emendari PETIMVS A TE, QVI PETRI FIDEM ET SEDEM TENES. NON IGNORAMVS ENIM SED FIRMISSIME TENEMVS, ET NVLLATENVS DVBITAMVS, QVOD SANCTA SEDES APOSTOLICA EST ILLA CATHEDRA PETRI, SVpra QVAM EO-

422 TRACTATUS DE LIBERTATIBVS,  
DEM HIERONYMO TESTE FVNDATA EST ECCLESIA, *ut  
habetur eadem questione in cap. Quoniam vetus. Et sicut dicit Cyprianus 93.  
dist. Qui Cathedram. DE QVA SEDE, IN PERSONA PETRI  
APOSTOLI IN EA SEDENTIS DICTVM EST, PETRE RO-  
GAVI PRO TE VT NON DEFICIAT FIDES TVA Luc. 22. Hæc  
est igitur ad quam determinatio fidei, & approbatio veritatis Catholica, ac ha-  
retica impietatis detestatio maxime pertinet.*

2. Adeo erat veneranda illi Universitati sententia de infal-  
libili iudicio Papæ, ut ante hunc annum nullus ejus Facultatis  
Doct̃or ab ea recesserit, & postea, licet occasione schisma-  
tis, aut aliorum dissidiorum ab ea nonnulli declinaverint,  
nunquam tamen ab ipsis Universitatis incunabulis usque ad  
postremas contentiones defuerint Doct̃ores, qui eam seque-  
rentur. De antiquis testatur generatim Andreas Duvallius  
Academiæ Parisiensis alumnus, ac Theologiæ Professor, in  
lib. *De suprema Romani Pontificis in Ecclesiam potestate*, anno 1614. in  
lucem emissio, & à duobus aliis Doct̃oribus approbato, sen-  
sisse illos privilegium in fide non errandi à Petro ad ejus  
successores defluxisse, nec nisi à ducentis annis quemquam ab  
ea sententia recessisse. Hæc sunt ejus verba; *Velint nolint Adver-  
sarii, liquido constat veteres Ecclesia Gallicana Proceres hanc in summis Pon-  
tificibus Petri successoribus infallibilitatem semper agnovisse, Christi, Domi-  
ni Orationem in Petro non stetisse, sed ad ejus successores certissime transisse,  
eosque, QUI HANC VERITATEM IMPVGNARE CONATE  
SUNT, A DVCENTIS AVT CIRCITER ANNIS, QUIBUS IN  
ECCLESIAM HORRENDA SCHISMATA IRRVERYNT, COE-  
PISSE. Quæ Doct̃oris assertio exemplis est roboranda.*

3. Alcuinus S. Benedic̃ti Monachus Caroli Magni Præcep-  
tor, eiq̃ue, ut volunt Galli, fundandæ illius Universitatis  
autor, hæc habet lib. 1. de Divin. offic. cap. 19. *Religionis  
cultum sic Dominus instituit, ut in Beatissimo Petro principaliter collocaret, at-  
que ab ipso quasi capite donatus vellet in corpus omne manare. (Nota hæc  
verba, in corpus omne, ne putes Alcuinum sensisse, à summo  
Pontifice in alias Ecclesias seorsim acceptas, non autem in cor-  
pus ipsum Ecclesiæ universalis, fidei veritatem, aliaque Di-  
vina dona manare.) Unde constat ab universali Orbis communione sepa-  
ratos esse, sicut docet B. Pelagius, qui qualibet dissensione inter sacra Myste-  
ria Apostolici Pontificis memoriam secundum consuetudinem non frequentant.*

4. Al-

4. Albertus Magnus S. Thomæ Magister, qui tanto Discipulorum concursu Parisiis docuit, ut, cum schola nimis esset angusta, in foro quod ab ejus nomine nuncupatur, legere coactus sit, ex verbis Christi ad Petrum; *Rogavi pro te, &c.* infert, Petri successores à fide, quantumvis illa impetatur, non defecturos. *Hoc argumentum inquit, efficax est pro Sede Petri, & successore ipsius, quod fides ejus non finaliter deficiat.* Obscuritatem aliquam paret vox illa, *finaliter*, ac fortè de perseverantia finali in fine aliquis eam interpretaretur; nisi constaret eam quidem interpretationem S. Petro posse accommodari, non autem successoribus ejus, quibus si non esset datum in determinandis fidei quæstionibus non errandi privilegium, multò minus affirmare liceret, promissam ipsis, ut privatis personis, finalem in fide perseverantiam, multò minus de Sede ipsa B. Petri, cujus etiam meminit (*Pro Sede Petri & successore ipsius*) posset illa vox, *finaliter*, accipi. Ea igitur vis est vocis illius; posset scilicet Romanum Pontificem in rebus ad fidem spectantibus, dum eas agitat, ac discutit, aliquatenus fluctuare, quemadmodum Joanni XXII. contigit circa visionem Beatificam ante judicium universale; rebus tamen agitatis & discussis non posse quidquam solemniter definire, ac tori Ecclesiæ credendum proponere, quod sit ab Orthodoxa fide alienum.

5. Sanctus Thomas Aquinas Universitatis Parisiensis Alumnus, ac in ea deinde celeberrimus Magister, non potuit luculentius supremum & infallibile summi Pontificis, in decidendis circa fidem dubiis judicium profiteri, quàm his verbis 2. 2. quæst. 1. art. 10. *Ad illius auctoritatem pertinet editio symboli, ad cujus auctoritatem pertinet DETERMINARE EA, QUÆ SUNT FIDEI, UT AB OMNIBUS INCONCVSSA FIDE TENEANTVR. HOC AVTEM PERTINET AD AVTORITATEM SUMMI PONTIFICIS.* ad quem majores & difficiliore Ecclesiæ quæstiones referuntur, ut dicitur in Decret. extra de Baptismo c. Majores. Unde & Dominus Luc. 22. Petro dixit, quem summum Pontificem constituit, Ego pro te rogavi, Petre, ut non deficiat fides tua: & tu aliquando conversus confirma fratres tuos. Qua cavillatione locum istum obscurabit Launoius? Non hic ad Ecclesiam Romanam, non hic ad Sedem Apostolicam, sed ad auctoritatem summi Pontificis pertinere dicitur *finaliter determinare ea quæ sunt fidei, ut ab omnibus inconcusse teneantur.*

#### 424 TRACTATUS DE LIBERTATIBVS,

6. At fortasse, licet non exprimat, intelligit tamen S. Thomas casum, cum summus Pontifex in Concilio Oecumenico sedet, ac præsidet. Contra verò eam restrictionem expressis verbis rejicit S. ille Doctor de potentia quæst. 10. art. 4. ad 13. ubi postquam summo Pontifici, sicut & Concilio Oecumenico auctoritatem tribuit interpretandi Symbolum, subjungit; *Sicut autem posterior Synodus potestatem habet interpretandi Symbolum a priore Synodo conditum, ac ponendi aliqua ad ejus explanationem, ut ex prædictis patet; ita etiam Romanus Pontifex hoc sua auctoritate potest, cujus auctoritate solâ Synodus congregari potest, & à quo sententia Synodi confirmatur, & ad ipsum à Synodo appellatur. Quæ omnia patent ex gestis Chalcedonenſis Synodi.* Objectionem de necessitate Concilii præoccupat his verbis; *NEC EST NECESSARIUM, QUOD AD EIVS EXPOSITIONEM FACIENDAM VNIVERSALE CONCILIUM CONGREGETVR, cum quandoque id fieri prohibeant bellorum discordiæ, sicut in septima Synodo legitur, quod Constantinus Augustus dixit, quod propter imminencia bella universaliter Episcopos congregare non petuit: sed tamen illi qui convenerunt, quadam dubia in fide exorta, sequentes sententiam Agathonis Papa determinaverunt. Scilicet quod in Christo sint due voluntates & due actiones, & similiter Patres in Chalcedonenſi Synodo congregati secuti sunt sententiam Leonis Papa, qui determinavit Christum esse in duabus naturis post incarnationem.*

7. Antiquos secuti sunt novi quamplures: Joannes à Ceſaia Doctoratus Lauream in Universitate Parisiensi assecutus, in 3. sentent. dist. 25. quæst. 4. quintam hanc ponit conclusionem; *QVINTA CONCLUSIO EST ISTA. ROMANA SEDIS IUDICIUM IN HIS QUÆ FIDEI SUNT, ET AD HUMANAM SALUTEM NECESSARIA, ERRARE NEQUIT; Quod probatur ex promissione Salvatoris Nostri Luc. 22. quæ verba allegat Bernardus scribens Innocentio Papa . . . . . Idem asserunt D. Cyrillus, & D. Chrysostomus, & D. Gregorius.* Deinde illorum rejicit sententiam, qui infallibilitatem penes Ecclesiam universalem tantum, non autem penes Romanum Pontificem solitariæ sumptum reponunt. *Contra istam conclusionem arguitur. Doctores Catholici glossant illam auctoritatem Salvatoris de universali Ecclesia, & non de Sede Romana, ergo malè assumitur talis auctoritas pro fundamento istarum conclusionum. Ad hanc replicam responderetur negando antecedens, imò necessarium est dicere, quod non intelligitur de universali Ecclesia. Nam subjungitur, Et tu aliquando conversus, &c.*

Idcirco



*Idcirco D. Cyrillus , & D. Chrysostomus , & D. Leo , & B. Agatho , & D. Bernardus , & Anselmus , & Albertus Magnus , & D. Thomas glossant præfatam auctoritatem de Ecclesia Romana , ut distinguitur ab aliis Ecclesiis.*

8. Andreas Duvallius , ut supra diximus Doctor Sorbonicus , & in Academia Parisiensi Regius Theologiæ Professor de suprema Romani Pontificis in Ecclesiam potestate Tractatum emisit in lucem ann. 1614. eumque approbarunt G. J. Roger , & J. Roche Facultatis Theologiæ Parisiensis Doctores his inter alia verbis. *Juris ut fiat publici operæ pretium duximus ad sanctissimi Domini nostri Papa auctoritatem tuendam , nec non ad summam cum eodem Capite suo visibili Romano Pontifice unionem ætatisimè retinendam , cui aliter schismaticorum mala mens malusq; animus male & seditiosè consultum vellet.* 10. Kal. Febr. an. sal. 1614.

9. Joannes Puteanus Augustinianus Professor Regius in Academia Tolosana , qui Parisiis Theologiam didicerat , in 2. 2. S. Thomæ quæst. 1. art. 6. dubit. 2. conclusionem hanc secundam ponit ; SOLIUS PONTIFICIS MAXIMI EST RES DE FIDE CATHOLICA DEFINIRE , ET EASDEM CERTO ET INDUBITANTER PROPONERE CREDENDAS , quam sacræ Scripturæ , Patrumque , atque aliorum Doctorum testimoniis probat. In solutione autem primæ objectionis infallibilitatem , quam habent Episcopi in Concilio universali , connexioni , quam habent cum summo Pontifice , adscribit , eamque Concilio , absente summo Pontifice , denegat. *Infalibilis ista assistentia Spiritus sancti non est aliundè repetenda , quam à promissione D. Petro facta. Unde propter connexionem quam supponimus dari inter Episcopos & Pontificem Maximum , in Concilio Generali , statuendum est , Episcopos illic congregatos nullo modo errare posse in rebus de fide decidendis. SI TAMEN FUERINT CONGREGATI TOTIUS ORBIS EPISCOPI ABSENTE PONTIFICEM MAXIMO , ET EIVS LEGATIS , EPISCOPI SUBIICIUNTUR ERRORIBUS.*

10. Leonardus Coquæus etiam Augustinianus in Universitate Parisiensi Doctor Theologus in Antimornæo tom. 1. pag. 83. QUOMODO IGITUR , inquit , AGRE' FERUNT ( Hæretici ) NOS ROMANVM PONTIFICEM CONCILIIIS SUPERIOREM ASSEVERARE ? ET ROMANO PONTIFICI , ET CONCILIIIS OECUMENICIS IN SPIRITU SANCTO LEGI-

Hhh

TIME

TIME CONGREGATIS TANTVM DEFERIMVS, VT NEC ILLVM, NEC ISTA, IN DEFINIENDIS, QUÆ AD FIDEM ET MORESPERTINENT, AC REGIMEN ECCLESIA SPECTANT, ERRARE POSSE ASSERAMVS: NEC QUIDQVAM TOTI ECCLESIAE PROPONERE CREDENDVM, QVOD SIT ERRONEVM; *ut hæreticus aut temerarius ille sit nobis, qui vel Romani Pontificis, vel Oecumenicorum Conciliorum statutis ac definitionibus refragari audeat. Tomo autem 2. pag. 237. Cùm sedeat in Cathedra Petri, pro quo Dominus rogauit ut non disiceret fides ejus; & ut confirmaret fratres suos, non sinet eum ex illa Cathedra aliquem errorem loco fidei salutifera obtrudere fidelibus credendum.*

11. Hervæus Natalis Brito Ordinis Fratrum Prædicatorum Generalis in tract. de potestate Papæ, quem refert, & sequitur S. Antoninus Archiepiscopus Florentinus, ejusdem Ordinis, 3. part. summæ Theologiæ tit. 22. cap. 2. §. 3. probat necessitatem unius capituli in Ecclesia ex necessitate conformitatis in veritate fidei & morum hoc modo; *In tota universitate Christiana debet esse conformitas de his, quæ pertinent ad veritatem fidei & bonos mores circa necessaria ad salutem. Sed talis conformitas non potest saluari, nisi in ordine ad unum Caput, seu unum Præsidentem, ad quem spectet sententia quid credendum, & quid non credendum. Ergo, &c. An Christus constitutus summum Pontificem ad definienda ejusmodi controversias pro tota universitate Christiana, negavit quæ necessaria erant, ut certa esset ejus definitio, circa necessaria ad salutem?*

12. Infallibile judicium Papæ in decidendis fidei controversiis præbat Michael Mauclerus Parisinus Doctor Sorbonicus in libris de Monarchia Divina Ecclesiastica & seculari Christiana Parisiis an. 1622. editis, & Gregorio XV. ac Ludovico XIII. Regi Franciæ dicatis 2. part. lib. 4. capp. 4. §. 6. & 7. eamque communem esse in Scholis Theologorum sententiam asserit dicto cap. 4. his verbis; *Hæc illa communis sacra sapientia Professorum, quæ docetur in Scholis, assertio, disputationum causarumq. de fide cursorum, motumq. Romani Pontificis in Cathedra Petri sedentis conscriptum judicio finiri. Sic senserunt Doctores Gallicani aliquâ schismatis, vel alterius dissidii occasione non exasperati.*

14. Ita ad auctoritatem Joannis Gersonii ejusque sequacium respondet Andreas Duvalius part. 2. quæst. 1. Scio quidem  
in

in re Pontificia, Alliacensem, Gersonium, & Almainum non esse tanta auctoritatis, quia tempore schismatum floruerunt & scripserunt, duo priores, quando res se pro Pontificibus gerebant: postremus verò, nempe Almainus tempore Julii II. & Conciliabuli Turonensis, quo Gallia sub Ludovico XII. à Sede Apostolica defecerat, &c. Aliam affert responsionem quæst. 4. ad nonum. Joannes Gerson, inquit, Jacobus Almain & Joannes Major celebres schola Parisiensis Doctores cum nonnullis aliis privilegium infallibilitatis Pontifici denegarunt, sed illud ei concesserunt alii, quorum quidam multò sunt illis celeberriores, ut D. Thomas 2. 2. quæst. 1. art. 10. Ad summum Pontificem pertinet ea, quæ sunt fidei definire, ut ab omnibus inconcusse fidei teneantur. Itemque D. Bonaventura singulare schola Parisiensis decus & ornamentum; & cujus doctrinam Gerson ad studentes in Collegio Navarra miris laudibus ad Cælum usque extollit: Herveus Armoricus, Henricus Gandavensis, & Joannes de Celaia ambo Societatis Sorbonicæ: itemque Doctores illi, qui in Coniitiis schola Generalibus errores Malefoni condemnarunt, his verbis; Ad sanctam Apostolicam Sedem pertinet autoritate judiciali suprema circa ea, quæ sunt fidei definire. Quo fit ut iniquè Vigorius me tanquam schola Parisiensis disertorem, & veluti peridmellem scriptis suis traducere & proscindere præsumat, præsertim cum, ut in Elencho contra Richerium aperte significavimus, nihil quidquam à Facultate Parisiensi contra Pontificis infallibilitatem unquam sit definitum.

14. Ludovicus Bail in apparatu ad Concilia quæst. 43. & sequ. non solum juxta S. Thomæ, quam supra declaravimus mentem, sed & per ipsa ejus verba respondet ad quæstiones de judicio Papæ in quæstionibus Fidei. Hunc, aliosque nonnullos citamus; quia licet fortasse non tanti sint ponderis: tamen cum Galli sint, Galliæ mentem testantur.

15. Denique tamen Universitas Parisiensis nonnihil ab antiqua doctrina recessit; sed certis gradibus ac ferè invita. Namque adhuc mense Maio 1663. quo tempore ortum fuerat dissidium inter Alexandrum Papam, & Regem Christianissimum, prodiit Decretum cum hoc titulo; *Declarationes sacre Facultatis sacrae apud Regem Christianissimum super quibusdam propositionibus, quas nonnulli ipsi voluerunt adscribere*. Quintus articulus erat iste; *Doctrinam Facultatis non esse, quod summus Pontifex sit supra Concilium*. Sextus; *Non esse doctrinam, vel dogma Facultatis, quod summus Pontifex nullo accedente Ecclesia consensu sit infallibilis*. Hic Facultas modo negativo respondet non esse doctrinam, &c. Apertiùs deinde locuta est

428 TRACTATUS DE LIBERTATIBVS,  
in censura librorum Jacobi Vernant anno 1664. & Amadæi  
Guimenei anno 1665.

16. Nihilominus antiquum usum nondum immutavit, ne-  
que mutare suadentibus obtemperandum duxit, de quo usu  
Andreas Duvalius; *Laudabilis*, inquit, in *Academia Parisiensi* viget  
consuetudo, qua Baccalaurei de questionibus Theologicis solemniter responduri  
protestationes præmittunt, se nolle quicquam contra Decreta sanctæ Mariæ Ec-  
clesiæ, necnon sanctæ Sedis Apostolica & Romana asserere, aut defendere,  
& si quid in actu disputationis adversus ejusmodi Decreta, illis exciderit, vel  
ignorantia, vel immemoria, vel linguae præcipitio attribuendum velle.

17. Autoritati Universitatis Parisiensis adjungenda est, quam  
illa tam frequenter imploravit, cuique ut primum ultrò,  
ita deinde invita subjacuit, Senatûs Parisiensis autoritas. Ille  
igitur Senatus ad Ludovicum XI. per Joannem Lozellier In-  
quisitionum Cameræ Præsidentem, cujus oratio refertur à Pe-  
tro Puteano inter Tractatus de libertatibus Ecclesiæ Galli-  
cane, ita Regem alloquitur art. 20. „Protestatur Curia Vestræ  
„Majestati se nullo modo propter quæcumque inferiûs di-  
„cenda velle excellenti sanctitati, dignitati, honori, &  
„autoritati nostri sancti Patris Papæ, sanctæque Sedis Aposto-  
„licæ derogare: sed contra ei omnem honorem, reveren-  
„tiam, & obedientiam, quam omnes boni fideles Catholi-  
„ci supremo Ecclesiæ Pastori præstare tenentur, sicut ve-  
„ros filios Ecclesiæ Matri sanctissimæ reddere, & exhibere:  
„protestans insuper si quid dictum factumque à se fuerit quod  
„correctione egeat, illud totum velle se omninò Ecclesiæ  
„sanctæ Apostolicæ & Romanæ determinationi submittere,  
„quæ errare non potest juxta Canonem. A recta 24. quæst. 1.

## C A P U T XII.

*Probatur testimonio summorum Pontificum in questionibus  
Fidei Romani Pontificis judicium esse certissimum.*

1. **S**I summorum Pontificum tanquam in propria causa lo-  
quentium rejicienda esset autoritas, nec eorum Digni-  
tatis, Sanctitatis, aut meriti habenda ratio, pari vel potiori.  
etiam

etiam ratione reculari posset Concilium Constantiense, cujus Decretis, quæ alibi examinata sunt, nititur hæc propositio, cum in propria etiam causa loqueretur. Verum nefas est de illis præsertim, qui sanctitate ac doctrina conspicui fuerunt, suspicari eos propriæ Dignitatis augendæ causâ doctrinam inducere voluisse, quæ, si erronea esset, totius Religionis Christianæ fundamenta concuteret.

2. Sanctus Innocentius à S. Augustino, & ab aliis Patribus tantopere commendatus epist. 25. ad Episcopos Milevitanæ Concilii an. 417. Romanam Ecclesiam ut fidei fontem perenniter fluentem exhibet; *Neque enim hoc vestram credo latere prudentiam, qui id etiam actione firmastis, scientes quod per omnes Provincias de Apostolico fonte petentibus responsa semper emanant. Præsertim quoties fidei ratio ventilatur, arbitror omnes fratres, & Coepiscopos nostros nonnisi ad Petrum, id est sui nominis & honoris autorem referre debere, velut nunc retulit vestra dilectio, quod per totum mundum possit Ecclesiis omnibus in commune prodesse.* Notentur hæc verba, nonnisi ad Petrum, ad quem fidei quæstiones referuntur, dum referuntur ad ejus successorem; Quia nimirum sicut officio, sic & fidei firmitati officio necessariæ, succedit.

3. Relationes olim ad sanctam Sedem ex omnibus Christiani Orbis Provinciis, præsertim ex Gallia fieri solitas fatentur Galli: sed forsitan responsiones non esse irreformabiles existimant. Contrarium S. Innocentius sentiebat, quandoquidem epistolâ ad Episcopos Macedoniæ, à Dionisio Exiguo cum aliis collectâ, injuriæ adversus sanctam Sedem tribuebat, quod secundum consuleretur, quasi ejus sententia in dubium revocaretur. *Adverti, inquit, Sedi Apostolicæ, ad quam relatio quasi ad caput Ecclesiarum missa currebat, aliquam fieri injuriam, cujus adhuc in ambiguum sententia duceretur.* Hanc etiam exceptionem excludunt multi Doctores, quorum testimonia supra reddita sunt, ut in eis observare licuit.

4. Sanctus Cælestinus Legatos mittens in Orientem, ipsis contendere prohibuit, præcepit verò de aliorum sententiis judicare: qua jussione significabat non esse ab Episcopis expectandum consensum, ut esset irreformabile Papæ judicium, sed per ipsius judicium, & per instructionem ab eo datam componenda, atque ad unitatem redigenda variè sententium

# 430 TRACTATUS DE LIBERTATIBVS,

Episcoporum suffragia. *Ad disceptationem si fuerit deventum, vos de eorum sententiis disjungere debetis, non subire certamen.* Commemorator. Cælest. apud Christianum Lupum ad Ephesin. Concil. varior. Patr. Epist. cap. 236.

5. Sancti Leonis Magni testimonium protulimus cap. 3. sed Launoius, ut illi vim detrahat par. 5. epist. 2. illud de S. Petro tantum, ac pro tempore Passionis dumtaxat interpretatur, malæ fidei accusans Bellarminum, quod omiserit eam partem, in qua Passionis fit mentio. Sed cadit hæc accusatio, si reddatur pars alia testimonii, quam Launoius ipse omisit, & in qua sermo fit de tempore post Passionem. Sequitur enim; *Cum itaque dilectissimi, tantum nobis videamus præsidium Divinitus insitutum, rationabiliter & justè Ducis Nostri meritis, & Dignitate latamur, gratias agentes sempiterno Regi Redemptori Nostro Jesu Christo, qui tantam potentiam dedit ei, quem totius Ecclesiæ Principem fecit, ut si quid etiam nostris temporibus rectè per nos agitur, rectèque disponitur, illius sit gubernaculus deputandum, cui dictum est; Et tu confirma fratres tuos; & cui post resurrectionem suam Dominus ad trinam æterni amoris professionem mystica insinuatione ter dixit; Pæce oves meas: quod nunc quoque procul dubio facit, & mandatum Domini pius Pastor exequitur, confirmans nos cohortationibus suis, & pro nobis orare non cessans.* Non enim Christus post Passionem Petro commisit oves suas, ut tempore Passionis eas pasceret; nec de illo tantum tempore intelligi possunt hæc verba; *Quod nunc quoque procul dubio facit, &c.* At inquit facit hoc Petrus cohortationibus suis & orationibus. Ita est; sed facit etiam quia, ut idem S. Leo dicit in serm. 2. in Anniversario Assumptionis suæ ante medium, in Romano Pontifice omnium Pastorum sollicitudo cum commendatarum sibi ovium custodiâ perseverat, & ejus etiam dignitas in indigno hærede non deficit. Non est autem inutilis propositio Bellarmini S. Leonis autoritas, etiamsi partem tantum attulerit, nec quæ ex illa consequuntur, expresse- rit; quia scilicet cùm ex verbis, quæ recitaverat, sequeretur, potestatem sancto Petro collatam, tanquam supremo Pastori, & ut fratres confirmaret; in promptu erat unicuique concludere, eadem potestate muniri, qui eidem officio à Domino præponatur.

6. Sancti Agathonis etiam testimonium jam reddidimus, sed multiplici telo Launoius illud impetit. Primò distinguens

guens *Apostolicam Christi Ecclesiam*, (ideſt Romanam, de qua, ut fatetur Launoius loquitur Agatho) à Romano Pontifice. Sed ut jam alibi inſinuavimus, inutilis eſt diſtinctio. Sufficit enim ut non errandi privilegium Eccleſiæ Romanæ concedatur; Planum eſt enim illud à Pontifice in Clerum derivari, idque verba ipſa Evangelii ab Agathone recitata ostendunt; *Ego autem rogavi pro te, &c.* Adde quod ad propositum nostrum ſatis eſt, ut Pontificis judicium certum ſit, antequam univerſæ Eccleſiæ conſenſus acceſſerit. Secundò diſtinguit Launoius jus à facto, notatque quod Agatho quæſtionem facti non juris tractat, cum ait *Apostolica Christi Ecclesia, ideſt, Romana, à tramite Apostolica traditionis nuſquam erraſſe probatur, aut Hæreticis novitatibus unquam depravata ſuccubuit.* Benè quidem Launoius, ſi ibi ſiſtetur Agatho; ſed cauſam continuò affert, quæ jus validius quàm factum adſtruit. Proſequitur enim; *Quia dictum eſt Petro: Simon ecce Sathanas, &c. Ego autem rogavi pro te, &c. Hic Dominus ſclem Petri non defecturam promiſit, & confirmare eum fratres ſuos admonuit. Quod Apostolicos Pontifices mea exiguitatis Prædeceſſores confidenter ſciſſe cunctis eſt agnitus.* Tertiò Launoius circa hæc ultima verba notat, Agathonem indefinîtè ſcribere: *Apostolicos Pontifices Prædeceſſores confirmaffe fratres ſuos: ſed definîtè non ſcribere Apostolicos Pontifices Prædeceſſores omnes confirmaffe fratres.* Sed nonne juxta regulas Dialecticæ proſcriptio indefinita de facto circumſtantiis non limitato, æquivaleret univerſali? At, inquit Launoius, multi Pontifices ſecus fecerunt. Utrum aliqui præcepto implendo defuerint, ſive defectu ſpei conſequendi fructus, ſive etiam per negligentiam, quæſtio eſt de facto nequaquam juri præjudicans. Sufficit ut Pontifices præceptum ſibi à Chriſto impoſitum de confirmandis fratribus ſcientes, regulariter & ordinariè illud cum auctoritate, ſæpe cum utilitate, præſtiterint. Sancti Gregorii teſtimonium jam retulimus.

7. Nicolaus I. in epiſtola ad Michaelem Imperatorem privilegia ſanctæ Sedi in perſona B. Petri à Chriſto collata immota ſemper futura eſſe conſtanter affirmat, inter quæ illud ſine dubio præcipuum eſt, ut vacillantes in fide confirmet, quemadmodum fecerat S. Leo erga Concilium Ephelinum ſecundum. *Quomodo*, inquit, *non egeat qualibet Synodus Romana Sedis, quomodo in Ephelino Latrocinio cunctis Præſulibus, & ipſis quoque Pa-*

*triarum*

*triarchis prolagentibus, nisi Magnus Leo, imitator scilicet illius Leonis, de quo scriptum est; Vixit Leo de tribu Juda; divinitus excitatus, os aperiens totum Orbem, & ipsos quoque Augustos concuteret, & ad pietatem commoveret; Religio Catholica penitus corrumpisset. Et inferius; Cum Ecclesia Romana privilegia Christi ore in B. Petro firmata in Ecclesia ipsa disposita, antiquitus servata, & à Sanctis Universalibus Synodis celebrata, atque à cuncta Ecclesia jugiter venerata, nullatenus possint minui, nullatenus infringi, nullatenus conmutari, quoniam fundamentum quod Deus posuit, humanus non valet amovere conatus: & quod Deus statuit, firmum validumq; consistit, &c.*

8 Parcius de privilegiis Ecclesiæ Romanæ Nicolaus, quam ad eum scribens S. Ignatius Patriarcha Constantinopolitanus, cujus epistola lecta est in act. 3. octavæ Synodi, & in qua tum Petri dignitatem & potestatem, tum ad successores transmissiorem luculentissimè proficitur his præcipuè verbis; DIXIT PETRO MAGNO, ET SUMMO APOSTOLORUM, TU ES PETRUS, ET SUPER HANC PETRAM AEDIFICABO ECCLESIAM MEAM, ET PORTA INFERI NON PRAEVALEBUNT ADVERSUS EAM. ET ITERUM; TIBI DABO CLAVES REGNI CALORUM: ET QUODCUMQUE LIGAVERIS SUPER TERRAM ERIT LIGATUM ET IN CALIS: ET QUODCUMQUE SOLVERIS SUPER TERRAM ERIT SOLUTUM ET IN CALIS. TALES ENIM BEATAS VOCES NON SECUNDUM QUANDAM UTIQUE SORTEM APOSTOLORUM PRINCIPI SOLVM CIRCUMSCRIPSIT, ET DEFINIUIT, SED PER EVM AD OMNES, QUI POST ILLVM SECUNDUM IPSVM EFFICIENDI ERANT SUMMI PASTORES ET DIVINISSIMI SACRIQUE PONTIFICES SENIORIS ROMÆ, TRANSMISIT. Et ideo ab olim & prisco tempore in exortis hæresibus, & pravariationibus Eradicatores, & Interemptores malorum zizaniorum & labefactorum & penitus insanabiliter agrotantium membrorum multi multoties facti sunt eorum, qui sanctitatem & summam Paternitatem tuam illic præcesserunt, scilicet Principis Apostolorum, & illius zelum in fide, qua secundum Christum est imitantes. Quibus verbis non solum B. Petri, sed & successorum ejus autoritas explicatur. Si quis eorum ponderi aliquid detractum velit, quod eo tempore scripta sint, cum S. Ignatius Romani Pontificis ope indigeret, animadvertat sanctum esse qui scribit, adeoque in rebus tanti momenti ab adulatione remotum; non illum dumtaxat sanctum Patriarcham Con-



Constantinopolitanum ad beati Petri Sedem confugisse : Epistolam ejus in Concilio generali lectam ab aliquo improbandam fore, si quid Episcopo Romano concessisset in præjudicium Concilii generalis.

9. Quod argumentum multò efficacius evadit, si animadvertatur plures epistolas, ejusdem autoritatis facientes mentionem perlectas, & similia elogia in favorem Romani Pontificis ab Episcopis, à Legatis, vel à Pontificibus ipsis prolata, contradicente nemine, fuisse. Quod jam de Legatis Cœlestini in Concilio Ephesino notavimus, de epistola Agathonis in sexta Synodo recitata, aliisque nonnullis. Id, si semel aut bis tantum contigisset, inadvertentiæ tribui posset; sed quomodo fieri potuisset, ut tantus Præsumulus numerus toties rem ad eò insignem inattentâ mente audisset?

10. Quæ circa testimonia Sanctorum Leonis I. & Agathonis adversus Launoi objectiones notata sunt, valent etiam adversus ea, quæ Nicolai I. modò adductis, & Leonis IX. cap. 3. relatis, & ex parte etiam Innocentii III. mox exscribendis verbis opponit.

11. Sed repetendum est testimonium S. Leonis IX. ut ex ejus cum altero ejusdem Sancti collatione clarior fiat adversus Launoium ejus sententia. Igitur S. Leo IX. qui ab aliis VIII. tantum numeratur, antea Episcopus Tullensis, indefectibilem Romani Pontificis fidem Christi oratione impetratam non potuit luculentius explicare, quàm his epistolæ 5. quæ est ad Petrum Antiochenum, verbis; *Nimirum solus est ille (Petrus) pro quo, ne deficeret ejus fides, Dominus & Salvator asseruit se rogasse dicens, Simon Simon ecce Sathanas expetivit vos, ut cribraret sicut triticum, ego autem rogavi pro te, ut non deficiat fides tua; Et tu aliquando conversus confirma fratres tuos. Quæ venerabilis & efficax oratio obtinuit, quod hactenus fides Petri non defecit, nec defutura creditur in throno illius usque in sæculum sæculi: sed confirmabit corda fratrum variis concutienda fidei periculationibus, sicut usque nunc confirmare non cessavit.*

12. Vox illa, *creditur*, et si, quando de fide Divina est sermo, assensum omninò firmum significat, cum de opinione humana dicitur, dubitationem plerumque, aut suspensionem de contrariò innuit, quod nimirum solus Deus erroris &

fraudis expers sit. Itaque, ne quis in secundo sensu vocem illam interpretetur, afferendus est alius locus ex epistola prima ejusdem sancti Pontificis, ubi omni cum securitate, ac firmitate loquitur, ac mirum in modum explicat verba Christi toties laudata. Taliter, inquit cap. 6 epist. 1. *sancta Ecclesia super petram, id est Christum, & super Petrum vel Cephā filium Joannis, qui prius Simon dicebatur, adificata; quia inferi portis, disputationibus scilicet Hæreticorum, quæ vanos ad interitum introducunt, nullatenus foret superanda, sic pollicetur ipsa veritas, per quam sunt vera quacumque sunt vera, porta inferi non prevalebunt adversus eam, cujus promissionis effectum se precibus impetrasse à Patre, idem filius protestatur dicenda ad Petrum: Simon ecce Sathanas, &c. Erit ergo quisquam tanta dementia, qui orationem illius, cujus velle est posse, audeat in aliquo vacuam putare? Audi jam quantā cuncta constantiā privilegium B. Petri ad successores transiisse continuatā omnium temporum experiētiā confirmet. Nōne à Sede Principis Apostolorum, Romanā videlicet Ecclesiā, tam per eundem Petrum quam per successores suos reprobatā, & convictā, atque expugnata sunt omnium Hæreticorum commenta, & fratrum corda in fide Petri, quæ habemus nec deficit, nec usque in finem deficiet, sunt confirmata.*

13. Launoius hanc auctoritatem elidere duplici præcipuè ratione molitur. Prima interpretando eam de Ecclesia universali. Sed quā fit consona textui glossa, judicet quicumque Latinam linguam intelligit. Convenit quidem Ecclesiæ universæ firmitas, de qua Leo in principio loquitur, sed specialiter Ecclesiæ Romanæ aptatur, quia scilicet ab ea in alias derivatur. Secunda Launoii responsio est, verum non esse quod ait Leo, à Petri Sede commenta Hæreticorum omnium expugnata esse; quod inductione nititur demonstrare: quasi possit Launoius scire, an non intervenerit auctoritas S. Petri, aut successorum ejus, sive in principio, sive in progressu proffigationis hæresum. Et intervenisse de facto contra nonnullas earum, quas enumerat, si opus esset, ex certis documentis demonstraretur, v. g. contra Pauli Samosatēni, contra Eunonii & aliorum errores, ex S. Athanasii epist. ad Orthodoxos, Theodoro Eccles. hist. lib. 5. cap. 8. 9. 10. & 11. libello Synodico exstante in tom. 2. Juris Canonici veteris Christophori Justelli, Photio de Synodis, & epist. ad Michaelem Bulgariæ Principem cap. 2. epist. Damasi ad Pauli-

linum Antiochenum in collect. Rom. Holstenii par. 1. Et P. Labbe tom. 2.

14. Leonis testimonium confirmat his verbis Gregorius VII. in lib. 8. epist. 1. quæ est ad Simandensem Archiepiscopum ; *Qua* ( Ecclesia Romana ) *per B. Petrum , quasi quodam privilegio ab ipsis Fidei primordiis à sanctis Patribus omnium Mater Ecclesiarum adstruitur , & ita usque in finem semper habebitur in qua nullus unquam hæreticus præfuisse dignoscitur , nec unquam præficiendum , præsertim Domino promittente , confidimus.* Ait enim Dominus Jesus : Ego rogavi pro te , Petre , ut non deficiat fides tua. Hunc locum profert Launoius , ut verba illa , *Ego rogavi pro te* , ostendat non de solo Romano Pontifice , sed de Ecclesia Romana esse accipienda. Sed patet sanctum illum Pontificem hoc privilegium Ecclesiæ Romanæ eâ tantum de causa tribuere , quod illi Petri successor præsit. Hoc significat particula illa , *enim*. Idèd enim Ecclesia Romana est mater omnium aliarum , quia ei nunquam præfectus est , neque præficietur hæreticus. Idèd non est præfectus , neque præficietur hæreticus , quia Dominus rogavit pro Petro , ut non deficeret fides ejus , scilicet neque in ipso , neque in ejus successoribus.

15. Superfluum esset posteriorum Pontificum hac de re testimonia proferre , cum nemo dubitet , eos suum in fidei quæstionibus judicium irreformabile æstimasse. Unicum igitur dumtaxat adducam , scilicet Innocentii III. qui verba Innocentii I. quæ principio retulimus , interpretabitur , si tamen cuiquam possunt videri obscura : Igitur Innocentius III. in epist. ad Episcopum Arelatensem docet majores causas , & præsertim quæ ad fidem pertinent , idèd ad Romanum Pontificem esse perferendas , quod indefectibilis sit ejus , ut Petri , fides. *Majores* , inquit , *Ecclesia causas , præsertim articulos Fidei ad Petri Sedem referendas intelligit , qui novit pro eo Dominum exorasse ne deficiat fides ejus.*

16. Notat Launoius Innocentium non dicere id , quod ad Sedem Apostolicam iudicandum referitur , ibi cerò , & sine ullo erroris periculo judicatum iri. Quid igitur sibi volunt illa verba , quæ rationem continent , cur causæ fidei ad Petri Sedem referendæ sint ; Dominum exorasse ne deficiat fides ejus ? Nam si cerò & sine ullo erroris periculo judicatum non eunt , Dominus quidem oravit , sed non exoravit. Exorasse

autem Innocentius , & plures alii affirmant. Apertius mentem suam explicat Innocentius serm. 2. in consecrat. Pont. Max. *Nisi enim ego solidatus essem in fide , quomodo possem alios in fide firmare ? Quod ad officium meum noscitur specialiter pertinere. Domino protestante ; Ego , inquit , pro te rogavi Petre ut non deficiat fides tua , & tu aliquando conversus confirma fratres tuos. Rogavi & impetravi : quoniam exauditus est in omnibus pro sua reverentia. Et ideo fides Apostolica Sedis in nulla unquam turbatione defecit , sed integra semper & illibata permansit : ut Petri privilegium persisteret inconcussum. Jam etiam supra vidimus Innocentium I. ægrè tulisse quod sancta Sedes super iisdem quæstionibus secundum confuleretur , quasi non esset indubitata prima ejus sententia.*

17. Agnoscunt omnes , etiam Gallicani hujus relationis necessitatem , cujus tot legerunt exempla Episcoporum sanctitate insignium , præsertim suæ nationis jam à primis sæculis , ut S. Victricii Rotomagensis , S. Exuperii Tolosani , S. Cæsarii Arelatensis , & aliorum circa disciplinam ; aliorum circa fidem & mores , ut jam olim S. Leo Magnus ad Episcopos Provinciæ Viennensis scripserit ; Nobiscum itaque fraternitas vestra recognoscat Apostolicam Sedem pro sui reverentia à vestra etiam Provincia sacerdotilus , innumeris relationibus esse consultam , & per diversarium , quemadmodum vetus consuetudo poscebat , appellationem causarum , aut retractata , aut confirmata fuisse judicia. Sed unde oritur illa necessitas consulendæ sanctæ Sedis in causis majoribus , præsertim articulos Fidei contingentibus , nisi ex eo quod pro Petro Dominus exoraverit ne deficeret fides ejus , ut inquit Innocentius III. ac plures alii iam citati ? Quisnam autem ex tot antiquis Episcopis Gallicanis huiusmodi causas ad Apostolicam Sedem referentibus existimavit reformandum , aut reformabile esse illius judicium.

## CAPUT XIII.

*Quàm sit Generalis in Ecclesia consensus de irreformabili judicio Romani Pontificis in fidei quæstionibus.*

1. **C**ommunis adeò est hæc doctrina de infallibili Romani Pontificis judicio in quæstionibus fidei; ut hanc ipsam conditionem habere videatur, quâ cum Illustrissimi Præsules Gallicani iudicium illud irreformabile esse profitentur; ut scilicet Ecclesiæ universæ consensus accesserit. Etenim tot tantique Doctores ex omni natione, ex omni facultate, ex omni ordine eam defenderunt, ut nesciam quid, ad eam toti Ecclesiæ adscribendam, desideretur. Eorum Catalogum texuerunt multi, præsertim Theophilus Rainaudus in opusculo inscripto *ἀντὶ τοῦ*, ubi, puncto scilicet undecimo, hanc esse totius Societatis Jesu sententiam affirmat, enumeratis quamplurimis ejus Doctoribus, quorum multi tempora controversiarum occasione Libri Cornelii Jansenii motarum antecesserunt, ne putes eam à Societate ad faciliorem Jansenii oppugnationem advocatam, sed veritatis & religionis studio jam olim delectam. Eandem cum D. Thoma tuetur Ordo Dominicanorum, & alii quasi certatim: quamvis privatus aliquis Principibus addictus à majorum ac fratrum semita interdum recedat.

2. Jam suprâ notavimus D. Petrum de Marca testari eam omnibus Universitatibus esse communem, contrariam autem, quam antiquis tantum Parisiensibus (puta Gersonio & ejus coætaneis aut superius) tribuit, solum ab Ecclesia tolerari. Emissus fuit in lucem anno 1682. liber cum hoc titulo; *Doctrina quæ de primatu, autoritate ac infallibilitate Romani Pontificis tradiderunt Lovanienses sanctæ Theologiæ Professores tam veteres quam recentiores*, in quo quamplurimi enumerantur. Sperandum est idem à cæteris Academiis præstandum. Porro Lovaniensis ita iudicium Papæ reformabile esse non censuit, ut tanquam fidei regulam proposuerit anno 1544. nam inter articulos circa fidem Orthodoxam editos, iste vigesimus quintus est; *ceterâ fide tenenda sunt*

sunt non solum quæ Scripturâ expressè sunt prodita, sed etiam quæ per traditionem Ecclesiæ Catholica credenda accepimus, & quæ definita sunt super fidei & morum negotiis PER CATHEDRAM PETRI, vel per Concilia Generalia legitimè congregata.

3. Doctoribus jam adductis paucos adjungemus, quia vel Galli, vel à Launoio citati, vel pietate ac doctrinâ conspicui extiterunt. Scribebat Alexandro III. Petrus Blesensis episcopus. 68. Si tenentinentiam Apostolica Sedis magistrum omnium Ecclesiarum profitemur: Sic ab ipsa consilia in ambiguis, in angustiis solatia, responsa in dubiis expectamus. Si erraret magistra omnium Ecclesiarum, errarent omnes Ecclesiæ, atque adeò universa Ecclesiæ, quæ nonnisi ex illis constat, ut sæpè notavimus.

4. Hugo seu Ugo de S. Caro à Launoio citatus sic interpretatur hæc verba Joan. ult. Dicit Simoni Petro Jesus. Nota quod specialiter loquitur Petro soli, alios preteriens. Cur hoc? Respondemus. Eximius Apostolorum erat Petrus, & os Apostolorum, & vertex Collegii. Idèò & Paulus ascendit videre Petrum pro aliis Gal. 1. Ita ergo Petrus erat vertex Collegii, ut prætermittis aliis eum solum tanquam Collegium integrum repræsentantem Christus alloqueretur: ita erat aliorum os, ut pro omnibus respondere posset, aliis etiam non consultis.

5. Augustinus Triumphus sanctorum Thomæ ac Bonaventuræ Parisiis Discipulus, deinde in ejus urbis Academia Doctor, ac denique Professor, de potestate Ecclesiastica quæst. 10. art. 3: sic scribit; Papam posse aliquid addere supra illa quæ sunt fidei, dupliciter potest intelligi, vel quantum ad dubiorum interpretationem, vel quantum ad occultorum, & implicitorum explicationem. Utroque modo potest Papa aliquid addere super illa, quæ sunt fidei: quæ si aliquæ sunt dubia, et obscura in fide, ad eum pertinet interpretari, et determinare. Post cuius determinationem hæreticum esset contrarium pertinaciter asserere.

6. Nicolaus Liranus ad hoc verbum, confirma. Luc. 18. addit; Hoc dicit ei. (Petro) quia Ecclesiæ erat sibi committenda, ut habetur Joan. ult. ubi ter dicitur ei à Christo. Pasci agnos meos. Ex hoc etiam patet, fidem non deficere usque ad finem Mundi in Ecclesiâ Romana, quæ a Petro post Christum fundata est.

7. Dio-

7. Dionysius Carthusianus, cujus etiam autoritate utitur Launoius, in hæc verba; Ego autem rogavi pro te. Item, inquit, quoniam Petro specialiter fuit Ecclesia committenda. Unde quod dicitur, ut non deficiat fides tua, exponitur, ut non deficiat fides Ecclesia tibi committenda. Hactenus videtur Ecclesiæ tantum universæ indeficientem fidem adstruere: sed ecce unde in reliquas Ecclesias hæc fidei firmitas derivetur; SICQUE EX VERBIS HIS SUMITUR ARGUMENTUM, QVOD FIDES ROMANÆ ECCLESIAE, QVAM IN EA PETRVS PLANTAVIT, SIT VSQVE IN FINEM SÆCVLI DURATVRA.

8. Quoniam Launoio Dominicum Bañes tanquam sibi faventem adducere placuit, referamus ejus hac de re doctrinam, ex qua cuncta, quæ hactenus dicta sunt, confirmantur. Bañes igitur in 2. 2. S. Thomæ quæst. 1. art. 10. has ponit conclusiones. Conclusio prima. *In publico fidei judicio non est distinguenda Sedes ab Apostolico Praside vel summo Pontifice, neque Romana Sedes a Pontifice Romano.* Vide jam quomodo favcat Launoio illum citanti, ut probet Christi orationem pro Petro factam, ne fidem unquam amitteret quantunivis tentaretur à diabolo, sed in ea & gratia Dei tum demum perseveraret, quasi ultra processurus non esset orationis effectus. Hæc est quarta Conclusio. *In publico fidei judicio non potest summus Pontifex errare.* Hanc Conclusionem assertis D. Thomas; & citatis multis aliis Autoribus subjungit; QVOCIRCA ARBITROR HANC CONCLVSIONEM TANQVAM APOSTOLICAM TRADITIONEM ESSE TENENDAM. ET QVIDEM, VT TALIS HABERETVR AB OMNIBVS FIDELIBVS, NISI A TEMPORE CONCILII CONSTANTIENSIS IN AGRO DOMINI INIMICVS HOMO, ID EST DIABOLVS, ZIZANIAM SVPERSEMINASSET. ETENIM VSQVE AD ILLA TEMPORA SOLI GRÆCI ERRABANT IN HAC PARTE. Atque ita D. Thomas inopuse. citato hunc errorem tanquam Græcorum singularem narrat. Et procul dubio, si questio hæc ad Concilium deferretur, non dubito quin prædicta Conclusio deserviretur tanquam vera fides.

9. Non magis favet Launoio Maldonatus, cujus etiam testimonio usus est. Maldonatus enim super verba multoties repetita; Ego autem rogavi pro te, &c. sic scribit; *Quodq; dicit Petro, ejus quoque Successoribus totiq; Ecclesia dictum purandum est; tamq; certi debemus esse successorum Petri, totiusq; Ecclesia fidem non desuturam, quàm*

quam certi sumus ejus, cum sentatus est, fidem non defecisse. Obscuritatem fortassis pareret totius Ecclesiæ cum Petro in illis verbis conjunctio: sed eam tollunt quæ sequuntur; Itaque rectè ex hoc loco antiqui, gravesq; Auctores collegerunt Ecclesia Romana, & successorum in ea Petri fidem fore perpetuam. Omnis enim Ecclesia fides asserbatur in Petro, qui Ecclesia Caput futurus erat. Et super hæc verba; Et in aliquando, &c. Hinc demum manifestum est, nec de illo solum tempore, quo negavit Petrus, nec de illo solum Petro; sed de omnibus ejus Successoribus loqui Christum. Nec enim tempore Passionis, ceteros Apostolos Petrus confirmavit: & confirmandi alios necessitas perpetua futura erat. Itaque IN PERSONA PETRI OMNES PETRI SUCCESSORES IUBET FRATRES IN FIDE SERVARE. QVOMODO FIRMARE POSSUNT, SI ERRARE IPSI POSSUNT? PROPTEREA ENIM CHRISTVS PRO FIDE ORAVIT PETRI, NE DEFICERET, VT ALIOS CONFIRMARE POSSET, INTELLIGENS ALIOS CONFIRMARE NON POSSE, SI EIVS FIDES DEFECISSET. Id etiam significat illud, aliquando, idest si quando opus erit, si quis in fide aliquando mutabit.

10. Si extra Galliam Autores quæreremus Gallis opponendos, qui tempore Concilii Constantiensis doctrinam invexerunt auctoritati Romani Pontificis adversari, non defuturi essent, qui nec doctrinâ inferiores, & vitæ sanctitate Ecclesiæ judicio essent superiores. S. Thomas Archiepiscopus Cantuariensis celeberrimus libertatum Ecclesiæ Defensor, & Martyr epist. 97. edit. P. Christiani Lupi, quæ est ad omnes Episcopos Angliæ. *Quis Romanam Ecclesiam, inquit, Caput omnium Ecclesiarum & fontem Catholica doctrina ambigit esse? Quis claves Regni Cælorum Petro traditas esse ignorat? Nomen in fide & doctrina Petri totius Ecclesia structura consurgit, donec occurramus omnes Christo in virum perfectum, in unitatem fidei, & agnitionem filii Dei? . . . . . Quicumque sit qui rigat aut plantat, Deus nulli dat incrementum, nisi illi qui plantavit in fide Petri, & doctrina ipsius acquiescit, &c. Et epist. 122. quæ est ad Gilbertum Londoniensem Episcopum; Solus infidelis, aut qui cum errore superat, hæreticus aut schismaticus Apostolicis obreclat obedire mandatis. Vide epist. 69.*

11. Circa ipsamet tempora Concilii Constantiensis floruerunt, in Italia præsertim, sanctissimi Doctissimiq; viri, qui Romani Pontificis auctoritatem strenuè propugnarunt,

quos



quos inter sanctus Antoninus Archiepiscopus Florentinus, cujus mentionem suprà fecimus, in summa Theologica par. 4. tit. 8. cap. 3. §. 5. irreformabile declarat judicium Papæ his verbis; LICET PAPA IN PARTICVLARI ERRARE POSSIT, VT IN IVDICIALIBVS, IN QVIBVS PROCEDITVR PER INFORMATIONEM, ALIAS IN HIS QVÆ PERTINENT AD FIDEM, ERRARE NON POTEST, SCILICET VT PAPA IN DETERMINANDO, *etiamsi ut particularis & privata persona. Unde magis standum est sententia Papæ de pertinentibus ad fidem quam in iudicio preferret, quam opinioni quorumcumque sapientium.* Papam autem Concilio superiore esse pluribus probat in 3. par.

12. Beatus Joannes de Capistrano de Papæ & Concilii, siue Ecclesiæ autoritate 3. par. 2. Principalis, eandem superioritatem, quæ infallibilitatem iudicii circa fidem necessariò supponit, adstruit variis rationibus, quarum una hæc est; *Succedit, inquit, NAMQVE PAPA LOCO PETRI IN EADEM PERFECTIONE POTESTATIS, ET VICARIATVS DIGNITATE, QVA ET IPSE B. PETRVS A CHRISTO FUIT IN VNIVERSALI ECCLESIA SVBLIMATVS.*

## C A P U T X I V.

*Respondetur argumentis, quæ auctoritati Papæ in decidendis infallibiliter Fidei quæstionibus opponuntur.*

1. **E**X iis quæ adversus privilegium non errandi in decidendis Fidei quæstionibus objici solent, duo tantum alicujus momenti videntur. Cætera enim vel parvi ponderis sunt, vel jam aliâ occasione soluta. Primò igitur objicitur inutilem fore Conciliorum Oecumenicorum convocationem ad dirimendas circa fidem controversias, si solus Pontifex certò, ac sine ullo erroris periculo eas posset definire; cum tamen videamus summos ipsos Pontifices, Imperatores, Episcopos nullis curis, nullis impensis, nullis laboribus pepercisse, ut celebrarentur Concilia Generalia. Objicitur secundo errasse de facto plures Pontifices in causis fidei; atque adeò, cum necessaria sit ab actu ad potentiam confectio,

442 TRACTATUS DE LIBERTATIBVS,  
cutio , potuisse in suis judiciis falli , qui revera decepti  
sunt.

2. Quod ad Concilia spectat , utilitas à necessitate distin-  
guenda est : & necessitas quidem , aut ex ipsa re nascitur ,  
aut ex personarum quibuscum agitur conditione. Concilio-  
rum præsertim Generalium maximam esse utilitatem nemo  
iniciatur. Necessaria etiam illa esse ad frangendam Hæreti-  
corum pertinaciam plurima confirmant Ecclesiasticæ historiæ  
exempla : an autem ad certitudinem iudicii omnino iis opus  
sit , quæstio est , & affirmantibus incumbit onus probandi :  
cùm , ut lib. 5. cap. 10. probavimus ; Scriptura sacra Pontifi-  
ci clarè suffragetur , & ejus iudicii certitudinem multis proba-  
tionibus jam constituerimus.

3. Non colligitur illa necessitas ex summorum Pontificum  
ad congreganda Concilia consensu , vel etiam curâ & solici-  
tudo : quia cùm summus Pontifex diligentiam adhibere  
teneatur , quam requirit negotii gravitas , & patitur rerum  
status , nec modò Scripturas , sed & traditiones scrutari ; nul-  
la est convenientior assequendæ veritatis ratio , quàm si to-  
tius orbis Christiani Episcoporum sententia requiratur , ac sin-  
gularum Ecclesiarum traditiones , & singulorum Pastorum  
sententiæ inter se conferantur. Itaque quantum commodè  
fieri potest , non est prætermittenda ea investigandæ veritatis  
via , quæ utinam semper præsto esset. Illam suo exemplo  
primus Pontifex Petrus præmonstravit.

4. Etenim quamvis B. Petrus , cùm loco proditoris Judæ  
substituendus esset alius , qui Apostolico fungeretur officio ,  
potuisset eum eligere ; tamen præ humilitate ac prudentia  
non solum alios Apostolos , sed etiam reliquos fideles congre-  
gatos , electionis participes effecit , ut observat S. Joannes  
Chrysostomus homil. 3. in Act. Apost. ubi post hæc verba ;  
*Viri fratres , oportet eligere è nobis , addit ; Multitudini permittit iudicium ,*  
*simul eos qui eligebantur , reddens reverendos , & se ipsam liberans ab invidia*  
*simultateq. , qua poterat à cæteris oboriri. Nam & semper ingentia gignis*  
*mala. Et infra : An non licebat ei eligere ? licebat , & quidem maxime ,*  
*Verùm id non facit , ne cui videretur gratificari. . . . . Cæterùm senten-*  
*tiam ipse protulit , sed hanc quoque declarans suam non esse , sed è supernis*  
*profectam , juxta prophetiam , Itaque recitator fuit , non præceptor.*

5. Na-

5. Natura pares non gignit; peccatum ad ambiendum præ aliis & in alios Principatum impellit: ut etiam inter Apostolos fuerit contentio, quis eorum videretur esse maior; quod dissidium noluit Christus componere assignato unicuique suo ordine, sed potius præscriptâ humilitatis formâ, ut quisque alteri se supponere contenderet. *Qui maior est in vobis, fiat sicut minor: & qui præcessor est, sicut ministrator.* Luc. 22. vers. 26. Quamobrem, excepto Petro, quem aliis præposuit, nullum inter eos potestatis discrimen constituit. Itaque ut levius sit subjectionis, & obedientiæ jugum, communi concordia, ac regiminis suavitati expedit, ut rectores quæ propriâ autoritate efficere possent, communi subditorum consilio exequantur. Nil igitur mirum, si in Christi familia, in qua pax summa, & humilitas tantò profundior, quantò quis altiori eminet dignitate, vigere debent, Romanus Pontifex cum fratribus suis communi sententiâ quoties & quantum commodè potest, graviora Ecclesiæ negotia gerere studeat, etiam si solus posset.

6. Præterea qui ad Concilia accedunt, vel Fideles sunt, vel Hæretici: si Fideles, instruuntur non tantum de veritate, quæ fortè ipsis erat occulta, sed etiam de causis, ac rationibus, ut juxta præceptum Apostoli sint *parati semper ad satisfactionem omni poscenti eos rationem de ea, quæ in ipsis est.* 1. Petri cap. 3. vers. 14. Cumque ex cunctis orbis Christiani partibus aliquis in Conciliis Oecumenicis intersit; *in omnem terram exit sonus eorum, & in fines orbis terra verba eorum.* Hæretici autem *convincuntur ab omnibus, disjudicantur ab omnibus.* 1. Corint. cap. 14. vers. 24. Et vel convertuntur, vel confunduntur, & à Christi grege separantur, ne alios secum in ruinam trahant, ut pluries in Conciliis factum legimus.

7. Frequenter enim non de dogmate ipso, sed de personis ferendum est judicium, & ne qua super sit injustitiæ, vel obreptionis suspicio, aut prætextus, examinanda est illorum doctrina, audiendæ rationes, colligenda suffragia, ut & procedendi ratio, & Senatorum numerus, ac Senatûs dignitas & majestas obstruant os loquentium iniqua; cujus diligentia tunc major est necessitas, cum Hæretici vel Sæcutorum numero, vel potentiâ sæculari, vel aliâ quâpiam autoritate

pollent. Ideo Adrianus II. epist. 2. ad Basilium Imperatorem scribebat; *Volumus ergo per vestra pietatis industriam munerosum celebrari Concilium, cui nostri quoque ministri praesidentes, & culparum personarumque differentias liquido cognoscentes, juxta quod in mandatis acceperunt, singulorum liberè discretionibus exerceant; in quo videlicet sacrato cœtu execrandi vanitatis Concilii, quod adversus Sedis hujus actum est prorsus injuria, cuncta decernimus exemplaria prorsus à possessoribus suis ablata in medium, delata contemplantibus cunctis igni cremari; nec superesse apud quemlibet ex his omnibus saltem unum iota, vel unum apicem, nisi fortè quis totius Clericatus, immò totius Christiani nominis dignitate anathemate percussus carere voluerit, &c.*

8. Circa dogma etiam, quantumvis certum sit, aliquà interdum utendum est œconomiâ, ut libentius recipiatur; quæ quatenus adhibenda sit, in plurimorum Cœtu facilius agnoscitur. Ita in Concilio Jerosolymitano, quod Aët. 15. describitur, licet B. Petrus suâ sententiâ veritatem certò adsecutus fuisset; scilicet, non esse circumcidendos, qui ad fidem convertebantur; *Quid tentatis Deum, imponere jugum super cervices Discipulorum, quod neque Patres nostri, neque nos portare potuimus:* tamen S. Jacobus huic sententiæ addidit; *scribendum, ut abstinerent se non solum à contaminationibus simulacrorum, & fornicatione, sed etiam à suffocatis & sanguine;* nimirum, ne, si Moysi, qui maximo ubique ab aliquibus in honore habebatur, lex tota statim rejiceretur, multi ejus veneratores à suscipienda Christi fide retardarentur; Quod temperamentum omnibus placuit. Licet Petrus à Deo electus esset, ut per os ejus audirent gentes verbum Evangelii, & crederent: tamen ad controversiam, quam solus potuisset definire suaviùs & convenientiùs componendam, Concilium haberi consensit. Verùm se aliorum consilio non omnino indigere ad assequendam veritatem fidei satis indicavit, dum primus sententiam ferens, illam adeò indubitam habuit, ut illi sine tentatione Dei contradici non posse intrepidè affirmaverit; *Nunc ergo quid tentatis Deum, imponere jugum super cervices Discipulorum, &c.* Aët. 15. Quod verò à S. Jacobo, additum est, temperamentum erat partim lumine naturali notum, partim temporarium & prudentiale.

9. Quia autem summi Pontificis judicium ideò minoris faciunt, quia non ita suscipitur ab omnibus, ut aliqui, vel  
etiam

etiam multi non repugnent, & Concilium Generale postulent, non advertunt similiter Ecclesiæ universæ sententiam contemni. Sunt enim innumeri Hæretici, qui Ecclesiæ Catholicæ sensui repugnant. Imò in hoc sunt Hæretici. Atque si quis attentè consideret res in Conciliis Generalibus tractatas, comperiet eas plerumque adeò non fuisse dubias, ut Patres ad Hæreticorum voces, tanquam ad Blasphemias execrandas inhorruerint, aliquando etiam aures occluserint, ne vclaudità impietate polluerentur. Hæreticorum illud est ingenium, ut & summi Pontificis, & Concilii, & Ecclesiæ universæ doctrinam aliquando fraudulenter eludant, & occultè rejiciant, aliquando vi apertâ impetant, & impugnent, quod nihil ejus veritati, ac certitudini detrahit.

10. Quamobrem sæpè significarunt summi Pontifices ad Concilia Generalia scribentes se non doctrinam eorum examini subicere, sed tanquam indubitata ab omnibus recipiendam eorum operâ optare. Hoc testatur Commonitorium Papæ Cœlestini Episcopis & Presbyteris euntibus ad Orientem, supra citatum. Eo etiam pertinent hæc S. Leonis verba in epist. ad Concilium Chalcedonense; *Nunc in Vicariis meis adsum, & jam dudum in fidei Catholica predicatione non desum; ut qui non potestis ignorare quid ex antiqua traditione credamus, non possitis dubitare quid credamus.* UNDE FRATRES CHARISSIMI, REIECTA PENITVS AVDACIA DISPUTANDI CONTRA FIDEM DIVINITVS INSPIRATAM, VANA ERRANTIUM INFIDELITAS CONQUIESCANT, NEC LICEAT DEFENDI, QVOD NON LICET CREDI; CVM SECVNDVM EVANGELICAS AVTORITATES, SECVNDVM PROPHEICAS VOCES, APOSTOLICAMQVE DOCTRINAM, PLENISSIME ET LUCIDISSIME PER LITTERAS, QVAS AD B. MEMORIAE FLAVIANVM EPISCOPVM MISIMVS, EVERIT DECLARATVM, QVÆ SIT DE SACRAMENTO INCARNATIONIS DOMINI NOSTRI JESV CHRISTI FIA ET SINCERA CONFESSIO.

11. In epistola 1. S. Agathonis ad Imperatores Constantinum, Heraclium, & Tiberium, quæ lecta est in aët. 4. Concilii sexti Generalis plurima sunt, quæ judicium Romani Pontificis ut certissimum à Conciliis Generalibus recipi doceant. Ejusmodi sunt ista: *Cujus (Petri) annisente prasidio, hæc*

# 446 TRACTATUS DE LIBERTATIBVS,

*Apostolica ejus Ecclesia nunquam à viaveritatis in qualibet erroris parte deflecta est, CIVIS AVTORITATEM, VTPOTE APOSTOLORVM OMNIUM PRINCIPIIS, SEMPER OMNIS CATHOLICA CHRISTI ECCLESIA, ET VNIVERSALES SYNODI FIDELITER AMPLECTENTES, IN CVNCTIS SECUTA SVNT, &c. Non minorem præferat securitatem ac certitudinem epist. ejusdem Agathonis simul & Romanæ Synodi ad eisdem Imperatores.*

12. Adrianus I. eâdem constantiâ scribit epist. 2. ad Tarsium Patriarcham Constantinopolitanum. *Sed vestra Sanctitas, inquit, eisdem piissimis Imperatoribus & Triumphatoribus alacriter suggerat, ut impiis Pseudosyllogus ( id est falsus cœtus seu conventus ) ille, qui sine Apostolica Sede inordinatè & insyllogisticè factus est adversus venerabilium Patrum traditionem contra Divinas imagines anathematizetur, presentibus Apochrisiis nostris, & omne zizanium eradicetur ab Ecclesia, & Domini Nostri Jesu Christi sermo compleatur; quia porta inferi non prevalebunt adversus eam: Et rursus: Tu es Petrus & super hanc Petram edificabo Ecclesiam meam, & tibi dabo claves Regni Cælorum; & quacunque solveris super terram, erunt soluta & in Cælis.*

13. Non soli Pontifices supremam hanc auctoritatem sibi tribuerunt. S. Flavianus Constantinopolitanus epist. ad S. Leonem, quæ refertur in actis Concilii Chalced. part. 1. num. 4. solam S. Leonis auctoritatem sufficere affirmat ad extinguendam Eutychetis hæresim absque convocatione Concilii Generalis. Itaque Chalcedonense, quod postea fuit habitum, necessarium non fuisset, nisi hæresiarcha ille ope Dioscori Patriarchæ Alexandrini, & Chrysaphii Theodosii Junioris Imperatoris Eunuchi ope Episcopos in latrocinio Ephesino ad suas partes vi armatâ traxisset, aut in exilium mittendos curasset, quod horrendam in Ecclesia Orientali pepererat confusionem. Similes causæ, non autem incertitudo judicii summorum Pontificum in causis Fidei, aliorum Conciliorum Generalium celebrandorum necessitatem induxerunt. Sunt autem hæc S. Flaviani verba in epist. prædicta; *CAUSA EGRET SOLVM MODO VESTRO SOLATIO ATQVE DEFENSIONE, quæ debeatis consensu proprio ad tranquillitatem & pacem cuncta perducere: SIC ENIM HÆRESIS QUÆ SVBREXIT, ET TURBA QUÆ PROPTER EAM FACTA SVNT, FACILLIME DESTRVENTVR, Deo coope-*  
rante

*ante per vestras sacratissimas litteras. REMOVERITUR AUTEM ET CONCILIVM, QVOD FIERI DIVVLGATVR, quatenus nequaquam ubique sanctissima turbentur Ecclesia.*

14. Non enim, inquit Barlaamus Episcopus Gyracensis ad amicos suos in Græcia constitutos scribens, eo QVOD SIT MAIORIS AVTORITATIS, ET MAGIS POSSIT GENERALE CONCILIVM, QVAM APOSTOLICA SEDES, GENERALIA AGGREGENTVR CONCILIA, *sed quia incidentes quaestiones difficultiores sint & majori indigeant discussione.* Est autem summi Pontificis; ut patet ex Concilio Tridentino sess. 25. de recip. & observan. Decret. Concil. discernere, an tanta sit difficultas, ut Concilii Generalis Concilio indigeat.

15. Joannes Monachus sup. 6. Decret. de sent. & re judic. ca. Ad Apostolica num. 3. vers. revocare. Concilii Generalis Consilium ad solennitatem tantum requiri affirmat. *Nota quod Papa sententiam suam non supposuit correctioni vel emendationi de consilio Concilii seu aliorum, sed sua dumtaxat emendationi reservavit, sed dicit quod super emendatione sententia sua consilium Concilii quateret, & hac requisitis non est necessitatis, sed solennitatis tantum; quia Papa sine Concilio potest procedere ad sententiam, cum habeat plenitudinem potestatis. 2. quaest. 6. Decret. 1. de pœni. & remiss. cum ex eo in fin. n. 4. Et Papa dat robur Conciliis non contra sup. de elec. significasti.*

## C A P U T X V.

*Respondetur argumento à fictitiis Pontificum erroribus desumpto.*

1. **H**æretici antiqua Ecclesiæ monumenta diligentissimè pervolverunt, adversus Catholicam fidem argumenta perquirentes, speciatim verò adversus dignitatem & auctoritatem Romani Pontificis, quâ diligentia quadraginta Pontificibus errorem affinxerunt. Verum illi à Catholicis scriptoribus validissimè confutati sunt: & in plerisque quidem res erat admodum facilis, siquidem hæretici sententias suæ hæresi contrarias, errores vocaverant, vel aliàs contra historiam aut rationem non obscurè peccaverant; adeò ut in numero,

mero, qui propter suam magnitudinem suspicionem aliquam incautis, aut nimium credulis ingesturus videbatur, nullus demonstretur hæreticus. Verum quia aliquorum innocentia, & in fide firmitas, vel propter defectum, vel propter obscuritatem antiquorum monumentorum non ita evidentibus argumentis ostenditur, Catholici quidam scriptores, veritatis, ut sibi videbantur, studio, sed fortasse verius averso à summi Pontificis potestate animo (quod de nonnullis sine temeritatis nota liceret affirmare) à partibus hæreticorum hac in re stare maluerunt, eorumque sententiam confirmare, quam pium erga sanctam Sedem aliorum Catholicorum affectum imitari, qui ejus Pastores ab hæresis accusatione strenuè vindicarunt; alii aliquem unum, alii plures, alii omnes. Joannes Launoius in ea controversia aliquid novi adversus summum Pontificem detexisse sibi visus est, quod à nobis prætermitti non debet.

2. In primis par. 5. epist. 1. conatus est S. Stephanum non minus quam S. Cyprianum in errore circa Baptisma hæreticorum versatum probare; quia scilicet sicut iste nullorum, sic ille omnium omnino hæreticorum Baptisma probabat, modo Christi Baptisma esset. Hoc autem sic ostendere nititur.

3. Sanctus Augustinus in lib. de unico Baptismo cap. 14. asserit quod Stephanus Baptismum Christi in nullo iterandum esse censebat, & hoc facientibus graviter succensebat. In libro autem 3. contra Donatistas cap. 15. quod si Evangelicis verbis in nomine Patris & Filii & Spiritus sancti, Marcion Baptismum consecrabat, integrum erat Sacramentum. Sanctus verò Cyprianus, inquit Launoius, epistolâ ad Tubaianum, scribit Marcionem non baptizasse in nomine Patris & Filii & Spiritus sancti. Ex quibus sic concludit; *Quapropter nemini mirum videri debet, Doctorem sanctum (loquitur de B. Augustino) Romano Pontifici indeficientis judicii privilegium nusquam adscribere, nec illum pro supremo, vel ultimo controversiarum fidei Judice habere. Quippe Judex talis nusquam errare debet, ut Stephanum hac in re errasse Augustinus significat, consentiens Baptismum qui verbis Evangelicis, In nomine Patris & Filii & Spiritus sancti non consecratur, cassum & irritum esse, contra quam Stephanus in epist. ad Africanos decreverat.* Pluribus vitiis laborat iste discursus.

4. Primò enim falsum est S. Augustinum consensisse, aut sal-



saltem significasse Baptismum quiverbis Evangelicis In nomine Patris & Filii & Spiritus sancti non consecratur, cassum & irritum esse. Dicit quidem Augustinus loco supra citato Baptismum, si ita consecratur, integrum esse Sacramentum; non tamen negat, Baptismum in nomine Christi collatum valere, quæ duo valde diversa sunt. Sciebat enim Magistrum suum S. Ambrosium lib. 1. de Spiritu sancto cap. 3. quem postea plures secuti sunt, quos citat Bellarminus de Baptismo lib. 1. cap. 3. validum putasse. De hujus sententiæ veritate non est modò quæstio, (cam optimè tractavit Bellarminus loco citato) sed de S. Augustini testimonio.

5. Secundò falsum est S. Stephanum docuisse Baptismum sine expressa invocatione Sanctissimæ Trinitatis valere. Contrarium testatur Firmilianus in epist. ad S. Cyprianum, inter cujus epistolas est ordine 75. in edit. Pam. & Rigal. Refertur etiam à Philippo Labbeo tom. 1. Concil. Sic enim scribit Firmilianus Cæsareæ Cappadocum Episcopus de S. Stephano, & de aliis qui sancto huic Pontifici consentiebant; *Illud quoque absurdum quo non putant querendum esse, quis sit ille qui baptizaverit, eo quod qui baptizatus sit gratiam consequi potuerit, invocata Trinitate nominum Patris & Filii & Spiritus Sancti.* Quibusdam interjectis addit: *Non omnes autem, qui nomen Christi invocant, audiri, & invocationem suam consequi aliquid gratia posse Dominus ipse manifestat, dicens; Multi venient in nomine meo dicentes; Ego sum Christus, & multos fallent.* Nulla quippe differentia est inter Pseudo-Prophetam & Hæreticum. Nam ut ille in nomine Dei, aut Christi, ita iste in Sacramento Baptismi fallit. Ex quibus colligitur illam invocationem Christi, de qua in hac materia fiebat sermo, supposuisse invocata Trinitatem nominum Patris & Filii & Spiritus sancti, ut qui baptizabatur gratiam consequi posset.

6. Etenim S. Stephanus nihil innovandum statuerat: atqui certissimum est, Baptismum cum invocatione Trinitatis conferri solitum, hæc enim est antiquitas, quam retentam fuisse studio præsertim S. Stephani docet Vincentius Lerinensis infra citandus. Id etiam constat ex Tractatu, cujus titulus est; *Non debere demò baptizari qui semel in nomine Domini nostri Jesu Christi sint tincti.* Exstat tom. 1. Concil. Philippi Labbei ante Concilium Carthaginense tertium sub S. Cypriano habitum; eumque prædictus Labbeus ex dictione conjicit, Autoris esse ab ævo Cypriani parum distantis. Habetur etiam inter opera

S. Cypriani edit. Rigaltii. Hæc sunt verba illius Autoris ante medium tractatus. *Nec astimes huic tractatui contrarium esse quod dicit Dominus : Ite , docete gentes , tingite eos in nomine Patris & Filii & Spiritus sancti. Quia cum hoc verum & rectum , & omnibus modis in Ecclesia observandum sit , & observari quoque solitum sit , &c. Atqui S. Stephanus , quod in Ecclesia observari solitum erat , omnibus modis observandum volebat. Prosequitur autem continuò Autor ; Et tamen confidare oportet , quod invocatio nominis Jesu non debet à nobis sutilis videri. &c. Non ergo invocatio Trinitatis & invocatio Christi sese mutuò excluderant.*

7. Eusebii lib. 67. hist. Eccles. cap. 3. S. Stephani consilium exprimit his verbis ; *Verùm Stephanus nihil adversus traditionem , quæ jam inde ab ultimis temporibus obtinuerat , innovandum ratus , gravissimè id tulit ; scilicet quod rebaptizarentur ii , qui ab hæreticis baptizati fuissent , juxta traditionem quæ jam inde ab ultimis temporibus obtinuerat , secundùm quam expressè invocanda erat sanctissima Trinitas.*

8. Si quando igitur S. Stephanus de Baptismo loquens Christi mentionem fecerat. Nunquam tamen docuerat Baptismum per solam invocationem Christi valere , absque invocatione trium personarum sanctissimæ Trinitatis ; nec id de eo scripsit S. Cyprianus : nec etiam tradidit Marcionis Baptisma eo tantùm fieri modo solitum , ut ex ejus approbatione illa Stephani opinio colligi possit. Christi ergo mentio eo pertinebat , ut assereretur Baptisma Christi , hoc est à Christo institutum , ac juxta formam ab eo præscriptam & in ejus nomine collatum , ab ipso virtutem habere , à quocunque conferretur ; *Nec querendum esse , ut referebat Firmilianus , quis esset ille qui baptizasset , eo quod qui baptizatus esset , gratiam consequi potuisset invocata Trinitate. Sanctus quidem Cyprianus epist. ad Jubaianum hæc scripsit , quæ opponit Launojus ; Quomodo ergo quidam dicunt sciri extra Ecclesiam imò & contra Ecclesiam modo in nomine Jesu Christi ubicunque & quomodocumque Gentilem baptizatum remissionem peccatorum consequi posse , quando ipse Christus gentes baptizari jubet in plena & adunata Trinitate. Verùm hæc verba non significant omissam fuisse invocationem sanctissimæ Trinitatis , sed baptizantibus ac baptizatis defuisse veram fidem Trinitatis , atque ideo Christi nomen non potuisse vim Baptismo conferre.*

9. Is Cypriani sensus, præter illa quæ jam diximus, colligitur ex eo quod in tota illa epistola vim faciat in fidei rectæ defectu. Ita cum post initium epistolæ dixisset; De Marcione interim solo, cujus mentio in epistola à te ad nos transmissa facta est, examinemus an possit baptismatis ejus ratio constare: Dominus enim post resurrectionem Discipulos suos mittens, quemadmodum baptizare deberent, instituit & docuit dicens: Data est mihi omnis potestas in Cælo & in terra. Ite ergo & docete omnes gentes baptizantes eos, In nomine Patris & Filii & Spiritus sancti. Insinuat Trinitatem, cujus Sacramento gentes baptizarentur. Subsumit, non negando Marcionem ita baptizasse; sed, cum malè de Trinitate sentiret, utiliter baptizare potuisse. Numquid hanc Trinitatem Marcion tenet? Numquid eundem asserit quem & nos Patrem Creatorem? Numquid eundem unum Filium Christum de Maria Virgine natum, qui sermo caro factus sit? qui peccata nostra portaverit, &c. Ex quibus verbis & ex historia Ecclesiastica constat Marcionem circa Christum errasse, sicut circa alias Sanctissimæ Trinitatis personas; atque adedò non est quod credamus ipsum in nomine solius Christi, potius quàm in nomine totius Trinitatis baptizasse.

10. Præterea (quod in Launoii Dialectica argumentum est efficacissimum) S. Augustinus in eo ipso loco, quem ipse refert ex lib. de unico Baptismo cap. 14. non dicit S. Stephanum censuisse valere Baptismum in solius Christi nomine collatum; sed (quod plus quàm negativum argumentum est) quod Stephanus Baptismum Christi in nullo iterandum esse censebat, & hoc facientibus graviter succensebat. Quinam autem est Baptismus Christi, nisi quem Christus instituit, & cujus formam præscripsit?

11. Denique si Launoius S. Stephanum errasse contendat, necesse est ut ejusdem erroris conscium ac reum faciat ipsum S. Augustinum, cujus testimonio illius errorem probare nititur. Nam S. ille Doctor propugnavit adversus S. Cyprianum baptismum in nomine Christi datum, quem S. Stephanus adversus eundem defenderat, ut legere est in libris de baptismo contra Donatistas, in quorum §. tertio, quarto & quinto confutat epistolas ad Jubaianum, & ad Pompeium, quibus utitur Launoius. Præcipuè autem lib. 4. cap. 10. respondet his S. Cypriani verbis epist. ad Jubaianum; Aliud est eos qui intus in Ecclesia sunt, de nomine Christi loqui: aliud eos qui foris sunt, & con-

#### 452 TRACTATUS DE LIBERTATIBVS,

*tra Ecclesiam faciunt, in nomine Christi baptizare. Lib. autem 5. cap. 13. S. Stephani mentem & exponit & confirmat. Qui utique Stephanus, inquit, non propterea communicavit hæreticis, quia baptisma Christi, quod in eorum perversitate integrum mansisse cognovit, improbare non ausus est. Ecce quod erat illud baptisma hæreticorum, quod S. Stephanus non improbat; scilicet quod in eorum perversitate integrum mansisse cognoverat. Quomodo ad ista cæcutiit Launoius? Nimirum vehementi ad deprimendam sanctæ Sedis Dignitatem studio excæcatus. At addit Augustinus; Apostoli autem nihil quidem ex inde praeceperunt, sed consuetudo illa qua opponebatur Cypriano, ab eorum traditione exordium sumpsisse credenda est; sicut sunt multa quæ universa tenet Ecclesia. Non errabat ergo Stephanus illam consuetudinem servans & servari præcipiens, quæ ab Apostolis orta fuerat.*

12. Oculatior fuit Launoius in detegendo Stephani errore, quam Centuriatores Magdeburgenses, qui tantâ curâ in Pontifices inquisierunt, ut haberent quod objicerent. Sanctum enim Stephanum prætermiserunt, non omisuri si quid erroris in eo prætexere potuissent, cum tot alios injustè accusaverint. Pudeat hodie Catholicum erroris accusare Pontificem, quem non solum moderni hæretici silentio, sed etiam antiqui Elogio commendarunt. Nam illud ipsum caput 14. lib. 1. S. Augustini de unico baptismo contra Petilianum Donatistarum Episcopum Constantinensem, quod citat Launoius sic incipit; *sed volo solvat mihi iste questionem: quandoquidem cum Romana Ecclesia per ordinem commemoraret Episcopos, inter eos commemoravit & Stephanum, quos Episcopatum illibate gessisse confessus est. Cum ergo Stephanus non solum non rebaptizaret hæreticos, verum etiam hoc facientes, vel, ut fieret, decernentes, excommunicandos esse censeret, sicut aliorum Episcoporum, & ipsius Cypriani littera ostendunt; tamen cum eo Cyprianus in unitatis pace permansit. Gessit ergo illibate Stephanus Episcopatum, ac nonnisi calumniosè potest accusari.*

13. Tardius venit, in manus octava pars epistolarum Launoii, in quarum ultima idem argumentum versat, cumque responsionem meditarer, comperi, si quid novæ difficultatis illic occurreret, optimè fuisse discussum ab eruditissimo viro Emanuele Schelstrate, Antiquitatis illustratæ par. 2. cap. 5. præsertim art. 5. Quamobrem nihil necesse est circa epistolam illam immorari.

C A-

## CAPUT XVI.

*Respondetur quibusdam aliis exemplis à Launoio adductis.*

1. **I**Nter B. Petri successores nullus est, qui tum ab hæreticis, tum ab iis Catholicis qui non errandi privilegium Romano Pontifici denegant, crebrioribus telis impetatur, quam Honorius I. In eum frequentius convertitur & validius infigitur Launoii stylus, sed ejus patrocinium susceperunt plures Catholici, ex quibus R. P. Franciscus Marchese Presbyter Oratorii Romani integrum volumen in ejus defensionem scripsit. Illic omnia quæ à Launoio contra Honorium allegantur, fusè subtiliterque discussa invenies; licet Autor Launoium non nominet, ejus, vel potius ab eo repetitis rationibus respondens: multa reperies quæ seorsim sumpta, multo magis aliis, quæ ejusdem non sunt ponderis (resistente scilicet antiquitatis obscuritate) adjuta, æquo & bene affecto Judici sufficiant ad ferendam pro summi illius Pontificis fide, atque innocentia sententiam.

2. Si Launoius Eruditissimi P. Sirmundi, cui multum se debere fatetur, ob eam nimirum causam, quam notat Ludovicus Moreri in suo magno Dictionario Gallico, scilicet quod eum tanquam Magistrum habuerit artis censoriæ, seu critices, si, inquam, Discipulus Magistri pium erga sanctam Sedem affectum imitatus fuisset, Honorium ab omni erroris labe purum præstitisset. Nam quæ Pater Sirmundus monumenta ab Anastasio collecta edidit, certa sunt illius Pontificis fidei testimonia. Si testes eo majorem faciant fidem, quo & res quas narrant certiùs norunt, & ob vitæ integritatem, pietatem ac sanctitatem à mendacio magis abhorrent; dux illæ conditiones in iis eminuerunt, qui pro Honorio adducuntur.

3. Joannes IV. Papa zelo fidei, misericordiâ erga pauperes, constantiâ, & vitæ sanctitate conspicuus triennio post obitum Honorii Apologiam scripsit pro eo, quia Pyrrhus Patriarcha Constantinopolitanus hæresis suæ fautorem extitisse fal-

sò afferbat. In qua quidem Apologia Joannes explicat mentem Honorii, quam ostendit à Monothelitarum errore valdè fuisse diversam.

4. Eam autem interpretationem Joannes non pro suo erga Honorium affectu excogitaverat; sed ab eo ipso, qui Honorio ab epistolis fuerat, qui illas ipsas scripserat, quas Pyrrhus pro se interpretabatur, quique doctrinà, & pietate totum Occidentem, teste S. Maximo, illustrabat, diligenter sciscitatus erat veram dictantis sententiam.

5. Sanctus erat Maximus, qui Honorium tùm in disputatione cum Pyrrho, tùm in duabus epistolis paucis post annis defendit, atque adeò de mendacio minimè suspectus. Græcus erat, atque adeo nimio erga Ecclesiam Romanam studio minimè excæcatus. Coætaneus erat, & partem eorum quæ referebat, suis ipse oculis viderat, atque adeò veritatibus bene conscius.

6. Satis superque Launoio fuissent hæc testimonia, si Honorium defendum suscepisset, ut cum innoxium demonstraret, & ea dilueret quæ summo illi Pontifici opponit epist. 1. to. 3. & alibi, præsertim cùm testimonia prædicta omnibus, quæ adversus Pontificem illum proferuntur, antiquiora sint. Imò suffecisset silentium illustrium scriptorum satis antiquorum, v. g. Pauli Diaconi Aquileiensis, Theophanis, Georgii Monachi. Est enim illi admodum familiare istud argumenti genus. Sed eam laudem non ambibat: ad oppugnandum non ad propugnandum proclive erat ejus ingenium. Cumque receptis communiter opinionibus bellum frequentius indiceret, conjecturis supradictorum testimoniorum robore longè inferioribus uti cogeatur; quas tamen ceu demonstrationes habebat.

7. Liberii etiam exemplum commemorat Launoius. Peccavit ille quidem, ut verisimilius apparet: non tamen aliquid fidei contrarium Ecclesiæ credendum proposuit. Certè qui summo Pontifici negant non errandi privilegium, quia Liberius exilii ærumnarum pertæsus S. Athanasii condemnationi, & formulæ fidei veritatem integram non explicanti, sed falsi nihil continenti subscripsit, pari ratione Concilia Generalia errori obnoxia fateri cogetur, quia Concilium Ari-

minen-

nūnense Arianis ita favit , ut totus pœnè orbis Christianus miraretur se esse Arianum , & secundum Concilium Ephesinum S. Flavianum Episcopum Constantinopolitanum à sua Dignitate dejecit ; Eutichem hærésiarcham ob hærësim à Flaviano Synodicè dejectum restituit , ejusque errori non rejecto mutilo symbolo , patrocinarum est. Si autem Arimini , & Ephefi vim factam Episcopis , etiam verè Catholicis , fuisse respondeas : adeoque Concilio Oecumenico non esse tribuenda illorum gesta : similiter etiam quæ à Liberio fidem integram interiùs servante , extorta sunt , non debent ipsi , nisi ut privatæ personæ adscribi , quam à peccato tutam non facit Dignitas.

8. Peccatum autem Liberii alicujus hærësis promulgationem , aut etiam professionem non fuisse constat : quia fidei formula cui subscripsit , nullum exprimebat errorem ; Vide quæ optimè notavit Joannes David Doctor Gallicanus dissertatione de judiciis Canonicis Episcoporum cap. 7. art. 32. Sed , ut jam diximus , neque istum , neque alium quenkum Pontificem aliquid fidei contrarium tanquam de fide credendum proposuisse plures ostenderunt. Itaque pauca tantum adjicimus , quæ à Launoio , vel solo vel diligentius notata sunt.

9. Vel Bonifacium VIII. vel Clementem V. errasse ostendè nititur epist. 1. tom. 3. supra citatâ , quia Clemens V. constitutionem Bonifacii , quæ incipit , *Unam sanctam* , nullius esse , aut futuram esse roboris , & autoritatis decernit in cap. *Meruit. de privil.* sed falsum est quod ait Launoius Clementem V. in cap. *Meruit.* Constitutionem , *unam sanctam* , nullius esse , aut futuram esse roboris decrevisse. Declaravit enim dumtaxat se nolle Regi aut Regno Francorum per dictam constitutionem aliquod præjudicium generari , aut ampliùs Regem vel Regnum quàm antea Ecclesiæ subijci. Notentur verba hæc , *ampliùs quàm antea.* Hinc est ( inquit ) quod nos dicto Regi & Regno per definitionem , seu declarationem bonæ memoria Bonifacii Papa VIII. Prædecessoris nostri , quæ incipit , *Unam sanctam* , nullum volumus , vel intendimus præjudicium generari. Nec quod per illam Rex , Regnum , Regnicole prælibati ampliùs Ecclesiæ sint subijcti , quoniam antea existebant. Sed omnia intelligantur in eodem esse statu quo erant ante definitionem præfatam ; tam quantum ad Ecclesiam , quàm etiam quoad Regem & Regnum superius nominatos.

10. Nescio quâ fide possit Joanni XXII. invidia confuari, quasi definierit animas corpore exutas nonnisi post judicium finale Deum intuitivè visuras, cùm ipse tam apertè negaverit controversiam à se definitam. An solemnis definitio à summo Pontifice ita sit ut Ecclesiam lateat; cui nisi proponatur ut fide divinâ tenenda, solemnus haberi non debet? Mentem suam declarat Joannes epist. 1. *Ne super his qua de animabus separat-  
tis à corpore & purgatis, an citra resurrectionem corporum, Divinam essen-  
tiam visione illâ videlicet, quam vocat Apostolus facialem, videant, tam per  
nos quam per nonnullos alios in presentia nostra, recitando & allegando Sacra-  
mentum Scripturam, ac originalia & dicta Sanctorum vel alias ratiocinando,  
sepius dicta sunt, aliter, quàm per nos dicta & intellecta fuerant, intelli-  
gantur, ac dicantur, & amilys fidelium valeant inculcari: ecce quod nostram  
intentionem, quam circa statum animarum separataram habemus & habuimus,  
seriè presentium declaramus. Fatemur siquidem & credimus quod anima pur-  
gate separata à corporibus, sint in Cælo, Cælorum Regno & Paradiso cum  
Christo in consorcio Angelorum congregata, & videant Deum facie ad faciem,  
& Divinam essentiam clarè, in quantum conditio & status patitur anima se-  
parata.*

11. Si quis autem Joanni ipsi asserenti se contrarium an-  
tea non dixisse, nisi fortè recitando, & allegando Sacram Scripturam,  
ac originalia & dicta Sanctorum, vel alias ratiocinando, fidem adhibere  
dubitet, confirmabitur testimonio Doctorum Parisiensium  
tunc temporis à Rege Francorum Philippo VI. seu Valesio  
consultorum. Ipsi enim cùm sententiam suam promere ve-  
rerentur ob debitam summo Pontifici reverentiam, cò tamen  
adducti sunt, *Advertentes, inquit, quod multorum fide dignorum re-  
latione audivimus, quod quicquid in hac materia Sanctitas suas dixit, non asse-  
rendo seu opinando protulerit, sed solummodo recitando. In hist. Univers.  
Parisi. tom. 4. adan. 1332.*

Julium II. errasse contendit, quia definiit *Simoniam veram atque  
indubitatam hæresim esse, & Papam simoniacè electum non hæreticum modo,  
sed etiam hæresiarcham esse: verum Julius in ea Constitutione,  
quam sine dubio intelligit Launoïus, quæque incipit,  
Cùm tam Divino, &c. nihil definit de Simonia. Est enim illius  
Constitutionis scopus impedire, ne summus Pontifex simo-  
niacè eligatur. Eà occasione g. 1. hæresis Simoniacæ meminit,  
non definiens Simoniam esse hæresim, sed eam illo nomine  
notans,*



notans, quo in Jure Canonico passim insignitur. Non definit etiam Papam simoniacè electum hoc ipso fore hæresiarcham, sed eisdem pœnis plectendum, quibus si hæresiarcha existeret. *Si contigerit*, inquit, electionem Romani Pontificis *per Simoniacam hæresim celebrari . . . . . Electus non Apostolicus, sed Apostolicus, & tanquam Simoniacus (vel Simon Magus) & hæresiarcha, & ad prædicta omnia & singula perpetuò inhabilis habeatur & sit.* Verbum illud sit, refertur, ut patet, ad verbum, *inhabilis*, non autem ad verbum hæresiarcha. Voces autem *tanquam*, & *habeatur*, aperte declarant Julium nullam hic definitionem constituere circa hæresim Papæ simoniaci, nisi fortè definitionem appelles simplicem nuncupationem in jure usitatam; sicut non definit hujusmodi Pontificem simoniacè electum fore Magum, Ethnicum & Publicanum, licet §. 3. pernuittat *eum ut Magum, Ethnicum, Publicanum, & Hæresiarcham evitare.*

13. Pluribus in locis, sed præcipuè epist. 5. tom. 1. Launoii Sixti V. exemplum præfert, ut probet posse Summos Pontifices errare. Et quia nonnulli Theologi hoc sibi exemplum objicientes, non satis aptè respondisse videbantur, variis facetiis eorum doctrinam exagitat; ut ita non solum eorum responsiones, sed & sententiam quam tuentur, ridiculam exhibeat. Verùm satis est ut legantur verba illa Sixti V. quæ Launoii adducit, ut illa nullo modo ejus proposito favere Lector advertat. Sic enim Sixtus V. apud Launoium habet: *Illud sanè certum atque exploratum esse volumus nostros hos labores ac vigilas eò nunquam spectasse, ut nova Editio in lucem exeat, sed ut vulgata vetus ex Tridentina Synodi præscripto emendatissima, pristinaq; sua puritati, qualis primum ab ipsius interpretis manu stylog, prodierat, quoad ejus fieri potest, restituta imprimatur.* Addit Launoii; *Verba hæc virum sibi præfidentem, & de Bibliorum emendatione perfectissimâ securum objiciunt. At neque Bibliorum editio, neque Sixti diploma suppressa essent, nisi Sixtus errasset.* Possemus nos subungere; verba hæc Launoii Pontificiæ Dignitati infensum, & præ nimio illam persequendi ardore excæcatum objiciunt.

14. Quænam enim ex his Sixti verbis significant ipsum de Bibliorum emendatione perfectissimâ securum? An quia Pontifex declarat se eò spectasse, asserit etiam pervenisse? Semperne qui ad aliquem scopum tetendisse se affirmat, confidit etiam se eum

M m

atti-

attigisse? Quin etiam, si Sixtus declarasset se *Bibliorum emendationem perfectam affecutum*, ea verba de fidei certitudine nullatenus intelligi possent, sed tantum de morali, quæ post adhibitam accuratam diligentiam haberi potest. Non enim aliter accipi possunt illa verba, *quoad eius fieri potest*, quam ut indicent id cum absoluta securitate asseri non posse.

15. At, inquit Launoïus, *neque Bibliorum editio, neque Sixti diplomata suppressa essent, nisi Sixtus errasset*. Quasi verò error sola supprimendorum Actorum causa sit. Emendaverat Sixtus V. editionem vulgatam peritissimorum virorum operâ usus. Emendationem illam, quamvis admodum utilem, ad perfectiorem statum, sive repertis novis Codicibus, sive habitâ aliorum peritissimorum Virorum copiâ, perducere posse animadvertens Clemens VIII. editionem Sixti non suppressit; sed eam perficiendam, priusquam publicaretur, curavit. Quamobrem in lucem deinde fuit emissâ, præfixis & Sixti & Clementis nominibus, ut videre est in variis editionibus exinde factis cum alibi, tum in Gallia.

16. Cæterum quis cum voluptate non contempletur Launoïum inter tot conatus ad abrogandam Papæ infallibilitatem, tam diligenter, tamque frequenter Adriani VI. auctoritatem jectare; quasi cæteri Pontifices quamplurimi errassent, & omnes errare potuissent in proponenda Ecclesiæ universæ fidei doctrina; solius autem Adriani privati adhuc Doctoris, & antequam de Pontificatu vel ipse, vel alius quisquam pro eo cogitaret, infallibile fuisset judicium. At Pontifex factus sententiam non retractavit. Tot tamque gravibus negotiis & curis distentus fuit per illud tempus, aliundè satis breve, quo Ecclesiæ clavum tenuit, ut mirum non sit, eum de corrigendis Commentariis Scholasticis minime cogitasse. Sed etsi pristinam retinisset sententiam, num idcirco vinceret Launoïus? An privata Pontificis opinio solemnibus definitionis loco habenda esset? An in deneganda sibi infallibilitate solum infallibilis existimandus esset Pontifex?

## CAPUT XVII.

*An iudicium Papæ sit infallibile, quod ei Ecclesiæ consensus accedat: an verò ei accedat Ecclesiæ consensus, quod infallibile sit.*

1. **Q**Uæcumque hætenus dicta sunt, eò tendebant ut ostenderetur iudicium Papæ in fidei quæstionibus esse certissimum, antequam accedat Ecclesiæ consensus; imò ideo Ecclesiæ consensum accedere, quia certissimum est. Tribuitur enim, ut animadvertere licuit, illa certitudo promissioni Petro factæ, aut orationi pro illo à Christo correctæ, aut alii simili rationi, quæ indicat Romanum Pontificem, sicut in pascendi totius Gregis Christi, ac regendæ universæ illius Ecclesiæ officio; ita & salubris fidei ac morum pascus ab erroris veneno discernendi, & fratrum adversus hæresum status, per doctrinam à Patre cœlesti revelatam confirmandorum privilegio successisse. Id nihilominus in hoc capite specialius est ostendendum.

2. Illustrissimi Antistites Gallicani aliquid, & quidem eximium Summo Pontifici concedere voluerunt magnificis illis quartæ propositionis verbis; *In fidei quoque quæstionibus præcipuas Summi Pontificis esse partes, ejusque Decreta ad omnes, & singulas Ecclesias pertinere.* Hinc ad minimum colligendum videtur omnes, & singulas Ecclesias iudicio Papæ in causis fidei stare debere, donec reformetur à Concilio universali, etiamsi nondum Ecclesiæ universæ consensus accesserit. Equidem hoc pacto schismati occurritur, si modò fideliter fervetur ab omnibus & singulis Ecclesiis. Verùm (quæ est hominum conditio, ac propriæ sententiæ studium) difficile est, ut conquiescant partes, quamdiu iudicium prolatum errori obnoxium putabunt; itaque cum difficillima sit Concilii generalis congregatio, perpetuis diffidiis turbabitur Ecclesia. Cum autem innumera extant exempla hæresum absque autoritate Conciliorum generalium solo Romanorum Pontificum iudicio extinctarum, quod signum est illud tanquam infallibile fuisse susceptum; quor-

sum hodie præmissa commendatione obex apponitur, ne illi, utpotè reformabili internus præstetur assensus?

3. Nescio an aliquod habitum fuerit Concilium generale à primo Nicæno ad Tridentinum, quod absolutè necessarium à Catholicis judicaretur ad detegendam fidei veritatem. Neque enim ante Concilium Nicænum dubitabant Catholici; an Filius esset consubstantialis Patri, neque ante Constantino-politanum; an Spiritus sanctus esset consubstantialis Patri & Filio, & sic de cæteris Conciliis, quæ omnia necessaria fuerunt, non quod dubium esset inter Catholicos circa fidem, sed quod frangenda esset hæreticorum pertinacia, & inquirendæ viæ ad sistendum hæresis progressum, & promovendam fidei publicationem. Itaque Conciliorum congregatio nulum arguit erroris periculum in judiciis Papæ, quæ fortè præcesserant: è contra verò infallibilem eis certitudinem inesse ostendit præstitus ab Ecclesia universa consensus in damnatione infinitarum propemodum hæresum absque convocatione Concilii generalis, ut mox dicebam.

4. Certè si Papæ judicium ante Ecclesiæ universæ assensum non est irreformabile, nescio quæ sint præcipuæ illæ summi Pontificis partes, & ejus Decretorum vis in omnes & singulas Ecclesias. Nam & cujuslibet, non solùm Episcopi, vel Doctoris, sed etiam fidelis judicium est irreformabile accedente consensu Ecclesiæ. Cùm enim Ecclesia sit columna & firmamentum veritatis, errori fidei contrario consentire non potest. Ne igitur inanis sit autoritas B. Petro collata, cùm in præmium suæ fidei constitutus est Ecclesiæ fundamentum: ne confirmandis fratribus inutilis fuerit Christi pro ejus fide indeficiente oratio; ne illius curæ commissum sit Christi ovile absque certa discretionem pascuorum, quæ oves impinguetur, aut infectura sint; neve transeunte ad ejus successores officio, non transiisse quoque auctoritatem dicamus; ut in fidei quæstionibus præcipuas summi Pontificis esse partes asserere liceat; ejusque Decreta ab omnibus & singulis Ecclesiis tutò recipi possint; ne deceptis universis & singulis Ecclesiis Ecclesia universa (quod fieri nequit) decepta inveniatur, affirmandum videtur Ecclesiam judicio summi Pontificis idèò consentire, quia est infallibile, & illa nonnisi certæ veritati assen-

assentire potest; non verò illud iudicium ideo esse infallibile, quia Ecclesia ei consentit. Prius enim est rem esse certam, quàm Ecclesiam ei consentire. Summus Pontifex est omnium fidelium Doctor, atque adedò suscipienda est ejus doctrina, quia certa est; non autem solum certa est, quia suscipitur. Ille quidem Ecclesiæ consensus signum est certitudinis iudicii, quia, ut diximus Ecclesia errori consentire non potest. At non est certitudinis causa, sed illam potius supponit.

5. Hanc esse mentem Ecclesiæ, quæ in toto hoc libro adduximus, suadent argumenta. Sed præcipuè, quod ex universæ historiæ Ecclesiasticæ serie constet Ecclesias omnes, omniq̃ue tempore ad Romanam recurrisse in dubiis circa fidem, & ejus responsa tanquam oracula suscepisse, idq̃ue speciatim de Gallicana testatur S. Leo epist. 89. jam citatâ. *Nobiscum itaque vestra fraternitas recognoscat Apostolicam Sedem pro sui reverentia à vestra etiam Provincia Sacerdotibus innumeris relationibus esse consultam: & regula est ab universa Ecclesia recepta, causas fidei ad sanctam Sedem esse referendas; hanc tradidit S. Innocentius I. epist. 25. seu rescripto ad Milevitanum Concilium; Quoties fidei ratio ventilatur, arbitror omnes Fratres & Coepiscopos nostros, nonnisi ad Petrum, idest, sui nominis & honoris autorem referre debere: renovarunt plurimi alii Pontifices, & executi sunt Antistites, præsertim, ut diximus, Gallicani. Absurdum autem esset dicere consultum fuisse Romanum Pontificem tanquam Jurisperitum, aut Doctorem aliquem privatum, cujus sententiæ stare, vel ulteriori examini subijcere liberum esset consulentibus. E contra in omnibus ferè hujusmodi consultationibus fit expressa intentio permanentis in Ecclesia Romana & in ejus Pontifice indeficientis fidei Petri. Postulabatur ut pro ambiguitate tollenda confessio Episcoporum autoritate Sedis Apostolica firmaretur; quod docet exemplum S. Cæsarii Arelatenfis: inter epistolas Bonifacii II. epist. 2.*

6. In tota historia Ecclesiastica paucissimi reperiuntur Catholici, qui solemni Papæ iudicio circa fidem restiterint, eosq̃ue omnes in errore versatos eventus comprobavit, quod adhuc signum est, illud certissimum esse antequam accedat Ecclesiæ consensus; nec nisi ad convincendam hæreticorum obstinationem res iterum in Conciliis tractatas fuisse, an-

nuentibus ipsismet Pontificibus. Unde B. Augustinus, qui ut B. Cyprianum excuset, Concilium plenarium, sive generale alicubi videtur exigere ad statuendum indubitatum dogma, in aliis locis sufficere iudicium Romani Pontificis affirmat. Ita serm. 2. De verbis Apost. causam finitam esse post Romanorum Pontificum rescripta, licet nondum finitus esset error, declaravit. Verba jam alibi retulimus. Et caput 50. lib. 2. retractationum sic inchoat. *Postea quam Pelagiana hæresis cum suis autoribus ab Episcopis Ecclesie Romana, prius Innocentio, deinde Zozimo, cooperantibus Conciliorum Africanorum litteris, convicta atque damnata est; scripsi duos libros adversus eos, unum de gratia Christi, alterum de peccato Originali.* Illa autem convictio non potest intelligi de convictione argumentorum vi facta, aut de illius hæresis extirpatione. (Alioquin enim non fuisset opus, ut D. Augustinus duos illos libros postea scriberet, nec tamdiu perstitisset error) sed de iudicio irreformabili. Neque autoritate illa præditum erat iudicium ex eo quod accessisset Ecclesie consensus; tantum enim Conciliorum Africanorum fit mentio, quæ Ecclesiam universam representare nequaquam potuerant. Quamobrem sanctus Doctor epist. 157. quæ est ad Optatum, damnationem prædictorum hæreticorum per totum orbem tribuit autoritati eorundem Pontificum, Conciliis autem Episcopalibus (Africanis scilicet) solam vigilantiam, Cujus (hæresis) vel autores, vel certe acerrimi notissimique suasores, cum Pelagius, & Celestius extitissent, Conciliorum Episcopaliū vigilantia in adiutorio Salvatoris, qui suam tuetur Ecclesiam, etiam à duobus venerabilibus Antistitibus Apostolica Sedis, Papa Innocentio, & Papa Zozimo, nisi correcti etiam egerint penitentiam, toto Christiano orbe damnati sunt.

7. Animadvertite hic, prolatâ Romanorum Præsulum solemni sententiâ, damnationem in toto Orbe factam censerî; nondum enim Ecclesie universæ consensus accesserat, cum nondum constaret; an Episcopi encyclicas Summorum Pontificum litteras acceperint. Addit enim Augustinus: *De quibus exempla recentium litterarum, sive qua specialiter ad Afros, sive qua universaliter ad omnes Episcopos de memorata Sede manarunt, ne forte ad vestram Sanctitatem nondum pervenerint, vobis curavimus mitti ab eis fratribus, quibus & has litteras, ut tua venerationi dirigerent dedimus.*

8. Dum igitur S. Augustinus B. Cyprianum excusat S. Stephano

phano Papæ circa baptismi ab hæreticis collati validitatem resistentem; eo quod causa nondum fuisset à plenario Concilio definita, supponit iudicium illud non fuisse solemnem definitionem, quæ nonnisi post examinatam, & agitatam cum ea quâ par est diligentia causam profertur; sine qua diligentia vel à Conciliis etiam œcumenicis quæstiones ejusmodi definiri posse negat idem S. Augustinus de baptismo contra Donatistas lib. 2. cap. 4. *Quomodo enim inquit potuit ista res tantis altercationis nebulis involuta ad plenarii Concilii luculentam illustrationem, confirmationemq; perducì, nisi primò diutius per Orbis terrarum Regiones, multis hinc atque hinc disputationibus & collationibus Episcoporum pertractatum constaret?* Apertius in capite immediatè præcedenti dixerat; *Ipsa plenaria (Concilia) sæpè priora posterioribus emendari, cum aliquo experimento verum aperitur quod clausum erat, & cognoscitur quod lutebat.* Itaque non censebat irreformabilia esse Conciliorum judicia, nisi debitam adhibuissent ad detegendam occultam, & latentem veritatem diligentiam, quæ etiam sensu accipiendus esset sicubi videretur innuere, iudicium Summi Pontificis non esse irreformabile; ut scilicet intelligeretur de casu, in quo non præcessisset examen necessarium ad solemnem edendam definitionem. Quamquam non videtur Deus permissurus, ut vel Concilium generale legitimum, vel Summus Pontifex quidquam solemniter definiant, nisi præviâ discussione necessariâ ad omnimodam certitudinem. Alioquin enim liceret semper de illorum definitionibus dubitare, etiamsi nulla vis aperta intercessisset ad eas extorquendas. Quomodo enim privati Christiani scire possent, quo quantove opus fuisset examine, ac utrum decisionem antecessisset?

9. Atque ita sensisse S. Augustinum credendum est, nisi dicas, quod non est verisimile, ipsum solius Ecclesiæ universalis, non autem vel Concilii generalis, vel Summi Pontificis iudicium irreformabile putasse: quam doctrinam tradidit Panormitanus, inter Catholicos solus quem sciam.

10. Non recolo modo alium ex iis, quos Ecclesia veneratur ut Sanctos, præter Cyprianum tunc temporis errantem, Summi Pontificis iudicio circa fidei quæstionem repugnasse. Imò dum alius quis circa principalia disciplinæ capita à Romano Pontifice dissensit, sequiorem partem secutus fuisse totius

Ec-

Ecclesiæ judicio compertus est. Ita v. g. referente Eusebio Ecclesiæ hist. lib. 5. cap. 23. & 24. cum S. Polycarpus à S. Aniceto, ac postmodum alii Asiæ Episcopi ab aliis Pontificibus Romanis dissentirent circa diem, quo celebrandum erat Pascha, licet in favorem Asianorum S. Joannis Apostoli, & aliorum Sanctorum Traditio, imò Evangelium ipsum allegaretur, prevaluit judicium Summorum Pontificum, Pascha die tantum Dominico celebrandum statuentium, sententiæ Asianorum decimâ quartâ Lunâ, quocumque die accideret, sive Dominico, sive alio illud celebrantium, plurimisque Conciliis, etiam primo generali Nicæno decretum est, Pascha die Dominico fieri debere.

II. Non tamen usque ad Ecclesiæ consensum in Concilio Nicæno, ac in aliis præstitum suspensa est vis judicii Romani Pontificis. Nam, ut verbis Eusebii ex antiqua versione utar; *Victor, qui tum Romana Ecclesia præerat, totius Asia Ecclesias cum aliis finitimis, tanquam alterius fidei, & opinionis, simul omnes ( ut complectar brevi ) à communi unitate Ecclesiæ amputare conatur, & in eos per litteras graviter invehitur: atque omnes fratres eam incolentes Regionem, propterea à communione secludendos edicit.* Tantum aberat, ut S. Victor decreti sui validitati necessarium crederet Ecclesiæ universæ consensum, ut plurimas Ecclesias invitas ad consensum illum censuris compelleret. Licet autem aliæ Ecclesiæ, quæ Victori circa diem celebrandi Paschatis consentiebant, censurarum usum contra tot Ecclesias Orthodoxas non probarent; auctoritatem tamen non negabant, ut videre est apud Eusebium loco citato, ubi de sancto Irenæo Episcopo Lugdunensi nominatim sic scribit; *Irenæus quamquam per litteras scriptas ex persona fratrum in Gallia quibus præerat, tradit Mysterium Resurrectionis Domini solo die Dominico recolendum quidem esse: Victorem tamen de hoc, videlicet ne tam multas Ecclesias omnino propter traditionis ex antiqua consuetudine inter illas usurpata observationem a corpore universæ Christi Ecclesiæ penitus ampuet, cum pleraque alia, tum ista, quæ sequuntur, appositè & convenienter admonet, &c.* Nota hæc verba, *A corpore universæ Christi Ecclesiæ penitus ampuet*, quæ apertè significant Romani Pontificis in universam Ecclesiam auctoritatem. Non enim Victor ab illarum Ecclesiarum communione solus recedebat, sed eas ab universo Ecclesiæ corpore sequestrabat. Si cui fortè nimius videretur ejus Pontificis



cis erga tot Ecclesias rigor pro re ad fidem, saltem proximè, non spectante, causas legerit apud Baronium ad annum 198. rigorem illum tunc temporis necessarium fuisse ostendentem.

12. Sed ut redeamus ad quæstiones fidei, hæresibus, & schismatis via panditur in tanta congregandarum hodie Synodorum Generalium difficultate, & tam modicâ inter diversarum, vel etiam inimicarum ditionum, & nationum Præsules communione, nisi judicium Romani Pontificis tanquam certissimum suscipiendum sit. Quamobrem consultius est modernorum Antistitum Gallicanorum declarationem postponere sententiæ aliorum multò plurium, qui non ita pridem, & consulendam sanctam Sedem in quæstionibus fidei, & ejus Decretis internum animi obsequium deberi, etiam antequam Ecclesiæ universæ consensus accesserit, tam apertè declaraverant, ut eorum mens nullis argutiarum nebulis possit obscurari. Sic enim legimus in litteris octuaginta quinque Episcoporum Galliæ ad Innocentium X. an. 1653. scriptis. *Majores causas ad Sedem Apostolicam referri sollemnis Ecclesia mos est, quem fides Petri nunquam deficiens perpetuò retineri pro jure suo postulat. Equissima huic legi obsequentes, &c.* Vides hic, jus esse Romani Pontificis in fide Petri nunquam deficiente fundatum, ut majores causæ ad eum referantur. Audi jam quanta sit ejus Decretorum vis & efficacia; *Experta est nuper Beatitudo vestra quantum Apostolica Sedes in gemini capitis errore profligando valuerit autoritas. Continuo sedata est tempestas, atque ad Christi vocem venti, & mare obediunt.* Non esse autem necessarium reliquorum Episcoporum consensum, ut illis Decretis Christiani omnes, ipsius quoque mentis obsequium præstare teneantur, docent aliæ litteræ à 30. ex iis Episcopis, reliquis absentibus, scriptæ eidem Pontifici 19. Julii eodem anno; *Non solum ex Christi Domini Nostri pollicitatione Petro factâ, sed etiam ex actis priorum Pontificum, & ex Anathematismis adversus Apollinarium, & Macedonium, nondum ab ulla Synodo Oecumenica damnatos, à Damaso, paulò ante jactis, IUDICIA PRO SANCIENTIA REGVLÆ FIDEI A SUMMIS PONTIFICIBUS LATA SUPER EPISCOPORUM CONSULTATIONE (SIVE SVAM IN ACTIS RELATIONIS SENTENTIAM PONANT, SIVE OMITTANT, PROVT ILLIS COLLIBERIT) DIVINA EQVE, AC SVMMA PER VNIVERSAM*

466 TRACTATUS DE LIBERTATIBVS;  
 ECCLESIAM AVTORITATE NITI: CUI CHRISTIANI OMNES  
 EX OFFICIO IPSIVS QVOQUE MENTIS OBSEQUIVM PRÆSTA-  
 RE TENEANTVR. *Eâ nos quoque sententiâ, ac fide imbuti, &c.* Licet  
 autem hic Episcoporum sententiæ mentio fiat; tamen, præ-  
 terquam quod eam exprimi non esse necessarium declaratur, de  
 Episcopis tantum consulentibus est sermo, quorum nomine  
 non intelligitur Ecclesia; quippe cum vel singulares, vel  
 alicujus Provinciæ aut Regni, non totius orbis Antistites si-  
 mul sanctam Sedem consultant. Unde circa finem Epistolæ ad-  
 dunt Præsules Gallicani; Porro nos Innocentio X. cujus ore Petrus lo-  
 quutus est, ut Leoni I. acclamabat quarta Synodus, hanc Divinam lauream  
 granulati, sacros inter Ecclesia fastos, quod olim de Synodis Oecumenicis fie-  
 ri solitum, constitutionem istam ab eo editam lubentes ex animo repone-  
 mus.

13. Eadem fuit antiquorum Gallorum sententiâ, ut jam  
 probavimus, & adhuc probari posset. Epistola sex Episcopo-  
 rum ad Innocentium II. an. 1140. scripta inter S. Bernardi  
 Epistolas 370. sic incipit; NULLI DVBIVM EST QVOD EA,  
 QVÆ APOSTOLICA FIRMANTVR AVTORITATE, RATA SEM-  
 PER EXISTVNT, NEC ALICVIVS POSSVNT DEINCEPS MU-  
 TILARI CAVILLATIONE, VEL INVIDIA DEPRAVARI. EA  
 propter ad vestram Apostolicam Sedem, Beatissime Pater, referre dignum cen-  
 suimus, quodam, qua nuper in nostra contigit tractari presentia. Qua quo-  
 niam & nobis, & multis Religiosis & sapientibus viris rationabiliter acta visa  
 sunt, vestra serenitatis expectans comprobari judicio, simul & autoritate per-  
 petuo roborari.

14. Potho Presbyter Prumiensis de statu domus Dei lib. 3.  
 Hoc namque privilegium, inquit B. Petro Apostolorum Principi Cælesti De-  
 creto principaliter traditum atque firmatum, sancti Patres cum magna venera-  
 tione suscipientes, atque sanctam Romanam Ecclesiam servantes; tam in Gene-  
 ralibus Conciliis, quam & in cæteris scripturis, & gestis suis, universalem  
 Matrem appellaverunt, & sicut ejus documenta in confirmatione fidei, & eru-  
 ditione sacra Religionis, ita etiam judicia susceperunt in hoc consentientes, &  
 quasi uno spiritu, & una voce concordantes, omnes majores res, & præcipua  
 negotia, nec non omnium Ecclesiarum judicia ad eam quasi ad Matrem & Ca-  
 put debere referri, ab ea nusquam appellari, judicia ejus à nemine retractari,  
 aut resilli debere vel posse.

15. Præverat illi ejusdem Monasterii Abbas Regino, qui  
 longè

ECCLESIAE GALLICANÆ. LIB. VII. 467  
longè antea scripserat in Chron. ad annum 859. quod jam supra retulimus ; scilicet STULTITIÆ QUIDEM ELOGIO DENOTANDI , QUI ILLAM PETRI SEDEM ALIQUO PRAVO DOGMATE FALLERE POSSE ARBITRATI SVNT , QUÆ NEC SE FEFELLIT , NEC AB ALIQUA HÆRESI VNQVAM FALLI POTVIT.

## C A P U T XVIII.

### *De Autoritate summi Pontificis circa Censuram Librorum.*

1. **A**ccendit nostro ævo multorum Litteratorum animos vehemens nova circa res antiquas scribendi prurigo ; quasi nihil jam laudis esset in sequendis communibus sententiis , aut certiùs moderni scire possent quæ primis sunt gesta temporibus , quàm qui viciniore extiterunt. Si novitatis amor ille circa disciplinas tantum humanas & naturales versaretur , æquiori animo ferretur , ut minùs utilibus studiis occupati subtilioris ingenii acumen in illo exercerent , atque illinc , quam fortè ambiunt , qualemcumque gloriam perciperent. Sed ipsam etiam Religionis disciplinam tentant : quam circa , quoniam innumeri prodierunt libri , parvi æstimandi viderentur qui de novo eduntur , nisi legendi cupiditatem acueret novitas , aut forsàn temeritas. Unde fit ut multitudo Doctorum , quorum tanta fuerat penuria , tantaque necessitas ad hæreticos , Catholicorum inscitiam magis , quàm propria eruditione venenum erroris facilè propinantes , veritatis solidè ac scitè propositæ vi cohibendos , incipiat ferè ipsi Ecclesiæ gravis evadere , ob nimiam librorum illorum copiam , quorum lectio propter subtiliorem & audaciorem doctrinam Christianæ simplicitati , docilitati , atque adeò religioni non parùm nocet , vel saltem hoc habet incommodi , quod ab evolvendis utilioribus antiquorum operibus avertat , ac disputandi magis , quàm benè vivendi studium pariat.

2. Quoniam autem Romani Pontificis , utpotè supremi  
N n n 2                      Pasto-

Pastoris est, curare ut oves sibi à Christo commissæ in Pascua omninò salubria inducantur; dare operam debet, non solum ut error à veritate discernatur, quid orthodoxum, quid hæreticum, quid salubre, quid corruptum sit declarando; sed etiam ut amoveantur pericula sorbendi veneni sub specie salutiferi potus, ac cibi proficui. Qua in re, cum nihil sit humanæ præsumptioni & arrogantiae gravius, quàm si opera, quæ plerique Autores magis deplorant, quàm parentes proprios liberos, censurâ publicâ inurantur; raros videas qui adversus suorum librorum Judicem non obmurmurent; multos qui sententiam iniquitatis accusent; nonnullos qui in Pontificem calamum convertant.

3. Vix quidem inter Catholicos quemquam reperias, qui jus illud damnandorum, prohibendorumve librorum Romano Pontifici competere neget. Sed multi ejus censuram violentes, inobedientiæ culpam obvolvère futilibus excusationibus conantur, obtendentes illam, sicut alia pleraque Decreta, ultra montes vim non habere, quasi Romani Pontificis potestas à Christo fuerit Alpibus circumscripta, vel Ecclesia monstruosum corpus sit, cujus pars capitis ductum sequi, altera se ipsam regere debeat. Alii, ut liberiùs Pontificis ordinationibus sese subtrahant, eas asserunt non à Pontifice proficisci, sed à Congregationibus, in quibus Monachorum, antiquioris, reconditoris ac solidioris litteraturæ ignarorum, & certis quibusdam Scholarum formulis serviliter addictorum, suffragia prævalcant; quasi Decreta, in scio Papâ, nec ad eum factâ fidei omnium relatione, ab Officialibus ad id muneris deputatis proferrentur, aut deberet illa edere Pontifex non adhibitis convenientibus mediis, Theologorum scilicet consultationibus: aut illorum dumtaxat expectenda essent suffragia, qui sibi cæteris doctiores videntur ac sapientiores.

4. Apostolicum est oraculum, quod *corruptum mores bonos colloquia mala* 1. Cor. 15. vers. 33. cujus veritatem etsi Spiritus Sancti autoritas indubitatam non faceret, infelix nimis experientia comprobaret. Est enim sermo malus status pestilens, qui homines innumeros inficit, ac plerosque interficit, non solum simplices & incautos, sed etiam sibi prædientes.

Tunc

Tunc autem periculosior est corrupta doctrina, cum ex libris hauritur. Qui enim ad legendum accedit, discipuli affectum atque docilitatem affert: ac sæpè Autorem, scriptis differentem, ceu Magistrum habet, quem vivâ voce loquentem audire dedignaretur. Præterea difficile est, ut liber cum voluptate legatur, (quemadmodum ferè semper legitur: quisenim invitus lectionem prosequitur) quin ei fides habeatur; præsertim si, ut solet, error sub verborum lenocinio, aut compositionis artificio latens propinetur. Sapientissimum igitur Pastorum, ac præcipuè Supremi consilium est, ut fideles sibi subditos à legendis perniciosis libris avertant, ipsosque libros exterminent.

5. Quod non est de illis tantum accipiendum, qui doctrinam continent apertè falsam ac malam. Hi enim non nisi volentes decipiunt, aut fortè omninò ignaros: at verò qui venenum occultum gerunt, etiam prudentiores fallunt. Undè non rarò contingit, ut perniciosiores sint ac viri longius profundant, quàm ii, quorum aperta corruptio fideles salutis suæ non immemores à lectione dehortatur.

6. Quamobrem miror, quod in Gallia tam parvi fieri videantur Decreta libros damnantia, vel prohibentia. Eorum Autores fortasse sua opera iniquè notata ob nimiam existimationem credentes, aut ad fugiendum pudorem aliis suadere conantes, violationem præcepti excusant sub eo injustitiæ prætextu: alii verò propensione naturæ corruptæ ad falsam libertatem inditæ indulgentes nituntur in vetitum, excitatâ per prohibitionem curiositate.

7. An enim deest summo Pontifici autoritas ad damnandos ac prohibendos malos libros? An ejus judicia in fidei ac morum quæstionibus ad omnes & singulas pertinebunt Ecclesias, eisque omnes Christiani parere tenebuntur: & impunè contemni poterunt ejus Decreta, libros, quos ipse judicavit hæresim continere, aut doctrinam ad fidei, vel proborum morum corruptionem, inducentem, à fidelium manibus amoveant? Sanè quantumvis angustis limitibus coerceas supremi Pastoris potestatem, non vidéo: qua ratione quis diffiteri queat, ipsum jus habere impediendi

quò minus fides ac mores Christianorum in discrimen per doctrinam ad minus periculofam adducantur ?


8. Hanc ejus facultatem Conciliis Generalibus non effe subordinatam significavit Concilium Tridentinum in continuatione feff. 25. cap. 3. ubi librorum examen à Patribus ad id deputatis confectum Romano Pontifici exhiberi præcipitur ; ut res, ejus, non autem Concilii, à quo inchoata fuerat, autoritate concludatur ; *Sacrofancta Synodus*, hæc sunt verba Decreti, in 2. *feffione sub sanctiffimo Domino nostro Pio IV. celebrata, delectis quibusdam Patribus commiffis, ut de variis cenfuris, ac libris, vel fufpectis, vel perniciofis, quid factu opus effet, confiderarent ; atque ad ipsam sanctam Synodum referrent : audiens nunc huic operi ab eis extremam manum impofitam effe ; nec tamen, ob librorum varietatem, & multitudinem poffit diftinctè, & commodè à sancta Synodo judicari ; præcipit, ut, quidquid ab illis præftitum eft, SANCTISSIMO ROMANO PONTIFICI EXHIBEATUR : VT EIVS IUDICIO, ATQVE AVTORITATE TERMINETVR, ET EVLGETVR.*

9. Sed ut Gallis domesticum & antiquum Canonem proponamus, audi Concilium Turonenfe fecundum an. 567. can. 20. fummi Pontificis autoritatem, ftyle rei gravitate digno, vindicantis ; *Et quorum Autorum valere poffit prædicatio, nifi quos Sedes Apostolica femper aut intromiffet, aut Apocryphos fecit, & Patres nostri hoc femper cuftodierunt quod eorum præcepit autoritas ?*

10. At, inquires, libris qui reprobantur, bona in funt plurima : quidni ergo juxta Pauli præceptum primæ Theffal. 5. Omnia probentur, ut quod bonum eft teneatur ? Refpondeo eum delectum non ad quemlibet pertinere ; fed ad peritos : nec ad illos quidem, nifi ex commiffione ; aut cum licentia, poftquam autoritate Superiorum Ecclefiafticorum libri prohibiti funt. Alioquin inutilis erit omnis cenfura. Quotus enim quifque eft inter eos, qui litteris operam dederunt, adeò modestus, ut fuam eruditionem agnofcendis in libris quos legit, erroribus, aut fuam virtutem rejiciendis illis imparem arbitretur ? Præterea num defunt Ecclefie libri, quos inoffenfo pede quifque percurrat ? Num quæ nobis fcitu neceffaria, vel utilia funt, alibi reperire licet, quàm in hujufmodi libris ad minus fufpectis, atque adeò periculofis ?


11. Sed

II. Sed vanus , aut etiam injustus est timor ad librorum valdè utilium damnationem aut prohibitionem impellens. Autoris justè damnati , vel viri errori jam adhærentis , aut de se arroganter sentientis voces sunt istæ. Pius enim ac humilis Christianus in obedientia legitimis superioribus præstitâ securius ad salutem præsidium positum , quàm in mediis , proprio arbitrio , ac contra Ducis à Christo constituti præceptum adhibitis , confidit. Quandonam tanta est legendi alicujus libri prohibiti necessitas , tam tuta omnis ejus doctrina , tantè probè affectus Lector , ut judicare liceat rem Deo gratiorem præstiturum , qui ejus Vicarii mandatum hujusmodi lectione violaverit ? Nonne ita sentientium temeritas meretur , ut à Deo deferantur , & in errorem aliàs facilè devitandum impingant. Equidem , si attentè observaveris , paucos videas libris prohibitis evolvendis delectari , qui aliquo pravo vel periculoso præjudicio non sint imbuti.



## LIBER OCTAVUS

*De origine Jurisdictionis Ecclesiasticæ.*

I.  Uemadmodum Illustrissimi Antistites Gallicani quæstiones gravissimas, ac sopitas excitarunt, easque contra sanctam Sedem præjudicarunt, eo, quantum ex temporis circumstantia conjicere licet, sine, ut summum Pontificem à proferendo circa Regaliæ controversiam judicio deterrent; aut, si quod pronunciaret, minoris videretur esse autoritatis; ita & ipsi, & qui eorum partibus favent, jurisdictionem Episcoporum extollere satagunt; utdepresâ illinc dignitate sanctæ Sedis, elatâ hinc Episcoporum potestate, minoris culpæ videatur contemptus, sive neglectus Decretorum Papæ, libertatem Ecclesiarum Gallicanarum tuentis. Idcirco inculcatur frequenter Jurisdictionem Episcoporum ita esse de Jure Divino, ut eam à sancta Sede neutiquam accipiant.

II. Satiùs esset ut omissis hujus contentionibus, inter caput, & membra is vigeret consensus, quem sanitas corporis postulat, ne scissuræ fierent, quæ nunquam sine periculo, imò nunquam



quam sine damno contingunt. Sed metuunt fortassis Præsules, ne, si suam jurisdictionem à summo Pontifice recognoscant, nimis Episcopalis auctoritas vilescat: verùm nonne tantundem metuendum est, ne Papæ mandata pro Ecclesiæ utilitate contemnantur ab Episcopis, si suam jurisdictionem, non secus ac ipse suam, à Deo immediatè se obtinere arbitrentur? Jure Divino Romanus Pontifex in alios Episcopos Primatum etiam jurisdictionis habet; satis hoc est, ut justa ejus præcepta non possint ab eis absque culpâ detrectari, aut negligi. Data est illi hæc potestas in ædificationem, non in destructionem; sufficit hoc, ut nonnisi justa, & possibilia præcipiat. Supprimendæ fuerant aliæ contentiones.

III. Verùm tamen quoniam ex origine jurisdictionis, pendere quodammodo creditur, & vis præcipiendi, & obligatio parendi, juvat hic eam paulò diligentius investigare.

## C A P U T P R I M U M.

### *Quid sit Jurisdictio Ecclesiastica.*

1. **I**N communi quidem Jurisdictio auctoritatem quandam significat, vel in personas, vel in res, ut rectè, justèque ordinentur; Jurisdictio autem Ecclesiastica dicitur Jus illud, quod pænes Ecclesiasticos Pastores est, ut & Christiani Homines, & res Deo consecratæ, ad Dei cultum, & Religionis exercitia ritè disponantur.

O o o

2. Ut

2. Ut ista Jurisdictionis descriptio magis elucidetur, & quid in controversiam veniat, unusquisque facillè possit agnoscere, animadvertere juvat, in Ecclesiæ Ministro quinque distingui; Primò characterem, cum potestate in eo fundata offerendi Sacrificii, aut aliqua munia circa illud obeundi; Extremam unctionem, &, si Episcopus ordinetur, Confirmationem etiam & Ordinem conferendi. Secundò potestatem ligandi, & solvendi in foro interno, idest peccata audiendi, convenientes pro eis satisfactiones injungendi, & remittendi, vel, si opus sit, retinendi, & hoc quidem indefinitè, hoc est non assignatis personis, in quas debeat, aut possit potestas illa exerceri. Tertiò determinationem illius potestatis ad certas personas, quæ illi potestati subjiciuntur. Quartò potestatem ligandi & solvendi in foro externo, idest in ordine ad Ecclesiam, & communitatem, Leges ferendo, ad earum observationem obligando, ab iis dispensando, Censuras ferendo, ab iis absolvendo, aliæque præstando, ad externum fidelium regimen necessaria. Quintò potestatem etiam in hac potestate, quæ forum externum respicit, considerari ordo ad subditos determinatos; quamvis ille ordo sive subditorum assignatio, vix ab ipsius potestatis collatione sejungatur.

3. Character imprimitur, & potestas circa Sacrificium communicatur in receptione Sacramenti Ordinis, in quo, quia non solum circa Christi corpus naturale, sed etiam circa mysticum operandi datur facultas, cum Spiritus sanctus accipitur, obtineretur potestas retinendi & remittendi peccata: sed quia nullius momenti est ea sententia, quæ profertur in non subditum, si tempore Ordinationis non supponatur ordinato plebs aliqua, sibi collatâ uti non poterit facultate, donec Diœcesi, Parochiæ, aut aliquibus fidelibus præfectus fuerit.

4. De duobus primis, scilicet de potestate offerendi Sacrificii, & potestate solvendi, vel ligandi sine ordine ad aliquos subditos, vix aliqua nascitur difficultas. Licet enim possit Episcopus ordinare Clericos, vel ab eorum ordinatione abstinere, licentiam sacrificandi, vel concedere, vel negare; tamen ubi quis semel ordinatus fuerit, characterem utpote

potè indelebili, nunquam spoliari poterit, adeoque, quamvis licitè justum superioris mandatum circa celebrandam Missam transgredi non possit; tamen si transgrediatur, verè sacrificium conficiet, etiam invito superiore. Usu quoque solvendi vel ligandi carebit, sed non potestate illa, quasi aptitudinali, quippè cum, ut diximus utriusque fundamentum sit character, quem semel à Deo impressum nullus mortalium possit delere. Circa jurisdictionem in foro externo maximè, vel etiam in foro interno, quoad usum, & applicationem, est controversia; de qua in proximè sequentibus capitibus.

5. Sed in ipso limine gravissima occurrit difficultas; cur scilicet potestas jurisdictionis necessaria sit, ultra potestatem Ordinis, quatenus ista refertur ad Corpus Christi mysticum. Etenim cum ordinatur Sacerdos, non solum traditur ei potestas conficiendi verum Christi Corpus, sed etiam sanctificandi ejus corpus mysticum, idest fideles, per absolutionem à peccatis, ut patet ex ordinationis forma. Cujus igitur rei Sacerdos indiget ad absolvendum à peccatis, postquam ad dandam illam absolutionem Spiritum sanctum tempore ordinationis accepit: Cum hæc verba; *Accipite Spiritum Sanctum quorum remiseritis peccata, remittuntur eis, & quorum retinueritis retenta sunt*, quæ Sacerdotibus, dum ordinantur, ab Episcopo dicuntur, illa ipsa sint, quæ Christus protulit, cum Apostolos Sacramenti pœnitentiæ Ministros constituit: Cur modò minoris erunt, quàm tunc, efficaciæ? Cur sicut tunc Apostoli absque nova facultate poterant à peccatis absolvere quoslibet fideles, non poterunt etiam modò Presbyteri?

6. Nemini quidem fideli dubitare licet, quin præter potestatem Ordinis requiratur adhuc alia, scilicet Jurisdictionis, ut qui jam Sacerdos ordinatus est, peccata validè remittat. Id enim definitum est à duobus Conciliis Oecumenicis, Florentino scilicet, & Tridentino. Declarat Concilium Florentinum in Decreto unionis Armenorum, quod *Minister hujus Sacramenti (Pœnitentiæ scilicet) est Sacerdos, habens auctoritatem absolvendi, vel ordinariam, vel ex commissione superioris*.

7. Clariùs illam distinctionem expressit Concilium Trid. sess. 14. de Sacramento Pœnitentiæ cap. 7. *Quoniam igitur natura, & ratio judicii illud exposcit, ut sententia in subditos dumtaxat feratur,*

persuasum semper in Ecclesia Dei fuit, & verissimum esse Synodus hac confirmat, nullius momenti absolutionem eam esse debere, quam Sacerdos in eum profert, in quem ORDINARIAM, AUT SVBDELEGATAM non habet jurisdictionem. Constat igitur, quod *quavis*, ut inquit idem Concilium sess. 23. de Reform. cap. 15. *Presbyteri in sua ordinatione à peccatis absolvendi potestatem accipiant*, cā tamen uti non possunt etiam validè, nisi eis subijciantur fideles, quod idem de aliis jurisdictionis partibus dicendum est.

8. Quomodo autem illa Jurisdictionis potestas à potestate Ordinis differat, non ità facilè explicatur. Deus quidem potestatem solvendi, & ligandi per se immediatè confert omnibus Episcopis & Presbyteris. Ad ipsum enim solum pertinet remittendarum injuriarum in se commissarum facultatem concedere. Sed quia hoc debet fieri per modum judicii: judicium autem à superiore in subditos ferendum est; non potest facultas illa solvendi ac ligandi in usum reduci, nisi ab eo qui subditos habeat. Quæ Prælatio seu subditorum assignatio, Jurisdictio dicitur. Quamvis autem omnibus Presbyteris in ordinatione dicatur; *Accipite Spiritum Sanctum, quorum remiseritis peccata remittuntur eis, &c.* Solis tamen Apostolis antea dictum est à Christo; *Sicut misit me Pater & ego misso vos*, quibus verbis secundum probabiliorem sententiam jurisdictionem, & quidem amplissimam illis contulit, cæteris autem, quibus illa missio in ordinatione non datur, præter Ordinem necessaria est alia potestas, quæ dicitur Jurisdictio. Discrimen inter potestatem Ordinis & potestatem Jurisdictionis alii aliter exponunt; Omnes tamen, quod ad propositum nostrum satis est, consentiunt illas distinctas esse, utramque ad validam Sacramenti administrationem, saltem extra casum mortis requiri, neutram seorsim sufficere; atque Jurisdictionis eam esse vim, ut potestas absolvendi à peccatis in ordinatione accepta, validè possit exerceri circa plebem, aut personas aliquas determinatas, circa quas nullum esset alioquin ejus exercitium. Videri potest Suarez de pœnit. disput. 16. sect. 3.

9. Præcipuus hujus libri scopus est Jurisdictionis causam inquirere: & de primaria quidem atque originaria, non est ambigendi locus. Certum enim est, ut jam innuimus, illam Christo

Christo acceptam referri debere, qui ait Matt. 28. *Data est mihi omnis potestas in Cælo, & in terra. Euntes ergo docete omnes gentes; & Joan. 20. Sicut misit me Pater & ego mitto vos, accipite Spiritum Sanctum, &c.* De proxima verò Jurisdictionis causa non ita constat. Summum quidem Pontificem à Deo ipso suam jurisdictionem habere, non autem ab Ecclesia, soli Hæretici negant, quamvis ejus exercitium, seu usum Ecclesiæ dispositioni nonnulli Catholici, quos secuti sunt nuper Illustrissimi Antistites Gallicani, subesse contendant. De iis è contra, qui jurisdictione tantum delegatâ præditi sunt, vulgata Theologorum, & Jurisperitorum doctrina est, eos à suis delegantibus potestatem mutuari. Difficultas igitur tantum est de jurisdictione ordinaria cæterorum Prælatorum, utrum à Deo sit immediatè; an autem ab eo, qui Titulum, Beneficium, seu Dignitatem, cui annexa est, confert.

## C A P U T I I.

*De distinctione, ac distributione Dignitatum Ecclesiasticarum.*

1. **A** Scensurus in Cælum Christus prædicare, baptizare, & docere per universum mundum omnibus Apostolis præcepit his verbis Matt. ult. *Data est mihi omnis potestas in Cælo, & in terra. Euntes ergo docete omnes gentes baptizantes eos in nomine Patris & Filii, & Spiritus Sancti, docentes eos servare omnia quaecunque mandavi vobis.* Verum quamvis quilibet Apostolus posset in qualibet mundi parte ea omnia efficere: tamen ex communi consensu, & ex Sancti Spiritus instinctu diviserunt sibi orbis terrarum Provincias, ac in quam quisque profecturus esset, decreverunt, ut sic ordo servaretur, & facilius adimpleretur Psalmistæ vaticinium. *In omnem terram exivit sonus eorum, & in fines orbis terra verba eorum* Psal. 18.

2. Joannes Gersonius ita factam suspicatur inter ipsos etiam Apostolos divisionem, ut non posset quilibet in quemlibet uti sua potestate, sed tantum in assignatam sibi quisque Provinciam, ut jam tunc Monarchicum regimen exerceretur.

# 478 TRACTATUS DE LIBERTATIBVS,

Et forte, inquit Gersonius de potestate Ecclesiastica consid. 9. quoad usum, vel exercitium potestatis Ecclesiastica sic evenit ipsi etiam Apostolis, & Discipulis, quod post immediatam concessionem utriusque scilicet potestatis, & usus, factam à Christo, postmodum crescente numero fidelium, fuit ad tollendum schisma, & ad exemplar dandum Posteris. Limitatio facta talis potestatis quoad usum, & hoc per Petrum summum Pontificem de consensu totius Ecclesie primitiva, vel generalis Concilii, ut non quilibet posset in quemlibet uti potestate sua, attentâ Christi ordinatione primaria, qui voluit Ecclesiam suam regi principaliter SVB VNO, ET AB VNO MONARCHA, sicut est una fides, unum Baptisma, & una Ecclesia unitate capitis tam primarii, quàm Vicarii, quoniam iste est optimus Principatus præsertim in spiritualibus ad conservationem unitatis fidei, ad quam obligantur omnes. Non tamen adeò scrupulosè observata videtur ab ipsis Apostolis illa Provinciarum distinctio, ut si qua sese offerret occasio, non susciperetur ab uno cura illorum, qui videbantur ad alterum pertinere, dummodò nulla hinc oriretur perturbatio. Itaque Paulus postmodum convertendis præcipuè Gentibus destinatus, circa Judæos plurimum laboravit, similiter & Petrus, qui Judæorum peculiarem sibi curam assumpserat, prædicavit etiam Gentibus, atque apud eas Primatus sui cathedram constituit.

3. Quoniam autem Apostolis nec ubique adesse, nec semper vivere datum fuerat, necesse fuit, ut potestatem suam cum aliis communicarent, qui Apostolica munia, defunctis illis, aut absentibus, obirent: *hujus rei gratia*, inquit Paulus ad Tit. 1. *Reliqui te Creta ut ea qua defuncti corrigas, & constituas per Civitates Presbyteros, sicut & ego disposui tibi.* Sed quæ in Apostolis plenissima, & unita fuit, inter alios est divisa pro Apostolorum arbitrio, à quibus alii uni tantum Civitati præpositi sunt, alii pluribus: alii plebi tantum, alii etiam Pastoribus; unde orta creditur Patriarcharum, Exarchorum, Primatum, Metropolitanorum, & Episcoporum varietas: Quæ eò pertinet; ut ordinatè cuncta in Ecclesia gerantur, quemadmodum de divisione inter Apostolos ipsos factâ notavit Gersonius.

4. Limitatam ab Apostolis Episcoporum Jurisdictionem fuisse, colligunt ex illis B. Pauli ad Titum verbis, S. Joannes Chrysostomus, ejusque interpretationum sectator Theophylactus;

lactus; ista sunt S. Chrysostomi verba Homil. 2. in Epist. ad Titum; *Et constituere*, inquit, *per Civitates Presbyteros. Episcopos hic intelligi vult, quemadmodum alias sapius diximus: Ut ego tibi constitui, siquis est sine crimine. Per civitates*, inquit. Neque enim profecto volebat *Institutionem totam uni viro permitti; SED VNICVIQUE PROPRIAM CVRAM, AC SOLICITVDINEM INDICI.*

5. Mirabilem illum variorum graduum Ecclesiasticorum ordinem elegantissimè describit S. Leo Epist. 84. cap. ult. *Et si Dignitas sit communis, non est tamen ordo generalis: quoniam, & inter Beatissimos Apostolos in similitudine honoris fuit quadam discretio potestatis, & cum omnium par esset electio, uni tamen datum est, ut ceteris præemineret, de qua forma Episcoporum oritur est distinctio, & magnâ ordinatione provisum est, ne omnes sibi omnia vindicarent, sed essent in singulis Provinciis singuli, quorum inter fratres haberetur prima sententia: Et rursus quidam in maioribus urbibus constituti sollicitudinem susciperent ampliore, per quos AD VNAM PETRI SEDEM VNIVERSALIS ECCLESIAE CVRA CONFLVERET, & nihil usquam à suo capite disideret.*

6. Epistola verò 89. docet non solum Ecclesiæ curam per varios gradus ad B. Petrum tanquam ad Caput reduci: sed & ab illo capite per Dei dona in omne corpus Ecclesiæ manare; *Huius*, inquit, *numerus Sacramentum ita Deus ad omnium Apostolorum officium pertinere voluit, ut IN BEATISSIMO PETRO APOSTOLORVM OMNIVM SVMMO PRINCIPALITER COLLOCARIT: & ab ipso quasi quodam capite, dona sua velit in corpus omne manare: ut exortem se mysterii intelligeres esse Divini, qui ausus fuisset à Petri soliditate recedere. Locum hunc clarè interpretatus videtur Mauclerus 2. p. lib. 2. cap. 15. S. Petrus à Christo Domino tanquam Vicarius ejus, ac princeps totius Ecclesiastici cætus, & orbis solus potestatis iudica claves accepit, ut in persona totius Ecclesiæ, idest omnium Pastorum, & Prelatorum Ecclesiasticorum, ut quidquid jurisdictionis Ecclesiastica à quocumque Pastore exerceretur, id totum S. Petro Supremo Ecclesiæ Principi, ac visibili capiti acceptum referretur, ab ejusque auctoritate in totum corpus Christi Domini, quod est Ecclesiæ, visibile diffunderetur. Vide S. Bonaventuram cap. 12. referendum.*

7. Non exstant quidem antiqua monimenta, quibus doceamur quonam tempore, aut quonam modo fuerit facta prima distributio Diocæseon, ac Provinciarum Operariis Evangelicis, qui convertendis ad fidem, aut jam conversis plebi-

bus

bus præfæti sunt. Ordinem tamen à B. Petro observatum cum fuisse, quem secuti sunt ejus Successores, vel illi simillimum prudens quisque sibi facile suadebit. Eximium ejus exstat exemplum in lib. 12. epist. 15. S. Gregorii Magni, qui colapsam in Anglia Religionem, cum per S. Augustinum illuc missum restituisset, regendi Populi fidelis formam præscripsit, & varia officia instituens, unicuique suam contulit auctoritatem, ut scilicet S. Augustinus cæteris omnibus præesset; Archiepiscopus Londoniensis duodecim sub se haberet Episcopos; Episcopus Eboracensis totidem, si modò tum ab illa civitate, tum à circumvicinis fides susciperetur, ac numerum illum Prælatorum, numerus fidelium exigeret. Nec præsentitantum necessitati occurrit, sed & futurum regimen disposuit, puta Londoniensem Archiepiscopum à Synodo propria consecrandum, Eboracensem Londoniensi non cessurum, sed priorem fore qui prius fuisset ordinatus; communi utriusque consilio generalia illius Christianitatis negotia gerenda. Ut autem nunquam non meminissent à quo fonte profluxisset illorum auctoritas, voluit, ut uterque à Sede Apostolica pallium acciperet.

8. Aliud habetur exemplum in Capitulari Gregorii II. art. 3. ubi Martiniano Episcopo, Georgio Presbytero, &c. in Bavariam missis ita præcipit; *Ut consideratis locorum spatiis, juxta gehennationem uniuscujusque Ducis Episcopia disponatis, & subjacentia singulis Sedibus terminetis. Et si tres, aut quatuor vel majoris numeri visa fuerint constituta Sedes, reservato præcipua Sedis loco pro Archiepiscopo resedendo, attributo trium Episcoporum conventu, probabiles fide, ac boni testimonii, & eruditos sana doctrinâ viros ordinetis Antistites EX AUCTORITATE B. PETRI APOSTOLI, & in subsequentiis vigoris traditâ dispensatione locis eis traditis collocantes.*



## C A P U T    I I I.

*Dignitatem & auctoritatem Ecclesiarum Patriarchalium  
à B. Petro vel ejus successoribus ortam esse.*

1. **C**hristum, antequam ex hoc mundo proficisceretur, nullam Parochiarum, Diœceson, Provinciarum, Exarchatum, vel Patriarchatum distinctionem constituisse, ex tota Evangelii serie colligitur, præsertim ex verbis illis, quæ in Coelum profecturus ad Apostolos habuit Matt. ult. *Euntes docete omnes gentes*, quæ indistinctam, & illimitatam missionem continent; licet fortè Apostolis formam præscripserit, juxta quam disponendi essent Pastorum gradus & officia, quò cuncta suavius administrarentur, & utiliùs, esset-que Ecclesia hostibus suis *terribilis ut Castrorum acies ordinata*. Amplissima erat potestas omnium Apostolorum, prout exigebat primo illo tempore rerum status, cùm nimirum non tam regenda, quàm efformanda erat Ecclesia. Tunc enim dispergendi erant per totum orbem Pastores, qui oves undique ad Christi caulam adducerent; Piscatores, qui collectis undique piscibus, Ecclesiæ sagenam implerent; Venatores, qui ubique venantes viventem prædam in domum Dei reportarent.

2. Verùm cùm maxima exstitit fidelium copia, constituenda fuit totius regiminis Ecclesiastici forma. Quamobrem sicut in exercitu Imperator seu Dux unicuique Officiali præsertim primario suas partes, suumque munus assignat, imò & dignitatem tribuit, nisi jam id à Principe præstitum fuerit: ita B. Petrus, quem suum in terris Vicarium, & supremum omnium fidelium Pastorem Christus creaverat, varias Dignitates Ecclesiasticas, & officia instituit, secundùm formam à Christo acceptam, vel à Spiritu sancto suggestam, ultra ea quæ per se Salvator ipse ordinaverat.

3. Itaque Sedem suam in Ecclesia Romana desigens, eam cæterarum omnium Matrem, ac Magistram esse voluit, ei-que ultra reliquarum communem sollicitudinem specialem re-

servavit Occidentalium curam. Alexandrinam & Antiochenam, ad Patriarchalem Dignitatem evexit, plurimarum eis Provinciarum præfecturam committens. *Est ergo, inquit Gelasius I. in Concilio Romano anno 494. prima Petri Apostoli Sedes Romana Ecclesia, non habens maculam, neque rugam, nec aliquid ejusmodi. Secunda autem Sedes apud Alexandriam B. Petri nomine à Marco ejus Discipulo & Evangelista consecrata est, ipsæq; a PETRO APOSTOLO in Ægyptum directus verbum veritatis predicavit & gloriosum consummavit Martyrium. Tertia verò Sedes apud Antiochiam episcopalem Beatissimi PETRI NOMINE habetur honorabilis, eò quod illic, priusquam Romam venisset, habitavit, & illic primum nomen novella gentis exortum est.* Baronius, & alii putant hæc ad verbum desumpta ex alio antiquiori Concilio habito sub Damaso anno 382. Similia etiam habet Nicolaus I. in respons. ad consulta Bulgarorum cap. 92.

4. Harum Ecclesiarum foundationem, & exaltationem S. Petrus luculentius adscribit S. Gregorius lib. 6. epist. 37. quæ est ad Eulogium Episcopum Alexandrinum; *Quis enim, inquit, nesciat Sanctam Ecclesiam in Apostolorum Principis soliditate firmatam, qui firmitatem mentis traxit in nomine, ut Petrus à Petra vocaretur? cui veritatis voce dicitur: TIBI DABO CLAVES REGNI COELORVM: cui rursus dicitur: ET TV ALIQUANDO CONVERSVS CONFIRMA FRATRES TVOS: Iterumq; Simon Joannis anas me? PASCE OVES MEAS. Itaque, cum multi sint Apostoli, pro ipso tamen Principatu SOLA APOSTOLORVM PRINCIPIS SEDES in auctoritatem convaluit. Ipse enim sublimavit Sedem, in qua etiam quiescere, & præsentem vitam finire dignatus est. IPSE DECORAVIT SEDEM, IN QVA EVANGELISTAM DISCIPVLVM MISIT. IPSE FIRMAVIT SEDEM, IN QVA SEPTEM ANNIS QVAMVIS DISCESSVRVS SEDIT.*

5. Licet autem majorum Urbium Episcopis sæpè in plures alios tributa sit auctoritas, quia commodior erat ad illos recursus, ob frequentia negotia, quæ illuc ex circumjacentibus Provinciis Præsules evocabant: tamen non à civili Urbium excellentia, sed à S. Petri auctoritate præstantiam suam consecutas esse illas Ecclesias affirmat sanctus Innocentius I. Epistola 18. quæ est ad Alexandrum Episcopum Antiochensem cap. 1. ubi de Antiochena Ecclesia loquens; *Advertimus, inquit, non tam pro Civitatis magnificèntia hoc eidem attributum, quàm quod prima Primi Apostoli Sedes esse monstretur, ubi & nomen accepit Religio Christia-*

*Christiana, & qua conventum Apostolorum apud se fieri celeberrimum meruit, quæq; urbis Romæ Sedi non cederet, nisi, quod illa in transitu meruit, SUSCEPTVM ISTA APVD SE, CONSUMMATVMQVE GAUDERET.*

6. Ridet S. Gelasius primus Epist. 13. quæ est ad Episcopos Dardaniæ, illos, qui Ecclesiarum prærogativam ab urbium politica dignitate repetunt; *Risimus autem, quod prærogativam volunt Acacio comparari, quia Episcopus fuerit rex Civitatis. Numquid apud Ravennam, apud Mediolanum, Sirmium, apud Treviros multis temporibus non constitit Imperator? Nunquid nam harum urbium Sacerdotes ultra mensuram sibi met antiquitus deputatam, quidpiam suis Dignitatibus usurpaverunt?*

7. Hincmarus Archiepiscopus Remensis in Opus. 55. Capitulorum cap. 16. Ecclesiarum Patriarchalium dignitatem ad B. Petrum referendam multifariam ostendit; *Sedes Ecclesiarum, inquit, scilicet Romana, Alexandrina atque Antiochena, idcirco specialiter legimus, Sedes dici, cum plurima Sedes, & Apostolorum, sicut Jacobus Hierosolyma, & Joannis apud Ephesum, in qua sedet & Timotheus B. Pauli Discipulus, & multa alia principalium Civitatum, quoniam Sedes sunt, quin potius, licet disparentur longinquitate terrarum, VNA SEDES SVNT MAGNI PETRI APOSTOLORVM PRINCIPIS, &c.*

8. Beatus Petrus Damiani lib. 2. Epist. 16. propositâ sibi difficultate circa Ecclesiarum excellentiam, quod scilicet Hierosolymitana cæteris preferenda videatur, quia Hierosolymis perfectum est redemptionis mysterium, respondet Ecclesiarum dignitatem, non Christi, qui omnibus præsidet excellentiâ; sed Petri privilegio esse metiendam; *Quoniam Hierosolymis passus est Dominus universis Ecclesiis non Romana, sed Hierosolymitana potius præesse deberet Ecclesia. Verumtamen cum ex autoritate Canonum, Romana Ecclesia primum teneat locum, Alexandrina secundum, Antiochena tertium, Constantinopolitana quartum, Hierosolymitana jam quintum; constat Dominum salvatorem non unicuique Cathedra speciali jure præesse, sed cunctis unum Pastorem universaliter præsidere. Liques ergo Ecclesiarum ordinem esse dispositum IUXTA PRIVILEGIUM PETRI, non secundum incomparabilem excellentiam Redemptoris. Quod ait Petrus Damiani, ex autoritate Canonum Romanam Ecclesiam primum tenere locum, non ita est accipiendum, quasi Canones hanc illi Ecclesiæ prærogativam contulerint, sed tantum, quod illi collatam fuisse declaraverint. Itaque*

senſiſſe illum dubitare non ſinunt alia ejus verba , præſertim opus. 5. cap. 1. ubi mirum in modum Eccleſiæ Romanæ dignitatem , & autoritatem explicat. *Romanam* , inquit , *Eccleſiam* , *ſolus ipſe ſindavit* , & *ſuper Petram ſidei mox naſcentis erexit* , qui *B. Petro aterna vita clavigero* , *terreni* , ſimul & *Cæleſtis Imperii jura commiſit* , &c.

9. Quia ejusdem eſt concedere , ac in conſeſſorum poſſeſſione confirmare ; ſi quando ambitio Eccleſias privilegiis à B. Petro conſeſſis ſpoliare tentavit , earum tuitionem provirili ſuſceperunt ejus Succeſſores. Ita cùm Anatolius Episcopopus Conſtantinopolitanus acceptâ occasione depoſitionis Dioſcori Alexandrini in Synodo Chalcedonenſi factæ , nec non deſtitutionis Domni Antiocheni à latrocinio Ephesine tentatæ , & à S. Leone perfectæ , utriusque illius Eccleſiæ jura invadere moliretur , & à Concilio Chalcedonenſi uſurpationem ſuam probandam curaſſet , obſtitit ei validiſſimè S. Leo , ut ex multis patet ejus Epistoſis , præſertim ex 46. cap. 5. ubi hæc inter alia leguntur ; *Nihil Alexandrina Sedi* , ejus , *quam per S. Marcum Evangelistam B. Petri Diſcipulum meritis* , *percat Dignitas* ; *Nec Dioſcuro impietatis ſua pertinaciâ corrumpente* , *ſplendor tanta Eccleſia tenebris obſcuretur alienis* . *Antiochena quoque Eccleſia* , *in qua primum prædicante Apoſtolo Petro Chriſtianum nomen exortum eſt* , *in paterna conſtitutionis ordine perſeſeret* , & *in gradu tertio collocata* , *nunquam ſe ſiat inferior* . *Aliud enim ſunt Sedes* , *aliud præſidentes* . Quia verò , ut diximus Episcopopi Concilii Chalcedonenſis , ſanctæ Sedis Legatis tùm abſentibus , ac poſtea reclamantibus , Patriarchalem Dignitatem prædicto Anatolio detulerant , eorum Decretum , ſeu Canonem caſſavit S. Leo ut patet ex ejus Epistoſa 55. quæ eſt ad Pulcheriam Auguſtam cap. 3. *conſenſiones verò* , inquit , *Episcoporum ſanctorum Canonum apud Nicaeam conditorum regulis repugnantes* , *mittâ nobiſcum veſtra ſidei pietate in irritum mittimus* & PER AVTOKITATEM B. PETRI APOSTOLI , generali proſus definitione caſſamus.

10. Nec inanem fuiſſe illius S. Pontificis conatum in comprimenda Episcoporum Conſtantinopolitanorum ambitione teſtantur ejus litteræ tum ad Anatolium , tum ad Marcianum Imperatorem. Ad illum ſic ſcribit in epiſt. 71. cap. 3. *Illam autem culpam* , *quam de augenda poteſtate* , *aliena ( uſſeris ) adhortatione*

con-

*contraxeras, efficacius atque sincerius, tua charitas diluisset, si quod tentari sine tua voluntate non potuisti, non ad sola Clericorum consilia transulisses. Quia sicut in mala suasionem delinquitur, ita & in mala consensione peccatur; sed gratum mihi, frater charissime, est, quod dilectio tua id profuerit sibi displicere, quod tunc etiam placere non debuit, &c. Epistolâ verò 59. Marcianum Dignitatis Patriarchalis Episcopo Constantinopolitano delatæ abrogationi acquievisse, apertè insinuat his verbis: Mihi autem multum fiducia, Deo per vos operante collatum est, quod probasse vos observantiam meam de Custodia Canonum paternorum, pietatis vestra assatibus indicatis. Et merito geminatur gaudium meum, cum vobis religiosissime placere cognosco, ut & Fides Nicæna suam teneat firmitatem, & privilegia Ecclesiarum ilibata permanent.*

11. Idem confirmat Gelasius epistolâ 13. quæ est ad Episcopos Dardaniæ. Audiant, inquit, Marcianum, S. Memoria Papam Leonem summis laudibus profectum, quod Canonum regulas violari nullâ fuerit ratione perpeffus. Audiant Anatolium Clerum Constantinopolitanum potius, quam se, talia sentasse consentem, atque in Apostolici Præsulis totum dicentem positum potestate. Anatolii Epistola ad S. Leonem edita est in collectione Romana Lucæ Holstenii in secunda sectione Synodi Romanæ sub Bonifacio secundo num. 22. In ea & se excusat Anatolius, & S. Leonis potestatem agnoscit; *Quæ Constantinopolitana gratiâ Sedis sancita sunt, inquit, in Chalcedonensi nuper universalis Synodo, pro certo Beatitudo vestra hoc habeat nullam esse culpam in me. Et infra; Cum & sic gestorum vis omnis, & confirmatio auctoritati vestræ Benedictionis fuerit reservata.*

12. Acacio similiter eadem de causa obstitit Gelasius, ut videre est in ejus Epistola 13. supra citata, quæ est ad Episcopos Dardaniæ; Nec minorem adhibuerunt diligentiam subsequentes Pontifices in conservandis Patriarchalium Ecclesiarum privilegiis. Idcirco Dioscorus Diaconus, ut ipse scribit ad Hormisdam Papam in Epistola, quæ existat post 65. prædicti Hormisdæ, impedit, quò minus Paulus Presbyter Constantinopolitanæ Ecclesiæ in Patriarcham Antiochenum electus, ordinaretur Constantinopoli, ne adversus Ecclesiam Antiochenam hæc ordinatio, tanquam præjudicium opponi aliquando posset. Hinc, inquit Dioscorus, *etsi post labores, etsi post intentiones plures Antiochena Ecclesia ordinata est, electus est quidam Paulus nomine Presbyter Constantinopolitana Ecclesia, quem hinc*

honori apertissimum Imperatoris testimonio comprobatum voluerunt, & sentaverunt hic ordinare. Ego jussionis vestra non immemor. CONTRADIXI, dicens: JUSSIT D. NOSTER BEATISSIMVS PAPA SECVNDVM ANTIQVAM CONSVETVDINEM IBI (scilicet Antiochiæ) EVM EPISCOPVM ORDINARI. Hoc obtinuit quod precepistis.

13. Leo Papa IX. epistolâ 5. quæ est ad Petrum Episcopum Antiochenum, suam ei opem pollicetur ad tuenda Patriarchalia jura Ecclesiæ Antiochenæ; Pro cujus (B. Petri) excellentia tertiam à Romana Ecclesiâ dignitatem retinet Antiochena, quam te defendere summopere monemus, non tua gloria causâ, sed pro Sedis, cui ad tempus præsides, antiqua honorificentia. Nec revoceris ab hac intentione cujuslibet pompâ, vel arrogantia, quin constanter defendas honorem, quem Antiochena Ecclesiâ reliquerunt omnia sanctorum Patrum Concilia. Ad quod utique, si oportuerit, MAXIMA MATER, ROMANA SCILICET, ATQVE PRIMA SEDES, iam dilecta sibi filia, immo consocia nusquam deerit, quia quosdam conari minuire antiquam dignitatem Antiochena Ecclesiâ audivimus. Epistolâ 6. corripit Michaellem Archiepiscopum Constantinopolitanum, quod Patriarchas Alexandrinum, & Antiochenum suæ potestati subjicere conaretur.

14. Cæterum ne (quod facillimè accidit; adeò ad assectandam libertatem & independentiam propendet hominum ingenium) è memoria Patriarcharum excideret, undè suam mutuati fuissent Dignitatem, reservata sunt nonnulla summo Pontifici in signum superioritatis. Varia enim sunt in historiis Ecclesiasticis exempla petitæ Patriarcharum confirmationis à sancta Sede. Quædam affert D. Petrus de Marca lib. 6. cap. 5. §. 2. ex Epistolis S. Leonis & S. Simplicii: sed illa communionis Ecclesiasticæ signa, non veras confirmationes fuisse vult. Verùm ipse textus contrarium suadet. Etenim in Epist. 44. S. Leonis plurima sunt, quæ auctoritatem summi Pontificis declarant. Ut ista cap. 2. cum secundum suam consecrationis (Anatolii Episcopi Constantinopolitani, qui Patriarchatum ambiebat, nondum tamen adeptus erat) auctores ejus initia titubarent, benigniores circa ipsum, quàm jussiores esse volumus. Et ista cap. 3. satis sit quod prædicto vestra pietatis auxilio, & MEI FAVORIS ASSENSV Episcopatum tanta utilis obtinuit (Anatolius.) Non dedignetur regiam Civitatem, quam Apostolicam non potest facere Sedem. Et in Epistola sequenti, quæ est ad Pulcheriam Augustam cap. 2.

frater

frater & Coepiscopus meus Anatolius parùm considerans quanto pietatis vestra beneficio, & MEI FAVORIS ASSENSU Constantinopolitana Ecclesia Sacerdotium fuerit consecutus, non tam de acceptis gavisus, quàm de immodicis appetendis supra mensuram sui honoris accensus est.

15. In epistola autem 17. S. Simplicii, quæ est ad Acacium clariùs exprimitur confirmatio; Nuper ab Egyptia Synodo qua & numero plurima, & Fidei Catholica est communione suffulta, atque ab ipso omni propemodum Clero Alexandrina Sedis ad nos ex more relatio missa patescit, sancta memoria fratrem quemdam (vel quondam) & Coepiscopum nostrum obiisse Timotheum, inque ejus vice consona fidelium voluntate Joannem, cui ad Sacerdotium constare crederentur omnia, subrogatum, ut nihil omnino restare videretur, nisi ut Deo nostro gratias agentibus nobis, atque gaudentibus, ut sine strepitu, quod Catholicus in defuncti ministerium successisset. Antistes, APOSTOLICÆ QUOQUE MODERATIONIS ASSENSU fovituri sumeret firmitatem, &c. Hoc igitur, quod restabat, erat necessarium ad firmitatem electionis, scilicet APOSTOLICÆ MODERATIONIS ASSENSUS.

16. Prætermitto ordinationes autoritate summorum Pontificum in Patriarchalibus Sedibus factas, vel suspensas, & alia subjectionis signa. Istum tantum addo, in quo exhibetur velut typus constitutionis Patriarchalium Dignitatum. Quando in Generali Concilio Lateranensi sub Innocentio III. facta est unio Græcorum cum Ecclesia Latina, quæ occasio postulabat, ut Græci à Latinis humanissimè haberentur, non aliter confirmata est Patriarcharum Dignitas, quàm adjectâ conditione de testificatione superioritatis Romanæ Sedis, ut habet cap. 5. illius Concilii Decretorum, cujus sunt hæc verba; Antiqua Patriarchalium Sedium privilegia renovantes, sacra universali Synodo approbante sancimus, ut post Romanam Ecclesiam, qua disponente Domino SUPER OMNES ALIAS ORDINARIÆ POTESTATIS OBTINET PRINCIPATUM, utpotè mater universorum Christi fidelium, & Magistra, Constantinopolitana primum, Alexandrina secundum, Antiochena tertium, Hierosolymitana quartum locum obtineant servatâ cunctis propriâ Dignitate, ita quod postquam eorum Antistites à Romano Pontifice receperint pallium, quod est plenitudinis officii Pontificalis insigne, PRÆSTITO SIBI FIDELITATIS ET OBEDIENTIÆ IVRAMENTO, licenter & ipsi suis suffraganeis pallium largiantur, recipientes pro se professionem canonicam, & PRO ROMANA ECCLESIA sponsonem obedientiæ ab eisdem.

## CAPUT IV.

*De phantastico Gallie Patriarcha.*

1. **E**Ditis in lucem duobus voluminibus Petri Putciani de Libertatibus Ecclesiæ Gallicanæ, suspicatus quidam ob doctrinam in illis contentam, & ob alia indicia consilium esse creandi Patriarchæ in Gallia, epistolam Paræneticam scripsit sub nomine Optati Galli ad omnes Episcopos illius Regni, ut huic molimini sese maturè opponerent. Exagitata est illa suspicio cum ab Isaacio Haberto Theologo Parisiensi, ac postea Episcopo Vabrensi, opusculo quodam stylo Oratorio conscripto, tum ab Illustrissimo Petro de Marca libris de Concordia Sacerdotii, & Imperii compositis. Infedit nihilominus plurium animis concepta de affectato Patriarchatu opinio, quam fovent subobscuri quandoque rumores. Vanæ quidem sunt ea de re minæ, ac in flectendis ad prætermittendum officium animis sapientum, quorum interest, minus idoneæ: Quia tamen simpliciores hinc commoveri videntur, propius ad considerandum idæalem illum Patriarcham admovenda est consideratio.

2. Cui metuendum esset ab illo monstro? Certè non summo Pontifici, cujus autoritas, cum Christum ipsum habeat autorem, nullis humanis machinationibus imminui potest ab iis, qui in Religione Christiana perseverare statuerunt: *Præsertim*, inquit Nicolaus I. epist. 8. quæ est ad Michaelem Imperatorem, cum Ecclesia Romana privilegia, Christi ore in B. Petro firmata, in Ecclesia ipsa disposita, antiquitus observata, & à Sanctis Universalibus Synodis celebrata, atque à cuncta Ecclesia jugiter venerata, nullatenus possint minui, nullatenus infringi, nullatenus commutari; Quoniam fundamentum, quod Deus posuit humanis non valet amovere conatus. Et quod Deus statuit firmum, validumq; consistit. Illeg; potissimum peccat, qui Dei ordinationi resistere tentat. Privilegia, inquam, illius Sedis, vel Ecclesiæ perpetua sunt, Divinius radicata, atque plantata sunt; IMPINGI POSSVNT, TRANSFERRI NON POSSVNT; TRAHI POSSVNT, EVELLI NON POSSVNT. Insinuaverat eadem Pontifici Hermintrudis Regina Fran-



Franciæ Carolum Calvum Regem Sedis Apostolicæ jura impetiturum, nisi quod optabat à Papa consequeretur, aucturum verò, si voti compos fieret; sed intrepidè respondit Nicolaus epist. 36. *Quod autem scripsistis, quia si exaudiamus filium nostrum, non detrimentum sed augmentum Ecclesiæ nostræ privilegiis generetur. Nos certissimè credimus, quia PRIVILEGIA SANCTÆ ROMANÆ ECCLESIAE NULLVM POSSVNT SVSTINERE DETRIMENTVM, nec plantatio, quam Cælestis Pater noster plantavit, eradicari, nec fundamenta, quæ summus posuit Architectus, queant quibuscumque, & quamvis fluctuationibus amoveri.* Epistolâ etiâ 42. juxta aliam epistolam Gelasii ad Orientales; *Privilegia sua, inquit, à Christo Ecclesiæ Romanæ per Petrum consecrata est.*

3. Verisimilior esset timendi ratio Episcopis ipsis Gallicanis, si quando in Principem æquitatis & religionis minus amantem, ac in Archiepiscopum urbis Regiæ ambiciosum, & Regis studio, atque autoritate fultum inciderent, ne instituto Patriarchatu, libertate Canonica, & magnâ propriæ Dignitatis parte privarentur. Unde enim orta est Episcoporum Metropolitanorum, Exarchorum, ac denique Patriarcharum Orientalium depressio, nisi ab Episcopis Constantinopolitanis ambitionis æstro percitis, & Imperatorum potentia armatis? A quibus etiâ deinde totus Oriens in schisma, & demùm in hæresim attractus est: Homines scilicet carnales, Dignitates Ecclesiasticas ex urbium amplitudine, ac Principum illic commorantium Majestate, non ex Apostolorum, vel Ecclesiæ primaria dispositione metientes, putarunt, sicut Civitates Regiæ cæteris præeminent, ita qui in eis sedent Præsules, Coepiscopis posse dominari. Quâ in re ipsimet Coepiscopi eorum apud Principem gratiam modò metuentes, modò implorantes, propriæ servituti colla, partim spontè, partim inviti submiserunt.

4. Sed ut ad Patriarcham Gallicanum redeamus; à quo crearetur? A quo suam Dignitatem & autoritatem acciperet? A Christo? A summo Pontifice? A Rege? Ab Episcopis ipsis Gallicanis? Non à Christo: quis enim ita desipiat, ut arbitretur Dignitatem Ecclesiasticam in Evangelio per septemdecim sæcula non detectam, ab Apostolis, ipso jubente, non collatam, ab ipso rursus de Cælo descendente

490 TRACTATUS DE LIBERTATIBVS,  
fore tribuendam. Fidem non inveniret hujusmodi constitutio extraordinaria sine plurimorum miraculorum confirmatione.

5. Christiani sunt, & Catholici, qui Regnum Franciæ incolunt, atque adeò verendum non est, ne Patriarchalis Dignitatis cum autoritate spiritali creandæ jus Regi adscribant. Illam sine autoritate Romani Pontificis institui, aut alicui Ecclesiæ impertiri non posse, quantumvis intercedat Principum sæcularium voluntas, docet S. Leo epist. 44. quæ est ad Marcianum Augustum cap. 3. occasione Anatolii Episcopi Constantinopolitani Dignitatem Patriarchalem ambientis; *Habet, inquit, sicut optamus Constantinopolitana Civitas suam gloriam, & protegente dextera Dei diuturno clementia vestra fruatur imperio. Alia tamen est ratio rerum secularium, alia Divinarum; Nec PRÆTER ILLAM PETRAM, QUAM DOMINVS IN FVNDAMENTO POSVIT, stabilis erit illa constructio.* Idem etiam scribit Nicolaus I. respondens ad consulta Bulgarorum cap. 73. verbis infra referendis. Imò Concilium Chalcedonense Dignitatem, quæ ex assensu Imperatoris Episcopum Constantinopolitænum auxerat, stare sine Romani Pontificis autoritate non posse sensit, ut in ejus Synodica ad S. Leonem videre est. Certè si Principes non possunt Metropolim Ecclesiasticam facere, ut capite sequenti probabimus, qui poterunt Sedem Patriarchalem constituere? Aut quam habebit jurisdictionem spiritualement Patriarcha hoc modo creatus.

6. A Summo quidem Pontifice posset quis ad Patriarchalem Dignitatem provehi; sed tunc Patriarcha non minùs, immò magis subiectus esset sanctæ Sedi. Vocaretur enim in partem sollicitudinis, non in plenitudinem potestatis, ipsâque sollicitudinis participatione ad arctiorem cum supremo Ecclesiæ capite conjunctionem adstringeretur. Verùm exemplis Constantinopolitanorum, & aliorum Episcoporum edocti Pontifices, quàm difficile sit, ut ambitio adeptis tranquillè fruatur, & ulteriora, etiam vetita, non appetat, vix ad indulgendam illam exaltationem inducerentur.

7. At numquid possent Episcopi, Curix id optantis favorem aucupantes, vel indignationem metuentes, sibi met caput unum imponere, ac suam in id potestatem conferre? Certè, si  
juxta

juxta vulgatam Juris regulam, *nemo plus juris ad alium transferre potest quàm ipse habeat* ff. de jur. l. 54. non eximeret Episcoporum consensus Patriarcham à summi Pontificis autoritate, cui nihilominus subjacerent ipsi, nec prorsus successores suos ligarent. Etenim, si, ut communiter docent Juris Canonici periti, Episcopus sine summi Pontificis licentia Ecclesiæ suæ servitutem nequit imponere, & quæ circa hujusmodi fiunt, suos tantum tenent Autores; non magis ad Successores transiret Patriarchæ ab ipsis constituti, quàm Vicarii ab ipsis nominati potestas.

8. Accedit quodd Summi Pontificis est omnium Ecclesiarum jura defendere, sedulamque operam dare, ne vel ab ipsis Præsulibus lædantur. Atqui Gallicanæ Ecclesiæ maxima ex creato Patriarcha detrimenta paterentur. Plurimum enim earum imminueretur libertas, si Episcopis omnibus novus superior præficeretur. Metropolitanorum Dignitas obscuraretur, ac ferè deperiret, si vigeret Patriarchalis.

9. Denique non potest major Dignitas à minore constitui, Patriarchalis à Metropolitana, vel ab Episcopali, ut monet Nicolaus I. in resp. ad cons. Bulg. cap. 73. his verbis: *A quo autem sit Patriarcha ordinandus, interrogatis: Et idcirco scitote, quia in loco, ubi nunquam Patriarcha, vel Archiepiscopus constitutus est, à majore est penitus instituendus: quoniam secundum Apostolum minus à majore benedicitur. Deinde verò acceptâ licentiâ, & pallii usu, ordinat ipse sibi deinceps Episcopos, qui Successorem suum valeant ordinare. Vos tamen sive Patriarcham, sive Archiepiscopum, sive Episcopum vobis ordinari postuletis, à nemine nunc velle congruentius, QUAM A PONTIFICE SEDIS B. PETRI, A QVO ET EPISCOPATUS ET APOSTOLATUS SYMPSIT INITIVM, hunc ordinari, valeis.* Præter rationem generalem, specialem aliam considerabat Nicolaus, quod scilicet Bulgari ad fidem Catholicam fuissent conversi ope Romani Pontificis, quæ ratio etiam locum habet in Gallia, in qua ex Innocentio I. à B. Petro, aut ab ejus Successoribus, sive illorum autoritate omnes illic fundatæ sunt Ecclesiæ.

10. Sanè licet, ut diximus, Episcopi Concilii Chalcedonensis, faventē Imperatore Marciano, Ecclesiam Constantinopolitanam Patriarchali Dignitate insignire, refragantibus Apostolicæ Sedis Legatis, tentassent, Canon ille diu effectus

492 TRACTATUS DE LIBERTATIBVS,  
caruit, renitentibus Summis Pontificibus, nec plenè obti-  
nuit, donec accessit eorum assensus.

11. Concludamus igitur cum S. Leone epist. 89. quæ est  
ad Episcopos per Provinciam Viennensem constitutos in causa  
Hilarii Arelatensis Episcopi aliquam juris Patriarchici partem  
ambientis, neminem debere jus indebitum in alios Episcopos  
usurpare, neque posse Episcopos propria Dignitatis jura in  
alium transferre, & ad sanctam Sedem pertinere hujusmodi  
usurpationem castigare. *Alienum jus*, inquit S. Leo, *alter sibi non*  
*audet vendicare. Suis limitibus, suis terminis, sit unusquisque contentus, & pri-*  
*villegium sibi debitum in alium transferre se posse noveris non licere. Quod si quis*  
*negligens Apostolicas sanctiones plus gratia tribuens personali sui honoris diser-*  
*tor esse volueris, privilegium suum in alium transferre posse se credens, non is,*  
*cui cesserit, sed is, qui intra Provinciam antiquitate Episcopali ceteros præ-*  
*venit Sacerdotes, ordinandi sibi vindicet potestatem.*

## C A P U T V.

*Primates, & Metropolitanos, in Gallia præsertim, suam  
à summo Pontifice auctoritatem traxisse.*

1. **P**Rimates illos, qui olim in variis Galliæ partibus à Ro-  
mano Pontifice ad vitam dumtaxat constituebantur,  
suam ab eo jurisdictionem habuisse nemo dubitabit, qui consti-  
tutionis formam attenderit. Nam vicariâ tantum auctoritate  
pollebant, ut expressè docent summorum Pontificum Episto-  
læ, quibus illa concedebatur. Sic S. Remigius à Papa Hor-  
mifda, vel, ut alii volunt, à Symmacho in Regno Clodo-  
vei recenter ad fidem conversi; sic Arelate Cæsarius à Sym-  
macho, Auxanius, & Aurelianus à Vigilio, Sapaudius à Pe-  
lagio I. Virgilius à Gregorio Magno, sic alii ab aliis in Gal-  
lia constituti sunt Vicarii Apostolici, & S. Bonifacius in to-  
to Regno à Zaccharia, ut ex summorum illorum Pontifi-  
cum Epistolis constat. Ubi autem Primatus non personæ, sed  
Sedi, sive personæ pro se, ac pro successoribus datus est,  
ut Archiepiscopo Lugdunensi in quatuor Provincias Lug-  
dunenses, quæ sunt Lugdunensis propriè dicta, Rotoma-  
gensis,

gensis, Turonensis, & Senonensis, non idè minus debetur hæc Dignitas sanctæ Sedis autoritati, quia cum ampliori favore concessa fuerit.

2. *Plenitudo potestatis*, inquit S. Bernardus Epistola 131. *super universas orbis Ecclesias singularem prærogativam Apostolicam Sedi donata est; qui igitur huic potestati resistit, Dei ordinationi resistit. POTEST, SI UTILE IUDICAVERIT, NOVOS ORDINARE EPISCOPATVS, ubi hactenus non fuerunt. Potest eos qui sunt, ALIOS DEPRIMERE, ALIOS EYDLIMARE, prout ratio sibi dictaverit, ita UT DE EPISCOPIS CREARE ARCHIEPISCOPOS LICEAT, ET E CONVERSO, si necesse visum fuerit. Eam potestatem Jacobus de Thermis Abbas Carolioci ejusdem Ordinis Cisterciensis magis explicat in Tract. contra impugnatores exempt. & privil. Posses, inquit, facere ex certa, & rationabili causa, quod in Regno, vel in Regione, ubi sunt Patriarcha, Primates, & Archiepiscopi, non esset Primas, nec Archiepiscopus, nec Patriarcha, ita quod omnes Episcopi sibi immediate subessent. Et de Primatibus quidem disquisitio tantæ utilitatis non est, cum in Galliâ, præter Lugdunensem, qui appellationes ab aliis Provinciis etiamnum recipit, cæteri vel in sua tantum Provincia eo jure utantur, vel solo Primatis titulo sine ulla jurisdictione gaudeant.*

3. Metropolitanorum Dignitas antiquissima quidem est; à Christo tamen immediate instituta nullibi legitur in sacris Scripturis. Apostolos illius autores extitisse plerique conjiciunt, ex quibusdam novi testamenti locis, præcipue ex potestate à B. Paulo tradita B. Tito Discipulo suo, Episcopos, quos nomine Presbyterorum intelligit, per Civitates constituendi: quod Metropolitanis munus est. *Hujus rei gratiâ reliquæ te Creta, ut ea, quæ desunt corrigas, & confirmas per Civitates Presbyteros, sicut & ego disposui tibi. Tit. 1. Christus solum Petrum cæteris Apostolis præposuit. Itaque nemo cæteris Episcopis jure Divino præest nisi Petri successor.*

4. Nihil autem opus est modò quæstiones illas agitare, utrum illimitata reliquorum Apostolorum Jurisdictio fuerit tantum delegata, an ordinaria? Utrum ex consensu tantum B. Petri Episcopos Provinciis integris præfecerint? Utrum sic præfectorum Episcoporum successores potestatem ordinata serie accepisse censeantur ab ipsis Apostolis? *Cum mani-*

494 TRACTATUS DE LIBERTATIBVS,  
*festum sit ( ut verbis utamur S. Innocentii I. epist. prima, quæ  
 est ad Decentium Eugubinum Episcopum ) in omnem Italiam, Gal-  
 lias, Hispanias, Africam, atque Siciliam, Insulasq; interjacentes nullum insti-  
 tuisse Ecclesias, nisi eos, quos venerabilis Apostolus Petrus, AVT EIVS SUC-  
 CESSORES CONSTITVERINT SACERDOTES.*

5. Metropolitancam Dignitatem à Romana Sede in Gallia institutam fuisse, cum non esset, ex eo etiam colligitur, quod ab ea illic restituta est, cum defecisset. Cum enim per annos ferè 60. nullos habuisset Metropolitanos Regnum illud, licet extarent adhuc Metropoliticæ Sedes, seu Ecclesiæ in primariis Provinciarum Civitatibus, implorata est Zachariæ summi Pontificis autoritas, qui eam illis Dignitatem restauravit per S. Bonifacium, ut ex utriusque litteris constat, idque juxta preces Principum Pippini, & Carlomanni; *Franci* ( verba sunt S. Bonifacii ad S. Zachariam ) *ut seniores dicunt, plusquam per tempus 80. annorum Synodum non fecerunt, nec Archiepiscopum habuerunt, &c.* Sanctus autem Zacharias scribit ad S. Bonifacium; *De Episcopis verò Metropolitanis idest Grinone, quem nos jam compertum habemus, & de Abel, & Arberto, quos per unumquemque Metropolitam per Provincias constituisi, hos per tuum testimonium CONFIRMAMUS, ET PALLIA DIRIGIMUS, ad eorum firmissimam stabilitatem, & Ecclesiæ Dei augmentum, ut in meliori proficiant statu.*

6. Principio quidem, cum à Romano Pontifice ordinabantur Metropolitani, non ita facilè ab istorum animis deleri poterat memoria receptæ ab illo autoritatis: sed coegit locorum distantia, ordinationem, vel Episcopis comprovincialibus, vel viciniore Metropolitano permittere, ut de Metropolitani Mediolanensi, & Aquileiensi testatur Pelagius I. in epistola, cujus fragmentum refertur à Gratiano 24. quæst. 1. can. 33. *Nempe is mos antiquus fuit, ut quia pro longinquitate, vel difficultate itineris, ab Apostolico onerosum illis fuerit ordinari, ipsi se invicem Mediolanensis & Aquileiensis ordinari Episcopi debuissent: Ità tamen ut in ea Civitate, in qua erat ordinandus Episcopus, alterius Civitatis Pontifex occurrere debuisset; ut & ordinandi electio à proprio Ordinatore, ex consensu universalis, cui præsiciendus erat, Ecclesiæ melius ac facilius potuisset agnoscere, & in sua, qui ad Episcopatum provehendus erat, nec tamen Ordinatori suo subdendus fuerat, ordinaretur Ecclesiæ. Hanc tamen concessionem postea Sedes Apostolica revocavit, ut ex S. Gregorio Magno ediscimus.*  
 Sic

Sic enim scribit epist. 31. lib. 2. *Obitum Laurentii Ecclesia Mediolanensis Episcopi excellentiam vestram jam credimus cognovisse: & quia, quantum ex Cleri relatione didicimus in Constantio filio nostro Diacono ejusdem Ecclesia, omnium consilii electio, necesse fuit pro servanda consuetudine militum Ecclesia nostra dirigere, qui cum, in quo omnium voluntates, atque consensum concorditer convenire cognoverit, à suis Episcopis, sicut verus mos exigit, CVM NOSTRO TAMEN ASSENSU faciat consecrari.* Et lib. 2. epist. 68. quæ est 29. indictionis undecimæ: *Latorem præsentium Joannem Subdiaconum nostrum ad hoc, Deo favente, transmissimus, ut electum vestrum suâ imminentiâ Dei Omnipotentis solatio secundum morem prædecessoris ejus faciat Episcopum consecrari. Nam sicut ab aliis nostra exigimus, ita singulis sua jura servamus.* Denique epist. 65. lib. 8. quæ est ad Mediolanenses: *Ut igitur in ordinando eo, qui à vobis electus est, nulla possit mora contingere, Pantaleonem Notarium nostrum transmissimus, qui cum, ut moris est, ANNVENTE CONSENSVS NOSTRI AVTORITATE faciat consecrari.*

7. In Illyrico Vicarius Apostolicus, Episcopus scilicet Thessalonicensis Metropolitanos ordinabat, & ab eis consultabatur in singulorum Episcoporum ordinatione, ut ex pluribus Summorum Pontificum litteris edocemur, præsertim è S. Leonis Epistola ad Anastasium Episcopum Thessalonicensem, ad quem sic scribit: *Nullus te inconsulto per illas Ecclesias ordinetur Antistes: ita enim fiet, ut sint de eligendis matura judicia, dum tua dilectionis examinatio firmidetur. Quisquis verò à Metropolitanis Episcopus CONTRA NOSTRAM PRÆCEPTIONEM præter tuam notitiam fuerit ordinatus, nullam sibi apud nos status sui noverit esse firmitatem, eosq; usurpationis suæ rationem, qui hoc præsumpsit reddiuros. Singulis autem Metropolitanis, sicut potestas ista committitur, ut in suis Provinciis jus habeant ordinandi, ita eos Metropolitanos A TE VOLVMS ORDINARI.* In Synodo Rom. collect. Holsten. n. 24. vide etiam epist. 84. ejusdem Sancti cap. 6. Ex qua Epistola, & ex aliis ejusdem, ac subsequentium Pontificum apertissimè constat totam Episcopi Thessalonicensis in reliquos Illyrici Metropolitanos auctoritatem à Romano Pontifice pendisse, non ab illo imaginario Patriarchatu, quem ei affinxerat Petrus de Marca lib. 6. de Concor. Sacerd. & Imper. cap. 5. n. 3. quod se alibi accuratè explicare asserit, quodque potius improbare videtur in dissertatione de Primatu Lugdunensi, & cæteris Primatibus, quæ ad-

496 TRACTATUS DE LIBERTATIBVS,  
adjuncta est à Philippo Labbe Concilio Claromontano sub  
Urbano II.

8. Hoc jurisdictionis suæ exercitium, & autoritatis signum  
in Illyrico sibi reservandum duxit Romanus Pontifex, ve-  
ritus fortasse, ne accideret aliquando quod re ipsa tandem  
contigit, ut Episcopus Constantinopolitanus Imperatorum  
potentiâ partem illam Patriarchatus Occidentalis, Constanti-  
nopoli, quàm Romæ vicinior, invaderet. In aliis autem  
Occidentis Provinciis, in quibus similis usurpatio non time-  
batur, quibusque propter distantiam promptè providere non  
poterat Ecclesia Romana, permilla est, ut diximus, Metro-  
politanoꝝ ordinatio Episcopis comprovincialibus, aut Metro-  
politano vicinioribus.

## C A P U T V I.

*De eodem argumento, scilicet dependentiâ Metropolita-  
noꝝ à sancta Sede.*

1. Q Uod fuerit in Gallia primis sæculis Metropolitanarum à  
sancta Sede dependentiæ signum, non ita liquet, sed  
cùm restituta fuit in eo Regno à Zacharia Pontifice Digni-  
tas illa, concessum est, ut suprà diximus, Metropolitanis  
pallium, quod collationem potestatis significabat.

2. Illustrissimus quidem Petrus de Marca semper sollicitus,  
ne Summi Pontificis autoritas nimis exerescat, & S. Bonifa-  
cio illius augendæ & Episcopis Gallicanis impediendi augmen-  
ti consilium tribuit, quod isti pallium ab illo impetratum ac-  
ceptare differrent: Bonifacius eos (inquit Marca de Metropoli-  
tano loquens lib. 6. cap. 7. §. 4.) coegit illud (pallium) à Romana  
Sede querere, ut eâ ratione illos magis obnoxios esse faceret ei Sedi, ac preci-  
pue quodam jure Episcopo Romano subjiceret. At illi, quibus unicus metus erat,  
ne novitate illa adigerentur ad insolitam quamdam reverentiam in Sedem Aposto-  
licam, ac ne insuper exciderent ab ea autoritate, quam Canones tribuunt Me-  
tropolitanis, in ambiguo fuere, an promissis stare deberent. Sed eam Fran-  
corum difficultatem ex eo ortam esse, quod rumor sparsus  
esset, Summum Pontificem pro palliis pecuniam accipere,  
innuit



innuit ipsemet Zacharias epist. 5. Postquam enim suam significavit admirationem de restricta trium palliorum petitione ad unius postulationem, statim subjungit: *Reperimus etiam in memoratis tuis litteris, quæ nimis animos nostros conturbant, quod talia à te nobis referantur, quasi nos corruptores finis Canonum, & Patrum rescindere traditiones quæramus; ac per hoc, quod absit, cum nostris Clericis in Simoniacam hæresim incidamus, accipientes, & compellentes, ut hi, quibus pallia tribuimus, nobis præmia largiantur, expenses ab illis pecunias. Sed charissime Frater, &c.*

3. In Pallio, ut scribit Paschalis II. ad Archiepiscopum Poloniæ apud Baronium ad annum 1102. *Plenitudo conceditur Pontificalis officii, quia juxta Sedis Apostolicæ, & totius Ecclesiæ consuetudinem, antè acceptionem pallium Metropolitanis minime licet, aut Episcopos consecrare, aut Synodum celebrare. Consentiant cæteri Pontifices, ut S. Gregorius Magnus, cujus verba suprâ retulimus, & Nicolaus I. cujus sunt ista; Sanè interim non in Throno sedentem ( Patriarcham, vel Archiepiscopum ) &, præter Corpus Christi, non consecrantem, priùs quàm pallium à Sede Romana percipiat, sicuti Galliarum omnes & Germania, & aliorum Regionum Archiepiscopi agere comprobantur. Nicolaus I. in responsione ad consul. Bulg. cap. 73.*

4. Metropolitanæ Dignitatis confirmationem à Patriarchis pendere, ac pallium ejus confirmationis signum esse supponit evidenter octava Synodus Oecumenica his verbis Canonis 17. *Priscam consuetudinem decernit in omnibus conservari, ita ut eorum ( Sedium Patriarchalium ) Præsules universorum Metropolitanorum, qui ab ipsis promoventur, & sive per manus impositionem, sive per pallii dationem Episcopalis Dignitatis firmitatem accipiunt, potestatem habeant, videlicet, ad convocandum eos, urgente necessitate, ad Synodalem conventum, vel etiam ad coercendum illos, & corrigendum, cum fama eos super quibusdam delictis forsitan accusavit.*

5. Cæterum Paschalis II. in Epistola mox laudata suspicionem amovet, quam aliqui, ut Marca loco suprâ citato concipiebant, pallii concessionem eo spectare, ut protenderetur summi Pontificis autoritas; asserit enim nihil exigi, quod ab omnibus Episcopis non debeat, etiamsi non requireretur; *Quod non, etiam præter exactionem nostram, ab omnibus debeat Episcopis observari.*

6. Nicolaus I. Hincmaro Archiepiscopo Remensi privilegia Sedis suæ confirmari postulanti appositè respondet epist. 28.

498 TRACTATUS DE LIBERTATIBVS,  
 iniquè impugnari ab illo Archiepiscopo privilegia Ecclesiæ  
 Romanæ, sine quibus constare non possent Ecclesiæ Remen-  
 sis privilegia; *Privilegia præterea ab Apostolica Sede vestra Ecclesia confir-*  
*manda deposcitis, qui tamen nostra privilegia, quantum in vobis est, infirma-*  
*re satagitis. Porro salutiferum, sanctam Romanam Ecclesiam appellatis, qui*  
*tamen in eo ne aliqui salventur, quantum potestis, satagere procuratis. Quo-*  
*modo, rogo, privilegia tua stare poterant, si ita privilegia illa cassentur, PER*  
*QVÆ TVA PRIVILEGIA INITIVM SVMPSSISSE NOSCVNTVR.*  
 Idipsum agnovit ipse Remensis, quandoquidem scripsit ad  
 Nicolaum Papam; *Favente Domino in hac devotione manebō sciens privi-*  
*legium Metropolitanæ Sedis Remorum, cui me Divina dignatio servire disposuit,*  
*in summo privilegio sanctæ Sedis Romanæ manere, & privilegium esse Sedis*  
*Romanæ, si suâ auctoritate privilegium sibi subiectæ Sedis fecerit vigere, &*  
*studuerit confirmare.*

7. Itaque cùm Metropolitanis negata est à Suffraganeis de-  
 bita obedientia, invocata est Sedis Romanæ auctoritas, ut  
 inde robur, & auxilium acciperent privilegia Metropoli-  
 tica, unde originem duxerant. Exemplum suppeditat episto-  
 la Joannis XIII. ad Episcopos Britanniæ, hæc inter alia con-  
 tinens; *Arduis Turonenfis Ecclesiæ Archiepiscopus, veniens ad Aposto-*  
*lorum Limina Romam oratum, interpellavit nos, quod jura sui Archiepi-*  
*scopatus, quæ ab antiquis temporibus PER DECRETA SANCTORVM*  
*PONTIFICVM SANCTÆ ROMANÆ MATRIS ECCLESİÆ suis*  
*prædecessoribus concessa & confirmata fuerunt, à vestro Archiepiscopo sublata*  
*videntur, &c.*

8. Sed, ut redeamus ad Metropolitanum Remensem. (Di-  
 vina enim providentia illos ipsos, qui sanctæ Sedis autorita-  
 tem ægrè ferunt, aut laturos sunt, ad illam confugere non  
 raro compellit, ut quam spontè agnoscere recusant, vel in-  
 viti fateantur.) Hincmarus qui contra sanctam Sedem tam  
 frequenter recalcitraturus erat, non aliter suam Dignitatem  
 securè possidere potuit, quàm obtentâ Romani Pontificis  
 confirmatione: & ne causari posset, adhibitam à se hanc  
 cautelam ex prudentia, ob privatam necessitatem; eâ oc-  
 casione summi Pontificis potestatem professi sunt omnes  
 Episcopi Gallicani, ut perhibent acta secundi Concilii  
 Sueffionensis anni 853. parte tertia, his verbis; *porrexit etiam*  
*(Hincmarus) Epistolam totius Gallia Episcoporum manibus subscriptam*

ad

ad Apostolicam Sedem pro confirmatione ipsius ordinationis. Quæ de Metropolitans dicta sunt, ex iis, quæ postea de Episcopis dicuntur, plurimum lucis accipient, ac validè confirmabuntur.

## C A P U T V I I.

*Cur in disceptationibus de jurisdictione consuetudo pro lege habita fuerit?*

1. **I**N omni controversiarum genere possessio, præsertim si sit antiqua, & pacifica plurimum valet ad movendos in eam partem Judicum animos. In decidendis de jurisdictione questionibus, ea quasi unica regula fuit omni ferè tempore observata à Conciliis, & à summis Pontificibus, ut antiqua consuetudo retineretur. Ita cùm Meletius Lycopolitanus in Thebaidis, ac vicinæ Ægypti Ecclesias à Patriarchatu Alexandrino distractas, jurisdictionem usurpasset, Concilium Nicænum illam injuriam reparavit hoc Canone, qui sextus est, & sic incipit; *Antiqua consuetudo servetur per Ægyptum, Lybiam, & Pentapolim; ita ut Alexandrinus Episcopus horum omnium habeat potestatem, &c.* Ita etiam licet Patriarcha Antiochenus Joannes nomine, Concilio Ephesino esset infestus, Concilium tamen Ecclesias Cypri, quæ ab illo in ordinationibus Episcoporum nequaquam pendere asseriebantur, noluit liberas declarare, nisi factò diligenti examine, atque sub conditione, ut patet ex actis Synodalibus, & ex Decreto ea de re edito; *Si non est vetus mos, quod Episcopus Antiochenus ordinet in Cyprio, sicut libellis, & propriis vocibus docuerunt religiosissimi viri, qui ad Sanctam Synodum accesserunt, habebunt jus suum intactum, & inviolatum, qui sanctis in Cyprio Ecclesiis præsunt, secundum Carones SS. Patrum, & veterem consuetudinem per se ipsos ordinationes religiosissimorum Episcoporum facientes.* Occurrunt alia passim in actis Conciliorum, & in litteris summorum Pontificum, quæ congerere superfluum esset, cùm à nemine negetur, vindicatam acriter fuisse in hujusmodi contentionibus consuetudinem. Sed inquirenda est causa illius praxeos.

2. Posset enim aliquis hinc suspicari Patriarchas, aliosque

Antistites suam jurisdictionem non B. Petro, vel reliquis Apostolis, eorumve successoribus debere, sed usui, seu communi majorum consensui. Verum depellitur hæc suspicio ex ipsismet Canonibus, Decretis, & Decretalibus illas controversias dirimentibus. Nec enim cujusvis consuetudinis habuerunt rationem, sed ejus, quam constaret ab Apostolis ortam, vel quæ, propter suam antiquitatem, hominum memoriam excedentem, ab illis orta præsumeretur. Id insinuat Can. 6. Concilii Nicæni his verbis; *Antiqua consuetudo*: ut ex illorum comparatione cum similibus Concilii Ephesini infra patebit: hæc ejusdem Canonis verba; *Quandoquidem & Episcopo Romano hoc est consuetum*; sive; *Quia & urbis Roma Episcopo parilis mos est*, quæ immediatè sequuntur post ista; *Ut Alexandrinus Episcopus horum omnium habeat potestatem*, ita interpretatur Joannes Cabassutius Presbyter Congregationis Gallicanæ Oratorii Domini Jesu, in notitia Conciliorum cap. 18. Alterius edit. Sic intelligenda sunt, inquit, *ut ideo præfata in Egyptum, Lybiam, & Pentapolim Alexandrino Præsuli competat auctoritas*, QVIA ID EI PRIMVS TRIBVERE SOLET ROMANVS EPISCOPVS, puta quia consentit, ut Jurisdictio à B. Petro primis Antiochiæ Patriarchis impertita, ad eorum successores transcat, qui sensus, si recipiatur, nulla supererit de jure Summi Pontificis dubitatio, etiam ubi solius fiet mentio consuetudinis.

3. Porro in Concilio Ephesino Episcopi Cyprii affirmarunt, non solum consuetudinem esse, ut in ea Insula Metropolitani ordinarentur à Suffraganeis, sed etiam eam consuetudinem ab Apostolis esse protectam. *A sanctis Apostolis*, inquit Zenon Episcopus Curientis, *nunquam possent ostendere quod adfuerit Antiochenus, & ordinaverit, vel communicaverit unquam Insula ordinationis gratiam, neque alius quisquam . . . nunquam vel adfuit, vel ordinavit, neque in Metropoli, neque in alia Civitate, sed Synodus nostra Provincia congregata constituebat Metropolitam*. Libellus autem ipsorum Episcoporum Cypri, Concilio in actione septima oblatus, hæc inter alia continet; *Ideo obsecramus & ad sancta vestra genua procidimus, ut Canonica sententiâ etiam nunc sicut initio à temporibus Apostolorum, & constitutionibus, & Canonibus sanctissima & magna Synodi Nicæna illata, & superior insidiis & potentiâ permaneat nostra Cypriorum Synodus*. Post multas interrogationes & responsiones Concilium, ut suprâ diximus

mus. rem definivit sub conditione, *si non est vetus mos, quod Episcopus Antiochenus ordinet in Cypro, &c.* Quod autem per veterem morem, seu, ut habet Canon Nicænus, per antiquam consuetudinem significetur ea, quæ ab ipsa Ecclesiarum fundatione derivata est, explicant non solum verba Episcoporum Cypri mox relata; Sicuti initio à temporibus Apostolorum; sed etiam quæ illis respondent verba sequentia prædicti Decreti Ephesini, quod deinde ad omnes Ecclesias extenditur; *Istud autem etiam in aliis Diocesis, & in omnibus Provinciis servetur, ut nullus piissimorum Episcoporum aliam Provinciam occupet, quæ antea & ab initio sub sua, vel Antecessorum suorum potestate non fuit. . . . Placuit igitur sancta Synodo ut unicuique Provincia pura & inviolata, QUÆ IAM INDE AB INITIO HABUIT, sua jura servantur, IUXTA VETEREM CONSVETUDINEM.* Notanda sunt verba illa, *QUÆ IAM INDE AB INITIO HABUIT*, quibus respondent ista *IUXTA VETEREM CONSVETUDINEM.*

4. Sed quare concessionis Apostolorum non est potius facta mentio in hujusmodi judiciis, quam consuetudinis? Cur v. g. Canon sextus Nicænus Patriarchæ Alexandrini potestatem in Ecclesias à Meletio usurpatas non retulit ad B. Petrum, à quo S. Marcus Alexandriæ præfectus est, sed ad antiquam consuetudinem? Multiplex est ratio. Prima quia non ita facile scitu erat, à quo quæque fundata fuisset Ecclesia; qui ei limites præfixi, quæ autoritas concessa; & alia id generis: consuetudo autem antiqua signum erat, omnia, ita ut erant, fuisse ab initio, vel postmodum legitime constituta. Secunda ratio erat, quia Pontifices & Episcopi, quæcumque ab Apostolis, & à propinquo-ribus illorum successoribus gesta fuerant, quasi à Spiritu sancto specialiter dirigente suggesta maximè venerabantur; ideoque nihil innovari volebant, non solum circa ea, quæ certum erat fuisse ab Apostolis, vel Apostolicis viris ordinata, sed etiam quæ ex antiqua consuetudine conciebant tam præstantes habuisse Autores. Tertia quia cum omnes Apostoli (B. Petro excepto) fuissent æquales, etiam si constitisset à quo quæque Ecclesia fuisset fundata, inde tamen eorum inter se prærogativæ cognosci non potuissent; itaque certior, & compendiosior via terminandarum litium erat,

ut consuetudo antiqua staret. Hinc oritur quarta ratio, quia scilicet judiciis, quæ secundum antiquam consuetudinem feruntur, libentius partes acquiescunt; quod nimirum ex omnium consensu in pari causa melior sit conditio possidentis. Par autem causa facile judicatur, cum obscura sunt utrinque jura, & incertæ rationes. Unde ad possessionem, seu consuetudinem necessariò recurrendum est. Denique non est efficacior foveandæ pacis, & tranquillitatis, quam observatio consuetudinis, *ipsa quidem mutatio consuetudinis*, ut scribit S. Augustinus ad Januarium epist. 118. *etiam qua adpovet utilitate, novitate perturbat.*

5. Non igitur ad consuetudinem, seu usum attenditur, quasi ad causam jurisdictionis, sed potius tanquam ad effectum & signum illius. Nec inde colligitur non pendere illam à B. Petri Successoribus, sed B. Petri ordinationem, ac dispositionem ab ejus Successoribus, & à tota Ecclesia religiosissimè custodiri, dum scitur; atque ut cognoscatur, per consuetudinem antiquam investigari. Nam *nulla potest consuetudine introduci, quod aliquis præter sui Superioris licentiam Confessore sibi eligere valeat, qui eum possit solvere vel ligare.* Cap. Si Episcopus. de pœnit. & remission. in 6. quod etiam dicendum de aliis jurisdictionis actibus.

## C A P U T V I I I.

*Utrum jurisdictio Episcoporum sit à Deo immediatè.*

2. **E** Arum Dignitatum, quas à Christo ipso institutas fuisse in Scripturis sacris non legimus, acceptas Ecclesiæ ferre non est admodum difficile: præcipuasque in earum institutione partes B. Petro, ejusque Successoribus adscribere par est, vel etiam omninò necessarium, saltem quantum ad eas Regionem, in quibus soli Ecclesias fundarunt. Verum quia Episcopatus Christum habet autorem, contendunt aliqui jurisdictionem Episcopalem, non solum in communi, sed etiam Episcopi uniuscujusque, à Deo esse immediatè.

2. Abstinuissimus ab hujus quæstionis tractatione, non solum

solum propter ejus difficultatem ; sed etiam , quia cum sacrum hunc Ordinem maximè veneremur , & venerandum omnibus cupiamus , displicent nobis , quæcumque venerationem illam possunt quavis occasione imminuere ; nisi animadvertissemus illustrissimos Episcopos Parisiis congregatos suam in Deum jurisdictionem referre tum maximè conatos , cum justis Summi Pontificis Decretis repugnabant , quasi ab ea censura tuti videri vellent , autoritatem nimirum suam non à sancta Sede , sed à Christo habentes , cui nequeat Summus Pontifex derogare ; imò nec modum ponere , nisi certo ordine ac cum certis formulis , quas ipsimet , quorum interest , impediant.

3. Potestatem jurisdictionis , absolutè , ac in se considerata à Christo ipso fuisse institutam testantur hæc Evangelii verba : *Amen dico vobis , quæcumque alligaveritis super terram , erunt ligata & in Cælo : & quæcumque solveritis super terram , erunt soluta & in Cælo. Matt. 18. vers. 18.* Quamobrem etiam Præsbyteri ex Episcoporum commissione confessiones audientes , dum quempiam absolvunt , ex præscripta in Rituali forma , se id autoritate Christi præstare declarant. *Dominus noster Jesus Christus te absolvat , & ego autoritate ipsius te absolvo ab omni vinculo excommunicationis , &c.* Equidem quis potest peccata dimittere , nisi solus Deus ? Quis nisi solus Deus potest illorum dimittendorum facultatem tribuere ? Concil. Trid. sess. 23. de ref. expressè declarat quòd *Præsbyteri in sua ordinatione à peccatis absolvendi potestatem accipiunt.*

4. Sed quantum ad propagationem , seu communicationem jurisdictionis , prout ab ordine distinguitur , si , ut communiter explicatur , nihil aliud sit , quàm assignatio , & subjectio subditorum , in quos exerceat à Christo instituta regendi populi autoritas , non videtur posse cujusvis Episcopi jurisdictio ad Christum immediatè referri. Quod enim hi , vel illi fideles ad hanc Diocesim pertineant , ex institutione Divina non provénit. Christus Ecclesiam suam in Patriarchatus , Provincias , Dioceses , aut Parochias non distribuit. Facta est ergo hæc subditorum assignatio ab Apostolis , præsertim à B. Petro , vel ab ejus Successoribus , quando Episcopis quos mittebant , certam aliquam Parochiam , Provinciam , vel Diocesim regendam assignarunt , eaque assignatio ad Episcoporum

rum sic missorum successores transiit, ut scilicet eam Provinciam, vel Diocesim, non aliam, subditam haberent. Quod quid aliud est, quàm jurisdictionem accipere, in eo sensu, quem suprà diximus? Hæc enim Parochiarum, vel Provinciarum distinctio, non ad solam politiam externam pertinet, sed ut valeant, quæ ab Episcopis constituuntur ordinationes aut censuræ, & quæ conceduntur dispensationes, absolutiones, & alia hujusmodi, quæ nullius essent momenti, si ab Episcopis præstarentur extra propriam Parochiam, ac erga sibi non subditos.

5. Itaque dum à summo Pontifice uniuntur Episcopatus, confertur jurisdictio Episcopo; quandoquidem ei subjiciuntur fideles, in quos potest post unionem, cum antea non posset, munia Episcopalia exercere; cum autem dividuntur Episcopatus, subtrahuntur Episcopo subditi, in quos jam non poterit, cum posset antea, jurisdictione uti. Sicut ergo institutis jam Episcopatibus Papa unione, vel divisione jurisdictionem Episcoporum auget, vel minuit; ita dum Episcopatus primò constituit, jurisdictionem primis Episcopis contulit: Qui autem Episcopatum deinde adepti sunt, vel à Romano Pontifice promoti sunt, atque ita jurisdictionem ab eo immediatè receperunt: vel ab iis constituti sunt, quibus summus Pontifex hanc concesserat facultatem, atque adeo per summi Pontificis autoritatem.

6. Indubitatum est post Concilium Tridentinum, posse summum Pontificem certorum casuum absolutionem sibi reservare: ita ut, si post illam reservationem Episcopi absolvere tentarent, etiam proprios Diocesanos, nihil efficerent: Potest, factà reservatione Episcopo facultatem impertiri ab illis casibus absolvendi. Non posset autem summus Pontifex in hujusmodi casibus jurisdictionem Episcopis adimere, vel concedere, si eam à jurè Divino haberent; non posset fideles subditos, non subditos, quantum ad casus reservatos efficere, si Deus ipse subdidisset.

7. Potest etiam summus Pontifex, dum justa intercedit causa, jurisdictionem Episcopis auferre, eos deponendo; immò potest, licet non debeat, etiam sine causa jurisdictionem restituere, illos in pristinum statum reponendo. Pendet ergo illo-



illorum Jurisdictio à summo Pontifice. Ideò licet Eucharistiam valde conficiant, quantumvis justè à Pontifice prohibiti, & quantumvis conficientes peccent; solvere tamen, vel ligare in neutro foro possunt, justè vetante summo Pontifice, quia scilicet primum est de jure Divino, secundum, quantum ad materiam, in quam exercendum est, à summo Pontifice derivatum.

8. Nec dicas datam esse summo Pontifici totius Ecclesiæ curam, ita ut possit secundum rectam rationem, & præscriptum sacrorum Canonum, Episcopos corrigere, sibi casus reservare, Episcopatus unire, vel dividere; hinc tamen non rectè inferri jurisdictionem, quam Papa demit, antea dedisse: sicut enim potest Judex per suam sententiam vitam auferre, quam non dederat: ita & Pontifex Episcopalem jurisdictionem, quam non communicaverit, tollere potest, in pœnam criminis. Sed maxima disparitas est. Possunt enim Judices vitam auferre tantum, non ablatam reddere, quia nec dare poterant. Papa verò ut jam diximus, jurisdictionem tollit, & sublatam reddit; quod datam ab eo fuisse arguit.

9. Respondebis, Papam quidem posse justà de causa Episcopos jurisdictione spoliare, non autem sine causa; quod signum est illam à Deo, non autem à Pontifice, saltem absolute, pendere. Si enim Episcopus injustè deponatur, valide suâ jurisdictione uti poterit, etiam invito summo Pontifice. Sed ex eò argumento istud tantum efficitur, summum Pontificem non adeo esse liberum, ad tollendam jurisdictionem, ubi eam largitus est, ut ad retinendam, antequam impertitus fuerit, quod nemini mirum videri debet; cum etiam in regimine politico judices quidem delegati revocentur ad nutum; ordinarii autem, non sine causa, ut sæpe præjudicatum esse legimus in Senatus-Consultorum collectoribus, adversus Dominos temporales; imò etiam aliquandò adversus Episcopos, aut alios Superiores Ecclesiasticos.

10. Gallicani Præsules litteras, quibus Beneficia Parochialia conferunt, eâ formâ conficiunt, quâ Theologorum Parisiensium opinioni, jurisdictionem Parochorum de jure

SSS

Divi-

Divino esse asserentium, non assentiri se significant, sed potius se jurisdictionem Parochis tribuere, dum Parochiam conferunt; ejus tamen sine causa revocandæ facultatem omninò non habent. Uterentur enim non rarò. Reponent fortassis id ita ab Ecclesia statutum esse, ac ob defectus similis statuti se reliquis Presbyteris Beneficium non obtinentibus liberrimè jurisdictionem vel negare vel annuere, vel auferre, vel prorogare: sed si à Deo provenit, quod Episcopi jurisdictionem Parochis impertiant, quomodo ab Ecclesia coarctari potest hæc eorum facultas? Porro non minus ab Episcopo conferri videtur jurisdictio Sacerdoti, dum ad vitam, quàm dum ad tempus tantùm conceditur, licet in primo casu difficiliùs revocetur.

11. Plurimùm desudavit Illustrissimus Petrus de Marca lib. 1. cap. 7. & alibi in restringendis ordinationibus Metropolitanorum & Episcoporum à Romano Pontifice consecrandorum intra Regiones suburbicarias, volens scilicet juxta Ruffini, & interpretis Dionysio antiquioris verba, Canonem 6. Concilii Nicæni comparisonem inter Patriarchas Alexandrinum, & Romanum, ita instituisse, ut Alexandrinus in toto suo Patriarchatu eandem obtineret potestatem, quam Romanus, non in toto Occidente, sed in solis Ecclesiis suburbicariis, in quibus & ordinationes Episcoporum faciebat, & congregationes Synodorum; quo discrimine videtur insinuare majorem esse summi Pontificis, etiam tantquam Patriarchæ Occidentis, auctoritatem in suburbicarias quàm in reliquas Occidentis Ecclesias. Unde posset fortasse aliquis suspicari Episcoporum suburbicariorum jurisdictionem à Patriarcha Romano, à quo ordinantur, pendere; non autem aliorum v. g. Gallicanorum.

12. Sed impossibile est, quantumcumque se torqueat Marca, & quamcumque amplectatur Regionum suburbicariarum acceptionem, cum eas de toto Occidente nolit intelligere, ut possit aliquam Imperii divisionem assignare, in qua suburbicariæ regiones exactè Ecclesias omnes complectantur, quarum Episcopos Romanus Pontifex ordinabat. Res est evidens, si Regiones suburbicariæ juxta magis propriam acceptionem intra centenarium ab urbe milliariū concludantur, idque fateri

fateri videtur ipse Marca num. 6. cū locis suburbicariis etiam totam Metropolim Romanam non comprehendi agnoscit. *Per loca suburbicaria*, inquit, *Regiones illas quatuor intellexit, quæ aliquot Civitatibus adjectis integram Metropolim Romanam* è 69. *Episcopatibus conflatam constituent.* Sed quid de Ecclesiis Mediolanensi, & Aquileinsi dicet, ac de toto Illyrico?

13. Veram discriminis in Episcoporum Occidentalium ordinatione rationem jam assignavimus, quod nimirum Gallia, & aliæ Patriarchatūs Occidentalis Provinciæ ita erant Romæ remotæ, ut ordinandi Episcopi commodè illuc accedere non possent, nec tam erant alteri Patriarchæ vicinæ, ut usurpationis esset periculum: quare permissa est Metropolitanis Episcoporum, & Episcopis Metropolitanorum ordinatio, vel Metropolitanis vicinis invicem. Cum enim Patriarcharum jure contineantur Episcoporum ordinationes, ut probat ipsemet Marca eodem cap. 7. num. 1. & 2. cur Patriarcha Romanus eâ facultate solus carerēt in maxima sui Patriarchatūs parte, qui & cæteris Patriarchis Dignitate Patriarchali æqualis est, & universali Primatu illis superior. Equidem Venerabilis Beda in hist. Eccles. gentis Anglorum lib. 3. cap. 29. & alibi tradit Episcopos Anglicanos Romæ ordinari solitos: libro autem 2. cap. 18. permissam seu renovatam ab Honorio I. Episcopis Dorovernensi & Eboracensi ordinationem Episcopi in locum præmortui. *Vice B. Petri Apostolorum Principis*, inquit Honorius epist. 6. à Beda relatâ, *autoritatem tribuimus, ut quando unum ex vobis divina ad se jusserit gratia vocari, is, qui superstes fuerit, alterum in loco defuncti debeat Episcopum ordinare. Causam quam diximus asserti, quia ut & vobis concederemus, longa terrarum marisq; intervalla, quæ inter nos ac vos obfistunt, ad hac nos condescendere cogerunt; ut nulla possit Ecclesiarum vestrarum jactura per cujuslibet occasionis obventum pervenire.*

14. Quid quod in aliis Patriarchatibus habenda erat etiam ratio distantie locorum, pro quibus ordinandi erant Pastores, ut docet S. Innocentius I. epist. 18. quæ est ad Alexandrum Antiochenum. Itaque, inquit, *arbitramur frater charissime, ut sicut Metropolitanos autoritate ordinas singulari, sic & cæteros non sine permissu, conscientiaq; tua sinas Episcopos procreari. In quibus hunc modum rectè servabis, ut longè positis litteris datis, ordinari censeas, ab his, qui nunc eos*

*suo tantum ordinant arbitram: vicinus autem, si estimas, ad manus impositionem tua gratia statuas pervenire.*

15. Præterea si juxta regulam à Marca propositam, & plurimum commendatam; qui pertinet ad Synodum pertinet ad consecrationem. Nonne summi Pontifices Gallicanos Episcopos ad Concilium Romam evocarunt, aliquando cum Italiæ tantum, aliquando cum aliarum Provinciarum Præsulibus? Id de S. Damaso testatur his verbis Theodoretus, Ecclesiasticæ Historiæ lib. 2. cap. 22. *Fuit autem scriptionis princeps Damasus, vir variis virtutum generibus ornatus, qui post Liberium Præfatum Romana Ecclesia sortitus est. Cum hoc faciebant ergo Episcopi Italia, & Galatie, quæ nunc Gallia appellatur, congregati Roma, quorum, & ipsorum nomina exponere nimis longum arbitratus sum.*

16. Epistolæ Synodicæ Agathonis Papæ & Romanæ Synodi 125. Episcoporum, quæ fuit velut instructio Legatorum, qui missi sunt ad Synodum sextam celebrandam, superscriptio erat ista: *Piissimis, &c. Agatho Episcopus servus servorum Dei, cum universis Episcopis subiacentibus Concilio Apostolica Sedis.* Ei autem subscripserunt inter alios Adeodatus Episcopus Ecclesiæ Leucorum, Felix Episcopus Arelatenus, & Taurinus Diaconus Ecclesiæ Telonenus Legati Synodi per Galliarum Provincias constitutæ.

17. Sicut autem propter locorum distantiam non ita frequenter vocati sunt Episcopi Gallicani ad Concilium Romanum, ita eadem de causa illorum ordinationem sibi non reservavit Pontifex Romanus.

## C A P U T IX.

*Confirmatur Jurisdictionem Episcoporum à Summo Pontifice pendere.*

1. **E**piscopalem Ordinem sine titulo, id est sine assignata plebe, quæ regenda sit, atque adeo sine jurisdictione conferri valide posse, quamvis non expediat, docet Joannes Gersonius tractatu de statibus Ecclesiasticis considerat. 8. de statu Prælatorum. *Status Episcopalis, inquit, licet esse possit in aliqua*  
*sine*

sine plebe, & sinensu, vel exercitio, hoc fieri non convenit, quia vanum & monstruosum in Ecclesia videretur; quoniam frustra est potestas, cui non subest operatio. Ubi notanda est distinctio inter non habere plebem, & non habere usum, vel exercitium; Ne quis verba Gersonii accipiat de Episcopis, quos Titulares vocant, qui, licet usu & exercitio suæ jurisdictionis careant, tamen sine plebe propriè non sunt. Ordinantur enim ad aliquam Ecclesiam in partibus infidelium existentem: nec eorum ordinatio monstruosa censi debet; tùm quòd possint Infideles illi ad fidem converti etiam ipsorum Episcoporum prædicatione, tùm quod interim illorum Episcoporum opera necessaria sit Episcopis in partibus fidelium alicui Diocesi præpositis, cui regendæ propter senium, infirmam valetudinem, aliamve causam impares sunt.

2. Pater Christianus Lupus in Canonem 6. Concilii Chalcedonenfis id non solum fieri validè posse, sed factum fuisse aliquando colligit ex Sozomeno. Sic autem scribit Hermias Sozomenus Hist. Eccles. lib. 6. cap. 34. *Adde his Barsen, & Eulogium, qui antè post creabantur Episcopi non Urbis alicujus, sed honoris causa, qui veluti vita piè antea acta compensatio in propriis Monasteriis, illis deferretur, ad quem modum Lazarus quoque, de quo supra diximus Episcopus fuit. Idem refert iisdemque ferè verbis Nicephorus Callistus lib. 11. cap. 40. Existere præterea Barès, & Eulogius, qui antè post longum Monastici exercitii certamen Episcopi sunt facti, non in Urbe aliqua; sed honoris gratia in Monasteriis suis Episcopalem consecuti sunt consecrationem: ita ut rectè aliquis Dignitatem eam tanquam præmium, seu remunerationem philosophandi instituto eos accepisse dicat; sicuti & Lazarus de quo paulò ante post S. Heliodorum mentionem fecimus.*

3. Non deerit fortasse, qui Barsen, Eulogium, & Lazarum arbitretur propria Monasteria pro Diocelibus habuisse; sed non constat Monasteria illa Episcoporum, in quorum erant territorio, jurisdictioni fuisse substracta, nec patiebantur Canones duos Episcopos eisdem locis, & personis præesse. Verùm quidquid sit de facto, quod ab Ecclesiæ praxi ordinaria abhorrent: non video cur si non licitè, saltem validè possint Episcopi, quemadmodum & Sacerdotes sine plebe ordinari. Quamvis enim major sit illorum, quàm istorum dignitas, & potior autoritas, non tamen ita diversus ordo, ut istis possit, illis non possit imprimi character, & conferri

**SIO TRACTATVS DE LIBERTATIBVS,**  
Spiritus Sanctus cum potestate remittendi, & retinendi peccata, nullis assignatis subditis. Eo autem casu certum est jurisdictionem ab eo conferendam, qui eos ad regendam aliquam plebem mitteret, siquidem jurisdictio nihil aliud est quàm subditorum assignatio.

4. Summus quidem Pontifex, cum toti Ecclesiæ præfici non possit, nisi ab eo, qui totâ Ecclesiâ major est, jurisdictionem suam consequitur ex vi institutionis Divinæ, & à Deo immediatè ante omnem confirmationem, & coronationem, statim atque designatus est per electionem eorum, ad quos pertinet jus eligendi. At verò cum particularium Ecclesiarum regimen à superioribus Ecclesiasticis, præsertim à summo, conferri possit, non est cur pro illa collatione ad Deum immediatè recurratur.

5. At, inquit Pater Thomassinus, cum Episcopi seu Reges sint ad administrandum spirituale Regnum destinati, perinde absurdum videtur, si Episcopus sine plebe ordinetur ac si constituatur Rex sine Regno, & sine subditis; hoc est sicut Rex non est qui Regno caret; ita nec Episcopus, qui nulli Parochiæ præficitur. Verùm præterquam quod Reges licet Regno renuncient, Regalem quandam dignitatem retinent: & Episcopi quamvis propriam Diocesim abdicent, Episcopalem characterem non exuunt. Presbyterorum etiam est Regale Sacerdotium: nec illis frustra dicitur ab Episcopo. *Accipite Spiritum Sanctum, quorum remisistis peccata remittentur eis, &c.* & tamen jurisdictionem ordinatione non obtinent, sed eam postmodum, vel cum titulo, vel per simplicem commissionem accipiunt.

6. Objicitur præterea exemplum Episcoporum vagorum. Concilium enim Vermeriense anno 752. can. 14. decrevit, *ut ab Episcopis ambulantiis per Patrias ordinatio Presbyterorum non fiat; si autem boni sunt illi Presbyteri, iterum consecrentur:* quibus verbis illas ordinationes non solum illicitas, sed etiam nullas esse significat: quandoquidem eas iterari mandat, seu ordines conferri, quasi nunquam antea verè collatos: quia nimirum Episcopi sine plebe non reputabantur veri Episcopi. Verùm triennio post immutatum, vel saltem temperatum est hoc decretum. Sic enim statuit Concilium Vernense anno 755.  
can.

can. 13. *De Episcopis vagantibus (sive vacantibus) qui Parochias non habent, nec scimus ordinationem eorum, qualiter fuit, placuit juxta instituta sanctorum Patrum, ut in alterius Parochia ministrare, nec ullam ordinationem facere debeant, sine jussione Episcopi, cujus Parochia est. Et si hoc facere presumpserint, ab officio suspendantur, interim quod ad Synodum exinde venerint, & ibidem secundum canonicam institutionem accipiant sententiam; nisi tantum pro itineris causa. Et si ullus Clericus, aut Laicus talem Episcopum, aut Presbyterum defenserit sine comiteatu Episcopi, cujus Parochia est, excommunicetur usque ad emendationem.*

7. Continet Canon iste Vernensis causam Vermeriensis. Dubitatur enim an Episcopi ambulantes per Patrias, seu vagantes revera ordinati fuissent. Ratio dubitandi erat, quia Parochias non habebant, & ab Ecclesiæ usu alienum erat, ut Episcopi ordinentur, nisi ad certam plebem. Quamobrem majoris securitatis causâ præcepit Concilium Vermeriense, ut ordinationes ab ipsis factæ, tanquam nullæ haberentur, & si personæ idoneæ judicarentur, ab Episcopis, de quibus nulla esset dubitatio, manuum impositionem acciperent. Sed quia poterant Episcopi illi vagantes, & plebem non habentes, fuisse revera ordinati, æquius censuit Concilium Vernense, ut usque dum in Synodo rationem pro se reddidissent, judicium de ordinationibus ab ipsis factis differretur.

8. Eas nullas esse judicavit Concilium Cabilonense secundum anno 813. can. 43. dum ait; *Sunt in quibusdam locis Scoti, qui se dicunt Episcopos esse, & multos negligentes, absque licentia Dominorum suorum, sive Magistrum, Presbyteros, & Diaconos ordinant: quorum ordinationem, quia plerumque in simoniam incidit & multis erroribus subjacet, modis omnibus irritam fieri debere omnes uno consensu decrevimus. Sed præterquam quod similibus verbis aliquando exprimitur suspensio ab executione Ordinum verè receptorum, ordinationes à Scotis, factæ dicuntur multis erroribus subjacere. Accedit quod ignorabatur etiam de illis Scotis, an re vera manuum impositione consecrati fuissent, ut triennio post Concilium Cabilonense, affirmavit Concilium apud Celichyt an. 816. can. 5. cujus hæc verba sunt. Quinto Interdictum est: ut nullus permittatur de genere Scotorum in alicujus Diocesi Sacrum sibi ministerium usurpare, neque ei consentire liceat ex sacro Ordine aliquid attingere, vel ab eis acci-*

*accipere in baptismo, aut in celebratione Missarum, vel etiam Eucharistiam populo præbere, quia incertum est nobis unde, & an ab aliquo ordinentur.*

9. Non urget magis quod à Chorepiscopis ducitur argumentum. Verum enim quidem est Carolum Magnum, post sententiam Leonis III. & Episcoporum Gallicanorum, ordinationes illorum ceu nullas habuisse præcipuè ex duplici capite. Nam *Episcopi non erant*, inquit Capitul. lib. 7. cap. 187. *quia nec ad quandam Civitatis Episcopalem sedem titulati erant, nec canonicè à tribus Episcopis ordinati.* Ingens est controversia, utrum Chorepiscopi Episcopalem ordinem, seu manuum impositionem ad ordinem Episcopalem acceperint, affirmantibus aliis, aliis negantibus, aliis observantibus Chorepiscopos non fuisse omnes eodem modo ac ritu constitutos, sed alios Episcopali charactere fuisse insignitos, alios verò nequaquam. Verba Caroli Magni videntur illis favere, qui negant, illo saltem tempore Chorepiscopis manus, sicut Episcopis, impositas. Istis enim nonnisi à tribus imponuntur, ac cum deputatione ad certæ Civitatis Ecclesiam. Quis autem credat contra utrumque illud caput, tantopere à Canonibus commendatum, communiter ab Episcopis Chorepiscoporum ordinatoribus fore peccandum, si Episcopalem ordinationem facere intendissent.

10. Sed quidquid sit de Chorepiscoporum ordine, nihil refert ad quæstionem, quam modò præ manibus habemus. Certissimum enim est Chorepiscopos ad certam plebem regendam constitutos fuisse. Nam, ut vel ipsum nomen innuit, erant Episcopi pagorum, seu vicorum: idest pro Episcopis extra Urbem, plebi præpositi, ibique ferè omnia munia Episcopalia obeuntes, quamvis sub Episcopo Civitatis. Nihil autem refert utrum plebs, cui aliquis præficitur, sit numerosa, vel non; in Civitate, vel in pago, ut sit titulus sufficiens ad ordinationem. Licet enim vetuerint Canones Episcopos nisi in Civitatibus ordinare; ordinationem tamen ex hoc capite nullam esse non obicitur. Difficultas autem modò est; utrum defectus tituli irritam reddat Episcopi ordinationem? At illa in Chorepiscopis locum non habebat, ut diximus, quia territorium habebant, licet Episco-  
po



po Civitatis subiectum. Nihil enim obest eandem plebem pluribus Pastoribus subordinatis subesse.

11. Episcoporum auctoritatem à summo Pontifice proficisci aliqui adhuc probant exemplo Moyſis, & 70. virorum, quos ipſe ſibi tanquam adiutores in regendo populo Judaico adjunxit num. 10. Ut enim, inquiunt, 70. virorum auctoritas à Moyſe pendebat, à quo Dominus de ſpiritu, quem ei dederat, abſtulit, & in eos contulit, non imminuto tamen Moyſis ſpiritu (alioquin enim non tam fuiſſet adjutus, & ſublevatus, quam debilitatus) ita Episcoporum auctoritas eſt participatio quædam poteſtatis ſummi Pontificis, ad quam velut fontem & originem refundenda eſt.

12. Præterea Eccleſia eſt ſtatus Monarchicus, cujus Monarcha ſummus Pontifex eadem pollet auctoritate in omnes, & populos Chriſtianos, & populorum Judices, & Rectores, quâ Imperator, aut Rex in omnes Principes, Provinciarum Gubernatores, Prætores, alioſque Præfectos. Atqui certum eſt, & apud Jurisconſultos indubitatum, juridiſctionem omnem à Rege, tanquam ab origine derivari, & in cæteros omnes emanare. Quid ni de ſummo Pontifice idem ſentiantur, ut ſit ipſe fons juridiſctionis Eccleſiaſticæ?

13. Accedit quod auctoritas Episcoporum ſi à Chriſto immediate oriſcitur, æqualis foret in omnibus. Maxima autem in ea inæqualitas obſervatur; cùm alii pluribus, alii paucioribus præſint, quam inæqualitatem quis alius conſtituit, quàm is, qui Parochias inſtituit, eiſque præfecit Episcopos, B. Petrus, ejusque Succeſſores in omnibus ſaltem illis Provinciis, quas hodie complectitur Eccleſia.

## C A P U T X.

*Rurſus confirmatur juridiſctionem Episcoporum eſſe immediate à ſummo Pontifice.*

1. **A** Postolos omnes juridiſctionem ſuam à Chriſto immediate habuiſſe probatur ex eo, quod ab ipſo miſſi ſint; ſicut miſiſ me vivens Pater, & ego mitto vos. Joan. 20. verſ. 21.

T t t

Eni-

# 514 TRACTATUS DE LIBERTATIBVS,

*Euntes ergo docete omnes gentes* Matt. ultimo vers. 19. Ergo è contra Episcopi , qui à Christo immediatè missi non sunt , jurisdictionem ab ipso immediatè non acceperunt. Sicut enim committens Commissario , ita mittens misso confert auctoritatem. Quamobrem qui ab Apostolis mittebantur , modò unius Provinciæ , modò Regni integri curam assumebant. Aliquando alios Episcopos , vel plures , vel pauciores , aliquando nullos constituere poterant. Aliquando ad certum opus , aliquando ad integrum & perpetuum regimen deputabantur , prout Apostolis attentâ Ecclesiæ necessitate vel utilitate videbatur.

2. Qui ab Apostolis missi fuerant acceptæ potestatis participes alios efficiebant , juxta præscriptam sibi ab Apostolis mensuram , quam excedere non potuissent. Sive autem quis ad certum opus per aliquod tempus destinaretur , sive Pastor ordinarius statueretur , jurisdictionem habebat ab Apostolis: quemadmodum Episcopus Presbyterum alicui suæ Diocesis parti præponens , sive Vicarium perpetuum eum constituit , sive ad nutum revocabilem , jurisdictionem ei tribuit.

3. Quin etiam Apostolis adscribenda erat jurisdictio Episcoporum , quos non ipsi , sed ex ipsorum concessione alii ordinabant. Sive enim defuncto Episcopo alium ipsi Apostoli substituerent , sive substituendi facultatem vicinioribus Episcopis aut Metropoleos Antistiti præberent , prout exigebat locorum vel propinquitas , vel distantia , Apostolicâ id fiebat auctoritate. Nec sibi Christus reservaverat Episcoporum in singulis Diocesibus , aut Provinciis constitutionem , sed regimen , & politiam Ecclesiasticam Apostolis commiserat ; *constituens eos Principes super omnem terram* , cum potestate creando- rum officialium , & assignandæ cuique suæ Provinciæ : paucis quibusdam fortassis exceptis , quos ipsemet Spiritus sanctus elegisse videtur , ut S. Paulum & S. Barnabam de quibus legimus in actis Apostolorum cap. 13. vers. 2. *Ministrantibus autem illis* ( scilicet Apostolis ) *Domino , & jejunantibus , dixit illis Spiritus sanctus : segregate mihi Saulum & Barnabam , in opus , ad quod assumpsit eos.* Et vers. 4. *Et ipsi quidem missi à Spiritu sancto abierunt Seleuciam , &c.* Sed de hac electione in capite sequenti.

4. Quam-

4. Quamvis autem Apostolis amplissima sit potestas à Christo collata, universæ tamen Ecclesiæ Pastor constitutus est Petrus; ipse positus est domus Dei fundamentum: ipsi traditæ sunt claves; ipsi commissæ sunt oves modo singulari. Quamobrem ad ipsum præcipuè referenda est jurisdictio aliorum Prælatorum, ut docet S. Thomas in hæc verba Psalmi 41. *Constitues eos Principes super omnem terram.* Affirmat enim quod alii Prælati constituuntur per summum Pontificem Hebræorum. §. *Nemo assumat sibi honorem.* Moxque causam insinuat his verbis; *Petrus obtinuit principatum universalem Ecclesiæ.* Joann. 21. *Pasce oves meas.* Imò ab ipso solo vel ab ejus successoribus missi sunt Episcopi in illas Provincias, quibus hodie præcipuè constat Ecclesiæ, quod jam sæpè monuimus; *Præsertim*, inquit S. Innocentius epist. 1. quæ est ad Decentium Episcopum Eugubinum, *cum sit manifestum in omnem Italianam, Gallias, Hispanias, Africam, ac Siciliam Insulasque interjacentes nullum instituisse Ecclesias, nisi eos QUOS VENERABILIS APOSTOLUS PETRUS; AUT EIVS SUCCESSORES CONSTITVERINT SACERDOTES.* Ostendimus suprâ B. Petrum Ecclesiis Patriarchalibus Dignitatem contulisse: ac probari posset alias, quæ post ipsas majori autoritate præditæ fuerunt, primos à Beatissimo illo Apostolo Episcopos accepisse, ut de Ponto, Galatia, Cappadocia, Asia, & Bithynia indicat prima ejus Epistola cap. 1. & cap. 5. De Constantinopoli, S. Agapetus epist. ad Petrum Hierosolymitanum in Concil. Const. sub Mena act. prima; de aliis, alii.

5. Certè qui olim in suis Parochiis, seu Provinciis, aut Diœcesibus, vel etiam in locis circumvicinis, novas cathedras Episcopales eligeant, jurisditionem se novis Episcopis conferre arbitrabantur, cum ejus aliquam partem, & aliquod signum retinerent, puta futurorum quoque Prælatorum ordinationem, confirmationem, convocationem ad Synodum, correctionem & similia; unde Primatum jus ortum aliqui arbitrati sunt, reservatâ Ecclesiæ Matrici in suas filias autoritate. Potiori ergo ratione Petro, Petrique successoribus tribuenda est jurisdictio Episcoporum Ecclesiis ab ipsis fundatis præficiendorum. Quamobrem à SS. Doctoribus, & à Theologis Episcoporum jurisdictio à B. Petro dicitur orta. Quod non tantum de ordinis communis, sed etiam de

516 TRACTATUS DE LIBERTATIBVS,  
causalitatis, ut in scholis loquuntur, prioritatem, intelligendum significant eorum verba.

6. Sanctus Optatus Episcopus Milevitanus lib. 7. contra Parmenianum; *Bono unitatis*, inquit, *B. Petrus* (cui satis erat, si postquam negavit, solam veniam consequeretur) & PRÆFERRI OMNIBVS APOSTOLIS MERUIT, ET CLAVES REGNI CÆLORVM COMMUNICANDAS CÆTERIS SOLVS ACCEPIT. Non ergo PRÆFERRI OMNIBVS APOSTOLIS MERUIT solius honoris ordine: sed ET CLAVES REGNI CÆLORVM SOLVS ACCEPIT. Si solus; non ergo alii cum eo, silem eodem prorsus modo. Imò ex his verbis, COMMUNICANDAS CÆTERIS, inferunt aliqui Petrum ipsum immediatè cæteris etiam Apostolis claves, seu jurisdictionem communicasse. Sed cum S. Optatus non exprimat à quo facienda esset communicatio, præstat ejus verba cum distributione accomoda interpretari, ut Apostolis quidem Christus, aliis autem Prælati Petrus, vel cum Petri consensu, reliqui Apostoli communicaverint.

7. Sanctus Gregorius Nyssenus adversus eos, qui castigationes ægrè ferunt, id tradit de Episcopis his verbis; *Nihil falsi, aut mendacii scriptum est in Evangeliiis, neque Christi prædictio existum fallacem habet. PER PETRVM Episcopis dedit clavem cælestium honorum.* Non in Petro solum, sed PER PETRVM Episcopis.

8. Sanctus Innocentius in epist. ad Concilium Carthaginense, quæ est 91. inter Epistolas S. Augustini, asserit, quod à B. Petro IPSE EPISCOPATUS ET TOTA AVTORITAS nominis hujus emerfit. Et in epistola ad Concilium Milevitanum, quæ est 93. inter S. Augustini epistolas. *Præsertim*, inquit, *quoties fidei ratio ventilatur, arbitror omnes fratres, & Coepiscopos nostros, nonnisi ad Petrum, idest SVI NOMINIS, ET HONORIS AVTOREM referre delere.* Hæc verba, *autoritas, & autorem*, aliquid specialius, quàm prioritatem ordinis sine dubio designant.

9. Stephanus Episcopus Larissæ in Thessalia ad Bonifacium II. scribit apud Labbeum; *quia Domino dicente tertio. Amas me? Pasce oves meas, tradidit prius volis mandatum ostendens, & PER VOS deinde omniū per universum Mundum sanctis Ecclesiis condonavit.*

10. Sanctus Leo Magnus eundem sensum apertius declarasse videtur serm. 3. de assumptione sua his verbis; *Magnum* &

& mirabile, dilectissima, huic viro ( Petro ) consortium potentia sua tribuit Divina dignatio : & si quid cum eo commune ceteris voluit esse Principibus, nunquam nisi PER IPSUM dedit, quidquid aliis non negavit. Non poterant verba majoris energię adhiberi, quàm ista; nunquam nisi per ipsum dedit, quidquid aliis non negavit. Et alibi; hujus muneris ( scilicet prædicationis veritatis ) sacramentum ita Dominus ad omnium Apostolorum officium voluit pertinere, ut in Beatissimo Petro Apostolorum omnium summo principalis collocaret, ut AB IP SO quasi quodam capite dona sua velut in corpus omne diffunderet. Epist. 89. quæ est ad Episcopos Provinciæ Viennensis.

11. Joannes Episcopus Ravennas in epist. ad S. Greg. Mag. quæ habetur post epistolam 94. lib. 2. seu 55. indictionis 11. ejusdem Pontificis, sic se apud illum excusat; Et quibus causis ego sanctissima illi Sedi, QUÆ UNIVERSALI ECCLESIAE IVRA SUA TRANSMITTIT, præsumserim obviare, propter cujus conservandam auctoritatem, &c.

12. Id ipsum docet expressiùs S. Thomas in 4. sententiarum dist. 19. quæst. 1. art. 3. quæstiunculâ 1. ad primum ergo, inquit, dicendum, quod ad absolutionem requiritur duplex potestas, scilicet potestas ordinis, & potestas jurisdictionis. Prima quidem potestas est aequaliter in omnibus Sacerdotibus, non autem secunda. Et ideo ubi Dominus Joannis 20. dedit omnibus Apostolis communiter potestatem remittendi peccata, intelligitur de potestate, qua consequitur ordinem, unde & Sacerdotibus quando ordinantur, illa verba dicuntur; sed Petro dedit singulariter potestatem remittendi peccata. Matt. 16. ut intelligatur, quod ipse PRÆ ALIIS HABET POTESTATEM JURISDICTIONIS. Potestas autem ordinis quantum est de se, se extendit ad omnes absolvendos, & ideo indeterminatè Dominus dixit; Quorum remiseritis peccata, intelligens tamen, quod usus illius potestatis esse deberet præsuppositâ potestate Petro collatâ secundum ipsius ordinationem. Non ne ordinatio Petri pro usu potestatis remittendi peccata est collatio jurisdictionis? Id clariùs explicat S. Doctor lib. 4. contra gentiles cap. 6. Petro soli promissi, tibi dabo claves Regni Cælorum, ut ostenderetur potestas clavium PER EVM AD ALIOS DERIVANDA ad conservandam Ecclesiæ Unitatem.

13. Non minus apertè eandem doctrinam tradit S. Bonaventura opusc. Quare Fratres Minores prædicent & confessiones audiant; Proprius, inquit, Sacerdos dicitur, cui quisque specialiter gubernandus est commissus ab Ecclesiâ viæ Dei. Prætermissis

518 TRACTATUS DE LIBERTATIBVS,  
 igitur diversis distinctionibus, quatuor sunt cujusque plebis Parochialis proprii  
 Sacerdotes. Primus & precipuus est summus Pontifex, cui tota Ecclesiastici  
 gregis cura singularissime commissa est, ITA QUOD OMNES INFERIO-  
 RES ECCLESIAE RECTORES, CVRAM, ET TOTAM POTES-  
 TATEM QVAM HABENT SVPER SVBDITOS AB IPSO ACCI-  
 PIUNT MEDIANTE, VEL IMMEDIATE.

## C A P U T X I.

*Aliis Testimoniis eadem doctrina confirmatur.*

1. QUAM communis sit hæc doctrina constaret, si quilibet  
 Ordo religiosus, pro suo erga summum Pontificem  
 studio instituti sui scriptorum, qui eam tradiderunt catenam  
 conficeret; si pari diligentia uterentur Universitatum Docto-  
 res. Nos aliquos dumtaxat referemus, qui vel studuerunt,  
 vel docuerunt in Gallia.

2. Sed occurrendum est exceptioni quam præsentio Gallos  
 opposituros, scilicet suspectum esse hac in parte Regularium  
 testimonium, eo quod ipsorum referat, ad tuenda contra  
 Episcopos sua privilegia, Papæ quidem potestatem extolle-  
 re, aliorum verò Prælatorum jurisdictionem deprimere. Hæc  
 objectio aliquam præ se ferret veri speciem, nisi ex iis scrip-  
 toribus aliquorum conspicua vitæ sanctitas cum eximia doctrina  
 conjuncta, ut S. Thomæ, ac S. Bonaventuræ superiori  
 capite citatorum, aliorum nulli Ordini adscriptorum suffra-  
 gium, aliquorum etiam Episcopali Dignitate insignitorum  
 consensus, multitudo denique in illam sententiam conspiran-  
 tium, illam ab autoritate certam efficerent.

3. Illam solidè adstruit Herveus Natalis Brito, Ordinis  
 S. Dominici in tractatu de potestate Papa, sub cujus initium ait;  
 Quidam ignorantes potestatem Sedis Apostolica, vel contemnentes eandem,  
 querentes suam potestatem statuere & indubitè ampliare, nolunt recognoscere  
 suam potestatem esse à Sede Apostolica, nec eam volunt recognoscere, sicut præ-  
 dicta potestate Sedis Apostolica stabilitam, dicentes potestatem Episcoporum &  
 Curatorum aquè esse immediate à Deo, sicut potestatem Sedis Apostolica, &  
 potestatem prædictorum Episcoporum & Curatorum non esse à Papa, sed im-  
 me-

me-

mediatè à Christo; Quod ERRONEVM IVDICO, ut infra patebit. Ad hujus ergo erroris exclusionem videnda sunt quedam in generali de potestate Jurisdictionis. Hervei doctrinam S. Antoninus, quamvis Archiepiscopus, suam facere non dubitavit parte 2. summæ Theologiæ tit. 22. cap. 3. cujus § quintum sic inchoat; De plenitudine potestatis Papalis & Jurisdictionis erga alias potestates inferiores, ut Patriarchas, Archiepiscopos, Episcopos, & Parochiales Curatos. Ubi sciendum secundum Herveum in dicto Tractatu, quod omnis potestas Ecclesiastica alia à Papali subest ei quoad tria. Primò quantum ad correctionem abusum. Secundo QUANTVM AD INSTITVTIONEM, ET COLLATIONEM IPSIVS POTESTATIS inferioris. Tertiò ad subsidium adminiculativum, &c. Vide si lubet ibi, & tit. 3. cap. 11. § 14.

4. Ut autem Scriptores Gallicos prosequamur. Eandem sententiam amplexus est pluribus in locis veritatis magis quàm augendæ propriæ Dignitatis studiosus Egidius Columna, Bitoricensis Archiepiscopus, Aquitanix Primas. Videri potest in lib. de renunciatione Papæ cap. 8. & alibi. Sed majoris ponderis est ejus suffragium in opere, in quo, Jurisdictionis Episcopalis fundamenta firmius stabilire opere pretium erat; scilicet ubi exemptiones impugnat, vel potiùs earum abusus, nempe opusc. contra exemptos, in cujus cap. 2. sic scribit; Cum Pontifices & Episcopi sint opera sapientia summi Pontificis, quia PER EVM, VEL PER AVTORITATEM EIVS SVNT ASSUMPTI IN PARTEM SOLICITVDINIS, &c. Vide ibidem cap. 2 §.

5. Thomas ab Argentina Theologiam Parisiis professus circa annum 1445. dist. 25. quæst. 1. art. 2. Cum igitur, inquit, Jurisdictio spiritalis cuiuslibet Sacerdotis dependeat à Summo Pontifice, apud quem solum residet Jurisdictionis plenitudo, tam in fieri, quam in conservari, IPSE ENIM QVOTIDIE POTEST DARE ET AVFERRE HVIVSMODI JURISDICTIONEM, prout ad statum Ecclesiæ gubernandam ipse videri expectare: ideo potestas excommunicandi, quæ præcisè immititur Jurisdictioni, dependet à potestate Ecclesiæ, seu Summi Pontificis non solum in fieri, verum etiam in conservari, quia non dependet minus illud quod immititur, quàm dependeat illud, cui immititur. Et eadem ratione potestas absolvendi in Foro penitentia, in quantum immititur jurisdictioni, dependet tam in fieri, quàm in conservari à potestate Ecclesiæ. Et hinc est quod subtractâ jurisdictione per sententiam Juris, vel Judicis à Prelato, vel Sacerdote, tunc non possunt excommuni-

520 TRACTATUS DE LIBERTATIBVS,  
 municare, nec penitentias saluantes injungere, & si de facto attentant, irritum est, & inane quod faciunt; quia potestas, quâ hac facere deberent, non est eis conservata, sed potius irritata ab eo, à QVO DEPENDET HVIVSMODI POTESTATIS CONSERVATIO.

6. Joannes à Celaia in tertium sent. dist. 25. quæst. 7. idem sentit, etiam de Apostolis, & explicat, probatque in hunc modum; Quæritur septimò circa eandem distinctionem, utrum à Romano Pontifice derivetur ad omnes alios Prælatos Ecclesiæ potestas jurisdictionis. Ad hanc difficultatem respondetur, affirmative . . . . Jam probatur eadem responsio per rationes. Prima est talis. Ceteri Apostoli à Petro non habuerunt oves subditas immediate à Christo: ergo non habuerunt immediate potestatem jurisdictionis à Christo. Antecedens patet, quia soli Petro Salvator noster dedit oves Joann. ult. cap. & nulli alteri: ergo non habuerunt oves immediate à Christo. Secunda ratio talis est: in omni principatu potestas jurisdictionis derivatur ad quancumque personam à Monarcha talis Principatus, teste D. Dionysio, tam in lib. de Cælesti Hierarchia, quàm de Ecclesiastica Hierarchia. Sed Papa est Monarcha in Principatu Ecclesiastico, ut probatum est superius, ergo AB IP SO DERIVATUR POTESTAS IN OMNES ALIOS PRÆLATOS ECCLESIE. Tertia ratio talis est: teste eodem Dionysio in libris allegatis, Ecclesiæ nostra militans ordinata est ad instar cælestis Hierarchiæ: sed in cælesti Hierarchia est unus Monarcha, scilicet Dominus Deus, à quo derivatur potestas in omnes alios: ergo ita erit in Ecclesiastica Hierarchia: & non est ponendus alius à Pontifice Romano. Deinde solvit objectiones, sicque respondet; Arguitur autoritate Divi Bernardi in lib. de consid. ad Eugenium Papam dicentis; Erras, si, ut summam, ita & solam institutam à Deo, assimas tuam Apostolicam potestatem: ergo alia potestates à Papatu sunt instituta à Deo, & per consequens potestates aliorum Prælatorum Ecclesiæ non derivantur à Romano Pontifice. Pro hujus argumenti solutione est advertendum, quod in quolibet Prælato Ecclesiæ possumus duo considerare, scilicet Dignitatem in se, & Dignitatem hujus persone: Dignitas in se immediate est instituta à Deo; Dignitas autem hujus persone, idest quod ista persona habeat istam Dignitatem, sive potestatem Ecclesiasticam non est à Deo immediate, SED MEDIANTE ROMANO PONTIFICI, QVI VOLUIT ISTVM INSTITVERE IN EPISCOPVM, vel Rectorem. Quamvis talis potestas sit mediata à Deo juxta illud Pauli ad Romanos 13. Omnis potestas est à Deo; isto notato respondetur ad formam argumenti negando ultimam consequentiam. Nam licet Dignitas Episcopalis, sive Rectoralis sit instituta à Deo: non tamen est institutum à Deo immediate, quod iste habeat Dignitatem Episcopalem vel Rectorem, sed à Romano Pontifice.

7. Mi.



7. Michael Maucler parte 2. de Monarchia lib. 4. cap 10. eandem tradit doctrinam. Marcum Antonium de Dominis Episcopum Spalatensem contrariam amplexum, confutandum sibi in hoc etiam puncto duxit Nicolaus Coeffeteau Episcopus Massiliæ nominatus discussione quinti capitis lib. 2 Spalatenfis.

8. Joannes Puteanus Regius in Academia Tolosana Theologiæ Professor in secundam secundæ sancti Thomæ quæst. prima art. 6. dub. 3. in resp. ad primam objectionem, & ad instantias, jurisdictionem Episcoporum à Deo mediâtè derivat, à summo Pontifice immediâtè. *De lege namque communi Episcopi suam Dignitatem consequuntur à Deo per dependentiam à summo Pontifice, adeo ut potestas Episcopalis de jure communi pendeat intrinsecè & ex ordinatione Divina à potestate summi Pontificis. . . . . Hac autem est in Episcopis modo ordinario, atque adeo cum dependentia à summo Pontifice, penes quem est LIMITARE JURISDICTIONEM EPISCOPALEM, ut definitum sit multoties, Et adhuc infra; Nihil accipit Pontifex Maximus ab Ecclesia, sed à solo Deo. Ecclesia autem illud omne, quod habet, à Pontifice maximo proximè, & immediâtè mutuatur; remotè verò, & mediâtè à Deo.*

9. In Specimine juris Ecclesiastici apud Gallos recepti Joannis Doujat Antecessoris Parisiensis, extat Tractatus Privilegorum, quæ exemptiones dicuntur, Autore Joanne Lomèdè in Senatu Parisiensi Patrono, in cujus cap. 3. num. 12. supradicta doctrina traditur. Episcopi (licet quod singulariter alloquendo Petrum, omnibus futuris Episcopis loqueretur) sum à summo Pontifice tanquam Christi ministro & capite Ecclesiæ electi, assumpti & instituti, quorum summorum Pontificum est DIVIDERE, ET VNIRE DIOCESES, & imponere curam, &c.

10. Numero autem 13. ait idem Lomèdè; *Glossa Pragmaticæ sanctionis in capite licet in vers. reservationes, De electione. Tenet per cap. Puto. 2. quæst. 7. & cap. mandata. De presumption. Episcopos in suis Diocæsis Vicarios esse Papæ. Ideò Legatos & Delegatos suos esse majores ordinariis.*

11. Non ergo augendæ propriæ Dignitatis desiderio tribuendum est, quod recentiores Pontifices declararunt Episcoporum honorem & jurisdictionem à sancta Sede effluere. Ac si quis eorum testimonia recusat, quod in propria causa loquantur: Cur non rejicietur etiam Episcoporum contra-

522 TRACTATUS DE LIBERTATIBVS,  
 rium sentientium autoritas, cum non minus proclives sint inferiores ad amovendum subjectionis jugum, quam superiores ad amplificandam suam Dignitatem? Cur igitur major hac in parte fides debebitur Episcopis Gallicanis, quam Sixto V. Papæ, cujus hæc sunt verba constit. 74. an. 1587. undecimo Kal. Febr. in institut. Congregationis pro consultationibus Episcoporum, & aliorum Prælatorum §. 1. *Quare ut ab Apostolica Sede, à qua tanquam à Matre honorem, & IVRISDICTIONEM ACCEPERUNT, sibi, cum opus erit, auxilium, præstidumq; paratum esse intelligant, ut greges suos tanto fructuosius pasciant, quinque itidem Cardinales præponimus Episcoporum, & aliorum Prælatorum consultationibus audiendis.*

12.. Nemo hæcenus Bullas provisionis recusavit, eo quod in hac forma essent, quæ jurisdictionem Episcopo à summo Pontifice conferri significat; PROVIDEMVS ECCLESIAE N. de persona N. & præsumus eum in Patrem & Pastorem, ac Episcopum ejusdem Ecclesie, committentes ei administrationem in temporalibus, & spiritualibus.

## C A P U T . X I I .

*Respondetur argumentis sententiæ, jurisdictionem Episcoporum ad Deum immediate referentis.*

1. **C**ontra doctrinam in superioribus capitibus traditam obijci potest primò. Jus Divinum in Scripturis sacris vel in traditione habemus, & hinc mutuandæ sunt leges, secundum quas controversiæ circa jus illud emergentes dirimendæ sunt. Itaque si Episcoporum autoritas à summi Pontificis voluntate penderet, id Christus aut verbo, aut facto expressè docuisset, aut saltem Apostoli ipsi; sicut cætera, quæ de jure Divino sunt, aut Scriptura ipsa exprimit, aut Apostoli usu, & traditione declararunt, vel saltem Apostolorum tempore, aliquo, si non evidentissimo, ad minus satis aperto specimine demonstrata sunt; at verò Scriptura sacra potius insinuat Episcoporum jurisdictionem à Deo esse immediate, Dominus enim noster Jesus Christus Apostolos misit

misit his verbis. *Euntes docete omnes gentes.* Missio autem complectitur auctoritatem omnem ad ea peragenda, ad quæ quis mittitur. Porro quemadmodum summus Pontifex B. Petro Apostolorum Principi succedit, ejusque potestati ad regendum Christi ovile; ita Episcopi cæteris Apostolis. Ergo quemadmodum Apostoli non à B. Petro missionem, & jurisdictionem, sed à Christo ipso acceperunt: ita Episcopi non à summo Pontifice, sed à Christo. Verùm distinguenda est in Apostolis duplex Dignitas; Apostolica scilicet, & Episcopalis. Ad primam pertinebat, ut Evangelium prædicarent, & Ecclesias ubivis fundarent, atque ordinarent. Ad secundam spectabat, ut Ecclesiam aliquam tanquam Pastores proprii, & ordinarii regerent, ibique munia Episcopalia obirent, sicut S. Jacobus Jerosolymitanæ præfuit Ecclesiæ, S. Joannes Ephesinæ, S. Petrus Antiochenæ, ac postmodum Romanæ. Successerunt Episcopi Apostolis in Dignitate Episcopali, non autem in Apostolica; quia scilicet ista non erat ordinaria, & ad successores transmittenda, sed extraordinaria, & tunc temporis necessaria, ut *in omnem terram exiret sonus eorum, & in fines orbis terra verba eorum*, ut jam supra notavimus. Solius Petri auctoritas non solum tanquam Episcopi Romani, sed etiam tanquam Ecclesiæ Capitis, & Christi Vicarii generalis ad suos successores transit, quia hoc ad regimen Ecclesiæ, quod ipsius fundator optimi, atque adeo Monarchicum statuerat, erat necessarium. Cæterum in regimine Monarchico supremus Princeps officia aliis etiam Principibus distribuit, ac jurisdictionem confert. Nec refert si dicas Christum esse supremum Ecclesiæ Principem; nam ipse quidem per se invisibiliter Ecclesiam regit, sed visibilem administrationem, qualis est gubernatio populi fidelis, adquam requiritur jurisdictio, visibili suo in terris Vicario committit.

2. Objicitur secundo, quod dispersi per orbem Apostoli Episcopos per Civitates non solum constituerunt ipsi, sed & alios constituendi facultatem impertiverunt. Nam B. Paulus scribit ad Titum cap. 1. *Hujus rei gratia reliqui te Creta, ut ea quæ desunt corrigas, & constituas per Civitates Presbyteros, sicut & ego constitui tibi;* sub nomine autem Presbyterorum Episcopos intelligit; subjungit

enim paulò post prædicta verba ; *Oportet enim Episcopum sine crimine esse, &c.* Atqui S. Paulus qui non ab hominibus, neque per hominem, sed per Jesum Christum, & Deum Patrem constitutus fuerat Apostolus, ut ipsemet de se testatur epist. ad Gal. cap. 1. pro jurisdictione obtinenda, nec Titum, nec alios Episcopos, vel à se, vel ab illo ordinatos ad S. Petrum misit : unde conjicere licet ipsorum jurisdictionem à Christo immediatè fluxisse, & si cui homini adscribenda foret, videretur potius ad S. Paulum referenda. Nec ii soli, qui ab Apostolis facti sunt Episcopi, sed & qui ab istis, & rursus qui ab aliis, Episcopalia munia gesserunt non petità jurisdictione à B. Petro, vel ab ejus successoribus. Verùm præterquam quod Apostolica potestas in cæteris à Petro Apostolis erat extraordinaria, ut diximus, & non poterat ullus Episcopus creari, qui à supremo Ecclesiæ Pastore non penderet in regimine ovium Christi: quid mirum est si primis Ecclesiæ temporibus summi Pontifices in cavernis frequentissimè latitantes, quasi furtim, pauca tantum Pastoralis officii munera exequi per se potuerint ; si totius terrarum orbis non ita specialem curam gesserint, atque illius curæ authentica monimenta ad nos ulque non pervenerint. B. Petrus, antequam Apostoli varias in partes proficiscerentur, ac postmodum B. Petri successores alii expresse, alii tacitè consenserunt, ut Episcopi, quotquot ad populorum recens converforum regimen essent necessarii, ordinarentur, & ad eam Ecclesiæ portionem destinarentur, cui satis esse possent. Verumtamen ut potestatis origo nunquam ignoraretur, summi Pontifices, quemadmodum supra observavimus, aliquod superioritatis signum in Patriarchas, Primates, sæpe etiam in Metropolitanos, à quibus inferiores Episcopi ordinabantur, sibi reservarunt ; puta pallii concessionem, aut ordinationem ipsam. Apostolos omnes ordinem Episcopalem, cujus effectus est alios posse ordinare, à B. Petro recepisse nonnulli sentiunt. De B. Paulo, cujus speciatim exemplum opponitur, S. Leo epist. 81. cap. 1. scribit, *quod cum apostoli Paulum & Barnabam ex praecepto Spiritus sancti ad Evangelium gentibus mitterent predicandum, jejunantes, & orantes imposuerunt eis manus.* Cùm autem B. Petrus Antiochiæ, ubi constat ex cap. 13. Act. Apostolorum, ordinatum fuisse B. Paulum,

cathc-

ECCLESIAE GALLICANÆ. LIB. VIII. 525  
cathedram collocasset, essetque specialis Episcopus illius Ecclesie, Pauli ordinatio B. Petro meritò adscribitur. Ita expresse pronuntiavit Arator Subdiaconus Ecclesie Romanæ an. 544. hist. Apostolicæ lib. 2.

*Spiritus accensam verbo radiante lucernam,  
Sub modio lucere vetans : secernite Saulum  
Dixit in oris opus, quem mox sacravit euntem,  
Impositâ Petrus ille manu, cui sermo Magistri  
Omnia posse dedit .....*

Itaque jam tum inter se consensisse B. illas Apostolos de ordinandis Ecclesiis verisimillimum est; sicut postea dexteræ sibi societatis dederunt, cum unus Judæorum, alter gentilium, specialiorem curam suscepit. Cæterum primis etiam sæculis B. Petri ejusque Successorum non solum consensu, sed etiam autoritate, præpositos Ecclesiis Pastores suadet sequentium temporum praxis, quibus summi Pontifices suam liberius exercuerunt autoritatem. Nam, ut suprâ vidimus, Episcopos, & Archiepiscopos in Provinciis, in quibus vel non fuerant, vel defecerant, statuantes, ordinationis, ac regiminis regulas, & potestatis mensuram præscripserunt, ac juris sui signum aliquod sibi reservarunt.

3. Opponitur tertio quod S. Paulus B. Timotheum ad Episcopalia munia ritè obcunda exhortans, solius impositionis manuum mentionem facit; *Admonco te, inquit secundæ Timoth. 1. ut resuscites gratiam Dei, qua est in te per impositionem manuum mearum .....* Collabora Evangelio secundum virtutem Dei, qui nos liberavit, & vocavit vocatione suâ sanctâ. Non, ait, à me, sed, per impositionem manuum mearum; quia licet ministerium Pontificum necessarium sit ad ordinationem & commissionem regiminis animarum: Non est tamen jurisdictionis causa. Sed quemadmodum in Baptismo, licet Petrus baptizet, ut inquit S. Augustinus, *hic (Christus) est qui baptizat: Paulus baptizat; hic est qui baptizat, &c.* Ita in ordinatione manus ab Episcopis imponuntur, sed à Deo gratia infunditur, & potestas confertur. Verùm hæc S. Pauli verba de potestate ordinis, quæ per impositionem manuum confertur, patet esse intelligenda,

da. Nec refert, quod subinde muniorem Episcopatum sit mentio, tum quod utraque potestas eodem tempore conferretur, & qui ordinabatur, ad certæ plebis regimen jam destineretur; tum quod gratia, quæ per ordinationem confertur, ad exequenda ritè officia Episcopalia sit admodum necessaria; tum denique quia potestas jurisdictionis in plerisque supponit potestatem ordinis.

4. At, inquit, expressè declarat idem S. Apostolus *Spiritum Sanctum posuisse Episcopos regere Ecclesiam Dei*, quod ad jurisdictionem spectat, non ad ordinem. Sunt certè à Spiritu Sancto positi Episcopi ad regendam Ecclesiam Dei, quia confertur illis in ordinatione Spiritus Sanctus cum magna gratiarum copia, & characteris impressione, quibus apti fiunt ad Episcopales functiones, non tamen inde infertur jurisdictionem à Spiritu Sancto immediatè conferri. Quilibet enim Sacerdos & characterem, & nisi obicem ponat, Spiritus Sancti gratiam percipit, dum ordinatur: jurisdictionem tamen ab Episcopo habet, ut in Parochia, vel Diocesi Pœnitentiæ Sacramentum ministret. Adde quod verba illa non à Spiritu Sancto collatam Episcopis jurisdictionem, sed inspiratam eorum electionem significant, ut colligitur ex act. cap. 13. ubi Pauli & Barnabæ missio tribuitur, & Spiritui Sancto tanquam suggerenti, & ordinantibus tanquam suggesta exequentibus & immediatè mittentibus; *Ministrantibus autem illis Domino, & jejunantibus, dixit illis Spiritus Sanctus; segregate mihi Saulum & Barnabam, in opus ad quod assumpsi eos. Tunc jejunantes, & orantes, imponentesq; eis manus, dimiserunt illos. Et ipsi quidem missi à Spiritu Sancto abierunt Seleuciam, &c.* Observant Doctores, Ecclesiæ Ministros ex speciali Spiritus Sancti revelatione tunc creati solitos; ideoque illorum electionem Spiritui Sancto peculiariter adscribi.

5. Cum suprà dictum sit Apostolos indiscriminatim Ecclesias fundasse, Pastores illis præposuisse, hisque jurisdictionem contulisse, argui posset Episcoporum jurisdictionem ad alios Apostolos eorumque successores, perinde ut ad S. Petrum esse referendam. Sed præterquam quod stabit semper jurisdictionem Episcopalem non esse immediatè de jure Divino, contra quam contendunt Antifistites Gallicani, nihil

cos

eos hoc argumentum juvat; quippe cū ut sæpe inculcavimus ex S. Innocentio, nullus, præter B. Petrum, aut ejus successores, in Galliis Ecclesias constituerit: imò qui ab aliis Apostolis constituti sunt Prælati, eos à B. Petro jurisdictionem habuisse docet S. Bonaventura opusc. Quare fratres Minores prædicent & confessiones audiant. Dominus Iesus Christus, inquit, omnium Creator, & Gubernator, sanctam Ecclesiam suam ascensurus in Cælum Apostolis regendam, & dilatandam commendavit, principaliter B. Petro Apostolo, cui de universo grege fidelium specialiter dixit tertio; *Pasce oves meas.* Sed ut ordinatius gubernaretur universalis Ecclesia, distinxerunt eam sancti Apostoli per Patriarchatus, Primatus, Archiepiscopatus, Episcopatus, Parochias, & alias canonicas distinctiones; ut quia per unum, vel per paucos non poterat singulis fidelium in omnibus saluti necessariis congruè satisfieri; plures ad hujus sollicitudinis partes per determinatos sibi limites pro utilitate animarum vocarentur. Et secundum curam Pastoralis amplitudinem, etiam quilibet istorum accepit certam auctoritatis potestatem, residente plenitudine potestatis Ecclesia, apud Sedem Apostolicam. Romana Ecclesia, cui Apostolus Petrus Princeps Apostolorum specialiter prædedit, & successoribus suis ibidem eandem potestatem reliquit. Triplex est autem hujus potestatis plenitudo, scilicet quod ipse summus Pontifex solus habet totam plenitudinem auctoritatis, quam Christus Ecclesia contulit, & quod VBIQUE IN OMNIBUS ECCLESIIS habet illam, SICUT IN SUA SPECIALI SEDE ROMANA, & quod AB IPSO MANAT IN OMNES INFERIORES per universam Ecclesiam OMNIS AVTORITAS, prout singulis competit ei participari, sicut in Cælo ab ipso fonte totius boni Christo Iesu omnis gloria Sanctorum, licet eam differentes singuli participant pro capto suo, &c.

6. Denique dices, si jurisdictioni Episcoporum à Papa esset, eam faciliè posset tollere, imò sine causa, si non licitè, saltem validè, essetque verendum, ne eos non ut fratres, sed ut Vicarios haberet. Verùm licet summus Pontifex proximus sit Episcopalis jurisdictionis collator, non eam Præfulis confert quasi Vicariis, licet eo nomine glossæ aliquæ utantur, sed quasi Pastoribus ordinariis, ut eam non ejus, sed proprio nomine, ac jure exerceant. Sicut enim, licet Rex Senatui, aut Proregi, vel Toparchæ jus concederet Judices, aliosve officiales ordinarios ad regimen populi, creandi, eisque jurisdictionem cum officio ac titulo conferendi, præsertim si officia ipsa ille instituisset, quorum collationem cede-

cederet, non continuò tamen arbitrio Senatus, Proregis, aut Toparchæ permetteret facultatem creatos semel Officiales absque ulla legitima causa revocandi: ita Christus, qui Episcopatus est institutor, quique per Episcopos Ecclesiam administrari voluit, etiam si Petro ejusque Successoribus, tanquam supremis Pastoribus, Episcopatum particularium, & Episcoporum institutionem commiserit, nequaquam tamen eis (quasi Episcopus Romanus unicus Pastor esset, & alii ejus tantum Vicarii, ac Commissarii, non verò Pastores) jus tribuit ad libitum cæteros amovendi. Nec id unquam senserunt summi Pontifices, sed potius magnam suæ Dignitatis partem in eo posuerunt, ut unicuique Episcopo salva esset sua Dignitas & integra Privilegia, nisi fortè crimine aliquo iis privari mererentur. Ita sæpè S. Leo, S. Gregorius, alii-que maximi Sanctissimi-que Pontifices, & verbis & operibus protestati sunt.

7. Sanctus Leo Episcopis Provinciæ Viennensis scribebat epist. 89. se maximam ex servatis illorum juribus lætitiā percipere. *Nostra enim, inquit, gratulationi hoc solum crescere proficimur, si, & Apostolica Sedis diligentia apud vos illibata servetur (Ordinatio) & per Sacerdotalis disciplina concordiam honori vestro perire, quod suum est in propriis usurpationibus non sinamus.*

8. Sanctus Gregorius Magnus ita Episcoporum non solum jura salva cupiebat, sed & Dignitatem, & honorem, ut se universalem Papam ab Episcopis vocari ægrè ferret, hac præcipuè ratione, quod si universalis ipse diceretur, solus etiam fortasse putaretur. En ipsius verba, humilitatis, tanto viro dignæ, plena in epist. 30. lib. 7. quæ est ad Eulogium Episcopum Alexandrinum; *superba appellationis verbum universalem me Papam dicentes imprimere curatis, quod peto dulcissima mihi sanctitas vestra ultra non faciat, quia vobis subtrahitur, quod alteri plusquam ratio exigit, præbetur. Ego enim non verbis quero prosperari, sed moribus; nec honorem esse deputo, in quo fratres meos honorem suum perdere cognosco. Meus namque honor est honor universalis Ecclesiæ. Meus honor est fratrum meorum solidus rigor. Tunc ergo verè honoratus sum, cum singulis quibusque honor debitus non negatur. Si enim universalem me Papam vestra Sanctitas dicit, negat se hoc esse, quod me facit universum. Tam altè sanctissimi hujus Pontificis animo impressa erat affectio illa, ut eam non semel signifi-*  
fica-



ficaverit. *Mihi ipsi*, inquit, lib. 2. epist. 37. *Injuriam facio, dum fratrum meorum jura perturbabo.*

9. Si, ut testatur ipsemet Maximus Pontifex, animarum cura est onus Angelicis humeris formidandum, non expedit ei, qui omnes totius Orbis terrarum homines, velut oves Pastori pascendas à Christo ipso sibi traditas, non dubitat, ut alios Pastores impediatur, dum greges sibi specialiter commissos juxta sacrorum Canonum normam custodiant: sed ut illos hortetur, juvet, vel etiam protegat, ac novis favoribus augeat. Debet nihilominus datam sibi à Christo, & ab Ecclesia universa confirmatam, seu publicè, atque solemniter recognitam auctoritatem vindicare, ne ambitiosorum conatibus infringatur, aut enervetur, quod S. ipse Gregorius observabat; *sicut inquit epistolà 39. lib. 2. nostra defendimus, sic omnibus Ecclesiis sua jura servamus.* Noverat documentum, quod Pastoribus in lib. de cura Pastoralis proposuerat, in usum, dum opus esset redigere; ut scilicet se Superiorem meminisset, & severitatem adhiberet; sed modum servabat, quem etiam ipse præscripsit in eodem lib. de cura Pastoralis parte 2. cap. 6. his verbis; *sit Rector bene agentibus per humilitatem socius, contra delinquentium vitia per zelum justitiæ erectus, ut & bonis, in nullo se præferat, & cum pravorum culpa exigit, potestatem protinus sui Prioratus agnoscat, &c.*

10. Tanta est in eo præcepto æquitas, ut à nemine negetur. Nam & summi Pontifices se animarum servos esse, non Dominos exemplo Apostolorum arbitrantur. *Servos vestros per Christum*, inquit S. Paulus 2. Corint. 4. vers. 5. *Servus servorum Dei*, ait Pontifex; undè consequitur cum Episcopis, portiones gregis Christi suæ curæ demandatas rectè administrantibus non invidere, non obstare, sed favere, sed auxiliari debere, quodque illi rectè gerant, sibi in tremendo Dei judicio, profuturum æstimare.

11. Sed Episcopi conqueri sine injuria nequeunt, quod summus Pontifex sibi à Christo præpositus sit: gaudere potius debent tanquam de maximo beneficio, quod, cum ipsi tot animarum constituti sint Pastores, saltem unum suprà se Pastorem habeant, qui dormitantes excitet, laborantibus opem ferat, afflicto consoletur, persecutionem patientes

530 TRACTATUS DE LIBERTATIBVS,  
defendat, onus cum eis portet, rationem cum eis redditurus; imò qui eos errantes revocet, ac etiam reos plectat, ut, & illorum saluti, & gregis eis crediti utilitatibus consulat. Nam, ut monet S. Leo in epist. 84. *supracitata; qui scit, se quibusdam esse prapositum, non molestè ferat aliquem sibi esse praelatum: sed obedientiam, quam exigit, etiam ipse dependat.*

12. Iniquum esset, ut summorum Pontificum humilitas, ac modestia, minus promptos ad reverentiam, aut obedientiam efficeret. Certè S. Gregorius humillimus, ac mansuetissimus, quamvis juxta proprium præceptum omnibus bonis se præberet æqualem, aliorumque Pastorum honorem, suum duceret, omnium tamen se Superiorem profitebatur, dum id cujusvis culpa exigeret. Nam epist. 65. lib. 7. quæ est ad Joannem Episcopum Syracusanum sic scribit, occasione Episcopi Byzaceni Provinciæ Africæ, de crimine accusati; *Quod se dicit Sedi Apostolica subjici, & si qua culpa in Episcopis invenitur, nescio quis ei Episcopus subiectus non sit.*

## C A P U T X I I I .

### *De Jurisdictione Clericorum Episcopis inferiorum.*

1. **N**ihil est in sacris Scripturis, quod Archidiaconorum, aliorumve in Ecclesiastica Dignitate constitutorum jurisdictionem indicet à Deo immediatè profectam, sed constat potius hujuscemodi Dignitates ab Ecclesia fuisse institutas. De origine jurisdictionis, quâ potiuntur Curati nonnihil dubitatur.

2. Plures Doctores Parisienses eos putant septuaginta Discipulis successisse, quos Dominus noster Jesus-Christus *miser* *bines ante se in omnem locum, quo erat ipse venturus*, ut habetur apud S. Lucam cap. 10. ideoque illorum institutionem, non solum quantum ad ordinem, sed etiam quantum ad jurisdictionem, ad jus Divinum referentes, illos, sicut potestatem ordinis, ita & potestatem jurisdictionis à Deo immediatè accipere arbitrantur, quamvis Episcopo indigeant tum ut ordinentur, tum ut plebi præficiantur.

3. Ad-

3. Addunt jam tempore Apostolorum, non solum Episcopos, ad magnarum urbium regimen constitutos, sed & cæteros Presbyteros, qui minorum locorum curam gererent, qua in politia putant Apostolos non novi aliquid excogitasse, sed Christi præceptum executos fuisse.

4. Equidem S. Hieronymus Presbyterorum Dignitatem ita effert, ut eam Episcopali æquare videatur; qui tamen benignè est interpretandus, ne communi Ecclesiæ sententiæ contradicat, & Arianæ heresi, discrimen inter Episcopos, & Sacerdotes nullum agnoscanti, faveat, de quo Michael Medina eum criminari ausus est. *Sicut Presbyteri sciunt*, inquit S. Doctor comment. in epist. ad Tit. *se ex Ecclesia consuetudine ei, qui sibi prepositus fuit, esse subiectos; ita Episcopi noverint se magis consuetudine, quam dispositionis Dominica veritate Presbyteris esse majores, & in commune debere Ecclesiam regere.* Sed omnimodam certè noluit æqualitatem inducere inter Episcopos, & inferioris ordinis Presbyteros, quod pater, cum ex aliis ejus libris, præcipuè ex epist. 85. quæ est ad Evagrium, in qua ordinationem Episcopo vindicat, quam denegat Presbytero: & ex epistola 1. quæ est ad Heliodorum, in qua Diaconis tertium dumtaxat gradum assignat, primo Episcopis concesso, secundo Presbyteris relicto: tum ex verbis, quæ immediatè suprà relatis adjunguntur; *Imitantes Moysen, qui cum haberet in potestate solus præfisse populo Israël, septuaginta elegit, cum quibus populum judicaret.* Licet enim Deus Moyse præceperit, quod socer Jethro jam consuluerat, ut scilicet sibi septuaginta deligeret adjuutores: tamen nemo dubitat, quin Moyses, cui reservatum est majorum causarum judicium, semper ipsis extiterit superior, etiam ex ordinatione Divina.

5. Habet quidem usus Ecclesiæ, ut Presbyteri Curati non reponantur in ordine Judicum tantum delegatorum, quibus & committitur, & aufertur jurisdictio ad libitum delegantis: sed non ita ut illorum jurisdictio dispositioni Dominicæ, non Episcoporum auctoritati accepta referenda sit. Longè namque verius est, jurisditionem illam ab Ecclesiastico jure, non à Divino, manasse. Nec enim septuaginta Discipuli à Domino missi, sunt ad plebem aliquam destinati, nec ad omne tempus, sed præmissi tantum Christo in omnem lo-

cum, quo erat ipse venturus: nec etiam Sacerdotali character fuerunt insigniti, vel autoritate populum regendi, Sacramenta ministrandi, vel reliqua efficiendi, quæ Pastoris sunt propria, sed tantum cohortationibus suis Christo venturo animos preparandi. Apostoli, licet similiter, atque præstantiori modo, missi fuissent, non tamen ordinem Sacerdotalem adepti sunt, donec (quod de septuaginta Discipulis, quibus Curati successisse dicuntur, nusquam in Evangelio legitur) in ultima cœna potestatem consecrandi, post resurrectionem, potestatem solvendi & ligandi recepissent.

6. Apostoli quidem, & Episcopi habuerunt Sacerdotes, quorum operâ in regendo populo Christiano uterentur, non tamen principio Sacerdotes illos plebi speciali tanquam Pastores ordinarios præponebant ad vitam, adeoque illa deputatio non ordinationi Divinæ immediatè, sed Ecclesiasticæ politicæ adscribenda est.

7. Et quoniam jus Divinum in Scripturis habemus, ut supra cum S. Augustino tract. 6. in Joan. notavimus, nullumque videmus à Christo Sacerdotem, præter Apostolos, missum ad regimen animarum, nescio quâ ratione ipsi tribuenda sit Curatorum constitutio immediata.

8. Hoc sanè certissimum est, jurisdictionem Sacerdotum jure Divino Episcopali esse subordinatam, & subiectam, ut luculenter docet S. Thomas opusc. contra impugnantes Religionem cap. 4. *Potestas Sacerdotis naturaliter, & ex jure Divino subditur potestati Episcopi, ut Dionysius probat. . . . . Sacerdos autem, qui ex jure Divino Episcopo subditur, in omnibus est ei subiectus.* Æquum igitur est, ut Curati aliique Clerici S. Ignatium audiant in epistola ad Smirneneses sic monentem; *Omnia vestra decenti ordine persciantur in Christo. Laici Diaconi subiciantur, Diaconi Presbyteris, Presbyteri Episcopo, Episcopus Christo, ut ipse Patri.*

9. Consultissimum etiam est, ut Episcopi Curatorum jurisdictionem, etiamsi juris Ecclesiastici tantum sit, ita tueantur, ut cum eis, quemadmodum monet S. Hieronymus in verbis jam relatis, in commune Ecclesiam regant, *imitantes Moysen, qui cum haberet in potestate solus præesse populo Israel, &c.* eosque eo loco habeant, quem exprimunt verba tempore ordinationis ab Ordinatore profecti solita; *Infirmis nostris quasumus Domine*

*hac*

*hæc ADIVMENTA largire, qui quanto fragiliores sumus, tanto his pluribus indigemus. .... sint providi cooperatores Ordinis nostri.*

10. Denique servanda est mutua illa concordia, quam præscribit Canon 17. Sardicenis Concilii; sicut ille (Episcopus) Clericis sincerum exhibere debes amorem charitatis; ita quoque vicissim Ministri infusata debent Episcopo suo exhibere obsequia.

11. Hæc Episcoporum erga Curatos humanitas ac benignitas, ac vicissim Curatorum, aliorumque jurisdictione Ecclesiasticâ præditorum erga Episcopos reverentia, & obedientia concordiam parient, sine qua multa oriuntur scandala, multæ contentiones, quarum occasione vera libertas Ecclesiæ sæpissimè violatur, interjectis ceu ab abusu appellationibus ad Judices sæculares.


12. Itaque sapientissimum S. Hieronymi consilium est, epistolâ ad Nepotianum; *Illud etiam dico, quod Episcopi Sacerdotes se esse noverint, non Dominos: honorent Clericos, ut & ipsi a Clericis quasi Episcopi honor deferatur. Scitum est illud Oratoris Domitii: cur ego te, inquit, habeam ut Principem, cum tu non me habeam ut Senatorem? Quod Aaron, & filios ejus, hoc Episcopum & Presbyteros esse noverimus.*

13. Cæterum quotidie summus Pontifex beneficia Parochialia in omnibus Ecclesiæ partibus conferens, re ipsâ probat, Curatos jurisdictionem accipere, tunc quidem immediate ab ipso, alias autem mediante ipsius consensu. Nec cuiquam id dubium esse potest, si etiam Episcopalis jurisdictionis ex eo fonte manare supponatur.

14. Certè cum Christus totum ovile, atque oves omnes, etiam ipsos Apostolos, ut alibi probabimus, B. Petro tanquam supremo Pastori, commiserit; eique claves Regni Cælorum tanquam supremo dispensatori dederit, debet, quisquis gregis portionem regendam, aut distribuendos gratiæ thesauros suscipit, à Petro suum officium ac claves petere, non propriâ sibi autoritate, aut sine illius saltem consensu usurpare. *Supponitur, inquit Joan. Gerl. de potest. Eccles. confid. 10. insuper ex jam dictis, quod ex institutione Christi nullus in Ecclesia debet dare, vel suscipere gradus Hierarchy, qui sunt purgare, illuminare, & persequere, si non interveniat verè, vel interpretative autoritas summi Hierarchy vel Monarcha in Ecclesia sancta Dei, quatenus in ea videatur consusio, & optimo regimine gubernetur ad exemplar Ecclesia triumphantis.*

## LIBER NONUS

In Edmundi Richerii Libellum de  
*Ecclesiastica & Politica potestate.*

I.  Via occasione Declarationis Comitiorum Cleri Gallicani, quam discutimus, libelli Edmundi Richerii *de Ecclesiastica & Politica potestate* Vindiciæ nuper publicatæ sunt, quasi eadem essent utriusque fundamenta, hoc libro illius Libelli dogmata, licet à multis Scriptoribus jam confutata, & pluribus Censuris iniusta, persequi cogimur, præsertim cum Richerius suis principiis Libertatem Ecclesiæ Gallicanæ, de qua nobis est sermo, imò & Catholicæ, contineri affirmet; neque ita minutim sit ab aliquo confutatus.

II. Sed notandum imprimis, magnum Illustrissimorum Antistitum Gallicanorum Declarationi odium potius quàm robur conciliari, cum doctrinæ ab Ecclesia Romana, à Conciliis Provincialibus, & ab Universitate Parisiensi damnatæ, nec non à Rege Christianissimo eliminatæ, atque à pluribus magni nominis Scriptoribus impugnatæ, præsidio indigere creditur.

C A:

## CAPUT PRIMUM.

*An Jurisdictio Ecclesiastica primario, ac essentialiter Ecclesie: Romano autem Pontifici, atque aliis Episcopis ministerialiter tantum, sicut facultas videndi oculis, conveniat: ad duos primos numeros Libelli Richeriani.*

1. **R**icherius num. 1. totius doctrinæ suæ circa potestatem Ecclesiasticam fundamentum ponit, quod est hujusmodi; Tota jurisdictio Ecclesiastica primario, propriè ac essentialiter Ecclesia convenit: Romano autem Pontifici, atque aliis Episcopis instrumentaliter, ministerialiter, & quoad executionem tantum. Ut convenienter ac consequenter loqueretur Richerius, secundam propositionis partem hoc modo debuerat efferre; Romano autem Pontifici, atque aliis Episcopis, secundario impropriè, atque accidentaliter tantum. Nam primario respondet secundario; propriè opponitur impropriè; essentialiter contradistinguitur accidentaliter. Itaque summus Pontifex non haberet suam jurisdictionem à Christo, sed ab Ecclesia, cui primario collata fuisset; Non haberet ipse propriè jurisdictionem, sed impropriè: quia illam nomine Ecclesie, ac delegatâ tantum autoritate exerceret. Accidentaliter dumtaxat penes ipsum esset jurisdictio, & posset Ecclesia ejus exercitium alteri, puta simplici Presbytero committere; quod contra communem Ecclesie sensum esse statim apparet, & pugnat cum aliis Richerii verbis.

2. Sed assumenda est jam propositio prout jacet; ut scilicet jurisdictio conveniat Romano Pontifici, atque aliis Episcopis instrumentaliter, & quoad executionem tantum. Quæro igitur quænam sit causa principalis, cujus summus Pontifex, atque alii Episcopi sunt instrumenta? Quis est Dominus, cujus ipsi sunt Ministri? Quis est Judex, cujus ipsi sententias exequuntur? si Christum causam principalem, Dominum, ac Judicem intellexit, verum sensit: sed sibi contradixit. Nam instrumentum à causa principali vim agendi recipit immediatè, Mi-

ni-

nister, & Executor à Domini vel Judicis imperiò, aut judicio facultatem suam atque auctoritatem immediatè mutuantur. Quomodo igitur tota jurisdictio Ecclesiastica primariò, propriè, ac essentialiter Ecclesiæ conveniet? Nisi fortè idem pluribus rebus, ut inter se distinctis, possit competere primariò, propriè ac essentialiter. Si verò causa principalis, Dominus, ac Judex est ipsa Ecclesia; summus Pontifex, atque alii Episcopi non sunt, nisi instrumenta, Ministri, & executores Ecclesiæ, non autem Christi, nisi Ecclesià mediantes. Hoc autem est contra definitionem Martini V. Papæ, & Concilii Constantiensis, hanc Wiclefi propositionem ordine trigessimam septimam condemnantium; *Nec Papa est proximus & immediatus Vicarius Christi*, & contra plurimas Facultatis Theologiæ Parisiensis declarationes.

3. Responderet fortassè Richerius, Christum quidem immediatè dedisse jurisdictionem toti Ecclesiæ: ita tamen ut ipsemet assignarit illius instrumenta, Ministros, & Executores, Romanum Pontificem, atque alios Episcopos. Sed recurrit difficultas, cujus scilicet virtute agant illa instrumenta, cujus nomine, atque auctoritate, illi Ministri & Executores? Verùm expendenda sunt argumenta, quibus probat, totam jurisdictionem Ecclesiasticam primariò, propriè, ac essentialiter Ecclesiæ convenire. Palmare illud est, à quo suum orditur Tractatum. *Vulgare*, inquit, atque indubitata fidei axioma, Deum & naturam prius atque immediatius ad totum suppositum, quàm ad aliquam partem suppositi, quamvis nobilissimam intendere: eamq; ob causam, facultatem videndi, v. g. toti dari esse homini, ut per oculum tanquam per organum & Ministrum homines exerceretur: nam per, & propter hominem existit.

4. Inepta est comparatio Ecclesiæ cum supposito, non solum quia suppositum est quid singulare, Ecclesia autem integra communitas ex multis ac diversis suppositis constans; sed etiam quia, si Ecclesia cum aliquo supposito, seu homine singulari conferatur, non erit ipsa suppositum, sed pars suppositi. Est enim Ecclesia corpus mysticum, cujus spiritus, ac velut anima est ipsemet spiritus Christi, Spiritus Sanctus. Undè sicut corpus hominis non est suppositum, sed pars suppositi; ita Ecclesia corpus quidem dici potest, non autem suppositum, si consideretur seorsum à Spiritu quo vivificatur.

Undè



Undè consequitur ulteriùs , quod sicut falsum est , quod totum corpus hominis videat , licet verum sit , quod homo , vel anima videat per oculum , tanquam per organum & ministrum : ita licet dici posset Romanum Pontificem , aliosque Prælatos totius Ecclesiæ organa & ministros esse , sic cum hominibus , qui Ecclesiæ corpus constant , intelligatur etiam spiritus Christi , à cujus virtute procedit autoritas Pastorum Ecclesiasticorum , quique cum ipsis baptizantibus baptizat , cum ipsis solventibus , vel ligantibus solvit , aut ligat ; qui denique totius Ecclesiasticæ jurisdictionis Institutor est atque primus autor ; tamen falsum est Ecclesiæ Pastores , cum in suos subditos jurisdictionem exercent , ipsorum subditorum , aut etiam omnium simul fidelium , atque in eo sensu Ecclesiæ mera existere organa.

5. Confundit Richerius finem jurisdictionis cum ejus subje-  
cto. Christus Sacramenta , jurisdictionem , & cætera omnia propter totius Ecclesiæ corpus , non autem propter unius alicujus membri , quantumvis excellentis , bonum contulit. Non enim constituta est Ecclesia propter summum Pontificem , sed potius summus Pontifex propter Ecclesiam , sicut non fabricatur corpus propter caput , aut cor , sed potius caput , cor , & alia omnia membra producuntur , ut corpus integrum ac perfectum efformetur. *Omnia enim*, inquit B. Paulus 1. Corint. 3. ver. 22. relatus à Richerio , *vestra sunt , sive Paulus , sive Apollo , sive Cephas , sive Mundus , sive vita , sive mors , sive presentia , sive futura. Omnia enim vestra sunt : vos autem Christi : Christus autem Dei. Atque in eo sensu certum est ; Christum prius , immediatius , atque essentialius claves , sive jurisdictionem toti dedisse Ecclesia quàm Petro : quia scilicet ultimus finis , atque aded in intentione prior , immediatior , & essentialior Christi Ecclesiam instituentis , fuit ipsius Ecclesiæ corporis , non autem solius ejus capitis , aut aliorum præcipuorum membrorum , bonum. At non est quæstio , cui , idest , pro cujus bono , aut propter quem finem ; sed cui tanquam subjecto ; cui tanquam œcono-  
mo , dispensatori , ac suo Vicario Christus immediatè contulerit potestatem solvendi vel ligandi ? Richerius affirmat , autoritatem illam toti corpori Ecclesiæ immediatè collatam ; ejus autem usum duntaxat & exercitium summo Pontifici ,*

538 TRACTATUS DE LIBERTATIBVS,  
 & aliis Pastoribus tanquam ministris commissum, illamque  
 sententiam sibi cum schola Parisiensi communem esse jactat.  
 Scholæ Parisiensis sententiam expendemus inferius. Audia-  
 mus modò Richerii probationes.

6. Numero secundo claves B. Petro, nomine totius Ec-  
 clesiæ, promissas his verbis Matth. 16. *Et ego tibi dabo claves*  
*Regni Cælorum*, vult ordini Hierarchico fuisse collatas: pri-  
 mum Matt. 18. his verbis; *Dic Ecclesia, &c.* Verùm Ecclesiam  
 illic non pro universorum fidelium cœtu, sed pro Superiori-  
 bus Ecclesiasticis sumi docet S. Joannes Chrysostomus homil.  
 61. in Matt. ubi hæc verba; *Dic Ecclesia*: sic exponit; *Præsti-*  
*libus scilicet ac presidentibus.* Absurdum esset ita vocem illam, *Ec-*  
*clesia*, interpretari, ut Christus voluerit reos incorrectos apud  
 universum fidelium cœtum accusari. Primò quia impossibile  
 est, ut omnes congregentur in eundem locum. Secundò quia  
 plerique, ut mulieres ac plebei non solum potestate, sed  
 etiam scientiâ carent. Tertiò quia per Ecclesiam Christus sig-  
 nificavit illos tantum, quibus statim dixit; *Quaecumque alliga-*  
*veritis super terram ligata erunt & in Cælo*; hoc est non omnem mul-  
 titudinem, sed solos Apostolos, quibuscum loquebatur,  
 eorumque successores. Quartò denique quia constans Eccle-  
 siæ usus est, ut peccatores apud Prælatos Ecclesiasticos, non  
 apud multitudinem, accusentur; nec etiam apud omnes Præ-  
 latus simul ac collectivè: alioquin enim convocandum esset  
 Concilium Oecumenicum, quoties Christianus secretò, ac  
 coram testibus frustra correptus, Ecclesiæ denuntiandus es-  
 set, sed apud solum ejus, qui corripiendus est, Pastorem.  
 Quamobrem S. Thomas 2. 2. quæstione 33. art. 8. ad tertium  
 argumentum ab autoritate S. Augustini in Regula desumptum,  
 ubi in ordine correctionis fraternæ, peccatum prius Præpo-  
 sito, quam testibus manifestari præcipitur, respondet, *Quod*  
*Augustinus intelligit, quod prius dicatur Præposito, quam testibus; secundum*  
*quod Præpositus est quidam singularis persona, qua magis potest prodesse quam*  
*alii: non autem quod dicatur ei, tanquam Ecclesia, idest sicut in loco judi-*  
*cii residenti.* Ac reverà tam apertè hunc sensum præferunt ver-  
 ba S. Augustini, tamque apertè alludunt ad prædictum Evan-  
 gelii locum, ut nullum possit esse dubium quin per Eccle-  
 siam, Superiorem Ecclesiasticum, seu Canonicum intellexe-  
 rit;

rit; hæc sunt regulæ verba cap. 23. *Antequam aliis demonstretur, per quos convincendus est, si negaverit, prius Prapósito debet ostendi, si adnoticus neglexerit corrigi, ne forte possit secretius correptus non innotescere ceteris. Si autem negaverit, tunc neganti adhibendi sunt alii, ut jam coram omnibus possit, non ab uno teste argui, sed à duobus, vel tribus convinci. Convictus verò secundum Prapósiti, vel etiam Presbyteri, ad cujus dispensationem pertinet, arbitrium, debet emendatoriæ subire vindictam, quam si ferre recusaverit, etiam si ipse non abscefferit, de vestra societate projiciatur. Dicitur ergo Ecclesiæ, dum dicitur Prælato tanquam Judici: quia Ecclesia est in Prælato, sicut in capite.*

7. Nec obstat primorum Ecclesiæ sæculorum praxis, cum in fidelium cœtu denunciabantur, & censurâ Ecclesiasticâ percellerantur peccatores incorrecti, ut colligitur ex B. Paulo 1. Corint. 5. *Ego quidem absens corpore, præsens autem spiritu, jam IUDICAVI, ut præsens, eum, qui sic operatus est in nomine Domini nostri Jesu Christi, congregatis vobis & meo spiritu cum virtute Domini nostri Jesu, tradere huiusmodi Satana in interitum carnis: & ex Tertulliano apolog. cap. 39. Coimus in cœtum & congregationem . . . . ibidem etiam exhortationes, castigationes, & censura Divina. Nam & judicatur magno cum pondere . . . . summumq; futuri judicii præiudicium est, si quis ita deliquerit, ut à communicatione orationis, & conventus, & omnis sancti commercii relegatur. Hæc, inquam, praxis, non obstat iis, quæ diximus. Judicandi enim autoritas non erat penes fideles quoscunque, sed penes Pastores. Judicavi, inquit S. Paulus, non autem judicarunt quicumque congregati erant. Et Tertullianus post suprà relata verba, nullo interposito prosequitur; *Præsident probati quique Seniores honorem istum, non pretio, sed testimonio adepti. Neque enim pretio ulla res Dei constat.* Itaque sicut in Christianorum cœtibus soli Præfecti Ecclesiastici prædicabant, & alias functiones sacras exercebant, ita & pœnas spirituales decernebant. Populus autem aderat tantum ut testis & approbator, atque ut quod Pastores decernebant, quodque ad se attinebat, exequeretur, v. g. in vitandis excommunicatis.*

8. Secundò, Ecclesiæ datas ait Richerius claves per realem missionem, de qua Luc. 10. legimus; *Designavit Dominus, & alios septuaginta duos: & misit illos binos ante faciem suam, in omnem civitatem, & locum, quò erat ipse venturus.* Verùm hæc discipulorum missio, jurisdictio propriè nuncupari non potest. Non enim

mittebantur ad regendum populum, sed ut illum ad Christum cum fructu suscipiendum præpararent; mittebat namque illos tantum in civitates & loca, quod erat ipse venturus. Sed demus missionem illam, jurisdictionem fuisse: an inde legitimè concludet Richerius illam discipulis *individue & collectivè* datam? Nonne potius significant illa verba; *Misi illos binos, quod singuli discipuli non erant tantum instrumenta, Ministri, & executores* totius Collegii, sed Christi. Adde quod illa missio erat tantum temporanea, ad præparandum, ut diximus, populum adventui Christi.

9. Affert deinde hæc Christi verba in Evangelio S Joannis cap. 17. recitata; *Sicut me misi in mundum, ita & ego eos misi in mundum, & pro eis sanctifico me ipsum, ut sint & ipsi sanctificati in veritate, ut & ipsi in nobis unum sint, ut credat mundus, quia tu me misisti, ut sint consummati in unum, &c.* Quibus verbis, inquit Richerius, liquiddè demonstratur Christum non tam uni, & soli Petro, quam unitati infallibilem clavium potestatem detulisse. Erravit, aut decipere voluit Richerius, his verbis Christi adstruens infallibilem clavium potestatem unitati delatam. Vel enim intelligit sub illa unitate comprehensos etiam laicos: & tunc error est asserere infallibilem clavium potestatem etiam ipsis delatam. Idque etiam agnoscere, videtur ipse Richerius, dum paulò inferius concludit hoc modo; *Consurgit, totum ordinem Hierarchicum, Episcopali & Sacerdotali ordine, constantem, immediatè, proportionatè tamen, atque subordinatè suam potestatem, & jurisdictionem, hoc est, facultatem regendi Ecclesiam à Christo derivare; ubi jurisdictionem pnes Episcopos, & Sacerdotes tantum reponit.* Sanè discrimen intercedere necesse est, inter eos, qui regunt, & eos, qui reguntur: Si autem pnes omnes fideles esset facultas regendi, quinam essent illi regimini subditi? Nec enim concederet ipsemet Richerius, ita tantum datam Ecclesiæ jurisdictionem, ut ejus regimen Democraticum sit, quale, aut etiam imperfectius sine dubio esset, si ejus participes essent quicumque fideles, etiam laici, ac mulieres.

10. Si autem Richerius his Christi verbis; *Omnes unum sint, sicut tu Pater in me, & ego in te, ut & ipsi in nobis unum sint, ut sint consummati in unum*, unitatem ordinis Ecclesiastici tantum significare voluit, ut indicat ejus conclusio, decipere voluit, ac

fraus-

fraudulenter prætermisit verbum istum, *Non pro eis autem rogo tantum, sed & pro eis, qui credituri sunt per verbum eorum in me*, ut omnes unum sint, quæ verba apertissimè declarant, unitatem illam non esse accipiendam de solo ordine Ecclesiastico, sed de omnibus fidelibus, neque de unitate in consortio jurisdictionis Ecclesiasticæ, sed de unitate charitatis; imò illa verba, *sicut tu me misisti in mundum, & ego misi eos in mundum*, non intelliguntur de missione jurisdictionis, quæ tunc collata sit, ut vult Richerius. Orabat enim tantum Christus pro Discipulis, ut servarentur à malo, quando cum mundo versarentur, atque tanto inter se animorum consensu agerent, ut hinc mundus agnosceret Christum à Patre missum, quippe qui tam intimam inter suos Discipulos concordiam statuisset. Totus ferè illius capitis contextus hanc præferret sententiam. *Non rogo ut tollas eos de mundo, sed ut serves eos à malo, &c.*

11. Citat etiam S. Cyprianum & S. Augustinum relatos 24. quæst. 1. Can. *Quodcumque*. Can. *Loquitur*. Can. *Alienus*. Sed illorum Patrum testimonia expendimus lib. 5. & 7. Addit Richerius hæc verba ex capite 20. Joannis; *Sicut misit me Pater, & ego mitto vos: accipite Spiritum Sanctum, quorum remisistis peccata remittuntur eis, &c.* Undè concludit hoc modo: *Quando igitur missio vera & realis est collatio jurisdictionis, autore Apostolo 10. ad Rom. quomodo igitur predicabunt, nisi mittantur. Christus autem omnes Apostolos atque Discipulos, qui Episcopalem & Presbyteralem ordinem referebant, immediatè, individue, & collectivè misit, sicut à Patre suo, id est cum justa & spirituali autoritate, ad Ecclesiam regendam necessaria missus fuerat: consurgit, totum ordinem Hierarchicum, Episcopali & Sacerdotali ordine constantem, immediatè, proportionatè tamen, atque subordinatè, suam potestatem, & jurisdictionem, hoc est facultatem regendi Ecclesiam à Christo derivare. Non immeramur circa discrimen missionis & jurisdictionis, quæ nonnihil distingui videntur, nec circa quæstionem, an omnes Apostoli suam à Christo jurisdictionem immediatè habuerint, quod etiam nonnulli, licet, ut videtur, sine sufficienti fundamento, negant. Modò enim tantum quæstio est, utrùm Apostolos, & Discipulos, non solùm immediatè, sed etiam individue & collectivè, miserit, quod asserit Richerius. Verùm, primò, si hoc probaret, sibi contradiceret. Hic enim, id est num. 2. statuit ordinem Hierarchicum, immediatè ju-*

jurisdictionem & facultatem regendi Ecclesiam à Christo derivare : in 1. autem num. tradit totam jurisdictionem Ecclesiasticam primario, *proprie ac essentialiter Ecclesia convenire : Romano autem Pontifici, atque aliis Episcopis instrumentaliter, ministerialiter, & quoad executionem tantum.* Quomodo enim summus Pontifex & Episcopi facultatem regendi Ecclesiam à Christo immediatè derivaverunt, si eis comparatè ad Ecclesiam non competit jurisdictione, nisi instrumentaliter, ministerialiter, & quoad executionem tantum, Ecclesiæ autem primario, *proprie ac essentialiter* ? An causa principalis regitur ab instrumento, Dominus à Ministro, Judex ab executore ? An qui habet primariam, propriam. & essentialem jurisdictionem, gubernatur ab eo, qui habet tantum facultatem instrumentalem, ministerialem, ac executivam ? Secundò, si Christus Apostolos atque Discipulos, qui Episcopalem & Presbyteralem ordinem referebant *individue & collectivè* misit, non poterant quidquam magni momenti agere seorsim, sed tantum omnes simul, vel saltem major eorum pars : sicut in Senatu non quilibet, sed omnes vel plures simul Judices Senatusconsulta fecerunt : si quando autem aliquid seorsim exequuntur, jurisdictione delegatà se id præstare profitentur. At certè Apostoli in convertendis populis, in fundandis, ac regendis Ecclesiis, in ferendis vel tollendis censuris, &c. ab Ecclesia, vel à Collegio Apostolico delegatos se non præstabant. Imò S. Paulus non semel indicat, se ab Ecclesia non fuisse missum, præsertim ad Galat. 1. *Paulus Apostolus non ab hominibus neque per hominem, &c. Cum autem placuit ei, qui me segregavit ex utero matris meæ, & vocavit per gratiam suam, ut revelaret Filium suum in me, ut evangelizarem illum in Gentibus : continuò non acquievi carni & sanguini, neque veni Jerusalem ad Antecessores meos Apostolos.*

12. Adjungit Richerius illud D. Pauli testimonium act. 20. *Attendite vobis & universo gregi, in quo vos Spiritus Sanctus posuit Episcopos, regere Ecclesiam Dei.* Verum neque in illo testimonio, neque in aliis à Richerio ex sacra Scriptura suprà relatis, verbum aliquod est, quod significet jurisdictionem *individue & collectivè* Apostolis, discipulis, aut Episcopis datam. Pugnat cum ea sententia etiam locus S. Cypriani, quem citat Richerius ex 24. quæst. 1. can. loquitur. Si enim Episcopatus à *singulis*

gulis in solidum pars tenetur, si, ut ait alibi idem S. Cyprianus, *habet in Ecclesia administratione voluntatis sua arbitrium liberum unusquisque Propositus, rationem actus sui Domino redditurus*; quomodo facultas regendi Ecclesiam data est ipsimet Ecclesiæ, vel etiam ordini Hierarchico *individue & collectivè*?

13. Denique sententiam suam confirmat Richerius auctoritate D. Bernardi lib. 3. de confid. ad Eugenium cap. 4. quod integrum legi optat. Id & nos optamus. Nam in eo capite D. Bernardus indiscretas exemptiones reprehendit, præsertim quod turbent ordinem Hierarchicum, qua occasione dicit, à Deo etiam esse alias à Papali potestates, sed nihil dicit, unde sequatur jurisdictionem convenire Romano Pontifici *instrumentaliter, ministerialiter, & quoad executionem tantum*? Quæ autem sit ipsius eâ de re mens ipsemet explicat lib. 2. de confid. cap. 8. his verbis jam alibi relatis; *Tues cui claves tradita, cui oves credita sunt. Sunt quidem & alii Cæli janitores, & gregum Pastores, sed tu tantò gloriosior, quando & differentius utrumque præ cæteris nomen hereditasti. Habent illi sibi assignatos greges singuli singulos, TIBI UNIVERSI CREDITI, uniuersus. Nec modo ovium, SED ET PASTORVM, tu unus omnium Pastor. Unde id probem quaris? Ex verbo Domini. Cui enim non dico Episcoporum, sed etiam Apostolorum sic absolute, & indiscrete tota commissa sunt oves? Si me amas Petre, pascere oves meas? Quas: Illius vel illius populus Civitatis aut Regionis, aut certi Regni: Oves meas, inquit. Cui non planum, non designasse omnes? Nihil excipitur, ubi distinguitur nihil. Sed & in illo ipso capite, quod citat Richerius, sanctus Doctor, licet moneat summum Pontificem, ut potestate suâ in concedendis indiscrete exemptionibus non abutatur; plenitudinem tamen potestatis ipsi non deesse confitetur; Sic *sacritando*, inquit, *probat is vos habere plenitudinem potestatis, sed iustitia fortè non ita. Facitis hoc, quia potestis, sed utrum & debeatis questio est. Ubinam illam plenam potestatem, quam summo Pontifici competere fatetur, in eum ab Ecclesia derivatam asseruit?**

14. Allatis sententiæ suæ probationibus, solvit Richerius duas objectiones seu responsiones sibi contrarias, quarum altera petita est à distinctione fori exterioris, & interioris, in quorum primo jurisdictionem aliqui negant à Christo immediate discipulis collatam, in secundo datam concedunt. Sed

Sed cum nos discrimen illud in Apostolorum jurisdictione non admiserimus, argumentum nobis minimè necessarium defendendum non recipimus. Quod addit se demonstraturum num. 6. facultatem excommunicandi immediatè creditam fuisse Ecclesiæ à Christo, circa illum numerum examinabimus.

15. Altera objectio seu responsio est, *potestatem jurisdictionis, primitus quidem institutam & collatam Ecclesiæ à Christo, sed ea lege, ut postmodum per Romanos Pontifices Petri Successores, propagaretur, atque aliis Episcopis communicaretur: eamq; ob causam omnem auctoritatem istinc hodie repeti ac derivari.* Jurisdictionem toti Ecclesiæ, prout Laicos etiam complectitur datam negamus: concedimus autem datam Apostolis, *non individue & collectivè juxta Richerii sensum, ità scilicet, ut non exerceretur à singulis, nisi instrumentaliter, ministerialiter, aut quantum ad executionem; sed ità ut possent vel singuli, vel omnes simul, eà uti; cum hoc tamen discrimine, quod plenitudo jurisdictionis in B. Petro esset ordinaria, & ad suos successores transmittenda; in aliis autem Apostolis extraordinaria, & delegata; ità ut nullius eorum successores in toto orbe indistinctè possent Ecclesias fundare, vel regere, sed in ea quisque dumtaxat parte, quæ sibi fuisset assignata.* Nec contrarium probat Richerius.

16. Jurisdictionem etiam per Romanos Pontifices Petri Successores propagari, atque aliis Episcopis communicari defendimus lib. 8. superest ut responsionem à Richerio in hoc num. 2. allatam confutemus. *Respondebis, inquit praxi Ecclesiæ primitiva & sacris Canonibus, exploratissimum esse collationes beneficiorum, sicut nunc eas vocitant, quadringentis & mille annis, communi jure, hoc est sacrosanctis electionibus, factas: ratio est, quoniam omnis principatus, quoad vim coactivam, ab hominum consensu pendet, ut lex Divina & naturalis confirmat.* Ergò à tempore quo Ecclesiis Cathedralibus Regni Franciæ non providetur per electiones, Episcopi Gallicani nullam vim coactivam habuerunt, siquidem ferè semper hætenus restitit Ecclesiæ Gallicana electionum abrogationi. Si Prælatorum potestas à subditorum consensu pendet, & illa dependentia lege Divina & naturali confirmatur; cum adversum eas, neque spacia temporum, neque privilegia locorum, neque Dignitates personarum unquam præscribere possint, nunquam poterunt Gal-



li à suis Episcopis excommunicari , aut aliâ censurâ Ecclesiasticâ puniri , donec liberum consensum præstiterint. Adhuc enim certò non constat , an illi , ad quos pertinebat jus eligendi , liberè consenserint : cùm Clerum , aliosque Ordines videamus variis protestationibus & supplicationibus adversum electionum abrogationem intercessisse.

17. Sed nec electio , præsertim quando fit à populi communitate , jurisdictionem ante confirmationem absolutè Prælati tribuit ; atque aded , nec jus condendarum legum , intelligendarum pœnarum spiritualium , &c. Quin etiam , si jurisdictione per electionem conferretur , sequeretur juxta mentem Richerii alium Ecclesiæ consensum desiderari , ut Prælati possent leges instituere , ac censuris plerere ; adhuc enim , ut ipse ait num. 8. *Ecclesiam inconsultam , dissentientem , invitam vel inauditam obligare nequirent : quia leges tunc instituantur , cum promulgantur , firmantur , cùm moribus utentium approbantur.*

## C A P U T I I.

*De Ecclesiæ definitione à Richerio tradita ; De Ecclesiæ Capite , necnon de ejus statu & regimine. Ad num.*

3. 4. & 5. Richerii.

1. **E**X his , quæ Richerius duobus primis numeris superioribus à nobis capite discussis , ceu fundamenta jecit , quasdam conclusiones , quas ille principia vocat , directè & necessariò se colligere asserit. Primum illud principium est Ecclesiæ definitio , quam toti operi præfixam hic num. 3. repetit ; scilicet ; *Ecclesia est politia Monarchica , ad finem supernaturalem spiritualem instituta , regimine Aristocratico , quod omnium optimum & natura convenientissimum est , temperata à summo animarum Pastore Domino nostro.* Si Joannes Launoïus eodem affectu fuisset erga Richerium , quo erga Bellarminum , in hanc definitionem justiori zelo inductus fuisset , quàm in eam , quæ à Bellarmino tradita est. Qui enim integrâ & prolixâ epistolâ , quæ est in par. 8. & ad Nicolaum Gatinæum inscribitur , tot tantaque testimonia congregavit , ut probaret in Ecclesiæ definitione non conti-

Z z z

acri

546 TRACTATUS DE LIBERTATIBVS,  
neri ejus statum, aut regimen, cujus in ea describenda me-  
minerat Bellarminus, quomodo putandus est probasse defini-  
tionem, quæ nil aliud, saltem directè, complectitur? sed  
insensus erat Papæ Monarchiæ Richerius; eam propugnabat  
Bellarminus: idèò libentibus ulnis excepit illius dogmata  
Launoïus, quæcumque excepit; quæ non potuit excipere,  
subticit: Bellarmini, si quos invenire potuit nœvos, quàm  
diligenter explicuit, doctrinam, exemplo Richerii, quanto  
valuit conatu, licet parum efficaci, impugnavit.

2. Posset tamen veram habere sententiam Richeriana Ec-  
clesiæ definitio, si sanè intelligeretur. Verus enim ejus sen-  
sus est, Ecclesiam esse communitatem ab uno solo supremo  
Pastore gubernatam, nempe Romano Pontifice; ita tamen,  
ut illius communitatis regendæ participes sint alii Pastores,  
præsertim Episcopi, qui autoritate ordinariâ, & propriâ,  
non vicariâ solum, seu delegatâ, portionem gregis Christi  
sibi commissam regant, ac supremo Pastori, in Conciliis  
præsertim universalibus, non solum tanquam Consiliarii, sed  
etiam tanquam Judices ad determinanda, quæ ad Ecclesiam  
universalem spectantia proponuntur, assideant. Itaque Ec-  
clesia est politia Monarchica, quia unus ei præsidet Monar-  
cha. Est etiam regimine Aristocratico temperata, quia Epi-  
scopi, præterquam quod suis Diocesisibus præsident, rerum  
etiam ad universalem Ecclesiam spectantium, dum in Con-  
ciliis Oecumenicis legitimè proponuntur, participes fiunt.

3. Sed alio in sensu definitionem illam intellexit, si ta-  
men intellexit, Richerius. Primò enim incertum est quid  
intendat definire. Nam Ecclesiæ nomine universos fideles cu-  
juscumque sexûs, statûs, aut gradûs complecti videtur nu-  
mero primo, ubi Ecclesiam, cui convenire ait totam juris-  
dictionem Ecclesiasticam primariò, propriè, ac essentialiter,  
distinguit à Romano Pontifice, atque aliis Episcopis, quibus  
illam facultatem nonnisi instrumentaliter, ministerialiter, &  
quoad executionem tantùm concedit, & luculentius numero  
primo, ubi Ecclesiam explicat de *cætu Fidelium*, sive de *Christiana  
Repubblica*, cujus *unum & solum caput, ac fundamentum essentialiter est Christus  
Dominus*. Et adhuc magis expressè in fine numeri quarti, ubi  
Ecclesiam sic explicat, *id est universos Christianos*: numero autem se-  
cun-

cundo, Ecclesiam ad solum ordinem Hierarchicum, Episcopali, & Sacerdotali ordine constantem, restringere videtur; aliquando autem, ut num. 15. & seqq. modò unum, modò alterum indiscriminatim significat.

4. Secundò non Ecclesiam, sed ejus regendæ rationem definire videtur Richerius, quando ait, quod est *politia Monarchica*. Politia enim communitatem, non tam aptè denotat, quàm gubernandæ communitatis modum.

5. Tertiò Monarchiam Ecclesiasticam explicat respectu Christi. Statim enim post definitionem, de ipso addit; *Qui Rex est, Monarcha, Dominus absolutus, Fundator, Petra, & Caput essentialia Ecclesie; ac absolutum, sive purè Monarchicum in eam habet imperium*. Quasi verò possit aliquod regimen, etiam Aristocraticum, aut Democraticum, non esse Monarchicum in eo sensu; cum universus mundus, etiam prout complectitur Angelos, unicum habeat Rectorem, Deum, qui est Dominus absolutus, Creator, Conservator, Gubernator, Rex, Monarcha, absolutum in omnia imperium obtinens. Sed, dum de politiarum differentia tractatur, quæritur, quis sit communitatis Rector immediatus, ac intra communitatem ipsam, an unus, an plures? Dum igitur de politia Ecclesiastica est quæstio, à quo visibilis Ecclesia visibiliter regatur, inquiritur. Itaque perperam concludit Richerius; *Itinc verò inducimus, hunc fidei articulum, credo unam sanctam Ecclesiam Catholicam, esse veritatis sempiterna: propterea quod lege Evangelicâ stante, Christus divortium cum Ecclesia sponsa facere non potest*. Si enim unitas Ecclesiæ ab unitate ejus sponsi Christi dumtaxat peteretur, ruerent argumenta sanctorum Patrum adversus Schismaticos: isti enim à Christo nequaquam recedere se profitebantur, sed vel à Romano Pontifice, vel ab Ecclesia, cujus erat ipse Caput visibile. Quamobrem illi etiam, qui Romani Pontificis Dignitatem & auctoritatem minùs explicuisse videntur, B. Petro, & ejus successoribus primum à Christo collatum docent ad constituendam in Ecclesia unitatem, & tollendam schismatis occasionem.

6. Nec obstat, quod objicit Richerius, Sedem Apostolicam aliquando tres, aliquando septem annos vacasse. Non enim tanta est capitis moralis, quanta naturalis necessitas.

Refecto capite naturali, ne uno quidem momento corpus vivere potest: at verò non perit corpus civile, deficiente Rectore; imò nec statum suum propriè amittit. Mortuo enim Imperatore, vel Rege per electionem creari solito, non statim definit Monarchia, sufficit enim quòd communitas per Imperatorem aut Regem gubernari soleat, ut ejus politia Monarchica censeatur & dicatur; etiam in illo intervallo inter prioris Imperatoris vel Regis mortem, aut destitutionem, ac novi electionem, seu institutionem.

7. Quartò. Inconsequenter addit Richerius, politiam Monarchicam, quà definit Ecclesiam, esse regimine Aristocratico temperatam. Si enim Monarchiam intelligit respiciens ad Christum Monarcham, incongruenter illius potestatem regimine Aristocratico temperatam dicit. Ejus enim auctoritati obsequuntur, non eam temperant, ejus Ministri. Si Romanum Pontificem Monarcham esse sensit, incongruenter etiam locutus est. Nam si tota jurisdictio Ecclesiastica primariò, propriè, ac essentialiter Ecclesiæ convenit: Romano autem Pontifici, atque aliis Episcopis instrumentaliter, ministerialiter, & quoad executionem tantum, sicut facultas videndi oculo, quemadmodum num. primo scripsit Richerius, politia Ecclesiastica nec Monarchica est, nec Aristocratica, imò nec propriè Democratica. Ecclesia enim ex Clericis & Laicis, ex viris & mulieribus constat; atque adeò magis propriè Pantocratica, vel saltem Democratica, regimine Aristocratico temperata diceretur: siquidem summus Pontifex est *caput ministeriale*, vel *symbolicum*, ac quasi figurativum duntaxat: plenitudo autem jurisditionis in Ecclesia residet.

8. *Secundum principium*, inquit Richerius num. 4. *docet D. Petrum esse tantummodò dispensatorem, & caput ministeriale, non Dominum, aut fundatorem Ecclesiæ: hoc enim uni & soli Christo capiti essentiali, per quem & propter quem subsistat Ecclesiæ, competit.* Hoc certè verissimum est. Nec justè reprehenderetur Richerius, si illius principii fines non excederet. Summus enim Pontifex cum Christo comparatus, est tantummodò dispensator & Minister, non Dominus, aut fundator Ecclesiæ: Christi est Ecclesiæ: ejus sunt oves & agni. Verum etiam est, quod subjungit Richerius;

rius; regimen Pastorum Ecclesiasticorum differre à sæculari, ac modestius & suavius esse debere: non tamen indè consequitur, regimen Ecclesiasticum esse Aristocraticum in eo sensu, quem explicat numeris seqq. aut non posse summum Pontificem, quos voluerit, in partem solitudinis vocare, eoque jurisdictionis participes facere, quod videtur negare Richerius.

9. Ineptè autem in fine hujus num. 4. ac fine præcedentis notat præceptum habendi Pontificis, ad semper, non pro semper obligare. Quorsum enim illa distinctio inter præcepta affirmativa & negativa assignari solita? Non agit hic de præcepto habendi Pontificis, ut sciamus intra quod tempus debeat eligi, aut utrùm peccent ejus electores, si per aliquod tempus Ecclesiam capite carere permittant. Quæstio est an Ecclesia comparata ad suum caput visibile vera Monarchia dici queat; posse autem suprà ostendimus, etiam per illa intervalla, quibus sancta Sedes vacat.

10. *Tertium principium*, inquit Richerius num. 5. *statum Ecclesia ab ejusdem regimine distinguit: status enim Monarchicus est iam unitatem atque ordinem vindicandum, cum ad executionem Canonum, qua Romano Pontifici, velus Capiti ministeriali congruit: regimen verò Aristocraticum, propter solidam providentiam, efficax consilium, & constitutiones eorundem Canonum: quam ob causam num. 1. diximus, claves toti datas fuisse Ecclesie, ut per unum exercerentur.* Difficile captu est quid sibi velit illa distinctio inter statum & regimen, ac quomodò status Ecclesiæ Monarchicus sit; regimen verò Aristocraticum. Status enim propriè designare videtur, penes quos residere censeatur quasi permanenter, & immobiliter summa regendæ communitatis potestas. Regimen verò ipsius potestatis exercitium. V. g. Galliæ status est Monarchicus, quia suprema potestas in uno, scilicet Rege, stat; regimen verò aliquatenus Aristocraticum est, quando Rex cum Comitiorum aut Parlamentorum consilio & assensu Regnum administrat. Videtur autem vox illa, *status*, aliquid immobilius & constantius significare, quàm regimen, quod permanente statu variari potest; ut in Gallia, permanente semper statu Monarchico Rex aliquando Comitiorum aut Senatuum consilium & assensum postulat, aliquando de plenitudine potestatis & autoritatis

550 TRACTATUS DE LIBERTATIBVS,  
regiæ, non expectato cujusquam consensu, sua edicta exequenda præcipit. Si ergo *tota jurisdictio Ecclesiastica primario, propriè ac essentialiter Ecclesia convenit*, ejus status non rectè Monarchicus dicitur: è contra verò si Romanus Pontifex, velut caput ministeriale executioni Canonum Ecclesiæ supremâ autoritate incumbit, Ecclesiæ regimen Monarchicum convenientius appellatur.

11. In summa, politiæ differentia essentialiter petitur, non ab iis, per quos instrumentaliter, ministerialiter & executivè jurisdictio exercetur; sed ab iis, quibus primariò, propriè, ac essentialiter convenit jurisdictio; itaque; si potestas suprema sit penes unum, quamvis plurimis instrumentis, ministris & executoribus utatur, erit Monarchia; si potestas suprema sit penes Optimates, erit Aristocratia, si penes populum, Democratia, quamvis Optimates, aut populus unico magistratui jurisditionis exercitium committant, dummodò supremam apud se facultatem retineant præscribendarum, etiam illi magistratui, legum. Quis enim aut Regnum Galliæ Monarchicum esse neget, etiamsi aliquid de Aristocratia immixtum appareat, & Senatus edicta Regia quodammodò confirmet; & executioni demandari faciat? Quis Reipublicæ Venetæ politiam, Monarchiam appellet, etiamsi Dux à Republica electus maximum in singulos cives imperium obtineret, cum ipsius autoritas autoritatis Reipublicæ subsistat. Si ergo summi Pontificis, & Episcoporum jurisdictio totius Ecclesiæ jurisditioni subjacet, in definiendâ politiâ Ecclesiasticâ, tota Ecclesia est attendenda, non autem soli Pastores.

12. *Qua autem*, inquit Richerius eodem num. §. *ratio Oecumenici Concilii ad Romanum Pontificem, eadem quoque & Synodorum particularium ad suos Episcopos, quoniam particulares Ecclesias isidem Canone, non absolutâ potestate, à propriis Episcopis gubernari oportet. Viderint Illustrissimi Præsules Gallicani quid de hac Richerii doctrinâ sentiant. Licet enim antea Concilii tantum Oecumenici, & Provincialis expressam fecerit mentionem; propositio tamen ista, & ejus confirmatio in Synodis etiam Diocesanis locum habet. Porro; si eadem est ratio Synodi particularis ad Episcopum, quæ Concilii Oecumenici ad Romanum Pontificem, juris-*

jurisdictio Episcopalis *primariò*, *proprie*, ac *essentialiter* Diœcesi convenit, aut Diœceseos Clero; (nam in hoc etiam num. dubium est quo in sensu Autor Ecclesiam summat) Episcopo autem, atque Curatis, saltem seorsim consideratis, *instrumentaliter*, *ministerialiter*, & quoad executionem tantum. Atque sicut Concilium Oecumenicum summo Pontifice superius est, & potest etiam ipsum deponere, si Gallis credimus; ita etiam & Synodus particularis suo Episcopo præminet; ipsumque poterit exautorare.

13. Nec dicas Episcoporum depositionem à Conciliis Oecumenicis esse summo Pontifici, aut, ut vult Joannes Gerbais, Conciliis Provincialibus reservatam. Jus enim Conciliorum particularium, perinde atque Generalium, lege Divina & naturali constitutum esse, illique derogari non posse, reponebat Richerius. Subjungit enim; *Porrò Senatum aut Consilium nativum Ecclesia à Domino institutum vocamus, non modo Episcopos, verum etiam omnes Presbyteros, curam animarum habentes: quorum illi Apostolis, hi verò septuaginta duobus discipulis successerunt dist. 68. can. Chorepiscopi 16. quast. 1. can. Ecclesia; & dist. 23. Can. Presbyter.* Ne autem putares in illo regimine Presbyteros Episcoporum tantum fuisse Ministros, addit; *Etenim quondam Presbyteri Ecclesiam in commune regerant, ut D. Hieronymus auctor est can. legimus dist. 93.*

14. Si autem istes Presbyteros, quantumvis curam animarum habentes, cum septuaginta duobus discipulis tantum succedant, inferiores esse Episcopis Apostolis succedentibus in regimine populi Christiani; facilis erit Richerio responsio; de singulis quidem Presbyteris id verum esse, non autem de toto illorum cœtu: sicut singuli Episcopi jure Divino summi Pontificis jurisdictioni subunt; at verò in Concilio Generali congregati, majorem habere potestatem dicuntur.

15. Ego certè illam propositionem Richerii, *qua est; ratio Oecumenici Concilii ad Romanum Pontificem, eadem quoque & Synodorum particularium ad suos Episcopos, admittens, non concludo; Ergo jurisdictio Episcopalis subjacet Synodo particulari, sicut Papa potestas, potestati Concilii Oecumenici; sed potius; Ergo jurisdictio Romani Pontificis non subjacet Concilio Generali, sicut nec Episcopalis Concilio particulari.*

## C A P U T I I I.

*Penes quem sit infallibilis potestas decernendi, aut constituendi Canones. Ad num. 6. Richerii.*

1. **Q**uartum Richerii principium est; *Infallibilem potestatem decernendi, aut condendi Canones esse penes totam Ecclesiam, aut Generale Concilium illam representans.* Ea propositio primo aspectu videtur negari non posse. Quis enim Catholicus diffiteatur totam Ecclesiam, & Concilium generale infallibili Spiritus Sancti assistentiâ ab omni errore circa fidem & mores esse tutâ. Verum errat Richerius, si Ecclesiam à Concilio Generali distinguens, intendit, ut videtur, potestatem illam infallibilem decernendi non penes solos Pastores esse; sed etiam penes populum. Non enim ad Laicos, multò minùs ad mulieres pertinet *infallibilis potestas decernendi, aut condendi Canones*, quantumvis Ecclesiæ membra sint. Concilium etiam Generale, si sine summo Pontifice accipiatur, quando is certus & legitimus existit, infallibili illâ potestate caret; imò nec Concilium verè Generale nuncupatur. Ut igitur hoc Richerii principium verum sit, ita est intelligendum, ut Concilium verè Generale, vel etiam universitas Pastorum Ecclesiæ extra Concilium, infallibilem potestatem habeat decernendi, aut condendi Canones. Et, si (quæ suppositio est omninò impossibilis) universitas Pastorum erraret in decernendo; universitas tamen fidelium non posset errare in acceptando aliquod Decretum, aliquemve Canonem fidei aut bonis moribus contrarium. Itaque infallibilitas activa penes universitatem Pastorum, passiva verò penes universitatem fidelium existit.

2. Sed latet in illa Richerii propositione, vel potiùs apparet in ejus probationibus, exclusio summi Pontificis extra Concilium Generale, ab illa infallibilitate activa decernendi, aut condendi Canones. Quamobrem expendendæ sunt ejus probationes: præsertim cum propositioni supradictæ addat; *Quam re natura regiminis Aristocratici potissimum consistit.* Nescio



autem, an, infallibilem potestatem decernendi, aut condendi Canones penes Generale Concilium reponens, intelligat hanc *convenire Romano Pontifici, atque aliis Episcopis in Concilio Generali congregatis primario, proprio, ac essentialiter; an instrumentaliter, ministerialiter, & quoad executionem tantum.* Si *primario, &c.* retractat quod num. 1. dixerat, Ecclesiam à Romano Pontifice, aliisque Episcopis distinguens, & Ecclesiæ quidem *primario, &c.* jurisdictionem tribuens, Romano autem Pontifici, atque aliis Episcopis *instrumentaliter, &c. tantum*, nisi Ecclesiam illic intellexerit, Romanum Pontificem atque alios Episcopos collectivè, illos, à se ipsis divisivè consideratis, distinguens. Sed, si ea fuit ejus mens, Ecclesiam propriè dictam non designavit definitione illà, quam libelli sui fronti præfixit, & num. 3. repetiit. Romanus enim Pontifex, atque alii Episcopi, etiam in Concilio Generali congregati, non sunt Ecclesia, nisi representativè. Est enim Ecclesia omnium fidelium congregatio. Si autem infallibilem illam potestatem Romano Pontifici, atque aliis Episcopis in Concilio generali congregatis *primario & proprio non convenire sensit*, adversatur pluribus Conciliorum Constantiensis & Basileensis Decretis; atque adeò à multis in Gallia hæreticus erit censendus. Sed expendamus probationes ejus propositionis, quam dicit partim Divino, partim naturali lumine demonstrari.

3. A lumine naturali hoc ducit argumentum; *Oculi quàm unicus oculus, longius atque acrius prospiciunt: ac nemini uni ne superbiat, à Deo, vel à natura datum est, ut sapiat.* Verùm, licet in definiendis fidei ac morum quæstionibus, ratione uti necesse sit: si quis tamen solà ratione Decretorum, seu Canonum certitudinem metiatur, probabiliora erunt Conciliorum Generalium judicia, quàm singularium Doctorum; sed ad infallibilem certitudinem non pertingent. Quamvis enim Augusti illi cœtus plurimis constent viris doctrinâ & sapientiâ conspicuis; nihilominus absunt ab eis Doctores, interdum etiam Episcopi numero plures, doctrinâ & sapientiâ non inferiores, qui, si aliis accessissent, tota illorum congregatio *longius atque acrius prospexisset*, quia pluribus oculis; minusque superbirent singuli, si nonnisi in majori congregatione sape-

rent. Non igitur soli multitudini adscribenda est infallibilis potestas decernendi; (quamquam numerus & meritum Episcoporum ad excitandam debitam Concilio reverentiam non parum conferant) sed Divinæ promissioni, quæ certissimum, neque Pastorum universitatem moraliter sumptam fidelium universitati aliquid sanæ fidei, aut probis moribus contrarium proposituram, neque fidelium universitatem tale quid suscepturam. Quamobrem etiam in summo Pontifice aliquid Ecclesiæ universali proponente non est attendendum, an unica sit persona, sed utrum ei Christus in B. Petro promiserit fidem nunquam defecturam: non utrum à natura, sed utrum à Deo datum ei sit ut sciret, etiam sine omnium aliorum Pastorum consilio.

4. A Divino lumine dictum suum confirmat Richerius, allegans 1. autoritatem B. Pauli 1. ad Cor. ex cujus cap. 12. profert hæc verba, sed interpolata; *Corpus Ecclesiæ non est unum membrum, sed multa: si totum corpus oculus, ubi auditus. Oculis caruisse videtur Richerius hæc scribens, quandoquidem non vidit, illum Apostoli locum manifestè sibi adversari. Si enim totum corpus Ecclesiæ non est oculus, sed aliqua ejus membra oculorum officio funguntur, non ad totam Ecclesiam, quatenus complectitur laicos, qui sunt inferiora ejus membra, spectat videre ac decernere, sed ad Pastores tantum, qui sunt Ecclesiæ oculi, ut observant sancti Patres, nominatim D. Gregorius Pastoral. cap. 1. Nec video quid concludere potuerit Richerius circa infallibilem potestatem decernendi, aut condendi Canones ex relatis Apostoli verbis. Addit ex ejusdem B. Pauli Epist. cap. 14. vers. 32. *Spiritus Prophetarum Prophetis*, idest *Ecclesiæ*, interpretante Richerio, *subiectus est*. Germanus illorum verborum sensus est, ut optimè ibi explicat S. Thomas, Prophetas non ita spiritu Prophetiæ abripi, ut nequeant impetum dicendi cohibere; aliisque loquendi locum dare, quod & antecedentia & subsequencia manifestè probant. Præcedit enim; *Quod si alii revelatum fuerit sedenti, prior taceat. Potestis autem omnes per singulos prophetare, ut omnes discant, & omnes exhortentur.* Vers. 30. & 31. sequitur autem; *Non enim est dissensionis Deus, sed pacis* vers. 33. Neque fideliter verba B. Pauli retulit Richerius, non enim in numero singulari dic-*

cit Apostolus ; *Spiritus Prophetarum Prophetis subiectus est* : sed in numero plurali ; *Spiritus Prophetarum Prophetis subiecti sunt* , quâ loquendi formâ Apostolus apertiùs significat , quod antea diximus , Prophetas esse sui compotes in prophetandi usu. Non nego tamen quin totum Prophetarum collegium de singulis , qui se Spiritu Prophetiæ afflatos dicebant , iudicaret an à bono Spiritu moverentur , id enim docet Apostolus vers. 29. *Propheta autem duo aut tres dicant , & ceteri dijudicent*. Sed licet quod de Prophetis dicitur , Pastoribus & Doctoribus , à quibus eos Apostolus cap. 12. vers. 28. & 29. distinxit , accommodet Richerius , quid aliud inferre poterit , nisi , congregatis in Concilio Pontificibus , singulorum suffragia totius cœtus censuræ esse obnoxia ; atque aded infallibilem potestatem decernendi penes totam congregationem existere , quod singulari summi Pontificis privilegio non præjudicat. Hic rursus repetit verba S. Cypriani ; *Episcopatus unus est , cuius à singulis in solidum pars tenetur* 24. quæst. 1. can. loquitur. Vix enim aliud alicujus momenti reperiat , præter obscuram illam Cypriani , jam tum errorem de iterando Hæreticorum baptismo defendentis , auctoritatem , ad adstruendum regimen Aristocraticum eo sensu quo explicat ; quam tamen S. Cypriani auctoritatem Pontificiæ autoritatis impugnatores parùm juvare jam alibi ostendimus.

5. Prosequitur Richerius ; *Itaque quod omnes tangit , necessarium est ab omnibus quoque probari*. Ergo cùm fides omnes fideles tangat , necessum erit ab omnibus quoque probari , hoc est Clericis & Laicis , nobilibus & plebeiis , viris & mulieribus. Ergone , donec accesserit illa comprobatio , incerta erunt Conciliorum Generalium Decreta ? Id ex Richerii ratione sequitur. Addit enim ; *Cum præsertim omnis Pontifex ex hominibus assumptus , circumdatus sit infirmitate : ac proinde fallere & falli potest , nisi Ecclesiam columnam & firmamentum veritatis* 1. ad Tim. 3. *in consilium adhibeat*. In eo enim loco Ecclesia pro universo fidelium cœtu accipitur , non pro Concilio generali : Paulus quippe Timotheum instruebat , quomodò se habere deberet , non in Concilio generali , sed in Ecclesiâ Ephesinâ , non seorsum ac separatim ab aliis Ecclesiis consideratâ , quandoquidem Ecclesia particularis Ephesiorum non erat *columna & firmamentum veritatis* ,

ut ejus in errorem lapsus comprobavit , sed cum quodam respectu ad alias Ecclesias , cum quibus constituebat corpus Ecclesiæ universalis , quæ non errandi privilegio gaudet. *Hæc tibi scribo*, inquit , *sperans , me ad te venire citò . Si autem tardavero , ut scias quomodo oporteat in Domo Dei conversari , quæ est Ecclesia Dei vivi , columna & firmamentum veritatis*. Tradit autem illi monumenta , non solum circa Episcopos & Diaconos , sed etiam circa mulieres , ut Ecclesia de solo ordine Hierarchico non possit accipi. Quo autem sensu Ecclesia sic accepta sit columna & firmamentum veritatis §. 1. innuimus.

6. Observat præterea Richerius , quod Ecclesia , non uni & soli Petro , Dominus in Cælum ascensus Spiritum veritatis pollicetur Joan. 14. vers. 16. *Ego rogabo Patrem , & alium Paracletum dabit , ut maneat vobiscum in æternum , Spiritum veritatis*. Frustrà probat Spiritum Sanctum omnibus Apostolis datum. Quis enim hoc negat ; sed , ut suum scopum attingeret , ostendendum ulterius esset, Spiritum Sanctum B. Petro , aut aliis Apostolis non astitisse , nisi *individue & collectivè*.

7. Etsi Richerius Ecclesiæ definitionem toti operi suo præmiserit , quasi omnium dicendorum principium & fundamentum ; tamen omnino incertum est , quid definire voluerit , ut jam non semel observare licuit. Cum rei definitio traditur , nomen in propria significatione intelligitur. Itaque cum Ecclesia proprie sumpta , sit omnium fidelium congregatio ; Concilium autem Generale non dicatur Ecclesia , nisi repræsentativè : dum Ecclesia simpliciter & absolute describitur de omnium fidelium congregatione , non de Concilio Generali accipienda est descriptio , nisi adjungatur aliquid , quo vocis illius significatio determinetur. Richerius autem modò in isto , modò in altero sensu Ecclesiam accipit , etiam in hoc numero sexto. Nam initio *totam Ecclesiam & Generale Concilium illam repræsentans* , expresse distinguit : post testimonium à sancto Joanne suprà relatam , adjungit ; Item Matth. 18. *Ecclesiam sibi ipsi sufficientem & Architettonicam , infallibilis Tribunalis erectione constituit*. Fateor me non intelligere quid sibi velit Christum Ecclesiam sibi ipsi sufficientem constituisse. Non enim his verbis excludit Richerius indigentiam Divini regiminis : cujus autem alterius ope indigeret Ecclesia ? Non enim extra ipsam sunt ; nisi

nisi Infideles, vel qui ab ejus corpore per schisma recesserunt, vel per excommunicationem reſecti ſunt, quorum certè omnium ductu non eſt opus Eccleſiæ. Quà igitur ratione potuit Dominus Eccleſiam ſibi ipſi ſufficientem non conſtituere; Ex ſcopo Richerii videtur ipſum ita interpretandum eſſe, ut voluerit Eccleſiam ſibi ipſi ſufficientem eſſe conſtitutam, ut non egeret regimine ſummi Pontificis; quaſi ſummus Pontifex eſſet extra Eccleſiam, aut ejus regimini ſuperſuius; fruſtraque B. Petro dictum fuiſſet; *Super hanc petram ædificabo Eccleſiam meam. Tibi dabo claves Regni Cælorum. Confirma fratres tuos. Paſce oves meas.* Faciliùs capitur Richerius dicens Chriſtum Eccleſiam conſtituiſſe architectonicen. Hoc enim nomine vocant Philoſophi artes, quæ cæteris imperant tanquam Miniſtris fini ſuo deſervientibus, ſicut Equeſtris imperat frænoſactoriæ. Ita enim Richerius totam juridiſtionem Eccleſiaſticam primariò, propriè, ac eſſentialiter Eccleſiæ; Romano autem Pontifici, atque aliis Epiſcopis inſtrumentaliter, miniſterialiter, & quoad executionem tantùm tribuit num. 1. verùm id jam conſutavimus.

8. Sed quomodò Eccleſiam architectonicen inſallibilis Tribunalis erectione conſtituit Dominus? An Eccleſiam formaliter ſumptam; an Concilium Generale ipſam repræſentans? Quomodo id factum narrat Richerius? Dum, inquit, B. Petrum reſcire geſſiſſentem, quoties fratri ſuo peccanti indulgeret, in hunc modum inſormat: ſi peccaveris in te frater tuus, vade, corripe eum inter te & ipſum ſolum, &c. ſi Eccleſiam non audierit, ſit tibi ſicut Ethnicus & Publicanus: Amen dico vobis, quacumque alligaveritis ſuper terram, erunt ligata & in Cælo, &c. Iterum dico vobis, quia ſi duo ex vobis conſenſerint ſuper terram de omni re, quacumque petierint, fiet illis à Patre meo, qui in Cælis eſt: ubi enim duo vel tres congregati in nomine meo, ibi ſum in medio eorum. Hujus teſtimonii occaſione videtur Richerius explicare velle, quid Eccleſiæ nomine intellexerit. Sed nescio an non doctrinæ ſuæ denſiores injiciat tenebras. Proſequitur enim; Quo ex prologo diſcimus, Chriſtum immediatè conceſſiſſe ordini Hierarchico, quem hic nomine Eccleſia designat, facultatem excommunicandi. Ex his inferendum videretur, Richerium, dum num. 1. dixit, quod tota juridiſctio Eccleſiaſtica, primariò, propriè, ac eſſentialiter Eccleſiæ convenit, Eccleſiæ nomine intellexiſſe non totam fidelium congregationem, ſed

558 TRACTATUS DE LIBERTATIBVS,  
ordinem tantum Hierarchicum : quando verò addidit, quod  
jurisdictio convenit Romano Pontifici, atque aliis Episcopis, instrumentaliter,  
ministerialiter, & quoad executionem tantum, Romanum Pontificem  
& Episcopos divisim accepisse.

9. Sed obstat huic interpretationi similitudo, quam addit.  
Sicut, inquit, *facultas videndi oculo convenit*, quam in principio fu-  
sius explicuerat, dum sic orsus est; *Vulgare est, atque indubitata*  
*fidei axioma, Deum & naturam, prius atque immediatè ad totum suppositum*  
*; quàm ad aliquam partem suppositi, quamvis nobilissimam intendere :*  
*eamq; ob causam, facultatem videndi, e. g. toti datam esse homini, ut per*  
*oculum, tanquam per organum & ministrum hominis exerceretur : nam oculus*  
*per & propter hominem existit. Ubi per totum suppositum non-*  
*nisi totum corpus Ecclesiæ, non autem solum ordinem Hie-*  
*rarchicum significare potuisse videtur. Adde, quod in verbis*  
*suprà relatis numeri 6. quem discutimus, monosyllabum il-*  
*lud, hic, exceptionem indicat; ita ut alibi Ecclesia, non or-*  
*dinem Hierarchicum tantum, ut hic, sed totum corpus Ec-*  
*clesiæ designet.*

10. Confirmat autem Christum immediatè concessisse or-  
dini Hierarchico facultatem excommunicandi hâc ratione.  
Nam, inquit, *sicut denarius numerus eminenter & causaliter omnes capit*  
*numeros : sic formula hæc, dic Ecclesia, eminenter inquam & causaliter,*  
*plenitudinem potestatis Ecclesiastica, cum omni superiori Ecclesiastico, aliquâ*  
*jurisdictione prædito, completitur, sive sit Curio, Episcopus, Papa, aut Con-*  
*cilium Generale, in quod omnes controversiæ, tanquam in ultimum atque in-*  
*fallibile Tribunal, omnem potestatis plenitudinem continens resolvuntur. Quis*  
*numerus eminenter & causaliter omnes capiat numeros,*  
*Arithmetici dijudicent. Mihi certè obscura est prima illa com-*  
*parationis pars; non enim video cur denarius numerus aliis*  
*emineat, eorumque sit causa, potius, quàm duodenarius,*  
*v. g. cujus, utpotè ad partitiones commodioris, usus fre-*  
*quentior est, ac de quo effatus est Beda homil. in natal. S. Be-*  
*nediicti; Duodenario sæpè numero solet in Scripturis universitas designari.*  
*Sed obscurius est ipsum comparisonis punctum. Rescire enim*  
*vellem, quid his verbis (formula hæc, dic Ecclesia eminenter, &c.)*  
*significare voluerit Richerius; utrùm scilicet ex ejus mente*  
*Christus aliquam jurisdictionem tribuerit singulis Curioni-*  
*bus, Episcopis, ac Pontificibus Romanis immediatè; an ve-*

rd

rò soli Concilio Generali. Si tribuit singulis : ergò ipsis non competit *instrumentaliter*, *ministerialiter*, & quoad executionem tantum, sed *primariò* ( saltè prout idem significat atque immediatè ) *proprie*, ac *essentialiter*. Si non tribuit immediatè, non potest Curio, Episcopus, vel Papa judicare, nisi ex delegatione Concilii Generalis, atque adèd congregandum erit Concilium Oecumenicum, ut Curioni, Episcopo, vel Papæ committat examen fratris in alium peccantis.

11. Respondebis fortè pro Richerio, generalem ad hoc commissionem à Conciliis Generalibus datam. Sed primò, ubinam est expressa? Nam si qua hujus rei sit mentio in Conciliis Generalibus, ea nequaquam commissio est, sed proprii officii commonitio. Secundò antequam haberentur Concilia Generalia, cujusmodi erat jurisdictio Curionis, Episcopi, aut Papæ contra reos procedentis? Tertiò quis unquam Curio ( ex mente Richerii loquor, dum Curionibus jurisditionem contentiosam tribuere videor ) Episcopus aut Papa proprios subditos puniens, se à Concilio Generali delegatum existimavit?

12. Prosequitur Richerius; *Statim atque Dominus hoc protulit oraculum, dic Ecclesia: continuo pluraliter subjungit, Amen dico vobis, quicumque alligaveritis super terram, &c. Undè liquido apparet, ibi formaliter & proprie non agi de Ecclesia pro unico homine, sed pro pluribus una congregatis. Eximium ratiocinandi genus! An ex eo quod in loco relato plurium fiat mentio, sequitur alibi soli Petro non fuisse dictum, Super hanc petram aedificabo Ecclesiam meam, & tibi dabo claves Regni Cælorum: rursus alibi; Confirma fratres tuos. Alibi denique; Pascite oves meas.*

13. Sed mirum in modum sese in sequentibus implicat Richerius. Nam postquam probavit, quod Dominus impartitur Ecclesie facultatem sese congregandi in Concilium, atque infallibiliter decernendi, ( dum scilicet verbis suprà relatis ex Matth. addit; Iterum dico vobis, quia si duo ex vobis consenserint super terram, &c. Ubi enim sunt duo vel tres congregati in nomine meo, illi sum in medio eorum ) notat Christum in hoc textu numerum certum pro incerto, ac minimum numerorum idèd expressisse, quo omnem tergiversandi occasionem litigiosis hominibus eriperet: ostenderetq, ad justam Ecclesie moderationem, non unius tantum Romani Pontificis, sed trium aut duorum ad minus consensum & concordiam requiri. Certè

tè si duorum consensus sufficiat, frustrà defudavit Richerius; ut summi Pontificis autoritatem impugnaret. Nunquam enim Papa Decretum circa fidem aut mores edit, quin alium saltem sibi consentientem habeat, atque adedò vanus est ille impetus, quo infallibilem Pontificis autoritatem oppugnare videtur, cum continuò addit; *Proscitò quancumque in partem se converterint adversarii, faveant oportet hac verba (ubi enim sunt duo vel tres congregati in nomine meo) &c. absolutam, atque infallibilem unius Papa autoritatem necessariò excludere.* Corruit etiam quod paulò antè observat; scilicet Christum in hoc textu, *Concilium Aristocraticum Divinitus, non Oligarchicum humanitùs institutum designare.* Duorum enim Concilium Oligarchicum convenientius diceretur, quàm Aristocraticum, nisi fortè vocem *humanitùs*, jungat cum *Oligarchicum*. Non enim humanitùs, sed Divinitùs esset institutum illud duorum aut trium Concilium. Cæterùm quod ait Richerius, *Dominum impartitum Ecclesia facultatem sese congregandi in Concilium*, non necessariò colligitur ex Christi verbis, si ita sumatur, ut Episcopi autoritate propriâ sese possint congregare. Christus enim ait; *Ubi sunt duo vel tres congregati in nomine meo*; non autem exponit an alicujus superioris autoritate congregandi sint. Imò legitimi superioris autoritatem illis verbis, *in nomine meo*, indicari nonnulli arbitrantur?

14. Porro illa Christi verba; *Iterùm dico vobis, &c.* varii variè interpretantur, etiam ex sanctis Patribus, nec Conciliis Generalibus, nisi per consequentiam quamdam congruere videntur; imò non solum hæretici, ut Calvinus; sed etiam Catholici quidam, ut Launoius, observarunt illa Conciliis Provincialibus perinde atque Generalibus convenire, ut lib. 5. vidimus. Quod addit Richerius *Ecclesiam invitam dissentientem, aut inconsultam obligari non posse*, idque usquequaque legi naturali congruere, absurdum esset, si vim obligandi legibus Ecclesiasticis adimeret, nisi ab omnibus approbatæ essent fidelibus, sicut antèa voluisse videtur Richerius allatà illà regulà; *Quod omnes tangit, necessum est ab omnibus quoque comprobari.*

15. Sententiam suam *praxi veteris Ecclesia abundè confirmari* ait. Nam, inquit, *Hierosolymitarum Concilium, omnium Apostolorum & Presbyterorum consensione, ac suffragiis ita concluditur. Actorum 15. Visum est Spiritui Sancto & nobis.* Verùm primò ex Apostolis tantùm Petrum, Joan-



Joannem & Jacobum, cum Paulo & Barnaba huic interfuisse Concilio colligitur ex epist. ad Gal. cap. 2. ubi B. Paulus juxta sanctum Epiphanium hæc. 28. & S. Hieronymus in illum locum epist. ad Gal. & alios, de tempore istius Concilii loquitur, & prædictorum tantum Apostolorum meminit; Certum ad minus est, Concilium illud Oecumenicum non fuisse. Cum enim habitum fuerit anno Christi 51. jam plurimi erant Episcopi, tum in Oriente, tum in Occidente. Et de Beatis Paulo & Barnaba dixerat antea, scilicet cap. 14. vers. 22. S. Lucas, quod in illis Provinciis, quos lustraverant, Antiochiam redeuntes, constituerant, *per singulas Ecclesias Presbyteros*, quo nomine designabantur olim etiam Episcopi: Concilium autem Jerosolymitanum solis illis Apostolis & Senioribus, qui tum Jerosolymis aderant, constabat, ut patet ex textu Act. Apost. Secundò potuisset quilibet Apostolorum controversiam tunc motam definire, cum omnes Spiritus Sancti gratiâ repleti fuissent. Sed Judæorum illius contentio- nis autorum superanda erat pertinacia præcipuorum Apostolorum autoritate, atque communi consilio Apostolorum & Seniorum res temperanda. Exemplum igitur hujus Concilii suadet quidem suavius & efficacius contentiones componi communi plurium consensione, quam simplici definitione; monetque summos Pontifices, ut fratrum sententiam requirant, tum quia contra reverentiam Divinam esset, ut non adhibitis opportunis & congruentibus mediis veritatem sibi revelari postularent, tum quia publicæ paci & concordie sese tenentur accommodare: non tamen convincit necessarium esse Concilium Generale, ut Decreta fidei aut morum infallibili Spiritus Sancti præsentia tri- buantur.

16. Verba Patrum Ecclesiæ Africanæ ad Cælestinum I. à Richerio adducta, scilicet, *non esse credibile Deum unicuique inspirare examinis justitiam & innumerabilibus congregatis in Concilium illam denegare*, de condendis Canonibus non sunt. Scripta enim fuerunt occasione Apiarii Presbyteri in Africa damnati, & Romæ absoluti; & de judiciis criminalibus intelligenda sunt, ut patet ex verbis antecedentibus; Decreta Nicæna sive inferioris gradus Clericos, sive ipsos Episcopos suis Metropolitanis aperitissime commiserunt.

Bbbb.

Ne-

Neque intendebant Patres Africani Concilio Oecumenico prærogativam illam, quam Richerius summo Pontifici præripere conatur, vindicare. Sic enim prosequuntur; *Prudentissimè enim iustissimèque providerunt quæcumque negotia in suis locis, ubi orta sunt, finienda: nec unicuique Provincia gratiam Sancti Spiritus defuturam, quæ æquitas à Christi Sacerdotibus & prudenter videatur, & constantissimè teneatur.* Mentionem quidem deinde faciunt Concilii Generalis; sed eo nomine vocabant Concilium ex tota Africa. De iudiciis ergo erat sermo, in quibus non solum summi Pontifices, sed & Concilia Generalia decipi possunt, propter incertitudinem testimonii humani, quo eorum sententia nititur; & quæ commodius in ipsis Provinciis instrui possunt, propter eam, quam afferunt Patres Africani rationem, scilicet examinandorum testium opportunitatem, qui præ sexûs, aut senectutis infirmitate, vel aliis impedimentis non possent in remotas Provincias sese conferre. Quare prædicta verba Concilio Oecumenico perinde atque summo Pontifici opponi possent.

17. Autoritatem Zosimi tamquam palmarem opponunt summi Pontificis autoritati quicumque illam graviter ferunt: quia nimirum sanctam Sedem Patrum Decretis derogare non posse profitetur; quasi verbis illis significaret, Concilium Oecumenicum esse Romano Pontifici superius. Sed aliam esse Zosimi sententiam, ejus verba testantur. Non enim defectum illum potestatis ad Superioritatem Concilii refert, sed ad antiquitatis studium, cujus retinentissima erat sancta Sedes. Necessitatem autem sequendæ antiquitatis, ex honestate, atque rerum ipsarum æquitate ac iustitiâ provenire, multifariam innuit Zosimus. *Contra Statuta Patrum, inquit, & sancti Trophimi reverentiam, qui primus Metropolitanus Arelatenfis Civitatis ex hac SEDE DIRECTVS EST, concedere vel mutare ne. hujus quidem Sedis possit autoritas.* APVD NOS ENIM INCONVVLIS RADICIBVS VIVIT ANTIQVITAS, cui Decreta Patrum sanxere reverentiam. Omisit Richerius, & omittere solent plerique alii hunc locum referentes, quæ ad sanctum Trophimum pertinent. Eodem modo declarat Zosimus sanctæ Sedis autoritatem non posse concedere, vel mutare contra sancti Trophimi reverentiam, & contra Statuta Patrum id, quod ab Episcopis Concilii Tau-

ri-

rinenſis exortum fuerat : nemo autem dixerit hinc concludendum S. Trophium Romano Pontifice fuiſſe ſuperiorem , licet à ſancta Sede contra ejus reverentiam nihil ſtatui poſſe dixerit Zoſimus. Contrarium ipſemet Pontifex inſinuat , dum ait , quod S. Trophimus *primus Metropolitanus Arelatenſis Civitatis ex hac Sede directus eſt*. In huiusmodi enim miſſionibus , major eſt qui mittit eo qui mittitur.

18. Atque indè alia oritur reſponſio , nimirum , Zoſimum Patrum nomine Romanos Pontifices inprimis intellexiſſe , quod non ſimplici conjectura aſſerimus. Se ipſum enim explicat ſummus ille Pontifex. Concilium Taurinenſe circa an. 397. Can. 1. Proculo Epifcopo Maſſilienſi ordinationem Epifcoporum Provinciæ ſecundæ Narbonenſis conceſſerat. Zoſimus id ægrè ferens , quod factum eſſet *in Apoſtolica Sedis injuriam* , Canonem Concilii Taurinenſis hac ipſâ epistolâ evertit. Cùm igitur Conciliorum generalium non meminerit , Provincialis autem , nempe Taurinenſis Canonem abroget , perperam citatur pro Conciliis contra Papam ; Patresque , quorum ſtatutis ſe derogare non poſſe proſitetur , intelligendi ſunt præcipuè ſummi Pontifices , quorum Decretis poſſet ſine dubio derogare illorum ſucceſſor , niſi , ut diximus , id vetaret reverentia antiquitati debita : (*Apud nos enim , inquit Zoſimus , inconvulſis radicibus vivit antiquitas , cui Decreta Patrum ſanxere reverentiam*) aut lex Divina vel naturalis.

19. Hæc eſt enim alia ratio , cur Zoſimus exiſtimavit , ne quidem ſanctæ Sedis autoritatem Patrum Decretis poſſe derogare ; quia ſcilicet juris Divini aliquid plerumque continent , ſuper quo à nemine diſpenſari valet. Id exprimit præſatus Pontifex his verbis epistolæ 6. occasione Urſi & Tuentii Epifcoporum ab eodem Proculo Maſſilienſi ordinatorum , ſcriptæ. *Cum adverſus ſtatuta Patrum venit , non tantum illorum prudentia atque ſententia , qui in ævum victura ſanxerunt , ſed ipſi quodammodo fidei & Catholica diſciplina irrogatur injuria. Quid enim tam ſanctum atque venerabile eſt , quàm panitus non exorbitare ab itinere Majorum , quorum Canonica inſtituta veluti quadam fundamenta ſunt ſerendis fidei jacta ponderibus.*

20. Tantum autem abeſt ut in epistola à Richerio objecta Zoſimus idè Sedem Apoſtolicam contra ſtatuta Patrum ſe

nihil concedere vel mutare posse arbitretur, ob eam causam quod Concilium Oecumenicum sit Romano Pontifice superius, ut in illa ipsa epistola antiquissimi, & omnium sæculorum veneratione celeberrimi Concilii generalis primi Nicæni, nec non Concilii generalis Constantinopolitani primi Canonibus deroget, ut Romanorum Pontificum Decreta custodiat. Statuit enim ut Episcopus Arelatenfis in alienis Provinciis, scilicet in utraque Narbonensi & Viennensi Episcoporum ordinandorum facultatem habeat, quantumvis rententibus illarum Provinciarum Episcopis, contra quod expressè decretum fuerat can. 6. Nicæno. & Constantinopolitano tertio, quia scilicet ob S. Trophimi primi Metropolitani Arelatenfis illuc à sancta Sede directi, reverentiam, Ecclesiæ Arelatenfis privilegium illud putabat fuisse concessum.

21. Nescio cur Richerius, & alii ejusdem erga sanctam Sedem affectus, S. Gregorii locum dist. 15. Can. *Sicut sancti*, ex ejus epist. 24. lib. 1. relatum allegant, ut summum Pontificem Concilio generali subiciant. Cum Sanctus ille Doctor loquatur ibi de definitionibus fidei in Conciliis generalibus editis, quæ fuerant à sancta Sede approbatæ; quæque adeò infallibili certitudine præditæ erant, nec magis à Concilio Oecumenico quàm à Papa convelli poterant. Unde illas ut Evangelium venerari se profitetur. Cæterum enim summum Pontificem Conciliorum generalium legibus non teneri aperte declarat idem Sanctus epist. 31. lib. 6. ubi de Canonibus Concilii primi Constantinopolitani ait; *Romana autem Ecclesia eosdem Canones vel gesta Synodi illius hætenus non habet, nec accipit.* Alia dedimus lib. 5. reprobatorum à sancta Sede Canonum exempla.

22. Quod ait Richerius; *Unum & solum Pontificem Romanum in Synodis Generalibus Decreta fidei Catholica non facere, sed inductione & consensu omnium Ecclesiarum particularium imito, illa universim inferre ac concludere*, non concludit; signum id esse regiminis Aristocratici, saltem in eo, quo ille intelligit, sensu. Etsi enim in Concilio, Episcopi Judices sedeant, definitionum tamen certitudo, atque Decretorum robur maximè ac præcipuè pendet à summo Pontifice, quod velex eo constat, quod in quibus-

cum-

cumque Conciliis adfuit, per se, non per Legatos tantum, Decreta sunt ejus nomine edita, ut videre est in Conciliis generalibus, quinque Lateranensibus, duobus Lugdunensibus, & Constantiensi ipso, (cujus autoritas tanti sit ad deprimendam Pontificiam Dignitatem) ex quo Martinus V. Papa creatus est, & in pluribus Conciliis particularibus.

23. Confirmatur, inquit Richerius, *Cap. Majores 24. quæst. 1.* Nescio quid illo Canone confirmetur, aut quibus ejus verbis. Nec enim exprimit Richerius. Canon ille sic habet; *Majores nostri* Divinâ inspiratione cernentes necessariò præcaverunt; ut quod contra anamquamque hæresin coactâ semel Synodus pro fidei communionem, & veritate Catholicâ atque Apostolicâ promulgasset; non sincerent novis post hæc retractationibus mutilari: ne pravis occasio præberetur, qua medicinaliter fuerant statuta, pulsandi. Hinc quidem confirmatur, veritatem fidei semel ritè determinatam non posse retractari; non autem summum Pontificem Concilio controversias fidei definiente esse inferiorem. Alioquin enim posteriora Concilia Oecumenica essent Prioribus inferiora, quia ipsa pariter non possunt ea, quæ semel legitimè definita fuerunt, revocare. Autoritas autem summi Pontificis in Concilia vix alibi luculentius declaratur, quàm in epistola Gelasii ad Episcopos Dardaniz, ex qua desumptus est Canon prædictus, quæque 13. est inter illius Pontificis epistolas. Ait enim v. g. quod *prima Sedes* unamquamque Synodum sua auctoritate CONFIRMAT, & continuatâ moderatione CUSTODIT; pro scilicet principatu, quem B. Petrus Apostolus Dominî voce perceptum, Ecclesiâ nihilominus subsequente & tenuit semper & retinet. Et infra; quod Apostolica Sedes frequenter, ut dictum est *more Majorum*, etiam sine ulla Synodo præcedente, & absolvendi quos Synodus iniquè damnaverat, & damnandi nulla existente Synodo quos oportuit, habuerit facultatem, &c. Atque adhuc inferiùs; Beatum Papam Leonem *Sedis Apostolicæ Præsulem*, cujus Synodus Chalcedonensis auctoritate FIRMATA EST, quidquid ultra quam ab eodem pro fide & communionem Catholica atque Apostolica illic agendum, constaret esse delegatum, per occasionem congregationis illius, præter Nicænos Canones novâ videretur actione tentatum, compententi refutatione vacasse. Si qua in verbis aded perspicuis superesset obscuritas, eam faciliè potuissimus auferre. Canon. *Majores. 24. quæst. 1.* opponendo *cap. Majores. De baptismo.* Cujus hæc sunt verba; *Majores Ecclesiæ causas, præsertim*

566 TRACTATUS DE LIBERTATIBVS,  
*articulos fidei contingentes, ad Petri Sedem referendas intelliget, qui cum  
 quarenti Domino, quem Discipuli dicerent ipsum esse, respondisse notavit:  
 Tu es Christus Filius Dei vivi: & pro eo Dominum exorasse, ne deficiat fides  
 ejus.*

## C A P U T I V.

*De oratione Christi pro fide B. Petri. De necessitate  
 Conciliorum, ac vi Decretalium summorum Pontifi-  
 cum. De potestate summi Pontificis, præsertim cir-  
 ca Canones Conciliorum. Ad numeros 7. 8. & 9. Ri-  
 cherii.*

1. **O**bjicit sibi Richerius num. 7. orationem Christi pro  
 fide B. Petri, ac mandatum illi impositum de con-  
 firmandis Fratribus; Respondetque orationem, seu polli-  
 citationem Christi ad solum tempus Dominicæ passionis ex-  
 tendi: mandatum autem ad tempus ante resurrectionem.  
 Hanc interpretationem ut confirmet, notat 1. *Christum non  
 dixisse Petro; Ego rogavi pro te ne unquam erres, aut ut sis infallibilis: Sed  
 tantum, Ego rogavi pro te, ut non deficiat fides tua: & Petrum errasse  
 quidem, ejus verò fidei nequaquam defecisse quoad habitum, sed quoad  
 actum.* 2. Observat D. Petrum, postquam ex titubatione trina negationis,  
 quasi ex gravissimo sopore emerisset, multò magis idoneum fuisse, tum ad suos  
 Collegas fluctuantes confirmandos, tum ad fratres dispersos in Ecclesiam re-  
 vocandos, ut ibidem resurrectionem Domini præstolarentur. Undè con-  
 cludit; *Isud privilegium soli Petro ob imminens scandalum Crucis, factum  
 esse.*

2. Ne omnia repetamus, quæ hac de re jam diximus, suf-  
 ficiet hic B. Hieronymi testimonium afferre, cujus, ut ar-  
 bitror, autoritas auctoritati Richerii præponderat. Tradit au-  
 tem apertissimè S. Hieronymus in hæc verba Matth. 16. *Vade  
 post me Satana, indeficientem Petri fidem, aliasque prærogati-  
 vas ad tempus, quo re ipsâ, & ut dicitur, actualiter consti-  
 tutus est supremus Pastor, scilicet, post resurrectionem Joan.  
 21. fuisse dilatas, vel saltem tunc maximè perfectas; Prudens*

*Lection*

*Leſtor inquirat, inquit beatus Doſtor, quomodo poſt tantam beatitudinem : Beatus es Simon Barjona. Et : Tu es Petrus & ſuper hanc petram adificabo Eccleſiam meam : & porta inferi non pravelebunt adverſus eam. Et tibi dabo claves Regni Cælorum. Et quod ligaveris vel ſolveris ſuper terram, eris ligatus vel ſolutus in Cælo, hunc audiat : Vade retro me Satana, ſcandalum mihi es. Aut qua ſit tam repentina converſio, ut poſt tanta præmia, Satanas appelletur. Sed ſi conſideret qui hoc quarit, Petro illam benedictionem & beatitudinem ac poteſtatem, & adificationem ſuper eum in futuro promiſſam, non in præſenti datam intelliget. Adificabo, inquit ſuper te Eccleſiam meam, & porta inferi non pravelebunt adverſus eam, & dabo tibi claves Regni Cælorum : OMNIA DE FUTURO. Quia ſi ſtatim dediſſet, nunquam in eo præva confessionis error inveniret locum.*

3. Cæterum ex plurimis testimoniis, quæ lib. 7. adduximus, conſtat ſanctos Patres, Doctores, & Concilia, Chriſti pro Petro orationem, non ſolum pro ipſo, ſed etiam pro ejus ſucceſſoribus factam tradidiſſe. Et quamvis nonnulli de tempore Paſſionis illam interpretentur : non tamen ad illud ſolum tempus reſtringunt. Ejus fructum ad B. Petri ſucceſſores tranſmiſſum colligitur ex ipſomet mandato illi impoſito confirmandorum fratrum. Ego rogavi pro te, ut non deficiat fides tua : & tu aliquando converſus confirma fratres tuos. Luc. 22. Nam ideo præcipuè pro Petro rogavit, ut ipſe confirmaret fratres ſuos, tanquam ſcilicet ſupremus Paſtor; quod officium, atque adeo etiam indefectibilis fidei privilegium ad ſucceſſores tranſiit. Notanda eſt hæc vox, *aliquando*, quæ frequentius ſignificat tempus non proximum, quale erat tempus præcedens Chriſti reſurrectionem, ſed remotum. Ac re ipſâ non apparet tempore illo intermedio inter mortem & reſurrectionem Salvatoris Petrum confirmaviſſe fratres. Accedit quod multo major erat neceſſitas confirmandorum à Petri ſucceſſoribus ſucceſſorum aliorum Apoſtolorum, quàm Apoſtolorum ipſorum à Petro; atque adeo ſi Chriſtus Diſcipulis ſuis providit confirmatâ Petri fide, injunctoque illi officio ſuſtinentiæ aliorum fidei, multo magis futuris fidelibus, utpotè minoribus donis præditis, proſpicere neceſſum erat, obtentâ ſupremis illorum Paſtoribus fide non deficiente. Nec ſolum tempore paſſionis tentandi erant Apoſtoli; atque adeo non illo ſolo tempore indigebat Petrus Chriſti oratione & auxilio,

( ut

568 TRACTATUS DE LIBERTATIBVS,  
(ut non deficeret fides ejus) aut alii Discipuli confirmatione  
Petri : quamquam , ut dixi , longè minùs erat illis , quàm  
eorum successoribus necessaria confirmatio in fide.

4. Occurrit fortasè aliquis ex Richerio , vocem illam ,  
*aliquando* , non posse ad tempus longè distans referri , quando-  
quidem conjuncta est cum ista , *conversus* quæ Petri conversio-  
nem proximè futuram designat. Verùm , licet duarum illa-  
rum vocum secunda primam sequatur , nullà alià intermediâ ;  
non tamen unius significatum cum significato alterius tam  
arctè conjunctum esse oportet. Potest enim illud , *aliquando* ,  
referri ad executionem mandati Petro imposito de confir-  
mandis fratribus : quod certè mandatum non est executus  
statim atque conversus est. Adde quod dictio illa , *conversus* , seu  
dictio Græca , ἀποσπίνας , illi respondens in pluribus sacræ Scrip-  
turæ locis accipitur , non pro conversione à peccato , sed  
pro conversione ad aliquam personam , quâcum aliquid agen-  
dum sit. Ita Act. 9. vers. 40. dicitur Petrus *conversus ad corpus*  
Tabithæ. Act. 16. vers. 18. Paulus *conversus ad Pythonissam*  
Apocal. 1. vers. 12. Joannes *conversus ut videret vocem qua loque-  
batur*. Quid vetat igitur in eodem sensu accipi Luc. 22. vers.  
32. *conversus confirma fratres* , id est , ad ipsos te convertens , ad  
ipsos attendens ? Præsertim cum nondum B. Petro prædictum  
fuisset futurum ejus peccatum ; adeoque non videretur op-  
portuna conversionis à peccato mentio.

5. Herclè , subjungit Richerius , si solus Papa , non Ecclesia col-  
lectivè sumpta est infallibilis : insurgit Paulum gravissimè peccasse Galat. 2.  
cum demonstrat Petrum idèd fuisse reprehensibilem , quod ad veritatem Evange-  
lii minimè ambularet , quæ verba , inquit , valdè notanda sunt. At Her-  
clè , id non insurgit. Num enim Paulus erat Ecclesia col-  
lectivè sumpta ? An Petrus totam Ecclesiam , tanquam ejus  
caput non potiùs repræsentasset ? Si superioris tantùm esset  
reprehendere , sola vero Ecclesia collectivè sumpta , ut fate-  
tur deinde Richerius , summo Pontifice superior est , non  
potuisset Petrus nisi à Concilio generali corripri. At , inquit  
Richerius , *isthac reprehensio appellationi aequipollet ; Quomoddò ali-  
quem reprehendere idem est , quod appellare ad Concilium ?*  
*Quia , inquit , si D. Petrus tum temporis B. Paulo rectè monenti obstitisset ,*  
*non dubium est , quin Ecclesia in Concilium congregata disidium inter illos*  
*subor-*



*subortum diremisset : ut paulò ante controversiam super observatione legalium deciderat, Act. 15. Idem igitur est ita esse affectum, ut, si quis reprehendenti non obtemperaturus sit, interponenda censetur appellatio, etiamsi ne minima quidem verisimilitudinis umbra sit, quod in mentem venerit appellandi cogitatio. Idem, inquam, est atque appellare ad Concilium. Ita, inquit, quia B. Petrus superiorem alium non habebat. Quæ jurisprudentia correptioni fraternæ vim appellationis tribuit : ut quisquis fratrem corripit, ad ejus superiorem appellare censendus sit, si correptus rectè monenti obstiterit?*

6. Repones ita de B. Paulo præsumendum, quia de fide agebatur, quam sanam integramque conservari totius Ecclesiæ intererat. Sed quidquid sit de illa reprehensione, de qua variæ sunt inter sanctos Patres, & Ecclesiasticarum rerum Tractatores sententiæ, etiamsi vera esset illorum opinio, qui Petrum peccasse sentiunt; certum est ipsum in fide non errasse, multò minus aliquid contra fidem aut bonos mores statuisse. Illum omninò impeccabilem fuisse non contendimus; atque adeò fraternâ potuit indigere correptione : sed ita erat confirmatus in gratia, ut temerarium sit eum peccati mortalis, qualis fuisset hæresis, reum facere, aut supponere ipsum B. Paulo rectè monenti obstiturum contra fidem. Accedit quod Concilium Jerosolymitanum omnium Apostolorum, ut vult Richerius *man. 6. & Presbyterorum consensione, ac suffragiis concluserat*, quod spectabat ad observationem legalium, circa quam supponitur peccasse Petrus. Si ergò D. Petrus tum temporis B. Paulo rectè monenti obstitisset adeò contumaciter, ut Ecclesia in Concilium congregata, *disidium inter illos subortum dirimere debuisset*, Petrus fuisset manifestus hæreticus, atque in eo casu, secundum quorundam sententiam judicio Concilii Generalis obnoxius; ex qua exceptione particulari, non potest constitui generalis subjectio, sine vitio illo, quod Richerius & Launoïus defensoribus auctoritatis Papæ tam sæpè quàm immeritò tribuunt, nempe fallaciæ à dicto secundum quid, ad dictum simpliciter.

7. Suspecta sunt dona, quæ ab inimicis offeruntur. Quamobrem non satisfaciet summo Pontifici, quod ei Richerius concedere videtur in finem numeri sexti. Etsi enim profiteatur se illa adjungere pro *ampliatione favorum*; magis tamen tendunt

ad restrictionem jurium. Non fatetur D. Petrum *singulares personas, aut Ecclesias disgregatas posse in fide per sacra Scriptura aut Canonum interpretationem roborare*; quod probat exemplo D. Hieronymi; & posse ad Sedem Apostolicam confugere oppressos, sicut factum legimus à Theodoro & aliis; nisi ut, cum in hoc liberalis visus fuerit, injustus non appareat, dum Romanum Pontificem Ecclesie universali seu Concilio sine ipso congregato subijcit. Et perfugium ad sanctam Sedem ab appellatione ad ipsam distinguit; ut ejus potestatem simplicem charitatis sollicitudinem esse insinuet. Possemus nihilominus fructum ex illius favore percipere, nisi magis liberet, eum ex arbore ipsa colligere. Sanctus Hieronymus in verbis, quæ Richerius refert, testatur, se post Damasi responsionem fore securum. Nec eam securitatem in Damasi peritia, sed in officio Pastoris reponit; *A Pastore præsidium ovis flagito. Discerne si placeat, non timebo tres Hippostases dicere, si jubetis.* Certè si Petri successor non solum, *singulares personas*, sed etiam *Ecclesias disgregatas* potest in fide per sacræ Scripturæ Canonum interpretationem roborare; idque non tamquam Doctor privatus, sed ex proprio officio, in maximo versabitur periculo Ecclesia universalis, quæ non nisi ex Ecclesiis particularibus constat, nisi certa & tuta sit ejus interpretatio, cum non ita facilis sit Conciliorum generalium Congregatio, aut omnium Episcoporum consensio ad corrigendos ejus errores.

8. Itaque lentum periculo remedium parat Richerius num. 8. ubi ait; *Quintum principium indicat, frequentem celebrationem Synodorum, absolute & simpliciter necessariam ad Ecclesiam melius sanctiisque regendam.* Verba illa, *absolute & simpliciter necessariam*, à sequentibus temperantur, scilicet *ad Ecclesiam melius sanctiisque regendam*; ideoque utilitatem potius Conciliorum, quam absolutam eorum necessitatem inducunt. Sæpè autem professi sumus, nos Concilia Generalia dum congregari possunt sine schismatis, aut alterius gravissimi mali periculo, Ecclesie utilissima putare. Sed absolutam non esse illorum necessitatem probat experientia trium primorum sæculorum, & aliorum quorundam. Richerium parùm juvat, quam affert ex Aristotele, ratio. Est enim *lege, quam absoluto unius imperio gubernari multò præstat, quoniam lex instat Dei, amore, odio, aliisque affectibus humanis caret*, id perinde legibus

gibus Pontificiis, atque Synodalibus convenit. Cum enim Leges generales ponuntur, illarum conditores bonum publicum, atque ipsam rerum iustitiam attendunt: Iudex verò, dum de singularibus negotiis sententiam fert, aliquando amore, aliquando timore inflectitur, ut personarum potius, quàm iustitiæ rationem habeat. Melius est igitur, ut in ferendis sententiis non proprium arbitrium, sed leges sequi teneatur.

9. Quoniam autem Richerio placuit ex Aristotele Conciliorum Generalium necessitatem confirmare, ostendendum est ex Aristotelis sententia contrarium potius sequi; cum doceat, leges ab uno vel à paucis, non à magna multitudine condendas; atque adeò, si Gentilis illius Philosophi auctoritati standum esset, non forent congregandi in Concilium Generale totius Orbis Episcopi. Id nominatim tradit lib. 1. Rethoric. cap. 1. inter princip. & med. simulque discrimen, quale modò dicebamus, inter Legem & Judicem statuit, unde patet à Richerio contra ejus mentem allegatum. *Maximè igitur, inquit Aristoteles, convenit rectè latas Leges, quacumque possunt, omnia ipsas distinguere, & quàm paucissima relinquere iis qui judicant. Primum; quia FACILIVS EST VNVM HABERE, (nota unum habere) & paucos quàm multos qui bene existiment, & possint legem scribere, ac jus conformare. Deinde Legum lationes ex longi temporis considerationibus sunt: ac judicia derepente, ut difficulter rectam habeant iustitiæ & utilitatis rationem illi qui judicant. Atque iudicium non est de rebus singularibus, nec de presentibus, sed de futuro & de universalibus: at concio, & Iudex de presentibus ac definitis judicant, quibuscum & amor & odium & propria utilitas conjuncta sæpenumero est, ut non ampliùs possint perspicere satis id, quod verum est, sed obscurer iudicium propria jucunditas vel molestia. Ac de aliis quidem, quemadmodum dicebamus, oportet quàm paucissimis efficere Dominum disceptatorem.*

10. Canones prædicant Galli, ut hic Richerius, quasi verò ipsi soli Canones observent, Papa è contra Canones destruat. Meminerunt summi Pontifices sententiæ S. Gelasii in epist. superiori cap. citatâ; *Uniuscujusque Synodi constitutum, quod universalis Ecclesia probavit assensus, non aliquam magis exequi Sedem præ cæteris oportere, quàm primam, quæ & unamquamque Synodum suâ auctoritate confirmat, &c.* Sed quod ait Richerius, antiquiùs nihil quidquam absque

*alio & moderatione Aristocraticâ statutum fuisse*, non est usquequaque verum. Certum est Romanum Pontificem gravia negotia cum Episcoporum consilio tractare solitum, sed falsum est ipsum in Generali Concilio Decreta Ecclesiastica semper edidisse; Hoc testantur epistolæ Decretales à Dionysio Exiguo, cujus Codicem jam olim suscepit Ecclesia Gallicana, collectæ, & quarum nonnullæ ad Episcopos Gallicanos conscriptæ sunt. Nam vel illæ nullius Synodi, aut Episcopi deliberantis meminere (undè conjicitur antiquiores etiam Pontifices nihil quidem absque consilio, sed tamen multa sine Concilio statuisse, atque tunc tantum Episcopos convocasse, cum Romæ illorum copia erat, ac temporis opportunitas sinebat) vel sicubi in illis Decretalibus fratrum, idest Presbyterorum, vel si vis, Episcoporum, sit mentio; illæ nihilominus Pontificis Romani auctoritatem aut solam aut longè præcipuam exhibent. Indubitatum est ad minus summos Pontifices plurima eaque gravissima sine Concilio Generali, ac sine moderatione Aristocraticâ aliarum Provinciarum statuisse, ac statuta illa in tota Ecclesia robur obtinuisse. Undè licet Richerio concederemus antiquitus nihil quidquam absque Concilio Romano, & moderatione Aristocratica Episcoporum specialis Provinciæ Romanæ statutum fuisse; fateri cogeretur Romanum Pontificem cum suo Concilio speciali Ecclesiam rexisse. Cumque id diffiteri non possit, ejusque propositio, de Concilio Oecumenico accepta, evidenter falsa sit; Tacitè recedit à suo principio; & causâ juxta proprias suas probationes cadit, si quidem Ecclesiæ regimen in eo sensu Aristocraticum dicit, quia per Concilia Generalia regi debet.

II. Scimus quidem, quod ait Richerius, Hincmarum Archiepiscopum Remensem, aliosque Episcopos, quos ille in suas partes traxerat, suppositis antiquiorum Pontificum epistolis parem cum aliis, quæ Conciliorum Canonibus erant consentaneæ, auctoritatem non tribuisse; sed scimus Nicolaum I. Papam jus sanctæ Sedis, quod solis illis epistolis non nitebatur, strenuè defendisse, quod testatur Canon. *Si Romanorum Pontificum Decreto, cæterorum opuscula Tractatorum approbantur, vel reprobantur; ita ut, quod Sedes Apostolica probaverit hodie, teneatur acceptum*,

tum, & quod illa repulit, hæc inefficax habeatur, quando potius quæ ipsa pro Catholica fide, pro sanis dogmatibus, pro variis & multisariis Ecclesiæ necessitatibus, & fidelium moribus diverso tempore scripsit, omni debent honore præferri, & ab omnibus prorsus in quibuslibet opportunitatibus discretionem vel dispensationem Magistrâ reverenter assumi? Canon autem. Omnia, 25. quæst. 1. à Richerio etiam citatus, & S. Damaso suppositus est, & valde obscurus; Difficile namque capitur quid intelligatur per Decretalia de Ecclesiasticis ordinibus & Canonum promulgata disciplinâ, quæ sub gravi comminatione custodiri jubet. Quidquid sit, evidens est. Primò, illius Canonis scopum esse, ut Decretalia summorum Pontificum executioni fideliter demandentur. Secundò, licet Canonum fiat mentio, non tamen negari, quin Decreta Pontificia exequenda sint, etiam si Conciliorum Generalium Canonibus non fuerint roborata. Sic enim supponitur loqui Damasus; Omnia Decretalia, & cunctorum Decessorum nostrorum Constituta, quæ de Ecclesiasticis Ordinibus & Canonum promulgata sunt disciplinis, ita à votis & ab omnibus Episcopis, & cunctis generaliter Sacerdotibus custodiri debere mandamus; ut si quis in illa commiserit, veniam sibi deinceps moveri denegari. Sed Hincmarum summo Pontifici paruisse, vidimus lib. 3. Imò receptas postmodum in Gallia Decretales illas antiquas quantumvis suppositas constar, nec dissentientur ejus Nationis Scriptores.

12. Odiosa sunt & temeraria Richerii verba num. 6. & hoc num. 8. proposita; Romanus Pontifex, qui est Caput ministeriale, universalem Ecclesiam inconsultam, dissentientem, invitam, vel inauditam obligare nequit. Ecquando enim legitimus Pontifex universalem Ecclesiam inconsultam, dissentientem, invitam, vel inauditam cogere voluit? Repugnarunt aliquando & aliquandiu Episcopi quidam, vel quædam Provinciæ Ecclesiasticæ; (quis enim in tanto hominum & morum varietate concordiam omnibus numeris perfectam, & Paradisi propriam in terra speret?) Ecclesia verò universalis nunquam visa est, nunquam videbitur repugnare Pontifici, nisi aut schismatico. aut incerto: frustra quæ desudant Scriptores Gallicani ad dirimendum chimericum certamen. Chimericum dico, si in altera comparisonis parte ponantur omnes Episcopi, ut poni necesse est, si Concilium verè Generale futurum sit, in altera Pontifex solus.

13. Quàm alienus sit à D. Augustini mente sensus, qui ejus verbis relatis dist. 4. Can. In istis à Richerio, & ab aliis quibuscumque, tribuitur, ostendimus lib. 2. Undè debile ponit Libertatis Ecclesiasticæ fundamentum Richerius, dum eam collocat in necessitate acceptationis legum, ut valeant ligare. Nulla unquam impofterum nova lex obligaret, si Ecclesiæ universalis consensus expectandus esset. Nam quæ poterit hodie lex constitui, quæ ab universis Provinciis statim acceptetur, imò à majori parte? Si interim Gallia suas libertates, suosque mores opponat statutis sibi non ardentibus, inutilis erit potestas condendarum legum: tantum enim temporis in postulando omnium consensu consumetur, ut in aliis Provinciis legis peritura sit autoritas, dum aliæ deliberabunt. Nec enim omnium Episcoporum sine Presbyterorum, curam animarum habentium, consilio suffragium sufficiet: quia Richerius num. 5. *Senatum aut consilium nativum Ecclesiæ à Domino institutum, vocat, non modò Episcopos, verùm etiam omnes Presbyteros, curam animarum habentes.* Imò cum Laici pars sint, licet minùs præcipua, maxima tamen Ecclesiæ Catholice, non debent ab ejus libertate excludi, atque adeò *inconsulti, dissentientes, inviti vel inauditi obligari* nequibunt. *Quicumque enim, ut ait B. Paulus ad Gal. 3. in Christo baptizati estis, Christum induistis. Non est Judæus, neque Græcus: non est servus, neque liber: non est masculus, neque femina. Omnes enim vos unum estis in Christo Jesu.* Num præcluderetur schismati via, ut vult Richerius, postulato totius Ecclesiæ consensu ad conferendam legibus vim obligandi? Nonne potiùs innumeris dissentionibus præberetur occasio?

14. De Hincmari Remensis mente circa Decretales, ante Concilium Nicænum editas, jam satis disseruimus. Bene conclusisset, ut ait Richerius, illas *exigua esse fidei, propterea quod Sacris Canonibus minime concordarent*, si fides ad facti veritatem, non ad eorum qui scripserunt supponuntur, autoritatem referatur. Illa enim contrarietas signum erat suppositionis. Concilia namque tot tamque insignium Pontificum Decreta, vel ob ipsorum sanctitatem, & ad Apostolorum tempora vicinitatem, etiam seclusâ illorum potestate, sine urgentissima gravissimaque necessitate, tantillum immutare, nedum evertere, piaculum duxissent. Verumtamen, ut alibi ostendimus,

ex eo quod illæ epistolæ, quas veneratione dignas fatebatur, non essent de Canonibus promulgatæ, Hincmarus illas non magni esse roboris legitinæ non concludebat.

15. Immeritò concludit Richerius; *Istinc autem planè dignoscitur, quo jure Majores nostri Galli usi fuerint*; quasi verò Hincmarus, & Episcopos, quos ille ad se traxerat, generaliter majorum suorum nomine debeant Galli censere. Certè dum tot laudibus à summis Pontificibus, & à Scriptoribus Ecclesiasticis celebrata est Ecclesia Gallicana, non intelligebantur eo nomine Hincmarus, & alii quidam, qui sanctæ Sedi pertinaciùs resistebant, sed tot tantique alii Præsules, atque omnium ordinum Viri, pietate atque erga sanctam Sedem reverentiâ & obedientiâ maximè conspicui, quorum laudes injustè sibi usurpant, qui ab eorum vestigiis quàm longè exorbitant. Sed cur Gallicani Antistites Hincmarum virum admodum durum & pertinacem, ne quid gravius dicam, ejusque sequaces, sanctæ Sedis auctoritatem occasione Decretalium suppositarum, imminuentes, tanquam Majores suos venerentur potiùs, quàm sanctum Irenæum, sanctum Avitum, sanctum Cæsarium & alios, tum antiquiores, tum recentiores, ac eos ipsos, qui prædictas Decretales amplexi sunt, quique, si circa facti veritatem erraverunt, nihilominus auctoritatem summi Pontificis agnoverunt; cumque ob suam pietatem commendatione digni sint, non est temerè despicienda illorum præsertim circa jus, sententia.

16. Sextum principium istud ponit Richerius n. 9. *Plenitudinem auctoritatis Pontificia defuiri, primò ad Ecclesias particulares per mundum dispersas, sed nequaquam ad Ecclesiam universalem in Concilium congregatam: secundo, ad executionem, interpretationem, & dispensationem, minime verò ad institutionem Canonum, nisi per se aut per Legatos suos Concilio præseat, atque omnium Patrum suffragia & consensum subducatur.* Eadem Richerii, aliorumque nonnullorum Gallorum propositio sæpiùs repetita, eandem sæpius cogit repetere responsionem. Quærenti à Richerio an Papa possit omnes Ecclesias particulares per mundum dispersas obligare: an aliquas tantùm? si aliquas dumtaxat, quærem quas, & cur illas, non item alias? Cur non Gallicanam inter alias? si omnes: cur non universalem? Quandoquidem Ecclesia universalis nihil est aliud, quàm omnes Ecclesiæ particu-

576 TRACTATUS DE LIBERTATIBVS,  
 ticulares per mundum dispersæ. Perinde enim est, ut omnes  
 Ecclesiæ particulares per mundum dispersæ errorem fidei con-  
 trarium suscipere possint; ac si Ecclesia universa posset errare.  
 Ut enim sæpe declararunt Præsules Gallicani & Schola Pari-  
 siensis, infallibilitas non convenit Ecclesiæ tunc tantum, quan-  
 do est in Concilio Generali congregata. Imò nec Concilium  
 Ecclesiæ universalis est formaliter, sed representativè tantum.  
 Plus autem est Ecclesiæ universalis formaliter, quàm parsejus,  
 quantumvis præcipua, totiusque corporis representativa, juxta  
 fundamentum à Richerio in ipso limine positum, quod vo-  
 cat *vulgare, atque indubitata fidei axioma*, nimirum *Deum & naturam*,  
*prius atque immediatius ad totum suppositum, quàm ad aliquam partem suppo-*  
*siti, quamvis nobilissimam, intendere.*

17. De potestate condendorum Canonum, seu legum Ec-  
 clesiasticarum videnda sunt ea quæ diximus lib. 6. & suprà de  
 Decretalibus in Codice Dionysiano contentis. Quod addit  
 Richerius, eo solùm in casu Papam de Synodorum Decretis  
 dispensare posse, quo ipsummet Concilium, si esset congre-  
 gatum; ita verum est, si intelligatur Papa sine justa causa  
 non debere dispensare; idque indicat vox *illa, violentur*, in  
 testimonio Sancti Leonis I. à Richerio relato ex Can. *Privilegia*.  
 2. causa 25. quæst. 2. *Dispensatio*, inquit, *nobis credita est, & ad*  
*nostrum tendit reatum, si paternarum regula sanctionum nobis consentientibus,*  
*vel negligentibus violentur.* Idem etiam apertè significat S. Bernar-  
 dus lib. 3. de consid. ad Eugenium cap. 10. à Richerio citatus.  
 Neuter autem Pontifici potestatem in Conciliorum Genera-  
 lium Canones negavit: imò supradicta verba scripsit S. Leo,  
 dum Canonem Concilii Oecumenici, scilicet Chalcedonen-  
 sis, 28. abrogavit, ut in origine videri potest, scilicet Sancti  
 illius Pontificis epist. 54. Dices fortasse, sanctum Leonem  
 Concilii Generalis Chalcedonensis non impugnasse Canonem,  
 nisi ut Concilii etiam Generalis, Nicæni scilicet sextum Ca-  
 nonem propugnaret, ac suam cuique Patriarchæ & Exarcho  
 jurisdictionem conservaret. At, qui Judex est inter duo Con-  
 cilia, num in illa necesse est habeat jurisdictionem, & supe-  
 rioritatem? Repones, Nicænum Canonem majoris fuisse au-  
 toritatis, quàm Chalcedonensem: quia ille communi consen-  
 su; iste absentibus Legatis Romani Pontificis conditus fue-  
 rat,



eat. Atqui, cū Concilia posteriora prioribus absque dubio derogare possint, in iis quæ ad solam disciplinam pertinent, quid prohibuit quò minùs Chalcedonense derogaret Nicæno, præsertim, cū præcessisset derogatio jam ab alio Concilio Generali, scilicet Constantinopolitano primo Can. 3. nisi defectus consensus Summi Pontificis? Vel ergo Concilium dici Generale nequit; vel Canones condere non potest, absente summo Pontifice, vel Concilium sine summo Pontifice minorem habet potestatem, quàm cum summo Pontifice; atque adeò non habet supremam, & consequenter summus Pontifex hujusmodi Conciliis sine summo Pontifice congregatis non suberit, quippe qui jam nec primum nec secundum in Ecclesia gradum obtineret, quod est contra Ecclesiæ doctrinam.

18. Sanctus Bernardus, ut ex verbis à nobis suprà relatis constat, etiam dum Pontificem suâ potestate non rectè uti putabat, potestatem tamen ei non deesse confitebatur. Zosimi etiam, cujus rursus meminit Richerius, veram sententiam suprà explicuimus, ex ea nullatenus probari potest, quod intendit Richerius, scilicet eo solùm in casu Papam de Synodorum Decretis dispensare posse, quo ipsummet Concilium, si esset congregatum. In eo enim sensu quo loquebatur Zosimus, eadem fuisset ejus sententia de Concilio Generali, (si quidem de illo cogitasset, quod ex ejus verbis nullo modo colligitur) atque de Sede Apostolica.

19. In his duobus articulis, inquit Richerius, (scilicet in autoritate Pontificia in Ecclesias particulares, & in executione, interpretatione, & dispensatione Canonum) *Status Monarchicus Ecclesia, sive plenitudo jurisdictionis Papali potissimum consistit: non autem in absoluta potestate, quam contra jus divinum & naturale, plerique recentiores in Ecclesiam invehere nituntur.* Absit ut potestatem aliquam contra jus Divinum & naturale summo Pontifici tribuamus; sed contra jus Divinum & contra Ecclesiasticam traditionem esse putamus, negare summum Pontificem, Canones, seu leges Ecclesiasticas instituire posse, etiamsi per se, aut per Legatos suos Concilio non præsideat, & omnium Patrum suffragia & consensum subducatur. Credimus etiam summi Pontificis esse, non Richerii, aut ejus Sectatorum, discernere, an dispensare

D d d

con-

conveniat : putamus præterea ejus legibus , si ab omnibus Ecclesiis particularibus per mundum dispersis obtemperetur , ad quod eas teneri fatetur Richerius , ab Ecclesia universali obtemperatum iri.

20. Contradicit sibi Richerius , cum absolutam potestatem summi Pontificis à recentioribus in Ecclesiam invehì ait , quæ verba novitatem significant , & tamen postea ad tempus translationis Imperii ad Francos , præcipuè autem ad tempora Gregorii VII. refert. Si quidem verum esset Pippinum , Carolum Magnum , aliosque Francorum Reges , tot Capitularia & leges Ecclesiasticas suâ præcisè autoritate condidisse , ut inani conatu probare contendit Baluzius , mirum est quomodo potuerit tunc temporis absoluta autoritas omnia decernendi , summis Pontificibus accrescere.

21. Launoïus non tam desudavit in vindicando Principibus sæcularibus jure convocandorum Conciliorum ( licet ex quo Concilia Generalia haberi cœperunt nunquam Episcopi in unius Principis ditione fuerint ) nisi ut tantundem jus Summi Pontificis imminueret. Richerius verò asserit , quod historiæ studiosi observabunt , *Papam regulariter & ordinariè jus habere convocandarum Synodorum Generalium* ; causamque addit , quæ Principibus sæcularibus non convenit ; *Quatenus* , inquit , *potestatem habet super Ecclesias particulares disgregatas per Orbem terrarum*. Quamquam autem Richerius in fine numeri 12. jus congregandorum Conciliorum Generalium Imperatoribus tribuat , tamquam Legis Divinæ , naturalis & Canonice executoribus ; tamen jus illud Pontificibus quoque vindicat hoc numero 9. verbis modò relatis ; atque adeò ejus testimonio compensari posset autoritas Launoïi , si secùs sensisset. Videtur enim Launoïus à Richerio hausisse pleraque alia suæ adversus sanctam Sedem doctrinæ principia , & animum in Curiam Romanam infensum ; atque adeò ut Magistrum habuisse.

22. Hactenus dicta sic concludit Richerius , *Summa hujus disputationis est , à statu Monarchico Ecclesia , unitatem , ordinem , cum efficaci executione Canonum , procedere : à regimine autem Aristocratico , sanctissimum consilium , atque infallibilem providentiam & decisionem ; quæ quidem Respublica Christiana in perpetuam adificationem , & non in destructionem gubernatur*. Si status Ecclesiæ Monarchicus est , quia uno capite visibili,

fibili, Christi Vicario regitur, & ab illo statu Monarchico Ecclesiæ unitas procedit; oportet ut omnes Ecclesiæ particulares per mundum dispersæ illi subsint, non solum quatenus particulares & dispersæ, sed etiam quatenus inter se communicantes & conjunctæ. Caput enim præsidet manibus, pedibus, cæterisque membris, non disjunctis atque dispersis, sed in unum corpus compactis atque coordinatis. Si Ecclesiæ Ordo à statu Monarchico procedit, oportet ut Monarcha, qui primus est in illo ordine, sit regula & mensura cæterorum, atque aliis credendi vivendique normam præferat, ut à capite in cætera membra spiritus, motus, & sensus derivantur.

## C A P U T V.

*In quo agitur de potestate Principum politicorum; & respondetur argumentis contra Monarchiam Ecclesiasticam.*

*Ad numeros 10. 11. 12. 13. 14. 15. 16. 17. Richerii.*

1. **V** Sque ad numerum 10. Richerius egit de potestate Ecclesiastica: hic de politica tractare incipit. *Septimum*, inquit, (scilicet principium) docet Ecclesiam sumptam pro cætu fidelium, sive pro Christiana Republica, unico & solo capite ac fundamento essentiali Christo Domino esse contentam: nihilominus, in ratione exercitii atque executionis regiminis ejusdem Christianæ Reipublicæ, à duobus, Pontifice scilicet, & politico Principe differenter gubernari. Principium istud, principium schismatis est, nisi sanè explicetur. Dum de diversis politiarum formis seu speciebus agitur, illarum differentia attenditur penes illos, à quibus visibiliter regitur: alioquin, ut supra dicebamus, unica esset totius mundi politiæ forma, scilicet Dei supremi rerum omnium moderatoris Monarchia. Itaque schismati via aperitur, si regimen Ecclesiasticum ex æquo penes duo capita, Pontificem scilicet, & politicum Principem reponatur. Si uni Ecclesiæ corpori duo capita præfiguntur, monstrum efficitur horrendum.

2. Responderet fortasse Richerius, se illis executionem tantum regiminis Reipublicæ Christianæ tribuere. Penes quem

D d d 2

ergò

ergo erit potestas principalis. Penes totam Ecclesiam, inquires. Atqui monstrum adhuc horribilius fingis. Tot enim in Ecclesia Capita constituis, quot sunt viri & mulieres; ac regimen Ecclesiæ adscribis omni Democratiâ pejus. A regimine enim Democratico saltem mulieres excluduntur: si autem Pontifex & Princeps ita se habent, ut in rebus Ecclesiasticis Pontifex Principi præferatur, malè ex æquo collocantur. Dum enim alter alteri subest, uni tantum convenit Capitis nuncupatio.

3. Quas autem affert probationes, quamque adhibet explicationem, cæ suaderent, ipsum ita intellexisse, ut Pontifex esset caput in spiritualibus, & Princeps politicus in temporalibus; ac præterea juris Divini, naturalis & Canonici executor esset. Juxta illam distinctionem loquitur Canon. Duo sunt, dist. 92. quo in Canone præponitur Pontifex Imperatori. Sic enim incipit; *Duo sunt quippe, Imperator Auguste, quibus principaliter hic MUNDVS REGITVR, autoritas sacra Pontificum & Regalis potestas* (non dicit Ecclesiam, sed mundum his duobus regi) *in quibus tantò gravius pondus est Sacerdotum, quantò etiam PRO IPSIS REGIBVS hominum in Divino sunt reddituri examine rationem* . . . . *Nosti itaque inter hac EX ILLORVM TE PENDERE IUDICIO; non illos ad tuam redigi posse voluntatem, &c.* Canon autem Principes 23. quæst. 5. docet quæ sint Principum partes circa disciplinam Ecclesiasticam; *Principes sæculi nonnunquam intra Ecclesiam potestatis adepti culmina tenent; ut per eandem potestatem disciplinam Ecclesiasticam muniant. Caterum intra Ecclesiam potestates necessaria non essent, nisi, ut quod non prevalet Sacerdos efficere PER DOCTRINÆ SERMONEM, potestas hoc impleat per disciplina terrorem.*

4. Juxta eandem distinctionem dixit Christus ipse Matt. 22. *Reddere quæ sunt Cæsaris, Cæsari: & quæ sunt Dei Deo*; hancque distinctionem confundendam non esse bene monet Richerius. Benè etiam n. 11. probat potestatem Principum in temporalia, nisi quòd ei nimis indulget, ut ex iis, quæ toto libro 4. dicta sunt colligitur v. g. cum locum D. Bernardi ex cap. 4. lib. 4. de consid. ad Eugenium, contra mentem illius Sancti interpretatur, ut *Ecclesia jus habeat tantum inveniendi, docendi, & suadendi, quando Princeps politicus gladio uti debeat ad gloriam Dei*: quam interpretationem non patiuntur verba S. Bernardi.

nardi. Non enim gladium materiale Pontificis esse diceret, & ad nutum ejus evaginandum, si aliam non haberet circum illum auctoritatem, nisi quæ perito cuilibet competat, scilicet, *immendi, docendi, & suadendi*. Tuus ergo & ipse, inquit S. Bernardus, *tuus forsitan nutu, etsi non tuâ manu evaginandus: uterque ergo Ecclesia, & spiritualis scilicet gladius & materialis.*

5. Quod autem eodem num. 11. monet Richerius, etiam si vera esset eorum sententia, qui Principes in temporalibus potestati Ecclesiasticæ indirectè subesse arbitrantur, ab ea tamen scribenda esse abstinendum, verum fortassis esset, nisi scribere cogeret contraria Comitiorum Cleri Gallicani declaratio, & nisi metuendum esset, ne Principes, quorum multi Censuras Ecclesiasticas parùm reformidant, se in Principatu, qui ipsis omnium maximè cordi est, tutos omninò esse putantes, nullius mali temporalis metu cohibiti, quidvis audendi facultatem sibi esse existimarent. Cæterùm constat ex lib. 4. quàm malè suas rationes ineat Richerius, cùm duotantum sibi objicit, quæ ipse potissima putat, licet reverà inter omnia ultimum ferè locum mereantur.

6. De potestate Principum in condendis legibus ad Divini, naturalis, & Canonici Juris executionem, de qua Richerius agit num. 12. nos fusè lib. 11. Hic tantùm advertimus, quod jam notaverat Illustrissimus D. Petrus de Marca lib. 2. cap. 10. §. 7. id quod Constantinus Magnus Episcopis dicebat, referente Eusebio lib. 4. cap. 24. de vita illius Imperatoris; *Vos intra, ego autem extra Ecclesiam à Deo Episcopus constitutus sum*, aliam posse habere sententiam, quàm quæ à Richerio assignatur; sic enim habet Textus Græcus, *ἀλλ' ὑμεῖς μὲν τῶν ἔξω τῆς ἐκκλησίας τῶν ἑντὸς ὑπὸ θεοῦ καθιστάμενοι ἐπίσκοποι ἐν ἑλῶ*; quæ sic verti possent; *Vos quidem etiam qui sunt intra Ecclesiam, ego autem eorum qui sunt extra à Deo constitutus Episcopus sum*. Imò de personis potius, quàm de negotiis loqui Constantinum, licet ejus verba nudè sumpta de alterutris possent intelligi, suadent quæ sequuntur. Addit enim Eusebius; *Itaque cùm qua loquebatur eadem mente secum cogitaret, animum in omnes, qui ejus suberant Imperio, intentum habuit: hortatus pro virili, ut piam omnes vitam excolerent*. Deindè caput sequens inchoat his verbis; *Hæc etiam ratione adductus est, & volè sanè, ut frequentibus legibus & Edictis præciperet omnibus, ne Idolis*

582 TRACTATUS DE LIBERTATIBVS,  
*immolarent, nec oracula curiose sectarentur, &c.* Quidquid sit de suprà  
relatis Constantini verbis, certum est, pium illum Impera-  
torem non de potestate circa res Ecclesiasticas cum Episcopis  
contendere voluisse; sed suum pro Religione studium signi-  
ficare.

7. Affirmat num. 13. Richerius, *Natiyas Ecclesia Catholica li-  
bertates, sive jus commune à Deo & natura institutum, his octo proloquiis  
ac fundamentis, tam perspicue roborari, ut nemo in illud impingere possit,  
quin eadem operâ legem Divinam, naturalem, & Canoniam labefactet.* Hoc  
quàm falsum sit patet ex illorum proloquiorum examine jam  
facto, vel potius ex illorum fundamentorum everfione. De  
appellationibus ab abusu, quibus ait hanc labefactionem re-  
parari, fusè in libro ultimo dicemus. Sed recolendum est  
quod jam libro primo notavimus, non ita esse antiquas liber-  
tates Ecclesiæ Gallicanæ, si Richerius audiendus est; quan-  
doquidem ait eas ortas esse ab hujusmodi appellationibus,  
quas superiori sæculo natas videbimus; *Hac ratio, inquit, pro-  
cedendi Gallorum, originem præbuit Ecclesiæ Gallicanæ libertatibus, ut eas vul-  
gò meminant.*

8. Numero 14. quinque sibi objeit. 1. B. Petrum esse  
Christi Vicarium; atque adeò B. item Petro Christi Vica-  
rio congruere, non modò totam jurisdictionem Ecclesiasti-  
cam, verùm etiam auctoritatem in temporalia, saltem indi-  
rectam, & in ordine ad spiritualia. Respondet inæqualem esse  
Christi, & B. Petri, potestatem, quod nimis certum est, quàm  
ut negari queat. At deficit in via Richerius, nisi ostendat,  
B. Petro non fuisse concessam omnem potestatem necessa-  
riam ad optimum ovilis ei à Christo commissi regimen; sed  
potestatem illam ipsimet ovili traditam, ejus autem solam  
executionem Summo Pontifici; nec potestatem temporalem  
ullum ordinem habere ad spirituales; vel, si quis sit ordo,  
spiritualem temporali non præesse. Objicit sibi 2. curam fra-  
trum Petro demandatam à Christo Luc. 22. qua videtur ex-  
cludi necessitas Conciliorum. Qua de re Lectorem remittit  
ad ea quæ scripserat n. 1. Nos quoque tunc circa illum nu-  
merum, tum alibi nostram de necessitate Conciliorum sen-  
tentiam, & illorum celebrationis desiderium exposuimus.

9. Tribus aliis objectionibus, seu propositionibus, nimi-  
rum

rum tertiz, Ecclesiam in Synodum congregatam, nullum planè jus habere aliquid decernendi, secluso, aut non consentiente Romano Pontifice. Quartæ, Summum Pontificem, omnes Canones universalium Conciliorum ad Ecclesiasticam politiam spectantes, posse ex animi sui sententia antiquare. Quintæ, Papam, non modo habere auctoritatem supra particulares Ecclesias per mundum disgregatas, verum etiam supra universale Concilium: eique nullo in casu subiici, unicâ illâ solutione satisfacere conatur, scilicet, Petrum eandem cum Christo non habere potestatem in Ecclesiam; alioquin Ecclesiam non fore liberam. Verùm hæc solutio & minimi momenti est, & si quid habet roboris, provenit ex modo perquam odioso, quo propositiones quarta & quinta expressæ sunt. Quis enim credat posse Summum Pontificem ex animi sui sententia, hoc est, sine causa, Canones Conciliorum universalium antiquare? Quæ autem iusta causa esse potest, ut omnes Canones universalium Conciliorum, ad Ecclesiasticam politiam spectantes, antiquentur, Jusque omnino relaxetur, ac novum condatur? Quin etiam tantam sæpè habet politia Ecclesiastica cum fide, ac cum iure Divino & naturali affinitatem, ut impossibile videatur totam politiam immutare sine fidei detrimento, aut Juris Divini vel naturalis violatione, quo casu nulla fore summi Pontificis Decreta nemo non confitetur. Est enim, ut inquit D. Cyprianus lib. de disciplina & habitu Virginitatis, disciplina custos spei, retinaculum fidei, Dux itineris salutis, fomes ac nutrimentum bona indolis, magistra virtutis, facis in Christo manere semper, ac jugiter Deo vivere, & ad promissa Cælestia & Divina premia pervenire. Sed cogitatio antiquandæ totius politiz, atque novi omnino juris constituendi, aded est absurda, ut nulli unquam Pontifici venerit in mentem, nulli unquam ventura sit. Alia est æquorum scriptorum sententia, quæ solidis rationibus, non odiosis & absurdis interpretationibus confutanda esset: nimirum posse summum Pontificem Canonibus Conciliorum Generalium derogare; necessariam esse plerumque causam, ut licitè deroget: non omnes dispensationes illicitas esse nullas: non esse temerè damnandum summi Pontificis factum: non esse insolenter resistendum, etiam cum Superior, rationis, propriæ potestatis, aut iustitiæ limites videtur excessisse: sed exponendam veritatem, mediisque convenientibus & opportunis, quærendum remedium. Quod etiam quintæ propositioni addit,

dit, quasi ab adversariis propositum, Papam Ecclesiæ nullo in casu subijci, nimis generale est; quia saltem pluribus de Pontificatu contendentibus, si eorum jura sint obscura, Ecclesiæ est, controversiam dirimere. Addunt plerique, Papam, si laberetur in hæresim, atque in ea obstinatè permaneret, (quod tamen neque accidit unquam, neque unquam eventurum arbitror) posse ab Ecclesia deponi, aliqui verò, ipso facto, Pontificatu privatum eo casu esse affirmant.

10. Ratio, quâ Richerius impugnat infallibilitatem summi Pontificis, omnibus omninò potestatibus infensa est, & ex ea concluditur unumquemque suo arbitrio esse permittendum. *Omnibus, inquit, hominibus est inditum à natura, ut liberi & beati esse velint: quis autem naturaliter beatus esse potest absque libertate? At si infallibilitas decernendi in uno & solo habitas Pontifice, nullus in Ecclesia conveniens libertatem ferenda sententia obtinet.* Simili omninò rationatione probaretur, neque Concilium Generale debere esse infallibile, quia tolleretur libertas, atque adeò beatitudo ab inferioribus Clericis & Laicis, qui multò plures numero sunt quàm Pastores; ac perinde concludi posset juxta Richerii verba; *Si hac sententia invaleseat sequitur Christum extrema quoque passum, ut Ecclesiam, sponsam, idest universos Christianos despotico Episcoporum, & Curionum Imperio subderet: quod juri Divino & naturali funditus repugnat.* Abutitur Richerius libertatis nomine, cùm eam quam Christus sanguine suo nobis acquisivit, scilicet à servitute peccati, & à jugo legis Mosàicæ, confundit cum libertate à justitia, & ab obedientia debita illis, quibus ait Luc. 10. vers. 16. *Qui vos audit, me audit; & qui vos spernit me spernit*, ac præcipuè illi, quem in tota Ecclesia Vicarium suum constituit. Pari etiam prætextu libertatis abolendum esset Regnum, & genus omne Monarchiæ temporalis.

11. Nihilominus hæ objectiones ex Richerii judicio non sunt minus assis. Alia tria enucleat numeris 15. & 16. quæ, ut ipse ait, aliquid videntur habere ponderis: primum est; *Petrum Pastorem universalis Ecclesiæ constitutum à Christo Joan. 21. Pascis oves meas: hacq; Divinâ voce, neque Apostolos neque Concilium Generale excludi: omnes enim sunt oves Christi, proptereaq; à D. Petro, Christi Vicario, pasci debent.* Istud argumentum plusquam aliquid, hoc est, plurimum ponderis videtur habere, & habet re ipsâ; præsertim si Sanctorum Patrum

trum



trum testimonio roboretur, quorum testimonia jam alibi retulimus; v. g. sancti Joannis Chrysostomi, qui homil. 3. in Act. Apost. loquens de Apostolis congregatis ad electionem alicujus, loco Judæ proditoris, substituendi docet B. Petrum alios omnes in sua manu, hoc est, in sua potestate habuisse. Euthymii, qui cap. 78. in Luc. hæc verba; *Confirma fratres tuos.* Luc. 22. & cap. 18. in Joan. ista; *Pasce oves meas,* Joan. 21. de Apostolis præcipuè interpretatur, absque distinctione inter ipsos, & ipsorum Collegium. Necdum enim Theologi distinguebant in Apostolis, collegialiter, & non collegialiter: S. Bernardi lib. 2. de consid. cap. 8. oves Christi sine ulla exceptione Petro, ejusque successoribus commissas docentis, verbis suprâ adductis cap. 1. §. 12. Quid ergo? respondet Richerius, *Christum illis verbis non aliam dedisse Petro potestatem, quàm ministerialem: officium verò Ministri & Dispensatoris esse, mandare executioni præcepta legis Divinæ, naturalis, & Canonica: sed juxta regulas temperamenti Aristocratici à Deo constituti: ac proinde Petrum, censeri Pastorem, quoad executionem Canonum, verbis Divinæ prædicationem, & alia ejusmodi, quæ ab uno, quàm ab Ecclesia congregata in Concilium, melius perfici possunt.*

12. Petrum cum Christo comparatum nonnisi Ministrum, dispensatorem & executorem fuisse jam observavimus; sed Ecclesiæ regimen ita esse institutum, ut summus Pontifex sit tantum Minister, dispensator, & executor eorum quæ fuerint ab Ecclesia in Conciliis Generalibus decreta, nec probavit Richerius numeris 4. 5. & 9. quò remittit, nec probare quisquam potest. Cujus enim Concilii Generalis executores esse poterant B. Petrus ejusque successores ante Concilium Nicænum, hoc est ante annum circiter 325. Illos Conciliorum particularium (quorum etiam paucissima Canones antea ediderant) meros executores non censebit Richerius, quandoquidem illis concedit num. 9. plenitudinem autoritatis Pontificiæ in Ecclesiis particulares per mundum dispersas: negatque solum in Ecclesiam universalem in Concilium congregatam. Legem etiam Divinam & naturalem quis tum temporis interpretabatur? Tota, inquit, Ecclesia, licet dispersa. Quid ergo Episcopi, qui ante illud Concilium vel circa fidem aut legem naturalem vel Divinam Romanum Pontificem consulebant, ejus responsa tanquam dubia & incerta habebant, donec re-

liquorum totius orbis Episcoporum sententiam rescivissent ? Undè id habet Richerius ? Non id significarunt sancti illi Episcopi.

13. *Secundum argumentum* quod sibi objicit Richerius, ut illud etiam Richerii verbis exprimamus, est, *Ecclesiam congregatam in Concilium, unicam familiam, unicum ovile, unicum regnum, & corpus visibile Christi constituere: ac propterea unicum etiam necessario habere caput visibile Romanum Pontificem: at monstrum immanè videretur, si unum, atque idem corpus duo suprema haberet capita, nempe Papam & Concilium Generale.* Hæc verba optimam rationem continent, licet non tam exactè propositam. Non enim v. g. dici potest, quod Concilium Generale sit Caput Ecclesiæ congregatæ in Concilium; quandoquidem Ecclesia in Concilium congregata nihil aliud est, quàm ipsummet Concilium. Verumtamen vis rationis satis intelligitur, nimirum Ecclesiæ, cùm sit una, unicum caput præesse debere: si autem Concilium Generale esset caput Ecclesiæ, cùm ea quoque Dignitas Romano Pontifici competat, duo fore ejusdem corporis capita, atque aded monstrum futurum. Et quia responderi posset, summum Pontificem esse caput Ecclesiæ dispersæ, non autem in Concilium congregatæ, reponitur, etiam in eo statu, seu Concilium ipsum esse unicam familiam, unicum ovile, unicum Regnum, unicum corpus visibile Christi, atque aded unicum habere caput, non autem tot capita, quot Episcopos, & ex sententia Richerii, quot Curiones. Quid adhæc Richerius? Respondens, inquit, *Ecclesiam esse politiam Monarchicam regimine Aristocratico temperatam: inde autem sequi necessario, Concilium quoad directionem regiminis, coercionem, & potestatem sancientium Canonum, supremam habere auctoritatem: Petrum verò, quoad executionem, atque exercitium, aut usum clavium erga Ecclesias particulares.*

14. Tantum abest, ut consequens necessariò sequatur ex antecedenti, ut contrarium potius sequatur. Si enim Ecclesia est politia Monarchica, directio regiminis, coercitio, & potestas sancientium Canonum est penes unum. At, inquit, Richerius, politia illa Monarchica est regimine Aristocratico temperata. Non temperatur, sed destruitur Monarchia, dum auctoritas præcipua & principalis pluribus tribuitur, licet absque Monarchiæ præjudicio executio, exercitium, aut usus pluri-

pluribus committi possit. Quis enim v. g. (quod jam notavimus) Rempubicam Venetam appellet politiam Monarchicam, regimine Aristocratico temperatam, licet unico Duci executio, exercitium atque usus jurisdictionis committatur remanente in Senatoribus autoritate super ipsum etiam Ducem? Aut quis putet Regnum Franciæ politiam esse Aristocraticam Monarchico regimine temperatam; quamvis Senatus, Concilium Regium, aut alia quævis Curia, ex pluribus viris constans, executionem, aut exercitium & usum jurisdictionis habeat, remanente in Rege plenitudine potestatis.

15. Objicit sibi tertio Richerius cap. 20. Concilii Romani à 280. Episcopis sub Sylvestro Papa celebrati relatum 9. quæst. 3. Can. *Nemo*. Hujus quidem Concilii fides suspecta habetur: quia tamen simile Decretum in aliis veris Conciliis legitur, non sunt prætermittendæ aliæ Richerii circa illud responsiones. Sunt autem illius Concilii sive veri, sive suppositi verba prætermittenda; *Nemo judicabit primam Sedem justitiam temperare desiderantem, neque ab Augusto, neque ab omni Clero, neque à Regibus, neque à Populo Judex judicabitur*. Respondet Richerius primò id verum esse, si Papa justitiam temperare desideret. Sed non advertit aliud esse justitiam temperare desiderare, aliud re ipsâ illam temperare. Primus enim modus loquendi jurisdictionis exercitium designat; secundus verò judicii æquitatem ac rectitudinem. Licet ergo subtiliter & rigorosè Decreti illius verba cum Richerio accipiamus, summus Pontifex, etiamsi rectè non judicet, si tamen justitiam temperare desideraverit, à nemine poterit judicari. Quis autem Pontifex se justitiam temperare velle non profiteatur: & si dubitetur num alia sit illius intentio, quis erit secretorum cordis ejus Judex? Quamvis enim de facto malè judicet, à nemine potest judicari, an non justitiam temperare desideraverit.

16. Respondet secundò Concilium istud intelligendum esse de Conciliis particularibus, quale ipsum erat, atque adeò verba illa, *neque ab omni Clero*, intelligi distributivè de Clero particulari, non collectivè de Generali Concilio; *Cujusmodi*, inquit, *est Constantiense, aut Basileense*. Si Decretum illud intelligendum est de Concilio particulari, quia in Concilio parti-

588 TRACTATUS DE LIBERTATIBVS,  
 culari editum est, Concilium Constantiense intelligendum  
 erit de tempore schismatis, quando non constat quis sit legiti-  
 mus Pontifex; quia is erat Ecclesiæ status tempore Concilii  
 Constantiensis, quod ea de causa congregatum est, & De-  
 cretum edidit, ad quod alludit Richerius. Sed de Concilii  
 Constantiensis Decreto, ac Basileensis confirmatione jam ali-  
 bi egimus. Cæterum, si de aliqua Ecclesia particulari *Decretum*  
*esset intelligendum*, non de alia sine dubio, quam de Ecclesia ip-  
 sius Urbis, aut Provinciæ Romanæ. Atqui 280. Episcopi,  
 cum non nisi ex pluribus Provinciis convenire potuissent,  
 Concilii Generalis speciem referrent, & numero plures essent,  
 quam quæ aliqua Concilia Generalia, & ipsummet, Constam-  
 tiense, nec non qui Basileense, quando Decretum suprâ de-  
 signatum editum vel confirmatum fuit, constituerunt, me-  
 minissent Concilii Generalis, si excipiendum putassent, ne  
 sub nomine omnis Cleri intelligeretur.

17. De reliquis autoritatibus, quæ ex scriptis Romanorum  
 Pontificum proferuntur & causa 9. quæst. 3. leguntur, non  
 magnoperè laborat: unico verbo respondet; *Nemini in sua causa*  
*credendum, nisi conformiter ad legem Divinam, naturalem, & Canonicam lo-*  
*quatur.* Temeraria est illa responsio, verbis præsertim ita gene-  
 ralibus concepta. Non enim nisi temerè de Pontificibus, sa-  
 pientiâ, doctrinâ, & sanctitate insignibus, quales fuerunt  
 S. Leo, S. Gregorius & alii, dici aut sentiri potest, ipsos  
 indebitam cum periculo totius Fidei ac Religionis, autori-  
 tatem usurpasse. Adde, quod simili modo retorqueri posset,  
 absurdum esse ex Episcoporum Constantiæ atque Basileæ  
 congregatorum Decretis in propria causa velle persuadere Pa-  
 pam subesse Concilio.

18. Numero 17. repetit Richerius quod dixerat num. 1.  
*Papam per & propter Ecclesiam; non contra, Ecclesiam per, aut propter Pa-*  
*pam existere, unde concludit; Ecclesiam jure divino & naturali provido-*  
*re atque impedire posse, ne Papa in sui destructionem gubernet.* Observavi-  
 mus circa numerum primum confundi à Richerio finem re-  
 giminis Ecclesiastici cum ipsius subjecto. Regimen & potestas  
 ipsa summi Pontificis est propter bonum totius Ecclesiæ, sin-  
 gulorum etiam salutem respicit; sed potestas regendi omnes  
 & singulos fideles non residet in singulis, neque etiam in  
 om-

omnibus simul, sed in summo Pontifice, tanquam in Monarcha, in Episcopis, tanquam in Principibus, & in aliis Pastoribus, tanquam in Magistratibus inferioribus, sicut insinuat B. Paulus 1. ad Cor. 12. vers. 28.

## C A P U T VI.

*Confutantur responsiones Richerii in num. 18. adversus potestatem Ecclesiasticam circa temporalia.*

1. **Q**uod Ecclesiam, inquit Richerius, indirectâ pollere autoritate in temporalia prædicent, verum est per modum doctrina, suasionis & exclusionis à communione Ecclesiastica: falsum autem per coactionem, aut Regum atque Principum depositionem. Hoc autem probat, quia Ecclesia neque Territorium, neque usum habet gladii materialis. Si per Territorium significat Richerius, ut vulgò Jurisconsulti, locum, in quo quis facultatem habeat pœnis temporalibus, atque morte etiam corporali malos terrendi, & re ipsâ puniendi, verum est Ecclesiam vi clavium non habere hujusmodi territorium, sed vel propriâ populi liberi electione, vel Principum concessione: at verò si territorium accipiatur pro loco, in quo exercetur jurisdictio quælibet cum coactione, ac pœnarum inflictione, habet Ecclesia Territorium, ubicumque versantur homines baptismali charactere insigniti, cum eos ubique censuris ligandi habeat facultatem. Si denique Territorium sumatur pro loco, in quo pœna temporalis ad finem spiritualem decerni possit, non proficientibus pœnis spiritualibus, ac deficiente alio remedio, quæstio est. Negat Richerius; affirmant alii.

2. Sed non est confundendus usus gladii materialis cum Territorio. Utitur enim gladio materiali, qui re ipsâ occidit, aut aliâs corporaliter plectit, quod Ecclesiasticis viris non congruit. Dum Concilia Generalia lib. 4. relata, ac nominatim Constantiense, & Basileense Imperatores, Reges, aliosve Principes deposuerunt, vel deponendos decreverunt, si fidei aut Religioni obessent, non sunt usi gladio materiali,

Eccc 3

Prin-

Principibus bellum inferendo; sed eos, ne gladio materiali in perniciem Religionis abuterentur, impedierunt. *Uterque Ecclesia, & spiritualis scilicet gladius, & materialis: sed is quidem pro Ecclesia, ille vero & ab Ecclesia exercendus est,* ut inquit S. Bernardus, à Richerio num. 11. citatus.

3. Comparatio quam adducit Richerius, Pædagogi, discipulos adversus disciplinam obdurescentes bonis paternis exhæredantis, & Ecclesiæ, Reges aut Principes Christianos abdicantis, est ex earum numero, quæ uno pede incedere, nonaginta novem claudicare dicuntur. Defectus studii vix tanti esse potest, ut illum exhæredatione punire conveniat; persecutio contra Fidem & Religionem esset æternæ ruinæ occasio, nisi sisteretur. Hæreditas ad studium non refertur, sed sæpè studium ad hæreditatem: temporalia ad spiritualia, tanquam ad principaliora, jure Divino & naturali ordinata sunt; qui ordo pervertitur, dum potentia temporalis non solum spiritualia bona non promovet, sed in ea etiam grassatur. Pueri habent Patrem aut parentes, quibus & major & latior, quam Pædagogo potestas competit, & à quibus castigari efficacius possunt. Reges & alii Principes supremi nullum alium in terris superiorem agnoscunt. Pædagogi nullam habent propriè dictam jurisdictionem in pueros, quos leviter tantum corrigere ipsis licet, parentibus, à quibus facultatem illam quasi delegatam receperunt, filios in sua cura retinentibus. Ecclesia verò supremam in spiritualibus obtinet potestatem, ad quæ, ut diximus, temporalia, tanquam ad principaliora ordinata sunt. Neglectus disciplinæ scholasticæ solis plerumque discipulis nocet; Fidei ac Religionis impugnatio, non solum Principibus, sed & innumeris eorum subditis. Si discipulorum exemplum condiscipulos trahit, penes Pædagogum est illorum curam dimittere; Ecclesiæ, neque Principes, neque Subditos, per Baptisma sibi aggregatos deferere fas est. Ut disciplina scholastica non violetur, obstat sæpè naturalis Constitutio. Fidei ac religioni nonnisi ex malitia bellum inferitur. Ad pueros non pertinet hæreditas, vel saltem ejus administratio. Nam si parentes vivunt, ipsi Domini sunt; si decesserunt, pueri sunt sub Tutoribus & A&oribus, à quorum consensu pendent. Si discipuli sui juris esse supponuntur,

tur, non habet in eos Pædagogus potestatem, nisi quam illi contulerunt, quæ certè ad exhæredationem non pertinet. Ecclesiæ supremi Pastores à Christo ipso in omnes baptizatos jurisdictionem obtinent, quam non exercent, nisi circa id jus quod subditis competit.

4. Illud it, ut verba Richerii in ipsum retorqueamus, à dicto secundum quid ad dictum simpliciter, ratiocinatio, quâ probatur Ecclesiam in temporalia Principum nullam, etiam indirectam, potestatem habere, ex eo quod *Ecclesiastici se savis, aut secularibus negotiis, non immisceant: & sufficientia politia Ecclesiastica ab observatione mandatorum Dei non à jure gladii, aut Monarchiâ temporali petenda sit*: quasi Ecclesia subditos à juramento fidelitatis absolvens, gladio materiali Regem jugularet, aut ei bellum inferret, ut ipsius Regnum sibi vendicaret, Monarchicè à se gubernandum. Præcipua quidem Superiorum Ecclesiasticorum potestas expressa his verbis Matt. 28. hic à Richerio relatis, aliquibus omisissis; *Euntes ergo, docete omnes gentes servare omnia quaecumque mandavi vobis: & ecce ego vobiscum sum omnibus diebus, usque ad consummationem seculi*. Sed illis nullo interjecto, præmiserat Christus; *Datus est mihi omnis potestas in Cælo & in terra*, quasi insinuans se illis potestatem conferre tum circa cælestia, tum circa terrena, quatenus opus esset ad amovenda obstacula, injuncti sibi officii spiritualis executionem impediencia.

5. Triplex hic sibi argumentum opponit Richerius, quorum primum ducitur ab exemplis veteris Testamenti. Huic respondet, Synagogam territorium, & jus meri Imperii habuisse, Ecclesiam non item. Sed, ut mox explicuimus, Ecclesia Territorio non caret: imò nec mero Imperio, quandoquidem ubique terrarum censuris, nominatim excommunicatione, quæ à juris Canonici Tractatoribus cum jure vitæ ac necis comparatur, fideles contumaces plectere potest, nec non à juramenti fidelitatis, sicut ab aliis, dummodò justa & necessaria causa intercedat, absolvere, ut lib. 4. ostendisse sufficienter credimus. Aliud discrimen observat Richerius, quod scilicet lex Evangelica ad Mosaicam, & ad quamcumque aliam politiam comparata, sit lex mansuetudinis & perfectissimæ libertatis. Verùm hæc libertas in eo præcipuè sita est, quòd Christiani ultrò, & ex Charitatis instinctu, non

autem ex servili pœnæ timore moveri debeant ad implenda præcepta , ut S. Augustinus , & alii sancti Patres exponunt ; non in eo quòd ab omni pœnâ debeant esse immunes , si contumaciter renitantur. Alioquin enim excommunicatio , quæ verorum Christianorum judicio damnatio est Regni temporalis privatione gravior , ab Ecclesia esset eliminanda.

6. Alterum argumentum , quod sibi objicit Launoïus , est caput tertium Synodi Lateranensis : quo statuitur Reges , atque Principes , qui hæreticos ex suis Dominiis minimè exterminaverint , esse abdicandos. Respondet , isthæc & similia ut Decretales Romanorum Pontificum nihil juris habere in Principes politicos ; quia inquit , *Decreta hæc privatim , & proprio motu à Romanis Pontificibus , non Synodicè , idest totius Ecclesiæ consensu , sancita fuerunt : itaque non obligant.* O temeraria responsio ! Quod in Concilio generali , imò Generalissimo assistentibus per se vel per suos Legatos omnibus Principibus Christianis , Decretum est , *proprio motu à Romanis Pontificibus non Synodicè , id est totius Ecclesiæ consensu sancitum fuit.* Ecquid ergo ultra requiritur , ut aliquid *Synodicè totius Ecclesiæ consensu sancitum dicatur* ? An ut generatim omnes & singuli Christiani assensum præbeant ? Et quid unquam fuit , aut erit unquam hoc modo sancitum ? Nulla ergo unquam obligavit , aut obligatura est lex Ecclesiastica. Sed demus Richerio Papam in eo Concilio , & in aliis , quibus præsedit , hujusmodi Decreta proprio motu edidisse , atque ad eorum subscriptionem Episcopos , aliosque Judices & Assistentes coegisse : quid respondebit auctoritati , tanti apud ipsum ponderis , Conciliorum Constantiensis & Basileensis contra Pontifices habitorem ? An eorum Decreta , quæ lib. 4. retulimus , proprio motu à Romanis Pontificibus sancita dicet ?

7. Objicit sibi 3. abdicationem Childerici Regis Francorum , & Imperii translationem ad Francos , quibus respondet absolutè negando *solâ Romanorum Pontificum auctoritate , absque populi consensu , auctoritate , aut postulatione factas.* Nota vocem illam , *solâ* ; ad eò enim certum est , eas Romanorum Pontificum auctoritate factas fuisse , ut id non possit non fateri , illucque confugiat ut neget , *solâ eorum auctoritate factas.* Sed ab illo & aliis exemplis se se expedit pronuncians , quod *moribus & Canonibus , non exemplis , Christianam Rempublicam gubernari voluit Dominus Noster Jesus Christus*



*Christus* Sed quis illos nobis Canones in hac materia edet, quandoquidem qui in Conciliis generalibus conditi fuerunt, proprio motu summorum Pontificum sanciti fuisse, atque adeò non obligare dicuntur. Quis mores declarabit, aut Canones sanciet, quibus *Christianam Rempublicam gubernari voluit Dominus noster Iesus Christus*? Quis audeat cum Richerio contendere, qui exempla tot tantorumque Pontificum, & Conciliorum Generalium nihili faciens, de jure, non de facto disputari postulat? Sed si tam parvi pendenda est Conciliorum autoritas, cur ad illam tam sæpè nos vocat Richerius? Cur penes illam supremum Ecclesiæ regimen constituit interdum? Quis condet aut exponet jus, secundum quod de controversiis disputari possit?

7. Claudius libellum suum Richerius, remittens pro reliquarum objectionum solutione ad Tractatum Magistri Joannis Parisiensis, *de potestate regia & Papali*, qui est in 2. lib. Vindiciarum; Verùm si Richerius graviores illas esse existimabat, cur omisit, & opus suum mancum reliquit, nisi quia se illis plenè satisfacere non posse intellexit? Si leviores judicavit, non debemus de illarum solutione anxiam gerere solitudinem. Sed non sunt à nobis omninò prætermittendæ Richerii Vindiciæ, ne illius doctrinam labantem suffulsiße existimetur.

## C A P U T V I I.

*Notæ in primum librum Vindiciarum Edmundi Richerii, qui Decretis Scholæ Parisiensis constat.*

1. **V** Indicias suas Edmundus Richerius in quatuor libros distribuit, cujus divisionis monet in præfatione. Primus aliquot Decreta Facultatis Theologiæ Parisiensis complectitur. Secundus continet aliquot opuscula Doctorum Sorbonicorum, pro Philippo Pulchro Rege Franciæ adversus Bonifacium VIII. Papam. Tertius ea exhibet, quæ Petrus de Alliaco, & Joannes Gersonius emiserunt in lucem tempore Conciliorum Pisani, & Constantiensis. In quarto sunt ea,

Ffff

quæ

quæ Jacobus Almainus, & Joannes Major pro Ludovico XII. adversus Julium II. & adversus scripta Cajetani ediderunt.

2. In primis diligenter observandum est, quâ viâ ad scopum suum tendat Richerius. Collectionem suam sic inscribit; *Vindicia doctrinæ Majorum Scholæ Parisiensis, seu constans & perpetua Scholæ Parisiensis doctrinæ de autoritate & infallibilitate Ecclesiæ in rebus fidei & morum contra defensiones Monarchiæ universalis & absolutæ Curia Romana.* Mox quasi thema adduntur verba S. Augustini ex lib. 2. contra Julianum cap. 10. *Quod invenerunt in Ecclesiâ, tenuerunt; quod didicerunt, docuerunt; quod à Patribus acceperunt hoc filiis tradiderunt.* Deinde proponitur illud Deuteron. 32. vers. 7. *Interroga Majores tuos, & dicent tibi.* Et in præfatione plura alia refert ad traditionem & ad libertatem Christianam spectantia; Itaque crederes ab Apostolorum tempore ad nos usque per singula sæcula seriem traditionis pro autoritate ac libertate Ecclesiæ contra summi Pontificis potestatem & infallibilitatem perducturum; præcipuè verò ex primorum Scholæ Parisiensis Doctorum testimoniis, & ex antiquissimis illius Academiæ Decretis catenam perpetuam contexturum: & ecce tibi exhibet Decreta, quorum primum sæculo 15. editum est, & opuscula 14. sæculo non antiquiora, tempore schismatis, aut dissidii inter Reges ac Regnum Galliæ, & Pontifices Romanos, à Doctoribus Romanæ Curia plerumque infensis conscripta; quod certè Vindiciarum genus non tam causam justam esse, quàm jure destitutam probat: quandoquidem pars illam defendens ad Advocatorum suorum testimonium & autoritatem, tanquam ad fortissimum præsidium confugit.

3. At fortè non tam illorum nomine, quàm argumentis sese tueri vult. Verùm non neglexerat Richerius, quæ sibi favere videbantur, à singularium Doctorum Tractatibus, licet non citatis, mutuari. Universitas enim non solet argumentis sua Decreta, ut privati suas opiniones, confirmare; sed judicum more, suppressis rationibus, decernere. Non tamen faciliè debent ejus judicia odio, vel alicui animi perturbationi adscribi, aut etiam parvi pendi, præsertim si repetita sint. Et magna certè deberetur doctrinæ Scholæ Parisiensis reverentia, si *constans & perpetua* esset, ut affirmat Richerius.

4. Sed

4. Sed undenam orditur Richerius traditionem Facultatis Theologiæ Parisiensis ? An à tempore Caroli Magni , quem plerique Galli Universitatis illius Urbis Fundatorem nominant ? An saltem à tempore Roberti Sorboni , cui celeberrimum Collegium Theologorum & nomen & institutionem debet ? Minimè verò : à tempore , quo maximè flagrabat schisma , atque ad illud extinguendum maximè anhelabat tota Ecclesia , præsertim Universitas Parisiensis , cujus tunc Cancellarius erat Joannes Gersonius eo zelo vehementer incensus. Eâ enim de causa illo ipso anno habitum est Concilium Pisanum. Primum enim , quod producit Decretum datum est die 2. Mensis Januarii 1408. more Gallico ; id est 1409. more communi. Nullane usque ad id tempus edita fuerant ab Universitate Parisiensi de potestate Ecclesiasticâ Decreta ? Nulli ejus Alumni eâ de re scripserant ? Sed saltem ex eo tempore fuitne *constans & perpetua* omnium ejus Universitatis Doctorum sententia ? Ut id pateat , non sunt repetenda , quæ in libris superioribus allata sunt à nobis testimonia. A Lectore , si dubitet , rursus videri possunt.

5. Sed accedamus propiùs ad doctrinam Scholæ Parisiensis , & consideremus an Curia Romanæ adeò infecta sit : neglectis iis , quæ ad causæ justitiæ nihil faciunt , & quæ Richerii tantum affectum declarant , ut sunt , styli acrimonia , & denominatio Concilii Pisani habiti an. 1409. quod primum vocat , quasi nihili faciendum esset illud , quod ibidem sub Innocentio II. an. 1134. præsentè , plurimumque juvante S. Bernardo , à totius Occidentis Episcopis celebratum est , ac de quo Bernardus Abbas Bonævallis in vita S. Bernardi ait ; *Innocentius II. rursus Pisas revertitur , ibique aggregatis totius Occidentis Episcopis , alijsq. Religiosis viris , magna gloria Synodus celebratur. Affuit per omnia & Consiliis & judiciis & definitionibus omnibus sanctus* ( Bernardus . ) Sed magis cordi erat Richerio commendare Conciliabulum , quod tempore Ludovici XII. Regis Franciæ , illiusque pollicitationibus Pisis ex parte habitum est an. 1511. & in Galliam evocatum , quod tanquam schismaticum reprobatum est in Concilio Lateranensi 5. sess. 2. & 3. & ab ipsomet Ludovico repudiatum , ut in eodem Lateranensi sess. 8. legitur. His omisiss , scholam Parisiensem audiamus.

6. Primò prædictæ Facultatis Theologicæ Decreto à Richerio relato cogitur Licentiatius quidam retractare nonnullas propositiones circa Sacramenti pœnitentiæ administrationem, verbi Dei prædicationem, ac Decimarum solutionem: quæ quidem propositiones, cum falsæ & scandalosæ essent, revocari certè debebant. Neque ea retractatio juribus sanctæ Sedis præjudicat. In prima quidem propositione, prout emendata est, dicuntur *Curati in Ecclesia Minores Prælati & Hierarchæ, ex primaria institutione Christi*: sed licet ipsius gradus institutio esset ex primaria institutione Christi, quod minus esse probabile superiori libro ostendimus, non tamen sequeretur unumquemque Parochum jurisdictionem suam immediatè à Christo recipere; multò minùs quod infert Gersonius à Richerio citatus, eos *vocem definitivam in Conciliis Ecclesia cum Episcopis habere*: ut enim Episcopi Egyptii & alii ipsis adhærentes clamaverunt in act. 1. Concilii Chalcedonensis, *Synodus Episcoporum est*. Nec antiquitas, quam Richerius, & alii scriptores Gallicani tam sæpè appellant, docet nos, Parochos in Conciliis generalibus definitivam vocem habuisse, aut etiam ad ea vocatos fuisse, nisi fortè tanquam consiliarios.

7. Alterum Theologiæ Parisiensis Decretum à Richerio exscriptum diei 3. Martii an. 1430. testatur, aliud Licentiatum partim spontè, partim ordinante Universitate, aliquas propositiones revocasse circa jurisdictionem Ecclesiasticam: ac tria præcipuè declarasse. Primò quod *omnes potestates jurisdictionis Ecclesiæ, aliæ à Papali potestate, sunt ab ipso Christo, quantum ad institutionem & collationem primariam*. (Idque immediatè, ut dicitur in propositionibus sequentibus.) *A Papa autem & ab Ecclesia, quantum ad limitationem & dispensationem ministerialem*. Hæc propositio sensum verum, & iis, quæ à nobis superiori libro statuta sunt non oppositum, potest habere. Est enim Christus Episcopatum & alios gradus instituerit, atque Apostolis suis, & primis Ecclesiæ suæ ministris, etiam immediatè contulerit, atque ità ipse sit causa principalis illorum: *dispensantur* tamen, & *limitantur* à summo Pontifice ipsius ministro ac Vicario, nec non totius Ecclesiæ capite. Certum tamen est propositionem illam, si generaliter sumatur, veram non esse. Nec enim Christus Dignitatem Patriarchalem v. g. Exarchalem,

chalem , aut Metropolitancam per se ipsum immediatè instituit.

8. Declaravit præterea dictus Licentiatuſ , quod *quandocumque in aliquo Concilio aliqua inſtituuntur , tota autoritas dans vigorem ſtatutis , reſidet , non in ſolo ſummo Pontifice , ſed principaliter in Spiritu ſancto , & Eccleſia Catholica. Quod autoritas dans vigorem ſtatutis Conciliorum reſideat principaliter in Spiritu ſancto* , certò certius eſt. Verum etiam in aliquo ſenſu eſt , illam autoritatem reſidere in Eccleſia. Sed iſtud obſcurum eſt. Eccleſia enim poteſt intelligi vel formaliter pro tota fidelium collectione , atque in eo ſenſu falſum eſt , eam dare vigorem ſtatutis. Laicis enim , qui pars ejus collectionis maxima ſunt , convenit obſequendi neceſſitas , non decernendi autoritas : poteſt etiam Eccleſia ſumi repræſentativè , hoc eſt , pro fidelium omnium Paſtoribus ; atque in iſto ſenſu verum eſt. Eccleſiam dare vigorem ſtatutis. Nec enim nihil faciunt reliqui Epiſcopi ad robur Decretorum Synodaliũ. Sed ſummus Pontifex , ut caput illius myſtici corporis , plus cæteris confert. Quia ſicut ipſi , tanquam ſupremo Paſtori , commiſſæ ſunt univerſæ Chriſti oves ; ità & principalis tradita eſt earum regendarum poteſtas. Quæ quidem Papæ prærogativa , ita cæterorum juriſdictioni præeminet , ut dum ipſe Concilio intereſt , ejus nomine Decreta edantur , approbantibus cæteris , ut alibi obſervavimus.

9. Confeſſus eſt idem Licentiatuſ , quod *poteſtas Eccleſia de jure poteſt aliquid , & in certis caſibus contra ſummum Pontificem*. Ea etiam propoſitio in eo ſenſu vera eſt , quo in uſum redaſta fuerat ante aliquot annos in Concilio Conſtantienſi , quando nimirum incertum erat apud pleroſque , quis eſſet legitimus Pontifex. Sed verba illa , *in certis caſibus* , exceptionem ſignificant , quæ non ſolùm regulam generalem non conſtituit , ſed & regulam contrariam firmat.

10. Denique declaravit , Papam *Simoniam poſſe committere*. Qua in re diſtinguenda eſt vera Simonia contra jus Divinum , à quibuſdam actibus ab Eccleſia ob Simonia periculum prohibitis , licet veram Simoniam non contineant. Itemque in Simonia contra jus Divinum , diſcernenda eſt culpa à cenſura , quæ illam in certis caſibus conſequitur. Summus Pontifex jus divinum violans culpam non effugeret ; cenſuram

598 TRACTATUS DE LIBERTATIBVS,  
non incurreret. Juris merè positivi directioni subest, non  
coactioni.

11. Huic secundo Decreto subjungit Richerius sex conclu-  
siones articulorum ejusdem Facultatis Parisiensis contra Lu-  
therum : sed illæ conclusiones Ecclesiæ quidem privilegium  
in fide & moribus non errandi, controversias, aut dubia cir-  
ca Scripturas sacras definiendi & determinandi, nec non ex-  
communicandi potestatem adscribunt, ejusque traditiones  
recipiendas declarant; idem tamen privilegium eandemque po-  
testatem summo Pontifici non denegant.

12. Hæc autem est ultima ex illis sex conclusionibus; Ne  
minùs certum est unum esse de jure Divino summum in Ecclesia Christi mili-  
tante Pontificem : cui OMNES Christiani parere tenentur : qui quidem po-  
testatem habet & indulgentias conferendi. Si summo Pontifici omnes  
Christiani parere tenentur : ergo & omnes Episcopi, cum om-  
nes sint Christiani : verùm, ut sæpè diximus, quid est Ecclesia  
formaliter, nisi omnes Christiani; & repræsentativè nisi om-  
nes Episcopi? Sed dices, fallacia est à sensu diviso ad sensum  
compositum. Ità quidem esset, si Ecclesia tunc tantùm dice-  
retur, cum Episcopi essent in Concilium Generale collecti,  
aut fideles omnes in consilium universale congregati. At cum  
ipsa fidelium multitudo, etiam prout sunt per totum orbem  
dispersi, & Episcopi in propriis Diocæsisbus residentes, Eccle-  
sia propriè sint, non video quomodò in eo statu omnes summo  
Pontifici parere teneantur, non autem Ecclesia ipsa. Nisi  
fortè dicamus omnes Christianos ad parendum teneri, nisi  
communi consensu inter se per litteras aut Nuncios signifi-  
cato, deliberent non parere sed præcipere; atque in eo casu  
Pontificem Ecclesiæ subesse; quod absurdum videtur.

13. Dicitur in quarto ex illis sex articulis *potestatem excom-  
municandi esse de jure Divino IMMEDIATè à Christo Ecclesia concessam.*  
Sed illud *immediatè* dicitur contra errorem Lutheri, qui ex-  
communicationes ad politiam dumtaxat exteriorem valere,  
non autem bonis spiritualibus privare; imò potiùs prodesse,  
quam obesse affirmabat : unde sequi videbatur, illas ab ho-  
minibus fuisse omninò excogitatas. Hæc enim erat propo-  
sitió 18. ex damnatis à Leone X. an. 1520. *Excommunicationes sunt*

*tantum externa poena, nec privant hominem communibus spiritualibus Ecclesie*  
*oratio-*

*orationibus.* Et 19. *Docendi sunt Christiani plus diligere excommunicationem, quam timere:* quibus propositionibus opponitur articulus scholæ Parisiensis declarans, potestatem excommunicandi esse de jure Divino, etiam immediatè; atque adeò excommunicationem esse timendam. Fuit autem illa potestas immediatè concessa Ecclesiæ; hoc est primariò propter ipsius bonum, non autem Ecclesiæ universæ sicut subiecto immediato, quemadmodum de jurisdictione in communi jam explicuimus.

14. Tertium Decretum die 5. Februarii an. 1483. editum, quo tempore maximè laborabant Galli pro defensione suæ Pragmaticæ Sanctionis ex Decretis Concilii Basileensis, ad quod admissi fuerant Curati, desumptæ, atque à Ludovico XI. Caroli VIII. tunc regnantis Patre repudiatæ, continet censuram quatuordecim propositionum, ubi quatuor tantum capita nobis adversari videntur. Primum, quod prima propositio in eo quod enuntiabat, Curatos suam facultatem habere ab Episcopo dumtaxat, gravi censurâ perstringitur: quare insinuat, eam potestatem esse de jure Divino: sed vox illa, *dumtaxat*, efficit, ut ad veritatem & justitiam censuræ sufficiat, potestatem Curatorum aliquo modo esse ab alio quàm ab Episcopo. Id autem multis modis absque præjudicio sententiæ nostræ contingere potest, prout variè exponitur natura jurisdictionis à Doctoribus scholasticis, qua de re videri potest Suares de pœnit. disput. 16. sect. 3. Certè potestas remittendi peccata in se absolutè, ac sine respectu ad aliquos subditos ab eo solo est, qui solus potest peccata dimittere; assignatio autem subditorum est ab Episcopo, vel alio beneficium conferente; atque adeò licet Curatorum potestas sit ab Episcopo, non est ab eo *dumtaxat*.

15. Secundo, hæc propositio, quæ in ordine secunda est; *Parochianus confessus dictis fratribus, satisfecit Decretali: Omnis utriusque sexus. De pœnit. & remiss. nec tenetur confiteri proprio suo Curato semel in anno, nec ab eo petere licentiam*, hac censurâ notatur; *Hæc propositio in forma, in qua jacet est falsa, & de hæresi vehementer suspecta, juri communi contraria, & publicè revocanda.* Verùm hæc censura non negat, Regulares, si à Papa delegentur, pœnitentes absolvere validè; atque confessione illis factâ satisfieri præcepto Ecclesiæ

clésiæ contento in prædicto Canone. *Omnis utriusque sexus*; etiam si confessio rursus Curato non fiat. Alioquin censura illius propositionis, sicut & tertiæ, quæ est de communione illorum, qui Regularibus confessi sunt, qua parte ad istam reducit, potius esset hæretica, quàm propositiones ipsæ, quas afficit, ut patet ex damnatione propositionum Joannis de Poliano, facta à Joanne XXII. Papa extrav. *Vas electionis*. De hæreticis, & ab Ecclesia recepta, imò & ab ipsamet Schola Parisiensi, ut in lib. 6. demonstravimus. Convenit igitur censuram ita interpretari, ut velit Curatorum licentiam à fidelibus postulari consitendi Regularibus, quod reverentiæ Pastoribus debiti maxime convenit; & posset etiam absolutè necessarium esse, si summus Pontifex eam conditionem apponeret. Verùm hæc controversia ob nova Ecclesiæ Decreta Regularis Episcoporum approbationi subdientia, inutilis hodie videtur.

16. Tertiò, ista propositio ordine 8. *Papa posset totum jus Canonicum destruerè, & novum construere*, declaratur scandalosa, blasphematoria, notorie hæretica, & erronea. Reverà propositio complexè accepta est scandalosa: quatenus etiam in jure Canonico plurima continentur, quæ sunt juris Divini, est blasphematoria, hæretica, & erronea. Sed salva est summo Pontifici autoritas dispensandi super iis, quæ sunt de jure positivo dumtaxat, & etiam ea abrogandi, dum justa causa intercedit, ut intercedere præsumendum est; quando contrarium manifestè non apparet: nec non jus Divinum interpretandi.

17. Quartò, propositio 12. scilicet; *Quicumque contradicit voluntati Papæ paganizatur, & sententiam excommunicationis incurrit* (ipso facto: ) & à nullo Papæ reprehendi potest, nisi in materia hæresis, notatur ut falsa, scandalosa, & sapiens hæresim. Ista etiam censura variis modis, autoritati Papæ non contrariis, salvari potest. Primò enim, si Papæ voluntas esset apertè injusta, liceret ei cum reverentia contradicere. Secundò non omnem contradictionem sequitur poena excommunicationis. Tertiò Papa potest reprehendi extra casum hæresis. Aliud est enim reprehendere, aliud judicare. Quartò judicari etiam potest in casu schismatis, quando cum fundamento dubitatur an sit verus & legitimus Pontifex.

18. Quar-



18. Quartum Decretum suâ etiam epochâ nonnihil suspectum, editum scilicet anno 1497. post expeditionem Italianam Caroli VIII. Francorum Regis, ut notat Richerius, continet responsionem prædicto Regi factam, circa tres ab ipso missas quæstiones. Respondum est, primò, Papam debere quolibet decennio Concilium congregare, præsertim si magna sit in Ecclesia deordinatio. Id jam statuerat Concilium Constantiense; atque optandum esset, ut observari posset. Sed is est Christianarum Provinciarum status, ea Principum Catholicorum discordia, ut desiderari quidem, sed nondum sperari possit. Secundò responsum est, rogato ac renuente summo Pontifice, posse Principes tam Ecclesiasticos, quam sæculares, & partes Ecclesiæ notabiles se congregare. Cujus utilitatis futura sit hujusmodi congregatio, instigantibus Principibus, sine summi Pontificis assensu, facta, comprobavit inter alia Conciliabulum, aliquot post annis à Ludovico XII. Caroli VIII. successore, primùm in Gallia congregatum, deinde, illo procurante, Pisis continuatum, postea in Franciam revocatum; ac denique à Concilio Lateranensi V. damnatum, & à Ludovico ipso repudiatum, ut supra notavimus. Tertio responsum est, renuente summo Pontifice, ac reliquis Provinciis Christianis, posse unam, v. g. Regnum Franciæ, Concilium celebrare, & necessitatibus Ecclesiæ providere. Quis credat, eventurum unquam casum illum, ut sola Francia necessitati Ecclesiæ prospicere satagat, recusantibus, & summo Pontifice, & aliis Prælati Orbis Christiani. Verendum potius esset, ne sub prætextu adhibendi Ecclesiæ malis remedii, malorum omnium maximum schisma in Ecclesiam invehetur. Non patietur Ecclesia Romana, veletiam aliæ, ut zelus pro domo Dei à se in Galliam penitus exulet.

19. *Hæc responsio* (scilicet Carolo VIII. facta) inquit Richerius, aperte declarat quidnam Parisienses Theologi conformiter ad Constantiensis & Basiliensis Synodi Decreta de autoritate Concilii supra Papam, & de Regum Christianorum potestate in Conciliis indicendis & congregandis, tum temporis sentirent atque docerent. Scimus quidem Concilium Constantiense in Gallia maximi fieri, ejusque occasione, quia nimirum feliciter diuturno, perniciosissimoque schismati finem imposuit, plures in eo Regno summam Conciliis generalibus

autoritatem tribuere, sed non video quomodò hæc responsio aperte declaret, quidnam Parisienses Theologi ( ea de re ) sentirent, atque docerent. Aut de Regum Christianorum potestate in Conciliis indicendis & congregandis, cum de neutro quidquam definiat; neutrum ex illa meo iudicio sequatur: iudicet tamen quisquis legerit. Eam, quia paulò prolixior est, non puto hîc exscribendam.

20. Fortassè Richerius putavit, Doctores superiorem illam autoritatem Concilii generalis indicatam voluisse illis verbis responsionis ad secundam quæstionem, *Ecclesiam universalem representans*. Sed attentè legenti patet, illa dicta esse de Concilio generali à summo Pontifice convocato, de quo sermo fuerat in responsione ad primam quæstionem: non de Concilio sine Papa congregato, de quo agebatur in secunda, quodque alii potius opponitur tanquam Ecclesiam non representans; hæc enim sunt verba; *Principes tam Ecclesiastici, quam sæculares, & partes Ecclesia notabiles possunt se congregare sine hoc, quod per dictum summum Pontificem congregetur dictum Concilium Ecclesiam universalem representans*. Ubi etiam vides de Principibus sæcularibus, sicut de Ecclesiasticis, dici quod possint se congregare; non autem quod possint congregare Concilia.

21. Claudit hunc librum Richerius Censurâ ejusdem Facultatis adversus undecim alias propositiones, ex quibus tertia, quinta, sexta eadem sunt, quæ tertio Decreto notatæ fuerant, eademque censurâ afficiuntur. Quamobrem sufficiunt quæ de illis jam dicta sunt. Aliæ ad institutum nostrum non pertinent, nisi fortè quarta, quæ Regularibus privilegium tribuit absolvendi à multis casibus, à quibus absolvere nequeant Curati: sed cum de facto magis, quàm de jure agatur, non videtur diutius immorandum circa ejus censuram, quæ est hujusmodi; *Ista propositio censenda est falsa, & juri communi contraria, scandalosa, & ideo nullatenus predicanda*. Nam cum privilegia non supponenda, sed exhibenda sint, quæ juri communi adversantur, censensa sunt falsa, & nequaquam prædicanda, quamdiu de illis non constat. Quæ Censorum mens colligitur tum ex illa voce, *censensa est*, quæ inevidentiam subindicat, tum ex eo quod in fine censuræ declaratur, quod *predicatum articulorum qualificatio nullo modo derogas, nec præjudicat Clementi-*

na Dudum. De sepulturis ; quia scilicet est privilegium in corpore juris clausum , atque adeò notum & certum.

22. Hæc interpretati sumus pro nostro erga Facultatem Parisiensem studio. Sed , si cui videatur Interpretatio illa menti ejus scholæ adamussim non congruere , provocamus ad alia ejus Decreta , edita antequam schismatis occasione , ac Joannis Gersonii præsertim impulsu , summi Pontificis auctoritatem , si non minuire , saltem quàm angustis posset limitibus concludere statuisset , & ob potestatis Pontificiæ abusus , præcipuè schismatis ejusdem tempore , potestatem ipsam gravem habere cœpisset. Antiquiorum autem illorum Decretorum exempla , quæ ubi tulit occasio , jam vidimus , sufficiunt. Plura videri possunt apud Mauclerum , Duvalium , & alios ejusdem Scholæ Doctores.

23. Denique, licet concederemus , scholam Parisiensem ità semper sensisse , ut Decretis à Richerio relatis significasse videretur , ejusque doctrinam esse veram ; quid juvaret declarationem Illustrissimorum Præsulum Gallicanorum , pro cujus defensione modò in lucem emissa sunt ? Ubi enim subtrahuntur Principes , quantum ad temporalia , à potestate indirecta Ecclesiæ ? Ubi submittitur generaliter summus , & indubitatus Pontifex Concilio Generali ? Ubi confirmantur regulæ , mores , & instituta à Regno , & Ecclesiâ Gallicanâ recepta ? Ubi negatur summo Pontifici non errandi privilegium ? Multis opus esset consequentiis , ut ista ex illis concluderentur.

## C A P U T V I I I.

*De Tractatibus , quibus constat liber secundus Richerii , ac speciatim de primo.*

1. **N**ON eadem prosequimur reverentiâ Tractatus illos , quos nonnulli scriptores pro Regum Francorum defensione tempore dissidiorum cum Romanis Pontificibus lucubrarunt , quàm Facultatis Theologicæ Decreta. Quis enim partis alicujus causam injustam præsumat , eo quod à partis adversæ Advocato impugnetur : aut quis miretur inveniri

Scrip-

G g g g 2

Scriptores, qui calamum suum Principibus commodent, vel vendant? Itaque menti statim occurrerat, iis Tractatibus non aliter respondere, quàm collectis & publicatis Tractatibus aliorum Doctorum ejusdem ætatis, sed contrariæ sententiæ, saltem æquè celebribus ac solidis. Verùm dum id ab aliis præstabitur, qui commodiùs, ob Manuscriptorum copiam, possunt; eorum qui nobis obijciuntur, vis est experienda.

2. Agmen ducit *questio disputata in utramque partem pro & contra Pontificiam potestatem*: cui ut autoritas conciliaretur, præfixum est nomen *Ægidii de Roma Archiepiscopi Bituricensis*, viri multorum laudibus, & suis ipsius operibus celeberrimi; ac de quo scripsit Joannes Bergomensis in supplem. Chronic. relatus à Cæsare Egassio Bulæo hist. Universitatis Paris. to. 3. in Cathalogo Illustrum Academicorum; *Ægidius Romanus Ordinis Eremitarum generalis Prior, & Bituricensis Archiepiscopus & Primas Aquitania declaratus, his temporibus ob ingenii magnitudinem Theologorum Princeps est appellatus. Quod quidem conjici potest, si à curioso Lectore ejus volumina perspiciantur. Hic namque ex illustri Colummensium Romanorum familia natus, cum longo tempore Ordinem suum, omnemque Ecclesiam doctrinâ & moribus illustrasset, plurimog; labore Præceptoris sui S. Thoma Aquinatis opera apud Parisienses defensasset, tandem miraculis clarus beato sumo quievit. Qui sanctitatis merito Beatus Doctor est appellatus.*

3. Sed tanto viro suppositam fuisse illam questionem, tum multa suadent, tum dubitare non sinit ejus Tractatus, cujus editionem meditatur eruditissimus ejusdem Ordinis S. Augustini Alumnus, apud quem Autographum extare audiui. Adcò pugnat doctrina certi hujus Tractatus, cum questionis illius suppositæ doctrinâ, ut ejusdem Autoris esse nequeant. Neque enim is erat Ægidius, ut circa eandem controversiam aliud scripserit ad Bonifacii VIII. seu potius ad jurium sanctæ Sedis defensionem; aliud, & è regione contrarium in favorem discipuli sui Philippi IV. Francorum Regis; ac si ibi tam malè constitisset, parum valeret ejus autoritas.

4. Quis Ægidio questionem illam, ut certum ejus factum primus supposuerit, mihi compertum non est. Richerium laudo, quod fideliter ejus conclusionem exscripserit, quâ signifi-

nificatur, saltem incertum esse, an opus Autoris sit, cujus nomen præfert; sic enim habet. *Explicit questio prædicta, edita per bona memoria Ægidium de Roma Ordinis fratrum Eremitarum S. Angustini, SACRÆ THEOLOGIAE EXIMIUM PROFESSOREM AC Archiepiscopum Bituricensem, secundum quod fertur.* Ultima ista verba, *secundum quod fertur*, sine merâ cavillatione, aliò referri non possunt, quàm ut indicent, autorem quidem dici Ægidium, esse tamen incertum. Adèd enim notorium est Ægidium fuisse Archiepiscopum Bituricensem, ut qui ea de re, nonnisi cum cautelâ, & hæsitans, loqueretur, quod denotant verba illa, *secundum quod fertur*, satis demonstraret parùm sibi notum esse illum *sacra Theologia eximium Professore*m; adeoque paucam fidem mereretur ejus testimonium, celeberrimo illi viro istam quæstionem assignans.

§. Interim autem, dum Tractatus, quem modò dicebam, publici juris fiat, pauca ex illo proferam, ex Codice manuscripto optimæ notæ extracta, quæ mentem Ægidii Romani luculentissimè declarant. Sic igitur habet par. 1. cap. 3. Ejus titulus est; *Quod spiritualis potestas INSTITUTERE habet terrenam potestatem: & si terrena potestas bona non fuerit, spiritualis potestas eam poterit judicare.* Deinde sequitur; Hugo de S. Victore in lib. de Sacramentis fidei Christiana par. 2. cap. 4. ait, quod SPIRITUALIS POTESTAS TERRENAM POTESTATEM ET INSTITUTERE HABET ET INDICARE, si bona non fuerit. Igitur de Ecclesia, & de potestate Ecclesiastica verificatur illud vaticinium Jeremia: Ecce constitui te hodie super gentes & Regna, ut evellas & destruas & disperdas & dissipes, adifices & plantes. . . . . Istud tamen vaticinium hodie de ipsa impletur Ecclesia, ut dicat Dominus Ecclesia; Ecce hodiè, id est à die qua formata es, constitui te super gentes & Regna, ut destruas & evellas, ea de suo loco transferendo; adifices & plantes, ipsa quidem Regna in loco alio adificando & plantando. Quia aliud factum est: quia summus Pontifex transfudit Imperium de Oriente in Occidentem, ut in juris scientia est notatum. Concordant itaque rerum gesta cum auctoritate Doctorem . . . . . Sed dicit aliquis, quod Reges & Principes spiritualiter non temporaliter subsint Ecclesia. Sed temporalia ipsa (diceret aliquis) Ecclesia recognoscit ex dominio temporalis, ut patuit ex donatione & collatione, quam fecit Ecclesia Constantinus. Sed sic dicentes vim argumenti non capiunt. Nam si solum spiritualiter Reges, & Principes subsint Ecclesia, non esset gladius sub gladio, non essent temporalia sub spiritualibus, non esset ordo

in possessionibus, non reducerentur infima in suprema per media: Si igitur hæc ordinata sunt, oportet gladium temporalem subijci spirituali; oportet sub Vicario Christi regnum existere: & de jure, licet aliqui de facto contrarium agant, oportet Christi Vicarium SUPER IPSIS TEMPORALIBVS HABERE DOMINIUM. In eodem Codice habetur Tractatus Alexandri de S. Elpidio Augustiniani, viri etiam clarissimi; De Ecclesiastica potestate. Sed ejus & aliorum in Gallia non versatorum testimoniiis referendis superfedemus; quamvis eandem tueantur sententiam.

6. Ne autem doctrinæ in dicta questione contentæ vim metuere videamur, si tantum eam quasi adulterinum partum contemnamus, illam diligentius consideremus. Præmittitur Epistolum quoddam cum hoc titulo; *Littera sive Bulla missa per Bonifacium VIII. Serenissimo Regi Philippo Pulchro*. Falsum, vel certè admodum suspectum esse illud Epistolum multi jam ostenderunt. Mihi mirum est, quod adeò breve cum sit, Bullæ titulo insigniatur, *littera seu bulla*, quasi epistolæ, aut litterarum nomen non satis significaret paucissimarum linearum præstantiam. Sunt autem illæ lineæ, quibus constat, stylo tam stricto, tamque ab eo cultu, qui in acerbioribus, etiam summorum Pontificum ad summos Pontifices epistolis interlucet, remoto, ut litteras seu bullam, in eâ saltē formâ, nunquam à Bonifacio VIII. ad Philippum Pulchrum missam existimem. Verba illa, *Regi Philippo Pulchro*, innuunt, etiam hunc titulum non fuisse illi epistolio præfixum tempore ipso Philippi; atque adeò neque ab Ægidio Romano. Qui enim præfixit, Regem adhuc regnantem designasset; Gallus quidem, nomine *Regis tantum*; alius autem, addito nomine *Francia*, *Regis nomini*. Sed omne de falsitate dubium abstergere videntur litteræ, quas scripserunt Anagninæ 6. Kal. Julii Pontificatus Bonifacii VIII. an. 8. S. R. F. Cardinales Ducibus, Comitibus, Baronibus, & Nobilibus Regni Franciæ. Volunt, inquiunt, vos pro certo tenere, quod prædictus Dominus Noster summus Pontifex nunquam scripsit Regi prædicto de Regno suo sibi subesse temporaliter, illudque ab eo tenere deberet: & providus vir Magister Jacobus Archidiaconus Narbonensis Notarius & Nuncius Domini nostri prædicti, sicut constanter affirmat, ipsi Domino Regi hoc ipsam vel simile nunquam verbaliter nunciavit, aut scripto.

7. Sed

7. Sed etsi verè illa epistola fuisset à Bonifacio Regi scripta ; responsio quæ illi supponitur facta , quæque illi subditur in quæstione Ægidio supposita , adeò est summo Pontifici injuriosa ; ut , si à Principe irato erumpere poruit , non possit à viris , Christi Vicarium , ut veros Catholicos decet , colentibus , irreverentiæ Christiano Principe indignissimæ , non argui ; multò minùs tanquam Gallicanæ fortitudinis specimen laudari. Henricus Spondanus ad an. 1301. num. 11. Epistolum Bonifacii verè Philippo redditum tradit , sed à Petro Flota ex longiori epistola maliciosè interpolatum. Ad an. autem 1302. num. 8. epistolum etiam Philippi suspectum facit.

8. Sed ad quæstionem veniamus , quæ post illa duo epistolia hunc alium titulum præfert ; *Quæstio bene disputata ad argumenta super debato præcedentium litterarum*. Planum est , quæstionis illius statum longè alium esse ab eo , quem postulasset controversia inter Bonifacium & Philippum , saltem ut opponi posset Bonifacio , adversùs quem tractata est , & ab eo , quem postulare declarati Præsulum Gallicanorum , ut hinc aliquid præsidii mutuari posset. Nam neque Bonifacius plenam & directam potestatem in temporalia Principum sibi tribuebat ; & Episcopi Gallicani etiam indirectam Ecclesiæ negant. Quæstionis autem istius autor de potestate directâ præcipuè disputat , & indirectam Ecclesiæ nihilominùs competere proficitur , quod per partes est demonstrandum.

9. Inprimis Bonifacius mentem suam adeò luculenter exposuit , ut nesciam , quâ fide possit illi sententia tam diversa affingi. Æquumne est , ut ad minuendam Regis culpam , Pontifex in invidiam immeritò trahatur ? En votum Bonifacii VIII. in Consistorio , ubi agebatur de discordia inter ipsum & Regem Franciæ ex m. s. Bibliothecæ S. Victoris Parisiensis , relato ab Henrico Spondano ad annum 1302. num. 10. *Quadragesima anni sunt , quod nos sumus experti in iure , & scimus QVOD DVÆ SVNT POTESTATES ORDINATÆ A DEO. Quis ergo debet credere , vel potest , quod tanta fatuitas , tanta insipientia sit vel fuerit in capite nostro. Dicimus quod in nullo volumus usurpare jurisdictionem Regis , & sic frater noster Portuensis dixit. Addidit quidem ; Non potest negare Rex , seu quicumque alter fidelis , quin sit nobis subiectus ratione peccati. Sed hæc sen-*

sententia neque nova erat, neque singularis : Siquidem id ipsum antea declaverat Innocentius III. in cap. *Novit*; De *Judiciis*. Quod ab omnibus receptum est, etiam in Gallia, ut lib. 4. vidimus; speciatim autem ab Autore hujus quæstionis, ut ex ejus verbis cap. seq. referendis constabit.

10. Sed prius nosse oportet quis sit status quæstionis ab isto Scriptore tractatæ. Illum his verbis exprimit; *Quæstio est utrum dignitas Pontificalis & Imperialis, sive Regalis sint duæ potestates ad invicem distinctæ: & hoc est querere, utrum summus Pontifex plenam jurisdictionem & ordinariam potestatem habeat tam in temporalibus quam in spiritualibus: ita quod omnes Principes temporales subsint ei quantum ad temporalia. Quid facit hæc quæstio ad controversiam inter Bonifacium & Philippum; vel quid juvat declarationem Antistitum Gallicanorum? Num inficiabatur Bonifacius Dignitatem Pontificalem & Imperialem, sive Regalem esse duas potestates ad invicem distinctas. E contra id ita profitebatur, ut sententiam contrariam non solum juris inficitæ, sed etiam incredibili fatuitati & insipientiæ adscriberet. *Quadraginta anni sunt, quod nos sumus experti in jure, & scimus quod duæ sunt potestates ordinatæ a Deo: quis ergo debet credere, vel potest, quod tanta fatuitas, tanta insipientia sit, vel fuerit in capite nostro? An putabat Bonifacius, aut docent Theologi, summum Pontificem plenam jurisdictionem & ordinariam potestatem habere, tam in temporalibus, quam in spiritualibus extra patrimonium B. Petri? Num Pontifex juris peritissimus ignorabat cap. Per venerabilem; Qui filii sint legitimi; Ubi Innocentius III. expressè affirmarat, quod Rex (Francorum) Superiorem in temporalibus minimè recognoscit: aut caput *Novit*; De *Judiciis*, ubi idem Pontifex declaraverat, quod non intendebat judicare de feudo: cuius ad ipsum (Regem Francorum) spectat iudicium? Nonne ad illa jura Bonifacius manifestè alludebat his verbis; *Dicimus quod in nullo volumus usurpare jurisdictionem Regis.***

11. At, inquit, volebat saltem Bonifacius, & docent multi Theologi, ac contendit Curia Romana, quod omnes Principes subsint summo Pontifici quantum ad temporalia. Ita est: sed in eo sensu, quem exhibent hæc verba Bonifacii; *Non potest negare Rex, seu quicumque alter fidelis, quin sit nobis subiectus ratione peccati. Quæ sen-*  
*tentia*



tentia Bonifacio est antiquior, nedum recenter non excogitata, ut ex iis patet, quæ lib. 4. dicta sunt, & ex illis Decretalibus, ad quas alluisse Bonifacium diximus. Nam cap. *Novis*. postquam Innocentius præmisit se non intendere judicare de feudo, quippe cujus judicium spectaret ad Regem, addit; *Sed decernere de peccato, cujus ad nos pertinet sine dubitatione censura, quam in quolibet exercere possumus, & debemus.....* Nullus qui sit sana mentis ignorat, quin ad officium nostrum spectet de quocumque mortali peccato corripere quolibet Christianum: Et si correctionem contempserit, PER DISTRICTIONEM ECCLESIASTICAM COERCERE. Et cap. *Per venerabilem*. Qui filii sint legitimi; Non solum in Ecclesia patrimonio (super quo plenam in temporalibus gerimus potestatem) verum etiam in aliis Regionibus, certis causis inspectis, temporalem jurisdictionem casualiter exercemus: non quod alieno juri præjudicare velimus, sed quia, sicut in Deuteronomio continetur: Si difficile & ambiguum apud te judicium esse perspexeris, &c. Quam doctrinam ita non refutavit hujusce quæstionis autor, ut eam expressè tradat, quod cap. seq. planum fiet.

## C A P U T I X.

*Vindicias Richerii complexè sumptas plus obesse, quàm prodesse Antistitum Gallicanorum declarationi.*

1. **E** Tiamsi gravis esset Scriptorum, quos sibi Richerius vindices ascivit, autoritas; neque suspectum efficerent illorum testimonium circumstantiæ temporis, & scribendi occasio, seu consilium ac finis: tamen fortior non evaderet pars Illustrissimorum Antistitum Gallicanorum, nec causa illorum appareret æquior; saltem si omnia illa testimonia complexè accipiantur. Manifestius enim aliquibus illorum propositionibus adversantur, quàm aliis suffragentur: imò aliquando illis reverà opponuntur, quibus favere creduntur. Id ex parte observare jam licuit, quândo aliquibus ex illis testimoniis usi sumus. Sed rursus novis est exemplis confirmandum.

2. Autor quæstionis illius, quæ Ægidio Romano tribuitur, nihil scripsit, quod confirmet, saltem apertè, propositionem, in cujus solius confirmationem adductus videtur: & aliæ manifestè contradicit; imò & illi ipsi, in cujus patrocinium advocatus est. Ita enim non declarat cum Illustrissimis Episcopis Gallicanis, *Reges & Principes in temporalibus nulli Ecclesiastica potestati Dei ordinatione subiaci*; ut articuli 4. summarius sit huiusmodi; *In quibus terrena potestas sit subiecta spirituali potestati*. Sed ut mens Autoris evidentior fiat, exhibendus est integer articulus, cujus partem jam dedimus lib. 4. cap. 8. §. 6.

3. Quarto declarandum est in quibus & quomodo potestas temporalis subiecta est spirituali potestati, & in quibus non. Ad cujus evidentiam notandum est, quod quidam sunt causæ merè spirituales, sicut causæ matrimoniales Extrav. de Decimis, per totum: Item causæ Simonia Extravag. De Simonia, per totum. Item causæ hæresis Extrav. De hæreticis cap. Ad abolendam, & cap. Vergentis, & cap. Excommunicamus: item causæ divortii Extrav. De procura. Et omnes aliæ causæ matrimoniales sunt spirituales. De quibus dicit Innocentius Extrav. de iudiciis super illam Decretalem, Novit, super verbo, *Juramento*. Nota crimen paci fracta, & perjurii directè pertinet ad iudicium Ecclesiæ, ut hic in crimine Simonia, sacrilegii, usurarum, hæresis, separationis matrimonii, quantum ad iborum propter adulterium. Causæ merè temporales sunt causæ feudales, & causæ sanguinis, & huiusmodi. Istas commisit Deus immediate & principaliter Imperatoribus & Regibus. De quibus nec Papa nec alii Prælati debuerunt se intromittere in Ecclesiâ primitivâ, licet modo consuetudine de causis personalibus quibusdam & temporalibus ad utrumque Iudicem recurratur. Sed de Feudalibus in propriis feudis, non nisi ad Imperatores, Reges, & alios Principes. Unde illi Decretali dicit Papa, *non negamus quin Imperator præcellat in temporalibus*. Et ut Extrav. De iudiciis cap. Novit. dicit Papa. Non putes quod jurisdictionem Illustris Regis Francorum perturbare, aut minuire intendamus. Et infra Qui filii sunt legitimi, dicit Papa, ad Regem non ad Ecclesiâ pertinet de talibus possessionibus judicare. Item Extrav. De foro competent. cap. Vero. Super verbo de Feudis, dicit Innocentius, quilibet Dominus quantumcumque villicus, vel etiam rusticus super feudalibus rebus jurisdictionem habet. Causæ mixtæ sunt causæ temporales, quæ connexionem quandam habent cum spiritualibus: sicut causæ feudales, quæ de se temporales est, connexionem potest habere cum juramento vel pacto: sicut patet de diffensione motâ inter Reges Francia & Angliæ super Comitatu Pictaviensi:

viuisti : Papa quia non poterat directè cognoscere de causa feudali , indirectè ratione iuramenti vel pacis intronisit se de illa Extrav. De Iudiciis cap. Novis. Ubi dicit Hostiensis in glossa super verbo , De feudo ; Non intendimus cognoscere de feudo , sed tantum ratione pacis , inducendo illum ad pœnitentiam , quia illam non potest agere nisi satisfaciatur. Item causa dotis per se temporalis est , & ad sacularem Iudicem pertinet , si de ipsa tantum agatur : tamen quando Iudex Ecclesiasticus cognoscit principaliter de matrimonio , si incidat causa dotis tanquam accessoria , cognoscet de illa sicut de principali , cui est annexa , ut patet Extrav. De donatio. inter virum & uxorem cap. De prudentia. Ubi dicit Glossa. Quia si non est matrimonium neque dos , & ita dos accedit matrimonio : ideo qui cognoscit de principali , debet cognoscere de accessorio , ut habetur Extrav. de officio delegati , cap. Praterè , & cap. Prudentiam. Sic etiam de hereditate cognoscit Iudex Ecclesiasticus ratione incidentis. Extrav. Qui filii sunt legitimi cap. Per tuas. Et cap. Ex tenore. Alii sunt plures casus speciales , in quibus Iudex Ecclesiasticus cognoscit de temporalibus , quos enumerat Hostiensis in Glossa Extrav. De Iudiciis cap. Novis. Sic ergò regulariter verum est , quod de causis merè spiritualibus solus Papa & alii Iudices Ecclesiastici habent cognoscere. De causis verò merè temporalibus habent cognoscere Reges , Imperatores & alii Iudices saculares. Et sic Rex Francia secundum iura non subest summo Pontifici , nec ei tenetur respondere de Feudo sui. POTEST TAMEN EI SVBIACERE INCIDENTER ET CASUALITER RATIONE CONNEXIONIS ALICVIUS CAUSÆ SPIRITUALIS , sicut habetur Extrav. De Iudiciis cap. Novis. & Extrav. Qui filii sunt legitimi cap. per venerabilem.

4. Non minùs evidenter idem Autor art. seq. non errandi privilegium summo Pontifici competens firmat ex orationis Christi pro Petro efficaciam. Hanc enim sibi objectionem proponit , & continuò solvit ; Item utramque potestatem videtur Christus commississe Petro , quando dicit , Tu es Petrus & super hanc petram edificabo Ecclesiam meam. Quia sicut in adificatione materiali est unus lapis primarius & fundamentarius : sic in Ecclesia debet esse unus Princeps principalis totius Ecclesia fundamentum. Respondeo dicendo , quod hac Petri firmitas , super quam fundata erat Ecclesia , non est dominatio temporalis , sed immobilis & inviolabilis stabilitas fidei Christiana , sicut insinuat Christus dicens : EGO PRO TE ROGAVI PETRE VT NON DEFICIAT FIDES TVA.

5. Sed fortasse cuipiam videbitur Scriptor illis , quæ in  
H h h h 2 ar-

articulo quarto scripserat contradicere, dum hic subjungit; *De potestate enim temporalis nullam fecit mentionem, quando dicit: Tu es Petrus, sed solum de potestate spiritali, qua solum in ligando & absolvendo, à peccatis in foro conscientia consistit.* Certè nullius momenti esset autoritas sibi ipsi contradicentis, quantum ad illud in quo inesset contradictio; atque adeò frustrà in confirmationem primæ propositionis Antistitum Gallicanorum allegaretur. Nequaquam verò sibi contrarius est in asserenda immobili, & inviolabili stabilitate fidei Christianæ, Petro ejusque successoribus. Attamen præstat Autorem ita intelligere, ut in contradictionem non incurrerit. *Intelligentia enim distorum, ut ait S. Hilarius lib. 4. de Trinitate ex causis est assumenda dicendi: quia non sermone res, sed rei est sermo subjectus.* Itaque quod hîc, ac in tota ista quæstione dicit Autor, de potestate ordinaria & directâ, ac de actuali ejus exercitio in bona temporalia, quæ Principibus, non Pontificibus competit, est accipiendum, ut ex quæstionis statu, atque ex argumentis constat; non autem de potestate indirectâ, quam adeò expressè in art. 4. Ecclesiæ concedit. Adde, quod prædicta Scriptoris verba non possunt tamarctam, ut videntur, habere sententiam; alioquin enim B. Petrus nullam habuisset in foro externo jurisdictionem, etiam quantum ad censuras, *sed solum potestatem spirituales, qua solum in ligando & absolvendo à peccatis in foro conscientia consistit;* quod Catholicæ fidei repugnat. Vult ergo, vel solum illam potestatem Apostolorum Principi datam fuisse illis præcisè verbis Matth. 16. *Tu es Petrus, &c.* (Quæ tamen sententia adhuc falsa esset, cum illa verba ampliorem facultatem significent) non excludens alias, quæ in aliis Scripturæ locis continentur; vel potius sub potestate spiritali ligandi & absolvendi à peccatis ea omnia intellexit, quæ ad illam quâdam ratione referuntur: cujusmodi est jus impediendi, ne Principes Christiani autoritate sua abutantur in propriæ animæ ruinam, ac in subditorum & Catholicæ Religionis perniciem.

6. Cæterum idem autor eam assignavit originem potestatis, & autoritatis Patriarchalis; ut si quid simplicibus superesset timoris, ne tandem, quod nonnulli Galli aliquan-

dò minitari visi sunt, de constituendo Patriarchâ, exequentur, penitus illius verbis abstergi queat. Tradit enim tanquam rem fide Divinâ certam, Patriarchas omnem suam potestatem & autoritatem à Sede Apostolica habere, ac meritò dicendum hæreticum qui id negaret. *Aliter potest dici*, inquit in eodem art. 5. *quod cum sermones inquirendi sint secundum materiam, sicut ait Apostolus, & intentio in tota illa distinctione sit, ostendere præminentiam Sedis Apostolica ad Sedes Patriarchales, quia Sedes Apostolica illas & instituit & autoritatem dedit: unde Sedes Patriarchales quicquid potestatis & autoritatis habent, dubium non est à Sede Apostolica emanare. Item Patriarcha autoritatem habet limitatam in aliquâ mundi parte: SEDES AUTEM APOSTOLICA IN TOTO ORBE: VNDE QVANTVM POTEST SE EXTENDERE IN LONGVM ET LATVM TEMPORALIS POTESTAS IMPERII, TANTVM SE EXTENDIT AMPLITVDO SPIRITVALIS POTESTATIS, VIDELICET APOSTOLICÆ: ET QVICVMQVE ISTVD SINGVLARE PRIVILEGIUM CONARETVR AVFERRE, ASSERENDO, QVOD SEDES PATRIARCHALES POTESTATEM ET AVTORITATEM SVAM A SEDE APOSTOLICA NON HABERENT ET SPIRITVALEM POTESTATEM, ISTE MERITO DICENDVS ESSET HÆRETICVS.*

7. Joannes de Parisiis, cujus *Tractatus de potestate Regia & Papali* in lib. 2. Vindiciarum Richerii, quæstionem, de qua egimus, sequitur, non minùs expressè agnoscit Summi Pontificis ad definiendas inconcussas iudicio fidei controversias potestatem, ejusque in totam Ecclesiam jurisdictionem. Sic enim scribit cap. 3. *Manifestum est autem quod licet populi distinguantur per diversas Dioceses & Civitates, in quibus præsent Episcopi diversi in spiritualibus, tamen una est omnium fidelium Ecclesia, & unus populus Christianus. Et idèd sicut in qualibet Diocesi est unus Episcopus, qui est caput Ecclesia in illo loco vel populo: ita in tota Ecclesia, & in toto populo Christiano est unus summus Episcopus, scilicet Romanus, & Petri successor: ut sic Ecclesia militans per similitudinem à triumphante deriveretur, ubi unus præsidet toti Universo. Apocalip. 21. Ipsi populus e-us erunt, & ipse Deus cum eis erit eorum Deus: Et Joëlis 1. Congregabuntur filii Juda & filii Israël pariter, ut ponant sibi caput unum: & Joan. 10. Fiet unum ovile & unus Pastor: quod quidem de Christo tantùm intelligi non potest, sed de aliquo alio Ministro, qui omnibus præsit loco ejus. Nam post corporalem subtractionem præsentia cor-*

H h h h 3

pot-

peralis Christi contingit interdum circa ea, quæ sunt fidei, questionem moveri, in quibus propter diversitatem opinionum vel sententiarum divideretur Ecclesia (quæ ad sui unitatem requirit fidei unitatem) nisi per unius sententiam Ecclesia unitas servaretur. Hic autem unus principatum huiusmodi habens est Petrus successor Christi, non quidem Synodali ordinatione, sed ex ore Domini, qui Ecclesia sua noluit desicere in necessariis ad salutem ipso dicente Joan. ult. ante ascensionem Petro singulariter, PASCE OVES MEAS: & Luc. 22. ante Passionem, ET TU ALIQUANDO CONVERSVS CONFIRMA FRATRES TVOS.

8. Aded cum Catholicæ Religionis doctrinâ consentit hæc sententia, ut etiam qui ab illa recedere meditabantur, ad eam identidem, quasi secreto fidei impulsu revocati videantur. Audi Joannem Gersonium Tract. de statibus Ecclesiasticis tit. De statu Prælatorum confid. 13. Status Episcopalis habet rationabiliter MONARCHAM SUPREMVM, SCILICET PAPAM RATIONE VNITATIS FIDEI ET SACRAMENTORVM: Sed hoc non ita perspicuum est esse delere ex institutione Christi, & pro utilitate universalis Ecclesia respectu dispensationis bonorum temporalium, & jurisdictionum contentiosarum, seu coercitivarum, quæ diversis Legibus, seu Decretalibus, aut Statutis pro diversitate locorum & temporum regi debent, sicut & alia merè temporalia, Regalia, vel Imperialia. Hinc bene dictum est, quod qualibet Provincia in sensu suo abundat. Itaque ex mente Gersonii verbis istis expressa; Papa Status Episcopalis Monarcha est; & quidem supremus, ratione unitatis Fidei & Sacramentorum: id est ut dissentientibus fortè cæteris Episcopis, ac in varias sententias distractis, multitudo ad unitatem per unius supremi Monarchæ iudicium reducatur; atque ita sicut unus est Dominus, sit etiam una fides, unum baptisma; quæ est ratio Doctoris Angelici.

9. Dubitabis fortasse, an ea fuerit Gersonii mens hoc in loco, quia contrariam alibi indicat. Sed, ut jam innui, hæc contradictio, si sibi Gersonius contradixit, tribuenda est hinc ejus in Pontificiæ potestatis, tempore schismatis, abusus commotioni, hinc Religionis & avitæ disciplinæ instin&ui. Perspicua sunt Gersonii verba modò relata. Quomodò enim Papa erit Monarcha supremus, si ejus iudicium ab alio, puta à Concilio generali, possit reformari? Quomodò stabit unitas Fidei & Sacramentorum, nisi unius illius sententiæ inherca-

hæreatur ? Nonne poterunt in Conciliis Episcopi varii variè opinari ? Nonne tunc unius autoritate ad unitatem erunt revocandi ? Respondebis Monarchiam in eo consistere , quod Papæ sit , Ecclesiæ universæ providere , Concilia generalia convocando , & Canones exequendos curando ; sed nonne Pontifex illam etiam potestatem habet circa jurisdictionem , & circa temporalia , circa quæ tamen Gersonius , quamvis dubitativè , minorem illi tribuit autoritatem ; fortasse quia , cum longè minoris sint pretii , inferioribus plenius committenda videbantur , supremo autem Monarchæ reservanda , quæ ad unitatem Fidei & Sacramentorum spectarent.

10. Quæ circa Richerii Vindicias dicta sunt , sufficere mihi videntur , si minus ab absolutam eorum confutationem ; quippè quæ opus integrum postulerent , saltem ut constet eas non ita firmare Declarationem Illustrissimorum Antistitum Gallicanorum , ut ( si hæc sola erant illius fundamenta & munimina , quæ brevi vulganda jactabantur ) multum timendum sit sanctæ Sedi ab hujusmodi machinis.

## C A P U T X.

*Jurisdictionis summi Pontificis , ejusque potestas , tum in definiendis fidei questionibus , tum in condendis Legibus , celebri Ecclesiæ Gallicanæ testimonio confirmantur.*

1. **P**RO aptissima Coronide , non solum hujus libri , sed etiam omnium præcedentium , in quibus generalia capita de summi Pontificis autoritate tractata sunt , visum est , antequam ad singularia puncta veniamus , quæ , præsertim à Laicis , tanquam Libertatum Ecclesiæ Gallicanæ partes , proponuntur ; quæque non tam à Clero Gallicano contra summum Pontificem , aut Curiam Romanam instructæ sunt , quam ad extollendam Jurisdictionem sæcularem , oppressâ , vel depressâ Ecclesiasticâ , illis , quæ variis in locis dicta sunt de Cleri Gallicani circa potestatem summi Pontificis sententia , novum adjungendum esse testimonium ; ut iterum evidentiùs constet , quantum Illustrissimi Episcopi Parisiis anno

## TRACTATUS DE LIBERTATIBVS,

1682. congregati à Majorum suorum vestigiis recesserint sub obrentu tuendarum libertatum à Majoribus suis propugnatarum.

2. Videtur autem irreprehensibile testimonium. Est enim Episcoporum non alicujus spei, vel timoris impulsu, sed ex libero affectu, ac sensu loquentium, in Comitiiis generalibus, & solemnibus congregatorum monumentum, typis editum, à Typographo Regio cum privilegio Majestatis Christianissimæ, sub hoc titulo ; *Advis de l'Assemblée generale du Clergé de France à Messieurs les Archevesques, & Evêques de ce Royaume, conclusum ; Fait en l'Assemblée generale du Clergé de France le 20. Janvier 1626. & subscriptum ; Par le commandement des Illustrissimes, & Reverendissimes Cardinaux, Archevesques, & Evêques, & de tous les Ecclesiastiques deputez, en l'Assemblée generale du Clergé de France. Leonor d'Estampes Evêque de Chartres.* Hujus Instrumenti articulus 137. quem, licet aliquantum prolixum, ipsismet verbis Gallicis, ut tota illius vis manifestius appareat, exscribimus, sic habet.

3. *C'est un des grands témoignages de l'amour qu'on porte à Dieu, quand on respecte, & honore ceux qu'il a constituez en ce monde pour estre son image, y tenir sa place, & en son lieu suppleer visiblement aux necessitez des hommes pour le salut de leurs aines. Ce qu'ayant esté donné prerogativement aux souverains Pontifes par dessus tous les Evêques ; il est bien raisonnable que se reconnaissant ses inferieurs, ils leur portent tel honneur, respect, & reverence, qu'à leur exemple tout le reste des hommes fasse la mesme chose. Les Evêques seront donc exhortez d'honorer le saint Siege Apostolique, & l'Eglise Romaine, fondée dans la promesse infailible de Dieu, dans le sang des Apostres, & des Martyrs, la Mere des Eglises ; & laquelle pour parler avec S. Athanase, est comme la teste sacrée, par laquelle les autres Eglises, qui ne sont que ses membres, se relevent, maintiennent, & conservent : respecteront aussi nostre saint Pere le Pape, chef visible de l'Eglise universelle, Vicaire de Dieu en terre, Evêque des Evêques, & Patriarches ; en un mot Successeur de S. Pierre ; auquel l'Apostolat, & l'Episcopat ont eu commencement, & sur lequel Jesus-Christ a fondé son Eglise, en luy baillant les Clefs du Ciel, avec l'infailibilité de la Foy, que l'on a veu miraculeusement durer immuable en ses Successeurs jusques aujourd'huy : Ce qu'ayant obligé les fideles Orthodoxes à leur rendre toute sorte d'obissance, & de vivre en deserence à leurs saints Decrets, & Ordonnances ; les Evêques seront exhortez de faire continuer la mesme chose, & reprimer tout qu'il leur sera possible les esprits libertins, qui veulent revocquer*




en doute , & mettre en compromis cette sainte , & sacrée autorité confirmée par tant de loix divines , & positives : & pour montrer le chemin aux autres ils y desceront les premiers : Or étant besoin d'une assistance particulière du S. Esprit , pour conduire un gouvernement si important , tel qu'est celui de l'Eglise universelle ; Les Evêques ordonneront qu'en toutes les prières de leurs Diocèses , il en soit fait une particulière , pour le saint Pere qui sera seant en la chaire de S. Pierre ; afin qu'aidé des suffrages de tous les fideles , tous ses soins , & toutes ses peines réussissent à la gloire de Dieu , au bien de son Eglise , & au salut des âmes.

4. Quis credat , omnes Episcopos modernos , cæterumque Clerum Gallicanum , recentiorum Comitiorum declarationem , quantumvis Richerii , Vigocii , vel Launoi suffragiis munitam , potiùs amplexuros , quàm antiquorum , quorum est istud testimonium , & aliorum , quorum verba in libris præcedentibus retulimus , vestigiis inhæsurus. Quis suspicetur , Ecclesiam Gallicanam adeò esse immutatam , ut Majorum suorum doctrinam publicâ declaratione eversam velit ? Quis non existimet , cæteros Regni Episcopos , & inferioris Ordinis Ecclesiasticos Viros gloriæ ab Ecclesia Gallicana ob summam erga sanctam Seden reverentiam , & obedientiam meritò comparatæ participes fieri malle , quàm maculæ à novissimis Comitiiis contractæ ob ingestas ( ne quid gravius dicam ) molestias summo Pontifici suarum Ecclesiarum libertates tuenti ? An Aulæ desideriis obsequi , quàm avitam erga Romanam Ecclesiam pietatem , & fidem colere , ac retinere laudabilius ducent , ac coram Deo securius ?

## LIBER DECIMUS

*De particularibus Libertatis Ecclesiæ Gallicanæ Capitibus à Petro Puteano assignatis.*

I.  Uperflua videretur famosi voluminis probationes Libertatum Ecclesiæ Gallicanæ continentis, discussio, quippe quod & à Rege Christianissimo, & à Clero Gallicano, statim ut prodit in lucem fuerit improbatum, nisi ejus Confarcinator Petrus Puteanus ob istum quoque Librum laudaretur à Scriptoribus Gallicanis, ejusque doctrina probaretur, & quasi lex plerumque haberetur, à sæcularibus forum præsertim sectantibus. Posset etiam fortasse aliquis suspicari Illustrissimos Antistites Gallicanos an. 1682. Parisiis congregatos has quoque Libertates, seu veriùs servitutes probasse verbis illis tertiæ propositionis; *Valere etiam regulas, mores, & instituta à Regno, & Ecclesiæ Gallicanæ recepta, Patrumq; terminos manere inconcussos.* Ubi non confirmantur tantùm regulæ, mores & instituta, quæ ab Ecclesiæ Gallicanæ recepta fuerint, quæ

quæ Canonicae disciplinae consentanea præsumi facilius possent, sed etiam quæ à Regno, in quibus si censerentur quæcumque à Puteano, Fevreto, & aliis scripta sunt, periclitaretur ipsa fides & religio. Quamquam ad eò sunt enormia pleraque, ut præsumendum non sit prædictos Dominos Episcopos contra Decessorum suorum exemplum illa confirmare voluisse, sed potius instituta à Regno simul, & ab Ecclesia, non autem à Sæculari tantum potestate, præcepta intellexisse.

II. Alterum Puteani volumen, cui præfixus est titulus; *Traité des Droits & Libertés de l'Eglise Gallicane*, cum nudas ferè propositiones sine probationibus contineat, eamque tantum fidem facere possit, quam exigunt probationes congestæ, peculiari confutatione, aut examine non indiget.

III. Utrumque autem volumen eo tantum spectat, ut jurisdictio Ecclesiastica sæculari subji-ciatur. Quamobrem constitutâ distinctione inter utramque potestatem, si ex justitiæ legibus, non ex Principum potentia, vel ex aulicorum studio de doctrina ibi tradita judicetur, causâ ubique cadet Puteanus. Hanc autem distinctionem, etsi Elogiis communibus extollant, etiam qui potestates magis confundunt, tamen penitus tollunt in controversiis particularibus, ut auctoritatem Regiam, vel potius suam, propriumque commodum cum

618 TRACTATUS DE LIBERTATIBVS,  
Ecclesiasticorum jurium detrimento augeant. Ita-  
que statuenda est , ceu primum fundamentum ,  
cùm vel sola sufficere possit , si bona fides ubique  
adhibeatur.

IV. Porro volumen istud non incongruè de-  
finieris farraginem Actorum malorum , falsorum  
dubiorum , Autoris intentum confutantium , ab  
illegitima potestate profectorum , vi , vel fraude  
executioni demandatorum , inter quæ tamen in-  
serta sint nonnulla bona , vera , à legitima potesta-  
te acta , ratione ac justitiâ in usum inducta , sed  
pauciora , & eo fine confarcinata , ut Ecclesiastica  
jurisdictio in servitatem sub potestate laica detru-  
deretur ; qui finis patet ex titulis capitum , in quæ  
acta illa congesta sunt , cum quibus tamen titulis  
sæpè parum conveniunt.

V. Equidem cùm magna , & præcipua illorum  
actorum pars sint Senatus-consulta , vel alia instru-  
menta à potestate sæculari ædita , sufficere videre-  
tur eis constitutiones Ecclesiasticas , contra quas  
edita sunt , è regione opponere. Quis enim Christia-  
nus in materia Ecclesiastica summi Pontificis vel  
Concilii generalis auctoritatem auctoritati Principis ,  
vel Senatus non anteponat. Nonne minùs præsu-  
mendum est Ecclesiam Laicorum , quàm Laicos  
Ecclesiæ jurisdictionem usurpasse ?

VI. Cùm autem Puteanus non tam scripserit ,  
quàm

quàm exscripserit, non confutatione indiget, sed observatione. Quomodò enim v. g. confutes Senatus-Consultum nullâ prolatâ ratione declarans causam aliquam Ecclesiasticam ad Tribunal sæculare pertinere, nisi admovens distinctionem inter utramque potestatem, & Lectoris justitiam invocans. Hæc si adsit, superflua est ferè quævis Libri impugnatio.

## C A P U T   P R I M U M.

### *De distinctione inter Potestatem spiritualement, & temporalem.*

1. **N**emo est aded iniquus, qui speciem justitiæ non pretendat, dum graviore etiam infert injurias: Distinctionem inter Potestatem spiritualement & temporalem, ut jam innuimus, non solum admittunt, sed etiam argumentis confirmant, qui sædius illas confundunt, aut ut alteram absorbeat, altera vehementius enituntur. Quem non delectet legere Carolum Fevret. Tract. de abusu lib. 1. cap. 7. num. 10. utramque potestatem tam perspicuè discernentem, & discrimen tam vario probationum genere illustrantem? Affert ille Canones; scilicet Can. Duo sunt. dist. 96. Duo sunt, quibus principaliter hic mundus regitur, auctoritas sacra Pontificum, & regalis potestas. Citat etiam Canonem sequentem, non tamen verba refert, quæ ista sunt; Si Imperator Catholicus est (quod salvâ pace ipsius dixerimus) filius est, non Præsul Ecclesiæ. Quod ad Religionem competit, discere ei convenit non docere: habet privilegia sua potestatis, quæ administrandis legibus publicis Divinitus consecutus est, ut ejus Beneficiis non ingratus contra dispositionem cælestis ordinis nil usurpet. Ad Sacerdotes enim Deus voluit, quæ Ecclesiæ disponenda sunt, pertinere, non ad sæculi potestates, quas si fideles sunt, Ecclesiæ suæ Sacerdotibus voluit esse subjectas. .... Imperatores

*Chriftiani subdere debent executiones suas Eccleſiaſticis Praefulis non praeferre. Idem omnibus iſtius diſtinctionis Canonibus ſtatuitur.*

2. Adducit etiam Fevretus ex Can. *Quoniam*. diſt. 10. qui pars eſt Canonis, Cùm ad verum diſt. 96. hæc verba nonnihil immutata; Sic Deus actibus propriis, & Dignitatibus diſtinctis utriusque poteſtatis officia diſcrevit, ut & Chriſtiani Principes pro æterna vita Pontificibus indigerent, & Pontifices pro curſu temporalium Imperialibus legibus uterentur. Quatenus ſpiritualis actio a carnalibus diſſet incurſibus; & militans Deo negotiis non ſe implicet ſecularibus: ac viciffim Divina non attingat, qui eſt temporalibus inſentus. Sunt etiam in hac diſt. 10. alii Canones huc pertinentes.

3. Laudat Juſtiniani novell. 6. in præcæm. unde pauca exſcribit, ſed, omiſſis illis, quæ clariùs diſtinctionem designant. Sic autem habet novellæ 6. præfatio; *Maxima quidem in hominibus ſunt dona Dei a ſupernâ collata clementiâ, Sacerdotium, & Imperium: illud quidem Divinis miniſtrans; hoc autem humanis præſidens, ac diligentiam exhibens: ex uno eodemq; principio utraque procedentia humanam exornant vitam.*

4. „Adjungit Fevretus; A Deo ſunt immediatè Papatus  
„& Imperium, & ided Deus æternus duos conſtituit Vi-  
„carios, unum in ſpiritualibus, alterum in temporalibus.  
„De Roſſell. Tract. de poteſt. Pap. & Imp. Duas illas po-  
„teſtates diſtinguit ex eo quod una exerceatur in animas,  
„in corpus altera; quod unius gladius ſpiritualis ſit, alte-  
„rius autem materialis; quod non ſolùm actus, ſeu func-tio-  
„nes, ſed etiam objecta & fines diverſos habeant; quod ſint  
„duo Principatus, duo genera hominum, duo gladii, duæ  
„jurisdictiones; una ſpiritualis, alia temporalis. Addit testi-  
„monium Synefii Epifcopi Tolemaidis.

5. Ex Hincmaro in epift. ad Epifcopos quofdam Franciæ, profert hæc verba; *Sicut in Pontificibus, ac Regibus ordinum ſunt di-  
viſa vocabula, ita ſunt in unaquaque profeſſione diviſa ordinationum officia.*  
„Ex quodam Procuratore Regio iſta; duas illas jurisdic-tio-  
„nes, quibus principaliter mundus regitur, à Deo fuiſſe ab  
„invicem ſeparatas, diſtinctas, & diviſas, ita ut neutra al-  
„teri ſubeſſet, Ex Poëta Gauthero in geſtis Federici Enobar-  
bæ hoc Diſticum.

*Eccleſiam regat ille ſuam, Divinaq; jura  
Temperet, Imperium nobis ſaſceſq; relinquat.*

Ex

Ex S. Fulgentio libro de prædest. & grat. sequentia ; *Quantum pertinet ad hujus temporis vitam , in Ecclesia nemo Pontifice potior , & in saculo Christiano nemo Imperatore celsior.*

6. Parum juvaret nosse distinctionem inter duas illas potestates intercedere , nisi sciretur , quæ sint utriusque munia & officia. Hæc , ut inquit Fevretus , ab eodem Deo assignata sunt , à quo constitutæ sunt ipsæ potestates ; scilicet Paralip. lib. 2. cap. 19. unde ista excerptit aliquibus prætermisus ; *Omniem causam , qua venerit ad vos fratrum vestrorum , ubicumque questio est de mandato , de lege , de ceremoniis , de justificationibus , Amarias Sacerdos , & Pontifex vester in his , qua ad Dominum pertinent , præstabit.* Porro Zabadias filius Ismael , qui est Dux in Domo Juda , super ea opera erit , qua ad Regis officium pertinent. Et Deuter. cap. 7. *Si difficile & ambiguum apud te iudicium esse perspexeris inter sanguinem , & sanguinem ; causam , & causam ; lepram , & lepram . . . . . venies ad Sacerdotes Levitici generis , & ad Judicem , qui fuerit illo tempore.* Quocirca Lyranus observat duarum jurisdictionum differentiam his verbis ; *In spiritualibus recursus est ad summum Sacerdotem ; In temporalibus ad Iudicem ; adeo ut ab inferioribus Iudicibus Ecclesiasticis appelletur ad summum Pontificem , & ab inferioribus Principibus , & Iudicibus secularibus ad Regem , seu Imperatorem.*

7. Denique ambas illas potestates , & inter ipsarum munia distinctionem cunctis Nationibus innotuisse probat Fevretus multis autoritatibus , quarum luculentissima videtur „ Bobadillæ Hispani lib. 2. Politic. cap. 18. cujus est ista sententia ; „ *Reipublicæ everfio ex Officiorum perturbatione nascitur ; speciatim quod potestates & Judices Ecclesiastici , & Sæculares alteri alterorum jurisdictionem invadunt , & administrare , exercere , atque usurpare ambiunt utrumque , gladium , non reddentes quod Cæsaris est Cæsari , & quod Dei est Deo.* Ità disputat Fevretus ; sed utrùm cum hac doctrina consentiant , quæ in duobus illius Tractatûs voluminibus scripsit , judicabit Lector quilibet , si modò ratione utatur , & aliquam justitiæ legem sequatur , nedum si pietatem ac religionem. Sed de illo Autore rursus libro ultimo.

8. Distinctionem inter potestatem spiritualement , & temporalem jam versarat egregiè Illustrissimus Petrus de Marca lib. 2. de concord. Sacerd. & Imper. cap. 1. à num. 4. ubi facilem di-

cit utriusque limitum discretionem , quam tamen in præfatione difficillimam esse dixerat. Eam etiam difficultatem agnovit Fevretus in sua præfatione. Ego impossibilem arbitror iis, qui alterutrius terminos protendendi studio ducuntur. *Quibus autem finibus regi debeant suprema illa potestates* , inquit Marca præd. num. 4. *satis antiqui Patres nobis prævenerunt ; ut difficile non sit , nitissimâ viâ eorum vestigia sectari , nisi quis malit consulto , & datâ operâ in errores inpingere . Regium Imperium quietem publicam ; Episcoporum sollicitudo felicitatem æternam hominibus procurat , testante Apostolo . Reges secularibus , Pontifices spiritualibus ordinandis se impendunt . Verissimè autem subjungit ; Quamdiu neutra potestatum in alienos limites infiliat mutua concordia res Christiana amplificabitur . Utinam deposito proprii commodi affectu , agnoscendis limitibus daretur opera , nec pueret , aut pigeret ab alienis rescilire . Equidem , prosequitur Marca , hodie satis perspecta esse reor isthac , qua protuli axiomata , non solum juris humani , atque Divini callentibus , sed etiam cuilibet è trivio . Illa tamen pluribus probationibus communit .*

9. Prima est Osi Episcopi Cordubensis ad Constantium Imperatorem admonitio à S. Athanasio in epistola ad solitariam vitam agentes relata. *Tibi Deus* , inquit Osius , *Imperium commisit ; nobis , qua sunt Ecclesia concedidit . Et quemadmodum qui tuum Imperium malignis oculis carpit , contradicit ordinationi Divina . Ita & tu cave , ne qua sunt Ecclesia , ad te trabens magno crimini obnoxius fias . Date , scriptum est , qua sunt Caesaris , Cesari ; & qua sunt Dei , Deo . Neque igitur fas est nobis in terris Imperium tenere , neque tu Thymiamatum , & Sacrorum potestatem habes , Imperator .* Constantiam illam longè postea imitatus est S. Theodorus Studita Leonem Armenum sic allocutus , ut testatur Theosterictus in vita S. Nicetæ apud Surium ad diem 3. Aprilis. *Respondit autem , & Theodorus vehemens Ecclesia Magister , Dux Studitarum : nec tentes nunc , ô Imperator Ecclesiasticum statum dissolvere ; ait enim Apostolus : Quosdam quidem posuit Deus in Ecclesia primum Apostolos , deinde Prophetas , tertio Pastores & Doctores ad perfectionem Sanctorum ; non dixit Reges . Tibi quidem ô Imperator , civilis status , & exercitus commissus est . Hac igitur cura , Ecclesiam autem Pastoribus & Doctoribus ( ut ait Apostolus ) derelinque . Ita Theodorus Leoni Armeno anno 814 .*

10. Secundò SS. Patres , & alios Scriptores , nonnullos etiam Imperatores refert Marca. Gregorium Nazianzenum ,  
Isido-



Isidorum Pelusiotem, Joannem Chrysostomum, Synesium, Gelasium, Symmacum, Gregorium II. Nicolaum I. Innocentium III. Metrophanem, Valentianum, Justinianum, & Ludovicum Pium. Concludit; *Possent in hanc sententiam plurimos Ecclesiæ Gallicanæ Autores laudare, Hincmarum, Ivonem, Bernardum, Petrum Blesensem; sed satius esse duxi in re nota parcere diligentia, quàm nimiam sedulitate fastidium movere Lectori.* Addit tamen testimonium Lupi Ferrariensis epist. 81. scribentis, *quod Christus potestatem suam ad gubernandam Ecclesiam in Sacerdotes divisit & Reges; ut quod sancti docerent Pontifices, & ipsi implerent, & impleri facerent devotissimi Reges.*

11. Dixerat num. 5. Petrus de Marca, Gelasii potestatis utriusque terminos constituentis definitionem amplexos esse, gregem, Episcopos, & Proceres Ecclesiæ Gallicanæ in Concilio Parisiensi & in libris Capitularium. Rem eandem postea profecutus est anno 1646. in libel. Barcinone edito, & libris de Concordia, dum iterum prodierunt in lucem, præfixo.

12. Posito igitur illo principio tanquam certissimo, & omnium sententiâ comprobato; nimis distat spirituale à temporali, sacrum à profano, quàm ut possint eorum limites, sinceri, ac veritatem & justitiam, potius quàm proprium commodum, & honorem sectantis Judicis cognitionem effugere. Si quapost examen superest difficultas, aut obscuritas, ab iniquo affectu plerumque ortum habet. Nec unquam vulgaræ illæ allegationes, executionis Canonum, possessorii, abusus Ecclesiasticæ potestatis, ac similia, probabilem æquis hominibus, nedum Deo infinitè sapienti & justo, efficient alienæ jurisdictionis usurpationem. Sed quoniam communia, & ut Dialectici loquuntur, abstracta non tam ægrè conceduntur, quia non incommodant, descendamus ad singularia, percuramusque Capita Libertatum Ecclesiæ Gallicanæ, ad quæ revocatæ sunt à Puteano illarum probationes.

## CAPUT II.

*De Regum Franciæ meritis erga Ecclesiam, eorumque cum  
summis Pontificibus necessitudine ad tria prima Capitula  
probationum Libertatum Ecclesiæ Gallicanæ.*

1. Istius Voluminis Capiti primo appositus est titulus, qui nos labore relevat examinandi, quæcumque complectitur. Cum enim de pietate, ac meritis sit Regum Franciæ erga Ecclesiam, summos Pontifices, ac sanctam Sedem; eò tantum videtur spectare, ut religio Christianissimorum illorum Principum commendetur; quam eis laudem tantum abest, ut nos invidemus; ut etiam, si quid conferre possemus, augere omnino cuperemus, quod propolitis potentissimo Regi Ludovico XIV. Majorum ac Prædecessorum exemplis, magis ac magis accenderetur ejus erga Ecclesiam, & adversus Ecclesiæ hostes zelus, suorumque ipse posterorum imitationi illustriora relinqueret exempla.

2. Significat autem Puteanus jam in ipso limine, quod sit ejus consilium, cum in titulo primi Capituli, Regum Franciæ dumtaxat meminerit. Ex quo intelligitur ipsum non Ecclesiæ Gallicanæ, sed Regis, ejusque Officialium, ac Judicum causam agere; quandoquidem nusquam, aut rarissime Cleri, qui Ecclesiæ sine dubio prima, & præcipua pars est, merita, & jura commemorat, nisi forte ut potestati sæculari submittat. Nonne debuerunt etiam in hoc primo Capite Antiquorum Episcoporum Galliæ erga sanctam Sedem reverentia, & obedientia, strictissimaque cum illâ conjunctio commendari? Nihilne ad honorem Regni Christianissimi pertinet vetus illius Cleri cum Romano Pontifice tum in fide, tum in moribus & disciplina consensus? sed si laudes Regum Francorum explicandas susceperat Scriptor iste, cur prætermisit ipsorum fidem, & quæ à tot sæculis in throno Gallico inviolata permansit, quæque totius Religionis, atque adeò Ecclesiæ ipsius fundamentum est? Nimirum politicè de rebus Ecclesiasticis, non autem Ecclesiasticè scribebat. Itaque

Re-

Regum erga Ecclesiam, & Pontifices beneficia, temporalia præcipuè, alia verò nonnisi quæ plurimum habent splendoris, explicat.

3. Cæterum Caput istud primum nonnulla complectitur falsa, v. g. quod refertur num. 3. ex Sigeberto à Gratiano exscriptum dist. 63. cap. *Adrianus. De potestate summum Pontificem eligendi & Episcopos investendi*, quæ supponitur Carolo Magno ab Adriano Papa data, quod jam multi Scriptores validissimè confutarunt: nonnulla modum apertissimè excedunt, ut num. 6. hæc elogia; *Christi fidelium supremo Principi, inclita sanctitatis miraculis, in hac virtute divina, ac felicitate mirabilis; præfulgente Philippo, &c.* Quæ nonnisi per adulationem Philippo Pulchro concini potuerunt. Tale est etiam quod in fine dicitur; *Regem non solum temporalitatem, sed etiam Divinitatem obtinere*; Alia, nisi sanè interpreteris, falsam ingerent sententiam, ut istud eodem num. 6. *Ad defensionem, & exaltationem ipsius fidei, ipse Dominus Rex collatam sibi recepit à Domino potestatem, itemque Prælati sunt in partem sollicitudinis vocati.* Verùm, ut jam insinuavimus, curandum magis est, ut Reges Galliæ, Majorum suorum pietatem imitantes, se laudibus dignos reddant, quàm ut quæ illis tributa sunt encomia, ad severam veritatis normam exigantur.

4. Porro satiùs fuisset nonnulla ex iis, quæ Puteanus Regibus adscribit prætermittere; qualia sunt quæ sub num. 4. de Carolo VI. & num. 6. de Philippo IV. refert. Certè enim quæ à Philippo IV. adversùs Bonifacium, aut à Carolo VI. ejusque Patre in favorem Pontificum, aut Pseudo-Pontificum Avenionensium gesta sunt, antiquam Regum Franciæ gloriam, & eorum erga sanctam Sedem præclara merita potiùs obscurarunt, præstaretque illa æternâ oblivione deleri, quàm in laudis argumentum assumi.

5. Caput secundum & Caput tertium magnam probant intercessisse necessitudinem inter summos Pontifices & Reges Franciæ, quæ utinam integra semper custodita fuisset; utinam arctius, atque arctius indies stringeretur.

6. Observari autem potest in istis Capitibus, sicut & alibi frequenter, Puteanum multò minùs de Ecclesiæ, quàm de Regis Dignitate curare. Non solum ea præmittit, quæ in Regis honorem vergunt; sed etiam si quæ Pontifici fa-

Kkkk

vere

626 TRACTATUS DE LIBERTATIBVS,  
vere videntur, ea quantum potest, extenuat, v. g. cap. 3. sub num. 2 hæc verba Ludovici XI. ad Pium II. *Utere deinceps in Regno nostro potestate tua, ut voles, atque illam exerce.* Clausulam vocat valdè novam, & extraordinariam; quasi novum esset, & extraordinarium in Gallia, ut Papa sua potestate uteretur, ut vellet, non prohibente Rege.

7. Debet quidem summus Pontifex voluntatem suam ad rationis ac justitiæ leges conformare; sed quod ejus conformationis in rebus spiritualibus & Ecclesiasticis (quales erant illæ, de quibus loquebatur Ludovicus, ut patet ex contextu ejus litterarum, quæ referuntur integræ à Philippo Labbeo tom. 14. sub sessione 4. Concilii Lateranensis V.) Principes sæculares sese Judices constituent, & Sacris Canonibus, & antiquorum Regum Religioni repugnat. Sed hæc præludia tantum sunt. Atrocius offendetur Ecclesiastica jurisdictio in sequentibus.

### C A P U T I I I.

*De excommunicationibus contra Reges, & Regios Officiales ad cap. 4. & 5. Puteani.*

1. **P**Uteanus cap. 4. Reges Franciæ cap. autem 5. Regios Officiales, dum propria Officia exercent, excommunicationibus subjici non posse affirmat; sed non satis intelligitur ejus consilium. Hic enim, ut alibi, diversa testimonia congerit, quæ inter se pugnant, mutuoque sese destruunt. Aliqua ex his actis, quæ in his capitibus exscribit, prærogativam illam, quod Rex nequeat excommunicari, privilegium esse innuunt à sancta Sede concessum; v. g. quæ extant cap. 4. num. 20. 21. 26. Alia prærogativam illam restringunt ad casus, in quibus agitur de temporalibus Regni, ut cap. 4. num. 9. 11. 13. 16. 18. 22. 23. 24. 25. 26. Quid de hoc ultimo, ad quod pertinent cap. 4. & 7. sentiendum sit, colligi potest ex doctrina toto lib. 4. tradita.

2. Privilegia quamplurima scimus Franciæ Regibus, etiam circa censuras, à summis Pontificibus esse concessa, quibus ut liberè gaudeant nemo debet ægrè ferre. Quocirca ita mon-

nct

net D. Petrus de Marca lib. 3. cap. 10. num. 3. Sanè dubitandum non est , quin eximia quadam jura in rebus Ecclesiasticis nostri Reges obtineant , qua ceteris Principibus hodie non competunt. Quod nulli mirum videri debet , qui privilegiorum multitudinem ex officiorum magnitudine metietur. Conturbaret profectò Ecclesia Romana , nec suppetere illi facultates , quibus cum Galliarum Regibus decideret ; nisi liberalitatis , & perfectæ donationis titulo , immensam beneficiorum suorum molem in eam contulissent Si ergò liberalitate summi Pontifices rependere volunt , quod ex mera donantium liberalitate consecuti sunt , non est cur ceteri Principes nobis invident benigniorem erga Reges nostros Romana Sedis remissionem. Certent nobiscum liberalitate , tunc integrum illis erit de privilegiis quoque nobiscum certare.

3. Meruit , inquit Clemens V. in diplomate dato Lugduni Kal. Februarii Pont. sui an. 1. *Charissimi filii nostri Philippi Regis Francorum Illustris , sincera devotionis ad nos , & Ecclesiam Romanam integritas , & Progenitorum suorum præclara merita metuerunt , meruit insuper fida Regnicolarum pietas , ac devotionis sinceritas , ut tam Regnum , quam Regem favore benevolæ prosequamur. Meruerunt igitur Christianissimi Principes , Regnumque Christianissimum , non solum ut sua illis jura servarentur illæsa , sed præcipuis , ac singularibus beneficiis , gratiis & favoribus ab Ecclesia cumularentur , quamdiu majorum vestigia sectantes in Ecclesiam liberaliter refunderent , & in ejus protectionem , & exaltationem insumerent , quod accepissent ab ea.*

4. Sed rem Christianissimi Regis pessimè gerunt , qui eximia , quæ ab Ecclesia obtinuit , privilegia de jure communi esse , aut Regiæ Coronæ propria contendunt. Cùm enim ipsa rerum natura , & juris communis notitia , hujusmodi prærogativas Regi ob suam Coronam competere non posse certissimè suadeant , atque aliundè nullo fulciri privilegio Autores illi , tacitè saltem , fateantur ; injustè , ac violenter usurpatas nemo non suspicatur , quod avitam Regum Galliarum pietatem , ac gloriæ splendorem obumbrat.

5. Indultum est plerisque Regibus Galliarum , ut ab aliis , quàm à Romanis Pontificibus excommunicari non possent : Gallici Autores generatim asseverant Galliarum Reges , & eorum Officiales excommunicari non posse , quæ propositio non solum contra praxim antiquam , sed etiam contra fidem manifestè pugnat , nisi benignâ interpretatione temperetur,

ac in eo sensu non intelligatur, quem præ se ferre videntur verba, quibus apud aliquos Autores, ut apud Carolum Ferrer. lib. 1. de abusu cap. 6. num. 9. & sequentibus exprimitur; ut scilicet neque ab Episcopis, neque à summo Pontifice in Principes, aut eorum Officiales, aut Regna possint ferri censuræ.

6. *Est de grege Christi* (verba sunt Michaelis Maucleri Doctoris Parisiensis in Tract. de Monarchia Divina, Ecclesiastica, & sæculari Christiana par. 2. lib. 3. cap. 15.) & non subjeci dictioni, & correctioni Pastoris à Christo Domino super ovile suum constituti, manifesta contradictio, sine extraordinariâ quidam ab ipso Domino ordinatâ in sacris apparente Scripturis exemptione, aut miraculo aliquo, certâq; revelatione alicui factâ, censeri debet. Neque enim ovis aliqui sine Pastore concipi potest, nisi extra ovile vaga, & errans rapacibus lupis facta prada cito strangulata devoraretur juxta illud Propheta Regii; Erravi sicut ovis, qua perii, unde dogma illud schismaticorum illorum tempore Henrici Imperatoris cum impietate mordicus asserentium Regem, aut alium Principem à Romano Pontifice excommunicari non posse, hæreticum ab Ecclesia judicatum est, sacris obfistens Scripturis, Ecclesiæ Decretis, sanctorumque Patrum doctrinâ oppositum.

7. Si quis Mauclerum existimat nimium Ecclesiasticæ auctoritati fuisse, audiat Regiæ defensoreni. Insuper inquit Jacobus A'main quæst. resumptiva de dominio naturali, civili & Ecclesiastico secundæ Conclusionis 2. parte: Cùm illi potestati (Ecclesiasticæ) non ex institutione humana, sed Divina cuncti fideles subiciantur, & quando aliquis subicitur alicui, non ex proprio consensu, sed auctoritate alicujus, non potest ab illa subiectione eximi, nisi auctoritate ejus, qui eum subjecit, vel auctoritate sui superioris, si habeat superiorem: hinc est quod contra obedienciam debitam Ecclesiæ præscribi non potest, & multi Imperatores & Reges hac potestate fuerunt excommunicati.

8. Plurima sunt in Francorum historiis, excommunicatorum, non solum à sancta Sede, vel à Conciliis, sed etiam ab Episcopis, Regum exempla & eorum vel resipiscenciæ, vel castigationis à Deo etiam in hac vita contumaciæ. De Chariberto in prima Dynastia sic scribit Gregorius Turonensis hist. Franc. lib. 4. cap. 26. Post hæc Manovisam Merstedis sororem conjugio copulavit. Pro qua causa à S. Germaino Episcopo excommunicatus uterque est. Sed cùm eam Rex relinquere nollet, percussa judicio Dei obiit. Nec multo post & ipse Rex post eam decessit Charibertus.

9. In secunda Dynastia Lotharius II. Imperatoris Lotharii filius ob repulsam uxorem, & superinductam pellicem à Nicolao I. excommunicationis vinculo innodatus, & ab Adriano II. data fide de recipienda uxore absolutus fuit. Sed Romãrediens obiit Placentiæ, & milites ejus morbo consumpti sunt: quam mortem Regino, & Signius datæ fidei violationi adscribunt.

10. In tertia Dynastia Robertus, aliàs meritò Pii nomen consecutus, ob incestas nuptias simili censura percussus fuerat, sed ea pœna medicîna ei fuit, quæ ad salutarem cum pœnitentiam induxit. Rem scitu, & admiratione dignissimam, narrat Cardinalis Petrus Damiani lib. 2. epist. 15. quæ est ad Desiderium Abbatem Cassinensem, & Cardinalem, ejusque Monasterii Monachos. *Robertus*, inquit, *Gallorum Rex Avus ipsius Philippi, qui in paterni juris sceptrum successit, propinquam sibi copulavit uxorem, ex qua suscepit filium, Anserinum per omnia collum, & caput habentem, quos etiam, virum scilicet, & uxorem omnes sive Galliarum Episcopi communi simul excommunicare sententia, cujus Sacerdotalis edicti tantum omnem undique populum terror invasit, ut ab ejus universi societate recederent, nec præter duos sibi servulos ad necessarij vultus obsequium, qui tamen & ipsi omnia vasa, in quibus Rex edebat, vel bibeat, percepto cibo abominalilia judicantes pabulum ignibus exhibebant. His tantum Rex coarctatus angustiis ad sanum consilium rediens divortio incesum, initij, legale commubium. Vides quanta fuerit olim Regum, ac Regni religio circa Ecclesiasticas censuras, & quanta obedientia à subditis, & servis etiam Regis, adversus ipsummet Regem, Ecclesiæ præstita; sed vides etiam, quis fuerit illius Religionis & obedientiæ fructus.*

11. Philippus item I. Roberti Nepos an. 1094. in Concilio, cui Hugo Archiepiscopus Lugdunensis Legatus Apostolicus præfuit, Anathemate obstrictus est, quod dimissa uxore legitima aliam duxisset; quæ censura confirmata est an. sequenti ab Urbano II. Papa è Gallia oriundo in Synodo Claramontana, cui interfuerunt 13. Archiepiscopi, & 215. Episcopi; eo tamen vinculo absolutus fuit an. 1104. à Legato Paschalis II. ut docet Ivo epist. 166. & 169. Philippus etiam II. eandem expertus fuisset censuram, nisi repudiata concubinâ uxorem legitimam recepisset post interdictum Regnum.

num. Nam, ut notat Henricus Spondanus ad annum 1198. num. 9. *Rex praesentis Legatum velle procedere contra ipsum, per nuncios suos fecit ad Sedem Apostolicam appellari. Legatus, non ut appellationi deferret, sed ut differret ad tempus, quatenus mandatum Apostolicum alibi commodius adimpleret, tandem apud Divionem facto Concilio interdicti sententiam promulgavit, mandans universis Francorum Prelatis, sub poena suspensionis, ut & ipsi illud observarent, & ab aliis observari facerent. Illorum vero nonnulli illud firmiter observant, alii vero minime, donec rursus ab Innocentio jussi omnes humiliter paruerunt.*

12. Ex quibus exemplis patet Reges Galliae, & Regnum aliter olim de censuris Ecclesiasticis, quam modò, sensitse, easque magis reformidasse. Quamquam non defuerunt etiam posterioribus saeculis similia religionis indicia. Nam, ut notat Henricus Spondanus ad annum 1589. num. 16. & colligitur ex epist. 223. Cardinalis Ossati, quæ est ad Henricum IV. Regem Franciæ, Henricus III. ejus Prædecessor Ecclesiasticâ sepulturâ caruit à prædicto anno 1589. usque ad annum 1610. jubente summo Pontifice ob excommunicationem, in quam incurrerat propter illatam Cardinali Guisio necem. Unde si qui adulatores Regibus Christianissimis persuadere nitantur, illos ab omni censurarum fulmine tutos esse, quid aliud præstant, nisi ut Principes suos falsâ illâ securitate ab avita Religione subducant, & ad perpetranda quælibet crimina impunitatis spe alliciant: ac sic eò digniores censuris efficiant, quò eos censuras contemnere docent. Regios Officiales censuris obnoxios esse quis dubitet? Illas etiam præterito saeculo refugisse demonstrat exemplum Senatus Aquensis, qui missis ad Concilium Lateranense Legatis occurrit censuræ, ad quam infligendam se accingebat Leo X. ut perhibent acta ultimi Concilii Lateranensis sess. 8.

13. Maxima certè cautela est adhibenda, dum de Regibus excommunicandis agitur; nec sine gravissima necessitate, ac frustra tentatis aliis mediis, illuc deveniendum. Oportet tamen, ut Principes meminerint se, si filii sint, extra disciplinam non esse; *Quis enim filius quem non corripit Pater*, ut Divinitus ratiocinatur S. Paulus ad Hebr. 12. Suis igitur in hoc, & in aliis gaudeat privilegiis Rex Christianissimus; sed Ecclesiam



clesiam Matrem semper agnoscat, à cujus dilectione, & obedientia in rebus ad salutem animæ spectantibus nullo potest eximi privilegio, multò minùs Regiæ coronæ Dignitate; ac si quid supra cæteros Principes circa res Ecclesiasticas obtinet, Ecclesiæ referat acceptum. *Quidquid præter Canonum & Decretalium mentem in Gallia circa res Ecclesiasticas agitur, id fieri ex privilegiis Apostolicis, non autem mero jure Regio, ut quidam autumabant, protestatus est in libello Barcinone edito anno 1646. Illustrissimus Petrus de Marca.*

14. Ut autem ad Puteanum redeamus, ejusque probationum vim experiamur: Non Canones, ut postulare Libertatum Gallicanarum definitio, profert, sed testimonia, quæ ipsi adversantur, vel suspecta sunt, ut probationem hac in re nullam efficiant. v. g. num. 1. refert fragmentum vitæ Ludovici Pii Imperatoris, in quo hæc habentur; Cùm verò rumor usquequaque diffusus fereret de cæteris, quod verum erat, de Papa verò Romano, quod idem adesset, ut iam Imperatorem, quàm Episcopos excommunicationis vinculis iniretine vellet, si qui inobedientes essent sua, filiorumq; Imperatoris voluntati: Parum quid subripuit Episcopis Imperatoris præsumptio audacia, assertentibus nullo modo se velle ejus voluntati succumbere; sed si excommunicatus adveniret, excommunicatus abiret, cùm aliter se habeat antiquorum Canonum auctoritas. Ubi vides responsum Episcoporum tribui præsumptioni audacia, licet tunc de Imperio ageretur.

15. Sub eodem numero primo recitat verba quædam quasi à Gallis proposita, cùm Rex Lotharius conjugem legitimam repudiasset; Dicunt sapientes, quia iste Princeps mellorem legibus, vel judiciis subiacet, nisi solius Dei, qui eum in Regno, quod suus Pater illi dimisit, Regem constituit, & si voluerit pro hac, vel pro alia causa, ibit ad Placitum, vel ad Synodum: & si noluerit, liberè & libenter dimittet: & sicut à suis Episcopis, quidquid egerit, non debet excommunicari: ita ab aliis Episcopis non debet judicari; quoniam solius Dei Principatus debet subici; à quo solo potuit in Principatu constitui: & quod facit, & qualis est in regimine, Divino sit nutu: sicut scriptum est. Cor Regis in manu Dei est; quocumque voluerit vertet illud. Mirum quod non erubuerit Puteanus hoc testimonio uti, locum, unde sumptum est, designans. Audi enim quomodò relatis his verbis respondeat Hincmarus Remensis opusc. de Divortio Lotharii Regis & Tetbergæ Reginæ, undè illa extraxit Puteanus; *Hæc vox non est*

632 TRACTATUS DE LIBERTATIBVS,  
*est Catholici Christiani, sed nimium blasphemus, & spiritu diabolico plenus, &c.*  
Deindè prædictam confutat objectionem.

16. Numero secundo producit testimonium Ivonis, ut probet eum, qui à Rege in gratiam aut ad mensam receptus sit, posse ad Communionem Ecclesiasticam admitti: sed hoc testimonium ad suam originem relatum, ad materiam non pertinet. Excerptum enim est ex Concilio Toletano 12. cap. 3. Editus est autem Canon ille adversus eos, qui *contra Regem, Gentem, vel Patriam egerant*, Quibus si Rex parceret, volebant Patres ab Ecclesia quoque indulgeri. Vide notas Garlæ Loaisæ in illud caput.

17. Quæ numero quarto refert ex Matthæo Paris. Historico Romanis Pontificibus parùm æquo, licet, si vera sint, ostendant Francos non omnino probasse excommunicationem, ac depositionem Friderici Imperatoris à Gregorio IX. factam: jus tamen illud penes Ecclesiam fuisse, si Imperator hæreticus extitisset, ostendunt.

18. Universitas studii Parisiensis, cujus conclusiones sub num. 5. adducit, declarat quidem, non esse obediendum cuidam excommunicationi in Regem & Principes latæ. Sed quid mirum, nam conclusione secunda definit, quod ejus censuræ Autor *Petrus de Luna non est nominandus Benedictus, nec Papa nec Cardinalis, nec nomine cujuscumque Dignitatis, nec sibi obediendum est tanquam Pastori, sub penis fautorum schismatis*; ac re verà indignissimè, ac pessimè illum in Gallia habitum exhibet eodem num. 5.

19. Quod autem num. 31. ejusdem Universitatis circa potestatem Ecclesiæ in Principes, præsertim hæreticos, Decretum producit, alio Universitatis Decreto infirmatur, de quo fit mentio apud Henricum Spondanum ad an. 1590. num. 3. qui Henrico IV. Francorum Regi, cujus occasione utriusque editum est, non potuit esse insensus, cum multis ei nominibus debitor existeret.

C A P U T I V.

*De potestate Judicum sæcularium circa censuras, ad capp.  
6. & 8. Puteani.*

1. **N**on solum Regios Judices, & Officiales à censuris eximit Puteanus, sed eis etiam alioseximendi facultatem tribuit pluribus in locis, præsertim cap. 6. & 8. Præterimus septimum, quia, ut cap. superiori notavimus, quæ illic, nec non cap. 4. & alibi de independentia Regis in temporalibus dicuntur, ad doctrinam lib. 4. expendenda sunt, vel, si mavis, ad regulam Decretalis Innocentii III. relatæ à Puteano præd. cap. 7. num. 4. In ea enim summo Pontifici directæ in temporalia jurisdictio negatur, indirecta ratione peccati asseritur. Non enim intendimus judicare de feudo, cujus ad ipsum spectat judicium, nisi forte juri communi per speciale privilegium, vel contrariam consuetudinem aliquid sit detractum; sed decernere de peccato, cujus ad nos pertinet sine dubitatione censura, quam in quolibet exercere possumus & debemus. Non igitur injuriosum sibi debet Regia Dignitas reputare, si super hoc Apostolico judicio se committat.

2. Quantum autem ad potestatem Judicum sæcularium circa censuras, in primis notandum est, quod in aliis ferè omnibus licet observare, non solum non niti Canonibus, sed cum Canonibus etiam pugnare, quorum observatio libertas Ecclesiæ dicitur ab ipsismet Ecclesiasticæ libertatis impugnatoribus. Senatus-consulta proferuntur ad constituendam Senatus in negotiis spiritualibus jurisditionem; sed summorum Pontificum Decreta & Constitutiones opponimus. Si autem testimonia Pontificum, tanquam in propria causa loquentium reculantur; rejiciatur autoritas sæcularium sibi jus dicentium, & cum de rebus Ecclesiasticis agatur, ad Canones, præsertim Conciliorum Oecumenicorum, quibus ex omnium consensu præsidet Spiritus Sanctus, & ad sunt etiam Laici pro jurium suorum defensione, recurra-  
tur.

3. Vult Puteanus posse Judices sæculares excommunicationes

tiones abufivas declarare , atque Iudices Ecclefiafticos cogere ad abfolvendos ad cautelam eos , qui excommunicati fuerint. Quomodo id probat ? Variis Senatum Placitis , ac fimilibus documentis. Contrarium oftenditur pluribus fumorum Pontificum Conftitutionibus. Utris credet Catholicus ? An neutris ? Stet faltem Conciliorum ftatutis.

4. Concilium generale Lugdunenfè fub Gregorio X. cui Rex Franciæ per fuos Legatos interfuit , Libertatem Ecclefie circa cenfurarum ufum duabus Conftitutionibus fcilicet 20. & 31. afferuit. Vigefimæ verba funt ifta ; *Absolutionis Beneficium ab excommunicationis fententia , vel quantumque revocationem ipfius aut fufpenfionis , feu etiam interdicti per vim & metum extortam præfentis conftitutionis auctoritate omnino viribus vacuumus. Ne autem fine vindicta violentia crefcat audacia , eos , qui abfolutionem , five revocationem hujusmodi , vel metu extorferint , excommunicationis fententia decernimus fubiacere.* Conftitutio autem 31. fic fe habet : *Quicumque pro eo , quod in Reges , Principes , Barones , Ballivos , vel quoslibet Miniſtros eorum , aut quoscumque alios , excommunicationis , fufpenfionis , feu interdicti fententia fuerit promulgata , licentiam alicui dederint occidendi , capiendi , fcu alias in perfonis , aut bonis fuis , vel fuorum , gravandi eos , qui tales fententias protulerunt , five quorum funt occasione prolata , vel eafdem fententias observantes , feu taliter excommunicatis communicare nolentes , niſi licentiam ipſam re integrâ revocarint , vel fi ad bonorum captionem occasione ipſius licentia fit proceffum , niſi bona ipſa ſint infra octo dierum ſpatium reſtituta , aut ſatisfactio pro ipſis impenſa , in excommunicationis fententiam incident ipſo facto.*

5. Manifeſtiùs repugnat Concilio Tridentino doctrina Puteani cap. 6. 8. & 9. adſcribentis Iudicibus ſæcularibus præcipiendi ſuperioribus Ecclefiaſticis , ut à cenſuris abſolvant. Hæc ſunt Concilii verba ſeſſ. 25. de reform. cap. 3. *Nefas autem fit ſæculari cuilibet Magiſtrato prohibere Ecclefiaſtico Iudici , ne quem excommunicet , aut mandare , ut latam excommunicationem revocet , ſub prætextu , quod contenta in præſenti Decreto non ſint obſervata ; cum non ad ſæculares , ſed ad Ecclefiaſticos hac cognitio pertineat.* Quæ ultima verba notanda ſunt , ne quis exiſtimet præxim Gallicanorum Magiſtratum poſſe jus facere adverſus hanc Ecclefie juridiſtione. Reſpueſtur fortaiſſ à Gallis hujus Concilii auctoritas : ſed utrum in materia ſpirituali Concilio Oecumenico adhibenda ſit fides , potiùs quàm Curiis ſæcularibus , quarum pla-

placita proferuntur, nescio quomodo possit à Catholicis in dubium revocari.

6. Quid quod ab ipsis etiam Regibus Christianissimis illa Parliamentorum praxis fuit prohibita. Id constat ex edicti Melodunensis anni 1580. art. 23. à Puteano citato cap. 8. num. 8. sub finem, & relato tom. 5. parte 8. tit. 2. actorum Cleri Gallicani. „ Prohibemus, inquit, Henricus III. Sigillorum Cancellariarum nostrarum Custodibus, ne rescripta „ Appellatoria, ( Gallicè Lettres de Relief ) expediantur quibus jubeatur, ut in carcere detenti Judicum Ecclesiasticorum autoritate, illinc educantur, aut ut beneficium absolutionis illis conferatur, qui à prædictis Judicibus fuerint excommunicati. Edicti etiam Melodunensis an. 1571. art. 18. sic decretum fuerat; *Atque ut omnis amoveatur difficultas ab art. 16. Constitutionum nostrarum Aurelianensium anni 1560. statuimus, ut Prælati, Pastores, & Curati possint monitionibus & censuris Ecclesiasticis uti in iis casibus, in quibus licet per sancta Decreta, & Concilia. Referretur etiam hoc Edictum loco citato actorum Cleri Gallicani, & articulus iste scorsim tom. 2. parte 1. cap. 19. ubi notatur, cum fuisse verificatum, ut illic dicitur eâ conditione, ut Clerici pro debitis pecuniariis non excommunicarentur, atque Senatus-consultum huic edicto consonum fuisse prolatum 22. Januar. 1573.*

7. Carolus Fevret. lib. 7. de abusu cap. 2. luculentius affirmat potestatem absolvendi ab excommunicatione ad cautelam ad Curias sæculares pertinere, quod hæresis manifesta est; nisi fortè ab ea nota excusetur, quia initio illius numeri, finem excommunicationis ad cautelam cum assignat, *ut litigantes legitimam personam haberent standi in judicio, ut testabiles, vel testes esse possent; denique ut lis cum eis legitimo Marte decurrere posset.* Verùm postea effectum spirituales ejusmodi absolutioni tribuit, cum ait; „ Dulce in suis Placitis, seu Arrestis lib. 2. tit. 2. „ Arresto 9. meminit clausulæ supra positæ in rescriptis Appellatoriis inferi solitæ; & ait Curiam jure meritò concedere illas absolutiones ad cautelam, cum pium ac religiosum esset, ut Christianus Sathanicæ tyrannidi addictus, „ modis omnibus in libertatem assereretur. Dixerat autem antea hujusmodi absolutiones regulariter quidem ab Eccle-

fiasticis Judicibus impertiendas esse; quia tamen illi difficiliiores, ac morosiores se præbebant, recursum esse ad Magistratus Civiles, præsertim ad Curias supremas, utpotè ex Ecclesiasticis, & ex Laicis Judicibus constantes, quasi non esset minimus in Parliamentis Senatorum Ecclesiasticorum numerus, & non haberentur hujusmodi Curia simpliciter sæculares, nullatenus autem Ecclesiasticæ.

8. Hæreticum igitur esset Curiis sæcularibus, quod videatur Puteanus intendere cap. 6. præsertim in tit. num. 11. & in num. 19. potestatem tribuere illos, qui verè sunt excommunicati, ab hujusmodi vinculis liberandi, & sententias de rebus spiritualibus à Judicibus Ecclesiasticis prolatas evertendi, atque, ut vulgò dicitur, cassandi, & annullandi. Si autem Senatus-consulta ita interpretari pietas suadeat, non ut excommunicatos absolvant, sed verè excommunicatos non esse declarent; præterquam quod extra proprios limites semper excurrunt (Theologorum enim est, non juris civilis consultorum de censuræ validitate, aut invaliditate decernere, vel etiam Episcoporum, aliorumve Judicum Ecclesiasticorum, si judicialis sententia proferenda sit) quid juvat Judicis sæcularis declaratio, ut à Censuræ vinculo solvatur, quire vera illo innodatus coram Deo existit?

9. Licet autem benigniùs Puteani, & Fevreti mentem interpretemur, & supponamus eos non aliter jus circa absolutiones ad cautelam vindicasse Curiis sæcularibus, quàm ut possent imperare Judicibus Ecclesiasticis, eosque cogere ad absolvendos excommunicatos (quod tamen ipsis non licere jam ostendimus) quomoddò ferendus erit idem Fevretus in eo, quod illis Curiis permittit, quem voluerint Judicem Ecclesiasticum, quamvis personæ absolvendæ non sit superior, committere? Si enim Curia ipsa neminem potest absolvere, cùm non Magistratibus politicis, sed Apostolis, eorumque Successoribus dictum sit Matt. 18. *Amen dico vobis, quaecumque alligaveritis super terram, erunt ligata & in Cælo, & quaecumque solveritis super terram, erunt soluta & in Cælo.* Quomoddò absolvendi potestatem, quam non habet, conferre poterit, præsertim cùm majus aliquid sit potestatem aliquam alteri communicare, quàm per se illam exercere.

## CAPUT V.

*De citationibus Romam, de executione Litterarum Apostolicarum in Gallia, & de Conciliis illic celebrandis, ad capp. 9. 10. & 11. Puteani.*

1. **C**irca Caput nonum distinguendum est jus commune à privilegiis, aut concordatis particularibus, itemque causæ spirituales & Ecclesiasticæ à temporalibus, & sæcularibus. Equidem in concordatis inter Leonem X. Papam, & Franciscum I. Regem Francorum tit. *de Causis*, & tit. *de frivolis appellationibus*, præscribitur modus procedendi in controversiis, siue in prima instantia, siue in causa appellationis, à quo non est recedendum, cum ita inter sanctam Sedem & Franciæ Regnum convenerit; ac præterea quæ ibi constituta sunt, maximè æquitate nitantur. In causis etiam merè temporalibus, & sæcularibus nullo privilegio, nulloque concordato est opus, ut Galli Romam non evocentur. Cæterum, & contra Concordata ipsa, & contra Romani Pontificis Primatum, & supremam jurisdictionem pugnaret, qui universim assereret, in nullo casu debere Gallos in Romana Curia litigare, neque per se, neque per Procuratores, ut libro sexto demonstravimus.

2. Pontificiæ jurisdictionis usum & exercitium Puteanus cap. 10. Regi Galliæ, ejusque Officialibus subjecit. Vult enim compiler iste Bullas, seu Litteras Apostolicas in Gallia executioni demandari non posse, absque assensu; seu, ut ipse loquitur, *absque parentis* à Rege, vel ab ejus Officialibus concessio. Istæne sunt Ecclesiæ Gallicanæ libertates, ut indiscriminatim quæcumque à sancta Sede proficiscuntur ab arbitrio potestatum sæcularium pendeant? Itanè antiqui Galli, quorum Religio tantoperè laudatur, erga sanctam Sedem se habebant.

3. Sed qui sunt illi Canones, quibus constat hoc libertatis caput? An Arresta, & Litteræ Regiæ Canones nuncupantur; non enim alias invenit sui lemmatis probationes Puteanus;

nus; & quas affert, sunt omnes schismate, à quo sunt cuncta in Gallia confusa, posteriores. Dum Rex aliquid contra suum Statum à Bullis Pontificiis metuere, ideoque ab illis sibi velle cavere asserit, probabilis videtur excusatio. At verò quin iusta mandata summi Pontificis, in rebus spiritualibus, & Ecclesiasticis executioni mandentur, per vim quidem, & injuriam impediri à potestatibus sæcularibus potest; nullus tamen obstare valet quò minus quodcumque successor Petri ligaverit super terram, sit ligatum & in Cœlis, nisi fortè ut loquitur S. Paulus primæ Corint. decimo vers. 23. *Dominum quis annuletur ac fortior illo sit.* Pluralib. 2. de hoc puncto dicta sunt.

4. Capite undecimo probat Synodos indictas, eisque puncta tractanda proposita fuisse à Regibus Franciæ, ab iisque postulatam statutorum confirmationem, & ad executionem auxilium. In hoc quidem capite referuntur aliquorum, non quidem generalium, sed particularium Conciliorum fragmenta: sed non minùs violatur vera libertas Ecclesiæ ex consilio Autoris, si ex eo quod olim factum est, probare intendit, non solum jus esse Principibus Synodos convocandi, illis deliberanda proponendi, illarum Canones roborandi, & executionem curandi, sed etiam sine ipsorum autoritate Prælatos non posse legitimè convenire, negotia, nisi quæ ipsi jusserint, definire, & fideles ad Decretorum suorum executionem obligare. Horret omnis veri Christiani animus ad doctrinam, quæ fidei, ac disciplinæ negat posse consuli, nisi ex præscripto Principum sæcularium.

5. Triplex probationum genus est in hoc cap. 11. Primæ desumptæ sunt ex Conciliis sub prima Regum Dynastia celebratis. Secundæ à Conciliis habitis sub secunda Dynastia. Reliquæ ex posterioribus Conciliis, & ex Curiarum sæcularium monumentis. Primæ quidem ostendunt Reges Franciæ consensum convocationi Synodorum præbuisse. Qui quidem consensus interdum honoris causâ vocatur jussio, ut in Aurelianensi primo, vel præceptio, ut in Aurelianensi secundo; interdum tantum consensus, ut in Arvernensi anno 535. aliquando invitatio, ut in Parisiensi secundo; alias aliis nominibus designatur, ut animadvertere licet in exemplis à Puteano adductis.



6. Sed Synodus Turonensis secunda anni 567. quam citat num. 5. non relatis ejus verbis, docet Can. 21. omnibus illis nominibus solum consensum esse intelligendum. Etenim quamvis Episcopi Concilii Aurelianensis primi dicant *Clodoveum gloriosissimum Regem omnes Sacerdotes ad Concilium venire IVSSISSE*, Concilium Turonense idem ita exprimit; *In Synodo Aurelianensi, quam invictissimus Rex Clodoveus fieri SUPPLICAVIT*. Ubi jussione supplicationem interpretatur; utrumque autem idem significat, scilicet consensum, quo nomine, omnium maxime proprio, utitur Concilium Arvernense, ut diximus.

7. Ampliorem in Conciliis autoritatem exercuerunt Principes secundæ Dynastiæ. Verum id sine summorum Pontificum assensu, imò & rogatu factum non fuisse ostendemus, ubi de Capitularibus Regum Francorum disceremus lib. 11.

8. Quæ tertio loco afferuntur ex Curiarum sæcularium documentis, sicut & alia quamplurima, quæ in hoc volumine sparsa sunt, arguunt tantum Ecclesiasticam autoritatem maximum in Gallia detrimentum posterioribus sæculis passam fuisse, ac Laicos Episcoporum, & Synodorum potestatem ferè omnem ad se pedetentim traxisse; Episcopos autem, si quid præter antiquam Ecclesiæ libertatem, & Canonicam disciplinam admiserunt, vel invito cessisse, vel non debere in exemplum proponi, utpotè qui à majoribus fuerint degeneres.

9. Quæ ad Concilia præsertim Gallicana spectant, fusiùs disputabuntur inferiùs lib. 11. occasione Domini de Marca.

## C A P U T V I.

*De autoritate Concilii generalis, de Appellationibus à Papa ad futurum Concilium, nec non de receptione, ac publicatione Conciliorum generalium in Gallia ad capp. 12. 13. 14. Puteani.*

1. **E**X comparatione summi Pontificis cum Conciliis generalibus, de qua in lib. 5. disputatum est, colligi potest, quid judicandum sit de iis, quæ cap. 12. & 13. probanda sunt.

suscipit Puteanus. Sufficit hic circa ejus probationes animadvertere posse omnes in eum retorqueri, ac juxta ejus methodum illa ipsa exempla in favorem summorum Pontificum converti. Sunt enim exempla Episcoporum, aut Principum summorum Pontificibus repugnantium, quibus opponitur autoritas summorum Pontificum in illis ipsis casibus Episcopis, aut Principibus præcipientium. An non æquius est præsumere in hujusmodi disceptationibus supremos Ecclesiæ Pastores rectè egisse, quàm inferiores jure restituisse, nisi aliundè contrarium evidenter demonstratur.

2. Sunt aliqua ex iis exemplis magis suspecta, ita quod num. 2. ex Glabro Rodulpho refertur, falsum esse inferius videbimus, & ex parte colligemus ex ipso Domino de Marca, qui eà etiam autoritate utitur.

3. Capite 13. Appellationum à summo Pontifice ad Concilium profert exempla, quorum omnium vetustissimum, saltem pro Gallia, est Philippi Pulchri, quem nemo eorum, qui sanctam Sedem & Papam, ut par est, colunt, imitatione dignum judicabit, cum nullus ex Francorum Regibus tam injuriosè summum Pontificem habuerit. Ejusmodi res, ut obliterarentur tanquam sibi totique Galliæ probrosæ, maximopere conatus est ipsemet Philippus. Itaque qui eas in memoriam hominum revocant, quali essent laudè dignæ, Regis illius honori apud veros Christianos plurimum detrahunt, ac erga sanctam Sedem, & Christi Vicarium, se non rectè affectos produnt. Quis enim ignorat, Regem illum, licet ei Benedictus XI. censurarum omnium absolutionem ultrò concessisset, Clementem V. ad Pontificiam Dignitatem variis artibus evehendum curasse, ut pleniorē consequeretur remissionem. Hanc enim primam ab eo conditionem exegit. Bulæus histor. Univers. Paris. tom. 4. ad an. 1305. rem ita narrat; Rex (Philippus IV.) *aliàs sibi insensum Bertrandum ad oppidum Angelinam in Sanctonibus evocat, monet quæ agerentur, pactoque inito cum Sacramento adegisse dicitur, ut quinque capita sibi, si Pontifex foret, concederet. Primum amplam veniam capti Bonifacii, læsæq. Majestatis Pontificiæ. Ac re ipsâ multa in actis Pontificiis ad illud dissidium pertinentia jussu Clementis V. deleta sunt.*

4. Sed nec illud prætermittendum est; quod Philippus, ei-  
que

que adhærentes à Bonifacio VIII. appellantes, supponebant eum non esse legitimum Pontificem, conscii scilicet appellationem suam alioquin omni colore fore carituram. Quod ex eo etiam colligitur, quod ad futurum legitimum Pontificem, perinde atque ad Concilium appellabant, ut habetur in instrumentis à Puteano exscriptis. In primo, de Pontificis Accusatoribus ista leguntur. *Moti, ut dicebant fervore fidei, sincere devotionis affectu, & zelo charitatis inducti, sacrosancta Romana, ac universali Ecclesia Matrisua, quam sub dilecti Domini Bonifacii præsidentia periculose deprimi, ac deformationem enormem, & salutem pati dicebant, compatiens ab intimis, ac Christiana fidei, in qua salus animarum consistit, & qua suis temporibus, proli dolor, miserabiliter contabescit, & deperit, ut dicebant, periculo condolentes, ad ipsius Ecclesie & totius Christianitatis salubre regimen, & bonum statum ac reparationem, & exaltationem Catholica fidei votis, ut dicebant, ferventibus intendentes (necessaria erat verborum illorum, ut dicebant, frequens repetitio: est enim difficile creditu Accusatores Bonifacii, zelo, quem præ se ferebant, verè motos fuisse) maxime, cum eidem Ecclesie, fidei fundamento, & animationi saluti summè expediat, ut Dominici gregis ovili, non NISI VERVS, ET LEGITIMVS, AC VERE ET LEGITIME PASTOR PRÆSIT.*

5. Ipsi autem deliberantes sic concludunt; *Pro nobis, Ecclesiis, Parochis, & subditis nostris, ac pro nobis adherentibus, seu adherere volentibus in hac parte, ad prædictum Concilium congregandum, & AD FUTURVM VERVM, ET LEGITIMVM SVMMVM PONTIFICEM, & ad illum, vel illos, ad quem vel quos, de jure fuerit appellandum, provocamus, & appellamus, &c.* Idem observare licet in aliis instrumentis, ut in appellatione ipsiusmet Philippi, quæ refertur num. 5. ejusdem capituli, in appellatione diversarum Civitatum linguæ Occitanæ, quæ habentur ibidem articulo 7.

6. Post tempus schismatis, cujus sæpè facta est mentio (ut videas quâ occasione, nempe dissidiorum, vel schismatis natum sit genus illud appellationum) appellarunt etiam alii Reges; sed eorum consilium intelligitur ex titulo præfixo litteris Ludovici XI. datis 20. Novembris 1478. & exscriptis in eodem capite 13. num. 12. nimirum facultatem dari Legatis Regiis appellandi ad Concilium futurum, si Papanegaret, quod ex parte Regis rogaretur, aut vellet contra

M m m m

ipsum

642 TRACTATUS DE LIBERTATIBVS,  
 ipsum, ejusve subditos procedere. Hujus Principis technam  
 detegit Henricus Spondanus ad an. 1478. num. 8. his ver-  
 bis; *Quod videlicet, ( ut putatur ) non tam hæc serio AGE-*  
*RET, QUAM VT SCRIVTLVM PONTIFICI MOVERET in gra-*  
*tiam Florentinorum, HVIVSMODI SIMVLATIONVM INSIGNIS AR-*  
*TIFEX, &c.*

7. Non ità constans est inter Gallos doctrina sanctæ Sedis  
 privilegiis aduersa, quin unius articuli obliuiscantur, etiam  
 dum alium statuere nituntur. Ludovicus XI. in prædictis Lit-  
 teris appellationem ad Concilium summo Pontifici minatur,  
 ut propositum sibi finem consequatur; sed ei facultatem tri-  
 buit, Principes Turcæ bellum inferre recusantes, abjicien-  
 di, & puniendi. Sed quomodo poterit Papa renitentes plecte-  
 re, si ipsis liceat à Pontifice ad Concilium generale appel-  
 lare, ad quod tamen provocat Ludovicus, si non plectat?  
 utram appellationem admittet? An Ludovici, an renuentium  
 Turcæ bellum indicare? utramque non poterit, quia con-  
 trariæ erunt. En verba Ludovici; *Ut pacem cum Illustrissima Liga*  
*velis (Papa) componere, illam tueri, & defendere à dicto illo perfido Tur-*  
*co, & aliis infidelibus, & nullos Consideratos, seu cum ipso perfido Turco,*  
*& immanissimo intelligentiam, aut abstinentiam Guerra habentes sustinere, aut*  
*illis favorem exhibere: QVIN IMO TALES TANQVAM REOS CRI-*  
*MINIS LÆSA MAIESTATIS DIVINÆ, ABJICIRE, AVT PV-*  
*NIRE: & casu, quo ipse summus Pontifex præmissa facere denegaverit,*  
*seu plus debito distulerit, vel aliqua in contrarium præmissorum, aut aliquid*  
*contra nos, Regnum, & Regniculas nostros fecerit, seu in futurum attentare*  
*presumpserit, ad intimandum, & appellationem ab ipso interjectam in Con-*  
*gregatione prædicta Aureliani, & de novo si opus fuerit, appellandum ab ipso*  
*summo Pontifice malè consulto ad eundem summum Pontificem benè consultum,*  
*seu præfatum proximum futurum Concilium universalis Ecclesiæ, &c.*

8. Adhæsit Universitas Parisiensis appellationi Philippi IV.  
 & ipsa etiam aliquando ex eo tempore, quo cœperunt plures  
 ejus Doctores Concilium summo Pontifici præponere, pro  
 suis juribus appellavit. Sed notanda est formula, ejus præfer-  
 tim instrumenti, quod refertur à Puteano num. 5. *A sanctissimo*  
*nostro Papa Innocentio VIII. minùs debite consulto, AD SE IPSVM ME-*  
*LIVS CONSULENDVM, ET AD SANCTAM SEDEM APOSTO-*  
*LICAM ETIAM MELIVS CONSULENDAM, nec non ad sacrosanctam*  
*Syn-*

*Synodum universalem celebrandam, illumque, vel illos, ad quem, seu ad quos de jure provocare, & appellare nobis licet, in his scriptis, tam pro nobis, quam pro nostris adhaerentibus, & adhaerentibus, quam etiam pro Vicariis dictorum Magistrorum, Doctorum, & Scholarum, eorumque in beneficiis Divinis deservientium provocamus, & appellamus. Illa ad diversos Judices appellatio innuere videtur dubitare, appellantes, an ad alium, quam ad Papam melius consulendum, & ad sanctam Sedem Apostolicam etiam melius consulendam de jure provocare, & appellare ipsis liceat.*

9. Citat quidem in fine dicti capitis 13. appellationes aliorum extra Galliam Principum, sed nihilò laudabiliores. Prima, & antiquior quam Philippi Regis, est Friderici II. Imperatoris, seu ejus Legati, quem cæteri Principes imitati videntur. Verùm Friderici Legatus non à Papa ad Concilium, sed à Concilio generali, scilicet Lugdunenſi primo ad aliud generalius provocavit, sub eo prætextu, (qui à quovis facile poterit obtendi, ut omnia Ecclesiastica judicia eludat) quod illud non esset satis generale.

10. Libera erit omninò Gallia, sed à justitia, si posteriores quidam ejus libertatis vindices audiantur. Nam si Pontificis Decreta non arrideant, vel omninò contemnentur, utpotè offendentia *regulas, mores, & instituta à Regno, & Ecclesia Gallicana recepta*, vel ab eis ad futurum Concilium provocabitur: Concilii autem Decreta non recipiuntur, atque adeò non obligabunt juxta illorum Scriptorum doctrinam. *Non hæc quidem protuli*, inquit Joannes Gerbafius differt. de Causis majoribus art. 12. num. 6. *ut ab hac Tridentini Concilii singulari lege eximantur Galli, cum ne ulla quidem alia, acceptationis defectu, eos liget.* Ægrè ferrent hæc verba aures verè Catholicæ à Procuratore Regio prolata; sed quis à Theologo possit hæc audire? Quid igitur, acceptatio à Clero facta nullam inducit obligationem? Itanè mutata est postremis his temporibus autoritas Conciliorum Oecumenicorum? Clerus Gallicanus anno 1625. Parisiis congregatus professus est, se teneri ad observationem Concilii Tridentini, Gerbafius è contra nullà ejus lege Gallos ligari affirmat.

11. Falsum est, ut in 2. lib. demonstravimus, acceptationem esse necessariam, ut lex juxta obliget: & falsum est nullam Concilii Tridentini legem fuisse acceptatam in Gallia.

M m m m 2

Utram-

Utramque falsitatem evertit Decretum Cleri Gallicani prædicto anno 1625. editum tom. 1. Actorum Cleri, & à Putcano cap. 14. num. 3. relatum. Fjus Decreti verba Latinè reddita, sunt ista; „Cardinales, Archiepiscopi, Episcopi, Prælati, & „alii Ecclesiastici Viri, repræsentantes Clerum universum „Franciæ, congregati annuente Rege, Parisiis in Conventu „Augustinianorum, post maturam circa publicationem Concilii Tridentini deliberationem unanimiter agnoverunt, & „declaratunt, agnoscunt, & declarant, se obligari pro suo „officio, & conscientia ad recipiendum, sicut re ipsâ receperunt, & recipiunt præfatum Concilium, & spondent se „illud observaturos, quantum possunt per functionem suam „& autoritatem spiritualem & Pastoralem; Quæ deliberatio singulorum subscriptionibus, ac juramento ad sancta Evangelia, confirmata fuit. Recepit igitur tunc temporis Clerus Gallicanus Concilium Tridentinum, & professus est, se teneri non solum ad observandum Concilium, postquam illud acceptasset, sed etiam ad illud acceptandum. Augustissimus erat cœtus; siquidem aderant tres Cardinales, quinquaginta Episcopi, triginta verò secundi ordinis. Non fuit præceps deliberatio, cum antea sæpissimè, vehementissimèque institissent Prælati apud Reges, ut reciperetur Concilium, quod testantur acta Cleri quamplurima, citata à Putcano, ubi suprâ; acceptatum præterea fuit in variis Conciliis Provincialibus.

12. At non fuit acceptatum à Rege; ne id quidem verum usquequaque est, quandoquidem multa ejus decreta in ordinationes Regias translata sunt, sed quare non fuit absolutè receptum. Causas in primo libro notavimus. Hoc tantum monemus eos, qui vim legum Ecclesiasticarum à Principum arbitrio pendere volunt, ut considerent quantum periculi subitura sit Religio, si Principes mali extiterint.

13. Oblitus est Puteanus in hoc capite protestationis à se factæ in præfatione ad Lectorem. Ibi enim ait; „summo perè „cautum est, ne quid ex actis deduceretur, aut quæ inde ferrentur, declararentur. *Faciet quisque, ut sibi videbitur.* In hoc „autem cap. 14. num. 2. relatâ declaratione Caroli VII. Francorum Regis, addit; Ex hoc instrumento inferitur, Decreta „Conciliorum generalium, quæ ad politiam spectant, effectum „in

in Francia non sortiri, nisi Regum nostrorum edicta accedant. De factō dumtaxat eum loqui crederem, nisi titulo capituli ad Conciliorum generalium receptionem & publicationem in Francia, non solum permissionem, sed etiam auctoritatem Regis concurrere statuisset.

14. Cæterum in pluribus famosæ Pragmaticæ Sanctionis locis indicatur non ita liberum esse Galliæ, decreta Conciliorum generalium respuere, vel immutare, v. g. in litteris, quæ decreta præcedunt, habetur hæc declaratio. *Sacra Basileensis Synodi decreta, ordinationes, & statuta, aliqua simpliciter, ut jacent, alia vero cum certis modificationibus, & formis non hesitatione potestatis, & auctoritatis condentis, & promulgantis, ipsius scilicet Sacra Basileensis Synodi, sed quatenus commoditatibus, temporibus, & moribus Regionum, & personarum sæpè satorum nostrorum Regni ac Delphinatus congruere, convenireq; conspexerunt, prout inferius plenius annotatur, & inseritur, illud & indilate recipienda consenserunt, & acceptanda deliberaverunt.* Circa varia etiam Decreta Congregatio Gallicana, dum illa temperanda censet, ad Concilium recurrendum monet, ac generatim in conclusione ait; *illa Decreta, circa quæ fuerunt facta prænotata modificationes, acceptentur: prout etiam acceptantur.* SVB SPE SCILICET, QVOD IPSÆ MODIFICATIONES PER SACRVM CONCILIVM ADMITTENTVR; PRO QVO REGII ORATORES INSTABVNT VICE REGIA, ET ECCLESIAE REGNI, ET DELPHINATVS.

## C A P U T VII.

*Percurruntur octo capita Puteani, scilicet à 15. ad 22.*

1. Quoniam quæ ad Prælaturarum dispositionem pertinent, per concordata inter Leonem X. Papam, & Franciscum I. Regem Francorum, sunt constituta, supervacaneum esset, & Lectoribus prolixitate ingratum, singulorum, quæ Puteanus cap. 15. affert de anteriori Franciæ praxi, examen.

2. Materia Regaliæ, de qua agitur à Puteano cap. 16. tam diligenter, tamque eruditè versata fuit, scriptis, tum Latine, tum Gallicè tractatibus, ut nihil illi lucis accedere  
M m m m 3      posse

posse videatur. Eâdem etiam occasione video actum esse de juramento fidelitatis, ab Episcopis Regi præstando, de quo Puteanus cap. 17. nihilque hodiè difficultatis esse scio circa hujusmodi juramentorum praxim, nisi circa ejus insinuationem, seu registrationem, quam volunt ad finem Regaliæ imponendum, necessariam; quâ de re optimè etiam disseruerunt, qui de Regalia nuper scripsere.

3. Nisi circa necessaria tantùm immorari mens esset, multa notari possent circa ea, quibus prædicta Puteani capita constant; prætermittendum tamen non est Reges Franciæ vicissim Episcopis juramentum præstare solitos. Extant antiqua exempla inter Capitularia Regum Francorum à Stephano Baluzio collecta, & viget adhuc usus, ut Rex dum inauguratur, juret, se privilegium canonicum servaturum, quod cum ad veras Ecclesiæ Libertates pertineat, taceri non debuit, quasi hoc Regiam Majestatem dedeceret, unde illi maximus decor accedit.

4. Tot sunt Ecclesiæ Canones, de Episcoporum, & Parochorum residentia, quam melioris notæ Doctores de jure Divino esse affirmant, ut laudandus sit Regum Christianissimorum zelus in præstanda exequendis illis Legibus Ecclesiasticis autoritate; plurimumque commendandus esset Rex Christianissimus, si Prælatos, quos in Curia magis quàm in propria Diœcesi commorari delectat, quorumque aliqui nulum fortè aliud negotium apud suam Majestatem magis sollicitè, quàmvis minùs apertè, prosequuntur, quàm ut nova, velpinguiora beneficia consequantur ad commissum ovile remeare præciperet, exemplo suorum Prædecessorum, & Justiniani Novella 6. cap. 2. & aliorum: sic enim exequeretur Canones, Episcopis ad comitatum sine necessitate ac matura deliberatione accedere prohibentes. Pudendum è contra est, quod Pastores Gallicani tot actis ad residentiam cogentibus, quot referuntur à Puteano cap. 18. præbuerint occasionem, dimissis frequenter ovibus sibi à Christo concreditis; quæ culpa in plures Augusti illius Cleri Rectores non cadit, quandoquidem omni ævo multi ovili suo assidue, seduloque invigilarunt, & omnes probi Pastoris partes expleverunt.



5. Regem autem tanquam sanctorum Canonum executores Prælatos ad residentiam compulisse par est credere, cum in plerisque actis expressa fiat Canonum mentio. Res est aliunde tam iusta, tamque necessaria, ut Principum illam procurantium zelum excitare Ecclesia censeatur.

6. Prælatos licentiâ Regis vel præcepto indigere, ut à Regno proficiscantur capitis 19. titulus est, imò etiamsi à summo Pontifice ad Concilium generale evocarentur, ut indicatur num. 8. Prima Lemmatis probatio hunc habet titulum; *Ex Concilio Agathensi sub Clodoveo Rege anno 506. can. 35.* Frustra fit mentio Clodovei à Puteano, cum ne unus quidem Episcopus Regni Francorum huic Concilio interfuerit, ut patet ex subscriptionibus, & notavit D. de Marca lib. 6. cap. 18. §. 1. Sed concedamus ejus, utpote in loco modò Regi Franciæ subdito, celebrati decreta vim legis obtinere; quid statuitur canone illo 35. ut Episcopi Metropolitano ad ordinationem summi Pontificis aut ad Synodum invitanti pareant, *exceptâ gravi infirmitate corporis, aut præceptione regia.* Sed hoc non probat intentum; non enim agitur de exeundo à Regno, siquidem omnium Episcoporum Agathæ congregatorum Metropolitani erant intra idem Regnum Tolosanum Visigothorum; nisi fortè, quod verisimile nequaquam est, *ordinatio summi Pontificis*, non de quolibet Episcopo, sed de Romano tantum intelligatur. Verum ne tunc quidem aliud probaret Canon, quàm excusandum Episcopum Romam non euntem, non solum si graviter ægrotaret, sed etiam si ex præcepto Regis alteri negotio incumberet: alioquin enim diceretur, *excepta prohibitione, non, excepta præceptione Regia.*

7. Secunda probatio est exemplum Salonii, & Sagittarii à Rege Gunthramno licentiam accedendi Romam postulantium, & impetrantium; ut refert Gregorius Turonensis hist. Franc. lib. 5. cap. 21. Sed hoc exemplum parum efficax est. Quid enim mirum, si Episcopi de homicidiis, adulteriis, aliisque sceleribus convicti, patrociniū imploraverint Regis, quem, ut ait Gregorius, *propitiū sibi nossent.* Non enim solâ licentiâ, sed & favore indigebant. Rex verò, addit idem Historicus, *amiciens petitionibus eorum datis epistolis (quæ de sola licentiâ non videntur intelligendæ) eos abire permisit.* Qui

*accedentes coram Papa Joanne, exponunt se nullius rationis existentibus causis dimotos. Ille verò epistolas ad Regem dirigit, in quibus locis suis eos restitui jubet. Quod Rex sine mora, castigatis prius illis, verbis nullis, implevit. Num Rex, qui summo Pontifici sine mora parendum censuit, perditos homines, qui à nemine illorum accusationem prosequente innoxii reputati fuerant, restitui jubenti, juris sui esse duxisset, Episcopos ad Concilium generale à Papa vocatos retinere.*

8. Afferuntur deinde duo loca Hincmari Rhemenfis Archiepiscopi, negantis posse Episcopos à Regno decedere sine consensu Regis. Sed jam lib. 3. cap. 7. Vidimus ipsum de facto loqui non de jure: & ex alio ejus loco scilicet epist. 17. tom. 2. evidenter ostendimus, ipsum sensisse Episcopos Romam à Pontifice vocatos accedere debere.

9. Minoris momenti est exemplum Philippi IV. à Bonifacio VIII. dissidentis, & Caroli VII. Basileensibus contra Eugenium IV. faventis. Quid enim mirum, si primus sciens Episcopos adversum se Romam vocari, eos illuc proficisci non siverit, & contra suam prohibitionem profectos malè habuerit; alter suscepto Concilii Basileensis Patrocinio, ab ipsis met Episcopis rogatus, Ferrariam, quo ab Eugenio vocati fuerant, ire vetuerit.

10. At nonne, sicut in rebus temporalibus, & sæcularibus, Regi, ita in spiritualibus, & Ecclesiasticis Summo Pontifici tenentur Præsules obedire? Cùm ergo commune totius Ecclesiæ bonum postulat, ut Prælati aliò se conferant, Pontificem jubentem, potiùs quàm Regem vetantem debent audire, nisi fortè per vim detineantur, aut graviora indè mala consecutura sint. Si aliquis insedisset justitiæ amor confarcinatoris animo, propositionem ad eos casus restrinxisset, in quibus Episcopi gravi suspitione laborarent, alicujus contra Regem, vel Regnum machinationis; aut dixisset dumtaxat debitum Regiæ Majestati reverentiæ officium esse, eo insalutato non abire.

11. Quandoquidem Puteanus suas omnes probationes à facto & autoritate ducendas putavit; cur hic & alibi ei displicuerunt exemplum & sententia S. Ludovici? An servitus est, Gallorum nobilitate indigna, sanctos imitari ac sequi. Guil-

Guillelmus de Nangiacō in vita S. Ludovici refert epistolam sancti illius Regis ad Imperatorem Fredericum, in qua hæc habentur; *Vos unitatē pacis & concordia disrumpentes, Prælatos Regni nostri ad Sedem Apostolicam accedentes, cui TAM EX FIDE, QVAM EX OBEDIENTIA TENEBANTVR, NEC EIVS POTERANT RECUSARE MANDATA, in mari, quod molestè scripsimus, capi fecistis, & ipsos sub gravi custodia detinetis.* An majoris ponderis est autoritas Philippi Pulchri, aut Caroli VII. quàm S. Ludovici? Nota hæc ejus verba; *Cui (Sedi Apostolicæ) tam ex fide, quàm ex obedientia tenebatur, nec ejus poterant recusare mandata.*

12. Non soli B. Ludovici religioni, sed veritatis certitudini tribuenda est illa sententia. Scripsit antea S. Bernardus epistolâ 131. quæ est ad Mediolanenses; *Potest (Papa) à finibus terræ sublimes quascumque personas Ecclesiasticas evocare, & cogere ad suam præsentiam, non semel, aut bis, sed quoties expedire videbit.*

13. Quid juvat Puteanum in cap. 20. hujus voluminis, ac in alio integro volumine, ab isto, quod percurrimus, distincto, schismatis, & dissidiorum perpetua oblivione delendorum memoriam revocare. An Regno Gallicano gloriosum est cum summis Pontificibus disceptasse? An à justitia ita stetit Gallia & in causa, & in modo, ut tantopere cavendum sit, ne pereant illa monumenta? Qui veras, & finceras earum rerum historias legerunt, hinc non parum imminutam norunt antiquæ pietatis, & religionis laudem, Gallicano Regno ægregiis in sanctam Sedem, & summos Pontifices officiis partam.

14. Quin potestas sæcularis in aliquibus saltem ex iis actis, quæ in eodem cap. 20. referuntur, modum suum exceßerit, non videtur à Catholico posse negari; v. g. quod Senatus Placito num. 43. relato, Archiepiscopum Turonensem delegaverit, seu commiserit ad conferendum beneficium curatum, ut illa collatio eundem haberet effectum, quem habuisset in Curia Romanâ facta: quod Henricus IV. Rex Franciæ, & Navarræ litteris num. 44. exscriptis Oeconomum spirituales deputaverit ad conferenda Beneficia, Parochias, Prioratus, & Dignitates; quodque Oeconomus ille spiritualis Beneficia contulerit sub hac forma, quæ legitur in ejus litteris ibidem extantibus; *Virtute dilecti nostri Oeconomatus con-*

N n n n

suli-

*ulimus, & donavimus, &c.* Quis enim Catholicus affirmare audeat posse Parochum absolvere à peccatis, vel Priorem posse Monachos excommunicare, potestate solum acceptà à Rege, vel à Senatu, aut ab eorum delegatis.

15. Idem cum proportionem dicendum de collatione aliorum Beneficiorum, licet in eis non sit æquale periculum. Quamvis enim jurisdictionem non habeant annexam, adeoque minùs aliorum fidelium saluti noceat Beneficiariorum intrusio; nullum tamen est, quod spirituale aliquod jus non habeat.

16. Patet certè ex actis in 21. cap. contentis potestates sæculares in Gallia, renuente summo Pontifice, vel Episcopis, aliquando Beneficia de facto contulisse, vel alicui facultatem legitimam non habenti officium illud commississe. Sed quid inde concluditur, nisi conculcatos fuisse Canones innumeros, quibus sub gravissimis pœnis prohibetur, ne laici Beneficia Ecclesiastica conferant, vel Clerici ab eis collata recipiant. Magistratum sæcularium Placita titulos Canonicos non esse, quibus in tuto ponatur Beneficiariorum conscientia, nemo non videt, nisi jam præ avaritia & ambitione in mentis cæcitatem, & cordis duritiam prolapsus sit. Tederet Canones referre, per hanc portam in Beneficia ingredi vetantes, quod à nemine ignorentur, & à pluribus Autoribus collecti sint; ut à Gratiano ca. 16. quæst. 7. quam his verbis inchoat; *Quod autem Ecclesias de manu laicorum accipere, nec Abbati, nec alicui liceat, omnium Canonum testatur auctoritas.* Ab Antonio Augustino Juris Pontificii veteris Epitome lib. 15. tit. 7. & ab aliis. Vide rursus quomodo speciosa libertatum Gallicanarum definitio plerisque illarum capitibus conveniat; idest quàm directè illis opponatur.

17. Quæ circa 22. caput notanda essent de pecuniarum ab Ecclesia Gallicana per Curiam Romanam exactione, partim dicta sunt lib. 6. partim circa duo ultima capita istius voluminis dicentur.

## CAPUT VIII.

*De Legatis, ac Vice-Legatis sanctæ Sedis ad capp. 23.  
& 24. Puteani.*

1. **R**omanus Pontifex omnium Christi fidelium Pastor est, ac simul multarum Provinciarum Princeps temporalis. Itaque duplicis generis Legatos mittere potest, scilicet pro negotiis Politicis, ac pro spiritualibus. Equidem qui ab eo tanquam Principe temporali mittuntur Legati, omnibus à jure Gentium, vel à consuetudine inter alios Principes Christianos inductis Legibus obnoxii sunt, nisi quod in Papa non ita præscinditur Principis temporalis ratio à supremi Ecclesiæ Pastoris Dignitate, quin ejus Legatis, quæcumque negotia gerant, specialis reverentia debeat, præsertim cum Princeps non sit, nisi quia successor B. Petri, cujus Patrimonium vocatur, quod habet dominium temporale Romana Ecclesiæ.

2. Si autem spiritualibus tantum, & Ecclesiasticis rebus tractandis, Legati deputentur, Legationis suæ litteras tenentur exhibere. Hoc enim tam canonico, quam civili jure cautum est cap. *Cum in jure peritus de offic. deleg. & lege unicâ cod. de mandatis Principum*. Sed eorum facultates, aut jurisdictionem restringere, aut etiam examinare, ad potestatem sæcularem non pertinet. In hujusmodi enim rebus Principes Papæ subsunt, nec sine ordinis à Christo constituti confusione ejus mandata suæ, vel Judicium suorum, censuræ subicere possunt.

3. Equidem si Regi justa esset timendi causa, ne quod ex Legatione detrimentum in legitimis suis juribus pateretur, non illi vitio verteretur, quod illud modo congruo præcaveret. Ita refert Henricus Spondanus ad annum 1625. num. 5. & Puteanus cap. 23. num. 82. Cardinalis Francisci Barberini facultates, non nisi cum hac conditione admittas fuisse, quod intra sex septimanas Breve Pontificium obtineret, quo titulus Regis Navarræ per incogitantiam omissus diceretur, non autem ut inde aliquod præjudicium Regi Franciæ

in jus Regni Navarræ fieret. Sed obtentu conservandorum Regis aut Regni jurium, omnia Papæ mandata circa res spirituales, & Ecclesiasticas, Judicium sæcularium arbitrio permittere, justitiæ, antiquorum Gallorum religioni, & Ecclesiæ Romanæ autoritati repugnat. Itaque omnia illa exempla, quæ à Puteano cap. 23. & 24. afferuntur, eâ tantum ratione justa esse possunt, si Regibus Franciæ, aut eorum Curiis propositum fuit verajura Regia tueri, non autem potestatis Pontificiæ exercitio impedimentum præstare.

4. Id agnoverunt Reges Franciæ, etiam Philippus IV. tempore dissidii cum Bonifacio VIII. ut probat unus ex articulis missis à Bonifacio ad Philippum per Cardinalem Sanctorum Marcellini & Petri, cum responsione Regis. Est enim articulus ille hujusmodi, à Puteano relatus cap. 23 num. 2. *Item ad denuntiandum, & declarandum eidem, quod Romanus Pontifex Legatos de Latere, ac Nuncios liberè mittere potest ad quavis Imperia, Regna, vel loca prout vult, absque petitione cujuslibet, vel consensu, usu, vel consuetudine contrariis non obstantibus.* Non poterat jus sanctæ Sedis clariùs & apertiùs explicari. Quid igitur ad hæc respondit Rex Philippus, quem vel Ecclesiæ cum suorum jurium dispendio, vel personæ ipsius Pontificis, jam sibi odiosæ, impensius fuisse nemo suspicabitur. Respondet Rex, quod non impedivit, nec impedire intendit, Legatos, Nuncios, vel alias quasumque personas, quò minus liberè ingredi valeant Regnum suum, nisi sibi & Regno sint legitimè ratione suspecti, vel aliàs habeat justam causam.

5. Quæ prædictus Puteanus sub numeris sequentibus descripsit, schismate, quod, uti jam sæpè notavimus, maximam disciplinæ Canoniciæ confusionem invexit, posteriora sunt; & quid factum fuerit, non quid fieri debuerit, plerumque ostendunt. Numero autem primo proponit exempla epistolæ fidei publicæ, seu salvi conductûs, à Carolo Majore-domus dati Bonifacio Episcopo misso S. Petri in Franciam venienti; sed quod Legati sanctæ Sedis protegantur, & defendantur, ad officium Principum spectat; qui eos in suæ Legationis exercitio juvare debent, impedire nequaquam sine injuria possunt. Citat præterea Glabrum Rodolphum, cujus testimonium alibi expendemus: & epistolam Concilii Africani ad Papam Cælestinum, de qua modò pauca dicenda sunt.

6. Ad-

6. Adverte hîc , quod in pluribus aliis locis licet observare , quomoddò erga sanctam Sedem sit affectus Puteanus. Prætermisiss enim exemplis , in quibus moderatio , & justitia magis elucent , ea tantùm seligit , in quibus vel animi commotione , vel ignorantia , vel aliquâ aliâ causâ est aliquid actum adversus summos Pontifices , etiamsi ad propositum non faciant. Misêrat Papa Zosimus paulò ante mortem Legatos in Africam occasione appellationis , quam Apiarius Presbyter à sententia Episcoporum Africanorum ad sanctam Sedem emisserat , liqûe à Conciliis Africanis recepti fuerant. Sed quia eorum facultas , seu jus sanctæ Sedis ad mittendos in Provincias Legatos pro judicio interpositarum ad se appellationum , Canonibus Concilii Sardicensis , sub nomine Nicæni , à Zosimo confirmatum fuerat : & Episcopi Africani , quibus ignoti erant Canones veri Concilii Sardicensis , quiqûe inter Nicænos non legebant eos , qui sibi allegabantur , scripserunt ad Bonifacium Zosimi , intereâ defuncti , successorem , rogantes ut ab Ecclesiis Orientalibus exemplaria Concilii Nicæni sibi mittenda curaret , & spondentes se interim servaturos , quæ in Commonitorio Legatorum continebantur. Apiarius , petita veniâ communioni restitutus , in nova crimina relapsus est , propter quæ rursus ab Episcopis Africanis est excommunicatus , sed à Cælestino Bonifacii successore in communionem receptus est ; missusqûe Faustinus Legatus in Africam , ut ejus causâ maturè discussâ definitivum ferretur judicium. Apiarius crimina sua in Concilio confessus , justè se excommunicatum fuisse demonstravit.

7. Episcopi Africani indignati , quod scelerari criminum poenas evaderent , aut saltem diu effugerent , atque adeò justorum judiciorum vim eluderent , rescripserunt Cælestino epistolam illam , quam innuit Puteanus , quamqûe hæretici , & alii , qui sanctæ Sedis autoritatem impatienter ferunt , tam frequenter , tamqûe importunè obtrudere solent. Eam sanctæ Sedis juribus minimè adversari aliqui arbitrantur , nec in ea appellationes ad sanctam Sedem , vel Legationes in Provincias ad judicandas illas appellationes improbari , sed modum dumtaxat ; idqûe significare videntur hæc Concilii Africani verba , seu adverbia ; *Facilius , festinatè , precipitanter , prapropè , indebi-*

zē. Sic enim scribit ; *Præfatio itaque debita salutationis officio impendio deprecatur , ut diinceps ad vestras aures hinc venientes non FACILIVS admittatis , nec à nobis excommunicatos in communionem ultra velitis accipere : quia hoc etiam Nicæno Concilio definitum facile advertet Venerabilitas tua. Nam etsi de inferioribus Clericis , vel Laicis videtur ibi præcaveri , quanto magis hoc de Episcopis voluit observari , ne in sua Provincia à communione suspensi , à tua Sanctitate vel FESTINATO , vel PRÆPROPERA , vel INDEBITE videantur communioni restitui. Cælestinus autem ideò in antecessum Apiarium absolverat , quia eum ad se provocasse crediderat , ut notat idem Concilium ; Quem tua Sanctitas credens appellasse , ( quod probare non potuit ) communioni reddiderat : quæ verba jus appellationum recipiendarum summo Pontifici competere innuunt.*

8. Equidem tam frequenter Romani Pontifices hæreticorum , atque improborum technis decepti , recta Episcoporum judicia suspendebant , ut iusta videretur Africanorum quærela , si eo tantum spectabat , ut major adhiberetur ad vitandas ejusmodi fraudes cautela. Non enim solus restitutionem suam suffuratus fuerat Apiarius , sed paulò antè Pelagius , & Cælestius Zosimo Catholicos se fingentes , ab eo ut Catholici habiti fuerant.

9. Si autem , ut aliqui ex illius epistolæ contextu colligunt , etiam appellationes ipsas ad sanctam Sedem , atque ad cò Legationes ad illas judicandas rejiciebant Episcopi Africani ; ea erat causa , quia , ut suprà diximus , Canones veri Concilii Sardicensis ignorabant , & disciplinam in illis constitutam in Canonibus Nicænis , sub quorum nomine , quia nimirum Nicæni cæteros præbant , secundum usum jam inductum , citabantur , non reperiebant. Sed ubi tenebræ illæ dissipatæ sunt ; & appellationes ad sanctam Sedem , & ejus Legationes in Africa , sicut in aliis Provinciis Christianis , liberè admissæ sunt , quod pluribus exemplis comprobari posset. Videri potest S. Leo epist. 87. non longè post id tempus scripta , & S. Gregorius , qui lib. 2. epistola 33. ad Columbum Episcopum Numidiæ scribit in hunc modum ; *Fraternitatem tuam scriptis presentibus duximus adhortandam , ut veniente ad te Hilario Chartulario nostro , adunato Episcoporum universali Concilio , habito præ oculis terrore venturi Judicis , causa eadem ( scilicet Maximiani Episcopi , qui prænio*  
cor-



corruptus Donatistarum Episcopum fieri permiserat ) subtili, ac solerti debeat indagazione perquiri.

10. Sed & antè tempus scriptæ epistolæ supradictæ auctoritatem suam in Episcopos Africanos Romanus Pontifex exercuerat, teste S. Augustino, qui unus fuit ex Patribus epistolæ prædictæ Autoribus. Is enim paulò antè sancti Cælestini iudicio se submiserat, ut patet ex ejus epistola 262. in qua alia refert exercitiæ Pontificiæ jurisdictionis exempla. *Existat, inquit, exemplo ipsâ Sede Apostolica judicante, vel aliorum judicata firmante, quosdam pro culpa quibusdam nec Episcopali spoliatos honore, nec relictos omnimodis impunitos. Qua ut à nostris temporibus remotissima non requiramus, recentia memorabo. Clamet priscus Provincia Casariensis Episcopus, &c.*

11. Denique quorsum hanc epistolam citat Puteanus, cum in ea nulla Principum, pro quibus tamen ipse in hoc capite certat, fiat mentio? Satis nimirum illi est, ut auctoritatem sanctæ Sedis deprimat: nam facilè postea Episcopi, quibus favere adversus summos Pontifices videtur, Regum potestati subjiciuntur.

12. Illustrissimus Petrus de Marca lib. 6. de concord Sacerd. & Imp. cap. 19. num. 7. & seqq. affert exempla, primò Vigili Papæ scribentis ad Auxanium Episcopum Arelatensem, *Se pro ejus pietatis affectu, & pro gloriosissimi Regis Childeberti Christiana devotione mandatis suas ei vices conferre: & ad Aurelianum Auxanii successorem, se eandem administrationem committere, Childeberti Francorum Regis Christianâ, & Deo placitâ in perhibendo ei testimonio voluntate accedente.* Secundò Pelagii primi ad Childebertum scribentis *se secundum petitionem ejus Legatum constituisse, seu Vicarium Sapaudum Arelatensem.* Tertiò S. Gregorii à Regina Brunehilde mittendi in Galliam Legati licentiam postulantis. Ex quibus infert necessarium esse Regum consensum, ut Legati facultatibus suis utantur in Gallia. Verum ex his exemplis aliud quidquam inferri non potest, quàm postulatam aliquando illum consensum, ut res ex ambarum potestatum concordia feliciùs gererentur, & Principes libentius opem suam præstarent Legatis, si quando eâ indigerent; aliquando ipsosmet Principes intercessores adhibitos ab Episcopis ad obtinendam Legationem; non autem necessarium omninò esse prædictum consensum.

13. Si

13. Si ad spiritualia tantum negotia destinentur Legati, eos Principum consensu non egere, nisi ut eorum ope, quæ sibi sunt injuncta facilius exequantur, per se patet, & probari potest pluribus exemplis Legatorum à summis Pontificibus, non petita ullâ Principum licentiâ, missorum. Ita missus est Petrus Damiani ab Alexandro II. circa an. 1062. ut constat ex hujus Pontificis epistola 21. apud Philippum Labbeum tom. 9. Concil. in qua nulla fit Regis mentio. Ita Callistus II. Cardinalem quemdam misit, eumque Ludovico VI. commendavit his verbis, quæ significant Principum quidem esse, Legatos juvare, non autem circa eorum Legationem aliquam jurisdictionem exercere. *Sane Charissimum filium nostrum sanctæ Sedis nostræ Presbyterum Cardinalem nobilitati tuæ assentiens commendamus. Nos enim à latere nostro eum secundum antiquam Sedis Apostolicæ consuetudinem ad terram potestatis tuæ pro corrigendo & confirmando, quæ corrigenda, & confirmanda fuerint, delegamus. Regamus igitur Excellentiam tuam, & in Domino commoneamus, ut eum tanquam Vicarium nostrum reverenter suscipias, honeste habeas, & ita ei facultatis tuæ consilium, & auxilium præbeas, quatenus sibi injunctum possit Ministerium adimplere.* Callist. II. epist. 23. Nec afferri potest exemplum aliquod magno schismate antiquius, vel certum aliud argumentum, quo prædicti consensus necessitas ostendatur.

14. Imò Principes, sicut & cæteros, Legatis Apostolicis obtemperare debere in rebus spiritualibus, & Ecclesiasticis ratio suadet, & confirmant exempla. Gregorius VII. epist. 5. append. 2. apud prædictum Labbeum tom. 10. scribit non solum *Omniibus Archiepiscopis, Episcopis, Abbatibus*, sed etiam *Regibus, Principibus, Clericis quoque, ac Laicis in Narbonensi Gallia, Guasconiæ, Hispaniæ Regione*; & tamen indiscriminatim ab omnibus recipi jubet *Amatum Oloronensem Episcopum S. R. E. Legatum; Quem, inquit, sicut nostram, imò B. Petri præsentiam vos suscipere, Apostolica auctoritate jubemus.*

15. Gregorii forsitan ingenio tribueretur ea formula, quæ auctoritatem maximam significat. Sed alii Pontifices ante ipsum, licet animi minus generosi, aliam etiam vivaciorem usurparant. Joannes VIII. mitis adeò indolis, ut ignaviæ ab aliquibus accusaretur, licet ageretur de Dominio Principum Francorum, Legatos misit, & eorum Legationem hæc clausulâ

fulâ corroboravit epist. 3. apud Sirm. tom. 3. quæ est ad Episcopos in Regno Ludovici Regis Baioriæ constitutos. Nam cuiuscunque sit gradus, ordinis, sublimitatis, sive professionis, qui cum presentibus Legatis nostris, Joanne Siculensi, itemque Joanne Tuscanensi, venerabilibus Episcopis, quos vice nostrâ illas in partes ad examinanda simulq; definienda Canonice sive legaliter, qua hoc anno inter utrosque emersere negotia, convenire in loco ab eis designato, eisq; satisfacere humiliter detrectaverit, auctoritate Dei Omnipotentis, sanctorumque Apostolorum Petri & Pauli, nostraq; mediocritatis, veniam sibi deinceps denegari, nec amodo communionis nostræ, ut verbis sanctissimi Prædecessoris nostri utamur, futurum esse consortem, quisquis esse noluerit disciplina. Hanc ultimam clausulam repetit epist. 4. quæ est ad Comites in eodem Regno constitutos.

16. Ultimis quidem temporibus inductus est usus, ut non solum de assensu Regum Christianissimorum Legati suis facultatibus utantur; sed etiam ut illæ facultates verificentur, imò aliquando modificatæ sunt. Sed ipsa rei novitas eum usum à Libertaribus Gallicanis, quæ antiquitate nituntur, excludit. Nam ut ait prædictus de Marca dicto libro 6. cap. 31. num. 8. prima omnium modificatio singillatim facta continetur in litteris Francisci I. pro Legatione Cardinalis Carnosini anno 1514. quod tempus causam indicat, nimirum gravissima dissidia, quæ paulò antea intercesserant inter Ludovicum XII. Francorum Regem, & Julium II. Romanum Pontificem, quæque inter eorum successores nondum plenè composita fuerant, ut non mirum sit, si eâ diligentia voluerit Rex præcavere, ne quid in Regno suo contra se Legati Apostolici molirentur. Verum ex huiusmodi casibus prorsus extraordinariis regulam generalem conficere, contra omnes juris, & rationis leges est.

## C A P U T IX.

*De publicatione Indulgentiarum, de collectione Eleëmofynarum, & de possessione Beneficiorum.*

*Ad capp. 25. & 26. Puteani.*

1. **C**apite 25. in Regem confertur potestas impediendi, ne absque sua vel Parlamentorum licentia, Indulgentiæ publicentur; ne quærantur eleëmofynæ illarum occasione; neve instituantur Societates seu Confraternitates. Si qui abusus in hujusmodi publicationem, quæstum, aut Societates irrepserint, Canonum contra illos editorum executionem Principes laudabiliter urgebunt; ac si quid sub pietatis specie contra Regem, aut Regnum aliqui machinarentur, possent à Magistratibus comprimi. At, si ea Religionis officia ad id, ad quod sanctè sunt instituta, colliment, ea bona impedire posse, non est Ecclesiæ libertas, nec jus Principum Christianorum. Earum rerum cura ad Episcopos non ad Magistratus sæculares spectat.

2. Reditus Beneficiorum temporales sunt; sed jus eos percipiendi, nonnisi spirituale dici potest, utpotè fundatum in celebratione Divini Sacrificii, recitatione Horarum Canonicarum, administratione Sacramentorum, exercitio spiritualis jurisdictionis, & cæteris spiritualibus operibus. Quare nemini unquam dubium fuit, quin Simonix crimen ab iis patretur, qui Beneficia vel emere, vel vendere, aliove contractu, non gratuito distrahere, vel accipere præsumpserint, quod necessariò res esse sacras, & spirituales supponit. Quomoddò ergò ad judicium sæculare spectaret controversiarum beneficialium decisio?

3. Undè Judicibus Laicis esset potestas Curatos, Canonicos, aliosque Beneficiarios, suis Placitis, seu, ut vocant, Arrestis constituere? Numquid si vitiosus sit ejus, cui favent, titulus, possent ipsi jurisdictionem spirituales conferre, ut valida sint, quæ confecturus est, Sacramenta.

4. Fatentur, qui Laicam jurisdictionem ad has materias pro-

ten-

tendunt, Judices sæculares non de petitorio, sed de possessorio, non de jure, sed de facto debere sententiam ferre, hoc est non definire, quæ provisio sit canonica vel vitiosa; sed quis magis legitime possidere videatur, ut is in sua possessione servetur, donec de jure prolata fuerit ab Ecclesiastico Judice ultima sententia; idque ne partes ad arma concurrant, quod frequenter accidit, dum plures rem eandem possidere conantur; quodque ne accadat, inquiunt, Principis est impedire. Sed nonne de possessorio, sicut de petitorio per plurima sæcula jus dixerunt Officiales Ecclesiastici in Gallia, sicut in aliis Provinciis Christianis? Cur ergo gens adeo antiquitatis retinetur à veteri illa disciplina recessit? Hæc certe immutatio Episcopis tribuenda non est. Fatetur enim Carolus Fevretus lib. 4. de abusu cap. 11. num. 6. ab illis ægrè admodum admissam.

5. Primam prætensi à Judicibus sæcularibus juris probationem petit Puteanus à quadam deliberatione Senatus Parisiensis anno 1411. vetantis, *Ne Cardinalis Pisanus Joannis XXIII. ad Carolum VI. Regem Francia Nuncius, seu Legatus diceret Regem, ejusque Judices, præcipue Curiam ipsam non posse de causis possessorii Beneficiorum cognoscere.* Hæc quidem verba probant intentionem Senatûs, sed non ejus justitiam. Cæterum tunc usus ille adeo erat Pontificis illius Curia incognitus, adeoque iis, qui eum norant, improbatus, ut prædictus Cardinalis scripserit in epistola, circa quam deliberabat Senatus; *Deus scit QUANTVM ECCLESIASTICÆ JURISDICTIONIS (notentur hæc verba) QUOTIDIE VSRPATVR. De omnibus causis Ecclesiasticis possessorii indistinctè cognoscunt, inter personas Ecclesiasticas, Religiosas, Abbates, Episcopos, ac etiam Cardinales. Et totum procedit à Clericis, qui sunt in illa Curia. Licet autem tunc schismatis tempus esset, multaque permittere cogerentur Pontifices, quorum partes Gallia sequebatur, adversus Ecclesiasticam libertatem, magnam tamen retinebant autoritatem in Ecclesia Gallicana, etiam circa controversias beneficiales, ut testantur prædicti Joannis XXIII. litteræ, præsertim quæ referuntur à Bulæo in tom. 5. histor. Univers. Paris. ad an. 1412. ante finem.*

6. Puteanus numeris 2. & 3. profert duas Constitutiones Martini V. declarantis pœnas aliâ sua constitutione latas in

eos, qui ad Judices sæculares recurrerent in causis Ecclesiasticis, nominatim in beneficialibus, non officere subditos Regis Franciæ. Verum illæ litteræ, Judicum Regiorum conscientiæ in tuto ponendæ impares sunt. Confirmant etiam duntaxat jus, si quod erat, nullum autem concedunt. *Per hoc autem nullum jus, seu jurisdictionem in præmissis cognoscendis eidem Regi de novo acquiri volumus, sed antiquum, si quod habet, tantummodo conservari.*

7. Allegatum enunciatur ipsam Regem, & suos Progenitores super omni possessorio a tanto tempore, quod de eius contrario memoria non existat, consuevisse cognoscere; Quæ conditio deficiebat, cum nondum eo tempore passim & constanter lites de Beneficiis coram Judicibus sæcularibus agitentur, ut monumenta etiamnum extantia testantur; undè mirum est Carolum Fevret. qui lib. 4. cap. 11. num. 3. autoritate Joannis Galli, & Guidonis Papæ, probat eum usum tempore Martini V. non fuisse constantem, renitentibus nimirum Episcopis, imò testimonio Philippi Probi confirmat centum post id tempus annis Ecclesiasticos Judices de possessorio Beneficiorum cognoscere potuisse cumulativè cum laicis, quibus eam cognitionem permiserat Romanus Pontifex: Mirum, inquam, est cum in illo ipso numero affirmare possessorium beneficiale nunquam in Curia Ecclesiasticis fuisse tractatum, & numero 2. ejusdem capitis coronæ jus illud esse, ac verè Regium. Ita scilicet constant Libertates Gallicanæ, ut qui eas justas ostendere nituntur, sibi ipsis non possint non contradicere.

8. Constitutiones illæ, seu privilegia indicant facultatem Judicum Regiorum exerceri tantum inter Clericos, Ecclesiasticosq; personas, ad Beneficiorum suorum possessionem ipsius Regis auxilium implorantes; puta ne quis per vim à sua possessione deturbetur, præsertim in casu possessorii retinenda possessionis. Itaque Beneficiorum fructus essent tantummodò sequestro committendi, ut diremptâ lite apud Ecclesiasticum tribunal victori consignarentur, vel potius ille, cujus titulus Episcopi judicio magis probatus fuisset, in possessione esset defendendus, aut si per vim ab ea fuisset deturbatus, autoritate Regiâ restituendus. At nonne sup r tituli validitate pronunciant Judices Laici, siquidem, ut notat Petrus Rebuffus, discrimen inter profanum, &

bc-

beneficiale possessorium interponitur , ut in profano sola possessio , à qua quis se dejectum conqueritur , in benefici-ali autem provisiō , seu titulus attendatur.

9. Etiam si possessorii nomine donentur causæ beneficiales apud sæculares Judices , revera tamen ut petitoria judican-tur : tum quia , ut diximus , ex titulis dirimuntur : tum quia super iis iudicium ab Ecclesia non profertur. Pars enim , quæ in possessorio succubuit factis primæ litis sumptibus , qui maxi-mi sunt , plerumque prosequendæ secundæ impar est , nec dilationes , & cavillationes partis adversæ , quæ , cum fructi-bus gaudeat , processum , si possit , in infinitum protrahet , se unquam superaturam esse confidit. Imò , ut insinuat Caro-lus Fevret. Tract. de abusu lib. 4. cap. 11. num. 6. post Loüet-um , datâ super possessorio sententiâ , non fineretur quis ab Ecclesiastico Judice contrarium iudicium obtinere , vel illud executioni demandare , nisi fortè novum jus coram sæcula-ri non allegatum supervenisset : quasi tanta sit Judicis sæ-cularis de re spiritali decernentis peritia , tanta ejus auto-ritas , ut possessionem tantum discutiens , jus ipsum certissi-mè attingat.

10. Possessio propriè rerum temporalium est. Cur ergo quod in Beneficiis est spirituale , Ecclesiæ non dimittitur om-ninò ? Cur Episcopo , cui sæpe constat alterum ex litiganti-bus jus nullum habere , non licet alteri , cujus Canonicus est titulus , Beneficii officia exequenda committere , præ-ferunt cum jurisdictionem spirituales requirunt , ac sine il-la salus animarum certissimæ ruinæ patet ? Cur arguetur tan-quam sua potestate abusus Prælati , si confessiones audire inhi-beat ei , quem norit verè non esse Curatum , atque adeò nullâ jurisdictione præditum , imò fortè jurisdictionis incapa-cem ? An toleranda erunt innumera sacrilegia , ne lædatur reverentia Judici Laico debita , apud quem causa possessionis tractatur ?

11. Delicior erat conscientia Judicum sæcularium tempo-re Joannis Galli , hoc est circa initium decimi quinti sæculi. Is enim quæst. 136. testatur , tunc non admittendam fore que-relam ( Galli vocant *Complainte* ) pro possessione Beneficii Curati , aut ejus fructuum , quia , inquit , hoc erat merè spirituale.

12. Post Martini V. declarationes assertur à Puteano num. 4. alia Eugenii IV. earum primam confirmantis. Verùm illa provisionalis tantùm est ; donec aliud autoritate præfatâ desuper ordinatum fuerit. Neque generalis est , cùm primam tantùm Martini V. declaret ; „ atque aded malè hoc ei lemmæ præfixit Puteanus ; Bulla Eugenii IV. quâ declaratur , „ Bullas Pontificum circa possessorium Beneficiorum non habere locum in Francia.

13. Breve Leonis X. ad Præsidentes , & Consiliarios Parlamenti Curie Tolosane exhibet Puteanus num. 7. ut ostendat Judicem in Francia cognoscere de possessorio Beneficiorum , approbante Papâ. In eo brevi , quod non extat in Regestis Pontificiis , supponitur commendari Senatui Tolosano Joannes de Anseduna litterarum Apostolicarum Abbreviator , cui Papa Beneficia contulerat , super quibus lis erat in dicto Senatu. Verùm præterquam quod hoc non est approbare saltem expressè usum judicandi de possessorio Beneficiorum ; ejus Pontificis mens certius perspicitur in iis , quæ Concilio generali prædens fecit , quam in litteris , quæ ab Officiali Curie suæ proprio commodo studente , furtim obtineri potuerunt. Leo X. à quo dicitur datum prædictum Breve die 17. Novembris 1513. mense sequenti , hoc est 17. Decembris ejusdem anni in Concilio Lateranensi sessione 8. monitorium pœnale decrevit adversus Senatores Parlamenti Aquisextiensis , Ecclesiasticam jurisdictionem violantes in variis capitibus , quorum unum erat de cognitione causarum Beneficialium. Quocirca id , de quo Judices sæculares in Francia cognoscunt , possessorium fictè dumtaxat dici , sed revera petitorium esse significavit , eumque usum abolere deliberavit. Erat enim articulus ille prædicti monitории expressus his verbis ; *Causas spirituales & beneficales non tantum super possessorio , sed etiam POSSESSORII CONFICTO COLORE SUPER TITULO AUDIUNT* , &c. Nonne illa est possessorii ratio , quam hodiè Judices Galli ad suam jurisdictionem pertinere contendunt ? Non tantum de possessorio , cujus cognitio ad petitorii Judicem de jure spectat , sed de petitorio ipso quantumvis spirituali , hoc est de titulo , *possessorii conficto colore* judicant. Nec enim quis de facto possideat,



deat, sed quis justiore possidendi titulum habeat, examinant, & cum tuentur, etiam si Beneficii animarum Cura, vel jurisdictio spiritualis insit.

## C A P U T X.

*De puniendis auctoritate Regiâ Clericis in officio laico delinquentibus, Hæreticis quietem publicam turbantibus, & Concionatoribus seditiosis: de Alienigenis ad Beneficia Regni non admittendis: ac de officiis Ecclesiæ Gallicanæ: ad capita 27. 28. 29. & 30. Puteani.*

1. **C**apiti 27. hunc titulum præposuit Puteanus, „Posse „Regem de crimine Officialium suorum Clericorum, „quod in officiorum suorum exercitio admisserint, judicare; „non obstante privilegio Clericali. Hoc probat num. 1. quoddam Senatusconsulto post medium sæculum 13. dato. Agebatur de cæde duorum hominum in carcere Cathalaunenſis Episcopi. Quæstio erat, an ejus rei Judex esset Senatus. Negabat Episcopus, allegans privilegium Clericale; affirmabat pars altera, eo quod ageretur de culpa admissa occasione jurisditionis Laicalis, Episcopo tanquam Baroni & Pari Franciæ competentis, atque ita judicatum est. Sed hoc judicium non dirigebatur propriè in personam ipsius Episcopi, sed in exercitium jurisditionis à Rege acceptæ. Neque fuisset ei pœna indicta, si ulterius processum fuisset, & probata fuisset Episcopi negligentia (non enim addit Puteanus, an illud Senatusconsultum effectum aliquem sortitum fuerit) nisi in jurisditione ipsa: ut patet ex instrumento sequenti.

2. Nam post id tempus, scilicet anno 1313. Rex, qui, ut probat Henricus Spondanus, tunc erat Philippus IV. dictus Pulcher in litteris à Puteano ibidem num. 2. exscriptis, declarat, Parlamentum, Guilielmum Boutellum Clericum Reportatorem Regium Inquestarum privasse officio, eò quod processuum & Inquestarum secreta revelaret; sed hoc modo: primò ad requisitionem Officialium Parlamenti. Secundò per Offi-

Officiale Episcopi Parisiensis, & ipsius Ordinarii captus fuerat, & ejus bona mobilia sequestro commendata. Tertiò consultus fuerat Rex, an ulterius esset procedendum; qui responderat puniendum esse, quantum ad ipsum pertineret. Quartò reus per propriam confessionem, & aliis probationibus convictus officio Regio privatus fuit. Quintò intra hos terminos stetit Parlamentum; *Adjungentes* (verba sunt ipsius instrumenti, seu Litterarum Regiarum) *quod ipsi dictum Officiale (Episcopi Parisiensis) non intendebant impedire, quatenus ipse de dicto Guilielmo, & ejus bonis predictis, prout ad eum pertinet, faciat, quod rationabiliter fuerit faciendum.*

3. Ubi aliud est notatu dignum, & hodiernæ Gallorum doctrinæ adversum, scilicet de bonis saltem mobilibus Clericorum judicium, etiam ex Regis jurisdictionis suæ studiosissimi, & acerrimi vindicis sententiâ, ad Officiales Ecclesiasticos pertinuisse.

4. Numero tertio exstat Senatusconsultum anni 1496. (notanda epocha, tempus scilicet dissidii inter Alexandrum VI. Pontificem, & Carolum VIII. Francorum Regem) quo quidem Senatusconsulto ad pœnas, officii Regii privatione majores, damnatus est Clericus in Parlamento Parisiensis Consiliarius. Sed num. 4. profertur Bulla Clementis VII. quæ tum prædicti Senatusconsulti, tum aliarum, si quæ sint, probationum vim elueret. Quamobrem laudarem Puteanum hîc, & alibi sæpè de bona fide, quia testimonia efficacissima contra se-ipsam adducit, nisi ex propositis sibi lemmatibus constaret, eum in ejusmodi probationibus attendisse, non ad id, quod Ecclesiæ jus manifestè asserere perspicitur, si ab æquo Judice legatur, sed quodei adversari videbatur; qua de causa magnoperè cavit, ne quid afferret ex iis, in quibus solius Ecclesiæ jus elucet. Numero igitur quarto exstat Bulla Clementis VII. Francisco primo concedentis facultatem puniendorum Clericorum in Officiorum Regionum exercitio delinquentium.

5. Fuit autem data hæc Constitutio; primò ad instantiam Regis; *Pro parte tua Majestatis nobis nuper exhibita petitio cominebat. .... Pro parte tua nobis fuit humiliter supplicatum. .... Nos itaque hujusmodi supplicationibus inclinati.* Secundò pro Clericis uxoratis, non bigamis

mis officia merè laica exercentibus ; Quod quandoque tua Majestatis Officiales Clerici uxorati officia merè secularia in Regno tuo, & aliis locis tibi subiectis exercentes, eo sibi velamine confecto, quod cum unica, & virgine conjugati privilegio Clericali gaudere debeant, & à Judicum secularium examine & correptione exempti existunt, &c. Ex quibus constat ante id tempus, idest ante annum 1530. non fuisse, saltem legitime, judicatos à Judicibus sæcularibus Clericos, nisi qui privilegio Clericali carebant. Tertio facultas puniendi Clericos conjugatos Officiales Regios eâ conditione Regi concessa est, ut Clericos etiam conjugatos, qui non essent Officiales Regii, privilegio Clericali faceret gaudere ; *admodum alios Clericos conjugatos privilegio Clericali gaudentes, tuos Officiales non existentes, dicto privilegio Clericali gaudere facis.* Quarto non solum Pontifex in ea Bulla, sed etiam Rex in litteris patentibus ad ejus verificationem datis, & ibidem à Puteano relatis, declaravit illam facultatem non à jure Regio, sed à concessione Pontificis emanasse. *Autoritate Apostolicâ*, inquit Papa, *tenore præsentium licentiam concedimus*, scilicet puniri faciendi Clericos conjugatos, etiam monogamos in officiorum sæcularium exercitio delinquentes. Rex autem enunciat se ad Papam recurrisse, Bullam prædictam impetrasse, eamque post examen judicatam supplicationi suæ conformem, & Regni sui bono admodum utilem. Quinto, Privilegium illud, factâ expressâ Bullæ mentione, ab eodem Francisco I. & ejus filio Henrico II. adductum, probant exempla ibidem à Puteano subjuncta.

6. Nescio quomodo non vidit Puteanus sibi etiam apertissime adversari, quod refert ultimo loco ex Constitutionibus Barcinonensibus manuscriptis Jacobi II. Aragoniæ Regis anno 1291. scilicet ; *Item quod aliquis Clericus, vel alius homo, qui habeat consuram, non possit tenere aliquo tempore aliquod officium nostrum, salvis Cancellario, & Consiliario nostro, & Eleemosynario nostro, & Judicibus, qui sciunt jus, pro eo quod si delinquerent in aliquo, quod nos possemus eos punire inde.* Quomodo inde assumptum suum probat Puteanus (nimirum posse Regem Clericos in officio Regio delinquentes punire, non obstante privilegio Clericali) cum è contra Rex Aragoniæ idem nolit habere Clericos Officiales, quia non posset eos punire ? An quia excipiuntur Cancellarius,

Pppp

rius,

rius, Confiliarius, Eleëmofynarius, & Judices jus scientes ? sed hæc exceptio ad prohibitionem refertur, non ad privilegium Clericale. Absurdum enim esset ita Regis mentem interpretari, ut intelligeret se inferiores quidem Officiales in officio à se accepto peccantes non posse plectere, obstante privilegio Clericali; posse autem, nihil obstante illo privilegio, in Eleëmofynarium, Cancellarium, & alios præcipuos animadvertere. Supponit è contra Rex, hujusmodi eximia officia non fore gerenda, nisi à viris, quorum perspecta sit probitas, quique sub spe impunitatis ob privilegium Clericale peccaturi non sint; atque adeò nec puniendi; vel saltem id tam rarò eventurum, ut eorum privilegium Regi non sit alaturum incommodum.

7. Capiti 28. hunc Puteanus titulum præfixit; *De judicio hæreticorum publica quietis perturbatorum.* Sed quod sit ejus consilium non satis apparet. Certum est, & plerisque actis illic relatis constat, ad Ecclesiam pertinere de controversiis Fidei judicare, qua in re Procurator Regius Senatus Aquensis respondens quibusdam articulis querelarum Officialium Pontificiorum anno 1527. declaravit ad articulum 16. æquum esse, ut de crimine hæresis Judicibus Ecclesiasticis relinqueretur judicium, ac revera nunquam de illo Judices Regios jusdixisse, nisi fortè seditio cum hæresi fuisset conjuncta, quæ declaratio refertur à Puteano in capite 36. num. 17. Ultrò fatetur Senatus Parisiensis, cujus Deputatorum oratio ad Carolum IX. Regem Franciæ anno 1560. habita, refertur numero ultimo, Imperatores, Reges, Principes & alias cujusvis ordinis, & conditionis personas Ecclesiæ subesse. Certum etiam est posse, imò & debere Potestates sæculares opem, autoritatemque suam ad extirpandas hæreses apertas, & corrigendos, vel puniendos subditos suos, doctrinam ab Ecclesia declaratam hæreticam profitentes, impendere, eoque tendunt reliqua fere omnia in eo capite contenta. Certum adhuc est, in profligatione hærescos, ac hæreticorum punitione, unicuique potestati suam jurisdictionem salvam esse debere, atque plura ex illis actis testantur sæpè unamquamque suas partes in Gallia explevisse. Contigit quidem interdum, ut potestas sæcularis Ecclesiasticæ fines ingrederetur; sed tuendæ Fidei necessi-

cessitas ad hujusmodi transgressionem attendere non sinebat, magisque laudabatur zelus, quàm reprehenderetur excessus.

8. Laudatur in eo capite, atque in sequenti exercitium Inquisitionis, quod tamen Galli moderni tantùm abest ut probent, ut etiam gravi odio prosequi videantur, quasi rem utilissimam, sub prætextu quorundam abusuum damnare præstet, quàm abusus, si qui illapsi sint, amputare. Nimiam queruntur à quibusdam Inquisitoribus adhibitam severitatem, nonnullos avaritiam sectatos. Verùm hæc, & similia, personarum vitia sunt, non officii. Sed nescio quâ fide Galli, ut sacro illi Tribunali odium concilient, illud accusant, aut sacram Indicis Congregationem, quasi Regum Interfectores patrocinetur, eò quod notaverit Senatusconsultum prolatum adversùs Joannem Castellum Henrico IV. Regi mortem inferre conatum, cùm nonnisi per atrocem, & apertam calumniam Sacre Congregationi tribui possit, quod probaverit tantum scelus, gravissimis pœnis expiatum, quandoquidem id tantùm in eo Senatusconsulto displicuit, quod censuris Apostolicis autoritas detraheretur.

9. Hæc autem non eò spectant, ut Inquisitionis exercitium in Gallia renovandum significem, sed ne sacrum illud Tribunal, Ecclesiæ tantoperè necessarium, & à quo Gallia ipsa maximos olim, uberimosque fructus percepit, debitâ sibi apud fideles reverentiâ careat. Illud quidem etiam viri verè Catholici non necessarium in eo Regno arbitrantur, ob Episcoporum vigilantiam, ac Regis pro Fide zelum, sed illud conviciis ac detractionibus prosequi, hominis est admodùm iniqui, vel criminum sibi consci, propter quæ à sacro illo Tribunali pleæi mereretur.

10. Prædicandi munus, si quod aliud in Ecclesia Dei, spirituale sine dubio est, ac proprium Episcoporum. Apostolis enim, quibus successerunt, præcepit Christus Marci ultimo: *Euntes in mundum universum predicate Evangelium omni creatura.* Quod ut exequerentur, curam pauperum, quantumvis laudabilem, dimiserunt Diaconis. Nos verò, inquiunt Act. 6. *orationi, & ministerio verbi instantes erimus.* Siquid igitur in eo munere peccetur ab iis, qui Episcoporum vice illud obeunt, ab Episcopis cor-

668 TRACTATUS DE LIBERTATIBVS,  
rigendi sunt, qui nimis hodie Regi fideles sunt, quàm ut  
delides sese præbituri sint in eo officio, si quid adversùs Re-  
giam Majestatem, aut contra publicam pacem prædicaretur,  
ut eorum negligentiam à se supplendam esse, non possint  
causari sæculares Magistratus. Debet quidem Laica potestas  
brachium suum, si opus sit, Prælati ad correctionem eo-  
rum, qui ministerio verbi scandalosè abutuntur, commo-  
dare, ut præstitum est nonnullis actis à Putcano cap. 29. ex-  
scriptis: suo autem jure non potest personas Deo sacras in  
functione Divinissima peccantes plectere. In exemplis, quæ  
adducit Putcanus, præterquam quod sæculo proximè elapso  
antiquiora non sunt, & solius potestatis sæcularis autoritate  
sunt munita, aut Ecclesiæ tantùm ad exequenda sua judicia,  
& Decreta collatum est auxilium; aut Reges, quorum nu-  
tabat Imperium, quique plures in Clero patiebantur Adver-  
sarios, jus suum, quod prædicationibus publicè impugnari  
audiebant, non alià posse tueri ratione arbitrati sunt, quàm  
si Prædicatores per suos etiam Judices comprimerent; quod,  
etsi legitimè factum fuisset, in consequentiam trahi nulla-  
tenus deberet: vel certè Judices Laici falcem in alienam mes-  
sem miserunt contra Canones, & contra morem antiquum  
Regni etiam Gallicani.

11. Quamvis secundùm jus Canonicum in conferendis Be-  
neficiis plerumque non sit attendenda personæ Patria; ratio-  
nes tamen non paucæ postulare videntur, ut uniuscujusque  
Regni Beneficia indigenis conferantur, quod Actis in capi-  
te 30. à Puteano relatis statuitur, dummodò digni reperian-  
tur. Sed hujusmodi statuta, cùm circa rem spirituales, nem-  
pè Beneficiorum dispensationem, versentur, ab Ecclesia eden-  
da essent, non à Principibus; nec tunc vim habere debent,  
cùm propter indigenarum defectum, aut aliam justam cau-  
sam magna Ecclesiæ necessitas, aut evidens utilitas illis de-  
rogari postulat; quæ omnia de Regularibus, de quibus etiam  
illic agitur, intelligenda sunt pari, & fortè majori ratione,  
quia illorum status à negotiis sæcularibus longius distat, &  
Regimen minùs est cum administratione politica connexum.

12. Missalium, & Breviariorum Ecclesiasticorum parti-  
cularium Franciæ, mutationem mandato, seu ordini, &  
per-

permissiōi Regis subjicere, quid aliud est, quàm Ecclesiam in rebus Diviniōis sœcularis potestatis servam facere?

13. Num sicut sine Regis mandato, ac licentiâ mutari non possunt libri sacrificii conficiendi formam continentes, itâ & contra indiscriminatim poterunt de ejus mandato, ac licentia? si quis ergo Regis religionem sefellerit, ac facultatem impetraverit inducendorum Codicum, in quibus desint verba consecrationis, admittendi erunt, ac juxta illos celebranda Divina Myſteria, & officia, etiamſi Clerus, & milites obſiſtant, & Deus ipse contrariam voluntatem miraculis signiſicet, quemadmodum contigisse in Ecclesia Toletana narrat Rodericus Toletanus in fragmento exſcripto à Puteano cap. 31. num. 4. quod tamen fabulæ, quàm historiæ ſimilius mihi videtur. Talibus ſcilicet Canonibus nituntur, quas ipse Autor vocat Libertates Gallicanas. Id ab eo libertas reputatur, quod in eo fragmento his verbis exprimitur; *Sed cum Rex (ſcilicet Caſtellanus & Legionenſis Alſonſus) eſſet magnanimus, & ſua voluntatis pertinax executor, nec miraculo territus, nec ſupplicatione ſuaſus, voluit inclinari, ſed mortis ſupplicia, & direptionem minitans reſiſtentibus, præcepit ut Gallicanum officium in omnibus Regni ſui ſuibus ſervaretur, & tunc cunctis ſlentibus, ac dolentibus inolevis pro-verbium; Quid volunt Reges, vadunt leges.*

14. Verùm, ſi hæc vel hiſtoria, vel fabula referenda putabatur, titulo capitis inſinuandum erat, mandato Regio præire debere præceptum Eccleſiaſticum. Itâ enim in principio fragmenti legitur: *Gallicanum Officium ſuſcipere à Legato, & Principe co-gebantur.*

15. Ex reliquis Actis in prædicto capite 31. relatis, illa quæ antiqua ſunt, nullam Regibus circa Divina officia tribuunt autoritatem, ſed ostendunt ſolummodò Eccleſiam Gallicanam ſuas habuiſſe orationes ſpeciales, vel ab Ecclesia Romana, petente Rege, acceptas; quæ autem acta récentia ſunt, præterquam quod generatim novitate ſunt ſuſpecta in materias, ubi pro conſervanda antiquitate certari dicitur; rationes, quæ Theologiæ Parisienſi adſcribuntur, adverſus eos, qui Breviarium ex decreto Concilii Tridẽtini correctum antiquo Parisienſi ſubſtituendum putabant, ſtylo aded irreverenti, & temerario ſcriptæ ſunt, & partim aded ineptæ,

670 TRACTATUS DE LIBERTATIBVS,  
tæ, ut meritò instrumentum eas continens Sorbonæ decreto  
proscriptum sit. Quod autem Puteanus, qui decreti illius  
meminit, adjungit, Curiam contra illud auctoritatem suam in-  
terposuisse, atque ita instrumentum tutum servasse, magis  
hac in parte Curie vim inferentis religionem obscurat, quàm  
justitiam demonstret.

16. Ego quidem fateor eam, quam de augusti illius Se-  
natus religione, & æquitate opinionem, lectis antiquis ejus  
sapientissimis, piis justisque Placitis, & præclaris pro Eccle-  
sia, & Republica gestis, conceperam, plurimum imminu-  
tam ob ea, quæ posterioribus temporibus adversus Eccle-  
siasticam jurisdictionem tentavit. Misera certè Ecclesia Gal-  
licana; siquidem ejus jura, testantibus in processu verbali  
Episcopis an. 1681. Parisiis congregatis, cæteri omnes illius  
Regni Judices minùs quàm Senatus Parisiensis servant illæsa.  
Quidenim v. g. Ecclesiasticæ Libertati, & jurisdictioni ma-  
gis infestum, quàm quod Arresto à Puteano relato ibidem  
num. 7. statuitur in materia Divinorum Officiorum; „De-  
„clarat malè & abusivè processum, ordinatum, & executio-  
„ni demandatum, cùm à dicto Episcopo (Andegavensi,)  
„tùm ab ejus Officiali, & Promotore. Ordinatur quod servi-  
„cium Divinum ordinarium in Ecclesia Trinitatis continua-  
„bitur. Inhibuit, inhibetque dicto Episcopo quidquam in-  
„novare in exercitio, & celebratione Divini servitii in Ec-  
„clesiis suæ Diocesis absque auctoritate Regis. En libertas  
Ecclesiæ Gallicanæ. En religio ejus defensorum, & protecto-  
rum. Major potestati sæculari adscribitur circa Divina officia  
auctoritas, quàm exercere sineretur Episcopus, imò summus  
Pontifex, vel Ecclesia universa congregata in Concilio Oecu-  
menico, Tridentino scilicet, de cujus exequendo Decreto  
circa Divina officia agebatur.

17. Sed gravius, quia generalius, est vulnus, quod in  
dicto Arresto sequitur, (nisi fortè aliquis Typographi er-  
ror est;) „Ejus quoque Promotori, & Officiali (inhibet)  
„ne curam, jurisdictionem, aut cognitionem suscipiant,  
„nisi quæ ipsis à Constitutionibus (Regiis) tribuitur. Consti-  
tutiones ergo Regiæ, jurisdictionis Ecclesiasticæ circa Di-  
vina officia sunt origo.

18. Equi-



18. Equitati, ac Religioni magis consentaneæ videntur litteræ Regiæ, quæ subinde afferuntur, cum Missalis, & Breviarii Ecclesiæ Romanæ usum permittant. Nihilominus Ecclesiæ Libertas offenditur, quodd in hujusmodi rebus necessaria putetur Regis autoritas. Ut enim notat jurium Regionum non negligens vindex Illustrissimus Petrus de Marca lib. 2. cap. 7. num. 1. *Cum ipsum Clericorum mysterium jure Divino sit institutum, quæ necessaria sunt ad illud explicandum, aut vindicandum, ei potestati commissa consentur, quæ jus imponendarum manuum à Christo Domino nostro accepit.*

## C A P U T X I.

*De Regularibus, & de aliis materiis Ecclesiasticis. Ad capp. 32. 33. 34. 35. 36. 37. & 38. Puteani.*

1. **N**OVOS Regularium Ordines in Galliam admitti non posse, vel illic stabiliri, aut nova Monasteria construi, absque expressa Regis licentia cap. 32. à Puteano probandum suscipitur. Qua in re cum possint interdum rationes civiles, & temporales cum spiritualibus commisceri, uniuscujusque potestatis est; quod ad ipsam pertinet curare; sed sub eo prætextu spirituali Regularium regimini, sive circa electiones, sive circa Capitula generalia, sive circa delictorum correctionem, de quibus agitur cap. 33. sese Magistratus sæculares immiscere sine injuria non possunt, præsertim dum eorum auxilium juxta Canonum præscriptum non imploratur.

2. Qua in re multifariam est peccatum; atque adeò graviter, ut mirum sit non erubescere virum Catholicum (qualem nescio non fuisse Puteanum) hujusmodi exempla in Libertatis Ecclesiæ Gallicanæ defensionem adducere. Quomodo enim cum fide Catholica cohæret, ut Censurarum usus penes Laicos legitimè reponatur? Affert ille in præd. cap. 33. num. 23. Senatus-Consultum anni 1599. quo Capuccino cuidam, nomine Archangelo à Podio, indicta est suspensio ab officio prædicationis per sex menses. Simplicem esse

672 TRACTATUS DE LIBERTATIBVS,  
esse prohibitionem ad removendum scandalum, quod ex  
Concionibus creandum timeretur, factam interpretarer, nisi  
temporis spatium suspensioni præscriptum censuræ Eccle-  
siasticæ formam exhiberet. Non enim per sex menses dum-  
taxat vitandum est scandalum. Itaque prohibitio illa pœna  
erat, non cautela dumtaxat.

3. Repugnat Religioni, & antiquæ Gallorum pietati, ut  
Adolescentibus, cum ad ætatem à Canonibus præscriptam  
pervenerunt, tollatur libertas, quæ ipsis jure Divino,  
ac naturali competit, genus vitæ, quod sibi ad salutem  
opportuniùs judicant, deligendi, sub prætextu servandi ho-  
noris Parentibus à filiis debiti: Quid enim, si Parentes,  
ut sæpè contingit, proprio affectui, aut familiæ utilitati,  
aut gloriæ, magis consulant, quàm Divino cultui, & pro-  
priorum filiorum perpetuæ felicitati? Hæc certè Jurispru-  
dentia cum omnium Theologorum, ac cum Sanctorum Pa-  
trum doctrinâ pugnat. Quomodò v. g. Senatus-Consultum  
anni 1602. prædicto cap. 33. num. 26. relatum Capuccinis  
prohibens generatim, filios absque consensu Patrum ad ha-  
bitum, aut professionem admittere, concordat cum exhor-  
tatione S. Hieronymi epist. 1. quæ est ad Heliodorum, quam  
quidem exhortationem, ceu Divinum quoddam Oraculum,  
omnibus deinde sæculis venerata est Ecclesia; licet *sparsa crine,  
& scissis vestibus ubera, quibus te nutrierat, Mater ostendas: licet in limine  
Pater jaceat: per calcatum perge Patrem; sicis oculis ad vexillum crucis  
evola. Solum pietatis genus est, in hac re esse crudelem?* Numquid fa-  
nitiùs, & sacris Canonibus magis consentaneè, judicatum  
fuerat anno 1583. referente Puteano ibidem num. 22. vetan-  
dum esse Parentibus, ne filium ab ingressu Cappuccinorum  
deterrent, si legitimam ætatem adeptus in ea voluntate per-  
severaret? Sed ita crescit in eo Regno pietas, & Religionis  
profectus, præsertim apud Laicos.

4. Atque hæc sunt iusta Dei judicia, ut personæ Eccle-  
siasticæ, sive sæculares, sive Regulares, quæ Superiorum  
Ecclesiasticorum Tribunal fugientes, ad Laicorum Curias re-  
currerant, quo se sanctiori disciplinæ subtraherent, aut for-  
tassis etiam, ut veras injurias repellerent, postmodum jugo,  
quod sibi ultrò, ac contra sacrorum Canonum prohibitio-  
nem

nem imposuerunt , adeò præmantur , ut officia magis spiritualia , & proprio statui magis convenientia , liberè exequi non sinantur. Ità dum Episcopi adversus Regulares privilegiis se tuentes ; Regulares adversus Episcopos Hierarchicâ suâ autoritate utentes ; Clerici adversus Episcopos , Regulares adversus Religionis Superiores , Laicos Judices adeunt , Ecclesiasticarum , & spiritualium rerum dispositionem ad ipsos devolvunt ; unde regimen Ecclesiæ penes sæculares potestates , potius quàm penes Ecclesiæ Pastores , residere in Gallia hodie videtur , quod verendum est , ne Deus ulteriori poenâ ulciscatur. Id probant diversa acta in hoc , & in aliis capitibus à Puteano descripta.

5. Utinam pro Monasteriorum reformatione toties à sacris Conciliis præscriptâ suam auctoritatem impenderent Potestates sæculares , ac non potius reformare conantibus hodiè obfisterent. Tamen dum Reformatoribus auxilium legitimè præstant , non jure proprio agere ipsis licet , ut intendere videtur cap. 34. sed ad executionem Canonum Ecclesiasticorum. Idem dicendum de variis disciplinæ Ecclesiasticæ articulis sub cap. 35. collocatis , in quibus tamen , ut patet ex actis illic relatis , Magistratus sæculares Ecclesiasticæ jurisdictionis terminos sæpè invadunt : quod ex ipsa rerum temporalium , & spiritualium , profanarum , & sacrarum distinctione faciliè dignoscitur.

6. Applicanda est eadem doctrina capiti 36. cujus titulus est ; „ Miscellanea diversarum materiarum ad Libertates Ecclesiæ Gallicanæ spectantium. Nec excusat Judices sæculares , quod , ut jam diximus , ipsæmet personæ Ecclesiasticæ jurisdictionem eis detulerunt , sive quod , cùm essent res , sperarent , eos sibi magis propitios , ob hanc voluntariam submissionem fore ( quod faciliè præsumi potest , v. g. de Episcopo illo Meldensi , qui ut habetur ibi num. 19. anno 1525. protestatus est. „ Se si reus probaretur , ab ea Curia puniri velle ; illud tribunal aliis omnibus præeligere ; neque „ alios postulare Judices ) sive quia Judicium Ecclesiasticorum præjudicia suis desiderijs magis adversari sciebant. Non enim minus sacra est Jurisdictio Ecclesiastica quàm sæcularis , ut ista non possit , possit illa ex consensu partium transferri ad

Judices aliàs incompetentes ; quod tamen volunt Judices sæculares , ut observare potes in responsionibus Procuratoris Regii Senatus Provinciæ , quæ referuntur num. 19. ejusdem capituli. Nam in responsione ad primum articulum officialium Romani Pontificis , defenditur usus incarcerationum à Laicis Sacerdotum , aliorumque Clericorum , ex eo quod pro debitis pecuniariis sigillo rigoroſo Provinciæ se submiſerint ; in responsione verò ad 13. negatur posse Laicos sese jurisdictioni Ecclesiasticæ submittere , nisi in casibus à jure præscriptis.

7. Sed non est prætermittendus primus articulus , notatu scilicet dignissimus ; nempe ; „ Urbem Gratianopolitanam „ locum esse , in quo Reges Franciæ , ac summi Pontifices „ sese invisebant. Is est titulus num. 1. præfixus. Numquid hinc concludendum est , Libertatis Ecclesiæ Gallicanæ partem esse , ut Papa Gratianopolim sese conferat , cum eum illic vocare Regi visum fuerit. Sub hoc num. ponitur epistola Hugonis Regis ad Joannem Papam sic scribentis ; *Gratianopolis Civitas in confinio Italia , & Galiti sita est , ad quam Romani Pontifices Francorum Regibus occurrere soliti fuerunt. Hoc , si vobis placet , iterare possibile est. At si nos , & nostra invisere libet , summo cum honore descendentes de Alpibus excipiemus , morantem , ac redentem debitis obsequiis prosequemur.*

8. Verùm non advertit Puteanus , quàm adversa esset suis libertatibus hæc epistola. Non enim reverentiam tantùm Regis , cujus plurima continet specimina , sed etiam subjæctionem significat in re admodùm cura. Arnulphum Lotharii Regis defuncti filium , ac Ludovici , qui ei successerat in Regno , quique postea & ipse mortuus fuerat , fratrem , Hugo Capetus , in quem excluso Carolo Lotharii fratre , ac Ludovici Patruo , nuper translata fuerat Regia Dignitas , ad Archiepiscopatum Remensem evehendum curaverat , ut cum hoc Beneficio suas in partes traheret : captâ autem , & directâ Remorum Civitate à Carolo , de Regno adhuc cum Hugone contendente , Hugo Arnulphum , licet à Carolo abductum tanquam bello captum , licet gravibus censuris Depredatores Civitatis persequentem de prodicione , suspectum habuit. Quamobrem , ut ab Episcopali Dignitate deponeretur ,

tur, effecit. Sed huic depositioni viriliter obstitit Joannes XV. Pontifex, ad quem ea occasione scripsit Hugo epistola à Puteano relata: sed in ea illud vel maximè observandum est, quod protestatur Rex, se summi Pontificis, licet de crimine Læ læ Majestatis ageretur, judicium non declinare. Addit enim statim post verba suprà relata; *Hoc ex integro affectu dicimus, ut intelligatis, & cognoscatis nos, & nos, vestra nolle declinare judicia*, ac re ipsà in suam Sedem restitutus est Arnulphus.

9. Nihil frequentius videas inculcatum in actis à Puteano relatis, ac in aliis, quæ à Curiiis sæcularibus Galliæ emanant, vel etiam in libris Scriptorum sæcularium illius Regni, quàm Regem, ejusque Officiales esse Protectores, ac vindices sacrorum Canonum; ab eis abusus circa Canonum violationem mediis appellationibus, quæ tanquam ab abusu dicuntur, emendari; eam esse veram libertatem Ecclesiæ Gallicanæ, ut secundum Canones ei vivere liceat; & alia his similia, quæ speciem præferunt eximiam: sed cùm ad particularia capita descenditur, Canonibus violationem Canonum substitutam deprehendis, ut multis jam exemplis comprobavimus. Tale est, quod continetur sub num. 24. hujus capituli 36. circa quod versamur. Legibus enim tùm Ecclesiasticis, tùm Civilibus, vetitum est ne Clericis in rebus, quas ex Ecclesia perceperunt, Parentes, aut Propinqui succedant, ut alibi ostendimus; & tamen hic variis statutis consuetudinariis probatur Propinquiore Cognatos succedere Beneficiariis: etiam in fructibus à Beneficiis provenientius. Itaque Ecclesiæ libertas est, servandorum Canonum obligatione solvi: Ecclesiæ bona, resistentibus Canonibus in familias sæculares transferri.

10. Quod de Regularium Ordinibus, Monasteriis, ac disciplinâ, circa capita 32. 33. & 34. est dictum, ad Universitates, & Scholas publicas accommodandum est, quas negat Puteanus cap. 37. sine autoritate, ac consensu Regis reformari, nedum constitui posse.

11. Trigesimum octavum caput inscribitur; *De exemptionibus Ecclesiarum, Capitulorum, Abbatiarum, & Monasteriorum à Prælatiis legitimis, & ordinariis*, sub quo titulo collocat nonnulla monu-

676 TRACTATUS DE LIBERTATIBVS,  
 menta, ex quibus constat olim Episcopos privilegia spiritua-  
 lia, Reges verò temporalia Monasteriis concessisse, ut Mo-  
 nachi majori cum quiete Deo inservirent, sed continet etiam  
 aliqua Senatus-consulta circa exemptionem Capitulorum  
 ab Episcopali jurisdictione, quæ materia fori Ecclesiastici,  
 non sæcularis est, ut per se patet: hinc igitur nihil conclu-  
 dendum est, nisi Curias sæculares, postremis præsertim tem-  
 poribus, causarum Ecclesiasticarum cognitionem usurpasse,  
 ut suprà notavimus.

## C A P U T XII.

*De subsidiis à Clero Regi Franciæ, aut summo Pon-  
 tifici præstandis: ad duo ultima capp. Puteani.*

1. **Æ** Quum est, ut subsidia & Regibus, & summis Pon-  
 tificibus à Clero Gallicano aliquando conferantur,  
 de quo Puteanus in duobus ultimis capitibus. Sed cum Ec-  
 clesiæ bona sacra sint, iniquum est, ut in eis exigendis sum-  
 mus Pontifex à consensu Regiorum Officialium pendeat;  
 Rex autem, quæ sibi necessaria duxerit, non expectato sum-  
 mi Pontificis consensu, exigat.

2. Profert quidem Puteanus capite 39. num. 10. Bullam  
 Bonifacii VIII. declarantis, Regibus Franciæ licere, oc-  
 currente necessitate, à Clericis ipsis subditis, ad tuitio-  
 nem Regni auxilium pecuniarium accipere, inconsulto etiam  
 Romano Pontifice. Sed sufficit modò huic constitutioni  
 aliam in corpore juris clausam, & ab eodem Bonifacio edi-  
 tam opponere, scilicet; *Clericis Laicos* de Immunit. Eccles.  
 in 6. quam suum robur aliquandiu obtinuisse constat, ex eo  
 quod Clemens V. ad instantiam ejusdem Regis, cujus favo-  
 re ad summum Pontificatum erectus fuerat, eam tempera-  
 vit, ut patet Clem. unicâ de immunit. Eccles. ita tamen ut  
 Decreta Concilii Lateranensis tertii sub Alexandro III. cap.  
 19. & Lateranensis IV. sub Innocentio III. cap. 46. obser-  
 vari voluerit; *Quæ*, inquit, *nos sub obtestatione Divini judicii præci-  
 pinus observari.* Glossa super verb. *Quoniam ex constitutione. Rex Fran-  
 ciæ,*

cia, inquit, qui fuit passiva causa constitutionis, fuit activa causa revocationis; atque aded æquum est, ut Gallia revocationis conditionem impleat; præsertim cum executionem Conciliorum generalium præcipiat.

3. En igitur Concilii Lateranensis IV. cap. 46. quod alterius Concilii etiam Lateranensis Decretum commemorat. *Adversus Consules, ac Rectores Civitatum, & alios, qui Ecclesias, & viros Ecclesiasticos tallis, & collectis & exactionibus aliis aggravare nituntur, volens immunitati Ecclesiastica Lateranense Concilium providere, præsumptionem hujusmodi sub Anathematis districtione prohibuit: Transgressores, & Fautores eorum, excommunicationi præcipiens subjacere, donec satisfactionem impendant competentem. Verum si quando forsam Episcopus simul cum Clericis tantam necessitatem, vel utilitatem prospexerint, ut absque ulla coactione ad relevandas utilitates, vel necessitates communes, ubi Laicorum non suppetunt facultates, subsidia per Ecclesias duxerint conferenda: prædicti Laici humiliter, & devotè recipiant, cum actione gratiarum. PROPTER IMPRUDENTIAM TAMEN QUORUNDAM, ROMANVM PRIVS CONSULANT PONTIFICEM, CIVIS INTEREST COMMVNIBVS VTLITATIBVS PROVIDERE.*

4. Huic autem conditioni, postulandæ summi Pontificis licentiæ, paruerunt, tum Reges subsequentes, ut testatur Henricus Spondanus ad annum 1336. & aliis in locis, tum ipsemet Philippus IV. ut scribit Odericus Raynaldus ad annum 1306. num. 4. Alia ministrat exempla ipsemet Puteanus cap. 40. præsertim num. 2. & 5. ut nemini dubium esse possit, quin Reges Christianissimi lege illà teneantur.

5. Si verò Clerus non expectato Papæ consensu, Regibus subsidia conferre se posse arbitratus est, justas luit suæ libertatis pœnas: aut veriùs, quia oblitus libertates suas in observandis Conciliorum generalium Decretis se reposuisse, à præcepto Concilii Lateranensis IV. recessit, jugum sibi tum Decimarum, tum Doni gratuiti imposuit; quod nescio an unquam deponet. Commodum id quidem plerisque Deputatis, qui eâ ratione Principis gratiam promerentur, ex quâ maxima aliquando beneficia consequuntur; sed reliquo Clero grave, cujus quidem donum est gratuitum, quia mercedem non sperat, sed nescio an ità voluntarium.

6. Si quandò Reges bellum , aut aliud negotium susci-  
piunt , quod Religioni conducat , dubium non est , quin Ec-  
clesia teneatur eis necessaria subsidia subministrare. Cùm  
enim , ut sæpè notavimus , bona Ecclesiæ , Dei bona sint ,  
in quos possent convenientius sumptus impendi , quàm in  
perferendam Dei notitiam ad barbaras & infideles gentes ,  
aut ad tuendam fidem , & Religionem in terris Christiano-  
rum. Sic Philippo II. sic sancto Ludovico , aliisque Regi-  
bus Galliæ concessæ sunt Decimæ , & alia adjumenta tem-  
poralia , ut Christianis Infidelium tyrannide oppressis opem  
ferrent , aut ut hæreticos in proprio Regno comprimerent.

7. Sed numquid etiam ob temporalem Regni necessitatem  
possent hujusmodi subsidia ex bonis Ecclesiasticis colligi ?  
Sanè securitas Ecclesiarum , & bonorum Ecclesiasticorum  
cum incolumitate status politici conjuncta est , præsertim  
cùm ab hostibus Infidelibus , aut hæreticis impetitur. Ita-  
que tunc Ecclesia . Regem ejus ope indigentem juvans , pro-  
priis etiam rationibus consulit.

8. Verùm necessitatibus Regni , quibus opitulari tenetur  
Ecclesia , non intelliguntur , Regia magnificentia , Impe-  
rii merè sæcularis propagatio , aliæve rationes omninò tem-  
porales. Patet enim eum usum longè ab illo distare , cui  
destinatum est sacrum Ecclesiæ patrimonium ; metuendum-  
que esset , ne non tam juvaretur Rex , aut Regnum , quàm  
concitaretur ira Divina , si quæ ad Divinum cultum , ad Mi-  
nistros Christi , & Pauperum alimoniam deputata sunt ,  
expensis profanis consumerentur.

9. Statuerat Rex Clotharius tertiam reddituum Ecclesiasti-  
corum sui Regni partem fisco addicere , consentientibus  
( non tamen omnino liberè ) Episcopis , sancto Injurioso Epi-  
scopo Turonensi excepto , qui ab aliorum sententiâ discre-  
pans Regem ab eo consilio deterruit , eam objiciens ratio-  
nem , fore ut Deus Regnum Clothario auferret , si ipse bo-  
na Deo consecrata tolleret. Rem narrat his verbis Gregorius  
ejusdem Sedis Episcopus Hist. Franc. lib. 4. cap. 2. *Demique  
Clotharius Rex indixerat , ut omnes Ecclesia Regni sui tertiam partem fructuum  
fisco dissolverent. Quod licet inviti , cùm omnes Episcopi consensissent , atque  
subscripsissent , viriliter hoc B. Injuriosus respuens subscribere dedignatus est di-  
cens,*



*cons, si volueris res Dei tollere, Dominus Regnum tuum velociter auferet, quia iniquum est, ut Pauperes, quos tuo debes alere horreo, ab eorum stipite tua horrea repleantur. Et iratus contra Regem, nec vale dicens, abscessis. Tunc commotus Rex, timens etiam virtutem B. Martini misit post eum cum muneribus, veniam precans, & hoc quod fecerat damnans, simulque rogans, ut pro se virtutem B. Martini Antistitis exoraret.*

10. Antistites in Concilio Meldensi congregati Carolo Calvo constanter, sapienterque declararunt mala, quibus tunc Gallia præmebatur, Ecclesiasticorum bonorum usurpationi esse adscribenda. Quò circa prudenter Baronius ad annum 850 Francorum, inquit, tunc quidem enituit robur, cum in Regibus cultus pietatis excelleret, elanguit cum deficit, & Ecclesia sunt prostituta Laicis, quorum redditibus non sunt illi roborati, vel erecti, sed enervati penitusque depressi. Luxerunt ista, & aperuerunt ea Principibus ipsis Reverendissimi Patres in Meldensi Concilio, & ad putridum vulnus opportuna apponere remedia, sed recusavit ille ( Carolus Calvus ) ea omnia suscipere, unde iusto Dei iudicio factum est, ut, qui latas à sanctis Patribus leges subire renuit, à Northmannis coactus sit durissima suscipere jura; & qui Ecclesiarum bona Laicis tradebat, coactus sit sua largiri Northmannis. Sed sicut nulla est secuta emendatio in Rege, ita nec quievit Northmannorum flagellum in manu Dei.

11. Philippus Augustus Rex Franciæ, cum Othone Imperatore certamen initurus, militibus suis spem victoriæ suadebat, hæc oratione, quæ refertur à Rigordo in historia de ejus gestis ad annum 1215. Rex autem antequam congregederetur, hæc brevi, & humili oratione suos suis milites allocutus: in Deo tota spes & fiducia nostra est posita. Rex Otho, & exercitus suus à D. Papa excommunicati sunt, qui sunt inimici & destructores rerum S. Ecclesia & pecunia, quæ eis stipendia ministrantur, de lacrymis Pauperum, & de rapina Ecclesiarum Dei, & Clericorum acquisita est. Nos autem Christiani sumus, & communionem & pacem S. Ecclesia fruimur; & quamvis peccatores simus, tamen Ecclesia Dei consentimus, & Cleri pro posse nostro defendimus libertates. Unde presumere fiducialiter debemus de Dei misericordia, qui nos licet peccatoribus dedit de suis, & de nostris hostibus triumphare. Divinum numen sibi maximè propitium expertus est, reportatâ gloriosissimâ victoriâ. Pura leguntur in historiis, & in orationibus à Clero Gallicano ad Reges habitis, ex quibus constat Deum injustam bonorum suorum acceptationem, etiam facultatum legitimè partarum spoliatione ulcisci.

12. Quam-

12. Quamobrem, ut ex Decreto Concilii Lateranensis super praecitato colligitur, principio causa consideranda est, ne si perperam capiantur Ecclesiae bona, non tam adjutorium Regi, quam perniciēs conquiratur: deinde servandus est modus, id enim, quod ultra necessitatem exigitur, injuste usurpatur. Quae ratio ubique, sed maxime tunc valet, cum non Ecclesiae, aut Religionis, sed Regis aut Regni res agitur. Tunc imprimis ex fisco depromenda sunt, quae potest suppeditare. Quippe cum Fiscus, ut, & Galli vocant, Domanium ideo Regibus reservatum sit, ut hinc fierent sumptus, quos aut iustitiae dispensatio, aut hostium propulsatio, aut alia negotia ad Populi quietem conducentia requirunt; tum, si publica deficiant, recurrendum ad privata, & profana: Quoniam sicut ab initio debuit unusquisque pro sua facultate, ac Regni necessitate Principi conferre ea, quibus indigebat ad curandum bonum publicum; ita cum prima non sufficiunt, tenetur eadem ratione nova superaddere. Sed si ea sit hostium potentia, & Civium egestas, ut Rex impar sit praestandis sumptibus, nisi Ecclesia opem ferat; tum denique Ecclesiastica bona in subsidium vocabuntur.

13. Quocirca mirum videtur, cur Galli, qui suas libertates tunc maxime sibi adhibendas censuerunt, cum summus Pontifex, aut, ut ipsi dicunt, Curia Romana subsidium aliquod postulabat, quod gravius videretur, id duram servitutem reputantes, ut habetur hist. Univers. Paris. tom. 5. &c. Tamen Ecclesiae Gallicanae Libertatibus accenseant jus, quod Regi tribuunt, hujusmodi subsidia exigendi ab Ecclesiis sui Regni, dum iis opus habet. Sed magis adhuc mirum, quod summum Pontificem asserant nihil obtinere posse sine consensu, ac licentia Regis; Regi autem summi Pontificis consensum necessarium non esse? Puteanus cap. 22. & 29. Carol. Fevret. lib. 1. cap. 8. num. 6. & 7. quasi minor adhibenda esset cautio, dum bona Deo consecrata in juvando Principe saeculari expenduntur, quam dum à Christi Vicario in Ecclesiae utilitatem sunt infumenda, aut in ea Rex plus haberet autoritatis, quam Papa.

14. Non ea fuit olim, ut supra insinuavimus, Christianissimorum Principum, ac Cleri Gallicani sententia, quandoquidem

quidem summi Pontificis assensu confirmari optabant dona, quæ Regibus conferebantur, etiam in Ecclesiæ utilitatem convertenda. Exstant tum in mediis temporis, tum in alterius sæculi Conciliorum Oecumenicorum actis concessiones Decimarum, ad præstandos belli Infidelibus inferendi sumptus; legi possunt acta Concilii generalis Lateranensis sub Innocentio III. anno 1215. Concilii generalis Lugdunensis sub Innocentio IV. anno 1245. Concilii generalis Viennensis anno 1311. Vita Benedicti XII. Papæ. Concilium generale Lateranense sub Leone X. anno 1517. &c. Philippus IV. Romani Pontificis consensum tunc tantum sibi non expectandum volebat, cum eâ necessitate urgeretur, quæ Romam adeundi tempus non concederet.

15. Sed numquid sufficit Cleri Gallicani voluntas? Expedi certè tum Regis, tum Ecclesiasticorum virorum saluti, ut non sufficiat. Quàm enim verendum est, ne plurimi eorum, qui Comitibus generalibus Cleri intersunt, aut metu, aut spe ducantur ad elargiendos Ecclesiasticos redditus, quorum ipsi minimam partem pendentes, maximam ex alienis bonis liberaliter profusis usuram se consecuturos confidunt. Quot enim sunt secundi ordinis Clerici, qui primum ambientes, eoquæ se non posse sine Principis favore ascendere intelligentes, ejus captandæ benevolentix occasionem avidè arrepturi sunt? Quot ex utroque ordine, qui aut plura, aut pinguiora Beneficia exoptant? Quot denique qui Regi placendum, aut saltem non displicendum, etiam cum bonorum Ecclesiasticorum dispendio, arbitrantur, prætexentes temporalium jacturam Regiâ in spiritualibus protectione abundè compensandam? Cum igitur consensus hujusmodi debeat Regi esse suspectus, etiam à summo Pontifice confirmatus: quantò magis exclusâ illâ confirmatione. Præsertim cum Clerici Dispensatores sint, non Domini.

16. Adhuc majus imminet periculum Ecclesiastici ordinis Viris, (quorum esset ad sanctorum Antistitem exemplum Christianissimo Principi significare, quàm perniciosum sit, Christi patrimonium in usus non necessarios, & profanos convertere) si præposterâ in Regem liberalitate conscientiam ejus compellant: si propriis utilitatibus inhiantes, Beneficiorum, quorum

R r r r

sunt

sunt Procuratores substantiam prodigant: iisque facultatem adimant restaurandorum, ornandorumque Templorum, alendorum pauperum, aliorumque bonorum operum præstandorum.

17. Denique sicut, nisi iusta causa subsit, nec Regis, nec Clerici conscientia tuta est in imponendis subsidiiis: ita utrorumque salus periclitatur, nisi, cessante causâ, removeatur ab Ecclesiâ onus. Quid enim juvat præcessisse optimum bonorum Ecclesiasticorum usum, si pravus, aut inutilis succedat?

18. In his, quæ suggestimus, fideliter custodiendis vera consistit Ecclesiæ libertas, in illis contemnendis gravis est Sponsæ Christi servitus. Ejus quidem in præsentiarum dulcis apparet fructus, sed maximum est periculum, quod qui non metuunt, aut de bonorum Ecclesiasticorum conditione, aut de Divina iustitia rectè non sentiunt.

19. Metu illo se affici pluries testati sunt religiosi Principes, præsertim Carolus Magnus in pluribus Capitularibus; Novimus, inquit, Capitular. 8. anno 803. relato in Capitularibus Benedicti Levitæ lib. 7. cap. 132. multa Regna & Reges eorum propterea cecidisse, quia Ecclesias expoliaverunt, resque earum vastaverunt, abstulerunt, alienaverunt, vel diripiunt, Episcopis, & Sacerdotibus, atque, quod majus est, Ecclesiis eorum abstulerunt, & pugnantis dederunt. Quapropter nec fortes in bello, nec in fide stabiles fuerunt, nec victores existerunt; sed terga multi vulnerati, & plures immissi venterunt, Regnaque & Regiones, & quod pejus est, Regna Cælestia perdididerunt, atque propriis hereditatibus caruerunt, & hæcenus carent. Qua omnia vitantes, nec talia facere, nec consentire, nec infantibus, aut successoribus nostris exemplum dare volumus.

20. In eodem Capitulari 8. refertur petitio Populi ad prædictum Imperatorem, in qua declaratur, quâ intentione, & quâ formâ bona Ecclesiis offerrentur. Est autem forma hujusmodi; Offerro Deo, atque dedico omnes res, quæ hac in chartula tenentur inscriptæ, pro remissione peccatorum meorum, ac Parentum (aut pro quocumque illas Deo deliberare voluerit) ad serviendum ex his Deo in sacrificiis, Missarumque solemnibus, orationibus, luminariis, pauperum ac Clericorum alimoniis, & cæteris Divinis cultibus, atque illius Ecclesiæ utilitatibus. Si quis autem eas inde, quod fieri nullatenus credo, abstulerit, sub pœna sacrilegii ex hoc Domino Deo, cui eas offero atque dedico, districtissimas reddat rationes. Huic formulæ subjunguntur ista verba; Ponis etiam in ea alias conjurationes, quas enumerare longum est.

# LIBER UNDECIMUS

*In quo expenduntur aliorum Scriptorum  
Gallicanorum sententiæ de Libertati-  
bus Ecclesiæ Gallicanæ.*

**R**Auci hodie scribunt in Gallia, qui occurrentem autoritatis summi Pontificis constringendæ, Regiæ verò amplificandæ, occasionem, idque sæpenumerò sub obtentu tuendarum suarum Libertatum, obviis ulnis non excipiant; ut ferè dixeris Galliam pœnitere, quòd olim Sanctam Sedem tantâ reverentiâ profecuta fuerit, tantâ humilitate audierit, tanto zelo defenderit. Singulorum dicta persequi, neque est necessarium, & nimii, diuturniorisque laboris opus est. Quamobrem præcipua tantùm Capita seligemus, ex quorum scilicet examine, de cæteris facilè feretur iudicium; præsertim cùm etiam quæ hætenus dicta sunt, vel sola sufficere viderentur.

## CAPUT PRIMUM.

*De Libris Illustrissimi Petri de Marca de Concordia Sacerdotii & Imperii, seu de Libertatibus Ecclesiæ Gallicanæ.*

1. **C**ommota fuerat, non solum Roma, sed etiam Gallia editis à Petro Puteano voluminibus, de quibus in superiori libro disputatum est. Quo circa iussus est Illustrissimus Petrus de Marca doctrinam illic contentam ita temperare, ut schismatis quidem, cujus prænuncia videbantur illa volumina, suspensionem amoveret; Libertates tamen Ecclesiæ Gallicanæ illæsas, integrasque servaret. Munere sibi demandato ad Regiorum Ministrorum voluntatem appositæ, sed non sine præjudicio Ecclesiæ, functus est. Cum enim Aulæ industriâ esset instructus, ita res componere conatus est, ut cuique parti satisfacisse videretur, licet revera unius tantum causam egisset.

2. In quatuor libros opus suum distinxit; plures tamen pollicitus, fortè cum animo standi promissis; fortè ut Ecclesia, si quatuor primis se læsam doleret, speraret posterioribus hanc sibi refarciendam injuriam, quod aliquoties insinuat, & in libris ipsis, & in Apologiis suis. Quatuor illis, quatuor alios addidit Stephanus Baluzius post mortem Autoris, ab eo tamen, ut asserit, compositos, in quibus ita non refarcitur, ut etiam augeatur damnum ab aliis illatum. Et quantum ex postremis Marcæ operibus, sive manuscriptis, sive etiam typis excusis conjicere licet, doctrinam in illis contentam, antequam publici juris fierent, in aliquibus saltem Capitibus immutaturus erat. Nec enim illi ipsi sunt, quos promiserat; vel saltem non omnia continent, de quibus se acturum sponderat.

3. In libro primo summi Pontificis Dignitatem, & auctoritatem plurimum commendat, & confirmat; ut statim Lector arbitretur, eum non minus pro tuendis Sanctæ Sedis juribus, quam pro vindicandis Libertatibus Gallicanis certare. Sed  
lectis

lectis libris sequentibus oritur suspicio, in primo ipsum benevolentiam captare voluisse, ut in aliis lædens minùs offenderet; nam in eo etiam verba quædam Ecclesiæ minùs æqua ab Autore de industria videntur interjecta, ut iis se tueri posset, si quando sibi posteriora prioribus contradicere objiceretur. In secundo libro Regiam Majestatem, & jurisdictionem, quantum Pontificiam in primo, & ampliùs extollit. Potest certè utraque potestas seorsim, cum utraque suprema sit, altera in spiritualibus, in temporalibus altera, usque ad Cœlum evehi. Sed cum inter se comparantur, si aliò, quàm ad veritatem, & justitiam respiciatur, difficillimum, imò impossibile est, quæcumque ars adhibeatur, injustitiæ notam; & alterutrius potestatis, ac forsan utriusque querelas effugere.

4. Quid enim, ut hæc tantum exempla proponamus, juvat autoritatem Romani Pontificis in condendis Legibus Ecclesiasticis, aut proferendis judiciis cap. 8. 9. & 10. lib. 1. tam solidis argumentis constituisse, quandoquidem capp. 15. 16. & 17. lib. 2. Autor probare contendit, leges illas non obligare in Gallia, nisi acceptentur; & expressè affirmat dicto cap. 16. num. 6. *Nihil obtrudendum esse fidelibus, quod eos offendere aliquo pacto possit; atque adeò legem Ecclesiasticam minùs commodam pro non scriptam esse habendam?* In quo versabitur eximia illa summi Pontificis autoritas, si nullam habeant vim leges ejus, nisi acceptatæ fuerint, & si quæcumque minus commodæ sint, pro non scriptis habeantur? Certè quæ commodæ sunt, sine Papæ mandato, imò sæpè contra ipsius mandatum, aut prohibitionem usurpantur.

5. Caput 10. & 11. ejusdem libri 2. Ecclesiæ suam jurisdictionem asserere videtur, licet revera Regiam ultra debitos terminos proferat. Nam cap. 10. num. 8. insinuat confirmationem Principum vim obligandi Canonibus circa disciplinam editis conferre, licet num. 13. laudato Facundi Hermianensis loco, ubi de Marciano Imperatore dicitur; *Ob hoc itaque vir temperans, & suo contentus officio Ecclesiasticorum Canonum executor esse voluit, non conditor, non exactor: addat Marca; Hic est certus limes, quem Regia auctoritati in his negotiis præfigere oportet, ne inconsultò trahamur ad eam adulationem, qua Principibus suis totius disciplina Ecclesiastica sum-*

*nam Græci deferebant.* Verum tamen quod generatim Ecclesiæ concessisse videbatur, retractat cap. 11. num. 4. autoritate Joannis Scholastici Patriarchæ Constantinopolitani. Et ejusdem cap. 11. num. 3. Constitutiones omnes Justiniani circa res Ecclesiasticas defendit; quarum tamen multæ jurisdictionem Ecclesiasticam imminuunt, & unam, scilicet *de prolatione verborum Consecrationis*, ipsemet Marca damnare coactus fuerat cap. 6. num. 6.

6. Cæterum in prædicto cap. 11. num. 3. Bellarmini, quem citat, circa impedimenta Matrimonii totam mentem non exprimit. Silet enim Illustrissimum illum Cardinalem docuisse, ut impedimenta à Constitutionibus Imperialibus inducta Matrimonium dirimerent, necessarium fuisse Ecclesiæ assensum, ab eo tempore, quo contractus ad Sacramenti dignitatem evectus est.

7. Ibidem num. 6. cum dixisset, *Principum eam fuisse mentem, ut nihil sibi licere putarent in eos Canones, qui editi fuissent à Conciliis Oecumenicis*; quia Oecumenicorum Conciliorum Canonibus nimium tribuisse sibi videbatur, conditionem statim adjecit, nempe si Canones fuissent *Edicto publicè recepti*. Sed quid si Edictum receptionis Edicto contrario revocetur. An Canones Edicto recepti, an Edictum receptionem revocans, prævalebit?

8. Tertius Marcæ liber ad Libertates Ecclesiæ Gallicanæ descendit, in quo, sicut & in secundo, licet modò in unam, modò in alteram partem declinet, ut neutram offendere videatur; eò tamen tanquam ad ultimum scopum pervenit, ut persuadere conetur nullam esse summi Pontificis auctoritatem in Ecclesiam Gallicanam, nisi Gallia, & præcipuè Rex consentiat. Nam postquàm in tribus ultimis capitibus libri 2. acceptionem omninò necessariam esse, ut lex obliget, probare enixus est in 3. libro capite 15. num. 4. acceptionem illam docet etiam esse necessariam, ut à Canonibus recedatur, & summi Pontificis dispensationes valeant. At verò, inquit, si status publicus, aut recepta in Regno jura laiciantur, amplectenda est sententia eorum, qui in universum dispensationes sine iusta causa indultas, invalidas esse censent. Quod verum esse in speciem, quam tracto hac collectione demonstratur. Vel dispensationes illa sine legitima, & iusta causa concedantur, & hoc casu nulla dicenda sunt, propter ea, quæ superius al-

lata



*lata sunt argumenta.* Sed quid si dispensatio in se justa sit, Ecclesiæ tamen Gallicanæ usui non conveniat? Tunc non solum injusta, sed & invalida erit, eâ ipsâ ratione ex ejus Autoris mente. Prosequitur enim, *Vel probabili quadam ratione nituntur, respectu ejus habito, cui conceduntur; sed usui recepto in Ecclesia Gallicana repugnans, quo certa quadam regula è Canonibus & Decretis Pontificum petita, ita firmata sunt, ut juxta legum illarum naturalem conditionem perpetua apud nos esse debeant: hoc casu dispensatio carebit justâ causâ, quod attinet ad statum publicum Ecclesiæ Gallicanæ, atque ideo nulla erit.* Ne quis autem arbitretur, hoc provenire ex sola rerum utilitate, non autem ex voluntate pendere, adjungit; *Præcipue cum dispensandi ratio in his negotiorum articulis, recepta non fuerit consuetudine aliquâ. Ut enim lex Ecclesiastica debet usu recipi; ita & dispensatio illius legis debet usu probari.* At, inquires, ratio & justitia regula erunt ejus, vel legum, vel dispensationum acceptationis. Commoditate metiendam esse pluribus in locis tradit in hoc libro 3. Nam capite 6. num. 5. Enim verò, inquit, in Gallia quod ad disciplinam attinet, *Decretalium Constitutis locum damus, cum bonâ Romanorum Pontificum veniâ, qua nostris rebus, & utilitati publicæ accomodata sunt. Quatenus Ecclesiæ Gallicanæ commodis expedit.* Et lib. 4. cap. x. num. 1. quatenus Ecclesiæ Gallicanæ commodis expedit ut pro rerum ac temporum conditionibus, *summi Pontificis Rescriptis juris rigor aliquando temperetur.* Et lib. 2. cap. 16. num. 6. jam relato; *Legem Ecclesiasticam minus commodam pro non scripta esse habendam.*

9. Nec in hoc dissimilis est apud Gallos Conciliorum Oecumenicorum, ac summorum Pontificum conditio, ut testatur Autor lib. 3. cap. 7. num. x. his verbis; *Libertates perinde tuemur, si de Concilio generalis novis Decretis, ac si de Romani Pontificis constitutionibus agatur.* Nec ad firmitatem illarum libertatum requiritur (si Marcæ credimus) ut Concilii generalis Decreto nitantur. Quin etiam subjungit; *Receptos mores & consuetudines Ecclesiæ Gallicanæ nostro usui commodas adeò retinemus, ut etsi Canone Concilii generalis destituamur, quo illa firmata sint, tamen ab iis nobis discedendum esse non censeamus.* O mira firmitas! quæ, licet Canone Concilii generalis destituta, à nullo potest Concilio Oecumenico, à nullo Pontifice concuti!

10. In quarto libro agit de legum executione, quæ hodie per appellationes ab abusu procurari dicitur ex parte Principum,

688 TRACTATUS DE LIBERTATIBVS,  
pum, sed de his appellationibus dicemus libro sequenti. Por-  
rò Marca in hoc libro, sicut in aliis, quamvis exempla usur-  
patæ jurisdictionis Ecclesiasticæ non nihil temperare videatur,  
eò tamen semper redit, ut de consensu Principum omnia geri  
velit, ipsosque ita Canonum custodes constituat, ut ferè Do-  
minos esse insinuet.

11. Capite primo num. 1. monet, quæcumque apud veteres  
Principes in causis olim viguerunt, locum apud Gallos habe-  
re non posse, hinc tamen usum fori hodiernum confirmat;  
ut scilicet stent immota, quæ in usu sunt in Gallia, satisque  
sit, si in cæteris rebus, utpotè iniquioribus, antiquos non  
imitetur. Antiqui enim, v. g. Imperatores, ut refert ibidem  
num. 6. *Deturbationem, qua vacantem Ecclesiam redderet, sui arbitrii esse*  
*putabant. At verò, ut subjungit panam illam expulsionis, cum vacatione*  
*Episcopatus hodie irrogare non possunt Principes. Quidni etiam hodie,*  
*si olim?* Citiùs enim provideretur à Rege Christianissimo Ec-  
clesiis vacantibus, nec tamdiu Archiepiscopo caruisset Pari-  
sienſis, si expectandus non fuisset consensus Eminentissimi  
Cardinalis Retzii, ut illi præficeretur Illustrissimus Petrus de  
Marca. Nonnè vox illa, *hodie*, potestatem illam olim penes  
Principes fuisse indicat? si ad jus Regium pertinebat, desue-  
tudine sopiri, sed non extinguì potuit. Vide quàm facile  
subverti possint, quæ Marca Ecclesiæ reservat, si stent aliæ  
illius sententiæ.

12. Prætermitto quamplurima, quæ in iisdem libris consu-  
tatione, vel saltem examine indigerent, quia licet ad argu-  
mentum nostrum pertinere videantur, minùs tamen afferunt  
detrimenti; c. g. 3. capp. 10. 11. & 12. immensa ferè beneficia  
Ecclesiæ Romanæ à Regibus Francorum collata fuisse con-  
tendit Marca, quorum tamen pars magna multis dubia est,  
ab aliis falsa omninò judicatur, licet Reges Christianissimos  
olim de Ecclesia Romana, & de summis Pontificibus optimè  
meritos fuisse nemo possit negare. Verùm quoniam eò tendit  
hæc beneficiorum commemoratio, ut quæ in Gallia contra jus  
commune aguntur, privilegio Ecclesiastico fulciantur: ego  
Ecclesiæ Gallicanæ nec debitæ gloriæ, nec veris privilegiis  
invideo, dummodò, quod unum mihi cordi est, prætextu  
liberalitatis aut libertatis debita summo Pontifici obedientia  
non

non negetur , miserrima servitus non inducatur , neque potestas Ecclesiastica opprimatur à sæculari.

13. Dum placet Ecclesiæ suos Benefactores aliquo privilegio insignire , id ego servitutem , aut potestatis sæcularis abusum non ausim appellare , præsertim cùm hinc alii ad similia erga Christi sponsam officia incitentur. *Non est*, inquit *Marca lib. 3. cap. 10. num. 8. jam suprà relato , cur ceteri Principes nobis invident , benigniorem erga Reges nostros Romana Sedis remissionem. Certent nobiscum liberalitate , tunc integrum illis erit de privilegiis quoque nobiscum certare.* Sed viderint Galli ne gloriam à Majoribus ad se propagatam denigrent , si quæ illi generosè , ac sine ulla spe retributionis ab hominibus consequendæ , præstiterunt , ipsi hodie sibi persolvi velint ; ne pro beneficiis temporalibus collatis , jura spiritualia longè pretiosiora postulent , aut per vim usurpent ; neve privilegiis se tueantur , quæ nunquam extiterint. Sanè ex utriusque juris dispositione frustrà allegantur , quæ non exhibentur.

14. Circa secundum tomum non immoror : tum quia ex iis , quæ continet , plurima jam aliâ occasione discussa sunt ; tum quia , ut suprà insinuavi , non dubito , quin si Autor diutius vixisset , multa fuisset immutaturus ; tum denique quia summa quatuor illorum librorum argumenta egregiè sunt ab aliis v. g. Joanne David , Christiano Lupo , Emanuele Schelstrate tractata. Quæ in 5. de Legatis continentur , eò præsertim spectant , ut sine consensu Regio nihil in Gallia moliantur , de quo in capitulis præcedentibus dictum est occasione Petri Puteani. Circa librum 6. qui est de Conciliis pauca dicemus capite sequenti : nam pleraque ad praxim modernam non attinent. Quæ in 7. & etiam initio 4. de judiciis Ecclesiasticis , præcipuè de Episcoporum depositionibus perperam ab Autore scripta sunt , valide impugnavit prædictus Joannes David Doctor Parisiensis integro volumine. Quæ autem in 8. de Regalia disputata sunt , abundè illustrata fuerunt , editis tùm Latinè , tùm Italicè , tùm Gallicè scriptis. Plura continet liber 4. Ecclesiasticæ jurisdictioni ac veræ illius libertati infesta , quæ nos aliquantò diutius distinebunt.

## C A P U T I I.

*De autoritate Principum circa Concilia , in particulari  
circa conuocationem illorum , ac præsentiam , &  
præsentiam in illis.*

1. **M**ulta intercedunt discrimina , inter Synagogam & Ecclesiam : sed illud inprimis quod magis spiritualia sint hujus bona , magis spiritualis ejus jurisdictio , spiritualibus armis sese tueatur. *Non secundum carnem militamus* , inquit S. Paulus 2. Corinth. 10. *nam arma militia nostra non carnalia sunt.* Porro arma illa cum sæpè parùm à malis Christianis reformidentur , ab Infidelibus contemnuntur , solâ interdum patientiâ opus est. Ecce , inquit Christus ad Apostolos , *Ego mitto vos sicut agnos inter lupos* Lucæ 10. 3.

2. Sed licet Ecclesiam suam Christus ad patiendum , quàm ad resistendum persecutionibus , & ad injurias perferendas , quàm ad ulciscendas paratorem velit ; tamen præter curam , quam ipsemet de illa gerit juxta promissionem suam ; *Ecce ego vobiscum sum omnibus diebus usque ad consummationem sæculi.* Matt. ultimo ; Principes idè ad fidem vocavit , aut fideles ad Principatum exexit , ut autoritate suâ malos comprimerent , & Matrem suam ab hostibus , aut inobedientium filiorum infestationibus liberarent. *Intra Ecclesiam potestates necessaria non essent* , inquit S. Isidorus Hispalensis de summo bono lib. 3. cap. 53. *nisi , ut quod non prævalet Sacerdos efficere per doctrinam sermonem , potestas hoc imperet per disciplinae terrorem.*

3. Verùm quod Christus tanquam officium , & debitum Principibus erga Ecclesiam imposuit , hoc politici tanquam jus , & autoritatem in ipsam interpretantur , & quos ille sponsæ suæ constituit custodes , protectores , & defensores , ipsi arbitros , duces , ac dominos efficiunt : quam ut matrem colere , audire , acsequi Christiani omnes tenentur , ei utancillæ præcipere , ac leges ponere suadent. Quid enim aliud est , Principibus tribuere facultatem non solum Ecclesiam ad Concilia convocandi , sed etiam Conciliis tractanda pro-

ponendi, ita ut de aliis deliberare non liceat : Ordinem ac modum præscribendi, à quo si recedatur, inane sit quidquid fiat : Decreta Conciliorum confirmandi, sine qua confirmatione robore careant : Judicata suspendendi, donec novo iudicio, aut novo examine probata fuerint : Concilia, ex quibus liberetur Episcopis, conflandi : Jurisdictionem aliundè non habentibus conferendi : Causam unius Provinciæ, alterius Provinciæ Episcopis definiendam committendi : aliaque similia præstandi. Hæc sunt ex Petro de Marca Imperatorum Romanorum in Ecclesia jura. Præferat illa omnia, si crudè dicerentur, horrorem Christianis animis incussura. Quamobrem capite primo in fine num. 1. ei commotioni occurrere festinat his verbis, jam suprà indicatis; *Quæcumque apud veteres Principes in causis olim viguerunt, locum apud nos habere non possint.* Quid ni etiam apud vos? An quia hæc olim à Principibus usurpata sunt, contra Ecclesiæ libertatem, & jura, per vim, ac sine legitima facultate? Nequaquam. Sed quia, inquit, *immutata aliquantisper disciplina antiquum illum ordinem nullo pacto admittere potest.* Itaque si rursus immutetur aliquantisper disciplina, quæcumque apud veteres Principes olim viguerunt, locum apud Gallos habere poterunt; quoniam, ut ait Marca cap. 5. initio; *quemadmodum Imperii Romani mole in varias partes dissecta, Galliarum Provincia in victoria premium Francorum Regibus, Divini numinis auspiciis, cesserunt, ita etiam Imperii jura plenè, & integrè cum illis communicata sunt.*

4. Ex iis pleraque adèò manifestè cum rationis, ac fidei regulis pugnant, ut proposuisse, confutasse sit. Et sanè ipsum etiam Autorem illorum puduisset, nisi pro suo more interjectis aliquibus verbis emollisset. Ne quis autem arbitretur ea in usum evocari posse, expendenda sunt exempla, quæ profert; rarò enim aliud genus probationum adducit, aut adducere potest; pro causis tam malis militare nequeunt rationes, quarum falsitatem, aut debilitatem detegere in promptu non sit; sed priùs quæ alibi de Conciliis diximus, pauca quædam adjiciemus. Nec enim necesse est quæcumque de illis scripsit D. de Marca minutim expendere.

5. Licet consensus Principum ad congreganda Concilia de facto necessarius sit, ac possint ipsi etiam de jure, illorum

692 TRACTATUS DE LIBERTATIBVS,  
 congregationem impedire, cùm iustis de causis metuunt aliquid contra sua, vel Regni jura moliendum; ut tempore Ludovici Pii, & aliàs, quamvis rarissimè, contigit: tamen convocandi Concilii jus omne penes Principes reponere, injustum, & Ecclesiæ perniciosissimum est. Hinc enim Principes colligerent, licere sibi pro libitu ea vel permittere, vel vetare, ex quo maxima damna pateretur Ecclesia, quipè quorum remedia vix nisi à Conciliis sperari possint. Hoc demonstrat ipsiusmet Galliæ exemplum, in qua jam dudum nulla habita sunt Concilia Ecclesiastica, etiamsi desierint causas suspicionum, quæ Reges à permittenda Synodorum congregatione deterrebant: undè fit ut quæ in Conciliis Provincialibus determinari solebant, ad Tribunalia sæcularia perferantur, in detrimentum jurisdictionis, & libertatis Ecclesiæ.

6. Habita sunt in Imperatorum, & Regum Palatiis nonnulla Concilia, ut Nicænum primum in aula Palatii Constantini, quemadmodum tradit Eusebius lib. 3. vitæ Constantini cap. 12. Sextum pariter sub Constantini Pogonati Imperio in ea Regiæ parte, quæ Trullus dicebatur. In Gallia non solum Reges voluerunt; sed & Præfules aliquando postularunt congregari in Palatio Concilia; adeò certi erant integram sibi, plenamque fore suffragiorum libertatem. Sed absurdum esset inde concludere omnia in Palatiis congreganda esse, quasi aptior esset tractandis rebus Divinis locus, Principis, quàm ipsius Dei Basilica. Concilium Constantinopolitanum Primum celebratum est in sacra Æde Sanctorum Martyrum Pantaleonis & Marini, Ephesinum in Æde B. Mariæ, Chalcedonense in templo S. Euphemie, Nicænum secundum in Basilica Metropolitana illius urbis, Constantinopolitanum quartum in Ecclesia S. Sophiæ, & alia ferè omnia, præsertim generalia, in aliis Ecclesiis. Certè quæ ratio Aulicis hominibus suavit penes Principem esse, si libuerit, locum Conciliis assignare Palatium (puta ut Principes commodius interessent, ac suâ præsentia Episcopos continerent, moverent, & inflecterent) eadem suadet non esse jus illud tribuendum Regibus. Nihil enim est tam necessarium cuilibet Congregationi, maximè verò Ecclesiasticæ, quàm libertas, quæ

quæ plurimum auctoritate sæculari debilitatur; imò etiam Aulicorum propriis cupiditatibus impulsorum, artibus, ac potentia sæpè omnino tollitur.

7. Prodest quidem præsentia Principis optimè rerum Ecclesiasticarum notitiâ instructi, & erga Religionem affecti. Verùm cum experientiâ docuerit, optimorum etiam Principum Religionem à Ministris, veletiam à perversis Episcopis seduci non raro posse, præstat integram hujusmodi cœtibus libertatem relinquere, ac Ecclesiasticis viris Divina & Ecclesiastica negotia tractanda dimittere; expeditque, ut Principes Conciliis Provincialibus, & Nationalibus, in quibus maximè reformidaretur illorum potentia, non intersint. Factum id quidem aliquoties, ut diximus, præsertim sub secundæ Dynastiæ Regibus, quorum erat auctoritas necessaria ob collapsam & ferè extinctam in Gallia disciplinam Ecclesiasticam, ac innumeras penè difficultates, quas vix superasset Ordo Ecclesiasticus sine auxilio Principum, qui se ad id præstandum promptos, ac devotissimos exhibebant. At verò cum hodiè Regii Officiales in id conspirasse videantur, ut Ecclesiasticam auctoritatem deprimant, vel potius in Regem, ac in se transferant, verendum esset, ne Rex Christianissimus illorum, qui, dum propriis utilitatibus laborant, jura Regia videntur curare, consiliis inductus, etiam præter suam intentionem Ecclesiastica jura læderet, Episcopis plerisque dissentire non audentibus. Justum esse hunc timorem multorum Episcoporum Aulicis artibus injustè ac per vim depositorum exempla, quæ alibi recensuimus, fidem faciunt. Quamobrem octava Synodus Oecumenica Principum in Conciliis præsentiam necessariam non esse declaravit, imò & absentiam optavit, à Conciliis præsertim non Oecumenicis.

8. Ea est hodie Principum sæcularium potentia, ut metuendum eis omnino non sit, ne quid in hujusmodi cœtibus adversus eorum jura statuatur; ac, si quid fortè incautè decretum fuerit, quod displiceat, facilè illius executionem impediant. Itaque minimè dubium est, quin illorum præsentia minus sit ad Regias rationes tuendas necessaria, quàm suffragiorum libertati contraria.

9. Certè si in Conciliis Principes adesse non debent, multò minùs præesse, si præsidèntia auctoritatem significet. Hæc enint ad Ecclesiam pertinet, id est ad eum Episcopum, qui cæteris, vel jure suo, vel ex delegatione superior sit. Ejus est primum locum occupare, determinanda proponere, suffragia rogare, ac juxta illorum pluralitatem concludere. Olim quidem aliquando Principibus in Gallia, dum Conventibus intererant, primus locus concedebatur; ipsi sententiam Episcoporum postulabant, aliquando etiam proprio nomine Decreta edebant. At illa propriè Concilia Ecclesiastica non erant, sed Regni Comitia, in quibus sæcularia etiam tractabantur negotia, & Laici jus habebant suffragii. Nam causæ spirituales ab Episcopis seorsim definiebantur; dum autem aliæ causæ Ecclesiasticæ discutiebantur, Principes quasi Ecclesiasticæ disciplinæ promotores à Summo Pontifice rogati, & ab Episcopis acceptati, non autem quasi Judices, multò minùs tanquam Præsides Ecclesiastici, aderant, nec suo nomine Canones quasi Conditores, sed quasi Protectores promulgabant.

20. Antiquum Comitiorum Gallicanorum ordinem describit Hincmarus in Epistola ad Episcopos quosdam Galliæ ex Adelardo; *Quæ utraque tamen, inquit cap. 35. seniorum susceptacula sic in duobus divisa erant, ut primò omnes Episcopi, Abbates, vel hujusmodi honorificentiores Clerici absque ulla Laicorum commixtione congregarentur. Similiter Comites, vel hujusmodi Principes sibi met honorificabiliter à cætera multitudine primo mane segregarentur, quousque tempus sive præsentis sive absente Rege occurrerent: & tunc prædicti seniores more solito, Clerici ad suam, Laici verò ad suam constitutam Curiam, subselliis similiter honorificabiliter præparatis, convocarentur. Qui cum separati à cæteris essent, in eorum manebat potestate, quando simul, vel quando separati residerent, prout eos tractanda causa qualitas docebat, sive de spiritualibus, sive de secularibus, seu etiam commixtis. Similiter si propter quamlibet discendi, vel investigandi causam quemlibet convocare voluissent & re compertà discedere, in eorum voluntate manebat.*

II. Quamquam, ut verum fatear, tantus erat olim Principum cum Ecclesia consensus, ut mutuis potiùs officiis inter se decertarent, quàm potestatis limites scrupulosè observarent.



rēt. Dummodò libera essent Episcoporum suffragia , cætera olim non tanti esse momenti judicabantur , ut concordia ac commodis , quæ ex concordia inter utramque potestatem ad bonum commune unanimiter tendentem consequuntur , anteponenda viderentur. Quamobrem ea exempla , in quibus Principes , quæ ad Prælatos Ecclesiasticos pertinent , exercere videbantur , in legem vertenda non sunt , cùm dispar sit rerum status , ac diversæ circumstantiæ. Sed de his satis. Parùm enim hodiè Principes de præsentia illa in Conciliis solliciti sunt , quippe qui vel absentes id quod optant , nullo negotio consequantur.

### C A P U T    I I I .

*De materia in Conciliis tractanda ; de jure suffragii , ac de confirmatione , & executione Canonum.*

1. **Q**uemadmodùm Episcoporum cura ad cuncta se extendit , quæ ad animarum suæ Diocesis salutem pertinent , scilicet fidem , mores , ac disciplinam ; ita Episcoporum in Concilio Provinciali congregatorum cætus iis omnibus providet pro tota Provincia , & insuper causas ipsorummet singularium Episcoporum definit : quibus cum in propriis Diocesis nullus sit superior , æquum est , ut præmineat Concilium Provinciale , reservatis tamen summo Pontifici causis majoribus , ac semper exceptâ ejus , & Concilii Oecumenici auctoritate , quæ sine dubio Provincialis Concilii potestate major , ac superior est.

2. Equidem si res ipsa sine circumstantiis spectetur , is quasi naturalis ordo est , ut Episcopus primùm suæ Diocesi prospiciat. Si quæ gravis difficultas occurrat , ad Metropolitanum & Concilium Provinciale illam perferat. Si nec illic definiri queat , ad summum Pontificem recurratur. At verò incidunt aliquando tempora , cùm prætermisso illo ordine necesse statim sit ad supremum tribunal accedere : ac tunc iniquum esset , ut cum evidenti justitiæ detrimento , obirentur omnes illi gradus , qui , ne justitia violaretur , indicuti , ac distincti sunt.

sunt. Imò tam frequens posset esse vel fidei, vel morum, vel disciplinæ, vel justitiæ periculum, ut universim certi cuiusdam causarum gravissimarum generis cognitionem trahere ad se, ac Episcopis interdicere, summus Pontifex deberet.

3. Miror qui potuerit ea cogitatio in mentem venire Domino Petro de Marca, ut scriberet pluribus in locis non licere Conciliis alia tractare; quàm quæ à Principe proposita fuissent. *Inter jura Regia*, inquit lib. 6. cap. 22. num. 3. *& hoc etiam eximium est, ut Conciliorum cognitionem Principes inter certos limites coerceant, servato quoque ordine præscripto.* Nunquamne igitur Ecclesiæ licebit disciplinam collabentem firmare; collapsam restituere; abusus corrigere; crimina plectere, nisi id à Rege præscriptum sit? Quid si (quod avertat Deus) Rex hæreticus, aut etiam Ecclesiæ hostis evaderet? Quæcumque statuerent Episcopi, si fortè coire possent, nullius roboris forent, defectu propositionis Regiæ?

4. Certè in iis, quæ ad fidem, & bonos mores, ad quæ omnis refertur Ecclesiastica disciplina, spectant, soli Episcopi Judices à Christo constituti sunt. Principi quidem justa præcipienti parendum est; justum autem est ejus præceptum, cum Ecclesiæ Decretum custodiri jubet; justitia tamen illa Decretorum, atque adedò robur ad obligandum coram Deo Canonibus inest, antequàm Principis autoritate confirmetur.

5. Superest unicum dubium, sed maximi momenti, utrùm scilicet Principes sint Ecclesiæ Decretorum meri executores, an cum cognitione causæ, ita ut, si quid obscuritatis, aut difficultatis emergat, possint Canones interpretari. Id quidem juris videntur velle sibi vindicare Reges Christianissimi, eorumque Senatus, cum de causis Ecclesiasticis per appellationem ab abusu ad se delatis, eo ferè ordine, iisdemque formulis judicant, quibus utuntur in judiciis sæcularibus, in quibus ex legibus civilibus jus dicendum est. Verùm licet possint potestates sæculares executionem Canonum non urgere, dum in particularibus casibus dubitant, an locum habere debeant hujusmodi Canones, propter circumstantias, quæ repugnare videntur: tamen si ex verbis ipsis Canonis orietur difficultas, quo scilicet in sensu accipienda sint, quæ-

ve fuerit conditorum mens, standum est trito illi Juris utriusque axiomati; Unde *jus prodiit, interpretatio quoque procedat.* Cap. *Inter alia* de sent. excom. cum suis concord. & ll. 9. 10. 11. Cod. de legibus.

6. Sanè cùm interpretatio illa, de qua loquimur, vim quodammodò legis obtineat, si liceret Principibus Canones interpretari, penes illos esset omnis legum Ecclesiasticarum potestas, ipsique, non Episcopi, quos ad hoc Spiritus Sanctus posuit, regerent Ecclesiam Dei. Non solum enim executio, sed & judicium in illorum esset potestate. Alia fuit Ecclesiæ, sed & Principum ipsorum mens, quorum exempla variis in locis, prout sese obtulit occasio, adduximus.

7. Adèò lucent Ecclesiastici juris regulæ, ut eorum etiam visum feriant, qui oculos claudere videntur, ne videant, quæ sibi non arident. Quis non laudet æquitatem Petri de Marca, & cum, ad defigendos Ecclesiasticæ ac sæcularis jurisdictionis terminos, arbitrum lubens non constituat, audiens quomodò circa Canonum executionem suas Ecclesiæ partes, Principibus suas, servet lib. 4. cap. 1. n. 2. *si propriè loqui velimus*, inquit, *executio Canonum jurisdictionem Ecclesiasticam respicit: cujus partes sunt, ut judicia Canonica reddat; penis canonicis, idest excommunicatione, degradatione, & suspensione; & ceteros ejusmodi reos plectat, & ut omnia uno verbo complectar, ligandi & solvendi Pontificium exerceat.* Tutio verò Canonum à Principibus pendet, qua Canonum custodia prospicit, & nullitatem rerum adversus Canones gestarum aliquando declarat, atque omnia in integrum restituit, sed ultra non progreditur, scilicet ad executionem Canonum, quam ab Episcopis implendam indicit. Non ergo eadem auctoritate in rebus Ecclesiasticis, ac in rebus sæcularibus Principes utuntur. Æqua videtur sententia; si quis tamen verba attentè consideret, in eis Autoris ingenium deprehendet. Nam Principibus executionem Canonum, quæ sine causæ cognitione fieri posset, negat, declarationem nullitatis gestorum adversus Canones concedit: quo pretextu negotiorum omnium judicium ad se trahere poterunt. Ecclesiæ est illam nullitatem declarare, Principum autem, post hujusmodi declarationem, Ecclesiam juvare ad omnia in integrum restituenda. Sed quid largitur Ecclesiæ Marca? Non vult ut Princeps Canones exequatur, sed ei tribuit ut eorum executionem

Patriarchis & cæteris Episcopis præcipiat, & malè gesta corrigat. Non enim vult observari gradus ad custodiam Canonum, quam Principibus tribuit. *Lex decernitur à Principe post constitutos Canones, quæ eorum executionem Patriarchis & cæteri Episcopi præcipit. Eadem lex in acta Præfectorum Prætorio refertur; qui unà cum Præsulibus Provinciarum violari Canones prohibent. Et, si infracti fuerint, eà de re ad Principem referant, qui malè gesta corriget. Præposterus est ordo, nisi in executione, sicut in conditione Canonum, Ecclesiæ præcedat. Non enim debent Principes illorum executionem pœnis à se constitutis urgere, quamdiu pœnis spiritualibus Ecclesiæ illam executionem obtinet: ut quod non pravalet Sacerdos efficere per doctrinam sermonem, potestas hoc imperet per disciplina terrorem, quemadmodum loquitur S. Isidorus Hispalensis de summo bono lib. 3. cap. 53.*

8. Sed quod addit ibidem prædictus Marca, Ecclesiasticam jurisdictionem manifestè lædit; *Inter cæteras autem pœnas, quas in Episcopos, & Clericos eà lege constituit (Justinianus scilicet Novell. Const. 123. Frequens est expulsio à Sacerdotio; quam vi constitutionis sua fieri diserte præcipit, aliosq; in depulsum locum subrogari. Depositionem Episcoporum, & aliorum institutionem vi Canonis, aut sententiæ Ecclesiasticæ, non autem constitutionis Principis fieri debere indubitatisimum est. Necjuvat, quod affert Marca numero sequenti, Justinianum in Musæo suo cum peritioribus Episcopis de rebus Ecclesiasticis tractare solitum. Quis enim nesciat nullo unquam tempore defuisse Præfules, etiam doctrinâ conspicuos, qui Principibus Ecclesiæ jurisdictionem usurpantibus ablandirentur.*

9. Nisi Autor desiderio protendendæ Principum jurisdictionis exœcatus fuisset, quomodò potuisset non advertere primum exemplum, scilicet Anthimi à Sede Constantinopolitana remoti, id, quod probare intendit, validissimè confutare. Etenim quamvis Anthimus ab Ecclesiâ Trapezuntina in Diœcesi Pontica, ad Sedem Constantinopolitanam sola Theodoræ Augustæ autoritate, absque Synodi judicio translatus fuisset, atque adedò Canones apertè violasset, nec ulla videretur requiri causæ cognitio; tamen Justinianus S. Agapeti Romani Pontificis sententiam expectavit, eamque deinde executus est, Invasorem illum expellens. Hoc

ni.

nihilominus exemplo utendum sibi putavit Marca (ita scilicet efficacia sunt ejus argumenta) quia Marianus libellum in actis Synodi Constantinopolitanæ sub Menna actione prima insertum, & ab omnibus Provinciæ Hierosolymitanæ & secundæ Syriæ Abbatibus subscriptum, Justiniano adversus Anthimum obtulit, in quo leguntur hæc verba; *Vos piissimi, valentes ipsos extraponere, tamen Canonicum judicium à Romano Pontifice in ipsum Anthimum, & in prædictos Hæreticos benefaciendo audire voluistis, & cætera, quæ Marca non est ausus referre, quia manifestè contraria sunt ei, quod hinc concludit; liberum scilicet fuisse Justiniano Anthimum remove, quamvis id à Pontifice Romano fieri maluerit. Vox illa, valentes potentiam Imperatoris innuit, non autem jus, ut manifestè patet ex sequentibus, quæ apertissimè declarant, necessarium omnino fuisse Romani Pontificis judicium, ut res legitimè gererentur, & ejus executorem tantum fuisse Justinianum. Eam habent sententiam illa verba; *Canonicum judicium à Romano Pontifice in ipsum Anthimum, & in prædictos hæreticos benefaciendo audire voluistis. Maxime cum ageretur de causa fidei.**

10. Sed ne conjecturis locus daretur, aut interpretationibus, ipsimet libelli autores protinus probant, debuisse Justinianum Romani Pontificis audire sententiam, ei quæ exequendæ suam operam præstare. Subjungunt enim; *Illo persuasi, qui dicit: interroga Patrem tuum, & annuntiabit tibi, seniores tuos & dicent tibi. Ne quis autem illa de consilio interpretaretur, non de præcepto, prosequuntur in hunc modum: & Apostolo dicente. Obedite Ducibus vestris, & subditi estote; ipsi enim vigilanti pro animabus vestris tanquam rationem reddituri, &c. Postea Imperatorem obsecrant, ut Agapeti judicium exequatur; Obtestamur itaque vestrum Imperium (licet temerarium quid faciamus) per magnum Deum Salvatorem nostrum Jesum Christum, qui protegat honorabile Imperium vestrum, & omnem inimicum, & hostem propter vestram rectam fidem vobis subjiciat, non contemnere justum judicium prædicti S. Viri, sed ipsum exequi, & Ecclesiam Dei, ac totum mundum liberare à peste Anthimi, & prædictorum Hæreticorum.*

11. Secundum exemplum est Irenæi post binas nuptias, contra Canones Apostolicos, Tyrionum Episcopi facti, & ab illa Ecclesia nullâ præviâ damnatione canonicâ, solo Principis Imperio dejecti. Sed primo tenuis auctoritatis est in hæc

700 TRACTATUS DE LIBERTATIBVS,  
 materia exemplum Theodosii Junioris, quem in aliis multis  
 ultra suæ potestatis limites constat excurrisse per id maximè  
 tempus, cùm absuit à Curia sancta Pulcheria. Secundò ex eo  
 quod Imperatoris Edictum sententiæ Synodicæ meminerit,  
 non sequitur nullam præcessisse. Cùm enim & antea, & post  
 Episcoporum destitutio sub Imperatoribus etiam hæreticis,  
 ut Constantio, fieri non consueverit, nisi post alicujus,  
 vel legitimi, vel illegitimi Concilii judicium, cur in isto tan-  
 tum casu, ac paucissimis aliis, prætermissum hunc ordinem  
 putabimus? Tertiò, etsi revera prætermisus est, cur ex isto  
 exemplo potius quàm ex innumeris aliis contrariis, juris con-  
 troversia dirimenda esset; præsertim cùm illud juri com-  
 muni repugnet? Quartò, sed colligitur ex epistola 110. Theo-  
 doreti, quæ est ad Domnum Episcopum Antiochenum, postu-  
 latum ea de causa fuisse Concilium. In ea enim epistola Theo-  
 doretus postquam probavit, ritè ordinatum fuisse à se Ire-  
 næum, quem multifariam commendat, addit; *Et impium du-  
 cimus hominem condemnare, qui multis & variis rebus optimè gestus est exor-  
 natus.* Petebatur igitur ab Episcopis condemnatio Irenæi.

12. Minus valet tertium exemplum, scilicet Petri Mog-  
 gi à Sede Alexandrina Zenonis Imperatoris jussu expulsi.  
 Destituebat enim, & restituebat impius Zeno Episcopos,  
 tanta cum temeritate, sæpe tanta cum injustitia, ut mirum  
 sit non puduisse Petrum de Marca in ejus exemplis Principi-  
 um jura fundare. Eundem Petrum Moggum, quem anno  
 477. à Sede Alexandrina Zeno dejecit, anno 482. in eandem  
 Sedem hæreticus hæreticum revocavit. Petrum Fullonem  
 hæreticum Apollinaristam, & Eutichianum Antiochenæ Ec-  
 clesiæ amoto Martyrio, præfecit. Timotheum Ælurum sa-  
 crilegum ab Ecclesia Alexandrina destituit, & restituit; &  
 alia patravit his similia.

13. Potest in hac etiam parte versatile Autoris ingenium  
 observari. Num. 1. distinguens tuitionem Canonum ab exe-  
 cutione, istam Ecclesiæ, illam Principibus tribuit: Num. 4.  
 Principibus in executionem Legum ad Canonum tuitionem  
 editarum, facultatem concessit, Episcopos à suis Sedibus ex-  
 pellendi, & alios subrogandi, quod tribus exemplis supra-  
 dictis probare conatus est num. 5. & 6. In hoc ultimo nu-  
 mc-

mero vulnus Ecclesiæ illatum linit declarans, *hæc omnia à Principibus acta jure quodam extraordinario; idq; in apertissima Canonum violatione, qua nullâ causa cognitione, nec Judiciorum solemnibus indigebat; sed in mera facti executione versabatur.* Quibus verbis nonnihil restricta videtur Principum in Episcopos licentia. Sed ne Principes de illa restrictione quærantur, rursus asseritur illis Episcoporum expulsio à Sede. *Deturbationem enim illam, inquit, quæ vacantem Ecclesiam redderet, sui arbitrii esse putabant.* Sufficiet sanè Principibus hoc arbitrium; cognitionem enim causæ necessariam non fuisse dicentibus quis contradicet? Num sunt inquisitiones à Ministris Regiis, antequam in exilium mittantur per litteras, parvi sigilli, quæ in Gallia, *de Cachet*, dicuntur, qui ad Aulæ voluntates ægrè se accommodant? Iterum illa in Episcoporum Sedes aliorum subrogatio, sine sententia canonica, ita injusta unicuique apparet, ut ab ea Christianissimi Reges, qui aliquam Religionis, ac justitiæ laudem consecuti sunt, semper abstinerint. Fatetur ergo Autor, quod *pœnam illam expulsionis, cum vacatione Episcopatus hodiè irrogare non possunt Principes, ob eas causas, inquit, quas tom. 2. exponam.* Tomum secundum etiam si plus 20. annis supervixerit, ipse publici juris non fecit, ut certò scire possimus, quæ sint illæ causæ. Sed vox hodiè justum creat timorem, fore ut causæ illæ, Principum intentioni, si pœnam expulsionis cum vacatione Episcopatus irrogare voluissent, nequaquam obstitissent.

## C A P U T I V.

*De autoritate Imperatoribus à Domino de Marca tributa circa judicia Ecclesiastica.*

1. **O**bservat Marca lib. 4. cap. 2. duplici modo restitutos ab Imperatoribus violatos Canones, scilicet vel latis legibus, quibus innovationes ultra progredi vetarent, vel amotâ specialiter alicujus Canonis violatione, si quis ad eos querelam suam deferret. Hujus ultimi modi quatuor profert exempla. Primum Eusebii Dorylæi Episcopi, apud Impera-

rorem Marcianum de injuriis sibi à Dioscoro illatis conquerentis. Secundum Bassiani Ephesini quondam Episcopi, eidem Imperatori se injustè depositum exponentis. Tertium Eunomii Nicomediæ in Bythinia Episcopi, auxilium ejusdem implorantis adversus Anastarii Nicæni, à quo usurpatam suæ jurisdictionis partem querebatur, invasionem. Quartum S. Athanasii ad Constantinum confugientis adversus Arianos. Sed hæc exempla docent, quomodò se gerere debeant Principes, dum ab Episcopis, aut aliis, eorum invocatur autoritas; ut scilicet querelas hujusmodi ab Ecclesia examinari, & terminari procurent; quemadmodum Marcianus trium supradictorum Episcoporum Libellos ad Concilium Chalcedonense, cum juris actis inserti sunt, remisit. Actione namque prima judicata est causa Eusebii, & Talionis pœna, idest depositio indicta Dioscoro, à quo depositus fuerat. Confirmata est actione 11. & rursus 12. addito quodam temperamento, Bassiani depositio. Actione 13. dirempta est controversia de juribus Episcoporum Nicomediæ & Nicænæ.

2. Sed quare ad Marcianum confugerant, si Concilii erat eas causas judicare? Primo quia tantus erat rerum in Concilio tractandarum numerus, ut metuerent illi Episcopi, ne sine litteris Imperatoris non audirentur. *Quoniam*, inquit Eunomius in Libello, quem Valentiniano, & Marciano porrexerat, *audientia in dilationem cedit, & formidamus ne fortè dimisso Concilio jura nostra vacuentur; supplicamus uti Vestra Majestatis audientiam nostram sine dilatione fieri.* Deinde ut libentiùs exequendo judicio Imperatores operam præstarent, eo magis necessariam, quod vis illata plerumque dicebatur. Denique ut Concilium maturiùs, ac benevolentius causas discuteret, ac terminaret.

3. Illustrius & attentione dignius est quartum exemplum, nimirum S. Athanasii, quem asserit Marca num. 4. à judicio Concilii Tyrii ad Constantinum Magnum appellasse, eo appellationis genere, quod Galli, *tamquam ab abusu* nuncupant. Equis hujusmodi appellationes damnare auderet, si tanti viri autoritate, ac exemplo gloriari possent? At certè S. Athanasius ab inimicis suis opprimi, & crudelissimam mortem subire maluisset, quàm Ecclesiasticæ jurisdictioni tam lethale vulnus infligi, quale hodiè in Gallia patitur ab appellationibus,



nibus, *tanquam ab abusu*. Expendamus exempli vim. Imperator Constantinus, qui jam pluries, scilicet Episcopis Concilii Nicæni, & Donatistis, ut tradunt Sozomenus lib. 1. cap. 17. Ruffinus lib. 1. cap. 2. Nicæphorus Callistus lib. 8. cap. 16. S. Optatus Milevitanus lib. 1. contra Parmenianum, S. Augustinus epistola 166. declaraverat Episcoporum judicium ad se non pertinere, victus tamen importunis Ariano-  
rum precibus tandem concessit, ut Synodus Tyri in Phœnicia haberetur sexaginta Episcoporum, quos, ut libuit, elegit, vel potius quos Ariani voluerunt, ad quos scripsit Imperator, *Scripsi ad quos volebatis Episcopos, ut vestras curas & sollicitudines præsentia & laboribus suis adjuvarent* apud S. Athan. Apol. 2. Misit quoque illuc Dionysium Comitem virum Consulare, ut omnia ordinatè, ac pacificè geri curaret. Episcopi congregati omnem judiciorum ordinem pervertentes, accusati inimicos, inter Judices admiserunt: imò ipsi inimici suspèctissimos homines, & apertissimos hostes delegarunt ad recipienda contra ipsum testimonia, quæ illo, & absente, nec vocato recepta sunt. Instat S. Athanasius cum Episcopis Ægyptiis, tum apud Episcopos, ne delegationem à paucis decretam communi calculo approbent, tum apud Comitem, ne causâ in tanta legum omnium violatione definiatur. Sanctus ille Patriarcha nullam justitiæ, nullam Religionis speciem in illo, non judicio, sed latrocinio, servari animadvertens, ad Constantinum ipsum recurrit, impetravitque, ut Episcopis evocatis, ipso præsentè Imperatore, vim sibi posset illatam explicare. At Eusebiani, confictâ novâ calumniâ, eâque corruptis quibusdam testibus, qui olim à partibus Athanasii steterant, probatâ, Constantinum ementito illo crimine, ita commoverunt, ut S. Patriarcham in Galliam relegaret. Quia nimirum S. Præsul accusabatur, quasi minatus fuisset se impediturum, quò minùs frumentum ab Ægypto Constantinopolim quotannis deferretur, quod huic urbi plurimum incommodi fuisset allaturum.

4. Quo circa primò notandum est Concilium illud Tyrium non solum non legitimum, sed ne quidem Ecclesiasticum habitum fuisse, ut demonstrat epistola Concilii Alexandrini an. 339. quæ directâ est ad omnes Ecclesiæ Catholicæ Episcopos;

copos; *Quis fronte, inquit Patres hujus Concilii, talem conventum Synodum appellare audent, cui Comes praesedit? Et ubi spiculator apparebat & Commentariensis, sive Carcerarius pro Diaconis Ecclesia adventantes introducebas? Ubi Comes verba faciebat, ceteri praesentes in silentio erant, vel potius Comiti obsequium suum accommodabant. Ubi quod communiter Episcopis placuit, ab illo impediabatur. . . . . In summa dilectissimi, qua species ibi Synodi, ubi vel cades vel exilium, si Caesari placuisset, constitueretur. Et inferius. At praclari Eusebiani quo veritatem scriptarum sua oblitterent, nomen Synodi suis actus praeferunt, cum res ipsa negotium Imperatorium non Synodale haberi debeat, quippe ubi Comes praesideat, & Milites Episcopos sub saellitio cingant, & Imperatoria Edicta, quos ipsi volunt, coire compellant. . . . . Si veluti Episcopi sese Judices volebant esse, quid opus erat vel Comite, vel Militibus, aut Edictis, ad coeundum, Imperialibus? An ex hujusmodi coetu duci debuit argumentum, quo Principibus jus quaeratur delegandorum Judicum in causis Episcoporum? An hinc probari possent appellationes tanquam ab abusu, nisi fortè ab abusu saecularis potestatis? Non enim appellavit Athanasius Constantinum tanquam Judicem criminum impositorum sibi, vel rei in legitimo Concilio gestae; sed vim sibi sub Comitibus auctoritate factam ab Imperatore, qui eum miserat, reparari postulat.*

5. Appellationis quidem mentionem faciunt Episcopi Orientales, qui se à Concilio legitimo Sardicensi segregaverant, & seorsim se congregarant, in epistola sua Synodica apud S. Hilarium in fragmentis. Sed ipse S. Athanasius Apologia secundà non appellationem à sententia Ecclesiastica, sed querelam adversus hostes suos se detulisse profitetur his verbis. Nos autem adito Principe, qui Synodum indixerat, in qua ipsius Comes praesiderat, Eusebianorum scelera patefecimus.

6. Notandum est secundò, S. Athanasium Concilii Tiriî auctoritatem non approbasse, licet ad illud accesserit: quia nimirum invitus. *Mibi, inquit Apol. 2. scribitur ut adsum, atque adeo necessitas veniendi injungitur, ut nisi venirem, invitus adducerer.*

7. Denique S. Athanasius ad Constantinum recurrit, non per appellationem à judicio legitimi judicis, sed per supplicationem adversus vim, Imperatoris ipsius auctoritate sibi illatam in coetu inimicorum, praesidente Comite ac opitulantibus militibus, S. Patriarchae adversariorum furori obsequentibus.

tibus. Quocirca S. Athanasius, ut à Concilio legitimo sua causa discuteretur, à Constantino postulavit: vel, si petitio adeò iusta repelleretur, saltem iniquis adversariis ad se opprimendum arma Imperator non ministraret: ideoque & suam innocentiam, & illorum iniquitatem sibi exponi pateretur. Constantinus autem intelligens, quò Athanasii preces tenderent, simul pollicitus est, & causam ad Concilium tanquam ad legitimum Tribunal deferendam, & se nihilominus partes auditurum, ne non Canonum executioni, sed eorum violationi patrocinaretur. *Imperator*, inquiunt Episcopi Concilii Alexandrini apud S. Athanasium Apol. 2. *Rei indignitate motus scriptis suis accusatores citat, suamq; ipsius audientiam promittens, simulq; Synodum indici jubet.*

8. In hoc etiam capite curavit Auctor verbis quibusdam lenioribus, Ecclesiæ de usurpata sua jurisdictione conceptum dolorem mitigare. Nam num. 4. cognitionem de iudiciis Ecclesiasticis ab Imperatoribus susceptam dicit; *Eo tantum sine, ut illis de violentia constaret, quam deinde amoveri procurarent.* Sed num. 6. ait, *Dolum, calumniam, & hostium, qui in illo Concilio (Tyri) Iudices sedebant, gratiam, Athanasio, & Egyptiis occasionem dedisse, ut Iudicis Ecclesiastici cognitionem ad Consistorium Principis transferrent.* Quando autem prætextus doli, calumnia, Iudicum suspicionis deficiet violentem iudicia Ecclesiastica trahere ad Principes?

9. Adde, quod num. 3. dixerat, non solum Canonum custodiam Principibus commissam esse, sed etiam Civium, & præcipuè Clericorum patrociniū, & tranquillitatis publicæ curam ad eos spectare. Quâ occasione nulla erunt iudicia Ecclesiastica, quæ ad Principes non pertineant, cum nulla sint, in quibus Cives, vel etiam Clerici injuriam sibi per violatos Canones factam non obtendant, si causâ ceciderint.

## CAPUT V.

*De autoritate Principibus attributa circa alios  
jurisdictionis articulos.*

1. **G**Ravius & apertius jura Ecclesiæ violant, quæ Marca cap. 3. ejusdem libri 4. Principibus tribuit, quare invidiam, in quam se incursum agnovit, avertere his verbis num. 1. fatetur, *Quamvis pleraque à nostris moribus sint aliena, atque adeò in usum deduci non possint, quin apertè Sacerdotii, & Imperii concordia violetur.* Quæ verba nos ab onere illa examinandi liberarent, nisi periculum esset, ne, mutatis Gallorum moribus, justè usurpari posse crederentur.

2. Primò ergò Imperatores Romanos à Sacerdotibus interpellatos dicit, Judices dare potuisse, sed Clericos, qui de negotiis Ecclesiasticis sententiam ferrent. Id si ità intelligeret, ut licuerit Imperatoribus consensum, imò, & operam dare, ut congregaretur Concilium, cujus erat de illis judicare, non facile redarguendus esset, & menti ejus faverent testimonium Concilii Milevitani II quod refert, & exemplum, quod hic repetit, Imperatoris Marciani, qui Bassiani à Sede Ephesina depulsi, & Eusebii Dorylæi Episcopi causas remisit ad Concilium Chalcedonense. Sed quod ait num. 3. *Non solum autem eis Episcopis judicium delegabant, qui ordinario jure intra Provinciam suam judicium ferre possent; sed etiam extra Territorium jurisdictionem aliquando prorogabant.* Hoc, inquam, aliquando de facto, nunquam sine injuria contigit.

3. In eo enim exemplo, quod attulerat num. 1. Cæciliani scilicet à Donatistis injustè damnati, Constantinus dum Donatistas graviter objurgavit, ut fatetur Autor, quod se criminis Ecclesiastici Judicem esse postulerent, satis testatus est se Judicibus extraordinariis causam delegare non potuisse, quamvis importunitati Donatarum cesserit. Non enim jurisdictionem delegatam confert, nisi qui ordinariam formaliter aut eminenter possidet. Præterea, cum summus Pontifex causarum hujusmodi legitimus esset Judex, ordinem

nem Canonicum sequebatur Constantinus, partes ad eum mit-  
tens. Episcopos autem, quos Melchiadi adjunxit, cum ex ejus  
essent Patriarchatu, Judices esse cum illo nihil vetabat. Nec  
tamen soli tres illi, quos miserat Constantinus, judicio in-  
terfuerunt cum Melchiade, ut patet ex illis S. Augustini ver-  
bis epist. 166. *Quod & factum est in urbe Roma Presidente Melchiade*  
*Episcopo illius Ecclesie cum multis collegis suis.* Et clarius ex S. Optato  
Milevitano, qui lib. 1. contra Parmenianum quindecim Ita-  
los Episcopos, quorum nomina & Ecclesias recenset, cum  
supradictis convenisse testatur, ut ex novemdecim constatum  
fuerit Concilium.

4. Cæterum S. Augustinus epistolâ 162. non adstruit ju-  
risdictionem Melchiadis à delegatione Imperatoris, quasi Pon-  
tifex ab eo potestatem aliquam mutuatus fuerit (cænim erat  
causæ conditio, ut absque Romano Pontifice ritè definiri  
non posset, quemadmodum confitetur ipse Marca) sed Do-  
natistis os obstruit, ne Judicem incompetentem fuisse conque-  
rantur; tum quia legitimus erat; tum quia fuerat à Constan-  
tino, à quo ipsi Judices postularunt, nominatus. *An forte, in-*  
*quit S. Augustinus, non debuit Romana Ecclesia Melchides Episcopus*  
*cum Collegis transmarinis Episcopis illud sibi usurpare judicium, quod ab Afri*  
*70. ubi Primus Tingitanus presedit, fuerat tentatum. Quid quod nec ipse usur-*  
*pavit: rogatus quippè Imperator Judices misit Episcopos, qui cum eo sederent,*  
*& de tota illa causa quod justum videretur, statuerent. Hoc probamus & Do-*  
*natistarum precibus, & verbis ipsius Imperatoris.* Undè convincuntur  
Donatistæ Melchiadem recusari ab ipsis non posse, utpotè  
à Constantino, à quo ipsi Judices petierant, assignatum.

5. Sed quâ ratione probat Marcâ istam facultatem Impera-  
torum, Judices aliundè jurisdictionem non habentes, com-  
mittendi? Autoritate S. Cyrilli Patriarchæ Alexandrini, &  
Memnonis Episcopi Ephesiorum, conquerentium in libello,  
quem Concilio Ephesino porrexerunt, in cujus actis habetur  
parte secundâ act. 4. se à Joanne Antiocheno depositos, licet  
ille nec per leges Ecclesiasticas, nec per Imperiale Decretum potestatem habe-  
ret; ex quibus ultimis verbis infert Marca per Imperiale De-  
cretum posse constitui Episcoporum Judices, qui aliundè ju-  
risdictione in illos careant, ut Patriarcha Antiochenus in  
Patriarcham Alexandrinum, & in Episcopum Ephesinum nul-

lam habet. Infirum sanè argumentum. Nam eo tempore concurrebant Imperatores cum autoritate Ecclesiastica ad con-  
 vocationem Conciliorum, in quibus tractabatur depositio  
 Episcoporum. Ad illum igitur usum, qui tunc frequentissimus  
 erat propter rationes alibi notatas, non ad jus quoddam ima-  
 ginarium, aut certè sacrilegum, deponendorum autoritate  
 sæculari Episcoporum, referenda sunt hæc verba Cyrilli, &  
 Memnonis. Etenim libellus sic incipit; *Pium* (Imperatorum  
 nostrorum) *Edictum*, & nos & vestram Sanctitatem in hanc Ephesium  
*Metropolim*, eâ de causa convenire iussit, ut & rectum: *Apostolica Fidei de-*  
*cretum communi sententiâ confirmetur*, &c. Huic Ephesini Concilii  
 convocationi opponunt, quæ de conventiculo Joannis An-  
 tiocheni dicunt; *Nec per leges Ecclesiasticas, nec per Imperiale Decre-*  
*tum potestatem habuit, quâ sultus, vel quempiam ex nobis judicare, vel omnino*  
*simile quidpiam attentare posset.* Evidentiùs demonstraturi erant duo  
 illi Episcopi depositi sententiæ adversùs se latæ injustitiam,  
 etiam Imperiale Decretum excludendo: non quod posset tale  
 Decretum jurisdictionem non habenti conferre, sed quia co-  
 lorem aliquem, aut excusationem apud homines prætexuisset  
 Antiochenus Patriarcha, si ad Episcopos sibi non subditos ju-  
 dicandos Imperiali Decreto coactus fuisset: ut ergò & præ-  
 textum necessitatis obediendi Principi, & legitimam excusa-  
 tionem concurrentis Imperatoris autoritatis cum Ecclesiasti-  
 cæ ad convocandum Concilium, in quo depositi fuerant, at-  
 que aded & fundamentum, & colorem justitiæ omnis de-  
 fuisset ostenderent, etiam Imperialis Decreti defectum commem-  
 morarunt.

6. Non est prætermittendum quod ait Marca, Imperato-  
 res judicia à Patriarcha, vel Metropolitano, si qua esset con-  
 tra eos suspicio, ad aliam Provinciam olim transulisse. Nes-  
 cio enim, an non hinc fortassis aliqua Galliæ Parlamenta pa-  
 trocinium accerferent illi abusu, quo aliquando, interverso  
 Tribunalium Ecclesiasticorum ordine, partes ad Judices non  
 suos mittunt, etiam ubi de censuris agitur. Marcæ arrident  
 mirunt in modum gesta Theodosii Junioris, quia cùm ad con-  
 cedenda, quæ rogabatur, puerili facilitate promptus esset, plu-  
 rima patravit legitimam suam superantia potestatem. Refert  
 igitur Marca exemplum Theodosii Junioris, qui judicium  
 lbæ

Ibæ Edeffenorum Metropolitani , nec non Joannis , & Danielis Episcoporum Provinciæ Osrhoenæ de hæresi accusatorum , à Domno Patriarcha Antiocheno , apud quem jam fuerat lis contestata , ad Photium Episcopum Tyri , & Eustathium Beryti Provinciæ Phœniciæ , cum Uranio Himeriorum Episcopo avocavit , quod patet ex ejus rescripto inter acta Concilii Chalcedonenfis act. 10. Sed usurpatum fuisse judicium illud ex ipsa rei naturâ fit evidens.

7. Sanè si hæc potestas penes Principes esset , Canonum non solum tuendorum , sed etiam evertendorum facultatem haberent ; cum à Conciliis etiam generalibus statutum sit , ut causarum Ecclesiasticarum judicia in propriis Provinciis exercentur. Is enim est , nominatim Canonis Nicæni sensus , ad quem respexerunt S. Joannes Chrysostomus , & Theophilus Alexandrinus , cum Arcadius Theodosii Junioris Pater Theophilum à S. Joanne Chrysostomo , & mox S. Joannem Chrysostomum à Theophilo judicari præcepisset. Nam Imperatoris delegationem hujusmodi uterque tanquam Canonibus contrariam improbavit , quippe cum neuter alteri esset subditus : cum tamen Theophilus , qui , quo minus adversum se usurparetur , institerat , adversus S. Chrysostomum acceptavit , aliâ in eum mensurâ utens , quàm quæ adversus Theophilum ipsum à S. Joanne Chrysostomo adhibita fuerat. Constat hoc epistolâ ejusdem sancti ad sanctum Innocentium primum. Cum Theophilus , inquit , causam dicere nollet , meque urgerent Accusatores ejus , vocavi nos Imperator piensissimus , & jussit , ut iremus ad locum in quo ille agebat , & illuc ea , quæ contra illum dicebantur , audiremus. Nos autem scientes leges Patrum , viroque honorem deferentes , habentes etiam super hac re ejus litteras , oportere in quibusque Provinciis sua negotia tractari , neque extra limites illarum trahi , vehementer detestavimus , ne causam susceperemus judicandam. Deinde congruum non est , ut qui in Egypto sunt , judicent eos , qui in Thracia. Et infra ; Domini mei maxime venerandi , & pii , studium vestrum , & magnam diligentiam adhibete , quo retrudatur hac , quæ in Ecclesias irrupit , iniquitas. Quippe si mos hic invaluerit , & fas fuerit cuivis in alienam paræciam irrumpere , idque ex tantis intervallis , & ericere quos voluerit , & propria auctoritate quavis pro libidine sua facere , scitote quod brevi transibunt omnia , & totus Orbis prematur bello non indicto , omnibus ejectis , & omnibus ejicientibus.

8. Sed & ipsi Accusatores Ibæ profiteri non audent se Judices extraordinarios spontè postulasse, cùm potius agnoscant post Patriarcham Antiochenum adeundum fuisse Concilium tam Orientale, quàm Occidentale. Sic enim habet Libellus Samuelis, & aliorum Presbyterorum Edessæ ad Photium, & ad reliquos Episcopos, contra Ibam. *Consequenter & secundum Canones adeuntes Concilium tam Orientale, quàm Occidentale, oportuit nos, & piissimum atque Christianissimum Principem nostrum pro his deprecari. Ex hoc ergò, & sanctissimo nostro Archiepiscopo Flaviano pariter decernente, & cum piissimo nostro Principe disponente, à vestra sanctitate nostrum exerceri negotium, advenimus parati nobis adesse.* Inter acta Concilii Chalcedon. act. 10. Recurrerant igitur ad Imperatorem, ut eorum causa ejus favore à Concilio Orientali, & Occidentali audiretur.

9. Domnus injuriam suæ jurisdictioni ab his Clericis illatam graviter conquestus est in suo Concilio Antiocheno, cùm ad causæ judicium sese accingens eorum quosdam ad Imperatorem recurrisse audivit. *Manifesti sunt, inquit, desertores, & excommunicationem, & Apostolicum hunc thronum contemnentes, & se ipsos submittentem majori damnationis supplicio.* Inter acta Concilii Chalcedonensis act. 10. Non ergo sine Canonum violatione, sine legitimorum Judicum injuria, & sine sæcularis potestatis abusu, translata sunt ab una Provincia in aliam per Imperatores, Ecclesiasticorum negotiorum judicia.

10. Iniquius est, quod in reliquâ hujus cap. 3. parte probat, & jus vocat Marca; scilicet Principes ordinem à Conciliis etiam Occumenicis servandum præscripsisse, eam observationem per Comites ad id missos curasse; imò, si quid præter eum ordinem attentatum fuisset à Concilio Occumenico, in irritum misisse; quis tanquam Judex; quis tanquam reus ibi habendus esset, statuisse; nec non cujus Concilii Decretorum habenda esset ratio, ut ab eo non posset appellatio interponi; cujus autem sententia non eam vim habere deberet. Nescio an salvâ fide tanta Principibus sæcularibus in Concilia tribui possit autoritas. Sed quæ sunt illius juris fundamenta? Exemplum Theodosii Junioris ea, quæ à Concilio Ephesino gesta fuerant contra Joannem Patriarcham Antiochenum, aliosque Episcopos Orientales, rescindentis.



dentis. *Eo etiam, inquit Marca, quod à forma litteris suis præscripta temerè discessum fuisset. Liberum enim sibi Principes existimabant, ut rerum gerendarum ordinem etiam Conciliis Oecumenicis præscriberent. Magis videntur expressa verba numeri 3. capitis 22. libri 6. At non fortuito aut per occasionem Synodus deliberat de materia à Rege præposita; sed quia inter jura Regia & hoc etiam eximium est, ut Conciliorum cognitionem Principes intra certos limites coerceant, servato quoque ordine præscripto. Modus hic agendi deprehenditur in litteris Imperatoris Theodosii pro convocatione Concilii Ephesini primi, atque item secundi. Sed Theodosii fuit illa temeritas: & indignum est, ut proponatur in exemplum, factum, quod tum ab omnibus aliis scriptoribus Catholicis dedecori Theodosio vertitur, tum ab ipsomet Imperatore improbatum est, ut patet ex actis Concilii Ephesini parte 3. cap. 14.*

11. At, inquires, improbatum est, quia injustum in se, non quia ab illegitima potestate. Nec enim Synodus exostulavit cum Theodosio de usurpata jurisdictione, sed de obreptione ob falsam Candidiani Comitum relationem. Quasi verò liberum sit omnia injustitiæ capita Principibus à perversis Ministris seductis objicere; & non cogat potius illorum potentia, quæ minus placent, idest quæ potestatis limitum admonent, silentio involvere: quæ autem minus ægrè ferunt delicatæ illorum aures, scilicet alienum mendacium, ac rei veritatem exponere, dummodò hoc satis sit, ut damnum illatum reparetur.

12. Nec minùs improbum fuit aliud factum Theodosii, cum in Conciliabulo secundo Ephesino cum cognitioni Synodi ordinem præscripsit, ut Flavianus Episcopus Constantinopolitanus inter reos haberetur, eo quod sententiam adversus Eutichem dedisset; licet secùs actum fuisset antea erga Episcopos Orientales, qui Antiochiæ in S. Athanasium sententiam dixerant. *Discrimen, inquit, Marca in fine hujus cap. 3. ex eo præfigitur, quod Concilii Antiocheni ratio habita fuit perinde ac si appellari ab ejus judicio non posset, sed tantùm retractationis cognitio institui, ut fieri solebat adversus sententias Prætorum Prætorio. At Synodus Flaviani non eo jure potita est, sed eo loco habita, ac si ab ea provocari posset. Quod non alia ratione nitebatur, quam micro Theodosii arbitrio, qui ordini hujus cognitionis, quas voluit leges præscripsit, etsi à cæterorum judiciorum ordine alienas. Hujus doctrinæ, ac similium Autores,*

Ec.

712 TRACTATUS DE LIBERTATIBVS,  
Ecclesia Gallicana suarum libertatum vindices tantopere laudat, tantique facit. His adminiculis suffulciuntur celebres illæ libertates. Illi sunt Canones, illa Patrum traditio, quibus nituntur, nempe exempla violatorum ab Imperatoribus sanctiorum Ecclesiæ jurium.

## C A P U T VI.

*An possint Principes Synodaliū sententiarum effectum suspendere, atque à iudiciis Ecclesiasticis appellationes in causis etiam Ecclesiasticis recipere.*

1. **R**ursus exemplum Theodosii junioris adhibet Marca lib. 4. cap. 4. num. 1. ut probet Principes posse sententiæ in iudicio Ecclesiastico latæ executionem suspendere, novâ Synodo ad causam iterum tractandam indictâ; quia nimirum, licet Cælestinus summus Pontifex cum Concilio Romano, & cum secutus Cyrillus cum Concilio Alexandrino, Nestorium à communione Ecclesiæ Catholicæ segregassent, nisi intra decem dies, ab admonitionis tempore numerandos, nefandam suam hæresim anathematizaret, Theodosius Synodum generalem Ephesi celebrandam indicens, Romanæ & Alexandrinæ sententiam interim effectum sortiri vetuit, quod ex eo colligit, quod Nestorius tanquam Episcopus ad Synodum vocatus, & in Synodo nominatus fuit. Sed, quam habuit vim suspensio sententiæ à Conciliis Romano & Antiocheno contra Nestorium prolata, ea non Imperatoris Edicto, sed summi Pontificis indulgentiæ adscribenda est. Consultus enim Cælestinus Romanus Pontifex à S. Cyrillo paulò ante Concilium Ephesinum, utrū Nestorius tanquam Episcopus habendus esset, quippè cū effluxisset tempus induciarum ei ad anathematizandum errorem concessarum, respondit supersedendum exequendo iudicio. Quæstio S. Cyrilli concepta his verbis erat; *Utrum sancta Synodus recipere debeat hominem à se prædicata damnantem, an, quia induciarum tempus emensum est, sententia dudum lata perduret.* Respondit summus Pontifex; *Super hac utique consultatione communi, communem Dominum consulamus. Nomen nobis respondet illud*

*illico per Prophetam , mortem se nolle morientis ; & per Apostolum Paulum omnem hominem velle salvum fieri , & venire ad scientiam veritatis ? Nunquam displicet Deo accelerata in quocumque correctio. Epistolâ Cælestini ad Cyrillum , Labbe tom. 3. Concil. Ephes. act. 2.*

2. Quomodo potuit Catholicus Autor in animum inducere , excommunicationis , & depositionis vim & effectum Edicto Imperiali suspendi. Hæc propositio , si de jure , ac in ordine ad conscientiam intelligatur , hæresis labe non carebit. Quamobrem de facto interpretari eam malumus , ut scilicet Principes pro eâ , quâ pollebant , potentiâ impedirent , aut remorerentur nonnunquam judiciorum Ecclesiasticorum executionem : hoc autem ab eis legitimè tunc tantum fiebat , cum præeuntem , acrogantem Ecclesiam sequebantur. Eorum enim auxilium implorare cgebantur Pontifices , & Synodi adversus contumaces , & interdum rabidos Ecclesiæ hostes , ut videre est in exemplis ab Autore relatis num. 2. & 4. ejusdem cap. 4. scilicet S. Leonis Theodosium interpellantis , ut suspendi juberet executionem secundi Concilii seu Latrocinii Ephesini , nec non Legatorum sanctæ Sedis invocantium auxilium Judicum in Synodo Chalcedonensi , adversus illius Synodi decreta , quæ Canonibus Nicænis erant contraria. Absurdum autem est , eam Legatorum petitionem appellatione tanquam ab abusu explicare : quasi Judices à Martino delegati fuissent ad judicandas appellationes de Canonibus violatis interjiciendas , & ad eos appellassent Legati S. Leonis à Concilio Chalcedonensi , suis Canonibus Canones Nicænos violante.

3. Jus aliud , inquit Marca num. 6. à Justiniano continuatum , vel institutum legimus , scilicet , ut ab Episcopis Imperatoris rescripto delegatis ad controversiam Ecclesiasticam dirimendam , Princeps ipse appellaretur. Sed in Justiniani loco , quem refert ex novel. 123. cap. 21. causarum Ecclesiasticarum nulla fit mentio. *Sitamen* (verba sunt Justiniani à Marca exscripta ) *Imperiali jussione , aut judiciali præcepto Episcopus judicat inter quasumque personas , appellatio ad Imperium , aut ad eum , qui transmisit negotium , referatur.* Verba illa , *inter quasumque personas* , indicant potiùs causas profanas , quæ si Episcopis , ut fiebat interdum , commissæ fuissent , & ab eo-

X x x

rum

rum sententia fuisset appellatum, ad committentem perfectum erat appellatio, inter quascumque personas esset controversia, idest etiamsi Clericatus honore essent insignitæ, quia res non persona tunc attendebatur. Quæ interpretatio ex eo, quod præcedit, confirmatur. Statuit enim Justinianus, ut, si Judex sententiam Episcopi in causa contra Clericum aut Monachum sive Monacham, justam cognovisset, eam executioni demandaret, amotâ omni appellatione. Si Judex injustam declarasset, posset ab ejus declaratione appellari secundum legum ordinem; idest, ad legitimam Superiorem secundum rerum conditionem. Addidit postea verba suprâ relata, quibus decernit in causis delegatis ab Imperatore aut aliâ, ad ipsum delegantem esse appellationem emittendam, sine personarum distinctione. Sed si de causis profanis id non accipitur; quid aliud effecit Imperator, quàm culpam addidit culpæ, & primam causæ cognitionem delegans, & appellationem sibi reservans?

4. Hoc delegationis genus S. Gregorio non ingratum fuisse colligit Marca ex iis, quæ gesta sunt in causa Adriani Thebanæ Civitatis Episcopi: sed frustrâ. Cùm Adrianus à Diaconis suis accusaretur de pecuniariis, criminalibusque capitulis, Mauritius Imperator Joanni Episcopo Larissæ causam commisit. Sed cur placuit Marcæ hanc delegationem vocare? Cùm enim prædictus Joannes Metropolitanus esset Adriani, an, qui ex tot Canonibus Ecclesiasticis Judex erat, Principis indigebat delegatione? De pecuniariis quidem permisit Imperator, ut Metropolitanus ferret sententiam; de criminalibus verò post examen ad se referri voluit.

5. Si tam religiosus fuisset Marca in conservandis summorum Pontificum juribus, quàm in extendenda Regum potentia profusus; factum illud ita fuisset interpretatus, ut Mauritius ordinem canonicum secutus, Episcopum ad proprium Metropolitanum remittens, pecuniarias quidem causas ab eo definiendas duxerit, criminales verò tantùm examinandas; ut, si fortè reus deponendus esset, Romani Pontificis sententia requireretur. Agebatur enim de neglecta ab Adriano correctione Stephani Diaconi turpem vitam degentis, & de negato Baptismate Infantibus, non recepto illo Sacramento de-

defunctis, ut refert S. Gregorius regeſt. lib. 2. epiſt. 46. quæ eſt 7. indiſtionis 11. Nec careret optimis conjecturis illa opinio. Primò enim illa crimina Eccleſiaſtica ſine dubio ſunt, & ad Eccleſiaſticam cognitionem magis ſpectant, quàm cauſæ pecuniariæ, de quibus Metropolitanus permiſſus eſt juſ dicere. Secundò re ipſâ de criminibus illis ex Imperatoris aſſenſu judicavit Honoratus ſanctæ Sedis Diaconus, cum uno ex Officialibus Imperii, judiciumque ab Imperatore approbatum fuit; ſiquidem fuerat illa Mauritiî mens, non immeritò ejus reſtas *juſſiones* appellavit S. Gregorius.

6. Quod ſpectat delegationem Joannis Epifcopi primæ Juſtinianæ, qui Thebani Judex ordinarius non erat; S. Gregorius teſtatur eam fuiſſe fraude elicitam. Neſcio, inquit prædictâ epiſtolâ 46. quibus *machinationibus* exquiſitis alia ruſus eſt principalis juſſio elicitâ, ut de cunctis anſeſâtiſ capitulis Joannes prima Juſtiniano Epifcopus requirere ſubtiliter judicaret. Sunt autem tum in ea, tum in præcedenti epiſtolâ multa, quæ demonſtrant Principum delegationes juri ſuperiorum Eccleſiaſticorum, præcipuè ſummi Pontificis non poſſe, niſi fortè per vim, quidquam detrâhere. Nam S. Gregorius ſententiam contra Adrianum, tum Metropolitanî, quem Marca vult jure delegato proceſſiſſe, tum Joannis Epifcopi primæ Juſtinianæ, quem delegarat Mauritius, non obſtante delegatione Principis irritas declaravit, & in ipſos Judices animadvertit; ut conſtat ex epiſtola ſupracitata, & ex præcedenti: quod certè non attentâſſet S. Pontifex, niſi ſuæ ſibi poteſtatis conſcius intellexiſſet, ſupremum illius negotii judicium ad ſe pertinere, Judiceſque, qui primam tulerant ſententiam, quantumvis interveniſſet Imperatoris opera, etiam in ea ferenda, à ſe pependiſſe, ſibi que ſubjaciuiſſe.

7. His Eccleſiæ vulneribus à ſe inſlictiſ lenimentum apponere ſe ſimulat Marca num. 7. docens graviora inferri ſolere ab Imperatoribus Conſtantinopolitanis, quorum tamen uſum juris nomine decorat, quàm à Regibus Franciæ; potiori jure debebantur Imperatores Conſtaminopolitani, &c. Qua idè commemorari, inquit, ut conſtareſ omnibus Reges Francorum cautius, & reverentiùſ ſe geſiſſe in hiſ controverſiſ, qua diſciplinam reſpiciunt. §. etiam 8. obſervationibus quibuſdam, ſed ad ſanandum malum non omni-

716 TRACTATUS DE LIBERTATIBVS,  
 nõ efficacibus , quæ hucusque dixerat , in isto libro non ni-  
 hil temperare conatur. Scribit enim v. g. ad Imperatores Ro-  
 manos de iudicio canonico ab uno Episcopo reddito , que-  
 relam statim rectâ viâ non fuisse delatam in materiâ fidei ,  
 rituum , disciplinæ Cleri , aut in alia quæstione canonica ;  
 sed parùm juvabat Ecclesiam ille ordo , siquidem mediâtè ,  
 sub prætextu delegationis , aut aliis modis parùm canonici-  
 cis , hujusmodi causas tandem Principes ad se trahebant.

## C A P U T VII.

### *De autoritate Regum & Episcoporum Franciæ.*

1. SI Reges Francorum cautiùs , & reverentiùs , se gesse-  
 runt in controversiis , quæ disciplinam Ecclesiasticam  
 respiciunt , quàm Imperatores Romani , ut affirmavit Marca  
 sub finem capituli 3. §. 7. id eorum pietati , non defectui juris  
 tribuendum esse vult ; quandoquidem statim initio cap. 5. ait ;  
*Quemadmodum Imperii Romani mole in varias partes dissectâ , Galliarum Provin-*  
*cia in victoriâ primum Francorum Regibus Divini Numinis auspiciis cesserunt ;*  
*ita etiam Imperii jura plenè , & integrè cum eis communicata sunt ; præcipuè*  
*verò tuitionis Ecclesiastica cura Reges nostros respexit , postquam gloriosissimus*  
*Princeps Clodoveus Pagana impietatis labe aquis divini lavacri feliciter abstern-*  
*sâ , in Ecclesia Catholica filium primogenitum adoptatus est.* Quantam  
 sibi vim faciat Autor , cum effusam Principum in Ecclesiasti-  
 cam jurisdictionem præsumptionem cohibere cogitur , ne  
 omninò non Catholicus videatur , diù dissimulare non potest ,  
 cum statim , quod Ecclesiæ reliquerat , repetere tentet. En  
 hocce §. primo , quando sperabas magnam Ecclesiasticæ autori-  
 tatis securitatem in Gallia , ex quo Reges Ecclesiæ filii , at-  
 que adeò in spiritualibus , & Ecclesiasticis rebus subditi , ef-  
 fecti sunt : ità supra Ecclesiam offeruntur , ut possint ipsi  
 quidem Episcopos , Canones violantes , corrigere , non pos-  
 sint autem ipsi ab Episcopis corrigi , si similis violationis rei  
 sint. Hoc igitur præstat Baptismus , ut qui in Ecclesiam ad-  
 mittitur , ab Episcoporum censura eximatur.

2. At , inquires , non tam Marcæ opinio est , quàm Gre-  
 gori

gorii Turonensis, qui lib. 5. historiæ cap. 19. Sic Regem Chilpericum alloquitur; *Si quis de nobis ô Rex, justitia transiret transcendere voluerit, à te corrigi potest; si verò tu excesseris, quis te corrige?* Verum id quidem est, ubi de facto intelligitur. Sæpe enim tanta est Principum potentia, tanta etiam aliquorum licentia, ut Episcopos tum reos, tum innoxios pessimè habeant, & vix cujusquam monitionem, nedum correptionem patiantur. Eam esse verborum Gregorii sententiam indicant quæ continuò sequuntur; *Loquimur enim tibi, sed si volueris audis: si autem nolueris, quis te condemnabit, nisi is, qui se promenciavit esse justitiam?* Sed si quis Christianos Principes ab omni Prælatorum censura eximeret, & illos Ethnicos declararet, & se ipsum proderet hæreticum. Attamen tutus sit hac in parte Marca sub clypeo Gregorii Turonensis.

3. Quid sentiemus de eo, quod §. 2. ait, si quæ judicia in causis Ecclesiasticis ab Episcopis adversum Decreta Regia lata essent, statim contrariis judiciis infringebant Reges. Hoc Marca non probat expressè, (is enim mos ejus est in odiosis, & pudendis, ut odium, & pudorem declinet) nec improbat, quippe quod Regibus faveat. Sed nonne referre, nec improbare, probare quodammodò est? Exemplo autem, quod *insigne* ab Autore appellatur, & certè insigne dici potest, licet alio sensu, quàm quem Autor videtur intendisse. Vix enim aliud reperiatur in historiis Francorum injustius, crudelius, & Rege Christiano indignius.

4. Emerius Episcopus Santonensis absque consensu Metropolitani, Archiepiscopi scilicet Burdegalensis, atque adeò contra Canones, decreto Regis Clotharii ordinatus fuerat. Mortuo Clothario, Metropolitanus, nomine Leontius, Synodum Provinciale apud Santones convocavit, in qua prædictus Emerius, utpotè contra expressam Canonum dispositionem, ad Episcopatum promotus, depositus est, ejusque loco suffectus Heraclius. Charibertus Clotharii filius, quasi Regis voluntas Canonibus Conciliorum, etiam generalium, quibus cavetur, ne Episcopus sine Metropolitanis consensu ordinetur, esset anteponenda, non solum acta supradicti Concilii rescidit, mille aureos à Metropolitano, sub mulctæ nomine extorsit, cæteros autem Episcopos ad id,

X x x x 3

quod

quod quisque solvere poterat, condemnavit; sed etiam Heraclium plaustris spinis repleto in exilium trahi præcepit, ut refert Gregorius Turonensis lib. 4. hist. Franc. cap. 26. O eximæ libertates! ô præclara exempla illarum! Ergone Gallicani Episcopi, nedum Ministri Regii, hujusmodi liberos, seu Libertatum Ecclesiæ Gallicanæ armamentaria prædicant? Ergone libertatem reputant, multis, & crudelibus exiliis, ob custoditos Canones subiacere?

5. Sed cujusmodi, & quàm variabilis est ista Regum Francorum potentia! Potuit Charibertus Episcopum contra Canones promotum, & secundum Canones dejectum, restituere, alium secundum Canones à Concilio constitutum deponere, ut tradit Autor §. 2. modò citato; non potuerunt autem, ut refert ibidem §. 4. Reges Galliæ, & Germaniæ Drogonem Patrum suum, filium Caroli Magni, quantumvis autoritate Apostolicâ munitum, in Apostolici Vicariatus possessione manutenere? Eidem potentie defectui obnoxius fuit Carolus Calvus Imperator & Rex Franciæ, secundum Autorem num. 5. cum efficere non potuit, ut Ansegisus, à Joanne Papa VIII. Primas per Gallias & Germanias creatus, eâ dignitate frueretur. Undè tanta diversitas? An ex eo quod Charibertus solo jure suo utebatur; Nepotes autem Caroli Magni auctoritatem summi Pontificis suæ prære curaverant? Infirma, imò infelix summi Pontificis conditio! non solum enim ipsius auctoritas nihil invitis Episcopis potest in Canones, sed etiam conjuncta cum auctoritate Regum, illi, quæ alias potentissima esset, robur omne adimit. Sic enim Marca sub finem §. sexti post prædicta exempla Drogonis, & Ansegisi, nec non post auctoritatem Hincmari Remensis. *Quare, inquit, certum erat apud Episcopos Gallicos hoc sacrolo, Canones receptos absque manifesta necessitate à quoquam violari non posse, nec à Pontifice, nec à Rege: solaque Synodi Gallicana refragatio, antiquis Canonibus, & Decretis nixa, novarum rerum effectum impediebat.*

6. Sed numquid Autor à suo instituto, idest à consilio augendæ jurisdictionis Regiæ, desecit, Episcopis tantam facultatem relinquens, ut possint Principibus, aliquid contra Canones tentantibus, obistere? Hanc ille à se suspensionem quamprimùm amovet. Prosequitur enim; *Non frustra autem necessitatem*

exce-



*exceptis (Hincmarus) quia sæpè ea tempora incidunt ; ut Ecclesia intersit  
juss antiquum aliquando immutari , ut his posterioribus sæculis factum videmus.*  
Posterioribus enim sæculis multa contra Canones, aliquando  
quidem assentientibus, sed sæpè renitentibus Episcopis in mo-  
res Gallicanos inuenta sunt, ad stabiliendas libertates Eccle-  
siæ Gallicanæ, quæ tamen in observandis Canonibus consistere  
dicuntur.

7. Nullibi non exstant vestigia propensioris Marciæ erga  
jurisdictionem sæcularem, quàm erga Ecclesiasticam studii in  
reliquis hujus libri capitibus. Omnia enim ubique contor-  
quentur ad auctoritatem Regiam. Tempore Caroli Magni, &  
Ludovici Pii Ecclesia, & Respublica communi ferè consensu  
regebantur in Gallia; & sicut Reges Episcopos politici regi-  
minis participes efficiebant, ità Episcopi Regiam potestatem  
circa res Ecclesiasticas non tam accuratè declinabant, quàm  
eà utebantur ad promovendam disciplinam. Marca quidquid  
Principes, siue hortantibus summis Pontificibus, siue consen-  
tientibus Episcopis, siue per modum monitionis, succursus,  
aut alià ratione, præstabant, omnia in jura Regia conjicit.  
Sic cap. 7. commemorato zelo Regum Christianissimum,  
in juvandis & monendis Episcopis §. 7. asserit illam monitio-  
nem ejusmodi fuisse, ut effectus verba sequeretur, & pœna  
in contumacem, ut jam alibi observavimus.

8. Licet autem frequenter misceretur auctoritas Principis  
cum Ecclesiastica; non tamen inter se ità confundebantur,  
quin appareret discrimen. In eo enim ipso, v. g. quòd refertur  
in fine ejusdem cap. 7. ex cap. 8. capitular: Tolosan: anno  
844. Carolus Calvus non ita sibi vendicabat correctionem eo-  
rum Episcoporum, qui malè interpretati Canones, Presby-  
teros nimis gravaturi essent, quin Synodi etiam judicium re-  
quireret. *Si aliter fecerim, omnimodis, & qualiter Canones fidelium deci-  
mis agendum statuam, & qualiter intelligi, & observari, cum mansuetudinis  
nostra decreto debeant, SYNODALI DIVYDICATIONE, & nostrâ auto-  
ritate Regiâ docentur;* Nisi autor Ecclesiæ suam jurisdictionem  
invidisset, juxta hunc locum alium explicuisset, quem asserit  
cap. 10. §. 1. ut probet Reges de Causis Ecclesiasticis cognos-  
cere solitos, ordine quodam judiciario, licet non tam accu-  
rato. Cùm enim ex Constitutione Philippi IV. Regis Fran-  
ciæ,

ciæ, quam citat §. 2. cognitio Decimarum, non feudaliū, tam in petitorio, quàm in possessorio, Ecclesiasticorum esset Judicium ( vide an praxis hodierna Tribunalium sæcularium Galliæ, de possessorio Decimarum, imò & Beneficiorum judicandi, possit inter jura Regia connumerari, quam reprobabat Rex jurium suorum tenacissimus ) cur Carolus illius materiæ judicium ad se traxisse putabimus, ut ei *sine synodali dijudicatione* provideret? Quid ergò sibi volunt illa verba Philippi in loco ab Autore adducto, *prout ad nos pertinebit*? Nonne indicant Regem id, quod ad se non pertineret, Synodali dijudicatione dimissurum.

9. Prosequitur Marca cap. 8 probare, solitam olim Ecclesiam Gallicanam Synodicâ deliberatione, vel ad Regium Patrocinium recursum, sibi prospicere, *Cùm rebus*, inquit, *per obreptionem decretis Roma assentiri non posset, idq; ut executionem impediret.* Certè non ita culpabile videtur, ut executio suspendatur Decretorum per obreptionem impetratorum: quandoquidem nec ipsi summi Pontifices id molestè ferre censendi sunt; cùm ipsis fraus facta sit, quæ cuiquam patrocinari non debet; præsertim si partes ipsæ culpam fatentur & censuræ se subjiciunt. Itaque si obreptitium erat privilegium à Monachis Cluniacensibus obtentum, ut ab alio, quàm à proprio Episcopo, possent, etiam in Monasteriis, in ejus Diœcesi positis, ordinari, meritò reprobata fuit in Concilio apud Ansam anno 1025. ordinatio facta in Monasterio Cluniacensi Diœcesis Matisconensis ab Archiepiscopo Viennensi; qui similiter, si obreptionis conficius fuerat, prudenter egit, cùm spontè ab Episcopo Matisconensi veniam petiit, & de modo satisfactionis, cum illo pactus est, sicut narratur in fragmento à Marca relato cap. 8. num. 1.

10. Sed quidquid sit de illius narrationis veritate, quæ non adeò indubitata est, rem ut fertur, & sine collusionè gestam supponamus; ex illa, & ex aliis similibus, quæ fortè ab Autore adduci potuissent, concludendum est, non potuisse Antiquitates Gallicanas nec de jure, nec de facto Constitutionibus Pontificiis obistere: cùm certissimum sit, Monachos Cluniacenses privilegiis Apostolicis usos fuisse, quantumvis renitentibus, sed tandem cedere coactis Episcopis. Exstant hujusmodi

modi Privilegiorum concessiones in libro, cui titulus est; *Bullarium sacri Ordinis Cluniacensis*, Lugduni editum anno 1630. & pag. quidem 8. leguntur 2. epistolæ Joannis XIX. in cujus Pontificatum incidit Concilium Ansanum, quarum altera est ad ipsummet Episcopum Matisconensem nomine Gauflenum, qui in Concilio apud Ansam inducitur querelam movens contra Burchardum Episcopum Viennensem, pro ordinatione Monachorum Cluniacensium; sed hæc epistola testatur & Monachos, & Papam privilegia jam concessa contra Matisconensem Episcopum defendisse. Nescimus, inquit Pontifex, quâ novâ temeritate illectus, inextinguibili cupiditate accensus, Matri tue repugnas, & contra nos meritis Apostoli Petri Magistrum tuum levas calcaneum; cum Carnobium Cluniacense cunctis penè nationibus sanctitate præfulgens, necnon Apostolicis privilegiis fultum, & ab omnium ditione substractum, solius Principis Apostolorum & Vicariorum suorum judicio reservatum commoves; venerandum etiam Infidelibus Patrem Dominum Edilnem Abbatem irreverenter appetis; fratres ibidem degentes pro adipiscenda perpetua transitoriam quietem appetentes sollicitas; Apostolica privilegia cassare contendis; quod ita accipimus, quemadmodum si ipsa membra nostra avidè discerpere quæreres, & quod sine tua ruina esse nequit. Cave cautè vel jam monitus anima, & nostrum Monasterium singulare nobis relinque, ve, dum particeps ejus contra nos esse cupis, Ordinis nostri exors Apostolicâ autoritate efficiaris. In altera epistola gratum animum testatur Episcopo Lugdunensi Borchardo, quod Cluniacensi Monasterio faveret contra Gauflenum, hortatur ad proseguendum, & concludit his verbis; Rogamus, ut eidem Episcopo interdicatis, sicut nos litteris nostris fecimus, consecrationem, ordinationem, vel aliquod jus in nostro Monasterio quærere, ne, dum hoc injustè appetis, quod justè sibi licet pro sua inobedientia, iterata tantorum Patrum quærela, Apostolicâ autoritate careat. Sed quare Pontifex gratias ageret Borchardo, sive Burchardo pro favore Cluniacensibus in tuendis privilegiis impertito, siquidem in Concilio apud Ansam, hoc est, non longè ab Urbe Lugduno habito, præsidente ipso Burchardo, nec refragante decretum fuisset, ut acta continerent, privilegium Papæ nullius esse momenti; aut si Concilio anterior est epistola, (nec enim quo tempore data sit apparet) quomodo post honorificum illud officium Romani Pontificis privilegia, quibus antea faverat Burchardus, impugnare cœpisset? Sequitur duas illas epistolas ejusdem Pon-

Y y y

tifi-

tificis constitutio, confirmans omnia privilegia prædictorum Monachorum, & nominatim; ut liceat Monachis ipsius loci *cujuscumque* voluerint ordinationis gradum suscipere, ubicumque Abbatibus placuerit. Accessit à plurimis aliis Pontificibus eorundem privilegiorum confirmatio, ut in præfato Bullario legere est.

11. Non nego modum in concedendis privilegiis servandum, ut abusus præcaveantur. Sed nonnulli, dum malo mederi quærant, sanationi obicem ponunt, quia scilicet, dum à summo Pontifice petendum esset remedium, ei concedendorum privilegiorum facultas denegatur; quod cum ad defendenda concessa, & ad conservandam concedendi possessionem potius excitat.

12. Privilegia quidem ii, quibus indulta sunt, non negligerenter defendunt, nec nostrâ operâ indigent, sed pro conferendorum potestate visum est, occasione privilegiorum Cluniacensium pauca hic addere ex iis, quæ S. Petrus illius Monasterii Abbas 12. sæculo scripsit. Licet enim in propria causa loquatur, debetur ejus pietati reverentia, & rationibus æquum, maturumque judicium. Ille igitur lib. 1. epist. 28. sic respondet accusantibus Cluniacenses, quoddam proprio Episcopo non subjacerent; Nos verò respondemus istud veritati contrarium oppositâ fronte existere; quoniam patet nos proprium Episcopum habere. Quis rectior, quis dignior Romano Episcopo Episcopus potest inveniri? Nonne ille est, quem ceteris præesse non humana, sed Divina autoritas sanxit? Nonne ille est, cui dictum est, tibi dabo Claves Regni Cælorum, & quodcumque ligaveris super terram erit ligatum & in Cælis, & quodcumque solveris super terram, erit solutum & in Cælis? Hunc unum solum, & Maximum nos habere Episcopum glorianur; huic solum specialiter obedimus, ab hoc solo, si causa (quod absit), exigeret, interdicti, suspendi, atque excommunicari possemus. Hoc irrefragabilis sanctæ Sedis sumpsit autoritas. . . . Nos enim quia contraire non debemus, nec de ejus unquam, (quod nulli mortalium licitum est) judicio judicare. Hoc non solum Cluniacenses obtinent, sed & quampluribus datum cernimus: & longè ante Cluniacem conditam, multis aliis Monasteriis ab eadem Apostolica Sede concessum videmus. Cujus Sedis Præsules cum magni sapientiâ, & Religione fuerint, & quorundam ex ipsis merita miraculorum quoque fulgore solemniter in Mundo claruerint, incredibile est, aut decipi in talibus potuisse, aut contra conscientiam suam agere voluisse. Eo namque animo, ac intentione quæ nostrorum temporum Apostolici, quieti Monachorum providentes, ea, quæ diximus quamplurimis Monasteriis contulerunt, antiquiores quoque Romana Ecclesia Præsules

*les simili de causa in multis à jugo Episcoporum libera esse Monasteria decreverunt.*

13. Quod in eodem cap. refert Marca ex Glabri Rodulphi lib. 2. cap. 4. confutatur ex ipsismet tabulis , ex quibus Glabrum interpretari conatur. Siquidem Glaber narrat Monasterium à Fulcone Andegavorum Comite in Pago Turonico fundatum , eâdem die , quâ fuerat à Petro Cardinali autoritate Joannis Pontificis consecratum , corruisse , in pœnam usurpatæ à summo Pontifice , instigante Comite , jurisdictionis Episcopi Turonensis. *Ceprâ igitur , inquit , die constituto satis pompaticè hujusmodi dedicatione , atque peractâ , Missarumq; ex more sollempniis celebratis , postmodum quique ad propria rediere. Denique imminente ipsius diei horâ nonâ cum flabris lenibus serenum undique consisteret Cælum , repente supervenit à plaga Australi vehementissimus turbo , ipsam impellens Ecclesiam , ac replens eam turbido aëre , diù multumq; concutiens. Deinde verò solutis laquearibus universa ejusdem Ecclesie trabes , simulq; tota reges , per pignam ejusdem templi Occidentalem in terram corruentes eversum jerunt. Quod cum multi per Regionem factum comperissent , nulli venit in dubium , quoniam insolens præsumptionis audacia irritum constituisse votum , simulq; presentibus ac futuris quibusque ne huic simile agerent , evidens indicium fuit. Tabulæ autem illæ continent , Hugonem Archiepiscopum Turonensem , audito privilegio à Papa concessio , Romam accessisse , atque à Sergio IV. Joannis successore submissis precibus contendisse , ut Monasterii consecrationem sibi permitteret : sed repulsam tulisse ; eò quod liberum fuisset Fundatori Monasterii , Ecclesiæ Romanæ illud concedere. Denique ipsum Archiepiscopum acquievissse , atque jus omne , quod in illud Monasterium sibi competere poterat , Ecclesiæ Romanæ concessisse ; itaque à Petro Episcopo Viterbiensi autoritate Sergii fuisse consecratum.*

14. Quis ergo credat Ecclesiam illam miraculosè eversam fuisse , in pœnam invasæ jurisdictionis ordinariæ ; siquidem ipse ordinarius juri suo cesserat ? Quorsum à Chronico Turonensi diceretur , ut à Marca refertur ; *Abbatia belli loci* ( eo nomine vocatur in tabulis prædictis illa , de qua hic est sermo ) & *Ecclesia S. Florentii de Ambatia à Fulcone Herra fundatur an. 1010.* Quorsum , inquam , id diceretur , si statim à consecratione fuisset eversa ? Aut quis Ecclesiam miraculosè destructam statim ausus fuisset excitare ?

## CAPUT VIII.

*Expenduntur quæ à D. Petro de Marca in favorem Regum Decretis Ecclesiasticis adversantium proferuntur capp. 10. 11. 12. & 18. lib. 4.*

1. **Q**Uamvis injuriam ferre plerumque laudabile sit, præcipuè cum ab iis infertur, quibus aliàs parere tenearis; Eam tamen licet amovere, dummodò institutam à Deo, atque à legibus, viam sequaris. Est autem ea primalex, ut nemo in propria causa Judex sit, nemo propriam ulciscatur injuriam; maximè ubi superior ejus, qui damnum intulit, adiri potest, ac jus dicere non recusat: Hanc equidem legem ad unguem servatam volunt in Gallia sæculares Judices, in iis causis, quæ apud ipsos judicandæ sunt, & ab ea, si quis ex Clero vel tantillum recesserit, appellationes ab abusu ac multæ intentantur. Quid ni ergo Judicibus Ecclesiasticis eadem regulâ uti licebit. Quia scilicet ad Regem, ut in temporalibus, ita & in Ecclesiasticis devolvere supremam auctoritatem enituntur Aulici; Idque per gradus, & ordine quodam, ne injustitia tam citò deprehendatur.

2. Dominus de Marca lib. 4. cap. 10. refert litteras Philippi IV. Francorum Regis (cujus, ut jam notavimus, exemplum in rebus Ecclesiasticis, à tempore præsertim diffidii cum Bonifacio VIII. suspectæ auctoritatis est) quibus litteris datis anno 1312. continetur Regem requisivisse Episcopum Santonensem, ut abstineret ab exigendis Decimis de rebus, de quibus præstari non consueverant, & inductum novum decimandi modum corrigeret: ei que spondidisse, si jus ad hoc habere crederet, se cum deliberatione sui consilii provisorum, prout, servatâ pace, & salute Ecclesiæ, & Patriæ, faciendum foret: mandasse autem Bailliaco, seu Senescallo Santonensi, ut, si Episcopus quod requirebatur, implere recusaret, aut nimium differret, bona ejus temporalia sequestrarentur, & ad manum Regiam tenerentur. Æquius fuisset, ut Episcopi Santonenfis injusta exactio Me-

tropo-

tropolitani fuisset autoritate compressa ; præsertim cum ,  
 ut fatetur Marca §. 3. Decimarum cognitio , ex ipsiusmet  
 Philippi IV. declaratione , pertineret ad Judices Ecclesiasti-  
 cos. Sed vera , inquit §. 4. ratio , ob quam Philippus ne-  
 gotium istud sibi vendicat , è scandalo petitur. Frustra ve-  
 rò §. 5. autoritate S. Leonis , Anastasii , & alterius Leonis  
 Episcopi Santonensis probare nititur , Principum esse , scan-  
 dala compescere. Id enim verum est in rebus Ecclesiasticis ,  
 dum ob improborum potentiam , & proterviam , Ecclesia  
 hæreses , schismata , vel alia scandala sistere non potest , Re-  
 gumque opem implorat , vel dum sine periculo seditionis ,  
 homicidiorum , aliorumve malorum remedium ab Ecclesia  
 expectari non potest , quod periculum tunc aberat , & tam  
 raro contingit , ut hinc regula constitui non possit.

3. Rescriptis Regiis consultum semper fuisse libertatibus  
 Ecclesiæ Gallicanæ affirmat idem Marca §. 6. Illud ita factum  
*semper* , probat hic libellis Comitiorum Turonensium anni  
 1493. Recentiora sunt illa monumenta , quàm ut inde osten-  
 di possit idem fuisse factum *semper*. Non negamus certè postre-  
 mis his sæculis , Regni illius Ordines , etiam Clerum , Re-  
 giam autoritatem invocasse contra Romanum Pontificem ;  
 sed quæstio est , an laudabilis sit ille recursus , ut possit in ar-  
 gumentum juris assumi ? Sanè , si ex fructibus ferendum est  
 de arbore judicium , usum istum ad minus suspectum habebunt ,  
 quicumque jurisdictionem Ecclesiasticam illæsam cupiunt.  
 Viam enim , ut alibi observavimus , laicæ potestati aperuit ,  
 non solum ut imminueretur debita sanctæ Sedi reverentia ,  
 sed etiam ut extingueretur ferè jurisdictio Episcoporum ,  
 aut potius ad tribunalia sæcularia traheretur. Itaque si  
 propter temporis improbitatem , seu propter incommoda , in  
 quæ se Gallia conjecerat , Pontificum Avenionensium partes  
 amplectens , aliquam habuit à necessitate excusationem ; non  
 tamen ejusmodi fuit exemplum , quod oporteat imitatione  
 dignum judicare.

4. Prospectum erat executioni Bullarum , quibus certa pri-  
 vilegia Regibus pro terris , & fidei Domani Regi , à Ro-  
 manis Pontificibus concessa fuerant , deputatis Conservatori-  
 bus , *Sed quia* , inquit Marca §. 7. *varis iudiciationibus , & judiciorum*

*formulis negotium trahatur, visum est Principi, tuitionis jure rem ad se revocare.* Putasne Conservatores privilegiorum ludificare, variasque judiciorum formulas excogitare, quo negotia, quæ Regibus cordi sunt, tantum protrahant, ut ipsis necesse sit, auctoritate propriâ, per bonorum captionem, & multas inflictas, Episcopos cogere ad revocandas excommunicationis, aut aliarum censurarum sententias, non solum contra prohibitionem Concilii Tridentini Gallis parum accepti, sed etiam contra constitutionem Concilii Lugdunensis sub Gregorio X. quod maximi facit Marca cap. 18. §. 3. & 4. licet illius verba detorqueat, ut intento suo obesse non videantur. Itâ scilicet securum est, privilegia Principibus conferre, qui prætextu conservandæ gratiæ collatæ, alia jura concedentis, quæ religiosius tueri deberent, sensim usurpant.

5. Hanc autem Ecclesiæ injuriam patienter tolerari vult pro more suo Marca §. 8. quia graviores olim intulerunt Imperatores. Ex quo intelliges, quod alibi monuimus, cum pessima, & iniquissima exempla sæpè proferre, non ut omnino probet (puderet enim, nisi saltem addito temperamento) sed ut illorum comparatione innocua videantur, aut saltem toleranda, quæ in Gallia fiunt, injusta quidem, sed minus, quàm quæ ab Imperatoribus perpetrata sunt.

6. Cap. 11. §. 1. controversiarum de invasa jurisdictione Principum altum silentium apud Veteres fuisse notat; quia ab Episcopis antiquis sola Canonum disciplina curabatur. Si quando se rebus sæcularibus, aut judicandis, aut administrandis immiscerent, id sibi Legibus suo sæculo latis indultum profitebantur. Id planè verum: sed addendum, hodiè controversiis hujusmodi Tribunalia sæcularia continuo personare; non tam quod Episcopi Principum jurisdictionem usurpent, vel etiam Canonum disciplinam non curent, quàm quod Judices sæculares, Ecclesiasticam jurisdictionem invadentes, suam conquerantur fuisse invasam, aut violatos Canones; causasque spirituales ipsi judicent, nedum non permittant Episcopis temporales. Cætera, quæ disputat hic Marca, sunt in lib. 3. suprâ examinata.

7. Laudandus tantummodò est, quod in fine hujus capituli sanius sentiat de Libertatibus Gallicanis, quàm Papius Mas-



Massonus : quæ tamen laus non est admodum insignis.

8. Conciliis perinde, atque Summis Pontificibus obſiſtunt Galli, ut probat Marca cap. 13. dum ſibi adverſantur. Quæ quidem reſiſtentia, ut minùs culpabilis appareat, trito illo prætextu excuſatur, quod jura Principum læſa ſint; quod ſi verum eſſet, non vi aut minis, ſed modeſtiori, atque honeſtiori eſſet ratione reparanda injuria. Cui enim probentur hæc verba Henrici II. Regis Angliæ à Marca in fine §. 1. poſt Wilielmum Malmesburienſem relata. *Quid ad me de liſteris Apoſtolicis? Jura Regni mei nolo amittere.* Sed neſcio an juſtum cuiquam videri queat, quod ipſimet Principes pravorum Conſiliario- rum ſuggeſtione inter ſua jura, quæcumque libet, recenſeant, ac poſtmodum adhibitis ſeverioribus pœnis exigant. *Venerant Gregorius VII. ( ut verbis Marcæ §. 1. iſtius cap. 13. utamur ) Urbanus II. & Paſchalis II. excommunicationis pœnâ adjeſtâ, ne Epiſcopi, aut Clerici hominio, ſed tantum fidelitate ſe Principibus adſtringerent. Tamen Radulphus in Episcopatum Remenſem, expulſo Gervasio invaſore, reſtitui non potuit, niſi præſtito hominio. Factum excuſat Ivo Carnotenſis epiſt. 190. ex parte Radulphi, ſed quis exiſtimet idèd excuſandos eſſe Miniſtros Regios, quia Episcopos Carnotenſis cum S. Auguſtino monet Paſchalem, ut ait Marca, ubi populorum ſtrages jacent, detrahendum eſſe aliquid Canonum ſeveritati, ut majoribus morbis ſanandis charitas ſincera ſubveniat. Ita ſcilicet Aulici homines controverſias Eccleſiæ cum Principibus componi curant, non detectâ Principibus injuriâ, quæ irrogatur Eccleſiæ, ſed intentatis Eccleſiæ majorum malorum minis, ( ubi populorum ſtrages jacent, & majores morbi ) niſi Principum votis ſeſe accom- modet.*

9. Apertiùs improbat Ivo coactos Clericos pauperes à Ma- giſtratibus Regiis ad perſolvendas aliquas præſtationes, contra quas Clerus Carnotenſis privilegium ſpeciale à Paſchali II. impetraverat. Magiſtratus excuſat Marca §. 2. vel ſaltem ex- communicari non debuiſſe contendit, quia eorum injuſtitia erat dubia; *Et quod Clerici de rapina damnabant, Præpoſiti inter ſalaria recenſebant.* Certè, ſi mutato nomine res aperte injuſtæ, eva- dunt dubiæ; ſi ſatis eſt, ut Salarii, juris, alteriuſve tituli colore obducantur, ut ab Eccleſia vindicari nequeant, ni- hil erit, quod ſæcularibus in res Eccleſiaſticas non liceat. At

re ipsâ Præpositorum illorum manifestam fuisse injustitiam, testatur Ivo his verbis epist. 271. *non enim minuitur aliquid de jure Præpositorum, vel aufertur. sed Apostolicâ autoritate interduntur eis illicita angaria & pauperum vexationes, quas non tantum Clericis, sed nec Laicis licet exercere vel exigere, &c.*

10. Capite 18. ut jam alibi probat Marca, exemplis scilicet, Reges eorumque Officiales, per pignorum captionem, & multarum exactiorem cohibuisse Episcopos jurisdictionem suam adversus Regiam defendentes censuris; sed sunt ejusmodi exempla, quæ ideò vult admitti, quia pejora, & à sapientibus improbata edidit Justinianus. Quid enim aliud, quàm vim illatam innuunt illa verba epistolæ 137. Ivonis à Clero Beluacensi consulti circa controversiam inter ipsum, & Ludovicum VI. de cognitione causæ cujusdam Canonici ejus Ecclesiæ, quam Curia Regis ad se evocabat, Ecclesiastica verò retinere conabatur. *Si autem sciremus vos esse paratos, ut cum gaudio tolerare possitis ruinas domorum, exterminationes corporum, rapinas bonorum vestrorum, possemus vos exhortari, ut sequeremini consilium Susanna, quæ magis elegit in manus hominum incidere, quàm Deilegem derelinquere.*

11. Quæ in tribus ultimis lib. 4. capitibus tractat Marca de appellationibus tanquam ab abusu, lib. seq. expendemus, alia jam alibi, prout sese obtulit occasio.

12. Sufficiunt, quæ hætenus dicta sunt, ut quilibet agnoscat Illustrissimum Petrum de Marca concordiam inter Sacerdotium & Imperium procurare his libris voluisse, eâ tantum conditione, ut quæcumque in Gallia geruntur à Ministris Regiis, & sæcularibus Judicibus, patienter ab Ecclesia ferrentur, consideratis gravioribus injuriis olim Ecclesiæ illatis, aut etiamnum metuendis, nisi temperamentum illud acceptetur: Nec minùs Episcoporum Gallicanorum, quàm sanctæ Sedis jura, ejus Autoris doctrinâ violari, ideoque non satis consultò agere, qui tantam ei auctoritatem deferunt, ejus eruditionis opinione ducti, aut quod Galliæ adversus Romanum Pontificem in nonnullis articulis favere videatur; cum magis ei cordi fuerit Principum adversus Ecclesiam, quàm Episcoporum adversus Curiam Romanam causæ patrocinari, ac Præsidis Regii eo in opere, ut ipsemet confessus est, potius quàm Episcopi personam sustinuerit.

C A P U T I X.

*De Stephani Baluzii doctrina circa Principum in res Ecclesiasticas auctoritatem.*

1. **N**on est sejungendus Stephanus Baluzius à suo Mecænate Petro de Marca, cujus zelum in amplificanda Principum potestate secutus est, & nescio an non etiam superaverit. Illi saltem, cum Præses esset, scribenti pro sæculari jurisdictione similis esse maluit, quàm Episcopo sanctæ Sedis dignitatem aliquo pacto defendenti. Quamvis enim Illustrissimus Petrus de Marca in ea, quam Baluzius ejus libris de Concordia Sacerdotii & Imperii præfixit, schedâ declaraverit. *Quidquid præter Canonum & Decretalium mentem in Gallia circa res Ecclesiasticas agitur, id fieri ex privilegiis Apostolicis, non autem mero jure Regio, ut quidam autumabant, Marca persuasum esse.* Baluzius è contra ubique occasionem captat Regibus suis, tanquam Coronæ jus, vendicare auctoritatem circa res Ecclesiasticas, ut in variis ejus operibus cuique licet observare.

2. Audi eum in notis ad Lupi Ferrariensis epist. 81. ver. *Zacharia*; Merito, inquit, *rescicienda est sententia Illustrissimi Cardinalis Baronii, qui ex hoc Lupi loco collegit jus illud, quo per eas tempestates utebantur Reges in dandis Episcopatibus, non ex ipsorum auctoritate fluxisse, sed ex concessione Sedis Apostolicæ.* Nullum enim penitus in rebus Ecclesiasticis jus habere Reges. Sanè diffinendum non est, quin ita cum Baronio sentiant Transalpina gentes. Nos verò Galli, Reges nostros non summovemus prorsus à rebus sacris, ab iis nimirum, quæ disciplinam Ecclesiasticam respiciunt, & executionem Regularum Ecclesiasticarum.

3. Neceffe fuit, inquires, Marcæ ad obtinendam Episcopatus provisionem, ut sese Romanorum opinionibus accommodaret. Baluzio autem licet liberiùs loqui. Non puto concessurum Baluzium in re gravi mentitum Illustrissimum illum virum. Sed nonne Baluzium ipsum invitare posset ad extolendam Regis sui auctoritatem spes impetrandi à Christianissima Majestàte Beneficii? Illic enim à nonnullis plaris fit nominatio Principis, quàm collatio Pontificis; quia licet ista

Z z z z

verè

verè faciat Abbatem, vel Episcopum; illa tamen magis appareat efficax, eo quod, nisi gravissima causa obftet, suum sortiatum effectum. Undè Regi potiùs, quàm sanctæ Sedi acceptum Beneficium refertur. Audi Reverendissimum Archiepiscopum Tolosanum ad Pontificem Maximum scribentem die 3. Decembris 1680. *Scimus equidem in iis omnibus, quæ hactenus dicta sunt à Sanctitate vestra, eò tantùm illam spectasse, ut nonnulla hujus Regni Ecclesia subtraherentur jùgo, & novo, ut credebatur ipsa, & intolerabili: asseverabo tamen illud sùlenter Sanctitati Vestra, nullum jugum grave nobis visum iri sub hoc Principe Pio aquè ac Benefico; futurâq; Ecclesiis nostras satis liberæ, quamdîum Patrono tanto gloriari poterunt. In ejus ditione nati sumus, sub ejusdem Imperio vivimus, nostras ei DIGNITATES DEBEMVS; NOS ILLE SANCTITATI VESTRÆ NOMINAVIT; eo protegente in vinea Domini operamur; eo denique benevolente opimis illis pacificè fruimur redditibus, quibus munifici Majores ejus Ecclesias nostras aquè ac Sedem Apostolicam locupletarunt.*

4. Ob illa igitur Beneficia non solùm nullum jugum grave videbitur, *Et erunt Ecclesiæ satis liberæ, quamvis tollatur eis collatio Beneficiorum, & Dignitatum, etiam jurisdictionem spiritualem habentium, Sede vacante (forfan enim si hæc Episcopo plenâ Sede adimerentur, jugum grave videretur, & Ecclesiæ non ita liberæ conferrentur) sed etiam, si Papa illi Coronæ juri obfistere audeat, Episcopos experietur Adversarios; quasi suas ei Dignitates non deberent, plûsq; illis præstitisset, qui illos Sanctitati suæ nominavit, quàm sua Sanctitas (cujus gratiâ nihilominus etiam prædictus Præsul se dicit Archiepiscopum Tolosanum) eis Episcopatus conferens. Audi rursùs Metropolitanum illum paulò inferiùs comminantem; AN NOS QVI TAM INCLEYTO PRINCIPÏ MVLTÒ PLVS DEBEMVS, QVAM CÆTERI SVBDITI, SEGNES, AC DESIDES ERIMVS; CVM ILLIVS RES AGETVR, CVMQVE ET CORONÆ IVRA, ET IMMUNITATES REGNI TVERI CONVENIAT? Etiamne Episcopi inter libertates, seu immunitates Regni enumerant, ut non possit summus Pontifex procurare executionem Concilii generalis, Lugdunensis scilicet, Regaliam de novo usurpare prohibentis? Etiamne Episcopi minis summum Pontificem, ab ea cura deterrendum existimant? Quasi verò, ait Facundus Hermian.* lib. 4. *propter hoc tantum ordinati sumus Episcopi, ut ditemur Principum*

*dotis*

donis & cum eis inter maximas potestates confedeamus, tanquam divini Sacerdotii privilegiis fulti: sicuti autem fallacis malignorum, quæ nullis temporibus defuerunt, aliquid eis inter tantas Reipublica tua curas subreptum fuerit, quod Ecclesia Dei præjudicet, vel Ecclesia pacem turbet; non eis debeamus pro ipsorum salute, quæ sunt vera suggerere, & si necesse fuerit, Religionis autoritate resistere, ac patienter offensionem quoque illorum, si acciderit, sustinere. Et ubi erit illud Propheticum; Loquebar de testimoniis tuis in conspectu Regum, & non confundabar? nisi forte Pastores quidem ad lac & vellera, ad avertendas verò Luporum insidias, & tuenda ovilia, desertores.

5. Hinc inferes, an justa sit Gallicanorum Scriptorum accusatio adversus Doctores, quos illi Ultramontanos vocant; quod scilicet autoritatem summi Pontificis ultra modum extendant proprii commodi causâ; quasi non magis verendum sit, ne ipsi Regiam jurisdictionem cum Ecclesiasticæ detrimento plus æquo extollant, ut Rege benevolente opinis fruantur redditibus. Sed redeamus ad Baluzium.

6. O quàm erat Principi suo infidelis Clerus Gallicanus! Quàm infidelis Senatus! Quàm infidelis Universitas studii Parisiensis! Quàm infideles denique omnes penè Galli, qui tam pertinaciter suis Regibus obstiterunt, ne aboleretur jus electionis à Concilio Basileensi restitutum aut confirmatum, neve reciperentur Concordata nominationem Episcoporum Regi Christianissimo tribuentia; siquidem jus dandi Episcopatus ex ipsorum Regum autoritate fluebat, insignem, atrocemq; injuriam sacrosanctæ Principum Dignitati faciebant, qui tam eximio jure Coronæ illos frui non sinebant, sed ut penes Capitula remaneret, nitentantur.

7. Quamvis autem de jure dandorum Episcopatuum non necesse sit modò disputare, exhibendus tamen est locus Lupi Ferrariensis, cujus occasione Baronium carpsit Baluzius. Neminem enim ferè arbitror, qui, eo lecto, non judicet injustam esse omninò Baluzii accusationem; atque, si Lupi testimonio stetur, rectius cum Baronio sentire Transalpinas gentes, quàm Gallos; quandoquidem prædicto Baluzio placuit defensores jurium Ecclesiasticorum, quasi contemptus gratiâ, Transalpinas gentes nominare, illisque se, aliosque Gallos opponere, quasi altioris gradus Doctores; (nos verò Galli) Vos ergò Galli inter ea, quæ disciplinam Ecclesiasticam respiciunt, & executionem Re-

galiarum Ecclesiasticarum computatis *ius Regum in dandis Episcopatibus, non ex concessione Sedis Apostolica, sed ex ipsorum autoritate.* Itane aliæ Provinciæ Christianæ? Itane Concilia Oecumenica vestrarum libertatum fundamenta? Itane etiam omnes Galli? Itane, ut longius non excurramus, Lupus Ferrariensis?

8. En igitur verba Lupi Ferrariensis epist. 81. Vide an non illis Baronii, & Transalpinarum gentium interpretatio magis congruat, quàm Baluzii, & aliorum Gallorum; Pippinus à quo per Maximum Carolum, & Religiosissimum Ludovicum Imperatores, duxit Rex noster originem, *expositâ necessitate hujus Regni, Zacharia Romano Papa in Synodo, cui Martyr Bonifacius interfuit, ejus accepit consensum, ut acerbitati temporis industriâ sibi probatissimorum decedentibus Episcopis mederetur; ne fortè simplicitate Pontificum posset contingere, quod in hac Haduorum urbe, cujus nos nunc cura exercet, evenit. Proinde supplicare ut honorem à Papa Romano Majoribus ejus, & Regibus, & Imperatoribus concessum à Lugdunensibus Ecclesia Metropolitanis, cui, Autore Deo, prasideret nunquam hætenus infirmatum, à vobis nullâ vestrà injuriâ consequatur.* Nonne igitur ex confessione Caroli Calvi jus, quo utebantur Reges in dandis Episcopatibus, non ex ipsorum autoritate, sed ex consensu, atque concessione summorum Pontificum fluebat?

9. Sed, ut jam insinuavimus, circa jus dandorum Episcopatum, non est diutius hærendum, quandoquidem constat, modò Regem Christianissimum ad illos non nominare, nisi *ex concessione Sedis Apostolica*, in Concordatis inter Leonem X. Papam, & Franciscum I. Franciæ Regem initis contentâ. Verùm prætermittere non debeo Baluzium, si voces illas, *nos verò Galli*, universim accipiat, ut videtur, cùm indefinitæ sint, falsò sibi tam celebre consortium tribuere.

10. Etenim secùs sentiebat Clerus Gallicanus in Conventu Melodunensi congregatus anno 1579. quandoquidem decrevit, cavendum, ne articulis ad disciplinam, seu politiam Ecclesiasticam pertinentibus, aliqua jurisdictio Regi tribueretur, sed rogaretur humillimè, ut iis, quæ à Clero statuerentur, autoritas Regis accederet ad executionem; utque cunctis suis Officialibus, & aliis præciperet ad id opem ferre, quatenùs requirerentur, & non ampliùs. In act. Cleri Gall. tom. 5. ult. edit. partè 8. tit. 2. Illi ergò Galli, *Reges suos submovebant prorsùs à rebus sacris, ab iis nimirum, quæ disciplinam Ecclesiasticam*

*respicunt*, nisi quatenus eorum imploraretur auxilium ad procurandam executionem, quod eis officium nec Baronius, nec Transalpinæ gentes negant, imò impositum docent.

11. Nisi Baluzium Marcæ sui mentem non ignorasse verisimile videretur, dubitarem etiam an eam perfectè exhiberet, cum ait loco suprâ citato, Reges Franciæ *jure suo*, *jure proprio* Episcopos præfeciſſe Ecclesiis vacantibus. Illa enim verba videntur omnem submovere concessionem Ecclesiæ; cum tamen constet ex ipsomet Marca lib. 6. cap. 3. §§. 1. & 2. Reges Franciæ, etiam postquàm fidem Christianam susceperunt, eam sibi auctoritatem non vindicasse. Concilium Aurelianense quintum anno 549. primam fecit Regii consensus mentionem. Majorem sensim auctoritatem Principes in se traxerunt, ut fieri solet, dum ad Ecclesiasticam admittuntur. Restitit tamen Ecclesia, ut videre est in Concilio tertio Parisiensi anno 557. cap. 8. electionum libertatem contra Principis imperium defendente; Nec potuit legitima esse illa Regum potestas donec Ecclesiæ consensus accessit. Id etiam insinuare videtur Marca lib. 8. cap. 11. §. 5. ad quem locum alludit Baluzius ubi suprâ, dum ait, verba Lupi esse intelligenda de ratihabitione. *Ratum enim quis habere non potest, quod ipsius nomine non est gestum.* de regul. jur. reg. 9.

12. Cæterum nec Marcæ nec Baluzio decorum cordati Catholici ducent, quòd magis faverint Principibus adversus Ecclesiam, quàm famosus ille Apostata Marcus Antonius de Dominis. Hoc enim est principium notæ supradictæ Baluzii, ut integram exhibeamus; *Hunc locum ita intelligendum putat Marcus Antonius de Dominis, ut Pipino tunc fueris concessum, ut posset solus personas promovendas ad Episcopatus eligere, & curare consecrandas, absque ullo Ecclesiasticorum consensu, nisi pro sola consecratione, ut ex ipsius Lupi verbis colligi posse ait. In quo Papa, derogans juri Ecclesiastico, jus Principum in eo Regno auxerit. Marca verò existimat eum locum esse intelligendum de ratihabitione Zacharia, qui rectè, atque ordine factum censuerat à Pipino, & Carlomanno, quando ii jure proprio Episcopos instituerant. Nam diù ante Zacharia tempora, Reges Episcopos jure suo præficiebant Ecclesiis vacantibus, ut multis exemplis ostendit Marca.*

## C A P U T X.

*De autoritate Regum Franciæ in condendis Capitularibus circa res Ecclesiasticas.*

1. **B**aluzius in præfatione ad Capitularia Regum Francorum, quæ edidit anno 1677. §. 10. Insignem, atrocemque injuriam sacrosanctæ Principum Dignitati factam dicit à Gretsero, quia pronunciavit; Pippinum, Carolum magnum, & alios Francorum Reges, qui leges Ecclesiasticas, sive Capitularia ad restaurandam disciplinam Ecclesiasticam condidere, non suâ præcisè autoritate id fecisse, sed nutu, & permissu Episcoporum, approbantibus Episcopis, & Conciliis, imò pleraque eorum Capitularium autoritate Romanorum Pontificum condita fuisse. Itaque ex Baluzio, Francorum Reges, qui leges Ecclesiasticas, sive Capitularia ad restaurandam disciplinam Ecclesiasticam condidere, suâ præcisè autoritate id fecere. Ergo vel non sunt distinctæ potestates, Ecclesiastica, & sæcularis: vel solis Principibus data est à Christo autoritas leges Ecclesiasticas, sive Capitularia ad restaurandam disciplinam Ecclesiasticam condendi. Utrum concedet Baluzius? neutrum sanè, quandoquidem Catholicus est. Atqui non datur medium. Siquis enim reponat inter Pontifices & Principes divisam esse autoritatem, ita ut ambos concurrere necesse sit, negabit Baluzius; Et insignem, atrocemque injuriam sacrosanctæ Principum Dignitati factam conqueretur, si eis leges Ecclesiasticas, sive Capitularia ad restaurandam disciplinam Ecclesiasticam condentibus, adjungatur nutus, & permissus Episcoporum, approbatio Episcoporum, & Conciliorum, autoritas Romanorum Pontificum. Nam suâ præcisè autoritate id fecisse illos pro virili defendet.

2. Quamobrem benè accidit Gretsero, quod nec instituti ratio, nec angusti præfationis limites siverunt, ut Baluzius ejus scriptionem pluribus verbis refelleret. Justam enim passus fuisset erubescentiam, quam commeritus est, quando abusus verbis Christi Domini, quibus claves Regni Cælorum Petro, & successoribus ejus promissæ, omnem de rebus Ecclesiasticis decernendi autoritatem ademisse Principibus, nec Imperatorem iniquiens, nec Regem, quæ talis est, ullam Ecclesiasticam jurisdictionem habere. Verùm si Imperator, vel Rex, quæ talis est, de rebus Ecclesiasticis decernendi



nendi auctoritatem habet : Habuerunt illam etiam Infideles & Paganī, siquidem verè Imperatores aut Reges extiterunt, non obstante infidelitate. Itaque potuit Nero, potuit Diocletianus, potuerunt alii similes *leges Ecclesiasticas, sive Capitularia ad restaurandam disciplinam Ecclesiasticam condere*; idque sua *præcisè auctoritate*. Quis Catholicus id patiens audiat?

3. Contendunt Galli supremam Regis in temporalibus potestatem Ecclesiasticæ potestati nullo modo subiacere : cur similem saltem prærogativam negant Ecclesiasticæ jurisdictioni, ut Laicæ non supponatur in spiritualibus, & Ecclesiasticis? Sint saltem, ut voluit alius scriptor Gallicanus, tanquam duæ lineæ parallelæ, quæ quantumvis procedant, nunquam sibi invicem occurrunt, aut inter se conjunguntur. Claudicat hæc paritas apud Baluzium. Ordo est, seu subordinatio in potestatibus circa leges Ecclesiasticas. Ergo, ut in hujusmodi negotiis Laici Clericis subdantur. Econtra verò. Satis erit, inquit Baluzius, uno verbo admonuisse, non ita ut Gretsero visum est, ab Episcoporum nutu, ac permissu pendisse olim potestatem Regum nostrorum in ferendis legibus Ecclesiasticis, cum contrà consistit Constitutiones Ecclesiasticas Episcoporum in Consistorio Principum examinari solitas auro Caroli Magni.

4. Ne objicias, impatiens Lector, de factoloqui Baluzium non de jure : neque præceps judicium de hujusmodi examine ferendum esse, cum possit aliquandò tam bono fine, ac cum tanta modestia fieri, ut inculpabile videatur. Non patitur Baluzius interpretem : ipse continuò exponit, quorsum constitutiones Ecclesiasticæ Episcoporum in Consistorio Principum examinari soleant, subjungens ; Et eorum confirmatione indiguisse, ut valerent ; Non solum ut interveniente Principum auctoritate faciliùs recipebantur, & efficacius executioni demandarentur, sed ut valerent.

5. Hinc inferes quid concludendum sit ex Baluzii, & Marcæ principiis, si conferantur inter se potestas summi Pontificis & potestas Regis Christianissimi circa Constitutiones Ecclesiasticas Episcoporum : quandoquidem Baluzius in hoc loco docet illas, Principum confirmatione indigere ut valeant : in lib. autem 6. de Concordia Sacerdotii ac Imperii, Domini de Marca, quem Baluzio debemus, pluribus in locis, præsertim cap. 14. §. 5. asseritur,

tur, quod *supremâ potestate fruebantur Concilia Provincialia Galliarum*; jure *consultationis Ecclesiæ Romanæ servato in majoribus causis*; idque illo præcipuè tempore. de quo *suprà* loquebatur Baluzius. Sic enim incipit prædicti cap. 14. *Marcæ §. 6. Avo Caroli Magni Concilium istiusmodi conservata est suprema potestas in judicandis Abbatibus, &c. Cap. autem 15. §. 3. statim atque, inquit, Summi Pontifices abolere tentarunt supremiam eorum in judicando potestatem, comminati sunt Episcopi, se ab eis celebrandis, quod inutilia futura sint, abstinenturos. Additque effectum minas secutum. Itaque Decreta Conciliorum, Regum confirmatione indigent, ut valeant, Papæ confirmatio aded perniciofa est, ut præstet nulla celebrari Concilia Provincialia, quàm ut Summi Pontificis confirmationi submittantur.*

6. Quomoddò autem probat Baluzius *Constitutiones Ecclesiasticas Episcoporum, confirmatione Principum indignisse, ut valerent. Hâc ratione, quam continuò profert; sanè Reges nostri tunc putabant, se terrena Dominos esse, non verò Episcoporum Vicedominos, Villicos, ac Ministros, quales eos facere voluisse videtur Gregorius. Testis est Carolus Calvus in Epistola scripta ad Hadrianum II. Papam anno 871. in causa Hincmari Episcopi Laudunensis. Verius dixisset; Testis est Hincmarus Remensis, in Laudunensem, ac in summum Pontificem, Caroli Calvi nomine, cum non auderet suo, verbis acerbissimis, cum alio modo non posset, iram suam explere quærens. Sed videamus quid scribat Carolus Calvus, seu Archiepiscopus Remensis ejus nomine; Reges Francorum ex Regio genere nati, non Episcoporum Vicedominum hætenus suum computati; & ut Leo ac Romana Synodus scripsit, Reges & Imperatores, quos terris Divina potentia præcepit præesse, jus distringendorum negotiorum Episcopis sanctis juxta Divalia constituta permisissent, non autem Episcoporum Villici extiterunt. Et S. Augustinus dicit: per jura Regum possidentur possessiones, non autem per Episcopale Imperium Reges Villici fiunt, Actoresque Episcoporum. Formandum erat Argumentum, non enim facile apparet consequentia. Reges non sunt Episcoporum Villici: ergo Constitutiones Ecclesiasticæ Episcoporum, Principum confirmatione indigent, ut valeant. Vel; Reges & Imperatores jus distringendorum negotiorum Episcopis sanctis juxta Divalia constituta permisissent: ergo Constitutiones Ecclesiasticæ Episcoporum, Principum confirmatione indigent, ut valeant. Vel etiam; Per jura Regum possidentur possessiones: ergo &c.*

7. Sed fortasse vel S. Leo cum Synodo Romana, vel S. Augustinus, à Carolo Calvo citati, Principibus illam auctoritatem

tatem tribuunt. Primò S. Leo cum Synodo Romana quidquam simile locutus non est, ut non ignorat Baluzius, qui ad marginem §. 5. cap. 12. lib. 4. D. Petri de Marca, ubi citatur hæc epistola, notavit vel ex propria eruditione, vel ex instructione sui Autoris. *Leonis epistola, quæ hic laudatur, non est Leonis Pape, ut visum Hincmaro, etiamsi hodie quoque edita sit inter epistolas Leonis: sed est Leonis Byturiensis Archiepiscopi scripta anno 484, ut observat vir clarissimus Jacobus Sirmondus.*

8. Deindè cujuscumque sit epistola, eò spectat, ut declares excommunicatos Clericos illos, qui prætermisso Ecclesiastico judicio secularem adierint potestatem, quod ei summarium præfixit Pater Labbeus. Et ne qui fortassè obtenderent, quod illuc inviti traherentur; præoccupatur excusatio hæc ratione, quod etiam Principes hujusmodi negotia à Judicibus Ecclesiasticis tractari vellent. *Tantâ seculi potestates circa Sacerdotalem hominem reverentiâ prævalere, etiam hi, quos sub Imperiali nomine terris Divina providentia præesse præcepit, ut jus distringendorum negotiorum Episcopus sanctu, juxta Divalia constituta permiserint. Non autem affirmatur, illa judicia Principum consummatione, vel etiam permissione egere, ut valeant: vel Ecclesiam non habere circa ejusmodi negotia jurisdictionem, nisi à Principibus. Imò insinuat hanc eis potestatem ex jure Canonico competere. Sequitur enim; Quod cum & juris antiqui formulæ, & in latis frequentius sit legibus constitutum, &c. Nam jus illud antiquum de Ecclesiastico esse intelligendum indicat vox illa, formulæ, quæ in eo sensu usurpatur, cum paulò post additur; Quocirca nobis visum est, ut hæc, & sacra Legis, & nostri Ordinis consumeliam, & ad præsens ulcisceretur plena districtio, & observandam formulam constitueret in futurum. Censumus itaque, ut quicumque prætermisso Sacerdote Ecclesia sua ad disceptationem venerit secularium, sacris Liminibus expulsus à Cælesti arceatur Altario: neque ullas post hanc definitionem, quæ communi sedis arbitrio, &c.*

9. Sanctus autem Augustinus tract. 6. in Joan. undè verba citata desumpta sunt, probat Donatistas ab Ecclesia damnatos, & in schismate obstinatos justè potuisse bonis ad Ecclesias pertinentibus spoliari, non ut ea sibi Princeps adscriberet, sed ut Præsulibus Catholicis reddenda curaret. Quid indè concludendum, nisi, qui ab Ecclesia se separant, posse, postulantibus Catholicis, & legitimis Pastoribus, justè

ab Imperatoribus, & Principibus, etiam per privationem possessionum temporalium indebitè occupatarum coerceri? At, inquires, S. Augustinus docet, quod *per jura Regum possidentur possessiones*. An ita ut possint de rebus Deo consecratis, absque ullo Ecclesiæ judicio vel consensu, pro suo arbitrio, *sua præcisè autoritate*, disponere? Neque S. Augustinum, neque pium aliquem Principem ità verè sensisse crediderim, nisi fortè Adulatorum fraude circumventum; cùm etiam de bonis profanis doceat S. Thomas quodl. 12. art. 24. ad primum. *Quod verum est, quòd omnia sunt Principum ad gubernandum, non ad retinendum soli, vel ad dandum aliis: & si Leges tales sunt, Tyrannicae sunt, & non absolvunt à conscientia, sed à Foro judiciali, & violentia.*

10. Denique tametsi Principes, quod non credo, de possessionibus terrenis, etiam postquam Deo consecratæ sunt, leges ferre possent absque prævio Ecclesiæ judicio, vel non accedente illius consensu: liceretne generatim Baluzio pronuntiare Francorum Reges, qui *Leges Ecclesiasticas, sive Capitularia ad restaurandam disciplinam Ecclesiasticam condidèrè*, *sua præcisè autoritate id fecisse*? Aut jus illud, quo per illas tempestates utebantur Reges in dandis Episcopatibus, ex ipsorum autoritate fluxisse, non ex concessione Sedis Apostolicæ.

## C A P U T X I.

*An sine autoritate Ecclesiæ Reges Galliæ Leges Ecclesiasticas, sive Capitularia condiderint.*

1. **N**Otato Gretsero arguitur Baronius à Baluzio §. seq. scilicet 12. præfationis, quòd ex Benedicti verbis intellexerit omnia Capitularia à Romanis Pontificibus fuisse confirmata; *Contra manifesta*, inquit, *& aperta Benedicti verba sic quidem Illustrissimus Annalium Ecclesiasticorum Autor scribit ad an. 819. Ne tu igitur existimes, Lector, dum audis singulis ferme annis collectas per eosdem Imperatores Synodos, & sancitas Leges Ecclesiasticas, id absque Romani Pontificis autoritate ab eis esse tentatum. Qui Ludovici leges collegit, Benedictus Levita, in præfatione ipsis præposita hac habet: agnoscant, &c. Et infra; As non satis visum Christianissimis Imperatoribus nihil in-*

consultâ Apostolicâ Sede tentare, decernere, vel definire, sed quæ ejus auctoritate cæpta, atque perfectâ essent, adhuc tamen ipsis visa sunt indigere Romanorum Pontificum confirmatione antequam in publicum ederentur. Testatur hæc quidem ipse Benedictus Levita, qui in fine lib. 7. Capitularium à se collectorum hæc habet, &c. Mens Illustrissimi Cardinalis, quantum quidem ego assequor, est, Imperatores Gallicos sine auctoritate Summi Pontificis Leges Ecclesiasticas nequaquam tulisse; imò verò sic latas ad majorem firmitatem rursus à Summis Pontificibus plerumque approbandas curasse. (Non enim puto sensitisse Baronium subsequenter confirmationem, ita universim requisitam fuisse, ut universim intervenit, sive prævius, sive subsequens assensus) quodd ex variis indiciis conjicio. Primò enim, dum singulis ferme annis collectas per eosdem Imperatores Synodos, & sanctas Leges Ecclesiasticas cum Romani Pontificis auctoritate asserit, non solis Benedicti verbis, ad tres tantum libros pertinentibus, id probat, sed ex aliis argumentis, quæ universim concludunt: petitam autem fuisse confirmationem, solo probat Ansegisi testimonio. Secundò, non utitur signis adeò generalibus, cum de confirmatione loquitur, sed verbis indefinitis, quæ hîc moraliter & ut in pluribus, intelligenda sunt; Quæ ejus auctoritate cæpta atque perfectâ essent, adhuc tamen indigere Romanorum Pontificum confirmatione. Tertiò idem innuere videtur ipsa phrasis; Non satis visum Christianissimis Imperatoribus . . . . . adhuc ipsis visa sunt, &c.

2. Sed quæcumque fuerit mens Baronii, immeritò dicit Baluzius, ipsum contra manifesta. & aperta Benedicti verba, illum Autorem esse interpretatum. Nam primò aliud est in alicujus Scriptoris verbis amplius quàm sonent intelligere; aliud contra manifesta, & aperta ejus verba cum explicare. Hoc enim ultimum est, non solùm plus, quàm Autor scripserit, illi tribuere, sed etiam illi sententiam, ejus verbis manifestis, & apertis significatæ, contrariam affingere. Nunquam autem Benedictus, manifestè, & apertè verbum negavit omnia Capitularia fuisse auctoritate Sanctæ Sedis confirmata. Secundò, etiam si Baluzius Baronium accusasset deductæ tantum nimis generalis conclusionis ex verbis Benedicti, atque in eo sensu perperam intellexisse hujus manifesta, & aperta verba, quæ scilicet non potuerint ab Illustrissimo Cardinali in tam ampla significatione accipi;

740 TRACTATUS DE LIBERTATIBVS,  
non esset iusta accusatio. Vox enim illa, *Maximè*, quâ utitur Benedictus, de tribus ultimis libris loquens, innuere videtur aliorum etiam librorum Capitula fuisse confirmata, licet non tam expressè.

3. Referenda sunt Benedicti loca, ut pateat manifestiùs, an Baronius illa intellexerit *contra manifesta*, & *aperita verba*. Sic igitur Benedictus in præfatione ad tres ultimos libros à se collectos, est in fronte primi Libelli posita Zacharia Pape Epistola omnibus Episcopis, ac reliquis Ecclesiastici ordinis gradibus, & cunctis Ducibus, atque Comitibus, omnibusq; Deum timentibus per Gallias, & Francorum Provincias constitutis directâ, sicut in ea continetur. Quam sequuntur duo Synodales conventus, quos Sancta Romana, & Apostolica Ecclesia Legatus Bonifacius memorata Magontiacensis Ecclesia Archiepiscopus vice supradicti Zacharia Pape una cum Carlomanno Francorum Principe canonicè tenuit. Ut agnoscant omnes hac prædictorum Principum Capitula maximè Apostolicâ autoritate fore firmata. Post illa quoque quæ sequuntur, eâdem autoritate, maximâ, ut diximus, ex parte, & omnium Francorum utriusque Ordinis virorum assensu sunt roborata. Ultimum autem Capitulum, libri scilicet 7. sic incipit, *Maximè trium ultimorum Capitula istorum librorum Apostolicâ sunt cuncta autoritate roborata, quia his cudendis maximè Apostolica interfuit Legatio*. Nam eorum nomina præter trium, id est, Leonis, Sergii, & Georgii hic non inscriimus, licet ea per singulos Conventus inserta invenissemus, vitantes legentium, atque scribentium fastidia.

4. Quando Baronius à Balusio citatus loquitur de Capitularibus Regum Francorum, de illis agit, ut legentibus patet, quæ sunt à Principibus secundæ Dynastiæ condita, & ab Anségiso Abbate, atque à Benedicto Levita collecta; sunt autem illa omnia non solum Romani Pontificis autoritate vel expressâ, vel saltem tacitâ, facta, quodd præcipuè intendit Illustrissimus Cardinalis, sed etiam plerumque confirmata; atque adeò illa Reges Francorum suâ præcisè autoritate non condiderunt; ut è contra contendit Baluzius. Nam Zacharias in ea epistola, quam præmittit Benedictus, & confirmat ea, quæ gesta erant in Synodo juxta ejus commonitionem adgregatâ, præsentibus S. Bonifacio Legato Apostolico, & Principibus Pipino, & Carlomanno; & Francos hortatur, ut singulis annis ad Concilium conveniant. *Ad Synodum namque omni anno convenisse ad pertractandum de unitate Ecclesia, ut si quid adversi accideris, ra-*

*dicitur amputetur, & Dei Ecclesia maneat inconcussa.* Nec dicas verba illa monitionem continere, non potestatem conferre. Satis enim constat ex Epistolis Bonifacii ad Zachariam, & Zachariæ ad Bonifacium, Principes Pipinum, & Carlomannum non antè convocasse Synodum, quàm petita, & obtenta fuisset S. Sedis facultas, & in hac ipsa epistola plura sunt, quæ auctoritatem Romani Pontificis significant, qualia sunt ista; *Dum Synodus aggregata esset in Provincia vestra* IVXTA NOSTRAM COMMUNITIONEM, *mediantibus filiis nostris Pippino, & Carlomanno Principibus vestris, peragente etiam vice nostra Metropolitano Bonifacio, &c.* Obsecramus enim omnes vos coram Deo, ut ejus ( Bonifacii ) COMMUNITIONIBUS FIRMITER OBEDIATIS, &c. SI EI IN OMNIBUS OBEDIENTES EXTITERITIS, &c.

5. Non errasset Baronius *contra manifesta, & aperta Benedicti verba*, etiamsi ex ejus testimonio conclusisset, generatim omnia Capitularia Regum Franciæ à sancta Sede fuisse confirmata; cùm è contrà ex hac Zachariæ epistola planum fiat prima Capitula (reliqua enim sunt istis temporibus posteriora) fuisse expressè approbata, alia verò saltem tacite; cùm verisimile sit, quod primò factum est, fuisse regulam sequentium. David Blondellus expressam fuisse omnium confirmationem judicavit. Sed eum sibi confutandum existimavit Baluzius §. 13. conjecturis summi Pontificis auctoritati faventibus repugnans, quibus cesserat Minister Calvinianus, adeoque sanctæ Sedis inimicus, quasque Baluzius nullo efficaci argumento impugnat, ne possit reponere corrigendum fuisse errorem certum, quantumvis in homine illo hæretico utilis videretur.

6. Verùm, ut diximus, præcipua intentio Baronii fuit, ostendere leges Ecclesiasticas à Principibus Francorum sine auctoritate Ecclesiæ, ac præcipuè sanctæ Sedis non fuisse conditas, idque variis argumentis probat ad supradictum annum 819. possetque adhuc aliis confirmari. Nec valet argumentum negativum ex eo sumptum, quod in omnibus Capitularibus non fiat ejus auctoritatis mentio. Licet enim solius Principis nomen aliquando præferant, quia non ità subtiliter omnia distinguebantur post horrendam Ecclesiæ Gallicanæ confusionem: tamen ipsa negotiorum conditio, & utrius-

742 TRACTATUS DE LIBERTATIBVS,  
que potestatis distinctio suadent intervenisse in negotiis Ecclesiasticis Ecclesiasticam jurisdictionem.

7. Sed ne id gratis dictum objicerent Politici, extant luvulenta ejus assertionis vestigia. Prima duo Concilia in Gallia congregata sub Principibus secundæ Dynastiæ, ac post luctuosam illam Ecclesiæ Gallicanæ calamitatem, quam Zachariæ exponit Bonifacius in epistola, quæ cum responsione refertur ante illa Concilia à Sirmondo, & à Labbeo, fuerunt Liptinense an. 743. atque Sueffionense an. 744. Liptinense congregatum fuit, postquàm Zacharias Bonifacio respondit; *De eo autem, quod nobis intimasti, quod te Carlomannus filius noster, ad se rogavit accedere, ut in urbe Regni Francorum in sua ditione, sive potestate constituta, Synodum celebrare debeas, eo quod omnis Ecclesiastica regula, sive disciplina ab eadem Provincia funditus est abolita, quod nimis morrendum est, quod per spatia temporum ibidem Synodus Sacerdotum minime celebrata sit, & hoc libenter concedimus, & hoc fieri precipimus.* Nota in his ultimis verbis, hoc fieri precipimus, non nudum assensum à Romano Pontifice præstitum, sed auctoritatem interpositam. In præfatione ejus Concilii loquitur Carlomannus, quasi ipse præcipuus esset Legislator, Episcopi autem ejus Consilarii. In nomine Domini nostri Jesu Christi. Ego Carlomannus Dux, & Princeps Francorum anno ab incarnatione Domini 743. videlicet Kalendis Maii cum consilio servorum Dei, & Optimatum meorum Episcopos, qui in Regno meo sunt, cum Presbyteris ad Concilium, & Synodum pro timore Christi congregavi . . . ut mihi consilium dedissent, quomodo lex Dei, & Ecclesiastica Religio recuperetur, qua in diebus præteritorum Principum corruit. Et Can. 1. Itaque per consilium Sacerdotum, Religiosorum, & Optimatum meorum ordinavimus per Civitates Episcopos, &c. Ità Carlomannus de Concilio Germanico, quod Liptinense præcesserat, quodque à Liptinensi receptum est, eademque dicendi formà utitur in Canonibus Liptinensibus; statuimus, precipimus, decrevimus. Verumtamen Carlomannum non suâ præcisè auctoritate id fuisse probat Epist. 105. prædicti S. Bonifacii, cujus fragmentum refert Sirmondus tom. 1. Concil. Gall. pag. 583. cum hoc titulo; *De Canonibus & statutis Synodi à Bonifacio jussu Pontificis Romani, & rogatu Principum Francorum, & Gallorum celebrata.* Sic autem Bonifacius Cudbertum alloquitur; quia putamus vos libentius scire velle, quàm nescire, qua hic Sacerdotes nobiscum servanda decreverunt, vobis enun-

danda



danda, & corrigenda destinamus. Decrevimus autem in nostro Synodali conventu, & confesui sumus fidem Catholicam, & unitatem, & subjectionem Romanæ Ecclesiæ, sine tenus visa nostra, velle servare. S. Petro & Vicario ejus vello subijci: Synodum per omnes annos congregare; Metropolitano pallia ab illa sede quætere, & per omnia, præcepta Petri canonice sequi desiderare, ut inter oves sibi commendatas numeremur, & isti confessioni universi consensimus, & subscripsimus, & ad corpus sancti Petri Principis Apostolorum direximus quod gratulando Clerus & Pontifex Romanus suscepit, statuimus, &c. decrevimus, &c. ex quibus, & aliis verbis liquet prævisse auctoritatem Ecclesiæ Carlomanno illa Capitula edenti.

8. Id adhuc clarius patet in Concilio Sueffionensi. Nam licet in præfatione Pippinus ita loquatur. Ego Pippinus Dux, & Princeps Francorum. Dum pluribus non habetur incognitum, qualiter nos in Dei nomine, una cum consensu Episcoporum, sive Sacerdotum, vel servorum Dei consilio, sive Comitum, & Optimatum Francorum, Colloqui apud Sueffionis Civitatem Synodum, vel Concilium facere decrevimus, quod ita in Dei nomine, & fecimus. Primum imprimis constituimus fidem Catholicam, &c. Ubi videtur similiter Pippinus statuere, Episcopi autem tantum consulere: tamen conclusio, sive Canon ultimus sic habet; Si quis contra hoc Decretum, quod viginti tres Episcopi, cum aliis Sacerdotibus, vel servis Dei una cum consensu Principis Pippini, vel Optimatum Francorum consilio constituerunt, transgredi, vel legem irrumperere voluerit, vel despexerit, judicandus sit ab ipso Principe, vel Episcopis, vel Comitibus; ubi Canonum constitutio Episcopis, consensus autem Principi tribuitur.

9. Observa in his exemplis, quàm parùm fuerint sollicitæ olim potestates de discernendis limitibus, & distinguendis officiis suis: cum alicubi alteri tribuatur, quod aliundè constat ab altera præstitum, aut communi consensu peractum; ut vix ex loquendi formulis argumentari liceat, ad statuenda cujusque potestatis jura, sed assumenda sint certiora principia. Undè intelliges non rectè Gallos ad statuendam Regum suorum potestatem in res Ecclesiasticas omisâ discussione Juris ad exempla recurrere, in quibus non ita reluctet Ecclesiasticæ jurisdictionis exercitium. Cum enim illam in aliis exemplis, in quibus sola videbatur dominari potestas laica, robur suum obtinuisse manifestè conspiciamus, cur eam à reliquis exclusam censebimus, in quibus non ita luculenter apparet?

Cur

Cur non existimabimus, in sequentibus Synodis eundem, qui in Sueffionensi, ordinem fuisse servatum, atque adeo Episcopos constituisse, Principes consensisse, etiamsi soli Principes decrevisse videantur; quod fortè in ista factum contenderent Galli, ob præfationem, nisi conclusione revincerentur: Cùm Liptinenfis, quæ omnium sub secunda Dynastia celebratarum prima est, nonnisi post consensum, imò & præceptum Romani Pontificis congregata sit; cùm & Liptinenfis, & Sueffionensi, sicut Germanico præfederit S. Bonifacius Sedis Apostolicæ Legatus: cùm Zacharias Francis scripserit, ut ad Synodum singulis annis convenirent, & ea, quæ jam ab ipsis decreta erant, probaverit; cur ejus autoritas arcebitur à reliquis Conciliis, in quibus Capitularia edita, vel à quibus desumpta sunt? Trium quidem librorum capitula, quæ collegit Benedictus, fuisse autoritate sanctæ Sedis maximâ ex parte collecta, ipsummet testatum jam suprâ vidimus. Non desunt argumenta generalia, quæ suadeant non abfuisse à reliquis autoritatem Apostolicam.

10. Ejusmodi sunt, quæ profert Baronius ad annum 770. ex lib. 6. Capitular. cap. 187. *Autoritas Ecclesiastica, atque Canonica docet, non debere absque sententia Romani Pontificis Concilia celebrari.* Undè infert Illustrissimus Cardinalis, Francorum Reges hanc legem secutos. Eundem à sancta Sede præstitum Capitularibus consensum colligit ad annum 801. & ad annum 819. ex accurata obedientia, quam Carolus Magnus, & Ludovicus Pius sanctæ Sedi præstari volebant. *Ita unanimis, inquit Ludovicus Pius, ut recitat Benedictus Capitular. lib. 6. cap. 267. Divinis, & Apostolicis constitutionibus servatis, ut in nullo patiamini pia Canonum Decreta violari. Ut nulli fas sit sine statûs sui periculo, vel Divinas constitutiones, vel Apostolica Sedis Decreta temerare.* Ut igitur Francorum Reges, qui leges Ecclesiasticas, sive Capitularia ad restaurandam disciplinam Ecclesiasticam condidère, non suâ præcisè autoritate, id fecisse sentiamus; sufficit, ut sciamus per *Apostolica Sedis Decreta*, quæ temerare non licet, vetitum esse sæcularibus de rebus Ecclesiasticis propriâ autoritate decernere. Sic enim decernitur in Concilio IV. Romano sub Symmacho Papa; *Laicis, quamvis Religiosis, nulla de Ecclesiasticis facultatibus aliquid disponendi legitur unquam attributa sacras.* Refertur dist. 96. Ca. *Bene quidem, & in Ca-*  
pitu-

pitular. Regum Franc. lib. 5. cap. 403. ubi Baluzius ipse multos alios Scriptores citat illud referentes, ac speciatim Concilium Trosleianum cap. 3. in quo, ut dicemus, Capitularia vocat *Canonum Pedissequa*.

11. Præterea cur Adrianus Primus Codicem Canonum, & Decretalium Summorum Pontificum Carolo Magno Romæ dederat, nisi ut eorum executionem procuraret, quod indicat ultimus versus epistolæ illi Codici præfixæ; *A legennunquam discede, hac observans statuta? Quæ Principes, & Reges Franciæ agebant, non solum annuentibus, sed etiam hortantibus, atque rogantibus Pontificibus, atque adeò necessariam potestatem concedentibus, præstabant. Quamobrem, si quod occurrebat dubium, consulebant sanctam Sedem, non solum circa fidem, sed etiam circa disciplinam, non illud suâ præcisè auctoritate declarabant. Exempla multa sunt, ut Pipini in epist. 7. Zachariæ: Caroli Magni, & Ludovici Pii in Capitular. lib. 6. capp. 96. & 267. lib. 7. cap. 91. 104. 187. 205. 267. Addit. 4. lib. 7. cap. 12.*

12. Ego certè, cum lego Christianissimos illos Principes, & Sanctæ Sedis, & Gallicanorum Episcoporum licentiam petiisse in rebus, in quibus hodie Reges illam postulare dedignarentur, ægrè possum modernis Scriptoribus Gallicis assentiri, asserentibus illos *leges Ecclesiasticas, sive Capitularia ad restaurandam disciplinam Ecclesiasticam condidisse suâ præcisè auctoritate. Quis v. g. hoc sentiat de Carolo Magno, de quo istud legitur in Concilio Francofordiensi anno 794. habito, cap. 55. Dixit etiam Dominus Rex in eadem Synodo se à Sede Apostolica, idest ab Adriano Pontifice licentiam habuisse, ut Angilramnum Archiepiscopum in suo Palatio assidue haberet propter utilitates Ecclesiasticas. Deprecatus est eandem Synodum, ut eo modo, sicut Angilramnum habuerat, ita etiam Hildebaldum Episcopum habere debuisset; quia & de eodem, sicut & de Angilramno, Apostolicam licentiam habeat. Omnis Synodus consensit, & placuit eis cum in Palatio esse debere propter utilitates Ecclesiasticas.*

## C A P U T XII.

*De Capitularibus Regum Francorum primæ Dynastiæ.*

1. **I**Tà certum est Principes Francorum secundæ Dynastiæ cum assensu Ecclesiæ Capitularia circa res Ecclesiasticas edidisse, ut fortè non defuturi sint, qui ad defendendam illam Baluzii sententiam, scilicet, editionem Capitulorum Regibus jure proprio, non ex concessione, aut consensu Ecclesiæ, competere, reponant Pippinum & Carlomannum idèd plurimum Ecclesiæ detulisse; quia cum sibi conscii essent usurpati Principatûs, sanguinis, ac successionis jure sibi non debiti, è re illorum erat summos Pontifices, & Episcopos quorum maxima erat apud religiosum Populum autoritas, demereri, atque illorum ope Dignitatem sibi asserere: Pippini autem filium, & Nepotem, ejus agendi rationem imitatos; cumque pii essent, in conservando jure Regio non ità cautè, ac subtiliter erga Ecclesiam se habuisse. Quamobrem non sunt omninò prætermittenda Regum primæ Dynastiæ Capitularia; ut sciamus quomodò illi se gesserint in negotiis Ecclesiasticis, atque quomodò agendum senserint. Nec enim quod æquum quisque novit, id semper sequitur.

2. In Capitularibus Regum Francorum à Stephano Baluzio collectis primum locum occupat Constitutio Childeberti Regis, data circa annum 554. In ejus principio declarat, quæ sint Principis partes in negotiis spiritualibus; scilicet, ut eorum autoritate compellantur rebelles ad obsequendum Divinis & Ecclesiasticis præceptis, dum Sacerdotum potestas eam obedientiam obtinere non valet. Et quia, inquit, *neceffe est ut plebs, qua Sacerdotis præcepta non ita ut oportet custodit, nostro etiam corrigatur Imperio*: & prohibitis quibusdam sacrilegiis concludit; *Quicumque post admonitionem Sacerdotum, vel nostrum præceptum sacrilegia ista perpetrare præsumpsit, si servilis persona est, centum ictus flagellorum ut suscipiat jubemus, &c.*

3. Sequitur Constitutio Clotarii Regis data circa annum 560. cujus articulus sextus Judices sæculares in officio suo delin-

linquentes Episcoporum correctioni subjicit : cū hodie vice versā Judices sæculares , prætextu abusus , Episcoporum , aliorumque Judicum Ecclesiasticorum sententias reforment ; imò & summi Pontificis Decreta effectum sortiri non patiantur in rebus etiam spiritualibus ; *si Judex* , inquit Clotharius , *aliquem contra legem injustè damnaverit in nostri absentia , ab Episcopis castigetur ; ut quod perpere judicavit , versatim melius discussione habitâ emendare procuret*. Hanc quidem facultatem Episcopis non concedit , nisi absente Rege , ad quem sine dubio pertinet priorum Officialium censura ; sed quā possunt æquitate Scriptores Gallicani , Pastoribus Ecclesiasticis denegare potestatem efficiendi , ut Judices sæculares , dum apertè suā jurisdictione abutuntur , præsertim in præjudicium Ecclesiæ , peccatum emendent ; permittere verò Judicibus sæcularibus , ut statim atque aliquis de Episcoporum judicio conqueritur , prætermisso Metropolitano , aliisque in Hierarchia Ecclesiastica superioribus , querelam admittant ; & si quem putent re verâ intercessisse defectum , eos multis pecuniariis plectant.

4. At , inquires , conditio Clotharianæ constitutionis locum hodie non habet. Nunquam enim deest Rex , vel ejus consilium castigandis Judicibus contra legem injustè damnantibus ; adeoque Prælatorum curâ nihil est opus. Faxit Deus , ut ita se res habeat ; sed cur similiter Ecclesiasticorum Officialium emendatio legitimis eorum superioribus non relinquatur. Quia ( respondebis ) Superiores Ecclesiastici emendationem vel negligunt , vel recusant. Si ita esset , admonendi tantum essent sui officii : sed magis certè metuendum est , ne sæcularibus non tam propositum sit , negligentiam , vel malitiam Judicum Ecclesiasticorum supplere , aut emendare , quàm ad se illorum trahere jurisdictionem.

5. In eadem constitutione alii sunt articuli pro conservandis Ecclesiæ juribus. Sed notatu dignus est duodecimus , qui est hujusmodi ; *Quæcumque Ecclesia , vel Clericis , aut quibuscumque personis à gloriosa memoria præfati Principibus munificentia largitate conlata sunt , omni firmitate perdurans*. Ex quibus constat aliam fuisse olim Regibus Christianissimis mentem , à recentium Aulicorum sententia , qui , cum jus Regaliæ nullâ solidâ ratione possent in omnes Gallicanas Provincias extendere , eò confugerunt , ut

748 TRACTATUS DE LIBERTATIBVS,  
vellent retractari donationes, aut veriùs restitutiones liber-  
tatis, olim Ecclesiis quibuscumque à Principibus factas.

6. Refertur tertio loco præceptio Regis Guntramni an.  
585. in qua Rex Episcopos monet, ut propriis Gregibus  
invigilent. Sed ab illorum officio suum luculentissimè distin-  
guit, statuens, ut Judices sæculares opem Episcopis ferant:  
& si qui deliquisse comperti fuerint, à propriis Judicibus, sci-  
licet, Clerici secundùm Canones, Laici secundùm leges,  
emendentur. *Et licet, inquit, absque nostra admonitione ad vos spe-  
cialiter predicandi causa pertineat, attamen, &c.* Deinde, *sed vos Aposto-  
lici Pontifices jungentes vobiscum consacerdotes vestros, & filios senioris Ec-  
clesiæ, ac Judices locorum, quoscumque agnoscitis, quos vita qualitas honesta  
commendat, ita universam Populi multitudinem, constanti, vel Deo placitâ  
predicatione corrigere, ut & benè viventes mysticus adhortationis sermo mul-  
ceat, & excedentes ad viam recti itineris correctio Pastoralis adducat.* Et  
post pauca; *Quicumque Sacerdotum, aut Sæcularium intentione mortiferâ  
perdurantes crebrius admoniti, emendare neglexerint, alios canonica severitas cor-  
rigat, alios legalis pœna percellat.*

7. Illustrissimus Dominus Petrus de Marca lib. 6. cap. 22.  
§. 7. Reges Conciliorum Canones examinare, atque tempe-  
rare posse contendens (quod tamen minus est, quam *Leges Ec-  
clesiasticas suâ præcisè autoritate condere*) primum petit exemplum  
ab Edicto Clotharii II. Concilium Parisiense V. an. 615.  
confirmantis, & varios illius Canones modificantis. Sed  
Clotharius II. in Edicto illo profitetur, se cum Episcopis,  
quæ præcipiebat, constituisse. *Quicumque, inquit, hanc deli-  
berationem, quam cum Pontificibus, vel tam magnis viris optimatibus, aut  
fidelibus nostris in synodali Concilio institimus, temerare præsumpserit, in ip-  
sum capitali sententiâ judicetur, qualiter alii non debeant similia perpetrare:*  
ex quibus verbis apertè colligitur Regem illum juxta men-  
tem Episcoporum, ac cum illorum consensu Canones inter-  
pretatum esse, aut, si mavis, temperasse.

8. Sed & Lupus Abbas Ferrariensis in illa epist. 81. cujus  
occasione Baluzius Cardinalem Baronium immeritò arguit,  
quæque scripta est ad Amulum Archiepiscopum Lugdunen-  
sem Guenilonis, & Gherardi nomine, quæ essent Sacerdo-  
tum, quæ verò Regis partes optimè distinxit. *Præcepit itaque*  
(inquit, loquens de Rege Carolo Calvo) *ut ejus vobis sermo-  
nibus*

nibus diceremus, se fideliter tenere, quod Rex Regum, idemque Sacerdos Sacerdotum, qui solus potuit Ecclesiam regere, quam redemit, postquam humanitatem suam in Cælum evexit, semper cum suis futurus divinitate, potestatem suam ad eandem gubernandam Ecclesiam inter Sacerdotes divisit, & Reges; ut quod Sancti docerent Pontifices, & ipsi implerent, & impleri facerent devotissimi Reges. Ecce Principum sæcularium officium; ut quod Sancti docerent Pontifices, & ipsi implerent, & impleri facerent devotissimi Reges. Pontificum igitur est regulas Ecclesiasticas condere; Regum autem eas exequi, & ut subditi exequantur efficere, quod præstant, & libentiùs, cum de illorum assensu constitutæ sunt, & efficacius, cum præceptis, & censuris Ecclesiasticis pœnas temporales adiungunt.

9. Ex iis igitur, quæ à pluribus Franciæ Regibus gesta rectè videntur, (sunt enim à nonnullis multa iniquè facta) certò inferitur, Reges Christianissimos erga Ecclesiam, & Ecclesiasticam disciplinam fuisse optimè affectos, restaurandæ canonicæ politiæ, ac promovendæ religionis studiosissimos; ideoque diligentissimam, & constantissimam operam dedisse, ut Concilia, quæ adversus omnia Religionis, morum, ac disciplinæ vulnera, remedia sunt efficacissima, frequentissimè celebrarentur; eorumque Canones, adjectis pœnis temporalibus, exequendos curasse. Cæterum, si ex singulis, quæ tunc fiebant, argumentari liceat ad adstruendam Principum sæcularium in res Ecclesiasticas auctoritatem; poterunt etiam inde argumenta duci ad vindicandam Ecclesiæ potestatem, non solum in bona, & jura temporalia Regni, sed etiam in Coronam ipsam Regiam; concludendumque penes Ecclesiam esse, Reges destituere, ac restituere; quia Ludovicus Pius Autoribus Episcopis depositus fuit ab Imperio, & Regno, ac postmodum restitutus; denique Regnum secundum voluntatem Episcoporum erit administrandum, nam cum recessisset Lotharius Ludovici Pii Filius, Ludovicus & Carolus ejus Fratres ditionem sibi sine assensu Episcoporum non vindicarunt, ut narrat Nithardus Caroli Magni Nepos ex filia hist. lib. 4. init. quæ extat tom. 2. Andree Duchesne; Et primum quidem visum est, ut rem ad Episcopos Sacerdotisque, quorum aderat pars maxima, conferrent. Sed non consenserunt Episcopi, nisi priùs certi facti, rectum fore illorum

750 TRACTATUS DE LIBERTATIBVS,  
 regimen. Polliciti sunt autem Principes se omnia secundum  
 voluntatem Episcoporum facturos, quos, ut eam curam assu-  
 merent, obtestati sunt; *Respondentibus autem in quantum nosse ac posse*  
*Deus illis concederet, secundum suam voluntatem se & suos gubernare & regere*  
*velle, aiunt; & auctoritate Divinâ, ut illud suscipiatis, & secundum Dei*  
*voluntatem illud regatis monemur, hortamur, atque precipimus.* Non mi-  
 nus legitimè argumentaretur, qui ex hac historia concluder-  
 et, secundum voluntatem Episcoporum Reges, & Populos  
 eis subditos, esse gubernandos; quàm Aulici, dum ex qui-  
 busdam antiquorum Regum factis aut verbis æquivocis in-  
 ferunt, Principes suâ præcisè auctoritate posse leges Eccle-  
 siasticas condere. Initio secundæ Dynastiæ tanta erat circa  
 Regni negotia Episcoporum facultas, ut, si ex illius tem-  
 poris exemplis judicandum sit, plus Ecclesia in Regnum ha-  
 bitura sit auctoritatis, quàm Regibus in Ecclesiam tribuatur:  
 ut norunt Periti historiæ illius Nationis. Verùm mutuam  
 utriusque potestatis consensionem in bonum Regni, & Ec-  
 clesiæ imitari præstaret, quàm hinc aut illinc Regum, aut  
 Episcoporum exempla trahere ad confirmandam alterutrius in  
 alterius jura invasionem.

10. Longè aliter quàm Baluzius de Capitularibus Regum  
 Francorum sentiebat an. 909. Patres Concilii Trosleiani,  
 licet Galli. Hi enim cap. 3. non dubitarunt Capitularia, *Ca-*  
*nonum pedissequa* vocare, quia scilicet Canones tantum secuta  
 fuerant, & in eorum executionem edita.

## C A P U T XIII.

*Libertates Ecclesiæ Gallicanæ in aliis sensibus acceptæ.*

1. **L**ibertates Ecclesiæ Gallicanæ à variis variè accipi pro  
 cujusque commodo, aut studio, neminem latet eor-  
 um, qui res in Gallia gestas rescire satagunt. Principiò qui-  
 dem omnes Ordines exactam Canonum antiquiorum obser-  
 vantiam obtendebant: sed quia longiùs ab ea recedebant plu-  
 rima, quæ à Laicis, plurima etiam, quæ ab Ecclesiasticis vi-  
 ris usurpabantur, detorquenda fuit nuncupatio illa à prima-  
 ria



ria sua significatione , ad aliàs admodum diversas , aut etiam contrarias.

2. Exeunte postremo sæculo Petrus Pithæus Bibliothecæ Regiæ Præfectus libellum suum de Libertatibus Ecclesiæ Gallicanæ scripsit ; in quo duo principia constituit , quorum alterum Regiam jurisdictionem in Ecclesiam amplificat , alterum summi Pontificis in Galliam potestatem confringit ; atque ex duobus illis fontibus quamplurima capita derivat. Opus illud , cùm privati esset hominis , nullius erat auctoritatis : imò nec totius Galliæ sententiam exponere censebatur. Quin ei potius Clerus refragari se multifariam significavit. Attamen quia nihil est , quod alicui aliquando non videatur commodum , incipit Tractatus ille per articulos citari , quasi antiqui illius Codicis Canones , in quibus observandis sita dicebatur libertas Ecclesiæ tùm universæ , tùm Gallicanæ , continentis loco successisset , ejusque interpretatio è commentario , ceu à Glossa communiter recepta peti.

3. In lite nuper à Senatu Parisiensi definita inter Illustrissimum Episcopum Cadurcensem , & nobilissimum Comitem de Marsano circa pensionem prædicto Comiti super fructibus præfati Episcopatus assignatam , instabat Reverendissimus Episcopus observandos Canones , quibus adversari videbatur pensio , præsertim in favorem Bigami Constituta ; atque ita primariæ libertatum suarum definitioni inhærere videbatur. Nobilissimus Comes negabat esse veram , & sinceram libertatum Gallicanarum naturam ; suumque intentum probabat plurimis exemplis Episcoporum , atque aliorum Ecclesiasticorum virorum super Canonibus secum dispensari postulantium , v. g. ad demigrandum ab una Sede ad aliam , ad plura simul Beneficia obtinenda , ad Beneficia Regularia in Commendam recipienda , contra regulam Regularia Regularibus , &c. Reponebant Auctores Cleri Gallicani Domino Episcopo Cadurcensi sese adjunctes : quasdam quidem ex illis dispensationibus à Conciliis generalibus fuisse approbatas ; alias autem puta Beneficiorum commendas ab usu , & à Conciliis Provincialibus esse confirmatas , quasi usus Galliæ & Conciliorum Provincialium sententia idem essent , ac

Ca-

752 TRACTATUS DE LIBERTATIBVS, &c.  
Canones Conciliorum generalium, quibus contineri dice-  
bantur prædictæ libertates, ut observare licuit in actis typis  
editis, hucque perlatis.


4. Omnes autem libellum Pithæi, dum sibi favere putabant,  
quasi Codicem Canonum libertatum suarum allegabant; ut  
rursus videas speciosum illud nomen, quod primum ad sig-  
nificandam defensionem adversus injurias Conciliorum gene-  
ralium Canonibus contrarias inductum videbatur, hodiè  
multipliciter equivocum evasile, ac variè à variis, prout  
commodum videtur, usurpari, quod plurimis aliis exemplis  
posset confirmari.

5. Sed quod vehementer deffendum est, nulli sæpius usui  
deservit, quàm ut Ecclesia potestatibus sæcularibus subjicia-  
tur, ac ejus jurisdictio ad sæculares Judices trahatur. Id sæ-  
pissimè sensit Clerus Gallicanus, saltem circa suam, ut testan-  
tur ejus acta, & monimenta, quorum nonnulla sunt à no-  
bis citata. Itaque experitur Ecclesiasticus Ordo quam sibi  
noxium fuerit potestatem sæcularem adversus Pontificiam  
implorasse. Utinam antiquam erga sanctam Sedem observan-  
tiam resumens, debitam sibi à Laicis ipse recuperare me-  
reatur.



# LIBER DUODECIMUS

## *De Appellationibus tanquam ab abusu.*

I.  Nter omnes Libertatum Ecclesiæ Gallicanæ articulos plurimùm eminet, & ad defendendos alios excogitata est appellatio tanquam ab abusu; qui modus hodie omnium frequentissimus est usurpandæ, aut ligandæ jurisdictionis spiritualis sub prætextu libertatis. Edmundus Richerius in suo Tractatu *De Ecclesiastica & Politica potestate* num. 13. asserit, quod hæc ratio procedendi Gallorum, originem præbuit Ecclesiæ Gallicanæ libertatibus, ut eas vulgò vocant.

II. Carolus autem Fevret, qui Tractatum integrum novem in libros distinctum eo de argumento conscripsit, lib. 3. cap. 1. num. 1. tradit hujusmodi appellationem esse libertatis Ecclesiæ Gallicanæ partem. Non minoris interest Cleri Galliani, quàm Sanctæ Sedis, ut plenè confutetur infesta Ecclesiæ jurisdictioni doctrina, quæ in eo Tractatu continetur. Quamobrem ampliorem, & accuratiorem ejus confutationem Gallis, jurisdictionis Ecclesiasticæ non negligentibus, & Cleri jurium, pariter atque usum contrariorum benè

C c c c c

con-

754 TRACTATUS DE LIBERTATIBVS,  
 consciis, dimittentes : Scriptorem illum per singu-  
 los articulos non insequemur : sed argumenta, qui-  
 bus appellationes illas propugnat, discutiemus, quan-  
 tum latis, ut pateat librum esse perniciosissimum;  
 atque ita neminem, nisi volentem fallat. Huc etiam  
 propter materiæ connexitatem referemus tria ulti-  
 ma capita lib. 4. D. Petri de Marca, in quibus de  
 appellationibus ab abusu disputat.

## C A P U T P R I M U M.

*Quid sit appellatio ab abusu, & quæ illius origo.*

1. **A**ppellatio definitur à Jurisconsultis; *A minore Judice ad majorem, ratione gravaminis, facta provocatio.* Abusus autem est perversus alicujus rei usus, seu usus minus bonus, ad quem res destinata non fuerat. Itaque, si justa, & legitima sit appellatio, nunquam interponetur, nisi ab aliquo abusu. Si enim Judex inferior rectè judicat, partibus gravamen non infert, atque adeò appellationi locum non præbet; si alterutri facit injuriam, abutitur suâ potestate, quæ circa justitiam dispensandam versatur. Sed à generali significatione ad particularem vox accommodata fuit in Gallia.

2. Illic enim appellatio ab abusu definitur in hunc modum; *A Judice Ecclesiastico suâ potestate abutente ad Judicem sacularem provocatio*: quam definitionem sic explicat D. Petrus de Marca lib. 4. cap. 19. §. 4. *Essi abusus significatio quamcumque Ministerii spiritualis aberrationem complectatur, sive in negotiis Ecclesiasticis, seu in temporalibus versetur, ut patet ex testimoniis jam relatis: attamen formula appellationum ab abusu specialiter accommodata est à Pragmaticis antiquis querela illi, quæ à Clericis adversus vim Judicum Ecclesiasticorum ad Magistratus Regios deferretur, sive de Rescriptis Romana Curia conquerantur, sive de judiciis Episcoporum.* Mutilam tamen esse hanc definitionem ad  
 so-

folius Judicis Ecclesiastici abusus restrictam videbimus §. 7. capituli sequentis.

3. Nomine appellationis abuti videntur sic nuncupantes provocationem à Judice Ecclesiastico ad sæcularem, cum nulla sit inter eos subordinatio, sed sint omnino distinctæ potestates, Ecclesiastica & sæcularis, & habeat utraque suos gradus, à gradibus alterius omnino distinctos; ut ab aliquibus, quamvis non omnimoda sit paritas, comparentur, quod jam alibi notavimus, duabus lineis Parallelis, quæ quantumvis progrediantur, nunquam sese contingent, aut conjunguntur: cum igitur Judex Ecclesiasticus in rebus spiritualibus Judici laico suppositus non sit, ab illo ad istum tanquam à minori ad majorem, provocari non potest; sed à Judice Ecclesiastico inferiori, ad Ecclesiasticum superiorem, & ab isto rursus ad altiorem, donec deveniatur ad summum. „Si quid, „ait Carolus Fevretus lib. 9. cap. 3. num. 15. in praxim, usum „ac vocem ipsam abusus Curia Romanæ, ac Curiarum Ecclesiasticarum Regni odium commovit, id fuit nomen appellationis. Nunquam enim Clerus molestè tulit notorium, „& manifestum abusum reparari. At vox appellationis, quæ „usurpata fuit, ut ad illam reparationem procederetur, in „tollerabilis visa est. Non enim concoqui potuit, ut à iudiciis Ecclesiasticis, & à Rescriptorum, & Decretorum Summi Pontificis executione appellaretur, ac postea hujusmodi „appellationes in Curiis sæcularibus judicarentur, &c.

4. Quamobrem fatentur Galli non dici simpliciter appellationem illam, quæ ab Ecclesiastico Judice ad sæcularem movetur. *Simplicem enim, & meram appellationem*, inquit Illustrissimus Petrus de Marca lib. 4. cap. 19. num. 5. *Ad Curiam Regiam nunquam in Gallia admissam fuisse fatentur Petrus de Cumeriis art. 14. Masuerius tit. de appell. §. 22. & Joannes Gallus quest. 161.* Verum cum illo additamento, *ab abusu*, propriè, ac justè appellationes dici posse arbitrantur, quasi vox magis odiosa rei ab altera voce significatæ odium minuere possit, aut verba mitiora veram injuriam abstergere.

5. De origine hujusmodi appellationum non consentiunt, qui de illis disputaverunt. Appellatio quidem antiquissimum est contra iniquitatem Judicum inferiorum remedium. Quovis

756 TRACTATUS DE LIBERTATIBVS,  
tempore, ex quo Christiana pietas defervescere cœpit, inventi sunt nonnulli Judices Ecclesiastici, qui datâ sibi autoritate abuterentur: non defuerunt Principes, & Magistratus sæculares, qui de illo abusu conquererentur. (Justane, an injusta esset querela, vel quod apponebatur remedium postea expendemus) Verùm appellationes ab abusu sub eo saltem nomine non ita sunt antiquæ.

6. Carolus Fevret lib. 1. cap. 2. num. 2. antiquiorem appellationem refert ad annum 1404. allegans Placitum, seu Arrestum Senatus Parisiensis eo tempore datum, pro quo citat tom. 2. Libertatum Ecclesiæ Gallicanæ cap. 7. num. 27. sed quid Placitum illud contineret ignoratur, cum nec à Fevreto, nec ab Autore tomi de libertatibus referatur, sed tantum citetur. Allegatur item ab utroque aliud Placitum anni 1449. Verùm in isto refertur tantum Procuratorem Regium dixisse, posse appellari à jurisdictione Ecclesiastica ad sæcularem, quasi ab abusu, ac per viam prohibitionis, & nullitatis, ex eo quod Rex Deum tantum superiorem agnoscat: Ecclesiastici verò jurisdictionem temporalem non nisi à Rege habeant, qui de ea, si abusus intercesserit, potest cognoscere: ex quo patet ibi agi de Judicibus Domini temporalis Ecclesiæ, à quibus ad Judices Regios appellatur; sed hoc ad causas profanas, non autem ad spirituales spectat.

7. In defensione Reginæ Navarræ Pio IV. ex parte Caroli IX. Regis Franciæ missâ anno 1564. earum appellationum usus circa ea tempora incepisse dicitur, cum Cardinalis Julianus à Balua Legatus à Latere ad Carolum VIII. etiam Regem Franciæ missus fuisset à Sixto IV. an. 1489. „Eo  
„tempore usurpari cœperunt appellationes tanquam ab abusu, quas emittendas ad Senatum placuit, ab executione  
„omnium Rescriptorum Curie Romanæ contrariorum sanctis  
„Decretis, libertatibus, & immunitatibus Ecclesiæ Gallicanæ, quarumque usus plurimum viguit, propter optima,  
„quæ inde consecuta sunt commoda; ut scilicet hujusmodi  
„abusus à Senatibus autoritate Regia revocarentur. Libert.  
Eccl. Gallic. tom. 1. pag. 96.

8. Citatur à Renato Chopino de sacra politia lib. 2. tit. 4. provocatio Procuratoris Regii à quibusdam monitionibus

In-

Innocentii VIII. contra Flandros: sed hæc provocatio dirigitur ad Papam modernum melius informandum, & sanctam Sedem Apostolicam. Addit quidem; seu ad eum, vel eos, ad quos jure provocare potest, vel debet. Sed iis verbis non designabantur appellationes ab abusu, cum in jure fundamentum non habeant.

9. Inter acta Cleri Gallicani, scilicet tom. 1. tit. 2. cap. 19. ult. edit. continetur Eruditissimus, & solidissimus Tractatus de jurisdictione Ecclesiastica, in quo appellationum ab abusu origo, pragmatica sanctione recentior demonstratur, & ejus esse quasi partus abortivus; notaturque Ægidium le Maître Protopræsidem in Senatu Parisiensi in collectione appellationum ab abusu nullam anno 1533. antiquiorem retulisse; Lucium item in libro 2. placitorum summæ Curie in titulo appellationum, quæ à veluti abusu nuncupantur, nullam habere, nisi ab anno 1537. quamvis citet etiam litteras appellatorias ab executione Rescripti Pontificii anno 1491.

10. Non potest certè usus ille admodum antiquus esse, quandoquidem Stephanus Aufrelius Præses in Senatu Tolosano sub initium sæculi proximè elapsi in addition. ad repet. Clement. 1. de offi. ordinar. reg. 2. num. 30. mirabatur, qui possent legitimæ haberi appellationes; De quibus, inquit, sæpè numero dubitavi, ubi fundari poteram in jure; sed & tunc Judices de illis judicium ferre verebantur. Subjungit enim idem Aufrelius; Nunquam tamen audiui, neque vidi, nisi semel, quod super meritis hujusmodi causarum appellationum fuerit pronunciatum: sed dumtaxat vel appellationes annullari, aut quod appellantes non erant ut appellantes recipiendi, quia à Judice spirituali non est ad seculari appellandum. „Non debemus, inquit etiam Stephanus Pasquierius lib. 3. inquisitionum suarum cap. 38. æstimare remedium illud appellationis (tanquam ab abusu) aut tempore Philippi Valesii (qui obiit an. 1350.) aut 140. vel 160. annis postea inductum fuisse. Nulla enim sit ejusmodi appellationum mentio, neque in regestis Curie, neque inter Senatus-Consultis, ta à Joanne Gallo Procuratore Regio tempore Caroli VI. (qui obiit anno 1422.) collecta, neque inter decisiones Capellæ Tolosanæ ab Aufrelio Præsidente in Senatu Tolosano digestas, neque inter decisiones Senatus Delphinialis à Guidone Papa editas.

## 758 TRACTATUS DE LIBERTATIBVS,

11. Antiquior appellatio tanquam ab abusu assignatur à D. de Marca lib. 4. cap. 19. §. 4. nempè, quam interposuit Procurator Capituli Parisiensis an. 1501. à decimæ indictione, quam Alexander VI. in Gallia exigi iusserat. Sed ea appellatio primò dirigitur ad præfatum Sanctissimum N. Papam melius consulendum, vel consultum, & sacrosanctam Synodum universalem primò celebrandam: quibus verbis fatetur appellans appellationem ad Ecclesiasticum tribunal pertinere, nec per appellationis viam ad Principes se recurrere debuisse.

12. Licet magna videatur inter illos Scriptores, de tempore, quo usurpari cœperunt appellationes ab abusu, diversitas; ex omnium tamen consensu colligitur, earum originem non esse valdè antiquam; quod certè in re tanti momenti non obscurum est de injustitia præjudicium.

## C A P U T I I.

### *De progressu appellationum ab abusu.*

1. **P**Rælati Comitiorum Cleri Gallicani an. 1635. Parisiis congregati contra hujusmodi appellationes graviter conquesti sunt. Cumque eas penitus abolendas non sperarent, petierunt, ut illis modus adhiberetur; monueruntque illas idè institutas fuisse, ne Judices Ecclesiastici sæcularem jurisdictionem, aut sæculares Ecclesiasticam usurparent. Idem tradit Burdinus Procurator in Senatu Parisiensi Regius, à Carolo Fevret lib. 1. cap. 1. num. 4. relatus, his verbis; *Appellatio ab abusu hinc derivata est, quod Judex Ecclesiasticus, dum sibi partes vindicare conatur Judicis Laici, contra leges, & statuta Regia, jurisdictione sua abutatur: ex quibus, & ex Edictis, ac Placitis in tom. 2. Libert. Gallic. cap. 7. num. 27. relatis, appellationum illarum in sua origine eum solum effectum fuisse colligitur, ut Regia jurisdictio conservaretur. Postèa tamen interpositæ sunt ad impediendos Judices Ecclesiasticos, ne potestate sua in cæteris negotiis abuterentur, ac denique eo processerunt, ut nulla, quantumvis spiritualis causa eis obnoxia non sit.*

2. Re-



2. Reges quidem suis Edictis modum eis interdum ponere cœperunt, ut videre est in actis Cleri tom. 2. parte 1. cap. 18. Sed nimis est Magistratuum sæcularium, vel ad deprimendam Episcoporum Dignitatem, vel ad propriam augendam, ardor; quàm ut possit solis illis frænibus cohiberi. In declivi posita videntur esse omnia humana negotia, ut primus quidem gressus difficilis aliquantum sit; at verò ubi semel inchoatus est motus, res suo pte impetu, ac nullo impellente per præceps ferantur. Initio appellationes ab abusu, cum essent insolitæ, atque ab ordine, ac jure communi remotissimæ, ipsos etiam Judices perterrere videbantur, ut superiori Capite insinuatum est: modò autem mirificis etiam laudibus extolluntur, ut infra videbimus.

3. Tuenda primum fuit jurisdictio Regia, deinde Laicorum, v. g. patronorum in Ecclesiis jura; postea jurisdictio Episcoporum, præsertim circa redditus ac beneficia; postmodum Regni mores servandi; denique leges, ac etiam Senatus-consulta vindicanda. Initio suspendebatur executio; deinde coacti Episcopi Decreta revocare; denique ab ipsomet Senatu irrita ac nulla declarata sunt. Circa bona temporalia, vel beneficia versabantur primæ appellationes; de materia Ecclesiastica, circa disciplinam subsequentes; modò etiam circa Sacramenta, & alia omnia spiritualia juxta doctrinam Opusculi inscripti; „Politia Regia in personas, & res Ecclesiasticas, autore Jacobo Duhamel, relati in primo tomo Libert. „Gallic. Si contra has regulas, inquit, Edicta, Constitutiones, & placita Curiarum supremarum; si contra libertates „& immunitates Regni; si contra sancta Decreta, & Concilia recepta in Gallia; si contra jurisdictiones Regias, & „temporales, aliquid à Judicibus Ecclesiasticis fieri, vel attemptari contigerit, remedium est appellatio quasi ab abusu. „Idque non solum intelligo de causis Criminalibus Regiis, „& privilegiatis; sed etiam de rebus civilibus, sæcularibus, „& profanis; imò etiam spiritualibus, & sacramentalibus. „Est enim Appellatio quasi ab abusu, via adtribuendam Curii „Parlamentorum rerum spiritualium cognitionem, quæ aliàs „ipsis non competeret. Quid igitur tam sanctum, tamque „Divinum reperiri poterit, quod jurisdictionem Parlamentorum effugere queat?

4. Utin materia remota, ita in proxima, seuerum conditione monstruosè excreverunt appellationes ab abusu. Nam principio non usurpabantur, nisi quando notorius erat, & manifestus Iudicum Ecclesiasticorum abusus; undè dicebantur Appellationes *ab abusu notorio*, & certo, quæ verba in litteris hac de re in Cancellaria expediri solitis, erant exprimenda, ut certum faciunt non solum plurimi Autores, sed etiam Senatusconsulta, quæ citantur à Carolo Fevret lib. 1. cap. 2. num. 5. & alibi: his consonat declaratio Regis Christianissimi facta ad instantiam Cleri Gallicani anno 1666. art. 16. in aët. Cleri loco citato. Tamen Officiales Regii commodis, quæ ex huiusmodi appellationum multitudine accedunt, inescati, plures excepiunt, in quibus adeò non elucet abusum à Prælati Ecclesiasticis fuisse commissum, ut eas frivolas postea Senatus non possit non declarare: cuius quidem examinis circa notorietatem omissio, ipsis etiam jurisdictionis Ecclesiasticæ hostibus iniqua visa est, ut legere potes loco Fevreti modò citato.

5. Sed quot, quantisque privilegiis sensim auctæ sint huiusmodi appellationes, quis exprimere queat? Primò possunt quovis tempore interponi, etiam post centum annos à data sententia, vel Rescripto, ut docent Fevretus lib. 1. cap. 2. num. 10. Duhamel, & alii hodie communiter, ex quo fit, ut nullus unquam securus sit actus jurisdictionis Ecclesiasticæ. Nam dum post multa etiam sæcula exhibebitur, si quid non solum Canonibus, sed etiam moribus, legibus, aut Senatusconsultis Gallicanis contrarium contineat, appellatione ab abusu poterit everti. Itaque nutant v.g. omnia privilegia, & omnes dispensationes; quippè cum à jure communi recedant, antiquæ disciplinæ non consentiant, atque adeò libertatibus Ecclesiæ Gallicanæ adversentur.

6. Secundò nullus actus ab huiusmodi appellationibus eximitur, sive procedat à jurisdictione Episcopali, sive à Papali cum eo tantum discrimine, (quod tamen non semper observari videbimus inferius) ut reverentiùs destruantur, quæ à Summo Pontifice, quàm quæ ab Episcopis profecta sunt; quæ ad spiritualia, quàm quæ ad temporalia pertinent. Id enim supremæ Papæ Dignitati, & auctoritati tribuitur, ut

non

non à Sententia , Decreto , vel Rescripto ejus , sed ab eorum publicatione , vel executione appellari debeat ; cùm actus Episcoporum directè impetantur , & irriti fiant. In spiritualibus non de petitorio , sed de possessorio judicetur , nisi fortè aliquid temporale conjunctum habeat ; sic v. g. Judices Laici validumne sit Matrimonium , in quantum est sacramentum , non judicant ; sed an Maritus ( quod idem in uxore locum habet ) teneatur resumere uxorem. Et quia sacramentum matrimonii præsupponit contractum civilem , decernunt , an adimplendæ sint promissiones matrimoniales ; imò an separandi sint conjuges ; etiam , ut à pluribus audi-  
vi , an partes ad aliud matrimonium contrahendum sint liberæ : quodque adhuc magis mirum est , dum de essentia ipsa , & validitate sacramenti agitur , non per se quidem sententiam ferunt , sed ad Judices Ecclesiasticos , alios ab ordinariis , partes , etiam pro ipsius sacramenti susceptione ad Parochos non proprios remittant. Præcipitur quidem articulo 17. declarationis jam citatæ ut , si intervenisse abusum Curia comperit , eidem Tribunali Ecclesiastico , licet non eidem Judici , causam meliùs judicandam relinquat. Sed quàm vereor , ne ille articulus , sicut & alii multi in favorem Cleri editi , à Judicibus sæcularibus posthabeantur.

7. Tertiò tres sententiæ conformes à Judicibus Ecclesiasticis prolatæ , appellationi obnoxie non sunt , sed tertia definitiva conformis , omni mora cessante , executioni debitæ demandari debet , quæcumque appellatione interposita non obstante , ex legibus Concordatorum tit. de appellationibus. Verùm quod ad summum Pontificem perferri non posset , ad Parliamenta per appellationem ad abusu devolvetur , quæ etiam post tertiam sententiam conformem admitti poterit , ut docet Fevretus loco suprà citato & lib. 8. cap. 3. ante finem.

8. Quartò non est servandus jurisdictionum ordo , neque percurrendi varii Tribunalium gradus ; non est expectandum , ut Archidiaconi iniquitatem reparet Episcopus , Episcopi Metropolitanus , Metropolitanus Primas , Primatis summus Pontifex. Ipse quidem summus Pontifex eam seriem ita re-  
vereri tenetur , ut si vel uno gradu prætermisso causam ipse

D d d d d

con-

contigerit, ejus Decreta nullius momenti futura sint, & per appellationes ab abusu ipsorum receptio, publicatio, & executio impedienda, quantumvis fuisset in mora periculum, Judices suspecti, denegatio justitiæ, aliave necessitas ad supremum Tribunal recurrendi: censuræ, si quæ in Decretis Pontificiis continentur, contemnentur; nulla denique habebitur potestatis Papæ ratio. At verò à quocumque Judice Ecclesiastico, &, ut ait Duhamel, à quacumque parte appelleretur, velut ab abusu, legitima est appellatio.

9. Quintò appellationibus ab abusu nullo pacto præjudicari valet. Quantumvis partes concordent, aut transigant; Procurator Regius, qui principalis in his causis pars habetur, appellationem prosequi nunquam non potest, ut docet Fevretus lib. 1. cap. 2. num. 9. 10. 25. & alibi.

10. Sextò statim atque appellatum est ad Judices sæculares Judex Ecclesiasticus superfedere debet; ac quidquid interim contingere poterit, negotio illi Episcopus, aut alius, sese nequit immiscere, nisi quantum ei à Senatu indultum fuerit. Quantumcumque v. g. constet Episcopo Matrimonium invalidum esse, non poterit, appellatione pendente, partibus præcipere, ut quoad thorum separentur: Quamvis Parochus intrusus sit, aut jurisdictionis spiritualis incapax, non poterit Episcopus Pœnitentiæ, aliorumque Sacramentorum administrationem alteri committere, si ille appellaverit quasi ab abusu.

11. Septimò Læx Majestatis crimen esset appellationes ab abusu impugnare, quia fieret injuria supremæ Regis Majestati, summoque ejus Dominio. Itaque in tuto positum est istud Regiæ Coronæ jus, seu potestas Judicibus sæcularibus tributa, de qualibet, quantumcumque spirituali, re judicandi, dummodò appellationis ab abusu nomine insigniatur. Vide Fevretum lib. 1. cap. 3. num. 6. sub finem in margine.

C A P U T I I I.

*De justitia appellationum ab abusu.*

1. **C**Um innumera sint negotia, circa quæ versantur appellationes ab abusu, & alia aliis magis minusve spiritalia, & sacra, vel temporalia & profana; non in omnibus æqualiter elucet justitiæ vel injustitiæ ratio, sed cum quadam proportionem. Quidam aded evidenter injusti abusus à Judicibus sæcularibus prætextu illarum appellationum committuntur, ut ab ipsis etiam illarum Defensoribus dissimulari non possint, quamvis leniter reprehendantur. Sufficeret fortassis rationes expendere, quibus illæ appellationes à Judicibus, & Patronis defenduntur. Sunt enim aded extraordinariæ, atque ab antiquo usu ipsorum etiam Gallorum abhorrentes, ut vel eo ipso nomine ingerant suspicionem. Verum antequam examen illud aggrediamur, præjudicia quædam adversus illas proponenda sunt.

2. Duo considerantur à Jurisconsultis, ut intelligatur, an legitimè possit institui judicium in aliquo foro, nempe partes, & causa. Varii sunt enim Judices, prout varia sunt causarum genera, vel partium Dignitates, & conditiones. Certè causas spirituales, & Ecclesiasticas ad Ecclesiastici Judicis Tribunal perferendas, vel ipsæ voces clamant, nisi fortè, quod frequenter repetere cogimur, utramque potestatem à Christo D. N. divisam, separatamque confundamus; contra Ecclesiæ universæ, ac Principum etiam Christianorum communem sensum. Nec possunt Judices sæculares suam jurisdictionem tanto cum studio tueri, quin intelligant pari quoque ratione Ecclesiæ suam esse conservandam; nec possunt alias sibi, alias Ecclesiæ, leges ponere, quin Divinam in se iram concitent: quandoquidem, ut monet Sapientis Prover. 20. vers. 10. *Pondus, & pondus, mensura, & mensura, utrumque abominabile est apud Deum.*

3. Quin etiam, ut in rerum corporalium contestatione, qui profanum aliquid subripit, furti tantum reus est; qui

764 TRACTATUS DE LIBERTATIBVS,  
verò rem sacram aufert, sacrilegii crimen incurrit; ità iustitiæ quidem peccatum admittit, qui temporalem alterius jurisdictionem usurpat; qui autem sacram, & spirituales invadit, sacrilegium perpetrat. Mirum certè est, quomodo Judices sæculares, qui Calicem, aut aliud vas Divinis Ministeriis consecratum non solum rapere non auderent, sed nec nudis manibus contrectare, jurisdictionem sacram ad se trahere non vereantur, quasi non sit etiam res sacra, & Ecclesiæ maximè necessaria, & chara.

4. Ipsi etiam Imperatores, & Principes, ut jam sæpè insinuavimus, solemniter protestati sunt, non ad Laicos, sed ad Episcopos, aliosque Judices Ecclesiasticos spectare, non solum condendorum jus Canonum, sed etiam interpretandorum. Retulimus jam sententiam Constantini Magni, Theodosii secundi, & Valentiniiani III. Caroli Magni, aliorumque Principum, quibus adjungi possent alii non pauci. Sed nihil desiderari potest expressius, quàm quod Imperator Basilius publicè declaravit in octava Synodo. Cum enim illius Concilii Decreta optaret ab omnibus libenter excipi, & executioniemandari, omnibus facultatem concessit ea proponendi, quæ sibi vel obscura, vel difficilia viderentur in ejus Canonibus, monuit illam licentiam eò tantum tendere, ut ambigua explanarentur ab ipsamet Synodo; *Quisquis habet aliquid adversus hanc sanctam, & universalem Synodum, dicendum, vel contra hujus Canones, aut terminum, stet in medio, & quæ sibi videntur dicat, sive Episcopus sit, sive quisquam de Ecclesiastico Clero, sive Laicus, aut ex iis, qui civilibus officiis participatus existat; quanquam non datum sit istis secundum Canonem dicere quidquam penitus de Ecclesiasticis causis.* (Ecclesiasticæ causæ sunt juxta Basiliæ mentem non tantum terminus, seu fidei definitio, sed etiam Canones, circa reliquas materias, ut ex præcedentibus verbis patet.) *Opus enim hoc Pontificum, & Sacerdotum est; Sed ex abundanti omne os iniquum obstruere volentes, licentiam præstamus omnibus, ut qui in mente habet, quid ambiguum de his, quæ decreta sunt ab hac sancta Synodo, hoc in medium exhibeat, & suscipiat satisfactionis salubre remedium.* Act. 10. quæ est ultima octavæ Synodi.

5. Philippus Augustus, referente, ac in exemplumponente S. Ludovico, cum à suis Officialibus moneretur, jurisdictionem Regiam à Judicibus Ecclesiasticis usurpari, respon-

respondit, malle se id perpeti, quàm à Sacerdotibus cum scandalo diffidere: Utinam illius Regis Posterì, non neglectâ propriâ autoritate, sed vindicatâ contra Regios Officiales Ecclesiasticâ, dissidiis, ac scandalis occurrerent. *Dicitur de Rege Philippo Avo nostro* (verba sunt S. Ludovici in documentis, quæ ante mortem filio suo Primogenito scripsit, & quasi pro testamento reliquit, referente Guilhelmo de Nangiaco Monacho S. Dionysii in Francia) *quod quidam de Consiliariis suis dixit ei, quòd multa damna inferebant ei Ecclesiastica persona, jura ipsius usurpando; & mirabantur multi, quod ita tolerabat. Cui Rex respondit: Bene credo quod dicitis; sed quando cogito Beneficia, qua mihi Dominus contulit, melius volo pati, quàm inter me & Ecclesiam scandalum suscitare. Ama igitur, ò fili, personas Ecclesiasticas, & serva pacem earum quantum poteris.*

6. Quod spectat ad personas, peccatur à Judicibus sæcularibus in tritam illam Jurisconsultorum regulam; *Actio sequitur forum Rei*, cùm in actionibus, quas personales vocant, idest, quæ in personam diriguntur, non in rem aliquam temporalem, Viros Deo consecratos, quantacumque dignitate præfulgeant, ad sua Tribunalia trahunt. Itaque qui se sacrorum Canonum Custodes esse gloriantur, Canones, Clericos, & Regulares à foro sæculari arcentes, ita non servant, ut nullius alterius conditionis hominum major ibi copia videatur; quod in Clerum & in Religiosos Ordines relaxationem, & sæcularium morum colluviem inducit, & maximum sacris Dei Ministris, & famulis contemptum conciliat.

7. Qua in re tantum abest, ut dignitatis Episcopalis Christianis omnibus tantoperè reverendæ, atque ab antiquis Gallis tanto in honore habitæ, rationem habeant; ut in hoc suam eminere dignitatẽ arbitrentur, si Episcopos pro rebus etiam Divinis, & Ecclesiasticis, ad se venire compellant. Undè in aliquibus Senatibus pertinaciter retinetur, quantumvis refragantibus Edictis Regiis, usus vocandorum in judicium Episcoporum ipsorum, non admissis Procuratoribus Fiscalibus, quos illic Promotores vocant, etiam si de ordinationibus vel sententiis mota sit controversia, quam Præsules, ut Judices tantum, cùm sua ipsorum nihil interesset, pro sui officii munere tulerunt.

## CAPUT IV.

*De vi appellationum ab abusu, quantum ad conscientiam.*

1. **C**ertissimum est non habere Judices sæculares claves Ecclesiæ, ut in foro, vel interno, vel externo ligare possint, aut solvere; idest, à peccatis, & censuris absolvere, vel illis innodare, jurisdictionem, aut missionem spiritua-lem conferre, vel auferre, Id de fide est, nec inter Catholico-um probatione indiget. Undè necessariò consequitur nulla Principum Edicta, nulla Curiarum sæcularium placita posse quemquam ab excommunicatione, aut aliâ censurâ, vel irregularitate, vel peccato liberare; nulli Parocho, vel alteri Sacerdoti, aut Clerico validam, ad prædicandum missionem, ad Pœnitentiam, vel alia Sacramenta ministranda, juris-dictionem conferre. Possunt quidem Senatores declarare, non esse aliquem excommunicatum, irregularem, vel alicujus criminis reum; sed hujusmodi declarationibus, cùm à non habentibus potestatem prodeant, ab excommunicatione, ir-regularitate, vel peccato neminem possunt eximere. Quid igitur, si fallantur Judices? Num eorum sententia excom-municatum participationi suffragiorum, aliorumque bono-rum Ecclesiæ communicationi restituet? Num irregularem ad sacra ministeria idoneum præstabit? Num absolutionibus ab invalore curæ animarum dandis vim tribuet? Num ab incur-renda Dei offensa tuebitur? Num etiam titulum coloratum præstabit.

2. Sed cùm multæ sint tum antiquis, tum recentibus Ca-nonibus, & Decretis, latæ censuræ adversus eos, qui Ec-clesiasticam jurisdictionem violant; num eas effugient, aut Judices causas spirituales, & sacras ad sua Tribunalia evocan-tes, aut partes illuc eas perferentes? Num bona fides utro-sque à peccato, & censuris excusabit? Equidem bona illa fides in ignorantia fundari non potest. Ut enim à Judicibus inci-piamus, aut ipsi Canones ignorant; ac sic temeritatis rei sunt, cùm rebus Ecclesiasticis, quæ Canonibus regendæ sunt, se im-



immiscent. Si Canones norunt; sciunt quàm arctè ab iis Ecclesiasticæ jurisdictionis usurpatio prohibeatur, quibusque pœnis spiritualibus plectatur. Sed cùm appellationibus ab abusu propositus dicatur is scopus, ut antiqui Canones servantur; æquius est, ut Judicibus, qui se defensores dicunt Canonum, perspectos illos esse sentiamus. Ergò ignorantia, & quæ illam supponere videtur, bona fides illis minimè suffragatur, si aliud tentent, quàm ut jurisdictionem laicam, idest, civilem, seu circa res temporales, & profanas tueantur, nisi denique quatenus sibi ex jure, vel ex privilegio certo competit. Complerent integrum volumen Constitutiones Ecclesiæ adversus violantes suam jurisdictionem, quas nescio quomodo contemnere audeant, qui Ecclesiam Matrem habere se profitentur, aut quomodo qui audent, censuras in eis contentas evadant.

3. Metuunt illas Judices, qui deprimendorum Episcoporum, aliorumque Judicum Ecclesiasticorum, & extollendæ propriæ autoritatis ambitione, vel lucri, aut alterius commodi cupiditate non tenentur, nec Ecclesiæ tanquam sibi subditæ dominari, sed ut Matri obedire student. Justum esse illum timorem docuerunt etiam Scriptores laici, antequam illi, quibus Ecclesiastica negotia plus afferunt utilitatis, quàm profana, Ecclesiasticam jurisdictionem ad forum sæculare omninò evocare statuissent. Ausferrius in Senatu Tolosano Præses, in additione ad repetitionem Clementinæ primæ de offic. ordin. Reg. 2. num. 30. fatetur, ut suprà vidimus, se sæpè dubitasse, ubi fundari possent in jure appellationes ab abusu, & ad sua usque tempora, idest, circa annum 1514. Judices à jure super meritis causarum per appellationem tanquam ab abusu ad se delatarum dicendo, semper abstinuisse, nisi unicà tantùm vice. Perfracta sunt Religiosi illius timoris repagula, & nescio quo poterit aggere præcipitis torrentis impetus cohiberi, quandoquidem nec primis æquitatis principis, nec censuris Ecclesiasticis sistitur.

4. Evenit maxima ex parte, quod prædixerat Cosmas Guymer in Senatu Parisiensi Consiliarius, & Inquisitionum Præses in præf. prag. Sanct. §. *Cùm itaque in verb. libertatis*. Ubi postquam statuta, & consuetudines contra Ecclesiasticam libertatem

768 TRACTATUS DE LIBERTATIBVS,  
tatem esse nullas, utriusque juris autoritate comprobavit;  
postquam hujusmodi statuta servantes, aut servari facientes,  
itemque turbantes, seu impediētes jurisdictionem Eccle-  
siasticam per se, vel per alios, directè, vel per obliquum,  
& ad illud, auxilium, consilium, vel favorem dantes, in ex-  
communicationem incidere ostendit; notavitque post Joā-  
nem Andr. & Panorm. infinitos Judices, seu Rectores hu-  
jusmodi censurā esse Ligatos, ob diminutam, & subtrāctam  
jurisdictionem Ecclesiasticam, subjungit; CVM AVTEM  
REX FRANCIA SIT PVGIL ECCLESIA, ET INTER OMNES  
CHRISTIANOS CHRISTIANISSIMVS, DEBET CVSTODIRE JV-  
RISDICTIONES, ET LIBERTATES ECCLESIASTICAS: SED  
OFFICIARII EIVS IN MVLTIS HODIE TVRBANT ECCLE-  
SIAM IN PREDICTIS: ITA QVOD, NISI DEVS PROVIDEAT,  
TANDEM IVRISDICTIO, ET LIBERTATES ECCLESIAE EVA-  
NESCENT, SICVT TEMPORE PHILIPPI REGIS DE VALE-  
SIO, PETRVS DE CVNERIIS PVTAUIT AVFERRE IVRISDI-  
CTIONEM TEMPORALEM ECCLESIA.

5. Qui egregias huic Guymierii Glossæ notas addidit Phi-  
lippus Probus, suum contra illata Ecclesiasticæ jurisdictioni  
damna zelum significat; his Guymierii verbis; *Officarii ejus in  
multis hodiè turbant Ecclesiam in predictis*, addens; *A quibus adhuc non de-  
sistunt, adeò quod Judices Ecclesiastici nihil aut parum habent in jurisdic-  
tionis exercitio: quia illud frustatim per Judices laicos fuit laceratum, & usur-  
patum, ut patet experiētiā rerum Magistrā. Vide ibi sequentia.*

6. Si Gallicani Judices Theologos, & juris Canonici in-  
terpretes suspectos habent, eorumque sententiam super hac  
quæstione contemnunt, quasi in propria causa loquantur,  
aut propriis commodis studeant; audiant Senatum suorum  
Præsides; audiant Jurisconsultos æqui justique retinentes,  
& sinceros: magisque hac in parte se, quàm Ecclesiasticos  
viros suspectos existiment, cum isti de tuenda, illi de am-  
plianda jurisdictione certent.

7. Petrus Rebuffus supremarum Curiarum privilegia re-  
censens super procenno Concordatorum, ver. *summas*, octavum  
istud assignat; *Octavo cognoscit de abusu Judicum Ecclesiasticorum, &  
alius Juxta non potest cognoscere, ut in Concord. in Rub. de protec. Con-  
cord. .... Et hoc quatenus ei à jure conceditur, vel ex privilegio, ut ple-  
nè*

nus dixi in ordinationibus Regiis , non alias , ut est textus in ca. si quis à proprio. & ca. si quis Episcopus 21. quæst. 5. ALIOQVI, ET IS ABVSVS MVLTOS DEDVCET AD INFEROS. Non exciderunt hæc verba Rebuffo incogitanti , aut materiam Ecclesiasticam tantum præ manibus habenti , quandoquidem eam ex professo tractans super ipsammet Rubricam Constitutionum Regiarum , quæ est de appellationibus ab abusu , idque Parisiis in scholis publicis , ne quis putet opinionem esse privati hominis , quam proferre non ausit nisi in scriptis sine examine vulgatis , disertè docuit , ut ipsemet hic confirmat , Iudices sæculares eam auctoritatem non nisi ex jure , vel privilegio sibi posse vindicare.

8. Quæ de Judicibus dicta sunt , in partibus etiam locum habent cum proportionem. Ejusmodi enim plerumque sunt , ut sciant , aut saltem teneantur , & faciliè possint scire , quæ à sacris Canonibus statuta sunt adversus eos , qui Ecclesiasticam jurisdictionem usurpant , aut ad eam usurpandam juvant. Minor tamen est istorum culpa , cum non propriâ sponte Tribunalia sæcularia pro rebus spiritualibus , & ecclesiasticis appellant ; sed ad ea inviti pertrahuntur , causæ alioquin justæ , ac gravissimi momenti jacturam perperuri : sed quod omnino nulla culpa sit , definire quis audeat ? Licet id aliqui præsumant ex benignitate Ecclesiæ , quæ sicut contumaces graviter plectere solet , ita & illis indulgere , qui sua præcepta non nisi magnâ necessitate compulsi prætermittunt : res tamen admodum incerta mihi videtur.

## C A P U T V.

*Discutiuntur rationes , quibus appellationes ab abusu legitimas esse Autores Gallicani probare nituntur.*

1. Causas Ecclesiasticas à sæcularibus Judicibus definien-  
das non esse adeò perspicuum est , ut id fateantur ultro , qui appellationes ab abusu legitimas esse affirmant ; sed eum usum variis modis excusare conantur. Primò , quod Rex sit Canonum custos. Secundò , quod subditos suos à vi , ser-

Ecce

vitu-

virtute, ac oppressione tueri possit, & teneatur. Tertio, quod scandala, quæ ab injustis sententiis, aut Decretis oriuntur, à Principe compescenda sint. Quarto, quod Canones sæpè legibus confirmati fuerint, adeoque Principes propriarum legum, perinde atque Canonum infractionem ulciscantur. Quinto, quod jus naturale injuriam à se, atque ab aliis arcere permittat. Sexto, quod Ecclesia partim expressè, partim tacitè illi usui consentiat. Excepta istà ultimâ ratione, reliquæ omnes unicâ responsione videntur elidi.

2. Si enim Principes, ac Judices sæculares nullo casu putant Ecclesiam causas ad sæcularem jurisdictionem pertinentes ad Ecclesiasticam Tribunalia evocare posse; quâ æquitate illi causas Ecclesiasticas ad forum sæculare per appellationes ab abusu pertrahunt? Nonne Ecclesia, ut leges, ac mandata Principum à fidelibus observentur, censuras adhibet? Num autem negotiorum sæcularium cognitio permittitur Judicibus Ecclesiasticis, dum censurarum imploratur auxilium, ad detegendam v. g. rei veritatem? Quomodò igitur prætextu custodiæ Canonum, causarum Ecclesiasticarum judicium sibi laici tribuunt? Illustrissimus Petrus de Marca lib. 4. cap. 12. §. 4. varia profert exempla, ex quibus patet solitos olim Principes ad Ecclesiam recurrere, ut ejus ope debitam sibi fidem, & obsequium à suis subditis obtinerent. Exempla, inquit, petere licet è Synodo apud Lauriacum habitâ an. 843. relata in Synodo Meldensi, & apud Ivonem, quæ eos, qui contra regiam Dignitatem aliquid machinantur, vel potestati regia per summam contumaciam non obtemperant, Anathemate plectendus decernit. Inde Synodus Suevionensis an. 866. rogat Nicolaum I. ut Salomonem Britannia Ducem moneat, quò Domino suo Carolo Regium obsequium præstet, annuosque census persolvat; alioqui gladio Apostolatus vestri se percellendum debito cognoscat libramine. Ludovicus Ultramarinus Rex Francorum ab Hugone Comite vexatus subsidium postulat à Synodo Engelenheimensi, ubi aderat Legatus Romani Pontificis, & Otto Imperator an. 948. &c. Si quis hodiè ob illa exempla contenderet, in foris Ecclesiasticis ejusmodi causas esse tractandas, partibus auditis, & eodém ordine, quo appellationes ab abusu apud Judices sæculares, ceu insanus haberetur. Et tamen insontes videntur Judices Laici, qui spiritualia, & sacra quæque negotia ad se trahunt, ac juridicè definiunt; quia abusus vocem obtin-

obtendunt ; quasi potestates sæculares non solum autoritate sua nunquam abutantur , aut earum abusus corrigere nefas sit ; sed etiam ad Pastorum Ecclesiasticorum abusus emendandos , à Deo sint præpositæ.

3. Præterea , num Principes sæculares rariùs quàm Ecclesiastici proprios subditos opprimunt , aut Ecclesia de ope , filiis suis injustè vexatis , minùs debet esse sollicita , quàm Reges de Regnicolis ab injuriis vindicandis ? Nonne etiam ab injustis Principum mandatis oriri possunt scandala , vel illis moveri non debent Apostolorum successores , qui à S. Paulo ita se habere didicerunt , ut verè dicere queant ; *Quis scandalizatur , & ego non moror* ? Quid quod leges Canonibus confirmantur : & tamen occasione violatorum etiam Canonum , Ecclesia de possessionibus terrenis , aliisque rebus merè temporalibus , liberè judicare non sinitur ? Cur soli Ecclesiæ nefas sit non solum sua jura , sed etiam fidelium bona , & libertatem , dum iis injustè spoliantur , propugnare ? An jus illud naturale Principibus temporalibus , non autem superioribus Ecclesiasticis concessum est.

4. Evenire sanè potest ; imò ut non eveniat fieri vix potest , ut Superiores Ecclesiastici aliqui aliquando sua abutantur potestate : Sed contingit frequentius , ut Principes & Magistratus sæculares ultra modum suos subditos præmant. Nonne ergo æquius esset , ut Pastoribus Ecclesiæ , præsertim Summo , liceret , & Principum conscientiæ , & subditorum quieti , quæ cum animarum salutè sæpe conjuncta est , prospicere ; quàm ut Principes superiorum Ecclesiasticorum abusus , qui circa formulas à jure positivo inductas , aut fortè circa reddituum temporalium , aut beneficiorum dispensationem versantur , possent autoritate suâ corrigere ? Præsertim cum prætextu illius correctionis majores abusus aut foveantur , aut inducantur. Difficillimum , ac ferè impossibile est , ut præcaveantur , aut emendentur omnia incommoda. Si autem volunt Galli reverendam esse tantummodò Divinæ providentiæ dispensationem , quæ supremam Regibus potestatem contulit , cum illi malè in administratione rerum temporalium se habent ; cur idem de potestate Ecclesiastica non sentiunt ? Cur utraque in alteram monitionibus tantum non

772 TRACTATUS DE LIBERTATIBVS,  
 agit ? si utriusque distincta sunt officia , & discreti limites ,  
 ut non debeat alterius altera fines ingredi ; ne , dum in alte-  
 rius Provinciâ ordinem constituere satagit , & suam , & alic-  
 nam perturbet. Cur Deo non relinquatur , ut in hoc mun-  
 do , vel saltem in futuro præpositorum à se constitutorum  
 delicta emendet ? *Tu quis es , qui iudicas alienum servum ? Domino*  
*suo stat , aut cadit.* Ad Rom. 14. Humanum dico propter in-  
 firmitatem.

5. Cùm enim corpus propter animam , non anima propter  
 corpus à Deo creata sit ; cùm temporalia , & corporalia or-  
 dinata sint ad spiritualia , & æterna ; convenientius est , ut  
 illi , quibus ex Divina dispensatione concedita est spiritua-  
 lis , & æterna salus fidelium , curam suam ad temporalia pro-  
 tendant , quàm ut qui temporalibus præpositi sunt , ad spi-  
 ritualia manum porrigant ; maximè cùm , ut diximus , abu-  
 sus circa temporalia , magistratuum , ac etiam sæpe subdito-  
 rum conscientias illaqueant. Quâ ergo ratione potestas spi-  
 ritualis eodem jure in rebus sacris , quo temporalis in profa-  
 nis frui permittitur , & plus Principibus in Ecclesiâ circa spi-  
 ritualia , quàm Ecclesiæ in Principes circa temporalia tribui-  
 tur ? sed , ut redeamus ad illa , quæ in favorem appellatio-  
 num ab abusu allegantur.

6. Primò , Rex Canonum Custos est , at non Conditor ;  
 Executor , non Judex , ut notat Facundus Hermianensis de  
 Imperatore Marciano verba faciens ; *Cognovit ille ( Marcianus )*  
*quibus in causis uteretur Principis potestate , & in quibus exhiberet obedientiam*  
*Christiani. Et ideo ne impius , atque sacrilegus videretur post tot Sacerdotum*  
*sementiam opinioni sue nihil reliquit . . . . Multò magis impudè sibi cedere*  
*non posse cognovit , vel quæ jam de fide Christianâ ritè fuerant constituta discus-*  
*sere , quod nullatenus licet , vel NOVOS CONSTITUTERE CANONES ;*  
*quod non nisi multis , & in unum congregatis primi ordinis Sacerdotibus licet ;*  
*Ob hoc itaque vir temperans , & suo contentus officio , Ecclesiarum CA-*  
*NONVM EXECUTOR ESSE VOLUIT , NON CONDITOR , NON*  
*EXACTOR.* Facund. Hermian. defens. lib. 12. cap. 3. Judi-  
 care superioris est : Principes igitur Canonibus obsequi te-  
 nentur ; de illis judicare non possunt ; illorum interpretes  
 non sunt : sed ejus est legem interpretari , cujus est &  
 condere.

7. Secundò , tueantur Reges suos subditos , quando vim , & injuriam patiuntur ; sed debito modo. Non autem v. g. cum illi , quibus id muneris incumbit ex ordinatione Divina , remedium opportunum afferre non recusant : cum non est manifesta injuria , &c. Sed Principes parem saltem fateantur facultatem Pontificibus competere , cum fideles evidenti fuerint iniquitate à Laicis oppressi , non sine certo ipsorum æternæ damnationis periculo.

8. Tertio , quantum damnandi sunt , qui scandala concitant , de quibus pronunciant Divina Oracula , satius esse , ut alligatâ collo molâ demergerentur in profundum maris Matt. 18. tantum laudandi sunt , qui scandala conpescunt ; atque ad id traditâ sibi Divinitus potestate utuntur. Verum amoto , si quid instabat scandali , cædis videlicet , seditionis ; & hujusmodi , periculo , causæ judicium Judicî cõpetenti relinquatur. Certè qui rixantes videt , potest , & debet propter imminens , & inevitabile periculum à mutua injuria , quantum valet , impedire , non tamen illius rei , cujus causâ rixabantur , judicium sibi vindicare , aut injuriam inferentem plectere , nisi sit legitimus ejus superior.

9. Quartò , si res sit ejusmodi ut partim Canonibus , partim legibus regi debeat , unaquæque potestas jure suo liberè utatur. At , si leges in adjutorium tantum Canonum invocatæ sint , nonne jus violatur , si , quæ Adjutrices venerunt , dominari velint ?

10. Quintò , ex jure naturali licet manifestam injuriam , & à se , & ab aliis amovere ; recurrendo scilicet ad Judices , & Superiores à Deo constitutos , non autem autoritate privatâ vel extrancâ , præsertim dum non desunt media ordinaria , & regularia ; ut vix , aut nunquam in Ecclesiastico regimine desunt.

11. Sextò , testantur orationes Cleri Gallicani tom. 5. ejus actorum , aliaque innumera monimenta , Antistites Gallicos appellationibus ab abusu pro viribus semper restitisse ; & dum penitus eas abolere posse desperarunt , usum moderari conatos esse : nec eas minùs , imò multò magis improbat Ecclesia Romana , ut ironicè loqui sudeantur , quæ expressum , vel etiam tacitum ejus consensum adducunt in illarum

774 TRACTATUS DE LIBERTATIBVS,  
defensionem. Et hæ quidem præcipuæ rationes sunt, quibus  
à Gallicanis Scriptoribus excusantur appellationes ab abusu.  
Sed, ne quod nos alicujus momenti argumentum effugerit,  
expendenda sunt paulò accuratius, quæ a præcipuis illarum  
defensoribus dicta sunt, scilicet à D. Petro de Marca, & à  
Carolo Fevreto.

## C A P U T V I.

*Expenditur doctrina D. Petri de Marca de appellationibus ab abusu in 19. cap. libri 4. de Concordiâ Sacerdotii & Imperii contenta.*

1. **I**N tribus ultimis libri 4. capitibus ex professo, alibi tantum ex occasione, de appellationibus ab abusu disputat D. Petrus de Marca; idcirco paulò diligentius istorum doctrina: examinanda est. Cap. 19. §. 2. scribit, ex Concordatis inter Leonem X. Pontificem, & Franciscum I. Regem Francorum initis, Senatus officium adversus eorum violationem implorari solitum per appellationes ab abusu; eò quòd Pontifex Canonum, atque Decretorum in illis Concordatis renovatorum tuitionem, consensu quoque suo, & Apostolicæ Sedis autoritate adhibita, Regibus Francorum permisisset: Franciscus autem Rex eam curam Parlamentorum Curii demandasset. Sed; nè hujusmodi appellationibus novitas, quâ nihil est libertatum Ecclesiæ Gallicanæ Dignitati infestius, obijceretur, §. 3. *Abusus* dictionem in foro antea incognitam non fuisse contendit. Vocem quidem illam Concordatis antiquiorem esse quis dubitat? Res enim per illam propriè significata vetustissima est: sed prout vox illa designandis appellationibus, de quibus agimus, est accommodata, non admodum vetusta est, sicut nec ipsum ejus significatum. Usurpata est etiam à Laicis contra Ecclesiasticos ad denotandum indebitum potestatis-usum, sed non semper verè ac justè.

2. Durandus enim Mimatenus, v. g. cujus autoritas primo loco adducitur, scilicet, ex tractatu de modo Concilia gene-



generalia celebrandi rubric. 70. nonuit sæculares Judices solitos suo tempore, Judices Ecclesiasticos de turbata jurisdictione conquerentes repellere; hac exceptione; *quod eorum actus essent abusivi*. Sed justam, ac veram non fuisse illam excusationem comprobavit examen aliquot post annis factum coram Philippo Rege Francorum, hinc Bertrando Episcopo Augustodunensi Ecclesiasticam, illinc Petro de Cuneris Procuratore Regio Laicam jurisdictionem defendentibus, ut in actis legitur typis pluries excusis, & à Patribus Philippo Labbe, & Joanne Cossart to. 11. Concil. part. 2. insertis, & in Bibliotheca Patrum tom. 13. edit. Col.

3. Antiquiorem ut supra notavimus postremo sæculo appellationem ab abusu non affert Marca: & quam tunc temporis interjectam dicit §. 4. præterquam quod ignoratur, an, qui interposuerat, persecutus sit, recenter editi partus speciem præferret. Adhuc enim vacillat. Appellatur à *Procuratore Capituli Parisiensis* contra decimam ab Alexandro VI. inductam ad Papam melius consultum, Synodum universalem, Regem Christianissimum, supremam Parlamenti Curiam, ac ad illum, vel illos, ad quem, vel quos de jure, vel consuetudine in hac parte provocare, & appellare licet. Hæc appellationis forma indicare videtur non posse ad Regem, vel ad Senatum deferri appellationem, nisi ad summum post judicium Papæ melius consulti, & post sententiam Synodi universalis, & propter illorum defectum, aut manifestissimam injustitiam. Non enim potest in omnibus illis Tribunalibus simul tractari negotium. Nec tot Judices appellari videntur, nisi quia dubitatur quisnam sit adeundus: vel potius an Rex, & Parlamenti Curia sint ex illis, ad quos de jure, vel consuetudine in hac parte provocare & appellare liceat. Et fortasse comminatio erat potius quam vera appellatio, ut Papa metuens, ne Ecclesiasticum negotium ad Tribunal sæculare deferretur, atque ita jurisdictio Ecclesiæ detrimentum pateretur, onus Clero impositum minueret.

4. Paragraphi quinti notatu digna sunt hæc verba; *Simplitem, & meram appellationem à Curia Ecclesiastica, ad Curiam Regiam in Gallia nunquam admissam fuisse fatentur Petrus de Cuneris (insignis jurisdictionis Ecclesiasticæ æmulus) art. 14. Masuerius tit. de appel. §.*

22. & *Joannes Galli quæst.* 161. Illi enim Autores generatim negant à Judice Ecclesiastico ad sæcularem appellationem admitti, quantumvis eos Marcâ de appellatione tantùm simplici, non de illa, quæ tanquam ab abusu nuncupatur, intelligendos velit. Nullus, inquit Petrus de Cunerii art. 14. à *Curia Prælatorum appellat ad Curiam Regiam*. Ac revera in lib. inscripto; *Stylus Curie Parlamenti Parisiensis*; licet prolixus sit titulus de appellationibus, nulla reperitur neque simplex, neque tanquam ab abusu à Judicibus Ecclesiasticis ad sæculares. Masuerius non solum testatur de facto, sed etiam de jure. A *Judice Ecclesiastico*, inquit tit. de appel. §. 22. *non est appellandum ad Judicem sæcularem*. Joannes Galli Advocatus Regius, qui *Placita Senatus Parisiensis* usque ad an. 1414. per quæstiones digessit, idem variis Senatus-consultis probat. *Fuit*, inquit quæst. 161. *ante longum tempus dictum per Arrestum, Dominum Joannem Lappostole non esse, ut appellantem recipiendum, ab Officiali Curie Ecclesiastica Lingonensis ad Parlamentum; quia Curia Ecclesiastica non resortitur ad temporalem*. Item fuit pariter dictum contra Dominum Guillelmum Creveil, qui ab Officiali Curia Ecclesiastica Capituli Lingonensis appellaverat ad Parlamentum.

5. Cùm videret autem Marca illarum appellationum injustitiam, variis eas limitationibus temperare conatus est. Nam r. g. §. 4 circa verba Procuratoris Capituli Parisiensis suprà relata istud animadvertit. *Quæ verba, inquit, observanda sunt, ut inde pateat in hoc casu appellationem ad Regem subsidiariam esse appellationi ad Concilium; in hac enim de iniquitate, in altera de abusu tantùm disceptari potest: & unius subsidio juvabantur appellantes, dum alterius præsidium expellabatur*. Ergò non nisi provisionaliter res determinandæ essent per appellationes ab abusu, nec de ipsa sententiæ Ecclesiasticæ iniquitate judicandum, sed sistendus abusus inter, dum Concilium jus diceret. Alias infrà limitationes adhibebit, quæ tamen, ut videbimus, nec observantur, nec observatæ possent omnino usum illum excusare.

6. In eodem paragrafo 5. appellationum ab abusu frequentiam induxisse ait Theologorum Parisiensium, præcipuè que Gersonii, sententiam. Quanta esset tempore Gersonii in Ecclesia confusio; quantus clavium à Pontificibus, seu Pseudopontificibus abusus, nemo ignorat. Undè nihil mirum est, si & Gersonius, & alii quidam Theologi Parisienses intolera-

rabiles illorum excessus, præsertim cum contraria præciperent, & unusquisque sibi obtemperari sub frequentibus censuris præciperet, repelli posse docuerint: licet autem Gersonius parvulum istum tractatum de materia excommunicationum, & irregularitatum, quem citat Marca, fortasse post finitum schisma scripserit, cum in eo Concilii Constantiensis mentionem faciat, plurima tamen profert, quæ animum adhuc exasperatum, atque indignatione in abusus, quorum testis extiterat, commotum indicant. Cujusmodi fuerint abusus significat his verbis confid. 9. & aliis; *Contemptus clavium non incurretur in multis casibus, quibus Papa mandato non obediretur. DVM SCILICET ABUTITVR ENORMISSIME, ET SCANDALOSISSIME, POTESTATE SUA IN DESTRUCTIONEM, NON IN AEDIFICATIONEM.*

7. Quàm autem longè absit Gersonii sententia ab effusa illa appellationum ab abusu frequentia, quæ Galliam hodie inundant, patebit attentè legenti verba prædicta, & illa ipsa, quæ refert Marca ex confid. 10. *Contemptus clavium non semper invenitur* (invenitur certè quàm sæpissimè) *apud illos, qui nedum non obediunt sententiis excommunicationum promulgatis per Pontificem* (qualis erat Benedictus XIII. qui Reges, & Regnum Franciæ censuris supposuit, ed quod sibi, concordiam recusanti, obedientiam subtraxissent) *vel suos, qui per potestatem secularem adversus tales præsentis sententias tueri se procurant. Lex enim naturalis dicitur, ut possit vis vi repelli.* Sed hoc aliud omninò est ab appellatione, quæ causæ cognitionem requirit, quantumvis prætendant Judices, se de abusu, non de iniquitate cognoscere. Gersonius enim supponit, evidentissimam esse censurarum injustitiam, ut non inquirendum sit, an Pontifex abutatur suâ potestate; sed quomodò quis possit ejus injurias evadere. Subjungit enim; *Constat autem, quod tales excommunicationes, non debent dici jus, sed vis & violentia, contra quam fas habet liber homo, vel animus se tueri.* Adde quod, si Gersonii dictis standum est, possunt Laici adversus injurias sibi à Rege factas Pontificem adire, quod Regii Ministri ceu crimen læsæ Majestatis æstimant. Etenim in isto etiam casu locum habet ratio Gersonii; *Lex naturalis dicitur, ut possit vis vi repelli*: ac præterea docet idem Doctor loco alibi exscripto, licere non solum Communitati, sed etiam

778 TRACTATUS DE LIBERTATIBVS,  
privatis adversus Principis, alioquin legitimè dominium ob-  
tinentis, tyrannicum regimen se defendere : quis autem  
justior, & modestior modus se defendendi, quàm ut appel-  
letur Pater communis omnium Christianorum; & Pastor, cui  
tenentur etiam ipsi Reges parere, si inter Christi oves cense-  
ri volunt?

8. Quæ sit appellationum ab abusu justitia, satis intelligi-  
tur ex eo quod, cum earum usus inductus est, nec ipsi Judi-  
ces Regii, ad quos deferebantur, quo jure niterentur, per-  
spicere poterant: & cum rationes inquirere studuerunt,  
ejusmodi protulerunt, quas nec alii probarunt appellatio-  
num illarum Patroni. Quas Stephanus Aufferius, cujus su-  
prà meminimus, adducit, adeò debiles sensit Petrus de Mar-  
ca, ut de illis ita loquatur §. 6. *Sanè fatendum est pleraque ab Au-  
ferio laudata testimonia longius esse petita; quamvis aliqua huic disceptationi  
inservire possint. Non designat Marca, quænam sint illa testimonia,  
quæ inservire possint. Sed quantum sit illorum pondus abundè  
cognoscet ex eo, quod immediatè subdit; Præcipuum autem illud,  
in quo causa fundamentum ponebant. .... non adeò roget ac primà fien-  
tè videtur, &c. Cur timeantur alia, cum præcipua, ipsi etiam  
Adversarii parvi faciant? Concludit Marca; Quare non miran-  
dum est, si Rebuffus, qui sola hac testimonia expendat, iniquius se gerat  
erga istas appellationes, quas nimis angustis finibus coercet, scilicet iis casu-  
bus, in quibus Rex jurisdictionem habet delegatam à Papa, vel à Canone,  
ut in tuenda sitte, vel Ecclesia, si oppugnetur, & in casibus à jure expressis.  
Hic ad marginem monemur consulere secundam præfatio-  
nem Marcæ §. 13. Ibi autem Marca Rebuffum interpretatur,  
quasi delegationem expressam, & non tacitam dumtaxat,  
exigeret. Itaque, si desit etiam tacita, locum habebit Rebuffi  
sententia.*

9. At tacitam Summi Pontificis, aut Canonis delegatio-  
nem, seu Ecclesiæ consensum non deesse probat §. 7. tum ex  
eo quod Concordatorum tuitio, quæ majoris est momenti,  
Regibus commissa sit; tum quod non sint inviti Episcopi,  
necdere, sed de excessu conquerantur; tum denique quod  
tamdiu siluerit Curia Romana. *Ex præsumpta mente Summi Pontifi-  
cis semper Gallicana Ecclesia persuasum fuit, in cæteris etiam articulis (sci-  
licet ultra contentos in Concordatis) eam tuitiorem extraordina-*  
tiam,

*riam, quæ in Gallia ante Concordatorum publicationem vigeat, à Summis Pontificibus tacite fuisse concessant; cùm in rebus majoris persæpe momenti, quæ Concordatis continentur, præsidium Regium ad Decreta custodienda impendi gratissimum habuerint. Quæ Summorum Pontificum consensio inde etiam probari potest, quod ab aliquot sæculis cùm appellationum istarum usus frequenter in Gallia (non invitis Episcopis, qui modum quendam illis præscribi, non autem rem ipsam aboleri aliquoties postularunt) à Romana Curia nihil profectum sit, quo ingratam sibi esse sciri rituram illam significaret.*

10. Verùm ex Concordatis argumentum validissimum desumitur contra prætensum sanctæ Sedis tacitum consensum circa appellationes ab abusu. Ibi enim Summus Pontifex expressè declarat se alios usus præter contentos in Concordatis, si qui sint sanctæ Sedis, & Ecclesiæ juribus contrarii (quales esse ostendimus illas appellationes) non intendere approbare. Et cum omnium (verba sunt Leonis X. in Concord. tit. 33. qui est de perpetua stabilitate Concordatorum) *quæ in Regno, Delphinatu, & Comitatu prædictis agantur, notitiam non habeamus, consuetudines, statuta, seu usus libertati Ecclesiastica, & auctoritati Sedis Apostolica quomodolibet præjudicantia, si qua in Regno, Delphinatu, & Comitatu prædictis, aliis quam in præmissis, existant, non intendimus nobis, & eidem Sedi in aliquo præjudicare, seu illa tacite vel expressè quomodolibet approbare.* Vide an meritò ex præsumpta mente summi Pontificis semper Gallis persuasum fuerit, in cæteris etiam articulis (ultra contentos in Concordatis) *eam tuitionem extraordinariam à Summis Pontificibus tacite fuisse concessam.* Nonne potiùs expressa declaratio eliminat omnem taciti consensus præsumptionem. Testatur prætercà Constitutio singulis annis in die Cœnæ Domini publicari solita, & aliæ innumeræ, quantum aliena sit sancta Sedes à consentiendo usibus Ecclesiasticæ jurisdictioni tam infestis.

11. Testantur acta Cleri Gallicani, & nominatim Tractatus de Ecclesiastica jurisdictione alibi laudatus, & tomo 1. actorum Cleri Gallicani insertus, an Episcopi jurisdictionem suam per hujusmodi appellationes extinguere gratum habeant; an verò ex desperatione tantum abolendi usus sibi tam perniciosi, modum ei adhiberi postularint. Ex his autem inferent Prælati Ecclesiastici, quantum intersit jurium Ecclesiæ violationi, & quàm primùm; & quàm fortiter obistere, cùm in rebus capitalissimis, quæque nullâ solidâ ratione nituntur, re-

sistentia non satis generosa ( nedum silentium ) accipiat **pro** consensu ; ut jam non de revocando , sed de minuendo malo deliberandum sit , ac pro magno favore habeatur , si perniciosiores circumstantiæ resecantur. Inferent similiter, quàm periculosum sit ab iis opem emendicare , qui alienam dominationem excludunt , sed ità ut ipsi durius dominantur. Sapientissimè statuerunt Summi Pontifices , ut Laicorum leges circa res Ecclesiasticas sine assensu Ecclesiæ nullà vi pollerent , etiamsi viderentur utiles. *A quibus ( Laicis ) inquit Innocentius III. cap. Ecclesia de Constitut. si quid motu proprio statutum fuerit , quod Ecclesiarum etiam respicias commodum , & favorem , nullius firmitatis existit , nisi ab Ecclesia fuerit approbatum.* Minus enim est illud commodum , quàm damnum usurpatæ à Laicis in Ecclesia jurisdictionis ; præsertim quia ubi semel Ecclesiasticarum rerum arbitrium prætextu procurandæ utilitatis Ecclesiasticæ ad se traxerint , si decernant injusta , respui vix poterunt ob dissimulatam judicandi possessionem. Nam ut ait Nicolaus I. epist. 47. quæ est ad Hincmarum Archiepiscopum Remensem , & refertur in Concilio. Sueffion. 3. *Mala consuetudo , qua non minus , quàm perniciosa corruptela vitanda est , nisi citius radicibus evellatur , in privilegiorum jus ab improbis assumitur , & incipiant pravitationes , & varia presumptiones celerrimè non compressa pro legibus venerari , & privilegiorum more perpetuè celebrari.*

## C A P U T VII.

*Discussio capitis 2. libri 4. D. Petri de Marca , ubi adhuc de appellationibus ab abusu.*

**P**ericulosam rem tentat Marca hoc cap. 2. §. 1. dum quorum Canonum violatio appellationibus ab abusu locum præbeat , determinare aggreditur. Quoscumque limites præfigat , ulterius excurretur. Satiùs erat , quandoquidem jurisdictionis Regiæ partes susceperat , indiscussam illam quæstionem prætermittere , ne , cum novæ usurpationes ad capita ab eo assignanda revocari non possent , earum injustitia faciliùs deprehenderetur. Nam v. g. verum est , ut ipse dicit , *Edicto lato*

anno

anno 1619. de causis merè spiritualibus, & de Sacramentorum administratione cognitionem prohibitam esse Curis supremis, etiam harum appellationum prætextu. Sed praxim Edicto contrariam esse docent non solum Jacobus Duhamel Autore antiquior, sed etiam Fevretus recentior, quos suprà retulimus, & recentia Decreta Curiarum sæcularium. Quod ait non provocari à concessione, sed ab executione Rescriptorum Pontificiorum, appellari autem ab ipsismet judiciis Episcoporum, reverentiæ quidem erga sanctam Sedem speciem habet, sed quæ injuriam tegat, non tollat. Cur autem Episcopis similis honor non defertur? Si quidem, ut §. 2. dicit Marca, de iniquitate judiciorum Ecclesiasticorum Judices in appellationibus ab abusu non judicant. Adde quod recentia Senatusconsulta reverentiam illam erga summum Pontificem, saltem ex omni parte non servant.

2. Paragrapho 2. monet Judices sæculares; Primò, ut Canonum Executores se non præstent, idest, de solo abusu admisso, non de negotio ipso Ecclesiastico judicium ferant. Secundò, ut nisi abusus sit apertissimus, notorius, & manifestus Ecclesiasticis Judicibus litem relinquunt, rationem affert §. 3. Necessè est enim, inquit, ut Judices Regii hoc sibi proponant, judicia Canonica nullo modo ad jurisdictionem Regiam pertinere; sed communi Episcoporum, & Principum consensu ab ipsis Christiana Religionis primordiis Ecclesiastica jurisdictioni addicta. Quare, si, necessitate cogente, in eas cognitiones Regia jurisdictione aliquando excurret, ita se gerere debet, ut lineas hac in re definitas non egrediatur. Observat deinde non passim, sed duabus potissimum de causis judicia Canonica olim à Principibus tentata, vel suspensa; scilicet ad amovendum scandalum, & offensionem publicam; & dum judiciorum ordo per dolum, circumventionem, & machinationem judicio Ecclesiastico Episcopi, vel Clerici opprimerentur. Sed, ut notat §. 4. & ut generaliter dici posset, si quis ad hanc necessitatem coercere velit Patrocinium Regium, usus furi quotidiani periclitari videbitur. Non enim circa ordinem tantum, sed & circa negotia, nihil sibi non licere Judices sæculares arbitrantur, quibus, nisi validius obsistatur, brevè tacitus consensus obtendetur; critque malum omnis prorsus curationis impatiens. A religione, atque justitia Christianissimi Regis expectandum est remedium. Etenim ea est Parliamentorum firmitas ( lenius est verbum ob Augusti illius cœtus reve-

rentiam) ut à solo Rege flecti possit, vixque alterius etiam Regis, quàm Ludovici XIV. voluntati cessura sit, quod cum ex aliis, tum ex inobservato Edicto anni 1619. supracitato constat. Invidiosissimi illius Principis auctoritati, & æquitati reservata est gloria Constitutionis illius, quam promiserat Marca hoc §. 4. aut potius alia optanda, quæ integram suam libertatem, & jurisdictionem Ecclesiæ restituat.

3. Quemadmodum de facta Ecclesiasticæ jurisdictioni à Judicibus sæcularibus injuriâ, si quidem inferiores illi sint, ad Senatum; si Senatus ipse fecerit, ad Regem recurrendum esse vult Marca in hoc 2. cap. §. 5. & cap. seq. §. etiam §. si quid perperam ab Episcopis gestum sit, cur non appellabitur Metropolitani? Si à Metropolitano, alius superior, donec ad supremum Romani Pontificis Tribunal perventum sit? Nonne eandem in rebus spiritualibus potestatem à Deo Pastores Ecclesiæ obtinuerunt, quàm Magistratus & Principes in rebus temporalibus? Nonne, ut sæpius diximus, si alterutra potestas alteri præferri, vel alteram emendare debeat (& revera debet) spiritualis temporali est anteposenda? Quanta ergo sit spirituali injuria, cum temporali postponitur, nedum par non habetur utriusque conditio, ut cuique liberè sua liceat obire munia?

4. Sicut olim Ecclesia judicarium ordinem à legibus constitutum sequebatur; ita postea ordinem à jure Canonico inductum amplexa est Gallia, ut ejus nationis Scriptores notarunt, nominatim Marca §. seq. & perhibet stylus ipse, ac praxis: sensim tamen plures factæ sunt mutationes, quibus ipsam Ecclesiam subicere Judices laici conantur; adeo ut hodiè multæ appellationes ab abusu, vix alio prætextu colorantur, quàm non servatæ formæ à Constitutionibus Regiis, aut stylo præscriptæ, magisque ferè cavendum sit Judicibus Ecclesiasticis, ne fori sæcularis praxim, quàm ne Canones ignorent. Ex Canonibus enim non observantur quamplurimi; formulas moderni juris prætermittere nefas est, & abusus multæ obnoxius.

5. Ab ordine tamen judiciario per leges constituto Principem dispensare posse probat Marca §. 6. auctoritate Meliphontii Episcopi in Concilio Chalcedonensi dicentis, Eutichen per



per se ipsum, non per Procuratorem respondere debere; *Nisi*, aiebat, *aliter jufferit Imperator, cui parendum erit.* Verùm etiam hodie Magistratibus sæcularibus in multis parendum est: sed hoc non propter conscientiam, sed propter iram: non quia justa præcipiunt, sed quia Præceptorum executionem per vim extorquent. Cùm ordo judiciarius ad hoc institutus sit, ut rei veritatem, & justitiam facilius assequantur Judices, & judicia commodius executioni demandentur: sicut in variis Regnis, imò in variis Provinciis pro circumstantiarum varietate diversus est, ita, & pro rerum, & causarum distinctione. Et quemadmodùm quilibet Princeps judiciorum formam, prout subditis suis convenire arbitratur, Judicibus suis præscribit; ità æquum esset, ut Ecclesia liberè posset in negotiis spiritualibus & Ecclesiasticis ordinem sequi, quem probasset commodiorem causis rectè citoque expediendis.

6. Frustrà verò dicto §.6. probatur Ecclesiam olim leges secutam in ordine judiciorum: nam ut verbis Lucii III. utar, quæ referuntur cap. 1. *de novi operis mutatione*; sicut leges non dedignantur sacros Canones imitari, ita & sacramenta statuta Canonum, Principum Constitutionibus adjuvantur. Glossa super verbo, *adjuvantur*, addit: *Et ità in causa Ecclesiastica leges possumus allegare, ut etiamsi Canones deficiant, possit judicari secundum leges.* Sed aliud est Ecclesiam justis, & commodis legibus in suis judiciis uti, aliud non posse à legibus recedere, nisi ex dispensatione Principum.

7. Illis fori sæcularis formulis se non adstringi putabant Judices Ecclesiastici in Gallia ante paucos annos. Nam & quique suum styllum habebant; & initio hujus sæculi auctoritate Comitiorum Cleri Gallicani editus fuerat styllum generalis in omnibus Curiis Ecclesiasticis illius Regni servandus. Anno 1560. instabat Senatus Parisiensis, sicut narratur in instrumento relato à Puteano inter probationes libertatum Ecclesiæ Gallicanæ cap. 28. num. 19. ne causæ ad Religionem spectantes apud Judices Ecclesiasticos tractarentur, prout Editò Regio constitutum fuerat, eaque inter alias asserabatur ratio; „Quia Judices Ecclesiastici legibus Principum temporalium, se non teneri arbitrantur, easque non observant. Expedit quidem ad vitanda incommoda, quæ interdum ex diversitate oriuntur, ut Ecclesiæ Officiales judiciario sæcularium ordini sese

784 TRACTATUS DE LIBERTATIBVS,  
sefe quantum possunt accommodent. Sed cum ab eo sibi re-  
cedendum existimant, iniquum est, ut tanquam abusi suâ po-  
testate, plectantur à potestate sæculari.

## C A P U T V I I I .

*De usurpatione jurisdictionis, circa caput 21. lib. 4.  
Domini de Marca.*

1. **Q**uatuor primis hujus capituli paragraphis Marca probat  
licere Principibus, & Magistratibus sæcularibus juris-  
dictionem suam, cum ab Ecclesiasticis impetitur, defendere.  
Quocirca nihil est nobis observandum, cum inutilis sit illa  
disputatio. Nec enim arbitror quemquam ex iis, qui res Gal-  
licanas norunt, posse suspicari Ecclesiasticos Judices illic juris-  
dictionem sæcularem invadere, cum vix propriæ jurisdic-  
tionis partem retinere possint.

2. Rectè animadvertit Autor §. 5. eodem jure uti debere  
Prælatos in tuenda sua jurisdictione, quo laici Magistratus in  
vindican-  
das suas; idque Decretalibus (debeuit etiam addere Ca-  
nonibus, quia huic nomini plusculum honoris illic deferitur)  
constitutum fatetur. Sed monet, Regiis ordinationibus esse  
præscriptum, ut contra inferiores Judices, Senatum, con-  
tra Senatus, Regis impleretur auxilium. Verum, ut æqua-  
litas servaretur, debeuit ulterius, quod superiori capite dixi-  
mus, injurias ab Episcopis illatas ad Metropolitanos, à Me-  
tropolitanis factas ad Prælatum, vel denique ad summum Pon-  
tificem emendandas remittere. Contrarium nihilominus ob-  
tinere debere quatuor rationibus probat. Sed hæc. ut alibi fre-  
quentissimè, juscum facto confundit; nec tam sollicitè qua-  
rit, utrum æquum sit Principes, vel Magistratus aliquid fa-  
cere, quàm utrum aliquando sive jure, sive injuriâ, id fece-  
rint, vel faciant modò: sed fallor fortassis. §. enim 6. sic in-  
choat; *Quod æquissimâ ratione nititur.* Prius igitur videndum, an  
re ipsâ rationes illæ (quatuor enim assert) ex æquitate petitiæ  
sint.

3. Prima ratio est, quia cum Ecclesia in Imperio sit, idest,  
per

per Provincias sparsa, ex Civibus constat, & sub Patrocinio Regum degat, Episcoporum refert, pacem cum Imperio retinere. Prudentiæ præceptum est istud, non regula quâ discerni possit, an quod efficiunt Principes, Ecclesiæ injuriosum sit. Eodem argumento, si Ecclesia Principum jura invaderet, repelli possent Regiorum Officialium querelæ; reponendo scilicet Regum interesse, ut pacem cum Sacerdotio colant; cum Regnum sit in Ecclesia; & Christianis constat, quorum multi Religionem Civitati non postponant, sed præferant. At exigunt justitiæ leges, ut quærat, non quid quis pati cogatur, sed quid ei debitum sit.

4. Secundò, assertur regula juris; *In pari causa melior est conditio possidentis*. Posset ab hac regula excipi Ecclesiæ causa, quæ ob Religionem favorabilior est. Sed regulæ inhærendo, servandæ sunt ejus conditiones, ut scilicet par sit causa, & possessio pacifica, nec à jure reprobata. Quæ autem inter Ecclesiam & potestates sæculares controversantur, ejusmodi plerumque sunt, ut manifestè melior sit illius, quàm istarum causa. Possessio etiam, cum Ecclesia, quantum licet, semper reclamet, pacifica esse non potest: ac præterea frequenter vel est violenta, vel est contra prohibitionem juris inducta, ut ex sequenti ratione Marcæ concluditur.

5. Tertia ergo ejus ratio est, quòd minor sit ex parte Ecclesiæ spes emolumenti, quàm metus damni; quod metuenda sint dissidia, contemptus auctoritatis Ecclesiasticæ, bonorum direptio, & fidelium perniciēs. Vide quàm æquis rationibus nitatur jus Principum. Parva spes est, ut quod ab ipsis petit Ecclesia, consequatur: magnum periculum est, ne potius ab ipsis damnum patiatur: metuendum est, ne auctoritas Ecclesiastica in contemptum adducatur, ne bona Ecclesiastica dissipantur, ne animæ pereant. Suntne isti iusti tituli, quibus possessio juri contraria possit apud æquos, & sapientes Judices excusari? Certa è contra hæc sunt argumenta, non esse tutam Principum conscientiam, ubi solâ se possessione tuentur, cum tantorum malorum metu extortam scire possint.

6. Quartam rationem exprimit his verbis; *Adde alienum esse à prudentia, ut viribus impar se contentionibus impliceat, qua manifestum de-*

784 TRACTATUS DE LIBERTATIBVS,  
fefe quantum possunt accommodent. Sed cum ab eo sibi re-  
cedendum existimant, iniquum est, ut tanquam abusi suâ po-  
testate, plectantur à potestate sæculari.

## C A P U T V I I I.

*De usurpatione jurisdictionis, circa caput 21. lib. 4.  
Domini de Marca.*

1. **Q**uatuor primis hujus capitis paragraphis Marca probat  
licere Principibus, & Magistratibus sæcularibus juris-  
dictionem suam, cum ab Ecclesiasticis impetitur, defendere.  
Quocirca nihil est nobis observandum, cum inutilis sit illa  
disputatio. Nec enim arbitror quemquam ex iis, qui res Gal-  
licanas norunt, posse suspicari Ecclesiasticos Judices illic ju-  
risdictionem sæcularem invadere, cum vix propriæ jurisdic-  
tionis partem retinere possint.

2. Rectè animadvertit Autor §. 5. eodem jure uti debere  
Prælatos in tuenda sua jurisdictione, quo laici Magistratus in  
vindican-<sup>o</sup>da sua; idque Decretalibus (debit etiam addere Ca-  
nonibus, quia huic nomini plusculum honoris illic deferitur)  
constitutum fatetur. Sed monet, Regiis ordinationibus esse  
præscriptum, ut contra inferiores Judices, Senatum, con-  
tra Senatus, Regis impleretur auxilium. Verum, ut æqua-  
litas servaretur, debuit ulterius, quod superiori capite dixi-  
mus, injurias ab Episcopis illatas ad Metropolitanos, à Me-  
tropolitanis factas ad Primatem, vel denique ad summum Pon-  
tificem emendandas remittere. Contrarium nihilominus ob-  
tinere debere quatuor rationibus probat. Sed hic, ut alibi fre-  
quentissimè, jus cum facto confundit; nec tam sollicitè qua-  
rit, utrum æquum sit Principes, vel Magistratus aliquid fa-  
cere, quàm utrum aliquando sive jure, sive injuriâ, id fece-  
rint, vel faciant modò: sed fallor fortassis. §. enim 6. sic in-  
choat; *Quod æquissimâ ratione nititur.* Priùs igitur videndum, an  
re ipsâ rationes illæ (quatuor enim assert) ex æquitate petite  
sint.

3. Prima ratio est, quia cum Ecclesia in Imperio sit, idest,  
per

per Provincias sparsa, ex Civibus constet, & sub Patrocinio Regum degat, Episcoporum refert, pacem cum Imperio retinere. Prudentiæ præceptum est istud, non regula quâ discerni possit, an quod efficiunt Principes, Ecclesiæ injuriosum sit. Eodem argumento, si Ecclesia Principum jura invaderet, repelli possent Regiorum Officialium querelæ; reponendo scilicet Regum interesse, ut pacem cum Sacerdotio collant; cum Regnum sit in Ecclesia; & Christianis constet, quorum multi Religionem Civitati non postponent, sed præferant. At exigunt justitiæ leges, ut queratur, non quid quis pati cogatur, sed quid ei debitum sit.

4. Secundò, assertur regula juris; *In pari causa melior est conditio possidentis*. Posset ab hac regula excipi Ecclesiæ causa, quæ ob Religionem favorabilior est. Sed regulæ inhærendo, servandæ sunt ejus conditiones, ut scilicet par sit causa, & possessio pacifica, nec à jure reprobata. Quæ autem inter Ecclesiam & potestates sæculares controvertuntur, ejusmodi plerumque sunt, ut manifestè melior sit illius, quàm istarum causa. Possessio etiam, cum Ecclesia, quantum licet, semper reclamet, pacifica esse non potest: ac præterea frequenter vel est violenta, vel est contra prohibitionem juris inducta, ut ex sequenti ratione Marcæ concluditur.

5. Tertia ergo ejus ratio est, quòd minor sit ex parte Ecclesiæ spes emolumenti, quàm metus damni; quod metuenda sint dissidia, contemptus auctoritatis Ecclesiasticæ, bonorum direptio, & fidelium perniciēs. Vide quàm æquis rationibus nitatur jus Principum. Parva spes est, ut quod ab ipsis petit Ecclesia, consequatur: magnum periculum est; ne potius ab ipsis damnum patiat: metuendum est, ne auctoritas Ecclesiastica in contemptum adducatur, ne bona Ecclesiastica diripiantur, ne animæ pereant. Suntne isti justitituli, quibus possessio juri contraria possit apud æquos, & sapientes Judices excusari? Certa è contra hæc sunt argumenta, non esse tutam Principum conscientiam, ubi solâ se possessione tuentur, cum tantorum malorum metu extortam scire possint.

6. Quartam rationem exprimit his verbis; *Adde alienum esse à prudentia, ut viribus impar se conventionibus implicet, qua manifestum de-*

*crimen* sunt allatura. Sed si hæc regula generatim observanda est, nunquam Episcopi Principibus Ecclesiastica jura occupantibus obstitent, quandoquidem semper viribus impares sunt in sensu illius Autoris. Alia fuit Sanctorum Antistitum mens, qui se pro libertate, ac jurisdictione Ecclesiasticâ morti exposuerunt; plures etiam eâ de causâ Martyrium adepti sunt. Sed hoc, inquit, in rebus capitalissimis. Etiam in aliis, ut docent historiæ; quippè cùm scirent à minoribus ad majora deveniri, ac nisi citò malis occurratur, insanabilia fieri. Non putabant autem illi se viribus esse verè impares, quippè qui Omnipotentis Dei auxilium expectarent; & mala omnia temporalia, imò & mortem ipsam gloriosissimæ victoriæ loco habebant.

7. *Est elegans ratio*, ut vocat Marca §. 7. quam ducit à Principis officio; cui vult componendarum contentionum arbitrium commissum, ex eo quoddam constitutus sit à Deo optimo maximo, ut Ecclesiam foveat, ejusque tranquillitati prospiciat. Sed numquid idem sunt Ecclesiam tueri, & ejus ad se jurisdictionem avocare? Istud quidem etiam fecit Justinianus, sed injuriâ. Carolus Magnus, & Ludovicus Pius ex consensu, imò ad preces Ecclesiæ, ut alibi ostendimus, Ecclesiasticarum rerum curam susceperunt, sequæ Ecclesiæ Defensores, & Adjutores, non Judices, aut Dominos esse profitebantur.

8. Leonem IV. Ludovici II. Imperatoris judicio submisisse, si quid à se incompetenter gestum fuisset, refert ex Gratiano Marca §. 8. Supposititium esse, quod scribit Gratianus ea. *Nos si incompetenter* 2. quæst. 7. & ante illum Ivo Carnotensis, suadent temporis, & personarum circumstantiæ. Hallucinati sunt fortassis, & quod circa Leonem III. contigit, Leoni IV. tribuerunt, rei tamen gestæ seriem pervertentes. Nam, ut scribit Anastasius, in Concilio ad examinandas adversus Leonem III. accusationes congregati; *Universi Archiepiscopi & Episcopi & Abbates unanimiter audientes dixerunt: Nos Sedem Apostolicam, quæ est caput omnium Dei Ecclesiarum, judicare non audemus: Nam ab ipsa nos omnes, & Vicario suo judicamur, ipsa autem à nemine judicatur, quemadmodum antiquitus nos fuit: sed sicut ipse summus Pontifex consuevit, jubens canonicè obediremus.* Similia dixerant Episcopi à Theo-

do-

dorico contra Symmachum convocati, ut alibi vidimus.

9. Sed ne in prosequenda falsi accusatione diutius immoremur, notamus submissionem illam Leonis IV. si reverà facta est, ex dispensatione Ecclesiastica, ut fatetur Marca, fuisse factam. Cæterum Glossam Alexandri Imolensis ad marginem prædicti ca: *Nos si incompetenter*, appositam, vel incongruè applicat, vel ad sensum à mente Autoris remotissimum detorquet. Quid enim sibi volunt illa verba Marcæ; *Ubi rectè adnotatum est ex Alexandro Imolensi idem observari debere in Rege Francorum?* Postularet contextus, ut in hunc modum intelligerentur contra intentionem Marcæ, quemadmodum Leo IV. ex dispensatione Ecclesiastica sese Ludovici II. iudicio supposuit, ita & Rex Franciæ ex dispensatione debet se Summi Pontificis, aut Imperatoris sententiæ subdere: sed sensus Alexandri est, Regem Franciæ, cum Superiorem (in temporalibus scilicet) non habeat, in propriis causis jus sibi dicere posse. Hæc sunt ejus verba in l. *Est receptum ff. de jurisd. omn. Jud.* unde sumpta est illa Glossa marginalis: *Facit* (ad quæstionem scilicet, utrum non recognoscen-tes Superiorem possint sibi facere justitiam) *Text. in ca. Novit. de judiciis. Ubi Rex Francorum superiorem non recognoscens, cognovit de propria causa feudi, de qua aliàs non debuisset esse Judex.* Quamobrem auctoritate illius Glossatoris manifestè abutitur Marca, cum ex ea concludit §. 9. non licere Judicibus Ecclesiasticis jurisdictionem suam, etiam per censuras, adversus Magistratus Regios tueri, quasi isti proprio officio defungantur, dum rebus Ecclesiasticis sese immiscant, aut Rex Christianissimus, etiam in spiritualibus, Ecclesiam ceu Superiorem non recognoscat. Addit enim Alexander Imolensis cum Abbate; *Licet non recognoscens superiorem possit esse Judex in propria causa, verum est quoad sibi subditos, non quoad alios*, quod confirmat testimoniis Hostiensis & Joan. Andr. Papa autem, & Episcopi in spiritualibus Regi Franciæ non sunt subditi.

10. Liceat iterum animadvertere, quàm malè sibi concordent Galli de suis libertatibus agentes; cum enim eas in observatione Canonum reposuerint, eas tamen Conciliorum auctoritati anteponunt. Scribit enim Marca hoc §. 9. rejectum fuisse à Gallis Decretum Concilii Lugdunensis sub Gregorio X. anno 1274. habiti, quo permittebatur usus censura-

G g g g g 2

rum

rum adversus Ecclesiasticæ jurisdictionis usurpatores. Sed injustam fuisse recusationem, vel saltem alio quàm libertatum fundamento niti debuisse, satis ipsimet Galli significarunt; quandoquidem, ut subjungit idem Marca, privilegiis Apostolicis sese munire faterentur. Miror autem eundem Autorem famosas illas consuetudines Angliæ, pro quibus Henricus II. Rex tantum sibi dedecus apud probos omnes comparavit, quasque meliori consilio postmodum abrogavit, è Gallia, saltem ex parte, advectas doceat, quasi earum origo Galliæ magno esset honori vertenda.

11. Concludit Marca librum, monendo Episcopos pro fide tuenda, mortem, si opus sit, oppetere debere, potius quàm fidei violationi assentire, aut connivere; pro jurisdictione, ac pro disciplina Ecclesiastica, non ita; sed Canonum infractionem tolerare. Id est, faciant quidquid libuerit, & Rex, & ejus officiales contra Ecclesiam, dummodò fidem non oppugnent; imò nec si fidem impugnarent, Ecclesia ex novâ declaratione Cleri Gallicani posset eos per temporalem poenam cohibere; atque adeò per nullam; spirituales enim irrident, qui fidei bellum indixerint.

12. Libertatum Gallicanarum hæc summa est juxta Marcam, ut Episcopi, & Summus ipse Pontifex, majorum malorum metu omnia perferant. Cæterùm cum tuitio Ecclesiæ Romanæ, Galliæ sit à Divino Numine commissa, dummodò jure, quo dixi, laica potestas uti sinatur, *communia erunt*, ut ait, *cum Romana Ecclesia illius Regni Christianissimi & florentissimi fata, qua sunt usque sæculi interitum perduratura*; sed aliter de illa conditione senserunt, ut supra notavimus, Episcopi, qui Regi Cœlesti magis quàm terreno placere studentes, & Ecclesiæ jura suis rationibus præponentes, vitam sibi, quàm Ecclesiæ libertatem eripi maluerunt. Absit ut credam, Regem Christianissimum eo tantum pacto communia velle cum Romana Ecclesia florentissimi sui Regni fata; ut in Ecclesiam quidquid sibi citra fidem libeat, liceat.



## C A P U T IX.

*De Tractatu Caroli Fevret.*

1. **L**ibertatum Ecclesiæ Gallicanæ pars tantum sunt appellationes ab abusu, ut ait Carolus Fevret: & tamen cum ille novem libris partem illam enucleandam suscepisset, præfatur, fieri non posse, ut quis omnes hujusmodi appellationum casus complecti possit: unde concludit; „Plura semper dicenda fore, quam dicta sint; decies longiorem viam, percurrendam, quam quæ decursa fuerit; abyssum esse, quam nullum ingenium quantumvis perspicax penetrare possit, &c. Hujus autem difficultatis vera causa est, quod penes Curias Regias esse dicatur, declarare, quid in quaque re abusivum censerī debeat. Etenim Senatusconsulta supremæ leges sunt. „Res etiam non parvi momenti est, inquit idem Fevretus in præfatione, quod Arresta super appellationibus, „ab abusu inscriptis, in quovis Parlamento Regni lata, legis, generalis vim ubique obtinent, & loco judiciorum universaliū sunt inter omnes, & in omnibus casibus. Emanant autem indies nova Placita novos abusionis articulos constituentia. Itaque impossibile est, ut appellationes eo titulo coloratæ certis circumscribantur limitibus.

2. Tantum abest, ut huic torrenti obex aliquis possit opponi; ut si quis eas appellationes Ecclesiæ nocivas, nedum si hæreticas dicere ausus fuerit, in crimen læsæ Majestatis incurrat, ut innuit idem Fevretus loco jam supra citato. Non est quidem hujus criminis reus habitus Clerus Gallicanus, quando Regibus supplicavit; ut ad certa quædam capita revocarentur, ne in immensum excrescerent. Sed licet mitius cum illo actum sit, parva ejus supplicationis habita est ratio, & remittentibus Curis, tenuissimus ex ea fructus perceptus est.

3. Nec putes quæ in hac materia de novo accidunt, non esse recentia jurisdictionis Ecclesiasticæ vulnera, sed regulas jam constitutas ad similes casus de novo emergentes accommodatas. Plurima enim sunt, in quibus non ita pridem jus suum

790 TRACTATUS DE LIBERTATIBVS,  
Ecclesiæ afferebatur, quæ recentibus Placitis evertuntur;  
v. g. in responsionibus ad quosdam articulos Romæ missos,  
inter probationes Libertatum Ecclesiæ Gallicanæ relatis cap.  
36. num. 17. ad art. 18. Senatus Parisiensis expressè declarat;  
circa cognitionem testamentorum, æquum esse, ut quæstio-  
nes de testamentis, & eorum validitate inter laicos, apud Ju-  
dices Laicos tractentur: & ita plurium Regni Provincia-  
rum consuetudinibus constitutum fuerat, præter usum anti-  
quorem, quo absque distinctione Judices Ecclesiastici de  
quæstionibus illis judicabant, ut videre est apud Fevretum  
lib. 4. cap. 6. num. 3. ubi testatur in Provincia Burgundiæ ità  
observatum usque ad annum 1508. Res tamen eò devenerunt,  
ut etiam inter Clericos de testamentis Clericorum controver-  
siæ apud Judicem Ecclesiasticum ventilari non possint, quin  
appellationi tanquam ab abusu locus detur, ut habet idem Fe-  
vretus loco citato num. 7.

4. Aliapassim occurrunt exempla in ejus Scriptoris Tracta-  
tu, de quibus idem dici jure merito potest, quod fatetur  
lib. 4. cap. 11. num. 10. Adductâ enim auctoritate Boërii,  
Joannis Galli, Molinæi, & Tiraquelli sentientium, quod,  
dum Clericus super pensione non solutâ convenitur, neque  
de fundamento illius pensionis, quod Reale sit, agitur, om-  
nisque fraus abest, debet coram Judice Ecclesiastico agitari  
controversia, quod præfatus Joannes Galli adeò æquum esse  
arbitrabatur, ut se credere istam opinionem tanquam Evan-  
gelium veram, dicere non fuerit veritus. Tamen, inquit ibi  
Fevretus, „in pluribus locis usus juri, & rationi prævaluit.

5. Sed, cum justitia in quadam æqualitate, ac commen-  
suratione consistat, tunc perfectè elucescit, cum ambæ par-  
tes comparantur. An Curiaæ sæculares æqualitatem servent,  
dum quæ cujusque jurisdictionis causæ sint, discernunt, ex  
istò exemplo inter alia innumera intelligi poterit. Idem Ca-  
rolus Fevret lib. 4. cap. 10. num. 1. & 2. Clericos in officio,  
vel negotiatione sæculari delinquentes Regiorum Officialium  
correctioni, ac castigationi subjicit. At verò num. 3. Laicum  
in officio Ecclesiastico, qualis est Presbyterorum in carceri-  
bus Episcopaliibus detentorum custodia, peccantem eximit à  
Judicis Ecclesiastici animadversione. Fatetur id quibuscum

vi-

videri : sed , inquit , *quod Senatui placuit vim habet legis* ; utinam in istis tantum , non etiam in iis , quæ Religionem intimius attingunt . Non est , inquit Fevretus , Laicus Ecclesiastico Judici subditus , nisi in Spiritualibus . Sed quæ sunt illa spiritualia ? Ab hoc enim numero excluditur ibidem dierum festorum observatio , & alibi alia .

6. Si quæ autem aded evidenter spiritualia sunt , ut id negare pudeat , prætextu possessorii ad Tribunalia sæcularia trahuntur . „ Necceſſerunt , ut notat lib. 4. cap. 11. num. 6. „ Judices Regii Ordinationi , seu Constitutioni Regiæ an. „ 1629. qua Ludovicus XIII. vetuerat , ne supremæ Curie , „ aut alii Judices Regii , de rebus spiritualibus , aut ad sacramenta pertinentibus judicarent , etiam sub prætextu quærelæ , aut possessorii causis hujusmodi accommodati . Aded scilicet ægrè quis resilit ab eo , quod semel injustè usurpavit , dum emolumenti , vel autoritatis aliquam hinc imminutionem consecuturam videt , ut observavit idem scriptor in præfatione .

7. Quandoquidem Regium Franciæ Consilium in causa Electensi , & in causa Aginensi aliquot ante annos Regularium jurisdictioni circa prædicationem verbi Divini , & Sacramentorum administrationem limites constituit ; imò & in Electensi certis casibus absolutionem sacramentorum negari non posse declaravit : Quid erit aded sacrum , & spirituale , quod à jurisdictione sæculari eximatur ? Perhibent quidem hæc Placita , quorum alterum vidi , alterum relatu accepi , Regem tanquam Canonum executorem ea statuere : sed executio certam & evidentem Canonum sententiam supponit , quæ rei cognitionem judicariam non requirat : & tunc tantum à Principibus curanda est , cum eam Ecclesia per se consequi non potest .

## C A P U T X.

*Qua ratione olim procederetur, ubi Superiores Ecclesiastici suâ potestate perperam uti videbantur; quibusq; gradibus perventum sit ad appellationes ab abusu. ad cap. 1. Fevreti.*

1. **C**arolus Fevretus octo primis paragraphis capitis primi multis probat adductis testimoniis, vocem, *abusus*, aptè usurpatam ad designandum pravum jurisdictionis usum; sed nulla est de hoc nomine quæstio: de modo tantum, quo abusum reparatio procurari dicitur, plurimum dolent, quicumque Ecclesiam amant: & multò tolerabiliores fuissent viæ illæ, quibus procedebatur olim, quasque ceu imperfecta quædam appellationum ab abusu rudimenta fuisse asserit § 9.

2. Nam cum loco cap. seq. citando appellationes ab abusu in rebus tantum gravibus interponendas esse notaverit, convenientius erat, ut recentiores Gallicani majorum suorum reverentiam erga sanctam Sedem imitantes, eam sequerentur rationem, quam refert §. 10. ubi ait; in rebus magni momenti, si quid accidisset libertatibus, & immunitatibus Ecclesiasticis, vel Regis, & Coronæ juribus contrarium, solitos olim Prælatos, & Regni Optimates, comprobante, ac permittente Rege, congregari ad restituendas res in pristinum statum, ideòque delegari ad sanctam Sedem Illustres, ac magni meriti viros, qui sanctæ Sedi supplicarent, ut quæ proponebantur, amplecteretur, & monitiones libenter audiret. Res gravioris ponderis, quas solas appellationibus ab abusu subjici debere fatetur, paucæ sunt; atque adeò non nisi rarissimè ad sanctam Sedem recurrendum foret. Si autem hodiè Tribunalia sæcularia hujusmodi causis, plusquam quibusvis aliis occupantur, hoc inde accidit, quia sine ullo delectu admittuntur appellationes tanquam ab abusu, sive levis sit materia, sive gravis, sive appareat abusus, sive secus, sive de re spirituali agatur, sive de temporali, quibus ita se habentibus non mirum est, si in-

com-

commodum , imò impossibile videatur , toties sanctam Sedem adire.

3. Subjungit Fevretus Prælatos , & Optimates , dum optata à Summis Pontificibus consequi non potuissent , Regi suadere solitos , ut subditos ab oppressionibus tueretur : sed Ivo Episcopus Carnotensis , cujus autoritate nititur , non ita generatim loquitur. Consuluerat illum Episcopum Philippum Rex Franciæ circa indictionem tertii intra eundem annum Concilii ab Archiepiscopo Lugdunensi Vicario Apostolico destinatum. Respondet Ivo epist. 56. Rem verisimiliter non eventuram ; si tamen , inquit , secus accideret , Apostolicæ institutioni , & Ecclesiasticæ consuetudini fore contrariam : deinde verba subjungit à Fevreto relata ; *Si quis vos ( alii legunt eos ) contra ( alii legunt ultra ) terminos à Patribus constitutos augeriare voluerit , habito communi consilio , oppressionibus pro persona vestra resistite.* Quà verò ratione resistendum esset non expressit , arbitratus nimirum convenientem illam fore , si communi cum Episcopis , Ecclesiasticæ Dignitatis studiosis , consilio deliberaretur. Omnium autem convenientissima fuisset , ut à Vicario sanctæ Sedis ad sanctam Sedem appellaretur , ut dicitur infra. Quoniam autem alicujus Episcopi accusationem iudicaturus dicebatur Legatus ; monet idem Ivo non posse accusatum non se sistere iudicio. Unde consequitur eo casu , atque adeò , si alia gravis causa postularet , à Legato pluries convocari Concilium , aut sine Concilio judicari Episcopos à Legato ; *Si autem aliquis pro culpis suis indulto sibi congruo spatio à Legatis Apostolicis vocatus fuerit , non potest subterfugere , quin ad diem sibi prescriptum occurrat , nisi eum legitima causa detineat.* Inutilem igitur tantum , & injustam , non autem necessariam convocationem excludendam censebat Ivo , & oppressionibus resistendum.

4. Paragraphis 10. & 11. congerit Fevretus exempla delegationum ad sanctam Sedem , tum à Francis , tum ab aliis factarum. Paragraphus 13. similia continet exempla , summorum Pontificum ad Principes litteras , Nuntios , quæcularum articulos mittentium ; quæ agendi ratio laudabilis , ac Christianæ charitati , mutæque benevolentiæ erat consentanea magis quàm appellationes prætextu abusus.

5. Paragrapho 14. proponitur aliud multoties in rebus  
H h h h h gra-

794 TRACTATUS DE LIBERTATIBVS,  
gravissimis adhibitum, nempe mutua colloquia inter Summos Pontifices, & Principes, vel saltem inter egregios viros ab ipsis deputatos. Optimum etiam consilium, dum illud rei gravitas exigit.

6. Paragrapho 15. aperitur alia via ad impediendas injurias, quæ ex mandatorum sanctæ Sedis executione confectura essent, nimirum ad sanctam Sedem appellatio. Nam, ut inquit S. Bernardus epist. 180. *Apostolica Sedes hoc solet habere præcipuum, ut non pigeat revocare, quod à se forte deprehenderit siande elictum, non veritate promeritum.* Addit Fevretus appellationem ad futurum generale Concilium proximè congregandum, de qua jam satis alibi dictum est.

7. Occasione dissidii inter Bonifacium VIII. & Philippum IV. conflatum est schisma; occasione schismatis editæ sunt multæ Constitutiones; decreta, & alia hujusmodi jurisdictioni Ecclesiasticæ infensissima. Idcirco etiam edita est Pragmatica Sanctio, cujus occasione inductas esse appellationes tanquam ab abusu, affirmat Autor tractatus de *jurisdictione Ecclesiastica*, inter acta Cleri Gallicani inserti, & jam pluries memorati. Unde Fevretus §. 16. scribit, appellatione denuntiata protestationes interponi solitas in forma *infractionis Canonum aut pragmaticæ*, invocarique Regium Consilium aut Senatum, quorum decreto præcipiebatur; „Ut Ecclesiastici ab iis omnibus cessarent, attentata revocarent, alioquin certa die, coram Regis consilio, venirent, ut postea, partibus auditis, super iis rationabiliter provideretur.

8. En primos gradus jurisdictionis sæcularis Ecclesiasticam invadentis; non tamen adeò perniciosos, si ulterius processum non fuisset, earumque rerum sola executio suspensa fuisset, quæ per obreptionem, vel subreptionem injustè obtentæ fuissent, quousque per Superiorem ipsum Ecclesiasticum de rei veritate, ac justitia certiores factum, emendatæ fuissent. Subsecutus est usus ille, de quo Fevretus §. 17. & 18. retinendarum litterarum Apostolicarum, ne antè demandarentur executioni, quàm à Judicibus Regiis comperum fuisset, eas nihil juribus, & libertatibus antiquis Ecclesiæ Gallicanæ, jurisdictioni sæculari, aut Coronæ juribus adversum continere. Animadversum præterea est in eos, qui

qui litteras hujusmodi perferebant. Examen illud, quantum ad legitima jura Regis in ejus Officialibus excusandum videbatur: sed quantum ad res Ecclesiasticas, Episcoporum potius fuisset, opportunum & congruum inquirere remedium.

9. Denique ad appellationes tanquam ab abusu deventum est, quas Fevretus cæteris omnibus modis, de quibus egimus, eâ ratione præfert, quod alii usurpationes, & innovationes detegerent, sed non tollerent. „Nam, inquit, „Senatus-consulta eâ occasione prolata in exempla, seu „præjudicia assumi non poterant, quippè cum causæ cognitione, ac partibus auditis non pronuntiata, sed plerumque ex officio, instante solo Domino Procuratore generali Regis, atque ad ejus querelam de usurpationibus, in „rescriptis, quæ ad ejus manus pervenerant, contentis. „Quamobrem successit denique appellatio qualificata, tanquam ab abusu, quæ fuit efficacior quàm delegationes, & colloquia, quàm appellationes ad Papam, vel ad futurum „Concilium, quàm protestationes publicæ, & citationes „in forma infractionis Canonum, quàm etiam examen Bul- „larum, & processus extraordinarii adversus earum latores. Visum est hæc omnia verba Fevreti esse referenda, ut intelligas appellationes ab abusu nihil differre ab aliis appellationibus, nisi quod vox illa, *abusus*, injuriam Ecclesiasticæ jurisdictioni illatam, simplicibus aliquatenus occultet. Quid enim aliud Judex ordinarius appellationum præstat, quàm ut partibus auditis, & cum cognitione causæ decernat, an aliquid sit contra leges, vel contra consuetudinem? Quid aliud facit Judex sæcularis in causis merè temporalibus? Obtenditur quidem Judicem sæcularem de ipso negotio spirituali sententiam non ferre, sed tantum de abusu. Verum quid aliud est ille abusus, si Gallis credimus, nisi sententiæ iniquitas, idest, Canonibus, & legibus repugnantia? Jam igitur non est melior via appellationum ab abusu, ut è contra iniquior sit. Nam recursus ad Papam, appellatio ad ipsum melius consultum, imò appellatio ad futurum Concilium testabantur, negotia esse autoritate Ecclesiasticâ definienda: cum per appellationes ab abusu Laici jus, in

H h h h h 2

cau-

796 TRACTATUS DE LIBERTATIBVS,  
causis spiritualibus & Ecclesiasticis dicant, & judicata exequantur.

10. Nescio an risu, an fletu digniora sint appellationum ab abusu encomia, quæ habet Fevretus §. ult. Lugere magis libet, quia Ecclesia, cum esset Domina gentium, facta est sub tributo, & à propriis filiis oppressa. „Itaque, inquit „Fevretus, si rectè ad eorum institutum attendatur, qui „appellationes ab abusu induxerunt, ad bonum, quod ex „eis sequitur, ad quietem Principalium potestatum, quæ „earatione procurata est, cum olim ob exortas de jurisdictione „ne contentiones sæpè commoverentur, ad firmum sustentaculum, quo Ecclesiastica, & temporalia jura sub protectione, atque autoritate Regiæ communita sunt, meritò dici queat, primum earum Autorem bis terque exclaimare cum Archimede debuisse *τυρμα τυρμα*, cum nihil ultra desideretur ad ejus perfectionem, quod tanto tempore, tantoque labore inquisitum fuerat, ut unusquisque in suo jure conservaretur, & ut frequentibus usurpationibus occurreretur. Habet enim id præcipuum appellatio ab abusu præcæteris mediis aliàs adhibitis, quòd effectum suum statim consequatur, sitque utilis communiter tam Ecclesiasticis, quàm Laicis, qui eà utuntur. Quam justæ sint illæ laudes, aliæque, quas refert §. 6. constat ex iis, quæ jam dicta sunt, & constabit ex iis, quæ adhuc dicentur de justitia illarum appellationum.

## C A P U T X I.

*Rursus de tempore, quo inductæ sunt appellationes ab abusu, & de variis illarum conditionibus: ad cap. 2. Fevreti.*

1. **P**robat Fevretus tribus primis paragraphis capitis 2. non ita esse antiquas appellationes ab abusu: sed adhuc recentiores sunt, quàm ipse putet. Concedit illerecentes esse quantum ad formam, sed negat quantum ad vim, & effectum, quippè cum jam olim Regia potestas, Prælatorum Ecclesiasticorum abusus emendaverit, Verùm præterquam quod  
adeò



adeo erant evidentes, & notorii excessus, ut causæ cognitionem non requirerent, non ab ipsis sæcularibus corripgebantur, sed plerumque ab ipsismet eorum autoribus emendari curabantur. Nec parvi momenti est forma illa, scilicet appellationis, quæ postmodum inducta est. Imò gravissimum, & perniciosissimum damnum infert Ecclesiasticæ jurisdictioni, quod, dum de illius injustitia egimus, demonstrasse nos putamus. Adde quod illa, quæ commemorat, saltem in principio, non tamen provisiones à jurisdictione Regia factæ, quàm querelæ, ac minæ Regiorum Procuratorum Ecclesiasticæ jurisdictioni parùm faventium, vel potius multum adversantium.

2. Optimè §. 4. notat Fevretus (si quid tamen optimum dici debet, ubi vix quidquam occurrit boni: sed optima dici possunt, quæ à pessimis liberant) appellationes ab abusu non nisi gravibus negotiis usurpandas. „Fatendum est, „inquit, appellationes illas ex eo magnopere commendatas, „quod, ubi primùm inductæ sunt, non nisi in rebus gravibus, publicis, & magni momenti adhibebantur; & certè „satis culpam non possunt, qui hoc remedio in quavis occasione utuntur, sine distinctione boni publici, & privati, „quique omnia gravamina ceu abusus habent, quod nullo „modo ferendum est. Idem ferè antea senserat D. de Marca. Quod ait Fevretus, appellationes ab abusu ex eo magnopere laudatas, quod non nisi in gravissimis negotiis principio interponerentur, causam insinuat, cur eis quàm primùm Ecclesia non satis validè obstiterit; quia nimirum illarum usus, ob casuum gravitatem, erat rarus, ac propter remedii difficultatem ferè necessarius videbatur. Nec enim dubium mihi ullum est, quin, si passim, ut hodiè fit, perturbata fuisset Pastorum Ecclesiasticorum jurisdictio, & ad Tribunalia sæcularia distracta; Ecclesia, quæ pro causis multò minoris momenti tam strenuè decertavit, hanc pro viribus, vindicatura fuisset injuriam: sed malum sensim sine sensu adeo excrevit, ut remedium, nisi promptum sit, nihil profuturum videatur.

3. Alia fuit causa neglecti dudum ab Ecclesia illarum appellationum usus, quod scilicet variis conditionibus tempe-

rarentur, de quibus Fevretus in §§. seqq. quæ tamen hodiè prætermittuntur. Necesse enim erat, quod probat pluribus autoritatibus, & ratione §. 5. ut non interponerentur nisi *ab abusu notorio & certo*. Et §. 6. asserit cum alio Autore Gallicano, nomine Buluc, Gallis tantum, & non alienigenis licere sic appellare, &c.

4. Paragrapho 8. appellationes ab abusu in omnibus Franciæ Provinciis usurpari monet, etiamsi Paulus III. Papa institerit apud Henricum II. Francorum Regem, ne in Britannia, in Provincia Provinciæ, in Delphinatu locum haberent. Sed quare Procurator Regius tam justo Summi Pontificis desiderio sese opposuit? Quia, inquit, Primò illæ appellationes erant licitæ, & juridicæ; sed de hoc est quæstio. Secundò quia Rex iustitiæ debitor est subditis suis. Verum id quidem est; sed quantum ad illa tantum negotia, quæ ad Principes temporales spectant. Imò & in rebus spiritualibus & Ecclesiasticis iustitiæ debitor est, tanquam Ecclesiæ Protector. Itaque cohibere debet nimium Procuratorum suorum ad ampliandam autoritatem Regiam studium, ne Iudices sæculares adducat ad usurpandam jurisdictionem, aut imminuendam libertatem Ecclesiasticam. Tertiò, quia obedientia illarum Provinciarum erat filialis ad ferenda legitima præcepta, non ad tolerandas novitates juribus temporalibus, & Regis in subditos jurisdictioni, contrarias. Sed an Senatus Iudex est sanctæ Sedis, ut de illius præceptis sententiam ferat? An statim atque Procuratori Regio placebit, Decretum aliquod Summi Pontificis novitatem appellare, quantumvis de re spirituali, vel Ecclesiastica agatur, ita censendum erit; & à Laicis, ligandæ erunt Summo Pontifici manus, sub eo prætextu?

5. Si verum esset, quod antea dixerat Fevretus, non interponi appellationes ab abusu, nisi ubi violatur Regia jurisdiction, concedendum esset Procuratorem Regium partis vice fungi, nec sine illius consensu controversias posse componi, ut asserit idem Autor §. 9. sed ea causa vel rarò, vel nunquam accidit. De privilegio appellationum ab abusu, de quo Fevretus §. 10. quòd scilicet nullà præscriptione, nullo præjudicio, nullo partium consensu, nullà temporis diu-

tur-

turnitate impediri valeant, id tantum hinc dicendum est, nihil esse jurisdictioni Ecclesiasticæ, imò & publicæ tranquillitati infestius, quandoquidem nulla est judiciorum Ecclesiasticorum securitas, si quocumque tempore, ac quacumque firmitate roborata sint, concuti per appellationes ab abusu possunt. Sed qui sunt antiqui Canones, quibus innititur illud privilegium?

6. Variæ formulæ sententiarum circa appellationes ab abusu, quas refert Fevretus §. 11. parum prosunt Ecclesiæ: sive enim appellatio in nihilum redigatur, sive judicium Ecclesiasticum abusivum declaretur; Laici rerum Ecclesiasticarum arbitros se constituunt; formulas autem, dum libebit, immutabunt. Iniquum videtur, quod ait §. 12. ut qui judicium Ecclesiasticum, à quo est appellatum, defendit, multâ pecuniariâ plectatur, si abusum intercessisse Senatus declaraverit. Id enim saltem Ecclesiastica jurisdictio mereri videtur, ut infontes habeantur, qui judicia illinc profecta bonâ fide secuti sint. Alioquin enim, cum ex innumeris capitibus Ecclesiastica Decreta de abusu damnentur, quis erit qui ad Tribunal sæculare vocatus multam metuere non debeat? Quis Judicis Ecclesiastici sententiam parvi non faciat, quam defendere sine periculo multæ non possit?

7. Quod non possint partes appellantes ab abusu, recedere ab appellatione, quod intendit Fevretus §. 13. quod etiam post tres sententias Ecclesiasticas conformes appellari tanquam ab abusu possit, Ecclesiæ damnum auget, & illatum jurisdictioni vulnus exacerbat; imò Edictis Regiis repugnat; quæ videri possunt inter Acta Cleri Gallicani sub hoc titulo; *De appellationibus tanquam ab abusu* tom. 2. jam citato.

8. Magna scilicet exhibetur Summo Pontifici reverentia; dum, ut ait Fevretus §. 15. non appellatur directè à concessione, vel expeditione Bullæ, seu Rescripti, sed solum ab eorum fulminatione, & executione. Sed quæ fides haberi potest huic Autori, qui tam apertè sibi contradicit? Nam num. 9. refert, in Parlamento Divionensi anno 1632. 25. Julii pronunciatum fuisse Placitum, seu Arrestum, quo Rescriptum Pontificium in causa Matrimoniali declaratum fuit malè, nulliter, & abusivè expeditum. Hic autem, idest, hoc §. 15. negat

800 TRACTATUS DE LIBERTATIBVS,  
negat appellari ab expeditione. Alia sunt, in quibus videtur  
Fevretus emollire velle jurisdictionis Ecclesiasticæ vulnera:  
sed praxis quotidiana, quam ipsemet aliis in locis refert, dicto-  
rum falsitatem arguit.

9. Fuerat quidem olim statutum, quod tradit §. 16. ut ap-  
pellationes ab abusu Judicis Ecclesiastici potestatem non sus-  
penderent, sed devolutivum dumtaxat, non autem suspen-  
sivum, ut loquuntur pragmatici, effectum haberent. Verum  
immutata est hæc jurisprudentia. Rursus restituta est, saltem  
ex parte, Edicto Regis hodie Regnantis, ut videri potest in  
Actis Cleri loco citato: sed nescio quamdiu duratura sit, aut  
num violari rursus jam non cœperit?

10. Conquesti sæpissimè sunt Præsules Gallicani adversus  
illas appellationes; sed Judicium sæcularium nimis intererat,  
ne tollerentur. Quia Præsulum querelæ apertissimâ justitiâ  
nitebantur, adhibitis sunt certæ conditiones, quæ doloris  
sensum remittebant per aliquod tempus: non autem morbo  
medebantur, neque etiam diu intermittebant. Ita verè scri-  
bit Fevretus §. 17. prohibitum fuisse art. 59. Constitutionis  
Blesensis Curii Regiis, ne appellationes illas admitterent  
extra casus in Constitutionibus Regiis contentos. Sed debile  
repagulum ad sistendum Curiarum impetum. Verba illa ge-  
neralia nunquam casibus particularibus convenire videbuntur.  
Quin etiam, licet aliqui articuli expressè prohibiti sunt à  
Constitutionibus Regiis, Judices nullatenus prohibitionem  
morantur, ut patet in exemplo alibi adducto de appellationi-  
bus in rebus spiritualibus, & Sacramentis, de quibus vetue-  
rat Rex, ne prætextu possessorii cognoscerent Judices sæcu-  
lares, & in exemplo, de quo Fevretus hic §. 22. postea dis-  
cutiendo.

11. Præcepit etiam Ludovicus XIII. anno 1635. quemad-  
modum notat Fevretus §. 18. ut appellationes ab abusu audi-  
tis partibus statim judicarentur, nec ad consilium mitteren-  
tur, nisi ita sentirent duæ ex tribus Judicum partibus. Ve-  
rùm faciliè occurreret, ut plerique Judices maturius de rebus  
illis deliberandum sentiant, aliqui fortassè, ut rei veritatem &  
justitiâ diligentius inquirent; alii fortassè, ut emolumento  
non careant, quod nullum esset, si negotia extemplò defini-  
rentur.

12. Aliam

12. Aliam adhibuerat cautelam Henricus IV. Ediſto verificato anno 1606. ut teſtatur idem Fevretus §. 19. ut ſcilicet Advocato pro appellante ab abuſu peroranti adſtarent alii duo appellationem approbantes. Ejuſmodi cautelæ ſigna ſunt gravitatis appellationum ab abuſu, quas difficiles efficere tot modis conati ſunt Principes. Sed debilia nimium remedia ſunt. Et quod quidem ſpectat ad præſentiam Advocatorum, in tanta Patronorum copia vix unquam deerit ille numerus litigare cupienti, ut à proſequenda appellatione revocetur deſectum Patronorum, qui, utrum hodie requirantur, mihi certum non eſt, licet plurimum partem meam negativam.

13. Paragrapho 20. ſcribit vetitum fuiſſe anno 1610. ne litteræ appellatoriæ ab ordinationibus, quas in viſitationis decurſu edidiſſent Archiepiſcopi vel Epifcopi circa cultum Divinum, & diſciplinam Eccleſiaſticam, aut à Statutis Conciliorum Provincialium, nonniſi magno ſigillo imprimerentur, ut ſcilicet difficilior eſſet expeditio, atque ita appellationum numerus minueretur: ſed ſtatim monet Senatum Pariſienſem anno 1612. 30. Maii facultatem appellantibus conceſſiſſe, ut, ſive in magna, ſive in parvis Cancellariis litteræ poſſent expediri, & ſigillari, ita ſcilicet, quod Rex concedit, Senatus aufert.

14. Ediſto Ludovici XIII. anno 1625. quod citat Fevretus §. 21. cautum eſt, ne Judex Eccleſiaſticus, à cujus ſententiâ interpoſita eſt appellatio tanquam ab abuſu, ſeſe iudicio ſiſtere cogatur. Statutum id fuit, ut dignitati Epifcoporum, & Vicariorum provideretur, ut inquit D. de Marca lib. 4. cap. 19. num. 8. Verum charior eſt iudicibus ſæcularibus propria Dignitas, quàm Epifcopis, adeoque eſt danda opera, ut Senatorum majeſtas ex hoc etiam capite præfulgeat; ideſt, ut Epifcopi aliique Iudices Eccleſiaſtici omnibus litibus intercedere cogantur, in quibus de appellationibus ab ipſorum iudiciis agitur. Ideoque non obſervatur iſtud Ediſtum à Curiis Regiis, ſaltem ab omnibus.

15. Is quidem honor adhuc Eccleſiæ deſertur, ut appellationes ab abuſu in magna Senatus Camera ventilentur, ut dicit Fevretus §. 22. & 23. Sed quis putet honore illo poſſe compenſari, quas jam notavimus, injurias, & quas adhuc

notare possemus ? Nam in hoc ipso §. 23. probat idem Autor appellari posse non solum à fulminatione , & executione , sed etiam à publicatione Bullarum , & earum executionem prohiberi ; quamvis nullus exstet actus iudiciarius circa illam executionem. §. 24. clausulam , *appellatione submotâ* , rescriptis delegatoriis inferi solitam , appellationibus ab abusu non præjudicare scribit , §. 25. non posse super his appellationibus in arbitros compromitti , aut inter partes componi , §. 25. possessionem triennalem nullatenus juvare.

16. Vides quot accidunt ex illis appellationibus incommoda Ecclesiasticæ jurisdictioni : quàm accuratè servantur , quæ Ecclesiæ adversantur : quàm parùm referat ipsa utilitatis ex iis , quæ Reges in ipsius levamen constituunt , etiam dum Clerus opima Regi confert subsidia..

## C A P U T X I I.

*Respondetur rationibus à Fevreto cap. 3. adductis ad probandam justitiam appellationum ab abusu.*

1. **P**roposuerat sibi-Fevretus in hoc capite appellationes ab abusu tanquam justas defendere. Sed nescio , an aliundè magis quàm ex ejus doctrina illarum injustitia innotescat. §. 1. distinguit duplex appellationum genus , scilicet simplicium , & tanquam ab abusu , duoque sibi objicit adversus ultimum istud genus ; Primum quod pervertant ordinem jurisdictionum. Cum enim appellationes ab inferiori ad superiorem perferendæ sint , hic à Judice Ecclesiastico provocatur ad sæcularem , cui certè non subjacet ; undè jurisdictio ac libertas Ecclesiastica læditur : alterum , quod eâ viâ Ecclesiasticæ personæ , ac causæ spirituales Curiis sæcularibus submittantur. Optimè assignat præcipua capita , ex quibus petitur injustitia prædictarum appellationum ; illa si evertat , rem ferè confecerit. Videamus igitur , quibus machinis aggrediatur. Fatetur in appellatione simplici provocandum ab Episcopo , seu ejus Officiali ad Metropolitanum , à Metropolitano ad Primatem ,

tem, à Primatè ad sanctam Sedem, vel ad Judices ab ea delegatos: appellationem autem ab abusu dictam vult interponendam esse ad supremas Curias sæculares, non ordine naturali, quem ille vocat Ressortum, seu devolutionem ab inferiori ad superiorem, sed jure protectionis Regiæ, quâ Princeps tenetur subditos suos, sive Clericos, sive Laicos in propria jurisdictione conservare.

2. Sed declinat statim à scopo, & eo errore indicat se illuc rectè tendere non posse. Cum enim appellationum ab abusu innumeræ sint species, quæ singulæ specialibus, omnes autem duobus supradictis vitiis laborant; scilicet quod jurisdictiones confundant, & Clericos, ac causas spirituales Laicis subjiciant; quodam saltem generali ratione universæ defendendæ fuerant. Sed frustrà id, utpotè impossibile expectes. Assumit Fevretus unicam speciem, cujus nimis injustitia minus est evidens; quasi hæc alias omnes complecteretur. Conatur probare; licere Principibus impedire, ne Ecclesiastici Judices jurisdictionem sæcularem, aut jura Regnorum usurpent. Ergone si hoc consecutus fuerit, continuo innoxia erunt, quæcumque Judices Laici contra jurisdictionem, ac libertatem Ecclesiæ, prætextu appellationum ab abusu in Gallia præsumunt? An ad illum articulum pertinent, quæcumque Fevretus in novem libros digessit, protestatus se omnia complexum non fuisse, nec thesaurum illum à quoquam exauriri posse?

3. Quomodo autem ex jure defendendæ propriæ jurisdictionis inferri licitas esse illas appellationes? Nonne Ecclesia etiam potest propriam jurisdictionem tueri? Cur ergo pari saltem ratione non licebit à Judice sæculari ad Ecclesiasticum provocare? At, inquit Fevretus, non dicitur appellatio simpliciter, quæ interponitur à Judice Ecclesiastico ad sæcularem, sed cum addito; tanquam *ab abusu*; quasi verò de solo nomine, ac non potius de re ipsa sit quæstio; aut possit nomen, quod etiam odiosum quid sonat, à sacrilega usurpatione injuriam rescare. Saltem ergo fateatur licere ad Summum etiam Pontificem appellare, cum addito, *tanquam ab abusu*, quando Judex sæcularis jurisdictionem Ecclesiasticam offendit. Non enim minus ad supremum Ecclesiæ Pastorem

804 TRACTATUS DE LIBERTATIBVS,  
pertinet jura Ecclesiastica tueri, quàm ad Principes temporalia propugnare.

4. Non pervertitur, subjungit Fevretus, ordo appellationum Ecclesiasticarum, quia illud, in quo fundatur abusus, est quid facti, ad spirituale nequaquam attinens. Adeò iniqua est praxis Curiarum Franciæ, quæ contra Constitutiones Regias, nedum contra Canones, de causis etiam spiritualibus, affictâ illis imaginariâ possessorii specie, judicant; ut dum de justitia appellationum ab abusu in communi agit hic Autor, cogatur affirmare illas nequaquam ad spirituale attinere. An igitur corporalia, seu temporalia sunt, quæcumque ille in suum tractatum congeffit, tanquam materiam hujusmodi appellationum ab abusu? An sacramenta, dispensationes super votis, & juramentis, beneficia, censuræ, absolutiones, &c. in Parlamentis Gallicanis temporalia reputantur, quantum ad omnia, quæ circa illa ibi ventilantur?

5. Addit præterea ad Regem pertinere, vel ad ejus Curias, decisionem quæstionis illius de facto; num scilicet aliquid contra jura sua temporalia sit attentatum; quia, inquit, dum aliquid attentatum est, Rex superiorem non agnoscit. Duo confundit inter se maximè diversa. Aliud enim est quærere, utrum ad Principem dumtaxat spectet cognoscere, an aliquid juribus suis temporalibus adversetur; aliud, dum adversari constat, utrum ab alio debeat injuriæ reparatio postulari. Sed quodcumque assumatur, nonne opponi potest ad Ecclesiam quoque spectare, ut judicet, an aliquid sit spirituale, & cum ejusmodi esse patuerit, illud Ecclesiæ vindicare? At, reponit Fevretus, neque justum esset, neque decorum, ut Dominus Procurator Regius, qui partis vices agit in appellationibus ab abusu, litigaret coram Officiali; ut refarciri curaret, quæ ab eodem Officiali, vel ab ejus inferiori attentata fuissent contra jura Regis. Fateor injustum illud, & indecorum fore; sed apud eos tantum, qui & personas, & res sacras parvi pendere consueverunt; quique, non ut fides & ratio docent, sed ut mundus sapit, sentiunt; non autem apud eos, qui spiritualia corporalibus, æterna temporalibus anteponunt, & intimo pietatis ac religionis affectu ducuntur. Sed nonne minùs justum, minùsque decorum



corum est , ut Episcopus , aliique Judices Ecclesiastici , pro rebus spiritualibus & Ecclesiasticis , ad Laicorum Tribunalia traducantur ; & , si quam prætermiserint in suis judiciis fori sæcularis formam , tanquam rei mulctentur ?

6. Observa iterum Carolum Fevret in fine hujus §. 2. appellationes ab abusu in hoc ab ordinariis appellationibus discernere ; quòd illæ nusquam interponendæ sunt , nisi usurpatio jurisdictionis intercesserit. Propria ejus verba exscribenda sunt , ut videas etiam ipsos Ecclesiasticæ jurisdictionis hostes , vi veritatis convictos , dum justitiam appellationum ab abusu statuere nituntur , illarum usum ad casum usurpatæ jurisdictionis restringere coactos. *Et de plus afin de separer ces appellations des autres pures & simples , on les qualifie du nom d'Abus , pour donner à connoître , que sans ladite qualité d'Abus , qui denote toujours quelque entreprise ou usurpation de jurisdiction , la justice Royale ne s'y entremettrait pas ;* id est , „ Præterea ut hujusmodi appellationes à meris , „ & simplicibus appellationibus distinguantur , nomine abusus insigniuntur ; quo significetur sine illa conditione abusus , quæ aliquam semper jurisdictionis usurpationem involvit , Judices Regios ab illis abstenturos. Cur ergo aliis casibus sese Regii Judices immiscent , ubi certum est nihil adversus jurisdictionem Regiam esse tentatum ?

7. Frustra autem §. 3. excurrit ad exempla implorati à Clericis Principum auxilii. Aliud enim est Regios Ministros , Ecclesiæ , vel ejus Ministris ad exequendos Canones , aut comprimendos Canonum infractores , postulantibus opem præbere ; aliud Ecclesiasticas personas , & causas per appellationes ad se trahere , ac prætextu protegendorum Canonum , Ecclesiæ jurisdictionem , & libertatem opprimere.

8. Duo tantum ibi sunt , quæ aliquam videntur pati difficultatem. Primum est exemplum Leonis IV. Pontificis , iudicio Ludovici Pii Imperatoris se supponentis , alterum auctoritas Brunonis Cassanæ in libro de privilegiis Regularium appellationes ab abusu licitas asserentis. Quod quidem ad Leonem IV. attinet , de eo jam supra egimus. Ejus verba citantur quidem ab Ivone Decret. 5. part. cap. 22. & à Gratiano 2. quæst. 7. cap. Nos si incompetenter , sed referuntur , ut à Nicolao scripta Imperatori. Neque autem inter Epistolas Leonis ,

806 TRACTATUS DE LIBERTATIBVS,  
neque inter Epistolas Nicolai reperiuntur. Testimonium Ivo-  
nis, & Gratiani, qui plura supposititia suis Decretis inseru-  
runt, adstruendæ facti veritati est impar: quia de re ipsorum  
ætate gestâ non loquuntur, præterquam quod potuisset for-  
tè Leo IV. voluntariè, non coactus à jure, vel Officio,  
Imperatoris arbitrio se submittere, quemadmodum Leo III. co-  
ram Carolo Magno, aliisque Magnatibus, & Episcopis se  
purgaverat an. 799. referente Anastasio, aliisque quampluri-  
mis, cum expressa protestatione se id agere non coactum, nec  
obligatum, id quoque publicè protestantibus Episcopis.

9. Brunonis Cassanæi autoritas ad hoc tantum valet, ut  
certiores simus, quod aliunde docet experientia, Regulares  
aliquos in Gallia tuendorum suorum privilegiorum omnem  
honestam rationem arbitrari; utque in tuto illa ponant adver-  
sus Episcopos, non ad Summum Pontificem, à quo illa ac-  
ceperunt, cum minus suis desideriis propitium metuunt,  
aut longiores moras refugiunt, sed ad sæculares Judices contra  
libertatem Ecclesiasticam, & contra proprias etiam Constitu-  
tiones interdum recurrere. Sic etiam aliquando Episcopi ad-  
versus Regulares malunt Curias sæculares, cum in sua deside-  
ria propensas vident, quàm summum Pontificem adire: quæ  
causa est, ut dum quisque suis rationibus magis quàm Eccle-  
siæ juribus intentus est, illinc petat auxilium, unde conse-  
qui speret; non attendens quantum Ecclesiasticæ jurisdictioni  
vulnus inferatur, dum Laicorum judicio subjicitur.

10. Cæterum frustra hic & alibi exemplo Hispanorum,  
proxim Gallorum excusat Fevretus. Nec enim conditionem  
acceptarent Galli, ut iisdem legibus erga Ecclesiam, & su-  
premum ejus Patrem, & Pastorem sese gererent, quibus His-  
pani. Sed extra institutum nostrum est illa collatio. Non enim  
querimus, quid faciant Hispani, sed an rectè faciant Galli.

11. Paragrapho 3. asserit Fevretus appellationibus ab abusu  
non solum Laicis Clericos, aut spirituales causas Curiarum  
sæcularium cognitioni non subjici; sed etiam iis potius effici,  
ut spiritalia secerantur à temporalibus, & illa Ecclesiasti-  
cis, ista sæcularibus judicanda tribuantur, Curii Regiis id  
tantum exquirentibus, an de facto jurisdictio Regia, jus pa-  
tronatus Laici, & his similia læsa sint, & quæstiones omnes de

de .

de rebus spiritualibus ad Ecclesiasticos Officiales liberè judicandas remittentibus. Minus esset inflictum Ecclesiæ vulnus, si limitibus illis verè circumscriberetur Regiorum Judicium examen. Sed præterquam quod non magis, imò minus ad Laicos, quàm ad Ecclesiasticos pertinet, spiritualia à temporalibus, à sacris profana discernere. Testis est ipse Fevretus quàm latè perrupti sint aggeres, quos hic commemorat.

12. Adverte autem quomodò hic Scriptor excurret. Nam §. superiori dixerat Curias sæculares non se immiscere judiciis Ecclesiasticis, nisi ubi usurpata fuisset jurisdictio Regia, hic jus patronatus ad Laicos pertinens etiam in exemplum adducit materiæ appellationum ab abusu, quasi jus patronatus sit aliquid profanum, & ut ipse loquitur, ad spiritualia nullatenus pertingens, de quo non possit Ecclesia sine injuria Judicium sæcularium sententiam ferre. Hic tamen non subsistit, ut in toto ejus Tractatus decursu videre est:

13. Paragrapho 4. negat confundi jurisditiones, aut Ecclesiasticam à Regia ullo modo imminui; quia appellationes ab abusu inductæ sunt, inquit, ut sua cuique jurisdictio salva esset. Si is fuit primæ introductionis finis, ex eventu patet eas contrarium sortitas esse effectum, ut sæpè diximus.

## C A P U T X I I I.

*Respondetur aliis rationibus, quæ à Fevreto proferuntur in præd. cap. 3.*

1. **N**on esset, cur tantùm eniteremur adversus appellationes ab abusu, si verum esset, quod ait Fevretus in §. 5. hujus capituli; Illas scilicet Summis Pontificibus probari: vereor tamen ne non verum sit, quod ille affirmat. Saltem neque rationes, quas Summis Pontificibus propositas narrat, ejusmodi sunt, quibus motos illorum animos arbitrer; neque conjecturæ quibus utitur, secutam approbationem suadent. Quid enim sanctæ Sedi ab Oratoribus Regis Christianissimi adductum fuit in favorem illius praxis Curiarum Gallicanarum?

2. Pri-

2. Primò proposita fuit possessio. At illa neque multum erat antiqua, neque pacifica, ut evidenter demonstrant Acta Cleri Gallicani, inter quæ multa sunt monumenta, quibus constat Episcopos apud Reges sæpessæpius orasse adversus illum usum, quem superiori sæculo vetustiore non esse jam vidimus: cumque desperarent se integram mali sanationem consecuturos, levamen saltem frequenter postulaverunt.

3. Secundò expositum fuit nullum alium Judicem posse de illis appellationibus cognoscere, cum ageretur de usurpata jurisdictione. Quid ergo, si Princeps, aut Senatus declararet suæ jurisdictionis esse, de rebus Fidei decernere: ad nullum alium pertineret de controversiis circa mysteria Religionis Judicia ferre? Et, si id ab Episcopis tentaretur contententibus partem illam Episcopalis juris esse, solæ Curiae Regiæ Judices essent illius quæstionis de competentia, ut vulgò nuncupatur? Dices nullum esse illius mali periculum in Gallia, ubi omnes profitentur autoritatem Regiam illuc usque non pertingere. Ita quidem, exceptis hæreticis publicis, olim sentiebant Gallicani. Sed metuumdum est, ne Officiales Regii, quorum plerique tunc sibi præclarè suo defuncti officio videntur, cum, depressâ Ecclesiæ dignitate, Regiam extulerint, postquam disciplinam, quæ, ut ait S. Cyprianus lib. *De disciplina, & habitu Virginum*, *Revinaculum fidei est*, ad sæcularia Tribunalia pertraxerunt, fidem denique ipsam Principum judiciis submittant. Nec vanum esse timorem ostendemus in conclusione.

4. Nisi Regii Officiales bonâ fide discernant, & agnoscant, quid ad Ecclesiasticam, quid ad laicam jurisdictionem pertineat, & unaquæque sibi suas partes vindicet, nullus erit dissidiorum finis; quibus in controversiis, licet propter potentiam temporalem plerumque prævaleant laici, non sine gravi animarum suarum detrimento, non dubito quin de jure finium regundorum judicium ad Ecclesiasticum potius pertineret Tribunal. Argumentum à pari, quo sæpè usi sumus, est *ad hominem*, ut dicitur, totam veritatem non exprimens.

5. Dicitur præterea tertiò, Senatum non solis Laicis, sed etiam Clericis constare, adeoque corpus esse mixtum, non merè laicum.

Laicum. Verum quidem est, Senatum Comitiorum generalium loco successisse, atque ita quemadmodum olim ex quo Clodovæus Catholicam fidem suscepit, Episcopi juxta consilium S. Remigii, Consiliis Regiis, ac generalibus Conventibus, seu Placitis, & Parlamentis (iis enim nominibus indistinctè nuncupabantur) interesse solebant; ita constitutis Curiis Parliamentorum, ut in loco permanentes, jus omni tempore dicerent, inter Laicos conscripti sunt etiam Clerici; & dum intermissus fuit mos eligendorum ex Clero Consiliariorum, institit Clerus apud Reges, ut restitueretur, sperans nimirum fore, ut Clerici fidiorem operam navarent, ad impediendas Ecclesiasticæ jurisdictionis à laica usurpationes. Verum ridiculum est, idèd Parliamentis jus decidendarum causarum Ecclesiasticarum tribuere, quod aliqui ex Consiliariis Clerici sint. Illorum enim numerus adeò exiguus est, ut in tanta Judicum multitudine pro nihilo reputandus sit. Nec adsunt, ut res Ecclesiasticæ ibi judicialiter tractentur cum sæcularibus negotiis, alioquin enim pars saltem Ecclesiasticorum, & Laicorum numerus requireretur, sicut in Curiis, de Edicto nuncupatis, seu bipartitis, ad dirimendas Catholicorum cum hæreticis controversias, totidem sunt, aut erant hæretici quot Catholici.

6. Fuit quidem illa Clericorum, & Laicorum paritas ab ipsa Senatus Parisiensis institutione aliquandiu observata; cumque interrupta fuisset, iterum fuit restituta, ut videre est apud Stephanum Pasquierium lib. 2. cap. 3. Inquisitionum. Constat enim ex Edicto Ludovici XI. an. 1461. die 11. Septembris dato, & inter acta Cleri Gallicani relato, Senatum Parisiensem ex pari, aut ferè pari Clericorum & Laicorum numero tunc conflatum fuisse, & ex iis quadraginta Senatores Ecclesiasticos, ac totidem Laicos fuisse, unum Advocatum Regium è Clero, & alterum laicum, &c. Nondum tamen natæ erant appellationes ab abusu. Assisteabant verò Clerici ut dixi, in judiciis sæcularibus juxta consilium S. Remigii, quia spes erat fore ut illorum ordo, ac religio, tum ipsos, tum etiam alios ad justè judicandum induceret; deinde ut Ecclesiasticæ jurisdictionis vindices essent, sed immutata est Ecclesiæ fors: expulsi sunt Clerici, paucissimis ex-

Kkkkk

ceptis,

# 810 TRACTATUS DE LIBERTATIBVS,

ceptis, tum quando magis necessarii forent. Quamquam, ut verum fatear, nescio an qui è Clero assumuntur, sui erga Ecclesiam Officii satis meminerint. Nam etiam qui pii, ac iustitiæ studiosi audiunt, quia Magistratus suos, ut civiles habent, de rebus etiam Ecclesiasticis plerumque magis juxta sæcularium Judicum stylum, quàm secundum Canones, & summorum Pontificum Constitutiones sententiam ferre dicuntur. Quid putas facturos Laicos quamvis Christianos, & Catholicos ?

7. Utilitas appellationum ab abusu petitur quartò, ex eo quòd excogitatæ sint, ad impediendum quò minus sacris Decretis derogaretur, vel Regni legibus. Sed Regis quidem est legum politicarum custodiæ debito modo invigilare; Ecclesiasticarum autem executionem tantummodò curare, postulante Ecclesiâ, non autem illarum Judicem agere. Alias sacris Canonibus derogatur, dum operari dicitur, ne derogetur.

8. Ex eo etiam commendantur, quòd illis pariter utantur Clerici ad tuendam suam jurisdictionem adversus sæcularium injurias. Factum id fortassis aliquando est; sed computentur Placita, seu Arresta in registris Curiarum contenta, vel à scriptoribus Gallicanis, Fevreto præsertim, relata, & constabit, vix unum pro jurisdictione Ecclesiasticâ contra Laicam reperiri, inter mille pro sæculari contra Ecclesiasticam prolata. Quòd additur, temerè appellantes ab abusu graviter puniri, ex eo solo falsi argui posset, quòd infinitus ferè sit illarum appellationum numerus. Num gravis pœna temeritatis & sacrilegii, duorum aut quatuor nummorum multa, quæ judicium Ecclesiasticum defendenti perinde atque impugnanti imponitur ?

9. Verum est quòd notat idem Fevretus, Laicos potentia Brachii sæcularis præditos, promptiores, & faciliores esse ad usurpanda jura Ecclesiastica. Utinam æquè verum esset, quòd asserit, appellationes ab abusu utiles, ac efficaces esse ad comprimendas illas usurpationes. Quòd enim plures Prælatos, Collegia, & societates Ecclesiasticas illis usas esse dicit, non probatearum utilitatem; quandoquidem multò pluribus Prælati, Collegiis, ac societatibus gravissimæ, & Ecclesiasticæ jurisdictioni infestæ visæ sunt. Cæterum Fevreto

vreto fidem non habeo sine teste affirmanti, probatas ex omni parte fuisse hujusmodi appellationes Gregorio XIII. cum antea conquestus fuisset de Constitutione Blesensi ab Henrico III. editâ an. 1579.

10. Frustra §. 6. plurimas congerit auctoritates scriptorum Gallicanorum in favorem appellationum ab abusu. Ex iis enim scriptoribus, plerique non in ea tantum parte, sed in aliis pluribus Ecclesiasticæ jurisdictioni tam apertè iniquos sese exhibuerunt, ut minimi momenti sit illorum suffragium: & facile esset illis longè majorem omnis generis scriptorum numerum opponere. Galli quidam unico verbo respondent, illos Autores vel morum Gallicanorum inscios fuisse, vel Curia Romanæ adulos. Sed nescio an non verius Gallicanis scriptoribus objiciatur, illos Ecclesiasticæ jurisdictioni esse infensos, Principibus abblandiri, Ecclesiasticæ Majestatis depressione gloriari, lucrum ex litibus circa res Ecclesiasticas expetere. Quod absit, ut de omnibus accipiam. Non enim defunt in Christianissimo illo Regno, qui illas appellationes improbant: nec parvus est illorum numerus.

11. Nec tamen intra fines à scriptoribus ipsis, quos citat Fevretus, præfixos, illas appellationes continuerunt Judices. Nam, ut hoc tantum exemplum proferam, Guido Faber Advocatus Regius Legatione ad Concilium Tridentinum, vel potius orationum in illo habitatum irreverentiâ (ut mitiori verbo utar) & primo ad propagandam per universas Gallia Ecclesias Regaliam conatu famulos, laudibus immensis, & eo ipso ridiculis, appellationes ab abusu extulit: non potuit tamen non fateri, referente Fevreto, hujusmodi appellationibus, non nisi rarò, opportunè, ac in magnis & illustribus causis esse utendum. An id observetur, testantur volumina registorum, & librorum, Placita super his prolata continentium.

12. Inter illos quidem Autores, quos refert Carolus Fevretus, sunt aliqui veneratione digni, quorum sententia, si appellationibus illis faveret, non esset facilè contemnenda. Sed illorum suffragium parum ad excusandam ejusmodi praxim juvat. Nam v. g. quæ refert Fevretus verba tanquam Cardinalis Perronii, non Illustrissimi illius, ac nunquam satis com-

812 TRACTATUS DE LIBERTATIBVS,  
mendandi Purpurati, sed Parlamentorum sententiam exprimunt; dum ait, remedium illud à Parliamentis haberi tanquam Asylum libertatum Gallicanarum, firmumque jurium Coronæ propugnaculum.

13. Dominus de Foix, qui etiam allegatur, factus quidem fuit Archiepiscopus Tolosanus, sed, cum ea pro appellationibus proferret, quæ exscribit Fevretus, Oratoris Regii, non Archiepiscopi, munus obibat apud summum Pontificem: unde nihil mirum, si Regias rationes promovere conatus sit.

14. Ad appellationes illas confugerunt aliquando Episcopi, ut notat Fevretus, sæpè inferiores Clerici, aliquando Regulares; sed in hoc, ut supra diximus, magis ad amovendam veram, aut falsam injuriam, aliâ, ut illis videbatur, ratione indeclinabilem attendebant, quàm ad damnum hinc Ecclesiæ illatum.

## C A P U T   X I V.

*Quam sequi conveniat agendi rationem, si quando injusti mandati executio exigatur.*

1. **E**T si non temerè damnanda sint superiorum Decreta; vel Præcepta, sed potius justa præsumenda sint, quoties apertam iniquitatem non continent; à qua regula si recedatur, peribit omnis ordo, confundetur omne regimen, subditis ob innatam, vel à peccato contractam, ad libertatem propensionem, mandata sibi minùs grata tanquam injusta vel de injustitiâ suspecta facillimè accusantibus: Tamen quia Præpositi, quicumque illi sint, affectibus privatis duci in condendis legibus, aut imponendis præceptis possunt; atque adèò res injustas exigere; videtur illis, quorum interest, licere, cum obedientiam negare; tùm, si urgeantur, aliorum opem implorare. Hac, ut opinor, ratione permoti sunt, qui primum Judices sæculares in causis Ecclesiasticis appellarunt; quasi jure naturæ sibi fas esset adversus manifestas injurias à superioribus Ecclesiasticis, imò à supremo Pastore illatas, invocato potestatis sæcularis auxilio se tueri.

2. In-



2. Injustæ quidem legis nullam esse obligationem, nisi forte ob vitandum scandalum, aut aliud malum; imò ne legem quidem esse docent communiter Theologi, quod de mandatis singularibus pari ratione sentiunt. Itaque illis non obtemperare nefas non est: de modo est quæstio. Equidem hac in parte optimus ille est, quem suadet Ivo Episcopus Carnotensis epist. 159. iis, qui se ab Ecclesia Romana gravatos conqueruntur; scilicet ut ab ipsa ad ipsam confugiant: & inde expectent levamen, unde se conqueruntur accepisse gravamen. Nam, ut docet S. Bernardus epist. 108. jam citatâ; *Apostolica Sedes hoc solet habere præcipuum, ut non pigeat revocare, quod à se forte deprehenderit fraude elicitum, non veritate promeritum.*

3. Sed quid, si mandata injusta non modò non revocet Summus Pontifex, quantumvis de rei veritate ac statu certior factus, sed illorum etiam executionem acriter prosequatur? Celeberrimum est consilium, quod habetur in Capitulo de honoranda Sede Apostolica, quod plerique post Ivonem & Gratianum Carolo Magno adscribunt, quodque habetur in Concilio Tribur. anno 895. Can. 30. *In memoriam B. Petri Apostoli honoremus sanctam Romanam & Apostolicam Sedem; ut quæ nobis Sacerdotalis Mater est Dignitatis, esse debeat Magistra Ecclesiastica rationis. Quare servanda est cum mansuetudine humilitas, ut licet vix ferendum ab illa sancta Sede imponatur jugum, seramus, & piâ devotione toleremus.*

4. Quid autem, si ne vix quidem ferendum sit jugum, vel propter ejus pondus, vel propter infirmas vires, aut voluntates subditorum? Nonne tunc saltem potestatis sæcularis opem fas erit implorare? Primò quidem, casus ille difficile contingere potest, ut veritate, ac justitiâ Summo Pontifici patefactâ, ille sæpessapiùs rogatus iniqua postulare pergat. Secundò vix illo etiam casu liceret adversùs sanctam Sedem Principes sæculares implorare: sed plerumque necessarium esset, ac de præcepto, quod Ivo Carnotensis epist. citatâ consulere tantum videtur, his verbis; *Quoniam judicia Romana Ecclesia à nemine foris retractari posse, eadem Romanâ Ecclesiâ docente didicimus, si quì aliquando se præggravatos ipsius Ecclesiæ auctoritate conqueruntur, hoc eis consilium damus, ut non descendant in Ægyptum propter auxilium. Quæ ultima verba sic intellexit etiam ipse Marca Concord. lib. 4. cap. 17. §. 7. Ab Ægypto auxilium petere, idest à Regia potestate.*

5. Nulla finit prudentiæ ratio, ut ab eo petas auxilium, &

quo periculum sit, ne postmodum opprimaris. Observat Stephanus Pasquierius disquisitionum suarum lib. 1. cap. 5. Romanis ad subjugandas Gallias referat ab ipsismet Gallis aditum, imploratâ imprudenter illorum ope. Quod toti Nationi olim accidisse dicitur, id ferè Clero postremis sæculis contigit. Cum enim, ut alibi observavimus, Pontifices, aut Pseudopontifices potestate suâ in magnum Ecclesiæ Gallicanæ detrimentum abuti crederentur, invocatum est sæcularis potestatis auxilium; sed eâ occasione longè majus detrimentum passa est Ecclesia in sua jurisdictione, quàm consecuta sit emolumentum in conservatâ, pro qua decertabat, quorundam Beneficiorum, & reddituum dispensatione.

6. Quantum cordi semper Ecclesiæ fuerit sua jurisdictio, testata est innumeris Canonibus ea de re conditis, & delato etiam Martyrii honore iis, qui pro conservanda illa dignitatis, & potestatis suæ parte, mortem subierunt. Quo igitur lucro ejus jactura compensari potest? Aut quo pacto censuras eam ob causam promulgatas effugiunt; qui jurisdictionem Ecclesiasticam ad Laicos transferunt; aut qui, quò minùs transferatur, ut possunt, ac debent, non obstitunt?

7. Denique, ut rem ad extremas metas producamus, quæres, num saltem licitus esset ille recursus, si secluderentur illæ circumstantiæ, & Ecclesiasticæ jurisdictioni grave inde detrimentum consecuturum non esset? Suppositio illa videtur involvere contradictionem, cum ille ipse recursus in causis spiritualibus, & Ecclesiasticis per appellationes ab abusu, ordine judiciario tractari solitas, sit Ecclesiasticæ jurisdictionis interversio. Adde quod, etsi suppositio sit metaphisicè possibilibis, moraliter tamen videtur impossibilis. Quis enim rem adeò in proclivi positam sistere queat? Ex eo, quod jam toties evenit, conjice quid futurum sit, nisi hujusmodi appellationum cursus sistatur.

8. Quicumque modus ponatur, quæcumque adhibeatur cautela, in maximo semper versabitur periculo jus Ecclesiæ, quamdiu vigeat illarum appellationum usus: nec minoris Præsulum Gallicanorum, imò, ut arbitror, pluris interest, quàm Summi Pontificis, ut abrogetur; quia ipsorum officium frequentius impedit. Licet autem aliquando aliquibus  
pro-

prodesse videantur, omnibus tamen pensatis, plurimum inde jurisdictio Episcopalis deprimitur, & imminuitur.

9. Hæc de appellationibus ab abusu in communi dicta sufficiant. Singula enim earum capita, quandoquidem ex Fevreto infinita sunt, persequi esset impossibile. Ex genere autem quid de singulis speciebus sentiendum sit, unusquisque faciliè poterit intelligere.

10. Ex dictis enim abundè colligitur, quàm verè Autor Tractatûs illius de *jurisdictione Ecclesiastica*, quem Clerus Gallicanus inter Acta sua retulit, quique habetur tom. 1. cap. 9. ult. collec. scripserit in tertia part. quæ est *De appellatione tanquam ab abusu* hæc ipsa verba. *Or le plus grand mal, & la plus grande playe, que jamais l'Eglise ait receuë en sa jurisdiction & police, est l'appellation comme d'abus, moyen inventé par les Officiers, pour attirer à eux toutes sortes d'affaires contentieuses, & desquelles ils n'ont nulle compétence, n'y ayant chose en tout l'Univers, à laquelle ne puisse estre appliqué le pretexte & couleur d'abus, pour faire venir à leurs pieds les personnes Ecclesiastiques, de quelque degré qu'elles soient, & mettre aux prisons & aux fers cette ancienne liberté, qui servoit d'ornement à la France, & d'exemple à toute la terre. C'est ce qui a au dernier siècle depouillé l'Eglise Gallicane de son honneur & autorité, & ruiné sa discipline. Ce qui doit faire apprehender le renversement de l'Estat, aussi bien comme nous voyons la desolation de l'Eglise, &c.* Et Illustrissimus Episcopus Ambianensis in oratione nomine Cleri Gallicani ad Regem Christianissimum anno 1666. habita, & in tom. 5. actorum Cleri Gallicani relata. *Mais les appellations comme d'abus apportent bien encore un plus grand désordre & une plus grande confusion. C'est une nouvelle chicane inconnue en France avant les derniers siècles, & dont le venin n'a point infecté les autres Nations Chrétiennes.*

## C O N C L U S I O.

1. **C**onstans Galliæ in Fide Catholica jam à tot sæculis perseverantia, & magna etiamnum illic vigens pietas certam spem afferunt, Christianissimum illud Regnum usque ad consummationem sæculi tam arctè Petræ, super quam fundata est Ecclesia, inhæsurum, ut nullis unquam Sathanæ machinis ab ea dimovendum sit. Nobilissimæ illius Monarchiæ gloriam, firmitatem, ac felicitatem, Principum ad Ecclesiam de-

defendendam zelo, subditorum pro Catholica Religione studio, utrorumque erga Ecclesiasticum ordinem, præsertim verò erga sanctam Sedem reverentiæ, atque obedientiæ adscripserunt, & ipsimet Galli & Summi Pontifices. Quoniam autem res omnes per easdem causas plerumque conservantur, ex quibus ortæ sunt: expectanda est Religionis ac Principatus Gallicani perpetuitas ab antiquo pietatis affectu, indivulsaque cum Petri Sede conjunctione; siquidem, ut ait Carolus Fevretus lib. 1. cap. 3. num. 4. relatis Ecclesiæ Gallicanæ laudibus. *Elle s'est acquise cette haute Dignité par l'union indissoluble avec le saint Siege de Rome, dont elle ne s'est jamais séparée. Car l'Eglise Romaine estoit l'esprit principal, qui animoit toutes ses Facultés & Puissances: c'estoit le centre auquel elle reunissoit toutes les lignes de la circonférence; le Soleil duquel elle empruntoit toutes ses plus divines clairés, & les plus resplendissans rayons de sa gloire: bref c'estoit le premier mobile, duquel elle suivoit tous les mouvemens.*

2. Neque spem illam eripere valent, quæ interdum, maxime autem postremis temporibus intercesserunt dissidia. Ea enim est mortalium omnium conditio, ut neque qui perfectionis Christianæ fastigium assecuti videntur, imperturbabili pace perenniter gaudeant, quamdiu in hoc mundo versantur. Propria civium Jerusalem cælestis est illa felicitas. Sed quemadmodum arbores à ventis exagitatae radices altius deligunt; ita inter electos dissensiones strictiori concordiae non raro viam sternunt.

3. Fatendum est in Gallia fuisse à quibusdam tentata nonnulla, quæ si longius, ac latius progressa fuissent, non solum communionis Ecclesiasticæ, sed & fidei iacturam tandem innoxissent. Nam præter libellum Richerii *De Ecclesiastica & Politica potestate*, à duobus Conciliis Provincialibus damnatum, tanquam multas continentem propositiones, expositiones & allegationes falsas, erroneas, scandalosas, schismaticas, & ut sonant hereticas: præter eorum fortè opera, quos Richerium in suas partes traxisse cum vehementi suspitione schismatis narrat Henricus Spondanus ad annum 1612. num. 3. præter duo volumina *De Libertatibus Ecclesiæ Gallicanæ* à pluribus Episcopis die 14. Februarii anno 1639. hæc censurâ notata. *Volumen utrumque ferè per omnia commata noxium, hereticum passim, schismaticum, impium, verbo Dei frequenter contrarium, Hierarchia Ecclesiastica, & disciplina Sacramentorum, ac Sacer-*

nam ritum destruktivum, sancta Sedi Apostolica, gloriosissimo Regi nostro, Sacerdotibus Dei, & Ecclesiastico Ordini, ipsique ad eam Ecclesiam Gallicanam injuriosum, ac periculosissimum, scandalo plenum, à nobis publico consensu judicatum vobis significamus : Præter illa, inquam, sparsa sunt identidem alia schismatis & hæresis semina, quale illud erat, cujus confutationem ante aliquot annos vidimus cum hoc titulo ; *Mémoire pour faire voir sommairement au Roy, que la maxime schismatique & hérétique que l'on a prétendu établir dans le playdoyé, qui fut prononcé dans le Parlement de Paris le 12. Decembre dernier 1664. à sçavoir que les Princes temporels ont le droit, & le pouvoir de juger & de décider des dogmes de la foy, & de la discipline Ecclesiastique, n'est appuyée que sur des preuves defectueuses, qui sont toutes ou avancées contre la vérité, ou détournées avec surprise, ou deduites avec artifice, ou rapportées hors de propos, ou tirées des exemples des hérétiques, ou des personnes suspectes dans la foy.*

4. Contra disciplinam autem, & jurisdictionem Ecclesiasticam quot continentur dogmata in laicorum præsertim tribus nalia secularia frequentantur libris v. g. in tractatu Caroli Fevreti, in supradictis voluminibus de Libertatibus Ecclesiæ Gallicanæ, & aliis ? Quodque maximè dolendum est, immanes illi errores & injuriæ, ipsaque demum Ecclesiæ servitus specioso libertatum Ecclesiæ Gallicanæ titulo insigniuntur. Non possum tristitiâ non affici ; cum inter legendos Laicorum propria commoda in imminuendâ Ecclesiasticâ potestate sectantium, libros similia occurrunt : sed longè gravius fero, quod qui Clero adscripti sunt, ac privilegiis Clericalibus gaudere volunt, Ecclesiæ Dignitatem & autoritatem deprimerere studeant, etiam dum ejus Beneficia sibi asserere contendunt.

5. Audi quomodò Ecclesiæ Gallicanæ libertates explicet Dominus Carolus de Lotharingia Comes Marfani in quadam responsione typis edita contra Dominum Episcopum Cadurcensem in lite circa pensionem prædicto Comiti, quamvis conjugato, & ex interpretatione juris Canonici Bigamo, à sancta Sede super fructibus præfati Episcopatus indultam. *La Liberté Canonique, qui fait celle de l'Eglise Gallicane, ne consiste pas à former des contestations contre l'autorité du Pape, elle consiste principalement, comme a remarqué le docte Monsieur du Puy, dans son Commentaire sur les libertés de l'Eglise Gallicane. Page 15. sur le premier article, au droit, d'empêcher que les Papes n'entreprennent rien en ce Royaume au préjudice de la disposition des*

*anciens Canons, si ce n'est du consentement du Roy et du Peuple. Ces derniers mots expliquent tres-bien l'effet de nos libertés, & font connoître qu'il n'est pas véritable, que ce soit une liberté de l'Eglise Gallicane de se maintenir dans l'observation rigoureuse des anciens Canons. La France reçoit les dispenses mêmes gratuites, comme on sera voir dans la suite, elle s'accorde souvent des relâchemens mêmes de la discipline par une condescendance, pour ceux qui ne peuvent pas toujours vivre suivant l'austerité des anciens Canons. Toute la différence qu'il y a donc à cet égard entre la France, & entre les autres Païs, qu'on appelle Païs d'obedience, c'est qu'en France on est en droit de ne point recevoir ces sortes de dispenses, si ce n'est du consentement du Roy et du Peuple; & c'est dans cette différente manière d'accepter et d'exécuter les Brefs du Pape, que consiste toute notre Liberté'.*

6. Gratiam illam à sancta Sede concessam accusare non asum, sciens quam benemerita sit de Ecclesia, & etiamnum mereatur nobilissima Lotharingæ familia: sed optarem ut recenti hoc exemplo moveretur Summus Pontifex ad statuendam firmissimam legem de custodiendis sacris-rectis ex omni parte veris Ecclesiæ Gallicanæ libertatibus, hoc est de procuranda ad amissam Canonum observantia, negatis quibuscumque dispensationibus, nisi evidentissimâ, & urgentissimâ necessitate compellente: cum tam frequens experientia comprobaverit disciplinæ Canonicæ per dispensationes relaxationem in sanctæ Sedis injuriam converti, & ab aliis graviora sæpe inferri damna, quos ipsa majoribus profecuta est favoribus. Qui primus Ecclesiam Romanam schismate lacerare tentavit, Novatianus fuit, quocum super irregularitate dispensatum fuerat à Romano Pontifice. Qui contra Canonum præcepta quamprimum Sedem obtinuerunt (absit tamen illorum cum schismatico & hæresiarcha Novatiano comparatio) cum aliâ, cujus sunt vel pinguiores redditus, vel honores ampliores, tam facile commutant; qui ad beneficia Ecclesiastica beneficiis aut pensionibus cumulanda perpetuò anhelant; qui denique ad sanctæ Sedis potestatem recurrunt, ut extortis dispensationibus amoveant impedimenta explendis privatis cupiditatibus, à sacris Canonibus apposita: iidem certè in aliis capitibus, quæ non ita sibi commoda sunt, Romani Pontificis Primatum & auctoritatem faciliè contempserint, aut etiam impugnarint, si quid spe-

sperent aliunde. Utinam ergo Ecclesia Romana & Gallia conspiciant ad propugnandam illam libertatem Canonicam, quæ validissimum est pietatis ac religionis, imò & fidei propugnaculum, exactam scilicet **Canonum custodiam**.

7. Utinam Clerus Gallicanus **Majorum** suorum vestigiis inhærens ad arcendos errores, & ad retinendam partem illam jurisdictionis, quæ nondum ipsi ablata est, curam & operam suam potius conferat, quàm ad circumscribendam capitis sui potestatem; ne fortè, quod plerumque accidit, si ipse debet Patri suo reverentiæ desit, à filiis suis graviores patiatur contumelias. Quomodò enim Fideles juxta D. Pauli præceptum obediant, & subjacebunt Episcopis, quos supremi Ecclesiæ Pastoris partim obedientiam detrectare, partim metas ei brevissimas ponere viderint? Interest famæ Augustissimi illius Cleri, ut quod ab aliquibus ex ipso adversus summum Pontificem pro illorum juribus contendente gestum est, ab aliis, qui nec mandatum nec consensum præstiterant, minimè ratum habeatur; sed ab omnibus potius oblivioni mandetur.

8. Maximi etiam interest gloriæ Regis Christianissimi, ne prædictorum Antistitum declarationi patrocinetur. Cum enim de constanti non solum retinendæ, sed etiam propugnandæ fidei Catholicæ, atque Ecclesiæ proposito sibi certo conscius sit, ejusque illustria edat argumenta, cur eam voluntatem, aut voluntatis constantiam in suspensionem publicam vocet, significans se doctrinam illam timere, quæ Reges & Principes fidei aut Ecclesiæ hostes, emendationis incapaces, per temporales pœnas ad officium suum reduci per Ecclesiam posse tradit?

9. Sed possentne Princeps tantâ sapientiâ præditus non advertere, ex Cleri sui sententia plus periculi, si non sibi, nimirum potentissimo, saltem suis successoribus, quàm Romanis Pontificibus imminere? Nemo enim Catholicus dubitat potestatem B. Petri, ejusque successorum à Christo Domino immediatè oriri, atque adèò, ut ait Nicolaus I. epist. 8. *Privilegia istius Sedis vel Ecclesiæ, perpetua sunt, Divinitus radicata atque plantata sunt, impingi possunt, transferri non possunt, trahi possunt, evelli non possunt*: Si ergo summum Pontificem à Christo constitutum omnium fidelium Pastorem & Rectorem, ejusque Vicarium immediatum deponi à Concilio generali posse admittamus, multò facilius Regem à Comitibus generalibus exautorari posse concedendum erit,

## §20 TRACTATUS DE LIBERTATIBVS, &c.

est, eius nominis mediâ à Deo Principatum obtineat; Nam quantumcumque protestentur moderni, se in tuto positam censere Regiam Dignitatem non defuerunt etiam Gallicani Scriptores, qui assererent, Monarchiam illius Regni esse Aristocratiam temperatam; idque de facto patuisse, quando Regnum ad alienas familias translatum est, contemptis propinquioribus Regum defunctorum Cognatis; nec ulla potest verisimilis ratio discriminis assignari, quæ in Papæ validius, quàm in Regis favorem non militet, si æquâ lance pendatur.

10. Ita senserunt etiam Regum adversus Summos Pontifices defensores, v. g. Jacobus Almains, qui tract. de Autoritate Ecclesiæ cap. 1. tertium hoc corollarium statuit; *Tota communitas potestatem habet super Principem ab ea constitutum, quæ cum (si non in adificationem sed in destructionem politia regat) deponere potest, alias non esset in ea sufficiens potestas se conservandi; & ista potestate communitas quondam usæ Regem suum deposuit: non tam pro criminibus, quàm pro eo quod tanto regimini inutilis esset, &c.*

11. Omnium denique Fidelium paci & quieti expedit, ne de supremi Pastoris sententia dubitare doceantur, ac tanquam parvuli fluctuantes circumferantur omni vento doctrinæ, donec suborientes fortè fidei quæstiones generalis Concilii, quod vix post unum aut alterum sæculum celebrandum sperent, irreformabili iudicio fuerint definitæ, aut communi disperforum per mundum universum Prælatorum, quorum suffragia rescire difficile, conciliare difficilior sit, consensu diremptæ.

12. Et quicumque viderit vel audierit, quod Rex & Episcopi apostolica Sedis Summum Pontificem obaudiunt, & honorant, & promptius, & humiliter eis subiecti sui obediunt. Hincmarus epist. ad Nicol. Pap. quæ est 17. tom. 2. edit. Sirm.

13. De illis, qui ut Summum Pontificem ab executione Canonis Concilii generalis Lugdunensis regaliâ extendere prohibentis deterreant, odiosam quam confutare conati sumus, doctrinam importunè objicient, oportunè dicet Innocentius XI. cum Paschali 2. epist. 6. quæ est ad Archiepiscopum Poloniæ; *Numquid hæc nos commodi nostri professione requirimus, & non unitatis Catholica statuiamus firmamentum? Possunt Apostolicam Sedem contemnere, possunt adversum nos calcaneum elevari, datum à Deo privilegium evertere vel auferre non possunt, quo Petro dictum est, Tu es Petrus & super hanc Petram ædificabo Ecclesiam meam: Et: Tibi dabo claves Regni Cælorum.*

F I N I S.



# I N D E X

## R E R U M   N O T A B I L I U M.

### A.



Academia Parisiensis Libertatum Ecclesiarum Gallicanarum propugnatrix, *pag. 128.*

*u. 5. & seqq.* Magna ejus autoritas, & zelus, *pag. 129. u. 6. & pag. 603. m. 23. & 23.* Quâ ratione ab antiquiori erga sanctam Sedem observantia deflexerit, *pag. 129. u. 7. & seqq.* Antiquis Canonibus in suorum Doctorum favorem derogari curavit. Itaque ex ejus autoritate Libertas Ecclesiarum Gallicanarum in exacta Canonum observatione non est reponenda, *pag. 130. n. 11.*

Adriani VI. *autoritas* circa infallibilitatem Papæ, *pag. 458. n. 16.*

Ægydii Bituricensis laus, *pag. 604. n. 2.* Non est Autor quæstionis inter vindicias Richerianas editæ, *pag. 604. m. 3. & 4.* Principes subjecit Ecclesiarum in temporalibus, *pag. 605. n. 5.*

Africanæ Ecclesiæ sententia de appellationibus ad sanctam Sedem, *pag. 561. n. 16.*

Antiquitas veneranda, & ab ea sine necessitate non recedendum, *pag. 53. n. 1. & seqq.*

Apostoli duplici potestate præditi. Apostolica & Episcopali: huic tantum succedunt Episcopi, *pag. 522. n. 1.*

Apostoli jurisdictionis Ecclesiasticæ dispensatores, *pag. 478. n. 3. & pag. 512. n. 1. & seqq.*

Apostoli Orbis terrarum Provincias in-

ter se diviserunt, fide, & moribus Christianis imbuendas, *pag. 477.*

*u. 1.* Illa divisio non præjudicavit Monarchatui B. Petri, *ibidem n. 2.*

Appellari à Judicibus electis ad Papam, *pag. 113. n. 4. & seqq.*

Appellari non debent Principes in causis Ecclesiasticis, *pag. 713. n. 3. & seqq. & pag. 775. n. 4.*

Appellatio ab abusu non interponenda, nisi, ad summum, ubi jurisdictio Regia usurparetur, *pag. 805. n. 6.*

Appellationes ab abusu jurisdictionis Ecclesiasticæ parum profunt, plurimum nocent, *pag. 810. n. 8.*

Appellationes ab abusu non approbant summi Pontifices, *pag. 778. n. 9. & pag. 810. n. 9.* Neque Concordata, *pag. 779. n. 10.* Neque Episcopi, *pag. 773. n. 11. & 779. n. 11.*

Appellationes ab abusu simplicibus similes, *pag. 795. n. 9. & pag. 796. n. 1.*

Appellationes ab abusu tollere quàm difficile sit, *pag. 762. n. 11. & pag. 801. m. 9. & 10.*

Appellationes tamquam ab abusu origo libertatum Ecclesiæ Gallicanæ secundum Richerium, *pag. 753. n. 1. vel earum pars secundum Fevretum, ibid. n. 2.*

De Appellationibus à Summo Pontifice ad Concilium, *pag. 640. n. 3. & seqq.*

Appellationum ab abusu definitio, *pag. 754. n. 1. & seqq.* Earum origo, *pag. 755. n. 5. & seqq. & 774. m. 1. 2. & 3.* Earum progressus, *pag. 758. cap. 2. per totum.* Quàm sint periculosa

M m m m m cu

# INDEX RERUM

culosa Judicium, & inutiles partium  
conscientiar, pag. 766. cap. 4. per to-  
tum, in immensum excrescunt, pag.

789. n. 1.

Appellationum ab abusu encomia ridi-  
cula, pag. 796. n. 10

Appellationum ab abusu iniustitia, pag.

753. cap. 1. per totum, pag. 769.

cap. 5. per totum, pag. 798. n. 4. &

seqq. pag. 802. n. 1. & seqq. 808. n. 1.

& seqq. & 814. n. 7. & seqq. & pag.

778. n. 8.

Appellationibus ab abusu cur viriliter  
ac mature non obstitit Ecclesia, pag.

797. n. 1. & 3.

Appellatur ad Papam, non ab ipso, pag.

282. à n. 1. ad 13. & pag. 288.

n. 4.

Appellationes ad Sæculares in causis  
Ecclesiasticis, quomodo probaverit

Gerfonius, pag. 776. n. 6. & 7

## B.

**B**alufius Ecclesiasticæ Jurisdictioni  
parum æquus, in Regiam nimis pro-

pensus, pag. 719. cap. 2. 10. 11. &

12. præsertim pag. 719. n. 2. pag. 731.

n. 7. & pag. 735. n. 4.

Baronius defenditur contra Balufium,

738. n. 1. & seqq.

Bellarmini persona, & doctrina de-  
fenduntur contra Launoium, pag.

132. n. 1. & 2. & pag. 238. capp. 6.

& 7.

Beneficia quàm cautè conferenda, pag.

363. n. 9.

De Beneficiariis causis an legitimè cog-  
noscant Judices sæculares in Gallia,

pag. 658. n. 2. & seqq. ad finem capi-

tuli, & pag. 668. n. 11.

Beneficiorum pluralitas in Gallia fre-  
quens, & noxia, pag. 362. n. 5

Bonifacii VIII. cum Philippo IV. Fran-

corum Rege contentio, pag. 606. n. 6.

& seqq.

Bonorum Ecclesiasticorum dominium  
non est penes Beneficiarios, pag. 351.

n. 1. & seqq.

## C.

**C**anones antiqui alii ad Galliam nuli-  
atenus pertinent: alii neque in

Gallia, neque alibi observantur:

alii alibi perinde atque in Gallia vi-  
gent, aliorum executionem impe-

dirent Curie sæculares vel etiam

Prælati Ecclesiastici, pag. 36 n. 8

Canones antiquos non soli Galli ob-  
servant, pag. 34. n. 2. sed etiam alii

v g. Hispani. Ibidem n. 3. & 4

accuratius Ecclesia Romana. Ibidem

n. 5.

Canones VIII. Synodi utrum ab Episco-  
pis Gallicanis recusati fuerint, &

quare, pag. 122. n. 2. & seqq.

Canones non à Principibus, sed ab Epif-  
copis condendi, pag. 771. n. 6

De Canonibus Apostolorum, eosque  
non esse fundamenta libertatis Ec-

clesiæ Gallicanæ, pag. 19. cap. 7. per

totum.

Canonibus Papa quo sensu deroga-  
re non possit, pag. 562. n. 17. &

seqq. pag. 577. n. 19. & pag. 582.

n. 9.

Canonibus præsertim Conciliorum ge-  
neralium maxima debetur reveren-

tia, pag. 55 n. 8. & seqq.

A Canonum observatione sine gravi  
necessitate non recedendum, pag.

134. n. 10.

Capitularium Regum Francorum au-  
toritas, pag. 33. n. 5. & 6. Plurima

ex illis obsoleta, Ibidem n. 7. & 8.

Non sunt fundamenta Libertatis Ec-

clesiæ Gallicanæ, pag. 34. n. 8

Ca

# NOTABILIUM.

Carolus Calvus Lotharii Australiæ Regis defuncti Regnum occupat favente Hincmaro Remensi, renitente Adriano Pontifice, *pag. 115. n. 4. & seqq.*

Causæ majores quot modis dicantur, *pag. 332. n. 2.* Prima illarum cognitio ad S. Sedem pertinet, *pag. 333. n. 3. & seqq. usque ad finem capitis.*

Causæ quando sunt majores, & in aliis casibus Romæ judicari possunt, *pag. 338. cap. 6. per totum.*

Censurarum usus moderandus, *pag. 178. n. 10.*

Chorepiscopi an potuerint ordines conferre, *pag. 512. n. 9.*

Citationis necessitas, *pag. 346. n. 1. & seqq.* Ejus forma, *pag. 347. n. 5. & 6.*

Commendarum usus frequens in Gallia, ejusque periculum, *pag. 360. n. 2. & 3.*

Clemens IV. Papa mirum in modum à carnali erga propinquos affectu alienus Clerico nepoti tres Præbendas habenti duas abstulit, *pag. 48. n. 22.*

S. Clementis Epistola ad Corinthios, *pag. 395. n. 14.*

De Codice Canonum Ecclesiæ universalis: quodque non sit unicum fundamentum libertatis Ecclesiæ Gallicanæ, *pag. 14. cap. 5. per totum.*

De Codice Dionysii exigui; & quod non sit unicum fundamentum libertatis Ecclesiæ Gallicanæ, *pag. 17. cap. 6. per totum.* Non complectitur omnes Canones, neque omnes Decretales antiquiores, *pag. 22. cap. 8. per totum.*

Codicem specialem habuit olim Ecclesiæ Gallicana, *pag. 29. n. 1. 2. & 3.* Quid continebat ibidem *n. 4.* Sed maxima collectionum varietas, ideoque sine auctoritate publica ibidem

*nam. 5.* Ejus Canones Romani non commendabant, *pag. 30. n. 6. & 7.* Quis fuerit ille Codex, ambigitur, quia non extat ibidem *n. 8.* Ejus Canones Canonibus Conciliorum Generalium in Codice Ecclesiæ Romanæ contentorum inferiores, *pag. 35. n. 9. 10. & 11.* Ideoque venerandi sunt illi Canoncs, non tamen prætextu libertatis Canonibus Conciliorum Generalium aut Decretis Summorum Pontificum antepondi ibidem *n. 12.*

Concilia Generalia convocare ex auctoritate non pertinet ad Principes seculares, *pag. 224. cap. 3. per totum.* & *pag. 601. m. 18. 19. & 20.* Cur ea olim convocaverint, *pag. 128. cap. 4. per totum.*

Concilium Generale octavum antiquioribus Canonibus in hæsit, *pag. 122.*

Concilii Constantiensis Decreta dubiæ auctoritatis, aut de tempore Schismatis intelligenda, *pag. 287. 1010 cap. 15.*

Conciliorum Generalium Congregationi obicem ponunt, qui illa Summis Pontificibus præponunt, *pag. 216. n. 2. & 3. pag. 284. n. 8. & pag. 295. n. 10.*

Conciliorum Generalium convocatio fieri debet à Romano Pontifice, quando is certus, & indubitatus est, *pag. 233. & seqq. usque ad pag. 261. & pag. 578. n. 21.*

Concilia Generalia non præjudicant infallibilitati Papæ, *pag. 445. n. 10. & seqq. pag. 460. n. 3. & pag. 461. n. 6. & seqq.*

Conciliorum Generalium definitionibus qua ratione S. Gregorius sicut Evangelii crederet, *pag. 564. n. 21.* Et universim quomodo ea sequi debeant Pontifices, *pag. 565. n. 23.*

Conciliorum Generalium utilitas, &

Mmmmm 2 ne

# INDEX RERUM

- necessitas, etiamſi Papa in deciden-  
dis fidei quæſtionibus inſallibilis ſit.  
[pag. 443. n. 3. & ſeqq. & pag. 570.](#)  
[n. 8. & ſeqq.](#)
- Concilium Baſilienſe caret autoritate,  
[pag. 396. nu. 11. & 12.](#)
- Concilium Generale in propoſitione  
Cleri Gallicani, atque ad id plerum-  
que in hoc tractatu intelligendum  
eſt, à quo abſt. Summus Pontifex,  
[pag. 317. n. 6.](#)
- Concilium Generale quid ſit ex ſen-  
tentia Gallorum definiri non poteſt, aut  
ejuſ Congregationis impoſſibilis, [pag.](#)  
[219. n. 3. & ſeqq. uſque ad finem ca-](#)  
[pituli.](#)
- Concilium Hieroſolymitanum, de quo  
actuum [15.](#) cujuſmodi fuerit, [pag.](#)  
[560. n. 15.](#)
- Concilium ſeu Synodus particularis,  
quomodo ſe habeat ad Episcopos in  
Eccleſiarum particularium regimine,  
[pag. 550. n. 12. & ſeqq.](#)
- Concilium Sede Pontificià vacante quid  
poſſit, [pag. 395. n. 8.](#)
- Concilium Tridentinum cur ægrè re-  
ceptum in Gallia, [pag. 361. n. 3.](#)
- Concilium Tridentinum obligat in Gal-  
lia, [pag. 643. nu. 11. & 12. & alia](#)  
Concilia, [ibidem nu. 13. & 14.](#)
- Conſuetudo non eſt cauſa, ſed ſignum  
jurisdictionis, [pag. 502. n. 5.](#)
- Conſtantineſis quo ſenſu ſe dicebat Epiſ-  
copum, [pag. 581. n. 6.](#)
- Curati non habent vocem definitivam  
in Conciliis, [pag. 596. n. 6.](#)
- Curatorum ſeu Parochorum juris-  
dictio, licet ordinaria, non eſt à  
Deo proximè, [pag. 531. nu. 5. 6. &](#)  
[7. pag. 596. nu. 6. & 7. & pag. 599.](#)  
[nu. 13.](#) Jure divino eſt ſubordinata  
Episcopali, [pag. 532. nu. 8.](#) Depen-  
det à Papa, [pag. 533. nu. 13. &](#)  
[14.](#)
- S. Cyprianus ante contentionem cum

S. Stephano Summi Pontificis au-  
toritatem agnovit, [pag. 405. n. 4.](#)  
[& ſeqq.](#) Poſt ortam contentionem  
Pontificiam autoritatem nimium de-  
preſſit, [pag. 407. n. 8. & ſeqq.](#)

## D.

- D**efinitio eſt principium omnis  
cognitionis certæ de qualibet  
re, [p. 1. n. 1.](#)
- Derogari Decretis Conciliorum Gene-  
ralium circa fidem neque ab alio  
Concilio, neque à Papa poteſt, quod  
tamen ſuperioritatem non arguit,  
[pag. 218. n. 7.](#)
- Diſpenſare poteſt Papa ſuper Canoni-  
bus Conciliorum Generalium, [pag.](#)  
[218. n. 7. & pag. 576. n. 17.](#)

## E.

- E**cceſia aliquando pro Paſtoribus  
ſeorſim, aliquando pro ovibus,  
aliquando pro utriſque ſimul acci-  
pitur, [pag. 7. n. 5.](#)
- Eccleſia eſt ſtatus Monarchicus, etiam  
in ordine ad caput viſibile, [pag. 545.](#)  
[cap. 2. per totum.](#)
- Eccleſia etiam repræſentative ſumpta  
inſallibilis, [pag. 267. nu. 1. & 2.](#) variè  
repræſentari poteſt, [pag. 268. n. 4.](#)
- Eccleſia improprie dicitur ſuppoſi-  
tum, ſaltem niſi cum illa intelligatur  
Spiritus ſanctus, [pag. 536. n. 4.](#)
- Eccleſia jurisdictionem ſuam tueri de-  
bet, [pag. 788. nu. 11. & 12.](#)
- Eccleſiæ politia quo in ſenſu dicatur  
aristocratico regimine temperata,  
[pag. 549. n. 10. & ſeqq. & pag. 597. n. 8.](#)
- Eccleſia quo ſenſu non habet gladium  
materiale aut territorium, [pag. 589.](#)  
[n. 1. & ſeqq.](#)

# NOTABILIUM.

Ecclesia quomodo infallibilis, pag. 293.  
nn. 4. & 5.

Ecclesia Gallicana dum pro libertate  
sua contra Curiam Pontificiam se-  
cularem potestatem implorat hu-  
jus serva evadit, pag. 51. nn. 6.  
8. 9.

*Ecclesia Gallicana* nomen equivocum  
est, ideoque fallaciter aliquando  
usurpatur, pag. 7. n. 6

Ecclesia Gallicana una dici potest, licet  
intra se unum caput spirituale non  
habeat, pag. 8. n. 7

Ecclesie appellantur etiam Congrega-  
tiones particulares fidelium sub suo  
capite, pag. 7. n. 4

Ecclesie D. finitio, pag. 7. n. 1. pag.  
545. n. 1. & seqq. pag. 556. n. 7.

In Ecclesie definitione merito fit men-  
tio ejus Capituli, pag. 6. nn. 2. & 3.  
Ecclesie Gallicane à B. Petro, vel ab  
ejus successoribus fundata, pag. 423.  
n. 4 & 5.

Ecclesie Gallicane cum Romana con-  
junctio magnam Gallie gloriam pe-  
perit, pag. 815. n. 1

Ecclesie Gallicane non obijciuntur  
antiquæ Decretales, pag. 128. n. 13

Ecclesie Gallicane tempore Caroli  
Martelli miserandus status, pag. 32.  
n. 1. Ei mederi studet Princeps

Carlomanus, annuente Zacharia  
Pontifice, pag. 32. n. 1. & Pippi-  
nus, pag. 33. n. 2. Efficacius Ca-  
rolus Magnus, ibidem. n. 3. & Ca-  
rolus Magni successores, ibidem. n. 4.

Ecclesie nomine Pastores intelligun-  
tur in illis verbis Christi, *dic Ec-*  
*clesia*, pag. 538. n. 6 Etiam si ju-  
diciis Episcoporum intersint reliqui  
fideles, pag. 539. n. 7

Ecclesiarum dignitas non pendet à dig-  
nitate Urbium, pag. 482. n. 5. &  
seqq. pag. 489. n. 3.

Ecclesiarum dignitas per Summos Pon-

tifices vindicata, pag. 484. n. 9. &  
seqq. pag. 518. nn. 7. & 8.

Ecclesiastica dignitas non pendet à  
Principibus, pag. 420. n. 5

Emerius Episcopus Sanctonensis in  
exilium crudeliter missus, pag. 717.  
n. 4.

Episcopi quomodo à Spiritu Sancto  
positi ad regendam Ecclesiam Dei,  
pag. 526. n. 4.

Episcopi sine plebe an creari possint,  
pag. 508. n. 1. & seqq.

Episcopi ad Tribunalia secularia de  
propriis judiciis respondere cogun-  
tur, pag. 801. n. 14

Episcoporum correctio præsertim cum  
depositione, injustè à Principibus  
usurpata, pag. 698. n. 7. & seqq. ad  
finem capituli.

Episcopi Gallicani Libertates suas  
Summo Pontifici libertatem Galli-  
canarum Ecclesiarum defendenti op-  
ponunt, pag. 146. n. 1. Eorum declara-  
tio nequaquam necessaria, pag. 147.  
nn. 4. 5. An legitima fuit illorum  
Congregatio, pag. 148. n. 8. & seqq.  
Non erant Judices competentes ma-  
terix ab ipsis definitæ, pag. 150. n. 1.  
& seqq. Eorum propositiones vel  
falsæ, vel longè minùs probabiles,  
pag. 152. n. 7. & seqq.

Episcopi non possunt Ecclesiis suis  
præjudicare, pag. 490. n. 7.

Epistolæ Decretales antiquiorum Pon-  
tificum inter utrumque Hincma-  
rum controversæ, pag. 25. n. 1. Ar-  
gumenta falsitatis illarum, ibidem.  
n. 2. & seqq. pag. 572. n. 14. Cur &  
quomodo illas defendentibus obsti-  
terit Nicolaus I. pag. 27. n. 8. pag.  
572. n. 11. Receptæ in Gallia, ibidem  
nn. 9. & seqq.

Excommunicatio quantum metueba-  
tur olim in Gallia, pag. 619. n. 10.  
& seqq.

M m m m m 3.

Ab

# INDEX RERUM

Ab excommunicatione non possunt  
eximere Judices secularis, *pag. 633.*  
*cap. 4. per totum.*  
Excommunicationem diligendam do-  
cebat Lutherus, *pag. 598. n. 13*  
Exempla qualia esse debeant, ut ex illis  
jus queat inferri, *pag. 100. cap. 1. per*  
*totum.*  
Exemptiones concedi à Papa possunt,  
*pag. 323. n. 13. & seqq.*

## F.

**F** Evretus leges Ecclesiasticas Sena-  
tusconsultis impugnat, *pag. 145. n.*  
*12. & pag. 789. n. 1. & seqq.*

## G.

**G** Allia Regularia Beneficia Gallis  
non regularibus conferri voluit,  
non alienigenis, *pag. 360. n. 2*  
Gallia cum Ecclesie decretorum arbi-  
tram sese constituit, erroris & schis-  
matis periculo sese committit, *pag.*  
*43. n. 10.*  
In Gallia Clerici frequentes apud Tri-  
bunalia secularia, non sine multis  
incommodis, *pag. 726. n. 6.*  
In Gallia plaris fieri videtur Regis  
ad Beneficia nominatio, quàm Pa-  
pæ institutio, *pag. 730. n. 3. &*  
*seqq.*  
Galliz erga Summum Pontificem re-  
verenti, *pag. 314. n. 1. & seqq. pag.*  
*575. n. 15. Imminuta, pag. 316.*  
*n. 6. pag. 364. n. 1. & seqq.* Ejus in-  
fallibilitatem agnovit, *pag. 417. n. 3.*  
*& seqq. periculum n. 12. & 13. nec-*  
*non cap. 11. per totum, & pag. 438.*  
*n. 3. & seqq. pag. 465. n. 12. & seqq.*  
Galliz Reges an auctoritatem habeant  
circa Concilia, & Canones, *pag. 638.*

*n. 4. & seqq. & pag. 690. cap. 2.*  
*& 3.*  
Galliz Reges Episcopis juramenta  
præstare soliti, *pag. 646. n. 3*  
Galliz Reges & eorum Officialis ob-  
noxios esse Censuris, *pag. 626. cap. 3.*  
*per totum, & 716. n. 1. & 2.*  
Galliz Reges negotia Ecclesiastica non  
solâ suâ auctoritate, sed cum Epis-  
coporum consensu, & tanquam de-  
fensores Ecclesie tractabant, *pag.*  
*746. cap. 12. per totum.* Etiam ne-  
gotia temporalia, *pag. 749. n. 9.*  
Galliz Reges Papæ jurisdictionem circa  
Episcoporum crimina agnoscunt,  
*pag. 674. n. 8.*  
Galliz Reges quo jure condiderint  
Capitularia circa res Ecclesiasticas,  
*pag. 734. cap. 10. 11. 12.*  
Ad Galliz Reges quo jure pertineat  
Episcoporum nominatio, *pag. 731.*  
*n. 7. & seqq.*  
Galliz Regibus præjudicat declaratio  
Cleri Gallicani, *pag. 819. n. 8. &*  
*seqq.*  
Galliz Scriptores quamplurimi Sum-  
mi Pontificis auctoritati parùm fa-  
vent, *pag. 683.* Aliqui Regi nimium,  
cum periculo fidei, *pag. 816. n. 3*  
Gersonius primus ex Theologis Ca-  
tholicis Summum Pontificem Con-  
cilio generali inferiorem, & errori  
obnoxium esse docuit, *pag. 131.*  
*n. 1.* Cur plures Sectatores haberit  
in Gallia, *pag. 132. n. 3. pag. 134.*  
*n. 1.* Quanta sit ejus auctoritas, *ibi-*  
*dem n. 4.* Cur sanctæ Sedis juribus  
parùm faverit, *ibidem n. 5.* A suo  
zelo longius quàm par erat adversus  
Summos Pontifices, & Principes po-  
liticos abreptus, *pag. 133. n. 6. &*  
*7. Canonibus derogandum censabat.*  
*ibidem, n. 8.*  
S. Gregorius I. cur potuerit legem  
Mauritii promulgare, non autem  
Gre-

# NOTABILIMUM.

Gregorius II. Epistolas Leonis **Isauri**  
Regibus Occidentis intimare, *pag. 207. nm. 10. & 11.*

## H.

**H**eretici quâ autoritate puniendi,  
*pag. 666. utrique Monarchiæ in-*  
*fensi. pag. 148. n. 7*

**Hincmarus** Remensis Pontificibus, qui-  
buscum illi res fuit, virtutibus in-  
ferior, *pag. 106. nm. 2. Ejus artes*  
*adversus Clericos ab Ebbone ordina-*  
*tos. pag. 108 n. 6. Rothaldum Ep-*  
*piscopum Suevionem infestatur,*  
*pag. 110. cap. 4. per totum. Canones*  
*dum sibi favent servandos contendit,*  
*pag. 117. nm. 2. & seqq. Illos Decre-*  
*talibus Summorum Pontificum qua*  
*ratione anteponeret. pag. 118. nm. 4.*  
*& seqq. Canonibus in suum com-*  
*modum derogari à S. Sede curabat,*  
*pag. 120. n. 7. & seqq. Decretorum*  
*S. Sedis executionem impediēbat,*  
*pag. 718 nm. 5.*

**Hincmarus** Laudunensis procurante  
Remensi deponitur, *pag. 114. n. 1.*  
restituatur à Joanne VIII & ei licet  
Cæro Missam celebrare permittitur,  
*pag. 115. n. 2.*

**Honorius I.** Papa defenditur, *pag. 453.*  
*n. 1. & seqq.*

## I.

**I**nsalubilitas quomodo conveniat Ec-  
clesiæ. *pag. 552. cap. 3. per totum.*  
**Innocentii XI.** ad repellendos Turcas  
liberalitas, *pag. 357. n. 6. pag. 359*  
*n. 11. Libertatem Ecclesiarum Gal-*  
*licanarum defendens impeditus à*  
*Cleri Gallicani Episcopis, pag. 146.*  
*n. 7. pag. 472. n. 1. Quid eis respon-*

dere possit, *pag. 420. n. 13*  
**Innocentius III.** quomodo timuerit  
sibi à Concilio Generali, *pag. 307.*  
*n. 8. & seqq.*

Inquisitionis tribunal non satis vene-  
rantur Galli, *pag. 667 nm. 8. & 9*  
**Joannes XXII.** non declaravit animas  
nonnisi post judicium finale Deum  
intuitivè visuras, *pag. 456. nm. 10.*  
*& 11.*

Judices Ecclesiastici an debeant servare  
ordinem à Legibus præstitutum, *pag.*  
*792. n. 4. & seqq.*

Judices sæculares de causis Ecclesiasticis  
cognoscentes non excusantur ob par-  
tium consensum, *pag. 673. n. 6. &*  
*pag. 806. n. 9. Neque ob Concordat-*  
*ta, pag. 774. n. 1*

Judicis Ecclesiastici, non sæcularis est,  
injuriarum à Clericis illatas reparare,  
*pag. 724. n. 1. & seqq. & pag. 782*  
*nm. 3*

Judices Ecclesiastici suam jurisdic-  
tionem tueri possunt, *pag. 784. n. 2.*  
*& seqq.*

Judices Sæculares non possunt ab ex-  
communicatione liberare, *pag. 633.*  
*cap. 4. per totum. Non possunt legi-*  
*timè impedire executionem litterarum*  
*Apostolicarum. pag. 637. nm. 2.*  
*& 3. Circa indulgentiarum publi-*  
*cationem abusus corrigere non ip-*  
*sorum, sed Ecclesiæ est, pag. 658.*  
*nm. 1.*

Judicarii ordinis partes earumque ne-  
cessitas, *pag. 344. nm. 8. & 9*

Judiciarius ordo quatuorplex sit, *pag.*  
*342. n. 1. An & quando prætermitti*  
*possit à Summo Pontifice, pag. 342.*  
*n. 2. & seqq.*

**Julius II.** defenditur adversus Lau-  
noium, *pag. 456. n. 12.*

Jurisdicção data discipulis, etiam divi-  
sivè, *pag. 539. nm. 8. & seqq. Ju-*  
*risdictio à missione discipulorum*  
*di-*

# INDEX RERUM

distincta, [pag. 539 n. 8](#)  
 Jurisdictio Ecclesiastica non est data  
 primario Ecclesie, & ministerialiter  
 tantum Summo Pontifici, [pag. 535.](#)  
[cap. 1. per totum, pag. 558. n. 10.](#) &  
[segg.](#) Licet primario data sit propter  
 Ecclesiam, tamquam propter finem  
[pag. 537 n. 5 pag. 538. n. 18.](#)  
 Jurisdictio Ecclesiastica quid sit, & quo-  
 modo à potestate Ordinis differat,  
[pag. 473. cap. 1. per totum.](#)  
 Jurisdictio Episcoporum ab Apostolis  
 ordinatorum limitata, [pag. 478. n. 4](#)  
 Jurisdictio Episcoporum est à Christo  
 immediate, si consideretur absolu-  
 te, [pag. 503. n. 3.](#) Non autem ejus  
 propagatio, [pag. 503. n. 4. per totum](#)  
[caput, ac sequitur sequentia.](#)  
 Jurisdictio liberius confertur, quàm  
 aufertur, [pag. 527. n. 6](#)  
 Jurisdictio Patriarcharum est à Sede  
 Apostolica, [pag. 515. n. 4](#)  
 De Jurisdictione contentiones ex con-  
 suetudine dirimuntur, [pag. 499 cap.](#)  
[2. per totum.](#)  
 Jurisdictionem Clericorum Episcopis  
 inferiorum non esse proximè à Deo,  
[pag. 530. n. 1. & segg.](#)  
 Jurisdictioni Papæ subordinatæ sunt  
 alie, [pag. 479 nu. 5. & segg. pag.](#)  
[515. n. 4. & segg.](#) Illius subordina-  
 tionis signa, [pag. 486. nu. 14. &](#)  
[segg.](#)

## L.

**L** Auvouis Papæ autoritati parùm  
 æquus, [pag. 138. n. 1. pag. 141.](#)  
[n. 9. pag. 297. n. 1. pag. 304 n. 1.](#)  
 Ejus autoritatis defensoribus infen-  
 sus, [pag. 138. n. 2. pag. 245. n. 5.](#)  
[pag. 250. n. 10.](#) Perperam interpre-  
 tatur Decretum Concilii Tridentini  
 de Scripturæ interpretatione, [pag.](#)

[139. n. 4. & pag. 243. n. 1.](#) Adver-  
 sarios suos bonâ fide non impugna-  
 vit, [pag. 142. nu. 10. & 13. pag. 245.](#)  
[n. 5. pag. 247. n. 7.](#) Abutitur illa ro-  
 gula, in rebus Theologicis non nisi  
 Scriptura, & Traditione agendum,  
[pag. 139. nu. 3. 5. & 6 & pag. 373.](#)  
[n. 4. & 5.](#) Suam ipse regulam non  
 servat, [pag. 140. nu. 7. & 8.](#) Ridi-  
 cula est ejus ratiocinatio circa appro-  
 bationem Concilii Basileensis, [pag.](#)  
[141. n. 8.](#) Argumentatur à diversis  
 tamquam à contrariis, [pag. 140 n.](#)  
[7. pag. 243. nu. 2. pag. 373. n. 5. &](#)  
[segg.](#)  
 Legati à Principibus secularibus defen-  
 dendi, [pag. 652. n. 5](#)  
 Legati à S. Sede in Africam missi, [pag.](#)  
[653. n. 6 & segg.](#)  
 Legati à S. Sede an Regia facultate in-  
 digeant in Gallia, [pag. 655. n. 12.](#)  
[& segg.](#)  
 Legati litteras Legationis suæ tenentur  
 exhibere, [pag. 651. n. 2](#)  
 Legati Principum iuribus ne officiant:  
 ne tamen eo prætextu illorum man-  
 data circa res spirituales impedian-  
 tur, [pag. 651. nu. 3. & 4](#)  
 Leges Ecclesiasticæ majoris autoritatis  
 sunt, quàm politice, [pag. 70. cap. 6.](#)  
[per totum.](#)  
 Leges Ecclesiæ à Curia secularibus non  
 recepte obligant, si justæ sint, &  
 executionem exigat Legislator, [pag.](#)  
[88. cap. 10. per totum, & pag. 93.](#)  
[n. 4. pag. 94. nu. 8. & 9.](#)  
 Leges Ecclesiæ possunt aliquando exa-  
 minari, antequam recipiantur, dum-  
 modo id cum bonâ fide, reverentiâ  
 debita, & intentione sincera fiat,  
[pag. 61. n. 6 & segg.](#)  
 Ut Lex obliget quæ requirantur, [pag.](#)  
[65. n. 7. & segg. & pag. 574 n. 13.](#)  
 Leges Ecclesiæ quæ ad fidem, & mores  
 pertinent mutari non possunt: quæ  
 ad



# NOTABILIU M.

ad disciplinam spectant variantur mutatis circumstantiis, *pag. 60. nm.*

1. & 3.

In Legibus condendis quid observandum, *pag. 61. n. 4. pag. 65. n. 8.*

Legi cujus dubia est iustitia, parendum *pag. 84. toto cap. per totum.*

Legum mutatio incommoda, *pag. 54. n. 5. & periculosa, pag. 55. n. 6. aliquando tamen necessaria, pag. 57. cap. 2. per totum.*

Leo IV. an se iudicio Imperatoris submisit, *pag. 786. nm. 8. & 9.*

Lex iniusta non obligat, *pag. 63. n. 1. pag. 64. n. 5.*

Liberius Papa defenditur, *pag. 454. n. 7. & seqq.*

Libertas Ecclesie Gallicane definitur, *exactly juris antiqui observatio, pag. 10. n. 1. & seqq.* Illa definitio est obscura,

*pag. 13. n. 2. & pag. 34. n. 1.* est manca *pag. 14. n. 4. pag. 34. n. 2.*

*& seqq.* non convenit suo definito, *ibidem nm. 5. & 6. & pag. 35. n. 7.*

*pag. 36. nm. 8. & 9.*

Libertas Ecclesie Gallicane odiosa, quia ferè non nisi Summo Pontifici opponitur, *pag. 3. n. 2. pag. 39. n. 6.*

Libertas Ecclesie Gallicane odiosa, quia hoc nomine plurimi abusus insigniuntur, *pag. 3. n. 3.*

Libertas Ecclesie Gallicane natura, species, & fundamenta non satis à Gallis explicata, *pag. 4. n. 6.*

Libertas Ecclesie Ordinem ad Religionem indicat, *pag. 9. n. 2.*

Libertas Ecclesiastica est immunitas rerum, locorum, & personarum Deo specialiter consecratarum, *pag. 9. nm. 10. & 11.*

Libertates Ecclesie Gallicane congruentius definirentur arbitrium ex antiquis Canonibus retinendi, & ex novis admittendi ea, quæ videntur utilia, *pag. 32. n. 7.*

Libertates Ecclesie Gallicane in pragmatica sanctione repositæ, *pag. 50. nm. 3.*

Ad Libertates Ecclesie Gallicane pertinet jus novum, *pag. 37. n. 1. & seqq.*

Libertates Ecclesie Gallicane ad rejiciendos etiam Conciliorum Generalium Canones adhibentur, *pag. 122. nm. 1.*

Libertatum Ecclesie Gallicane abusus, *pag. 3. n. 3. & pag. 313. nm. 6. & 7.* improbatus Episcopis, *pag. 3. nm. 4. pag. 4. nm. 5.*

Libertatis Ecclesie Gallicane fundamenta sunt, aut tacitis Romani Pontificis consensus, aut jus non parendi legibus iniustis, *pag. 97. cap. 12. per totum.*

Libertatis nomen olim jucundum, nunc suspectum, *pag. 3. n. 1.*

Libertatum Ecclesie Gallicane origo non repetenda à Concilio Turonensi I. *pag. 40. n. 3. & seqq.* neque à Concilio Francfordiensi, *pag. 42. n. 7. & seqq.* neque à pragmatica sanctione S. Ludovici, *pag. 44. cap. 15. per totum.* Sed à schismate inter Pontifices Romanos, & Avenionenses,

*pag. 49. n. 2.* Secundum Richerium ab appellationibus tamquam ab abusu, *pag. 52. n. 10.*

Libertatum Ecclesie Gallicane prætextu plures propria querunt commoda, *pag. 750. cap. 3. per totum.*

Libertatum Gallicanarum prætextu Canones violantur, *pag. 676. n. 9. & 637. n. 9. & 717. n. 4. pag. 787. nm. 10.*

De Libertatibus Ecclesie Gallicane tractatus à Puteano collecti non in favorem Ecclesie sed Regis Christianissimi, *pag. 142. n. 2.* Eorum Auctores admodum suspecti, *pag. 143. nm. 3.*

Nnnnn

Libertas

# INDEX RERUM

- distincta, *pag. 539. n. 8*
- Jurisdicctio Ecclesiastica non est data primariò Ecclesiæ, & ministerialiter tantùm Summo Pontifici, *pag. 535. cap. 1. per totum, pag. 558. n. 10. & seqq.* Licet primariò data sit propter Ecclesiã, tamquam propter finem *pag. 537. n. 5. pag. 588. n. 18.*
- Jurisdicctio Ecclesiastica quid sit, & quomodo à potestate Ordinis differat, *pag. 473. cap. 1. per totum.*
- Jurisdicctio Episcoporum ab Apostolis ordinatorum limitata, *pag. 478. n. 4*
- Jurisdicctio Episcoporum est à Christo immediatè, si consideretur absolute, *pag. 503. n. 3.* Non autem ejus propagatio, *pag. 503. n. 4. per totum caput, ac quatuor sequentia.*
- Jurisdicctio liberius confertur, quàm aufertur, *pag. 527. n. 6*
- Jurisdicctio Patriarcharum est à Sede Apostolica, *pag. 515. n. 4*
- De Jurisdicctione contentiones ex consuetudine dirimuntur, *pag. 499. cap. 2. per totum.*
- Jurisdicctionem Clericorum Episcopis inferiorum non esse proximè à Dco, *pag. 530. n. 1. & seqq.*
- Jurisdicctioni** Papæ subordinatæ sunt alie, *pag. 479. nu. 5. & seqq. pag. 515. n. 4. & seqq.* Illius subordinationis signa, *pag. 486. nu. 14. & seqq.*
- ## L.
- L** Auniois Papæ *autoritati* parùm æquus, *pag. 138. n. 1. pag. 141. n. 9. pag. 197. n. 1. pag. 304. n. 1.* Ejus autoritatis defensoribus infensus, *pag. 138. n. 2. pag. 245. n. 5. pag. 350. n. 10.* Perperam interpretatur Decretum Concilii Tridentini de Scripturæ interpretatione, *pag. 139. n. 4. & pag. 243. n. 1.* Adversarios suos bonâ fide non impugnavit, *pag. 142. nu. 10. & 13. pag. 245. n. 5. pag. 247. n. 7.* Abutitur illa regula, in rebus Theologicis nonnisi Scriptura, & Traditione agendum, *pag. 139. nu. 3. 5. & 6. & pag. 373. n. 4. & 5.* Suam ipse regulam non servat, *pag. 140. nu. 7. & 8.* Ridicula est ejus ratiocinatio circa approbationem Concilii Basileensis, *pag. 141. n. 8.* Argumentatur à diversis tamquam à contrariis, *pag. 140. n. 7. pag. 243. nu. 2. pag. 373. n. 5. & seqq.*
- Legati à Principibus secularibus defendendi, *pag. 652. n. 5*
- Legati à S. Sede in Africam missi, *pag. 653. n. 6. & seqq.*
- Legati à S. Sede in Regia facultate indigeant in Gallia, *pag. 655. n. 12. & seqq.*
- Legati litteras Legationis suæ tenentur exhibere, *pag. 651. n. 2*
- Legati Principum juribus ne officiant: ne tamen eo prætextu illorum mandata circa res spirituales impediuntur, *pag. 651. nu. 3. & 4*
- Leges Ecclesiasticæ majoris autoritatis sunt, quàm politicæ, *pag. 70. cap. 6. per totum.*
- Leges Ecclesiæ à Curiis secularibus non receptæ obligant, si justæ sint, & executionem exigat Legislator, *pag. 88. cap. 10. per totum, & pag. 93. n. 4. pag. 94. nu. 8. & 9.*
- Leges Ecclesiæ possunt aliquando examinari, antequam recipiantur, dummodo id cum bonâ fide, reverentiâ debita, & intentione sincera fiat, *pag. 61. n. 6. & seqq.*
- Ut Lex obliget quæ requirantur, *pag. 65. n. 7. & seqq. & pag. 174. n. 13.*
- Leges Ecclesiæ quæ ad fidem, & mores pertinent mutari non possunt: quæ ad

# NOTABILIUM.

- ad disciplinam spectant variantur mutatis circumstantiis, *pag. 60. nm. 1. & 3.*
- In Legibus condendis quid observandum, *pag. 61. n. 4. pag. 65. n. 8.*
- Legi cujus dubia est iustitia, parendum *pag. 84. 100. cap. per totum.*
- Legum mutatio incommoda, *pag. 54. n. 5. & periculosa, pag. 55. n. 6. aliquando tamen necessaria, pag. 57. cap. 2. per totum.*
- Leo IV. an se iudicio Imperatoris submiserit, *pag. 786. nm. 8. & 9.*
- Lex iniusta non obligat, *pag. 63. n. 1. pag. 64. n. 5.*
- Liberius Papa defenditur, *pag. 454. n. 7. & seqq.*
- Libertas Ecclesie Gallicane definitur, *exacta juris antiqui observatio, pag. 10. n. 1. & seqq.* Illa definitio est obscura, *pag. 13. n. 2. & pag. 34. n. 1.* est manca *pag. 14. n. 4. pag. 34. n. 2. & seqq.* non convenit suo definito, *ibidem nm. 5. & 6. & pag. 35. n. 7. pag. 36. nm. 8. & 9.*
- Libertas Ecclesie Gallicane odiosa, quia serè non nisi Summo Pontifici opponitur, *pag. 3. n. 2. pag. 39. n. 6.*
- Libertas Ecclesie Gallicane odiosa, quia hoc nomine purimi abusus insigniuntur, *pag. 3. n. 3.*
- Libertatis** Ecclesie Gallicane natura, species, & fundamenta non satis à Gallis explicata, *pag. 4. n. 6.*
- Libertas Ecclesie Ordinem ad Religionem indicat, *pag. 9. n. 9.*
- Libertas Ecclesiastica est immunitas rerum, locorum, & personarum Deo specialiter consecratarum, *pag. 9. nm. 10. & 11.*
- Libertates Ecclesie Gallicane congruentius definirentur arbitrium ex antiquis Canonibus retinendi, & ex novis admittendi ca, quæ videntur utilia, *pag. 39. n. 7.*
- Libertates Ecclesie Gallicane in pragmatica sanctione repositæ, *pag. 70. nm. 3.*
- Ad Libertates Ecclesie Gallicane pertinet jus novum, *pag. 37. n. 1. & seqq.*
- Libertates Ecclesie Gallicane ad rejiciendos etiam Conciliorum Generalium Canones adhibentur, *pag. 123. nm. 1.*
- Libertatum Ecclesie Gallicane **abusus**, *pag. 3. n. 3. & pag. 313. nm. 6. & 7.* improbatus Episcopis, *pag. 3. nm. 4. pag. 4. nm. 5.*
- Libertatis Ecclesie Gallicane fundamenta sunt, aut tacitus Romani Pontificis consensus, aut jus non parendi legibus iniustis, *pag. 97. cap. 12. per totum.*
- Libertatis nomen olim jucundum, nunc suspectum, *pag. 3. n. 1.*
- Libertatum Ecclesie Gallicane origo non repetenda à Concilio Turonensi I. *pag. 40. n. 3. & seqq.* neque à Concilio Francotordienſi, *pag. 42. n. 7. & seqq.* neque à pragmatica **sanctione** S. Ludovici, *pag. 44. cap. 15. per totum.* Sed à schismate inter Pontifices Romanos, & Avenionenses, *pag. 49. n. 2.* Secundum Richerium ab appellationibus tamquam ab abusu, *pag. 52. n. 10.*
- Libertatum Ecclesie Gallicane prætextu plures propria quærent commoda, *pag. 750. cap. 3. per totum.*
- Libertatum Gallicanarum prætextu Canones violantur, *pag. 676. n. 9. & 637. n. 9. & 717. n. 4. pag. 767. nm. 10.*
- De Libertatibus Ecclesie Gallicane tractatus à Puteano collecti non in favorem Ecclesie sed Regis Christianissimi, *pag. 142. n. 2.* Eorum Auctores admodum suspecti, *pag. 143. nm. 3.*

Nnnn

Libertas

# INDEX RERUM

**Libertas Ecclesie** non est confundenda cum libertate Regni, *pag. 137. n. 2. & pag. 313. n. 5.*

**Libri subtiliorum, & audaciorum doctrinam** continentes, periculosi, *pag. 467. n. 1.*

**In Libris** prohibendis Sum. Pontificis autoritas, *pag. 467. cap. 18. per totum.*

**Librorum** malorum lectio perniciosa, *pag. 468. n. 4. & 5. & pag. 471. n. 11.*

## M.

**P.** De Marca in Tractatu de concordia, Regis Christianissimi mul-  
tò magis quàm Ecclesie causam agit,  
licet modò in hanc, modò in illam  
partem sese inflectat, ut utrique sa-  
tisfecisse videatur, *pag. 143. n. 6. &  
seqq. pag. 682. & seqq. & pag. 715.  
n. 7. pag. 717. n. 3. pag. 719. n. 7. &  
pag. 726. n. 5.* Reparavit aliquatenus  
injuriam Ecclesie illatam, *pag.  
144. n. 9. & 10.*

**Marce** autoritati nimis defertur, *pag.  
143. n. 6. & seqq. & pag. 728. n. 12.*

**Martinus** quintus legitimus Pontifex  
foret, etiam si Decreta Concilii Con-  
stantiensis essent dubie autoritatis,  
*pag. 188. n. 3.*

**Metropolitana** dignitas non semper ei-  
dem Sedi affixa, *pag. 351. n. 7.* Li-  
mitata ad certa loca, certos articu-  
los, ac certum procedendi modum,  
*ibidem n. 8.* Antiqua, non tamen  
de jure Divino, *pag. 493. n. 3.* In  
Gallia à Papa restaurata, *pag. 494. n.  
5.* A Papa pendet, *pag. 497. n. 6.  
& seqq.*

**Metropolitani** non possunt extra cur-  
sum visitationis in Diocesisbus Sus-  
fraganeorum audire Confessiones,  
aut Confessarios deputare, *pag. 351.  
n. 5.* Non procedunt ex officio, nec

ad querelam unius partis, *ibid. n. 6.*  
**Metropolitanorum** potestas ab Ecclesia  
accepta est, *pag. 350. n. 2.* Quam-  
obrem minus, vel augeri potest,  
*ibidem n. 3.* Non respicit immediatò  
Suffraganeorum subditos, *ibid. n. 4.*  
**Missa**ium & Breviariorum mutatio ad  
Ecclesiasticos superiores omnino per-  
tinet, *pag. 668. n. 12. & seqq.*

## N.

**N**icolaus I. Papa Summa sapientia  
& justitia utitur in causa Cleri-  
corum ab Ebbone ordinatorum,  
*pag. 107. n. 5. & seqq. usque ad finem  
capitis.* Rothaldum Episcopum Sues-  
sionensem opera Hincmari Remensis  
dejectum in sua Sede confirmat, *pag.  
110. n. 1.*

## O.

**O**fficiales Principum, si Clerici  
sint, à quibus & quomodo pu-  
niri debeant, *pag. 663. n. 1. & seqq.*  
**Ordinationes** Episcoporum quare Sum-  
mi Pontifices aliis permiserint, ali-  
quibus non permiserint, *pag. 494.  
n. 6. pag. 496. n. 8. & pag. 507. n.  
13. & 14.*  
**Originis** cujuslibet rei investigatio plu-  
rimùm juvat ad ejus perfectiorem  
cognitionem, *pag. 2. n. 2.*

## P.

**P**allium jurisdictionis Archiepisco-  
palis signum, *pag. 497. n. 3. &  
seqq.* Cur nonnulli Galli olim se mo-  
rosos in illo recipiendo exhibuerint,  
*pag. 496. n. 2.*

Papa

# NOTABILIMUM.

Papa à nemine judicatur, pag. 187.  
nn. 15. 16.

Papa an possit esse simoniacus, pag. 597. n. 10.

Papa condendarum pro universis Ecclesiarum partibus legum, potestatem habet, pag. 92. cap. 12. per totum. Judicium Metropolitanorum, & Episcoporum sibi potest reservare, pag. 112. n. 3.

Papa de redditibus Ecclesiasticis potest eligere sibi, & suis officialibus necessaria subsidia, p. 354. n. 7. & seqq.

Papa jurisdictionem Episcoporum libenter conservat, pag. 528. nn. 7. & 8. Et ejus interest ut conservet, pag. 519. n. 10. Debet nihilominus suam defendere, pag. 519. n. 9.

Papa non est merus executor Canonum, pag. 585. n. 12.

Papa potest exigere subsidia necessaria pro Ecclesiarum defensione contra Infideles, pag. 356. cap. 11. per totum.

Papa quomodo representet Ecclesiam, pag. 377. nn. 1. & 2. Est caput Episcoporum etiam Congregatorum, pag. 378. n. 3. pag. 584. n. 11. & pag. 586. nn. 13. & 14. Necessaria illi autoritas ob difficultatem Congregandorum Conciliorum, & subordinationem Episcoporum etiam in Conciliis, pag. 378. n. 4. & seqq. Ejus nomine edita Decreta Conciliorum etiam Generalium, pag. 180. n. 10. & seqq. & pag. 564. n. 22. Ab ipso non appellatur, sed ad ipsum, pag. 583. à numero 1. usque ad 13. & pag. 588. n. 4. Ejus dignitas, & officia erga Ecclesiam, pag. 186. n. 13. Permanentior quàm Concilium, ideoque penes ipsum autoritas respondenda, pag. 392. nn. 1. 2. & 3. Quomodo Ecclesiarum fundamentum, pag. 394. nn. 6. & 7. pag. 395. n. 9. pag. 370. n. 6. & pag. 378. nn. 18. & 19.

Papa quo sensu non possit derogare Canonibus, pag. 600. n. 16.

Papæ certo, & legitimo nunquam tota restitit Ecclesia, pag. 573. n. 12.

Papæ Episcopi libenter subesse debent, pag. 519. nn. 11. & 12.

Papæ dispensatio non est temerè damanda, aut ex privato affectu judicanda, pag. 134. n. 9.

Papæ infallibilitas probatur, pag. 368. cap. 2. & reliquis libri 7. pag. 611. n. 4. pag. 613. nn. 7. 8. & 9. & pag. 615. cap. 10. per totum.

Papæ judicium intallibile ante Ecclesiarum assensum, pag. 459. cap. 17. per totum.

Papæ judiciorum autoritas in fidei questionibus, pag. 459. n. 2. & pag. 460. n. 4. & seqq.

Papæ in constituendis Metropolitanis autoritas, pag. 423. n. 2. & seqq.

Papæ jura inconcussa, pag. 468. n. 2.

Quo animo à Scriptoribus Gallicanis impugnata, pag. 135. nn. 4. & 5.

Papæ jurisdictio in Ecclesiam Gallicanam, pag. 316. n. 5. & seqq. usque ad finem capituli. Est immediata in omnes Fideles, pag. 319. cap. 3. per totum. Immediata esse quantum ad forum internum probatur, pag. 315. cap. 4. per totum.

Papæ licet aliquando non obedire, pag. 600. n. 17. & pag. 710. n. 9.

Papæ non subjiciuntur tantùm Ecclesiarum particulares, pag. 564. n. 7. & pag. 575. n. 16. pag. 578. n. 20. & pag. 582. n. 9. Illi omnes Christiani obedire tenentur, pag. 598. n. 12. & pag. 615. cap. 10. per totum.

Papæ potestas in conferendis beneficiis, pag. 362. nn. 6. 7. 8. & 10.

Papæ potestas non esset plena, ipseque non esset Christi Vicarius immediatus, si Concilio Generali subiaceret, pag. 216. n. 4.

Papæ potestatem moderandam non docent

NONNU 2 cent

# INDEX RERUM

cent Gallicani Pontifices, sed ejus usum, quamvis & ipse à Deo solo modum accipere possit, *pag. 311. n. 1.* Ejus potestas circa Canones, etiam ex praxi Gallorum, *pag. 312. nu. 1. & seqq.*

Papæ, præsertim pietate conspicuo, circa propriam auctoritatem credendum, *pag. 428. n. 1. pag. 583. n. 17. & pag. 632. n. 1.*

Papæ quàm Concilii auctoritas in sacris litteris clariùs expressa, *pag. 264. cap. 10. per totum.*

Papæ sententiæ tam in fidei, quam in disciplinæ questionibus, cui Sancti paucissimi resistunt, ex totius Ecclesiæ consensu veritas est agnita, *pag. 463. n. 10.*

Papam Concilio Generali supponere an pertineat ad libertates Ecclesiæ Gallicanæ, *pag. 215. n. 1.* Qui supponunt, Conciliorum celebrationi ponunt obicem, *pag. 216. n. 3.*

Ad Papam recurrendum, dum injusta videntur ejus mandata, *pag. 792. nu. 2. 4. & seqq. & pag. 813. n. 2. & seqq.*

Ad Papam vocantem accedere debent Episcopi, *pag. 647. n. 6. & seqq.* Et ad ejus Legatum, *pag. 793. n. 3.*

Circa Pensiones Ecclesiasticas controversiæ à Judicibus Ecclesiasticis definiendæ, *pag. 790. n. 4.*

De Phantastico Gallie Patriarcha, *pag. 488. cap. 4. per totum.*

Patriarchatus à B. Petro vel ab ejus Successoribus constituti, *pag. 481. n. 1. & seqq. & pag. 491. nu. 2. & 10.*

Pro Petri fide Christus oravit, etiam quantum ad tempus passionem subsequens, *pag. 566. nu. 1. 2. & 4.* Et pro Petri Successoribus, *pag. 567. n. 3.*

Petrus cur eo nomine vocatur, *pag. 371. nu. 7. & B. Christi orationis pro eo efficacia, & ad ejus Successores derivatio, pag. 372. n. 1. & seqq.* Ora-

tionis illius variz, sed Pontificis auctoritati non *adverſe* interpretationes, *pag. 373. n. 4. & seqq. usque ad 17.*

B. Petrus Ecclesiam representavit tantum ejus caput, *pag. 269. n. 5. & seqq. usque ad finem caput.* Erat superior aliis Apostolis etiam collectivè, *pag. 273. nu. 1. & 2. & pag. 276. n. 12.* Perfectiùs Christum cognovit quàm alii ibidem *n. 3. & n. 11.* Deo inspirante locutus, *pag. 274. n. 4. & pag. 275. n. 8.* Illi verè, ac propriè tacta promissio de ædificanda super ipsum Ecclesia, & tradendis illi clavibus, *pag. 274. nu. 5. 6. & 7. & pag. 275. n. 9. & seqq.* Toti Ecclesiæ præpositus, *ibidem n. 9.*

Pius II. qua ratione sententiam Concilium Pontifici præponentem antiquam dixerit, *pag. 310. n. 14.* Possè aliquid fieri quot modis dicatur, *pag. 304.*

Pontifices quo sensu dixerint se non posse à Canonibus *recedere, pag. 305. n. 3. & seqq.*

Pœna pro vero, sed non comperto crimine decreta, revocanda, *pag. 349. num. 2.*

Pontificia potestas cum Metropolitica confertur, *pag. 350. cap. 2. per totum.*

Potestas secularis non excusatur ob Clerici patientiam, si ei injuriam inferat, *pag. 727. nu. 8. 9. & 10.*

Potestatis spiritalis, & temporalis distinctio suè probatur, *pag. 619. cap. 1. per totum.* Illa distinctio plurimùm juvat ad definiendas controversias inter utramque potestatem, *pag. 623. n. 12.* Deprehendi potest in regiminè Ecclesiæ Gallicanæ, *pag. 719. n. 8.* Non semper ita clarè, *pag. 743. n. 9. & seqq.*

Pragmatica sanctio S. Ludovici suspensa, & saltem quoad articulum 5. qui

# NOTABILIUM.

qui ad Curiam Romanam pertinet, falsa *pag. 44. cap. 15. per totum.*  
 Pragmaticæ functionis Caroli VII. editio *pag. 50. n. 3.* Abrogatio *ibidem n. 4.* A Senatu, & Universitate studii Parisiensis aliquandiu est propugnata, *ibid. n. 5.*  
 Prædicatores in suo munere delinquentes ab Ecclesiastica potestate puniendi, *pag. 667. n. 10.*  
 Presbyteri an sint æquales Episcopis ex sententia S. Hieronymi, *pag. 531. n. 4.*  
 Presbyterorum cum Episcopo consensio utilissima, & convenientissima, *pag. 532. n. 9. & seqq.*  
 Primates à Papa constituti, *p. 492. n. 1.*  
 Principes Ecclesiam persequentes cur non omnes depositi, *pag. 209. nm. 3. & 4. & pag. 212. n. 2.*  
 Principes in temporalibus Ecclesiasticæ potestati subesse probatur à *pag. 170. usque ad pag. 215.* Ordine notato in Indice Capitum *libri 5. & pag. 582. n. 8. pag. 589. cap. 6 per totum. pag. 605. n. 5. & seq. & p. 610. nm. 2. & 3.*  
 Quod Principes in temporalibus Ecclesiasticæ potestati subtrahantur non pertinet ad libertatem Ecclesiæ, *pag. 155. cap. 1. per totum.*  
 Principes judicia Ecclesiastica debent ad Ecclesiam remittere, *pag. 701. cap. 4. per totum.* Non debent assignare Iudices alienos Episcopis aut Clericis, *pag. 706. n. 2. & seqq. usque ad 10.*  
 Principes non eodem modo Episcopis atque Summo Pontifici subjacent, *pag. 206. n. 6.*  
 Principes non possunt dici capita, sed defensores Ecclesiæ, *pag. 579. n. 1. & seqq.* Non possunt licite impedire quo minus Episcopi ad Concilia accedant, *pag. 123. n. 7. & seqq.* Non debent judicia Conciliorum suspendere prætextu inversi Ordinis à se præscripti, *pag. 710. n. 10. & seqq.*

*& pag. 712. nm. 1. & seqq.*  
 Principum potestas non est immediate à Deo, *pag. 164. cap. 4. per totum. 1*  
 Principum potestatem intra proprios limites cohibendi major necessitas, quàm Ecclesiasticam restringendi, *p. 157. n. 9. & p. 649. n. 14. & seqq.*  
 Principes non temerè offendendi, *pag. 158. n. 1. & pag. 161. n. 11. Sed potius eis autoritas concilianda, pag. 164. nm. 1. & 2.*  
 Principes Ecclesiasticæ potestati submittere quantum ad temporalia, non est doctrina odiosa bonis Principibus, sed malis, *pag. 158. n. 2. & seqq.* Doctrina contraria est injuriosa, & noxia Principibus, *pag. 159. n. 3. & seqq.* Non est consona verbo Dei, *pag. 162. cap. 3. per totum.*  
 Privilegia Regularibus à Summo Pontifice concessa valent, *pag. 720. nm. 9. & seqq.*  
 De Privilegio consecrandi Monasterii à Fulcone Andegavorum Comite in Pago Turonico fundati, *pag. 722. nm. 13. & 14.*  
 Probationum in judiciis necessitas, *pag. 348. n. 7.* Quales esse debeant, *ib. n. 8.*  
 Progressus rerum notandus, quia res non mutata nominibus sæpe mutantur, *pag. 2. n. 3.*  
 Puteanus in unum volumen rededit omnes tractatus antea scriptos de libertatibus Ecclesiæ Gallicanæ, *pag. 142. n. 1. & pag. 616. n. 1.* In altero volumine probationes edidit *p. 143. n. 4. & pag. 617. n. 2.* Regis Christianissimi dominium non solum in plura Regna, sed etiam in Ecclesiam videtur voluisse protendere, *pag. 143. n. 5.* Et alias jurisdictionem seculari in Ecclesiasticæ detrimentum extendere, *pag. 617. nm. 3. & 4.*  
 Puteanus Regis non Ecclesiæ rationes defendit, *pag. 614. nm. 2. & seqq.*

N A N N N 3.

R. R.

# INDEX RERUM

## R.

**R**eges Gallie in 1. Dynastia Conciliis sæpe interfuerunt, pag. 126. num. 13. In 2. & 3. Dynastia rarius, ibidem num. 12. & 14. Libertatum Ecclesie defensores dicti olim non sunt eo quod Sum. Pontificibus restitissent, pag. 128. n. 4.

Regulares privilegia sua tenentur exhibere, pag. 602. n. 21.

Regularibus delegatis à Papa constitentis satisfaciit præcepto Ecclesie, pag. 599. n. 15.

Regularium negotia apud Superiores Ecclesiasticos tractanda, pag. 671. n. 1. & seqq.

Ad Residentiam obligant Canones, & Principes eorum executores, pag. 646. n. 4 & 5.

Richerii libellus de Ecclesiastica & politica potestate multifariam damnatus, pag. 136. n. 6. & seqq. usque ad finem capituli.

Richerii iudiciz odium potius, quam auctoritatem conciliant declarationi Comitorum Cleri Gallicani, pag. 534. num. 1. & 2. & pag. 609. cap. 9. per totum. Non sumuntur à testimoniis antiquis, pag. 594. n. 2. & seqq.

## S.

**S**chisma quid sit, pag. 390. num. 2. Ejus inter Romanos & Avenio-

nenses Pontifices origo, ac finis, pag. 48. n. 1. & 2.

Senatus in Gallia non sunt Curie mixtæ, pag. 808. num. 5. & 6.

Siricii ad Anysium epistola non præjudicat infallibilitati, ac superioritati Papæ, pag. 297. cap. 17. per totum.

Sententia Pastorum licet iniusta timenda, pag. 349. num. 11.

Sixtus V. defenditur adversus Launoium, pag. 457. n. 13. & seqq.

S. Stephanus Papa defenditur contra Launoium circa Baptismum ab Hæreticis collatum, pag. 448. n. 2. & seqq.

Subsidia quomodo Summo Pontifici, ac Regi præstanda, pag. 676. cap. 12. per totum. Quantum nocent Principibus, si exigantur indebitè, pag. 678. n. 8. & seqq.

## T.

**C**irca Testamenta Clericorum controversiæ à Iudicibus Ecclesiasticis definiendæ, pag. 789. n. 3.

Theologi officium, pag. 242. n. 3.

Translationes in Gallia frequentes, & persiciose, pag. 361. n. 4.

## V.

**V**ibertus Pontificem Concilio præposuit, licet ipsum aliquando deponi posse senserit, pag. 309. num. 12. & 13.

ERRATA.

Pag. 6. 11.  
quoniam, leg.  
lano. p.  
1. 12. lau.  
P. 32. n.  
Pay (P.  
vocarent  
fuerit, ad  
qualiqui  
dimis in  
intit. ca  
P. 8. 1.  
P. 89. 1.  
vindica  
lege in  
P. 117.  
12. 1.  
de, ne  
Afra  
P. 1. 1.  
ge, pr  
n. 5.  
ivs 2.  
lege  
adde  
quisi  
Dni.  
1. 2.  
P. 3.  
sua.  
chi,  
diat.  
P. 3.  
P. 3.  
and.  
P. 3.  
n. 8.  
clasi  
ez.  
T.  
Ga.  
ani  
qui  
n.  
(P.



Pag. 6. lin. 12. *At non*, lege, *At nonne*. p. 8. l. 8. *ordine*, lege, *ordini*. p. 15. l. 2. *ad quem*, lege, *ad quam*. Ibid. num. 3. l. 3. *Et*, lege, *ut*. p. 16. n. 4. l. 4. *illos*, adde *Trullanos*. p. 25. n. 7. l. 6. *Anastasi*, lege, *Athanasii*. p. 28. n. 11. l. 2. *eos*, lege *eos*. n. 13. l. 12. *laudata*, lege, *laudata*. p. 30. n. 7. l. 16. *ejus tempore*, lege, *ante ejus tempora*. p. 32. n. 1. l. 21. *aut*, lege, *hæc*. p. 34. n. 1. l. 9. *an*, lege *Et*. p. 37. l. 11. adde *verbo du Puy* (Pierre). Ibid. n. 1. l. 9. *definiuit*, lege *definierat*. p. 39. n. 7. l. 1. *vocantur*, lege, *vocarentur*. l. 3. *ea*, adde, *tantum*. p. 42. n. 7. l. 5. *primum*, lege, *primo*. p. 44. l. 4. *fuere*, adde, *postea*. p. 63. n. 1. l. ult. *contrarii*, lege, *contrariam*. p. 65. n. 8. l. 3. *quicquid*, lege, *quid quæ*. p. 69. n. 8. l. 10. *faciam*, adde, *dumtaxat*. Ibid. n. 9. l. 4. *vidimus in exemplis supra expensis*, lege, *videbimus in exemplis infra referendis*. p. 76. in tit. capituli, *à promulgatione*, lege, *ab acceptatione*. Ibid. l. ult. ipse; adde, *Gratianus*. p. 85. n. 3. l. 5. post ( *obligationem* ), adde *virgulam*, post ( *asserat* ) dele duobus puncta. p. 89. n. 3. l. 5. *suum*, adde, *Petrum*. p. 93. n. 3. l. 1. *prima*, lege, *primo*. n. 4. l. 1. *vindictæ*, lege, *indictæ*. p. 101. n. 5. l. 4. *exemplo*, lege, *exempla*. p. 110. *conulescerent*, lege *insulescerent*. p. 112. *quintum*, lege, *tertium*. p. 116. *Prælatoria*, lege, *prælatoria*. p. 117. n. 2. l. 9. *Ebbone*, lege, *Ebboni*. p. 148. n. 7. l. 13. *Næ*, lege, *Næ*. p. 150. n. 12. l. 6. post ( *secularer* ) adde punctum interrogans ? p. 160. n. 7. l. 11. *secuti*, adde, *non*. p. 161. n. 10. l. 5. *in fideles*, lege, *infideles*. p. 195. n. 6. l. 1. *Auferimus*, lege, *Auferimus*. p. 197. n. 5. l. 10. *Nanguis*, lege, *Nanguis*. p. 210. l. 11. *præsentiss*, lege, *præsentiss*. Ibid. n. 10. l. 8. *securitati*, lege, *securitati*. p. 235. l. 4. *profectum est*, lege, *præfatus est*. p. 241. l. 10. *si inter se*, omite. si. p. 244. *veræ*, lege, *veræ*. p. 245. n. 5. l. 4. *à Constantino*, lege, *à Pontifice Romano*. p. 246. l. 19. *titulus est*, adde, *CVTVS SIT CONGREGARI CONCILIA*, 13. *verò*. p. 247. n. 7. l. 42. post ( *scilicet* ) sic lege, *Consistum à Sacerdotibus*, *mandatum à Constantino*. p. 248. l. 31. *convocatum*, adde, *concludere*, *ab ipso dumtaxat fuisse convocatum*. p. 255. l. 4. *requisit*, lege, *requisisti*. p. 258. n. 16. l. 12. post ( *agebatur* ) adde punctum. p. 281. *Dupleix*, lege, *Dutailx*. p. 282. l. ult. *res*, lege, *se*. p. 284. n. 7. l. 3. *provocare*, lege, *provocari*. p. 294. l. 2. *gaudent*, lege, *gaudent*. l. 4. *dicendi*, lege, *docendi*. p. 320. *opinionis*, lege, *erroris*. p. 326. n. 2. l. 6. *se*, lege, *sibi*. l. 10. dele, *præterquam quod*. p. 327. n. 5. l. 4. *sua*, lege, *tua*. l. 9. *incitando*, lege, *imitando*. p. 328. n. 7. l. 7. *scilicet*, adde, *Episcopus*, *ita nec Patro*, *ubi*, *ut Episcopi jurisdictionem oblatæ*, *quæ Patrochia ac Diocesis propriis & immediate subest*. l. 16. *quæ*, adde, *etiam magis*. p. 347. n. 5. l. 3. *feratur*, lege, *feratur*. p. 358. l. 6. *deprehenidos*, lege, *promovendos*. p. 363. n. 10. l. 6. *jura*, lege, *Beneficia*. p. 367. l. 16. *illam Papa sententiam*, lege, *illa Papa sententia*. p. 371. l. 7. *audis*, lege, *audis*. p. 372. l. ult. *Romanos*, adde, *Episcopos*. p. 382. n. 5. l. 1. in art. 2. lege, in art. 2. p. 383. l. 4. *vocatum*, lege, *deputatum*. p. 386. n. 2. l. 4. *in qua*, lege, *in qua*. p. 388. n. 8. l. 5. *Symbolum*, lege *in Symbolum*. n. 10. l. 5. *quod*, lege, *quos*. p. 399. l. 1. *Ecclēsia firmitate*, lege, *Petri firmitate*. p. 408. n. 10. l. 16. *deletis*, lege *deseris*. p. 414. l. 5. *ea*, lege, *ex*. p. 415. n. 12. l. 10. *Concilia*, lege, *consilia*. p. 417. n. 5. l. 4. *Gervorgia*, *Tetbirga*. p. 423. l. 8. *parat*, lege, *pararet*. p. 427. l. 4. *panderij*, adde *apud modernos Gallos*. p. 431. l. ult. *quomodo*, lege *quando*. p. 432. n. 8. l. 5. *herbis*, lege, *verbis*. l. 21. ante ( *scilicet* ) lege, *successores*. p. 433. l. 1. *non*, lege, *nos*. p. 444. n. 9. l. 1. *quid*, lege, *qui*. p. 466. *consultant*, lege, *consultant*. p. 468. l. 8. *deplorant*, lege *deperunt*. p. 470. n. 10. l. 15. *reperire*, adde, *non*. p. 472. n. 2. l. 1. *hujus*, lege, *hujus*. p. 478. l. 5. post ( *pylerus* ) loco puncti, pone virgulam. p. 479. n. 6. l. 3. dele, *per*. p. 492. n. 11. l. 5.

pro.

*propria*, lege, *propria*. l. 8. *audet*, lege, *audet*. p. 493. n. 1. l. 9. *Caroli*, lege, *Caroli*  
*loci*. p. 494. l. ult. *revocavit*, lege, *temperavit*. p. 496. n. 1. l. 2. *signum*, adde, *ordina-*  
*rium*. p. 497. n. 3. l. 6. *Magnus*, adde, *epist.* 7. & 8. lib. 4. & *epist.* 15. lib. 12. *Hono-*  
*rius* l. *epist.* 5. & 6. & dele, *cujus verba supra retulimus*. p. 503. l. 7. ab ea. lege, *ab*  
*ejus*. p. 509. n. 3. l. 7. *abhorrent*, lege, *abhorret*. p. 510. n. 5. l. 1. *seu*, lege, *eum*. p. 514.  
 l. 2. *suus*, adde, *sed ab ejus Vicarius*. p. 523. l. 15. *Epistola*, adde, *secundum aliquos*.  
 p. 524. l. 19. *asque*, lege, *aut*. p. 527. l. 4. *Petro*, adde *principaliter*. l. 17. *hæc verba*  
 ( *apud Sedem Apostolicam Romana Ecclesia.* ) *legenda sine puncto distinguente*. p. 530.  
 l. 1. *rationem cum eis*, lege *rationem pro eis*. p. 531. l. 4. *Arriana*, lege *Arriana*. p. 538.  
*Judici*, lege, *Judici*. p. 543. n. 13. l. 19. *designasse*, adde, *aliquas*, *sed assignasse*. p.  
 561. *quos*, lege, *quas*. p. 562. n. 17. l. 5. *Pontifici*, lege, *Pontifi*. e. p. 563. l. 1. *exoritur*.  
 lege, *exoritur*. p. 564. l. 14. *Arelatensis*, lege, *Arelatensi*. p. 567. l. 5. *hunc*, lege, *nunc*.  
 p. 568. n. 4. l. 8. *imposui*, lege, *imposui*. l. 11. *anepiscopus*, lege, *anepiscopus*. p. 573. l. 8.  
 & lege, *ex*. *Ibid.* n. 12. l. 8. *tanto*, lege, *tanta*. p. 574. post ( *ipsis* ) adde punctum.  
 p. 578. n. 21. l. ult. *adeo*, adde, *eum*. p. 581. n. 6. l. 9. *isus*, lege, *isus*. p. 587. n. 15.  
 l. 7. *præsumenda*, lege, *præsumenda*. p. 589. n. 1. l. 18. *questio est*, adde, *an territo-*  
*rium habeat Ecclesia*. pag. 592. n. 6. l. 1. *Launius*, lege, *Richerius*. p. 595. n. 5. l. 15.  
*pollicitationibus*, lege, *solicitationibus*. p. 604. n. 3. l. 11. *sibi*, lege, *sibi*. p. 606. n. 6. l. 12.  
*Pontificis*, lege, *Principis*. l. 16. *deberet*, lege, *debere*. p. 610. n. 2. l. 3. *alia*, lege, *alii*.  
 p. 615. n. 7. l. 4. *inconcussas*, lege, *inconcusso*. p. 617. n. 2. l. 5. *probationes*, adde, *in istud*.  
 p. 619. n. 1. l. 6. post ( *absorbeat* ) tollenda virgula. post ( *altera* ) addenda virgula.  
 p. 620. n. 4. l. ult. *Tolemai*, lege, *Ptolemai*. p. 623. l. 3. *Valentianum*, lege, *Valentinia-*  
*num*. *Ibid.* n. 3. l. 3. *gregem*, lege, *Regem*. p. 625. n. 3. l. 8. *mirabile*, lege, *mirabili*. p. 629.  
 n. 10. l. 15. *tandem*, lege, *tandem*. p. 639. l. 7. *justissime*, lege, *justissime*. p. 648. l. 5. *qui à*.  
 lege, *quia*. p. 654. n. 9. l. 7. *ceteros*, lege, *ceteris*. p. 662. n. 12. l. 5. post ( *docet* ) tol-  
 lendæ duæ virgulæ à margine. p. 669. n. 15. l. 7. *materialis*, lege, *materialis*. p. 674. l.  
 penult. post ( *proditione* ) tollatur virgula. p. 680. l. 9. *ut & Galli*, lege, *aut ut Galli*.  
 p. 682. n. 18. l. ult. *sentiant*, lege, *sentiant*. n. 19. l. 3. post ( *Capitularibus* ) sic lege,  
 lib. 7. *qui est* 3. *Benedicti* *Levis* a cap. 132. p. 686. n. 8. l. 5. *cometur*, adde, *ferre*. p. 692.  
 l. 17. adde, *at, ut puto, non propter negligentiam, sed propter Curia mutationem*. p. 697.  
 n. 7. l. 10. *ceteros*, lege, *ceteris*. p. 702. *Anastarii*, lege, *Anastasi*. p. 705. l. 11. *Rei*.  
 lege, *rei*. p. 709. n. 7. l. 26. *retrudatur*, lege, *retundatur*. p. 717. n. 3. l. 7. *autem*, adde,  
*rei confirmatur*. p. 720. l. penult. *Cluniacensis*, adde *veris*. p. 729. l. antepen. *sic*, lege,  
*feri videtur*. p. 730. l. 5. *Tolosanum*, adde, *modernum*. l. ult. 4. adde ante finem.  
 p. 731. l. 3. *tua*, lege, *sua*. *Ibid.* n. 7. l. 4. *ferre*, lege, *fore*. p. 744. l. 9. *Germanico*, lege,  
*Germanica*. p. 759. delendæ virgulæ, in margine duarum ultimarum linearum. p.  
 764. n. 4. l. 5. post ( *Magni* ) dele ( *Theodosii* ) l. 6. *III*, lege, *I*. p. 772. n. 5. l. 11.  
*frui*, adde, *non*. p. 780. in tu. & n. 1. l. 1. c. 2. lege, c. 20. p. 781. l. ult. *Augustinus illius*  
*causis*, lege, *Angustorum illorum causam*. p. 794. n. 6. l. 3. *consecutur*, lege, *consecu-*  
*tura*. p. 795. n. 9. l. 28. *jam*, lege, *iam*. p. 798. l. 5. *Buluc*, lege, *Duluc*. p. 801. n.  
 14. l. 7. *Episcopi*, lege, *Episcopalis*. p. 818. n. 6. l. 11. *alii*, lege, *alii*. p. 820. n. 13.  
 l. 5. *Paschalis*, lege, *Paschale*.

Cætera, licet nonnulla Grammaticæ Leges violare videantur consultò præter-  
 misimus, quia, cum facillimè deprehendantur, legentes non remorabuntur.







